



BIBL. NAZ.  
Vol. Emancip. III

RACCOLTA  
VILLAROSA

G  
02  
NAPOLI



Vol. 8. 102  
17947  
**GRATIANI CANONES**

GENUINI AB APOCRYPHIS DISCRETI,  
CORRUPTI AD EMENDATIONUM CODICUM FIDEM EXACTI,  
DIFFICILIORES COMMODA INTERPRETATIONE ILLUSTRATI  
OPERA ET STUDIO

**CAROLI SEBASTIANI BERARDI**

PRESBYTERI VNELIENSIS,

In Regio Athenæo Jurisconsultorum Collegio adscripti,

Et Jurisprudentiæ Studiis in Regia Academia Præfecti.



**TAURINI, MDCCLII.**  

---

**EX TYPOGRAPHIA REGIA.**





# REGI AUGUSTISSIMO

CAROLUS SEBASTIANUS BERARDUS.



*Uoties animo repeto , REX AUGUSTISSIME , varias  
temporum rationes , præsertim vero cum antiquis  
nostra , & recentia confero , incredibili quadam  
mentis voluptate , atque jucunditate perfundor , quod beatissima , ac  
propemodum aurea ætate me natum intelligam , ea videlicet , qua  
ad*

\*\*\*

ad effingendam Optimorum Principum formam non sunt memoria recolenda veterum monumenta, neque adeo utendum Maronis arte, qui Augusti laudes nonnisi a priscorum Latini Imperii Condiitorum virtutibus repetendas censuit. Enimvero, ut Ecclesiæ universæ, in cujus unitate Deo dante consistimus, præest hodie is Pontifex Maximus, cujus & eximiam, uberrimamque doctrinam, & summam rerum gerendarum prudentiam, ac gravitatem, perpetuum acerrimumque Religionis tuendæ, propagandæque studium, ceterasque dotes omnes, quæ Christi Vicarium deceant, nemo non admiratur; ita nos quidem in hoc illustri Regno eo Principe gloriamur, qui ob pulcherrima, & pene innumera animi decora non tam Rex optimus, quam optimum magnorum Regum exemplar jure, meritoque existimatur. Tuum certe nomen, REX AUGUSTISSIME, ad remotissimas etiam gentes jamdiu detulit præclara fama communi bonorum omnium consensione excitata. Hac constantissime celebrantur & summa pietas in Deum Tua, atque religio, qua cum divina omnia, & sacra publice tueris, tum ad honestatem mores Tuos, animumque componis, & prudentia eximia, qua singula, ut sapientissime constituis, ita certa cum vi, nec sine propria quadam lenitate moderaris, & rara illa in quacumque fortuna æquabilitas universæ vitæ, & sane paterna in subditos benevolentia, qua eorundem utilitati vigilantissime prospicis, & rei militaris scientia, invictumque animi robur, quibus & Tibi maximam superioribus bellis gloriam, & civibus incolumitatem peperisti, & munificentia illa, qua plurimas hujus Regni partes aut ædificiorum elegantia exornare, aut firmissimis præfidiis, operibusque munire pergis in dies, denique in bonas artes, earumque Cultores amor mirificus, ac vere Tuus, ob quem scilicet tantum illæ sibi splendoris, & gloriæ pollicentur, quantum ab optimo quoque, ac beneficentissimo Rege sperare unquam potuerint; quippe quum semel in Tuam fidem receptæ nullam non modo aut calamitatem, aut injuriam pertulerint, sed pacato, tranquilloque semper otio usæ magna subinde ceperint incrementa.

Egre-

Egregiam hanc Tuam in literas voluntatem, REX OPTIME, satis omnes quidem Regni Urbes, oppida omnia loquuntur; eaque cum in multis aliis, tum maxime cernitur in Athenæo, ac Nobilium Adolescentium Academia, quæ Tuo præsidio, ac munificentia ita forves, ut nihil prope antiquius Tibi esse videatur. Hinc autem, quando nihil est iudicio Principis efficacius ad studia hominum excitanda, complures inveniuntur, qui pro virili parte, atque in ea, quam quisque privatim excoluisset, disciplina, aliquid conarentur, quo & gratiam apud Te inirent, & quæ Tua mens est, publicis commodis, utilitatique servirent. Equidem, ut de me ipse profitear, quoniam vitæ institutum ad divinarum rerum scientiam vocabat, ad Juris Ecclesiastici prudentiam eo libentius animum adjunxi, eo-que alacrius illud curriculum sum prosecutus, quod sæpius acceperem, Clericos, quicumque ad Te vel officii causa, vel imperaturi aliquid accedant, a Te ipso audire solitos, id & Tibi probari maxime, & e Republica esse, ut sacrorum Ministri Ecclesiæ canonum quamperutissimi sint, quo cum Diœceses recte administrantur, tum sua Civibus tranquillitas constet. Jamvero quum privato studio nonnulla meditatus sim, in emendatione præsertim Gratiani Codicis, & commoda multorum Canonum interpretatione, quæ fortasse inutilia non fuerint Sacrorum Canonum Cultoribus, quid ego veementius optarem, quam ut opus meum, qualecunque tandem futurum esset, Augustissimo Tuo Nomini consecrarem? Sane quoties rem ipsum, qua de agitur, materiemve operis necum ipse perpenderem, nunquam dubitavi, quin te Summo Principe, ac Patrono digna videretur; illa siquidem eadem est, quam duobus ab hinc circiter sæculis tres Pontifices Maximi susceperunt, pluribusque selectis Viris Egregiis discutiendam mandarunt. De opera vero mea, industriaque, & ingenio nihil penitus cogitavi in hoc suscipiendo consilio; sed rapi me statim, & facile sensi in spem maximam Clementiæ Tuæ; noveram enim probe, quam benigne singulos suavissimo Imperio Tuo subiectos, tamquam amantiissimus omnium Parens, excipere sem-

semper consueveris : quum vero mihi veniebat in mentem , me Aibeni Tui Taurinensis alumnus , in eo jampridem honestissimis insignibus decoratus , postremo in Academiam Tuam ad erudiendos Nobiles Adolescentes Jurisprudentiæ studiis addictos a Gubernatore Vigilantissimo Te probante accitum fuisse , omnia quidem me certo considerare jubebant , fore , ut singularia hæc Tua in me beneficia novo etiam merito tueri velles . Nunc quum vota hæc mea liberalissime , benignissimeque compleveris , REX AUGUSTISSIME , liceatque mihi in præsentia sub Tuis faustissimis Auspiciis hoc opus edere , gaudeo summo opere , vehementerque lætor : & quamvis minimam fortasse laudem in his voluminibus concinnandis meruerim , nunquam tamen non juvabit labores meos utcumque in Tutela tantæ Principis fuisse , visumque dignum me quoque inter tot alios homines præstantissimos Patrocinio Tuo . Dum vero tantum hoc acceptum beneficium mihi ipse gratulor , quum nullum supersit , quod exhibeam , grati , obsequentisque animi monumentum , unum illud a Deo Optimo Maximo etiam atque etiam precabor , ut Te ad hujus Regni felicitatem quam diutissime servet , Regiæque Familiæ decora ita fortunet in dies , ut in generosis Successoribus Tuis idem animus Tuus perpetuo vigeat , quod quidem & nos exoptamus , & egregiæ virtutes ipsæ Filiorum Principum certissime pollicentur .



# Index Observationum, quæ in Præfatione universi Operis habentur.

<i>In universum Opus Præfatio.</i>	<i>pag. 1.</i>
<i>Observatio 1. Quales generatim esse potuerint Ecclesiastica juris- prudentiæ Codices usque ad Gratiani aetatem.</i>	<i>pag. IV.</i>
<i>Observ. 2. Quales revera fuerint peculiare sacrorum canonum Col- lectiones ante Gratianam, &amp; primo de ea, quæ vulgo dicitur: Codex canonum Ecclesiæ universæ.</i>	<i>pag. VII.</i>
<i>Observ. 3. De Celebrrioribus vetustis Græcorum Collectionibus.</i>	<i>pag. XIII.</i>
<i>Observ. 4. De Collectionibus vetustis Latinis, quæ peculiaribus Ec- clesiis adscribuntur.</i>	<i>pag. XVII.</i>
<i>Observ. 5. De ceteris Latinis Collectionibus Ante-Gratianis præ- ter quorundam studio elucubratæ.</i>	<i>pag. XXVIII.</i>
<i>Observ. 6. Quid ex prædictis generatim sentiendum sit de Grati- ani Collectione.</i>	<i>pag. XXXV.</i>
<i>Observ. 7. De persona, indole, &amp; studio Gratiani.</i>	<i>pag. XXXVI.</i>
<i>Observ. 8. De tempore, quo Gratianus Collectioni suæ operam de- dit.</i>	<i>pag. XXXVII.</i>
<i>Observ. 9. De Gratiani methodo, &amp; ejusdem Collectionis argu- mento.</i>	<i>pag. XXXIX.</i>
<i>Observ. 10. De iis, quæ Gratiano Codici jam per Auctorem suum absoluto accesserunt.</i>	<i>pag. XLV.</i>
<i>Observ. 11. De Gratiani Codicis mendis, &amp; ipsius Correctione.</i>	<i>pag. XLVII.</i>
<i>Observ. 12. De Gratiani operis receptione.</i>	<i>pag. XLIX.</i>
<i>Conclusio.</i>	<i>pag. LI.</i>

## Index Capitum, quæ in primo hoc Volumine continentur.

<i>De Canonibus Ecclesiasticorum Conciliorum nomine a Gratiano re- latis.</i>	<i>pag. 1.</i>
<i>Cap. 1. De Canonibus, qui Apostolis tribuuntur.</i>	<i>5.</i>
<i>Cap. 2. De Canonibus Concilii Eliberitani.</i>	<i>24.</i>
<i>Cap. 3. De Canonibus Concilii Ancyran.</i>	<i>35.</i>
<i>Appendix de can. 12. cau. 26. qu. 5. nomine Concilii Anquiren- sibus laudato.</i>	<i>40.</i>
<i>Cap. 4. De Concilio Arelatensis.</i>	<i>43.</i>
<i>Cap. 5. De Concilio Neocaesarensi.</i>	<i>55.</i>
<i>Cap. 6. De Romanis Conciliis S. Sylvestro Pontifici Maximo adscriptis.</i>	<i>61.</i>
<i>Cap.</i>	

Cap. 7. De Concilio Nicano I. Generali.	pag. 74.
Cap. 8. De Concilio Gangrensi.	114.
Cap. 9. De Concilio Antiocheno.	122.
Cap. 10. De Concilio Sardicensi.	138.
Cap. 11. De Concilio Laodiceno.	148.
Cap. 12. De Concilio Constantinopolitano I.	158.
Cap. 13. De Concilio Casaraugustano.	165.
Cap. 14. De Concilio Bilonensi.	166.
Cap. 15. De pluribus Africanis, sive Carthaginiensibus Conciliis IV., vel V. Ecclesiae saeculo celebratis.	168.
Appendix de Concilio apud Valentias.	215.
Cap. 16. De Concilio Milevitano.	216.
Cap. 17. De Conciliis pluribus Toletanis.	222.
Cap. 18. De Concilio Ephesino.	264.
Cap. 19. De Concilio Arausicano.	266.
Cap. 20. De Concilio Valsensi.	272.
Cap. 21. De Concilio Hibernensi.	276.
Cap. 22. De Concilio Chalcedonensi.	280.
Cap. 23. De Concilio Agathensi.	300.
Cap. 24. De Concilio Tarraconensi.	317.
Cap. 25. De Concilio Epaonensi.	321.
Cap. 26. De Concilio Gerundensi.	322.
Cap. 27. De Concilio Ilerdensi.	324.
Cap. 28. De Conciliis Arvernensibus sexti saeculi.	329.
Appendix De Concilio Urbanensi.	331.
Cap. 29. De Conciliis Aurelianensibus sexto saeculo celebratis.	331.
Cap. 30. De quinta Synodo generali, sive Constantinopolitana II.	346.
Cap. 31. De Conciliis Parisiensibus.	350.
Cap. 32. De Conciliis Bracarensis.	355.
Cap. 33. De Concilio, quod dicitur Martini Papa.	361.
Cap. 34. De Concilio Autistodorensi.	383.
Appendix De Concilio Urbico.	384.
Cap. 35. De Concilio Matisconensi.	385.
Cap. 36. De Concilio Hispalensi.	386.
Cap. 37. De Concilio Rheimensi.	389.
Cap. 38. De Concilio Rorbomagensi.	395.
Cap. 39. De Concilio Emeritensi.	397.
Cap. 40. De Concilio Eduensi.	398.
Cap. 41. De Concilio, quod Gratianus sextum appellat, sive Trullano.	400.
Cap. 42. De Concilio Vermeriensi.	412.

Cap.



Cap. 43. De Concilio sepimo, seu Nicæno II. generali.	pag. 417.
Cap. 44. De Concilio Compendiensi.	430.
Appendix de can. 19. cau. 32. qu. 7., quem nomine cuiusdam Concilii Gratianus laudavit.	431.
Cap. 45. De Capitulis Hadriani Papæ, quæ & aliquando nomine Concilii Romani laudantur apud Gratianum.	432.
Cap. 46. De Capitularibus Francorum Regum, ac præsertim Caroli Magni.	438.
Appendix 1. De Canonibus Concilii Lugdunensis nomine a Gratiano relatis.	448.
Appendix 2. de Can. 11. cau. 36. qu. 2. nomine Concilii Aquisgranensis laudato.	450.
Cap. 47. De Concilio Cabilonensi.	454.
Cap. 48. De Concilio Turonensi.	462.
Cap. 49. De Concilio Moguntinis.	463.
Cap. 50. De Concilio Meldensi.	473.
Appendix 1. de Can. 1. cau. 35. qu. 2. quem Gratianus ita inscripsit: Gregorius Papa in Synodo Meldensi.	478.
Appendix 2. de Canonibus nomine Concilii Mediomatricis a Gratiano laudatis.	479.
Appendix 3. de Canonibus Concilii Belluacensis.	480.
Cap. 51. De Concilio apud Sanctum Medardum.	481.
Cap. 52. De Conciliis Eugenii II., & Leonis IV. Pontificum Maximorum.	482.
Cap. 53. De Concilio Ticinensi.	488.
Cap. 54. De Concilio, quod dicitur apud Tansiacum.	489.
Cap. 55. De Concilio Wormatiensi.	490.
Cap. 56. De Synodo octava, & nona.	494.
Appendix de Pseudo-Synodo Ptoisiana.	502.
Cap. 57. De Concilio Agrippinensi.	503.
Cap. 58. De Concilio Nannetensi.	504.
Cap. 59. De Concilio Triburiensi.	508.
Cap. 60. De Concilio Altheimensi.	533.
Cap. 61. De Concilio Erpsfordiensi.	535.
Cap. 62. De Concilio Salegustadiensi.	535.
Cap. 63. De Concilio Urbani II. Pontificis Maximi.	536.
Cap. 64. De Concilio Callisti II.	544.
Cap. ult. De nonnullis Canonibus, a Gratiano tribus vel Concilio Maticensi, vel cuidam Concilio Romano.	548.

Imprimatur . Vic. Gen. S. Officii .

V. Salomonus P. & R.

Se ne permette la stampa . Morozzo per la Gran  
Cancelleria .



# IN UNIVERSUM OPUS P R Æ F A T I O.



Ervagata res est, atque in communi prudentia sita, in Gratiani Decreto, quod ceteroquin ad definiendas sive Scholarum, sive fori controversias in Occidentali Ecclesia tanquam magna pars Ecclesiastici juris habetur, quamplurima contineri, ad quæ tuto quis vel scribendo, vel orando, vel iudicando sine meliorum Codicum adminiculo non possit adniti. Jampridem agnitæ sunt frequentes falsorum nominum inscriptiones, passim depravatæ Græci sermonis interpretationes, minus appositæ interjectiones, atque additamenta verborum, omnia ferme, ut paucis dicam, a suis

exemplaribus dissona, & longissime ab Auctorum intelligentia sensuque disjuncta. Quod quidem nemo non videt, quantum semper negotii facessere potuerit viris rerum sacrarum studiosissimis, qui vel in ipsis collectionibus Canonum, quas tanquam venerabilia sacræ doctrinæ deposita scrutari quotidie debent, non leve errandi periculum extimescunt. Eo devenerant aliqui, ut existimarent, collectionem hujusmodi una cum ceteris similibus esse de medio omnino tollendam, ut dein ipsi ejusdem memoria, si fieri id posset, penitus interiret. Sed viris gravissimis, & prudentissimis, qui plurimum tribuere sciverunt vitio illius ætatis, qua sine delectu opus qualecumque foret, vulgus excipiebat, optimum illud semper visum consilium fuit, ut, in collectionis emendationem potius studeretur, ac totis viribus incumberetur; siquidem hac ratione collectoris famæ parcendum videbatur, non enim diris devovendus erat, aut damnandus, qui in obscura sæculi duodecimi caligine non mediocrem sui nominis famam labore, ac studio sibi comparavit, plurimæque utilia in futuræ ætatis emolumentum evulgare scivit, & potuit; præterea inter falsa, corruptaque monumenta plurima adhuc ibidem reperiuntur cum cæteris minime perdenda; quibus addere juvat, universos Scriptores, & Canonum Interpretes hac collectione usos fuisse, atque aliter eandem interire non posse, nisi cum illa Interpretum ipsorum omnium scripta, glossemata, documenta cum maxima disciplinæ nostræ jactura simul intereant.

Hanc ergo suscipiendæ emendationis provinciam Viri sapientissimi adgredi studuerunt, quorum alii meliorem ordinem fragmenta Canonum distribuere, alii capitulum

sententias, & verba cum authographis ipsis scripturis, aut saltem melioris notæ exemplaribus conferre, ac restituere conati sunt, unde majus jurisprudentiæ nostræ decus in dies, & ornamentum accessit. Frustra laudarem, utpote quos vulgaris fama prædicat hac in re celeberrimos præstantissimos viros. Pro omnibus mihi sunt & dignitate, & auctoritate, & rerum agendarum prudentia, sapientiæque venerabiles Pontifices Maximi, Pius IV., Pius V., & Gregorius XIII., qui in rem hanc & fervidius, & accuratius, ut par erat, pro temporis modo hanc emendationem recto consilio meditati sunt, & pari solertia exequuti: horum quippe mandato Viri Gravissimi ex diversis Ecclesiæ Provinciis undequaque selecti Romam convenerunt, (fuerat autem inter ipsos idem Gregorius XIII., antequam Sedem Pontificiam conscendisset), ibidemque veterum Codicum collationibus, quos & Romanæ, & exteræ illustres Bibliothecæ palam fecerant, quoad fieri per tempora potuit, Gratiani Canones correxerunt.

Et quamquam multa tunc illustrata sapientissime fuerint, non potuit tamen integra, & omni ex parte perfecta esse hujusmodi emendatio, quemadmodum polterior ætas animadvertit; ut enim agebat tunc temporis Antonius Augustinus vir hoc in studio apprimè versatus lib. 1. dialogo 14. de emendatione Gratiani: *utinam licuisset omnium fontes adire! neque enim adeo in quibusdam laboravimus*. Quamobrem cum facile sit addere cæpris, viamque a tot, tantisque viris illustri exemplo præmonstratam sequi, nihil mihi penitus animo unquam infedit, nihil optabilius visum est, quam in eadem emendatione ita elaborare, ut eam, si fieri posset, ad exoptatum finem tandem aliquando pro viribus ipse perducerem. Quod ego me perficere posse hodiernis temporibus arbitratum sum, cum post correctionem Romanam maxima supervenerint adjumenta virorum eruditissimorum studio, qui plures vetustos MSS. Codices ediderunt, in quibus Gratianeorum capitum exemplaria diversis quidem voluminibus sejuncta, singula tamen ut plurimum integra exhibentur, atque ubi forte minus integra sunt, ex collationibus eorundem Codicum facili possunt negotio suppleri. Prodierunt ex tunc plenissimæ Conciliorum quæ generalium, quæ particularium collectiones, varia prodierunt Provinciarum acta, solemniūque comitiorum capitularia; prodierunt plures Summorum Pontificum veteres decretales; editas præterea habemus vetulas Canonum collectiones, quæ post Gratianeam fere interitisse videbantur; edita quamplura pontificalia antiqua, excerptiones, admonitiones, nomocanones sive græce, sive latine in publicum evulgatos. Quid memorem Codices Sanctorum Patrum, Scripturumque Ecclesiasticorum, ex quibus collectionem suam Gratianus adauxit, hodie novis illustrationibus, & observationibus mira quadam solertia editos, atque exornatos? Prodierunt uno verbo tot, tantæque antiquitatis eximia monumenta, ut ex ipsis integræ, nec exiguæ bibliothecæ facile extruantur. Quibus cum accefferint elucubrationes virorum eruditorum, qui cæperunt jam Gratianeos Canones critices artis ope discutere, quis exinde non videat facilem viam integræ, & undequaque perfectæ emendationi paratam esse, ita ut nihil aliud post hæc hodie desiderari videatur, quam qui singula sedulo studio colligat, & collecta pro rei merito accommodet?

Quæ cum ita sint, haud temere ego emendationi alias perdifficili manum admovi, & partim laudatorum virorum quum fretus præsidis, tum observationibus edoctus, parim pro modulo ingenii singula scrutatus, istud opus in publicam lucem edere non distuli in communem studiosorum omnium utilitatem; quæ ut major emer-

emergeret, tria potissimum mihi peragenda proposui, videlicet in primis genuinos Canones ab apocryphis discernere, deinde corruptos ad emendationum Codicum fidem exigere, difficiliores demum recta interpretatione, illa potissimum, quæ ex integro contextu deducitur, illustrare; in tribus quippe a Gratiano peccatum erat, quibus consulendum videbatur: sunt autem falsæ inscriptiones, corruptæ sententiæ, explicationes modo parum aptæ, modo etiam auctoribus suis omnino contrariæ. Post hæc meas observationes apertius exinde liquebit, undenam emerferint apud Jurisprudentes, & Pragmaticos tot sacræ jurisprudentiæ monita, quæ identidem apud aliquos ipsorum legimus, parta scilicet vel ex falsa fragmentorum intelligentia, vel ex nimia fide, quam Gratiano olim sine discrimine præstiterunt. Liquebit, dicam, paucis, undenam quis validum, unde dubium, unde etiam infirmum sacræ disciplinæ argumentum deducat. Absit autem a me suprema illa rerum mearum fiducia, qua credam post hæc Gratiani opus ita dici posse perfectum, ut nihil omnino amplius superaddi, nihil, unde majus lumen fragmentis accedat, inveniri possit. Non erubescit fateri cum Antonio Augustino lib. 1. dial. 13. de emendat. Gratiani: *Multa certa esse creduntur, quæ falsa esse possunt, ut alia falsa credimus, quæ vera esse possent fortasse cognoscant.* Sane si qui fuerunt in observationibus hujusmodi apprimè versati, atque eruditi, ipsi procul aliorum invidia laudandi sunt memoratus Antonius Augustinus, necnon Jacobus Sirmondus, utrique enim multum in hac parte debemus: verum uterque qualitercumque exercitati aliquando lapsi sunt, propterea quod reperta posteriore ætate fuerint, quæ ipsos penitus luerunt. Ut exemplum tradam, Antonius Augustinus in dial. 15. lib. 1. de emendat. Gratiani ad canonem 42. causa 11. qu. 3. reprehendit Gratianum, Ivonem, & Burchardum, quod illum Concilio Arvernensi tribuerint, cum potius ex Aurelianiensi laudandus fuisset; aliud tamen scripsisset eximius Antistes, si vidisset Synodum Arvernensem II., quam postea Jacobus Sirmondus evulgavit, ubi legitur memoratum Gratiani fragmentum. Idem evenit Sirmondus ad canonem 4. cau. 1. q. 3., quem legerat in Concilio Nemausensi, ac propterea occasione arripuit carpendi Gratianum, quod ex Concilio Arvernensi, seu Claromontano laudasset. Repertum postea fuit Concilium Arvernense, sive Claromontanum, in quo idem Canon legitur, uti suo loco ostendemus.

Hæc porro omnia me a suscepto consilio revocare non debent: dummodo enim quod per tempora, quibus vivimus, licet, aperiam, pro viribus conatus videbor ad veritatem contendisse, quod solum ab homine ingenuo exoptandum est. Si quid enim posteriore ætate, quod nostram latet, inveniar, non deerunt, quemadmodum nupiam defuerunt, qui novas Jurisprudentiæ sacræ illustrationes palam exhibeant, veterumque defectum suppleant, aut emendent.

Jam vero, ut materiam universam ordinate digererem, a Gratianeæ methodo omnino recessi, non enim illa apta mihi visa est, ut proposito meo satisfacerem. Quamobrem in tres partes opus tributum exhibeo. In priore disseritur de capitibus Gratianeis ad Concilia vel generalia, vel particularia pertinentibus. In altera persequitur sum Gratiani capita epistolis, decretivis Summorum Pontificum attributa. In postrema tradidi, quæ ex Sanctis Patribus, aut Scriptoribus ecclesiasticis Gratianus excepit. Quando vero Gratianeos Canones, sive capita memoro, eos intelligo, quos hodie numeralibus notis designatos post Democharis, Conti, & Romanæ correctionis editiones habemus. Duo quippe leguntur apud Gratianum: in primis Conciliorum, & alterum sententiæ a Collectore relata; deinde ipsæ Collectoris senten-

tiz, quibus quæstiones proponuntur, dirimuntur, declarantur. Sententiæ quidem Conciliorum, & Patrum præcipua observatione dignæ mihi visæ sunt; ipsæ enim solæ tanquam leges hodie & laudantur, & habentur, propterea & nomine Canonis referri, & discretis characteribus apud Typographos edi solent; at sententiæ Gratiani, etsi identidem exornentur quibuidam admixtis Patrum fragmentis, ut plurimum mihi erant inobservatæ: cur enim in privati auctoris doctrinam, atque interpretationem, & studia mea conferam, & sim aliis incitamento, ut conferant sua? Satis mihi erit, si leges ipsæ, siue quæ legum nomine veniunt, expurgentur. Nondum tamen ad rem venio, nisi quædam de Gratiano, & Gratiani ejusdem opere generatim attingam, & quid de eo sentire unusquisque debeat, in universum concludam. Interea vero illud ab humanitate Lectorum jure postulare me posse arbitror, ut si quid parum comite, minusque ornate differenti exciderit, dent facilem veniam illi, qui etsi diligentiam omnem impenderit ad obtinendam integritatem, perspicuitatemque sermonis, ut tamen veritati studeret, debuit in barbarorum ut plurimum Codicum lectionem incumbere, nec potuit apud solos vere Latinos Scriptores diuturna meditatione versari.

### OBSE RVATIO PRIMA.

*Quales generatim esse potuerint ecclesiasticæ jurisprudentiæ codices usque ad Gratiani ætatem.*

**E**TSI maxime utilis semper Ecclesiæ fuerint Sacrorum Canonum collectiones, quemadmodum & cujusque Reipublicæ commodo undequaque consulitur, quum juris, quo vivitur, capita congeruntur in unum; siquidem quæ variis in codicibus divisa sunt, vel difficilius reperiuntur, vel facilius pereunt, quæ vero in unum congesta, uno obtutu singula observantur, ac perpetuo custodiuntur; tamen non raro contingit, ubi plures editæ fuerint collectiones hujusmodi, plurimum exinde detrimenti rebus ecclesiasticis accessisse. Ut enim singularia, quæ exinde emergere potuerunt, incommoda recenseam, primum ex inscriptionibus ortum est, cum v. g. laudaretur ex uno concilio, quod tamen in altero, aut forte etiam in nullo reperiebatur, aut Sancto cuidam Patri aliquid tribueretur, quod alteri, aut etiam neminitribuendum esset. Secundum ad sententias pertinet, quæ ex uno in aliud idiomata, puta ex Græco in Latinum converti debuerunt. Tertium in additamentis, aut detractionibus vocum, aut literarum consistit. Quartum peperit vel pravorum, vel depravatorum usus auctorum.

Quod ad primum attinet, non est dubitandum, frequenter in collectiones menda hujusmodi irrepisse; fingamus enim Canones alicujus Concilii codici Canonum fuisse insertos, quin tamen Concilii nomen inscriberetur, nonne statim ita superioribus Canonibus jungebantur, ut ex eodem deprompti Concilio viderentur? Ex hoc arbitror profluxisse, ut Canones Sardicenses pro Nicænis habiti sæpe sæpius fuerint, quod Nicænis Canonibus subiecti omisso Nicæni Concilii nomine alicubi exhiberentur. Omitto etiam antiquissima ætate non defuisse perfidos homines, qui impiorum scripta fallendi animo virorum insignium nomine evulgaverint, quamobrem in Canone, qui hodie est 59. inter Apostolicos, definiendum fuit: *Siquis falsò inscriptos impiorum libros, tanquam Sacros in Ecclesia ad populi, & Cleri corruptionem publicaverit, deponitor.*

Quod

v

Quod spectat ad secundum, facile itidem est percipere verborum, imo etiam sententiarum varietatem, ex linguarum interpretatione profectam. Si enim hac de causa Divina ipsa Scriptura in Prophetarum oraculis etiam apud Iudæos religiosissime custodita, in doctrinis apostolicis a Christianis hominibus summo pretio habita, & magno zelo traducta aliquando depravata extitit, ut emendatione, teste S. Hieronymo, ex collatione Codicum sive Hebræorum, sive Græcorum indigerit; mirum esse non debet, idipsum sacris Canonibus ad disciplinæ ecclesiasticæ stabilitatem conditis potuisse contingere. Nemo ignorat Canones antiquissimos ferme omnes apud Græcos editos fuisse, quales sunt Nicæni, Ancyran, Neocæsarienses, Gangrenses, Antiocheni &c., qui ad nos nonnisi per Latinas interpretationes derivati fuerunt. Quis nos certiores interea reddat de fide, de integritate interpretis, præsertim cum noverimus Græcos, & Latinos Codices invicem sæpissime dissonare? Quis tuto affirmaverit interpretem Græcæ linguæ vires, & notas apprimè calluisse, ut nec alienum, vel extraneum sensum affluerit, ne dixerim omnino contrarium? Præterea apud Græcos non una fuit, & perpetua Canonum descriptio, sed penes diversas Orientalium Ecclesias diversis quoque notis descripti reperiebantur, quemadmodum eruditi animadvertunt. Quis itaque nobis fideiussor exiit pro Latino interprete, quasi optimum Codicem is, non depravatum fuerit interpretatus?

Tertium mendorum genus ex additamentis, aut detractionibus ortum est; quod optime norunt quicumque in vetustorum MS. Codicum lectione vel mediocriter versati sunt; cum enim nondum inventa esset Ars typographica, & omnia etiam Sacratissima jura manuscriptis Codicibus continerentur, unicuique fas erat vel transcribendo, vel legendo aut notas marginales adponere, aut glossas, ut ajunt, interlineares inferere, aut commodiorem interpretationem subjicere, aut quod forte irrepressibile suspicabatur, litura corrigere. Quid deinde, si hic idem Codex hujusmodi notis adauctus, aut lituris imminutus ad alterius manum deveniret transcribendus? Transcribendus erat notis, & glossis adauctus, ut aliquando in Gratiani Canonibus evenisse propositis in hoc meo opere exemplis adparebit. Qua enim ratione Amanuensis divinaret, quænam verba germana essent, quænam privati auctoris, glossemata? quæ forte etiam divinas, omnia tamen aut ne interirent, aut ut primo auctori honorem deferret, aut commodo studiosorum inserviret, transcribere adamavit. Atque hinc profecta etiam sunt quarti generis menda, quæ aiebam ex usu depravorum Codicum evenisse, & quibus præcipue occasionem præbuerunt improbi homines, qui plura opera luce prorsus indigna Virorum sapientissimorum nomine, uti nuper attigeram, inscripserunt, in quæ incidentes incauti facile labi ex imprudentia potuerunt.

Hæc generalia sunt, & pluribus collectionum generibus accommodata. Addere juvat etiam quædam certis collectionum speciebus peculiariter. Siquidem duo potissimum esse potuerunt genera collectionum, quarum alia privata fuerint, alia publica auctoritate compositæ. De privatis primum dicam. Contigit sæpissime, ut plures viri, quorum aliqui eruditionis gloria clarissimi sunt, ad collectiones Sacrorum Canonum peragendas intenderint, quos nec sui quidem Præsulis movit auctoritas, sed propensio quædam peculiaris vel ad utilitatem studiosorum, vel ad famam sibi cum honore acquirendam, aliquorum etiam ut privatis quibusdam cupiditatibus, certisque, in quibus versabantur, circumstantiis inservirent. Quis itaque horum Collectionum fidem summè ita probabit, ut nihil apud illos, nisi firmum, aut certum referri tuto

tuto asseveret, ubi præsertim nomen auctoris supprimatur, aut adpositum quidem sit, sed nec pietate, nec scientia hominis satis illustre? Calliditas, imperitia, temeritas, oscitantia quid in hujusmodi collectionibus operari non poterat?

Publicæ autoritatis collectiones ad duplicem rursus classem arbitror referendas. Illas in primis publicas voco, quas a primis Ecclesiæ sæculis unufquisque Episcopus ad suæ Diocesis commodum per Notarios, quibus Primicerius præerat, fieri curabat. Statim enim ac Concilia celebrari cœperunt, in quibus lege scripta Canones editi sunt, Episcopi a Conciliis redeuntes Canones ipsos secum adferebant, illosque promulgantes in peculiari Codice præcedentium Conciliorum Canonibus jungentes in tabulario Ecclesiæ suæ adservabant, ad quos deinde oblata occasione, confugerent. Et si quando Episcopi iusta de causa a Conciliis abfuisent, aut a Legatis, quos forte miserant, aut a proximis Coepiscopis Canones in Codicem redigendos postulabant. Immo tanta erat veterum Episcoporum, sicut in cæteris, ita & in hac parte solertia, ut exoptarent etiam Canones alienarum Provinciarum, aut Dioeceseon, ut disciplinam alibi sapientissime constitutam in suam quoque Parochiam alieno exemplo traducerent, & quodammodo suam facerent. Id observant Romani Corredtores ad Canonem 1. di. 20. verbo *Carthaginensium*, ibi: *Eos Canones Sedes Apostolica videtur probasse, & usa eis esse, quando in Codicem Canonum referendos curavit. Eisdem etiam Græci, quo ordine apud Latinos habentur, cum aliis præterea multis Africanarum Synodorum conjunctos in linguam suam converterunt.*

Quoniam vero magna hujus generis Collectionibus reverentia debeatur, quum præsumendum minime sit Sacros Ecclesiarum Antistites & morum sanctimonia, & doctrina Canonum venerabiles aut facile decipi potuisse, aut, quod turpius esset, alios voluisse decipere, præsertim vero quod memoratis Codicibus olim infererentur Canones, statim atque in Conciliis editi fuissent, nihil tamen impedit, quominus aliquando fides aut denegetur, aut subdubitando præstetur. Vel enim unius, aut alterius Episcopi, unius, aut alterius Diaconi, apud quem Codicis custodia esset, unius, aut alterius Notarii, ad quem spectaret aut autographum edere, aut consumptum renovare, improbitas, vel imperitia fat erat, ut integrum, atque optimum volumen vel ausu temerario, vel per imprudentiam labefacteret: Manifestum hujus rei argumentum habemus ex actione 1. Concilii Chalcedonensis. Ibidem Aetius & Diaconorum, & Notariorum Constantinopolitanæ Ecclesiæ primus, quem propterea in Codicum Sacrorum descriptione versatissimum fuisse præsumendum est, ita testatur: *In talibus Sanctissimis Conciliis contingit frequenter (notanda sine hæc vox frequenter) unum ex presentibus reverendissimis Episcopis aliquid dicere, & quod ab uno dictum est, tanquam ab omnibus simul dicatur, & scribitur, & intelligitur.* Id sane in causa erit, cur in Codicem Canonum referatur tanquam regula Ecclesiastica, quod ab uno, aut altero vel disputando, vel etiam dubitando, aut postulando publice in Concilio propositum fuerit. Finge præterea, ut de solis Episcopis loquar, quorum dignitas majorem, quam Diaconorum, aut Notariorum officia, exigit fidem, majorem exigit integritatem; finge Episcopum quenpiam interfuisse Concilio, ubi acerrimam a Coepiscopis, ut olim fieri solebat, passus sit controversiam; finge dein victum fuisse, ejusque sententiam, cujus consortes quosdam habuerat, plurimum consensione fuisse damnatam, & quidem lato decreto, quod inter Canones recenseretur. Is profecto una cum sociis, (nisi homines dederis humanis prorsus affectibus expoliatos,) secum adserens in Diocesim synodalia gesta, & in promulgatione,



& in descriptione in tabularium redigenda, nisi supprimet, quod sibi forte contumeliosum existimat, saltem plurimum in ejus designatione temperabit. Quod si non novam controversiam in Concilio moverit, sed antiquam, & juxta Canonibus definitam contra æquitatem excitare velit, qua solertia non curabit, ut Canones ad eam pertinentes, & jam editi, si pro deperditis haberi non possint, saltem alia forma producantur? Celeberrimum hujus rei exemplum agnoscunt eruditi in Phorio Constantinopolitano Patriarcha, qui adversus Romanam Ecclesiam renovato schismate pugnaturus, Constantinopolitanæ Ecclesiæ suæ Codices vidit, ne in ipsis contentiois suæ moram, aut impedimentum haberet. Apertissimam vero ejusdem rei demonstrationem erueri licet ex actis Concilii Chalcedonenfis, ex quibus adpareret Sacrorum Canonum Codices ecclesiasticorum quorundam administratorum perfidia fuisse corruptos. ut ex sequenti observatione liquebit.

Altera Collectio publicarum species illarum est, quæ videlicet a privato quidem auctore editæ primum fuerint, dein vero publica auctoritate sedula præeunte deliberatione in Ecclesia generaliter recipi poterunt, de quarum propterea fide, & integritate publico inconcusso testimonio sine ulla hæsitandi causa constaret. Sed frustra vel unam hujusmodi Collectionem ante Gratianam quarimus, ut propterea supervacaneum sit in hujusmodi Codicum auctoritate expendenda hoc loco elaborare. Satis mihi est interea, & in ipso scribendi initio generatim observasse, quotquot Canonum Codices ante Gratianum editi fuerunt, in incerta penitus fide vagari, nec aliquem produci unquam posse, cui tuto in omnibus innitatur: non quod ego exinde sentiam ita dubitandum esse de omnibus, ut nullum amplius hodie habeamus Codicibus nostris commendatum firmum veræ doctrinæ, præsertimque disciplinæ præsidium. Observata sint hæc, ut adpareat, quam sit necessarium vetustos Canonum Codices, seu Collectiones invicem conferre, atque eorum sententias ita perpendere, ne sine discrimine fide omni præstita vel in minimis apicibus temere judicemus. Cæterum quoties incidimus in illa monumenta, quæ jamdiu apud omnes veluti eximia sacræ prudentiæ capita habentur, quæque cum temporis, loci, cæterorumque adjunctorum ratione conveniunt, præsertim quæ ab Auctorum, quibus tribuuntur, mente alias explorata non dissonant, nefas arbitror contradicere, aut etiam dubitare, ne forte occasio exinde sumatur improbis hominibus sanctissimas leges, & sacræ Reipublicæ maxime utiles in interitum, ac perniciem fusdeque vertendi. Sobrie, ac moderate, sicut in cæteris, ita præsertim in hac re procedendum est, ne hinc nimia credulitas, hinc nimia temeritas officiat.

## OBSERVATIO II.

*Quales revera fuerint peculiæ Sacrorum Canonum Collectiones ante Gratianam, & primo de ea, quæ vulgo dicitur: Codex Canonum Ecclesiæ universæ.*

**A** Sæculo Ecclesiæ quarto, quo primum Collectiones Canonum fieri potuerunt, usque ad Gratiani ætatem innumeræ propemodum prodierunt; præterquamquod enim in Episcoporum more positum erat, ut suam singuli conficerent, in qua non generalium tantum Conciliorum statuta, sed & peculiaria suæ Dioceseos, vel Provinciæ decreta, sacrosque ritus adfervarent, privati quamplures alias ediderant, ut in superiore observatione nuper prænotabam. Verosimile autem non est

Gra-

Gratianum, dum suum Codicem componeret, omnes prae oculis habuisse; plurimum enim diligentiae ejusdem tribuerem, si vel celebrioribus usum fuisse dicerem, quarum tanta ad nos usque pervenerit. Quamobrem, ut ad Gratianum opus illustrandum paratus accedam, satis erit mihi celebriores Canonum Codices in praesens observare, & quid de iis sentiendum sit, saltem paucis attingere; quociescumque enim Codicum singulorum, quibus Gratianus uti facile potuit, perspicuam tradam, & claram imaginem, jam inde tutius de ipso Gratiani Codice judicabo. Scio quidem nonnullos ex eruditissimis rem hanc agendam suscepisse, atque etiam fuisse pro rei dignitate tractasse. Non erat tamen a me omittenda, vel quod novis adhuc, eisque utilibus observationibus exornari debeat, vel quod necessitas hujus operis id prorsus efflagitet. Utar verbis S. Augustini in Prologo lib. 3. de Trinitate ita scribentis: *Non debet hic labor meus cuiquam pigro, aut multum docto videri superfluum, cum multis impigris, multisque indoctis, inter quos etiam mihi non parva ex parte sit necessarius. Ex his igitur, quae ab aliis de hac re scripta jam legimus, plurimum adminiculati, & adjuti, ea, quae differri posse arbitror, Deo adjuvante, differenda suscepi, ut si alia non sunt hujusmodi scripta, sit quod habeant, & legant qui voluerint, & valuerint. Si autem jam sunt, tanto facilius inveniantur, quanto talia plura esse poterint.*

Itaque differam in primis de Codicibus Graecis, & prae ceteris de illa Collectione antiquissimorum Canonum, quam vulgo *Codicem universae Ecclesiae* appellant. Eam edidit Christophorus Justellus in sua Bibliotheca Juris Canonici veteris novis minime contemnendis illustratam, in qua continentur Canones 207., videlicet Nicani 20., Ancyran 25., Neocaesarienses 14., Gangrenses 20., Antiocheni 25., Laodicei 59., Constantinopolitani 7., Ephesini 8., & Chalcedonenses 29., ideo autem *Codicem universae Ecclesiae* vocarunt, quod crediderint in Chalcedonensi Concilio generali, quod universam Ecclesiam representabat, fuisse probatum, immo etiam, uti plures scripserunt, etiam confirmatum.

Perpendamus acta Concilii Chalcedonensis, ex quibus haec discussio integra pendet. Ex iis autem arbitror manifeste demonstratum iri non solum nullam peculiariter tunc probatam fuisse, ut ajunt, collectionem, sed nec aliquam ibidem peculiariter fuisse selectam, qua Chalcedonenses Episcopi synodali definitionum causa uterentur, quidquid hodie plures ex eruditissimis tradiderint. Illud mihi verosimilius est, tunc Episcopos ad Oecumenicum Concilium vocatos suam singulos attulisse collectionem Canonum, qua unusquisque uteretur, dum suffragium laturus esset, ratus nullum in Concilio recto judicio ferri posse suffragium, nisi quod veterum traditioni solidius inniteretur. Hinc Dioscorum Alexandrinum Episcopum, cum ad Chalcedonense Concilium accessisset, Sanctorum Patrum Athanasii, Gregorii, Cyrilli monumenta in Codicibus detulisse scimus ex actione 1. disti Chalcedonensis Concilii, ubi ita loquens Dioscorus idem inducitur: *& horum (Sanctorum Patrum) testimonia non simpliciter, neque transitorie, sed in libris habeo.*

Quod de hac collectione dici videtur in Chalcedonensi Concilio, sic paucis colligo. Actione 1. cum quaereretur de doctrina S. Cyrilli Alexandrini Episcopi, qui Synodo Ephesinae praesuerat, Eutharius Episcopus Beryti Civitatis Phoenices maritimae Codicem protulit, ubi & Cyrilli epistola continebatur. Hujus sane Codicis nomine nullum alium intelligemus, quam quem Eutharius idem secum attulerat, ubi Canones una cum actis Conciliorum, praesertim generalium, servabantur. Inferius

ferius itidem in eadem actione 1. legitur eundem Eusthatium contulisse Nicznas regulas una cum epitolis Cyrilli, ac inde Concilii Ephesini, omniaque consona reperisse. Quomodo autem conferri poterant hujusmodi monumenta, nisi Codices plures prae Episcoporum manibus haberentur? Illud autem certissimum interea liquet, Codicem hunc, quo usus fuit Eusthatius, non esse Codicem a Iustello editum, cum in hoc & Cyrilli epitolae, & Ephesinae fidei exemplar desideretur. In actione 2. *Gloriosissimi Iudices* (ita habet Labbeana editio) & *amplissimus Senatus dixerunt: Recitentur quae exposita sunt a Sanctis 318. Patribus in Nicæa congregatis: Eunomius Reverendissimus Episcopus Nicomediae civitatis ex Codice recitavit Symbolum 318. Patrum*. Hic erat alius ejusdem Eunomii Codex, quem e Nicomedia secum attulerat. Postea ita sequitur: *Gloriosissimi Iudices, & amplissimus Senatus dixerunt: Recitentur & quae a Sanctis 150. Patribus exposita sunt. Actius Reverendus Diaconus Constantinopolitanae Ecclesiae ex Codice recitavit Symbolum 150. Patrum*. Hic erat Codex Ecclesiae Constantinopolitanae, qui in manibus Diaconi ejusdem Ecclesiae servabatur, ne gratis afferamus eundem Codicem sine causa de manu Eunomii Nicomedienfis ad manus Diaconi Constantinopolitani fuisse translatum. Sed mihi videor habere luculentissimum hujus rei argumentum. Quando petiit, ut legeretur Nicæna fidei expositio, eam legit Eunomius Episcopus Nicomediz: Quando petiit, ut legeretur expositio fidei Concilii Constantinopolitani, eam legit Diaconus Constantinopolitanus. Quid aliud hæc indicant, quam ad Nicænam fidei lectionem Nicænam Provinciam Codicem, ad Constantinopolitanam fidei lectionem Constantinopolitanum Codicem fuisse desideratum? Eunomius Nicomedienfis Episcopus princeps erat Episcoporum in Provincia Bithynia, ubi sita erat Nicæna civitas, proptereaque in Nicæno Concilio Eusebius Nicomedienfis proxime subscripsit ante Theogenem, seu Theognem Nicænum. A quo itaque melius afferri poterat Symbolum Nicænum, quam ab illo, in cujus Provincia & conditum erat, qui quæ etiam forte autographum verosimiliter servabat? At Symbolum Constantinopolitani Concilii, a quonam melius peti poterat, quam a Diacono Constantinopolitanae Ecclesiae, cujus fidei ejusdem Ecclesiae gesta erant commendata? Rursus in dicta actione 2. paullo inferius hæc leguntur: *Gloriosissimi Iudices, & amplissimus Senatus dixerunt: Recitentur & epistola Deo dignissimi Archiepiscopi Regiæ, & senioris Romæ Leonis: Beronicianus devotissimus Secretarius Sacri Consistorii recitavit ex Codice sibi porrecto ab Actio Archiepiscopo Constantinopolitanae Ecclesiae*. En novam Codicis mentionem. Sed hallucinarentur, qui Codicis nomine hic intelligerent Codicem Canonum generalem, illum scilicet, in quo præcedentium Conciliorum Canones continerentur. Qui enim fieri potest epitolam recentem a Leone Magno scriptam, & quæ sententiam Summi Pontificis circa celebrationem, & causas Chalcedonenfis Concilii continebat, vel in ipso Concilii exordio jam in Canonum Codicem generalem fuisse relatum? Res est in apico posita penes eum, qui singula rei hujus adjuncta accurate consideret. Quo enim tempore S. Flavianus Episcopatum Constantinopolitanum tenebat, jam Euthychiana hæresis grassabatur, atque Orientales Provincias fere universas omnino turbabat. Id cum a Leonis Magni aures pervenisset, non omisit Sanctissimus æque, ac prudentissimus Pontifex veram fidei doctrinam datis literis apud eundem Flavianum exponere triennio circiter ante Concilium Chalcedonense, atque ad generalis Concilii convocationem, perpetuamque definitionem fidei ejus animum præparare. Iste epistolæ sunt, quæ in memorata actione secunda, ut legentur, peti-

tum est: istæ sunt, quas Aetius Constantinopolitanus Archidiaconus legendas porrex-  
 it: Istæ sunt, quas Beronicianus Sacri Consistorii Secretarius recitavi. Epistolæ  
 erant non ad singulos Episcopos, sed ad unum Flavianum a Leone directæ. A  
 quonam alio peti poterant, quam ab Archidiacono Flaviani jam tum vita suædi?  
 Epistolæ erant ad causas ipsius Concilii, videlicet ad impugnandam Euthychianam  
 hæresim pertinentes. A quonam recitandæ erant, nisi ab eo, qui Sacri Consistorii  
 Secretarius electus fuerat? Frustra itaque queritur publicus quidam Codex, cum  
 de peculiaribus epistolis ageretur. Hujusmodi autem Codicem frustra etiam apud  
 Justellum quereremus, cum in editione Justelli nulla Leonis ad Flavianum epistola  
 descripta legatur. Pergo ad actionem quartam, ubi post lectam epistolam Archi-  
 mandritarum ad Concilium Chalcedonenſe scriptam pro restitutione Dioscori,  
 provocatum est ad scriptos Ecclesiasticos Canones. Hinc Aetius Archidiaconus Con-  
 stantinopolis (sequor Labbeanam editionem) *Sancta, & Catholica Ecclesiæ dixit: Re-*  
*gula est hæc cum aliis posita a Sanctis Patribus, quam custodientes Sanctissimi Patres*  
*Episcopi docent, & clericos, & monachos, & omnes Christum colentes, si aut resistentes,*  
*aut acquiescere non volentes hac utuntur regula. Et ex Codice relegit hæc &c.* Lectus  
 autem est Canon quintus Concilii Antiocheni. Porro inferior ubi de Caroso, &  
 Dorotheo monachis actum est, qui Euthychem Archimandritam suum sequebantur,  
 Canonum pariter lectio visa est opportuna. *Sancta Synodus dixit: Sacri Patrum Ca-*  
*nones legantur, & Commentariis inserantur: Sumtoque libro Aetius Archidiaconus, &*  
*Primicerius magna Ecclesiæ legit.* Lectus est autem Canon IV. Concilii Antiocheni.  
 En rursus Codicem in manibus Aetii Archidiaconi, & Primicerii Constantinopoli-  
 tani. Sed nihil prohibet alios Codices præ manibus aliorum Notariorum suis Epi-  
 scopis addissentium, aut Episcoporum ipsorum oculis subiectos extitisse. Electus est  
 peculiariter, qui publice aliquando legeretur, Codex Ecclesiæ Constantinopolitanæ,  
 non ob singularem Codicis prærogativam, sed quod Constantinopolitanæ Ecclesiæ  
 maximus honor jam tum deferri a Græcis cœpisset, præsertim etiam quod Chal-  
 cedonenſis Civitas in Constantinopolitana Provincia sita esset, imo non longe a  
 Constantinopoli distita; quomobrem Constantinopolitani Codices facilius, & com-  
 modius in usu esse poterant, quemadmodum in usu eadem ratione fuissent Codi-  
 ces Antiocheni, si penes Antiochiam Concilium celebratum esset. Discussa postmo-  
 dum est causa Phorii Episcopi Tyri, & Eulthatii Episcopi Beryii. Postulavit Pho-  
 rius, ut Canones legerentur: Patribus annuentibus, *Atticus Reverendissimus Episco-*  
*pus Nicopolis Epiri legit.* Lectusque est Canon IV. ex Nicænis. Ecce alium lecto-  
 rem Canonum Atticum Nicopolitanum, quem sane verosimile haud est Codicem  
 Canonum ab Aetio commodatum habuisse, sed potius in suo Codice peculiari legisse.  
 Idem sentiendum est de sequentibus; nam in actione xi., dum dirimeretur causa  
 Balsiani, & Stephani de Epheſino Episcopatu contententium, ita Stephanus idem  
 postulavit: *Supplicio, ut Canones relegantur. . . . Gloriosissimi Judices dixerunt: Re-*  
*legantur hi Canones: Leontius Reverendissimus Episcopus Magnæ ex Codice relegit*  
*regulam 95. (is erat Canon 16. Concilii Antiocheni). . . . Idem Reverendissimus*  
*Leontius Episcopus ex eodem Codice legit regulam 96. (is erat Canon 17. Antioche-*  
*nus).* In actione 13. actum est de privilegio Metropolis Nicomediz ab Eunomio  
 ejusdem civitatis Episcopo. *Gloriosissimi Judices dixerunt: Canones legantur. Beroni-*  
*cianus vir devotus, Magistrianus, & Secretarius Divini Consistorii ex Codice dato ab*  
*Eunomio Reverendissimo Episcopo legit.* Lectus autem est Canon IV. Concilii Nicæni.

Quid

Quid porro significant isthæc omnia, nisi tunc plures in manibus Episcoporum Codices Canonum extitisse, ex quibus unusquisque pro data occasione Canones in publicum legeret? Quid non probant postrema laudata verba, ubi expresse memoratur Codex Eunomii Secretario Concilii porrectus? In primis enim & peculiarem fuisse Eunomii Codicem designatur; deinde cum nullibi in integris hujus Concilii actionibus legatur Codicem Canonum Episcopis pro occasione legentibus porrectum esse, sed tantum porrectum esse Beroniciano Secretario, ut in duobus hujusmodi actorum locis animadvertimus, manifeste concluditur solum Beronicianum delititum fuisse Codice, cæteros vero Episcopos suos unumquemque Codices habuisse. Quod si e contrario publicus Codex pro conciliaribus actis electus fuisset, potius Secretario Beroniciano commissum extitisset, nec ipse indiguisset Codicem Canonum modo ab Aetio Constantinopolitano, modo ab Eunomio Nicopolitano porrectum accipere, quemadmodum accepit dictis in locis actione 2., & 13.

Hæc quæ huc usque rerulimus, Chalcedonenſis Concilii fragmenta illa omnia sunt, quibus ut plurimum innituntur, qui sentiant unum Codicem Canonum in Chalcedonenſi Concilio probatum esse, eumque propterea Codicem Ecclesiæ universæ appellare non dubitant. Sed, ut aperie demonstravi, jam liquet ex ipsis quæ adferunt monumentis, quam infimum habeant opinionis suæ præsidium. Ego hic minime sisto; puto enim ulterius demonstrari posse contrariis argumentis, tantum abesse, ut tempore Chalcedonenſis Concilii confirmatus fuerit, receptusque publicus Canonum Codex, quin potius jam tum conqueri cæperint Antilites Sacri de corruptis, depravatisque Notariorum perversitate Codicibus.

Revera nuppiam fui mens Chalcedonenſium Episcoporum certum Canonum Codicem feligere, eumque probare; ut enim probarent, & tanquam integrum proponerent, opus fuisset deliberatione, & plurium Codicum in omnibus capitibus collatione, de qua minime constat in Synodalibus Actis. Præterea Concilium Chalcedonenſe gravioribus deinebatur negotiis, quæ pertractaret, nimirum curanda erat definitio Fidei, & erroris Euhychiani censura. Hinc in actione 4. ita legitur: *Diogenes Reverendissimus Episcopus Cyzici dixit: Synodus propter Eulychem facta est, non propter aliquid aliud.* Quod tamen magis observandum est, ad Acta Synodalia spectat, quæ vel in ipso Concilio Chalcedonenſi depravata fuisset, & invicem minus consona conspiciuntur. In actione 1. lecta sunt Acta Ephesini Concilii, & cum inter cetera deventum est ad id, quod dixerat Basiliscus Seleuciz Isauriz Episcopus, agnita statim est vocum immutatio ab ipsomet Basilio, qui in Chalcedonenſi Concilio præsens aderat, ita ajente: *Hanc vocem, quam dicunt me dixisse, ego non dixi his verbis, neque scio ista me dixisse.* Hinc exurgens Juvenalis Episcopus Hierosolymorum exclamavit: *Hæc ergo vox adulterata est? Replicavit Basilius. Non sum memor, neque scio dixisse.* In eadem rursus actione 1. ita legitur: *Consulatus Flavii Zenonis, & Posthumiani Virorum clarissimorum sub die 6. idus Novembris ... & postquam relecta est prima, & secunda Actorum series. . . Aetius Diaconus, & Notarius dixit: Petimus sanctam, & magnam Synodum interrogari, auditis propriis verbis, & gestorum serie, ne aliquid falsatum sit, vel corruptum. . . & relecta professione Viri religiosissimi Johannis Presbyteri, & defensoris, Constantius Diaconus, & Monachus dixit: ita non est dictum per vestigia vestra, ut continet &c.* Rursus inferius quædam perhibentur adjecta, quasi a magnificenissimo Patricio dicta, quæ revera dicta non fuerant. Ita habent Acta Chalcedonenſia. *Quemadmodum hæc, quæ non*

est interloquutus magnificentissimus Patricius, gestis inserta sunt? Aetius Reverendus Diaconus, & Notarius dixit: quis vobis hæc distulit? Ego vobis aliquid addere dixi? aut a vobis, vel certe ab aliis hæc audientes fecistis? . . . Et postquam relictum est, Eleusinius Diaconus dixit: non sunt secundum ordinem posita. Post pauca rursum dubitatum fuit de actorum depravatione circa ea, quæ tanquam ab Euthyche dicta proferebantur. Quare plures interrogati, Timotheus, Seleucus, Basilus, & Julianus Episcopi professi sunt se talia antea non audivisse. Dein cum acta relegerentur Codicibus inserta, devenit ad ea, quæ magnificentissimus Patricius dixerat: Magnificentissimus Patricius dixit: hanc interloquutionem non dixi, neque enim idoneus eram dicere. Reverendissimus Episcopus hujus gloriose Civitatis dixit: quæ dicuntur non fuisse tunc dicta, distorum tamen serie continentur. Adnotate vos Notarii: contra vos enim de hoc certamen est, & opportuno tempore requirenda sunt hæc diligentius. Subdidit autem Seleucus Episcopus, Notarios debere de hac re purificare, quanquam dein ita concluderit: Quoniam vero nunc jussu piissimus noster Imperator fieri inquisitionem, si falsata sunt gesta, nunc arbitror non convenire de hoc loqui. In fine hujus discussionis Aetius & Diaconorum, & Notariorum primus ita sese excusavit: usque ad præsens approbavimus nos metipso, in quibus petuimus, & quia sæpe lectione facta nemo nos reprehendit: quoniam vero ante multum tempus dum chartæ prius apud nos essent, Asterius, qui nobiscum est Presbyter, & Notarius, nobiscum constitutus, & agenda descendit, & chartas nostras abstulit, & schedas, & authenticas, & est duorum, aut trium mensium tempus, & nihil ex his habemus. Si ergo in posterum aliquid aut dicitur, aut movetur de præsentis negotio, liberos nos esse debet. Hæc ratio fuit, quare Euthyches dein acta hujus Concilii tanquam corrupta accusavit, ut in eisdem actis legitur, ibi: Precibus datis ab Euthyche Reverendissimo Archimandrita, & accusante gesta, quæ acta sunt, tanquam maligne a Notariis immutata. Sunt hæc Macedonii verba tribuni Notarii, & Referendarii, qui ita subdidit: Cum vero recederem, obvius mihi factus est Asterius (is est, qui schedas, & authenticas abtulerat) conjurans me audire ab ipso, quæ volebat effari. Accusabat autem Reverendum Abraamiam, & Notarios tanquam immutantes in gestis quædam capitula, & quia necessarium habet ipse metuens hujusmodi malignitatem illos quidem ostendere talia, sed sine ejus scientia commisisse. Subdidit post hæc Euthyches Archimandrita: Pervidet & vestra reverentia, quæ relectorum actio ostendit gesta priora esse falsata. Hæc vero Actorum, & Codicum depravationes liquidius adparent ex iis, quæ habentur in actione 16. ejusdem Concilii. Actum ibidem fuit de jure Romanæ, & privilegiis Constantinopolitanæ Sedis, atque ad eam rem laudatus est Canon 6. Nicæni Concilii, ex diversis tamen Codicibus, atque etiam diversimode descriptus. En verba ipsa actorum Chalcedonensium. Gloriosissimi Judices dixerunt: utraque pars Canones proponat. Paschasius Reverendissimus Episcopus Vicarius Sedis Apostolicæ recitavit. Iercentorum decem & octo Patrum Canon sextus. Quod Ecclesia Romana semper habuit Primatum. Teneat autem & Egyptus, ut Episcopus Alexandria omnium habeat potestatem, quoniam & Romano Episcopo hæc est consuetudo. Similiter autem & qui in Antiochia constitutus est, & in ceteris Provinciis Primatus habeant Ecclesiæ Civitatum ampliorum. Per omnia autem manifestum sit, quod si quis præter voluntatem Metropolitanæ Episcopi fuerit ordinatus, hunc statui hæc Sancta Synodus non debere esse Episcopum. Sane si communi consensui, & rationabiliter probato, & secundum Ecclesiasticam regulam statuto duo aliqui, aut tres per contentionem suam contradicant, illa obtineat sententia, in qua plures fuerint numero

Sacer-

*Sacerdotes. Quoniam vero mos antiquus obtinuit, & vetusta traditio, ut etiam Æliæ, idest Hierosolymorum Episcopo deferatur, habeat consequenter honorem suum, sed Metropolitano sua dignitas salva sit. Constantinus devotus Secretarius divini Consistorii ex dato Codice ab Aetio Archidiacono Constantinopolitanorum Sanctissime Ecclesiæ recitavit. Regula sexta 318. Sanctorum Patrum. Antiquæ consuetudines teneant in Ægypto, ut Alexandrinus Episcopus omnium habeat potestatem, quoniam & Romano Episcopo hæc consuetudo est. Similiter autem & Antiocheno, & in aliis Provinciis Primatus habeant Ecclesiæ Civitatum. Universaliter autem illud manifestum est, quia quisquis præter voluntatem Metropolitanæ fiat Episcopus, hunc Sancta Synodus definit non esse Episcopum. Sane si communi omnium consensui rationabiliter probato, & secundum Ecclesiasticam regulam statuto duo aliqui, vel tres per contentionem suam contradicant, definitio obtineat plurimorum. En apertissime demonstratur non tantum in Concilio Chalcedonensi plures fuisse Codices, verum etiam fuisse in Codicibus ipsis scriptionis varietatem, & depravationem, tanto minus autem publico Codici probando, & confirmando locum fuisse; frustra enim tum & Romani Pontificis Legati, & Sedis Constantinopolitanæ Patroni actione 16. videlicet sub finem Concilii diversis Codicibus, iidemque variam lectionem habentibus usi fuissent.*

Sibi itaque persuadeant quicumque voluerint de Codice Canonum universæ Ecclesiæ per Concilium Chalcedonense probato. Mihi aliter visum est vel una Chalcedonensis ejusdem Concilii acta perpendenti. Appellant, non ignoro, qui contra sentiunt, ad Canonem Chalcedonensis Concilii a Gratiano relatum in can. 14. cau. 25. q. 1., necnon ad Novellam 131. Justiniani Imperatoris. Verum quid aliud, bone Deus! laudatis in locis ostenditur, quam definitio hujusmodi, ut unusquisque præcedentia Synodorum statuta moribus observet? De Codice vero nulla mentio est, imo ne verbum quidem, ut nemo exinde blandiri sibi possit, fictosque Ecclesiasticos Codices vetustissimæ Ecclesiæ commentio suo tribuere.

### OBSERVATIO III.

#### *De celebrioribus vetustis Græcorum Collectionibus.*

**V**IX utile forte vibebitur proposito meo de Græcis Canonum Collectionibus differere; etenim Gratianus, quem persequi debeo, Græci idiomatis prorsus ignarus fuit, proinde nihil ex Græcis fontibus derivare unquam potuit. Scio quidem in Gratiano Codice aliqua legi Græca vocabula; verbi gratia in Can. 39. cau. 24. q. 3. jamdiu vero Viri eruditi observarunt in vetustis Gratiani exemplaribus non haberi, sed adjecta fuisse per Antonium Democharem, & Antonium Contium, qui excultius Decretum Gratianum edidere, quos deinde sequuti sunt Romani Correctores. Veruntamen quum Gratianus latinis immediate Codicibus usus fuerit, latinorum autem Codicum Auctores a Græcis plurima acceperint, juvabit etiam saltem pauca de Græcis Codicibus attingere.

Post Codicem, ut ajunt, Ecclesiæ universæ, ab Iustello editum, quem suspicor fuisse Codicem peculiarem alicujus Diocesis usui apud veteres destinatum, adparet apud eruditos Græca Collectio, quam Johannes Doviatius in lib. 3. Prænotionum canonicarum cap. 5. probabilius tribuit Theodorito Cyrensi Episcopo. Tradunt autem in ea nihil amplius contineri, quam quod in Codice universæ Ecclesiæ nuncupato

cupato comprehendatur, exceptis tantummodo Canonibus Apostolorum, & Canonibus Sardicenis, qui in hac Theodoriti Collectione leguntur. Si personam Collectoris, videlicet Theodoriti Cyrensis inspicimus, mihi suspecta quoquo modo videtur: etenim varias ipse passus est controversias cum Dioscoro Alexandrino, a quo ab ipsa sede sua dejectus est, propterea non est presumendus adeo temperate, maturoque consilio sacros Canones voluisse describere, quemadmodum Collectorem integre fidei decebat; præsertim vero quod ejus scripta publico totius Ecclesie testimonio reprobata sint in Synodo V. generali, sive II. Constantinopolitana. Si Canones relatos attendamus, ii nec Orientali, nec Occidentali Ecclesie placuerunt: non Orientali, in qua scribebat, quia reulerat Sardicenses Canones, quos Orientales tunc improbaverant; non Occidentali, quia Canones, quos tanquam Apostolicos retulit, uti suo loco dicemus, nonnisi posteriore ætate in Occidente recipi potuerunt.

Celeberrima vero inter Græcas Collectiones illa est, quæ in Synodo Trullana, sive Quinisexta probata dicitur, & Ecclesie Orientali propolita anno 692. Continebantur in ea in primis Canones Apostolorum, deinde Nicæni, alique prioribus Collectionibus inserti, Sardicenis tantum exceptis, item Canones Carthagenenses, selecti scilicet ex pluribus Africanis Conciliis ad numerum 133., quales edidit Christophorus Justellus in sua Bibliotheca Juris Canonici veteris tom. 1. pag. mihi 328. Additi præterea sunt Canones Constantinopolitani Concilii a Nestario, & Theophilo Alexandrino habiti anno 394. in causa Agapii, & Bagadii de Boitrensi Episcopatu inter se contententium. His accessere Canones S. Dionysii Alexandrini, qui medio tertio sæculo floruit. Continebant illi responsa quædam Dionysii, quibus satisfiebat interrogationibus Episcopi Pentapolitani. Accesserunt etiam quindecim Decreta Petri Episcopi Alexandrini de lapsis tempore persecutionum initio sæculi quarti; item Canones undecim Gregorii Thaumaturgi Neocesærensis in Ponto Polemoniaco Archiepiscopi; in quibus agebatur de pœnitentia variorum criminum, præsertim de Idolothorum participatione circa annum 260., adjectæ sunt tres epistolæ Athanasii, qui paullo post Nicænam Synodum Ecclesie Alexandrinæ præedit, prior scilicet ad Ammonem Monachum, altera, quæ est inter festales 39., ubi Libri canonici recensentur, postrema de lapsis in hæresim ad pœnitentiam admittendis; ad Clerum missa, aut quemadmodum aliis lubet, ad Rusticianum Episcopum. Non omisæ fuerunt Basilii Cappadociæ Cæsarensis Episcopi tres epistolæ ad Amphilochoium Iconii Antistitem, quarum prima in 16., secunda in 69. capita distribuitur, tertiæ unico capite de ciborum delectu adversus Encratitas absolvitur; præterea ejusdem Basilii epistola ad Gregorium presbyterum, epistola ad Chorepiscopos, fragmenta duo ex libro de Spiritu Sancto ad Amphilochoium, & fragmentum epistolæ ad Nicopolitanos in Armenia minore. Hæc pertinent ad annum circiter 370. Laudatus etiam est Gregorius Nyssenus Basilio coævus, & canonicis adnumerata est ejusdem epistola ad Letojum Melitines in minore Armenia Episcopum; laudatus Gregorius alter, scilicet Nazianzenus primus, deinde Episcopus Constantinopolitanus, Basilio etiam, & Gregorio Nysseno coævus, relatæque est in Codicem Canonum ejus liber, qui inscribatur *Librorum Sacre Scripturæ Catalogus*, versibus concinnatus. Inserta eidem Codici fuerunt scripta Amphilochoii Iconiensis in Licaonia, 17. responsa Timothei fratris Petri Alexandrini Episcopi, qui post Athanasium Patriarcha Alexandrinus electus fuit, epistolæ dux Cyrilli Patriarchæ Alexandrini post annum 412., una scilicet ad Domnum, altera ad Episcopos Lybie, & Pentapoleos in septem-



Canones distributæ; demum epistola Gennadii ad Summum Pontificem, & Synodum Romanam adversus ordinationes, quæ data pecunia celebrarentur. Fuit Gennadius post Anatolium Constantinopolitanus Patriarcha anno 458.

Qualis esse debeat hujus Collectionis auctoritas, facile unusquisque intelligit. Etti enim in ea plurima, & quidem venerabilia sacræ vetustatis Orientalis monumenta reperiuntur, tamen cum Auctores habuerit Græcos quosdam Episcopos in schismata pronos, qui illegitime convenerant, ut adjicerent quæ Synodis generalibus quintæ, & sextæ deesse arbitrabantur, qui præterea plura germano Ecclesiæ sensui contraria statuere non dubitarunt, inter cætera clericalem coelibatum damnare, non est cur eidem sitile fidere possimus, aut debeamus. Illud unum observandum erit, per hos Trullanos Episcopos in hanc Collectionem relatum esse Canonem Africanæ Ecclesiæ sub S. Cypriano editum de Baptismo per hæreticos frustra collato, quod veterem controversiam jamdiu sopitam renovare posse videbatur, aut saltem veteres Sanctorum Patrum contentiones ad memoriam imprudenter re-  
vocare. Hanc itaque Collectionem arbitror apud illos equidem Episcopos plurimum valuisse, qui ad Trullanam Synodum convenerant, eamque in suis Diocesibus receperant, additis deinde Canonibus Concilii Nicæni secundi, cum ad ejus tempora devenit est, verum ad alios Episcopos, aliasque Dioceses nunquam pervenisse observandam, nec pro Codice ecclesiasticarum legum habendam.

Novam colligendorum Canonum methodum invenit Johannes Antiochenus cognomento Scholasticus, qui anno 574. prope finem Imperii Justiniani, pulso Euthychio, ad Constantinopolitanam Sedem erectus est, obiitque anno 578., quo restitutus fuit Euthychius a Tiberio Apſimaro Justiniani successore, quemadmodum tradunt Evagrius lib. 4. histor. Eccl. cap. 37. prope finem, Nicephorus in Chronico, & in Catalogo Patriarcharum Constantinopolitanorum. Collegit ipse Canones Græcorum Conciliorum, ne Sardicensi quidem excepto, cujus Canones forte ex memorata Theodori Cyrensis Collectione desumerat; eosque omnes in quinquaginta titulos distribuit. Huc pertinet fragmentum illud epistolæ Nicolai Papæ ad Photium: *Quomodo, ait Nicolaus, non sunt penes vos Canones Sardicenses, quando inter quinquaginta titulos, quibus concordia Canonum apud vos textitur, ipsi quoque reperiuntur?* Collegit, inquam, sed non servato ordine temporum, quemadmodum alii Collectores consueverant, sed unaquæque congerendo juxta ordinem rerum, quas pertractandas suscipiebat. Primo enim de Episcopis egit, inde de Presbyteris, Diaconis, Hippodionis, cæterisque inferioribus Clericis, dein de Monachis, postremo de Laicis, ac singulis accommodatos Canones ordinate delineavit. Porro hic Codex non fuit eadem semper specie; nam cum Johannes illius auctor adhuc esset Presbyter Antiochenæ Ecclesiæ, tantummodo continebat Canones ab Ecclesiæ Odicibus deprecatos, quales erant, qui Apostolici vocabantur, Nicæni, Anagyrani, Neocæsareses, Sardicenses, Gangrenses, Laodicensi, Constantinopolitani, Ephesini, & Chalcedonenses, item quos ex epistolis canonicis Sancti Basilii descripserat; at cum Johannes Constantinopolitanam Sedem tenuit, ecclesiasticis regulis imperatorias etiam leges adjecit; & ex originem *Nomocanonum* apud Græcos, videlicet Collectionum tum ex Jure Civili, tum ex Jure Sacro confectarum. Erat enim hic Johannes in numero *Scholasticorum*, quo nomine tunc temporis appellabantur *Advocati*, sive qui apud Magistratos ex Jureconsultorum doctrina clientum suorum causas tuebantur, propterea facile adduci potuit, ut ecclesiasticis negotiis definiendis jus etiam civile adferret, ubi

ubi Canonibus ecclesiasticis consonum videretur; præsertim vero quod tunc temporis nuper Justinianus Imperator in urbe Regia novellas Constitutiones ediderat, & promulgaverat, imo universon Civile Jus in novam formam redegit gloriabatur; Johannes vero favore Justiniani, pulso Euthychio, ad Sedem Constantinopolitanam conscenderat. Nihil itaque opportunius novo Episcopo videbatur, ut sibi Imperatoris benevolentiam caperet, augeretque, quam ejusdem Imperatoris Constitutiones in sacros ipsos Codices referre, atque tanquam Ecclesie utiles auctoritate sua probare. Hunc Codicem Justellus edidit in secundo tomo sub Bibliothecæ Juris Canonici veteris. At si de ejus auctoritate quærat, facile dubitavim ob animum Auctoris ad seditionem paratum; intrudi enim se passus est, expulso Euthychio, legitimo Constantinopolitane Ecclesie Antistite, non aliam ob causam, quam quod hæresi Incorrptibilium acerrime obstitisset. Quid expectare nos possumus ab homine schismatico, quique humanis affectibus, spretis ipsorum Canonum sanctionibus, ferebatur? Satis erit ejus manibus, quoties ejus ingenium laudemus, quod sciverit Canonico Juri novam formam tribuere, illudque faciliore methodo illustrare, quod sciverit Legum Civilium, quibus ante studuerat, Collectores æmulari, quorum solertia recens Civile Jus non per temporum seriem, sed distinctis rerum utilis dispositum fuerat, atque ordinatum.

Johannis Antiocheni exemplo Photius quoque Patriarcha Constantinopolitanus anno circiter 860. nomocanonem condidit, collectionem videlicet ex Canonibus simul, atque Imperatoris sanctionibus compositam. Ferme omnia in hoc Codice, Photius concessit, quæ superius diximus in Codice Trullani Concilii contineri, addidit tamen plura Concilia a se celebrata, quæ licet apud Græcos venerabilia fuerint, Latinis tamen tanquam illicita conventicula semper audierunt. Illa Concilia sunt, quibus Ignatius a Constantinopolitana Sede Photii ambitu dejectus damnari per vim debuit, & nova Photii dignitas per vim occupata defendi. Addidit præterea quinque opuscula Theophili Alexandrini, scilicet *allocutionem*, cum Sancta Theophania die dominico instarent, *Commonitorium* ex 10. Canonibus constans, Ammoni datum propter ea, quæ gesta fuerant apud Lyco Ægypti civitatem, *epistolam de iis, qui dicuntur Cathari*, *epistolam ad Agathonem* Episcopum, & *epistolam ad Mennam* Episcopum. (Theophilus hic Alexandrinus circa annum 385. damnationi S. Johannis Chrysostomi subscripsit, quomobrem fertur ab Innocentio I. communione privatus, quanquam aliqui tradant illum se penitentia expiasse, quam plura pro Ecclesia postea peragere; & quidem egregia monumenta testantur). Adjecit insuper epistolam Tharasilii Constantinopolitani ad Adrianum Papam circa annum 787. de ordinationibus per pecuniam minime faciendis. Singulis autem Ecclesiastici Juris capitibus Legum civilium non verba, sed titulos accommodavit, indicans loca, quæ materiei, quam pertractabat, in Jure Civili consonarent. Nemo arbitror ex iis, qui unitati Ecclesie adherent, schismatico homini talem fidem habebit, ut hanc Collectionem Pseudocanonibus undequaque refertam recipiat, ut ex ea disciplinam ecclesiasticam aut itabillendam, derivandamque, aut confirmandam arbitretur; tanto minus hodiernæ ætate, postquam ad manus, interpretationemque Zonaræ, necnon Balsamonis pervenit. Zonaræ in primis circa annum 1120. & Gratiano nostro in disita tamen regione fere totus commentariis illustrandam aggressus est Photii Collectionem, & post Zonaræ Theodorus Balsamon, vir schismaticus, Diaconus primum Ecclesie Constantinopolitane, & Chartophilax, idest chartis ecclesiasticis, sive archiepis

Præfatus

Præfectus circa annum 1170., deinde vero Anthiochenus Patriarcha titulo tenus salutatus; etenim latini tunc Antiochiam occupaverant, suamque ibi Patriarcham constituerant, quod Balsamoni acerrimi odii adversus latinos occasionem dedit. Is itaque manum admovit Nomocanoni Photiano, & nedum sacros Canones Conciliorum, & Patrum pro lubito accommodavit, verum etiam Jura Civilia ex Codice Justiniani recte deprompta reduxit ad Basilicam, unde novum jus ea ætate apud Orientales vigeat. Sed hæc nullo modo pertinent ad rem nostram, cum Gratiano Codice paullo posteriora sint. Satis sit ostendisse Codicem Photianum & a schismatico homine fuisse confectum, & a solis schismaticis viris posteriore ætate simul cum ceteris Græcæ Ecclesiæ monumentis perturbatum, ne dixerim etiam fusque perversum.

Quid jam nunc de ceteris Græcis obscurioris nominis Collectoribus loquar? In medium adferri posset Epitome Canonum Simeonis magistri, & logothetæ (logotheta dicebatur apud Græcos, cujus munus erat circa res Ecclesiæ communes, ut observat Johannes Meursius in Glossario Græcobarbaro), qui sæculo 9. floruisse dicitur: item Alexii Aristini Diaconi Ecclesiæ Constantinopolinæ Sinopis Canonum, quos veluti in epitomen redegit circa annum 1130., aut alia epitome canonum a Constantino Harmenopulo Thessalonicensi elucubrata eadem ætate, ut de posterioribus sileam: verum omnium istiusmodi collectionum una, eademque apud nos esse debet existimatio, vel quod ut plurimum a viris schismaticis compositæ fuerint, vel quod Photiano Codici ita innituntur, ut alias prorsus collectiones auctores hujusmodi omnino ignorasse videantur; imo etiam Photianis ipsis Conciliis eandem assignant auctoritatem, quam sanctioribus generalium Conciliorum Canonibus se exhibere possint.

#### OBSERVATIO IV.

*De Collectionibus vetustis Latinis, quæ peculiaribus Ecclesiis adscribuntur.*

Venio nunc ad latinas Canonum collectiones, quæ ad duo potissimum capita referri commode possunt. Aliæ enim sunt, quæ peculiarium Ecclesiarum nomine laudantur, sive quæ creduntur ab Ecclesiarum ipsarum Notariis Episcoporum auctoritate ad Diocèses, vel Provincias usum confectæ, aliz vero privato cujusdam studio elaboratæ, licet dein vel ob auctoris, vel ob collectionis ipsius merita in pretio habitæ, & plurium usu receptæ. De illis dicam in primis, quæ peculiarium Ecclesiarum nomine hodie inscriptæ feruntur; & quamquam minime dubitaverim, unamquamque Ecclesiam, sive Diocesim suam olim habuisse Canonum Codicem, quemadmodum in præsens in unoquoque Episcopatu sua sunt Synodalia Constituta peculiaria, quibus ecclesiastica disciplina regatur; tamen ad nostram ætatem paucæ admodum pervenerunt, & vix duarum Ecclesiarum Codices apud eruditos vetustatis amatores memorantur. Ii sunt Codices Ecclesiæ Romanæ, necnon Africanæ. Exordium ab Ecclesiæ Romanæ Codice, cujus ratione plura sunt animadvertenda.

Præ primis autem nuppiam ferre potui, quod plures vulgo tradunt, Romanam Ecclesiam usque ad Concilli Chalcedonenis ætatem non alios agnovisse Canones, quam Nicænos. Videtur hæc injuria valde gravis præfatis Pontificibus maximis, qui-

bus talis oscitantia tribuitur, rerumque Canoniarum contemptus, ut vel ipsa Conciliorum generalium constituta minimi facerent, nec curarent apud Latinos, quibus etiam peculiari ratione prærant, palam exhibere. Quid memorem Sardienſe Concilium, ad quod trecenti circiter ex Occidente Episcopi conuenerant, & saluberrimas regulas ad disciplinam Ecclesiasticam stabiliendam constituerant? Me refero ita-  
 tum ad Concilium Constantinopolitanum 1. generale 2., ad Ephesinum seu gene-  
 rale 3., cujus sanctissimas sanctiones a Romanis potissimum Pontificibus seruari de-  
 cebat, a quibus teste Gregorio Magno, tanquam ipsa Evangelia colebantur. Vi-  
 deo undenam decepti fuerint, qui adeo perperam de vetustis Romanis Pontificibus  
 senserunt. Inciderant illi in acta Concilii Chalcedonenſis, ubi actione 16. cum age-  
 retur de prærogativa Patriarchæ Constantinopolitani, ceteris Orientalibus Episco-  
 pis præferri ambientis, Græci legerunt in suo Codice Canonem tertium Concilii  
 Constantinopolitani. Eo autem lecto Lucentius Romanæ Sedis Legatus inquit: *Ca-*  
*nones istius Synodi in Synodici Constitutionibus non habentur.* Inciderant præterea in  
 duas epistolâs Innocentii Papæ I.: prior a Sozomeno laudatur lib. 8. histor. Ecclef.  
 cap. 26., & Nicephoro lib. 13. cap. 33. scripta ad clerum & populum Const-  
 antinopolitanum, ubi leguntur hæc verba: *Nos enim, quantum ad Canonum observantiam*  
*attinet, illis obsequendum esse decernimus, qui Nicææ determinati sunt, quibus solis ob-*  
*temperare, & suum suffragium addere Ecclesia Catholica debet.* Altera est ad Theophilum  
 Alexandrinum, quem invitat ad Concilium Romæ celebrandum in causâ S. Johannis  
 Chrysostomi, ubi hæc habentur: *Tu quoque iudicio accurre ad Synodum proxime in Christo*  
*celebrandam, & illis juxta Nicæni Concilii Canones & decreta contende: alios quippe Canones*  
*Romana non admittit Ecclesia.* Moveri etiam ex eo forte potuerant, quod dicitur in epist.  
 31. lib. 6. Gregorii Magni de Concilio Constantinopolitano 1. ibi: *Romana Ecclesia*  
*eosdem Canones, vel gesta Synodi illius hactenus non habet, nec accipit: in hoc autem*  
*eandem Synodum accepit, quod est per eam contra Macedonium definitum.* Hæc illa sunt,  
 ex quibus aliquibus persuasum est usque ad tempora Concilii Chalcedonenſis non  
 alios, nisi Nicænos Canones in Romana Ecclesia fuisse receptos. Verum memo-  
 rata tam Concilii Chalcedonenſis, quam Innocentii, & Gregorii loca meliorem  
 desiderant interpretationem, quam quæ vulgo adſingatur. In Concilio Chalcedonenſi  
 minime dixit Lucentius Legatus Constantinopolitani Concilii Canones in Codice  
 Romanæ Ecclesiæ non haberi, sed tantum non haberi in *Synodici Constitutionibus*.  
 Sedis Pontificis Legati, inter quos erat Lucentius, dum ad Concilium conmea-  
 runt, non jam secum detulerant integros Codices Canonum univerſorum, qui in  
 Romanæ Ecclesiæ archivis extiterant; neque enim decebat supervacaneis Codici-  
 bus gravari. Synodus Chalcedonenſis ob unam Euthychis hæresim damnandam con-  
 gregata est: hæc fuit mens Leonis Magni, qui illud potissimum legis suis com-  
 mendavit, ne aliud in Concilio promoverent; hinc in actione 4. superius jam me-  
 morata legitur: *Synodus propter Euthychem facta est, non propter aliquid aliud, &*  
*post actionem 6., qua jam contra Euthychem satis processum fuerat, clamaverunt*  
*Episcopi: Dimitte nos pie Imperator, dimitte nos.* Itaque non alios Legati Pontifi-  
 ficis Codices adferre debuerunt, quam eos, quæ ad fidem Dominicæ Incarnationis  
 illustrandam pertinere poterant, ad summum vero Nicænæ Synodi exemplar; ut  
 enim Nicæna Synodus prima erat ex generalibus, ex ejusdem actis Pontifici le-  
 gati normam in novo Concilio celebrando eximiam habere poterant. Paulo ali-  
 ter meditati fuerunt Constantinopolitani, qui de privilegio suæ Ecclesiæ solliciti,  
 non

non tam Catholicæ fidei, quam suam etiam causam in Concilio pertractari cupiebant, ideoque etiam illorum Canonum Codicem secum adtulerant, unde sedis iura jura probari posse credebant. Hinc est, a legatis Pontificiis minime allatos ad Concilium fuisse Constantinopolitani Concilii Canones, quos secum habebant Constantinopolitani, atque huc pertinent illa verba Lucentii legati, quibus professus est Canones Constantinopolitanos in synodis constitutionibus se non habere, in illis scilicet Codicibus, quos secum ad Synodum pergens attulerat. Quæ propterea verba sic commoda, etque perspicua interpretatione illustrata, quam quæso vim amplius faciunt, ut concludatur, Constantinopolitanos Canones Romanis fuisse prorsus ignotos? Idem quoque eveniet, si recta ratione laudata Innocentii, & Gregorii verba referamus; neque enim pugnandum est obtruncatis, mutilatisque fragmentis Patrum, ut res meo iudicio gravissima definiatur; sed potius oportet eorundem mentem intimius scrutari. Itaque Innocentius I. causam agebat S. Johannis Chrysostomi Constantinopolitani Episcopi, & jamdiu Coepiscoporum invidia atque odio a sua sede deturbato, alio in ejus locum suspecto adversus sacros Canones, & quidem celebrata Synodo, quæ appellatur ad *Quercum*, ubi unanimi sententia malorum Episcoporum, vir Sanctissimus damnatus fuerat. Hujus Synodi definitionem magni faciebant Orientales Chrysostomo inensu, ita ut quoties Chrysostomus, aut alii Chrysostomi ejusdem defensores ad Nicæni potius Concilii regulas provocarent, illi statim novæ Synodi suæ, quam jure Pseudosynodum appellare possunt, decreta producere non dubitarent. Produxerunt in conspectum Innocentii Patrum, qui propterea jure scripsit, se Romanamque Ecclesiam solis Nicænis Canonibus uti, non ut Canones sequentium generalium Conciliorum excluderet, sed ut illis acquiescere recusaret, qui in Pseudosynodis conditi erant, & Nicænis regulis omnino contrarii. Hanc porro fuisse Innocentii sententiam, apertissime liquet ex verbis integris epistolæ ad clerum & populum Constantinopolitanum; postquam enim Innocentius scripserit illis Canonibus obsequendum esse, qui Nicæni determinati sunt, quibus solis obtemperare, & *unum suffragium addere Ecclesia Catholica debet*, statim immediate subdidit: *Si qui vero & alii quibusdam proferuntur, qui a Canonibus Nicænis discrepant, & ab hæreticis compositi deprehenduntur, hi vero ab Episcopis Catholicis rescinduntur; hæreticorum enim commenta Catholicis Canonibus assuere non licet, semper enim vel per contraria, vel per illicita labefactare voluntatem student Concilii Nicæni. Non solum igitur his non obtemperandum esse dicimus, sed ipsa potius una cum hæreticis, & schismaticis dogmatibus esse condemnanda, quomodo & antea in Sardicensi Synodo ab Episcopis prædecessoribus nostris factum est.* &c. Quid his verbis luculentius esse potest? Præterquamquod enim Innocentius Concilium Sardicense laudet, ejusdemque exemplo se agere profiteatur, quod sane indicat, Sardicensis Concilii acta, non solius Nicæni Concilii Canones Romanæ Ecclesiæ tum nota fuisse, ita se Nicænos Canones solos recipere asserit, ut cæteros rejiciat, qui a Canonibus Nicænis discrepant, & ab hæreticis compositi deprehenduntur, qui ab Episcopis Catholicis rescinduntur, quos appellat *Commenta hæreticorum*, quæ postea concludit *una cum hæreticis, & schismaticis dogmatibus esse condemnanda*. Hæcne forte esse potuerunt Canones Concilii Constantinopolitani Oecumenici? Videant, qui hanc Innocentio sententiam assignant, quo progredi coguntur, quum solos Nicænos Canones in Romano Codice extitisse putant, scilicet ceteros sequentium Conciliorum etiam sanctissimorum, & generalium, non solum Romanis ignotos fuisse, verum etiam a Roma-

na Ecclesia reprobato, atque damnato, atque ideo Nicænis Canonibus minime junctos, quod hæreticorum commenta Catholicis Canonibus affuere non liceat. Eadem porro est sententia Innocentii ejusdem in epistola ad Theophilum Alexandrinum, ubi eandem Chrysostomi causam agebat, alios, inquit, Canones Romana non admittit Ecclesia, præter Nicænos, idest a Nicænis diversos, Nicænis contrarios, quos in Pseudosynodis hæretici quidam Episcopi ex invidia ediderunt. Qui contra sentiunt, non abusi sane fuissent hoc Innocentii fragmento, si epistolam Innocentii legissent, qualis exhibetur a Baronio ad annum 404. n. 37., qui significationem verborum Pontificis obtulit, qualis revera assignenda erat, scribit enim: *alios (ab his scilicet diversos) Romana non admittit Ecclesia*. Restat adhuc expendendus Gregorius Magnus, cujus integra verba afferre juvat, sine quibus recta non potest esse mentis Pontificis interpretatio. Scribit ibi Gregorius ad Episcopos plures Orientales de Ciriaco electo Constantinopolitano Episcopo, quem susceperat, ut Oecumenici Episcopi nomen a Prædecessoribus usurpatum minime assumeret, & a quo fidei professionem acceperat, quam Episcopi initio suæ promotionis mittere consueverant. In hac fidei professione Ciriacus dixerat inter cetera se Eudoxium damnare, quod utpote novum Gregorius statim probare non potuit, ac propterea ita scripsit: *Quendam vero Eudoxium damnavit, quem neque in Synodis damnatum invenimus, neque a decessoribus ejus in Synodis reprobatum. Et Canones quidem Constantinopolitani Concilii Eudoxianos damnant, sed quis fuerit eorum auctor Eudoxius, minime dicunt. Romana autem Ecclesia\* eisdem Canones, vel gesta Synodi illius habens non habet, nec accipit, in hoc autem eandem Synodum accepit, quod est per eam contra Macedonium definitum; reliquis vero hæreses, quæ illic memorate sunt, ab aliis jam patribus damnatas reprobant. De Eudoxianis vero nihil habens agnovit. In historia autem Sozomeni de quodam Eudoxio, qui Constantinopolitanæ Ecclesiæ Episcopatum arripuisse dicitur, aliqua narratur; sed ipsam quoque historiam sedes Apostolica accipere recusat, quoniam multa mentitur, & Theodorum Mopsuestie nimium laudat &c.* Itaque in primis peto ab illis, qui hoc Gregorii capite utuntur, an tantum velint usque ad Concilium Chalcedonenſis ætatem nullos alios Orientales Canones præter Nicænos Romanæ Ecclesiæ cognitos extitisse, an vero etiam id afferant, post Concilium Chalcedonenſe? Post Concilium Chalcedonenſe quicumque scripserunt, admittere debuerunt non solum Canones Græcos Conciliorum generalium, verum etiam provincialium apud Romanos agnitos fuisse, præsertim vero postquam Dionysius Exiguus eisdem Romæ evulgavit. Si ergo res tota reducat ad tempora, quæ Chalcedonenſe Concilium præceſſerunt, occur ex Gregorio Magno probare nituntur ad eam usque ætatem non alios Romæ receptos fuisse Canones, quam Nicænos? Loquimur quidem de Gregorio Magno, qui & Chalcedonenſi Concilio, imo etiam Dionysio Exiguo fuit longe posterior. Alio itaque pertinent descripta Magni Gregorii verba, quæ ut intelligantur, monere oportet Synodicarum actionum nomine duo venire posse. Primum prævius rerum discutiendarum tractatus, quo fit, ut unusquisque in Concilio præſens aut proponat, aut respondeat, dispuſet, consilium ferat, aut suffragium. Alterum est definitio ipsa Synodica, quæ Canonis nomine proprie venit. Quoties Concilium absolvitur, unusquisque ex Episcopis ibidem congregatis, sollicitus quidem esse solet definitiones synodicas, sive Canones secum in Diocesim adferre; at prævius tractationis actus, consilia, suffragia doctorum, disputationes antea factæ vix penes illam Ecclesiam manent, apud quam Concilium celebratum est. Itaque apud Romanam Ecclesiam tempore Gregorii Magni desiderabantur

rabantur aſſa Concilii Conſtanti­nopolitani, non quidem illa, quibus ſynodica definitiones, & Canones continerentur, ſed illa, quæ prævias Concilii tractationes exhiberent, atque ita Gregorium Magnum intelligendum exiſtimo. Revera ipſa Gregorii verba laudata id demonſtrant; etenim conqueritur a Ciriaco in profeſſione fidei damnatum Eudoxium, quem ipſe in ſynodis damnatum non invenerat. Porro Synodorum nomine non venit ſola Nicæna Synodus, ſed exinde colligitur Gregorium plures Græcorum Synodos habuiſſe, quas ea in re ſcrutaretur. Quid vero ſibi volunt ea verba: & *Canones quidem Conſtanti­nopolitani Concilii Eudoxianos damnant, ſed quis fuit eorum auſtor Eudoxius, minime dicunt?* Nonne ex his manifeſte colligitur apud Gregorium exiſtiſſe Canones Concilii Conſtanti­nopolitani, in quibus damnatos Eudoxianos, non Eudoxium aliquem ſe reperiſſe proficetur? Sane ſi Canones Conſtanti­nopolitanos, quales hodie vulgatos habemus, inſpiciamus, idipſum agnoſcemus, ut concludendum ſit Gregorium eoſdem in Romana Eccleſia habuiſſe Canones Conſtanti­nopolitanos, quos hodie ex variorum interpretationibus editos habemus.

Fortè autem ſuſpicabatur Gregorius Eudoxii nomen exhiberi potuiſſe in actis Conciliaribus, qualia apud Græcos habebantur. Quum enim in Canone 1. Conſtanti­nopolitano Eudoxianorum hæreticorum mentio fieret, juſta eſſe poterat Gregorii ſuſpicio, ne in prævia tractatione ante Canonis editionem quædam de Eudoxio hæretico apud Græcos haberentur. Propterea ait ſe hæc geſta in Romana Eccleſia non habere, propterea ſe non poſſe tuto acquieſcere profeſſioni fidei factæ a Ciriaco, a quo Eudoxius damnabatur. Notatu digna ſunt illa verba Gregorii: *Canones, vel geſta Synodi illius*, non enim ſanctus Pontifex profeſſus eſt ſe Canones non habere, ſeu fidei definitiones, ſed *Canones, vel geſta*, id eſt quæ in Concilio ipſo prævio conſilio fuerant pertractata ante Canones conditos. Uno verbo, una Gregorii ſollicitudo eo pertinebat, quod in Eccleſia Romana incognita eſſet, nec damnata Eudoxii perſona, quam tamen ita libere Ciriacus in ſua profeſſione damnaverat. At de Eudoxianis Gregorius vere profeſſus eſt eos eſſe damnandos. Quemadmodum ergo noluit damnandum eſſe Eudoxium, quod in Canonibus Græcis damnatum minime reperit, ita voluit damnandos Eudoxianos, quod damnatos in Græcis Conciliis noverit. Novit autem damnatos Eudoxianos in Canone 1. Concilii Conſtanti­nopolitani. Ergo Canones Conſtanti­nopolitani noti fuere Gregorio, ac propterea Eccleſiæ Romanæ. Non novit damnatum Eudoxium, de quo ſermo non eſt in Canonibus Conſtanti­nopolitanis: ergo quod Gregorio, ſive Eccleſiæ Romanæ deerat, erat Eudoxii damnatio, ſive, ut ipſe Gregorius jure ſuſpicabatur, deerant geſta Synodi ejusdem Conſtanti­nopolitanæ, de quibus nihil aliud idem Gregorius ſc, & Romanam Eccleſiam recepiſſe teſtatur, quam quod ad damnandam Mæcedonii hæreſim pertineret.

His generatim præmiſſis veniendum eſt ad eos Codices, qui nomine Romanæ Eccleſiæ veteris hodie vulgati eruditorum manibus voluntur. Primus eſt, quem mutilum edidit Chriſtophorus Juſtellus in ſua Bibliotheca Juris Eccleſiaſtici veteris pag. mihi 277. Alterum edidit Paſchaſius Queſnellius, ſanctique Leonis Magni operibus velut appendicem quemdam adnexuit principio tomi 2. Operum ejusdem ſummi Pontificis. Non deerunt forte progreſſu temporis, qui novos Codices producant ex latribus Bibliothecarum Romanæ Eccleſiæ nomine, & ſic eandem pluribus Codicibus uſam fuiſſe demonſtrabunt. Hæc aſſeruerim, quod videam ſine ullo gravi ſuſ-

fundamento, & nonnisi remotissimis, iisdemque levibus conjecturis hujusmodi Codices Romanæ Ecclesiæ adscriptos fuisse.

Quod spectat in primis ad collectionem Justelli, inscribitur illa: *Prisca Canonum editio latina complectens Canones Conciliorum Ancyran, Neocæsarensis, Nicæni, Sardicensis, Gangrensis, Antiocheni, Laodicensis, Constantinopolitani I. & Chalcedonensis*. Quid hæc collectio contineret vel hic unus titulus exhibet. Venia autem Viri Clarissimi, cujus cæteroque studio multa debemus, quicumque hac in collectione efformanda elaboravit, tantæ non est auctoritatis, ut pro Romanæ Ecclesiæ omnium Ecclesiarum Principis notario statim recipiatur. Etenim in primis ignarus erat Latinæ linguæ. Exorditur enim: *Incipit instituta Canonum Ancyrensum*, & paulo infra Canonem octavum Ancyrensem ita exhibet: *de his qui alios suadent idolis immolare*; & post aliqua: *explicit capitula Canonum Ancyrensum*. Concilium autem Nicænum memorans subdit: *quod factum est in Niciam*: in Canone primo Ancyrensi habet per remedium aliquem . . . habere aut precari; in Canone 2. dicitur: *in eorum esse potestatem pro in eorum esse potestate*. In can. 4. legitur: *apud Idolis pro apud Idola . . . vita qui antecedit, & qui sequitur*, pro *vita que antecedit, & que sequitur*. In can. 5. legitur: *usque ad præsentem tempore pro usque ad præsens tempus*, item *extra tempore pro extra tempus*. Cetera omitto, quæ prope innumera unusquisque facile poterit observare. Sed quia forte per Amanuensis imperitiam, quæ tamen in tot, tantisque locis facile non præsumitur, hæc errata contingere potuerunt, incitiam auctoris ostendunt integra capita, scilicet ipsorum styli adeo barbarus, ut diceret ab eo factam Græcorum Canonum interpretationem, qui vel prima Grammaticæ elementa addiscere incipiat. Exemplum trado in uno ex Neocæsarensibus Canonibus, qui tertius est ita conceptus: *Hi qui plurimioribus nubitis inciderunt tempus quidem agnitus qui institutum est, conversatio autem & fides eorum perinciderit tempus: quis sententiam hanc nisi divinando percipiat? Multa deinde sunt, quæ Canonum styli, & Canonum prorsus inexpertum auctorem designant, seu potius eum, qui exercitationis causa quasdam sibi perceptiones addiscendi causa, & privati studii ac meditationis ergo proponat; nam in can. 14. ex Neocæsarensibus legitur: *Diaconi septem debent esse secundum Canonem, etsi fortiter magna sit civitas, sed ut credas, inquirere a volumine Alium Apostolorum*. Deinde antequam Canones Nicænos hic auctor exponat, versuum metro elegiacam Præfationem concinnat, quod nuspiam publicis Ecclesiarum Notariis in usu fuit. Omitto, nullum ordinem temporum fuisse servatum, nam Concilii Constantinopolitani Canones post Chalcedonenses referuntur, licet tempore anteriores. Omitto præterea plures ibidem esse sententias depravatas, ut ipsemet Justellus hujus Codicis editor notis suis marginalibus profiteatur, ex quibus omnibus facile est credere, Codicem hunc nulla unquam ratione haberi posse, tanquam Codicem Canonum veteris Ecclesiæ Romanæ.*

Major difficultas forte erit in explorando Codice Paschassii Quesnellii, qui ita inscribitur: *Codex Canonum Ecclesiasticorum, & Constitutionum sanctæ Sedis Apostolicæ, omnium qui hucusque prodierunt, verusissimus, & amplissimus, qui quidem in usu fuit in Ecclesia Romana Innocentio I., Zozimo, & Leone I. Pontificibus, nunc primum editus ex MSS. Codicibus Ithæano, & Oxoniensi*. Refert autem Paschasius Codicem hunc Oxoniensem sexcentorum fere annorum esse, eundem præterea ex alio antiquissimo exemplari exceptum, ut proinde saltem octavo primum sæculo hæc colle-

ctio



tio scripta videatur. Thuanum vero refert octingentorum circiter annorum esse, atque optimæ notæ. Sed interea fateatur ambos huiusmodi Codices inter se plurimum dissonare in descriptione capitum, ut quod in uno refertur, in alio aliquando desideretur; quamobrem certa, & indubia fides neutri debetur, cum alterutrum saltem vitiatum fuisse oporteat. Quomodocumque autem res sese habuerit circa varia hujus Quesnelliani Codicis exemplaria, mihi persuadere facile quidem Quesnellius poterit hunc Codicem antiquissimum esse, & vetusti auctoris manu exaratum, forte etiam 6. aut 5. sæculo, quin tamen ne verosimilibus quidem conjecturis probet Romanæ Ecclesiæ esse tribuendum. Sane Codex Romanæ Ecclesiæ auctoritate confectus non adeo latuisset, ut nonnisi postrema hac ætate in lucem prodire potuerit; qui enim curæ habuit privatis manuscriptis Codicibus illum exarare, facile habuisset nonnullos diligentis suæ æmulatores. Præterea si Codicem consideremus, præter Ecclesiasticarum collectionum morem continet plura adjuncta prorsus à Canonibus extranea, uti demonstrat, & recte animadvertit Dovizius in lib. 3. Prænotionum Canonicarum cap. 14. Distinguit recte Quesnellius in sua Dissertatione 12. Operibus S. Leonis subjecta cap. 2. inter Codicem Canonum, & Scrinia Sedis Apostolicæ: in Codice soli Conciliorum Canones, & decreta Patrum olim edi solebant; in Scriniis vero plura alia gesta ad Sedem Apostolicam pertinentia continebantur, eodem ferme pacto, quo alius erat apud Imperatores Legum Civilium Codex, alia erant Epistolarum, & Libellorum Imperialium Scrinia. Deinde vero minime advertit in suo opere, quod edebat, non Codicem Canonum, sed quoddam potius Scrinium ex pluribus compositum nobis se exhibuisse. Urget autem quammaxime Quesnellium, quod habet Bonifacius I. in epistola ad Hilarium Narbonensem Episcopum, in qua hæc leguntur: *nulla etenim videtur incognita Synodi Constitutio Nicæna, quæ ita præcipit, ( ut eadem proprie verba ponamus ) per unamquamque Provinciam Ius Metropolitanos singulos habere debere, nec cuiquam duas debere esse subiectas.* Itaque cum Bonifacius testetur ipsamet Concilii Nicæni verba se referre, hæc vero minime habeantur in Codice Quesnelliano, quis sibi persuadebit Codicem Quesnellianum eundem esse cum Codice Romanæ Ecclesiæ, quo Bonifacius I. usus fuerat? Agnovit Paschasius Quesnellius huiusmodi difficultatem, à qua ut se extricaret contra omnium Codicum fidem sua interesse putavit, si vim faceret textui, & verba Bonifacii aliter legeret, videlicet pro illis verbis: *ut eadem proprie verba ponamus*, hæc substituens: *ut eadem prope verba ponamus.* Sed rursus ipse agnovit, quam sit infirma responsio, candide ita protestans: *Sed conjectura est, quam, donec Codicis alicujus auctoritate confirmetur, non ausim fidentius asserere, etsi necessaria videatur correctio.* Peto ego, undenam necessaria correctio probatur? Respondet ille in nulla ex collectionibus, aut versionibus illa verba haberi. Quid refert tamen? Habeatur in Codice Romano ante Dionysium Exiguum, qui hodie perit, & satis est. Subdit Quesnellius verbum illud *proprie* forte tunc temporis aliquam significationem habuisse, quam hodie ignoremus. Sed indicant hæc hominem omnino argumenti pondere gravatum, & nescientem quo se convertat. Refert ad hanc rem aliqua S. Leonis fragmenta, in quibus adverbium *proprie* usurpatur. Ego facile intelligo quo sensu, idem enim apud Leonem significat, quod adverbium *vere*, hinc ait Cicero: *Honestum quod proprie vereque dicitur, id sapientibus est solius.* Igitur Bonifacius laudaverat *eadem proprie verba*, idest *eadem vere verba* Concilii Nicæni, illa propterea, quæ in Codice Romanæ Ecclesiæ non mutato

apice

apice tunc habebantur, quæ in Quæsnelliano Codice non videmus, quia idem non est cum Codice vetere Ecclesiæ Romanæ. Nimis operosa res esset singula Codicis capita discutere. Potius audiamus ipsius Quæsnellii argumenta, quibus plurimum sibi blandus est, ut duo probaret, primum hunc Codicem sincerum esse, secundum hunc Codicem Romanæ Ecclesiæ proprium olim existisse: vereor tamen, ne de eo dicere possimus, quod ipse in dicta dissertat. 12. in additione dixit de Emanuele Schellestratio, qui breviationem Concilii Hippoensis, quæ habetur in cap. 2. Codicis Quæsnelliani, apocrypham dixerat: *ut ita sentiret, adductus est nonnullis argumentis, quæ valida, ac decretoria illi visa sunt, mihi vero admodum infirma, ac nullius fere momenti*. Ait in primis, ut sinceritatem Codicis probe, sinceritatem ipsam vel in inscriptione Codicis adparere; at quemadmodum candiditas animi ex hominis vultu minime deprehenditur, ita nec integritas libri ex una libri ejusdem inscriptione. Sublit tertium exemplar omnino simile devenisse olim in manus Jacobi Pamellii. Quid deinde, si vel ipse Quæsnellius variantes duos, quos ipse vidit, Codices profiteretur? Verum omittamus hæc omnia: nolim de hac re prætipue contendere. Dabo libenter Codicem valde antiquum esse, vel etiam ipso quinto sæculo gravi studio, & procul fallendi arte confectum. Erat illud opus studiosi cujuscumque, & obscuri collectoris, qui idem minime evulgavit, sed in scrinio condidit, forte verens, ne aliorum Codicum fama vinceretur, obruereturque. Producantur potius argumenta, quibus pateat Romanæ Ecclesiæ tribuendum fore. *Id opusculum non esse judicio suo jactat Quæsnellius, non est tamen levis negotii id demonstrare*. Ait præ ceteris Codicem Romanæ Ecclesiæ olim ante collectionem Dionysianam valde fuisse confusum. Et ego libenter fateor: ait hunc Codicem suum eadem confusione laborare. Quid ergo? Num propterea ejus Codex dicitur Ecclesiæ Romanæ? Quotquot ferme lucem adspexerunt Canonum vetuliti Codices, ii omnes inordinati sunt, indigesti, ac propterea ex eadem ratione Romanæ Ecclesiæ per Quæsnellium tribuendi. Pergit Quæsnellius, & inquit: *Codicis præfatio declarat ad usum Ecclesiæ Romanæ esse concinnatum, quid enim aliud indicant hæc verba de Nicænâ fidei expositione, quam sancta, & reverentissima Romana complectitur, & veneratur Ecclesia? Quid quod mediantibus Viſtore, atque Vincentio religiosissimis Romanæ Sedis Presbyteris esse prolatam asserit? nonnullas etiam subnexas esse regulas, quas memorata suscipiens confirmavit Ecclesia. Eandem nullis synodicis decretis, sed Salvatoris vocæ esse prælatam, ac primatum obtinuisse. Denique quicquid ibi de Romanæ Ecclesiæ fundatione ac fundatoribus, privilegiisque scribitur, argumento est pro illa Codicem esse exaratum*. Non videtur hoc loco Quæsnellius meminisse eorum, quæ dixerat superius in cap. 2. suæ dissertationis 12. ibi: *Si cui nihilominus placuerit prologum istum (sive præfationem hujus Codicis) ad posteriora tempora differre, contra ego non contendam*. Si itaque non est contendendum adversus eos, qui dixerint posteriori manu præfationem, de qua loquimur, adjectam fuisse, cur ex hac præfatione de Codicis qualitate judicandum erit? Præterea quæcumque in præfatione allata sunt, ne conjecturam quidem asserunt pro opinione Quæsnellii. Auditor præfationis antequam ad Canones Conciliorum deveniret, universæ Ecclesiæ, sive sacræ Hierarchiæ majoris præferre voluit imaginem. Persequutus est, quid de Romana, quid de Antiochena, quid de Alexandrina, quid etiam de Hierosolymitana, aut Ephesina Ecclesia sentiendum esset. Si itaque, quod mentionem fecerit de Romana, tanquam majore Ecclesia, censetur Codicem ad Romanæ Ecclesiæ usum edidisse; cum

etiam

etiam de ceteris, tanquam inferioribus, singularumque privilegii loquutus sit, censendus erit voluisse codicem componere ad usum Ecclesie Antiochenae, Alexandrinae, Hierosolymitanae, & Ephesinae, quod nemo uspiam dixerit. Addamus his, si lubet, nunquam Auctorem hujus praefationis usum fuisse particulis demonstrativis, ajendo *hanc*, aut *istam* Romanam Ecclesiam, quas voces adhibuisset profecto, si Romae, & pro ipsa peculiariter Romana Ecclesia scripseret. Praeterea haec eadem praefatio illa est, quam Isidorus cognomento Mercator suo codici adnexuit, ut dubium nobis hodie supersit, num Auctor Quesnelliani codicis depromserit ab Isidoro, an potius ab illo Isidorus? Saltem vero ex eo deducitur, ut quemadmodum Isidori praefatio minime probat collectionem Isidorianam ad usum Romanae Ecclesiae fuisse compositam, ita nec codicis Quesnelliani praefatio idem probet de codice Quesnelliano. Pergit Quesnellius, & ait in memorata praefatione multa referri ex decreto Gelasii, sive, ut aliis placet, Hormisdæ Papæ de scripturis apocryphis, quod nemo recte fecisset, nisi codicem Romanæ Ecclesiae ex ipsis Romanæ Ecclesiae scriptis componeret. Non video, quam sit vis hujus conjecturae. Num probro vertendum est cuipiam Auctori, si inter scribendum, praesertim in Praefationibus, Sanctissimorum Pontificum verbis utatur, ubicumque scribat? Sed esto id probum, & indecorum fuisset, quod procul omni jure Quesnellius asserit, num ego forte tenebor ab omni probro Auctorem Quesnelliani codicis mihi maxime incertum vindicare? Scio plures extitisse ex veteribus Collectoribus, qui non omnia, quæ Collectoris officium decent, observaverunt. Cur ego pro obscuro homine, seu Quesnelliano fidejussor existam? Prosequitur Quesnellius: *Canon 6. Niceni Concilii a Paschasino Legato Sedis Apostolicæ eodem modo lectus est actione 16. Concilii Chalcedonensis, quo habetur in nostro Codice, ut ex eodem omnino desumptus esse intelligatur.* Sed quid prohibet in primis inter tot, tantasque veterum Conciliorum interpretationes plures inter sese consonare? Quid deinde, si dicamus; codicem Quesnellianum post Synodum Chalcedonensem editum fuisse, ut propterea ejus Auctor Canonem 6. Nicenum describere volens uti voluerit versione Paschasini Legati Pontificis, de qua in Concilio Chalcedonensi constabat? Enervatur vero Quesnellii argumentum apud eum, qui observet Canonem a Paschasino Legato laudatum esse numero sextum, qui in codice Quesnelliano decimus est. Quid dicit hic Quesnellius, cum videat suum a Paschasini germano Romanæ Ecclesiae codice esse diversum? Agnovit Quesnellius hanc difficultatem, quam *grave momentum non esse* asseruit; vel quia mendosa asserit Acta Concilii Chalcedonensis, ut loco *Canonis 6.* legatur *Canonis 10.*, vel quia Paschasinus forte laudavit sextum Canonem ex quodam codice Ecclesiae Siciliae, cui Paschasinus adscriptus fuerat. Levissimæ sane responsiones; qui enim sine alicujus codicis fide, sine ulla necessitate, ut suis meri facti conjecturis indulgeat, vetusta Conciliorum generalium Acta corrupta asseverat, nescio an facile sit audiendus. Quod autem subditur, Paschasinum in referenda nota numerali usum esse aliquo codice Siculo, mihi ridiculum potius videtur; non enim verosimile esse potest verba Canonum ex uno, notas autem Canonum numericas ex altero codice recenseri. Num Paschasinus duos secum codices attulit, ut cum verba referre deberet, ad Romanum confugeret, cum numeros, ad Siculum? Si id verum esset Paschasinum codicem etiam Siculum habuisse prae manibus, nonne deprehendit Quesnellius se forte ad Siculorum Ecclesiam delaturum codicem suum, ex ea conjectura, quod Paschasinus Canonem legerit eundem, qui est in codice Quesnelliano,

nelliano, alias autem Siculum codicem habuerit? Stomachum porro mover, quod subdit in hoc suo codice, plura haberi in gratiam Romanæ Ecclesiæ, unde conjecturam capit in Romana Ecclesia fuisse confectum. Quanam sunt isthæc, quibus gratia fit Ecclesiæ Romanæ divinis privilegiis decoratæ? Hæc opinione Quesnellii: Dicitur in epitola Innocentii Papæ ad Vitricium de Ecclesia Romana, *cui in omnibus causis debet reverentia custodiri*, quæ verba in aliis epistolæ editionibus desiderantur. Observare in primis Quesnellius debebat, num in suo codice, quem notæ optimæ esse prædicat, adjecta fuerint e margine in textum translata, an vero in aliis codicibus aut oscitantia, aut pravitate Amanuensium omiſſa. Deinde num unusquisque in qualibet Provincia scribens, quæ Romanæ Ecclesiæ communionem habeat, idipsum non prædicabit? Sane si quispiam bene, uti decet, de Romana Ecclesia scribat, penes Quesnellium Romæ scripsisse dicetur? An recto criterio, prorsus ignoro. In eo convenit, urget Quesnellius, Romanus vetustissimus codex cum hoc, de quo agimus, quod in utroque 28. Canon Chalcedonenſis desideratur. Veram id non sufficit: probandum adhuc est Canonem 28. Chalcedonenſem in omnibus aliis codicibus descriptum fuisse, uno excepto Romano. Ego invenio alios codices, in quibus desiderabatur, ut vel in uno Dionysii Exigui codice exemplum peripicuum habemus. Idipsum dicendum erit, si dicatur in utroque codice Nicænos Canones Sardicensibus fuisse permixtos: non una Romana Ecclesia eos permiscuit, sed permiscere potuerunt quotquot Sardicenses Concilium, tanquam appendicem Nicæni Concilii receperunt. Progreditur Quesnellius, & ita argumentatur: Summi Pontifices, inter quos Innocentius I. Antiochenos Canones rejecit; Ecclesiæ quoque Romana nonnisi serius Canones Constantinopolitanos recepit. Porro sive Antiocheni, sive Constantinopolitani Canones in hoc codice habentur prope finem, ut indicetur adjectos posteriore ætate fuisse. Infirmum argumentum penes Quesnellium ipsum, qui falsus est in hoc suo codice nullum omnino ordinem fuisse servatum, fuisseque admodum incompositum. Ut quid ergo in præfatus ex ordine scripturæ argumentum depromere contendit? Imo exinde argumentum prope invictum mihi in contrarium suppeditatur. Ait Quesnellius, vel ipsa Gregorii Magni ætate nondum in Romana Ecclesia fuisse receptos Canones Constantinopolitanos. Ita ille in dicta dissertatione 12. cap. 4. num. 9., in codice autem Quesnelliano Canones Constantinopolitani relati sunt ante epistolas Leonis Magni, quæ ejus sententia tempore ejusdem Leonis insertæ fuerunt. Ergo hic non potest esse Romanæ Ecclesiæ codex. Hic non perititi Quesnellius, sed aliis ita sese conjecturis involvit, ut modo videatur propositum suum probare velle, modo etiam recedere: etenim subjungit, nonnulla adesse Canonum Græcorum fragmenta ad Romanæ Ecclesiæ praxim immutata, atque inter cetera Canonem 10. ex Ancyranis, qui ibidem numero 11. refertur. Is in Græcis codicibus talem exhibet sententiam, ut Diaconus, qui in ordinatione protestatus fuerit se continere nolle, non abjiceretur a gradu, si post ordinationem matrimonium contraxisset. Aliter habetur in codice Quesnelliano. Sed nemo ignorat in hac parte non modo Romanæ, sed & totius Occidentalis Ecclesiæ disciplinam diversam a Græcæ disciplina extitisse. Probat id tantummodo Quesnellianam collectionem in Occidente factam fuisse, quod sane ultro libenterque faueo. Id autem novum non fuit Collectoribus extra Romanam Provinciam, imo etiam extra Italianam degentibus. Sufficit observare collectionem Martini Braccarenſis, qui in parte 1. cap. 39. eidem Canoni Ancyrano alium sensum affinxit, & quidem Occidentali disciplinæ

conformem. Ait ad rem Antonius Augustinus in lib. 1. Dialogo 10. de emendatione Gratiani: *Cur Martinus ab Archetypo discessit? Cum in Occidente esset, noluit Orientis licentiam imitari.* Prævidit hanc responſionem Quæſnellius, qui propterea totum se torquet in asserendo Occidentales Colledtores Ancyrani Canonis leſionem, & ſententiam immutaſſe, non ideo quod diſciplinæ ſuarum Provinciarum inſervirent, ſed quod hanc immutationem ex Romano codice deſumiſſent. Quo eum non perducit amor ſui codicis, ut eum Romanæ Eccleſiæ nomine decoratum evulgaret! Sane Martino Braccarenſi longe diſtulo ab urbe Roma non potuit eſſe facile præ manibus peculiaris codex Eccleſiæ Romanæ: aut ſi huiusmodi codex etiam apud Hiſpanos vulgaris fuerat, miror ita poſtea excidiſſe, ut vel unum, alterumque exemplar unius Quæſnellii diligentia poſtremis hiſce ſæculis emerſerit. Amplius Quæſnellius inquit, Africanæ Eccleſiæ decreta in Romanæ Eccleſiæ codice adjeſta fuiſſe, quæ etiam in memorato, quem expendimus, codice habentur. Infirma rurfus argumentatio; neceſſarium quippe foret oſtendere in Occidentali univerſa Eccleſia fuiſſe ignotos Canones Carthagenſes, unica excepta Romanæ, quando tamen liquet Africanæ Eccleſiæ geſta maximam in toto Occidente primis Eccleſiæ ſæculis auctoritatem habuiſſe, cum in Africa Viri Eruditiffimi, æque ac Sapientiſſimi, atque etiam optima Eccleſiaſticorum Virorum exemplaria extiterint, ex quibus Tertullianum, Cyprianum, Auguſtinum, & Fulgentium jure laudare poſſumus. Cetera non perſequor, utpote quæ vix leviſſimum negotium facere poſſent. Interea arbitror parum recte ſenſiſſe Quæſnellium, quum Romanæ Eccleſiæ vetuſtum codicem inveniſſe ſibi perſuaſit, quin tamen huiusmodi codici detrachere velim; imo in hac parte ejus ſolertiam facile laudaverim, qui bono publico hoc vetuſtiſſimum momentum, cujuſcunque Auctoris ſit, nobis ediderit.

Sic a Romanæ Eccleſiæ codicibus, quales hodie evulgati ſunt, expeditus, quædam adhuc diſſerere debeo de codice Eccleſiæ Africanæ, cujuſ ſtatuta nuper aſſebam fuiſſe in toto ferme Occidente venerabilia. Codicem hunc evulgavit Chriſtophorus Juſtellus in tom. 1. ſuz Bibliothecæ Juris Canonici veteris pag. mihi 321., præmiſſa eruditiffima Præſatione, in qua antiqua omnia Africana Concilia complexus eſt. Diſtributus eſt liber in canones 133., quibus ſubſcripſiſſe referuntur Epiſcopi 217. anno 419. in Concilio Carthagenſi, cui & S. Auguſtinus, & duo Romani Pontificis Legati interſuerunt. Poſt dictos canones addita eſt epiſtola Concilii Africani ad Bonifacium Papam; dein reſcriptum Cyrilli Alexandrini Epiſcopi ad Concilium Africanum, poſt hæc exemplar formulæ fidei in Nicæno Concilio conditæ, poſtremo epiſtola Concilii Africani ad Cæleſtinum Papam. Omnia autem & græcæ, & latine hodie habemus, quia Græci veteres tantam habuerunt erga Africanam Eccleſiam venerationem, ut ejus Acta ad ſuas Eccleſias transferre exoptaſſent. Verum, ſi candide fateri velimus, hic proprie dici non poteſt codex canonum Eccleſiæ Africanæ, ſed Acta generalis Concilii Africani anno 419. celebrati, in quo & aliquot canones præſtituti ſunt, & aliæ in præcedentibus particulæ Conciliiſ jamdudum editi confirmati fuerunt. Ceterum in codice Africano negare non poſſumus deſcriptos præterea fuiſſe canones Concilii Nicæni, quos Carthaginem attulerat Cæcilianus a Nicæno Concilio in Africam redux, ut dicitur in principio hujus Concilii, ibi: *Exemplaria fidei, & ſtatuta Nicæna Synodi, quæ ad noſtrum Concilium per Beatæ recordationis olim prædeceſſorem tuæ Sanctitatis, qui interſuit, Cæcilianum Epiſcopum adlata ſunt &c.* Forte etiam aliæ græcæ Synodi Africanis Epiſcopis receptæ tunc erant,

erant, præsertim Sardicenfis, & Constantinopolitana generalis, quæ non videntur omiffæ a tot graviffimis Antilitibus, ne eos ita credamus rerum fuarum amatores, ut alienarum Provinciarum, aut ipsius Ecclefiæ generales regulas afpexerantur. Non eft cur diutius immerer in hac re, quæ itatim liquebit apud eos, quicunque integrum hoc Concilium evolverint, quale abs Iuftello defcribitur.

Illud tantummodo addam, prodiiffe in Africa duo opufcula, alterum Ferrandi Diaconi Ecclefiæ Carthagenenfis, qui difcipulus fuit S. Fulgentii Rufpenfis Epifcopi prope medium 6. ſæculi; alterum Creſconii Epifcopi Africani prope finem ſæculi 7.; fed iſta ſunt potius canonum breviaria, quam collectiones; ſiquidem in illis referuntur quidem Africanæ Ecclefiæ ſtatuta, verum ita concifa, ut quaſi per indicem exhibeantur, nec alias quiſpiam illis inniti poſſit, niſi prius cum ſuis autographis conſonare proſus agnoverit.

## OBSERVATIO V.

*De cæteris latinis collectionibus ante-gratianeis privato quorundam ſtudio elucubratæ.*

**I** omnes, quos tanquam eximios canonum Collectores latina fama celebrat, facile numerantur: videlicet Dionyſius cognomento Exiguus, Martinus Braccarenſis, Iſidorus Mercator, Regino Prumiſis, Burchardus Wormaciſis, & demum Ivo Carnotenſis. In iſtis tantummodo ſiſtere juvabit, ut viam ad collectionem Gratiani omnino paratam habeamus.

Quis & qualis fuerit Dionyſius Exiguus, luculenter exprimit Caſſiodorus cœvus auſtor cap. 23. divinarum lectionum. *Fuit noſtris temporibus Dionyſius Monachus Scythæ natione, ſed moribus omnino Romanus in utraque lingua valde doctiſſimus, reddens in actionibus ſuis, quam in libris Domini legerat, æquitatem, qui ſcripturas tantæ curioſitate diſcuſſerat, atque intellexerat, ut undequaque interrogatus fuiſſet, paratū haberet competens ſine aliqua dilatione reſponſum. . . . Qui petitis a Srephano Epifcopo Salonitano ex Græcis exemplaribus canones Eccleſiaſticos moribus ſuis, ut erat planus, atque diſertus, magna eloquentiæ luce compoſui, quas hodie uſu celeberrimo Eccleſia Romana complectitur. Paucis tradidit Caſſiodorus, quæ & ad indolem, ceteraſque Dionyſii qualitates, & ad ejuſdem collectionem pertinent; ex quibus quædam obſervari digna occurrunt. Ait in primis: Fuit noſtris temporibus. Subſecurum adhuc eſt huiusmodi tempus; nam ſcimus Caſſiodorum anno 514. conſulatum geſſiſſe; anno autem 562. nonagenario majorem obiiſſe. Ex Trithemio ſupplebimus, quod deſcit Caſſiodoro. Trithemius in lib. de Scriptoribus Eccleſiaſticis, ubi a Dionyſio tradidit conſectum eſſe cyclum Paſchalem, ita ſubdidit: *Inchoavit autem cyclum ſuum anno Domini 531., & claruit ſub Juſtiniano Magno anno 540., quibus ſere conſonat Bedæ in lib. de ſex mundi ætatibus anno mundi 4480., tradens Dionyſium primum fuiſſe, qui Paſchales circulos inciperet ab anno Dominicæ Incarnationis, qui tunc incidebat in annum 531.. Si fides eſt Bellarmino, ipſe in libro de Scriptoribus Eccleſiaſticis reſert Dionyſium ſcripſiſſe cyclum Paſchalem anno 527.. Ex his deducitur Dionyſium Exiguum forte a tempore Hormiſidæ Papæ uſque ad tempus Vigiliæ floruiſſe. Dixi a temporibus Hormiſidæ, ideſt poſt annum 514., ut verum appareat, quod ait Caſſiodorus: Fuit noſtris temporibus. Seſe enim reſert Caſſiodorus ad præteritum tempus, ut indicare videatur prope illa tempora, circa quæ in-**

Con-

Consulari dignitate constitutus fuerat, quod contigit anno 514. Floruit autem usque tempora Vigilii Papæ, quia eum floruisse anno 540. ex Trithemio adnotavimus. His ceteroqui gravissimis conjecturis non consentiant quamplures, qui tradunt collectionem Canonum a Dionysio Exiguo compositam fuisse, parum circa annum 496., partim circa annum 500., alii addunt completam fuisse in epistolis Hormisdæ circa annum 523., unde vero hæc evuant, qui ita asserunt, non video, nudis forte conjecturis, ut fieri solet in re, de qua historici Dionysio coævi silent. Imo ipse Dionysius in præfatione secundæ Parisi sui Codicis statetur se Gelasium Papam *præsentia corporali non vidisse*, cum tamen Gelasius anno demum 496. obierit. Nemo arbiaretur nimis fore curiosam, aut etiam inutilem hanc disquisitionem meam, in qua solertius elaborandum vellem; etenim ex ea sorte in cognitionem devenire possumus, quisnam fuerit hic Dionysius Exiguus, cujus indolis, & ingenii, quæque etiam de causa novam collectionem adornare studuerit. Fuit, prosequitur Cassiodorus, *Monachus Scythæ natione*. En gravissimam, urgentemque conjecturam, qua fretus opinionem meam jamdiu conceptam aperire non dubito. Anno circiter 518. Monachi quidam Scythæ, quos inier doctrina, & pietate excelluerat quidam Johannes Maxenius, propositionem hanc *unus e Trinitate crucifixus est*, proferre, ac totis viribus defendere in Oriente cœperunt; quæ propositio, licet vera esset, atque Catholicæ Fidei minime contrariæ, universo tamen Orienti jamdiu Nestorianorum, & Euthychianorum reliquiis turbato plurimum attulit incommodum; ex ea enim vulgo a Catholicis creditum erat renovari Euthychianorum errorem, ac si inde deduceretur humanam Christi naturam in Divinam transformatam aliquid fuisse perperam. Delata causa fuit ad Legatos Pontificios tunc temporis in Oriente existentes, apud quos non destiterunt Monachi se, doctrinamque suam dato fidei libello purgare. Detrecharunt Legati se hanc causam discutere, rati ex eo novæ posse in Oriente schismata concitari, ad quæ potius compescenda missi fuerant; interea vero eosdem Monachos acriter objurgarunt, tanquam novitatis amatores, & inopportunitis quæstionibus pertinaces. Monachi Scythæ ægre tulerunt Legatorum Pontificiorum rationem, itaque aliquot ex ipsis Romam festinarunt, penes Summum ipsum Pontificem causam suam oraturi. Hos Hormisdas tunc temporis Romanus Pontifex in primis benignissime excepit, prudenter vero causam discutere distulit usque ad rediitum suorum Legatorum ex Oriente, ne forte Legatis, a quibus appellabatur, inaudiis in causa procederet. Hic sisto conjiciens ex istis forte Monachis fuisse Dionysium nostrum, quem alia de causa Romam e Cœnobiiis advenisse prorsus ignoramus. Quam enim, amabo, præter memoratam potuit esse occasio Dionysio Monacho, cujus propterea institutiones, & religiose vitæ professio eum ad solitudinem vocabant, in Urbe Roma omnium frequentissima, tam diuturno tempore commorandi? Hæc si vera sunt, facile intelligimus quod de eodem Cassiodorus ait: *A oibus omnino Romanus*, decebat enim eum, qui Romam venerat, Romani Pontificis animum appellationis causa sibi conciliandum, ut Romanis moribus indulgeret, videreturque res Romanas peculiari prosequi voluntate. Facile etiam intelligimus, quomodo in utraque lingua *dottissimus* esset, qui scilicet Orientales disciplinas diutius edidicerat, deinde vero Romæ diutius commorans latinum etiam idioma addicere potuerit. Intelligimus quomodo divinarum scripturarum Sacramenta scrutatus fuisset, qui novis propositionibus doctrinam Dominicæ Incarnationis exhibere una cum sociis suis contenderat. Intelligimus tandem, qua

ratione

ratione permotus fuerit, ut novum Canonum Codicem apud Romanos exornaret, improbus Romani Codicis confusionem, ut scilicet ea ratione Romani Pontificis benevolentiam sibi captaret, coram quo sua, vel suorum causa pendebat. Hinc ipse omnium Collectorum primus Codicem Canonum veluti duplicem fecit; in prima enim parte acta Conciliorum, Canonesve comprehendit; secundam Summorum Pontificum decretalibus Epistolis adornavit. Sic animo, & indole Collectoris perspecta ad collectionem ipsam veniamus. In prima parte exorditur a Canonibus Apostolicis numero 50., non sine quod crederet illos vere Apostolis tribuendos fuisse, imo in sua ipse præfatione admonet illis plurimos suum non præbuisse consensum. Subdit deinde Canones græcos latinitate donatos, videlicet Nicænos 20., Ancyranos 24., Neocæsarenses 14., Gangrenses 20., Antiochenos 25., Laodiceanos 59, Constantinopolitanos 3., Chalcedonenses 25., in quibus finem esse Græcorum Canonum asseruit; adjecit postea Canones 21. ex Sardicenis, & 138. ex Carthagenensibus; in secunda parte recenset Epistolas decretales Siricii, Innocentii, Zozimi, Bonifacii, Cælestini, Leonis Magni, Gelasii, & Anastasii. Forte autem in Anastasio opus suum complevit Dionysius, ut in eo integrum quintum Ecclesiæ sæculum concluderet; quod facile ex eo suspicari possum, quia, ut dictum est, primus Dionysius Exiguus tempora Ecclesiastica cœpit a Dominica Nativitate numerare. Fateor editas esse tanquam additamentum Dionysianæ collectionis decretales Hilarii, Simplicii, Felicis, Simmaci, Hormisdæ, & Gregorii junioris; sed hæc esse non posse Dionysii facile ex eo uno evincitur, quod Gregorius junior vixerit longe post Dionysii ætatem. Num vero tantum Dionysianæ collectioni debeamus honoris, ut integrum omnino in ea sacrorum canonum codicem habeamus, certo asserere non aulam. Etenim quod attinet ad priorem partem, quæ potissimum in interpretatione græcorum canonum consistit, etsi consenserim Dionysium utriusque linguæ valde fuisse peritum, tamen plurimum me movet, quod nuper ex Cassiodoro laudabam, videlicet Dionysium fuisse *platum, atque disertum, & magna cum eloquentiæ luce moribus suis canones ex græcis exemplaribus composuisse*. Quid indicant aliud hæc verba, quam Dionysium non servasse literalem ordinem in interpretando, sed eloquentiæ suæ, cum disertus esset, plurimum indulgisse? Quod si verum est, non erit, cur Dionysii interpretationem ita sequamur, ut ad eam, quasi ad tutissimum veteris disciplinæ præsidium, confugere debeamus; præsertim etiam quod Dionysium sciverimus ita affectum, ut quantum fieri posset cause suorum, quam Romæ agebat, patrocinari deberet; præsertim rursus, quod Monachi Scythæ ejus ætatis novis rebus non delectarentur tantum, sed & imprudenter inhiarent. Quod pertinet ad alteram collectionis partem, illam profecto magni semper feci, non quod publica auctoritate unquam probatam, confirmatamve sciverim, sed quod Dionysius, cum Romæ esset, Romanorum Præsulum epistolas authenticas præ manibus habere potuerit, quas describeret, & quas nonnisi maxima petulantia corrumpere potuisset. Sed interea animadvertendum arbitror, non omnes Romanorum Pontificum, quæ tunc extabant, epistolas per Dionysium in codicem fuisse relatas. Quæ ut distinguantur, triplicis generis Pontificum veterum epistolas perpendere oportebit. Aliæ erant Synodice, quæ ad Fidem in Conciliis stabilendam pertinebant; consueverant enim Romani Pontifices sententiam suam præmature significare illis, qui aut Concilium convocare meditabantur, aut ad Concilium ipsum perrexerant. Aliæ erant familiares, quales amicus ad amicum scribere solet; aliæ demum decre-



decretales, quibus vel interrogantibus Episcopis, vel generatim pluribus ecclesiastica disciplinæ capita tradebantur. Prioribus duobus epistoliarum generibus omissis, retulit Dionysius solas epistolas postremi generis: proindeque solerter curare debet unusquisque in exercenda critica arte ad perpendendam veterum epistoliarum Pontificiarum auctoritatem, ne forte ex uno Dionysii Exigui silentio notam falsitatis inuratur antiquissimis epistolis, quin primum animadverterat de quibusnam epistolis agendum sibi proposuerit? Restant adhuc adnotanda postrema illa verba Cassiodori: *Quos hodie usu celeberrimo Ecclesia Romana complectitur*. Num ergo Dionysii Exigui codex ita probatus erit per Romanam Ecclesiam, ut illum quasi proprium omnino receperit, & tanquam optimum disciplinæ sacræ monumentum? Minime quidem dubitaverim hunc codicem Romanis fuisse jucundissimum, jamdiu enim exoptaverant talem habere codicem, qui codicibus Græcis consonas videretur. Revera in Concilio Carthagenensi anni 419., cui Sanctus Augustinus interfuit, proposuerant Legati Pontificis quædam disciplinæ capita ab Africanis Episcopis amplectenda, tanquam a Synodo Nicæna jamdiu constituta. Africani vero, qui in suo codice illa minime habebant, petierunt, ut mitteretur ad Græcos, qui germana Nicænæ Synodi exemplaria in Occidentem adferret, atque hac de re summopere Maximum ipsum Pontificem rogarunt. Quænam itaque melior occasio esse poterat Romanis, quam in ipsa Urbe uti opera Orientalis Viri, qui novam faceret Conciliorum veterum interpretationem Græcæ Fidel consentaneam? Id etiam existimantur opportunum esse unioni inter Ecclesiam Latinam, & Græcam, quæ variantes canonum codices habere jam in Chalcedonenſi Concilio viſæ fuerunt; quippe Romani, quoties hunc codicem Dionysianum in Græcorum conspectum produxissent, eodem tempore producere potuissent nomen Interpretis Græci, cui tanquam ejusdem nationis Viro fides deneganda facile non fuisset. Ceterum hunc codicem publica auctoritate donatum prorsus ignoramus, imo donatum non fuisse vel ex eo probari potest, quod in ipso inserta sint talia monumenta, quæ ipsius Dionysii testimonio in incerta prorsus Fide vagabantur, quemadmodum sunt: canones codici præfixi, Apotolicorum nomine nuncupati. Hanc collectionem Dionysii Exigui hodie editam habemus apud Justellum in sua Bibliotheca Juris Ecclesiastici veteris tomo 1. pag. mihi 101.

Exemplo Dionysii Exigui Martinus Dumienſis primum, deinde Braccarenſis Episcopus novam canonum collectionem adornavit circa annum 570. Fuit ille e Pannonia oriundus, de quo ita scribit Gregorius Turonensis lib. 5. historiz Francorum cap. 38. *Ad visitanda loca sancta in Orientem properans in tantum se litteris imbuisset, ut nulli secundum suum tempore haberetur. Exinde Galliciam venit, ubi Episcopus ordinatur*. Cum itaque in Orientem perrexisset, linguæque Orientalis valde peritus audiret, nihil antiquius habuit, quam latinos vetustissimorum Conciliorum canones græcæ fidei reddere, & nova latinitate donare, ea motus ratione, quod *Canones, qui in partibus Orientis ab antiquis Patribus conscripti sunt, græco prius sermone conscripti sunt, postea autem succedenti tempore in latinam linguam translati sunt, & quia difficile est, ut simplicius aliquid ex alia lingua transferatur in aliam; simulque & illud accidit, ut in tantis temporibus Scriptores, aut non intelligentes, aut dormitantes multa prætermittant, & propterea in ipsis canonibus aliqua simplicioribus videantur obscura &c.* Ita idem Martinus in præfatione sui codicis, profitens se simplicius, & emendatius novam collectionem esse futurum, quam postea non juxta ordinem temporum digessit, sed bipartitus est, ut in prima parte ea referret, quæ ad clericos, in altera

tera quæ ad laicos pertinerent. Utinam vero id ipse perfecisset, aut saltem perficere potuisset! Sed neque perficere potuit, neque eam collectionis rationem iniri, qua ipse perficeret. Non potuit in primis, quia latinos codices corruptos ipse testatur, & ex corruptis codicibus optima collectio speranda non erat; græcis autem codicibus licet ipse rerum græcarum amantissimus plurimum detulerit, tamen jam plura menda accesserant, præsertim prope finem sexti sæculi, quo Martinus scribebat, uri in Observatione tertia exhibuimus. Deinde quænam est optima ratio, qua Martinus se usum fuisse profiteatur, ut magis sinceram, & simplicem collectionem formaret? Non integra canonum verba ipse retulit, sed tantummodo sententias compendiaria ratione dispositas, de quo propterea ait Antonius Augustinus: *aliquando non ita latine facta, ut græce haberentur, sed ex duobus, vel tribus capitulis diversorum Conciliorum, uno capitulo conscripto*. Hujus rei maximum argumentum est, quod univèrsa Martini collectio 84. capitibus continetur, quibus complexus est canones universos græcorum Conciliorum, quos retulit Dionysius Exiguus, præterea Africanos quosdam, Toletanos, & Braccarenses canones adnexuit, quæ omnia longe memoratum numerum excedunt. Si observemus vel unicum caput 32., illud compositum est ex canone 3. Concilii Nicæni, ex canone 15. Concilii Braccarensis, & ex canone 6. Concilii Toletani I. Hanc canonum confusionem rectè observavit Justellus in editione hujus codicis in appendice tom. 1. suæ Bibliothecæ. Illud addam præterea, Martinum aliquando græcis canonibus contrariam sententiam affinxisse, quoties Occidentalis Ecclesiæ moribus adversabatur, uti advertit jam Antonius Augustinus in lib. 1. dial. 10. de emendat. Gratiani ad canonem 9. Concilii Ancyranum, qui a Martino inverte omnino sententia refertur in cap. 39. collectionis. Fidunt quicunque velint hujusmodi Interpretibus, & ex iis fulciant disciplinam sacram, quam tradunt, monumentis. Ego meliores, simplicioresve tutius exoptaverim; gloriarer quidem Martinum Braccarensem institutorem rerum sacrarum habere, non autem uter eo, tanquam canonum collectore, in quo non tam doctrina spectanda est, quam simplicitas, & probata fides.

Quid vero non dicam adversus Isidorum Mercatorem, in quem hodie, tanquam in apertum deceptorem, universi propemodum Eruditorum calami jamdiu exacuuntur? Nomen ille Isidori mutuatus in primis, quo forte eximia Isidori Hispalensis fama incautus illuderet, tot figmenta in medium produxit, ut illis præcipue intermixtis Conciliorum canonibus, novam eo usque ignotorum decretorum collectionem sub initium octavi sæculi efformatam evulgaverit. Prodiit hæc illico gloriose, ut enim vetustissimorum, Sanctissimorumque Pontificum nominibus subdola Collectionis arte decorabatur, non potuit non decipere quamplures etiam Gravissimos Viros, a quibus tanquam sacræ antiquitatis venerabile scrinium recepta est sine discrimine. Nostra ætate vix est, qui Mercatoris fabulas sequatur, postquam communis eruditorum suffragio sunt reprobata, inter quos est Baronius, Bellarminus, Peronius, Antonius Augustinus, Sirmondus, Petavius, & ut innumeros propemodum omittam, Christianus Lupus inter cetera ita scribens de epistolis decretalibus ab hoc Pseudo-Isidoro vulgatis: *Quisquis earum natales jam credit legitimis, atque authenticos, censetur nugæ vendere, & fabulas*. Supervacaneum est hoc loco falsitatis argumenta expendere, vel quod hodie tritissima sint, vel quod suo loco in hoc opere accommodatius adferentur. Generatim adnotasse sufficiat decretales Isidorianas plurimum detraxisse potestati Metropolitanorum, & Synodorum Provincialium,

lium, & illarum caussa controversias quamplures exortas fuisse inter Episcopos, atque Archiepiscopos, quarum vestigium adgnosci potest in can. 1. dist. 19.

Non omitam tamen post proditam hujusmodi collectionem pluribus religiosum fuisse eandem latius producere, ac circumferre, bona sortasse fide; arbitrabantur enim rerum sacrarum thesaurum se reperisse. Hinc anno 785. Agilramnus Metensis Episcopus quædam capitula ex hac Isidoriana collectione derivata Hadriano Summo Pontifici obtulit, quæ hodie inter vetera ecclesiastica monumenta recententur, quasi ab Hadriano ipso Pontifice confirmata. Vidit Stephanus Baluzius antiquissimum hujusmodi codicem in Bibliotheca S. Victoris Parisiensis, ut ipse testatur in præfatione ad Dialogos Antonii Augustini hoc titulo inscriptum: *Incipiunt capitula collecta ex diversis Conciliis, sive decretis Pontificum Romanorum ab Agilramno Metensi Episcopo, & Hadriano Papæ oblata*. Similem titulum vidisse se proficitur Natalis Alexander in tom. 13. histor. Eccles. pag. 54. in manuscripto optimæ fidei, & venerandæ antiquitatis Monasterii Lætiensis; ex quibus falsum esse deducitur, quod quidam sentiunt, scilicet non Agilramnum Hadriano, sed e converso Hadrianum Agilramno hanc collectionem obtulisse. Summis Pontificibus ea ætate aut prorsus incognita erat, aut nondum satis probata Mercatoris collectio, cujus rei argumentum ex eo habemus, quod Hadrianus Papa Carolo Magno dono dedit codicem canonum anno 774., in quo tamen nullum erat decretum ex illis, quæ peculiariter apud Isidorum Mercatorem recensebantur. Licet tamen post hanc Agilramni significationem apud Romanos haberi cœperit plurimi hac Isidoriana collectio, ita ut aliqui ex Summis Pontificibus fragmenta exinde referre non dubitaverint, nuspiam tamen collectionem ipsam ita probarunt, ut pro germano canonum, & decretorum archetypo illum haberent.

Superiores, de quibus huc usque egimus, collectiones sunt veluti primæ, ad quarum formam posteriores compositæ sunt, ut propterea in posterioribus nihil propemodum novi amplius occurrat, sed præcedentium collectionum capita alio tamen ordine disposita, modo brevius, modo fufius exhibeantur, iis exceptis Conciliorum canonibus, qui uniuscujusque Collectoris ætati respondent. Hujusmodi sunt collectiones. Reginonis, Burchardi, & Ivonis; quemadmodum enim Regino ab Isidoro Mercatore, & Dionysio Exiguo, ita Burchardus a Reginone, a Burchardo Ivo Carnotensis acceperunt. Nonnulla de singulis adnotare juvabit. Regino in primis minus frequenter Isidori Mercatoris fragmenta laudat, quasi de illis dubitasse paulisper videatur; Conciliorum autem veterum canones ex Dionysii Exigui interpretatione producit. Præterea in suam collectionem plura transtulit fragmenta Sanctorum Ecclesiarum Patrum, Basilii, Ambrosii, Hieronymi, Augustini, Cassiani, Benedicti, Fructuosi, Bedæ, & Rhabani, quod mea sententia in antecedentibus collectionibus latinis nuspiam factum fuerat. Plurima item debemus Reginoni, quod plura fragmenta suæ ætatis nobis exhibeat, quæ alibi non reperiuntur, præsertim Concilii Triburiensis, ut omitam Nannetense, Rhemense, & Rothomagensis. Adjecit præterea leges quasdam Theodosiani codicis, juncta interpretatione Aniani, leges etiam Francicas plures, quales habentur in Capitularibus, & codice legum Burgundionum, ac Ripuariorum. Collectionis divisionem eandem servavit Regino, quam Martinus Braccharensis, videlicet in duas partes distribuens, & in prima de clericis, in secunda de laicis agens. Sunt qui putant ad usum Ecclesiæ Trevirensis jussu Rathbodi Trevirensis Archiepiscopi fuisse compositam, quod multa habeantur de

de illa Ecclesia: sed res mihi admodum dubia videtur; forte enim de Trevirensi Ecclesia peculiarius ibidem aliquando agitur, quia Regino in illa Liacensi scribebat, dum Prumienſe Monasterium S. Benedicti reget in eadem Diaceſi conſtitutum labente ſæculo nono.

Burchardus Wormaciensis Episcopus initio ſæculi undecimi novum Codicem Canonum edidit in 20. libellos diſtributum, & quidem methodo non inconcinna, ad uſum Eccleſiæ ſuæ Wormaciensis, quem propterea ad Brunichonem ejuſdem Eccleſiæ Præpoſitum inſcripſit; præcipue vero intendit, ut regulas præſtaret pro pœnitentibus excipiendis; hinc non tam plurium Conciliorum Canones, quam pœnitentiaſum variorum fragmenta recentuit. Id quidem (ita ipſe in præſatione Codici ſuo præfixa) *vel ea ratione maxime ſagitare videbatur, quod Canonum jura, atque pœnitentium forma in noſtra quidem Diaceſi adeo conſuſa ſint, atque inter ſe diſcrepantia, ut aut ex toto neglecta, aut omni pene auctoritate deſtituta, vel molice in eccleſiaſtica diſciplina inſtitutiſ apporere poſſint. Qua de cauſa ſape accidit, ut ad pœnitentiæ remedium conſugienciſ cum ob Canonum deſcriptionem conſuſam, tum ob Presbyterorum noſtrorum ignorantiam non facile ſubveniatur, &c.* Verum non ad fontes, uti opus erat, in Canonibus deſcribendis conſugit, ſed recentium collectionum auctoritati plurimum deferens, quidquid in illis rei ſuæ adpoſitum noſceret, id integrum in ſuum Codicem transferrebat. E Reginone præſertim plura depromit, ſed tali oſcitantia, ut frequentiffime Canonum inſcriptiones depravaret: quippe Regino frequenter Canonibus præmittit hæc verba: *unde ſupra*, indicans de eadem materia inferius tractari, de qua ſuperius egerat. Burchardus autem credidit commemorari per illa verba, velut auctorem ſequentis fragmenti, illum ipſum, qui in præcedente laudabatur, ac propterea ipſe, dum fragmentum idem referret, præcedentis auctoris nomine retulit. His addamus oportet Burchardum apud Germanos vixiſſe, quo tempore Germani Francis infeſti plurimum erant; propterea Burchardus a capitibus Francis in collectionem ſuam referendis ſæpius abſtinebat. Cum tamen aliquando ipſi opportuna eſſent certa loca Francorum Capitularium, ea referre non dubitavit, laudans tamen, ex aliis auctoribus propria ſponte deſcripſit, unde tot errata nedum penes ipſum Burchardum, verum etiam in inſcriptionibus ſequentium collectorum profecta ſunt.

Demum Ivo Carnotenſis Episcopus, qui initio 12. ſæculi floruit non longe a Gratiani ætate, auctor fertur duplicis collectionis, quarum alia *Decretum*, alia *Pannormia* appellatur, utrique autem eadem præſatio inſcripta eſt. Pannormia minoris eſt molis, quam vulgo tradunt primo ab Ivone conſectam, deinde vero adauſtam fuiſſe, & tum *Decreti* nomen ab Auctore accepiſſe. Minus celebris eſt Pannormiæ Codex; ſtatim ac enim prodiit Decretum, illud unum viſum fuit Ivoniſ opus, in quod Canonum Interpretes poſitiſſimum incumbere. De Pannormiæ, aut Decreti nomine quærant, quibus majus eſt otium, nihil enim, aut parum refert in hiſce diſputationibus immorari. Illud ſane obſervandum eſt, in utroque Codice plura eſſe menda, ita ut non deſuerit, qui propterea Ivoniſ Carnotenſis tanquam viri ſapientiſſimi opera fuiſſe denegaverit. Auctor itaque hujus operis, quicumque ille ſit, non ſolum errata Burchardi in ſuos Codices tranſtulit, ſed fragmenta præcedentium collectionum modo breviora reddidit, & conciſiora, modo interpretatione, & adjecto gloſſemate fuſiora. Quod in Decreto peculiare eſt, referuntur ſæpiſſime Juris Juſtiniani loca, quod latinis collectoribus eo uſque infrequens fuerat. Cope-  
rat

rat quidem Regino Prumiensis, sed aliquot tantummodo, & ex Theodosiano Codice fragmenta laudare; plures etiam Leges ex Longobardorum consuetudinibus compositas. Primus Ivo, aut quisvis alius Justinianeis Codicibus usus est etiam inter Ecclesiasticas collectiones; siquidem Ivonis ætate tum primum restaurari cœpit jurisprudentia Justiniana, cujus studium Ecclesiasticis Viris optimum visum fuit, etiam rerum ecclesiasticarum causa; ut propterea post eam ætatem apud Latinos adparuerint Nomocanones, qui primum Justiniani ætate apud Græcos esse cœperant, ut superius jam suo loco adnotavimus. Videtur id quidem S. Bernardo duplicuisse in lib. 1. de consideratione cap. 30. ita scribenii: *Est quidem quotidie in palatio perstreperunt Leges, sed Justiniani, non Domini*. Verum sancti viri mens hujusmodi erat, ne quis ita Juris Justiniani sententias perscrutaretur, ut divinas Leges oblivisceretur.

## OBSERVATIO VI.

*Quid ex prædictis generatim sentiendum sit de Gratiani collectione?*

QUÆ huc usque præfatus sum, abunde palam faciunt, qualis esse potuerit Gratiana post memoratas elaborata collectio. Date mihi eruditissimum virum omnis eruditionis genere præstantissimum, qui novæ collectioni Canonum adornandæ præficeretur, num forte sperabimus optimam collectionem? Quibus enim Codicibus utendum erat? Observavimus primo loco generatim nonnisi corruptos, & depravatos, vel ab ipsa primorum Conciliorum ætate esse potuisse Canonum Codices, depravatas interpretationes, sententias glossematibus intermixtis adauktas, immo etiam aliquando in contrariam significationem detortas. Privatis collectionibus fidendum non esse omnino ostendimus; publicas labefactatas fuisse demonstratum est. Num Gratianus ad Codicem Canonis Ecclesiæ universæ confugeret? At præterquamquod Gratiani ætate ignotum fuisse suspicor, jam secundo loco observavimus nullum unquam extitisse hujusmodi Codicem, qui totius Ecclesiæ auctoritate probatus indubiam prorsus fidem faceret. Vetustæ autem Græcorum collectiones jam ætate Gratiani Græcorum schismaticorum perfidia erant turpiter deformatæ: omnes nonnisi ambitum sapiunt. De duabus collectionibus, quæ Romanæ a quibusdam creduntur, nihil dixerim. Satis quarto loco de illis disceptatum est; præterquamquod Gratiano prorsus ignotas fuisse facile arbitror, cum ex illis ne unum quidem fragmentum a Collectore nostro depromptum fuisse adpareat. Collectio autem Canonum Africanorum per se satis non est, ut novæ collectioni materiem suppeditet, cum non aliud sit, quam unicum totius Africæ Concilium anno, uti diximus, 419. celebratum. A Dionysio Exiguo plura immutata fuisse animadvertimus, quemadmodum etiam a Martino Braccarensi, quorum tamen collectiones vix affirmaverim videri potuisse a Gratiano, cujus ætate erant jam propemodum antiquatæ, atque, ita dixerim, extra commercium studiosorum. Proferantur nunc Isidori Mercatoris opera: hinc forte Gratianus optimam collectionem elucubraturus erat? Forte ex Reginone, Burchardo, Ivone, aliisque contemporaneis bene multis, quibus unus, idemque fuit Canonum describendorum fons, & origo? Sane quum ad hæc animadverto, non possum non condolere Gratiano, qui cum vellet novam collectionem Canonum edere, non nisi depravata, & falsa Canonum exemplaria præ manibus potuerit,

tue: i., unde minus probam collectionem posterior ætas susciperet. Hæc generatim dicta sunt. Adhuc alia nunc adnotemus, quibus Gratianæ opus modo adhuc præ Gratiani manibus existens, modo in publicum evulgatum, modo plurimum usu receptum quasi e specula contemplerur.

## OBSERVATIO VII.

*De persona, indole, & studio Gratiani.*

**G**ratiani personam demonstrant natalia, susceptaque vitæ ratio; indolem industriam, & vis ingenii; studium demum peculiaris instituti professio; cui addere possumus temporis, & loci, in quo vixit, peculiaria adjuncta. Ut pauca de singulis attingamus, omitto lubens fabellam illam, quæ jamdiu S. Antonino displicuit in 3. parte Chronicorum tit. 18. cap. 4., quæ traditum ab aliquibus fuit Gratianum Germanum fuisse Petri Lombardi, & Petri Comestoris, omnesque ex adulterio natos, quorum Mater ob egregiam nominis famam sibi ab unoquoque partam fertur nunquam potuisse de commisso adulterio dolere, aut penitentiam demonstrare. Vulgaris opinio est Gratianum Clusii in Etruria natum fuisse circa finem 11. sæculi, vel principium 12., adolescentiorem vero factum Bononiam se transtulisse, ibidemque Monasterium S. Felicis, & Naboris ingressum sub regula S. Benedicti diu vixisse, & circa annum 1151. collectionem suam composuisse; quod tamen Trithemius in lib. 2. de viris illustribus Ordinis S. Benedicti refert ad annum 1127. Inter Trithemium, ceterosque Scriptores jam antecellit Bellarminus de Scriptioribus Ecclesiasticis asserens Gratianum anno 1127. collectioni primam admovisse manum, anno autem 1151. eandem penitus absolvisse. Ad rem hanc faciunt quæ habentur apud Gratianum post Canonem 31. cau. 2. q. 6., ubi apostolorum appellationum causæ petendorum formula exhibetur. Ait Gratianus: *Forma apostolorum hæc est: ego ille Sanctæ Bononiensis Ecclesiæ Episcopus, &c.*, quæ verba demonstrant Bononiæ collectionem hanc fuisse elaboratam: Subditur autem anno MCXLI., uti habetur post Romanam correctionem. Hæc recte consonant cum anno, quo forte Gratianus memoratam causam 2. discuteret. Vulgati quidem, quemadmodum etiam MSS. Codices aliam lectionem exhibebant: Recte vero visum fuit Romanis Correctoribus aliam potius apponere, vel quod facile fuerit ex memoratis notis MCXLI. hæc fieri MCLXI., quemadmodum vulgaræ editiones habebant, vel quia annus MCXLI. congruit cum indictione quarta, quæ eodem in loco a Gratiano adnotata est.

Gratiani industriam, & ingenium vel ex una ejusdem collectione auguramur. Fuit ipse, ut patet, mentis acuminæ præditus, præsertim vero ut novis artibus, atque distinctionibus Patrum dicta, quæ viderentur adversaria, conciliaret: verum non satis excultus, uti collectorem decebat: Græcæ linguæ in primis ignarus, deinde ita in sententiarum digestionem omnia confundens, ut nullam omnino methodum proponere sciverit, aut aliquando propositam constanter servaverit. Item tantam habuit recentiorum collectionum fiduciam, ut sine discrimine quasi res certas, & procul omni dubitatione captaret, quidquid in ipsis legeret; quod sane indicat Gratianum in verustorum Patrum lectione minime fuisse versatum, ac propterea nihil aliud disciplinæ Ecclesiasticæ addidisse, quam quæ vulgo obscura sæculi 12. ætate traderetur. Sed de his fufius infra.

Qua

Qua autem voluntate, & peculiari animi inclinatione propenderit, licet nemo quod noverim ex historicis attigerit, facile tamen conicere possumus, cum observemus Gratianum professione Monachum fuisse, & circa annum 11. sæculi apud Florentiam natum; ineunte autem, & ambulante sæculo 12. Bononiæ educatum. Fuit itaque professione Monachus, & quidem ea ætate, qua Monasteriis exemptionum privilegia concedi cœperant, partim ex Summorum Pontificum munificentia, qui ut plurimum ex Monasteriis Benedictinis eligebantur, ut liquet in Gregorio VII. anno 1073., Victore III. anno 1086., Urbano II. anno 1088., Paschali II. anno 1099., Gelasio II. anno 1119., post cujus obitum. Cardinalium comitia ad novam Papæ electionem in Monasterio Cluniacensi Sancti Benedicti edita perhibentur; partim ex precibus aut Fundatorum, aut eorundem Monachorum, quibus a Summis Pontificibus ab Episcoporum potestate se, suasque Ecclesias eximi postulabant; uti adparet ex Epistolis Gregorii 7. ad Manassæ Rhemensis Archiepiscopum lib. 1. epist. 13., epistola 31. ad Lanfrancum Cantuariensem, epist. 30. ad Fratres Monasterii S. Mariz in Episcopatu Dordoniensi, epist. 62. ad Hugonem Cluniacensem Abbatem, epist. 81. ad Udonem Trevirensem, item lib. 11. epist. 15. 49., & 69. uti præterea adparet ex Concilio Melphitano circa annum 1090., in quo Abbatibus, & Præpositis Monasteriorum decimas sine Episcoporum concessione percipere permissum fuit. Quid referam sexcenta hujusmodi monumenta, quæ Gratiano sæculo in favorem Monachorum emergerant, qua ætate nova quodammodo regiminis forma in Monasteriis est instituta, ut propterea vero admodum simile sit Gratianum ita novis Monachorum institutionibus adhæsisse, ut in sua collectione easdem quoad fieri potuerit & proponere, & illustrare adamaverit. Fuit item Gratianus natalibus Florentinus, educatione Bononiensis. Sive Florentini, sive Bononienses ea ætate adversus Henricum Imperatorem acerrime restiterunt, & quidem communi voluntate nemine dissentiente, ut specialiter de Florentinis testatur optimus Auctor Villani in libro, cui titulus *Croniche Fiorentine* libro 4. cap. 22. ad annum 1080., necnon in cap. 28. ejusdem libri ad annum 1113. Laudandam autem censeo Gratiani æconomiam, qui apud Florentinos, & Bononienses educatus inter gravissimas controversias in sua collectione nihil ad eam rem pertinens disputandum præcipue, dirimendumque suscepit.

## OBSERVATIO VIII.

*De tempore, quo Gratianus collectioni suæ operam dedit.*

CUM dixerimus medio sæculo 12. a Gratiano collectionem Canonum fuisse compositam, satis, superque temporum Gratianeorum improbitatem attigimus. Non sunt hæc silentio prætereunda, cum de collectorum agamus, quem sacra antiquitas prorsus latebat, quique omnia juxta suæ ætatis mores, & libros discutebat. Improbæ tempora appello triplici de causa, primum ratione diuturnarum dissensionum, quæ universam præcipue Italiani susceque turbaverunt; deinde ratione Sacrorum Codicum, qui aut deperditi erant, aut enormiter depravati, aut ad eruditorum manus facile pervenire non poterant, si qui forte integri in Bibliothecarum pulvere latuissent; postremo ratione ecclesiasticæ disciplinæ plurimum tunc tempo-

temporis lapsu, quam propterea unusquisque Sacrorum Canonum studiosus, ipsi prae ceteris Summi Pontifices deplorabant.

Nemo itaque ignorat, quamdiu vexaverint Italiam acerrimae contentiones ab aetate Gregorii 7. usque ad integrum ferme 12. saeculum, divisa enim in plures factiones unaquaque regio videbatur gravissimum publicis rebus excidium minitari. Ipsa Romana Civitas majori zelo semper alias defensa, plura etiam passa fuit incommoda ob frequentes hostium incurSIONES modo aperta vi factas, modo callide attentatas. Eo res pervenit, ut etiam sacrarum rerum ratione deplorabile schisma diu perseveraverit, pluresque simul per integrum saeculum de Summo Pontificatu contenderent.

In tanta rerum perturbatione vix concipi potest, qualis fuerit rerum sacrarum vetustissimarum cura, atque inquisitio, unde alterum incommodum Gratianae aetati accessit, ut nemo Canones collecturus integros posset alicubi Codices invenire: facile enim conitit in Florentina Civitate Gratianum uti Codicibus non potuisse propter incendium Civitatis, quod bis universas prope urbanas Scripturas perdidit, testante memorato Villani loco citato lib. 4. cap. 29. scribente, anno 1115. mense Maii maximam Civitatis partem ignis impetu exaruisse, rursus vero anno 1117. novo incendio illa fuisse deperdita, quae non perierant primo, deperdita praesertim fuisse rerum antiquarum volumina, illa etiam, in quibus ipsius urbis monumenta vetustissima continebantur. Alibi vero Gratianus quos habuisset libros? Non sane ex Graecis, & Orientalibus adsequi poterat; cum Graeci novo schismate ab Occidentalibus divisi essent, nullamque haberent rerum sacrarum communionem. Gravissimae scissioni causam dederat Michael Caeſarialis Patriarcha Constantinopolitanus circa annum 1053. in Latinam Ecclesiam universam plurima molitus, quamobrem Bernardus, qui 12. saeculo vivebat, ita scribit ad Eugenium III. *Ego adlo & de pertinacia Graecorum, qui nobiscum sunt, & non sunt, juncti fide, pace, divisi, quamquam & in fide claudicaverunt a semitis rectis.* Solis itaque Latinorum Auditorum Codicibus utendum erat Gratiano, iisque, quemadmodum erant, corruptis, & depravatis, sive non ex autographorum integritate, sed ex pravis collectionibus omnino traductis.

De Disciplina Ecclesiastica 11., & 12. saeculi non est cur fusus loquar. Ejusdem corruptelam apprime norunt quicumque vel mediocriter in historia Ecclesiae versati sunt, adeo ut apud plurimos dubitetur, num res Ecclesiae in deteriori conditione fuerint, cum fides oppugnaretur ab Haereticis omnium pessimis, an Gratianea hac aetate, cum salva fide, mores Fidelium depravati undequaque adparerent. Quicumque voluerit de hac re sobrie judicare, legat S. Bernardum ejus aetatis Scriptorem in libris de consideratione ad Eugenium Papam, ubi plurima fusa exponuntur, & declamatur praesertim adversus Clericorum abusus. Revera apud, Concilia illius temporis patet, qualis fuerit Clericorum incontinentia, ambitio, scurrilitas, avaritia, rerum sacrarum contemptus; paucis enim exceptis, qui suadendibus praesertim, & argutibus Pontificibus Maximis vitam communem elegerunt, ceteri pessimum sui ipsorum exemplum praebant; unde occasio laicis fuit sacra ipsa contemnendi, eisdem Clericis decimas acerrime denegandi, immo etiam bona Ecclesiarum diripiendi, ac devastandi; deinde vero cum res in meliorem frugem reverti videretur, non aliter Laici ad restitutionem adigi potuerunt, quam si Monasteriis potius, vel Canonicis & decimas, & Jura Ecclesiastica concedere se posse obtinuerint, unde

Monasteria



Monachi præ Clericis sicuti ditiores, ita etiam venerabiliores apud Laicos facti tum, & habiti fuerunt. In hisce temporum circumstantiis positus erat Gratianus, cui si quod lumen inter tot tenebricosas caligines affulgere potuit, illud sane non nisi exiguum fuit, & vix aptum, ut mediocris utilitatis collectioni prodesset.

## OBSERVATIO IX.

*De Gratiani methodo, & ejusdem Collectionis argumento.*

**P**erperam vulgo Gratianæ Collectio *Decreti* nomine nuncupatur; neque enim in primis Decretum est, sed potius Collectio Decretorum; deinde Gratianus, ut arbitror, hoc nomen Codici suo nupiam dedit, ac propterea in melioris notæ editionibus ita solum inscribitur: *Concordia discordantium Canonum*, atque hoc nomine appellatus est Codex a veteribus, qui non longe post Gratianum scripserunt, uti adparet in cap. 20. de electione in additionibus, ubi Innocentius III. Gratiano sæculo vivens habet ad Gratianum respiciens: *Quidam vero ad concordiam discordantium revocantes repugnantiam Canonum prædictorum sopire quodammodo videbantur* &c. *Decreti* itaque nomen ex vulgari potius appellatione profectum est, ad exemplum forte Ivonianæ collectionis, quæ paullo ante Gratianum sub nomine *Decreti* prodierat.

Porro ex germana illa inscriptione Codicis Gratiani, *concordia discordantium Canonum*, clarissimum eruimus totius operis argumentum. Gratianus in recentiores sui temporis collectiones incidens, & pro modo ingenii decreta in illis contenta meditatus, agnovit quædam inter se se videri contraria, forte etiam idipsum agnovit ex eo, quod audivisset quosdam contrariis opinionibus disputantes, singulos autem Canonum Sacrorum regulis innixos, eodem ferme pacto, quo hodie Theologorum, quos Scholasticos vocant; sectas divisas, atque in pluribus contrarias frequenter experimur, omnes etiam ejusdem, quem sibi sequendum proponunt, vestigiis inhaerere se profitentes, illud arbitratus est utile esse, si discordantes, ut ipse ait, Canones ad concordiam revocaret. Et en totius Gratiani operis argumentum, ex quo proprie opus idem non meram collectionem Canonum dicere poterimus, sed quædam potius Ecclesiastici juris documenta variis distinctionibus elucubrata, adjectis pro rei opportunitate capiibus, probationis, & demonstrationis causa. Quid vero? Parendum est recepto errori. Vulgus collectionem Canonum credidit, atque hodie talem præfert imaginem sui, ut tanquam vera collectio habenda sit; etenim potissima Canonum descriptorum in præsens ratio habetur, qui & numeris distincti posteriore manu fuere, ut infra dicemus, & diversis characteribus designati, ita ut Gratianæ verba, & explicationes, in quibus potissimum Gratianus totius ingenii vires infusit, minimi habeantur, atque Interpretes tantummodo in Canones ibi descriptos intendant. Per me ita sit: Habeamus opus Gratiani, ut meram collectionem. Hac enim de causa emendationem suscepi a Gratiani sententiis penitus abstinens, cum parum eruditorum interfit. Sed interea non omitam in Gratiani ipsius methodum aliquantisper inquirere; ex hac etenim observatione magis magisque liquerebit, quale Gratiani Codicis judicium habere unusquisque debeat.

In eo hodie generatim eruditi universi concordant cum Antonio Augustino lib. 1. de emendat. Gratiani Dialogo 1. ita scribente: *Si artem requiras (apud Gratianum) & ordinem docendi, frustra laborabis*. Revera si præcipuum totius operis divisionem attin-

atingamus, distribuitur illud in tres partes, quarum prima complectitur distinctiones 101., secunda causas 36., tertia alias distinctiones 5., sed adjecto titulo *de Consecratione*, ut has forte a prioribus auctor quoquo modo distingueret. Quid sibi hac divisione voluerit Gratianus, nemo sanus intelligit. Nam quæ ratio eum movere poterat, ut postremas distinctiones separaret a primis? quæ rursus ratio, ut varias quæstiones modo sub causarum, modo sub distinctionum titulo discuteret? Unicam, quod video, inter causas & distinctiones, diversitatem observandam nobis exhibet, in distinctionibus ab una ad aliam materiem quasi more præceptoris progredi, at in causis ad instar recentium cõsultarum quandam facti speciem proponere, pluribus deinde quæstionibus ex facto emergentibus satisfaciendo. Verum unus, aut alter ordo vel distinctionum, vel causarum satis erat operi integro elucubrando, nec erat, cur distinctionibus causæ interfererentur. Præterquamquod eadem ferme materiz tam in causis, quam in distinctionibus discutuntur, ut videatur auctor in causis eorum immemor, quæ jam in distinctionibus pertractaverat. Exempli gratia in prima parte dist. 22., & sequentibus expendit, quid servandum sit in Ordinationibus Clericorum; at rursus idipsum explicat in secunda parte cau. 1. qu. 1., ubi de Simoniacis ordinationibus reprobandis sermonem instituit. In causa 27. 31. 32., & sequentibus de conjugis agit, de quibus jam in distinctione 30. differuerat. In tertia tantum collectionis parte videbatur expendere voluisse, quæ ad Consecrationes Ecclesiarum, Baptizandorum, Confirmandorum, & Ordinandorum pertinebant; sed jam de his sermonem fecerat in distinctione 33. 48. 50. 64., & 65.

Quod si peculiariter ad singulas distinctiones, & causas descendere velimus, eo clarius contabit nullum omnino ordinem rerum fuisse servatum. Initio quidem Gratianus generatim de legibus orationem instituit, recto sane ordine, nisi divisionibus suis rem ita confudisset, ut sæpe digressus fuerit à proposito suo, opusque habuerit lectores, quos secum alio abstraxerat, ad præscriptam materiem identidem revocare. Hinc cum in 1. 2. 3. & 4. distinctione de juris naturalis ac positivi discrimine differere voluerit, monet initio distinctionis 5. *nunc ad differentiam naturalis juris, & ceterorum revertamur*. Putaret quispiam Gratianum in hac distinctione 5. aliquid de jurium differentia tradidisse. Sed expectationi non satisfecit Gratianus, qui levi occasione arrepta totus fuit in explicando munere recens enixæ mulieris, ut ostenderet ad eam virum eo temporis accedere non debere, nec ipsam mulierem posse in Ecclesiam admitti. Amplius digreditur: nam in distinctione 6. ita exorditur: *Quia vero de naturæ superfluitate sermo corpit haberi, queritur an post illusionem, quæ per somnium solet accidere, vel Corpus Domini quilibet accipere valeat, vel, si Sacerdos sit, sacra Mysteria celebrare?* Ad rem tandem venit in dist. 7. 8. 9. & 10., ubi juris origine, & causis exploratis proposita jamdiu juris naturalis, & positivi, imo etiam Ecclesiastici, & Civilis juris discrimina expendit. In dist. 11. repetit eadem, de quibus jam abunde egerat in distinctione 8. de consuetudinibus inducendis. In dist. 12. de consuetudine differit, rursus vero in duabus sequentibus distinctionibus remeat ad juris naturalis scientiam, tradens nullam in eo dispensationem admitti posse. In distinctione 15. proficitur se de jure naturali, constitutione, & consuetudine satis differuisse, pergere autem ad leges Ecclesiasticas, quasi de illis nondum disputasset; recenset propterea canonicas Scripturas, & Codices authenticos ab apocryphis fecernere studet. Optandum esset, ut hujus distinctionis

tionis materiem solertius investigasset, antequam collectioni suæ adornandæ manum admo-  
veret. Postquam vero & de Conciliis five Generalibus, five Provin-  
cialibus, necnon Summorum Pontificum Decretalibus pluribus distinctionibus multa  
complexus fuerit, in distinctione 20. & sequentibus de Ecclesiasticarum personarum  
statu, gradibus, & ordinatione disputat: sed interea more suo digreditur; nam  
cum ante canonem 3. dist. 25. peculiariter concluderet Episcopum ab omni etiam,  
ut ajunt, veniali labe esse debere purgatum, in canone 4., (cui ab auctore Palex  
ad eandem rem additus est quintus), agit de igne purgatorio. Rursus cum dixisset  
Episcopum bigamum ordinari non posse, data occasione querit, an bigamiz labe  
per baptismum tollatur in dist. 26., deinde in dist. 27. & 28. de continentia Sacer-  
dotum, Diaconorum, & Subdiaconorum agris intermiscet disputationem, num.  
qui continentiam vovit matrimonium contrahere valeat? In dist. 29. en rursus Gra-  
tianum quasdam positivi juris differentias expendentem; ait enim positivum jus ex  
causis, loco, tempore, & persona considerandum esse; atque in hac re valde  
perspicua in tota distinctione 30. 31., & 32. variis propositis exemplis immoratur,  
plura ibidem congerens, præsertim de Manicheorum superstitionibus, & continen-  
tia Clericorum, de qua jam superius egerat dist. 27. & 28., eaque occasione in  
dist. 33. illud suscipit disputandum, utrum Sacerdos ordinari possit, qui primum  
ad uxorem & concubinam habuerit, quod potius pertinebat ad dist. 25. aut 26.  
Sed quid hoc memoro, cum in dist. 34., & sequentibus usque ad 49. cæteras per-  
sequatur ordinandorum Sacerdotum qualitates, de quibus jam in dicta dist. 25. tra-  
ctaverat? Singularis est ratio in dist. 50., ubi Gratianus allatis in utramque partem  
Sanctorum Patrum sententiis disputat prolixius, num Clerici graviorum criminum  
conscii post peractam pœnitentiam ad priores gradus restituendi sint? At postquam  
plura adduxisset ad concilianda, quæ attulit fragmenta, rem integram ita sescit,  
& obscurat, ut interpretes egeant interprete; etenim nunc uno, nunc altero modo  
distinguit, quasi neutrum probet, ut videre est ad calcem canonum 28. 34. 35. 51.  
52. & 61., ac postremo re paulisper explicata quædam sibi rursus objicit, quin ta-  
men difficultatem propositam dissolvat. In dist. 51. 52. 53. 54. 55. 56. 57. 58.  
59. 60. & 61. enumerat varia personarum genera ex iis, qui nequeunt ad sacros  
Ordines promoveri; atque inter ceteros recensens filios Presbyterorum, occasionem  
arripuit disputandi, num paterna vitia filiis noceant. Præterquamquod repetit ibi-  
dem, quæ jam demonstraverat in dist. 36. 37. 38. & 39. pergit in dist. 62. & 63.  
ad personas, quibus jus eligendi tribuendum est, ubi tamen variis in contrarium  
argumentis oppositis congrue non satisfacit, ut in hac re *concordia discordantium Ca-*  
*nonum* ipsi defuisse videatur. Ab electione, recte ad consecrationem perrexisset in  
dist. 64. & 65., nisi plura ibidem de Cathedralium prærogativa intermiscuisset. De-  
scendit ad Ordinationes inferiorum Clericorum in dist. 66. 67. 68. 69. 70. 71. &  
72., ubi cum aliqua dixisset de non ordinandis extraneis, nisi a proprio Episcopo  
commendatis, de literis commendatiis sermonem instituit in dist. 73. Subdit  
in sequentibus de persona ordinandorum, & de temporibus ordinationis in dist. 74. &  
75., sed ea occasione tempora jejuniorum expendit in dist. 76., subiciens deinde  
in dist. 77. & 78. quæmplura confusa, atque permixta, ut videatur ibidem adjecisse,  
quæ in superioribus forte oblitus fuerat. Revertitur in dist. 79. ad ordinationes  
Episcoporum, & in dist. 80. loca illa Episcopis assignat, quæ sunt frequentiora. His  
absolutis ad alia prorsus se manum admovere proficitur Gratianus in dist. 81. ita

exordiens: *Hæc de ordinandis, & ordinatoribus, atque de singulorum graduum distinctionibus, & officiis dixisse nos sufficiat. Verum, quia aliquantulum in his immorati sumus, quædam præcedentibus coherentia sub epologo ad memoriam subiciamus. Debet ordinandus in Episcopum, (ut Apostolus scribit), esse sine crimine, idest sine peccato mortali, quod non solum de Episcopo, sed etiam in quolibet electo ad aliquam præposituram Ecclesiæ oportet intelligi. Quæ deinde longa distinctione probat, & Patrum sententiis confirmat; cum vero in canone ultimo adduxisset quoddam concilii Carthaginensis Decretum, quo præcipitur viduis, quæ alimenta Ecclesiastica percipiunt, ut Ecclesiam precibus, & orationibus adjuvent, hac occasione in dist. 82. quæsit, num Episcopi viduas, & pauperes alere teneantur, & in Canonibus sequentibus ad alia omnino diversis de Clericis lapsis restituendis rursus agit, quæ erat proluxa materies distinctionis 90. Subdit rursus de qualitatibus ceteris Episcoporum usque ad dist. 91., post quæ in dist. 92. ita concludit: *Cum autem ad Ecclesiam venerint, corde magis, quam voce cantandum meminerint*; proinde in tota ferme distinctione de cantu, & canendi officio loquitur, non omittens tamen quædam more suo intermiscere ad Episcopos, & Presbyteros pertinentia, quos sua Parochia non recipit. Nullo autem modo superioribus nectitur distinctio 93., ubi agitur de obedientia, quam inferioribus superioribus exhibere tenentur; ubi tamen observamus aliquamplura de muneribus Sacerdotum, de improbando despectu sanioris doctrinæ, & alia passim. Longe etiam ditat materies dist. 94., cui est hæc præfatio: *Subdiacono etiam summus Patriarcha vices suas committere valet. Et quod magis est, sub hoc themate tria capita subjiunguntur, singula fere alium ad finem spectantia; Primum quidem ad rem propositam pertinet; secundo decernitur excommunicandos illos esse, qui legatos Sedis Apostolicæ turbant; tertio cohibentur Archidiaconi, qui supra Presbyteros jurisdictionem exercere præsumunt. Non minus longe abscedit Gratianus a superioribus in dist. 95., ubi quærit, num Presbyteri possint baptizare, confirmare, & consecrare, adductis autem contrariis Patrum suffragiis nullam interpretationem adjicit, nec memor est sui propositi, quod in ipsa operis inscriptione exhibuerat. In dist. 96. meminit se in can. 8. dist. 79. quædam retulisse de Honorio Augusto, ideoque, quod ibi deesse videbatur, supplet hoc loco, sicut etiam in sequenti distinctione, ubi tamen can. ult. demonstrandum aggreditur, Ecclesiam Romanam non consuevisse suscipere legationem sine signatis apicibus. Rursum ad alia gradum facere se proferitur Gratianus in dist. 98. ibi: *Quæ circa ordinandos sint observanda, multorum auctoritatibus monstrata sunt. Sed quia veritas rei nonnumquam obscuratur mutatione provinciarum, decretum est sacris canonibus, ut peregrini, nisi quinque, vel eo amplius suorum Episcoporum fuerint commendati chirographis, non ordinentur*. Credideris certe in sequentibus hanc, aut similem materiem pertractari: sed cetera non respondent., nam statim in longinqua abit Gratianus ita præfatus in dist. 99. *De primatibus autem, quorum supra mentionem fecimus, queritur, quem gradum in Ecclesia obtineant hæc*. Dein in dist. 100. totus est, ut concludat Episcopis non licere ante acceptum pallium sacras Ordinationes celebrare. Demum in dist. 101. priorem hanc sui codicis partem absolvit, ajendo duos in una provincia Metropolitanos esse non posse. Quis non miretur tantam rerum confusionem?**

*Hactenus de electione, & ordinatione Clericorum tractavimus: Nunc ad simoniacorum ordinationes transeamus. Ita Gratianus partem 2. sui decreti incepturus. Jam autem his fere verbis professus fuerat initio dist. 81., monens se satis de Clericorum ordina-*

ordinatione fuisse loquutum, quamquam deinde & de eadem plura subjecerit. Hoc autem in loco idem ferme peragit; nam eo ipso, quo proficitur se de ordinationibus tractasse, pręparat se ad novam de eisdem ordinationibus, per simoniam scilicet celebratis, disputationem. Num saltem a digressionibus abstinere? Minime gentium; nam in ipsa causa 1., ubi ceteroqui de simoniaciis ordinationibus sibi agendum proponit, querit, num simoniacus hæresi reſticiens sit ad Episcopalem gradum recipiendus, eaque occasione plura disputat de baptismo Hæreticorum, de iis, qui a falsis Episcopis ordinantur, de charactere baptismatis, de illis, qui cum hæreticis orant, aut ab ipsis eulogias accipiunt, de remissione peccatorum, quæ non ex hominum merito, sed ex Dei virtute dependet, de alimenis pauperibus suppeditandis, de crimine paterno, num illud filiis obſit, de consecratione Ecclesiarum, de dispensatione sacrorum Canonum, & aliis similibus a simoniaciis causis valde discretis. Transit post hæc Gratianus ad 2. causam, ubi plura discutit de iudiciis, testibus, accusationibus, appellationibus, uno verbo, de re judiciaria, atque, ut a simonia ad hoc gradum faceret, ita excusis est: *His breviter præmissis ad ea veniamus, quæ Ecclesie severitate disciplinæ parata est ulcisci, offendentes, quibus accusantibus &c.* Arbitratus est, ut videtur, Gratianus judiciares res ita a causis simoniaciis dependere, ut de simoniaciis causis præmittenda foret exacta disputatio. Causa tertia, & quarta potius secundæ cohæret; agitur enim in illis de accusationibus, & restitutione spoliatorum, quemadmodum etiam in causa quinta, ubi tamen plura permixta sunt de Conciliis, & eorundem celebratione. Eadem iudiciorum materies petraſtatur in causa sexta; ad septimam vero sine ordine pergitur, ut inquiratur de coadjutoribus Clericorum ægrotantium, aut senio confectorum, de translationibus, & renunciationibus Episcoporum. In causa octava en rursus Gratianum revertentem ad simoniacas ordinationes, atque eas, quæ sunt vivente adhuc Episcopo per designationem successoris. In causa 9. persequitur tractatum de Ordinationibus Clericorum, quem toties se absolviſſe jam professus fuerat. In causa 10. alia omnino materies sine ordine subjicitur, videlicet de rerum Ecclesiasticarum administratione, quæ Episcoporum vigilantiz, & sobrietati committitur. Sed in causa 11. rursus arripuit Gratianus causas judiciares, quod præsertim attinet ad forum competentis Clericorum, in qua tamen re non satis moratus est; nam statim in causa 12. denuo regressus est ad bona Ecclesiastica, & ad expendendam potestatem, quam in illis sive viventes, sive morientes exercere possunt Ecclesiastici administri. In causa 13. complexus est Gratianus jura quædam Ecclesiastica decimarum, & sepulcrorum, necnon eorundem jurium præscriptiones. In 14. damnantur Clerici ad usuras intenti, eaque occasione discutitur, num de usurarum lucris possit quis elemosinam elargiri? In causa 15. mirum est, quam varia & longe diffusa simul congerat Gratianus. Querit enim 1., num crimina sine voluntate commissæ sint imputanda? 2., an pro impensis patrociniis liceat Clericis munera exigere? 3., an ex mulieris confessione quis sit condemnandus? 4., an die dominico debeat causa ventilari? 5., an accusato neganti sit purgatio deferenda? 6., an confessio sit cruciatibus extorquenda? 7., an sine Synodo Episcopus valeat Sacerdotem damnare? 8., an sponte confessus se ante Ordinationem peccasse, possit suscipi ordinis officium exequi? Quæ sine omnia mentem in varias distrahant partes, & quemadmodum ad iudiciorum materiem spectant, commodius in superioribus a Gratiano petraſtata fuissent. In causa 16. 17. 18. 19., & 20. de Monasteriis, & rebus ad

Monasteria pertinentibus differit auctor noster; identidem tamen varias quæstiones interferit de præscriptionibus, de alienationibus rerum Ecclesiasticarum, aliasque hujusmodi controversias; cum autem in causa 20. egisset de Monachis de uno in aliud Monasterium, sive regulam transeuntibus, occasionem sibi exhiberi commodam arbitratus est, ut in sequente causa 21. de Clericis de una ad aliam Ecclesiam transeuntibus differeret; immo quia de Clericis agere ibidem cœpit, prosequutus est quædam de eorundem moribus, indumentis, negotiationibus, & judiciis. In causa 22. totus est in jurisjurandi, perjurii materia, quæ an superioribus cohereat, facile unusquisque judicaverit. Abs jurejurando transit ad militiam in causa 23., querens 1., an militare sit peccatum, & a similibus gradum ad alia ibidem faciens, quinto quærit, an iudex, vel minister peccet reos occidens? 6., an mali ad bonum cogi possint? 7., num hæretici bonis propriis sint spoliandi? & 8., num Episcopis, ac Clericis arma sumere liceat? Quoniam vero quædam attigerat de hæreticis, quærit in causa 24., num Episcopus in hæresim lapsus judicare possit, atque alios excommunicare, arreptaque occasione sermonis de excommunicatione instituti, quærit statim, num excommunicationis pœna vita functis possit infligi, & num causa peccati unius de familia possit tota familia excommunicari? In quæstionibus autem hujusmodi tradit Hæresim, & Schismatum discrimina, & præcipuas Hæreticorum sectas recenset. Causa 25. integra pertinet ad privilegia Romanorum Pontificum auctoritate concessa, qua occasione in fine causæ quærit, num privilegium Episcopalis sedis privari debeat Civitas illa, quæ suum Antistitem interfecerit? His expeditis sequitur causa 26. de sortilegiis, & quidem fusa oratione; inter quæstiones tamen in ea materie propositas hæc interz sunt num. 6. & 7., an excommunicatus ab Episcopo reconciliari per Presbyterum possit eodem Episcopo inconsulto, & num morientibus pœnitentia indicenda sit sub temporis quantitate? Ab hac postrema quæstione de pœnitentia morientium ad nuptias gradum facit Gratianus, quærens in causa 27., an nuptiæ inter voventes iniri possint, an sponsa possit a sponso recedere, & alteri nubere? & alia similia, quæ fusa prosequutus est in causa 28. 29. 30. 31. 32. 33. 34. 35., & 36. Hoc tamen in loco observandum est in media causa 33., idest inter mediam conjugiorum materiem insertum esse tractatum de pœnitentia in septem distinctiones distributum, quem licet quibusdam visum sit Gratiano non esse tribuendum ob quorundam veterum codicum fidem, in quibus forte desideratur, tamen illud in omnibus recentioribus reperitur, & MSS. antiquissimis universis, qui ad eruditorum manus hucusque pervenerunt. Videant qui ita senserunt, ne in eo decepti fuerint, quod in codicibus quos forte viderint, non adsit *distinctionum* de pœnitentia distributio; etenim fateor in antiquis Gratiani exemplaribus *distinctionum* divisionem non apparuisse, fuisse autem adpositam posteriore manu claritatis ergo: at vero exinde non colligitur, a Gratiano, quæ in hoc tractatu laudantur, capita non fuisse collecta. Illud sane certum est non posse hoc opusculum de pœnitentia alicui auctori tribui, qui Gratianum jamdiu præcesserit; etenim in eo laudantur plura capita juris Justiniani, quod dudum Gratiane ætate restitutum fuisse scimus.

Tertium decreti sui partem in quinque distinctiones paritus est Gratianus adjecto titulo de *Consecratione*; sed quæ ibidem subjecit, titulo ipsi non undequaque respondent. In dist. 1. exorditur a Consecrationibus Ecclesiarum, pergit deinde ad Missarum celebrationes, translationes sanctorum Corporum, sacra Vestimenta, vasa, & ligna divi-

divinis usibus dedicata. Rursus de Missarum solemnitatibus, & Eucharistia agit in distinctione 2., sed in dist. 3. postquam aliqua disseruit de diebus feriatis, plura adnectit de sanctorum imaginibus, de diebus jejuniorum, necnon de fide Sanctæ Trinitatis, sine ordine, ac nexu. In distinctione 4. agitur de Sacramento Baptismatis, in quinta demum de Sacramento Confirmationis, eaque occasione de Neophitis: cum vero Gratianus Canonem attulisset, quo Neophiti a lautioribus epulis abstinere jubentur, quædam subdere non dubitavit de jejniis, de spectaculis, & mulierum ornamentis. Demum duobus fragmentis opus suum absolvit, quibus probaret Spiritum Sanctum a Patre simul, ac Filio procedere. Post hæc ita discussa, quæque clarius Gratianæum opus universum accurate evolventibus constare possunt, facile noverit uniusquisque Gratianæum codicem undequaque inordinatum, nihilque aliud continere, nisi quamdam confusam, & sine discrimine cumulatam sacrorum Canonum, & sententiarum farraginem.

# OBSERVATIO X.

*De iis, quæ Gratianæo Codici jam per Auctorem suum absoluto accesserunt.*

**D**UO potissimum in Gratianæo Codice hodie habemus, quæ nobis eundem exhibent paullo aliter, quam a Gratiano ipso editus fuerit. Consistit primum in additamentis capitum, quæ passim nomine *Paleæ* inscripta observamus. Consistit alterum in notis numeralibus, quibus fragmenta Canonum ex Conciliis, Pontificibus Maximis, & Sanctis Patribus deprompta laudari, & distingui solent. Quicumque sit harum accessionum auctor, non ausim asserere utilitatem magis studiosorum, quam Gratianæi Codicis majorem perturbationem attulisse, quocumque tandem animo fecerit, atque optima voluntate.

Ut de *Paleis* primum loquar, ablineo a vulgaribus fabellis, quibus hoc *Paleæ* nomen occasionem fortasse præbuit. Illud mihi satis est observare, eas Gratiani esse nullo modo posse, sed posteriore ignota manu accessisse, ad marginem primum adpositas, dein in textum ipsum translatas, quod jamdiu vetustorum Codicum auctoritate in sua Præfatione demonstrarunt Romani Correctores, necnon Antonius Augustinus lib. 1. Dialogo 2. de emendatione Gratiani. Addo ego gravissimum hujus rei argumentum; nam frequenter contingit Gratianum laudare quendam Canonum, seu Canonicarum sententiarum Auctorem, cui inscriptioni *Palea* subjicitur; at vero non *Paleæ* sententia, sed quæ *Paleam* subsequitur, ad eundem Auctorem referenda est.

Sit exemplum in Can. 2. cau. 9. qu. 2. Ante correctionem Romanam hæc ibi inscriptio habebatur: *Idem*, quæ significabat sequentem Canonem esse Calixti Papæ, ex quo superior laudatus erat. Verum Calixti est Canon 3. subsequens, at Canon 2. qui *Paleæ* nomen habet, Urbano Papæ potius tribuendus erat, quemadmodum tributus est ab eodem Gratiano in Can. ult. dist. 6. de pœnit. Aliud exemplum, & quidem luculentissimum habemus in Can. 2. 3. 4., & 5. cau. 16. qu. 2., ut alia omittam quamplura. Post Canonem primum Gratianus Urbanum II. laudaverat, cujus verba subdere volebat, sed Canon 2. prout hodie describitur, non est Urbani 2., imo nec Canon 3., nec Canon 4., nec Canon 5.: Urbani II. est Canon 6., ad quem

quem initio Gratianus respexerat, ac propterea auctor *Palea* separavit Canonem 6. a sua inscriptione, quæ est ante Canonem 2. eo ipso quo quatuor fragmenta interposita. Hæc non solum aperte indicant *Palea* posterioris auctoris accessiones esse, verum etiam Gratiani Codicem, præsertim in fide inscriptionum, quoquomodo turbasse, ut hodie appareat quasdam sententias a suis auctoribus omnino divulsas, illis autem auctoribus alias falso tributas. Fateor tamen hodie sive *Palea* additamenta, sive fragmenta Gratiani pro Canonibus sacris solere laudari, & quidem mea sententia parum interesse debet, num monumenta quædam Ecclesiastica per Gratianum, num potius per ignotum auctorem exhibeantur; quamobrem in hoc opere meo a *Paleis* referendis minime abstinendum putavi, eandemque in ipsis ac Gratianis fragmentis perscrutandis, interpretandisque pro rei merito curam adhibui.

Alterum accessionum genus in numerorum notis consistere asseribam. Etenim Gratianus, dum suum Codicem elucubraret, nulla peculiari numerica nota unum caput ab altero distinguit, sed veluti continuata oratione sententias Patrum sententiis suis adtexuit ad instar Petri Lombardi in suis distinctionibus: quamobrem apud veteres Canonum interpretes videmus laudata Gratianeæ capita non per numeros verbi gratia *Can. 1. dist. 80.*, sed potius hac formula *Can. urbes, & loca dist. 80.* Primi fuerunt Antonius Contius, & Antonius Demochares, qui rem gratam studiosis se facturos fuisse arbitrati sunt, si Canones a Canonibus adjecta numerica nota secernerent. Idipsum fecit Antonius Augustinus eodem tempore, quo Contius, sed non eundem ordinem servavit, quemadmodum ipse proficitur in Dialogo 18. lib. 1. de emendatione Gratiani, ibi: *Ego numeros addidi ante eam editionem, neque divinare potui, quid in ea scripturus esset Contius.* Qui hodiernos Codices ediderunt, aut renovarunt, editionem Contii sequuti sunt. Ampliores reddendæ grates essent Contio, si præter hoc commodum, quod studiosis attulit, solertiam majorem in distinctione capitum assidue faciendâ impendisset. Verum modo dicta ipsa, & sententias Gratiani, ipsas præterea Canonum præfationes Canonis nomine donavit, ut in *Can. 21. cau. 2. q. 5.*; modo idem Sancti alicujus Doctoris, aut Pontificis testimonium ex eodem libro, ipsa etiam pagella depromptum in duos veluti Canones divisit, modo diversas plurium Patrum sententias, aut ejusdem quidem Doctoris, sed ex diversis ejusdem operibus erutas uno eodem capite dissimili quadam textura complexus est, modo plura Ecclesiastica monumenta ita Gratiani verbis alio charactere editis involuta reliquit, ut eadem peculiari Canonum nomine uti cætera decorare neglexerit. Non indigent hæc exemplis: sufficit enim Gratianum Codicem aperire, ut in unaquaque ferme pagina hujusmodi geniales, & pro lubito elucubratæ rerum distinctiones palam unicuique exhibeantur. Non memoro amplius hoc loco, quod jam superiore observatione animadverteram, videlicet etiam posteriore manu adjectam fuisse distinctionum divisionem in tractatu de Penitentia, de qua in medio caute 13. Gratianus disputandum suscepit.



*De Gratiani Codicis mendis, & ipsius correctione.*

**Q**UÆ huc usque diserte prosequutus sum, eo omnia collineant, ut Gratianum Codicem innumeris propemodum mendis vitiatum aliquando fuisse liquido demonstrarem. Id agnovit jam sua ætate S. Antoninus Florentinorum Archiepiscopus, uti profitemur in sum. hist. major. parte 4. tit. 11. cap. 8. Tritissimum est in ea collectione, præsertim in inscriptionibus auctorum, rem esse penitus involutam; etenim exempli causa scriptum est Concilium Carthaginense pro Chalcedonensi, Hipponense pro Epaonensi, Ilerdense pro Triburiensi, laudatur Chrysostomus pro Chromatio, Augustinus pro Hieronymo, Cælestinus pro Calixto, Macarius pro Zaccharia, Anastasius pro Athanasio, Leonardus pro Leandro, Trimegistus pro Thaumaturgo, Vincentius pro Juvenco, Hieronymus pro Jeremia, Anselmus pro Afello, pro Hincmaro Ignatius, ut alia omittam sexcentia. Græci Canones non ex politioribus versionibus translati sunt, immo unum, idemque fragmentum ex duplici versione sæpe laudatur, quasi duo sint sacra monumenta, quemadmodum exempli causa liquet in can. 17. & 18. cau. 9. q. 3. & in can. 10. cau. 18. q. 2. Sed quod magis est, talia in Gratiano Codice peccata sunt, quæ videntur aut verè fidei doctrinæ quoquo modo adversari, aut saltem non modicam injuriam verè Dei Ecclesiæ inferre. Facile quidem mihi persuaserim, Gratianum imprudentia in rebus hujusmodi lapsum, sed licet integra fuerit fides auctoris, ferendum minime est quædam ejusmodi loquendi, aut concludendi formulas pro canonicis regulis generatim proponi. Exempli causa in principio distinctionis 13. homines in talibus circumstantiis aliquando positos fingit, ut necessario adversus naturale jus aliquid peragant, idest rem, ut ajunt, intrinsece malam, licet id in diversis personis fieri non posse in sequenti distinctione asseveret. In dist. 19., cum in honorem Pontificiarum Decretalium plura merito attulisset, ad calcem Canonis 7. ita subdit: *Hoc autem intelligendum est de illis sanctionibus, vel decretalibus Epistolis, in quibus nec præcedentibus Patrum decretis, nec Evangelicis præceptis aliquid contrarium invenitur*; quasi Leges Ecclesiasticæ quædam reperiri valeant veterum Patrum statutis, &, quod magis est, Evangelio ipsi contrariæ. Quid vero magis a bono Ecclesiæ publico alienum est, quam quod tradit in can. 2. cau. 19. q. 2., ubi duas leges distinguit, publicam alteram ab Episcoporum auctoritate profectam, alteram privatam, quam unusquisque ex assensu Spiritus Sancti interius movetur, deinde asserti privatam publicæ anteferendam, ita, ut ubi Spiritu Dei se raptum quis credit, ab Ecclesiastica potestate sese prorsus eximat, nullamque aliam suorum actuum sequatur regulam, quam semetipsum? Nescio sane an illi, qui libidini suæ adversus Ecclesiam sese committere, & clarius, & pressius loqui possint. Ut alia plura omittam, me referam tantummodo ad distinctionem primam de poenitentia, ubi postquam quævis Gratianus, an sola contritione cordis peccata remittantur, an præterea necessaria sit peccatorum confessio Sacerdotibus facienda, in medium adductis pluribus Patrum fragmentis, ita concludit: *Quibus auctoritatibus, vel quibus rationum firmitatis utraque sententia satisfaciunt, & confessionis innitatur, in medium breviter exposuimus: cui autem harum potius adhærendum sit, lectoris judicio reservatur, utraque enim fautores habet sapientes, & religiosos viros.* Adversantur hæc & Sanctarum

Scriptu-

Scripturarum testimoniis, necnon constantissimæ Patrum traditioni, quemadmodum modo ex Concilio Tridentino definitum habemus.

Indigebat sane hæc collectio, ac minus integra doctrina quadam saltem emendatione, per quam in unoquoque capite illa purgatio prodiret in lucem, etiam in ea parte, in qua falsitatis inscriptionum consuleretur. Neque enim ego possem morem gerere in hac parte Cujacio viro ceteroqui præstantissimo, & de iuraque jurisprudentia optime merito, qui ad tit. Decretalium de divortii cap. 1. ait: *Et ut hoc admoneam, quo cæcutiens multi, nihil refert Vermeriam scribas, an Wormaciam.* 'Utrique nomine Vangionum Civitas cognominatur, ubi Pipinum habuisse Concilium fere omnes historici narrant. Præterquamquod enim hoc in loco errore facti lapsus sit vir eruditus, cum Wormacia sua sit in Germania superiore, quæ vulgo dicitur Worms, & Vermeria Palatium Regium esset in Gallia haud procul a Compendio in Diocesi Sueffionensi, quæ apud Gallos vocatur *Verberie*; illud certum est multum interesse, an Canon nomine Vermeriensis, an Wormacientis Concilii describatur; plurimum enim in interpretatione Canonis operari potest, sicut & temporis, & aliorum adjunctorum, ita etiam loci observatio. Itaque quum Critices artis studium apud eruditos jurisprudentiæ cultores simul cum jurisprudentiæ studio junxi cepit, nil visum fuit utilius, quam in emendationem Gratiani Codicis contendere, quod primum privato quorundam studio attentatum, prosequuti deinde sunt majore diligentia Summi Pontifices, Pius IV., & Pius V., qui rem Ecclesiasticæ Reipublicæ utilem se facere judicaverunt, si viros eruditos seligerent, quorum solertia emendatum Codicem & scholis, & curi traderent. Illi fuerunt sub Pio IV. M. Antonius Columna Romanus, Hugo Boncompagnus Bononiensis, qui postea ad Pontificiam Sedem evehctus dictus est Gregorius XIII., Alexander Sfortia Romanus, Guilielmus Sirletus Calaber, Franciscus Alciatus Mediolanensis, & sub Pio V. Guido Ferrerius Vercellensis, Antonius Caraffa Neapolitanus, omnes Romanæ Ecclesiæ Cardinales. His accesserunt Doctores plures, videlicet Felix Montaltus Ordinis S. Francisci, qui deinde in Sede Pontificia vocatus est Sixtus V., Christophorus Patavinus Generalis Eremitarum S. Augustini, Thomas Manricus Dominicanus Magister Sacri Palatii, Euthachius Lucatellus Bononiensis, postea Regii Lepidi Episcopus, Joseph Pamphilus Veronenis Augustinianus, postea Episcopus Signinus, Franciscus Turrianus Hispanus, postea Jesuita, Marianus Victorius Reatinus, postea Episcopus Amerinensis, Michael Thomasius Majoricensis, postea Episcopus Ilerdensis, Hieronymus Parisetus Regiensis, Antonius Cuccus Mediolanensis, Johannes Marfa Hispanus, Franciscus Leo Hispanus, postea Jesuita, quibus posterius additi sunt Melchior Cornelius Lusitanus, Latinus Lavinus Viterbiensis, Arnaldus Pontacus Gallus, Petrus Ciacconius Hispanus, & Franciscus Pegna Hispanus, omnes numero quatuor supra viginti, qui diutino studio, ac labore in Gratianæ Collectionis emendationem incumbentes, tandem anno 1580. eandem Collectionem, quoad per tempora fieri licebat, purgatiorem ediderunt. Quam vero in emendatione sua ipsi rationem habuerint, facile compertum est unicuique, qui illorum præfationem perleget Gratiano Operi præfixam. Præter multas, acque omnigenas utilitates, quæ post hanc emendationem sacrarum rerum studiosis attulerunt Romani Correctores, illud præsertim quodammodo proprium vindicare merito possunt, quod viam eruditus quamplurimis aperuerint ad eadem studia, ut, si fieri posset, Gratiani editio purgatissima redderetur. Eodem

dem tempore ipsorum solertiam imitatus fuisse videtur Antonius Augustinus Tarraconensis Episcopus, qui non solum Romanos Correctores adjuvit variis Codicibus, quos Romam ad eum finem misit, verum etiam, ut erat rerum Ecclesiasticarum studiosissimus, duobus libellis plana dialogorum methodo Gratianeam emendationem prosequutus est. Amplius progressus est Franciscus Pegna Hispanus, qui, uti observavimus, unus fuit ex Romanis Correctoribus: is enim in Gratiano suture noluit, sed decretalibus Gregorii IX., ut fertur, quasdam addidit notas, quæ modo capitibus subnexa edi solent. De eo ita post librum *de emendatione Gratiani* paullisper ludit nuper memoratus Antonius Augustinus: *Franciscus Pegna, cujus sunt additiones decretalium sine nomine, quia quemadmodum Templum Diane incendisse visus est &c.* Non memoro alios bene multos, qui in eadem Gratianea emendatione aliquid moliti sunt, aut saltem illam perfici desiderarunt; & quidem vehementissime, ita ut hodierna etiam die eruditis Viris materies minime desit hac in parte, in qua elaborent, ingeniumque suum exerceant.

## OBSERVATIO XII.

### *De Gratiani Operis receptione.*

Jamdiu investigaverunt Eruditi, quo fato Gratiano contigerit, ut statim ac ipsius opus publicam lucem aspexit, tanto apud omnes in pretio fuerit, ut vel in Scholis, vel in Judiciis tanquam firmum Jurisprudentiæ Sacræ præsidium haberetur. Etenim exemplo ceteris Collectionibus in Occidente extremum vale dictum fuit, universis in unum Gratiani Codicem intendentibus, post quem, nulla amplius habita aliorum-exemplarium ratione, illud unum laudi tribuebatur, si quis glossematibus hujus Auctoris sententias interpretaretur, atque illustraret. In hac porro interpretatione studuerunt quotquot sæculo 13. scripsere, & tanquam Jurisprudentiæ Canonice antesignani laudantur. Undenam tanta in Gratianicum Codicem veneratio? Referendum illud est ad circumstantias Gratianæ ætatis, Invaluerat tunc recens Theologiz Scholasticæ methodus, Auctore inter ceteros, aut Promotore, Petro Lombardo, qua in utramque partem singula disputabantur, absolutaque disputatione conciliabantur. Gratianus hanc rationem scribendo amplexus est: propterea quemadmodum apud Theologos Petrus Lombardus, quod ea methodo usus esset, ac pleraque Divinæ scientiæ puncta discusserit, *Magister* appellatus est, talique honore habitus, ut eum sequi gloriarentur posteriores Theologi, etiam imitii nomine, inter quos Thomas Aquinas Theologorum postremæ ætatis facile Princeps ejus scripta interpretari optimum duxit; ita eadem ratione inter Canonicarum regularum studiosos Gratianus unus fuit, qui omnium studia ad se traheret. Illud præterea observatu dignum est Gratianæ ætate Juris Civilis Romani scientiam jamdiu marcescentem quodammodo apud Italos revixisse, ut ea ætate honestissimum quisque putaret in illam disciplinam incumbere; quum vero in Codice Gratiano multa legerentur capita ex penu ejusdem Romani Juris deprompta, hinc facile fuit eruditiores Viros in ipso hoc Codice eo maxime delectatos fuisse, quod præter Sanctorum Conciliorum doctrinam, veterum præterea Jurisconsultorum philosophiam se meditari commode posse cognoscerent. Alia hujus rei ratio adferri potest ex eo, quod Gratiani Codex Bononiæ editus apud Bononienses facile excipi potuerit, pro-

procurantibus præsertim Gratiani conscriptoribus, quorum ea ætate non mediocriter erat auctoritas, nedum existimatio. At Codex in Bononiensi urbe receptus, in Bononiensi Universitate facile pro exemplo proponi potuit. Quod si verum est, quis non videat, tunc temporis latissime effundi potuisse Gratiani nominis famam, & Codicis existimationem, quum Bononia una tunc esset, ad quam Jurisprudentiæ addiscendæ causa Europa propemodum universa conflueret? Hisce omnibus de causis jam agnoscimus, quod ait Antonius Augustinus in lib. 1. dial. 1. de emendat. Gratiani, ipsum feliciter ceteris Collegioribus fuisse, quos diu in tenebris fuisse notamus, dum hic in omnium manibus versatur, multorum interpretum illustratur lucubrationibus, referatur denique in iudiciis omnibus, atque a Theologis non minus, quam juris utriusque peritis in pretio habetur.

Adeo autem generaliter crevit Gratiani operis fama, ut non defuerint, qui illud publica Ecclesiæ auctoritate probatum, confirmatumve voluerint. Id asserere non dubitavit Trithemius in Gratiani vita, quem nonnulli deinde, re minime discussa, atque explorata, sequuti sunt. Horum venia, quis confirmationis, seu probationis monumentum adfert, ut de ipsa recte testetur? Res facti est, de qua nisi constet, nullo modo præsumitur, eo vel maxime, quod tot menda in hoc Opere reperta jamdiu sunt, & reperiuntur in dies, ut publicam auctoritatem unquam mereri potuisse non videatur. Belle Antonius Augustinus in dialogo 3. lib. 1. ita illis illud, qui ab Eugenio III. confirmationem huius Operis repetunt. *Si credas omnia, quæ Gratianus scripsit, Apostolica esse auctoritate confirmata, multiplex hic error erit tuus, & omnia complectetur hoc volumine conscripta. C. Nunc plane intelligo. Sed quo pacto probas non esse confirmata? A. Tu, qui ais, redige in memoriam, vidistine unquam Eugenii confirmationem? C. Minime gentium. A. Habesne aliquem dicere, qui se dicas vidisse, aut qui ex ea parte aliquam referat? C. Ne hoc quidem. Sed sum qui asserunt eum confirmasse. A. Sunc etiam qui id negent. Ut omittam plures ex Interpretibus optimæ notæ, qui nullam Gratiano decreto publicam auctoritatem accessisse asseverant, referam tantummodo, quod ad hanc rem tradit Boetius Epo in lib. 2. de Jure Sacro num. 134. de confirmatione Eugenii III. ita loquens: Cum illud nullo (præter unum Trithemium) probent idoneo teste, merito rejicitur a nobis, ut suspensissimum, cum neque diligentissimus in rebus talibus adnotandis Antoninus Archiepiscopus Florentinus, neque Platina Decretorum Pontificum accuratissimus, nec quisquam probatus Auctor alius, qui quidem nostras venerit in manus, id affirmet. Quin immo contra sentiunt Interpretes ad unum omnes nostri, tam Civilis Juris, quam Pontificii, non ab ullo unquam Pontifice nominatim fuisse probatum Gratiani hoc Decretum, sed sola consuetudine receptum, neque plus auctoritatis adhuc habere, quam per se habeant auctoritates ipsæ, sive Pontificum, sive Conciliorum, sive quorumlibet aliorum scriptorum, ex quorum fragmentis Decretum suum Gratianus posuisset, & Burcardum, & Ivoem, & alios consacravit; in propriis autem Gratiani verbis nihil esse majoris auctoritatis, quam quantum ratio, & æquitas per sese patiantur, cum non plus tribuatur (in solis quidem suis) Gratiano, quam Interpreti cuiquam alteri. Si quis vero aliquid ex Gregorio XIII. ad hanc rem deduci posse forsitan existimaverit, caveat ille, ne emendationis curam, quam Summus ille Pontifex alacriter suscepit, cum ipsa, de qua loquimur, Codicis confirmatione, vel approbatione confundat.*

CON-

Post hæc ita accurate, ut arbitror, recteque discussa nemo non videt, quam facile progredi possimus ad susceptam hanc Gratiani emendationem, & illustrationem. Pleraque enim generaliter ita in superioribus attigimus, ut & causas Gratianeorum errorum observaverimus, & emendationum rationes, nihilque amplius superesse videatur, quam singulis Gratiani capitibus expendendis manum admove-  
re. Mali itaque animo sumus, &, qua par est, solertia univërsa perscrutemur. Adj-  
juvet Deus vires meas, easque in Ecclesiæ Sanctæ, cui deserviam, utilitatem bene  
vertat. Vellem enim de hac re ne cogitasse quidem, si vel suspicarer, me forte,  
in his aut a vera Fide, aut a germana Canonum disciplina quoquo modo descen-  
surum.







# PARS PRIMA.

*De Canonibus Ecclesiasticorum Conciliorum nomine  
à Gratiano relatis.*



ACRI Conciliorum Canones ii potissimum sunt, ex quibus veteres collectiones componebantur; sic Dionysius Exiguus ab illis exorsus est Codicem suum, & Ecclesia Africana nihil aliud ferme in suum Codicem retulit, quam suarum Synodorum communi suffragio editas Constitutiones. Gratianus propterea, quem non decebat in sua collectione adornanda a vetustis collectoribus omnino desistere, plures Conciliorum Canones in illa recensuit. Sed, ut erat rerum sacrarum, præsertim veterum non satis apprimè peritus, in aliquibus lapsus est gravissime; quum enim non omnium Con-

ciliorum una, eademque sit ratio, & ad quatuor, ita dixerim, species potissimum illa referri oporteat, ut alia Concilia generalia, sive œcumenica sint; alia particularia, ut vocant, quæ tamen paullatim de Provincia in Provinciam traducta, ab omnibus tandem recepta fuerunt; alia rursus particularia, quæ apud eam tantum Diocesim, in qua celebrata sunt, non etiam exteris moribus confirmata deprehenduntur; alia demum, quæ aut injuste convocata, aut injuste perfecta Pseudosynodos, vel Conciliabula vulgo appellamus, in omnibus hisce Conciliorum speciebus enumerandis nullum delectum habuit Gratianus, qui non solum de statutis particularium Conciliorum ita disseruit, quasi ab universa fere Ecclesia recepta fuerint, verum etiam ipsarum Pseudosynodorum sententias, quasi germanas Ecclesiæ sanctæ definitiones describere per imperitiam, ut arbitror, non dubitavit; idcirco juvabit principio dicendi quædam, licet pauca de horum omnium Conciliorum auctoritate generatim attingere.

De auctoritate Conciliorum primi generis, idest œcumenicorum nemo alius dubitare ullo modo potest, nisi qui Ecclesiæ universæ judicium contemnat, ipsius sane Domini ore jamdiu damnatus, quasi Ethnicus, & Publicanus, ut dicitur Matthæi

Tom. I.

A

cap.

cap. 18. vers. 17. Hæc tamen nihil impediunt, quominus singula Concilia invicem inter se se collata alia aliis præstare apud viros etiam sapientissimos videantur, antiquiora recentioribus, illa præterea, in quibus plures numero Episcopi; iidemque insigni quadam aut doctrinæ, aut sanctorum fama celebratissimi aliis, in quibus vel pauciores, vel minus celebres Ecclesiarum Antilitates interfuerunt. Quod in primis verum est, ubi de regulis Fidei, & morum agatur; etsi enim una eademque sint Oracula Dei, quæ in Synodis omnibus panduntur per illos, quos tanquam Iudices Deus ipse constituit, quis tamen quidpiam amplius interea non tribuet viris sanctissimis, atque eruditissimis, si illos Deus causa declarandæ veritatis elegerit? Eodem terne modo, quo si cum Canonibus Conciliorum Sacras Scripturas, præsertim Apostolicas, conferamus, quis non statim adgnoscat maiorem quandam vim sacris eisdem literis inesse, non alia sane de causa, nisi ob excellentem, atque egregiam ipsorum Scribentium dignitatem? Deinde illud magis, ac magis observari oportet, quoties agatur de regulis Ecclesiasticæ disciplinæ; etenim istæ potius ex divina illustratione, quam ex divino oraculo constituuntur: Atque divina illustratione juvantur melius quicumque, aut Apostolicis temporibus proximi Apostolicis doctrinis imbuti fuerunt, aut sacram scientiam diuturno studio meditati omnia depravati ingenii præjudicia abicere potuerunt, aut æmum sanctorum insignes nil, nisi Christianæ Reipublicæ utile voluisse facilius præsumunt. Hac ratione factum arbitror, ut priores quatuor Œcumenicæ Synodi, Nicæna, Constantinopolitana, Ephesina, & Chalcedonenfis vulgo ex veterum ipsorum Patrum sententia ita laudentur, quasi quatuor ipsis Evangelii comparanda.

Alia secundo loco dixi esse Concilia, quæ licet ex unius, alteriusve Dioceseos Episcopis celebrata sint, eorum tamen statuta de Diocesi in Diocesim traducta, & apud universas paullatim Ecclesias recepta fuerunt. His sane quis ausit inficiari eam inesse vim, atque virtutem, quæ generalibus Conciliis inest? Etenim nihil interest, an expresso Ecclesiæ totius consilio, suffragioque simul, & semel leges latæ fuerint, an sensim per mores singularum Provinciarum tacitus quodammodo Ecclesiarum omnium consensus accesserit, proindeque si in Canones, vel fragmenta huiusmodi Conciliorum occurramus apud Gratianum, in ipsa Catholicæ Ecclesiæ iudicia propemodum occurrisse videbimur.

Non tanta porro auctoritas illorum Conciliorum est, quæ ab unaquaque Provincia, aut Diocesi habita sunt, & quorum definitiones ad loca singularia pertinent ita, ut apud externos nunquam admittæ fuerint. Quoties declarantur in illis Orthodoxæ Fidei dogmata, necnon regulæ morum, & honestatis, quemadmodum priscis præsertim sæculis fieri solebat, his non contradicere tenentur, quicumque in Diocesi, aut Provincia degunt, non quod certum omnino, & immutabile sit illorum iudicium, sed ne forte schismata contituerent perniciofa, aut ne jam concitata periculosius augeantur, ut si quid ex contrario contendatur, non privati cuiuspiam hominis arbitrio discuti possit, sed superioris iudicio dirimendum reservetur. Nec enim ut probum obijciendum est illis, qui Episcopi Clerice sui licet errantium sententiæ adqueverint, quousque non aliud, aut non majus lumen adfulgeat; quemadmodum, ut a secularibus iudiciis argumentum petam, sine fraude, & injuria solent Magistratus, imo & leges ipsæ possessionem litigiosæ rei illis etiam addicere, qui in petitorio iudicio jure vincuntur, interea nihilominus possessoris remediis ad tuendam possessionem etiam indebitam comparatis. Etenim veritas in occulto ut pluri-



plurimum latet, nec primo unius, aut alterius obtutu comperta facile redditur; nemo propterea designari debet iudicium inferioris superioris iudicio reformari, dummodo tamen interea inferioris iudicantis honor servetur, & dignitas non negligatur. At si certa disciplinæ Ecclesiasticæ capita in hisce Conciliis stabiliantur, illa omnino custodienda erunt ab iis, qui Episcopis convenientibus subijunt, quin negotium facessat ullum diversa aliarum Provinciarum, aut Dioceseon consuetudo, quippe, cum disciplinæ Sacræ capita singularibus innitantur argumentis, nihil prohibet eadem sicut pro temporum, ita pro locorum diversitate invicem esse contraria. Illud præterea hac in re generatim animadvertendum est, non mediocrem honorem deferendum esse inter cetera Conciliis celebratis in ea Provincia, quam aut Apostoli ipsi, aut Viri Apostolici doctrinis suis præfentes imbuerunt, quoniam facilius præsumitur in illis nil nisi apostolicis doctrinis consonum definitum fuisse, præsertim vero si de Conciliis agamus non procul ab Apostolica ætate remotis; cautius vero fidendum esse Conciliis celebratis in ea Provincia, quæ variis erroribus diu turbata, aut discissa hæresibus traditiones apostolicas minus commode servare potuit integras, aut ad posteros non satis tuto tradere.

Demum vix opus est monere, nullam inesse vim illis Episcoporum Conventibus, quos Catholica aut damnavit, aut non probavit Ecclesia, five ex errore, five ex Episcoporum quorundam intercedentium improbitate quidpiam definierint. Non opus est pluribus. Quicumque alia in hoc argumento desiderat, adeat Interpretes nostros & numero bene multos, & doctrina præstantes. Mihi satis fuit pauca hæc attigisse, ut fragmentis Gratianis, quæ ex Conciliis deprompta sunt, generale quodpiam iudicium præpararetur.

Unum adhuc me moratur in præfens: Facile enim mirari unusquisque potest, quod in toto Gratiani Codice minus frequenter descripti fuerint Conciliorum generalium Canones, locusque potius factus fuerit aliis Patrum sententiis, extra generalia Ecclesiæ comitia pronunciatis. Suspicio ego multum in primis potuisse apud Gratianum collectorum non longe ab ejus ætate disitorum exempla, Reginonis, Burchardi, Ivonis, ut fileam Isidorum cognomento Mercatorem, qui omnes de statutis Conciliorum generalium referendis in Codicem parum solliciti esse visi fuerant: Quæ quidem exempla, qualicumque eadem fuisse proponantur, movere potuerunt etiam collectores illos, qui post Gratianum opus novos sacræ jurisprudentiæ libros Pontificum Maximorum auctoritate, aut suffragio ediderunt. Præterea cum ad Gratiani ætatem inventæ fuissent Pandectæ Romani civilis Juris, quæ Florentinæ hodie prædicantur, cæperitque tum maximo in honore esse, atque Interpretum studiis apprime coli in terris illis, in quibus vivebat Gratianus, cumque in eisdem Pandectis non leges ipsæ, quales a Romano Populo olim sancitæ fuerant, at potius veterum Jurisconsultorum interpretationes referrentur, hinc Gratianus idem descripturus novum Canonum Codicem, Ecclesiasticæ doctrinæ cultoribus rem per gratam facere se arbitratus est, si potissimum Patrum Sanctorum sententias, quasi factorum Jurisconsultorum palam faceret. Nec sine ratione: Etenim quemadmodum Romanæ vetustæ leges in solemnibus totius populi comitiis latæ omnibus erant adeo perspicuæ, ut singulorum memoria facile servarentur, proptereaque Tribonianus consiliosissimum esse existimaverit, si omnis vulgaris legibus sese ad una earundem commentaria conferret, ita Gratianus quum forte sciret statuta Conciliorum generalium urpote & numero pauciora, & celebriora fama commode alias nosci posse,

posse, præcipuam impendit operam in interpretationibus Ecclesiasticorum Patrum, illorum maxime, quos forte in diversas ivisse sententias suspicabatur. Non est extra rem hujusmodi observatio, sive adductum civilis jurisprudentiæ librorum exemplum, adinstar enim illorum videntur hodie sacrorum Canonum Codices, quibus utimur, fuisse confecti. Si enim, ut quisque novit, comparare possemus Decretalium libros cum Codice Justiniano, quatenus sicut iste ex Imperatorum, ita illi ex Romano-rum Pontificum rescriptis compositi sunt; cur etiam Gratianum opus ex fragmen-tis Sanctorum Patrum ut plurimum conitans conferre non potero cum libris dige-storum, in quibus dicta Jurisprudentum veterum singula ordinate locata adservan-tur? His omnibus accedit in Conciliis generalibus præcipuum locum esse datum definitionibus Fidei, quæ generalis est, parum autem fuisse concessum disciplinæ, quæ potius ex varietate locorum, atque causarum adjunctis pendere videbatur. Et jam Gratiani ætate illud obtinuerat, ut in Canonum Codices referrentur ea tantummodo, quæ ad disciplinam, non quæ ad fidem stabilendam pertinerent, vel quod aut nulli, aut obscuri admodum nominis hæretici tunc existerent, vel quod tunc jam invaluisse usus, quo factum est Sacrorum Canonum studia a studiis dogma-tum, sive, ut ajunt, Canonicam scientiam a Theologia sejungi.

Jam vero propositum opus adgredior, & singillatim ad Canones Gratiani devo-nio, quos ipse ex Conciliis quibuscumque depromsit, ordine temporis, quoad fieri poterit, omnino servato.



## CAPUT PRIMUM.

*De Canonibus , qui Apostolis tribuuntur.*

Canones vulgo Apostolici, qui apud Gratianum referuntur,  
sic subiecti exhibentur.

Apocryphi omnes,  
sed antiquitate  
venerabiles.

- Can. 14. d. 28. *ad meliorum Codicum fidem exigendus.*
- C. 1. d. 33. *varius in diversis exemplaribus.*
- C. 15. d. 34. *ad meliorum Codicum fidem exigendus.*
- C. 1. dist. 35. *varius in diversis exemplaribus.*
- C. 7. dist. 45. *varius in diversis exemplaribus.*
- C. 1. d. 47. *varius in diversis exemplaribus.*
- C. 4. d. 55. *varius in diversis exemplaribus.*
- C. 8. d. 55. *consonat cum exemplaribus optimis.*
- C. 12. d. 81. *ex melioribus exemplaribus emendandus.*
- C. 13. d. 81. *ex melioribus exemplaribus emendandus.*
- C. 3. d. 88. *varius in diversis exemplaribus.*
- C. 21. c. 12. q. 1. *varius in diversis exemplaribus.*
- C. 22. c. 12. q. 1. *Simul jungendi, ut cum optimis exemplaribus consonent.*
- C. 24. c. 12. q. 1. *Simul jungendi, ut cum optimis exemplaribus consonent.*
- C. 14. c. 16. q. 7. *varius in diversis exemplaribus.*
- C. 62. de conf. d. 1. *varius in exemplaribus quum verbis tum sententia.*
- C. 79. de conf. d. 4. *varius in diversis exemplaribus.*

**M**irum est, qua contentione jamdiu certaverint eruditi omnes in perpendenda iutorum Canonum auctoritate. Alii nimium creduli, necnon in arte critica minus periti tantum illis honorem detulerunt, ut omnes atque integros velut genuinum Apostolorum opus agnoverint, per ipsos quidem Apostolos cordinos, & per Clementem Romanum Pontificem evulgatos. Alii contra valde morosi, ac difficiles, ex quo ab Apostolis Canones eosdem abjudicant, quamlibet illis denegandam vim, potestatemque arbitrati sunt. Alii mediam viam ineuntes, Apostolis quidem falso tributos esse dixerunt, nihilo tamen minus veteris, & quidem optimæ disciplinæ monumenta continere, proindeque recipiendos, si non tanquam apostolicas, saltem tanquam ecclesiasticas, ac venerandas regulas, quæ a viris sanctissimis, eruditissimis, antiquissimis editæ fuerint. Alii demum mediam aliam viam sequuti Canones a Canonibus seceverunt, quorum plures Apostolicos vere appellarunt, ceteros rejecerunt; sed inter istos nova rursus contentio, quum aliis plures, aliis pauciores numero Canones probentur. In tanta dissensione animorum frustra quispiam intercederet, certamque sententiam quasi e tripode pronunciarret, qua controversia omnis ex parte finem acciperet. Agimus de fragmentis vetustissimis, quorum causæ, & adjuncta ipsos etiam prudentissimos facile latere possunt. Proindeque tutius erit in primis ab incertis certa sejungere, ac dictorum Canonum originem, non qua primum editi, (hæc enim obscurior esset, quam vulgo credatur), sed qua primum

primum evulgati sunt, inquirere soletur, ut deinceps quid de eorundem vi, atque auctoritate sentiendum sit, facilius interseratur.

Itaque ante quintum Ecclesię seculum ignoti fuerunt Canones auctoritate, & nomine Apostolici, nemo enim ex vetustis Scriptoris eorum meminit; & quamquam Eminentissimus Bellarminus Tertullianum in libro adversus Praxeam, & Athanasium in Sinopsi quasi testes protulerit, ejus tamen venia dicam, nihil ad rem hanc accommodum apud illos reperiri. Sane si eos Canones manifestos vetus fama fecisset, cur in vetustissimis Codicibus Dionysiano Codice antiquioribus custoditos non haberemus? Primum prodire apud Gręcos in publicam lucem anno circiter 500., per eam scilicet Canonum Collectionem, quę a Theodoro Cyrensi Episcopo edita fertur; ibi enim Canones 85. Apostolorum nomine relati cernuntur, qui statim ac paruerunt, maximam sibi reverentiam, honoremque in Orientali Ecclesia conciliarunt ita, ut Justinianus eos omnes publica Constitutione confirmare, aut ratos habere minime dubitaverit, in Nov. 6. ita scribens Epiphonio Episcopo Constantinopolitano: *Bene autem universa geruntur, & congruenter, si rei principium fiat deus, & amabile Deo: Hoc autem futurum esse credimus, si sacrarum regularum observatio custodiat, quam iuste, & laudandi inspectores, & Ministri Dei tradiderunt Apostoli, & Sancti Patres custodierunt, & explanarunt.* Anno 692. rem hanc vehementius urgere cęperunt Gręci in Trullana Synodo, in qua Canone 9. ita sanxerunt: *Hoc quoque sanctę Synodo pulcherrime, & honestissime placuit, ut ab hoc nunc tempore deinceps ad animarum medelam, & perturbationum curationem firmi stabilesque maneat, qui a sanctis Patribus, qui nos pręcesserunt, suscepti ac confirmati sunt, atque adeo nobis etiam traditi sunt Sanctorum, & Gloriosorum Apostolorum nomine 85. Canones. . . & nulli licere prius declaratos Canones adulterare, vel non admittere, vel alios pręter hic propostos recipere Canones a quibusdam falsa adjecta inscriptione compositos, qui veritatem casponari conati sunt.* Partem hujus Canonis retulit Gratianus in Can. 7. dist. 16. Absoluta Trullana Synodo, receptisque apud Orientales ejusdem Synodi Canonibus incredibile est dictu, quantum in illis Provinciis Canonibus hisce Apostolicis deinceps auctoritatis accesserit. Res eo devenit usque, ut illi ne a sacris quidem literis, quas ipsi Apostoli conscripserant, fecernerentur; Hinc Johannes Damascenus, qui seculo 8. floruit, disciplinę sui temporis, suęque gentis, ut par erat, morem gerens in lib. 4. de Fide Orthodoxa cap. 17. inquebat: *Jam vero novi Testamenti libri isti sunt: quatuor Evangelia. . . Canones denique Sanctorum Apostolorum per Clementem concinnati.*

Hęc, quę apud Gręcos communis erat, institutio, apud Latinos variis vicissitudinibus fuit obnoxia, modo pro temporum, modo pro ingeniorum diversitate, conviventibus aliis, aliis probantibus, aliis demum libere & sincere damnantibus. Primus, qui a Gręcis Canones Apostolicos derivavit ad Latinos, fuit Dionysius Exiguus initio 6. sæculi, qui cum Gręcos Codices prę Latinis adamaret, proinde ex Gręcorum Codicum fide emendatos Canones evulgavit, & Latinitate donatos, ex Libris Orientalium Canones Apostolicos in sua Collectione descripsit, sed tantummodo quinquaginta, reliquos trigintaquinque, quos forte Apocryphos verosimilius judicabat, omittens. Immo vero & quinquaginta a se relatos non ita proposuit, ut tanquam genuina Apostolorum opera recipi postularet, sed potius, ut quę jam apud Gręcos in publicam lucem prodita fuerant, eadem apud Latinos non ignorarentur supine, quęcumque dein futura fuisset de ipsis Latinorum sententia.

In principio itaque, sunt verba Dionysii ejusdem in Præfatione ad Stephanum Saloni-  
 tianum Episcopum, *Canones, qui dicuntur Apostolorum, de Græco transtulimus, qui-  
 bus quia plurimi consensum non præbuere facilem, hoc ipsum ignorare vestram volumus  
 sanctitatem, quamvis postea quædam constituta Pontificum ex ipsis Canonibus assumpta esse  
 videntur.* Post Collectionem Dionysii quamplures ex Latinis ceperunt Canones illos  
 laudare, recipere, ipsis etiam Canonicis Ecclesiarum Codicibus adscribere. Cujus rei  
 testimonio sunt verba Gregorii Turonensis in lib. 5. historiz Francorum ad annum  
 577. num. 19. ita dicentis de Chilperico Rege: *ipse vero ad metatum discessit,  
 transmittens librum Canonum, in quo erat quaternio novus adnexus, habens Canones quasi  
 Apostolicos continentes hæc: Episcopus in homicidio, adulterio, & perjurio deprehensus  
 a Sacerdotio divellatur* (is esse videtur Canon 24. ex Apostolicis juxta hodiernas  
 editiones); ex quibus adparet Regem Chilpericum Codicem Canonum statim post  
 tempora Dionysii Exigui habuisse, cui novis paginis adjectis Canones Apostolorum  
 accesserant. Initio sæculi octavi Isidorus cognomento Mercator novam suam Colle-  
 ctionem a Canonibus eisdem Apostolicis exordiri se debere arbitratus est; ut enim  
 fidum ejus officium erat, & sedulitas simulata, omittere noluit ista capita, quæ  
 forte ex rebus fictis commentitiisque constarent. Verum & ipse Dionysii exemplo  
 nonnisi quinquaginta Canones retulit, in eo tantum ultra Dionysium progressus,  
 quod longe majorem, imo & maximam memoratis Canonibus, & prius Apo-  
 stolicam tribuit auctoritatem. Hinc in Præfatione suæ Collectionis hæc habet: *Pro-  
 pter eorum auctoritatem ceteris Conciliis præposuimus Canones, qui dicuntur Apostolorum,  
 licet a quibusdam apocryphi dicantur, quoniam plures eos recipiunt, & Sancti Patres*  
 (non de aliis sane loqui poterat Isidorus, nisi de Trullanis) *eorum sententias Syno-  
 dali auctoritate roboraverunt.* Porro quicumque non ignorat, quantum poterit apud  
 posteriores ætate Mercatoris collectio, facile intelligere poterit, quæ vis eorundem  
 Canonum extiterit apud reliquos Collectores, Burchardum Vormaciensem, Ivonem  
 Carnotensem, præsertim vero Gratianum. Interea vero aliqui non desuerunt, qui  
 in contrariam opinionem euntes fidem omnem modo omnibus, modo aliquibus eis-  
 dem Canonibus denegarunt. Fuit inter hos auctor, quicumque ille sit, Canonis 1.  
 dist. 16.; fuit Umbertus Sylvæ Candidæ Episcopus, qui cum retargueretur a Ni-  
 ceta Peccato, quod Sabbato Jejunaret juxta veterum Romanorum consuetudinem  
 in Can. 65. Apostolorum improbatam, ita eidem Nicetæ respondit: *Et hoc asse-  
 vere conaris ex apocryphis libris, & Canonibus pari sententia Sanctorum Patrum repu-  
 diatis: nam Clementis liber, idest itinerarium Petri Apostoli, & Canones Apostolorum  
 numerantur inter apocrypha, exceptis Capitulis quinquaginta, quæ decreverunt regulis or-  
 dinis adjungenda.* Fuit author Canonis 3. dist. 15. apud Gratianum, qui Gelasio  
 Papæ tribuitur, ibi: *Liber Canonum Apostolorum apocryphus.*

In hac Latinorum discrepantia laudanda est illorum industria, qui Canones hos-  
 eos in Collectionibus custodire quidem solent ita, ut ne pereant, quin tamen exinde  
 ullam eisdem vindicent auctoritatem; sine fraude propterea Typographis licuit, imo  
 etiam honestissimo officio, illos post Gratianum opus integros congerere, quem-  
 admodum consuevere etiam post sacra divinorum eloquiorum volumina tertium,  
 & quartum fidæ incertæ omnino fidei libros adscribere. Itaque vulgata editio  
 exhibet Canones numero 85., quanquam apud aliquos 84. tantummodo recensean-  
 tur, levissimum tamen discrimine; nam quæ editiones tantum 84. numerant, simul  
 jungunt duos, qui apud Dionysium Exiguum sunt ordine quartus, & quintus.

Quar-

Quartus enim Canon his verbis apud Dionysium legitur: *Offerri non liceat aliquid ad Altare præter novam spicas, & uvas, & oleum ad luminaria, & thymiamata, idest incensum tempore, quo sancta celebratur oblatio.* Deinde sequitur quintus ita: *Reliqua poma omnia ad domum primitiæ Episcopo, & Presbyteris dirigantur, nec offerantur in Altari; certum est autem, quod Episcopis, & Presbyteris dividant, & Diaconis, & reliquis Clericis.* Quicumque ergo numerant 85. Canones exemplo Dionysii, nuper descriptos Canones dividunt, qui numerant 84. eosdem penitus jungunt, quorum propterea lectione servata, illud animadvertendum necessario erit, eos, qui apud veteres quinquaginta Apostolorum Canones recepiſſe ſunt, nonnulli novem supra quadraginta admiſſiſſe; ſiquidem inſpecta editione, quæ tantum 84. Canones exhibet, Canon numero quadageſimus nonus poſtremus eſt ex iis, quos & Dionysius Exiguus, & Iſidorus Mercator in ſuos Codices retulerunt.

Re univerſa ita per narrationem non exornata quidem, ſed candide ſincereque, ac pro viribus dilucide explicata, proclivius erit prudens omnino iudicium ferre. Neque enim, ubi nulla certa Eccleſiarum traditio adparet, ingenium hominem, aut credulorum quorundam opiniones, aut aliquot Collectorum opera, quæ publica auctoritate non gaudent, aut Trullani Concilii ſanctio, quam univerſa Eccleſia non recepit, aut Damasceni Cathalogus, qui Græcæ Græcam diſciplinam ſequi debuit, adeo urgent, ut Canones, qui vulgo Apoſtolicis prædicantur, veluti vere Apoſtolicos habeat, ac veneretur; præſertim vero quum multa ſint argumenta, quibus eos Apoſtolicos non fuiſſe luculentiffime demonſtretur. Nihil ſane dicam ſpeciatim de triginta quinque poſterioribus, quos non ſolum Dionysius Exiguus, verum & ipſe Iſidorus Mercator ad commentitia referenda proclivis, ſine hæſitatione rejecit. Vulgaris, & trita hodie eruditorum ſententia eſt, omnes generatim Canones, qui Apoſtolorum nomine circumferuntur, nec ab Apoſtolis eſſe conditos, neque a Clemente Romano Apoſtolorum diſcipulo promulgatos. Cujus rei argumenta licet apud eos quamplures facile inveniamur, qui optima dilucidaque rerum ſacræ antiquitatis commentaria ſcripſerunt, paucis tamen perſtringere, eiſdemque nonnulli adjungere juvabit, ne propoſito meo parum, aut nihil videar ſatiſfeciffe. Quid in primis non probat ſilentium, in quo veterum Scriptorum omnium officia jacuerunt? Quippe nemo ex iis, qui ante quintum Eccleſiæ ſæculum ſcripſere, Apoſtolicorum Canonum mentionem fecit, imo ſtatim ac quinto ſæculo in publicam lucem producti fuerunt, ſuborta fuit apud graviſſimos viros firma ſuſpicio falſitatis, quemadmodum teſtatur Dionysius Exiguus in ſua Præſatione, cujus verba paullo ante commemorabam. Sane ſi illi Canones opus Apoſtolicum fuiſſent, quis crederet non fuiſſe apud veteres præcipua & ratione, & diligentia cultoditos, & quidem pluribus editis exemplaribus, ut præ fidelium manibus morum formandorum cauſa diutiffime verſarentur? Etenim Chriſtianos veteres in ſervandis Apoſtolicis ſcripturis valde, ut par erat, ſollicitos fuiſſe præſumendum eſt. Præterea quis exiſtimabit Apoſtolorum Canones per Clementem Romanum editos in Græcia primum adparuiſſe, atque illinc ad Romanos fuiſſe tranſlatis? Quis in mentem inducat non potius apud Romanam, quam apud Orientalem Eccleſiam reperta fuiſſe ſcripta? Romani Epifcopi, & ab Orientalibus Provinciis terræ, quam incolebat, continuatione diſtantis? Ex his, quæ ad eorundem Canonum editionem, promulgationemve pertinent, non leves capimus conjecturas, quibus arbitremur a Græco quopiam fallendi animo fuiſſe compactos, atque ut major illis conciliaretur auctoritas, Apoſtolorum nomine inſignitos.

Quod

Quod si propius accedamus ad explorandas singulares eorundem Canonum sententias, statim liquebit illas Apostolicis temporibus, ne dum Apostolis ipsis non posse congruere. In primis ne leve quidem ibi veitigium est aut illarum & quidem gravium controversiarum, quæ præfata illa ætate Iudices ipsos Apostolos habuerunt, aut Apostolicæ disciplinæ, de qua in Actibus suis meminit Lucas: ubinam, quæso de peragenda poenitentia, & suscipiendo Spiritus Sancti dono, quod Petrus prædicabat Act. cap. 2. vers. 38., ubinam de participatione fractionis panis, de precationibus communi animo, & voluntate, statim, solemnique cæremonia consecratis, de quibus ibidem vers. 42. & 46., ubinam de vita, victuque communi, qui tum in Fidelibus vigeat quammaxime, ut legitur in eisdem Actibus cap. 4. vers. 32. & sequ. Nihil præterea ibidem reperitur de sedata discordia Græcorum, qui suæ gentis viduas despici adversus Iudæos conquerebantur, nihil de septem Diaconorum electione, nihil de Ecclesiarum administratione, quo tempore ab impiis vexatoribus miserabiliter perturbarentur, quæ tamen omnia, utpote Apostolicæ ætati congruentia, Apostolicorum materia Canonum esse debuissent. Si quod vero præ ceteris in Canonibus Apostolicis continendum, declarandumque fuisset, illud est, quod legimus in Actibus Apostolorum cap. 11., videlicet quod Petrus Divino afflante Spiritu adversus quosdam Iudæos salubri decreto constituit, ut non Iudæis tantum, sed etiam Gentibus Divinum Christi Evangelium prædicaretur, atque id potissimum vulgari debuisset a Clemente Petri discipulo, quum istud Romanis Fidelibus utpote ex Gentibus jucundissimum extitisset, ut eruiamus ex eorundem Actuum cap. 13. ibi: *Audientes autem gentes gavisi sunt, & glorificabant verbum Domini*. Illud præterea referendum fuisset in Canones, quod in Apostolorum Concilio definitum novimus, de circumcisione omittenda ante baptismum, quæ omnia silentio præterita ibi fuerunt.

Alia e contrario in Apostolorum Canonibus descripta legimus, quæ ipsorum temporibus convenire nullo modo possunt, immo si & singulorum Canonum stylium, & orationis formulas perscrutemur, liquebit statim omnia Apostolicæ disciplinæ penitus esse contraria. Ut certa quæpiam, & exempli causa ponatur, in canone al. legitur, *Diaconos, & reliquos Clericos* ab Episcopo esse ordinandos. Quinam? amabo, reliquorum Clericorum nomine intelligebantur? Cum apud Eruditos constet Subdiaconatum, ceterosque inferiores Ordines Apostolorum ætate necdum fuisse institutos; præterquamquod Clericorum nomen olim non usurpabatur, ut significarentur ii, qui altari inserviebant, quique potius *Ministri* appellabantur, ac *Clericorum* vocabulo universa Fidelium Ecclesia designabatur, *Clerus* enim idem sonat, ac *Congregatio* vocatorum in sortem Domini, quod universæ Christianæ Reipublicæ optime congruebat; hinc Petrus in epist. 1. cap. 5. Seniores, sive Presbyteros monet, ut gregem Dei pascant, non dominantes in Cleris, sed forma salis gregis ex animis. In can. 3. & 4. mentio fit *Altaris*. At quoque id Apostolorum temporibus minime congruit, quibus locus, ubi Eucharistice Sacramentum conficiebatur, non *Altare*, sed *Mensa* dicebatur, ex eo forte, ne Christiani rerum sacrarum nomina communia haberent cum Iudæis, qui locum Sacrificiorum *Altaris* nomine designabant. Insuper in eodem Can. 5. prohibetur, ne ad Altare deferantur legumina, mel, lac, aliæque, excepto oleo, & thure, quasi Christiani prioris sæculi in sacris cæremoniis lucernis, incensivæ thuribus uterentur; quod ne tertio quidem Ecclesiæ sæculo receptum adhuc fuisse observamus; etenim apud Tertullianum super

stirio habebatur thura venalia habere Christianis in lib. de Idololatria cap. 11., quod illa, utpote a Gentibus in idolothytis adhibita, profana prorsus iudicaretur, indignaque, quæ vero Deo offerrentur. Perspicuum hujus rei argumentum erui possumus ex Arnobio, qui libro 6. scripsit, consuevisse Ethnicos crimen Christianis maximum impietatis affigere, quod non thura, neque fruges falsas inferrent; propterea idem Arnobius in lib. 8. ita Ethnicos ipsos thura Deo offerentes insequatur: *Ac primum illud a vobis isto ipso quaerimus, percundamurque de thure, unde & quo tempore nosse illud, aut scire potueritis, ut merito existimetis aut esse Visi dandum, aut eorum acceptissimum voluntati?* Quod spectat ad usum lucernarum, aut luminum, habemus testimonium Lactantii quarti sæculi initio ita scribentis: *Num igitur mentis suæ compos putandus, & qui Auctori, & Datori luminis candelarum, ac cerarum lumen effert pro munere?* Canon 6. ex Apostolicis idem est cum eo, quem Africani Patres statuerunt, Cypriano teste, qui conquestus de Clerico, qui testamento tutor designatus fuerat, ita inquit: *Cum jampridem in Concilio Episcoporum statutum sit, ne quis de Clericis, & Dei Ministris tutorem, & curatorem testamenti suo constituat, quando singuli Divino Sacerdotio honorati, & in clerico ministerio constituti nonnisi Altioribus, & Sacrificiis deferre, & precibus, & orationibus vacare debent.* Quid vero clarius exhiberi potest ad minuendam hisce Canonibus fidem, quam adducere in medium sententiam Canonis 7., qui statuitur, ne Pascha more Judæorum ante vernum æquinoctium celebraretur? Plane si Apostolorum temporibus hæc jam constituta fuissent, quomodo exortæ sunt paullo postea tot acres Quartodecimanorum, Audianorum, atque Asiaticorum omnium controversiæ? Aut saltem quomodo exortæ non statim pacari vel uno hujusmodi proposito Canone potuerunt, quin opus esset Conciliis, Romano, Palestino, Pontico, aliisque numero plurimis? Cur Policarpus, qui Apostolicos mores & scivit, & recepit, aliud, quam in eo Canone sancitum esset, in Paschatis celebratione servavit? Pergamus ad Canonem 21., in quo definitum est eos ad sacros Ordines promoveri non posse, qui sibi virilia amputaverint: In conspectu hujus Apostolici decreti, qua fronte Alexander Hierosolymitanus, & Theodotius Cæsarensis fecissent Origeni facultatem Sacræ Scripturæ coram Episcopis interpretandæ, & quod majus est, ipsum ad sublimem Presbyterii dignitatem sine discrimine promovissent? Jure propterea suspicantur quamplures, memoratum Canonem 21. illum eundem esse, qui primo loco editus est in Nicæno Concilio generali anno 325., quemadmodum etiam censent Canonem 14. inter Apostolicos eundem esse cum Canone 3. Antiocheni Concilii, & Canonem 46. eundem cum Decreto Concilii Iconiensis, de quo ita scribit Firmilianus in epistola ad Cyprianum: *Plurimi simul convenientes in Iconio . . . confirmavimus repudiandum esse omne omnino baptisma, quod sit extra Ecclesiam constitutum.* Quod sane decretum si jam ab Apostolis editum fuisset, quantum gelire potuisset, duobus Cypriano, & Firmiliano, Ecclesia Africana, quæ adversus Romanorum sententias baptizatos ab impiis, atque infidelibus ministris novo baptismo abluerat? Omitto nunc Canonem 25., ubi fit mentio *Lectorum*, atque *Cantorum*, quorum nomina inter officia ecclesiastica nec tum audita fuerunt. Nemo non videt in Canone 28. verba illa, *quemadmodum Simon magus a me Petro*, fuisse posteriore manu de industria ad decipiendum apposita. Canon 29. Constitutionem exhibet præpositam, quæ Apostolorum præti accommodari nullo modo potest, ibi: *Si quis Episcopus secularium Magistratum familiaritate usus per ipsas Ecclesiam nostras fuerit, de-*

ponitor



ponitor &c. Quæ tum decreti hujus esse occasio poterat? præsertim cum Episcopale officium contemptum, ac sordidum haberetur apud illos; qui humanis potius affectionibus ducebantur, ac Magistratum cura ea potius esset, ut Episcopatus everterentur, nedum ut novi Ecclesiarum Antistites inaugurarentur. In Canone 36. præcipitur, ut bis in anno Episcoporum Concilia celebrarentur. Verum si cum his librum Apostolicorum Actuum conferamus, agnosceremus nullum hujusmodi tempus in Conventibus sacris fuisse servatum, sed illos fuisse habitos, prout erat idonea vel habendi, vel non habendi opportunitas, ratione præsertim habita vexantium Ethnicorum, quorum impietas certa Conciliorum tempora præstitui non ferebat. Canon 48. editus videtur post subortam Eunomianorum hæresim, qui, ut referunt Theodoretus lib. 4. hæres. cap. 3., Socrates lib. 6. histor. cap. 13., & Sozomenus lib. 6. cap. 26., non in Trinitatem, sed in mortem Domini baptizabant. Præterea facile est arbitrari Canon 50. occasionem dedisse recentiorum hæresim. Manichæorum, aut similis sectæ hominum, qui vinum, & nuptias malo, ut aiebant, Deo acceptum referebant, eaque de causa detestabantur. Sic etiam Canon 51., quo præcipitur eos, qui semel lapsi sunt, ad penitentiam recipiendos iterum esse, occasionem dedit Luciferianum Schisma nonnisi posteriore tempore concitatum. In Canone 62. Auctor videtur doctrinam Apostolicam voluisse quodammodo imitari; verum, ut reor, ne mentem quidem Apostolorum attigit, dum hisce, verbis Apostolicam regulam descripsit: *Si quis Episcopus, aut Presbyter, aut Diaconus, aut omnino quicumque ex sacerdotali consortio comederit carnes in sanguine animæ ejus, aut a bestijs abreptum, aut suffocatum, deponitur; hoc enim lex prohibuit. Sin vero laicus fuerit, a communione excluditur.* Ineptus in primis est, dum inquit: *Hoc enim lex prohibuit;* siquidem cum nomen legis Apostolorum tempore legem Moysis designaret, innueret esse Christianis abstinendum ab iis omnibus, a quibus abstinendum lege Moysis præciperetur, quod sane nemini probatur, quum liqueat omnibus caeremonialia, ut vocant, atque judicialia veteris legis præcepta post Evangelii promulgationem fuisse antiquata. Deinde aliud omnino præferunt Apostolorum verba, qualia in Actibus Apostolorum legimus cap. 15. ibi: *Surrexerunt autem quidam de hæresi Phariseorum, qui crediderunt dicentes: Quia oportet circumcidi eos, præcipere quoque servare legem Moysi, conveneruntque Apostoli, & Seniores de verbo hoc; cum autem magna confusio fieret, surgens Petrus dixit . . . . Ego judico non inquietari eos, qui ex Gentibus convertuntur ad Deum, sed scribere ad eos, ut abstineant se a contaminationibus simulacrorum, & fornicatione, & suffocatis, & sanguine, quod eisdem ferme verbis repetitur in cap. 21. vers. 15. Video hæc multum inter se ac longe distare, ne dixerim esse contraria. In Canone, qui Apostolicus dicitur, non modo nihil ex veteris legis vinculo relaxatur, sed ætius pœnis adjectis adstringuntur Fideles; at in Concilio vere Apostolico eos, qui ex Gentibus sunt, non amplius inquietari jubetur. At revera, si circumcisione opus ipsis non erat, cur opus fuisset abstinencia a sanguine, & suffocato, cum utrumque in eisdem Judæorum legibus æque contineretur? Porro quod ab Apostolis Gentibus ad Fidem recens conversis commendatum adparet, illud est, ut abstinerent a contaminationibus simulacrorum, idest ut sese a cultu idolorum averterent, quod, ut iidem Apostoli explicarent, addiderunt, & fornicatione, & suffocatis, & sanguine, videlicet in sacris literis fornicationis nomine illa frequenter intelligitur, qua Dei cultus idolorum cultui postponitur, juxta illud Psalmistæ; qui fornicantur abs te; item mandant,*

runt, ut abstinerent a sanguine, & suffocatis, scilicet ne degustarent profana idolothya, idest animalia idolis vel suffocando, vel sanguine aspergendo a superstitioso ritu, inanibusque auspiciis consecrata. Quæ interpretatio si germanam exhibet Apostolorum doctrinam, jam abunde liquet, quantum a sententiis Apostolicis aberraverit, qui memoratum Canonem commento suo composuit. Canon 69. prorsus abhorret a verustissimis moribus Romanorum, qui sabbato jejunare consueverant, ut testis est Innocentius I. in epist. ad Decentium Eugubinum. Qui fieri potest Romanam Ecclesiam a vetusto etiam tempore ab iis recessisse doctrinis, quas Clemens ejusdem Ecclesie Antistes, veluti ab Apostolis sibi commissas ediderat, si memorati Canonis sententia in regulis Apostolicis contineretur? In Canone 71. mentio fit olei, & ceræ in Ecclesiæ illarum, quod antiquissimæ disciplinæ absonum esse, superius ex Lactantio demonstravi. Demum in Canone ultimo sacri libri describuntur, omissis tamen ex vetere Testamento libris Judith, Tobie, & Ecclesiastici, necnon ex novo Testamento Apocalypsi Johannis, quorum vice divinis voluminibus accensentur tres libri Macchiorum, Clementis epistolæ dux, necnon ejusdem Constitutiones, quas tanquam apocryphas rejiciendas Eruditi omnes pluribus argumentis evincunt; quomobrem non desunt, qui exinde putent Auctorem istorum Canonum eundem esse, qui Constitutiones Clementis ediderit, quibus, ut auctoritatem conciliaret, edito Canone, ipsoque Apostolis tributo, easdem facis literis adnexuit.

Inquirunt Eruditi, quomodonam fieri potuerit hosce omnes Canones adeo ab Apostolicis moribus distonos ipsi Apostolis adscribi, qua itidem ratione Clementis Romani Apostolorum discipuli nomine insigniti fuerint? Sunt qui id totum vertunt vitio illius, qui commento suo eosdem edidit, quasi de industria Apostolicos dixerit, & a Clemente promulgatos, ut majorem apud credulos quoscumque vim, ac potestatem obtinerent. Alii e contrario non alicujus calliditati, sed potius imperitiæ edentis tribuerunt. Ut enim jam superius observavimus, quamplures ex illis Canonibus confecti sunt ex variis priorum quinque sæculorum Conciliis, atque in unum veluti Codicem redacti, titulo forte adjecto *Canonum Apostolicorum*, idest conditorum ab iis, qui cum Ecclesiastica auctoritate, & doctrina sacrarum rerum apud Veteres plurimum pollerent, Apostolici sunt nuncupati. Atque exinde evenire fortasse potuit, ut imperitus quispiam, aut imprudens ex errore eosdem Canones Apostolis ipsis asseruerit. Refero hic verba Albaspinzi Aurelianensis Episcopi lib. 1. observat. 13. ita scribentis: *Quod attinet ad Canones, existimo eos ita appellatos esse ab antiquitate, nam cum eorum aliquot ab Apostolorum Successoribus, qui, teste Tertulliano de præscriptionibus, Apostolici Viri nominabantur, facti essent, Apostolicorum primum Canones, deinde nonnullorum Latinorum ignorantia ( melius dixisset Græcorum, a quibus eosdem Canones Latini acceperunt ) aliquot literarum detractione, Apostolorum dicti sunt. Et apud Græcos quoque res ita processisse videtur. . . . Hæc autem conjectura eo probabilior redditur, quo certius est Græcos solitos fuisse uno, eodemque quasi titulo, & volumine completti cum antiquos Canones, tum recentes nulla Concilii, temporis, Auctorumque mentione facta, quique præcedentibus addebantur, tacto ordine, numerumque, quem in Conciliis, unde decerpébantur, habebant, ab iis ordinem, numerumque accipiebant, quibus in illa collectione adjiciebantur. Quare si jam centum Canones propositi fuissent, qui de novo addebatur centesimus primus, quæ ratio par fuisset in ceteris, consuebatur: Cur vero Clementis Romani nomen præfixum Canonibus habebatur,*

beatur, hæc erroris causa esse potuit. Videlicet istorum Canonum pars collecta fuerat per Clementem Alexandrinum; quum autem forte Amanuensis Librarius Clementis nomen tantummodo legisset, Clementem Romanum Clementi Alexandrino supposuit imprudens, & Clementem Romanum, tanquam Apostolorum discipulum, agnoscens, & in suum, & in aliorum animum facile induxit, Canones illos ab Apostolis acceptos primum fuisse, & a Clemente Romano in publicam lucem prolatos. Quam gravissimam suspicionem illud maxime juvat, quod Veteres testentur quandam collectionem Canonum per Clementem Alexandrinum fuisse adornatam. Testatur inter ceteros Hieronymus in lib. de Ecclesiasticis Scripturis cap. 38., Eusebius lib. 6. histor. Eccles. cap. 11. (aliis 23.), & Photius in sua Bibliotheca, ubi relatis tribus Clementis Alexandrini libris Hypothesum, Stromatum, & Pedagogi subdit: *Feruntur autem ab illo alia non pauca conscripta, & vero etiam alii composuisse testantur de paschate, de jejuniis, de oblatione, de Canonibus Ecclesiasticis &c.* Res hujusmodi valde incerta est, & obscura, proindeque sicut stultissimum esset eam data sententia absolvere, ita utile erit quam maxime, & laudabile, si, quanquam sine assensione, similitudinem veri consequamur. Quæ omnia si recte rationi consonant, iure optimo concludendum arbitror Canones hosce, licet Apostolici minime fiant, antiquissimam tamen habere originem, & maxima ex parte apud Græcos fuisse probatos; proindeque, quæcumque demum sit eorundem auctoritas, plurimum tamen valere, ut veteris disciplinæ monumenta minime contemnenda in ipsis agnoscamus. Cujus rei manifestum exemplum adparet in Can. 3., in quo statuitur nihil ad Altare adferendum esse, nisi *novum frumentum, & uvam opportuno tempore*, nihil præterea Altari admovendum, nisi *oleum in candelabrum, & incensum tempore oblationis*; quæ denotant olim nihil ad Altare afferri potuisse, nisi quod faciendo, aut præparando Sacrificio necessarium videretur. Adferebatur frumentum, & uva, utpote ex quibus Sacramenta Panis, & Vini conficiebantur. Adferebatur cum oleo incensum, utpote quod oblationem solemniorum facerent, statisque cæremoniis celebratiorem. Huc pertinet vetus ille ritus, quo in Missa agenda benedictio fiebat novi frumenti, novæque uvæ, quæ deinde simul cum Eucharistia populo distribuebantur; cuius rei argumentum habemus luculentissimum in Sacramento Gregorii, in quo sub festum S. Xixti extat benedictio uvæ his verbis declarata: *Benedic, Domine, & hos fructus novos uvæ, quos tu, Domine, rore cæli, & inundantia pluviarum, & temporum solemnitate, atque tranquillitate ad maturitatem, perducere dignatus es, & dedisti eos ad usus nostros cum gratiarum actione percipere in nomine Domini nostri Jesu Christi: per quem hæc omnia, Domine, semper bona creas, vivificas, benedixisti, & prestas nobis.* Atque hinc facile eruimus, quomodo interpretari debeamus postrema hæc verba, quoties eadem perpendamus, prout hodie jacent in Missali Romano; atque a nobis Sacerdotibus quotidie in Missa post Orationem Dominicam proferuntur. Qui plura desiderat, consulat Cardinalem Bona lib. 2. rer. liturgic. cap. 14., & Concilium Trullanum in Can. 28. Aliud veteris disciplinæ vestigium animadvertimus in Can. 4., quo præcipitur, ut Episcopus res sibi oblatas inferioribus clericis adinstar boni patrisfamilias divisa tribueret. Præterea in Can. 9. summum illud jus exhibetur, quo unusquisque Fidelium usque ad Missæ finem permanere in Ecclesia cogeatur. In Canone 12. & 32. intuemur auream illam Ecclesiarum conjunctionem, qua nemo a sua Ecclesia abesse, aut apud aliam recipi poterat, nisi per formatas Episcopi sui Epistolas commendatus, quod

quod hodiernis moribus adhuc in Clericis viget. Ex Canone 13. intelligimus, quantum solliciti semper fuerint Ecclesiastici legistatores, ne quis Episcopus non urgentibus gravissimis causis pinguioribus ampliorum Episcopatum redditus spectaret. Can. 16. exhibet disciplinam Græcorum, quam Hieronymus probavit contra quod generatim Latini sentirent, præsertim Augustinus, & Innocentius Pontifex Maximus, uti adparet ex tota dist. 16. apud Gratianum. Can. 33. imaginem præfert præfæctæ Metropolitanorum jurisdictionis, quam illi in suffraganeos exercebant, dum suffraganeis nihil agere liceret suo Archiepiscopo inconsulto, additis illis aureis sane verbis, *ita enim concordia erit, & Deus glorificabitur per Dominum in Sancto Spiritu*. In Can. 36. utilitati Ecclesiarum per frequentem indictam Synodorum celebrationem consultum adparet, quæ fieret bis in anno, quarta videlicet feria Pentecostes, & die duodecima Hyperberethæi. Nomine autem quartæ feriez Pentecostes intelligebatur apud veteres hebdomada quarta post Pascha; siquidem apud illos dies inter Pascha, & Pentecosten intercedentes Pentecoste appellabantur. Sic Basilii in lib. de Spiritu Sancto cap. 27. *Unus ille, & primus dies septies multiplicatus septem sacræ Pentecostes hebdomadas absolvit*. Jungatur Tertullianus de Idololatria cap. 14., Hieronymus Dialogo adversus Luciferianos, Ambrosius Serm. 61., Augustinus Epist. ad Januarium cap. 15., atque hoc modo etiam Zonaras Canonem interpretatur, qui forte desumptus est ex Canone 20. Concilii Antiocheni, ubi clarius idem exprimitur. Mensis autem Hyperberethæus idem apud Asiz populos, & Macedones sonabat, quod apud nos mensis October, quemadmodum Dionysius Exiguus, qui Canones latinitate donavit, interpretatus est. Observatione præterea dignus est Canon 40., quo non aliter Episcopis, & Ministris suppeditanda esse ex bonis Ecclesiæ alimenta decernitur, quam si illi indigeant, nec possint aut ex paternis, aut ex adventitiis bonis, ea quæ ad cultum, & victum necessaria sunt, sibi parare. Ex Canone 59. item monemur, quod alias animadverti, ne antiquis monumentis sine discrimine statim credamus, ne forte pro veris recipiantur, aut pro integris, quæ ingenia quorundam hominum ad fallendum parata aut de industria induxerunt, aut inducta depravarunt. In Can. 68. agnoscimus præfæctam & quadragesimalis, & quartæ sextæ feriez jejunii institutionem. In Can. 73. Conciliorum Provincialium auctoritatem, in quibus Provincialium causæ coram Episcopis totius Provinciæ discutebantur, dirimebanturque sententia. In Can. 83. honorem, quo Magistratus omnes, & Principes Ecclesiæ semper prosequuta est. Quid vero Canones singulos recenseam? Illud generatim non opinione solum, sed etiam ad veritatem plane omnibus persuaderi potest, in Canonibus, qui vulgo Apostolici appellantur, licet vere Apostolici non sint, inesse grave & auctoritatis pondus, & maximam utilitatis ubertatem; quum enim, ut paucis omnia complectar, a quinto Ecclesiæ seculo in medium prodierint, eoque jam tempore a Græca Ecclesiâ recepti fuerint, imo etiam ad Latinos honorifice traducti, nimis auderet, quicumque illos pro nihilo, aut pro rebus parvi omnino momenti existimaret; quod si de illis Canonibus agatur, quibus sententia Conciliorum veterum iisdem fere verbis expressa exhibetur, nemo sanus hujusmodi Canones contemnere poterit, nisi & eorundem simul Conciliorum veterum sententias aspernari necessario videatur.

Can. 14.  
dist. 28.

Jam vero ut ad Gratiani fragmenta accedam aliquando, quæ ex hujusmodi Apostolicis, ut vocant, Canonibus deprompta sunt, exponendus in primis est Canon 14. dist. 28. Is non eisdem omnino verbis refertur, quæ in versione Dionysii Exigui  
le-

leguntur. Porro Dionysii Exigui versio in can. 6. hæc habet: *Episcopus, aut Presbyter uxorem propriam nequaquam sub obtentu religionis abiciat, si vero rejecerit, excommunicatur, sed si perseveraverit, deiciatur.* Alii ex Græcis recentioribus exemplaribus ita verterunt: *Episcopus, vel Presbyter, vel Diaconus uxorem suam ne ejiciat religionis prætextu, sin autem ejecerit, segregetur, & si perseverat, deponatur.* Ex quibus sane, liquet, Gratianum longe a germana Canonis sententia recessisse; dum potius ita scribere voluit: *Si quis docuerit Sacerdotem sub obtentu religionis propriam uxorem contemnere, anathema sit.* Sic emendato Gratiani Codice omitendum non est, quamplurimes ex recentioribus hæreticos occasionem contentionis adversus Ecclesiam Romanam ex memorato Canone arripuisse; quasi cœlibatus Ecclesiastici leges a Romana Ecclesia posteriore ætate firmatæ, ejusdem Canonis sanctioni advertentur, atque eo vehementius hæreticorum animi concitati sunt, quo aliquot ex Catholicis, qui Theologi audiunt, ita Canonem explicarunt, quasi damnaretur, non qui prætextu religionis ab uxoris concubitu temperaret, sed qui uxorem jam legitime ductam a domo, ac familia pelleret, eidemque præterea necessaria vitæ commoda subduceret. Quamobrem non desuere ex illis qui rem universam ad Græcorum Codicum fidem redigentes conati sunt demonstrare, statutum esse in Canone, ne Episcopi, alique inferiores administri religionis prætextu debitum uxori denegarent. Quo vero tandem pertinet hujusmodi conatus? Sane plura in contrarium adferri possent; sed quid juvat? Illud pro certo Catholicis omnibus est, Sacerdotalem cœlibatum ad disciplinam, & mores ab Ecclesia probatos pertinere, non vero ex divino jure constitutum omnino esse, ita ut aliud pro temporum, aut locorum varietate induci, aut dispensari per Ecclesiam possit. Quemadmodum itaque jam antiquissima ætate constitutum alicubi scimus, ne Presbyteri conjugii copularentur, ut patet ex Canone 1. Concilii Neocæsariensis, eccur non potuit alicubi, aut aliquando definiti Episcopus, atque alios Administros inferiores, a conjugio antea contracto non debere recedere? Alia difficultas oritur ex relato Canone, ibi: *Si vero rejecerit, excommunicetur, sed si perseveraverit, deiciatur.* Quænam erant istiusmodi pœnæ, excommunicari primum, deinde deici? Quomodo distingui? aut cur gravior excommunicatione dejectio, ut excommunicatio contra delinquentem inferatur, dejectio vero adversus contumacem? Dixerim itaque in Clericis etiam majoribus nihil aliud excommunicationem fuisse, quam pœnam, qua quis ab Ecclesiasticis muneribus exercendis removebatur ad tempus, atque ut plurimum infligi solebat, quum Clerici sine formatis literis a Diocesi, cui adscribebantur, abscedebant, uti patet ex Concilio Milevitano Can. 20., Concilio Hispalensi 2. Can. 3., & Concilio Nicæno Can. 16. At dejectio gravior erat pœna, qua Clerici in Laicorum ordinem detrudebantur, nunquam ad pristinum gradum reversuri: de hac agitur in Concilio Ancyrano Can. 18., Antiocheno Can. 3., & Chalcedonenſi Can. 2.

Ad meliorem etiam Codicum fidem exigendus est Canon 1. dist. 33. siquidem in Codice Dionysii Exigui, qui antiquissimam ex Latinis exhibet interpretationem, ita legitur Canone 17. *Si quis post baptismum secundis fuerit nuptiis copulatus, aut concubinam habuerit, non potest esse Episcopus, non Presbyter, aut Diaconus, aut prorsus ex numero eorum, qui ministerio sacro deserviunt.* Alii ita ex Græco verterunt: *Qui post sanctum Baptismum duobus conjugii fuerit implicatus, vel habuerit concubinam, non potest esse Episcopus, vel Presbyter, vel Diaconus, vel omnino ex numero Sacerdotali.* Ex hoc Canone arbitror eam disputationem originem habuisse, de qua adductis adver-

Can. 1.  
dist. 33.

fan-

sanctium Patrum testimoniis plura retulit Gratianus in dist. 26., quæ testimonia suis locis suis expendam.

Canon 15. dist. 34. consonat omnino cum Canone 18. Dionysii Exigui; sed alii ita e Græco in Latinum vertere placuit. *Qui viduam accepit, vel ejusdem, vel medietatem, vel servam, vel mimam, seu scanicam non potest esse Episcopus, vel Presbyter, vel Diaconus, vel omnino ex numero Sacerdotum.* Quibuscumque vero verbis describatur Canon, eadem semper sententia profertur, quæ morum integritas non solum incorrupta servanda sit ab iis, qui divinis ministeriis addicti sunt, verum, etiam ab uxoriis eorundem, quasi virtus in illis familiaris esse debeat, & prope domestica.

In Canone 1. dist. 35. duo junguntur capita ex versione Dionysii Exigui; sic habet ipse in cap. 42. *Episcopus, aut Presbyter, aut Diaconus aleæ, atque ebrietati deserviens, aut designat, aut certe damnetur.* Dein in cap. 43. *Subdiaconus, aut Lector, aut Cantor similia faciens aut designat, aut communione privetur. Similiter etiam Laici.* Alii verba illa, *aleæ atque ebrietati deserviens*, ita interpretati sunt, *aleis atque ebrietatibus vacans.* Cæterum sive quis *vacare*, sive *deservire* aleis aut ebrietati dicatur, illud semper intelligitur, operam præcipuam dari, ac frequentem, quod maxime in verbo *deservire* significat particula *de*, quæ augere solet significatum, arg. l. 1. ff. *depositi*. Sunt præterea, qui loco illorum verborum, *aut certe damnetur*, potius legunt ex Græcorum exemplaribus, *vel deponatur*; quæ interpretatio etiam Commentariis Zonaræ est valde conformis.

Canon 7. dist. 45. apprimè congruit cum interpretatione Dionysii Exigui. Aliorum interpretatio hæc est: *Episcopum, aut Presbyterum, aut Diaconum, qui ut fideles delinquentes, vel infideles injuriam inferentes percussit, & terrorem ipsis per hujusmodi vult incurrere, deponi præcipimus.* Nusquam enim dominus hoc nos docuit. Imo vero contra, cum ipse percuteretur, non repercutiebat, cum lacefferetur convitiis, non reddebat convitium, cum pateretur, non comminabatur. Alii ita scribere placuit: *Episcopum, vel Presbyterum, vel Diaconum, qui verberat eos, qui peccant, vel infideles, qui injuriam fecerant, & per hæc vult perterrefacere, deponi jubemus: Dominus enim nos nequaquam hoc docuit.* Contra autem ipse verberatus non repercussit, maledictis appetitus maledicta non retulit, patiens non minatus est. Quæcumque autem sit verborum in interpretatione varietas, eadem semper Canonis sententia exhibetur.

In Can. 1. dist. 47. ea fere verba a Gratiano descripta sunt, quæ ex interpretatione Dionysii Exigui deprompta videntur; dummodo tamen vice illorum verborum, *aut certe deponatur*, hæc supponamus: *aut certe damnetur.* Alii ita integrum Canonem legunt: *Episcopus, vel Presbyter, vel Diaconus pecunias mutuo datas cum senore exigens vel cesset, vel deponatur.* Similis ferme sanctio legitur in Can. 17. Concilii Nicæni a Gratiano relato in Can. 2. ejusdem distinctionis 47.

Canon 4. dist. 55. continet duos ex Apostolicis Canonibus, quales sejunctos habet num. 22., & 23. Dionysii Exigui eisdem omnino verbis. Alii ita e Græco verterunt num. 22. *Qui se ipsum mutilavit, ne sit Clericus, est sui homicida, & Dei opificii hostis,* & num. 23. *Si quis cum sit Clericus, se ipsum mutilaverit, deponatur, est enim sui homicida.* Facile hisce in locis unusquisque agnoscere poterit constitutionem Concilii Nicæni I. in Can. 1. relato apud Gratianum in Can. 7. eadem dist. 55.,

quo etiam pertinere videtur Canon 8. dist. 55., cujus verba cum Dionysio Exigui dist. 55. quo consonant, dummodo pro illis posterioribus verbis, *fiat Episcopus, legatur, efficiatur*

*clatur Episcopus*; neque ab integra lectione, qualis apud Gratianum habetur, discrepant alii Græcæ linguæ Interpretes. Illud hac in re observatione dignum arbitror, huic functioni apud veteres occasionem dedisse quorundam imperitiam, qui varia sacre Scripturæ loca perperam interpretati, præsertim Matthæi cap. 19. vers. 12. in corpus suum seivire minime dubitarunt, quos sequutus est Origenes, quemadmodum Eusebius, Nicephorus, atque Epiphanius tradiderunt.

Emendatione opus est in Canone 12. dist. 81., qui ex Canone 25. Apostolorum desumptus dicitur: quippe apud Gratianum nulla de Episcopo mentio fit, de quo facienda esset, de crimine autem homicidii ne verbum quidem occurrit in melioris notæ exemplaribus, quod tamen memorare voluit Gratianus. Restituitur Canon ex cap. 25. Dionysii Exigui hisce verbis: *Episcopus, aut Presbyter, aut Diaconus in fornicatione, aut perjurio, aut furto deprehensus deponitur, non tamen a communione excluditur: dicit enim scriptura: Bis de eodem delicto vinculum non exiges. Eisdem conditionibus consimiliter & reliqui Clerici subdantur.* Ad hanc disciplinam respexisse videtur Basilius Magnus, qui in Epist. 1. Canonica Canone 3. ita scribit: *'Diaconus post Diaconatum fornicatus a Diaconatu quidem ejicietur, in Laicorum autem locum extrusus a communione non arcebitur; quoniam antiquus est Canon, ut qui a gradu exciderunt, hoc solo punitionis modo puniantur, primis, ut assero, legem illam sequutis non vindicabis bis in idipsum; & etiam propter aliam causam, quod, qui sunt in ordine Laico a loco fidelium ejecti, rursus in eum, ex quo ceciderunt, locum recipiunt; Diaconus vero semel habet, quod sufficiat depositionis judicium. Tanquam ergo ei non reddendo Diaconatu in ea sola punitione steterunt. Hæc quidem sunt, quæ ex Constitutionibus habentur.* Posteriora hæc verba ita Zonaras interpretatur: *Sed hæc, inquit, in Constitutionibus reperiuntur, hoc est longi temporis consuetudine definita sunt.* Nondum tamen integra lectio huic Canoni, qui Apostolicus dicitur, reddita est, nisi observem præterea in posterioribus editionibus aliter fuisse descriptum: quippe Egbertus Eboracensis ita Canonem exposuit in cap. 33. exceptionem. *Episcopus, aut Presbyter, aut Diaconus, qui in fornicatione, aut perjurio, aut furto, aut homicidio est, deponatur.* Unde profectum est additamentum de homicidio? Non levis propositi potest conjectura. Circa annum 570. Chilpericus Rex ad Episcopos Galliarum transmisserat quendam Canonum Codicem, de quo ita refert Gregorius Turonensis lib. 5. cap. 18. *Ipse vero ad metatum discessit, transmittens librum Canonum, in quo erat quaternio unus adnexus, habens Canones quasi Apostolicos continentes hæc: Episcopus in homicidio, adulterio, & perjurio deprehensus a Sacerdotio divellatur.* Hic sane Canon idem ipse est cum dicto Canone 25. ex Apostolicis, quanquam de furto hic nulla mentio fiat, quæ fit in Apostolico; viceversa hic mentio fiat de homicidio, quæ in Apostolico capite desideratur; cujus suppositionis ratio ex eo proficisci poterat, quod tempore Chilperici Prætextatus quidam Rothomagensis Episcopus homicidii reus etiam ex ipsius confessione habebatur, qui tamen adhuc veniam criminis sperabat, contra plurium Episcoporum, imo & Regis ipsius voluntatem, qui eum perpetuo dejectum ab Episcopatu poenam sceleris luere debere pronuntiabant; atque ut voti compotes fierent, Apostolicum Canonem rei suæ accommodarunt, ac loco furti, de quo in Apostolico Canone sermo erat institutus, homicidii crimen substituerunt, ut Prætextatum non tam ex sententia, quam ex ipsis verbis Canonis aperte damnatum assererent. Incidit ergo Egbertus in Canonem Apostolicum non tam apud Dionysium Exiguum, quam apud Gregorium.

Turonensem, aut alios Codices Gallicanos, & cum apud Dionysium de furto, apud Gallicanos de homicidio conceptum fuisse Canonem agnosceret, neutrum omisit, utrumque scriptis, ne forte unus lectionem prae alia probare voluisset videretur, arbitratus ita se integri Collectoris officio satisfecisse.

Can. 13.  
dist. 81.

Canonem 13. dist. 81. ita retulit Gratianus, quasi superiori jungendus sit, & ex eorundem Apostolicorum Canonum collectione depromptus. Nihil tale tamen in Canonibus Apostolorum legitur. Immo Gratianus alibi, nimirum in Can. 9. dist. 28. refert ex Concilio Neocæsareensi, licet mutatis quibusdam verbis. Quomodo legendus sit Canon, suo loco exhibebo, ubi agam de Concilio Neocæsareensi. Hoc loco observare sufficiat, forte Gratianum, quia in Canone 12. de solis Presbyteris Diaconisque delinquentibus, non de Episcopis sermonem fecerat, supplere voluisse in Canone 13., quod omiserat in precedenti; & revera in Can. 9. dist. 28., ubi idem Canon describitur, Episcoporum non meminit Gratianus, nec enim meminisse poterat, si integrum Neocæsareensem Canonem exhibere debebat; at in hoc Can. 13. dist. 81. non tam voluit Neocæsareensem Canonem delineare, sed etiam Neocæsarensis Canonis sententiam cum Apostolici Canonis precedentis sententia jungere, ut Canonem ita commento suo affingeret, qui non tam Neocæsarensis Concilii, sed etiam Apostolica auctoritate firmaretur, ac proinde ne Concilii quidem Neocæsarensis nomen in eo referendo inscripsit.

Can. 3.  
dist. 88.

Canon 3. dist. 88. consonat omnino cum Canone 7. Dionysii Exigui; aliis vero placuit ex Graecis Codicibus ita interpretari: *Episcopus, vel Presbyter, vel Diaconus seculares curas non suscipiat, aliqui deponatur*. Antiquissima sane est hujusmodi Constitutio, quam auctor Canonum hujusmodi Apostolicorum renovare voluit in Canone 81., quam praeerea Concilii Chalcedonensis Patres in Can. 3. firmatam in universa Ecclesia voluerunt. Forte dictorum Canonum Apostolicorum auctor notam habuit sanctionem Africanæ Ecclesiae, eamque Apostolorum nomine in suum Codicem retulit; quippe Sanctus Cyprianus Epist. 9. lib. 1. ita scribit: *Cum jam pridem in Concilio Episcoporum statutum sit, ne quis de Clericis, & Dei Ministris tutorem, & Curatorem testamento suo constituat, quando singuli divino Sacerdotio honorati, & in Clerico ministerio constituti, non nisi Altari, & Sacrificiis deservire, & precibus & orationibus vacare debeant. Scriptum est enim: nemo militans Deo obligat se molestiis secularibus, ut possit placere ei, cui se probavit. Quod cum de omnibus dictum sit, quanto magis molestiis & laqueis secularibus obligari non debent, qui divinis rebus, & spiritualibus occupati ab Ecclesia recedere, & ad terrenas, & seculares adus vacare non possunt?*

Can. 21.  
cau. 12.  
q. 1.

In describendo Can. 21. cau. 12. qu. 1. Gratianus sequutus non est Dionysianum Codicem, juxta quem Canon 40. respondet Canonibus 38., & 39. aut Canonibus 39. & 40. aliarum versionum. Dionysius Exiguus ita scripsit Can. 40. *Presbyteri, & Diaconi praeter Episcopum nihil agere pertinent, nam Domini populus ipsis commissus est, & pro animabus eorum hic redditurus est rationem. Sine autem manifeste res propria Episcopi, (si tamen habent proprias) & manifeste Dominica; ut potestatem habeat de propriis moriens Episcopus, sicut volueris, & quibus voluerit derelinquere. Nec sub occasione Ecclesiasticarum rerum, quae Episcopi esse probantur, interdicant: fortassis enim aut uxorem habet, aut filios, aut propinquos, aut servos. Et justum est hoc apud Deum, & homines, ut nec Ecclesia detrimentum patiatur ignorantia rerum Pontificis, nec Episcopus, vel ejus propinqui sub obtentu Ecclesiae proscribantur, & in causas incidunt, qui*



qui ad eum pertinent, morsque ejus injuriis, & male fama subiaceat. Alii ita ediderunt in can. 38. Presbyteri, & Diaconi absque voluntate Episcopi nihil peragunt; ipsius enim fidei populus Domini commissus est, & pro animabus ab ipso repetitur ratio. Dein in can. 39. Manifeste sunt private res Episcopi, si modo & privatas habet; manifeste item sunt Domine, ut privatas quidem res Episcopus, cum moritur, quibus vult, & quomodo vult, relinquendi facultatem habeat, neque in occasione Ecclesiasticarum rerum intercedant res Episcopi, qui nonnumquam uxores, & liberos, aut cognatos, aut servos habet. Justum enim est apud Deum pariter, & homines, simul ne Ecclesia per ignorationem rerum Episcopi damni aliquid sustineat, simul ne Episcopus, aut cognati ejus pretextu Ecclesie oblectantur, aut etiam qui illum generis proximitate contingunt, incidant in negotia, ejusque mors implicetur diffamationibus. Verterunt alii in can. 39. Presbyteri, & Diaconi sine sententia Episcopi nihil perficiant; ipse enim est, cujus fidei populus Domini est creditus, & a quo pro animabus eorum ratio exigitur. Deinde in can. 40. Manifeste sint Episcopi res proprie (siquidem res habet proprias), & manifeste res Domine, ut sit in potestate morientis Episcopi propria, quibus vult, & ut vult, relinquere, & non rerum Ecclesiasticarum occasione res Episcopi intercedant, qui nonnumquam uxorem habet, & liberos, vel cognatos, vel famulos. Est enim justum apud Deum, & homines, ut nec Ecclesia damnum aliquid accipiat propter rerum Episcopi ignoracionem; nec Episcopus, vel ejus cognati Ecclesie occasione proficiant, vel in negotia, litescque incidant, qui ad eum attinent, & ejus mortem maledictis prosequantur. Porro quicumque ex his versionibus recipiatur, ut ad aliquam referri debeat Gratiani fragmentum, illud certum est ibidem veritissimam contineri disciplinam, quum videamus idipsum fuisse constitutum in Concilio Antiocheno can. 24.

Cum eodem Concilio Antiocheno can. 25. consonant canon. 22. & 24. cau. 12. Can. 22.  
 q. 1., quos tamen nescio qua ratione sejunxerit Gratianus, quum ex eodem cau. 24.  
 none 41. ex Apostolis depromti fuerint. Hunc ita Dionysius Exiguus exhibet: can. 12.  
*Præcipimus, ut in potestate sua (hic apud Gratianum est canon 24.) Episcopus* q. 1.  
*Ecclesie rei habeat. Si enim anime hominum pretiose illi sunt creditæ (vertunt alii:*  
*sunt ei credende) multo magis oportet eum curam pecuniarum gerere, ita ut potestate*  
*ejus indigentibus omnia dispensentur per Presbyteros, & Diaconos, & cum timore,*  
*omnique sollicitudine ministrentur. Ex his autem quæ indiget, (hic apud Gratianum*  
*est canon 22.) si tamen indiget, ad suas necessitates, & ad peregrinorum fratrum*  
*usus ipse percipiat, ut nihil eis possit omnino deesse. Lex enim Dei præcipit, ut qui*  
*altari deserviunt, de altari pascantur, quia nec miles stipendiis propriis arma sustulit:*  
*aliis placuit ita vertere: per Presbyteros, & Diaconos subministrare cum Dei timore,*  
*& omni religione (si sit opus) in necessarium suum usum accipere, & fratrum, qui*  
*hospitio excipiuntur, ita ut ipse nullo modo egeat. Lex enim Dei statuit, ut qui altari*  
*assident, ex altari alantur; quandoquidem nec miles unquam suo viatico adversus hostes*  
*progredditur. Ex hoc Canone demonstrari videtur non aliter Ministros Ecclesiasticos*  
*tunc bonorum Ecclesiasticorum usum habuisse, nisi alias necessariis vitæ subsidiiis de-*  
*stituerentur, sive ex vi adversæ fortunæ, sive ex voluntaria familiarium bonorum*  
*abdicatione, quemadmodum indicant ea verba: si tamen indiget, aut illa: si sit*  
*opus. Quomobrem Augustinus Episcopus in can. 3. cau. 23. q. 7., seu in epi-*  
*stola ad Bonifacium ita scribebat: Si pauperum compauperes sumus, & nostra sunt,*  
*& illorum: si autem privatim quæ nobis sufficiunt, possidemus, non sunt illa nostra, sed*  
*pa-*

pauperum, quorum procuracionem quodammodo gerimus, non proprietatem nobis usurpatione damnabili vindicamus. Necnon Iustinianus in nov. 3. cap. 3. *Expense*, agebat, quæ sunt ex Ecclesiasticis redditibus, circa pios erogentur alius, & Deo placentes, & illis hæc ministrantur, qui pro veritate egent, & non habent aliunde alimentorum occasionem. Clarior Julianus Pomerius quinti Ecclesiæ sæculi probatissimus auctor lib. 2. de vita contemplativa cap. 10. ibi: Nec illi, qui sua possidentes dari aliquid volunt, sine grandi peccato suo, unde pauper villurus erat, accipiunt. De Clericis quidem dicit Spiritus S., peccata populi mei comedunt: sed sicut nihil habentes proprium non peccata, sed alimenta, quibus indigere videntur, accipiunt, ita possessores non alimenta, quibus abundant, sed aliena peccata suscipiunt: ipsi quoque pauperes, si se possunt suis artificiis, aut laboribus expedire, non præsumant quod debet debilis, aut infirmus accipere, ne forte Ecclesia, quæ potest omni solatio destitutis necessaria ministrare, si omnes etiam nihil indigentes accipiant, gravata, illis, quibus debet, subvenire non valeat. Qui autem Ecclesiæ serviunt, & labori suo veluti debita reddi oportere credentes ea, quibus opus non habent, aut accipiunt libenter, aut exigunt, nimis carnaliter sapiunt, si putant quod Ecclesiæ fideliter servientes stipendia terrena, ac non potius præmia æterna accipiant. Secularis quippe militia, quia celestia non habet, terrena strenue militantiibus præstat, unde satis indignum est, si fidelis, & operosa devotio Clericorum propter stipendium temporale præmia sempiterna contemnat. Quod si quilibet Minister Ecclesiæ non habet unde vivat, non ei præmium reddit hic, sed necessaria præstat Ecclesiæ, ut in futurum præmium laboris sui recipiat. . . . Quæro quid eorum sit, quæ dixi, difficile? ut homo id, quod opus non habet, ab Ecclesiâ non accipiat, aut ut quod habet, sine causa contemnat? Si propter hoc non vult sua relinquere, ut habeat unde vivat, ut quid accipit, unde rationem reddat? ut quid de peccatis alienis sua multiplicat? Id posteriore etiam ætate agnovit Dionysius Chartusianus, qui in tractatu de vita Canonicorum art. 24. hac quæstione sibi proposita ita præfatur: *Solubrius, ac securius creditur, ac paretur diutis Sanctorum, per quos loquutus est Spiritus Dei, quam scholasticorum quorundam, qui suo magis, quam expedit, credunt, & nituntur ingenio, auctoritatem Sanctorum ad suam retorquentes opinionem, ac deinde concludit: Quamvis ergo de proposita quæstione quidam dicam scholastici posse id licite fieri, consultius tamen credendum, & standum est verbis Hieronymi, & Bernardi, imo & Summi Pontificis, Beatique Prosperi; ait enim Damasus Papa: qui bonis parentum sustentari possunt, si accipiant quod pauperum est, sacrilegium incurrunt. . . . Horum itaque Patrum sententiis statim securius, quam aliorum aliter opinantium. Video fortasse fufius hæc fuisse persequutus. Id tamen præstandum erat, ut exinde appareret, quo jure Gratianus ad calcem ejusdem canonis 24. non alias Clericos admittendos esse ad propria possidenda, nisi fortasse retinendo sua a sumptibus Ecclesiæ abstineant.*

Can. 14.

can. 16.

9. 7.

In describendo can. 14. cau. 16. q. 7. non modo a Dionysii Exigui interpretatione aliquantulum recessit Gratianus, verum etiam sibi parum constans fuit, quum enim jam in can. 7. dist. 63. eandem sententiam retulisset sub nomine Concilii Nicæni II. his verbis: *Siquis Episcopus secularibus potestatibus usus Ecclesiam per ipsos obinverit, deponatur, & segregetur ab Ecclesia omnes, qui illi communicant*, modo refert quasi Apostolicam doctrinam mutatis tamen aliquibus verbis ita: *Siquis Episcopus secularibus potestatibus usus Ecclesiam per ipsos obineat, deponatur, & segregetur, omnesque, qui illi communicant*. Video sane undenam exorta fuerit hujusmodi diffi-

diffimilitudo, quippe Gratianus Ivonem ut plurimum sequutus est, qui in suo decreto parte 3. cap. 85., & parte 5. cap. 119. hunc ipsum canonem non eodem modo, sed varie designavit. Dionysius Exiguus ita exposuit num. 31. *Siquis Episcopus sæculi potestatis usus Ecclesiam per ipsos obtineat, deponatur, & segregetur omnes, qui illi communicant.* Alii e Græcis Codicibus hæc ediderunt. *Siquis Episcopus secularibus Principibus usus per eos Ecclesiam adeptus sit, deponatur, & segregetur, & omnes, qui illi communicant.* Quæcumque autem scriptura servetur, illud semper deducetur, aut nullo modo Apostolicam in hac doctrina disciplinam contineri, quatenus Apostolorum temporis nihil hujusmodi convenire potest, aut cautum illic esse, ne Ethnicorum Magistratum, & Principum potestate Episcopali Officio confusatur, quum nemo alius primis sæculis Princeps adesset, præter eos, quos communis gentium superstitione a vera in Deum religione dimoverat. Illud hac in re notatu dignum est hunc canonem inter Apostolicos cum alio fuisse conjunctum, qui numero 30. est apud Dionysium Exiguum, atque his verbis expressus. *Siquis Episcopus, aut Presbyter, aut Diaconus per pecunias hanc obtinuerit dignitatem, deiciatur & ipse, & ordinatus ejus, & a communione motis omnibus abscindatur, sicut Simon Magus a Petro (qui sibi suaserunt Canones Apostolis tribuendos esse aliter scripsere ibi: Sicut Simon Magus a me Petro.)* Quamobrem facile constat duorum Canonum istorum Auctores illud a Sacris Administralis, præsertim ab Episcopis cavendum voluisse, ne in Ecclesiasticis Ordinationibus aut pecuniarum, aut favori tribueretur, sed omnia prout Ecclesiarum utilitas postularer, peragerentur; atque hæc interpretatio Græcorum ipsorum est, apud quos Canones eosdem Apostolicos primum editos fuisse nemo ignorare potest. Revera Balsamon, & Zonaras utrumque canonem ita connexit, ut eadem ferme utrique sententia affingatur. Verum hac in re, si conjecturæ locus esse potest, ubi de germano Apostolicorum canonum Auctore non conitat, arbitror expositum canonem eundem esse cum canone Concilii Antiocheni 16. & cum canone Concilii Laodicani 13.. In Concilio Antiocheno ita legitur: *Si quis Episcopus vacans in Ecclesiam vacantem proficiat, Sedemque pervadat absque integro, perfectoque Concilio, hic abscindatur necesse est, etsi cunctus populus, quem diripuit, eum habere delegerit. Perfectum vero Concilium illud est, ubi interfuerit Metropolitani Antistes.* Verba Concilii Laodicani hæc sunt ex Dionysio Exiguo. *Quod non sit permittendum turbis electiones eorum facere, qui sunt ad Sacerdotium provehendi.* Ex quibus adparet apud Græcam Ecclesiam olim opus fuisse canonibus, quibus turbarum conatus ut plurimum seditiosi compescerentur in designandis Episcopis; quos canones alii deinde aliis verbis aut describere, aut amplificare non dubitarunt; sic ejusdem Laodicani canonis sententiam pluribus ornavit Martinus Braccarensis in sua collectionis parte 1. can. 1. Propterea admodum verosimile esse potest memoratum Gratiani canonem 14. ab auctore Canonum Apostolicorum ita expositum fuisse, ut tamen nihil aliud in illo nobis agnoscendum sit, quam aut Antiocheni Concilii, aut Laodicani doctrina.

Canon 62. de conf. viit. 1. inter Apostolicos decimus est, quem tamen aliter alii *Can. 62. e Græco interpretati sunt. Nonnulli ita scripserunt: Omnes Fideles, qui ingrediuntur, & scripturas audiant, in precatione autem, & sacra communione non permanent, ut Ecclesie confusionem adferentes, segregari oportet.* Dionysius Exiguus his verbis usus est: *Omnes Fideles, qui ingrediuntur Ecclesiam, & scripturas audientes, non autem perseverant in oratione, nec sanctam communionem percipiunt, velut inquietudines Eccle-*

*sua commouemes, conuenit communione privari. Alia versione ita exhibetur: Quicumque Fideles Ecclesiam ingrediuntur, & Scripturas audiunt, neque apud preces, & sanctam communionem permanent, eos tanquam qui ordinis in Ecclesia perturbationem inducant, a communione arceri oportet.* Ex quibus non ita facile demonstrari ex hoc Canone potest, ut quidam arbitrantur, Fideles veteres Sacram Eucharistiam in solemnibus Sacrificiis suscepisse, tantum enim Græci Canonis interpretes in eo conueniunt, ut Fideles in oratione usque ad finem Sacrificii perseverarent, non ut etiam de Sacrificio fumerent, ac propterea exinde liquet injuria hunc Canonem aduersus Ecclesiasticum missarum privatarum usum prolatum fuisse a Daniele Charniero tom. 4. lib. 7. cap. 18. parte 2., etsi enim satis infirmum argumentum petatur ex eo, quod veteres ex Ecclesie institutione de mensa Domini participarent, ad inferendum ipsiufmet Christi præceptum jampridem extitisse; quoniam nihil prohibet ex mera Ecclesie disciplina pendere, quod etiam ab ipsis Ecclesie ejusdem exordiis institutum est, quodque si plerumque ex Fidelium incuria non seruari, ab Ecclesia ipsa (quod præcipue spectandum est) vehementissime & hodie exoptatur, uti declararunt Concilii Tridentini Patres in sess. 22. cap. 6., tamen eo vel infirmius argumentum est, quo variz, atque inconsistenti Græci textus interpretationi inaititur: Ceterum minime inficias iverim familia quædam legi in Canone 2. Concilii Antiocheni, ex quo forte memorati Apostolici Canonis repetendam originem arbitror. Omnes (ita Antiochenum Canonem exhibet Dionysius) qui ingrediuntur Ecclesiam Dei, & Scripturas sacras audiant, nec communicant in oratione cum populo, sed pro quâdam inemperantia se a perceptione sacre communionis auerunt, hi de Ecclesia removeantur, quamdiu per confessionem penitentia fructus ostendant, & precibus indulgentiam consequantur.

Can. 79.  
de conf.  
dist. 4.

Canon. 79. de conf. dist. 4. postremus est apud Dionysium Exiguum inter Apostolicos. Et quidem cum Dyonisio Gratianus consonat, si apud Gratianum omitamus illa verba a quibusdam. Alii ita legunt: *Siquis Episcopus, aut Presbyter in una initiatione non tres immersiones, sed unam dumtaxat, que in mortem Domini datur, peregerit, deponitur. Non enim dixit Dominus: in mortem meam baptizate, sed professi docete omnes gentes baptizantes eos in nomine Patris, & Filii, & Spiritus Sancti. Alii his verbis: Siquis Episcopus, vel Presbyter non tria unius mysterii baptismata, perfecrit, sed unum baptismum, quod datur in mortem Domini, deponatur; non enim dixit Dominus, in mortem meam baptizate, sed euntes docete omnes gentes baptizantes ipsos in nomine Patris, & Filii, & Spiritus Sancti.* Consulto observabam hæc in postremo Dionysii Exigui canone legi, ut innueretur inter eos fuisse, qui apud Occidentalem Ecclesiam Apostolicorum nomine apud nonnullos habiti sunt. Tunc enim temporis etiam in Occidente trina immersione Sacramentum baptismatis conferebatur, quemadmodum testes sunt Tertullianus lib. aduersus Praxeam cap. 26., & lib. de corona militis cap. 3. Ambrosius de Sacramen. lib. 2. cap. 5. & 7., Ildorus Hispalensis lib. 2. de offic. Ecclesiast. cap. 25. Sed fortasse quandam in hac constitutione difficultatem agnosceret, quicumque perpendet ibidem trinam immersionem quasi divino jure præceptam videri; cui ut obuiam eatur, animadvertenda erit veterum disputatio, qualis ex ipsiusmet Canonis verbis eruitur; alii enim in baptismo asserunt mortem, resurrectionemque Domini significandam, proptereaque unicam immersionem in Sacramento fieri debere, quemadmodum enim dum immergi- tur baptizandus, mors, & sepultura, ita dum immerfus extollitur, resurrectio Christi

Christi

Christi quodam simbolo representatur. Alii e contrario aiebant ex Christi ejusdem præcepto Trinitatem Sacratissimam in baptismo recolendam esse, cujus rei gratia convenientius trina immersio fieret. Quis in hoc dissidio alterutram potius probandam disciplinam arbitraretur? Spectavit quidem ad eos, qui Ecclesiastica jurisdictione fruuntur, sancire disciplinam uni potius, quam alteri opinioni consonam, ut etiam hac in re unitas Ecclesiarum adpareret. At interea alteri opinioni non erat, quid opponeretur; & revera si Ecclesiarum consuetudines in hac parte observaverimus, liquebit facile pro locorum, & temporum varietate modo unicam, modo etiam triam immersionem in baptismo obtinuisse. Itaque in trina immersione duo potissimum veniunt consideranda, in primis trina ipsa immersio, deinde trinx ejusdem immersionis significatio. Ipsa quidem trina immersio juris divini non est, est autem divini juris trinx immersionis aliquando factæ significatio, qualis ab immergentibus olim affingebatur. Quippe ter in Trinitatis cultum immergebatur, & Trinitatis cultus ab ipso Christo Domino præceptus est, cum ille Apostolis dixerit: *Baptizantes in nomine Patris, & Filii, & Spiritus Sancti*. Juvat præterea animadvertere primis Ecclesiæ sæculis plurimum adversus hæreticos disputandum fuisse de Sacratissima Trinitate, cum enim Arianus de Filii, Macedoniani de Spiritus Sancti natura male sentirent, quid potissimum peragendum erat ab Ecclesiasticis Patribus æquam divinarum Personarum virtutem, substantiamque prædicantibus, quam, ubicumque fieri commode posset, etiam in Ecclesiastica stabilienda disciplina, Sacratissimam ipsam Trinitatem recolere? Optima itaque illis occasio fuit, ubi de immersione baptismatis ageretur, ter immergendi ad promovendum Trinitatis cultum, ubi præsertim cautum a Christo proponere potuissent in Trinitatis nomine illud Sacramentum fuisse conferendum.



## De Canonibus Concilii Eliberitani.

Concilio Eliberitano sequentes Canones apud Gratianum tribuuntur.

Dubix Auctori-  
tatis.

- Can. 5. dist. 47. *veteris Ecclesiæ discipline conformis.*
- Can. 43. dist. 50. *cum sententia Ancyranæ Concilii congruit.*
- Can. 24. dist. 54. *veteris Ecclesiæ discipline haud difformis.*
- Can. 4. dist. 98. *veteris Ecclesiæ discipline conformis.*
- Can. 104. cau. 1. q. 1. *veteris Ecclesiæ discipline haud difformis.*
- Can. 3. cau. 5. q. 1. *consonat cum antiquis exemplaribus.*
- Can. 6. cau. 5. q. 6. *veteris Ecclesiæ discipline conformis.*
- Can. 17. cau. 22. q. 4. *falso tributus Concilio Eliberitano.*
- Can. 15. cau. 22. q. 5. *falso tributus Concilio Eliberitano.*
- Can. 25. cau. 27. q. 1. *paullo varius in diversis exemplaribus.*
- Can. 7. cau. 31. q. 1. *ad meliorum Codicum fidem exigendus.*
- Can. 1. cau. 31. q. 3. *varius in diversis exemplaribus.*
- Can. 8. cau. 32. q. 7. *veteris Ecclesiæ discipline valde conformis.*
- Can. 21. de conf. dist. 2. *nullo modo congruit Eliberitani Concilii temporibus.*

Quoties Hispanorum quamplurium fidem in hac parte sequamur, Concilii Eliberani sive Illiberitani apud ipsos, ut ajunt, celebrati auctoritatem maximi faciemus; præsertim quod ab eisdem velut antiquissimum prædicetur, & non Nicæno Concilio tantum, sed & Arelatensi, Gangrensi, Neocæsarensi, & Ancyrano vetustius. Unum hic commemoro Ferdinandum de Mendoza, qui eleganti opere conatus est id demonstrare, ac propterea hanc Synodum referre non dubitavit ad annum circiter 303., seu paullo ante persecutionem Diocletiani, & Maximiani. Sane hujus Synodi vetustatem indicant ea, quæ ibi definita leguntur, aut quæ inter definitiones occurrunt, de Flaminibus Ethnicorum, de coronis Sacerdotum, de Litteris Martyrum & Confessorum, ac similibus, quæ omnia nonnisi vetustissimis temporibus convenire videntur. Auctoritatem vero Concilii vel ex eo evincit, quod in Canonibus ibidem constitutis eximia, & plane Apostolica morum doctrina eluceat, vel quod gravissimi in eo sanctissimi Antistites interfuerint, inter quos Osius ille Cordubensis, qui adversus Arianos Nicænz dein fidei fuit acerrimus pugnator; vel demum quod Eliberitani Concilii canones in Synodis sequentis ætatis sæpe laudati fuerint, ac confirmati; idque adparere afferit ex Concilio Maguntino sub Rabbano anni 847. can. 21., ex Concilio apud S. Medardum tempore Karoli Regis Francorum, ex Concilio Toletano II. anni 675. can. 13. Quod tamen ut magis magisque confirmet, adfert canonem 14. Concilii Sardicensis, in quo ita Osius inquit: *Memini autem superiore Concilio fratres nostros constituisse, ut si quis Laicus in ea, in qua commemoratur, civitate tres Dominicas dies, idest per tres septimanas non celebrasset conventum, communione privaretur. Quæ ad aliud Concilium referri non posse videntur, quam ad Eliberitanum, in quo hujusmodi constitutio legitur in can. 21. Sic ratiocinatur de Mendoza.*

Ali-

Aliter sentiunt non solum ex Hæreticis Centuriatores Magdeburgenses, verum etiam ex Catholicis quamplures, quorum aliqui supposititium hujusmodi Concilium vocant, & sæculo demum septimo ex cujuspiam temere audentis indutria prodiisse; aliqui vero etsi de ejus antiquitate, & rei gestæ veritate non dubitent, tamen ejus sententiis adhærere se posse inficiantur, imo ab illis velut a recta fide aliquando detortis recedendum esse arbitrantur. Exemplum proferunt in canone 36., quo prohibetur, ne in Ecclesiis exprimantur imagines, seu ne quod colitur, & adoratur, in parietibus depingatur, quæ Sanctio non Ecclesiæ fidem, sed potius Iconoclastarum hæresim sapit. Item aliud exemplum inveniunt in can. 34., quo prohibetur, ne cerei in cæmeteriis incendantur, ea adjecta ratione: *Inquietandi enim non sunt Sanctorum Spiritus*, quæ rursus doctrina inier superstitiosas observationes recensenda esse videtur. Arguunt præterea in Canonibus Eliberitanis nimiam austeritatem, severitatemque disciplinæ, & propemodum accedentis, despectusque ad Novatianos; etenim in can. 1. præscribitur communionem etiam in fine viæ iis esse denegandam, qui suscepto baptismo in Idololatriam prolapsi misere fuerint.

Hæc postrema meo judicio leviora sunt, nec tanti momenti, ut alicujus Concilii auctoritatem aut infirmare, aut etiam conficere possint. Facile ista ac planam interpretationem recipiunt, quin opus sit vel ad Iconoclastas, vel ad Novatianos desistere, vel ineptas forte sententias Eliberitanis Patribus assignere. Etenim quod spectat ad canonem 36. de prohibito sacrarum Imaginum usu, urgentia erant rationum momenta, quibus a disciplina ceteroquin optima abstinendum fore censerent pro temporum, aut causarum adjunctis, ne forte ausu risui, aut quod pejus erat, furori sævientium undequaque Gentilium expositæ essent, aut etiam ne fideles recens ab Idololatria conversi, facile rursus eo prætextu ad Idololatriam reverterentur, quæ sane ratione scimus apud Judæos veteres vix imagines Dei, aut Prophetarum, vel Sanctorum Patriarcharum propositas fuisse, ne ipsi in Idololatriam, in quam erant valde proni, facile inciderent. Quod vero negotium facessit canon 34. de cereis non accendendis in cæmeteriis Martyrum, ne *Sanctorum Spiritus inquietentur*? Nimis anxia videbatur priscorum fidelium cura, atque in tenenda, colendaque Martyrum defunctorum memoria sollicitudo, quæ aliquando siebat, ut in monumentis imbecilles ipsorum animos supersticio, quæ religionem facile imitatur, occuparet. Præterea cereis ad cæmeteria Martyrum adpositis, quis facile non intelligat, Ethnicis ipsi oblatam occasionem, ut cæmeteria agnoscerent, agnitæque impio ausu violarent, atque dejicerent, & tum quodammodo eveniret, quod in canone dicitur *Sanctorum Spiritus inquietari*? Nihil postremo est, ex quo rejiciatur canon 1., ubi poenitentia lapsis fidelibus denegatur; quippe id constitutum minime fuit desperatione veniæ, quemadmodum Novatianorum sectæ placuit, sed austeritate potius disciplinæ, quæ, si gravissimæ emergant causæ, identidem postulat, severiores fortassis etiam, quam par esse videatur, criminibus poenæ indici, ut homines ab eisdem perpetrandis contineant, & abhorreant. Urgebat tunc temporis vehementissima ratio poenitentia lapsis denegandæ: facile enim Christiani, ut Infidelium insequentium gladiis evaderent, descivissent a fide, si post lapsum apud Ecclesiam poenitentiam inventuros confidissent.

Verum enimvero, licet quæ huc usque disputando attingi tanti non sint, ut Eliberitanorum canonum auctoritatem infirmet, alia tamen sunt mihi graviora rationum momenta, ex quibus vir prudens de eorundem canonum fide, atque inte-

gritate hæsitabit. Illud maximum est, quod ex perpetuo veterum omnium silentio deducitur. Nemo plane ex Collectoribus antiquissimis ne unum quidem, aut alterum Eliberitani Concilii canonem codicibus suis inferuit, imo nec ipsum Eliberitani Concilii nomen memoravit, non Dionysius Exiguus, non Ferrandus Diaconus, qui ceteroquin in Provincia degens Hispaniæ finitima Hispanicorum canonum notitiam habere poterat, non Martinus Bracharensis, licet genæ Hispanus, quique res saltem patriæ suæ Collectioni, quam edebat ad suorum commodum, adjicere debuisset, & quemadmodum non omisit Concilia Bracharensia, & Toletana, ita nec omisisset Eliberitanum Concilium, velut & temporis vetustate, & Virosrum insignium, qui ei interfuisse dicuntur, auctoritate ceteris longe præstantius; non demum Cresconius Africanus, quem Hispani canones latere non potuerunt. Primum in Collectionibus canonum apparere ceperunt Eliberitani Concilii capita sub finem septimi sæculi, & celebriora facta demum sunt posteriore ætate, quum apud Burcardum, Ivonem, & Gratianum relati sunt. Observatione præsertim dignum est, quo tempore Iconoclastarum hæresis Ecclesiam misere turbavit sæculo sexto, aut septimo, neminem ex hæreticis meminisse can. 36. Eliberitani, quem tamen potuissent in propriam sententiam quoquomodo detorquere. Ego sane candide fateor me hisce rationum momentis teneri plurimum, nec posse facile adduci, ut Eliberitanum hoc Concilium tanquam genuinum Ecclesiasticæ vultutis monumentum habeam, ejusdemque canones firmum esse posse veteris disciplina præsidium mihi persuadeam; quamobrem minime dubitaverim concludere, sicut Concilium ipsum, ita etiam Gratiancos canones ex Eliberitano Concilio depromptos incertæ omnino auctoritatis existere.

Can. 3. Jam vero ut ad illos peculiariter deveniam, est in primis canon 3. dist. 47., dist. 47. qui idem est cum canone 20. Eliberitano. In vulgatis tamen Concilii editionibus pro ea voce *abstinere* legitur *abstineri*. Quicumque canoni huic, velut incertæ fidel, voluerit alium substituere, poterit supponere canonem 17. Nicæni Concilii, in quo eadem stabiliuntur lato decreto dejectionis in Clericos, qui foras exercent, aut etiam canonem 12. Concilii Arelatensis I. anni 314., ubi hæc habentur. *De Ministris, qui sanctantur, placuit eos extra formam divinitus datam a communione abstinere.*

Canon 43. dist. 50. est numero quintus inter Eliberitanos his verbis in vulgatis Conciliorum editionibus descriptus. *Si qua Lomina (ait Gratianus si qua femina) zeli furore accensa flagris verberaverit ancillam suam, ita ut in tertium diem (legunt alii, intra tertium diem; ait Gratianus flagellis verberaverit ancillam suam, ita ut infra tertium diem) animam cum cruciatu effundas, eo quod hæc verum sit, voluntate, an casu occiderit, si voluntate, post septem annos, si casu, post quinque annorum tempora alia legitima penitentia ad communionem placuit admitti. Quod si infra tempora (legit Gratianus intra tempora) constituta fuerit infirmata, accipiat communionem.* Qui Gratianæ verba cum aliis ceterarum editionum contulerit, potius recipiet ea, quæ in aliis editionibus exprimuntur, utpote & rationi, & integræ canonis sententiæ magis consentanea. Qualiscumque autem editio præferatur, monere non desinam hunc ex iis Canonibus esse, ex quibus nonnulli, ut præfatus sum, Concilii Eliberitani austeritatem arguunt; quanquam immerito; etenim nomine casus ibidem non intelligitur fatalis quidam, & prorsus inopinatus eventus, sed potius qui culpa Domini verberantis acciderit. Culpam latam Jureconsulti vulgo appellant, quo sensu in l. 16.



§. 8. ff. de poenis dicitur : *apud Græcos exilio voluntario fortuiti casus luebantur , ut apud præcipuum poetarum scriptum est .* Neque occasio exinde offertur , ut quandam disciplinæ aulteritatem in canone agnoscamus ; nisi aulteritatem disciplinæ non absimilem velimus præterea agnoscere in canone 22. Concilii Ancyranæ , cujus hæc sunt verba : *Qui voluntarie homicidium fecerint , ad poenitentiam quidem jugiter se submittant , circa exitum autem vitæ communionem digni habeantur .* *Eos vero , qui non voluntate , sed casu homicidium fecerint , prior quidem regula post septem annorum poenitentiam communioni sociavit secundum gradus definitos ; hæc vero humanior definitio quinquennii tempus tribuit .* Porro hanc eandem disciplinam veluti recipiendam in suum poenitentiale ex Concilio Eliberitano retulit Halitgarius lib. 4. cap. 5. necnon Rabbanus in Epist. ad Heribaldum cap. 3. , & in suum poenitentiale cap. 14. , neque , a tertii , vel quarti Ecclesiæ sæculi disciplina abhorrere potest hujusmodi canon ; etenim de quo alio ibi agitur , quam de coercenda nimia Dominarum iracundia , adversus ancillas ex levissimis causis suborta , præsertim ex ægitudine , quam zelotypiam appellant ? Quod familiare malum apud Hispanos tunc fuisse non obscure erui potest ex l. 2. ff. de his qui sunt sui vel alieni juris , ubi refert Ulpianus conquestum fuisse D. Pium apud Proconsulem Bæticæ ( in cujus Provincia hoc Eliberitanum Concilium celebratum dicitur ) , quod ibidem Domini , Dominæ adversus servos , & ancillas atrocissime insævirent .

Canon 24. dist. 54. legitur in can. 80. , sive penultimo ex Eliberitanis , ubi tamen pro verbo *provebantur* legendum est *promoveantur* . Illud apud veteres Ecclesiæ Patres obtinuisse liquet , non solum servos , verum etiam liberos vivo Patrono laico a Clericorum Ordinibus exclusos fuisse ; quum enim Patronis suis liberti operas quasdam , sive diurnam quasdam officia præstare tenerent , facile sacris ordinibus initiati earundem operarum causa ab Ecclesiasticis muneribus distrahi potuissent , præsertim vero si forte quispiam ( quod tum frequentissime accidere poterat ) Patrono Ethnico subjaceret .

Canon 4. dist. 98. legitur in can. 24. Eliberitano , ubi tamen in prioribus verbis paullisper variare Codices deprehenduntur . Aliqui enim ita habent : *Omnes , qui pe- regre fuerint baptizati ,* quod & apud Gratianum legimus , apud alios hoc modo : *Omnes qui in peregrinatione fuerint baptizati .* Ceterum qualescumque scriptura seligatur , eadem erit sententia , qua præcipitur neminem ad Clerum esse admittendum , nisi probata primum ejus Christiana vita fuerit , & agnita integritas , præsertim vero nisi probatz essent causæ , ex quibus ad baptismum accessit ; non solum enim decebat Clericos esse a criminibus , verum etiam a quacumque criminis suspitione omnino puros , ut scribebat Cyprianus in Epist. 33. ad Clerum , & Plebem de Aurelio Leôre . Huc pertinet sententia Gregorii Magni in lib. 2. Regelli Epist. 25. ibi : *Afros passim , vel incognita peregrinos ad Ecclesiasticos ordines tendentes nulla ratione suscipias , quia Afri quidem aliqui Manichei , aliqui rebaptizati , peregrini vero plurimi etiam in minoribus ordinibus constituti fortiores de se præcensisse honores sæpe probati sunt .*

Canon 104. cau. 1. q. 1. habetur in can. 48. Concilii Eliberitani , ubi tamen vulgares editiones longe aliter exprimunt . Omitto in illis legi *non imitant* pro illis verbis *non mittant* , quæ apud Gratianum habentur . Notatu illud dignum est , in postremis verbis aliud legi , quam apud Gratianum ; etenim Gratianus ait : *neque pedes eorum lavandi a Sacerdotibus , vel Clericis , at in pluribus editionibus Concilii ita scrip-*

scriptum est: *neque pedes eorum lavandi sunt a Sacerdotibus, sed Clericis*, quam lectionem exemplura etiam probant vetera manuscripta, quemadmodum eruditi Conciliorum Collectores jamdiu animadvertunt; quibus si adhaerere debeamus, uti par est, contraria omnino sententia Gratiano capiti erit affigenda. Duo in hoc canone continentur: Primum cavetur, ut Ecclesiastici administri in Sacramento baptismatis conferendo non solum simoniz vitium, verum etiam vitii suspicionem vitarent; etenim receptum apud veteres fuerat, fideles ad Ecclesiam converfos munuscula adferre, & in *concha*, seu arca quadam ponere, vel in Clericorum, vel in pauperum necessitates, vel forte etiam in rerum sacrarum restaurationem. Quod vero optimo jure primo constitutum fuerat, in sordidum morem Clericorum quorundam avaritia ita detorsit, ut sancti Patres id omnino inhibuerint. Inhibuit Gelasius Papa in Epist. ad universos Episcopos per Lucaniam cap. 7., atque ut de Hispania loquar, inhibuit idipsum Concilium Braccharense a. can. 7., ut proinde concludere possumus memoratum Eliberitanum canonem plurimum cum Hispaniae veteris disciplina in hac priora parte congruere. Posterior canonis pars spectat ad pedum abluionem, quam facere prohibentur & Sacerdotes, & Clerici, si Gratianae lectioni fidamus, soli vero Sacerdotes, si aliorum Codicum fidem sequamur. Porro plurimum Ecclesiarum vetustissimus ritus fuit, quemadmodum de Ecclesia Mediolanensi peculiariter testatur Ambrosius lib. 3. de Sacram. cap. 1., & in lib. de his qui Mysteriis initiantur cap. 48., quo baptizandi antequam ad sacrum Fontem accederent, pedes laverent, non solum, ut Christi Domini exemplum imitarentur, qui in ultima cena mirum in hac re humilitatis argumentum discipulis praeibit, verum etiam ut sordes, quas in externo corporis habitu Cathecumeni in Ecclesia Quadragesimali tempore penitentes contraxerant, eluerentur. Id describit adamussim Augustinus in Epist. 118. ad Januarium prope finem ibi: *Si autem queris, cur etiam lavandi mos ortus sit, nihil mihi de hac re cogitanti probabilius occurrit, nisi quia ad baptizandum corpora per observationem Quadragesimae sordidata cum offensione sensus ad fontem traherentur, nisi aliqua die laverentur. Istum autem diem potius ad baptizandum, quo Cerna Dominica anniversarie celebratur &c.* Atque ad instar veteris hujusce consuetudinis posteriore aetate invaluisse arbitror in Provinciis Hispaniarum, & Galliarum, ut die Dominica Palmarum baptizandorum capita publice abluerentur, quare is dies *capitilavium* appellabatur. De Galliis id testatur Alcuinus in lib. de Ecclesiasticis officiis, de Hispaniis vero Isidorus Hispalensis lib. 6. Ethimologiarum cap. 17., & lib. 1. de officiis Ecclesiasticis cap. 26. ita scribens de Dominica Palmarum: *Vulgus autem ideo diem hunc capitilavium vocant, quia tunc moris est lavandi capita infantium, qui ungendi sunt, ne observatione Quadragesimae sordidati ad unctionem accederent.* Atque his praenotatis commodum plane sequitur Eliberitani canonis interpretatio, quae baptizandorum disciplinam omni modo congruat: Quippe ob dignitatem, atque praestantiam Sacerdotalis ordinis cautum recte observamus, ne Sacerdotes eo munere fungerentur, quo pedes baptizandorum abluerent, sed vix id inferioribus Clericis concedebatur. Neque vero quisquam hanc interpretationem minus congruam existimet, quod in Eliberitano canone mentio fiat lavandi pedes, at in memoratis Patrum monumentis de lavando capite sermo institutus sit; haec enim discrimina ex temporum diversitate profecta facile dignoscuntur: Primis enim Ecclesiae sacculis baptisma per immersionem conferebatur, ut proinde pedibus in Fonte positis facris etiam in capite aquis quisque perfunderetur, uti demonstrant figurarum duae, quas olim

olim habebat eruditus Ciampinus, & deinde dono dedit Johanni Mabillonio, & Socio itineris Italici, nunc vero impressæ sunt in itinere eodem Italico Tom. 1. ad pag. mihi 73.

Canon 3. cau. 5. q. 1. legitur in canone 52. Eliberitano, & quidem Gratiani Can. 3. cau. 5. q. 1.  
scriptura integra mihi videtur, necnon veteribus manuscriptis consonat, contra quam legatur apud Ivonem, & Burchardum ibi: *Si qui inventi fuerint libellos falsos, & ignotos in Ecclesia legere, vel cantare excommunicentur.*

Canon 6. cau. 5. q. 6. habetur in can. 73. Eliberitano, cujus tamen verba ita legenda sunt, ut Gratianum ex melioribus Codicibus emendamus: *Delator si quis extiterit fidelis, & per delationem ejus aliquis fuerit proscrip- tus, vel interfec- tus, placuit eum nec in fine accipere communionem* (Gratianus habet: *Placuit non nisi in fine accipere communionem*) *Si levior causa fuerit, intra quinquennium (legit Gratianus infra quinquennium) accipere poterit communionem. Si Cathecumenus fuerit, post quinquennii tempora admittatur ad baptismum.* Hanc porro scriptionem Gratianus anteferebam putavi laudatus de Mendoza in suis emendationibus istorum canonum, ex qua inferretur delatoribus etiam in fine vitæ communionem denegari, quæ sane pœna frequenter in Canonibus Eliberitanis indicitur, quoties agitur de constituendis graviorum criminum pœnis. In hujus autem canonis interpretatione non satis meo judicio perispecta est germana auctoris sui sententia. Vulgo enim putant canonem pertinere ad quodcumque delatorum genus, quorum sollicitudine reorum nomina ad Magistratus deferri solebant. At quis facile non percipit publicæ rei maxime, semper interfuisse delatores existere in publicis criminibus, quorum opera nequissimis, ac perditissimis civitas unaquæque purgetur? Quamobrem delatoribus eisdem ampla officii præmia publice proposita quandoque fuerunt, quemadmodum ex lege Papia referunt antiquissimarum rerum eruditi, dimidium illarum in reos multarum fuisse concessum, licet deinde ad quartam multarum partem contractum sit, unde quadruplatores dicti sunt, qui quartam partem de proscriptorum bonis, quos derulerant, consequerentur. Imo Tiberius Cæsar tantum delatoribus tribuit, ut nemini fidem abrogaret, sive quid veri, sive falsi referrent. Cumque a Senatu de præmiis delatorum abrogandis ageretur, respondit Imperator jura subverti, si legum custodes amoverentur. Demum, ut cetera omittam, de Constantino Magno traditur, eum omni tempore delatores admisisse, eosque ingenti studio persecutum fuisse. Qui itaque fieri poterit, ut apud viros Ecclesiasticos tanquam probrum haberetur fungi delatoris officio, imo adeo asperè puniretur, ut delatores nec in fine vitæ communionem acciperent? Arbitror itaque explicandum canonem esse de delatoribus, qui forte, ut præmium acciperent, fideles baptizatos ethnicis Magistratibus proderent supplicii causa; nec enim perisdi Christiani deerant aliquando, qui fratres suos, sive ejusdem fidei, Religionique confortes ad exilium, aut etiam ad necem insequerentur. Decebat proinde huic malo gravissimo asperissimum adhiberi remedium, ut pœna infligeretur excommunicationis perpetuæ, ne in extremo quidem vitæ discrimine condonanda. Dura fortetuecipiam videbitur disciplina, qua ii, qui Judam prodentem sequuti sunt, cum Juda profusus de venia criminis desperante coacerentur; sed quis ut tanto fidelium incommodo prospiceret, ab extremis etiam remediis facile temerasset? Pertinet ad hanc eandem rem Concilium Ancyranum can. 9., & Concilium Arelatense I. can. 13. ibi: *De his, qui scripturas sanctas tradidisse dicuntur, vel vasa Dominica, vel nomina fratrum suorum, placuit nobis, ut quicumque eorum in aliis publicis fuerit detectus,*

*decedus, vel verbis nudis ab ordine Cleri amoveatur.* Non omittam demum observare memoratum Canonem Eliberitanum legi inter Capitularia Regum Francorum lib. 6. cip. 317., lib. 7. cap. 205., & in additione 4. cap. 34. editionis Parisiensis anni 1677.

Nullo modo ad Concilium Eliberitanum pertinere possunt, siue Canon 17. cau. 22. q. 4., siue canon 15. cau. 22. q. 5., quorum auctorem ut dignosceri possimus, iidem simul iungendi sunt, atque ad antiquiores canonum collectiones referendi. In Ivonis decreto consilendum minime arbitror, sed statim ad Burchardum me conferso, qui in lib. 12. cap. 25. hzc habet: *Ex Concilio Hibernens cap. 1. Definitio incauta laudabiliter solvenda, nec pravaricatio est, sed temeritatis emendatio.* Deinde in cap. 26. *Ex eodem cap. 3. Si puella sita in puerili etate in domo patris illo nesciente se iuramento contrinxerit, & si pater statim, ut audierit, contradixerit, vota ejus, & iuramenta irrita erunt, & facilius emendabitur.* Et in cap. 27. *Ex Synodo Aurelianensi cap. 2. Juramentum filii, aut filiae nesciente Patre, & vota Monachi nesciente Abbate, & iuramenta pueri irrita sunt.* Hzc sane eadem ferme sunt cum memoratis Gratiani locis, quamquam Gratianus ea referat ex Eliberitano, & Burchardus ex Hibernensi, & Aurelianensi Conciliis. Non est, cur dubitemus hanc sententiam Hibernensi potius Concilio esse tribuendas. Edidit Acherius in tomo 9. sui spicilegii veteris editionis, & in tom. 1. edition. Parisiens. anni 1723. collectionem quandam Hibernensium canonum, quam ipse monet octavo sæculo antiquiorem esse. Et quam ibidem multa fuisse corrupta testetur, barbara præterea vocabula inserta, inversumque eorum ordinem adparere, præsertim vero auctorem collectionis Ardeboe Clericum ex dispensatione Abbatis Haelhucar plura identidem addidisse, plura etiam retenta sententia detraxisse; tamen quia ibi Collector ipse profuerit nomina singulorum auctorum, quæ capitibus proponuntur, velle sincere notare, & quia antiquissima hzc collectio videtur, plurimum valere poterit ad indicandam istorum fragmentorum originem. Itaque in hac collectione lib. 34. hzc leguntur: *Synodus: Definitio incauta solvenda, nec pravaricatio, sed temeritatis emendatio. In Regum libro Saul juravit Jonatham occidere, nec occisus est; nec in hoc iuramento culpatur; quia juxta voluntatem suam, non Dei voluntatem juravit. Synodus Hibernensis. Juramentum filii, & filiae nesciente Patre, iuramentum Monachi nesciente Abbate, iuramentum pueri irrita sunt. Quæ sane verba quoties cum memoratis Gratiani Canonibus conferantur, quis non videat iis plurimum consonare, ut omnino adpareat ex Hibernensi Concilio Gratiani Canones originem suam habuisse? Fateor non eundem omnino esse verborum sonum. Sed quis non videat id potuisse contingere, quod Hibernensium Canonum collector Concilii verba mutaverit retenta sententia; uti ipse se fecisse aliquando candide fateatur, aut quod sequentes collectores de more suo paullo aliter Hibernensem Canonem describere adamaverint? Nec mihi negotium faceffit, quod apud Hibernensem collectorem præcise laudetur initio *Synodus*, quin subjungatur, an *Synodus Hibernensis* sit, nec ne; etenim rursus animadvertit Acherius in his locis hujusce collectionis, in quibus de *Synodo* mentio fit, non aliam *Synodum*, nisi Hibernensem intelligi, idque comprobatur auctoritate MS. ejusdem Codicis Sangermanensis, in quo legitur apertissime *Synodus Hibernensis* in iis locis, in quibus apud alios Codices habetur præcise *Synodus*. Igitur clara res est canones nuper allatos Hibernenses potius esse, quemadmodum omnes collectores Gratiano antiquiores laudant, inter quos addi forte posset pontificalis*

Roma-

Romanum editum ab Antonio Augullino tit. 2. cap. 16. Neque porro mirari quippiam debet Gratianum pro Hibernensi canone Eliberitanum scripisse. Ut enim præteream silentio Gratianum non satis accurate collectoris officio functum, potuit ipse facile decipi ex quadam nominum similitudine. Siquidem alicubi Canones Hibernenses laudati sunt nomine *Elibernensium*, quemadmodum apud Reginonem lib. 1. de Eccles. discipl. cap. 324., ac propterea facile contingere potuit Elibernenses Canones accipi a quopiam pro Eliberitanis, atque eo nomine describi. Demum non omitam observare in memoratis Gratiani locis insertam etiam adparere sententiam Capitularium Francicorum, videlicet ad annum 789. Carolo Magno imperante, in quibus inter cetera num. 62. hæc leguntur: *Et ut parvuli, qui sine rationabili etate sunt, non cogantur jurare*; quæ relata sunt in lib. 1. Capitularium cap. 61. editionis Batuzianæ, & apud Reginonem lib. 2. de Ecclesiasticis discipl. cap. 312. Capitularium eorumdem nomine.

In Canone 13. Concilii Eliberitani legitur Canon 25. cau. 17. qu. 1. Diversa Concilii exemplaria paullo diversa exhibent ejusdem Concilii verba, quæ propterea describere non pigebit. Ferdinandus de Mendoza duas evulgavit editiones, quarum priorem vulgatam appellavit, posteriorem emendatam. In priore ita habet: *Virgines, quæ se Deo dedicaverunt, si pacta perdididerint virginitatis, atque eidem libidini servierint, non intelligentes quid amiserint, placuit nec in fine eis dandam esse communionem. Quod si semetipsas penituerint, quod infirmitate corporis lapsæ fuerint, & toto tempore vitæ suæ hujusmodi semine egerint penitentiam, & abstinerint se a coitu, eo quod lapsæ potius videantur, placuit eas in fine communionem accipere debere. In posteriore hæc leguntur: Virgines, quæ se Deo dedicaverunt, si pactum perdididerint virginitatis, atque eidem libidini servierint, non intelligentes quid amiserint, placuit nec in fine eis dandam esse communionem. Quod si fibimet persuasuerint, quod infirmitate corporis lapsæ fuerint, & toto tempore vitæ suæ hujusmodi semine egerint penitentiam, & abstinerint se a coitu, eo quod lapsæ potius videantur, placuit eas in fine communionem accipere. In Canone per Labbzum edito paullo aliter habetur ibi: Virgines, quæ se Deo dicaverint, si pactum perdididerint virginitatis, atque eidem libidini servierint, non intelligentes quid amiserint, placuit nec in fine eis dandam esse communionem. Quod si semel persuasæ, aut infirmi corporis lapsu vitiatæ, omni tempore vitæ suæ hujusmodi semine egerint penitentiam, ut abstineant se a coitu, eo quod lapsæ potius videantur, placuit eas in fine communionem accipere debere. Porro hæc eadem constitutio in Conciliis posterioribus confirmata est, quorum unum hic adferam, videlicet Colonienſe anni 887., in quo hæc leguntur can. 6. De Virginitatibus autem sacratis in Concilio Eliberitano cap. 13. scriptum est: Si machaverint Virgines, quæ se Deo dedicaverint, si pactum perdididerint virginitatis, atque eidem servierint libidini, non intelligentes quid amiserint, placuit nec in fine eis dandam esse communionem. Quod si semel persuasæ ad infirmi corporis vitia lapsæ toto tempore vitæ suæ ejusmodi semine egerint penitentiam, & abstineant se a coitu, placuit eas in finem communionem accipere debere.*

Canon. 7. cau. 31. qu. 1. est numero 72. inter Eliberitanos, in quo referendo Gratianus omisit posteriorem partem; etenim ita legendum est: *Siqua vidua fuerit machata, & eundem postea habuerit maritum, post quinquennii tempus alta legitima penitentia placuit eam communioni reconciliari, (legunt alii: communionem reconciliari) si alium duxerit relicto illo, nec in fine dandam esse communionem, vel si fuerit illa, fide.*

*fidelis, quem accipit, communionem non accipiat, nisi post decem annos alia legitimā poenitentia, nisi infirmitas coegerit velocius dare communionem.* Similis ferme constitutio de Virginibus lata adparet in can. 14. ejusdem Concilii Eliberitani, hoc tantum intercedente discrimine, ut virgo si consortem criminis deinde in maritum habuerit, post annum quidem reconciliari posset, at viduis indicta esset poenitentia quinquennii, ex eo forte, quod viduarum continentia pro magisterio, & exemplari virginibus esse deberet, quemadmodum scribit Ambrosius in lib. de viduis in principio. Huc adferri etiam potest, quod de viduis lapsis suo tempore itauit Theodorus Cantuariensis Episcopus in cap. 12. poenitentialis editi ab Acherio in tom. 9. Spicilegii, cujus sententiam ita refert Jacobus Petit in editione Parisiensi ejusdem poenitentialis pag. mihi 11. *Mulier, quæ vovit post mortem viri ejus, non accipiat alterum, & mortuo illo prævaricatrix si accipiat alterum, iterumque nupta cum eo poenitentia mota si implere vult vota sua, in potestate viri ejus utrum impleat, an non. Ergo unam licentiam dedit Theodorus, quæ concessa est votum post undecim annos nubere cum illo viro.*

Cum canone 54. ex Eliberitanis consonat canon 1. cau. 31. qu. 3., quoties tamen his potius verbis describatur: *Si qui parentes fidem fruerint sponsaliorum, triennii tempore abstineantur* (legunt alii: *abstineant se a communionem*). Si tamen iidem sponsus, vel sponsa in gravi crimine fuerint depreheni, excusati erunt parentes, si in eisdem fuerit vitium, & polluerint se, superior sententia servetur, (legunt alii: *superioris sententia servetur*).

Levis præterea est Codicum varietas in scriptione Canonis 9. Eliberitani, relati in can. 8. cau. 32. qu. 7. etenim paullo aliter quam habetur apud Gratianum ita exhibent vulgatæ Concilii editiones: *Item femina fidelis, quæ adulterum maritum reliquerit fidelem, & alterum ducit, prohibeatur ne ducat. Si duxerit, non prius accipiat communionem, nisi quem reliquerit, prius de seculo exierit.* Opportuna sane tunc temporis constitutio, qua effrenem conjugum libidinem cohibere necessarium erat. Quum enim Romanis legibus divertere concederetur maritis etiam bona gratia, ut aiebant, id est conjugis alterius consensione accedente, novi matrimonii contrahendi causa, congruum erat præjudicatum Fidelium opinionem latis canonibus improbare. Et quoniam de non dimittenda uxore, excepta fornicationis causa jam luculenta erat Evangelica Lex apud Matthæum cap. 5., eo collineare debebant Sancti Patres, ut si licet concederetur adulterii causa ab uxore divertere, nova tamen matrimonia contrahere Fidelibus denegaretur. Fateor hac in specie dissidium semper fuisse inter Occidentalem, & Orientalem Ecclesiam; contenderunt enim Orientales indulgendum esse maritis infontibus, qui ob uxoris fidem temeratam non tam ab ea recedere maluerunt, quam novas nuptias celebrare: hinc Theodorus Cantuariensis Græcorum moribus eruditus id facile in sua poenitentiali in Anglia admisit ibi: *Si cujus uxor fornicata fuerit, licet dimittere eam, & aliam accipere* apud Petit. edit. Parisiens. pag. mihi 10.; contra tamen semper fenserunt Latini Patres universi, quorum traditio in Concilio Tridentino demum rite, recteque perpensa ad obtinendam Græcorum concordiam occasionem dedit canone 7. ses. 24. de reform. mitius forte, quam describi potuisset, expresse Græcorum gratia, ut eruitur ex historia Cardinalis Pallavicini lib. 22. cap. 4. Hæc saltem paucis observasse juvat, ut perciperetur, quo forte pergeret illa Eliberitani Canonis exceptio, *nisi necessitas infirmitatis dare compulerit.* Etenim forte auctor canonis non ignorabat alicubi concessum

cessum esse maritis post uxoris adulterium aliam sibi uxorem adjungere, quam disciplinam non aliter excusatam habere potuit, quam si necessitatem infirmitatis aliud aliquando urgere crederet, proptereaque & hanc eandem infirmitatis necessitatem. excipiendam declaravit.

Canon. 21. de conf. dist. 2. minime habetur inter Eliberitanos Canones, licet ejusdem Concilii nomine apud Gratianum, Ivonem, & Burchardum referatur. Can. 21.  
de conf.  
dist. 2. Errori occasionem dedit Reginonis collectio, qua ut plurimum usus fuisse Burchardus mihi visus est. In collectione Reginonis cap. 331. lib. 1. ita legitur: *Omnis homo ante sacram communionem a propria uxore abstinere debet septem, aut quinque, aut tres dies.* In hoc fragmentum incidit Burchardus, illudque descripsit eisdem verbis, licet ordine mutato in cap. 22. lib. 5. ibi: *Omnis homo ante sacram communionem a propria uxore abstinere debet tres, aut quinque, aut septem dies.* Sed cum apud Reginonem nullum fragmenti auctorem laudatum invenisset, ad præcedentia capita respexit; inciditque itatim in caput 328. quod laudatur ex Concilio Helibernenfi, statimque arbitratus est sequentia etiam capita ex eodem Concilio fuisse deprompta, propterea & referens caput 330. Reginonis in parte 19. cap. 76. sui decreti, illud ipsum ex Concilio Eliberitano laudavit; ut enim superius jam observabam, Helibernenfi Concilii mentio pro Eliberitano Concilio habita est ob nominis, seu vocis similitudinem, atque hinc Burchardus idem laudatum caput 331. nomine Concilii Eliberitani imprudens inscripsit: Burchardi erratum sequuti Ivo, & Gratianus venia quodammodo digni essent, si canonem hunc, prout apud Burchardum jacet, descripsissent. Sed forte voluerunt ipsi alicui penitentiali suæ ætatis morem gerere, & canonem ita describendum voluerunt: *Omnis homo ante sacram communionem a propria uxore abstinere debet tribus, aut quatuor, aut octo dies;* nisi dicere forte velimus in eam Burchardi editionem incidisse, quæ hanc scriptionem præferret. Ceterum si hujus fragmenti auctorem dignoscere quoquo modo velimus, non alium fuisse, arbitror, nisi auctorem ignotum cujusdam penitentialis, quod vigeat Reginonis tempore, & quod Regino ipse laudaverat in suo lib. 1. cap. 329. ex ea præsertim ratione, quia plurimum convenit hoc Reginonis caput 331. cum dicto capite 329. Non omitam observare convenire disciplinam hujus canonis cum canone 46. Concilii Cabilonenfis 2., & cum Concilio Parisiensi 6. lib. 3. cap. 20. relato in Capitularia Regum Francorum cap. 40. lib. 2. in illis præcipue verbis: *Juxta ejusdem ergo Apostoli documentum probare se debet homo, & sic de pane illo manducare, & de calice bibere, videlicet abstinens aliquot diebus ab operibus carnis, & purificans corpus, animamque suam præparet se ad percipiendum tantum sacramentum exemplo David, qui nisi se confessus fuisset abstinuisse ab opere conjugali ab heri, & nudius tertius, nequaquam panes propositionis a Sacerdote accepisset.* Id ipsum tradidit Augustinus ferm. 216 de tempore Dominica 10. post Pentecosten ferm. 2. & ferm. 244. de temporibus.

Quid vero sentiendum erit de altera Gratiæ Canonis parte: *nec inter Catholicos communerabitur &c.* ? non solum hæc non leguntur in Concilio Eliberitano, sed etiam repugnare videntur traditæ Concilii hujus ætati; quandoquidem vetus erat Fidelium consuetudo accedendi quotidie ad Sacram Eucharistiam, & quidem de Hispaniæ Provinciis etiam suo tempore testatur Hieronymus in epist. 28. ad Lucinium Boeticum; ut proinde tum supervacaneum fuerit tria quotannis tempora definire, quibus Fideles ad cenam sacram adigerentur. Id primum constitui capit refrigerante Fidelium charitate post 6. Ecclesiæ sæculum, uti liquet ex canone 18. Con-

cili Agathensis, ex cap. 50. Concilii Turonensis 2., quod habetur in lib. 2. Capitularium cap. 45., & quod Burchardus, cujus propositum erat a laudandis Capitularibus Francis abstinere, Fabiano Papæ tribuit in lib. 5. cap. 17., unde & Gratianus imprudens etiam ex Fabiano retulit in can. 16. dist. 2. de conf. Sed non est, cur pluribus immorer, ubi apertissima Gratiani erroris est ratio ex collectione Burchardi desumpta. Itaque Burchardus postquam retulit in dicto cap. 22. lib. 5. memoratum fragmentum illis verbis: *Omnis homo ante sacram communionem a propria uxore abstinere debet tres, aut quinque, aut septem dies*, ad alia gradum facit Conciliorum fragmenta, atque descripturus in cap. 23. Agathensem Canonem, qualis apud Gratianum habetur in can. 19. de consecr. dist. 2., prænotat veluti compendiarium quandam Agathensis Canonis sententiam de more suo his verbis: *Quot inter Catholicos non connumeretur, qui in istis tribus temporibus, Pascha, Pentecoste, Natali Domini non communicat*. Hæc verba arbitratus est Gratianus ad præcedens caput pertinere, ac propterea cum præcedenti conjungere minime dubitavit, atque ita in dicto Canone 21. omnia, qualiacumque ea essent, Concilio Eliberitano tribuere.



CAPUT



# CAPUT III.

## De Canonibus Concilii Ancyran.

Hi sunt Canones, quos Ancyran Concilii nomine Gratianus descripsit.

- Can. 8. dist. 28. cum omnibus Concilii exemplaribus consonat.*
- Can. 32. dist. 50. emendandus ex pluribus Canonibus Ancyranis.*
- Can. 42. dist. 50. varius in diversis exemplaribus.*
- Can. 6. dist. 92. vix a melioribus exemplaribus discrepans.*
- Can. 42. cau. 12. qu. 2., verbis tenus a Concilio paululum discrepans, sententie congruens.*
- Can. 2. cau. 26. q. 5. ex aliis melioris notæ exemplaribus supplendus.*
- Can. 24. cau. 27. q. 1. cum exemplaribus Concilii consonat.*
- Can. 46. cau. 27. q. 2. cum exemplaribus Concilii consonat.*

ETSI ante annum 315. plures Episcoporum Synodos celebratas fuisse veterum monumenta abunde testentur, præsertim quum Ethnicis a vexandis Christianis paululum interquiescerent, nulla tamen ex iis aut Canones ad futuram rei geste memoriam scripsit, aut si forte scripsit, ob temporum injurias, atque calamitates posteritati servire non potuit. Prior tempore ex illis, quarum Canones apud Collectores hodie legimus, est Ancyran, quam eruditiores habitam ajunt circa annum 315., videlicet post tempora vexationis, qua jussu Maximini jactata fuit Ecclesia in Oriente, atque ante tempora alterius vexationis, quam eadem Ecclesia deinde passa est sub Licinio. Huic Concilio nomen dedit Civitas Ancyranæ in Asia minore sita, prima, atque amplissima Galatiæ urbs, ad quam convenientes octodecim Episcopi, Canones 25. ediderunt, quales in vetustissimis etiam collectionibus legimus relatos post capita Nicæni Concilii, non quasi posteriores ætate, sed ut justam venerationem haberet, quod dignitate, & totius Ecclesiæ frequentia excellerebat. Causa Concilii hæc fuerat. Quum Maximinus Christianos omnes insequeretur, & diris suppliciis angeret, plures ex Episcopis, & Clericis inferioribus, qui metu gravissimo fracti, ac debilitati Ecclesiam, Fidemque ipsam deseruerant, dein vita functo Maximino supplices Ecclesiæ reconciliari petebant. Operæ pretium fuerat prudentissimis viris modum præstitueret, quod penitentes restituerentur, atque ad Ecclesiam revocarentur, proindeque pluribus Canonibus salubriter caveri oportuit, qui sane posterioribus, ac recentioribus penitentialibus normam quandam, & exemplar præbuisse videntur, licet tamen & illis alia admixta fuerint non pauca, quibus disciplina sacrorum, quoad per tempora licebat, firmaretur.

Hujusmodi sane est Canon 8. dist. 28., quem legimus in Can. 9. alias 10. ex Can. 8. Ancyranis. Et quidem Gratiani verba consonant cum interpretatione Isidori Mercatoris, apud quem hæc sunt postrema Canonis verba: *cessare debemus, laicos tamen recipientes communionem, quæ apud Gratianum desiderantur.* Paulo aliter scribit Dionysius Exiguus ibi: *Diaconi quicumque ordinantur, si in ipsa ordinatione protestati sunt, & dixerunt velle se conjugio copulari quia sic manere non possunt, si si postmodum uxores duxerim, in ministerio maneat, propterea quod eis Episcopus licentiam dederit.*

*Quicumque sane tacuerunt, & susceperunt manus impositionem professi continentiam, & postea nuptiis obligati sunt, a ministerio cessare debent. Hunc eundem canonem corripuit in sua collectione Martinus Bracarenensis, imo eidem contrariam omnino sententiam affinxit his verbis. Diaconus, qui eligitur, si consecratus fuerit pro accipiendi matrimonio, & dixerit non posse in castitate permanere, hic non ordinetur. Quod si in Ordinatione tacuerit, & ordinatus fuerit, & postea matrimonium desideraverit, alienus sit a ministerio, & vacet a clero. Forte Martinus sententiam Concilii immutavit, ut disciplinæ sui temporis morem gereret. Neque enim eadem esse poterat ratio Antistiti Bracarensi, quæ fuit Patribus Ancyranis. Tempore enim Ancyranæ Concilii decebat quidpiam remitti de asperitate disciplinæ Diaconorum, quum pauci admodum essent, qui Diaconorum munus sponte, libenterve susciperent. Adauctis vero Ecclesiarum bonis, atque horum administratione Diaconis commissis, quum plures Diaconorum officia spectarent, vitæ Diaconalis ratio exacta est ad præclaram, & perfectam honestatis formam. Quæ si maturius observassent ex etherodoxis nonnulli, non adeo forte Romanam Ecclesiam conviciis lacerassent occasione hujus Ancyranæ Canonis; quasi Ancyranæ Patres de continentia Diaconorum, quam Ecclesia Sancta diligentissime custodit, minime solliciti fuerint. Atque hæc præjudicata opinio etiam valuit apud eos, qui eruditiores audire maluerunt. Quid amabo aliud innuunt Ancyranæ Episcopi, quum Diaconis concedunt nuptias contrahere, si Episcoporum dispensatio tempore Ordinationis accesserit, quam veterem fuisse disciplinam Ecclesię, quæ generaliter Diaconi castimoniam servare tenerentur, & si non custodissent, a gradu suo deicerentur? Quorū ordinantis auctoritas intervenire, ubi nulla Lex Ecclesiastica nuptiis obstitisset? Quæ cum ita sint, non recens est Romanæ Ecclesię consuetudo, quam male feriat homines improbant, sed ipsi antiquissimis Ecclesię Regulis omnino conveniens.*

Ad eos, qui in persecutione Maximini lapsi fuerant, pertinet canon 32. dist. 50., quem Gratianus non satis integre descripsit; & quamquam Romani Correctores jam dist. 50. in illius emendationem nonnulla adjecerint, juvabit tamen eundem describere ex interpretatione Dionysii Exigui, qualis in Codice Justelli habetur ibi: *Presbyteri immolantes, & iterum luctamen adeuntes, si hoc non per illusionem aliquam, sed ex veritate fecerint, nec ante parentes, & affeclantes, atque suadentes, ut assumentur quidem tormentis optari, sed his visu tantum, & habitu subijci, hoc placuit bonorem quidem retinere propriæ sedis; offerre vero, aut alloqui, aut omnino sacerdotalibus officiis fungi non licere. Hæc in canone 1. ex Ancyranis, cui respondere videtur Cyprianus in libro de lapsis his verbis: Tanto cantore conspicuos Ministras suos Ecclesia esse decernit, ut licet secundo certamine elatum priore victoris hostem superassent, ac proinde se negationis suæ labe emaculassent, non tamen idoneos amplius existimaveris, qui sacris functionibus ministrarent. Sequitur canon 2. Ancyranus, quem Gratianus refert in 2. Diaconi, Diaconi similiter, qui immolaverunt, bonorem quidem habeant, essent vero ab omni sacro ministerio, sive a pane, sive a calice offerendo, vel predicando. Quod si quidam Episcoporum consensu sunt laboris eorum & humilitatis, & mansuetudinis, & voluerint eis aliquid amplius tribuere, vel adimere, penes ipsos erit potestas. Digna profecto sunt observatione verba illa: Sive a pane, sive a calice offerendo, vel predicando, quasi innuitur ex iis olim Diaconos sicut prædicationis Evangelicę, ita sacrę oblationis fungi officio potuisse. Si de prædicatione divini verbi loquamur, minime dubitaverim afferere, hanc inter munera Diaconorum habitam fuisse*

fuisse, quum & ab ipsis Apostolorum temporibus Diaconum Stephanum Evangelii præconem invictissimum fuisse sacre Actorum Apostolicorum literæ testentur, & perennis Ecclesiæ consuetudo demonstret a Diaconis Evangelium publice legi, & solemniter, quæ sane lectio species prædicationis videtur. Qui hujusmodi potestatem Diaconis denegant, prædicandi verbum sumunt pro denunciare, ad explicandum illud Diaconorum officium, quo solent indicare populo, quid inter missarum solemniam aut Cathemenis, aut penitentibus, aut omnibus indiscriminatim Fidelibus agendum sit, quemadmodum & hodie clamare solent his verbis: *Procedamus in pace, & ite missa est, & stellamus genua*. Majus forte negotium facessere potest facultas offerendi Diaconis in memorato canone tributa. Nemo sane de ea ita sentiet, ac si Diaconis aliquando licuerit sacrificia Deo offerre, quæ solis Sacerdotibus perpetuo reservata fuisse universa antiquitas docet, imo in canonibus Nicænis num. 18. expresse traditur Diaconos potestatem offerendi non habere. Propterea apud Ancyranos Patres offerendi verbum idem significabit, ac circumferre, idest Eucharistiam ad populum deferre, & populo distribuere, quod munus Diaconorum fuisse vel ipse memoratus canon Nicænus exhibet; aut forte verbum offerendi intelligemus pro oblatione panis, & calicis, quam Diaconus facit Sacerdoti Deo hostiam oblaturo; juxta illud quod ait Isidorus Hispalensis: *Levitar inferunt oblationes in altaria*. Hic non perstitit Gratianus, sed subdidit canonem 3. Ancyranum, qui ita legitur ex eadem Dionysii Exigui interpretatione. *Qui fugientes comprehensi sunt, vel a domesticis traditi, vel ademptis facultatibus sustinere tormenta, aut in custodiam trahi proclamaverunt se Christianos esse, & eo usque adstricti sunt, ut manus eorum comprehendentes violenter attraherent, & summissis sacrificiis admovent; aut aliquid polluti cibi per necessitatem sumere cogerentur, confitemes jugiter se Christianos esse, & luctum rei, quæ contigit incescibiliter ostendentes omni dejectione, & habitu, & humilitate vitæ, hos velut extra debitum constitutos a communionis gratia non vetari. Si vero prohibiti sunt ab aliquibus propter ampliores cautelam, vel propter quorundam ignorantiam, statim recipiantur. Hoc autem similiter & de Clericis, & de ceteris laicis observare conveniet. Perquisitum est autem & illud, si possunt etiam laici, qui in hac necessitatis angustias inciderunt, ad clericatus ordinem promoveri, placuit ergo & hos, tanquam qui nihil peccaverunt, si & præcedens eorum vita probabilis sit, ad hoc officium provehi. Quæ vero Gratianus subdit in postremis verbis, sive in §. de his quæ non habentur inter canones Ancyranos, sed potius repetenda sunt ex canone 11. ex Nicænis, qui ex interpretatione Dionysii his verbis legendus est. *De his, qui præter necessitatem prævaricati sunt, aut præter ablationem facultatem, aut præter periculum, vel aliquid hujusmodi, quod salum est sub tyrannide Licinii, placuit Synodo quamvis humanitate probentur indigni, tamen eis benevolentiam commodari*. Hæc sane cum Gratiani fragmento collata esse videntur, licet perperam ex Concilio Ancyrano laudata fuerint, neque enim in Ancyrano Concilio heri mentio poterat de tyrannide Licinii, quam hoc idem Concilium præcesserat. Sed non solum in eo deliquit Gratianus, quod Nicænum Canonem Ancyranæ Synodo tribuerit, verum etiam in eo, quod non integram sententiam retulerit, quæ sane Gratiani proposito accommodari non potuisset. Ejus mens erat demonstrare lapsos post penitentiam ad Clericorum gradus admitti posse. Sed id Nicæno Concilio definitum non est; etenim licet priora verba canonis 11. nuper allata benevolentiam quandam penitentibus spondeant, non tamen alio spectat hæc benignitas, quam ut in legitimas penitentium*

tium stationes recipiantur , non etiam ad sacros Ordines admittantur . Postrema canonis verba hæc sunt . *Quicumque ergo veraciter penitentiam gerunt , tribus annis Fideles inter audientes habeantur , & sex annis omni se contritione deficiant , duobus autem annis sine oblatione populo in oratione communicent .*

Can. 42.  
dist. 50.

In can. 23. alias 22. Synodi Ancyranæ legitur canon 42. dist. 50. Postquam enim in canone præcedente de pœna homicidii voluntarii actum fuerit , ut scilicet jugis homicidarum penitentia esset , quæ vix in fine vitæ perficeretur , statim de homicidio involuntario ita subditur apud Dionysium . *De homicidiis non sponte commissis prior quidem definitio post septennem penitentiam perfectionem consequi præcipit ; secunda vero quinquennii tempus explere . Quid nomine prioris definitionis significare voluerint Ancyranæ Patres nondum satis perspectum est . Forte respexerunt ad aliquod Concilium retroactis temporibus apud Græcos celebratum , in quo præfixa esset pœna septennii , quam deinde ad brevius tempus , nimirum ad quinquennium , contraxerunt . Nolim tamen quæpiam arbitrari contractionem hujusmodi apud Græcos generatim fuisse receptam : nam contrarium omnino tradidit S. Basiliius , qui floruit sub finem IV. sæculi , & in canonibus ad Amphilochoium num. 57. ita scripsit : *Qui non voluntarie interfecit , undecim annis Sacramentis non communicabit . Undecim autem anni sic in eo dispensabuntur . Duos quidem annos deslebit , tres autem annos inter auditores perseverabit , in quatuor sublestratus , & anno solo confisset , & deinceps ad sacra admittetur . Non erat sane hac in re una , ac perpetua Ecclesiarum disciplina , ubi de canonibus penitentialibus ageretur , aliudque in Ancyranæ Ecclesia , aliud in Cæsareensi , aliud in ceteris servabatur . Sic in quodam fragmento ex his quæ collegit Jacobus Petre in Penitentiali Theodosii Cantuariensis , pag. mibi 67. hoc legitur de parricidiis : *Si quis hoc crimen perpetraverit , quidam judicaverunt , ut septem annis peniteat , vel quatuordecim penitentiam egisset , quidam usque ad finem vitæ , sicut Cain , qui similia perpetraverit . Gratianus in laudato fragmento addidit vocem illam humanam , vel , ut alii legunt , humanior , quæ tamen vox neque in veteribus Ancyranæ Concilii editionibus , neque apud antiquos canonum Collectores habetur .***

Can. 6.  
dist. 92.

Dionysii Exigui interpretationem omnino sequutus est Gratianus in can. 6. dist. 92. sive in canone 18. Ancyrano , ubi posteriora illa verba , *sancque damnatione notabiles* , ita ab aliis ex Græcis exemplaribus explicantur : *& abdicati efficiantur* . Sic Zonaras Græcus interpres ait : *Quod si eos quoque , qui illic degunt , Episcopos seditionibus vexent , Sacerdotis quoque dignitate privari , & abdicatos effici , hoc est , ab Ecclesia expelli jubet* . Clarius Balsamon in notis ad eundem canonem ibi : *Presbyteratus autem honorem ab eo , qui sic agit , auferre , & abdicatum fieri , ne intellexeris de depositione accipi , sed de ejus sola honoris ablatione , scilicet ne , ut cum Sacerdotibus quidem sedeat , dignus habeatur .*

Can. 42.  
can. 12.  
qu. 2.

Canon 42. cau. 12. qu. 2. describendus erat ex Dionysio Exiguo ad canonem 14. Ancyranum . De his , quæ pertinent ad Ecclesiam quæcumque , cum non esset Episcopus , Presbyteri venderunt , placuit , rescisso contractu , ad iura Ecclesiastica revocari . In iudicio autem erit Episcopus , si pretium debeat recipi , necne , quia plerumque rerum distractorum redditus amplius summam pro pretio dato reddideris . Alii vice priorum verborum ita legunt : *De his , quæ pertinent ad Dominicum , quæcumque , dam non esset Episcopus , Presbyteri venderunt , revocare Dominicum* . Plane Dominici nomine intelligi rem Deo dedicatam , nemo est qui inficietur juxta illud Cypriani in libello de

de opere, & elemosina. Et Dominicum celebrare te credis, quæ carbonem omnino respicis, quæ in Dominicum sine sacrificio venis?

Canon. 2. cau. 26. qu. 5. relatus est etiam in librum poenitentialem Romanum. *Can. 2. cau. 26. qu. 5.* ab Antonio Augustino editum cap. 1. tit. 6., cujus priora verba hæc sunt. *Qui divinationes expetunt, & more Gentilium subsequuntur, aut in domos &c. est autem canon 24., aliis 25. ex Ancyranis, in quo describendo Gratianus usus est interpretatione Dionysii Exigui, cum qua omnino consonat. In posterioribus Gratiani editionibus post illa verba secundum gradus poenitentiae definitos, additum est &c., quasi aliqua adhuc huic fragmento d. essent. Sane apud Dionysium nihil amplius habetur; tantum in Græcis editionibus tempora quinquennii distribuuntur; atque ita latine explicantur. Qui vaticinantur, & gentium consuetudines sequuntur, vel in suas ædes aliquos introducunt ad medicamenta arte inveniendâ, vel lustrationem, in quinquennii canonem incidunt secundum gradus definitos, tres annos subfrationis, & duos annos orationis sine oblatione. An hæc integra verba in ipso Concilii autographo descripta fuerint, an vero illis additamentum accesserit studio cuiuspiam Græci interpretis. Ego facile dubitaverim, quum, ut prænotavi, apud Dionysium Exiguum veterem collectorem hujusmodi graduum distributio non legatur. Atque etiam Aristenus Græcus interpretes ita eundem canonem præcise descripsit: Qui vaticiniis utitur, & qui quæpiam in domum venericii exquirendi, aut lustrationis causa introducit, quinquennio subiacet.*

Canon 19. ex Ancyranis legitur in can. 24. cau. 27. qu. 1., ubi poenitentia *Can. 24. cau. 27. qu. 1.* regula illis præstituitur, qui virginitatem Deo devotam violari permiserunt, his verbis ex interpretatione Dionysii, *Quotquot virginitatem promittentes irritam faciunt sponsonem, imer digamos censentur.* Quæ verba non solum de feminis, sed etiam de viris intelligenda sunt, quemadmodum intellexit Zonaras in notis ad hunc canonem ita scribens: *Qui virginitatem sive viri, sive mulieres sunt professi, si fidem promissi fregerint, digamorum penis subjiciantur.* At si forte queratur, quænam fuerit hæc poena digamæ indicta, vulgo tradi solet illam vel anno, vel biennio fuisse perfolutam, quod deducunt ex canone 4. Basilii ad Amphiloichium; ubi Sanctus Antistes digamis annum poenitentiae indicit, subditque ab aliis biennium decerni; Triennios autem tribus, vel aliquando quatuor annis segregandos esse. Ceterum cum apud veteres digamorum appellatione non solum venirent, qui post primum conjugium morte alterutrius conjugis dissolutum novum iocirent, verum etiam qui duabus promiscue uxoribus copularentur, aut una divortio dimissa alteri jungerentur, atque non una eadem poena immineret variis hujusmodi digamorum generibus; ego sane ita Ancyranum canonem interpretandum censuerim, ut quicumque promissam virginitatem violaverint, illis Digamis compararentur, qui ab uxore divertendo novum conjugium appetissent, eademque omnino poena tenerentur. Etenim quædam interest similitudo, atque analogia, proindeque nec adeo levis poena teneret violatores voti, quemadmodum digamos illos, qui dissoluta per mortem conjugis matrimonio ad secundas nuptias progrediebantur; nec adeo gravis, sicut eos, qui simul duabus conjugibus uterentur. Equidem illis, qui vivente conjuge adulteria potius, quam conjugia multiplicant, sive qui duabus uxoribus copulantur, quiddecim annorum poenitentia imminet juxta canonem 57. Basilii ad Amphiloichium. Illi vero, qui mortua prima secundæ uxori junguntur, anno tantum inter penitentes morabantur. De illis, qui post divortium novas nuptias

nuptias contraxissent nihil definire auiam, quum scripta vetus deficiat disciplina canonum, ut vix suspicari, aut conicere liceat mediam quandam inter utramque poenitentiam indictam fuisse. Fortasse alicui non displicebit, quod ad laudatum canonem Ancyranum tradit Alexius Aristenus Græcus interpretis his verbis: *Qui virginitatem professus est, & votum irritum facit, quadriennio segregetur.*

Quæ in canone 46. cau. 27. q. 2. referuntur, his verbis habentur in Ancyrano  
 Can. 46. canone 11. apud Dionysium: *Desponsatas puellas, & post ab aliis raptas placuit*  
 cau. 27. *erui, & eis reddi, quibus ante fuerant desponsatæ, etiam si eis a raptoribus vis illata*  
 qu. 2. *constiterit.* Sunt hic vestigia disciplinæ veteris, qua inspecta matrimonia inter rap-  
 torem, & raptam omnino prohibebantur, cui præterea civile jus hac in re penitus  
 consonabat. Nov. 143. & 150. iuncta l. un. cod. de rapto Virginum.

## APPENDIX.

*De Canone 12. cau. 26. qu. 5. nomine Concilii Anquirensis laudato.*

Can. 12.  
 cau. 26.  
 qu. 5.

U Num adhuc fragmentum superest ex iis, quæ apud Gratianum Ancyrano Con-  
 cilio tribuuntur, scilicet canon 12. cau. 26. qu. 5., qui tamen laudatur no-  
 mine Concilii Anquirensis; vocabulo sane inflexo ex imperitia cuspisiam antiqui  
 Scriptoris; siquidem jam apud Burchardum, apud quem idem fragmentum le-  
 gitur cap. 1. libri 10., legitur nomine Concilii Anquirensis. Porro Anquirensis  
 Concilii nomen ignotum omnibus est, nisi cum Ancyrano Concilio confunda-  
 tur, ac propterea in omnibus Conciliorum editionibus canon iste solet assui Ca-  
 nonibus Anycranis ad calcem Synodi, ubi præterea depromtus dicitur ex quodam  
 libello sexdecim librorum partialium lib. 6. cap. 7. Verum hanc additionem eruditi  
 omnes communi suffragio apocrypham censent, inter quos est Baronius ad an. 314.  
 num. 89. Facile mihi fuit Gratiani errati causam reperire, apprimè dignoscens a  
 Burchardo primum hunc canonem Concilii Anquirensis nomine fuisse relatum. De-  
 ceptus fuit Burcardus ex lectione Reginonis, qui in lib. 2. de Eccl. disciplin. quan-  
 dam descripserat in cap. 363. ex Concilio *Anquirensi*, atque eadem, quæ Rha-  
 banus in Epist. ad Heribaldum cap. 25. describere se profitebatur ex Concilio *Ancy-  
 rano*; deinde idem Regino in capite sequenti, seu 364. ita progreditur: *Ulla*  
*supra: Ut Episcopi, ipsorumque Ministri omnibus viribus elaborare studeant, ut pernicio-*  
*sam, & a Diabolo inventam sortilegam, & maleficam artem penitus e paracisiis suis*  
*eradant, & si aliquem virum aut feminam huiusmodi sceleris Sectatorem invenerint,*  
*turpiter dehonestatum de paracisiis suis ejiciant. Ait enim Apostolus. Hæreticum post*  
*unam & secundam admonitionem devota, sciens quia subversus est, qui ejusmodi est.*  
*Subversus sunt, & a Diabolo capti tenentur, qui derelicto creatore suo, a Diabolo*  
*suffragia querunt. Et ideo a tali peste mundari debet Sancta Ecclesia. Illud etiam non*  
*omittendum, quod quædam sceleratæ mulieres retro post Satanam conversæ Demonum il-*  
*lusionibus, & phantasmatibus seductæ, credunt se, & prostentur nocturnis horis cum Diana*  
*Paganorum Dea, & innumera multitudine mulierum equitare super quasdam bestias; &*  
*multa terrarum spatia intempestæ noctis silentio pertransire, ejusque iussionibus velut Do-*  
*minæ obedire, & certis noctibus ad ejus servitium evocari. Sed utinam hæc solæ in per-*  
*sidiâ sua perissent, & non multos secum in infidelitatis inseritum pertraxissent. Nam in-*  
*numera multitudo hac falsa opinione decepta hac vera esse credit, & credendo a rectâ fide*  
*devias,*

deviat, & in errorem Paganorum devolvitur, cum aliquid divinitatis, aut numinis extra unum Deum esse arbitrat. Quapropter Sacerdotes per Ecclesias sibi commissas populo cum omni inflantia predicare debent, ut noverint hæc omnimodis falsa esse, & non a Divino, sed a maligno spiritu talia phantasmata mentibus fidelium irrogari; siquidem ipse Satanas, qui transfiguratur se in Angelum lucis, cum mentem cujuscumque mulierculæ ceperit, & hanc sibi per inphdelitatem, & incredulitatem subjugaverit, illico transformatur se in diversarum personarum species, atque similitudines, & mentem, quam captivam tenet, in somnis deludens, modo læta, modo tristia, modo cognitas, modo incognitas personas ostendens per devia quæque deducit; & cum solus spiritus hoc patitur, infidelis mens hæc non in animo, sed in corpore evenire opinatur. Quis enim non in somnis, & nocturnis visionibus extra seipsum educitur, & multa videt dormiendo, quæ nunquam viderat vigilando? Quis vero tam stultus, & hebes sit, qui hæc omnia, quæ in solo spiritu sunt, etiam in corpore accidere arbitretur, cum Ezechiel Propheta visiones Domini in spiritu, non in corpore viderit, & Johannes Apostolus Apocalypsis sacramenta in spiritu, non in corpore vidit, & audiuit, sicut ipse dicit: statim fui in spiritu: & Paulus non audeat se dicere aptum in corpore: Omnibus itaque publice annuncians est, quod qui talia, & his familia credit fidem perdidit, & qui fidem velleam in Deo non habet, hic non est ejus, sed illius in quem credit, idest Diaboli, nam de Domino nostro scriptum est: omnia per ipsum facta sunt. Quisquis ergo aliquid credit posse fieri, aut aliquam creaturam in melius aut deterius immutari, aut transformari in aliam speciem vel similitudinem, nisi ab ipse creatore, qui omnia fecit, & per quem omnia facta sunt, procul dubio infidelis est. Integra descripsi Regionis verba, quod Gratianus aliquas canonis notas immutaverit, aut ab aliis jam immutata in suum Codicem transulerit.

Itaque cum Regino caput suæ Collectionis ita inscripserit, unde supra, putavit Burchardus tribuendum illud esse Conc. Ancyrano, ex quo caput præcedens laudabatur; & dein Burchardum sequuti sunt alii Collectores. Falso tamen, nam verba unde supra, quæ frequenter apud Reginonem occurrunt aliud omnino significant, videlicet idem pertrahari in sequentibus, quod & in præcedentibus pertractare ceperat. Non desunt, qui suspicantur Reginonem voluisse eo loci referre statum aliquod Francorum, sive, ut ajunt, Capitulare hætenus ineditum, cum stilus capitis ejusdem temporibus Capitularium plurimum conveniat, quum præterea materies & eidem ætati, & provinciis eisdem consentanea sit, consuetumque fuerit Capitularium Francorum conditoribus eadem Capitularia pluribus Scriptorum Ecclesiasticorum testimoniis infarcire, quemadmodum explicat vir eruditus. Cæterum In Concilio Ancyrano quædam esse constituta his similia jam superius adnotabam ad canonem 2. cau. 26. qu. 5. Non omitam præterea observare, plura hujus canonis verba legi in cap. 28. libri de Spiritu, & Anima, qui vulgo Augustino tribuitur, & a Monachis Benedictinis in Appendicem tom. 1. novæ editionis reiectus, atque a Trithemio, necnon Vincencio Belluacensi adscribitur Hugoni a S. Viatore, aut a Thoma Aquinate qu. un. de Anima art. 12. ad 1. Anonymo cuidam Ordinis Cisterciensis, compositus autem est ex variis Augustini, Gennadii, Bëttii, Cassiodori, Ildori Hispanensis, aliorumque fragmentis inordinate congestis ita, ut inter Ecclesiasticos canones locum habere non possit. Quæ itaque ibi leguntur ad rem hanc pertinentia, hæc subjiciam. Postquam dictum est animas hominum aliquando Dæmonum maligno spiritu torqueri, sic subditur: unde quædam mulierculæ post Satanam conversæ Dæmonum illusionibus, & phan-

casmatibus seductæ credunt, & profitentur se nocturnis horis, cum Diana Dea Paganorum, vel cum Herodiade, & Minerva, & innumera mulierum multitudine equitare, (quæ sane loquendi phrasæ nonnisi post sextum Ecclesiæ sæculum in vulgus emanarunt), earumque iussionibus obtemperare. Ipse namque Satanas, qui transfiguratus se in Angelum lucis, cum mentem cuiusque muliercula ceperit, & hanc sibi per infidelitatem subjugaverit, illico transformatur in diversarum personarum species ac similitudines, & mentem, quam captivam tenet, in somnis deludens, modo læta, modo tristia, modo cognita, modo incognita personas ostendens per devia quæque deducit, & cum hoc solus paritur spiritus infidelis, non in animo, sed in corpore evenire opinatur; idcirco nimis stultus, & hebes est, qui hæc omnia, quæ in spiritu sunt, etiam in corpore accidere arbitratur, cum Ezechiel, & alii Prophete, Johannes etiam Evangelista, & alii Apostoli in spiritu, non in corpore visiones viderint. Quicumque laudatum Gratiani canonem, sive Reginoniz Collectionis caput cum his verbis contulerit, facile percipiet Reginonem plura ex dicto libro de spiritu, & anima excerptisse, eademque in suum Codicem transulisse, quibus etiam quædam adjecerit, ut Episcopos, ceterosque Ministros Ecclesiasticos admoneret, ne forte nimium creduli plusquam par esset Dæmonum, vi, ac potestati pravorum hominum, aut mulierum fraudibus decepti tribuerent. Non inficior tamen & Reginonem quædam ibidem attulisse ex variis S. Augustini sententiis, quemadmodum illud est, quod dicitur Dæmonem aliquando sese transformare in Angelum lucis, uti adparet ex can. ult. cau. 26. qu. 5. de quo suo loco nonnulla tradam.





*De Conciliis Arelatensibus.*

In Arelatensi Civitate, quæ sita est in Gallia Narbonensi nemo ignorat plura, & quidem magni nominis celebrata fuisse Concilia, ex quibus in Gratiani Codice, prout hodie editus est, tria tantummodo memorantur, atque singulis singula capita tribuuntur, præter quædam fragmenta, quæ generatim Concilio Arelatensi adscripta legimus, quin tamen peculiariter adjectum sit, ad quamnam ex Arelatensibus Synodis pertineant. Sunt autem sequentes Canones.

Ex Arelatensi. { *Can. 14. dist. 81. perperam Concilio Arelatensi tributus.*  
*Can. 2. cau. 14. q. 4. congruit cum exemplaribus Concilii.*  
*Can. 26. de consecr. dist. 3. varius in diversis exemplaribus.*  
*Can. 109. de consecr. dist. 4. ad melioris notæ exemplaria exigendus.*

Ex Arelatensi 2. { *Can. 6. dist. 28. varius in diversis exemplaribus.*  
*Can. 69. dist. 50. paullo varius in diversis exemplaribus.*  
*Can. 5. dist. 55. congruit cum exemplaribus Concilii.*  
*Can. 9. dist. 87. congruit cum exemplaribus Concilii.*  
*Can. 2. cau. 3. qu. 10. ad melioris notæ exemplaria exigendus.*  
*Can. 13. cau. 33. qu. 4. ex aliis ejusdem Concilii Canonibus explicandus.*

Ex Aurelian. 3. { *Can. 7. dist. 28. ad melioris notæ Codices exigendus.*  
*Can. 2. dist. 55. varius in diversis exemplaribus.*

Adjiciuntur. { *Can. 12. dist. 18. pertinet ad Concilium Arelatense 1.*  
*Can. 17. cau. 18. qu. 2. pertinet ad Concilium Arelatense 5.*  
*Can. 4. cau. 21. qu. 5. pertinet ad Concilium Arelatense 3.*  
*Can. 37. cau. 27. qu. 1. pertinet ad Capitularia Regum Francorum.*  
*Can. 38. cau. 27. qu. 1. pertinet ad Concilium Tolosanum 3.*  
*Can. 6. cau. 30 qu. 5. pertinet ad Capitularia Regum Francorum.*  
*Can. 94. de cons. dist. 2. depromptus ex variis vetustis Constitutionibus.*

**I**mperante Constantino ab anno 312. videbatur reddita pax Ecclesiæ Occidentali; Concil. plurimaque propterea celebrari concilia potuerunt ad res Ecclesiasticas five tuendas, five augendas, Imperatore ipso Ecclesiarum utilitatem sedulo promoven- Arel. I. te. Inter ea celebratissimum est Concilium Arelatense I. anni 314., cujus hæc fuit occasio. Mensuricius quidam Carthaginensis Episcopus jussu Maxentii Imperatoris pridem vocatus Romam, Sacra Ecclesiæ suæ vasa quibusdam commendaverat discessurus. Verum dum iter agressus est, in itinere decessit. Successus in defuncti locum Cæcilianus postulavit, ut vasa sacra restituerentur a depositariis, qui tamen contra fidem religionemque depositi eadem restituere recusarunt, quod ut persuaderent se

honeste facere, callidis artibus adversus Cæcilianum, quasi læsæ per illius electionem Ecclesie vindices falsa crimina intenderunt, quo fieret, ut vel idem ab Episcopatu detruderetur, vel saltem ipsi a molestiis sibi ab Episcopo exhibitis evaderent calumniando. Illud in primis objiciebant, Cæcilianum tradidisse Gentilium Magistratibus Ecclesiasticos libros ad gravissimam rei Christianæ injuriam; præterea de necessariis Confessorum commodis, aut alimentis subtraxisse, illorum præteritum, qui omni humano auxilio destituti apud Gentiles in carceribus detinebantur. Atque dum hæc adversus Cæcilianum molirentur improbi homines, quis non videat cœpisse concuti Africanam Ecclesiam inopportuno schismate, quod dein magis magisque eandem turbavit, quum Donatus quidam a casis nigris, a quo Donatistæ & nomen & hæresim acceperunt, rein hanc eo deduxerit, ut novum Episcopum nomine Majorinum Ecclesie eidem Carthaginensi præficiendum curasset? nec enim contentioni pepercit, sed omnem propemodum lapidem movit, ut Cæcilianus a Carthaginensi Ecclesia arceretur. Constantinus Imperator ad seditiones omnes & schismata compescenda paratus, ubi id ægro animo accepit, statim causam hujusmodi commendavit definiendam Rheticio Augustodunensi, Materno Agrippinensi, & Marino Arelateni Episcopis; neque enim arbitratum est eligere Africanos Antistes, quos in causa suorum aliquid præjudicati habere posse facile erat suspicari. Visum insuper fuit maxime opportunum Melchiadis Romani Pontificis judicium exquirere, qui statim junctis sibi nuper memoratis Gallicanis Episcopis tribus Romæ Synodum convocavit ex Episcopis quindecim, ubi res prospere celsu, Cæciliano unanimi Patrum sententia ab illatis criminibus absoluto. Non tamen acquieverunt seditiosi Donatistæ, qui apud Imperatorem conqueſti novum fieri judicium postularunt. Hinc orta Concilii Arelatenſis occasio; visum enim fuit convocata Synodo universam rem hanc facile potuisse concludi, ut apertius sicut de infantis Cæciliani integritate, ita de impiorum accusatorum perfidia, atque improbitate constaret. Arelatenſis Civitas habita est convocationi Concilii accommodata, ad quam & Constantinus ipse, & legati Pontificii accessisse feruntur, & Concilio interfuisse anno 314. Immo etiam universi propemodum Occiden. Eccl. Episcopi eo convenerunt, ita ut non desint, qui Concilium hoc *plenarium* Ecclesie Concilium appellare non dubitaverint. Res iterum favore Cæciliani cessit damnatis Donatistis, de quibus multa apposite tradit Augustinus in Epist. 162., & 166. & in lib. 2. contra literas Petilian. Ex his facile est agnoscere maxime venerabilia nobis esse hujus Concilii Decreta; ex eo potissimum, quod in illis universæ propemodum Occidentalis Ecclesie veteris doctrina contineatur.

Ex Canonibus, qui huic Concilio adscribuntur apud Gratianum primus occurrit canon 14. dist. 81., & quidem in posterioribus plurimis editionibus post Romanam correctionem, quamquam tamen in vetustis Gratiani Codicis exemplaribus illa canon Aurelianensis potius Concilio tribuatur, & quidem rectius, quippe is legitur in Concilio Aurelianensi I. anni 312. can. 9. & 12.. In canone 9. hæc habentur: *Si Diaconus, aut Presbyter crimen capitale commiserit, simul & officio, & communione pellatur, & in canone 12. Si Diaconus, aut Presbyter pro reatu suo se ab Altaris communione sub penitentis professione submoverit, sic quoque si alii deserint, & causa certe necessitatis exoritur, poscentem baptismum liceat baptizare.* Arbitror id ex officiantia Typographi evenisse, ut pro Aurelianensi Arelatenſe Concilium laudaretur.

Simile propemodum mendum irrepsit quorundam Typographorum incuria in canonem 2. cau. 14. qu. 4. in aliquibus editionibus, hanc exhibentibus inscriptionem. *Ex Concilio Agathensi I., quod confirmavit Papa Sylveſter.* Enmendatius alix editiones habent: *Ex Concilio Arelatenſi I. &c.* Revera cum canone 12. Concilii ejusdem Arelatenſis congruit dictus canon 2. cau. 14. qu. 4., quem tamen ita oportebit ad exemplaria notæ melioris exigere. De *Ministris, qui facerant, placuit eos juxta formam divinitus datam a communione abſtinere*: legunt alii *abſtinere*. Hanc porro constitutionem clarius & impensius urgere voluerunt Nicæni Concilii Patres can. 17., cujus verba retulit Gratianus in can. 8. ejusdem causæ & quæſtionis, ex quo etiam liquet, quænam sit illa *forma divinitus data*, juxta quam Clerici sænori, & uſuris dediti a communione arceſſendi erant. Atque etiam forte inde conjicere possumus causam, qua Gratianus Concilium hoc Arelatenſe a Sylvestro Pontifice confirmatum dixerit; non quod revera conſtit expreſſe ab eodem confirmatum fuiſſe Synodum, sed quod memoratus Arelatenſis Concilii canon confirmatus fuerit in Nicæno Concilio ſummum Pontificatum adminiſtrante Sylvestro.

Eadem etiam ratione factum puto, ut canon 26. de conſ. diſt. 3. ita inſcriberetur: *Ex Concilio Arelatenſi I., quod confirmavit Papa Sylveſter*, quod videlicet illa, quæ ibidem de die Paſchatis deſiniendo, atque ab omnibus eodem tempore ſervando traduntur, probata ſint in Concilio Nicæno ſub Sylvestro Papa juxta id quod reſert Epiphanius hæreſi 69., & Sozomenus lib. 1. cap. 21., indicaturque in can. 1. Concilii Antiocheni anni 341. can. 1. Valde ſolliciti erant de Eccleſiaſtica unitate, Arelatenſes Patres, qui propterea in canone 1. ſtatuerunt, ut ſanctum Paſcha in univerſa Eccleſia uno eodemque die celebraretur; Jam pridem enim diremta erat Aſiaticorum controverſia, poſtquam ſub Viſtore Papa Decretum fuerat, ut Chriſtiani ab Judæis in celebratione Paſchali diſtinguerentur, videlicet diem Dominicum lunam 15. Martii ſubſequentem feſtum, & ſolemne agerent. Unum illud ſupererat, ut deſiniretur modus obſervandi lunam Paſchalem, de qua aliter alii ſentiebant, quamobrem sæpæ sæpius proſectum fuerat in diverſis Diaceſibus diverſos quoque dies Paſchales designatos fuiſſe, contra quam Eccleſiarum unitas, & conſenſio exigere videretur. Itaque cum in Arelatenſe Concilium omnes fere Occidentalis Eccleſiæ Epifcopi conveniſſent, illud antiquiſſimum habuerunt præ ceteris, ut rem hanc Romani Pontificis ſolertiæ, auctoritatiq; commendarent, quo fieret ipſum indicare Epifcopis omnibus diem Paſchatis per formatam Epitollam, juxta quam omnes Epifcopi Paſcha celebrarent, atque hinc Paſchaliſm Epitollarum uſus originem habuit. Exhibentur hæc omnia in diſto can. 1. Arelatenſi, ſi tamen legatur non prout deſcriptus eſt apud Gratianum in can. 26. de conſ. diſt. 3., ſed prout in ipſius Concilii exemplaribus habetur. Ibidem Epifcopi in Concilio Romanum Pontificem ita alloquuti perhibentur. *Primo loco de obſervatione Paſchæ Dominici* (legunt alii: *Dominici*), *ut uno die, & uno tempore per omnem orbem a nobis obſervetur, & juxta conſuetudinem literas ad omnes tu dirigas.* Igitur priore illa ætate hæc diſciplina in Occidente ſervari cepit, ut Epifcopi univerſi a Romano Pontifice Paſchalem diem præſignatum acciperent, acceptionumque celebrarent communi animo, quo ſicut in ceteris, ita hæc etiam in parte Eccleſiarum unitas, & conſenſio adpareret. Atque de re iſta rursus actum ſuit in Nicæno Concilio, uti ſuperius attigi, unde ad univerſalem Eccleſiam hæc eadem jurisprudentia protraheretur. Agyptii quidem Antiquitates initio propoſuerant ſibi potius congruere velut Aſtrologiæ ſtudio præ ceteris dedi-

Can. 2.  
cau. 14.  
q. 4.

Can. 26.  
de conſ.  
diſt. 3.

deditis hujusmodi tempora definire; sed post varias disputantium opiniones illud tandem communi suffragio obtinuit, ut Alexandrinus Episcopus a suis Ægyptiis diem decimam quintam Martii lunarem investigaret, exquisitamque Romano Pontifici significaret; dein vero Romanus Pontifex diem Paschalem in sequentem Dominicam collatum per Encyclicam omnibus palam faceret, observandumque proponeret; vel ipsis etiam Ægyptiis, a quibus primum acceperat, divisa propemodum inter Ægyptios & Romanos sacre rei sollicitudine, ut ab Ægyptiorum peritiis penderet quidquid ex planetarum revolutis orbibus definiendum erat, at cetera, quibus generalis Ecclesie disciplina exinde stabilienda foret, Romanæ Ecclesie tanquam omnium Ecclesiarum Principi reservarentur. Id clare liquet ex Epistola Leonis Magni ad Marcianum Augustum 64., alias 94., ibi: *Paschale etenim festum, quo Sacramentum salutis humane maxime continetur, quamvis in primo semper mense celebrandum sit, ita tamen est lunaris cursus conditione mutabile, ut plerumque sacratissime diei ambigua, occurrat electio, & ex hoc fiat plerumque, quod non licet, ut non simul omnis Ecclesia, quod non nisi unum esse oportet, observet. Studuerunt itaque Sancti Patres occasionem hujus erroris auferre, omnem hanc curam Alexandrino Episcopo delegantes, quoniam apud Ægyptios hujus supputationis antiquitus tradita esse videbatur peritia, per quam, qui annis singulis dies prædite solemnitatis eveniret, Sedi Apostolicæ indicaretur, cujus scriptis ad longinquiores Ecclesias iudicium generale percurreret.*

Ca. 109.  
de conf.  
dist. 4.

Canon 109. de conf. dist. 4. referendus est ad Canonem 8. Concilii Arelatenfis, in quo constitutum fuit eos, qui ab hæreticis Catholicorum Ecclesie conciliantur, rebaptizari debere, quoties Trinitatis mysterium ignorent; tum enim suspicio suboriebatur, eos non in nomine Trinitatis, ac propterea non juxta formam a Christo Salvatore institutam fuisse baptizatos. Illud sane observandum est, Gratianum Canonem depravatum fuisse in ea parte, in qua Arrianorum mentio fit, quum Arrianorum nomen Arelatenfis Concilii temporibus nondum audiri cœpisset; si enim historicis fides est, Arrius hæresim suam evulgare cœpit Alexandriæ anno 3. Pontificatus Sylvestri, atque ideo post Arelatense Concilium. Melioris notæ Codices ita Canonem Arelatensem exhibent. *De Afris, quod propria lege sua utuntur, ut rebaptizem, placuit, ut si ad Ecclesiam aliquis de hæresi venerit, interrogent eum Symbolum, & si perviderint eum in Patre, Filio, & Spiritu Sancto esse baptizatum, manus ei tantum imponatur, ut accipias Spiritum Sanctum, quod si interrogatus non responderit hanc Trinitatem, baptizetur.* Hæc porro, quæ de Afris dicuntur, nemo non videt intelligenda esse de Donatistis, quorum animi ad seditionem proclives veterem controversiam rebaptizantium excitabant.

Concil.  
Arel. II.

Atque hi sunt, quos recensui, Canones Concilii Arelatenfis I. a Gratiano laudati, qui a ceteris abstinuit, ubi forte novum Donatistarum Schisma compefcebatur. Venio nunc ad Concilium Arelatense II., quod quemadmodum apud eruditos Episcopam habet incertam, ita non incommode huc loci referri poterat; eo vel magis quia non defuerunt nonnulli, qui hoc Concilium Constantini Imperatoris temporibus tribuerunt ei mori ratione, quod in subscriptionibus Episcoporum, illorum nomina eadem legantur in secundo, quorum legebantur in primo. Sane Cabassutius in notitia Ecclesiastica sæculi 5. Epocham hujus Concilii *incompertam* vocat, & Simonius licet asserat celebratum illud fuisse post Concilium Valsense anni 442., subdit tamen, *quo prorsus anno, & quibus ab Episcopis celebratum sit, non liquere*; ac deinde conjicit referendum esse ad annum 452. sæc. Christianæ, quum Ravennius Episcopus Arelatensem Ecclesiam administraret. Sed si conjecturis in re adeo obscuri

locus

locus eſſe poteſt, paullo aliter ego ſentio, arbitratus hoc Concilium celebratum fuiſſe circa annum 443., ſeu cum Hilarius Arelatenſis Epiſcopus viveret. In primis enim placere non poteſt, quod alii aſſerunt, hoc Concilium ſtatem Concilii I. Arelatenſis attingere, quum in hoc plura legantur ex poſterioribus Conciliis, Vaſenſi nimirum, & Arauſicano deprompta, quæ incidunt in annum 441. & 442., quin negotium ullum faciliſſe poſſint ſubſcriptiones Epiſcoporum, quarum nomina eadem adparent tum in I., quum in II. Arelatenſi Concilio; Jamdiu enim ſtis apud eruditos conſtitit id proficiſci poſuiſſe ex Codicum depravatione, in quibus canones ſecundi Arelatenſis Concilii poſt canones primi itatim ſubjici potuerunt, ſubſequentibus poſtremo Epiſcoporum ſubſcriptionibus; quas propterea jure merito a Concilio Arelatenſi II. Severinus diſtinctus vir rerum veterum Eccleſiaſticarum eruditus expunxit, & Synodo Arelatenſi I. reſtituit. Hæc faciliora ſunt. Ratio vero qua eo adducor, ut credam Hilarii Arelatenſis ſtati hoc Concilium tribui potius debere, ex eo deduci poteſt, quod in canone 18. hujus Concilii deſignatur ad Arelatenſis Epiſcopi arbitrium pertinere Provinciale Concilium celebrare propoſito Marini Epiſcopi Arelatenſis exemplo (reſertur id ad Concilium Arelatenſe I.), qui Epiſcopus indixit Synodum, ad quam dein quamplures diverſarum Provinciarum Epiſcopi convenerunt. Hujusmodi canon Hilario Arelatenſi maxime congruit; ſcimus enim Leonem cognomento Magnum anno 445. Epistolam ad Galliarum Epiſcopos miſiſſe, in qua Hilarii Arelatenſis Acta improbat, quod magnas, ac prope generalis Eccleſiæ Synodos convocaret; ſiquidem Hilarius exemplo Concilii Arelatenſis I. ad quod plurium Provinciarum Epiſcopi acceſſerant, alia ſimilia in Arelatenſi Civitate Concilia ſe ordinaria auctoritate convocare poſſe exiſtimabat.

Speſtant hæc ad tempus Concilii. Alia ſuboritur dubitatio de ejuſdem Canonibus numerandis: apud quoddam tantum 25. Canones habentur, alii Codices exhibent 33., alibi leguntur etiam 56.. Ego non miror tam diverſas editiones, neque enim dubito aſſerere Canones revera 56. editos in Concilio fuiſſe. Quoniam vero hujusmodi Concilium ab eo celebratum fuerat Epiſcopo Arelatenſi, qui novo more ſuam juriſdictionem latius extendere cupiebat, hanc ob rem a Leone Summo Pontifice obſurgatus; exinde factum eſt, ut non omnes hujus Concilii Canones ubique recepti ſint, ſed aliquot tantum, prout aliorum Conciliorum Canonibus quidam viderentur conſonare. Propterea modo plures, modo pauciores in variis editionibus exhibitum ſunt, pro illorum arbitrio, qui cum recepta illius temporis diſciplina, eodem canones conciliabant, eoſque in lucem proferebant, prout communi juriſprudentiæ concordēs ſibi viderentur. Ex his facile augurari licet non multum auctoritatis in eſſe Canonibus hujusce Concilii, niſi forte ex illis ſint, qui cum ſacris aliorum Conciliorum regulis omnino convenient, quales vulgo creduntur 25. priores, qui in omnibus Conciliis ejuſdem editionibus continentur.

Ex his, qui ab omnibus probantur, eſt canon 6. diſt. 28., iſ enim pertinet ad canonem 2. Concilii hujus Arelatenſis, deinde plurimum conſonat cum canone 22. Concilii Arauſicani. Oportet tamen Gratiani verba ita emendare ex melioris notæ exemplaribus: *Aſſumi aliquem ad Sacerdotium non poſſe in conjugii vinculo conſtitutum, niſi fueris præmiſſa converſio*: Ita enim optimos Codices habere Sirmondus notat, licet aliqui Codices exhibeant, quemadmodum Gratianus, *promiſſa converſio*. Sane Gratianus canon talem ſententiam Arelatenſibus Epiſcopis aſſignit, ut facile admitteret diſſolvi conjugia Sacerdotalis ordinationis cauſa; quod nuſquam veterum

Can. 6.  
diſt. 28.

Pa.

Patrum decretis permiffum eft; Convenientius autem juxta Sirmondum defcribitur cano-  
 liber a conjugii vinculo, quique continentiz voto feſe primum aditinxerit.

Can. 69. Nec eſt cur improbetur canon 69. diſt. 50., qui habetur in can. 25. ejuſdem.  
 diſt. 50. Concilii Arelatenſis II. præterquamquod enim ex iis eſt, qui ab omnibus recepti  
 ſunt, etiam conſonat cum canone ultimo Concilii Arelatenſis I., niſi forte inter  
 hoſce duos canones hoc diſcrimen velis agnoſcere, quod canon ultimus Concilii I.  
 Arelatenſis de illis Apoſtatis agat, qui a fide deſecerunt, at vero canon 25. Arela-  
 tenſis II. Concilii expreſſus ſit de illis, qui habitum religioſum ſemel ſuſceptum  
 abdicaverunt, atque ad ſecularis vitæ rationem reverſi ſunt. Porro ubi Gratianus  
 ſcripſit: *ad ſecularem redeunt converſationem*, alii Codices Concilii habent: *Et ad ſe-  
 culum redeunt*.

Can. 4. diſt. 55. eiſdem omnino verbis legitur in canone 7. Arelatenſis II. Con-  
 cillii, cujus ſane ſententia plurimum conſonat cum canone 1. Nicæni Concilii rela-  
 tiſt. 55. 10 in can. 7. diſt. 55., de quo uberius infra agendum erit ſuo loco.

Nemo ignorat veterem fuiſſe diſciplinam non tantum civili jure conſtitutam, ſed  
 Can. 6. etiam ſacrorum canonum auctoritate firmatam, qua obtinebat, ut ſi quis infans ex-  
 poſitus fuiſſet vel liber homo, vel ſervus conſenſu, vel patientia parentum aut do-  
 miniſt. 87. minorum, iidem domini, aut parentes paternam dominicamve poteſtatem amitte-  
 rent, necnon infans expoſitus vel in veram ſervitutem, vel in colonarium condi-  
 tionem addiceretur illi, qui educandum ſuſtuliffet L. 1. & 2. cod. de infant. expoſitis,  
 excepto tamen eo quod dicitur in L. 16. Cod. de nuptiis, juxta quam illud Pa-  
 renti conceditur, ut poſſit matrimonio filii expoſiti diſſentire, quoties educatoſi  
 expenſa retulerit. At ſi parentibus aut dominis inſciis infans filius, aut ſervus fuiſſet  
 expoſitus, licebat dominis, aut parentibus a poſſeſſore filium, aut ſervum vendi-  
 care. Hoc quidem in detrimentum, immo aliquando in interitum expoſitorum  
 vergebat; Etenim quum nonnulli exiſterent, qui expoſitos puerulos excepturi eſſent  
 in tutelam quodammodo ſuam, exceptos enutrituri, atque educaturi, ea ſpe ducti,  
 ut illos in ſuam poteſtatem redigerent, facile a ſuſcepto conſilio removebantur,  
 infantibusque expoſitis auxilium denegabant, ſuſpicati per dominos, vel parentes  
 deinde ab omni legum emolumento remotos eſſe, allegantibus dominis vel paren-  
 tibus ipſis, filios ſervosve ſuos eiſdem omnino inſciis expoſitos fuiſſe. Hinc orta  
 occaſio fuit, ut certa hac in re juris regula ſtatuſſet, qua ſimul & parentum  
 dominorumque ignorantiz conſuleretur, atque alias infantes omni humano ſubſidio  
 minime deſtituerentur. Et primum in Vaſenſi Concilio anni 442. can. 9. & 10.  
 cautum eſt, ut diebus dominicis monerentur publice in Eccleſia omnes, ad quos in-  
 fans expoſitus pertinere poſſet, eo poſtulate, qui curam infantis ſuſceperat, quo  
 facto ſi nemo filium aut ſervum expoſitum velut ſuum agnoviſſet, tunc omnis  
 facultas ademta cenſebatur unicuique, qui poſt aliquod tempus ad vindicationem  
 ſui infantis proclamaret, imo & ſi velut homicida certis poenis ab Eccleſiaſticis  
 Canonibus præſinitis plectebatur. Videbatur enim homicidæ nota illi inurenda, qui  
 tamdiu de filio, vel ſervo ſuo quomodocumque a ſe abrepto nullam ſollicitudinem  
 habuit, licet in Eccleſia publice ſciſſet eundem expoſitum exiſſe. Hæc illa eſt  
 Concilii Vaſenſis ſententia, quam Patres Concilii Arelatenſis II. probarunt, retu-  
 leruntque in can. 51. qui apud Gratianum eſt canon 9. diſt. 87., ut proinde liqui-  
 do conſtet verba illa *ſicut patrum ſanctis auctoritas* ad Concilium Vaſenſe referenda  
 eſſe.

eſſe. Idem etiam confirmatum eſt in Concilio Agathenſi anni 506. can. 24., ubi ita legitur: *De expoſitis id obſervandum, quod jamdudum Synodus ſancta conſtituit; quæ verba ad Concilium idem Vaſenſe referenda fore eruditii omnes animadvertunt.*

Canon 2. cau. 3. qu. 10. habetur in can. 24. Concilii Arelatenſis II., ſed his verbis, quæ nonnihil diſtant a Gratianeis: *Eos, qui falſo fratribus ſuis capitalia objeſſe conſiſi fuerint, placuit uſque ad exitum non communicare, ſicut Magna Synodus ante conſtituit, niſi digna ſatiſſactione pœnituerint.* Severinus Binius nomine Magnæ Synodi intellexit Nicœnam; quamobrem ad hunc canonem adnotavit ultra viginti numerandos eſſe Nicœnos canones, quum hujusmodi conſtitutio inter vulgatos Nicœni Concilii canones minime reperitur. Verum, venia dixerim viri eruditiffimi, Hilarius Arelatenſis potius eo nomine ſignificandam voluit Synodum Arelatenſem I., quam ſere univerſalem, atque ex toto ſerme Occidente convocata fuiſſe ſuperius tradidi, cujuſque exemplo magnas ipſe Synodos convocare ſe poſſe jaſtabat. Revera in Concilio Arelatenſi I. can. 14. ita prædeſignatum legimus: *De his, qui falſo accuſant fratres, placuit eos uſque ad exitum non communicare, quæ conſtitutio edita fuerat adverſus accuſatores Cæciliani Epifcopi Carthagenſis.* Illud obſervatione dignum eſt benigniorem eſſe Concilii Arelatenſis II. conſtitutionem, quam fuit Conſtitutio nuper allata Concilii Arelatenſis I., etenim in Conſtitutione Concilii Arelatenſis II. clauſula illa adjeſta eſt, *niſi digna ſatiſſactione pœnituerint*, quæ in Concilio Arelatenſi I. deſideratur.

In Canone 21. ejusdem Concilii Arelatenſis II. definitum fuerat eos, qui publicæ penitentiz ſunt addiſi, non ſolum ab uxoribus abſtinere debere, verum etiam ſi pœnitens conjux defunctus fuerat, novas nuptias eſſe ſuperſtitio conjugi denegandas. Hinc in Canone ſequenti, videlicet 22. amplius progreſſi Arelatenſes Patres decreverunt penitentiam conjugatis nonniſi ex conſenſu dandam, cujus Canonis verba reſert Gratianus in Can. 13. cau. 33. qu. 4., quem propterea ſanius intelligendum velim, quam a quibuſdam Interpretibus intelligatur. Non enim illud arbitror generaliter cautum, nonniſi ex conjugis conſenſu delinquentem conjugem diviniſ pœnitentiz legibus ſubiſciuerentur; ne alias delinquentes conjuges ſalutaribus, optimiſque remediis deſtituerentur; verum hanc diſciplinam eo redigendam puto, ut, quoties tali penitentiz conjux alteruter addicitur, ex qua perpetua utrique conjugii continentia indicatur iuxta diſtictum Canonem 21., tum ex utriuſque conjugis conſenſione pœnitentium numero adſcribatur.

Opportunum, atque huic loco maxime conveniens eſſe cenſeo, ſi quædam adhuc ſubjiciam de Concilio Arelatenſi III. celebrato anno 524. Tertium hoc Concilium appello, non quod alia numero plura Arelatenſia Concilia non præceſſerint, ſed quod quæ alia a duobus jam relatis præceſſerunt, aut paullo obſcuro nominis ſunt, aut quod eorumdem apud Colleſtores Canonum, atque apud Gracianum nulla mentio facta fuerit; quamobrem Arelatenſe hoc Concilium anni 524., vulgo *Arelatenſe tertium* dicitur. Non deſuerunt viri ceteroqui graviffimi, qui hoc Concilium anno 453. celebratum aſſeruerunt, eo quod legiſſent conſularem notam, in qua nomen Opilionis inſcribitur; Fertur enim Opilio Conſulatum geſſiſſe cum Vincomalo anno 453. Verum id cum ceteris minime congruit; nam cum hocce Concilium convocatum appareat tempore Cæſarii Arelatenſis, qui poſt annum 500. ad Arelatenſis Eccleſiæ regimen electus eſt, debet ad poſteriora tempora referri, proindeque, ut jam animadvertit Sirmondus, alius quærendus erit Opilionis Conſulatus. Porro

invenio Oplionem simul cum Justino Imperatore Consulatum gessisse anno 524., qui annus cum incidat in ætatem Cæsarii, quis amplius dubitet tum temporis hoc Concilium celebratum fuisse? Ad disciplinæ ecclesiasticæ reformationem pertinent singuli hujus Synodi Canones, præsertim ad ordinationes Clericorum, ac Sacerdotum, quod liquet vel ex duobus fragmentis, quæ apud Gratianum habentur.

Can. 7.  
dist. 28.

Primum est in Can. 7. dist. 28., quoties Romanorum Correctorum nois omnino adhaerere velimus. Afferunt enim ipsi Canonem hunc 7. referendum esse ad Canonem 2. hujus Concilii Arelatenfis 3., in quo similis propemodum sententia exprimitur ibi: *Ut nullus Metropolitanorum cuiusque Laico dignitatem Episcopatus tribuat, sed nec reliqui Pontifices Presbyterii, vel Diaconatus honorem conferre presumant, nisi anno integro fuerit ab eis præmissa conversio.* Laudo solertiam Correctorum Romanorum, qui cum alibi verba Gratiani Canonis non legissent, curarunt, ut alicujus Concilii Arelatenfis sententiam ibidem expressam agnoscerent. Hodie, postquam integræ habitz sunt Concilii Arelatenfis II. editiones, idem Canon referendus potius erit ad Canonem 43. Concilii Arelatenfis II., de quo jam superius egimus; etenim hæc ibi leguntur: *Locuit præterea, ut secundum Synodi instituta non ordinentur Diacones conjugati, nisi qui prius conversionis proposito professi fuerint castitatem.* Quis non videat ex his Gratianum Canonem fuisse depromptum? Si quis autem a me forte petierit, quo referenda sint illa Canonis verba: *secundum Synodi instituta*, facile responderim, pertinere ad Canonem 22. Concilii Arausiacani I., quod paullo ante Concilium Arelatense II. celebratum fuerat. Verba Arausiacani Canonis hæc sunt: *Sedit præterea, ut deinceps non ordinentur Diacones conjugati, nisi qui prius conversionis proposito professi fuerint castitatem.*

Can. 2.  
dist. 55.

Alterum fragmentum habetur in Can. 2. dist. 55., qui consonat cum can. 3. ejusdem Concilii Arelatenfis III., dummodo pro illis verbis: *Missas celebrare præsumserit, Ecclesiæ communionem privetur, & ab omnium fratrum communionem moverit se alienum*, ita potius legamus: *Missas celebrare præsumserit, ab omnium fratrum charitate se moverit alienum*, quam scribendi formam aliqua in parte jam observaverunt Romani Correctores, quamquam & isti charitatis, & communionis vocabula promiscue acceperint, quæ meo judicio longe diversam criminis poenam præferunt, quum aliud omnino sit fidelium *communio*, aliud fidelium eorundem *charitate* privari.

Canones  
adjecti.

Debuerunt hæc omnia superius memorata Concilia vel ex hoc uno simul congeri in unum locum, quod adhuc nonnulla supersint fragmenta Concilii Arelatenfis nomine apud Gratianum inscripta, quin tamen dignosci possit, ad quod ex Arelatenfis Conciliis referri debeant. De istis agendum in præfens superest.

Can. 12.  
dist. 18.

Primus est Canon 12. dist. 18., qui in quibusdam Gratiani exemplaribus etiam post correctionem Romanam hanc habet inscriptionem: *Ex Concilio Arelatenfi cap. 19.* Laudandum erat hoc in loco Concilium Arelatense II., in quo Hilarius Arelatenfis, ut superius animadvertbam, se Primatem in Galliis constitui exoptabat, ita ut non tantum Galliarum, sed totius etiam Occidentis Episcopi ejusdem jurisdictioni in Conciliorum celebratione obtemperarent. In Canone enim 18. hujus Concilii ita cautum fuerat: *Ad Arelatenfis Episcopi arbitrium Synodus congreganda, ad quam urbem ex omnibus mundi partibus, præcipue Gallicanis sub Sancti Marini tempore legimus celebratum fuisse Concilium, atque conventum. Si quis communis infirmitatis causa defuerit, personam vice sua dirigat. Deim in Can. 19. statim subditur: Si quis autem adesse neglexerit, &c. quemadmodum leguntur apud Gratianum in dicto Canone 12. Qui-*  
cumque



cumque de bono jure Hilarii Arelatenſis dubitaverit in hac re, facile intelliget etiam de auctoritate hujus Canonis maxime dubitandum eſſe, immo etiam repro-  
 babit illum, ſtatim ac a Pontifice Maximo Leone I. reprobatum in hac parte fuiſſe  
 Hilarii Arelatenſis factum animadverteret: videſis Epistolam Leonis 89., alias 10. ad  
 Episcopos Viennenſis Provinciæ ibi: *Hilarius Eccleſiarum ſtatim, & concordiam Sa-  
 cerdotum novis præſumptionibus turbaturus exceſſit, ita ſue vos cupiens ſubdere poſſeſſi,  
 ut ſe B. Apoſtolo Petro non patiatuſſe ſubjeſſam, ordinationes ſibi omnium per Gallias  
 Eccleſiarum vindicans, & debitam Metropolitanis Sacerdotibus in ſuam tranſferens po-  
 teſtatem, &c.* Verum de hiſ ſuſior ſermo inſtituetur ſuo loco, ubi agendum erit de  
 Epistolis Magni Leonis.

Canonem 17. cau. 18. qu. 2. plures arbitrati ſunt Epitomen eſſe Canonis 16. Can. 17.  
 præcedentis, qui eſt Concilii Aurelianenſis I., quemadmodum ſuo loco oſtendam. cau. 18.  
 Quod eo vel magis verofimile redditur, quia in quibuſdam Gratiani editionibus qu. 2.  
 idem Canon 17. ex Concilio Aurelianenſi laudatur, ut facile ſit ſuſpicari apud  
 quendam forte ex Colleſtoribus vetuſtis verba ejuſdem Canonis 17. ad marginem  
 collocata fuiſſe, vel quaſi compendium in inſcriptione diſti Canonis Aurelianenſis;  
 uti fieri ſolet in collectionibus Canonum fere omnibus; Gratianum vero quaſi verba  
 Concilii Aurelianenſis retuliſſe incaute, ac poſtremo in quibuſdam Codicibus ex  
 Typographorum oſcitantia pro Aurelianenſi Concilio commemoratum fuiſſe Are-  
 latenſe. Porro eadem ferme Canonis huiuſce ſententia legitur in pluribus Aurelia-  
 nenſibus Conciliis: ut enim omittam relatum Canonem 16. cau. 18. qu. 2., eſt  
 etiam Canon 22. Concilii Aurelianenſis I., Canon 21. Concilii Aurelianenſis II.,  
 Canon 23. Concilii Aurelianenſis III., ex quibus omnibus liquido conſtat, quinto,  
 & ſexto ſæculo, quibus eadem Concilia celebrata ſeruntur, Monasteria, & Mona-  
 chorum diſciplinam ad Episcopos Dioceſani juſdiſtictionem pertinuiſſe, quemadmo-  
 dum, paucis quidem, ſed clariſſime dicitur in diſto Can. 17. cau. 18. qu. 2. Verum  
 quocumque huc uſque Gratianeis Canonibus notas ſubdiderunt, nondum omnino ejuſ-  
 dem Canonis autographum indicarunt. Video ego non opus eſſe, ut ad Concilia  
 potius Aurelianenſia conſugiatur; quandoquidem editum hodie habemus Concilium  
 Arelatenſe V. anni 554. ſub Epifcopo Sabauda, & Rege Childeberto, in quo ca-  
 none 2. ita decretum legitur: *Ut Monasteria, vel Monachorum diſciplina ad eum  
 pertineat Epifcopum, in cujus Territorio ſunt conſtituta.* Quicumque verba hæc cum  
 Gratiani fragmento contulerit, illud idem ad hoc Concilium referendum eſſe non  
 ambiget.

In nonnullis etiam recentioribus Gratiani editionibus canon 4. cau. 21. qu. 5. Can. 4.  
 nulli determinate ex Arelatenſi Concilio tribuitur, quum tamen eiſdem omnino cau. 21.  
 verbis reperiatur deſcriptus in Concilio Arelatenſi vulgo tertio anni 524., de quo qu. 5.  
 ſuperius agebam.

Perperam ex Arelatenſi Concilio inſcriptus eſt can. 37. cau. 27. qu. 1.; neque enim Can. 37.  
 aut ipſe, aut ſimilis quapiam ſententia in ullo ex Conciliis Arelatenſibus legitur, niſi cau. 27.  
 forte reſpicere velimus ad canonem 52. Concilii Arelatenſis II. ita expreſſum: *De puel-* qu. 1.  
*lis, quæ ſe voverunt Deo, & præclari decore nominis floruerunt, ſi poſt viginti, & quinque*  
*annos ætatis ad terrenas nuptias ſponte tranſierint, id cuſtodiendum eſſe decrevimus, ut*  
*eum hiſ, cum quibus ſe alligaverint, communionem priventur, ita ut eiſ poſtulantibus pa-*  
*nitentia non negetur, cujus poenitentia: communio multo tempore differatur.* Verum hæc,  
 etſi pauliſper cum Gratiani fragmento conveniſſe videatur, nondum tamen inte-  
 gram

gram illius sententiam continent. Alibi quærendus est Gratiani Canonis fons, & origo. Pertinet hic canon ad Capitularia Francorum Regum, in quibus habetur in lib. 6. cap. 414. Parisiensis editionis anni 1677. eisdem omnino verbis, quem in suam quoque collectionem selectorum Capitularium retulit Isaacus Episcopus Lingonensis circa annum 860. tit. 3. cap. 5., atque exinde etiam facile colligo, quinquam errori causam dederit. Nimirum Burchardus Wormaciensis eo animo erat, atque iis gentis suæ adfectionibus ducebatur, ut a laudandis Francorum Regum Capitularibus abstinere ob frequentes sui temporis contentiones Francorum cum Germanis, apud quos degebat. Ipse propterea hoc Capitularium fragmentum in suam collectionem relaturus, ne Capitularium nomine uteretur, in inscriptionibus supposuit nomen Concilii Arelatenfis, quo & generatim in Galliis edium canonem fuisse indicaret, alias verò a Capitularibus, uti proposuerat, memorandis temperaret. Id frequens Burchardo extitisse jam in præfatione operis admonui. Atqui ex Burchardo Arelatenfe Concilium laudavit Ivo Carnotensis, ex Ivone de more suo menda in suum Codicem transtulit Gratianus. His addam præterea eundem canonem comprobatum fuisse in Concilio Troslemano anni 909. can. 8., item nonnulla consentanea haberi in canone 6. Concilii Turonensis I. anni 461. ibi: *Qui vero se sacratis virginibus per conjunctionem nefandam miscuerint, vel propositum professæ religionis dereliquerint, utrique a communione habeantur alieni, quia si quis Templum Dei violaverit, disperdet illum Deus, donec respicientes a laqueo diaboli, a quo lapsi tenentur, ab ipsis voluntate ad auxilium penitentis revertantur.*

Can. 38. Animadverterunt viri in Codice Gratiano versatissimi canonem 38. cau. 27. q. 1. cau. 27. in versutis Gratiani Codicibus desiderari, in iis videlicet, a quibus aberant Palez; 94. I. in aliis verò Codicibus laudari nomine Concilii Toletani III. cap. 10.; sed in vulgatis Gratiani editionibus ita expressus est, ut videatur ab eodem Arelatenfi Concilio constitutus, a quo constitutus dicitur canon præcedens. Verum quicumque hunc canonem conferet cum canone 16. cau. 32. qu. 2., statim dignoscet utrumque ex eodem Concilio depromptum esse, videlicet ex memorato Concilio Toletano III. anni 589. can. 11., cuius hæc sunt verba, ex quibus Gratiani scriptura suppleri poterit: *Pro consulto castitatis, quod maxime horum Concilii præscribere debet, annuente Domino nostro gloriosissimo Recaredo Rege hoc sanctum affirmat Concilium, ut viduæ, quibus placuerit, teneant castitatem, & nulla vidua ad nuptias iterandas venire cogatur. Quod si priusquam proficiantur continentiam, nubere elegerint, illis nubant, quos propria voluntate elegerint habere maritos. Similis conditio & de virginibus habeatur, ne citra voluntatem parentum, vel suam cogantur maritos accipere. Si quis vero propositum castitatis viduæ, vel virginis impenderit, a sancta Communione, & a liminibus Ecclesiæ habeatur extraneus.*

Can. 6. Ex Capitularibus Francorum Regum laudandus erat canon 6. cau. 30. qu. 5., in illis enim legitur lib. 6. cap. 133. editionis Parisiensis anni 1677. eisdem fere verbis. Gratianus ab Ivone deceptus est, Ivo a Burchardo, qui primus ita canonem eundem inscripsit: *Ex Concilio Arelatenfi cap. 6.*, quæ dein inscriptio in Gratiani Codicem translata est. Nolebat Burchardus, quemadmodum jam alias attigi, Capitularia Francorum Regum commemorare, cum viveret apud Germanos tunc res Francicas sui temporis exerrantes; alias vero cum hoc fragmentum rei suæ valde accommodum agnosceret, ab eo abstinere noluit, sed ratus est se posse illud ipsum referre mutato nomine Auctoris, & Arelatenfi Concilio tribuendo. Et quidem,

quidem, licet id non deceret Collectoris integritatem, tamen vel in eo fidem ſervavit Burchardus, quod Gallicanæ Eccleſiæ diſciplinam Gallicano Concilio adſcripſerit. Verba autem, quæ in Capitularibus habentur, iſthæc ſunt: *Nullum ſine dote fiat conjugium, nec ſine publicis nuptiis quiſquam nubere præſumat.* Hinc adparet verba illa, quæ apud Gratianum leguntur: *juxta poſſibilitatem fiat dos, & illa, vel uxorem ducere*, per poſteriores Collectores addita eſſe, niſi quiſpiam ſuſpicari malit eadem ad marginem primum adpoſita fuiſſe, & dein in textum irruiſſe librarium incuria. Quanquam vero & illud obſervandum eſt Capitularium ſententiam ipſam commode explicandam eſſe, ne forte quiſpiam putet circa ſæculum 9. talem inductam fuiſſe diſciplinam, ut & publice deberent conjugia celebrari, & interveniente dote. Conſilia hæc potius erant Gallicanorum Patrum, non decreta, ut ajunt, irritantia, aut leges, quæ conjugia aliter inita tanquam invalida habenda eſſe ſancirent; quod enim in primis pertinet ad dotis conſtitutionem, Reipublicæ quidem intereſt mulieres dotatas eſſe arg. l. 2. ff. *de jure dotium*, ſed non adeo ut ſine dote nullum ſit matrimonium l. 22. cod. *de nuptiis: non enim dotibus, ſed affectionibus matrimonia contrahuntur*, quemadmodum ajebat Juſtinianus in l. 11. cod. *de repudiis*. Præterea licet nuptias clanculum initas ſemper Eccleſia reprobaverit, ante Concilium Tridentinum eadem nondum omnino irritæ declaratæ fuerant, uti in eodem Tridentino Concilio provide æque ac ſapientiſſime decretum eſt in ſeſſ. 24. de reform. matrim. cap. 1.

Ad nullum ex Conciliis Arelatenſibus, quæ huc uſque edita ſunt, pertinere po-  
teſt canon 94. diſt. 2. de conſecr., quemadmodum a Gratiano tribuitur, nec ad de conſ.  
aliquod ex Conciliis Aurelianenſibus, ſicuti Burchardo adſcribere placuit in lib. 5. diſt. 2.  
cap. 51. Potius videtur excerptus ex aliquo vetuſto pœnitentiali. Sane ſi pœnitentiale,  
quod edidit Antonius Auguſtinus, & Romanum appellavit, collectionem Burchardi  
vetuſtate antecelleret, facile ex eodem canonis hujus origo repeti poſſet;  
etenim hic canon apud ipſum legitur ad calcem epitomes tit. 5. cap. 11. eiſdem  
omnino verbis, quibus apud Gratianum habetur. Non opus eſt tamen, quandoquidem  
aliud pœnitentiale antiquius produci poteſt, ad quem is canon ſit referendus.  
Ille eſt liber pœnitentialis ab Halitgario ex Eccleſiæ Romanæ ſcriniis excerptus  
circa annum 820., quem præter alios edidit Morinus in Appendice ad librum de  
pœnitentia, ubi cap. 10. ita legitur: *Qui non bene cuſtodit ſacrificium, & muſ comederit, quadraginta diebus pœniteat. Qui autem perdiderit juum chriſmal, aut ſolum ſacrificium in regione qualibet, ut non inveniat, tres quadragenas, vel annum pœniteat.*  
Hæc cum Gratiani fragmento collata plurimum conſonant, ut videatur Gratianus  
canon ab hoc Romano Pœnitentiali, tanquam a fonte repetendus, & ex eodem,  
tanquam ab archetypo emendandus. Verum heic ego minime ſiſtendum arbitror.  
Antiquiorem agnoſco canonis originem, & quidem a ſæculo 7., quo tempore  
floreat Theodorus Cantuarienſis, cujus pœnitentiale, & capitula magni ſemper ab  
omnibus ſiſta ſunt, & non modicam collectoribus canonum materiem ſuppeditarunt.  
Edidit nonnulla Theodori capitula Jacobus Petrus Pariſiſ anno 1677. in  
primo volumine pag. 15., & ſequentibus, quæ aſſerit ex antiquo MS. optime deſcripta:  
numero autem 55. hæc leguntur: *Qui non bene cuſtodierit ſacrificium, & muſ, vel  
aliquid animal aliud comederit, illud quadraginta dies pœniteat. Si autem perdiderit  
illud in Eccleſia, aut pars ejus ceciderit, & non inventa fuerit, viginti dies pœniteat.*  
Hæc eadem ſunt cum canone Gratiani, & nullum aliud diſcrimen inter utrumque  
digno-

dignoscitur, quam in postremis verbis Gratiano scribente: *viginta dies paniteat*, errore forte proficiscente ex numeralibus notis, in quibus sedulus quispiam errare facile potest: ceterum Burchardus etiam habet: *viginti dies paniteat*, quemadmodum legitur in memoratis Theodori Capitulis. Illud unum adhuc adjiciendum est, ut demonstretur revera canonis Gratiani Archetypum esse in Capitulis Theodori: Videlicet Burchardus, a quo & Ivo, & Gratianus acceperunt, hoc caput retulit in cap. 51. lib. 5., at in præcedentibus capitibus, hoc est in 46., 47., 48., 49., & 50. retulerat eadem Theodori capitula, & quidem eodem ordine, qualia habentur in collectione memorata Petiti; nam caput 46. Burchardi respondet canonis 50. apud Petiturum, caput 47. canonis 51., caput 48. canonis 52., caput 49. canonis 53., caput 50. canonis 54., ita ut videatur maximam Capitulorum Theodori partem eo in loco Burchardus in Codicem suum transtulisse. Quamobrem facile concludere potero caput 51. Burchardi, qui idem est cum canone 94. de conf. dist. 2. apud Gratianum ad laudatum Capitulum 55. Theodori Cantuariensis referri omnino debere.



## De Concilio Neocæsareensi.

Neocæsarensi Concilio apud Gratianum sequentes Canones adscribuntur:

- Can. 9. dist. 28. apud varios Græcæ lingue Interpretes varius.*
- Can. 11. dist. 34. vix in diversis exemplaribus varius.*
- Can. 1. dist. 57. ad melioris notæ Codicem exigendus.*
- Can. 4. dist. 78. cum sententia Græci canonis consonat.*
- Can. 12. dist. 93. ex melioris notæ Codicibus jam restitutus.*
- Can. 12. dist. 95. varius in Codicibus diversis.*
- Can. 1. cau. 15. qu. 8. varius in Codicibus diversis.*
- Can. 8. cau. 31. qu. 1. vix in diversis exemplaribus varius.*

C Appadociæ in Ponto Polemoniaco sita fertur Neocæsarea Civitas ad Iycum flumen. Ad eam iidem fere, qui in Ancyra Synodo interfuerunt, novi Concilii celebrandi causa convenerunt Episcopi numero tredecim, quamquam non desint Codices, in quibus recensentur quinquaginta. Apud omnes testatur est Neocæsarensis hanc Synodum Ancyra quidem posteriorem esse, & Nicæna priorem; sed quo anno celebrata fuerit, non satis certum est. Referunt vulgo illam ad annum 315., quod Basilius Amasenus in ea interfuerit, qui anno 316. Iussu Licinii martyrium perpeffus est. Canones in ea editi ad disciplinam Ecclesiasticam stabiliendam pertinent, præcipue vero ad distribuendos ecclesiasticos gradus, atque ad præstituendas conjugiorum rationes; numeranturque 15., licet alii referant tantum 14., sed levi discrimine; quum isti simul conjunxerint canones 13., & 14.. Hujusmodi decreta maximi semper habita sunt, quemadmodum Ancyra, sive ob veritatem Concilii, sive ob Episcoporum doctrinam, sive ob decretorum eorundem sanctitatem, ac propterea vel antiquissimi canonum Collectores eadem in suis Codicibus recensuerunt; inter ceteros Dionysius Exiguus latinitate omnia donavit, atque ad occidentalem Ecclesiam transduxit, apud quam deinceps eximiam semper auctoritatem obtinuerunt. Varie tamen fuerunt apud nostros Græcorum canonum interpretationes, quapropter curandum semper erit, ut Græca exemplaria adeantur, quoties penes eruditos de germana latini canonis interpretatione dubitatur, aut saltem ad antiquiores Latinos Codices confugiendum, quum sciverimus Græcorum libros fuisse aliquando turbatos, atque corruptos.

Primus hujus Concilii canon legitur in can. 9. dist. 28., ubi Gratianus Isidori Mercatoris interpretationem sequitur est. Paulo aliter habet Dionysius Exiguus <sup>Can. 9. dist. 28.</sup> his verbis: *Presbyter, si uxorem acceperit, ab ordine deponatur: si vero fornicatus fuerit, aut adulterium perpetraverit, amplius pelli debet, & ad penitentiam redigi.* Hoc sane in loco mentio nulla fit de ea penitentia, qua delinquentem Clericum inter Laicos redigi oporteat, quemadmodum apud Gratianum habetur. At si ad alios Codices Græcis exemplaribus conformes confugere velimus, in promptu erit Codex ille, quem vulgo appellant Codicem Ecclesiæ universæ. Ibi ita legitur: *Presbyter si uxorem duxerit, ordine suo moveatur; si autem fornicatus fuerit, vel adulterium commiserit*

*miserit, penitus extrudatur, & ad penitentiam redigatur*, quam interpretationem etiam edidit, qui Pandectas canonum evulgavit Oxonii anno 1677. Ceterum siue Isidori Mercatoris, siue Gratiani lectio, quæ paullo difformis Neocæsarensi Concilio videtur, a Græcorum sententiis non est penitus aliena; immo si S. Basilii canones observaverimus, ad eos respexisse videtur Isidorus, ubi de penitentia Sacerdotum inter Laicos peragenda verba fecit. Etenim Basilii in can. 32. ad Amphilochoium ait: *Qui peccatum ad mortem peccant Clerici, de gradu quidem deiciuntur, a Laicorum autem communione non arcentur; non enim vindicabis his in idipsum; quibus consonat canon 24. inter Apostolicos, ex quo disciplinæ Græcæ ratio recte deduci potest. Erat ergo tum receptum, ut Clerici, quoties in graviora flagitia incidissent, a gradu quidem suo deicerentur, non autem consuetos apud Laicos penitentia gradus obirent, videbatur enim poena satis aspera, & gravis vel una dejectio a gradu, & honore Ecclesiastico. Præterea observatione dignum est, Græcos Interpretes, atque apud ipsos præcipue Balsamonem intellexisse Neocæsarenses canonem de Presbyteris, qui non ante, sed post ordinationem nuptias contraxerint; & quidem recte, cum in eodem Neocæsarensi Concilio canone 8. talis Græcorum disciplina fuisse præsumatur, ut liceret etiam iis, qui nuptias celebrassent, vivente adhuc uxore, Sacerdotio initiari.*

Can. 11. dist. 34. Hic octavus canon habetur apud Gratianum in canone 11. dist. 34., quem Dionysius Exiguus paullo aliter interpretatus est his verbis: *Mulier cuiusdam adulterata Laici constituit, si evidenter arguatur, talis ad ministerium cleri venire non poterit. Si vero post ordinationem adulterata fuerit, dimittere eam convenit; quod si cum illa convixerit, ministerium sibi commissum obtinere non poterit. Clarius, & pressius alii ex Græcis exemplaribus ita verterunt. Si alicujus uxor, cum esset laicus, adulterata fuisse plane convicta fuerit, is non potest ad ministerium accedere. Sin autem etiam post ordinationem adulterata fuerit, debet eam dimittere. Quod si cohabitet, non potest sibi commissum ministerium exequi. Sane si veteribus canonibus vetitum scimus, ne digami, aut viduam ducentes ad Sacerdotium promoverentur propter suspicionem incontinentiæ, quæ in digamorum conjugii præsumitur, eadem, imo potiore ratione interdicendum erat, nequis in Sacerdotio permaneret, si ab adulteræ uxoris consuetudine minime recessisset.*

Can. 1. dist. 57. In can. 1. dist. 57. exhibetur can. 12. Neocæsarensis, qualem descripsit Isidorus Mercator, qui tamen pro verbis illis postremis: *aut hominum varitas cogant: non desunt qui ita legunt: aut hominum claritas cogant:* Dionysius Exiguus ita interpretatus est Græcum canonem: *Si quis in ægritudine fuerit baptizatus, ad honorem Presbyterii non potest promoveri, quod non ex proposito fides ejus, sed ex necessitate descendit; nisi forte propter sequens studium ejus, & fidem, atque hominum varitatem talis possit admitti. Vis porro hujus canonis hæc est, ut nemo ad Sacerdotium promoveretur, nisi qui integra, veraque animi affectione Deo liberius servire maluerit. Et quidem minime dubitabatur apud veteres, utrum vere, valideque, ut ajunt, Baptismus susceperint, quicumque in ægritudine Baptismi Sacramentum petissent. Dubium omne removerat generalis Patrum doctrina, etiam illorum, qui sanctitatem vitæ, ac morum in Baptismatis collatione exegerunt. Cyprianum laudò in Epistola ad Magnum ita nitidissime scribentem: *Quæstis etiam, fili charissime, quid mihi de illis videatur, qui in infirmitate, & languore gratiam Dei consequuntur, an habendi sint legitimæ Christiani, eo quod aqua salutari non loti sint, sed perfusi. Nos quantum concipis mediocritas nostra**

nostra existimamus in nullo mutilari, & debilitari posse beneficia divina, nec minus ali-  
quid illis posse contingere, ubi plena, & tota fide & dantis, & sumentis accipitur, quod  
de divinis muneribus hauriunt. Verum quum apud omnes, apud ipsos etiam Ethni-  
cos, qui tandem aliquando ad fidem Christi venire cupiebant, id persuasissimum esset,  
quamplures terrenarum rerum studio, & voluptatibus illecti, Baptismum ad postre-  
mum fere mortis diem, aut grave quodpiam vitæ periculum differebant, qui pro-  
pterea a Christianis *Clinici* appellabantur, nec vulgo tanquam integerrimæ fidei ho-  
mines habebantur; atque illis idipsum vitio egregio vertebatur, si forte periculum  
elapsi ad Episcopatum, aliasve dignitates Ecclesiasticas se per ambitum promoveri  
exoptassent. Sic inter cetera, quæ objecta fuerunt Novatiano, ne Presbyter ordi-  
naretur, hoc fuit, quod in ægritudine Baptisma suscepisset jam ante Concilium  
hoc Neocæsarensē, uti tradit Eusebius lib. 6. historiz cap. 43., quomobrem adpa-  
ret in hoc canone non disciplinam aliquam recens inductam fuisse, sed veterem  
potius Ecclesiæ consuetudinem confirmatam.

Sententia canonis 4. dist. 78., cujus verba ex Isidoro Mercatore deprompta sunt, Can. 4.  
dist. 78.  
recte consonat cum græcis exemplaribus in canone 11. ejusdem Concilii. Nihilo-  
minus juvabit eadem referre, quæ in Dionysii interpretatione habentur. Sunt autem  
hæc: *Presbyter ante trigésimum ætatis suæ annum nullatenus ordinetur, licet valde sit  
dignus, sed hoc tempus observet; nam Dominus noster trigésimo ætatis suæ anno bap-  
tizatus est, & sic capit docere.* Nolim tamen quempiam ita exinde sentire, ut nun-  
quam ab hac disciplina apud veteres recessum fuerit, eoque minus, ut id ex in-  
stitutione Christi Domini proficiscatur; Quandoquidem apertissima etiam apud vete-  
res monumenta docent minorem modo, modo majorem Sacerdotalibus officiis  
ætatem fuisse præstitutam. In lege quidem vetere Aaroni, Moysi quæ præcepit Do-  
minus, ut Levitas, sive Ministros Altaris a trigésimo anno, & supra seligerent, uti  
dicitur Numerorum cap. 4. Atque hanc legem probando sequi voluit Servator San-  
ctissimus, dum anno trigésimo demum ætatis suæ & baptizari voluit, & celesti-  
bus doctrinis homines imbueret. Sed quum non eadem Apostolos omnes ætate se-  
legerit, quos prædicationis suæ consortes haberet, sed seniores alios, alios junio-  
res, nobis significasse videtur non ætatem potissimum inspicendam esse, at potius  
virtutem, peritiam, ceterasque facultates ad sacra ministeria peragenda necessarias.  
Hinc S. Paulus minime dubitavit Timotheum adhuc adolescentem in Episcopum  
consecrare, uti recte deduci potest ex ejus epistola 1. ad eundem Timotheum cap. 4.  
vers. 11.; item Nicephorus Callistus Histor. Eccles. lib. 3. cap. 29. refert Eleuthe-  
rium Illyrici Episcopum ordinatum fuisse, etiamsi nondum ætatis suæ annum vige-  
simum transgessisset; necnon Hincmarus Rhemensis in vita S. Remigii ipsum ait  
vigésimo secundo ætatis suæ anno Archiepiscopatum Rhemensē obtinuisse. Postu-  
labant aliquando Viri cujuspiam eximii doctrina, pietas, & in Ecclesiam merita,  
postulabat ipsamet Ecclesiæ utilitas, ut adolescentem senioribus anteferebatur.  
Quid nā a generali canonum regula dispensandum erat? Ceterum, licet quando-  
que receptum fuerit majorem etiam 30. annis ætatem requiri, quemadmodum  
liquet ex novella Justiniani 123. cap. 13., ubi Presbyteros minores annorum 35.  
feri non permittitur, sicuti Diaconos, aut Subdiaconos minores 25.; tamen vetusta  
fuit regula, qua trigésimus annus constitutus fuerat, atque ut plurimum observata,  
uti probari potest ex dicto canone Neocæsarensi, & ex canone 17. Concilii Aga-  
thenfis anni 506. Posteriore autem ætate post collectionem Ecberti Eboracensis fa-  
culo

culo 8. compositam cœperunt Episcopi a regula illa desistere; siquidem Ecbertus in can. 95. canonem Neocæsareensem ita descripsit: *ut nullatenus Presbyter ordinetur ante trigésimum ætatis annum, nisi rationabili necessitate cogente, quia Dominus Jesus non predicavit ante 30. ætatis annum.* Verba illa nisi rationabili necessitate cogente, quæ in Concilio desiderantur, quæque Ecbertus adjecit, causam dederunt Episcopis facilius dispensandi a lege, ideoque tum frequentius inductum est, ut Presbyteri 30. annis etiam minores ordinarentur, unde tandem eo fuit eventum, ut vigesimus quintus annus præstitutus fuerit, atque posterioribus Ecclesiæ legibus confirmatus.

Can. 12.  
dist. 93.

Postremus ex Neocæsarensis canonibus habetur in can. 12. dist. 93., cujus verba ita scripsit Dionysius Exiguus: *Diaconi septem esse debent juxta regulam, licet & valde magna sit civitas. Idipsum autem & Alium Apostolorum liber insinuat.* Alii eundem Græcum canonem ita sunt interpretati: *Diaconi septem esse debent ex canone, etiam si sit magna Civitas: ejus autem rei idem faciet liber Actorum.* Atque ex his adparet jure a Romanis Correctoribus emendatum fuisse Gratiani Scripturam, quæ ita habebat: *quamvis non magna sit Civitas.* Respexerunt hoc loco Neocæsarenses Patres ad Acta Apostolorum cap. 6., ubi dicuntur septem Diaconi constituti ab Apostolis; quod Apostolorum exemplum plures posterioris ætatis Episcopi sequuti sunt. Sic in Alexandrina Ecclesia factum fuisse testatur Severus Alexandrinus apud Abrahamum Ecchelensem, & in Ecclesia Romana Sozomenus lib. 7. hist. cap. 19., una tamen animadvertens aliam fuisse aliarum Ecclesiarum disciplinam his verbis: *Diaconi apud Romanos hæcenus non plures sunt, quam septem, ad similitudinem eorum, qui ab Apostolis ordinati fuerunt; apud alios vero haudquaquam definitus est numerus Diaconorum.* Ad interpretationem Neocæsarensis canonis mihi non displicet Græcorum sententia, quam non tantum Balsamon, Zonaras, & Aristenus fecerunt, sed etiam Episcopi, qui ad Concilium Trullanum convenerant, qualiscumque deum habenda sit ejusdem Concilii auctoritas. Ab ipsis enim observatum fuit duplicis generis Diaconos olim fuisse, quorum alii mentali subservirent, collectasque Fidelium oblationes indigentibus dispensarent; alii vero divinis Mysteriis ministrarent. Porro addiderunt Neocæsarenses canonem ad Diaconos non secundi, sed primi generis pertinere, quum de illis tantummodo in Actibus Apostolorum, ad quos Neocæsarenses Patres respexerant, sermo institutus fuerit. Verba Trullani canonis 16. hæc sunt: *Quoniam Alium Liber septem Diaconos ab Apostolis constitutos esse tradit; Neocæsarensis autem Synodus sic in canonibus a se editis aperte discessit, ut septem debeant esse Diaconi ex canone, etiam si sit magna Civitas: Ex Libro porro Alium persuasueris: Nos cum dicto Apostolico litterarum mentem adaptassimus, invenimus eos esse locutos, non de viris, qui ministrant mysteriis, sed de ministerio, quod in usu mensarum adhibebatur, cum Liber Alium sic habeat: in diebus illis cum discipulorum multitudo creveret.... Post hæc ergo nos quoque predicamus, ut prædicti septem Diaconi non de iis accipiantur, qui mysteriis servant, ut est prius exposita doctrina: sed eos esse, quibus fuit concessa, ac tradita dispensatio eorum, quæ tunc collectas fuerant. Qui nobis in hoc quoque forma fuisse humanitatis, & studii in eos, qui indigent.*

Can. 12.  
dist. 95.

Non una, eademque est apud omnes Neocæsarensis 13. canonis interpretatio, qui habetur apud Gratianum in can. 12. dist. 95. Dionysius Exiguus ita exhibet: *Presbyteri rursum in Ecclesia Civitatis Episcopo præsentem, vel Presbyteris urbis ipsius, offerre non possunt, nec panem sanctificatum dare, Calicemque porrigere. Si vero absen-*

tes



tes hi fuerint, & ad dandam orationem vocentur, soli dare debebunt. Aliis placuit ita Græcum canonem latinitate donare: Regionarii, legunt alii: Vicarii autem Presbyteri in urbis dominico offerre non possunt presente Episcopo, vel urbis Presbyteris, neque Panem dare in oratione, neque Calicem. Sin autem absint, & solus ad precationem vocatus fuerit, dat. Porro itæ interpretationes videntur indignare Parochias jam tum temporis institutas fuisse, quasi Parochi veniant nomine Presbyterorum ruris, aut nomine Regionariorum, sive Vicanorum Presbyterorum. At de hoc valde dubitaverim, proindeque aliam Græci canonis interpretationem querendam esse arbiarar. Martinus Bracarenfis hunc canonem explicasse videtur de Presbyteris non ruralibus, sed qui ad extraneam Diocesim pertinerent his verbis in cap. 56. partis 1. *Foras Presbyteris, presente Episcopo, vel Presbyteris (aliqua MSS. habent, Presbytero) civitatis, offerre non liceat, neque ministrare in populo, nisi forte illis absentibus.* Johannes Doviatius ad marginem hujus canonis Neocæsarensis canonem his verbis adscripsit: *Presbyteri, qui congregacionales non sunt, in Ecclesia presentibus Episcopis, vel Presbyteris Civitatis, offerre non possunt, nec dare Panem sanctificationis, nec Calicem porrigere: Quod si absentes civitatis Sacerdotes, & fuerint invitati ad dandam orationem, soli debent dare.* Paulo aliter vim canonis explicavit Alexius Aristenus ita scribens: *Presbyter rare degent in civitatis Templo ne offerat, nisi Episcopus, & totus Presbyterorum cætus absuerit; si vero absuerint, & ipse vocetur, offert.*

Non eadem quoque est apud omnes interpretatio canonis 9., & 10. Neocæsarensis, quos junxit Gratianus in can. 1. cau. 15. qu. 8. En primum Dionysii Exigui verba in can. 9. *Presbyter si præoccupatus corporali peccato provebatur, & confessus fuerit de se, quod ante ordinationem deliquerit; oblata non consecret, manens in reliquis officiis, propter studium bonum. Nam peccata reliqua plerique dixerunt per manus impositionem posse dimitti. Quod si de se non fuerit ipse confessus, & argui manifeste nequiverit, potestatis suæ judicio relinquatur, & in can. 10. Simili modo etiam Diaconus, si eodem peccato succubuerit, ab ordine ministerii subtrahatur.* Paulo aliter Hervetus latinum fecit hunc canonem. In can. 9. *Si Presbyter, qui corpore prius peccaverat, promotus fuerit, etsi ante ordinationem peccasse confessus fuerit, ne offerat, manens in aliis propter aliud ejus bonæ vitæ studium. Reliqua enim peccata dicunt multi manuum impositione tolli. Quod si ipse non confiteatur, aperte autem convinci non potuerit, illius quoque ei fiat potestas, & in can. 10. Similiter & Diaconus, si in idem peccatum inciderit, ministri ordinem habeat. Quæ Gratianus descripsit, conveniunt potius cum Isidoro Mercatore. Canonis autem sententia hæc est. In primis decernitur eos, qui ante Sacerdotalem Ordinationem castitatem corpore violaverint, a sacris Presbyterorum officiis arceri; & quidem recte; si enim remoti semper fuerint, qui his successive nuptias contraxerunt, aut viduum duxerunt propter unam incontinentiæ suspicionem, potiori ratione arcendi erant illi, de quorum gravi incontinentia apertissime constitisset. Incontinentiæ crimen potissimum illud visum est Sanctis Patribus, quod a Clericis omni modo eliminaretur. Sed reliqua peccata, subsequuntur Neocæsarenses Patres, dicunt multi manuum impositione tolli. Reliquorum peccatorum nomine veniunt leviora, quibus scilicet non corpore integritas amittitur, sed solo animo, ac voluntate. Hæc voluntas improba plurimorum veterum judicio manuum impositione tollitur. Non hic sermo est de manuum impositione reconciliatoria, sive pœnitentia, sed de manuum impositione consecratoria, quæ fit in sacra ordinatione Sacerdotum. Scilicet hujus manuum imposi-*

sitionis ea virtus esse credipar, ut inordinatos quosdam animi affectus facile extinguat, licet difficilius amissa corporis integritati remedium adserat. De Diaconis subobscura videtur esse sententia propter memoratam interpretationum varietatem. Ego in explicatione Græci canonis a Græcorum Interpretum sententia non recedo, præsertim cum iidem Græci Interpretes accommodam significationem Neocæsarensium Patrum verbis tradiderint. Balsamon itaque hæc habet de Diaconis: *A Diaconi dignitate excident, in Ministri autem ordinem deprimentur, Hypodiaconi scilicet, qui non est ordinatus, vel leioris.* Zonaras ita scribit: *Excidet a Diaconatu, & in Ministri locum deijcietur.* Aristenus etiam ait: *Tantum Ecclesiæ Minister erit.* Ex quibus patet, potnam male consilii Diaconi, & convicii eam fuisse, ut ipse in sequentem gradum deiceretur ministraturus.

Can. 8.

cau. 31.

qu. 1.

Canon 8. cau. 31. qu. 1. exhibet duos ex Neocæsarensibus canonibus, scilicet 3., & 7. Tertium ita exposuit Dionysius, a quo emendandum videtur Gratianum fragmentum: *De his, qui in plurimas nuptias incidunt, & tempus quidem præfixum manifestum est, sed conversatio eorum, & fides tempus abbreviat.* Septimum vero ita interpretatus est: *Presbyterum in nuptiis bigami prandere non convenit (alii pro verbo prandere scripserunt convivari; alii intereire), quia cum prænitentia bigamus egeat, quis erit Presbyter, qui propter convivium talibus nuptiis possit præbere consensum?* Arbitror ego hoc in loco non de illis bigamis agi, qui mortuæ conjugis novas nuptias appetierunt, sed de illis, qui ea ætate divertere ab uxoribus vel levissima de causa consueverant, ex novarum nuptiarum cupiditate. Atque id significare videntur verba illa: *qui in plurimas nuptias inciderunt.* Si forte quispiam quæsierit, quodnam fuerit tempus illud, quod præfixum jamdiu vocat Concilium Neocæsarensense, dixerim aliud in bigamis, aliud in trigamis fuisse constitutum, videlicet bigamis indicta est biennii, trigamis quinquennii prænitentia, quod aperte deduci potest ex canone 4. S. Basilii ad Amphiloichium, ubi ex antiqua consuetudine hanc disciplinam se accepisse Basilii idem testatur.



## CAPUT VI.

61

### *De Romanis Conciliis S. Sylvestro Pontifici Maximo adscriptis.*

Concilio Romano sub S. Sylvestro Pontifice Maximo tribuuntur  
apud Gratianum sequentes Canones.

Apocryphi omnes.	{	<i>Can. 1. dist. 24. ad antiquiora exemplaria exigendus.</i>
		<i>Can. 2. dist. 45. in variis Conciliis Codicibus varius.</i>
		<i>Can. 5. dist. 93. in variis Codicibus varius, &amp; obscurus.</i>
		<i>Can. 1. dist. 98. habetur tantum in epilogo Synodi.</i>
		<i>Can. 2. cau. 2. qu. 4. ad meliorum Codicum fidem exigendus.</i>
		<i>Can. 2. cau. 2. qu. 7. ex aliis exemplaribus supplendus.</i>
		<i>Can. 10. cau. 2. qu. 7. ex aliis exemplaribus supplendus.</i>
		<i>Can. 9. cau. 11. qu. 1. ad meliorum Codicum fidem exigendus.</i>
		<i>Can. 10. cau. 11. qu. 1. ad meliorum Codicum fidem exigendus.</i>
		<i>Can. 33. cau. 11. qu. 1. ad meliorum Codicum fidem exigendus.</i>
Adduntur illis.	{	<i>Can. 15. de conf. dist. 1. habetur tantum in epilogo Synodi.</i>
		<i>Can. 46. de conf. dist. 1. habetur tantum in epilogo Synodi.</i>
		<i>Can. 40. cau. 16. qu. 7. ad meliorum Codicum fidem exigendus.</i>
		<i>Can. 14. cau. 2. qu. 5. jamdudum Gregorio Magno restitutus.</i>
		<i>Can. 2. cau. 5. qu. 2. falso Sylvestro Pontifici adscriptus.</i>
		<i>Can. 30. cau. 23. qu. 4. Silverio jamdiu restitutus.</i>

**A** Pud eos, qui vetera Conciliorum omnium monumenta sedulo studio collegerunt hodiernis temporibus, tria Concilia referuntur in Romana Urbe a Sylvestro Pontifice Maximo celebrata. Vel enim quod tunc reddita Ecclesie pax fuisset, vel quod inter fideles ipsos schismata pro causis fidei suborta essent frequentiora, vel quod frigescente fidelium charitate morum disciplina corrueretur, facile pluribus persuasum est sacros Conventus Romae praesertim fuisse factos, in quibus & disciplina eadem restitueretur, firmaretur & fides jamdiu victoris Martyrum illustrata. Prius Concilium referunt ad annum 315., qui Sylvestri Pontificatus dicitur secundus. Secundum referunt ad annum 324., postremum ad annum 325.. In priore fertur disputatio facta adversus Judaeos, quorum perfidiam & Constantinus Imperator agnovit, atque etiam lata lege damnavit, cujus rei argumentum vulgo desumitur ex l. 1. Cod. Theodos. de Judaeis. Postremum asserunt ideo celebratum, ut ea, quae in Nicæna Synodo stabilita fuerant, confirmarentur; atque in eo recensentur canones aliquot de recipiendo Concilio Nicæno editi, de Paschae solemnitate, de causis Clericorum, ac de Ordinationibus eorundem. De duobus his parum juvat differere; scilicet prioris nullum canonem habemus; postremum vero etiam decreta quaedam non ignoremus, tamen ex iis non sunt, quos Gratianus in Codicem suum transtulerit. Illud unum attingere sufficiat, Concilium Romanum

manum 3. anno 325. adtributum referri tamquam præfens in eo Constantinus adfuerit, quod fides historicorum asserere minime patitur, proindeque non tamquam certum disciplinæ veteris Ecclesiasticæ præsidium haberi posse.

In secundo potius Concilio subdito, quod celebratum dicitur anno 324., ex quo nonnulli Canones Gratiani depromi sunt. Suis mihi videtur indicare hoc Concilium adparuisse primum in collectione Isidori Mercatoris, ut statim talis suboritur suspicio, ex qua inter apocrypha potius monumenta recensescatur. Supervacaneum sane hodie foret ea in medium argumenta proferre, ex quibus hæc Synodus falsuatis damnetur; illa enim apud eruditos viros tristicissima sunt: sed quoniam aliquis eadem hunc in locum adferri debuisse facile dixerit, libens tradidero, ut nihil ad hanc rem necessarium deesse videatur: Atque in primis observare juveni Collectores Conciliorum non tantum descripsisse Synodi acta, verum etiam quandam Synodi epilogum Isidori Mercatoris, aut alierius cuiuspiam auctoris incerti manu exaratum actis Synodi præmisisse. Gratianus vero non tam a Synodo, quam ab hoc Synodi epilogo canones suos accepit; æque enim omnia digna exitimabat, quæ in suum Codicem referret. Ut de epilogo nonnulla attingam, præterquam quod nullam omnino fidem meretur, utpote privati, incertique auctoris opus, perperam omnino confarcinatus est, & in pluribus non tam actis ipsis Concilii dissimilis, quam contrarius. In prioribus verbis narratur Nicænum Concilium jam eo tempore celebratum fuisse, atque in eodem Photinum hæreticum fuisse damnatum. Quomodo vero consonare hæc possunt cum veterum historicorum fide, traditum Photinum vixisse post tempora Nicæni Concilii, & hæresim ejus fuisse damnatam, anno demum 344., de qua re videri poterit Mathæus Latioquanus in dissertatione de Photino? Quomodo etiam hæc constare possunt cum epocha Concilii hujus Romani, quod ad annum 324. vulgo refertur, Nicænum vero Concilium anno 325. celebratum est? Præterea auctor epilogi narrat in hac Synodo a Sylvestro Pontifice Maximo damnatos fuisse Callistum, Arium, & Photinum, atque Sabellium, de quibus tamen in Synodalibus actis ne verbum quidem habetur. Phrases etiam Isidori Mercatori consuetæ, ac familiares in hac canonum epitome habentur ibi: *Episcopi, qui throni Dei vocantur, non sunt lacerandi, sed portandi*: quæ sane non ausus est Isidorus inter Canones Concilii adscribere. Post epilogum succedit Synodus in duas actiones divisa, quarum singulæ decem continent canones, qui omnes numero viginti recensentur. Porro de his omnibus, ac de tota Synodo alium apud veteres silentium est, licet ea ingenti episcoporum numero celebrata dicatur, videlicet Episcopis 267., atque ut aliis lubet 277., aliis etiam 284.. Primus etiam evulgavit celeberrimus deceptor Isidorus. Non eam memoravit Dionysius Exiguus, qui Romanas præsertim res evulgare conatus est. Imo & auctor libelli Synodici abs Justello, & Voello ex vetustissimo MS. evulgati tomo 2. suæ bibliothecæ pag. mihi 1166., in quo ceteroquin veteres Synodi etiam Romanæ accuratissime expendantur, hanc Synodum prorsus ignoravit. Item si loquendi formulas ibidem usurpatas considerare velimus, liquido constabit eas adeo barbaras esse, ut temporibus illis accommodari minime possint. Quis ferat hanc phrasim, *Curiam esse distam a cruce*, quasi qui in ipsam ingreditur, cruentus esse videatur, atque hac præcipue ratione a curia Clericos arcendos esse? Quid significant ea verba, quibus asseritur Sylvestrum Pontificem *fixisse canonem*? ibi: *Es fixis canonem hunc Sylvester, & omnis Episcopus adspexit*. Quid porro est canonem figere? Quid erat illa ætate Episcopis adspargeret

For-

Formularum impolitæ compositioni accedunt ineptæ quædam sententiæ, quæ in hac Synodo identidem observantur. In canone 10. hæc habentur : *Nullus etiam Episcoporum virginem sacram maritali consortio expetierit benedicere, nisi eam probaverit septuaginta duorum annorum esse constitutam*. Alia editio ita exhibet : *Nullus etiam Episcoporum virginem sacram maritali expeteret benedicere, nisi eam probaverit &c.* Quis ista percipiet? Initio actionis secundæ ante canonem 11. perhibetur, Clerum postulasse a Sancto Sylvestro, ut ordini Diaconatus Priscum, & Theodorum adscriberet, ac subditur : *Ibi autem in Thermas (Thermæ erant locus Concilii, Domitianæ scilicet, quæ postea Thermæ Trajanæ appellatæ sunt) hos duos Priscum, & Theodorum subordinavit (Sylvestro), non ordinavit, aut consecravit eos, & præter Synodum constituit*. Nullibi sane apud antiquos legitur quempiam subordinari, non ordinari, adeo ut quænam sit auctoris hujusce canonis sententia, vel eruditissimos lateat. Canon 13. hic est : *Nemo enim, nisi velamen caeleste acceperit, primum conjugii per manus Sacerdotis ad Clericatus honorem accedat*. Etiam hic hæret legentis animus, in perpendendo qualenam sit velamen illud caeleste conjugii, quo quis ornatus debet ad Clericatum accedere. In can. 11. definitum est neminem Episcopatum obtinere posse, nisi fuerit lector annis triginta, deinde una die exorcista, dein acolythus per annos decem, postea per annos quinque Subdiaconus, & per annos septem Diaconus, ut demum post adeptam Sacerdotalem dignitatem ad Episcopatum gradum faceret. Ubinam indicatur similis disciplina, per quam viri septuagenarii vix ad Episcopalem honorem admitterentur? In canone 8. præcipitur Subdiaconos continentiam observare debere, quum tamen constet ordinem Subdiaconatus ea ætate, necdum inter sacros enumeratum fuisse. Quid memorem quamplura inconcinna, incompta, inverosimilia, quæ in singulis canonibus facile ab unoquoque dignoscuntur. Addam tantummodo ea, quæ historicæ fidei, & narrationi repugnant. Huic Concilio nota Consularis adposita est his verbis : *Tertio Kalendas Junii Donno Constantino Augusto III., & Prisco Consulibus*. Nullus in Consularibus Fastis invenitur Prisci Consulatus cum Constantino. Forte id ortum habere potuit ex Scriptoris ejuspiam officiantia, ut pro *Prisco* legendum sit *Crispo*; ut enim vulgo traditur, Consulatus Augusti cum Crispo incidit in annum Christi 324. Verum hæc nodus solvendus est, cum auctor Synodi hujus, & compiler Romanam hanc Synodum asserat post Nicænam fuisse celebratam. Subscriptisse præterea feruntur huic Concilio Episcopi 284., quorum 132. numerantur ex Græcis. Quis sibi persuadeat tot Episcopos Romam convenisse, non ubi agenda esset generalis Ecclesiæ causa, sed tantummodo, ut pauca quædam, & ut plurimum ineptæ disciplinæ capita stabilirentur, qualia nunc edita legimus? Quis tot Episcopos ex Orientalibus Provinciis advenisse putet? Supervacaneum sane extitisset sequente anno aliam generalem Synodum celebrare Nicææ, ad quam non multo plures confluerunt; facile enim poterat in hac Romana Synodo in Conventu frequentissimo Græcorum æque, ac Latinorum Parrum Arii causa ventilari, ac definiri, præsertim cum & Maximi Pontificis, & Imperatoris, ut fertur, præsentia maximam auctoritatem Synodo conciliaffet. Sed præter hæc viris fide dignissimis contradicuntur in hac Synodo, in qua legitur Constantinum Romæ a Sylvestro baptizatum fuisse, quandoquidem Constantinus Imperator ab Eusebio Nicomediensi in ipsa Nicomediz Urbe baptismum suscepit, cujus rei testes sunt Eusebius in lib. 4. vitæ Constantini cap. 62., Ambrosius oratione in funus Theodosii, Hieronymus in Chronico, Sozo-

Sozomenus lib. 2. histor. cap. 34., Theodoretus lib. 1. hist. cap. 32., Cassiodorus historiz tripartite lib. 3., & Ariminense Concilium in epistola ad Constantem. Elegantissime ex his omnibus idipsum demonstrat Natalis Alexander dissert. 23. hist. Eccles. sæculi 4. Sunt demum, qui his omnibus adjiciunt, subscriptiones Episcoporum adversus veterem praxim factas esse non per nomina Ecclesiarum, quibus illi præerant, sed per propria; item inverosimile omnino esse Helenam Constantini Matrem interfuisse Concilio, quod singulare videtur, & sine exemplo; deinde probari non posse; quod ibidem refertur Presbyteros post terga Episcoporum iteisse; quum tamen Romanæ Ecclesiæ consuetudo esset, ut Presbyteri simul cum Episcopis in Conciliis sederent, quemadmodum colligitur ex Hieronymi epistola 89. ad Evagrium; & alia hujuscemodi quamplura.

Alios igitur querat sibi Mercator, quos secum ad Concilia hujusmodi suscipienda adducat. Ego tam facile indulgere non possum, ubi in contrarium vigent tot tantæque rationum momenta. Atque ex his proclive est de fragmentis Gratianis sententiam ferre, quorum alia, ut aiebam, ex epitome, sive epilogo Isidori Mercatoris deprompta sunt, alia ex ipsismet Concilii Romani canonibus. Itaque initio Isidoriani epilogi dicitur Synodum à S. Sylvestro convocatam esse, in qua consensa, & subscriptione omnium constitutum est, ut nullus laicus crimen Clerico audeat inferre, & ut Presbyter non adversus Episcopum, non Diaconus adversus Presbyterum, non Subdiaconus adversus Diaconum, non Acolythus adversus Subdiaconum, non Exorcista adversus Acolythum, non Lector adversus Exorcistam, non Ostiarius adversus Lectorem det accusationem aliquam. Hæc illa sunt, quæ Gratianus retulit in can. 2. & 10. cau. 2. q. 7., ubi tamen nonnulla supplere ex verbis nuper allatis juvabit. Interea vero unusquisque animadvertere poterit in hoc fragmento talem Ecclesiasticorum Ordinum formam præferri, qualis posteriore demum ætate obtinuit; neque enim jam antea Nicænum Concilium adeo discretos fuisse scimus Ecclesiasticos gradus, quemadmodum recentior disciplina distinxit. Auctor autem epilogi id ex Concilio isto depromsit; etenim in can. 3. ita legitur: *Postea autem fecit gradus in gremio Synodi, ut non Presbyter adversus Episcopum, non Diaconus adversus Presbyterum, non Subdiaconus adversus Diaconum, non Acolythus adversus Subdiaconum, non Exorcista adversus Acolythum, non Lector adversus Exorcistam, non Ostiarius adversus Lectorem det accusationem aliquam.* Hæc si cum verbis epilogi conferamus, liquido constabit auctorem epilogi aliquid amplius retulisse, quam quod in canone contineretur in illis verbis: *ut nullus laicus crimen Clerico audeat inferre.* Potius in Concilio legitur e converso in canone 14. *Testimonium Clerici adversus laicum nemo recipiat.* Qualitercumque vero sanctio hæc Concilio tribuatur, illud certum est Isidorum Mercatorem hæc arripuisse ex Capitulari quodam Ludovici Imperatoris circa annum 814.; etenim in legibus Longobardorum lib. 2. tit. 51. num. 12. sub nomine ejusdem Ludovici hæc leguntur: *Constitutum est, ut nullus laicus crimen Clericis audeat inferre. Testimonium Clerici adversus laicum nemo recipiat. Nemo enim Clericus, vel Diaconus, vel Presbyter pro qualibet causa intret in curiam, nec ante Judicem causam dicere presumat, quoniam omnis curia a cruore dicitur, & immolatione simulacrorum; & si quis Clericus Clericum occidens in curiam introierit, anathema suscipiat.* Nemo sane non videt multa ex istis ab Isidoro in Romanam istam suam Synodum esse translata; non enim non dubitavit impolitas quædam rudioris sæculi sententias vetustissimis Romanæ Ecclesiæ Conciliis dementissima temeritate tribuere.

Pro-

Prosequitur auctor epilogi post verba superius memorata : *Et non damnabitur Presul, nisi in 72. testibus, nec Presul summus a quoquam judicabitur, quoniam scriptum est : non est discipulus super Magistrum. Presbyter autem Cardinalis, nisi cum quadragintaquor testibus non damnabitur : Diaconus Cardinarius constitutus Urbis Romæ, nisi in 36. non damnabitur. Subdiaconus, Acolythus, Exorcista, Lector, Officiarius, nisi, sicut scriptum est, in septem testibus non damnabitur. Testes autem, & accusatores sine aliqua sint infamia, uxores, & filios habentes, & omnino Christum prædicantes. Testimonium laici adversus Clericum nemo recipiat; nemo enim Clericum quælibet in publico examinare præsumat, nisi in Ecclesia. In canonibus Concilii epilogo subiectis paullo aliter legitur, nempe in canone 3. ibi : Et non damnabitur Presul, nisi in septuaginta duobus, neque Presul summus a quoquam judicabitur, quoniam his scriptum est : non est discipulus super Magistrum. Presbyter autem (deest hoc in loco vox illa : Cardinalis) nisi in 44. testimonia non damnabitur. Diaconus autem cardine constitutus Urbis Romæ (alia editio exhibet : Cardine constitutus Urbis), nisi in 36. non condemnabitur. Subdiaconus, Acolythus, Exorcista, Lector, nisi, sicut scriptum est, in septem testimonia filios, & uxores habentes, omnino Christum prædicantes, sicut datur mystica veritas. (Et in alia editione : Sic datur mystica veritas.) Hæc sunt, quæ reulie Gratianus in can. 2. cau. 2. q. 4., & can. 9. cau. 11. qu. 1., quamquam tamen quicumque Gratiani fragmenta, sive cum Isidori epilogo, sive cum canonibus ipsi Concilio Romano adscriptis contulerit, non mediocrem descriptionis varietatem agnosceret; ac propterea ad Isidorianam editionem tanquam ad fontem suum singula ut reduceretur, omni jureturabit. Interea vero animadvertere juvet nonnulla, quibus magis magisque comprobetur Synodum hanc fictitiam esse, & nugatoris ejuspiam opus. Quis enim sibi persuadeat praxi receptum fuisse quarto Ecclesie sæculo, ut septuaginta duo testes aliquando requirerentur ad convincendum eum, qui de crimine accusaretur? Præsertim vero si de Episcopo agendum esset gravissimi criminis reo, adversus quem juxta eandem sanctionem laici testimonium non recipitur? Num in unaquaque Ecclesia Viri Ecclesiastici numero 72. reperiri poterant, quorum ope in Episcopo emendaretur, quod ob utilitatem Ecclesie maximam corrigendum foret? Quid ad hanc rem diceret Alexander III., qui in cap. 10. de testamentis Romanarum Legum consuetudinem probare non potuit, juxta quas septem testium numerus in testamentis requirebatur, ea ductus ratione, quod a Divina Lege, & Sanctorum Patrum institutis, & a generali Ecclesie consuetudine id nescitur esse alienum, cum scriptum sit, quod in ore duorum, vel trium testium stet omne verbum? Præterea mentio Presbyterorum, ac Diaconorum Cardinalium Urbis Romæ quomodo Sylvestri Pontificis ætati congruere potest? Deinde quo tendunt illa verba, sicut scriptum est, posteaquam cautum dicitur, Clericos non nisi septem intervenientibus testibus esse damnandos? Num Isidorus Mercator sese referre intendit ad aliquem canonem, quem de penu sua evulgavit antiquiori cuidam Concilio, aut Pontifici adscriptum? Demum ridiculum plane est, quod subditur, testes tales esse debere, ut filios, & uxores habeant, quasi continentes quadam infamiz nota affecti a ferendo testimonio arcerentur.*

Pergamus nunc cum Isidoro in memorato epilogo. Statim hæc subjiciuntur : *Nemo enim Clericus, vel Diaconus, aut Presbyter propter quamlibet causam intret in curiam, nec ante Judicem cinctum causam dicere præsumat, quoniam omnis Curia a cruore dicitur, & immolatione simulacrorum; & siquis Clericus accusans Clericum in curiam*

Tom. I.

I

intro-

Can. 2.  
cau. 2.  
qu. 4. &  
can. 9.  
cau. 11.  
qu. 1.

Can. 10.  
& 33.  
can. 11.  
q. 1.

*introierit, anathema suscipiat.* Hinc eruti sunt Gratiani canones 10., & 33. cau. 11. qu. 1., quanquam non eadem omnino apud Gratianum descripta verba legantur, quæ propterea ad vetustiora exemplaria, eaque magis integra redigenda sunt. Jam superius laudavi leges Longobardorum, in quibus hæc eadem sententia legitur lib. 2. tit. 51. num. 12., unde Isidorus Mercator suum hunc canonem derivasse videtur. Derivavit sane, & in canone 16. Concilii Romani ita scripsit. *Nemo enim Clericus, vel Diaconus, aut Presbyter propter causam quamlibet intret in curiam, quoniam omnis curia a cruore dicitur, & immolatio simulacrorum est. Quod si Clericus in curiam introlverit, anathema suscipiat, nunquam rediens ad matrem Ecclesiam. A communione autem non privetur propter tempus turbidum.* Similiter quædam habentur in Concilio Romano 3., quod etiam Sylvestro adscribunt, uti initio adnotabam, ibi: *Sylvester Episcopus dixit: nulli omnino Clerico licere causam quamlibet in publico examinare, nec ullum Clericum ante Judicem laicum stare. Et dixerunt Episcopi: Placet.* Atque ego facile arbitror auctorem Concilii, quod tertium vocant, esse aliam concisam editionem ejusdem Concilii, quod secundum Romanum appellant; cum in omnibus hoc tertium secundo consonet. Duo heic observanda occurrunt: primum quoad Isidorum, sive quoad Synodi auctorem, qui prorsus inelegantem, & puerilem omnino sententiam Romano Concilio adtribuit: alterum ex parte Gratiani, qui Isidorianum fragmentum non tantum retulit, sed & referendo corrupt. Arguendus in primis est Isidorus, quod anathemate perculsos adhuc tamen in communione Ecclesiastica perflittere declaraverit, quando apud veteres sive Græcos, sive Latinos gravior pœna fuisset anathema, quam excommunicatio; etenim Balsamon ad Synodum Gangrensem ita ait ex Johanne Chrysostomo: *Quid autem aliud est, quod dicitis anathema, quam diabolo hic dedicetur, & nullum salutis locum habeat?* Et in Concilio Meldensi cap. 56. statutum est ut Episcopus quidem excommunicare quempiam possit ex certa, & manifesta peccati causa; *Anathema autem sine consensu Archiepiscopi, aut Coepiscoporum, prælata etiam Evangelica admonitione, nullum ponat; nisi unde canonica docet auctoritas, quia anathema æternæ est mortis damnatio.* Arguendus præterea, quod tempus Constantini Imperatoris non dubitaverit appellare *tempus turbidum*, quum tamen nemo ex Imperatoribus usque ad annum 324., quo fertur celebrata Synodus, nemo tam Ecclesie faverit, quam Constantinus, qui etiam Principis pro danda Ecclesie pace plurimum adnitentis nomen, & laudem apud posteros meritis est. Sed & Gratianus Isidorianum canonem per imprudentiam depravavit; etenim in canone 33 pro illis verbis Isidori: *Ante Judicem cinctum &c.* hæc scripsit *ante Jualem civilem &c.* Forte ignorabat, quid designaretur nomine *Judicis cincti*. Solemne erat apud Romanos veteres cingulo donare Judices foro addictos, quod cingulum ornamenti loco esset, & quoddam velut officii insigne. Hinc legimus, quandoque Judicibus pœnam inflictam, ut cingulo privarentur, quemadmodum habetur in Novella Justiniani, cujus fragmentum sub nomine Bonifacii Papæ refertur in can. 8. cau. 11. qu. 1. Et Cassiodorus in illud Psalmi 29. *præcinxisti me latitia*, ait: *Perpende verbum præcinxisti: cingulum significat, quod ad Judicis pertinet dignitatem.... Sic enim cinctum dicimus Judicem, quando ejus fasces, honoresque declaramus.* Sidonius Apollinaris lib. 5. epist. 7. ad Thaumatum ita scribit: *Hi sunt, qui invident reverentiam Clericis, originem nobilibus, confessum prioribus, congressum equalibus, cinctis jura, discindis privilegia.* Et Ivo Carnotensis licet recentioris temporis scriptor in epistola



stola 241. legibus, inquit, prohibetur, ut Episcopus a iudice seculari ad causam Ecclesiasticam vocetur, vel civilis iudicis sententiae subijciatur. Ceterum verba illa, quæ in dicto canone 33. Gratianus retulit: Nec ante iudicem civilem causam dicere presumat, habentur quidem in epilogo Isidori, non autem in canonibus Concilii ipsius, quemadmodum ex collatione fragmentorum, quæ nuper delineabam, unusquisque facile animadvertit.

Alia Sylvestri Pontificis constituta subijcit Isidorus in epilogo his verbis: *Hic in-* Can. 46.  
de conf.  
dist. 1.  
*ter cetera prædicta omnium consensu constituit in Synodo, ut sacrificium altaris non in serico panno, aut tincto quispian celebrare presumeret, sed in puro lino ab Episcopo consecrato, terreno scilicet lino procreato, atque contexto, sicut Corpus Domini Nostri Jesu Christi in Sydone munda sepultum fuit.* Ista sunt, quæ Gratianus retulit in can. 46. de consecr. dist. 1. ex epistola Eusebii Papæ, & Sylvestri. Verum aut integrum hodie non extat Romani hujus Concilii exemplar, aut eximia est Isidori Mercatoris oscitantia, qui hæc descripsit veluti in Concilio definita, cum tamen in viginti Concilii canonibus nulla huic similis sententia inveniri possit.

Post multa in eodem epilogo hæc sequuntur: *Hic (nimirum Sylvester) in memorata Synodo constituit, omnium cum consensu, ut nullus Presbyter missas celebrare presumat, nisi in sacris ab Episcopo locis, qui sui particeps de cetero voluerit esse sacerdotii;* hæc tamen rursus, licet integra habeantur apud Gratianum in can. 15. de conf. dist. 1., desiderantur in canonibus Romanæ Synodi, ac propterea magis magisque miramur Isidorum Mercatorem talem elucubrasse epilogum Synodi, ut quæ etiam in Synodo non haberentur, adjungeret. Mihi videtur Isidorus Mercator id excerptisse ex quodam Capitulari Francorum, & de more suo veteribus Patribus tribuisse. Revera in lib. 6. Capitularium cap. 201. editionis Parisiensis anni 1677. hæc habentur: *ut nullus Presbyter sacra mysteria, nisi in locis ab Episcopo consecratis, agere presumat;* quæ postquam per Isidorum ad Romanam Sylvestri Synodum, translata sunt, a sequentibus canonum collectoribus ita laudari cæperunt, quasi primum in Romano Concilio edita, ut sic major auctoritas eisdem accederet. Ex Romano Concilio laudare cepit Regino Prumiensis in lib. 1. de Ecclesiasticis disciplinis cap. 340., & illius exemplo recentiores Collectores.

*Constituit etiam (rursus Isidorus Mercator in epilogo de Sylvestro Pontifice) nulla ratione transmarinum hominem penes nos in Clericatus gradu suscipi, nisi quinque* Can. 1.  
dist. 98.  
*Episcoporum designatus sit chirographis.* Huc pertinet canon 1. dist. 98. apud Gratianum. Sed iterum in editis Concilii Romani exemplaribus hæc desunt. Isidorus Mercator hæc eadem adtribuit Anastasio Pontifici Maximo in epistola, quam ei adjoinxit ad Germaniz, & Burgundiz Episcopos, cujus fragmentum est in can. 2. dist. 98. In editionibus Gratiani Concilium hoc Romanum appellatur *generale Concilium*, cui Sylvester Papa præsedit, quod in aliorum hujusmodi canonum inscriptionibus etiam occurrit: caveat unusquisque, ne aliquando has Mercatoris nugæ pro sacrosanctis Nicæni Concilii legibus usurpet; nullum enim aliud vere generale Concilium sub Sylvestro Pontifice dici potest, quam Nicænum.

Huc usque ea retuli, quæ in epilogo Synodi descripta sunt; sunt adhuc nonnulla, quæ in eodem epilogo non habentur, extant autem in canonibus editis ipsius Concilii Romani. Hujusmodi est canon 1. dist. 24. cujus sententia legitur in can. 9. Romanæ Synodi his verbis, ex quibus forte Gratianum canonem quis emendandum existimabit: *Nullus lektor, vel ostiarius vasa sacrata contingeret (legunt* Can. 2.  
dist. 24.  
*alii:*

Can. 2.  
dist. 45.

natione sint promovendi? Deinde vero in Concilio Romano  
mani proponat, quod longe abest ab eo, quod discutendum fuit: perat.  
In capite 17. ejusdem Concilii Romani legitur Can. 2. dist. 45. his verbis: *Nemo  
enim quemquam peccantem Clericum eade attingat, non Presbyter, non Diaconus, non  
Episcopus supra Clericum, vel Servitorem Ecclesie ad eadem perducat. Sed si ita causa  
exigit Clerici, triudo posteriori honore, ut punitentes redeant ad Matrem Ecclesiam -  
Alia Concilii editio in posterioribus verbis ita exhibet: Sed si ita causa exigit Clerici,  
duo prius honor, ut punitentes ad Matrem Ecclesiam.*  
hujus Concilii Romani, ibi: *Ira-*

*Can. 40.  
caus. 16.  
§ 7.*

Gratianum adhuc iponte nonnulla monumenta  
non ad amissum sequi voluisse.

Quatuor adhuc sunt apud Gratianum fragmenta, quæ ita laudanur, quasi ex De-  
cretis Sylvestri Pontificis Maximi deprompta. Opportunum non est alio in loco ea-  
rum expendere, vel quia a quibusdam huic, quod expendimus, Romano Conci-  
lio tribui fortasse possent; vel quia, uti demonstrabitur, S. Sylvestri Pontificis esse  
non possunt, quamobrem nihil prodesset in secunda hujus operis parte peculiariter  
de Sylvestro Pontifice differere, ad hæc tantummodo capita, quæ illius revera non  
sunt, explicanda. Primus est canon 40. caus. 16. qu. 7., cujus apud Gratianum hæc  
est inscriptio: *Ex Decreto Sylvestri Pape*. Num quispiam forte illud tribuet Sylve-  
stro II., qui vixit prope finem sæculi 10. ? Facile ab hac suspitione deflectent, si  
animadverterint verba hujus capituli in collectionibus Sylvestro II. antiquioribus fuisse  
rele-

relata. Num ergo Sylvestro I. tribuendus est canon? Ne id quidem facile admiserint, quum res, de qua ibidem agitur, Sylvestri ztati minime conveniat; sed potius octavo aut nono sæculo. Quis enim fingere poterit sæculo Ecclesiæ quarto jam plura Monasteria extitisse, eaque promiscuis commutationibus, aut traditionibus fuisse obnoxia? Scio apud Ivonem, & Burchardum canonem eundem descriptum fuisse nomine Silverii Papæ. Sed nec Silverii esse potest ob eandem rationem, quod nondum talis Silverii ztate vigeret de Monasteriis disciplina. Potius in usu fuerunt hujusmodi commutationes tempore Lotharii Imperatoris nono Ecclesiæ sæculo, quemadmodum deduci recte potest ex lib. 3. legum Longobardarum tit. 10. leg. 3. & 4., ibi: *Ut ubicunque commutationes tam tempore nostro, quam genitoris nostri legitimæ, & irrationabiles, atque inutiles in Ecclesiis Dei factæ sunt, dissolvantur, & recipiat unusquisque, quod dedit.* Omitto alia similia quamplura, cum certo certiora sint hæc apud illos, qui vel paullulum in Ecclesiastica Historia versati sunt, ut deducatur ad nonum Ecclesiæ sæculum hujus fragmenti originem referendam. esse. Itaque in primis ajo nihil referre, an canon Silverii, an Sylvestri nomine laudetur. Utra sit lectio, ementitam agnosco. Pertinet canon ad Regum Francorum Capitularia; Etenim in editione Parisiensi anni 1677. legitur in lib. 5. cap. 386. his verbis: *Nemini Regum, aut cuiquam hominum in proprium liceat Monasterium tradere, vel commutare, vel quocunque commento vendere. Hoc enim Divina, & Apostolica, atque Canonica sub anathematis pœna sanxit auctoritas. Quod si factum fuerit, non valebit; sed is, qui accepit pretium, amittat; & qui distraxit, pretium, quod accepit, in ipso Monasterio amittat, & una cum pretio Monasterium perdat, & ipsum Monasterium in primum reformetur statum.* Expendit Burchardus hunc canonem, & in suam collectionem relaturus Silverio Papæ, aut forte etiam Sylvestro adscripsit in cap. 23. lib. 3. Causam, qua Burchardus capitulum inscriptiones identidem immutaret, præsertim cum ageretur de Capitularibus Francorum, pluries jam superius attigi: Scilicet scribebat ille inter Germanos ea ztate Francis maxime infensos, nolebaturque propterea Francorum Canonum monumenta, quasi Leges Francicas servandas proponere apud suos, ne forte Collectio, quam adornabat, contentui futura fuisset. Præterea potuit Burchardus in errorem induci, quod in dicto lib. 5. Capitularium ante caput 302. hæc præponuntur: *Canones Sancti Sylvestri, & aliorum 84. Episcoporum, quæ inscriptio ad caput 302. pertinebat deproptum ex canone 3. Concilii Romani superius memorati, ac proinde facile sibi persuadere potuit frequentes canones, usque ad 386. nuper descriptum ex eadem Sylvestri Synodo esse collectos, & inter Capitularia enumeratos.* Hic tamen, quod forte pejus est, non constitit Burchardus. In ipso referendo canonis nonnulla adjecit, nonnulla detraxit hæc verbis: *Nemini Regum, aut cuiquam hominum in proprium liceat Monasterium tradere, nisi ad aliud Monasterium, vel commutare, nisi cum alio Monasterio, vel quocunque commento vendere. Hoc etiam Divina, & Apostolica, atque Canonica sub anathematis pœna sanxit auctoritas. Quod si factum fuerit, non valebit, sed ipsum Monasterium in primum reformetur statum.* Quicumque Burchardum in suis adiectionibus a deceptoris vitio & fraude purgare voluerit, dicere poterit, forte verba illa; *nisi ad aliud Monasterium &c., nisi cum alio Monasterio*, a quodam Capitularium Glossographo fuisse ad marginem primum adposita, deinde ex imprudentia in textum ipsum translata, uti aliquando in Manuscriptis Codicibus accidit. Burchardi descriptionem de more suo sequutus est Ivo Carnotensis, qui in parte 3. cap. 28. idem fragmentum Silverio Papæ

Papæ adscripsit, necnon eadem ferme verba ex Burchardo transtulit, attamen quædam adhuc voces immutavit, aut inflexit; Etenim ubi apud Burchardum, sicut & in Capitularibus, legiuntur, *in proprium liceat* &c. Ivo omiſſa particula *in*, ait: *Proprium liceat* &c. Item pro illis verbis, *quocumque commento vendere*, ipſe inquit: *Quocumque commodo vendere*. Succellit demum Gratianus, & poſtquam Canonem, non Silverio, ſed Sylveſtro potius adſcripſerit, quædam rursus omiſit præter illa, quæ jam Ivo, & Burchardus omiſcerant, videlicet ea verba: *Hoc etiam Divina, & Apoſtolica, atque Canonica ſub Anathematis pena ſanxit auctoritas*; itidem aliqua immutavit, pro illis enim verbis *quocumque commento*, ut apud Burchardum, aut *quocumque commodo*, ut apud Ivonem, ſcripſit: *Quocumque commercio*. Abſtinendum itaque erit ab his depravatis poſteriorum Collektorum editionibus, atque ad Capitularium Francorum Canonem redeundum erit, ut integra, atque perfectæ habeatur Canonis interpretatio. Poſtquam ex Imperialibus legibus Romanorum obtinuit Eccleſiis Monafteria comparari, eademque inter res ſacras, ſive religioſas recenſeri, obtinuit quoque ab humano proſus commercio exempta eſſe, reſervato favore fundatorum jure patronatus, aut favore potentum, ut ajebant, advocacione, recentiore ætate. Homines hinc quidam (homines intelligo, quales & Franci, & Longobardi in ſuis legibus intelligebant, neque enim explicandus eſt Francorum Canon, niſi juxta verborum ſignificationem, quæ in uſu erat nono ſæculo apud illos), inter quos etiam erant, qui Regaliâ feuda acceperant, utebantur poteſtate ſua in quendam Monafteriorum eorundem perniciem, eadem aliis non qualiter apud ipſos erant, ſed in dominium tradentes, commutantes, vendentesque. Quid convenientius erat, quam in publicis totius Regni comitiis, ad quæ tum Imperii Proceres, tum Eccleſiarum Antifites communi voluntate conveniant, rerum Eccleſiaſticarum utilitati lata lege conſulere, eaſdemque venditiones, ac permutationes unanimi ſuffragio interdiceret?

Can. 14.  
cau. 2.  
qu. 5.

Alterum Canonem ſcilicet 14. cau. 2. qu. 5. jam ſitis perſpectum eſt Sylveſtro Pontifici Maximo tribui non potuiſſe: Romani enim Correſtores jamdiu obſervaverunt decerptum illum fuiſſe ex Epistoſa Gregorii Magni ad Maximum Eccleſiæ Salonitanæ præſumptorem (præſumptor dicitur, quod in Salonitanam Eccleſiam improbo auſu ſeſe intruſerat), unaque eidem canoni 14. Gregorii verba ſubjecerunt, quæ ſupervacaneum eſt hoc loco deſcribere. Tantum attingam rationem, qua apud Gratianum Sylveſtro canon iſte tribui potuerit. Suſpicio ego id proſectum eſſe, poſtquam Paleæ Codici Gratiano adjectæ fuerunt. Scilicet in germano Gratiani Codice, quem nondum Palearum auctor adauſerat, poſt canonem *Presbyter* 15. ſtatim ſubſequēbatur canon *ſi malus fama* 16., qui Hincmaro Rhemenſi tribuitur. Porro in principio hujus canonis 16. hæc habentur: *Si mala fama de Presbytero extierit, & accuſatores, ac teſtes legales deſuerint* &c. Forte quidam Gloſſographus ad marginem adſcribere aliqua voluit ad interpretationem illorum verborum *teſtes legales*, cumque in Synodo Romana Sylveſtro adtributa agnoviſſet definitum numerum teſtium arg. cau. 2. qu. 4., hinc in margine adnotavit Sylveſtri nomen, ut legales teſtes illi intelligerentur, quos prædeſignaviſſe Sylveſter idem in Synodo ferebatur. Interjecti poſtea ſunt ab auctore Palearum canones 14. & 15., ac proinde marginale Sylveſtri nomen canoni 16. adpoſitum transferri facile potuit ad canonem 14., præſertim cum auctor Palearum nullo adjecto aut Concilii, aut Sancti Doctōris nomine deſcripſerit. Qui plura deſiderat ad Gregorij Magni Epistolam pertinentia, ex qua canon hic depromptus eſt,

est, ea habebit in parte II. hujus Operis, ubi diserte & de Gregorio eodem, & specialiter de ejus Epistola ad Maximum Salonitanum dissetetur.

Tertium fragmentum Sylvestro Pontifici adtributum legitur in can. 2. cau. 5. q. 2. Illud nuper typis edidit Mansius in suo supplemento editionis Venetz Labbeanz ex MS. quodam vetere Lucensis Ecclesie in additione ad Burchardum, ubi hzc inscriptio fragmenti hujus habetur: *Ex Decretis S. Sylvestri Papae. De induciis eorum, qui ad satisfactionem Canonice vocantur. Deinde nomine Sylvestri hzc sequuntur. Constituimus & anno 324. presenti Decreto censemus, ut in primis personaliter vocentur, & per septem dies expellantur, nullius Ecclesiastica rei interdicta licentia. Huic vero expellatiori iterum addantur septem dies, interdicta Ecclesiam intrandi licentia, & omnia divina officia audiendi. Post vero adjiciuntur duo dies a pace, & communione sanctae Ecclesiae suspensio; deinde vero aliis duobus diebus sub eadem expellatiori rei deportentur: Quibus uno die superaddito omni expellatiori veluti jam desperata, reus mox Anathematis gladio feriatur. Hoc sane monumentum nemo non videt nullo modo Sylvestro Pontifici tribui posse; nec enim Lucensis Codicis tanta esse potest auctoritas, ut Canonem antiquis omnibus ignotum vetustissimo Pontifici adtribuat. Præterquamquod enim hic Codex videatur non satis vetustus, ac forte Gratiano postea, quum contineat additiones ad Burchardum, ejus tamen omnino fidem suspectam facit in hac parte vel una illa adnotatio anni: *Et anno 324. presenti Decreto censemus* &c. Non erat hzc Sylvestri tempore annorum designandorum formula, sed potius nomina Consulum adscribi solebant, quemadmodum constat ex omnibus monumentis antiquis, quod ipse etiam Isidorus Mercator, licet in pluribus deceptor manifestus, in suis Epistolis observavit. Ceterum adjectio illa dierum favore reorum, qui ad judicium conventi sunt, usque ad viginti ita minutatim facta, ut primo dies septem, totidem deinde, postea duo, subinde duo alii, demum unus præfigatur, quibus elapsis sententia pronuncietur, non videtur satis apta, nec satis aliis Ecclesiasticis Canonibus conveniens. Vel enim nulla jusdicentium edita citatoria interponebantur, atque hoc videtur contrarium veterum Conciliorum, summorumq; Pontificum statutis; tria ut plurimum edita necessaria erant, ut postremum peremptorium videretur, quod liquet ex Conc. Carthagenensi III. Siricii tempore celebrato can. unico cau. 4. qu. 5., item ex Cælestino Papa in Ep. 5. ad Nestorium scribente. Itaque quamvis jam frater Cyrillus secundis te Epistolis asserat esse conventum, intelligas volo, post primam, & secundam illius, & hanc correptionem nostram, quam constat esse jam tertiam, ab universitate Collegii, & Conventu Christianorum te prorsus esse secundum, nisi mox ea, quæ male dicta sunt, corrigantur. Recentiora quoque Concilia idipsum receperunt, ut liquet ex Concilio Trojano anni 1093. sub Urbano II., in quo legitur in 2. canone: *Si quis treviam Dei fregerit, usque tertio ad satisfactionem ab Episcopo moneatur. Quod si nec tertio satisfacere consenserit, Episcopus, vel cum Metropolitani consilio, aut cum duobus, aut uno vicinorum Episcoporum in rebellem Anathematis sententiam dicat, & per scripturam Episcopis circumquaque denunciet* &c. Vel proponenda erant citatoria edita: & tum dicendum esset quinque primum edita a Sylvestro prædefinita fuisse, antequam ad peremptorium deveniretur; item ab uno ad aliud editum nimis exiguum ac breve tempus statuebatur, unus, aut duorum dierum, contra quam tum in memorato Concilio Carthagenensis canone, atque aliis Cælestini, & Concilii Trojani Capitibus Decretum fuerit.*

Ego sane hac in re, si forte quispiam postulaverit, quum nullum invenerim Generale Ecclesiæ Concilium, quod induciarum tempus & modum in causis Ecclesiasticis præstiterit, ubi diversæ Ecclesiarum consuetudines non observentur, arbitror ad Civilis Romani Juris disciplinam confugiendum esse, sive in spatio dierum concedendo, quod interfluere debet inter edicta, sive in numero edictorum præfigendo, usque donec ad edictum peremptorium deveniatur. Atque de numero dierum nulla dubitatio esse potest, ut concedatur intervallum non minus decem dierum, quemadmodum Ulpianus manifeste ait in l. 69. ff. de judiciis, quam ad omnia judiciorum genera pertinere liquet ex ejusdem legis inscriptione, deprompta enim est ex libris de omnibus Tribunalibus, in quibus quid in unoquoque Tribunali observandum esset Jureconsultus tradebat; quod etiam confirmavit Justinianus in Novella 112. cap. 3. Gravior aliquibus visa est difficultas de numero edictorum, ea de causa, quod in Romanorum legibus modo tertium, quartum modo edictum appellari peremptorium videatur. Tertium edictum peremptorium dixerunt Imperatores Diocletianus, & Maximianus in l. 9. Cod. *quemodo & quando Judex &c.*, necnon Hermonianus in l. 53. §. 1. ff. *de re judicata*. Quartum vero ita appellare Ulpiano placuit in l. 68. & 70. juncta l. 72. ff. *de judiciis*. His veterum Jurisconsultorum, Imperatorumve fragmentis quidam ita gravati sunt, ut non aliam commodam interpretationem invenerint, quam temerario ausu sponte sua fragmenta Ulpiani depravata asserendo sine exemplo aliorum Codicum. Postquam enim statuerint tertium edictum regulariter esse peremptorium ex dicta l. 53. §. 1., & dicta l. 9., hoc modo apud Ulpianum in memoratis legibus 68. & 70. legendum esse voluerunt: *Ad peremptorium edictum hoc ordine venit, ut primo quis petat post absentiam adversarii edictum primum, mox alterum, quibus propositis & tertium tunc peremptorium impetret*, quando tamen omnia Pandectarum exemplaria contrarium exhibent hoc modo: *mox alterum, & tertium, quibus propositis tunc peremptorium impetret*. Non est hoc Interpretem juris agere, sed vim facere sententiis & scripturis; quoties enim, ubi Codicum varietas nulla est, aut nulla gravissima subest ratio, facultas unicuique datur pro ingenio vel minimas literulas addere, vel detrahere, nihil adeo sanctum religioseque custoditum habebimus, quod ab imperitis hominibus temerari non possit. Sane in proposita specie ad emendationem fragmenti deveniri nequit, nisi apertissime contra integram Jurisconsulti sententiam, quoties dictæ legi 70. adjiciatur lex 72. eod. tit. utpote quæ ex eodem libro 8. disputationum Ulpiani deprompta est: Ibi scriptum est: *Nonnunquam autem hoc edictum post tot numero edicta, quæ præcesserint, datur: nonnunquam post unum, vel alterum, nonnunquam statim, quod appellatur unum pro omnibus*. Igitur aliquando unum pro omnibus datur edictum; aliquando post unum vel alterum, quod idem est, ac dicere aliquando edictum peremptorium tertium esse; aliquando vero, Ulpianus ait, datur post tot numero edicta. Quid significant hæc verba, nisi edictum peremptorium dari post tertium, atque ita edictum peremptorium quartum esse? Apertissima est demonstratio, qua eruitur in Ulpiani fragmentis memoratis quartum edictum peremptorium esse, & nonnisi maximo cum ausu temerari a quibusdam vulgatam lectionem non solum exemplaribus omnibus, verum etiam Jurisconsulti sententiæ penitus consentaneam. Ajunt illi contrarium omnino legi in l. 53. §. 1. *de re judicata*, necnon in l. 9. Cod. *quemodo, & quando Judex*. At, ipsorum venia dixerim, num quoties contraria Jurisconsultorum fragmenta videntur invicem, aut sunt, utendum erit hoc genere in-

terpretationis; ut mutilentur, atque emendicata verborum transpositione vitientur? Quoties ita est, non opus commentariis, nec longo studio, aut labore ad investigandas Jurisconsultorum sententias, quem ceteroqui maximum eruditissimus quisque ac prudentissimus semper agnovit. Itaque dixerim Ulpiani temporibus mitiorem quodammodo in hac re fuisse disciplinam fori, ut nonnisi quartum edictum peremptorium diceretur; sed deinde sub Diocletiano & Maximiano ex reorum sive conventorum perfidia, ac contumacia, edictum peremptorium fuisse tertium; atque hac ratione jam statim conciliatum video cum Imperatoribus in dicta l. 9. Ulpianum in dictis legibus 68. & sequentibus, quum Ulpianus vixerit ante tempora Diocletiani & Maximiani: Quam interpretationem etiam adjuvant verba illa legis 9. *Salubriter constitutum est*, hæc enim verba novam imperialem legem apertissime significant. Minus propterea negotium facessit Novella 112. cap. 3., unde sumta. auth. *qui semel Cod. quomodo & quando Judek*, utpote quæ hac in parte novam Diocletiani & Maximiani jurisprudentiam confirmasse videtur. Immo nec ulla difficultas suboritur ex dicta l. 53. §. 1. de re judicata; Etenim hæc auctorem habet Hermogenianum Jurisconsultum Diocletiano & Maximiano recentiorum, qui propterea juxta eorundem Imperatorum leges respondere debebat. Videbor forte digressus aliquantulum a Canonibus Gratiani, sed, ut opinor, juvare hæc plurimum poterunt, ut quis de judiciorum induciis recte differere valeat, non prout in dicto Canone 2. cau. 5. qu. 2. ex Apocryphis monumentis Gratianus arbitratus est definiendum. Juva-bit præterea fortasse etiam Juris Civilis studiosos quamplures, quotquot ad hæc mea studia mentem suam aliquando converterint, ut evitare noverint juris interpretes illos, quorum cura præcipue est in evertendis susdeque fragmentis veterum, non ratione duce explicandis.

Quædam adhuc dicenda superessent de can. 30. cau. 23. qu. 4., nisi solertia Romanorum Correctorum jam Silverio Pontifici Maximo tributum esset. Nominis si- cau. 23. militudo errori Gratiano occasionem forte præbuit. Opportunius censeo de frag- 9. 4. mento hoc in ea parte differere, in qua peculiariter de Silverio eodem a me nonnulla erunt observanda.



## CAPUT VII.

## De Concilio Nicæno I. Generali.

Optimo jure in suam Collectionem Gratianus referre debuit Nicæni I. Concilii Generalis Canones, quos nemo ex vetustis Collectoribus omisit, utpote in eo Concilio editos, quod primum omnium ex OEcumenicis fuit, fuitque omnium sequentium norma. Sunt autem sequentes.

- Can. 3. dist. 18. jungendus cum can. 73. cau. 11. qu. 3.*
- Can. 16. dist. 32. ex Græcorum sententiis, & facti circumstantiis explicandus.*
- Can. 2. dist. 47. consonat cum interpretatione Dionysii Exigui.*
- Can. 1. dist. 48. ad meliorum codicum fidem exigendus.*
- Can. 7. dist. 55. consonat cum interpretatione Dionysii Exigui.*
- Can. 1. dist. 64. paullo varius in diversis exemplaribus.*
- Can. 8. dist. 64. jungendus cum can. 1. & 6. dist. 65.*
- Can. 1. dist. 65. jungendus cum can. 8. dist. 64. & cum can. 6. dist. 65.*
- Can. 6. dist. 65. jungendus cum can. 8. dist. 64. & cum can. 1. dist. 65.*
- Can. 7. dist. 65. non satis accurate huc usque ab interpretibus explicatus.*
- Can. 3. dist. 68. nullo modo convenire potest cum Nicæno Concilio.*
- Can. 3. dist. 71. jungendus est cum can. 23. cau. 7. qu. 1.*
- Can. 1. dist. 73. de promptu ex Reginone, & Burchardo.*
- Can. 4. dist. 81. paullo varius in diversis exemplaribus.*
- Can. 5. dist. 81. paullo varius in diversis exemplaribus.*
- Can. 14. dist. 93. paullo varius in diversis exemplaribus.*
- Can. 52. cau. 1. qu. 1. ad meliorum codicum fidem exigendus.*
- Can. 8. cau. 1. qu. 7. ad meliorum codicum fidem exigendus.*
- Can. 19. cau. 7. qu. 1. ad meliorum codicum fidem exigendus.*
- Can. 23. cau. 7. qu. 1. jungendus est cum can. 3. dist. 71.*
- Can. 4. cau. 11. qu. 1. non est Concilii Nicæni.*
- Can. 73. cau. 11. qu. 3. jungendus cum can. 3. dist. 18.*
- Can. 8. cau. 14. qu. 4. idem est cum can. 2. dist. 47.*
- Can. 1. cau. 16. qu. 1. non pertinet ad Concilium Nicænum.*
- Can. 9. cau. 26. qu. 6. ad meliorum codicum fidem exigendus.*
- Can. 4. de pæn. dist. 5. accommodata interpretatione illustrandus.*
- Can. 20. de cons. dist. 1. idem est cum canone 3. dist. 68.*
- Can. 10. de cons. dist. 3. antiquissimæ disciplinæ conformis.*

**E**tiam in illis antiquissimis rebus, quas unusquisque maxima veneratione prosequutus fuerit, propterea maxima cum diligentia generaliter custoditis, locum habere debent criticorum animadversiones, unde plures apud eruditos viros disputationes emergant. Nemo est, qui Nicæni Concilii regulas, & constitutiones non receperit, imo apud nonnullos ita sanctæ, religiosæque habitæ sunt, ut ipsismet sacris



sacris literis, & Prophetarum oraculis fuerint comparatz. Verum interea novimus multa in controversiam, ac disputationem adducta, quod attinet ad tempus celebrati Concilii, seu quando primum congregatum fuerit, seu quamdiu Episcopi in Conventu perstiterint, item quod spectat ad numerum Episcoporum, aut Canonum in eo definitorum, de quibus omnibus variz sunt eruditorum non contempnendz opiniones.

Tempus, quo celebratum Concilium est, alii referunt ad annum 314., alii ad annum 315., alii ad 318., alii ad 322., alii ad 324., alii ad 325., alii demum, ut reliquos omittam, ad annum 328. Apud eruditiores hodie magis obtinuit sententia, qua dicatur anno 325. Concilium initum esse, in quem incidisse fertur Consulatus Paulini, & Juliani; hic enim Consulatus Nicæno Concilio adscribitur in actione 2. Concilii Chalcedonenfis, & apud Socratem lib. 1. cap. 9. in fine. Quamdiu vero Synodus ipsa contiterit, certum omnino non est; aliis visum fuit per sex annos, aliis per triennium, aliis per annum integrum, & menses duos. Ut plurimum vero traditur post duos tantummodo menses, & sex circiter dies Concilium fuisse absolutum, tempora numerando a die 13. Kal. Julii anni 325., usque ad diem 8. Kal. Septembris, quod ex eo potissimum demonstrant, quod Eusebius paullo post dimissum Concilium narret a Constantino celebrata fuisse Vincennalia, ita dicta, quod vicennio post susceptum imperium celebrari solent: Quamobrem cum anno 306. Constantinus fuerit Imperator salutatus, necessario infertur anno jam 326. Concilium fuisse dissolutum.

Episcopos numero octidcem supra trecentos interfuisse Concilio testis fuit, & spectator Athanasius, qui id refert in Epist. ad Jovinianum Imperatorem, & in disputatione adversus Arium; atque cum eo consonant Epiphanius hæresi 69., Hieronymus in Chronico, aliique quamplures. Sunt tamen, qui recensent tantummodo Episcopos 250., aut paullo supra, quod erunt ex Eusebio Cæsarensi in lib. 3. de vita Constantini cap. 7. & sequentibus, atque ex Eustathio Antiocheno apud Theodoretum lib. 1. cap. 8., aut etiam ex subscriptionibus Episcoporum, qui in edictis Concilii ejusdem exemplaribus numerum 318. non attingunt. Verum jamdiu ab eruditis pluribus observatum est, ea in parte mendosum, ac depravatum fuisse Eusebii locum; & quoad Theodoretum attinet, rursus traditum est corruptam fuisse numeri adnotationem; etenim cum Theodoretus idem in cap. præcedenti Nicænos Episcopos numero 318. recenset, videri non potest in cap. 8. eam Epistolam Eustathii describere potuisse, in qua pauciores enumeraret, ne parum, aut nihil fidere videretur Eustathio, qui ceteroqui Concilio præsens adfuerat. Quod demum ex actis, & subscriptionibus Concilii argumentum deducitur, exigui omnino momenti est, quoniam etiam eruditis omnibus liquet subscriptiones Episcoporum non prorsus integras esse, sed vetustate in parte perisse, quum etiam ex Provinciis Nicææ finitimis perpauci in iis enumerentur Episcopi, quos sane non est verisimile non interfuisse.

Qualiscumque vero Episcoporum numerus fuerit, illud dubitandum minime est, plurimos ex eisdem recensere posse, qui sive ob singularem doctrinam, sive ob eximiam morum integritatem, sive ob maxima in Ecclesiam merita, atque ob gravissimos pro tuenda fide exantlatos labores celeberrimam nominis famam sibi pepererunt. Omnibus perspicuissima est Osii Cordubensis in Hispania Episcopi dignitas, atque præstantia, qui Nicænz Synodo præfuit fungens legatione Sylvestri Pontificis

Maximi una cum Vito, & Vincentio Romanæ Ecclesiæ Presbyteris. Is jam sub Diocletiani persecutione constantissimus in fide Christi non solum nihil, quod sibi accidere posset, intolerandum putavit; verum etiam alitis ne extimescerent, magnitudinis, ac fortitudinis exemplum quamplurimis præstitit. Clarissimum præterea Ecclesiæ decus, atque ornamentum extitere tres Orientis Patriarchæ, Alexander Alexandrinus veterum Patrum communi suffragio laudatus, Eustathius Antiochenus, de quo ait Hieronymus, eum clarissima tuba in adversarios fidei bellum cecinisse, ærumnis, laboribus, & exilio nusquam fractum, & Macarius Hierosolymitanus, quem Arius ipse tamquam Christiani dogmatis propugnatorem, hostem semper infensissimum habuit. Ex Viris sanctissimis miraculis etiam celebres, & moribus pene Angelicis celebratissimi sunt Paphnutius Thebaidos superioris Episcopus, Nicolaus Episcopus Myræ in Lycia, quoties danda sit Baronio fides ad annum 325. n. 20. & sequentibus, Jacobus Nisibenus in Mesopotamia Episcopus, Leontius Cæsareæ Cappadociæ Præsul, ut alios præteream bene multos, ex quibus Nicænis definitionibus decus accessit, ejusdemque Concilii auctoritas ubique locorum, ac temporum maximi semper habita fuit.

Quod majus præ ceteris negotium facessit, pertinet ad numerum Nicænorum canonum; etenim Nicæni Patres licet potissimum ad damnandam Arii hæresim præcipue convenissent, occasione tamen data nonnulla Ecclesiasticæ disciplinæ capitula definiunt ad publicam fidelium omnium utilitatem, & regimen Ecclesiarum. Celeberrima est apud eruditos omnes hujusmodi disputatio ita; ut quicumque hodie vellet in hanc rem, atque in quamcumque partem rationes adducere, illudcm post Homerum canere videretur. Quamquam tamen res ita se habeat, muneri meo sane deesse, si hoc in loco rem expendendis Gratiani canonibus necessariam omitterem. Nicænos canones quamplures Gratianus descripsit; quomodo illos, qui revera Nicæni sunt, ab aliis, qui Nicænæ Synodo perperam attributi sunt, modo distinguendi erunt, nisi Nicænorum canonum numerus initio vindicaretur, ac præstaturus? Itaque de numero istorum canonum diversæ sunt eruditorum omnium opiniones; alii enim viginti tantummodo enumerant, alii usque ad 84. numerum adaugent. Singulorum argumenta expendere juvabit, & in primis illorum, qui octoginta & supra recensent. Lubens autem omitto, quod quidam ex can. 12. dist. 16. adducunt, ad exemplum 70. Discipulorum Christi Domini septuaginta Nicænos canones esse plurimum decuisse; arbitror enim rationes hujusmodi illis relinquendas esse, qui numerum Nicænorum Episcoporum ad 318. referunt, quod Abraham adversus quinque Reges electis 318. militibus prospero exitu pugnaverit, quemadmodum legitur in cap. 14. Geneseos.

Quicumque canones Nicænos 84. receperunt, in hanc opinionem præcipue adducti sunt ex Arabica quadam Nicænorum canonum versione, quam latinitate donavit post Turrianum Abrahamus Echellensis Maronita e Libano, qui præterea editionis suæ eruditam dissertationem adnexuit, ut pro eodem numero contenderet, & quidem, ut verum fatear, non contemnendis rationibus; non enim ad id comprobandum apocryphis, aut omnino incertis monumentis usus est, quemadmodum ante ipsum fecerat Turrianus. Singula Abrahami argumenta paucis perstringam. Primo asserit generaliter a Nicænis Patribus plures ac plures editos fuisse canones; vulgata enim præfatio Nicæni Concilii editionibus præfixa, quadraginta libris descriptos fuisse Nicænos actus exhibet, & Euthychius Alexandrinus Patriarcha in Chronicis

scri-

scribit quadraginta Codices conscriptos fuisse in Nicæna Synodo, in quibus Canones, & Constitutiones continebantur, quod ipsum asserit Abuharcus Habasides Mohammedanus in 2. parte Apologiz adversus Christianos, & Georgius Homaidius in parte 1. sui Chronici in Constantino. Secundo: plures adsunt, qui testati sunt se vidisse Nicænos actus ingentis molis, & quemadmodum ait Gelasius Cizicenus in preludiis ad Nicænam Synodum, qui non poterant memoria retineri; nemo enim hominum immensum illud mare omnium, quæ in eo recondebantur, memoriter in ore habere poteris, quibus consonat Photius Constantinopolitanus, asserens se librum Nicænz Historiz in tres partes distributum legisse, quod eo vel magis verosimile proficitur, quod per tres annos Nicænum Concilium constitit feratur. Tertio: verosimile esse nequit canones illos Arabicos fuisse ab Arabibus ipsis confictos, in illis enim hujusmodi continetur disciplina, quæ eorundem Arabum moribus adversatur; & nemo (scribit Tertullianus) mentitur in suum dedecus, sed in honorem. Revera in can. 44. Primatus Romano Episcopo adseritur, quem tamen Melchitz, Jacobitz, Nestoriani, Cophitiz, Abyssini, & Armeni non agnoverunt, sed & detestati sunt; quamobrem verosimile esse nequit ab Arabibus ipsis hujusmodi canonem fuisse confictum. Quarto: multa referuntur, tamquam Concilii Nicæni statuta, a Sanctis Conciliis, Patribus, ac Pontificibus, quæ non alio in loco, nisi in hac Arabica Nicænorum canonum editione leguntur. Sic in Concilio Ephesino actione 7. commemoratur privilegium a Patribus Nicænis Cypri Ecclesiæ collatum, de quo tamen sermo est in can. 43. ex Arabicis. Sub finem Concilii Chalcedonenfis Atticus retulit determinatum fuisse in Concilio Nicæno Epistolarum, quas *formatas* vocant, exemplar, de quo tamen nihil habetur in vulgatis 20. Concilii Nicæni Canonibus. Concilium Antiochenum can. 1. statuit, non licere Pascha diverso tempore facere, nec cum Judæis celebrare, sicut in Nicæno Concilio statutum est; quod tamen in eisdem Canonibus 20. minime legitur. S. Leo Magnus multa refert in Epistola 53. 54. & 55. ex Nicæna Synodo adversus Anatolium Constantinopolitanum Episcopum, qui jus supra Alexandrinam, & Antiochenam Ecclesiam sibi vindicabat, quæ tamen non habentur, nisi in canone 8., 37. & 41. versionis Arabicæ. Julius Papa multa in Nicæna Synodo statuta fuisse commemorat de Romanæ Sedis prærogativa in Epistola 1., & rescripto ad Orientales, quæ sane referri debent ad Canones 37., 44., & 71. Nicæni Concilii Arabicos. Zozimus Papa in sua Decretali, & monitorio ad sextum Concilium Carthaginense tres profert Nicæni Concilii canones, primum de Appellationibus Episcoporum ad Romanam Sedem, alterum de appellationibus Presbyterorum ad Episcopos vicinos, tertium de comitatu Principis; de his vero tantummodo agitur in canonibus eisdem Arabicis 47., & 71., item in aliis Arabicis Constitutionibus adjectis, in quibus præterea alia continentur Nicæni Concilii decreta. S. Basiliius Epist. 78. scribit in Concilio Nicæno plura edita fuisse ad correctionem noxorum, plura etiam ad præmonitionem eorum, quæ in futurum suboriri potuissent. Demum S. Augustinus Epistola 100. scribit in Nicæno Concilio prohibitum fuisse, ne duo Episcopi simul sedeant in eadem Cathedra, iniqui: *Adhuc in corpore posito beatæ memoriæ Patre, & Episcopo meo sene Valerio Episcopus ordinatus sum; & sedis cum illo, quod Concilio Nicæno prohibitum fuisse nesciebam.* Id porro prohibitum legitur in canone 54. ex relata Arabum editione. Ita ratiocinatur erudite Abrahamus, subdens laudatorum canonum non unam tantum fore ex Orientalibus editionem Arabicam, sed etiam alias, & Romæ præfer-

præsertim sex adesse editiones, quarum aliz Arabicis, aliz Syriacis, aliz Ægyptiacis, aliz Æthiopicis, aliz Chaldaicis, aliz Armenis lingua, & characteribus descriptæ sunt.

Nondum tanta hæc sunt, dixerim venia Viri præclarissimi, ut me in ejusdem sententiam trahant: Potiora quippe esse arbitror momenta, quibus alii innituntur, ut probent 20. tantummodo fuisse Nicænos canones; non sane, quod non crediderim in Arabicis Abrahami Canonibus utilia multa perlegi, atque veteri, Græcæ præsertim Ecclesiæ, disciplinæ accommodata, aut eadem maxima in parte venerabilia esse, & antiquitate, sive doctrinæ præstantia; sed quod revera omnes illi canones Nicæno Concilio tribui nequeant. Sane quum Chalcedonenſis Synodus celebrata est, sacri Antistites in eandem Synodum convenientes nihil antiquius habuerunt, quam proferre in medium canones Nicænos, juxta quos statuta sua omnino formarentur: At vero 20. tantummodo canones ex Nicænis retulerunt. Quis verosimile arbitrabitur reliquos, & quidem bene multos ita a memoria veterum Patrum excidisse, ut ex quatuor supra octoginta, viginti tantummodo memorarentur? Aut enim apud veteres illos Patres omnes iidem canones non existerant, ac tum veteres Patres iidem de improvida negligentia redarguendi essent, quatenus sacratissimos hujusmodi canones non custodivissent solertissime; aut tempore Concilii Chalcedonenſis existerant; ac tum rursus esset, in quo sacri Antistites culpam admisissent, quatenus in Canonibus recitandis plurimos prætermisissent. Præterea Romam venit ex Oriente Dionysius Exiguus, canonesque Nicænos, quales in Orientali Ecclesiâ habebantur, adtulit, quos deinde ex Græcorum exemplarium fide in suam Collectionem tranſduxit: Verumtamen non alios evulgavit, quam viginti. Quod si antiquiora etiam tempora respicimus, in Concilio Carthagenensi vulgo 6. anni circiter 419., quod propterea non longe post Concilium Nicænum celebratum est, viginti tantummodo capitula recitata sunt, quæ ibidem afferuntur reperta in exemplaribus Nicænz Synodi in Africam allatis a Cæciliano Carthagenensi Episcopo, qui & ipse Nicæno Concilio interfuerat, atque subscripserat. Immo in eadem Synodo cum suborta fuisset controversia inter Africanos Episcopos, & Legatos Zozimi Papæ de Canonibus quibusdam ab eodem Zozimo memoratis nomine Concilii Nicæni, num vera Concilio eidem Nicæno tribuendi forent, communi consensione expectata est Græcorum Patriarcharum sententia, Constantinopolitani, Alexandrini, & Antiocheni, a quibus Germana, atque integra Nicænz Synodi exemplaria postularunt. Quæ quidem transmissa fuerunt ab Attico Constantinopolitano, & Cyrillo Alexandrino Episcopis, atque ita reperta sunt, ut cum iis, quæ in Africana Ecclesiâ custodiebantur, atque in numero viginti tantummodo canonum consonarent. Testis quoque est Theodoretus lib. 1. hist. Eccles. cap. 8. in fine, ubi ait in Nicæna Synodo viginti tantummodo canones fuisse conditos. Verosimile sane non est tot sive Latinos, sive Græcos Patres, vel Historicos etiam antiquissima ætate literæ, perovisse tot canones, ut ex quatuor supra octoginta, viginti tantummodo apud illos remanserint, atque in Collectiones Ecclesiasticorum canonum isti soli tradidi fuerint.

Agnovit gravissimam hæc difficultatem Abrahamus, a qua tamen sese extricasse censuit, si affereret tantam Nicænorum canonum jacturam improbitati vetustissimorum temporum tribuendam esse, potissimum vero temeritati & vitio Arianorum esse yertendam, qui cum Nicænum Concilium penitus detestarentur, facile ejusdem

Con-

Concilii acta perdere, aut corrumpere, aut saltem decurtare potuerunt. Sed rursus palmam exinde referre non potest a ceteris eruditis Abrahamus. Pateor eo protervitatibus adduci potuisse Arianos hæreticos, ut, si valuissent, Nicæni Concilii acta depravarent: Non tamen exinde ita facile fuit, ut in omnibus ferme Christiani orbis Provinciis corruerint, una tantummodo Arabia excepta, quasi ad Arabes hæresis Ariana nusquam pervenerit, aut Arabum Codices vili hæreticis fuerint sacrationes. Quod si sexaginta, & quatuor canones perdere potuerunt, cur & reliquos viginti reliquere, quasi ex aliorum lacinis superstitibus? Præterea Abrahamus suam hanc de Nicænis Canonibus opinionem præconceptam non satis tueri hac ratione videtur, si ad rectam amissum ejusdem observatio redigatur. Ait ille: Ariani Concilium Nicænum oderunt: Etko: Non tamen oderunt in ea parte, in qua nihil ad eorundem damnationem pertinens continebatur. Gravis forte suspicio foret de Arianorum improbitate, atque perfidia, quoties ageretur de jactura canonum illorum, in quibus explicata fuerat divini Verbi natura, non autem ubi de disciplina Ecclesiastica aut instituenda, aut promovenda sermo fieret, cujus parum aut nihil eorundem Arianorum intererat. Perdidissent potius Nicænz fidei Symbolum, quod potissimum avversabantur; at quid erat peculiare in Canonibus illis quatuor supra octoginta, ex quo Arianis faciendi illorum jacturam praberetur occasio?

His omnibus nonnulla addi possunt, ex quibus constet disciplinam in Canonibus illis Arabicis definitam Nicæni Concilii temporibus minime congruere, & ad subsequentia tantummodo tempora pertinere posse. Argumentum hujus re nonnulli deducunt ex canone 53., ubi statutum legimus, ne Christianorum filiz viris infidelibus nubere; ajunt enim primis Ecclesiæ sæculis id minime obtinuisse, aut obtinere potuisse, præsertim quod sæculo posteriore noverint Beatam Monicam Augustini matrem piissimam ceteroque feminam Ethnico viro nupsisse. Me plurimum movet, quod passim in his Canonibus Arabicis mentio fiat Monasteriorum, & Abbatum, quorum ratione illa disciplina præfigitur, quæ quinto demum aut sexto sæculo viguisse fertur, quæ si forte jam Nicæni Concilii tempore obtinebat, aut ad Ægyptios, aut ad finitimos Ægyptiis referenda erat; ut propterea suspicari quisquam possit, hosce canones ab Ægyptiis primum fuisse conditos, velut ad peculiarem Ægyptiorum disciplinam accommodatos. Quid vero non probat canon 36., ubi definitur Antistitem illum, qui loco Patriarchæ est, appellari posse Catholicum? Cum tamen id Leoni Magno posteriore ætate displicuisse unusquisque noverit; nec dicendum sit Leonem Magnum Nicænz Synodi regulis, quas maxime venerabatur, voluisse in hac parte advertari. Omitto alia quam plura; ea enim facile legentium oculis occurrunt, quibus magis magisque comprobetur, Arabicos hujusmodi canones Nicæni Concilii non esse, sed Nicæno Concilio illos tantum tribui vere posse, qui ab omnibus etiam vetustissimis Collectoribus adseruntur numero viginti.

Forte quempiam movere poterunt rationes illæ, quas Abrahamus ad suam opinionem adstruendam adduxit, & quas superius paucis perstrictas attigi. Illis tamen facile unusquisque satisficiet, dummodo in primis quædam animadvertat, quæ generaliter in hac, aut simili re necessario sunt præcavenda. Tempore Constantini Imperatoris, statim ac pax fuit Ecclesiæ data, cœperunt sacri Antistites modo ad Concilia convenientes, modo extra Concilia constituti certa Ecclesiasticæ disciplinæ capita in scripturam redigere, præsertim vero postquam Nicænum Concilium celebra-

bratum est. Exemple ejusdem Concilii Episcopi ferme omnes peculiaria in suis Ecclesiis statuta ediderunt, aut ab aliis Coepiscopis accepta in suam Ecclesiam transtulerunt, quæ omnia Nicænis Canonibus juncta retulerunt in unum Codicem, quem ad instruendam rem Ecclesiasticam paratum haberent, & Clericis tanquam Ecclesiasticæ vitæ normam proponerent. Atque ejus Codicis ordo is ut plurimum erat, ut propter dignitatem Concilii Generalis, primum locum in eo darent Nicænis Canonibus, deinde aliorum Conciliorum canones Nicænis subnecterent. Hinc aliquando contingere potuit, ut canones illi, qui Nicænis adnexi, subiectique fuerunt, pro Nicænis omnino haberentur, ac laudarentur; unde tanta varietas Codicum tandem emerfit, ut modo plures, modo pauciores Nicæni canones recenserentur pro majori, vel minori numero canonum Nicænis in memoratis Codicibus subsectorum. Atque hujusmodi esse arbitror Arabicum Abrahami Codicem: Fuit is ignoti cujusdam Episcopi manu, vel mandato confectus, in quem non solum Nicæni Concilii, sed & aliarum Synodorum capita quamplura relata sunt, non quidem eodem tempore, sed sacris additamentis in dies, prout novi in dies canones in diversis Conciliis edebantur. Apud posteros autem talis apparuit Codex, ut canones omnes in eo descripti ultra numerum 80., quasi Nicæni canones viderentur, ex eo quod in eodem Codice Nicæni ipsi canones primum locum haberent. Revera quicumque Arabicam hanc Abrahami collectionem consideraverit, apertissime id omne dignoscet, cum ibidem quamplures reperiantur canones ex aliis primorum temporum Conciliis deprompti, præsertim Nicæno posterioribus, item ex variis Maximorum Pontificum, Sanctorumque Patrum sententiis congesti. Plura ibidem sunt ex Antiocheno, plura ex Laodiceno, plura ex Carthaginensibus quarti, quintive sæculi Conciliis. Nonnulla ex Hieronymo, & Innocentio I. Pontifice, ut reliquos omittam, quæ singula non alia ratione Concilio Nicæno tribui potuerunt, nisi quod Nicænis Canonibus adnexa adparuerint; eodem ferme modo, quo Gregorius Turonensis Vir ceteroquin sapientissimus in lib. 9. cap. 33. Canonem Concilii Gangrensis non dubitavit nomine Nicæni Concilii commemorare; non enim aliter id erudito viro contingere potuit, quam quod eum Codicem præ oculis haberet, in quo Gangrenses canones Nicænis subiecti legerentur, & quasi in Nicæno Concilio editi viderentur.

Quibus ita præmissis luculentius fortasse, atque uberius satisfacit argumentis Abrahami. Ut enim singillatim omnia consiciam, agebat ille in primis Nicænz Synodi acta pluribus libris comprehensa fuisse. Sed hæc parum probant; non enim exinde sequitur Nicænos canones ultra viginti editos fuisse; siquidem libri illi plures, qui ex Nicænis actibus consistunt, non tam continebant, quod in Nicæno Concilio statutum est, quam historicam quandam factorum seriem, qua quicquid ex omni parte gestum fuerit, declaratur; quæ propterea si Abrahamus cum Nicænis canonibus adnecteret, idem præstaret, quod nostra ætate quispiam alter, si Tridentini Concilii canones cum Historia Pallavicini confunderet; atque idipsum admittere cogitur Abrahamus; nam si nomine actorum Concilii canones intelligit, subditque quadraginta libros ex actis fuisse compositos, non tam ostiginta, quam supra sexcentos Concilii canones enumerare deberet. Idem ipsum dicendum erit de eo, quod secundo loco adferebatur, videlicet quamplurimum testimonio confirmari in ingentem molem excrevisse gesta Nicænz Synodi, quæ memoria retineri nullo modo possent. Hæc sane ad solos canones referri non valent, sed si vera sunt, ad fusiores Concilii Ni-

Nicæni historiam, seu descriptionem pertinebunt. Quod autem subdebatur per tres annos Concilium Nicænum perstitisse, præterquamquod pura, putaque fabella est jamdiu a viris eruditissimis agnita, parum, aut nihil facit, quum Nicænos Patres non definienda disciplinæ capita potissimum detinerent, sed potius hæresis Arii, & Arianorum contentiones acerrimæ, quibus universæ propemodum Orientis Provinciæ quassabantur. Addamus etiam, quod nuper præfatus sum, ingentia forte aliquibus visa fuisse Nicæni Concilii volumina, non quod numero plures canones Nicæni in illis existerent, sed quod Nicænis canonibus alii prope innumeri in Codicibus variarum Provinciarum adnexi fuissent ex subsequentiis Conciliis, aut recentiorum Patrum sententiis. Quæ tertio loco objecta sunt, forte locum haberent adversus illum, qui assereret Arabicos hujusmodi Canones editos fuisse ab Arabibus ipsis recentioribus, postquam a communione Sedis Apostolicæ sejuncti sunt: Mihi aliud omnino videtur, arbitranti Canones hosce Arabicos Nicænis jampridem fuisse adjectos, non deceptoris cuspispiam figmento, sed potius ex subsequentiis Conciliorum canonibus, ac doctrinis Patrum, & quidem eo adhuc tempore, quo Græci Latini & charitate jungebantur, & fide.

Gravioris momenti illa viderentur, quæ quarto loco ex Abrahamo superius adducebam; nisi statim animadverterem Abrahamum hoc in loco minus integre retulisse, quod ad rem suam facere posse arbitrabatur. Verum itaque in primis est in actione 7. Concilii Ephesini Cyprios Episcopos conquestos fuisse de Antiocheno Episcopo, quod Cypriorum Episcoporum ordinationem sibi vindicaret, & quidem Nicæni Concilii auctoritatem in medium proferebant, quæ freti Cyprios a Cypriis Coepiscopis Episcopos consecrandos esse asseriebant. At quisnam erat Nicænus ille Canon, juxta quem controversia omnis definienda erat? Non sane quispiam ex Arabicis, quem demonstraturus sit Abrahamus, sed potius est canon 6. inter viginti germanos canones, quod generatim statutum erat, ut unicuique ecclesiæ sua dignitas servaretur; atque ad hunc canonem respexisse Synodum Ephesinam luculentissime patet ex ejusdemmet Synodi verbis ibi: *Memor sit Sancta Synodus canonis Sanctorum Patrum in Nicæa congregatorum, qui conservat unicuique Ecclesiæ propriam dignitatem.* Quod de Attico dicitur, necnon de Formatis Epistolis, nimis probare videtur, nec alias eo pertinere potest, ut Arabicis canonibus fidem ullam præstare cogamus: etenim nec de Attico, nec de Formatis Epistolis in canonibus Arabicis Abrahami quidpiam continetur; unde fiet, ut exinde non Arabicam collectionem, sed quancumque aliam in indefinitum prolixiorum pro collectione Nicænorum canonum admittamus. Non est cur diutius in hac Formatarum Epistolarum materie immerer. Fusius eam persequar. ad canonem 1. dist. 73. Nec rursus est, in quo sibi blandiatur Abrahamus ex eo, quod adfert de Paschate cum judæis non celebrando adversus Asiaticos. Afferit in canonibus viginti vulgaris non reperiri, quamquam in Antiocheno Concilio referatur quasi in Synodo Nicæna constitutum. Miror tamen vehementissime, quod nec quid simile in Arabicis propositis canonibus invenitur. Quid ergo? Probavit quidem Abrahamus alios forte Nicænos canones quærendos esse, qui deperditi fuerint, nihil vero ad suam collectionem vindicandam, ac Nicænis Patribus asserendam adduxit. Ego censeo hac in re, Concilii Antiocheni Episcopos retulisse Ecclesiæ sententiam, quæ jamdiu adversus Quartodecimanos obtinuerat, quasi in Concilio Nicæno stabilitam, non quod peculiaris Nicæni Concilii canon editus fuerit, sed quod in præfatione Nicæni Concilii generaliter confirmata fuerant, quæ in

præcedentibus conciliis particularibus jam constituta habebantur, & communi Ecclesiarum suffragio recepta. Quum vero jam ante Synodum Nicenam definita esset Quartodecimanorum causa, Concilio quoque Nicæno probata videbantur, quæ ad illam concludendam jamdudum perfecta fuerant. At Concilii Antiocheni Patres, ubi canones renovantur adversus Quartodecimanos, ex Nicæno potius, quam ex alio quocumque Concilio disciplinam Ecclesiasticam illam repetere maluerunt, hujus enim Concilii auctoritati nemo erat, qui refragaretur; alias autem poterant ex Nicæno Concilio laudare, quidquid etiam generaliter fuerat in eodem Concilio confirmatum. Præterea minime faveat Nicænis Arabum canonibus, quod ex Epistolis 53. 54., & 55. Leonis Magni deducitur argumentum. Ibi conatur Sanctus Pontifex, ut ambitum coerceat Anatolii Episcopi Constantinopolitani, qui Antiochenam, atque Alexandrinam Ecclesiam suæ potestati subicere volebat, quod ex Leonis sententia Nicænis canonibus adversabatur. Et quidem recte, etiam in conspectu illorum viginti canonum, qui omni ætate Nicæno Concilio constantissime tributi sunt. Siquidem in canone 6. Nicæno legimus constitutum, unamquamque Ecclesiam dignitate sua frui oportere, ita ut nemo alienarum Ecclesiarum jura turbaret, atque perverteret. Quid igitur opus est ad explicandam Leonis Magni sententiam, ut ad Arabicos Abrahami canones nos convertamus, cum luculentissime ex solis vulgaris viginti canonibus explicetur? Epistola Julii Papæ valde infirmum Abrahamo suppeditat argumentum, cum jam liqueat eruditissimis eam apocrypham esse, atque ab Isidoro Mercatore una cum pluribus aliis posteriore ætate confictam. Quod si adhuc Isidori Mercatoris opera quidpiam probare possent, facile ejus sententia explicabitur, quin opus habeamus canonibus 37. 44., & 71. Arabicis. Quæ de Sedis Romanæ, & Apostolicæ prerogativa Mercator adduxit, & Julio adscriptis, referri merito possunt ad canonem 6. ex 20. vulgaris Concilii Nicæni, de quo fufius agam inferius ad canonem 8. dist. 64. Eadem ferenda sententia est de Epistola Zozimi Papæ, cujus auctor jamdudum agnitus est Isidorus Mercator; atque id vel ex eo ideo deducitur, quod in hac Epistola de Episcopis ad comitatum Principis proficiscentibus agatur, contra quam primis illis temporibus convenire valeret. Id vero, quemadmodum aperte demonstrat Epistolam Zozimo falso tributam esse, ita etiam docet Arabicos illos canones, in quibus similia traduntur, Nicæno Concilio tribui minime posse. Magni itidem Basilii dicta viginti Nicænis canonibus recte consonant, quin opus Arabicis canonibus habeamus. Inquit Eximius Angites ex Nicænis canonibus plures editos fuisse ad correctionem noxiorum, plures ad præmonitionem eorum, quæ in futurum suboriri possent. Id vel in solis viginti canonibus verum agnoscimus, quemadmodum abunde liquebit ex iis, quæ paullo inferius mihi erunt observanda ad Gratianos canones & Nicæno Concilio laudatos.

Unum adhuc me moratur Augustini fragmentum, quod Abrahamus ad tuendam collectionem suam adduxit. Extat illud in Epist. olim 110., nunc vero in recentioribus editionibus 213.; quum vero hæc epistola inter dubias, & incertas Augustini Epistolas ab eruditissimis recenseatur, nescio, an ex illa validum erui valeat argumentum. Sane vero admodum dissimile est Augustino de Valerio Prædecesfore suo sanctissimo scripsisse, eum ignorasse Nicænos canones, quod Episcopo turpe videbatur, & crimini verti facile poterat. Agebatur de Concilio recens celebrato, de Concilio, cujus nomen, & fama in universo Christiano Orbe erat celeberrima: Agebatur de duobus Viris sapientissimis, atque sanctissimis, Valerio, & Augustino, quorum



quorum neutri ignotas fuisse Nicænas regulas ego facile suspicari non possum. Sed elto : Germana sit, ac genuina Epistola Augustini. Refert ibi Sanctus Episcopus se meditarum fuisse jampridem de eligendo sibi Successore in Episcopatu, ac jam Eractium quendam Presbyterum designasse, quem in locum sui senescentis se adhuc vivo sufficeret, motus præsertim exemplo Valerii decessoris sui, a quo adhuc vivente & ipse Augustinus Episcopus fuerat consecratus. Dein profitetur se a suscepto consilio recedere velle, quod Nicænis canonibus id prohibebatur, atque ut Valerii decessoris sui factum excuset, concludit Nicænos canones & sibi, & Valerio seni tum ignotos fuisse. Si quispiam velit mecum in eo contendere, Augustinum de ipsismet Nicænis canonibus fuisse loquutum, demonstrabo statim canonem 8. Nicænum ex 20. vulgaris, in quo cautum est, ne duo sint ejusdem Civitatis Episcopi, atque ad hunc respexisse Augustinum dixero, quin opus habeam Arabicos canones cum Abrahamo effingere. Si vero lubeat Augustinum a supposita hac Nicænorum canonum ignoratione vindicare, quod sane convenientissimum est, ne tantam injuriam in sanctissimum Antidilem inferamus, nihil prohibebit quo minus pro Nicæno canone Antiochenum potius intelligamus. Porro in Antiocheno canone 23. definitum scimus, ne Episcopus successorem sibi eligere possit, aut designare. Insuper novum non est canones Antiochenos Nicænorum canonum nomine apud Augustinum haberi potuisse, cum canones Antiocheni in pluribus Conciliorum collectionibus subjicerentur canonibus Nicænis, cujus rei exemplum hodie adferri possit in Codice abs Justello edito nomine *Codicis Ecclesiæ universæ*, in quo memoratus canon 23. Antiochenus, refertur numero 103., cum a primo canone usque ad vigesimum Nicæni canones descripti fuerint. Quæ si Augustini temporibus contingere, potuerunt, ut sequentium Conciliorum canones, utpote Nicæni adnexi pro Nicænis haberentur, nemo est, qui Augustinum in Africa degentem non excusaverit, si Nicænos hujusmodi canones, idest ab Orientalibus adjectos post Nicænos canones ignoravit.

Post hæc facile demonstratum arbitror Nicænos canones tantum 20. numero recensendos esse, eosque solummodo certum præbere posse disciplinæ Ecclesiasticæ præsidium, cui Interpretes, ac collectores canonum tuto inniri potuerint. Quod si in expendendis Gratiani canonibus observabimus, facile germanos Nicænos canones ab Apocryphis secernemus. In eisdem tamen capitibus Gratiani sequar, quoad fieri poterit, interpretationem Dionysii Exigui, utpote quæ ut plurimum purgatio habetur, atque ceterarum interpretationum vetustissima est, & antiquissimis Græcorum Codicibus magis consona videri potest; non omitam tamen quandoque ex aliorum interpretationibus supplere, siquid Dionysianæ deficit.

Exordior a canone 3. dist. 18., quem jungere oportebit cum canone 73. cau. 11. qu. 3., uterque enim depromtus est ex canone 5. Nicæni Concilii ita descripto apud Dionysium: *De his, qui communione privantur, seu ex clero, seu ex laico ordinantur, ne, ab Episcopis per unamquamque Provinciam, sententia regularis obtineat; ut hi, qui abijciuntur ab aliis, ab aliis non recipiantur. Requiritur autem, ne pusillanimitate* Can. 3.  
*(sunt qui interpretantur: similitate), aut contentione, vel alio quolibet Episcopi vitio,* dist. 18.,  
*(sunt qui interpretantur: vel aliqua ejusmodi Episcopi acerbitate) videatur a communione seclusus.* Can. 73.  
*Ut hoc ergo decentius inquiratur, bene placuit annis singulis per unam-* cau. 11.  
*quamque Provinciam bis in anno Concilia celebrari, ut communiter omnibus simul Episcopis Provincia congregatis, discutiantur hujusmodi questiones. Et sic qui suo peccave-* qu. 3.

runus evidenter Episcopo, excommunicati rationabiliter ab omnibus assumentur; usqueque vel in communi, vel eidem Episcopo placeat humaniorem pro talibus ferre sententiam. Concilia vero celebrentur, unum quidem ante Quadragesimam Paschæ, ut omni dissensione sublata munus offeratur Deo purissimum: secundum vero circa tempus autumnii. Sic ad meliores Codices redacta duo Gratiani fragmenta, claram exhibent Nicænorum Patrum sententiam, qua christianæ unitatis ergo cautum fuit, ut quicumque ab uno Episcopo damnatus esset, tanquam damnatus ab aliis Episcopis haberetur; at si forte suspicio suborta fuisset, Episcopos quosdam in inferenda excommunicationis pœna excessisse, non aliter res definiretur, quam in Conciliis, propterea bis in anno in posterum celebrandis. Duplex hujus decreti causa fuit, sive occasio: Primam dedit Arius, alteram Meletius. Arius Alexandrinus in primis excommunicatus ab Alexandro Episcopo Alexandrino, ab aliis Episcopis receptus fuerat in communionem, præsertim ab Eusebio Nicomediensi. Meletius Lycopolitanus in Ægypto Episcopus a Petro Alexandrino in Synodo depositus fuerat iustis de causis, quas refert Socrates lib. 1. cap. 6., apud alios vero Episcopos communionem obtinuerat; quæ sane in maximam Episcoporum injuriam, & reorum damnatorum audaciam confirmandam fieri videbantur; quamobrem Nicæni Patres sanxerunt meritisimo non aliter communicandum esse cum iis, qui a suis Antistitibus excommunicati fuissent, nisi primum in Conciliis eorundem causa discussa fuisset, & de excommunicationis iniquitate constitisset. Porro ad Conciliorum convocationem duo anni tempora ex Græcorum disciplina fuisset præfixita apud veteres non uno ex loco dignoscimus. Video tamen diversitatem quandam inter Nicænum hunc canonem, & canones aliorum Conciliorum: etenim in hoc Nicæno canone determinatur tempus ante Quadragesimam Paschæ, necnon tempus Autumnii; at vero alibi tempus Paschale, idest tempus post Pascha una cum tempore autumnali designatum est, ut in Concilio Antiocheno anni 341. can. 20., & in canonibus Apostolicis can. 38., ex quibus sane colligere possumus, qualis fuerit in hac parte disciplina Græcorum etiam quarto sæculo, & fere statim post Concilii Nicæni celebrationem. Quid ergo? Num forte aliter Antiochenis Patribus post annos 16. placuit, quam Nicænis placuerat? Id facile & gravis cuiuspiam judicis non accedente sententia non admiserim; etenim agitur de statuto Nicæni Concilii Generalis, quod non procul ab ea præteritum conditum fuerat, quod propterea immutare nefas videri potuisset Antiochenis Episcopis, præsertim quod tum Ariani acerrime odissent Nicæni Concilii statuta, eorundemque improbitatem adjuvare, aut exemplo suo confirmare visi fuissent Antiocheni Patres, si quod apud Nicæam saluberrime constitutum fuisset, innovare non dubitassent. Dixerit forte quispiam per hæc non immutata omnino fuisse Nicæna capita, sed potius unum ex Nicænis capitibus ad disciplinam ecclesiasticam pertinens commodè in Antiochena Provincia non potuisse fervari, jure propterea, & merito opus fuisse nova Provincialis Antiocheni Concilii dispositione, per quam non tam immutatio, quam moderatio Nicæni canonis fieret. Vero quidem similia sunt hæc, sed nondum me in eam sententiam adducere possunt, ut arbitrer tam brevi temporis intervallo quidpiam Nicænis canonibus fuisse derogatum; eo vel magis quod noverim Antiocheni Concilii providentiam non tam obtinuisse in Antiochena Provincia, sed etiam in aliis Provinciis Orientalibus, in quibus ea jurisprudentia, quæ canonis Antiocheno consonabat, ex canonibus Apostolicis profecta fuisse prædicabatur; quemadmodum enim superius observabam, idem inter canones vulgo Apo-

Apostolicos legitur, quod in canone Antiocheno. Porro, cum Apostolici canones etiam antiquissimis sæculis magno in pretio, atque honore haberentur apud Græcos, facile est ostendere disciplinam Apostolicis canonibus stabilitam generaliter in Ecclesia Græca fuisse receptam, receptamque propterea quæ in dicto Antiocheno canone contineretur, cum Antiochenus canon cum Apostolico consonet. At durum mihi, & asperum est hanc de Orientali Ecclesia opinionem concipere, ut arbitrer eam exiguo tempore à Nicænis regulis recessisse. Itaque potius censerem Nicænum canonem memoratum intelligendum esse de Conciliis celebrandis non ante Quadragesimam Paschatis, sed ante Quadragesimam Pentecostes; duplex enim apud Viros Ecclesiasticos præsertim veteres dicta est Quadragesima, Paschatis alia, alia Pentecostes. Revera si animadvertamus ad illa verba Nicæni canonis, *ut omni diffensione sublata munus offeratur Deo purissimum*, quis non videat hæc referenda potius esse, ad solemnitatem Pentecostes, ideo a Deo institutam, ut novarum rerum primitiæ offerrentur juxta ea, quæ habentur in Deuteronomio cap. 16. vers. 10. ? Agnosco quidem aliter haberi apud nonnullos seu veteres, seu recentiores interpretes; nam Dionysius Exiguus aperte ait: *unum quidem ante Quadragesimam Pasche*; necnon Iosephus Ægyptius in sua Paraphrasi Arabica scribit: *Et prima quidem tempestas, quæ est ante magnum, sanctumque jejunium, constituitur*. Verum non desunt Interpretes alii, qui simpliciter scripserunt: *Habeatur autem semel Concilium ante dies Quadragesimæ, ut &c.* quemadmodum legitur apud Isidorum Mercatorem; aut his verbis: *una quidem ante Quadragesimam &c.*, quemadmodum apud Gentianum Hervetum, qui ad Græca exemplaria se interpretationem exegisse professus est, quemque eruditi alii sequuti sunt, apud quos sermo non est de Quadragesima Paschatis, sed absolute de Quadragesima, atque horum omnium interpretationi potius morem gerere non dubio, quoties hæc in causa est, cur veteres canones & Nicænos, & Antiochenos invicem consonos agnoscam, quæ deinde postposita non levis nota inferenda sit vel Nicænis Patribus, vel Antiochenis: vel Nicænis, inquam, quod forte eam improvide constituerint disciplinam, quæ post breve temporis spatium immutanda fuisset; vel Antiochenis, quod Nicæni Concilii canonibus sanctissimis derogare ausi fuerint.

In can. 16. dist. 32., qui est tertius ex Nicænis, videtur sequutus Gratianus versionem Dionysii Exigui, quæ ita exhibet: *Interdixit per omnia magna Synodus non dist. 16. Episcopo, non Presbytero, non Diacono, nec alicui omnino, qui in Clero est, licere subint. 32. introduitam habere mulierem, nisi forte matrem, aut sororem, aut amitam, vel eas tantum personas, quæ suspiciones effugiunt*. Inquirunt nonnulli, quid significetur nomine *subintroduitæ* mulieris. Arbitrantur aliqui eo nomine designari aut uxorem, aut concubinam, & quidem ita etiam quosdam ex Græcis sensisse testatur Balsamon in notis ad hunc canonem, quibus tamen non consentit. Quotquot ex interpretibus vim Græcæ vocis latine expresserunt, mulierem *introduitam*, aut *subintroduitam* appellaverunt, uno excepto Isidoro Mercatore, qui appellavit mulierem *extraneam*, quo modo etiam canonem explicavit Iosephus Ægyptius in sua Paraphrasi Arabica. Ego putaverim non aliter attingi posse germanam Nicæni Concilii sententiam, nisi ad mores quorundam Clericorum, quales erant eo tempore, respiciatur. Adparent ii forte ex canone 18. Concilii Ancyranı paullo ante Nicænam Synodum celebrati, in illis verbis: *Virgines autem, quæ conveniunt cum aliquibus tamquam sorores, habere prohibemus*. Erant tunc temporis Clerici quidam, qui ad res domesticas, & familiares

liares administrandas mulierem quodammodo cœlibatus sociam, & veluti forem inducebant, & quidem innuptam, non sobolis procreandæ causâ, neque ut pravæ libidini indulgerent. Has Epiphanius hæresi 63. *agapetas* appellabat, eodemque nomine vocavit Hieronymus in Epist. ad Oceanum de vita Clericorum ita scribens: *Pudet dicere, prohi nefas! triste, sed verum est: Unde in Ecclesias Agapetarum pœsis intravit?* Unde sine nuptiis aliud nomen uxorum? Immo unde novum concubinarum genus? Videsis ejusdem Epistolam ad Eustochiam de custodia virginitalis. Hujusmodi ergo mulieres quasi sorores habebantur, quæ assiduo, aliquando etiam prætextu pietatis, ac religionis, consortio una cum Episcopo, aut Clericis fruebantur; quod quidem cum aliquando miserandam castimoniz jacturam adferret, visum est Sanctis Patribus salubri constitutione emendare: quorum exemplo idem sanxerunt Imperatores Honorius & Theodosius in l. 19. cod. de Episcopis, & Clericis ibi: *Eum, qui probabilem sæculo disciplinam agit, decolorari consortio foreræ appellationis non deest &c.*, quod renovatum est abs Justiniano in Nov. 123. cap. 29. Verum hæc interpretatio ex eo probabilior etiam videbitur, quod conveniat causis, ex quibus adducti sunt Nicæni Patres ad eam edendam constitutionem. Leontius quidam Presbyter cum Eustolia adolescentula cohabitabat, quam virginem esse prædicabat, bonifque moribus ornata, uti scribit Athanasius in Epist. ad solitariam vitam agentes, & Theodoretus in lib. 1. Histor. Eccles. cap. 24.; nihilominus viris probis id visum inconveniens fuit, præsertim cum vulgari fama traderetur eundem Leontium sponte genitalia sibi abscondisse, ut eadem adolescentula liberius uteretur. Conventientissimum propterea judicarunt Nicæni Patres, Clericis omnibus interdicendum esse, ut ab hujusmodi mulierum familiaritate abstinerent. Ceterum qui de uxoris rejciendis hunc canonem intelligunt, parum, ut mihi videntur, mentem Concilii attigerunt; etenim nemo ignorat in Nicæno Concilio generatim Sacerdotibus, Diaconis, aut etiam inferioribus Clericis præstitutam non fuisse continentiz legem. Ea primum Nicænis Patribus mens fuerat, ut de Sacerdotum, ac Diaconorum castimonia sandio ferretur, sed post contrariam Paphnutii disputationem a nova ferenda lege temperatum est, teste Socrate lib. 1. cap. 8., & Sozomeno lib. 1. cap. 22.

Can. 2. Canon 2. dist. 47. consonat omnino cum interpretatione Dionysii Exigui ad ca.  
dist. 47. nonem 17. Nicænum. Apud alios eadem omnino sententia latine redditur, nisi forte quispiam diversitatem rei adnotet in hisce vocibus *sepsupla*, quæ a Dionysio, & *sepsualtera*, quæ ab aliis usurpantur. Meo sane judicio nulla est harum vocum in significatione diversitas: utraque hemiolia significat. Hemiolium veteres dicebant, quo significaretur quantitas integra alicui restituenta, addita dimidia similis quantitatæ parte. Hinc Aulus Gellius lib. 18. Notitium Atticarum cap. 14. ait: *Est autem Hemiolius, qui numerum aliquem totum in se habet, dimidiumque habet ejus, ut tres ad duo, quindecim ad decem, triginta ad viginti;* & Macrobius in Somnio Scipionis lib. 2. cap. 1. *Hemiolius est, cum de duobus numeris major habet totum minorem, & insuper ejus medietatem, ut sunt tria ad duo.* Centesimæ autem usurz, quarum mentio fit in canone, erant, quibus centesima pars totius quantitatis mutuo concessæ solvebatur in præmium mutui; hac tamen distinctione inter centesimas, & hemiolia, quod hemiolia solvebantur finito mutuo, sive post illud tempus, ad quod pecunia mutuo data fuerat, & quidem una tantum vice; at centesimæ mutuo manente præstabantur singulis mensibus, ita ut singulis centum mensibus usurz sortem ipsam æquarent. Et quidem verus fuit consuetudo, qua creditores singulis mensibus usuras a debi-

a debitoribus exigent, ad quam respiciens Ambrosius in lib. de Tobia cap. 12., inquit: *Veniunt Kalendæ: parit fors centesimam. Veniunt menses singuli, generantur usuræ.* Sive ergo de centesimis, sive de hemioliis ageretur, utrumque interdendum erat Clericis, ne forte negotiosis hujusmodi lucris intenti a sacris Officiis mentem, ac curam omnem distraherent. Clerici hoc in loco ita appellantur: *multi sub regula constituti*, sive ut alii græcam formulam retinentes habent: *Niulti, qui in Canone recensentur.* Et rectius: etenim quod Græci canonem vocant, aliquando nos regulam dicimus, aliquando cathalogum, sive matriculam quandam, in qua nonnullorum nomina peculiariter describuntur, at vero apud veteres quotquot ordinabantur, Ecclesię cuiuspiam addicti erant, adscriptique, unde etiam hodiernis temporibus Canonicos appellamus.

In describendo canone 2. ex Nicænis usus est Gratianus Isidori Mercatoris interpretatione in can. 1. dist. 48. Subjiciam ego interpretationem Dionysii Exigui. Ita habet Dionysius: *Quoniam plura aut per necessitatem, aut alias cogentibus hominibus* (recentiores quidam ex græco textu ita verterunt: *vel urgentibus aliqui hominibus*) *adversus Ecclesiasticam facta sunt regulam, ut homines ex gentili vita nuper accedentes ad fidem, & instructi brevi tempore, mox ad lavacrum spirituale perducerent, simulque ut baptizati sunt, etiam ad Episcopatum, vel ad Presbyterium promoverent; optime placuit, nihil tale de reliquo fieri. Nam & tempore opus est ei, qui catechizatur, & post Baptisma probatione quamplurima. Manifesta est enim Apostolica Scriptura, quæ dicit: non neophytum, ne in superbiam elatus in judicium incidat, & laqueum diaboli. Si vero processu temporis aliquod delictum animæ circa personam reperitur hujusmodi, & a duobus, vel tribus testibus arguatur, a Clero talis abstineat. Si quis autem præter hæc fecerit, quasi contra magnum Concilium se efferens, ipse de clericatus honore periclitabitur.* Clara est hujusmodi definitio, in qua illud unum forte difficultatem facere poterit, ubi abstinere jubetur a Clero, quicumque *delictum animæ* admitterit. Apud Gratianum legitur: *mortale peccatum*, & quidem juxta quasdam editiones Isidori Mercatoris. Gentianus Hervetus cum aliis Græci textus Interpretibus scripserunt: *animale peccatum*. Justellus in editione codicis Ecclesię universę tribuit asserit: *animi peccatum*. Josephus Ægyptius in sua Paraphrasi Arabica ita eadem verba latius expendit: *Si vero multo ei temporis elapso, tunc demum peccatum animale, non corporale in eo perspicue deprehendatur, veluti infirmitas religionis, aut neglectus ipsi incumbentis officii, aut hæreticorum, idest contradicentium opinionis confessio &c.* Græcorum veterum opiniones in hac re Balsamon, & Zonaras retulerunt. Balsamon in primis ait: Cum vero hic canon puniat, quæ post Baptismum exortitura sunt, animalia peccata, quæsi verunt nonnulli, quænam sunt peccata animalia, & cur animalium peccatorum meminit canon, & non corporalium. Et nonnulli quidem dixerunt animalia esse peccata, quæ ex animæ perturbationibus, ut ex superbia, & inobedientia, & aliis ejusmodi nascuntur, ea enim deponunt: ut Novatianorum hæresis, & a nuptiis, & carnis usu importuna abstinencia, ut vult. quintus canon Apostolicus, & alii. Ego autem dico, quod omne peccatum, quod adfert perniciem animæ, animale vocatur, sive ex corporali, sive ex animali appetitione principium accipiat. Propterea enim omnia peccata animalia lapsus vocat Ecclesia. Zonaras postquam memoratas a Balsamone sententias recensuerit, ita subdit: Ego vero ita censeo peccata omnia, propterea quod ex depravatis animæ facultatibus ortum ducunt, animalia merito dici posse &c. Mihi videtur Nicænorum Patrum sententiæ convenientius dicere, æquum illis fuisse de criminalibus, quibus

Can. 1.  
dist. 48.

quibus eum, qui Episcopatu insignitus est, postquam recens fuerit baptizatus, constet non satis a gentium superstitionibus fuisse remotum; siquidem non alia de causa vetitum est, ne Episcopatus Neophitis concederentur, nisi quod nondum satis de eorum fide, atque in fide constantia liquere poterat. Dux Nicæni canonis partes sunt. In priore futuris Episcoporum ordinationibus consulitur, ut scilicet de cetero nullus ex Neophitis consecratur. In posteriore respicitur ad ordinationes Neophitorum jam factas, quæ licet non rescindantur æconomiz causa, tamen animadvertendum in illis volunt Nicæni Patres, ut a Clero cesset is, qui, postquam Sacerdotium adeptus est, animale peccatum, seu peccatum animi admisit, videlicet talem se operibus suis exhibuerit, ut non se verum fidelem, & christianum ostenderet, sed veteri hæresi suæ adhærere adhuc aliquatenus videretur.

Con. 7. Superius animadverteram ad canonem 16. dist. 32. fuisse Nicæni Concilii tempore Leontium quendam Presbyterum, qui inhonestus, aut saltem suspectus consuetudinis accusatus cum Eutholia adolescentula, quam contubernalem habebat, virilia sibi amputaverat, ut sic eadem liberius frueretur. Graviter ipse ab Euthasio Antiocheno Episcopo reprehensus sese Arianis adjunxerat, quorum ope sedem Antiochenam per vim invadere tentavit; quemadmodum refert Athanasius in Apologia de sua fuga in sine, & Socrates lib. 2. cap. 21., necnon Theodoretus lib. 2. cap. 24. Id occasionem dedit Nicænis Patribus, non solum interdicens Clericis omnibus mulieres contubernales dicto canone 16. dist. 32., verum etiam decernendi, nequis ulla necessitate succedente, aut ulla Barbarorum vi abscissus, in clerum reciperetur; quod cautum voluerunt in canone 1. relato apud Gratianum in can. 7. dist. 55. Forte etiam eidem disciplinæ stabilientiæ occasionem præbere, aut jam datam urgere potuit vulgatissimum illud Origenis factum, qui, referente Eusebio in lib. 6. historiz, Epiphania hæresi 58., & Hieronymo de Scripturis Ecclesiasticis in Alexandro, cum seminarum consortia frequentaret, quas se in divinis rebus erudire assererat, ad amovendam suspensionem omnem virilia sibi amputavit, ad rem hanc detorquens illud Evangelii: *Sunt Eunuchi, qui se ipsos castraverunt propter regnum Cælorum*. Ferendum id diutius a Viris Ecclesiasticis non erat, quod etiam Romanorum antiqua jura prohibebant l. 4. §. 2. ff. ad leg. Cornel. de Sicar., constitutionibus Imperatorum deinde confirmata l. 1., & 2. cod. de Eunuchis, & Novella Justiniani 142.. Gratianus in dicto can. 7. dist. 55. sequutus est interpretationem Dionysii Exigui, cum quo omnino consonat, si pro voce illa *excisus*, quæ legitur apud Gratianum, legatur *abscisus*, uti in omnibus Dionysianis editionibus. Atque hæc quidem sententia minime discrepat ab interpretatione Isidori Mercatoris, nec ab interpretatione Gentiani Herveti, aliorumque, qui Græcum textum latinitate donarunt.

Con. 2. In canone 4. Nicæni Concilii constitutum fuisse observamus, Episcopum debere, ab omnibus, qui in Provincia sunt, Episcopis, præsertim vero a Metropolitanano ordinari, quod refert Gratianus in can. 1. dist. 64. sequutus Isidorum Mercatorem prioribus exceptis verbis, quæ Isidorus ita descripsit: *Episcopum oportet ab omnibus Episcopis, si fieri potest, qui sunt in Provincia ejus, ordinari. Si vero hoc difficile fuerit* &c. Paulo aliter Dionysius Exiguus Nicænorum Antistitem sententiam explicavit his verbis: *Episcopum convenit maxime quidem ab omnibus, qui sunt in Provincia, Episcopis ordinari. Si autem hoc difficile fuerit, aut propter instantem necessitatem, aut propter itineris longitudinem, tribus tamen omnimodis in idipsum convenientibus, & absen-*

absentibus quoque pari modo decernentibus, & per scripta consentientibus, tunc ordinatio celebraretur. Firmitas autem eorum, quæ geruntur per unamquamque Provinciam, Metropolitanis tribuatur Episcopo. Paulo etiam discrepat interpretatio Gentiani Herveti, atque aliorum, qui ad Græcorum Codicum fidem singula exigere conati sunt, ibi: Episcopum oportet maxime quidem ab omnibus, qui sunt in Provincia, constitui. Si autem sit hoc difficile, vel propter urgentem necessitatem, vel viæ longitudinem, tres omnino eundem in locum congregatos, absentibus quoque suffragium ferentibus, scriptisque assentientibus, tunc electionem fieri; eorum autem, quæ sunt, confirmationem in unaquaque Provincia a Metropolitano fieri. Huic sanctioni, qualibuscumque verbis describatur, occasionem præbuisse videtur Meletius in Thebaide Episcopus, qui, ut refert Epiphanius hæresi 68., schismate concitato adversus Alexandrinum Patriarcham, cui subdebatur, cœpit per finitimas Provincias iter faciens, plures solus Episcopos ordinare in gravissimum Ecclesiarum detrimentum, ac præcipue ad disciendam Ecclesiarum unitatem. Quamobrem optimum consilium Nicænis Patribus visum est, ut nemo ex Episcopis sine ceterorum consensu Episcopos constitueret.

Ad obtinendam hujus canonis accommodatam interpretationem plurimum invicem dissident tum Græci, tum Latini Interpretes. Ex Græcis potissimum Balsamon non asserit per hanc canonem novam abrogata veterem disciplinam inductam fuisse; quatenus olim Episcopi ex suffragio populi electi haberentur, solaque Episcoporum Comprovincialium, & Metropolitanorum confirmatio accederet, & subsequeretur consecratio; deinde vero per hunc Nicænum canonem plebi, seu populo adempta electio fuerit, ne forte seditionibus locus fieret, solique Episcopis Comprovincialibus omnia reservata extiterint. Et quidem in Balsamoni sententiam plures ex Latinis iurant; quibus tamen omnibus live ex Latinis, live ex Græcis quamplures adversati sunt, asserentes in hoc Concilio, & canone ne unum quidem apicem recessum fuisse a veterum electionum, & consecrationum consuetudine. Stephanus Baluzius in dissertationibus Petri de Marca de concordia Sacerdotii, & Imperii lib. 6. cap. 2. num. 10. scribit, Canonem quartum Concilii Nicæni non tribuere Episcopis jus electionis, sed consensus tantum, aut confirmationis, & auctoritatem ordinationis. Quamquam parum sibi constans fuisse videtur, quippe in lib. 8. cap. 2. ait: Ceterum si negotium istud referatur ad primam originem, morumque vetustæ Ecclesiæ, & antiquorum canonum ratio habeatur, constans est illa sententia, quæ solum testimonium, & consensum designandi Episcopi Cero, & populo tribuit, ipsam vero designationem, sive electionem, & juxta tum Metropolitanam una cum Synodo Provincialium Episcoporum. Varix huic Nicæni canonis interpretationi occasionem dederunt varix Latinarum editiones; in aliis enim legitur ordinari, in aliis constitui. Porro verbum constitui videtur latiore significationem habere, ut & electionem, & confirmationem, & consecrationem Episcoporum complectatur; at verbum ordinari potius solam Episcoporum consecrationem proprie designat. Non aliunde arbitror desumendam esse Nicænorum Patrum sententiam, quoties de vi etiam Græcæ dictionis dubitatur, quam a veteri Ecclesiæ disciplina, quæ Concilium ipsum præcettis; item a causis ipsis, quibus moti fuerunt Nicæni Patres ad novum edendum canonem; demum a disciplina Ecclesiastica, quæ in eodem re post Concilium Nicænum obviavit. Porro si antenicænæ disciplinam respiciamus, eam nobis liquido exhibet Cyprianus, non quidem quasi peculiarem Ecclesiæ Africanæ, sed generalem in uni-

versis ferme Provinciis receptam, ita scribens in Epist. 68. ad Clerum & Plebem in Hispania: Propter quod diligenter de traditione Divina, & Apostolica observatione observandum est, & tenendum, quod apud nos quoque, & fere per Provincias universas tenetur, ut ad ordinationes rite celebrandas ad eam plebem, cui praepositus ordinatur, Episcopi ejusdem Provinciae proximi quique convenient, & Episcopus deligatur plebe praesente, quae singulorum vitam plenissime novit, & uniuscujusque alium de ejus conversatione perspexit. Quod & apud vos factum videmus in Sabini Collegae nostri Ordinatione, ut de universae Fraternitatis suffragio, & de Episcoporum, qui in praesentia convenerant, quive de eo ad vos literas fecerant, judicio, Episcopatus ei deferretur, & manus ei in locum Basilidis impingeretur. Ex quibus sane deducitur, ante Nicenum Concilium a Clero potissimum & Coepiscopis Provincialibus eligendum fuisse Episcopum, plebe tamen praesente, & testimonium de moribus electi ferente; deinde vero confirmatam electionem Episcopi in Concilio ipso Episcoporum fuisse, eodemque etiam tempore novum Episcopum consecratum. Nihil horum mutatum habemus in ipso Niceno canone, quorumque canonis editio attendatur, sive verborum significatio germana observetur, sive causae canonis, ex quibus potissimum meo judicio commodior innuitur interpretatio. Causa canonis, ut superius aiebam, suborta est ex Meletio Thebaidis, qui solus sine Coepiscopis aut concitandis, aut fovendi Schismatis animo Episcopos consecrabat. Satis erat Nicenis Patribus constituere, ut confirmatio, & consecratio Episcoporum ab omnibus Provinciae Episcopis facienda praescriberetur, non opus fuerat plebem a testimonio ferendo subducere; imo etiam plurimum interesset poterat adversus Meletium eundem plebis admissio, quatenus eo modo claudelint, & Meletianae ordinationes Episcoporum magis magisque interdicerentur. Demum & ex posterioribus Conciliorum sanctionibus datum locum fuisse populo, ut Episcoporum electionibus interveniret testimonii ferendi causa, agnoscimus facile ex iis, qui hanc rem demonstrandam latius susceperunt, inter quos est Petrus de Marca in memorata editione lib. 6. de Concord. Sacerd., & Imper. cap. 2., & Vvanespens Parte 1. Juris Eccles. universi tit. 13., demonstrant enim populum in Oriente admissum fuisse usque ad Concilium Nicenum 2., in Occidente vero usque ad saeculum 12. Frustra huc adferrem & canones latos, & exempla, quae apud eosdem Scriptores facile legi possunt.

Con. 8. Jungendi simul sunt apud Gratianum canon 8. dist. 64., & canones 1. & 6. dist. 65., omnes enim ex eodem canone 6. Niceni Concilii deprompti sunt. Verba haec sunt ex Dionysio Exiguo: Antiqua consuetudo servetur (hic est canon 6. dist. 65.) per Aegyptum, Ilybiam, & Pentapolim; ita ut Alexandrinus Episcopus horum omnium habeat potestatem; quia & Urbis Romae Episcopo parilis mos est. Similiter autem & apud Antiochiam, ceterasque Provincias, suis privilegia serventur Ecclesiis. Illud autem (is est canon 8. dist. 64.) generaliter clarum est, quod siquis praeter sententiam Metropolitanis fuerit factus Episcopus, hunc magna Synodus dehnivit Episcopum esse non oportere. Sin autem (is est canon 1. dist. 65.) communi cunctorum decreto rationabili, & secundum Ecclesiasticam regalam comprobato, duo aut tres propter contentiones proprias contradicunt, obtineat sententia plurimorum. Canonem hunc nemo non fidet ob idem, de quo superius verba feceram, Meletii Schisma editum fuisse; quum enim ipse contemta Alexandrini, cui suberat, Patriarchae auctoritate Episcopos solus ordinasset, opus fuit ita decernere ad factam testamque servandam uniuscujusque Archiepiscopalis potestatem, ut & Patriarcha Alexandrinus ab Episcopis suae jurisdictioni subje-

dis



ais honoraretur, & generatim nequis sine auctoritate Metropolitanis, quæ tum in Provincialibus Conciliis ut plurimum interponi solebat, quæpiam Episcopum constitueret. Hæc est germana Nicæni canonis interpretatio; a qua longe, & toto cælo distant quicumque ex hæreticis recentioribus adversus Romanam Pontificis Maximi Sedem scripsere. Ajunt illi hoc canone Primatum Romanæ Ecclesiæ prorsus fuisse improbatum, dum non alia auctoritas Romanæ Urbis Episcopo asseritur, quam Alexandrino, aut Antiocheno, aut aliarum Provinciarum Episcopo competat; ut quemadmodum Antiochenus, aut Alexandrinus Episcopus, aut quicumque Metropolitanus nullam aliam majorem explicare jurisdictionem possunt, quam in Provincia eisdem peculiariter assignata; ita quoque Romani Pontificis auctoritas solis Romanæ Provinciæ, aut Romani Patriarchatus finibus circumscribatur. Non erat hæc Nicænorum Patrum mens, qui ad exemplum Romani Episcopi, ad quem Dizeceos suæ Episcopos ordinare pertinebat, voluerunt quidem ab aliis Metropolitanis ordinandos esse Episcopos suffraganeos; minime tamen voluerunt Romano Episcopo æquam cum omnibus Metropolitanis, nec majorem auctoritatem adferre. Quid enim? Num si ego exemp. caus. dixero unumquemque Episcopum posse, in sua Dizecesi Concilium ex Clericis suis convocare, quemadmodum & Metropolitanis facere possunt in Dizecesi suæ, num æqualem exinde Episcopis simplicibus, ac Metropolitanis auctoritatem tribuero? Diversa omnino sunt isthæc, & ab iis, qui ratione uti malunt, penitus observanda. Non ignoro nonnullos etiam ex Catholicis nimio veritatis studio correptos, hunc eundem canonem in medium adferre, ut ex eo Romani Primatus antiquissimam divinamque institutionem in Nicæno Concilio agnitam pronuncient. Non esset sane penitus improbanda ipsorum industria, quoties eo tenderet solummodo, ut demonstraretur ipsa eadem loca, ac veterum testimonia, quæ adversus germanam Christi fidem adferuntur ab hæreticis, potius cum Catholicis dogmatibus consonare; sed quoties id etiam adgrediantur, ut eisdem monumentis Romanæ Ecclesiæ primatum potissimum demonstrare cogantur, & illis veluti præcipuis argumentis inniti, eorundem votis morem gerere non possum. Hujusmodi enim conatus, etsi rudioris minervæ hominibus prodesse aliquando valeant, tamen ubi ad rectas rationis regulas ab eruditioribus exigantur, ipsi potius fidei, ad quam cetetoqui firmandam facti sunt, noxii videri poterunt. Aut enim dubia hujusmodi, incertique ponderis argumenta per se sola proponuntur eruditioribus viris, præsertim iis, qui apud hæreticos versati tum demum ad veram fidem reverfuri creduntur, quam apud illos manifeste de veritate constabit; & tum de vera fide, quam incertis argumentis innixam vident apud nostros, facile hæsitabunt, nedum velut de re inani, & maxime ambigua cogitabunt: Aut hujusmodi argumenta solidioribus aliis admixta proponuntur; & tum vera falsis admixta, confusaque incerta certis, mentem considerantium potius inter dubitationes involvent, quam ad germana Fidei nostræ dogmata pertrahant. Itaque cum anxima aliunde, & quidem perspicua habeamus Romani Primatus argumenta, quibus demonstremus Romanum Episcopum esse totius Ecclesiæ Principem, non est, cur hujusmodi monumenta, quæ extra rem omnino sita sunt, proferre quis velit; cum quidpiam commune non habeat Romanus Primatus cum servando omnium Metropolitanorum honore, quem unum servare voluerunt contra Meletii ausum Nicæni Patres.

M

Sed

Sed forte video , undenam quidam ex nostris moveri potuerint , ut ex memorato hoc Nicæno canone demonstratum apertissime velint Sedis Romanæ Primatum . Potuit ad ipsorum manus venire quædam Nicæni Concilii editio , quæ talibus verbis conciperetur , ex quibus hujusmodi demonstratio fieri posset . Revera in Concilio Chalcedonenſi productum fuit in actione 16. quoddam Nicæni Concilii exemplar , in quo ita Nicænus idem canon legebatur . *Ecclesia Romana semper habuit Primatum . Teneat igitur & Ægyptus , ut Episcopus Alexandria omnium habeat potestatem , quoniam & Romano Episcopo hæc est consuetudo .* Id ipsum ferme legitur in eo Codice , quem S. Leoni Magno Quesnellius adscripsit , ibi : *Ecclesia Romana semper habeat Primatum . Teneat autem & Ægyptus Lybia , & Pentapolis Primatum , ita ut Episcopus Alexandria omnium habeat potestatem , quantam & Romano Episcopo hæc est consuetudo . Similiter autem & qui in Antiochia constitutus est . Itaque & in ceteris Provinciis privilegia salva sint Ecclesiarum .* Priora sane illa verba : *Ecclesia Romana semper habuit Primatum* , plurimum adversus hæreticos valere possent , quoties ipsi ceteris Concilii Nicæni exemplaribus præferendum vellent exemplar illud , quod vel in Concilio Chalcedonenſi actione 16. propositum fuerat , vel quod Romanæ Ecclesiæ Quesnellius attribuit . Ast ego plurimum dubitaverim . De Quesnelliano Codice non est cur quidpiam amplius attingam , cum ejusdem fidem integritatemque superius abunde discusserim . Tantum dixerim Quesnellium ipsum adnotasse priora illa verba : *Ecclesia Romana semper habeat Primatum* , partem adjectivum esse , ut dubium non sit , vel eam ex margine irrepsisse in textum , vel a Romanæ Ecclesiæ Clericis , aliusve esse additam , ne Romanæ dignitatis oblitus esse Sancti Patres viderentur . Res ergo tota reducitur ad Nicænum exemplar in Concilio Chalcedonenſi propositum . Quid tamen , si de ejus fide hæretici etiam dubitarent , ajendo priora illa verba non pertinere ad Nicænum canonem , sed potius tanquam Nicæni canonis titulum adjectum in Romanæ Ecclesiæ Archivio fuisse contenderent ? Sane in veteribus Codicibus sui singulis canonibus tituli adjici solebant , & quidem ab his , quibus cura erat Codicum Ecclesiasticorum . Dubitandum autem non est Codicem illum canonum Nicænorum in Concilio Chalcedonenſi actione 16. productum , esse eum , qui ex Romana Ecclesia allatus fuerat , cum productus fuerit a Paschasino Romanæ Sedis Legato , quorum fidem suspectum dicere hæreticorum interest parum , aut nihil ; præsertim cum similis inscriptio in aliis , licet antiquissimis Nicæni Concilii exemplaribus , sive Græcis , sive Latinis desideretur . Desideratur in Alexandrina editione Concilii Nicæni , in editione Melchitarum , in editione Maronitica , ut omittam paraphrasim Arabicam Josephi Ægyptii , & interpretationes Balsamonis , Zonaræ , & Aristenii Græcorum . Desideratur in Latinis editionibus vetustissimis , quales sunt editio Dionysii Exigui , qui Romæ Græcum canonem interpretatus est , & Isidori Mercatoris , qui ab ea referenda clausula non abstinuisset , si eam in vulgatis sui temporis Codicibus invenisset . Quod si Codicem Paschasini Romani Legati conferre lubeat cum collectione illa , quam Latinam antiquissimam vocat , ipsoque Dionysio Exiguo antiquiorem Justellus , quamque ipse edidit in tomo 1. pag. mihi 284. , similia verba non leguntur in ipso canone , sed potius canonis titulum , sive præfationem continent , ibi : *De Primatu Ecclesiæ Romanæ , vel aliarum Civitatum Episcopis* . In tanta Codicum , & quidem antiquissimorum varietate , quis tutum rei Ecclesiasticæ monumentum asserri posse arbitretur ? Quod etiam si tutum esset , adhuc alia disquisitio remaneret de interpretanda voce *Primatus* , quæ ibidem pluribus promiscue Ecclesiis attributa videtur ;

detur; vel forte respectu Episcoporum Romanæ tantummodo Provinciæ adposita dici posset juxta interpretationem Rufini, qui ita hunc eundem canonem descripsit: *Et ut apud Alexandriam, & in Urbem Roma vetusta consuetudo servetur, ut vel ille Ægypti, vel hic Suburbicariarum Ecclesiarum sollicitudinem gerat.* Ipsa etiam superius memorata Latina antiquissima editio his consonare videtur. *Antiqui moris est, ut Urbis Romæ Episcopus habeat principatum, ut suburbicaria loca, & omnem Provinciam sua sollicitudine gubernet; quæ vero apud Ægyptum sunt, Alexandria Episcopus omnium habeat sollicitudinem.* Alexius Aristenus eadem fere ex hoc canone retulit: *Super Ægyptum, Ighiam, & Pentapolim Alexandrinus Episcopus potestatem habeat, & Romanus: super Romæ subjectis: Item Antiochenus, alique super suis.* Mihi itaque simplicior potius placet canonis hujus interpretatio, quam Nicæni temporis adjuncta interpretatio videntur, ut scilicet definitum fuerit adversus Meletium in unaquaque Provincia consecrandos quosque Episcopos consensione Metropolitanis; nihil autem ex eo adferri posse, quo de Primatu Romani Pontificis tunc temporis dubitatum videatur, cum nulla occasio existere potuisset, ut de ea re quidpiam Nicænis canonibus comprehenderetur.

Canon 7. dist. 65. legitur in can. 7. Nicæni Concilii apud Dionysium Exiguum. *Can. 7. paullo aliter, atque apud Gratianum his verbis: Quoniam consuetudo obtinuit, & antiqua traditio, ut Eliæ Episcopus honoretur, habeat honoris consequentiam, salva Metropoli propria dignitate.* Eliæ Civitatis nomine venit Jerusalem, sive Jerosolyma, quemadmodum Gratianus explicavit, ita dicta, quod Elius Adrianus Jerosolyma, eversa novam urbem construxerit, quæ exinde ab ipso Eliæ nomine appellata est; quemadmodum refert Eusebius lib. 4. Histor. Eccles. cap. 6., Cedrenus in Adriano, & Hieronymus in Actibus Apostolorum; quomobrem Episcopi Jerosolymitani, quorum primus fuisse fertur Apostolus Jacobus, Elienses Episcopi dicti postea sunt. Porro tunc temporis, sicut Jerosolyma pridem, ita Eliæ subjecta fuerat Metropolitico juri Episcopi Cæsarensis. Hinc apud eruditos elegans suborta est disputatio, quænam Nicænorum Patrum sententia fuerit in hoc canone, dum peculiari honore habendum esse Eliæ Episcopum decretum est. Non desuerunt viri docti, inter Græcos Zonaras, Balsamon, & Aristenus, inter Latinos Petrus de Marca, qui assererent hoc in canone Eliensem, sive Jerosolymitanam Ecclesiam, fuisse Patriarchali dignitate decoratam. Verum meo judicio, quousque aliud non adpareat evidens monumentum, rem demonstratam minime video. Quum enim in eodem canone tribuatur quidem peculiaris honor Jerosolymitano Episcopo, sed subdatur salvam esse debere Metropolis dignitatem, non satis intelligo, quomodo Jerosolymitana Ecclesia Patriarchalis esse potuerit simul, & Metropoli adhuc suæ subjecta, cum Patriarchales Ecclesie alias quidem Ecclesias, & Metropoles sibi subjectas habeant, non aliis ipsæ jure Metropolitico subiciantur. Quid vero conjecturis opus est, ubi liquido constat, etiam diu post Nicænam Synodum Jerosolymitanam Ecclesiam Cæsarensi fuisse tanquam Metropoli subjectam? Testificatur id Hieronymus, cujus ætate Johannes quidam Jerosolymitanum Episcopatum administrabat, & quidem de Origenistarum, & Arianorum hæresi valde suspectus. Hunc Hieronymus sepiissime monuit, ut se publice de suspitione vulgo concepta purgaret; at Johannes ad Theophilum Episcopum Alexandrinum provocans coram illo suam Apologiam exposuit. Id ægro animo tulit Hieronymus de Ecclesiastica Ordinariarum jurisdictione sollicitus; optaverat enim ea in specie non ad Alexandrinum, sed

sed porius ad Cæsareensem Episcopum veluti Metropolitam causam deferendam fuisse. En ipsamet sancti Doctoris verba ad Pammachium scribentis, & Johannem ipsum alloquentis: *Tu qui regulas quæris Ecclesiasticas, & Nicænis Canonibus uteris, & alienos Clericos, & cum suis Episcopis commorantes tibi ceteris usurpare, responde mihi: Ad Alexandrinum Episcopum Palestina quid pertinet? Ni fallor, hoc ibi decernitur, ut Palestine Metropolis Cæsaria sit, & totius Orientis Antiochia. Aut igitur ad Cæsariensem Episcopum referre deberas, cui spreta communione tua communicare nos novetas, aut, si procul expectandum iudicium erat, Antiochiam potius literæ dirigendæ. Sed novi, cur Cæsariam, cur Antiochiam nolueris mittere. Sciebas quid fugeres, quid vitares. Maluisti occupatis auribus molestiam facere. quam verbum Metropolitano tuo honorem reddere. Tu cum potius ceterorum testimonio, ex quo manifestissime liquet quinto adhuc sæculo Hierosolymitanam Ecclesiam Cæsareis fuisse Metropolitico jure subiectam, quis audebit jam a quarto sæculo eidem Ecclesiæ verum Patriarchale jus, & honorem adferere?*

Quispiam nunc forte interrogaret, qualis ille honor sit, quem habendum Eliz, sive Jerosolymæ Episcopo Nicæno canone præceptum fuit. Qui eodem canone non agnoscunt institutum fuisse jus Patriarchicum, communi consensione ajunt, talem eodem prærogativam fuisse concessam Episcopo Eliensi, ut licet Metropolitico jure Cæsariensi Episcopo subderetur, ipse tamen primus ordine in Conciliis post Metropolitani sum funderet, quemadmodum hujusmodi exemplum recentiore tempore demonstrant apud Anglos in Cantuariensi Ecclesia, ubi post Cantuariensem Archiepiscopum primus in Conciliis sedet Episcopus Londonensis. Quam interpretationem asserunt omnino canon Nicæno accommodam esse, vel quod Jerosolymitana Civitas hoc honore digna esse potuerit, aut etiam debuerit, ob Urbis egregiam dignitatem, in qua pleraque fidei nostræ mytheria completa sunt; vel quod in ipso Concilio Nicæno inter subscriptiones prælatum fuerit pluribus nomen Macarii Episcopi Jerosolymitani; vel demum quod nullam aliam magis aptam interpretationem Nicæni canonis inveniri posse arbitrentur.

Non esset contemnenda horum omnium Interpretum industria, licet non demonstratione certa, sed nudis, ut ajunt, conjecturis utantur, quoties nulla melior Nicæni canonis interpretatio haberi posset, & quidem validioribus conjecturis innixa. At mihi alia hujusmodi in promptu est canonis Nicæni ratio, quam de more meo ex temporis locive circumstantiis deducendam esse censeo. P. znnotavimus diruta Jerosolymorum Urbe novam aliam ab Elio Adriano Imperatore ædificatam esse Civitatem, quam Eliam appellarunt, & quidem non eodem in loco, sed prope locum, in quo Jerosolyma sita erat. Novam hanc Urbem Adrianus Jovi Capitolino dicaverat, ut non Judæi tantum, sed & Christiani lugerent, tunc loca illa jamdiu vero Deo sacra falsis numinibus inservire. In his temporum, ac mutatae Urbis rationibus, quis facile non videat, quænam fuisset Eliensis sive Jerosolymitani Episcopatus conditio? Eversa Jerosolymæ Urbs Episcopum habere non poterat; nova Civitas Elia Jovi Capitolino dicata nullum ferebat Episcopum, vix aliqui ex Christianis ibi clanculum degentes, aut ex Judæis conversi Sacerdotem quempiam habere poterant, qui Eliensis forte Episcopi nomine donari potuisset. Deinde vero cum tempore Constantini Imperatoris, paullo scilicet ante Nicænum Concilium prostrata templa Idolorum fuerint, atque in veri Dei honorem constituta Basilicæ, ut refert B. Sulpitius in lib. 2. sacrarum Historiarum apud Sigonium

pag. mihî 890., in pristinum hōnorem visus est proclamasse Episcopus Eliensis ut scilicet salva sui Metropolitani potestate honoraretur, quemadmodum antea Hierosolymitanus Episcopatus honorabilis semper habitus fuerat. Atque hæc mea singularis interpretatio consonare videtur cum ipsimet verbis Nicæni canonis ibi: *Quoniam consuetudo obtinuit, & antiqua traditio &c.* Quid aliud significant hæc, quam Eliensem Episcopum ad pristinum honorem suum favente Christiano Principe restituendum esse? Me sane non pœnitet hujus mez interpretationis in conspectu rationum illarum, quæ pro aliis interpretationibus adseruntur. Nam quod ajunt Hierosolymæ Episcopum in Concilio ipso Nicæno subscribentem pluribus aliis suæ Provinciæ Episcopis fuisse Prælaturum, nullum negotium facessit, cum eruditi omnes agnoscant subscriptiones Episcoporum, quæ habentur in editionibus Concilii Nicæni, fuisse a manu posteriore corruptas, quod non solum deducitur ex variis eorundem Codicum collationibus, verum etiam quod Macarius ibidem appelleretur non *Eliæ*, quemadmodum in Nicæno Canone, sed potius *Hierosolymæ* Episcopus; cum alias certum sit restitutum tantummodo fuisse nomen Hierosolymæ Eliensi Civitati posteriore ætate, cum Hierosolymitana Ecclesia in Patriarchalem evasit. Præterea in eisdem subscriptionibus Macarius idem non solum describitur primus suffraganeorum Cæsariæ, verum etiam ante ipsum Eusebium Cæsariensem Metropolitanum suum, contra quod in Nicæno canone decernatur. Qualicumque autem capiat interpretatio, minime inficias iverim laudatum Nicænum canonem aliquid posteriore ætate potuisse conferre, ut in dies Ecclesia Eliensis honorabilior evaderet, ac tandem novis accedentibus privilegiis restituto Hierosolymitanæ Ecclesiæ nomine Patriarchalem dignitatem obtineret.

Quod Gratianus nomine Nicæni canonis retulit in can. 3. dist. 68. descripsit etiam eisdem verbis in can. 20. de conf. dist. 1.; sed nec in vulgatis Nicæni Concilii canonibus, neque in aliis Arabum exemplaribus inveniri potest; imo ne unus quidem ex veteribus itiusmodi fragmentum, similemve sententiam ex Nicæno Concilio recitavit; ut propterea facile suspicari possimus novam hanc jurisprudentiam, aut a Gratiano primum, aut ab alio non longe a Gratiani ætate remoto fuisse confictam, nomine autem Nicæni Concilii decoratam fuisse, ut commodius spargere-tur in vulgus, ac communi suffragio probaretur. Agebatur de consecrationibus, & reconciliationibus Ecclesiarum, de quibus cum nonnulla canonibus comprehensa fuerint in Concilio Nicæno II., facile fuit Nicæni Concilii nomen ad promovendam hujusmodi disciplinam usurpare. Plura quidem erant Nicæni Concilii decreta, quemadmodum in can. 7., in quo definitum est sine reliquiis Martyrum Temp-la dedicari non posse, & in can. 13., in quo cautum est, ut restituerentur ædes sacræ, quæ in publica quodammodo diverforia evaserant; verum nihil tale ibidem continetur, quod cum memorato Gratiani fragmento conveniat. Tantummodo generalis illa Nicæni Concilii constitutio occasionem præbere potuit posteriori culpam, ut quid in reconciliationibus Ecclesiarum observandum sit, clarius exponeret, expositumque quasi ex Nicæno Concilio depromptum referret.

Nonnihil juvabit rem hanc alius repetere. Tribus prioribus Ecclesiæ sæculis difficile prorsus est in Ecclesia Temp-la publica solemnibus Pontificum statisque ceremoniis dicata agnoscere, quum vix in privatis ædibus urgente potissimum Ethnicorum vexatione sacra fieri possent, neque enim publico extraneorum hominum ludibrio exponenda erant religionis nostræ Sacramenta, quemadmodum accidisset,

fi in

Can. 3.  
dist. 68.  
Can. 20.  
de Conf.  
dist. 1.

si in mediis gentium conventibus celebrari debuissent. Vix Constantini magni temporibus fieri ceperunt Ecclesiarum dedicationes, quibus Judæorum veterum probatissimæ solemnitates renovari quodammodo videbantur. Tunc enim publica Tempia erecta sunt, aut etiam quæ in falsorum Numinum cultum superstitione erexerat, in veri Dei honorem religio sincera convertit. Itaque vel nova erigebantur Tempia, & tunc maxime sollemnis erat dedicatio, cujus exemplum sunt luculentissima apud Eusebium lib. 10. cap. 3., & 4., Nicephorum lib. 7. cap. 40., necnon apud Athanasium in Apologia ad Constantinum Imperatorem: vel delubra falsorum numinum in cultum vere sacrum transformabantur; ac tum variis lustrationibus expiabantur primum, deinde vero sollemni consecratione inaugurabantur, quemadmodum luculentissime tradit Johannes Chrysostomus in homilia, *quod Christus sit Deus* in tomo 5., & Theodoretus Cyrensis sermone de Martyribus; atque hinc scimus etiam profectum fuisse, ut apud Donatistas solemniter expiari solerent Tempia, quæ Christiani antea Sacrificiis sanctissimis decorassent, & viceversa apud Christianos omnes reconciliata quodammodo fuisse Tempia, quæ ab Hæreticorum potestate erepta Christiani aliquando occupassent. Hæc fuit reconciliatio, quæ vetustis Ecclesiæ temporibus, a sæculo scilicet quarto usque ad Gratiani ætatem nota fuit; neque enim apud veteres reconciliationis alterius ulla sit mentio.

Verum enim vero Viri Ecclesiastici in interpretanda hac sacrarum ædium consecratione, variis doctrinis ceperunt ita de illa differere, ut certam quoque de ipsa disciplinam constituerent, non tantum in designandis ritibus, quibus consecratio fieret, sed & de jure novæ consecrationis, aut reconciliationis. Agnoverunt in primis consecrationem lapidum, tignorumque symbolis illustratam esse, quatenus in templi materialis dedicatione animæ potius christianæ consecrationem intuerentur, ut fideles animadvertentes etiam res inanimes Deo offerri, expiari, solemniter etiam consecrari, ita ipsi etiam interiorem animæ expiationem, consecrationemque exoptarent. Hinc dedicatio Ecclesiarum cum Baptismo fidelium comparata est; & converso autem quemadmodum homo semel baptizatus, rebaptizari non potest, sed tantum, si lapsus inde fuerit, reconciliari; ita receperunt Ecclesiam semel dedicatam nova dedicatione amplius non indigere, sed, si quoddam in ea vitium adesse contigerit, expiatione reconciliandam. Eo etiam devenitum est ex hac rerum similitudine, ut quemadmodum rebaptizandus esset, quicumque non fuisset ab initio in Sanctissimæ Trinitatis nomine baptizatus, ita quoque nova dedicatione consecraretur templum illud, quod ab initio non adparuisset ejusdem Trinitatis nomine dedicatum. Hæc omnia facile constat undecimo sæculo fuisse in maxima consideratione habita, dummodo diligenter legatur homilia 4. Ivoonis Episcopi Carnotensis *de Sacramentis dedicationis*, qui eodem sæculo floruit.

Dum hæc Ecclesiastici Viri differerent, Gratiano etiam visum est quædam de dedicatione, aut reconciliatione Ecclesiarum declarare, cui cum similitudo illa satis placeret inter consecrationes templorum, atque animarum, placuit etiam de utraque consecratione in postrema sui decreti parte sub uno titulo *de consecratione* multiplici, atque conjungere; videmus enim illum non tam de Ecclesiarum dedicationibus egisse, verum etiam de Sacramento Baptismatis plurima disputasse; imo ut plura nova quodammodo in hac reconciliationum, & frequentissimarum dedicationum materie inducebantur, ex variis, quæ de ea concipiebantur, doctrinis ad canones formandos ipse manum admovit, quos, ut ægebam, Nicænis Patribus adtri-

tribueret. Is est canon 3. dist. 68., seu canon 20. de conf. dist. 1., in quo paucis multa tradidit; & primo asseruit Ecclesias semel consecratas non debere amplius consecrari. Id quidem consonabat cum receptis ætatis suæ sententiis; non enim, nisi semel, celebrari poterat, quod Sacramento Baptismatis comparabatur in omnibus, atque huc pertinent ea Gratiani verba: *Quia sicut infans a quacumque sacerdote in nomine Patris, & Filii, & Spiritus Sancti semel baptizatus non debet iterum baptizari, ita nec locus Deo dicatus iterum consecrandus est.* Subdit dein exceptionem in fine capituli Gratianus: *Si tamen fidem Sanctæ Trinitatis tenuerint, qui cum consecraverunt.* Et recte, si a similitudine Sacramenti Baptismatis petendum erat argumentum; cum Baptismus repetatur, ubi Trinitatis mentio facta non fuerit; alias vero constat ex memorata Ivonis homilia etiam in nomine Trinitatis Ecclesias fuisse dedicatas. Sed, ut video, a proposito suo lapsus est Gratianus in aliis exceptionibus, quas adduxerat; ait enim Ecclesias nova consecratione indigere, si aut ab igne exusta, aut sanguinis effusione, aut cujuscumque semine polluta. Si jus postea receptum perenderimus, nihil erit improbandum, imo quoties Ecclesie judicio gravissimo tales consecrationibus Templorum præstitutz sunt regulæ, illis omnino erit obtemperandum, præsertim quod de disciplinz materie agatur, quæ pro variis modo temporum, modo locorum rationibus varia esse solet, & cujus ratio perpetua non est. Verum si cum Gratiano, aut cum quovis alio privato homine hujus disciplinz auctore congregi velimus, dicere non dubitabimus hæc cum propositis rei ipsius principiis minime consonare. Consecratio Ecclesiarum Baptismati fidelium comparatur; imo in consecratione Ecclesiarum fidelium Baptismus significatur; ita ratiocinantur undecimi sæculi Scriptores. Si ita se se res habet, quomodo per effusionem sanguinis, aut semine cujuscumque polluta Ecclesia nova consecratione indigebit, si per hujusmodi crimina fidelium animarum novo Baptismate non abluuntur? Aut si Ecclesie per hujusmodi crimina pollui censentur ita, ut nova indigeant consecratione, cur per alia atrociora etiam crimina novam consecrationem non exposculabunt? Quod autem dicitur, Tempia rursus esse consecranda, si exusta fuerint, id non est adjecta generali regulæ exceptio, non enim tum secunda consecratio Templi appellabitur, sed prima consecratio Templi posterioris. Peterem itidem a Gratiano, cur potius mentionem fecerit de ædificio igne combusto, non autem de Templo, quod vel vetustate, vel alia quacumque de causa collapsum fuerit? Num hi casus simili exceptione non comprehendentur?

En quibus difficultatibus sese Gratianus involverit in hac sua nova disciplina, quam deinde ob eximiam Gratianeorum canonum exiltimationem receptam fuisse scimus, atque in germanos sacræ prudentiæ recentioris codices translata, affiduoque usu confirmata, ne dixerim variis interpretum commentariis explanata. Ego, cum in unaquaque re originem potissimum, & causas inspicendas esse arbitratus fuerim, nihil aliud in hac parte dici posse existimo, quam payendum esse recepto juri, qualiscumque fuerit causa, unde inductum est, quoties de meris agitur Ecclesiasticæ disciplinz capitibus. Sed interea licebit eruditioribus ad auctores privatos hujusmodi disciplinarum respicere, atque eorundem studia minus probare, qui commento suo talem disciplinam sequendam proposuerint, quæ ab ipsis iustis illorum principis abhorrere videatur.

Nondum tamen a Gratiano recedendum esse censeo, nisi gravio rem aliam suspensionem meam aperiam jamdudum mihi subortam, quæ clarius adpareat, undenam

Gratianus idem hæc omnia describere ac perstringere omnino potuerit, eademque Nicæno Concilio tribuere. Iſiacus Habertus Pariſienſis Eccleſiæ Canonicus edidit librum Pontificalem Eccleſiæ Græcæ, in quo pag. mihi 666. extant nomine Tarasii Patriarchæ Orationes nonnullæ ad aperiendam Eccleſiam profanatam. Prior oratio pertinet ad expiandam Eccleſiam ab Hæreticis profanatam. Altera pertinet ad Eccleſiam reconciliandam, quam Ethnici ſuperſtitioſis ritibus inquinaverint. Tertia demum continet reconciliationem Eccleſiæ, in qua homicidium perpetratum fuerit. Itaque ego arbitror Gratianum ex hiſce orationibus canonem perſtrinxiffe, quem Nicæno Concilio deinde tribuit. Fateor, Gratianus non egit de reconciliatione Eccleſiæ ab Ethnicis, aut Hæreticis violatæ. Sed forte illud omiſit, quia Gratiani ætate reconciliationum huiusmodi nullæ erant occaſiones. Sed, inquires, quid commune habent orationes Tarasii cum Nicæno Concilio? Reſpondeo, nihil magis apud Gratianum. Etenim Tarasius Patriarcha erat Conſtantinopolitanus, quo tempore Nicænum Concilium II. celebratum eſt anno 787., is acerrimus fuit Hæreticorum Iconomacorum adverſarius, & in Concilio ſtrenuum ſeſe exhibuit veræ fidei propugnatores. Quid ergo facilius eſſe poterat Gratiano, quam doctrinam Tarasii ſuis orationibus extenſam paucis perſtringere; eandemque adiunſit canonis in ſuum codicem relatam Nicæno Concilio adſcribere?

Quæ ſi vera ſunt, quid magis neceſſarium, aut quid convenientius eſſe poteſt ad obtinendam germanam Gratiani canonis interpretationem, quam eundem canonem ad Tarasiani orationes reducere, & cum illis omnino conferre? Itaque Tarasius in oratione I. formulam deſcripſit reconciliandi Eccleſiam ab hæreticis profanatam. Nihil autem ibidem eſt, quod ad rem noſtram peculiari indigeat obſervatione. Sequitur altera oratio de reconciliatione Eccleſiæ ab Ethnicis profanatæ, neque hic aliquid peculiariter animadvertendum occurrit. Potius conſtitendum in oratione poſtrema, quam unam Gratianus, ut arbitror, perſtringere voluit. Ibi proponitur expiatio Eccleſiæ, in qua factum fuerit homicidium hiſ verbis: *Domine Deus noſter, qui propter multam, ac inenarrabilem bonitatem tuam dignatus es, ut hoc Templum tuum vocetur inaceſſibilis, & incircumſcriptæ gloriæ tuæ tabernaculum per ſanctiſſimi, & viviſci ſpiritus tui operationem ſanctificatum: nunc vero propter multitudinem peccatorum noſtrorum permiſiſti, ut illud pollueretur violenta morte hominis ad imaginem tuam formati, ex invidia diaboli, qui ab initio fuit homicida. Tu rurfus per multam, & immenſam miſericordiam tuam, noſtram, licet peccatorum, & inutilium ſervorum tuorum poſtulationem ſuſcipiens ex pura tibi fide oblatam, expurga domum hanc, & Altare, quod in ea eſt, per adventum ſpiritus Sancti tui, primamque ipſius gratiam renova, ad celebrationem nominis tui inoffenſam, ad oblationem acceptabilem Sacrificii incruenti, ad gloriam, & laudem clementiæ tuæ. Tu etiam domine omnium, qui ſolus natura purus es, & ſanctiſſimus, qui cuncta ſanctificas verbo tuo, tu nos etiam toto corde te quærentes. expurga ab omni labe carnis, & ſpiritus, cogitationum dubiarum, & conſcientiæ perplexæ. Quoniam tu es ſanctificatio noſtra, tibiſque gloriam reddimus Patri, & Filio, & ſpiritus Sancto, nunc, & ſemper, & in ſæcula ſæculorum. Sic deſcripta eſt integra Tarasii oratio, ex qua deducitur Templum reconciliandum eſſe, quotieſcumque homicidium fuerit in eodem perpetratum, proptereaſque exceptio illa Gratiani aut ſanguinis effuſione valde perſtriſta eſt, nec generatim de homicidio intelligi poteſt, proptereaſque jure redarguere poſſemus Gratianum, quidquid deinde poſt ipſum obtinuerit, quod mutilata de more ſuo veterum monumenta, atque ſenten-*



sententias ad nos usque transfuderit. In eodem Codice post hanc Tarasii orationem ita sequitur ex ejusdem Tarasii verbis: *Dicitur autem hac oratio in aperiendo Templo, in quo animal irrationale secundum ritum veteris legis mactatum est impurum, nec sacrificio aptum, sive generavis; immutante paullisper Pontifice ab his verbis: morte violenta, usque ad hæc: ab initio homicida, ac dicente de animali occiso ita: qui permixisti, ut illud invidia diaboli per mortem irrationalis animalis secundum veterem legem sanctam tuam ad sacrificium non idonei, nec mundi &c. Deinde adjiciente, Tu vero per multam &c. De animali vero generante ita: qui permixisti illud pollutus per invidiam diaboli irrationalis animalis generatione secundum legem sanctam tuam veterem ad sacrificium nec apti, nec mundi: tandem illud adjiciente: Tu rursus &c. usque ad finem orationis. His omnibus agnosco explicata clarius illa subobscura Gratiani verba: aut sanguinis effusione, aut cujuscumque semine polluta. Quippe reconciliari opus erat ex sententia Tarasii Ecclesias, quoties, aut sanguis animalis cujuspiam in Altari fuisset mactatus Sacrificio improbato, atque execrabili, quod ab Ethnicis factum olim lugebat Optatus Milevitanus; item ex ejusdem Tarasii sententia reconcilianda erat Ecclesia, quoties animalia quæque polluta in Ecclesia fuissent ad animalis generationem; visum enim fuit etiam apud Ethnicos valde indignum, ut etiam in Deorum Delubris generationi daretur opera. Hinc Plato lib. 12. de legibus scribit indicium fuisse capitis penam illis, qui coitus hujusmodi haberent, quod irritari ea ratione numina arbitrantur, atque ab ipso Templo recedere. Quicumque hæc omnia, conferendo perpendit, facile agnosceret, qualis capienda sit, & quæ commoda habeat Gratiani canonis interpretatio, quam a germana Auditorum suorum sententia & Glossographi, & Interpretes mirum in modum detorserunt.*

In canone 16. Nicæni Concilii leguntur duo Gratiani fragmenta, scilicet can. 23. cau. 7. qu. 1., & canon 3. dist. 71. Gratianus sequutus est Ildori Mercatoris interpretationem. Ego Dionysium Exiguum sequendum potius arbitror ita scribentem. *Quicumque temere, ac periculose, neque timorem Dei præ oculis habentes, nec Ecclesiam* Can. 3. dist. 71.  
*sticam regulam agnoscemes, discedunt ab Ecclesia Presbyteri, aut Diaconi, vel quicumque* Can. 23. cau. 7.  
*sub regula prorsus existunt, hi nequaquam debent in aliam Ecclesiam recipi, sed omnem* qu. 1.  
*necessitatem convenit illis imponi, ut ad suas Parochias revertantur; quod si non fecerint, oportet eos communionem privari. Huc usque canon 23. apud Gratianum. Sequuntur*  
*verba canonis 3. Si quis autem ad alium pertinentem audacter invadere, & in sua*  
*Ecclesia ordinare tentaverit, non consentiente Episcopo, a quo discessit is, qui regulam*  
*mancipatur, ordinatio hujusmodi irrita comprobatur. Nihil sane est hac disciplina vete-*  
*rate firmius, quodque magis, & fere quotidianis sanctionibus promulgatum. Unum*  
*adfero antiquissimum Taurinense Concilium anni 397., ubi can. 7. ita legi-*  
*tur: Nec illud prætermittendum, quod Synodi sententia definitum fuit, ut Clericum alte-*  
*rius secundum statuta canonum nemo suscipiat, neque sue Ecclesie, licet in alto gradu,*  
*audeat ordinare, neque obiectum in communionem recipiat.*

Nicæni Concilii sanctionibus acconferi solent exemplaria Formatarum Epistolarum, Can. 1. dist. 73.  
 quorum unum profertur a Gratiano quasi ex Nicæno Concilio in can. 1. dist. 73.; quanquam neque inter viginti Nicænz Synodi canones, neque in Arabicis Nicæni Concilii editionibus invenitur. Imo si Gratianeam scriptionem, qualis jacet, consideremus, cum in ipsa Burchardi Wormaciensis nomen inscriptum sit, & nota adjecta fuerit Dominicz Incarnationis anni 1012., liquet manifestissime eandem formulam longe esse Nicæno Concilio posteriorem. Ad assequendam hujus rei notitiam

animadvertere in primis juvabit in Nicæno Concilio can. 15. & 16. Decretum legi, ut nemo ex Clericis de sui Provincia alio migret sine consensu, aut auctoritate proprii Episcopi. Hic Episcopi consensus, ne fraus Nicæno canonis fieret, solebat non nudis verbis concipi, sed scriptura significari, quæ *Epistola Formata* appellabatur. Imo & posteriore ætate, ut fraudibus quibuscumque vagantium Clericorum obviam iretur, nonnulli adinventæ sunt notæ, quibus legitimæ Epistolæ Formatæ dignoscerentur, atque ab apocryphis secernerentur. Videlicet inducuntur, ut certi Græcarum literarum characteres adjicerentur, de quibus suo loco sermonem institutam, præsertim ad canonem 2. dist. 73., ubi de Antico Episcopo Constantinopolitano: Quum itaque Formatarum hujusmodi Epistolarum exemplaria fieri cæperint, & variis distingui notis circa sæculum 7. aut 8., Ecclesiastici auctores non solum illarum originem Nicæno Concilio adtribuerunt, ut major ipsis auctoritas accederet, verum etiam quasi in Nicæno Concilio editæ fuissent, proposuerunt. Hinc Regino in lib. 1. de Ecclesiasticis disciplinis ad cap. 437. ait: *Nicæna Synodus hunc ordinem inter Episcopos in faciendis Epistolis conservandum esse instituit*, post quæ verba in laudato capite exhibet Græcas literas, earumque ordinem, quo suo tempore eadem disponebantur, atque exarabantur. Deinde in cap. 438. subdit exemplar Formatæ Epistolæ nomine Rathbodi Trevirensis, & cap. 439. aliud exemplar nomine Dadonis Wirdunensis; atque hoc posterius exemplar illud ipsum est, quod Gratianus nomine Nicænz Synodi retulit in dictum canonem 1. dist. 73., exceptis tantummodo nominibus, quæ apud Gratianum diversa sunt; habet enim Regino. *Reverentissimo, & Sanctissimo Rathbodo Trevirensis Ecclesiæ Archiepiscopo Dado Wirdunensis Ecclesiæ devotus Gregis Christi famulus in Domino vero Rege summae felicitatis beatitudinem. Cum sancta Catholica Ecclesia prompta sit sequi documenta Evangelica &c.* Quæ sequuntur, cum Gratiano consonant, iis verbis exceptis, quæ hic subijciam. Ubi Gratianus habet: *nomine Hermanus*, Regino scripserat: *nomine Aduinus*. Deinde ubi Gratianus ait: *Ego inquam &c.*, Regino hæc addiderat: *Ego inquam in nomine Patris, & Filii, & Spiritus Sancti, & in Unitate Sanctæ Ecclesiæ, in qua Petro datum est jus ligandi, atque solvendi, absolvo Dado humilis Episcopus Presbyterum Aduinum de Civitate Wirdunensi indictione ix., & licentiam do vobis Rathbode venerabilis Archiepiscopo inthronizandi eum in quacumque Ecclesia vultis vestra parrochia. Dilectam paternitatem vestram virtutum floribus insignitam omnipotens Deus conservare dignetur. Amen.* Π. Υ. Α. Π. Δ. Α. Ρ. Δ. Ω. DCCLXXXVIII. data v. Idus Maii anno Dominice Incarnationis DCCCCVI. Indictione IX. Hic erat annus, quo scribebat Regino, qui exemplar istud ipse formaverat studiosos rerum Ecclesiasticarum erudiendi gratia, & quidem disciplinz suorum temporum accommodatum, omnia tamen ad Concilium Nicænum referens, a quo primam Formatarum originem repetendam esse agnoverat. In hanc Regionis formulam intendit Burchardus Wormaciensis, dum suam collectionem canonum adornaret; eandemque ipse collectioni suæ quasi ex Nicæna Synodo depromptam inseruit, omittens tamen nomina Rathbodi, Dadonis, & Aduini, ac vice illorum suam inferens nomen, & Walterii Spirensis Episcopi, & Ecmanni Presbyteri, cujus gratia Epistolam Formatam se concedere fingeat. A Burchardi collectione (quocumque modo id acciderit, nihil refert) translatus hoc exemplar fuit eisdem verbis in collectionem Gratiani, nisi forte quis Editionis varietatem agnoscere velit in nomine Hermanni, qui apud Burchardum dicitur Ecmannus. Sed hoc levissimum est. Illud observasse juvabit potius

potius, memoratum canonem 1. dist. 73. nullo modo tribui posse Nicæno Concilio, sed posterioris temporis auctorem habere, eum scilicet, qui conscribendis Formatarum exemplaribus delebatur, & vix ad Nicænum Concilium. ea de causa referri posse, quod de Formatis Epistolis in Nicæno eodem Concilio quidpiam definitum fuerit.

Severa olim fuit in Clericorum Ordinationibus Ecclesiastica disciplina, qua videlicet a sacris Ordinibus sive recipiendis, sive receptis arcebat, quicumque gravi crimine maculatus extitisset, ex iis videlicet, quibus publica poenitentia infligi solebat. Hanc disciplinam apertissimam facit canon 4. dist. 81., sive canon 9. Nicænus, cujus verba hæc sunt ex interpretatione Dionysii Exigui: *Si qui Presbyteri sine examine sunt provedi, vel, cum discuterentur, peccata sua confessi sunt, & homines contra canones commoti, manus confessis imponere tentaverunt, tales regula non admittit, quia quod irreprehensibile est, Catholica defendit Ecclesia. Hæc sane fuit veterum Patrum sententia constans, atque perpetua, juxta quam S. Isidorus Hispalensis in lib. 2. de Offic. Eccles. cap. 5. ita scribit: Quod autem quis post baptismum aliquo mortali peccato corruptus ad Sacerdotium non promoveatur, lex ipsa testatur... Si enim is, qui in Episcopatu mortale aliquod peccatum admisit, non debet offerre pases Domino, quanto magis ante Ordinationem peccator inventus, repudiari debet, ut non ordinetur? Quapropter quia lex peccatores a Sacerdotio removet, consideret se unusquisque, sciens quia potentes poterit patientur tormenta &c. Cum vero generalia sint Nicæni Concilii verba, non erit abs re paraphrasim Arabicam Josephi Ægyptii in hunc locum adferre, quæ ita concepta est ad eundem Nicænum canonem 9. *Quicumque Presbyter constituitur sine examine, aut disquisitione in eum, aut fuit extraneus, sive incognitus in ista Provincia, nec priorem habuit Ordinationem ante istud tempus, quo constitutus est, & de diversis criminibus, magnisque peccatis suspellus, priora sua peccata confessus fuerit, atque ex iis sunt peccatis, quæ ipsorum reos excommunicationi subijciunt, & pro quibus severa illi opus est poenitentia, cujusmodi sunt duas, vel tres uxores ducere, aut eam, quæ a viro discessit, vel qui Deum blasphemavit, aut hæreticus antea fuit, aut etiam Idolis Sacerdos fuit, aut qui sacrificia iis immolavit, aut oblationes obtulit, aut suffimenta iis adolevit, aut Astrologus fuit, aut hariolus, aut divinator, aut incantator, aut etiam, qui magia, augurio, & divinatione usus est, vel alia aliqua re a nobis prohibita. Qui igitur hoc modo falsus fuerit Presbyter, statuta nostra eum non admittent; quantùm sanita Apostolica Ecclesia nullum admittit, nisi qui integer vitæ, scelerisque purus, & a culpis, omnibusque hisce criminibus immunis est: nisi forsitan huiusmodi peccata ab eo perpetrata fuerint, priusquam religionem, atque ordinationem amplexus est; & hæc res de novo constituta sunt. Num Josephus Ægyptius Nicænorum Patrum mentem prorsus attingit, definire non aulam; valde enim dubito, quin potius juxta sui temporis disciplinam benigniorem ipse generalia Concilii verba explicaverit. Quidquid tamen sit, semper adnotasse juvabit, quomodo Nicæni Concilii prudentiam posterioris ætatis Scriptores intellexerint, exteri præsertim, & a nostris Provinciis longe remoti, quibus si deinde adjunxerimus nostrates, facile percipiemus, quemadmodum hæc in parte humanior sit in ordinationibus Sacerdotum hodierna disciplina, quam fuerit vetus, juxta quam nemo, nisi prorsus innocens, post baptismum in Sacerdotem eligebatur.**

Urgent idipsum Nicæni Patres in canone 10., quem Gratianus refert in can. 5. *Can. 5. dist. 81. Dionysius Exiguus canonem ita interpretatus est. Quicumque de lapsis ad* *dist. 81. Ordinem Cleri promoti sunt per ignorantiam, vel per ordinantium dissimulationem, hoc*  
Eccle-

Can. 4.  
dist. 81.

*Ecclesiasticæ non præjudicatas regulæ, cogniti namque deponantur.* Sunt qui nomine *Ecclesiasticæ regulæ*, de qua hoc in loco fit mentio, intelligunt canonem 62. ex Apostolicis. Mihi aliud placet; etsi enim in ipso canone 62. quidpiam reperianur, ex quo Ordinationes lapsorum prohibitas fuisse apertissime constat, non est tamen cur exinde concludam Nicænis Patribus fuisse agnitos canones illos, præsertim posteriores, qui Apostolicis tribuuntur; etenim nomine *Ecclesiasticæ regulæ* illam eandem intelligo, quam in præcedente canone Nicæni ipsi Patres constituerant, scilicet canone 4. dist. 81.

Nemo vel leviter in Ecclesiastica disciplina eruditus inficiari potest, Diaconos etiam a prisca ætate ambitu inordinato elatos primos honores in Ecclesiis adfectasse; Cum enim ad ipsos Ecclesiastici peculii cura, atque administratio pertineret, præsertim vero annuas illi menstluas, diurnasque portiones inter Sacerdotes, & Clericos inferiores distribuere, cœperunt non presbyteris tantum, sed ipsis etiam Episcopis dominari. Testem appello Hieronymum de hac re frequentissime conqueustum, ubi præsertim in Epist. 85. ita asserit: *Audire quendam ad tantam erupisse vecordiam, ut Diaconos Presbyteris, idest Episcopis anteferebat. Quid patitur mensuram, & viduarum minister, ut supra eos tumidus se esset, ad quorum preces Christi Corpus, & Sanguis conficitur?* Huic inverso Ministrorum Ordini restituendo verulissima ipsa Concilia operam dederunt, ut patet ex Concilio Laodiceno can. 20. item ex Concilio Nicæno can. 18., quem Gratianus descripsit in can. 14. dist. 93. Referam verba Dionysii Exigui, tamquam antiquissimi interpretis: *Pervenit ad sanctum, magnamque Concilium, quod in quibusdam locis, & Civitatibus Presbyteris gratiam sacræ Communionis Diaconi porrigant; quod nec regulæ, nec consuetudo tradidit, ut ab eis, qui potestatem non habent offerendi, illi, qui offerunt, Christi Corpus accipiant. Necnon, & illud innovit, quod quidam Diaconi ante Episcopos sacra oblata contingant. Hæc igitur omnia rescendant, & in sua Diaconi mensura permaneant, scientes, quod Episcoporum quidem Ministri sunt, inferiores autem Presbyteris habeantur per ordinem. Ergo post Presbyteros gratiam sacræ Communionis accipiant, aut Episcopo eis, aut Presbytero porrigente. Sed nec sedere in medio Presbyterorum Diaconis liceat, quia si hoc fiat, præter regulam, & ordinem probatur existere. Si quis autem etiam post has definitiones obedire noluerit, a ministerio cessare debet. Cum hac interpretatione consonant plurimum illæ, quas eruditi viri etiam recentiore ætate ex Græcis exemplaribus elucubrarunt? Consonat præterea Codex, qui dicitur apud Justellum, Canonum Ecclesiæ universæ; necnon prisca editio Latina apud eundem Collectorem Tom. 1. pag. mihi 285. Gratianus in prioribus sui canonis verbis sequutus omnino est interpretationem Isidori Mercatoris, usque ad vers. *Hæc ergo &c.* Isidorus autem in sequentibus ita scribit: *Hæc ergo omnia amputentur, & maneat Diacones intra suam propriam mensuram scientes, quia Episcoporum quidem Ministri sunt, Presbyteris autem inferiores. Accipiant ergo secundum Ordinem post Presbyteros ab Episcopo, vel a Presbytero sacram Communionem. Quod si non fuerit in præsentem vel Episcopo, vel Presbyter, tunc ipsi proferant, & edant. Sed nec sedere quidem licet in medio Presbyterorum Diacones; extra regulam enim est, ut hoc fiat. Si quis autem non vult his sufficiens esse post hanc definitionem, cesset esse Diaconus.* Porro hic canon ita descriptus est numero 14. apud eundem Isidorum, licet apud alios Collectores sit numero 18. Quidquid vero sancti veteres Patres adversus hunc Diaconorum ambitum declamaverint, ac constituerint, non desuerunt tamen etiam recentiore ætate Diaconi, qui supra Presbyteros*

byteros ipsos sese extulerint, ii præsertim, qui Diaconorum Principes, sive Archidiaconi audiunt; imo apud Græcos tanto in honore habita est dignitas Choriophylacis, sive Diaconi Archivio præpositi, ut etiam supra Episcopos ipsos prærogativam haberet, quemadmodum Balsamon in Commentariis ad hunc Nicænum canonem aperte testatur.

In referendo canone 52. cau. 1. qu. 1. qui idem est cum canone 19. ex Nicænis, Gratianus sequutus est Isidori Mercatoris interpretationem, quæ sane minus integra esse videtur, quoties cum ceteris, & melioris quidem notæ exemplaribus conferatur. Non recedo a Dionysio Exiguo, cum quo reliqui Interpretes universi consonant. Ita ille: *De Paullianistis ad Ecclesiam Catholicam confugientibus, definitio prolata est, ut baptizentur omnimodis. Siqui autem de his præterito tempore fuerint in Clero, siquidem immaculati, & inreprehensibiles adparuerint, baptizati ordinentur ab Episcopo Ecclesiæ Catholice. Quod si discussio incongruos eos invenerit, abjici tales conveniet. Similiter autem & de Diaconistis, & omnino de his, qui sub regula versantur, hæc forma servabitur. Meminimus autem de Diaconis, quæ in eodem habitu esse probantur, quod non habeant aliquam manus impositionem, & ideo modis omnibus eas inter Laicos deputari. Tria itaque hoc in canone deprehendimus. Primum, pertinet ad Paullianistas rebaptizandos, alterum ad ordinatos illos, qui rebaptizari debuerunt, postremum dein ad Diaconissas. Et quidem jure optimo Paullianistarum baptisma rejiciendum fuerat, cum ab ipsis depravatam fuisse baptismatis formulam veteres testentur, quemadmodum liquere potest ex can. 53. cau. 1. qu. 1. S. Augustinus in lib. de hæresibus ad Quodvultdeum hæresi 44. ita scribit: *Paulliani a Paulo Samosateno dicti Christum non semper fuisse dicunt, sed ejus initium, ex quo de Maria natus est, asseverant. Sed nec aliquid amplius, quam hominem putant. Ista hæresis aliquando eujusdam Artemonis fuit; sed cum defecisset, instaurata est a Paulo, & postea sic a Eborino confirmata, ut Photiniani, quam Paulliani crebrius nuncupentur. Istos sane Paullianos baptizandos esse in Ecclesia Catholica Nicæno Concilio constitutum est; unde credendum est, eos regulam baptismatis non tenere, quam secum multi heretici, cum de Catholica fide discederent, abstulerunt, eamque custodiunt. Gratianus, & Isidorus Mercator Paullianistis Cataphryges adjunxerunt. Cataphryges, aut etiam Phryges dicti sunt heretici, qui Montani ex Phrygiæ partibus oriundi erroribus adhererunt. Porro Montanus, cum se Spiritum Sanctum assereret, affectis suis præceperat, ut in nomine Montani baptisma conferrent; quod sane nemo non videt, ita baptismum Christi injuriosum esse, ut verus baptismus appellari omnino ille non possit, qui ea formula collatus proponatur. Atque in hac parte non est aliud, ex quo Gratianum, seu potius Isidorum Mercatorem reprehendamus, nisi quod Nicænis Canonibus quidpiam adjicere voluerint; ceterum nihil adjecerunt, quod sententiæ Nicænorum Patrum opponatur. Nicæni autem Patres de Paullianistis potius, quam de Montanistis sermonem fecere, quod Pauli Samosateni hæresis recentior esset, & adhuc apud quamplures vigeret, at vero hæresis Montani jamdiu eliminata fuisset. Altera hujus canonis pars, quæ spectat ad rebaptizandos eos, atque iterum ordinandos, qui apud Paullianistas baptizati antea fuerant, clarissima est; tum demum autem reordinationi locum fieri debere voluerunt Sancti Patres, quoties de Viris ageretur & eximiis doctrina, & moribus integerrimis. Quod vero in postrema canonis parte subditur de Diaconistis, varias vulgo patitur apud eruditos interpretationes. Inane profus est studium, quo quid unusquisque suo**

Can. 52.  
cau. 1.  
q. 1.

suo

fuo ingenio indulturus ad hanc rem explanandam fenferit, hocce in loco congererem. Tantum attingam ea, quæ videntur Nicænorum Patrum sententiæ magis consentanea. Quod superius in eodem canone 19. de Clericis rebaptizandis, atque iterum ordinandis statutum fuerat, extendere volebant Nicæni Antilitres ad Diaconissis, ceterasque personas, quæ in canone, sive Cathologo ministrantium Ecclesiasticorum descriptæ essent; ut scilicet, quoties tales Diaconissæ essent, quæ non servata Sacramenti forma à Paulianitis baptizatæ proponerentur, baptisma rursus susciperent, ac rursus habita meritorum ratione consecrarentur. Diaconissarum autem facienda erat mentio specialis, quia Clericorum nomine non veniebant illæ, & de Clericis tantummodo concepta erant priora canonis verba. Gratianus sequutus Isidorum Mercatorem de Diaconissis nihil attigit, sed potius pro Diaconissis *Diaconos*, sive, ut alii apud Isidorum legunt, *Diacones* interpretatus est. Ceterum Diaconissas Ecclesiasticis Officiis quodammodo addictas apud veteres fuisse, nemo est, qui ignorat, ut proinde nil mirum sit parem cum Clericis & Diaconissis ordinationum disciplinam fuisse servatam; erat enim Diaconissarum Officium huiusmodi, ut illæ tenerentur ad Cathecumenarum mulierum institutiones, quemadmodum Diaconi in adiuvandis Cathecumenis masculis exercebantur. Sic in Concilio Carthaginensi vulgo 4. can. 10. legitur: *Viduae vel Sanctimoniales, quæ ad ministerium baptizandarum mulierum eliguntur, tam infrastruæ sint ad Officium, ut possint apto, & sano sermone docere imperitas, & rusticas mulieres, quo tempore baptizandæ sunt, qualiter baptizatori interrogatæ respondeant, & qualiter accepto baptismo vivant.*

Can. 8.  
cau. 1.  
q. 7.

Can. 8. cau. 1. q. 7. paulo aliter legendus est, ac legatur apud Gratianum, quemadmodum in parte observaverunt Romani Correctores. Ita habet Dionysius Exiguus interpretans Nicænum canonem 8. *De his, qui se cognominant Catharos, idest mundos, si aliquando venerint ad Ecclesiam Catholicam, placuit sancto, & magno Concilio, ut impositionem manus accipientes, sic in Clero permaneant. Hæc autem præ omnibus eos scriptis convenit profiteri, quod Catholice, & Apostolice Ecclesie dogmata suscipiant, & sequantur, idest & bigamis se communicare, & his, qui in persecutione prolapsi sunt, erga quos & spatia constituta sunt, & tempora definita, ita ut Ecclesie Catholice, & Apostolice placita sequantur in omnibus &c.* Catharorum nomine significari Novatianos nemo est, qui dubitet, cum eos Catharos, sive puros sese dicere consuevisse tota propemodum testetur antiquitas, Ambrosius de pœnit. lib. 1. cap. 1. Hieronymus in Oseam cap. 13. Eusebius lib. 6. Hystor. Ecclesiast. cap. 43. Augustinus de hæresibus, & Epiphanius hæresi 59. Sententia itaque Nicæni canonis ea est, ut Novatiani jam ordinati apud suos, quoties ad Ecclesiam revertantur, in suum Ordinem recipiantur, ex quadam Ecclesiastica dispensatione, atque economia, ut scilicet facilius illi ad unitatem redirent; quemadmodum simili dispensatione usos fuisse Ecclesiasticos Patres posteriore ætate in Donatistarum causa scimus ex S. Augustino in Breviculo collationis cum Donatistis, & in lib. 2. contra Cresconium cap. 51. Recipiebantur autem conversi in Clerum non per novam Ordinationem, sed per manus impositionem reconciliatoriam; quamobrem antefrenda est interpretatio Dionysii Exigui interpretationi Gratianæ; siquidem ubi Gratianus habet: *ut Ordinenter*, Dionysius Exiguus scripsit: *ut impositionem manus accipientes*; alii autem Interpretes Græcam scripturam sequentes ita scripserunt: *ut impositis eis manibus sic in Clero permaneant*; & auctor Codicis canonum Ecclesiæ

clesiæ universæ: ut accepta manuum impositione sic in Clero maneant. Revera si Gratiani interpretationem, quæ plurimum consonat cum Isidoro Mercatore, sequi deberemus, minus congrua statim videretur Concilii Nicæni sententia. Vel enim de illis Novatianis agebatur, qui jam fuerant Clerici apud hæreticos ordinati; & frustra ordinatio repetenda fuisset, cum ordinationi nihil obesset hæresis ordinantium; vel agebatur de illis, qui sacram Ordinationem consequuti non fuissent; ac tum nulla ratio suaderet, ut hujusmodi Laici recens conversi ad Catholicam unitatem sacris initiarentur ordinibus, & Clericorum censui adscriberentur. Alio autem tendere nequit mens Nicænorum Patrum, qualis in integro canone adparet, quam ut unusquisque conversus a priori gradu minime abiciatur, non ut ad ulteriores gradus promoveatur. Si quis forte interrogaverit, cur Isidorus Mercator, quem Gratianus sequutus est hac in parte, hanc potius interpretationem adulerit, facile responderim, me suspicari deceptum fuisse Isidorum ex illa interpretatione. Græci canonis Nicæni, quæ exhibita est petentibus Episcopis Africanis, ut superius attigimus initio hujus capituli; etenim apud Africanos hæc exhibita fuerat Græci canonis interpretatio: *Si aliquando venerant ad Catholicam Ecclesiam Cathari, placuit sicut & magnæ Synodo eos ordinatos manere in Clero*. Sane hoc in loco verba illa, *eos ordinatos* hanc sententiam habent, ac si dicatur, *eos qui prius ordinati erant*, quam verborum significationem imperitus collector non servavit, sed aliter intelligens hæc potius verbis explicavit: *ut ordinentur, & sic maneant in Clero*.

Canon 19. caus. 7. qu. 1. hæc verbis legendus est ex interpretatione Dionysii an. 19.  
 Exigui ad Nicænum canonem 15. *Propter multam perturbationem* (interpretantur can. 7.  
 alii: *propter multum tumultum*), & seditiones, quæ fiunt, placuit consuetudinem omni- qu. 1.  
 modis amputari, quæ præter regulam in quibusdam partibus videtur admissa, ita ut de civitate ad civitatem, non Episcopus, non Presbyter, non Diaconus transferatur. Si quis autem post definitionem Sancti, & Magni Concilii tale quid agere tentaverit, & se hujusmodi negotio manciparit, hoc solum prorsus in irritum ducatur, & restituatur Ecclesiæ, cui fuit Episcopus, aut Presbyter, aut Diaconus ordinatus. Agnoscimus hic vetustissimam illam disciplinam, juxta quam vetitum erat Episcopis, & Clericis de una in aliam Ecclesiam transferri, atque ad id respiciens Hieronymus ad Oceanum ita scribit: *In Nicæna Synodo a Patribus decretum, ne de alia in aliam Ecclesia Episcopus transferatur*. Porro hujus interdicti ratio ea non erat, qualem recentiores interpretes ingeniose potius, quam vere excogitarunt, quasi videlicet in translationibus Episcoporum, ac Clericorum conjugium spirituale, quod inter ipsos, & Ecclesiam contractum dicitur, quodammodo dissolvatur: sed potius repetenda est ex eo, quod in hæc Episcoporum, Clericorumque translationibus ut plurimum seditiones, ac tumultus populorum concitabantur, quemadmodum ex prioribus hujus canonis verbis manifesto liquet. Atque hinc fieri aliquando potuit, ut ubi non ex concitata seditione, nec tumultu factus Episcopus quispiam, aut Clericus prudenti Confacerdotum judicio, præsertim re in Synodo mature discussa, ad aliam Ecclesiam transferendus esset, id facile admissum fuerit, ac probatum; quemadmodum Gregorium Theologum primum Salsorum Episcopum fuisse testatur Hieronymus in Catalogo; deinde Nazianzenz Ecclesiæ fuisse præfectum, postremo ad Constantinopolitanam Sedem translatum omnes tradunt, quia tamen Nicæno Canonis injuria ulla facta fuerit; nec enim aut Gregorius ipse qui translatus est, aut illi Episcopi, quorum auctoritate facta est illius translatio, Nicænum canonem ignorabant,

bant, nec cognitum violare voluerunt, cum recens lex esset, & eodem seculo lata.

Can. 4.  
cau. 11.  
qu. 1.

Falso Nicænæ Synodo tributus est canon 4. cau. 11. q. 1., non solum enim consideratur inter vulgatos Nicæni Concilii canones viginti, sed etiam in Arabicis, aut aliis quibuscunque monumentis, quæ saltem verosimilia apud eruditos habentur. Video tamen, undenam decipi poterit Gratianus. In epistola 2. Julii Papæ ad Orientales cap. 34. hæc leguntur: *Similiter statuit præfata Synodus, ut nullum sententia, nisi a suo iudice dicta constringat. Iudices autem alii esse non debeant, quam qui ipse, qui impetitur, elegerit, aut quos suo cum consensu hæc Sancta Sedes, aut ejus Primates auctoritate hujus Sanctæ Sedis delegaverint. &c.* Quicunque postrema hæc cum Gratiano canone contulerit, facile agnoscat ex hac Julii epistola depromptum fuisse Gratianum caput, ideo forte laudatum Nicæni Concilii nomine, quod exhibetur Julius Pontifex Maximus ipsimum nomine illius Synodi laudasse, de qua antea fuerat loquutus; loquutus autem fuerat de Nicæna. Quis vero hodie ignorat hanc vulgatam Julii epistolam ad eminentis Pseudoisidori merces pertinere, nulloque propterea in pretio habendam esse? Id suo loco demonstrabitur perspicuis argumentis. Interea vero observare sufficiat, hæc Julii verba in parte depromta fuisse ex legibus Theodosii, quemadmodum constat ex lege 2. de re judicata in Codice Theodosiano ibi: *In privatorum causis hujusmodi forma serveatur, ne quemquam litigatorum sententia non a suo iudice dicta constringat.* Hæc verba Theodosii Imperatoris Julio Pontifici adtribuere ausus est Isidorus, imo eo progressus est, ut ex Concilio, quod Julium ipsum præcesserat, recitaret. Imo & eandem sententiam adtribuit Zephirino Papæ in epist. 1., quem ita facientem inducit: *nullum namque eorum sententia a non suo iudice dicta constringat, quia & leges sæculi ipsam fieri præcipiunt:* item adtribuit Eusebio Papæ in epist. 3. Sane nescio qua fronte hæc tanquam veterum Pontificum monumenta Pseudoisidorus primum adduxerit, deinde vero ita adscripserit Julio Papæ, ut per ipsum ad Nicænum Concilium referrentur. Quidquid vero sit de memorati fragmenti auctoritate, facile suspicor, ubi agitur de iudicium electione per reum faciendam, id pertinere ad disciplinam Africanæ Ecclesiæ, & ex quodam Carthaginensi potius, quam Nicæno Concilio desumptum esse. Revera caput 33. epistolæ ejusdem Julio Papæ adscriptæ desumptum videtur ex Concilio Carthaginensi 2. can. 6., Carthaginensi 4. cap. 58. & Carthaginensi 7. cap. 1. & 2. Quis itaque facile non concludet caput 34. ejusdem epistolæ, cujus initium est: *Similiter statuit præfata Synodus,* ad Synodum quamdam Carthaginensem referri debere? Nec enim erit, cur Gratianus nomine præfate Synodi Nicænam potius, quam Carthaginensem intelligeret. Revera Primatis nomen, quod in eodem fragmento legitur, Africanæ Ecclesiæ disciplinam indicat, in qua potissimum nulli aut Metropolitæ, aut Archiepiscopi nominabantur, sed peculiari nomine *Primum*. Deinde clarissima sunt Carthaginensium Conciliorum monumenta, in quibus similia nonnulla reperiuntur de iudicibus per reum conventum eligendis, cujus rei fidem maximam faciunt canones 96. & 122. vulgati codicis Ecclesiæ Africanæ, canon 10. Concilii Carthaginensis 2., canon 9. Concilii Carthaginensis 3., qui idem est cum canone 43. cau. 11. qu. 1., & alii similes quamplures. Ex quibus omnibus concludendum arbitror, memoratum Gratiani canonem 4. cau. 11. q. 1. originem habere suam ex Isidori Memoratoris decretalibus epistolis, in quibus tamen elucubrandis auctor usus est doctrinæ Carthaginensium Conciliorum, præsertim hac in parte, quam



quam se proficitur descripsisse ab ea Synodo, de qua fuerat præfatus, Gratianum vero deinde errore lapsum fragmentum illud nomine Nicæni Concilii commemorasse.

De canone 8. cau. 14. qu. 4. nihil est, quod specialiter observemus, quippe idem omnino est cum canone 2. dist. 47., quem superius jam expendimus.

Frustra eruditi omnes elaborarunt in inquirenda origine canonis 1. cau. 16. qu. 1. Apertissime Corredtores Romani ita professi sunt: *Caput hoc neque in prima Nicæna Synodo, neque in secunda hodie habetur.* Audacter Turrianus, qui canones Nicænos Arabico-latinitate donavit, evulgavitque, ita notat ad canonem 46. *Memini hujus canonis Nicæni Gratianus cau. 16. qu. 1. can. placuit*, quasi Gratianus iste canon idem sit cum canone 76. Arabico, aut ad eum referri quodammodo possit. Sed quicumque Gratiani fragmentum cum fragmento Turriani conferet, ne lineolam quidem verborum, nec quamdam sententiarum adfinitatem agnoscat. Dabo hic utrumque canonem.

Can. 8.  
cau. 14.  
qu. 4.  
Can. 1.  
cau. 16.  
qu. 1.

## CANON GRATIANI.

*Placuit omnibus residentibus in sancta Nicæna Synodo, ut Monachorum converso, & vita secundum ethymologiam nominis ab omnibus discrepet. Monachus enim Græce, Latine singularis dicitur. Unde Monachum per omnia singulariter agere oportet. Quamobrem firmiter, & insolubiliter omnibus præcipimus, ut aliquis Monachus pœnitentiam nemini tribuat, nisi sibi invicem, ut iustum est; mortuum non sepeliat, nisi Monachum in Monasterio secum invancem, vel si fortuito quemquam adventantium fratrum ibi mori contigerit.*

## CANON TURRIANI.

*Ut Religiosi tum Monachi, tum Moniales habeant alia indumenta, & alios mores, quam habent Laici, ac tondeant caput in modum coronæ, & cingant se bonis, neque sigillis aureis, aut argenteis obignent, neque ferant crumenam ad latus, neque cultellos, sicut solent milites, & homicidæ, quando eunt ad bellum, & homicidium, & sicut solent alii ex mercatoribus, & peregrinis ferre crumenam ad voluntatem suam, sicut omnes ex populo. Quin potius sint probi, & inter se, & alios patientes, & ne eant per plateas, nisi cum modestia, nec inter se joculariter, & ridicule loquantur, nec alius alium irrideat, aut ludat, sed potius silentium teneant, & gravitatem, præsertim apud adversarios fidei, sintque in omnibus, quæ ad honorem eorum pertinent, patientes, & in omnibus moribus perfecti, & hic canon caret excommunicatione.*

Venia potius danda meo iudicio foret Turriano, si asseruisset memoratum Gratiani canonem ideo Nicæno Concilio tributum fuisse a Gratiano, quod sint nonnulla capita ad Monasticam disciplinam pertinentia, quæ Concilii Nicæni nomine edita ab aliis quibus fuerunt, inter cetera quindecim illa, quæ in editione Labbei Venera anni 1728 tomo 2. habentur pag. 351. In iis sane plurima sunt regulis, atque institutionibus Monachorum accommodata, quæ forte recentior quispiam perstringere voluit, atque perstricta pro libito suo Nicæni Concilii nomine evulgare; unde Gratianus deus fragmentum suum exceperit. Ego sane pro certo habeo; hunc

Gratiani canonem primum cau. 16. qu. 1. sæculo demum undecimo, aut duodecimo editum fuisse, vel privati cuiusdam hominis studio, vel in aliquo Provinciali, aut Diocesano Concilio. Siquidem tum primum ea ætate, uti ex Ecclesiasticis, & propemodum innumeris monumentis adparet, cœperunt exardescere contentiones inter Clericos, & Monachos, quum Monachi ad ea, quæ Clericorum erant, subeunda sacra Officia adspirarent. Præsertim vero idipsum deduci potest ex mentione, quæ ibidem fit, Ecclesiasticæ sepulturæ; etenim; uti alibi commodius ostendam, ante sæculum Ecclesiæ decimum, vel undecimum, sepulturæ extra Ecclesiam fiebant, ac proinde nulla de illis emergere antea potuerat inter Clericos & Monachos concertatio. Quod si quispiam ipsam canonis phrasim, sive locutionem, perpenderit, facile percipiet a Latino potius, & quidem inculto tyrone descriptum fuisse, & quidem ad faciliorem Latinorum captum, percipiet iidem recentioris ætatis monumentum esse ex eo etiam, quod ejus nemo ex vetustioribus collectio-ribus meminerit, non Ivo, non Burchardus, non Regino, aliique. Porro quicumque hujus canonis auctor extiterit, non dubito, quin hanc ipsam, quæ ibidem traditur, disciplinam, ex Conciliis sui temporis acceperit. Imo suspicor illum habuisse præ manibus astra Synodi celebratæ in Capicastello in Flandria ad annum 1108. sub Pontificatu Paschalis 2. relata a Baluzio in tomo 5. Miscellaneorum pag. 371. Proponitur ibi controversia exorta inter Canonicos, Tornacensis Ecclesiæ, & Monachos S. Martini, quod Monachi iidem jura Tornacensis Ecclesiæ sibi vindicarent, præsertim in collationibus Sacramentorum, & sepulturis. Atque inter cetera Capitula istud legitur. *Sepulturam vero Monachis, & eorum conversis liberam Canonici concessere hac conditione interposita, ut nullum de Parochia Turnacensi, nullum de Canonicorum Parochianis propriis, nullum etiam de paribus, & casatis Episcopi, nullum vero de paribus, & casatis pertinentibus sive ad urbem, sive ad castellum aliquo mole Monachi præsumerent in suo cimiterio sepelire, nisi permissu, & licentia Canonorum.* Hæc Tornacensis Ecclesiæ transactio præbere una cum aliis similibus, quæ tunc temporis ex studio pacis fieri solebant, occasionem huic canonis potuerunt; forte etiam evenire potuit, ut exinde in canonem hunc ipsum Nicæni Concilii nomen irreperet. Etenim contingere potuit auctorem canonis ita scripsisse, aut in inscriptione, aut ad marginem canonis in sancta Turnacena Synodo, quæ verba aut Gratianus, aut quisquis alius ob manuscriptorum difficultates ita legerit. In sancta Nicæna Synodo. Hæc porro dicta sint, non quod revera hæc ita contigisse crediderim, sed ut obscurissimis rebus qualequale lumen adferretur, & quid verosimilius accidere potuerit, indicaretur.

Can. 9.  
cau. 26.  
q. 6.

In can. 9. cau. 26. qu. 6. Gratianus sequutus est Isidorum Mercatorem, qui eadem verba exhibet in canone 12. ex Nicænis. Paulo aliter scripserunt interpretes alii, qui eundem canonem numero 13. inter Nicænos retulerunt. Dionysius Exiguus, quem utpote antiquiorem ceteris præferre soleo, in suum Codicem retulit his verbis: *De his, qui ad exitum veniunt, etiam nunc lex antiqua, regularisque servabitur ita, ut si quis egreditur e corpore, ultimo, & necessario viatico minime privetur.* Quod si desperatus, & consecutus communionem, oblationisque particeps factus iterum convalescit, sit inter eos, qui communionem orationis tantummodo consequuntur. Generaliter autem omni cuilibet in exitu posito, & poscenti sibi communionis gratiam tribui, Episcopus probabiliter ex oblatione dare debet. Hunc canonem ad lapsos, & publicæ prænitentiæ addictos pertinere nemo est, qui ambigat, quibus, si in extremo

vix

vitz periculo constituti sint, ne viaticum, five communio denegetur, ex benignitate præscribitur, ita tamen, ut si supervixerint, communionem orationis consequantur. Dubium in primis forte subesse poterit, quidnam *viatici*, five *communions* nomine in hoc canone intelligendum sit? Quicumque veterum voces juxta receptam hodiernam significationem accipiant nomine *viatici*, & *communions* Sacram Eucharistiam intelligunt. Ego in Nicæno canone voces a vocibus distinguendas esse crediderim: ubi in principio dicitur, *ultimo*, &  *necessario viatico minime privetur*, hujus *viatici* nomine sanctum Pœnitentiz, five reconciliationis Sacramentum agnosco, quod sine *ultimo*, &  *necessario* jure adpellari potest. Neque ab hac interpretatione alienum est *viatici* nomen, quod apud Latinos auctores recipitur, cum enim *viaticum* dicatur subsidium iter agentibus opportunum, facile percipimus, quemadmodum Pœnitentiz Sacramentum *viaticum* appelletur, cum sine Pœnitentiz Sacramento difficile admodum sit morituris ad æternam vitam progredi. Ubi item subditur: *Quod si desperatus, & consequutus communionem, oblationisque particeps factus* &c., nihil aliud rursus intelligo, quam reconciliationem Ecclesiasticam Pœnitenti datam, five concessum absolutionis Sacramentum, quod etiam nomine *communions* designari apud veteres consuevit argumento canonis 42. dist. 50. In postremis autem canonis verbis: *Poscenti sibi communionis gratiam tribui*, ego Sacram Eucharistiam intelligo, non ex vi tantum vocabuli, sed ex sententia canonis, qui id judicio Episcopi probabili committit. Revera, qui ex Græcis exemplaribus hodie hunc canonem reulerunt in novos Codices, ita postrema canonis verba Latinitate donarunt: *In summa autem de quolibet excedente, & Eucharistia participationem petente, cum examinatione oblationem impertiat*. Et Justellus in Codice canonum, quem Ecclesiæ universæ adtribuit, ita scripsit: *Generatim autem omni cuilibet in exitu posito, & Eucharistia participationem petenti, Episcopus cum examinatione oblationem impertiat*. Porro vetustissimis temporibus asperior fuit jurisprudentia sacra, cum potissimum urgeret adversus Christianos insequentes Ethnici; tunc enim lapsis, licet dein pœnitentibus, concedebatur quidem Sacramentalis absolutio in exitu constitutis ante expletos constitutæ pœnitentiæ gradus, Eucharistia vero denegabatur. At posterioribus sæculis Episcoporum arbitrio relictum est, prudentizque, ut quotiescumque judicaret expedire, non pœnitentiz tantum, sed & sacre Eucharistiz Sacramentum impertirentur. Id totum nos aperitissime docet Innocentius Papa in Epist. 3. ad Exuperium ibi: *Et hoc questum est, quid de his observare oporteat, qui post baptismum omni tempore incontinentiæ voluptatibus dediti in extremo fine vite sue pœnitentiam simul, & reconciliationem communionis expescant*. De his observatio prior durior, posterior interveniente misericordia inclinatio est. Nam consuetudo prior tenuit, ut concederetur iis pœnitentia, sed communio negaretur. Nam cum illis temporibus crebræ persecuciones essent, ne communionis concessa facilitas homines de reconciliatione securos non revocaret a lapsu, merito negata communio est, concessa pœnitentia, ne totum penitus negaretur, & duriores remissionem fecit temporis ratio. Sed postquam Dominus noster pacem Ecclesiis suis reddidit, jam terrore depulso communionem dari abeuntibus placuit, & propter Domini misericordiam quasi viaticum proflaturis, ne Novariani heretici negantiam veniam asperitatem, & duritiam subsequi videamur. Tribuetur igitur cum pœnitentia extrema communio, ut homines hujusmodi, vel in supremis suis permittente Salvatore nostro perpetuo exitio vindicentur. Itaque liquido adparet ex his, ante Nicænum Concilium eam fuisse in Ecclesia consuetudinem, ut pœnitentiz

tentiz quidem, non Eucharistiz Sacramentum ad extremum aegrotantibus concederetur; tum demum autem Eucharistia etiam, cum reddita fuit Ecclesiz pax, præsertim ubi a Novatiani austeritate recedendum visum sapientissime fuit, quod per hunc Nicænum canonem, de quo agimus, factum fuisse facile constat. Quamobrem ita Nicænorum Patrum sententiam explicandam esse arbitror, ut initio canonis vetus, & canonica jurisprudentia proponeretur de administando Pœnitentiz Sacramento illis, qui in exitu constituti sunt; deinde vero amplius progressum fuerit ad novam jurisprudentiam stabiliendam, qua scilicet fieret, ut ex arbitrio Episcopi morituris etiam concederetur Sacra Eucharistia.

Duo adhuc sunt, quæ in eodem Nicæno canone obscura videntur, atque indigent interprete. Pertinet primum ad illa verba: *Quod si desperatus, & consecutus communionem*. Quid, (forte interrogabis) quid significat vox illa *desperatus*? Sunt qui ex Græcis exemplaribus ita interpretati sunt, *Si autem deploratus* &c. Desperatum, sive deploratum dixerō, cujus salutis nulla spes fuerat, aut deplorabilis ejus conditio extiterat. Pertinet secundum ad illa verba: *Sit inter eos, qui communionem orationis tantummodo consequuntur*. Quales enim, (interrogabis forte) illi sunt, qui orationis communionem tantummodo consequuti dicuntur? Alium in hac re silentium veteres interpretes servant, neque aliis omnino formulis uti maluerunt. Ipsemet Josephus Ægyptius, qui Paraphrasim Nicænorum canonum adornavit, ita Nicænum hunc canonem ibidem exposuit. *In precibus tantum cum eo communicetur, & ad pœnitentium gradum ne revertatur*. Rem hanc ego arbitror ita definiendam esse. Erat apud veteres certus Pœnitentium gradus, qui vel *Profratorum*, vel *Consistentium* dicebatur. Isti cum fidelibus in Ecclesia permanebant, donec ad statum illam caræmoniam deveniretur, juxta quam pax omnibus fidelibus in sancto osculo concedebatur mutuis auspiciis, & salutationibus, qualis eadem exæmonia est, quæ etiamnum in solemnibus Missarum celebrationibus in parte viget. Etenim ad pacis auspicia, & consalutationes excipiendas nonnisi illi fideles admittebantur, qui integre prorsus, atque perfecte Ecclesiz aut adhæsissem semper, aut reconciliati omnino fuissent; ceteri vero, qui nondum perfecta reconciliatio fruerentur, clamante Diacono recedere jubebantur; atque hi, qui clamante Diacono recedebant, communionem tantummodo orationis habere dicebantur, quippe qui in Ecclesia consistebant tantummodo usque ad orationem Dominicam a Sacerdote sacra celebrante totius populi nomine recitatam, postquam subsequēbatur oblatio pacis, quemadmodum, & hodie usu receptum est. Cum itaque qui extremi periculi causâ absoluti erant, nondum Ecclesiz essent integre, perfecteque reconciliati, upote qui nondum integrum, & Canonicum-pœnitentiz tempus expleverant, tamen absolutionem semper, aliquando etiam Eucharistiam Episcopo arbitrate susceperant, admittebantur ad sacrorum Communionem, usque ad orationem Dominicam, post quam excluderentur statim, ne Ecclesiasticæ pacis omnino participes viderentur, quos propterea ex Nicæni canonis sententiâ dicere verosimiliter possumus in communionem tantum orationis extitisse.

Can. 4.  
de pœn.  
dist. 5.

Canon 4. de pœn. dist. 5. de promissis est ex canone 12. Nicæno, quem Dionysius Exiguus hisce verbis interpretatus est. *Quicumque vocati per gratiam primum quidem imperium monstraverunt deponentes militiæ cingulum, postmodum vero ad proprium votum sunt relapsi, ita ut quidam & pecunias tribuerent, & beneficij militiam reciperent, hi decem annis post orientis tempus, quo inter audientes actus, in afflictione per-*

permaneant. Sed in his omnibus propositum, & speciem penitentia convenit explorare: Quotquot enim metu, & lacrymis, atque penitentia, vel bonis operibus rebus ipsis conversionem suam, non simulatione demonstrant: hi definitum tempus auditionis implentes, tum demum fidelibus in oratione communicant, postmodum vero licet Episcopo de his aliquid humanius cogitare. Quicumque vero indifferenter tulerunt, & aditum invocandi Ecclesiam sibi arbitrati sunt ad conversionem posse sufficere, hi definitum modis omnibus tempus implebant. Ceteri interpretes vocibus quidem dissonant, sed in referenda canonis sententia omnino concordant. Maximum laboraverunt nonnulli ad attingendam Nicænorum Patrum mentem. Neque enim defuerunt viri impudentissimi, qui asserere non dubitarunt Nicænos Patres heic longe a veritate erravisse, quasi crediderint militiam Christianis hominibus vitio verti, proptereaque derelinquendam esse, ac semel derelictam nusquam amplius suscipiendam gravissimis indictis Ecclesiasticis poenis, cum tamen jam tum damnati in Ecclesia Manichei fuissent, qui ideo Abrahamum, Moysen, Josue, & Davidem detestati sunt, quod ipsos tanquam strenuos, invictosque bellatores fuisse agnovissent; ruper autem Arelatensis I. Concilii Patres paulo ante Nicænum ipsum Concilium in can. 3. excommunicatione damnavissent milites, qui militiæ Sacramentum, datamque fidem violaturi essent, atque a militia ipsa resiliere vellent. Alii ne hanc notam Nicænia Episcopis inurerent, metaphorice intelligendum esse asseruerunt Nicænum canonem, ita, ut ubi dicitur a malitia recedendum esse, malitia nomine, non militia ipsa, sed generaliter secularia negotia a Christiani hominis institutionibus prorsus aliena intelligantur. Josephus Ægyptius in sua Paraphrasi Arabica ita canonem expendit, ut de iis intelligeret, qui post depositam militiam Monasterium ingressi sunt, vitamque Monasticam professi, deinde vero ad militiam ipsam reverti per Apostasiam desiderant. Alii explicant canonem habita illorum ratione, qui ideo curabant, ut militibus adscriberentur, ut a legibus Ecclesiasticæ poenitentia, quarum pertadebat, solverentur. Nemo ex his omnibus veritatem attigit, nec germanam adtulit canonis interpretationem, quam ex historia tantummodo, ceterisque temporis illius adjunctis repetere omnino debemus.

Paulo ante Nicænam Synodum Licinius Ethnicus Imperator Christianos omnes diris suppliciis vexaverat, quorum odio illud speciali lege caverat, ut nemo, nisi Dæmoni immolans militiæ cingulo, & honoribus donaretur, & qui donati jam essent, cingulo ipso, & honoribus spoliarentur, nisi idola colerent, & illis sacra facerent. Refert id Eusebius lib. 10. Hist. Ecclesiast. cap. 8., & lib. 1. de Vita Constantini cap. 14., necnon Zozomenus Hist. Ecclesiast. lib. 1. cap. 1. Hinc quidam Christiani nominis viri militiæ potius cedere voluerant, quam a vera Christi fide, ac religione descedere. Baronius ad annum 298. Marcellum Centurionem ita loquentem exhibet: Si talis est conditio militantium, ut Diis; & Imperatoribus sacra facere compellantur, ecce projicio vitæ, & cingulum, renuncio signis, & militare recuso. Quidam tamen post desertam militiam, & Christianæ disciplinæ peritiam, rursus militiam Ethniconum sequi adamarunt, eandemque ut recuperarent pecunia, & beneficiis datis itoduerunt; quam cum assequuti fuissent, proptereaque variis Idolis immolassent, rursus de obtinenda Ecclesiastica venia, deferendaque militia cogitabant. Hujus generis homines: adicit Nicænus hic canon, atque ad eosdem pertinent ibidem præfixæ Ecclesiasticæ poenitentia leges, quibus scilicet per triennium inter Audientes, & per decennium inter Prostratos maneant, data tamen

Epif.

Episcopis facultate, ut pro pœnitentiæ modo, siue pœnitentium affectionibus tempus valeant pœnitentiæ brevis contrahere. Notatu heic dignum occurrit olim duplicem dictam fuisse militiam, castrensem aliam, aliam civilem, quibus vel milites belli gerendi causâ instruebantur, vel constituebantur Reipublicæ administratores. Utriusque militiæ insigne erat cingulum; hinc milites cingi consuevisse legimus in l. 43. ff. de testamento militis, item in veteribus Sanctorum Patrum. Decretis cinctorum iudicum mentionem factam fuisse scimus. Hinc Ambrosius Serm. 7. inquit: *Non tantum de his militantibus scriptura loquitur, qui armata militia detinentur, sed quisquis militiæ suæ cingulo utitur, dignitatis suæ miles adscribitur. Atque idco hæc sententia potest dici, verbi gratia, militibus Proteſtoribus, causisq; Reſtoribus, & cuiusq; qui stipendia sibi decreta consequitur. Quum vero memoratum Licinii Decretum ad utramque militiam pertineret, perspicuum etiam fit, Nicænum canonem de utriusque generis militibus a Christi fide deficientibus intelligendum esse.*

Can. 10. Demum, qui inter Nicænos canones postremus est, siue vigesimus, habetur apud  
de conf. Gratianum in canone 10. de conf. dist. 3. juxta interpretationem Iſidori Mercatoris.  
dist. 3. Dionysius Exiguus ita scribit: *Quoniam sunt quidam in die Dominico genuflectentes, & in diebus Pentecostes, ut omnia in universis locis consonanter observentur, placuit sancto Concilio flames Domino vota persolvere. Antiquissima sane est hujusmodi Ecclesiæ disciplina, ut nec Dominica die, neque diebus Paschalibus usque ad Pentecosten, quemadmodum jejunia non celebrantur, ita quoque inter orationes, quæ Deo fundimus, genua non flectamus; quemadmodum testatur Tertullianus de corona militis cap. 3., & Augustinus Epist. ad Iaruarium. Atque ejusdem disciplinæ rationem optimam præfert Iſidorus Hispalensis lib. 1. de Ecclesiasticis Officiis cap. 31. inquit: *Idcirco autem totius quinquagesimæ dies post Domini Resurrectionem resoluta abstinentia in sola letitia celebrantur propter figuram futuræ Resurrectionis, ubi jam non labor, sed requies eris letitiæ. Ideoque his diebus nec genua in oratione flectuntur, quia, sicut quidam sapiens ait, inflexio genuum pœnitentiæ, & luctus indicium est; unde etiam per omnia eandem in illis solemnitas, quam die Dominico custodimus, in qua majores nostri nec jejunium agendum, nec genua esse flectenda ob reverentiam Dominicæ Resurrectionis tradiderunt. Illud sane hoc in canone observatione dignissimum est, vehementer inductos fuisse Nicænos Episcopos ad hanc disciplinam stabilendam ita, ut ubique locorum obtineret, ex ea ratione, ut omnia in universis locis consonanter observentur, videlicet, ut eadem vigeret in omnibus Ecclesiis orandi ratio; quamobrem liquet, quanta fuerit veterum Patrum cura, ac sollicitudo, ut etiam in sacris ritibus ac cæremoniis Ecclesiasticis unitas enteret; etſi enim præcipua debeat esse in Ecclesia unitas fidei, variaque identidem apparere soleat sicut temporum, ita & locorum disciplina, tamen nihil aptius Ecclesiasticæ rei semper esse videtur, quam, præsertim ubi nihil obſit peculiare, eandem sacrorum cæremoniis ubicumque servari.**

Non ignoro hunc 20. Nicænum canonem in nonnullis vetustis codicibus desiderari. Desideratur enim apud Ruffinum Aquilejensem Presbyterum, qui in cap. 6. libri 1. Ecclesiasticæ Historiæ duos & viginti Nicænos canones numeravit, quoniam tamen de eo nullam mentionem faceret. Desideratur in eo Codice, quem Romanæ Ecclesiæ Paschasius Quesnellius adtribuit inter opera Leonis Magni. Aſſerit præterea Paschasius Quesnellius in sua Dissertatione 12. de Codice Romanæ Ecclesiæ cap.

cap. 5. num. 6. desiderari eundem canonem in *Arabica Nicænorum canonum collectione*, quæ circumfertur. Rursus ibidem numero 4. asserit idem Quesnellius apud Fulgentium Ferrandum Africanæ Ecclesiæ Diaconum eundem canonem referri ad Concilium Sardicenfē. Verba a Fulgentio Ferrando relata sunt hæc num. 214., *ut diebus Quinquagesimæ genua non flectantur*. Concilio Sardicēsi tit. 1. Quid tamen, si in quampluribus aliis collectionibus reperitur? Reperitur autem idem canon in antiquissima Collectione, quam Dionysius Exiguus ex Græcis exemplaribus Romæ evulgavit. Reperitur in Græcis illis exemplaribus, quæ latina fecerunt eruditi quamplures, deque Ecclesiastica Jurisprudētia optime meriti viri. Reperitur in eo Codice, qui appellatur *Codex Canonum Ecclesiæ universæ*; reperitur in Codice Ildori Mercatoris, reperitur in prisca canonum editione Latina, quam edidit Justellus in Tom. 1. Bibliothecæ Juris Canonici veteris pag. mihi 277., reperitur demum in Breviario Canonico Crisconii Episcopi num. 138., ut alias bene multas collectiones mittam. Neque vero negotium ullum facessere possunt, quæ argumenta deducuntur ex aliorum silentio. Siquidem in primis Rufinus Presbyter Aquilejensis vulgo notari solet auctore ipso S. Hieronymo tamquam falsarius, & alienorum, operum depravator; præsertim vero in libris Historiæ Ecclesiasticæ, a quibus se reeedere omnino debuisset testatur Socrates in Præfatione ad librum 2. suæ Historiæ. Tantominus aliquid valere poterit Codex Romanæ Ecclesiæ a Paschasio Quesnellio evulgatus, quem sane Romanæ Ecclesiæ veteris fuisse non demonstravit idem Quesnellius, quemadmodum in Præfatione hujus libri fuisse disceui. Non est autem ferendum perspicuum illud, & insigne Quesnellii ejusdem mendacium, quo ut suo Codici quandam auctoritatem conciliet, non dubitat dicere canonem illum desiderari in vulgata canonum Arabicorum Nicænorum editione. Aut enim nomine vulgatæ Arabicæ editionis illam intelligit, quæ dicitur Arabica Paraphrasis Josephi Ægyptii; atque in ea canonem hunc numero 20. reperisset Quesnellius, si eam legisset apud Beveregium in fine Tomi 1., & apud Labbeum in Tomo 2. Venetæ editionis pag. 67. Aut intelligit canones illos Arabicos, quos evulgavit Turrianus numero quamplurimos, & rursus video ignotos fuisse Quesnellio, cum in eadem Labbeana editione can. 29. ex Arabicis ita legatur pag. 309. *in oratione Dominici dici, & in diebus Pentecostes, & in magnis festis Domini oportet non flectere genua, sed stantes orare, & inclinari*. De eo vero, quod ex Ferrando Diacono refertur, parum solliciti esse debemus; cum enim in pluribus vetustissimis Codicibus Sardicenses canones essent Nicænis adnexi, facile fuit Ferrando possumus Nicænum canonem pro Sardicēsi primo laudare.



## CAPUT VIII.

## De Concilio Gangrensi.

Concilii Gangrensis Canones a Gratiano  
relati isti sunt.

- Can. 15. dist. 28. adversus Eustathii heresim constitutus.*  
*Can. 1. dist. 30. adversus Eustathii heresim constitutus.*  
*Can. 2. dist. 30. adversus Eustathii heresim constitutus.*  
*Can. 3. dist. 30. adversus Eustathii heresim constitutus.*  
*Can. 4. dist. 30. adversus Eustathii heresim constitutus.*  
*Can. 5. dist. 30. adversus Eustathii heresim constitutus.*  
*Can. 6. dist. 30. adversus Eustathii heresim constitutus.*  
*Can. 7. dist. 30. adversus Eustathii heresim constitutus.*  
*Can. 8. dist. 30. ex melioris notæ exemplaribus emendandus.*  
*Can. 9. dist. 30. adversus Eustathii heresim constitutus.*  
*Can. 10. dist. 30. adversus Eustathii heresim constitutus.*  
*Can. 11. dist. 30. ex melioris notæ Codicibus supplendus.*  
*Can. 12. dist. 30. idem est cum can. 8. dist. 31. ex interpretatione Ihsidori.*  
*Can. 13. dist. 30. adversus Eustathii heresim constitutus.*  
*Can. 14. dist. 30. adversus Eustathii heresim constitutus.*  
*Can. 15. dist. 30. adversus Eustathii heresim constitutus.*  
*Can. 16. dist. 30. pertinet ad Appendicem Concilii Gangrensis, quæ in quibusdam exemplaribus desideratur.*  
*Can. 8. dist. 31. idem est cum can. 12. dist. 30. ex interpretatione Dionysii.*  
*Can. 9. dist. 31. idem est cum can. 5. dist. 30. ex interpretatione Dionysii.*  
*Can. 5. dist. 41. jungendus cum can. 16. dist. 30.*  
*Can. 1. dist. 42. adversus Eustathii heresim constitutus.*  
*Can. 37. cau. 17. qu. 4. a Gratiani proposito prorsus alienus.*

**A** Pud eruditos rerum Ecclesiasticarum viros incertum omnino tempus est, quo celebratum fuerit Gangrense Concilium, ita dictum a Gangra Urbe Metropoli in Paphlagonia Regione minoris Asie. Alii enim hoc Concilium ante Nicenum collocant, circa annum 324., alij ajunt quidem celebratum fuisse ante Concilium Antiochenum anni 341., sed post Concilium Nicenum, quin tamen certum omnino tempus definiant. Qui referunt ad annum circiter 324. ex eo argumentantur, quod in actis ejusdem Synodi Osii Episcopus Cordubensis interfuisse legatur, quem alio tempore subscribere non potuisse Concilio asserunt, quam cum legatione Sylvestri Pontificis Maximi apud Orientales fungeretur. Verum hoc argumentum, quo Eminentiſſimus Baronius utitur, suo momento penitus cadit, si observaverimus Osi nomen in integris ejusdem Concilii actis desiderari; etsi enim legatur Osi nomen in quadam vetere Latina versione Epistolæ scriptæ

Con-



Concilii Gangrensis nomine ad Armenos Episcopos, qualis habetur apud Labbeum in tomo 2. Venetæ editionis pag. 423., in textu tamen Græco, sicut & in nova interpretatione, quæ ibidem edita est, penitus desideratur. Revera in eadem vetere Latina versione Osii Cordubensis nomen numero 14. adjectum est, sive post alios Episcopos tresdecim, Eusebium, Hypatium, Eulalium, Gregorium, Ælianum, Bithynicum, Olympium, Bassianum, Basilium, Philetum, Heraclium, Pappum, & Eugenium; quod sane verosimile esse non potest, si Osii Cordubensis legatione Pontificia fungens apud Orientales tum moraretur. His addi potest in præfatione canonum Latina editione, qualis habetur apud Justellum in tom. 1. Bibliothecæ Juris Canonici veteris, nomen Osii desiderari, licet ceteri, qui in eodem Concilio interfuerunt Episcopi, recensentur pag. mihi 288. Recensentur autem Eusebius, Ellianus, sive, ut aliis placet, Ælianus, Eugenius, Olympius, vel ut aliis placet, Alypius, Bythinus, Gregorius, Felicius ( legunt alii: Philetus, ) Pappus, seu Pappus, Eulalius, Hypatius, Proeresius, seu Proheresius, Basilus, Eugenius, & Heraclius. Itaque verosimilius est, hoc Gangrense Concilium post Nicænum habitum fuisse, præsertim cum ita manifeste tradat Dionysius Exiguus, qui in inscriptione Gangrensis canonum ita præfatur: *Incipiunt Regule Gangrenses, quæ post Nicænum Concilium exposte sunt*; & in eadem latina editione Justelli ita habeatur: *Hi canones post Sanctam Synodum Nicænam exposti sunt in Gangram titulos 20.* Idipsum autem testantur recentiores Interpretes Græci Balsamon, & Zonaras; quamquam tamen nemo ex his ullibi annum definiat, quo Synodus eadem celebrata fuerit, nihilominus facile est conjicere ante Synodum Antiochenam anni 341. fuisse prælatam, vel quod in vetustissimis Conciliorum Editionibus, in quibus ordo temporum servatur, canones Gangrenses Antiochenis præferantur, vel quod Sæzomenus in lib. 4. histor. Ecclesiast. cap. 24. innuat Eustathium prius fuisse in Synodo Gangrensi depositum, quam perjurii in Antiochia convictum.

Hoc Gangrense Concilium Provinciale fuit, scilicet duodecim Episcoporum, quemadmodum in pluribus codicibus habetur, vel decem & trium, vel quindecim, vel etiam sexdecim, quemadmodum in aliis exemplaribus. Atque ejusdem Concilii acta in universam Armeniam vulgata fuerunt, uti constat ex illius Epistola Synodica, quæ habetur in præfatione Concilii. Quamobrem liquet hujus Synodi acta primum in Armenia fuisse recepta, deinde vero eximiam auctoritatem obtinuisse etiam apud Occidentales Ecclesias, postquam præsertim Symmachus Papa in Concilio Romæ habito testatus est, Gangrenses canones Apostolica auctoritate fuisse conditos, dein vero Leo IV. Britannicis Episcopis Gangrenses canones sequendos proposuit in can. 1. dist. 40.

Canones Concilii Gangrensis viginti numero sunt, præter Conclusionem illiæ athenæ, in qua clarius Sancti Patres mentem suam explicaverunt. Horum autem sententiam ut facilius percipiamus, animadvertenda erit causa Concilii. Quidam Eustathius ( non jam ille Sebaltenus Episcopus in Armenia, quemadmodum gravissimis conjecturis ostendit Baronius ad annum 361., & Binius in suis notis ad Concilium Gangrense; sed alius obscuri nominis ) austeriorem vitam rationem professus, ( non sane Monasticam, seu Conobiticam, uti quibusdam libalè; etenim nulla ante S. Basilium in Armenia fuit Conobitica vitæ professio, teste eodem Basilio Epist. 63., & 79. ) docere cepit, nuptias a Deo esse penitus improbatas, & quidem ita acris studio id prædicavit, ut plures hæreses sue

sectatores nactus esset, pluresque exinde viri uxores suas dimittere, & viceversa a viris uxores recedere minime dubitarent, promiscuis potius sese adulteriis maculantes, quam conjugalis thori fidem adamantes. Hinc Eustathius idem Ecclesiam Dei, eaque omnia, quæ in ipsa Ecclesia fiebant, omnino contemnens privatis suorum conventiculis delectabatur, novoque vestimentū genere, quo a ceteris secerneretur, indutus, mulieres etiam ad virilem illum specialem habitum suscipiendum invitabat, primitias, & oblationes sibi & suis, veluti viris Deo peculiari ratione devotis vindicabat; atque etiam ut a ceteris Christianis disciplina morum distingueretur, etiam Dominico die jejunium indicebat, servabatque; Martyrum basilicas, sacraque in ipsis peracta contemnebat, nullos demum salutem æternam consequi posse asserbat, nisi qui spretis hujusce sæculi commodis sectæ suæ adscriberentur. Hæc porro hæresis universam propemodum Orientalem Ecclesiam, præsertim in Armeniæ Provincia fusdeque turbaverat; quamobrem opus fuit Concilio, quo hæc omnia improba, superstitionesque Eustathii capita damnaverent, totidem oppositis capitibus publica auctoritate constituis, qualia sunt, quæ in Gangrensi Concilio edita proponuntur.

Can. 15. Atque jam exinde percipimus sententiam canonis 15. dist. 28., qui idem est cum can. 4. Concilii Gangrensis ita concepto ex interpretatione Dionysii Exigui: *Quicumque discernit a Presbytero, qui uxorem habuit, quod non oporteat eo ministrante de oblatione percipere, anathema sit.* Gratianus sequutus est Isidorum Mercatorem, cujus sane interpretatio cum Dionysii, aliorumque interpretatione concordat. Directus erat hic canon adversus Eustathium, qui cum nuptias abominaretur, eas oblationes penitus detestabatur, quæ a conjugato Presbytero consecratæ fuissent. Huc referendum censeo canonem illum, qui legitur in Penitentiali Romano edito ab Antonio Augustino tit. 7. cap. 12. ibi: *Sprevisti missam, vel oblationem conjugati Presbyteri, ita dico, ut nolle tua peccata sibi consiteri, vel ab eo accipere Corpus, & Sanguinem Domini, ob hoc, quia peccator tibi esse videretur, uno anno peniteas in pane, & aqua per legitimas ferias.*

Can. 1. Ad eandem Eustathii hæresim damnandam pertinet can. 16. Gangrensis, cujus dist. 30. verba hæc sunt apud Dionysium Exiguum: *Quicumque filii a parentibus, sub prætextu divini cultus abscedunt, nec debitam reverentiam dependunt illis, qui divinum cultum sibi procul dubio præferunt, anathema sit.* Quum enim Eustathius filios familias præsertim a parentum domibus evocatos prætextu religionis, ac pietatis in Deum ad sua Conventicula pertraheret, opus erat fidelium Parentum filios in officio adeo continere, ut ad improbas hujusmodi societates minime diverterent. Retulit hunc canonem Gratianus in can. 1. dist. 30. sequutus de more suo Isidori Mercatoris interpretationem.

Can. 2. Non solum autem Eustathius, uti superius diximus, filios familias a Paterna dist. 30. domo, sed & uxores a maritorum consortio religionis prætextu abstrahabat. Hinc Gangrenses Patres in canone 17. definierunt ex interpretatione Dionysii: *Si quæ mulier propter divinum cultum, ut æstimas, crines attondet, quos ei Deus ad subjectionis memoriam tribuit, tanquam præceptum dissolvens obedientiæ, anathema sit.* Hunc canonem retulit Gratianus in can. 2. dist. 30. sequutus interpretationem Mercatoris. Idipsum confirmavit Theodosius Imperator lege lata, ne uxores a maritis suis religionis causa recedere auderent, quemadmodum refert Sozomenus lib. 7. histor. Ecclesiast. cap. 26. Nonnihil autem videtur commisisse ad hanc disciplinam stabili-

stabilitandam, quod Paulus Apostolus ait in Epist. 1. ad Corinth. cap. 11. ibi: *Si vero turpe est mulieri tondere, aut decalvari, velet caput suum. Vir quidem non debet velare caput suum, quoniam imago, & gloria Dei est, mulier autem gloria viri est &c.*

Eodem pertinet canon 3. dist. 30., qui est idem cum can. 14. Gangrensi. *Can. 3. Gratianus sequutus est Isidorum Mercatorem, apud quem non constans est, & dist. 30. eadem ubique exemplarium Scriptura, alicubi enim legitur: nuptias concemnendo, alicubi: nuptias condemnando.* Dionysius Exiguus hisce verbis canonem interpretatus est: *Si qua mulier virum proprium relinquens, discedere voluerit, nuptias execrans, anathema sit.* Alii ex Græcis exemplaribus ita scripserunt: *Si qua mulier relinquat maritum, & recedere velit, matrimonium abhorrens, sit anathema.* Vix est, quod in hac interpretationum varietate observemus: illud constantissimum est, canonem hunc adversus Eustathianorum hæresim conditum fuisse, quam sequentes uxores a maritis divertere non dubitabant, uti superius memorabam.

Eodem etiam spectat can. 4. dist. 30., idest adversus eandem Eustathii hære- *Can. 4. sim.* Habetur ille in canone 10. ex Gangrensisibus. Gratianus verba ab Isidoro! *ist. 30. mercatore depromissit.* Dionysius Exiguus hæc exhibet: *Si quis ex his, qui virginitatem propter Dominum servant, extollitur adversus conjugatos, anathema sit.* Alii Græca exemplaria ita latinitate donarunt: *Si quis eorum, qui virginitatem servant propter Dominum, in conjugatos insultet, sit anathema.* Non sane Gangrenses Patres conjuges virginibus comparandos esse voluerunt, sed ita adversus Eustathium pugnarunt, ut qui virgines esse volunt, conjugia minime damnent.

Atque id clarius expresserant Gangrenses Patres in can. 9., quem Gratianus *Can. 5. idem retulit in can. 5. dist. 30. ex interpretatione Isidori Mercatoris, quæ cum 1/2 p. 30. paulisper depravata sit, hoc in loco erit describenda.* Ita habet Isidorus: *Si quis vel virginitatem, vel continentiam professus, tamquam abominabiles nuptias judicat, & non propter hoc solum, quod continentia, & virginitatis bonum sit, sanctumque propositum, anathema sit.* Non omitam tamen referre etiam interpretationem Dionysii Exigui, ita scribentis: *Quicumque virginitatem custodiens, aut continentia studeas, velus horrescens nuptias temerat, nec propter hoc, quod bonum, & sanctum est, nomen virginitatis assumit, anathema sit.* Idem Gratianus hoc ipsum caput ex hac Dionysii interpretatione rursus attulit in can. 9. dist. 31. *Ex can. 9. dist. 31.*

Diximus præterea Eustathium mulieres eo induxisse, ut a marito recedentes *Can. 6. dist. 30. singularem in signum religiosæ susceptæ vitæ vestem induerent, qua demonstrarent se Eustathianis conventibus, & dogmatibus addictas.* Adversus hanc consuetudinem editus est canon 13. Gangrensis, relatus in can. 6. dist. 30., & quidem hic canon 6. videtur consonare cum interpretatione Isidori Mercatoris ita scribentis: *Si qua mulier suo proposito utile iudicans, ut virili veste utatur, ad hoc viri habitum imitatur (legunt alii: ad hoc, ut virilem habitum imitetur) anathema sit.* Dionysius Exiguus ita scripsit: *Si qua mulier propter continentiam, quæ putatur, habitum mutat, & pro solito muliebri, amictum virilem sumit, anathema sit.*

Tantam austeritatis speciem apud suos exhibere voluit Eustathius, ut adversus *Can. 7. dist. 30. christianorum disciplinam diebus præsertim Dominicis jejunaret, jejunandumque juberet.* Quam consuetudinem improbarunt Gangrenses Patres in can. 18. relato apud Gratianum in canonem 7. dist. 30. Vulgatam Isidori Mercatoris editionem videtur sequutus Gratianus, in qua legitur: *Si quis tamquam hoc continentia conve-*  
*nire*

*nire iudicans, die Dominico jejunaverit, aut in ejusdem diei concentum, anathema sit.* Dionysius Exiguus paullo aliter habet ibi: *Si quis propter continentiam, qua patatur, aut continentiam in die Dominico jejunas, anathema sit.* Alii vero ex Græcis exemplaribus hinc verbis canonem interpretati sunt: *Si quis propter eam, quæ existimatur, exercitationem in Dominico jejunes, sit anathema.* Nomine exercitationis ibi non alia intelligitur, quam quæ ab Eustathio pia, ac religiosa predicabatur. Perperam autem meo iudicio adversus ceterorum Interpretum, atque exemplarium fidem hunc canonem exposuit Alexius Aristanus Græcus Interpret ibi: *Qui diem Dominicum, vel Sabbatum jejunis peragit, anathema;* præterquam quod enim nihil tale in Concilio ipso reperiatur, nulla erat occasio Gangrensis Patribus, cur ipsam de die Sabbati definirent, quod de die Dominico definiendum fuerat, cum in eo tantum reprehendenda essent Eustathii jejunia, quod ipse Dominicum diem, diem apud christianos specialis gaudii ob memoriam Dominicæ resurrectionis, venerari negligeret.

Can. 8.  
dist. 30.

Prosequitur Gratianus, & in can. 8. ejusdem dist. 30. describit can. 19. ex Gangrensis, sequutus sane Isidorum Mercatorem, quamquam, ut arbitror, Typographorum, aut Amanuensium incuria hodierna editio Gratiani cum Isidoro omnino non consonet. Ita habent vulgatæ Isidori editiones: *Si quis eorum, qui in proposito sunt continentie, præter necessitatem corporalem, & superbiens, jejunia communia totius Ecclesiæ putaverit contemnenda, perfectam in sua scientia vindicans rationem, anathema sit.* Ex quidem cum hac eadem sententia consonat Dionysii Exigui interpretatio his verbis: *Si quis eorum, qui continentie student, absque necessitate corporis tradita in commune jejunia, & ab Ecclesiæ custodia superbiendo dissolvit, stimulo sue cogitationis impulsus, anathema sit.* Tradit Zonaras id in more Eustathianorum fuisse, ut primum unusquisque illorum singulis diebus usque ad certum tempus jejunaret, quo elapso quasi perfectionis apicem consequi essent, ab omni juniorum lege Ecclesiastica soluti haberentur, quorum opinionem Bogolemicam hæresim appellavit Balsamon in commentariis ad hunc eundem Gangrensem canonem.

Can. 9.  
dist. 30.

Pergit Gratianus, & in can. 9. ejusdem dist. 30. refert canonem ultimum, seu 20. Gangrensis Concilii juxta interpretationem Isidori Mercatoris. Brevius ex Græcis exemplaribus alii ita scripserunt. *Si quis arrogantia utens, martyrum Congregationes abhorreat, & sacra, quæ in eis celebrantur, & eorum memorias accuset, sit anathema.* Et Dionysius Exiguus: *Si quis superbia usus affectu conventus adominatur, qui ad confessiones martyrum celebrantur, & ministeria, quæ in eis fiunt, simul cum eorum memoriis execratur, anathema sit.* Etiam in hoc canone damnatum Eustathii schisma aperte conspicimus. Atque huc etiam pertinet canon 5. Concilii Gangrensis, qui juxta interpretationem Isidori Mercatoris idem omnino est cum can. 10. dist. 30., apud Dionysium autem Exiguum ita exprimitur: *Si quis docet domum dei consentibilem esse, & conventus, qui in ea celebrantur, anathema sit.*

Can. 10.  
dist. 30.

Can. 11.  
dist. 30.

In canonem 11. dist. 30. retulit Gratianus canonem 6. Gangrensem editum adversus conventicula memorati Eustathii, & quidem Gratianus Isidorum Mercatorem sequi maluit, sed nonnulla verba ejusdem omisit; etenim integer Isidori canon ita exprimitur: *Si quis extra Ecclesiam privatis populos congregans, contemnat Ecclesiasticas sanctiones, aliterque ea, quæ sunt Ecclesiæ, voluerit usurpare, non conveniens Presbytero juxta Decretum Episcopi, ipsamque Ecclesiam apud se sine consilio Episcopi, & sine Presbytero agat, anathema sit.* Dionysius Exiguus paucioribus verbis

integrum canonem exhibet : *Si quis extra Ecclesiam seorsum conventus celebrat, & despiciens Ecclesiam, ea, quæ sunt Ecclesiæ, voluerit usurpare, non convenientis Presbytero, juxta Decretum Episcopi, Anathema sit.*

Primus canon Concilii Gangrensis refertur a Gratiano, tum in can. 12. dist. 30., *Can. 12.* tum in can. 8. dist. 31., ex diversis tamen veterum interpretationibus ; nam Gratianus in can. 12. sequutus est Isidorum Mercatorem ; at in 8. sequutus est Dionysium Exiguum. *dist. 30. & can. 8. dist. 31.* Qualicumque autem recipiatur interpretatio, eadem utrobique sententia erit, ideo lata, ut hæresis damnaretur Eustathii, qui legitima conjugia impudenter detestabatur.

Secundus canon Gangrensis legitur apud Gratianum in can. 13. dist. 30. juxta *Can. 13. dist. 30.* interpretationem Isidori Mercatoris, quæ Gratiano eidem fuit valde familiaris. Dionysius Exiguus ita retulit : *Si quis carnes edentem præter sanguinem, & idolis immolatum, & suffocatum cum religione, & fide condemnat, velut spem, propter hujusmodi perceptionem, non habentem, anathema sit.* Occasionem huic canonem definiendo etiam dedit idem Eustathius, qui ab esu carnium omnino abstinendum fidelibus esse censebat, non solum illarum, quæ idolis immolatæ proponerentur, aut ubi sanguis, & suffocatum adesset juxta Apostolicam disciplinam, de qua in Actibus Apostolorum legitur, sed generaliter existimans carnium esum a principio malo proficisci, quod jamdiu etiam asseruerant Manichei.

In celebrandis conventibus suis Eustathius religionis prætextu non solum avocavit *Can. 14. dist. 30.* liberos a parentibus, conjuges a conjugibus, quemadmodum agnovimus ex can. 2. & 3. dist. 30., verum etiam parentes a liberis, ita ut sæpe sæpius contingeret, ut liberi paternis bonis ob parentum ipsorum discessum destituti humano omni subsidio carerent. Quominus id fieret, vetuerunt Gangrenses Antislites in can. 15., quem Gratianus descripsit in can. 14. dist. 30. semper ex interpretatione Mercatoris, apud quem tamen vocum aliquarum diversitas observatur. Ita habet Mercator : *Si quis dereliqueris proprios filios suos, ut non eos aliat, atque eis secundum pietatem necessaria non præbuerit, sed sub occasione continentie negligendos putaveris, anathema sit.* Dionysius Exiguus eadem servata sententia his verbis canonem exhibet : *Si quis filios suos relinquens, non eos nutrit, & quod ad se pertinet, ad pietatem divini cultus informat, sed per occasionem continentie negligit, anathema sit.*

Eustathiani, ut diximus, singularem omnino vellem, a ceteris distinctam assum- *Can. 15. dist. 30.* ferant, vellem quandam humilem, & philosophicæ non absurdum, quam Dionysius Exiguus, & Isidorus Mercator pallium, alii amiculum, alii ex Græco vocabulo peribolæum appellarunt. Inusitatum illud erat vestimenti genus, non quidem humilitatis, sed schismatis potius fovendi causa susceptum. Reprobatur, propterea jure optimo fuit in canone 12. Gangrensi, sive in can. 15. dist. 30. apud Gratianum. Porro Gratianus consonat omnino cum interpretatione Isidori Mercatoris. Dionysius Exiguus penitus concordat ita scribens : *Si quis virorum, propter continentiam, quæ putatur, amissu pallii utitur, quasi per hoc habere se justitiam credens, & despiciens eos, qui cum reverentia hyris, & aliis communibus, & solitis utuntur, anathema sit.* Alii Græcorum exemplarium fidem sequentes ita scripserunt : *Si quis vir propter eam, quæ existimatur, pietatis exercitationem amiculo utatur, & tamquam ex eo justitiam habens, condemnet eos, qui cum pietate veros ferunt, & alia communi, & conjuncta veste utuntur, sit anathema.* Porro amiculi, seu pallii nomine non aliud intelligitur, quam vestis fordida, & abjecta, quam induere-  
cum

cum suis Eustathius adamaverat; at byrrus, seu berus erat vestis decora; et si enim proprie byrrus purpureum colorem significet, facile tamen pro genere splendidi-  
 rum vestium usurpari potuit. Hinc Cassianus de institut. lib. 1. cap. 7. de Monachis ait: *byrrorum pretia sinit, ambitionemque devitant*. Et S. Augustinus serm. 50. de diversis ait: *Offeratur mihi byrrum pretiosum, forte deceat Episcopum, quamvis nos deceat Augustinum, id est hominem pauperem de pauperibus natum*. Itaque cum certum fuerit apud sanctissimos Patres, veram morum sanctitatem in habitu non consistere, aliquando autem sub vestium sordibus, ac sub specie religionis, & pietatis latere, vitia, & quidem eximia, in hac etiam parte damnandi fuerant Eustathiani, ex eo, quod habitu a ceteris distincto & squalido uti vellent, eos aspernantes, qui politiore indumento ornatiore essent, atque cum hominibus viventes humanos usus honestatis regulis non adversantes sequerentur.

Atque hæc contra Eustathianos jure optimo constituta fuerant; ne vero viderentur Gangrenses Episcopi vestium humilitatem cum animi virtute conjunctam. *penitus reprobasse, post viginti editos canones ita prosequuti sunt: Hæc autem scriptum non abscindentes eos &c.* Habentur hæc in can. 16. dist. 30. apud Gratianum, post cujus postrema illa verba, & operibus bonis non abjicimus, hæc immediate sequuntur: *& parseniam cum veste humili non reprobamus, cum reliquis, qui idem Gratianus refert in can. 5. dist. 41., omnia tamen ex interpretatione Ihsidori Mercatoris, cum qua Gratianæ verba conveniunt, si loco illarum vocum supra vires has substitutum juxta vires. Dionysii Exigui interpretationem etiam in hoc Patrum Gangrensi adjectione non omitram. Ita Dionysius: Hæc autem scriptum, non, qui in Ecclesia Dei secundum scripturas sanctum prepositum continentia eligunt, vituperantes, sed eos, qui abutuntur proposito in superbiam, & extolluntur adversus simplices, abscindimus, & damnamus eos, qui adversum scripturas, & Ecclesiasticas regulas nova introducunt præcepta. Nos autem & virginiam cum humilitate admiramur, & continentiam, quæ cum castitate, & religione suscipitur, adprobamus, & renunciationem secularium negotiorum cum humilitate recipimus, & nuptiarum castum vinculum honoramus, & divitias cum justitia, & operibus bonis non spernimus, & habitum simplicem, ac vestem villorem, pro corporis diligentia infusam laudamus, sicut etiam solutas, ac fractas in vestibus processiones reprobamus. Et domus Dei honoramus, & conventus, qui in his sunt, tamquam sanctus, & utiles facimus, pietatem in privatis domibus non claudentes, sed omnem locum in nomine Dei edificatum honoramus, & Congregationem in eadem Ecclesia factam pro utilitate communi recipimus. Et bona opera, quæ supra vires in fratres pauperes exercentur, secundum Ecclesiasticas traditiones beatificamus, & omnia, quæ per sanctas scripturas, & per Apostolos sunt tradita, in Ecclesia celebrari exoptamus. Animadvertit ad hæc Philippus Iabbeus abesse hanc Appendicem a quibusdam, sed paucis Latinis MSS. Codicibus, & ab editione cum Græca, tum Latina Codicis canonum Ecclesiasticorum Christophori Jusselli; legi autem tum in Græcis Balsamonis, & aliorum editionibus. Ceterum hæc Appendix congrua maxime fuerat, ne Gangrenses Patres adversus Eustathianam hæresim pugnantes viderentur in oppositum e diametro errorem viam sternere plurimis, qui minus sapienter Gangrensis Canonibus uti fuissent, quin ad temporum illorum adjuncta accurate respicerent.*

Can. 1. Non ex interpretatione Ihsidori Mercatoris, uti in more habuit, sed potius Dionysii Exigui depromit Gratianus canonem 11. Gangrensem relatum in can. 1. dist. 42.

42. Ibi etiam damnati sunt Eustathiani, quod sacros Christianorum conventus averfarentur. De vetere agaparam consuetudine, cujus ibi mentio fit, nemo est ex Interpretibus, qui non disserat. Tantum ego tradam, quod ad hunc canonem scribit Zonaras, scilicet veteres fideles consuevisse, ut *sacrorum Myfteriorum participatione refecti simul ad epulandum postea convenirent*, ita scilicet, ut cibus e ditiorum penu ministratus ad convivium ipsi quoque pauperes ab iisdem advocarentur. Cujus quidem rei Magnus etiam Paulus Epistola ad Corinthios meminit, eosque, quod abolita pristina consuetudine jam non una omnes epularentur; sed unusquisque suam cenam privatim absumeret, objurgans, alium quidem esurire, alium ebrium esse conqueritur. Hanc consuetudinem tunc quoque retinentes mutua inter se convivia fideles curabant, quas quidem eo, quod ob charitatem ex fide celebrarent, agapas vocitabant.

Rursum Isidori Mercatoris interpretatione usus est Gratianus in can. 37. cau. 17. *Can. 37. qu. 4.*, qui consonat cum canone 3. Gangrensi. Dionysius Exiguus ita canonem descripsit: *Siquis servum prætextu divini cultus doceat Dominum contemnere proprium, ut discedat ab ejus obsequio, nec ei cum benevolentia, & omni honore deserviat, Anathema sit.* Et id adversus Eustathium definiendum erat, qui non tantum parentes a filiis, filios a parentibus, conjuges a conjugibus abstrahabat prætextu religiosis, quemadmodum agnovimus ex can. 1., 2., 3., & 14. dist. 30., verum etiam servos concitabat, ut a Dominis suis omnino recederent, suæque hærefeos Affectibus jungerentur. Porro hic canon ita, quemadmodum decet, explicatus, longe omnino distat a proposito Gratiani; etenim Gratianus totus est in ea quæstione, ut agat de servis ad Ecclesiam septa fugientibus, uti liquere potest potissimum ex verbis Gratiani post canonem 31.; tantum autem distare video, quantum interfesse, distant recipi in Ecclesias, & ad Eustathianorum sectam ab Ecclesia defletere, eorundemque hæreticorum superstitionibus adherere: Quamobrem magis magisque liquet in Gratiani fragmentis semper considerata esse causarum, & rerum, de quibus agatur, adjuncta, ne forte Gratianum manucentem sequentes incommodis interpretationibus, & conclusionibus a veritate rei penitus defleamur.



## CAPUT IX.

## De Concilio Antiocheno.

Ex Concilio Antiocheno sequentes Canones  
a Gratiano deprompti sunt.

Apud veteres  
reprobati, po-  
steriore tamen  
etate recepti.

- Can. 4. dist. 18. paullo varius in diversis exemplaribus.  
Can. 3. dist. 65. ex interpretatione Dionysii Exigui restituendus.  
Can. 9. dist. 71. ad meliorum Codicum fidem exigendus.  
Can. 5. dist. 92. ad meliorum Codicum fidem exigendus.  
Can. 7. dist. 92. in Chalcedonensi Concilio probatus.  
Can. 8. dist. 92. in Chalcedonensi Concilio probatus.  
Can. 1. cau. 6. qu. 4. ex diversis exemplaribus explicandus.  
Can. 5. cau. 6. qu. 4. perperam a pluribus explicatus.  
Can. 24. cau. 7. qu. 1. ad meliorum Codicum fidem exigendus.  
Can. 25. cau. 7. qu. 1. paullo varius in diversis exemplaribus.  
Can. 3. cau. 8. qu. 1. paullo varius in diversis exemplaribus.  
Can. 6. cau. 9. qu. 2. varius in diversis exemplaribus.  
Can. 7. cau. 9. qu. 2. varius in diversis exemplaribus.  
Can. 2. cau. 9. qu. 3. varius in diversis exemplaribus.  
Can. 5. cau. 10. qu. 1. paullo varius in diversis exemplaribus.  
Can. 2. cau. 11. qu. 3. ad meliorum Codicum fidem exigendus.  
Can. 6. cau. 11. qu. 3. paullo varius in diversis exemplaribus.  
Can. 23. cau. 12. qu. 1. paullo varius in diversis exemplaribus.  
Can. 2. cau. 21. qu. 5. perperam a quibusdam expositus.  
Can. 27. cau. 23. qu. 8. plurimum consonat cum can. 2. cau. 21.  
qu. 5., & ex melioribus Codicibus supplendus.

**S**I Romanam excipimus Ecclesiam, in qua honor Ecclesiastici Primatus ex Sancto Petro, imo ex divina ipsa institutione dignoscitur, honorabilis præ ceteris esse videtur Antiochena, utpote quam ipse etiam Petrus Princeps Apostolorum instituit, atque tamquam ejusdem Civitatis Episcopus per plures annos administravit; hinc eadem Antiochena Ecclesia pluribus privilegiis omni ætate illustris extitit, atque a Sancto Hieronymo in Epist. 61. ad Pammachium totius Orientis Metropolis appellata fuit. In ea plures antiquissimis Ecclesie sæculis celebrati fuerunt Episcoporum conventus, quorum quidam aliqui hæreticis adhærentes Episcopos auctores habuerunt, ut plurimum vero Catholicorum Episcoporum fuerunt, atque ad rectum Ecclesiarum regimen stabiliendum facti fuerunt. Quid memorem hic Concilium Antiochenum Apostolorum, de quo agitur in actibus Apostolicis cap. 15., occasione controversiæ, quæ tum suborta fuerat, num Ethnicis ad Christianam religionem venientes prius circumcidi deberent, quam baptizarentur? Celebratissimum etiam Concilium illud est, sive quod anno 266., sive quod anno 272. ad-  
versus



versus Paullum Samosatenum habitum est, quamquam tamen utriusque aëta temporum injuria perierint, nec ad nostram usque ætatem pervenerint. Nonnulla, præter hæc Concilia Antiochena sunt post Nicænum celebrata, sive anno 341., sive anno 360., sive anno 363., horum autem omnium hodie aëta non supersunt, exceptis Canonibus illis, qui numero quinque & viginti a vetustissimis sacrorum canonum Collectoribus recensentur. Pertinent isti ad Synodum illam, quam S. Athanasius habitam fuisse scribit Marcellino, & Probino Consulibus, sive anno Domini 341., ad quam nonaginta Episcopi convenerant, aut nonaginta, & septem, quemadmodum scribit Hilarius in lib. de Synodis, & Sozomenus in lib. 3. Hist. Ecclesiasticæ cap. 5. Porro celebrandæ hujus Synodi occasio fuit dedicatio, sive Encænna celeberrimi Antiocheni templi, quod Constantinus Magnus ædificare cœperat, & Constantinus filius, idemque in Imperio successor absolverat, uti scribit Athanasius de Synodo Ariminensi, & Socrates lib. 2. Hist. Eccles. cap. 8. Quum enim plures ad solemnem templi dedicationem vocati Episcopi convenissent, operæ pretium esse duxerunt, quædam interea ad Ecclesiasticam disciplinam stabilendam communi suffragio constituere. Ex iis tamen Episcopis, qui eo accesserant, quamplures usque ad triginta de Arianorum hæresi suspectos fuisse Historici omnes tradunt, inter quos nominant Eusebium Cæsariensem Arianorum facile Principem; atque ipsi propterea cum essent Constantio Augusto, qui Arianis favere videbatur, acceptissimi, primos quodammodo in Concilio obtinuerunt honores, summamque præterea auctoritatem imperantis sulti patrocinio explicarunt. Vulgaris fama eo aliquando perrexit, ut traditum fuerit quosdam ex istis Episcopis dissoluto Concilio convenisse simul, ut privata sententia Athanasium Nicænæ fidei defensorem strenuum damnarent, atque inauditus a sua sede dejicerent. Hæc in causâ fuerunt, cur penes antiquos Antiocheni hujus Concilii canones non solum levis momenti habiti fuerint, verum etiam rejeçti, tamquam PseudoEpiscoporum reprobanda placita. Sic S. Johannes Chrysostomus cum ab adversariis suis contra se oppositum fuisse accepisset duodecimum canonem ex Antiochenis, respondit se illius auctoritate minime teneri, tamquam in eo conventu editi, qui ex Arianis Episcopis celebratus fuisset, quemadmodum referunt Socrates lib. 6. Hist. Eccles. cap. 18., & Sozomenus lib. 8. cap. 20. Præterea S. Athanasius in lib. de Synodis Arimini, & Seleuciæ, & Innocentius Papa in Epist. ad Clerum Constantinopolitanum apud Sozomenum lib. 8. Hist. Ecclesiast. cap. 26. rejecerunt aëta ejusdem Concilii ex ea ratione, quod ab hæreticis Episcopis confecta fuissent. Horum veterum, & gravissimorum Patrum exemplo non desunt hodie etiam ex recentioribus, qui hujus ipsius Concilii aëta contemnunt, ipsisque omnem omnino denegent auctoritatem. Nonnulli autem hodie parce magis, ac sobrie de hac re judicandum esse censuerunt; etenim singulos Concilii Antiocheni canones ad eadæm trutinam revocantes distinxerunt illos, qui Arianorum doctrinam continere videbantur, ab iis, qui sacros Antistes, & Catholicos Auctores videntur habuisse, ac dein posterioris generis canones venerant, prioris generis omnino improbant, detestanturque. Alii demum agnoscetes, quanto in pretio habiti fuerint sequente ætate apud omnes canones illi, qui Antiocheni dicuntur, satis percipere non potuerunt, quomodo recepti maxime fuerint canones illi, qui hæreticos homines habuerunt Auctores, proptereaque aliud Concilium Antiochenum proprio ingenio effinxerunt, distinctum omnino ab eo, quod Athanasius, Chrysostomus, & Innocentius improbaverunt.

runt. Mihi nulla placere potest ex his opinionibus; potius enim dixero ab initio quidem acta hujus Concilii fuisse suspecta ob hæreticos Episcopos, qui Concilio interfuerant; deinde tamen cum agnitus fuerit, ea, quæ in Concilii Canonibus continentur, maxime utilia esse ad disciplinam optimam Ecclesiasticam stabiliendam fuisse Ecclesiarum ferme omnium usu recepta, atque probata. Quod ab initio Athanasio, Chrysostomo, & Innocentio displicere potuit, pertinebat ad Episcopos Arianos, qui ad Synodum venerant; sed deinde constitit plures Episcopos Catholicæ fidei assertores, ac vindices in eodem Concilio tulisse sententiam, item canones omnes, qui ibidem editi fuerunt optimos esse, nihil autem germanæ fidei, & sacrorum disciplinæ contrarium continere; quid igitur morari poterat studiosos canonum cultores, ne canones istos reciperent, aut in rebus Ecclesiasticis definiendis illis uterentur? De hac ergo Synodo honorifice loquutus est S. Hilarius de Synodis adversus Arianos ita scribens: *Expositio Ecclesiasticæ fidei, quæ exposita est in Synodo habita per Encenias Antiochenæ Ecclesiæ consummate, quam exposuerunt, qui adfuerunt Episcopi 97., cum in suspicionem venisset unus ex Episcopis, quod prava sentiret &c. Honorifice ejusdem meminit Leo IV. Pontifex Maximus in Concilio Romano 67. Episcoporum inquit: Quid aliud arbitrari, aut proferre valemus, nisi ut Sancti Patres, qui in Antiocheno Concilio revidentes tertio capitulo promulgarunt, & inviolabiliter statuerunt? Imo idem Leo IV. Antiochenos eosdem canones, tamquam optima Ecclesiasticæ disciplinæ documenta, observandos proposuit Episcopis Britanniz in can. de libellis dist. 20. . Quid vero amplius dubitari de Antiochenorum canonum auctoritate potest, postquam noverimus illos fuisse in Concilio Chalcedonenſi adductos, atque communi Episcoporum suffragio ibidem comprobatos? Memoro actionem 4. Concilii Chalcedonenſis, in qua relato Antiocheno canone 5. ita sequitur: *Omnes Reverendissimi Episcopi clamaverunt: Hæc ipsa Regula Patrum.* Relatus est inde cum adprobatione singulorum canon 4., & canon 5. . Demum illud est observatione dignum, Collectores etiam veteres non omisſisse in suis Codicibus eosdem canones Antiochenos; ut enim omittam Codicem illum, qui vulgo creditur est Ecclesiæ universæ, ubi post canones Gangrenses subiecti exhibentur 25. Antiocheni, Dionysius Exiguus totidem retulit Antiochenos canones, & quidem nomine *Regularum expositarum apud Antiochiam in Encenias 25.* post canones Gangrenses, & ante Laodiceos. Est præterea prisca Latina collectio a Justello edita, pag. mihi 291. Tom. 1., in qua habentur iidem canones 25. Antiocheni, qui in *Dedicatione* editi dicuntur. Antiochenos præterea hujusmodi canones retulit in suum Codicem Fulgentius Ferrandus, Crisostomus, Martinus Bracarenſis, ut alios recentiores omittam. Quum vero plures ex Antiochenis istis canonibus iidem sint, qui inter canones vulgo Apostolicos referuntur, nova mihi suboritur suspicio de nomine Apostolicorum canonum; forte enim Auctor, ac compilerator illorum voluit Antiochenos hosce canones describere; eos autem verebatur Antiochenorum nomine designare, ne forte suspecti essent apud veteres, apud quos, ut diximus, suspectum fuerat Antiochenum ipsum Concilium, quambrem Apostolicos potius appellare voluit, ratus Apostolicos dici posse canones illos, qui in ea Urbe, quam Apostolorum Princeps Sanctus Petrus instruxit in fide, & cujus sedem Episcopalem diutius occupavit, conditi fuerant.*

Can. 4. Hæc generatim de Antiochenis canonibus præfatus, devenio ad fragmenta  
dist. 18. Gratiani. In primis exhibeo canonem 4. dist. 18., qui consonat cum can. 20. ex

An-

Antiochenis fere juxta interpretationem Iſidori Mercatoris, quam, uti alias ſape obſervavi, Gratianus fere ſemper ſequutus eſt in Græcis canonibus referendis. Non recedam ego à Dionyſio Exiguo, qui aliis verbis ita interpretatus eſt exemplaria Græcorum: *Propter utilitates Eccleſiaſticas, & abſolutiones earum rerum, quæ dubitationem, controverſiamque recipiunt, optime placuiſſe, ut per ſingulas quaſque provincias bis in anno Epiſcoporum Concilia celebrentur. Semel quidem poſt tertiam ſepſimanam feſti Paſchalis, ita ut quarta ſeptimana Pentecoſtes conveniat Synodus.* (Gratianus hic legit: *Synodus compleatur.* Sed Iſidorus Mercator ſcribit: *perfici Concilium poſſe*, alii autem ex Græco textu ita explicarunt: *perficiatur Synodus*) Metropolitano Provinciales Epiſcopos admonente. Secunda vero Synodus fiat Idus Oſtobris, ideſt quindodecimo die menſis Oſtobris: (Gratianus ſcripſit non decimumquintum, ſed decimum. Sane Iſidori Mercatoris Editiones exhibent decimumquintum, ſicut & editio codicis canonum Eccleſiæ univerſæ. Sed Græca exemplaria hodie vulgata exhibent diem decimum, quemadmodum etiam præſca latina editio apud Juſtellum Tom. 1. pag. mihi 265.) quem Hyperboreæ Græci cognominant. In iſtis autem Conciliis adſint Preſbyteri, & Diaconi, & omnes, qui ſe ſeſos exiſtiment, & Synodi experiantur examen. Nullis vero liceat apud ſe celebrare Concilia, præter eos, quibus Metropolitanis videntur eſſe jura commiſſa. Huic canonis plurimum congruet canon 36. ex vulgo Apoſtolicis, unde demonſtratur, quod ſuperius aſſerebam, olim ſententias Concilii Antiocheni Apoſtolicorum canonum nomine editas fuiſſe, ac publice propoſitas. Huc etiam pertinet canon 15. diſt. 18., qui licet referatur à Gratiano quaſi ex Concilio Martini Papæ, hujus tamen Concilii nomine Antiochenum intelligitur, ita appellatum, quod in collectione Martini Bracarenſis laudaretur. Sed hæc inferius ſuo loco.

Ad canonem 3. diſt. 65., qui decimusnonus eſt inter Antiochenos, adnotarunt Romani Correſtores conſulendam eſſe verſionem Dionyſii Exigui, utpote quæ Græcis verbis melius reſponderet. Sane Gratianus Iſidorum ſequutus fuerat. En vero, quid Dionyſius ſcripſerit: *Epiſcopus præter Synodum, & præſentiam Metropolitanæ nullatenus ordinetur. Hoc autem modis omnibus coram poſito, melius quidem eſt, ut omnes ſimul adſint ejuſdem provincie Sacerdotes, quos Metropolitanus Epiſcopus advocare debet, & ſi quidem omnes occurrerint, optime; quod ſi hoc difficile fuerit, ſaltem plures adeſſe omnino convenit, aut certe ſcriptis ejuſdem ſententiæ comprobari, & ita ſub plurimorum vel præſentia, vel Decreto ordinatio celebretur. Quod ſi ſecus contra definita factum fuerit, nullas ordinatio vireæ habeat, ſi vero juxta definitam regulam fiat, & nonnulli pro contumacia propria contradicunt, obtineat ſententia plurimorum.* Conſonant hæc cum canone 4. & 6. ex Nicænis, ex quibus fragmentum eſt in can. 1. diſt. 65. Idem autem dicitur in canone 2. ejuſdem diſt. 65., quem Gratianus inſcripſit nomine Concilii Martini Papæ, quod ſane Concilium idem eſt cum Antiocheno, ita diſto, quod in collectione Martini Bracarenſis legatur.

Rurſus in can. 9. diſt. 71. Gratianus ſequutus eſt Interpretationem Mercatoris in canone 7. ex Antiochenis. Verum depravata eſt tum Gratiani, tum Iſidori Scriptura, nec cum Græcis, nec cum antiquiſſimis Latinis editionibus conveniens. Dionyſius Exiguus ita habet: *Nullus peregrinorum ſine paſciſis, ideſt commendatiſſis ſuſcipiatur Epiſtoliſ.* Præſca editio Latina Juſtelli exhibet: *Nullum ſine formata ſuſcipere peregrinum.* In Codice canonum, qui dicitur Eccleſiæ univerſæ ſic legitur: *Nullus peregrinorum ſine paſciſis ſuſcipiatur.* In eo itaque Gratianus depravatum canonem

Can. 3.  
diſt. 65.

Can. 9.  
diſt. 71.

nonem edidit, quod de Clericis singulariter expressit, qui generaliter de peregrinis omnibus fuerat constitutus. Sane posteriores Interpretes etiam Græci canonem hunc de Clericis tantummodo exposuerunt: Ait Zonaras: *Externos panno hoc loco non omnes, qui ex alia regione in aliam forte se conferunt, sed Clericos, qui ex alia in aliam Ecclesiam proficiuntur, intelligit.* Sed hæc interpretatio cum disciplina potius posterioris temporis convenit, quam cum Germana canonis Antiocheni sententia; Hoc autem fuit frequens Interpretum quorundam erratum, quod studuerint canones veteres juxta suorum temporum mores, quoad fieri posset, accommodare; quum propterea peregrinis tantummodo Clericis, non etiam Laicis formatæ Epistolæ recentiore ætate concedi consueverint, de Clericis tantummodo non de Laicis canonem Antiochenum intellexerunt. Deinde si invicem conferantur variz illz editiones, quas nuper expressi, aliis quampluribus junctis, quz passim apud Collectores canonum leguntur, videntur promiscue acceptæ fuisse literæ *formate*, literæ *pacificæ*, & literæ *commendatitiæ*, quando tamen Antiochenus canon & juxta Dionysium Exiguum, & juxta Græca exemplaria de pacificis exprimitur. Quæ sane omnia ut recte, commodeque percipiantur, observatione dignum est, eam apud veteres fuisse Ecclesiarum omnium consuetudinem, ut fideles omnes, advenas præferim, & peregrinos opportunis subsidii juvent, ubi præsertim illi bono sui Episcopi testimonio freti accederent. Etenim plurimum intererat cognovisse, utrum advenz iidem justa de causa, non ex schismate, aut dissidendi animo a patria sua abessent, ne forte contingeret, ut alimenta Ecclesiastica improbis hominibus concederentur, & seditiosis adversus mentem offerentium. Itaque solebant Episcopi fidelibus sibi subiectis, & peregre proficiscentibus literas dare, quz generatim *formate* appellabantur. Duplicis autem erant generis, quz pro personarum qualitate, & conditione tribuebantur, quarum aliz *pacificæ*, aliz *commendatitiæ* dicebantur. Porro *pacificæ* quibuscunque concedebantur modo non indignis, nec seditiosis; At *commendatitiæ* tantum dabantur viris de Ecclesia benemeritis, sive doctrina, sive pietate spectabilibus: Constat id manifestissime ex can. 11. Concilii Chalcedonenis juxta interpretationem Dionysii Exigui, ubi hæc habentur: *Omnes pauperes, & indigentes auxilio, cum proficiuntur sub probatione, Epistolis, vel Ecclesiasticis pacificis tantummodo commendari decrevimus, & non commendatitiis literis, propter quod commendatitiæ literas honoratioribus tantummodo præstari personis conveniat.* Generalis ergo disciplina excipiendi, fovendique peregrinantes Christianos erat quidem Apostolorum ipsorum institutionibus probatissima, quemadmodum constat ex Epistola 3. S. Johannis ad Gajum, ubi sic legitur: *Charissime fideliter facis, quicquid operaris in fratres, & hoc in peregrinos, qui testimonium reddiderunt charitati tuæ in conspectu Ecclesiæ.* Sed non eadem erat in singulis excipiendis ratio, quemadmodum non erant eadem singulorum in Ecclesiam merita, quorum sane conveniens erat mentionem fieri per commendatitiæ, per quas de peregrini, seu Clerici, seu Laici conditione constaret.

Can. 5.  
dist. 92.

Canon 5. dist. 92. idem est cum can. 18. Antiocheno, & quidem ex interpretatione Dionysii Exigui, licet tamen Græciani editio in quibusdam vocibus corrupta videatur. En vulgatam Dionysii editionem: *Si quis Episcopus ordinatus ad Parochiam minime, cui est electus, accesserit, non suo vitio, sed quod eum aut populus vitet, aut propter aliam causam, non tamen ejus vitio perpetrata, hic & honoris fit, & ministerii particeps, dummodo nil molestus Ecclesiæ rebus existas, ubi ministrare co-*  
gno-

proficitur. Quem etiam observare conveniet, quidquid Synodus perfecta Provincie, quod visum fuerit, iudicando decreverit. Alii ita Græcum canonem interpretati sunt: Si quis ordinatus non erit ad paraciam: ad quam est ordinatus Episcopus, non sua quidem culpa, sed propter populi recusationem, vel aliquam aliam causam, quæ a se non oritur: is sit & honoris, & muneris particeps, dummodo nullam rebus Ecclesiæ, in qua convenit, molestiam adferat. Is autem id suscipiat, quod perfecta Provincie Synodus, quod ad se allatum est, iudicando, statuerit. Clarior videtur posterior hæc interpretatio. Si quis vero interrogaret, qualis habenda sit perfecta Synodus, facile responderi posset ex canone 16. ejusdem Antiocheni Concilii, qui idem est cum can. 8. dist. 92., ubi dicitur perfectum illud dici Concilium, cui Metropolitanus Episcopus interfuerit.

Rursus Dionysii Exigui, non Isidori Mercatoris interpretationem sequutus Can. 7. dist. 92. videtur Gratianus in can. 7. dist. 92., qui idem est cum canone 17. Antiocheno. Quædam tamen ex vulgata Dionysii editione sunt emendanda. Ita habet illa: Si quis Episcopus manus impositionem Episcopatus acceperit, & præesse populo constitutus ministerium subire neglexerit, nec adquietaverit ire ad Ecclesiam sibi commissam, hunc oportet communione privari, donec susceperit coactus officium, aut certe de eo aliquid integra decreverit ejusdem Provincie Synodus Sacerdotum. Quænam nomine integræ Synodi veniat, dignosci potest ex can. 8. dist. 92., qui idem est cum can. 16. Antiocheno.

Et quidem in eo referendo Gratianus neque Dionysium Exiguum sequutus Can. 8. dist. 92. est, neque Isidorum Mercatorem. Verba Dionysii hæc sunt: Si quis Episcopus vacans in Ecclesiam vacantem proficiat, sedemque pervadat absque integro, perfectoque Concilio, hic abjiciatur necesse est, etsi cunctus populus, quem diripuit, eum habere delegerit. Perfectum vero Concilium illud est, ubi interfuerit Metropolitanus Antistes. Harmenopolus in epitome ejusdem canonis ita sententiam ipsam Concilii digessit: Etiam vacans Episcopus, si absque integra Synodo, (integra autem est, quum & Metropolitanus adest) in Ecclesiam vacantem insilerit, licet ita Civitatis illius populus voluerit, rejiciendus est. Hujus canonis auctoritas, simul & antecedentis, idest canonis 7. dist. 92. maxime venerabilis esse debet, cum recitati ambo fuerint a Leoncio Episcopo in Concilio Chalcedonensi, quemadmodum constat ex actione 11. Concilii ejusdem Chalcedonensis, quorum canonum vi Bassianus, & Stephanus Episcopatu Ephesi pulsi sunt dignitate tantum, sive honore; communione tamen, & necessariis ad vitam sustentandam iis concessis.

Romani Corretores ad can. 1. cau. 6. qu. 4. duo potissimum, aut emendare. Can. 1. cau. 6. qu. 4. voluisse, aut revera emendasse videntur. In primis cum agnovissent dictum canonem 1. in editione Gratiani memorari non nomine Concilii Antiocheni, sed potius Laodicensi, novissimæque pariter legi illum non inter canones Laodicenos, sed inter Antiochenos, jure optimo pro Laodicensi Concilio voluerunt legi debere. Antiochenum; præsertim cum vetustissimum haberent Gratiani exemplar, in quo idem canon Antiocheni Concilii nomine legebatur. Huic errori facilem occasionem præbere potuerunt veteres canonum Collectiones, in quibus Laodicensi canones immediate Antiochenis subjiciuntur; propterea cixinde qui legerent, poterant Antiochenos canones pro Laodicensi scribere, & viceversa. Deinde vero in expositione canonis asseruerunt Græcum exemplar valde dissonare a versione Gratianæ, ita postremo subjicientes: *Ac sane quod Metropolitanus ad alterius Metropolitanum*

politani vocationem deberet venire, atque in eodem Concilio duo Metropolitanis futuri essent, vix videtur convenire. An hæc posterior observatio æque feliciter cesserit, quemadmodum prior, judicare non audeo. Tantum eo contentus ero, si variis Interpretum vetustiorum, ac meliorum versiones adducam, quas unusquisque conferre deinde poterit cum canone Gratiano. Agitur heic de canone 14. ex Antiochenis. Et quoniam Gratianus sequutus esse videtur versionem Isidori Mercatoris, primo loco adferam verba canonis juxta eundem Isidorum ita expressa: *Si quis Episcopus de aliquibus causis criminalibus in judicio Episcoporum fuerit accusatus, contingat autem de istis Episcopus Provinciæ, & alios quidem innocentem eum pronunciare, alios reum; propter hujusmodi itaque controversiam amputandam, placuit Sanctæ Synodo Metropolitanum Episcopum alterius vicinæ Provinciæ advocari oportere, & aliquantos cum eo Episcopos alios, qui pariter residentes, quæcumque fuerint, dirimant questiones, propter hoc, ut firmum sit judicium, quod ab unius Provinciæ Episcopis fuerit promulgatum.* Dionysius Exiguus ab hac sententia nullo modo distat, ita scribens: *Si quis Episcopus de certis criminibus judicetur, & contingat de eo Provinciales Episcopos dissidere, cum judicatus ab aliis innocens creditur, reus ab aliis; pro totius ambiguitatis absolutione Sanctæ Synodo placuit, ut Metropolitanus Episcopus a vicina Provincia judices alios convocet, qui controversiam tollant: ut per eos simul, & per Provinciales Episcopos, quod justum visum fuerit, approbetur.* In Codice, qui appellatur canonum Ecclesiæ universæ eadem ferme verba leguntur. Non memoro hic præscam illam Latinam canonum editionem, quam publicam fecit Justellus in Tom. 1. suæ Bibliothecæ, in ea enim hic canon Antiochenus minus integer reperitur ob vetustatem forte MS. Codicis, qui in ea parte oblitteratus est pag. mihi 294. Fulgenius Ferrandus eundem canonem ita perstringit: *ut si de accusato Episcopo multæ sententiæ fuerint Episcoporum, Metropolitanus alterius Provinciæ convocetur.* Qui vult ad Martini Bracarensis collectionem confugere, perpendat canonem 2. cau. 6. qu. 4. Gentianus Hervetus ex Græcis exemplaribus ita est interpretatus: *Si quis Episcopus ob aliqua crimina judicetur, deinde contingat Episcopos, qui sunt in Provincia (alii vertunt: Episcopus Provinciæ) de eo dissentire; illis quidem eum, de quo fertur sententia, innocentem pronunciantibus, his vero reum; pro eorum componenda controversia visum est S. Synodo, ut Metropolitanus Episcopus ex propinqua Provincia alios evocet judicatuos, & controversiam decisuros, & cum Provincialibus, quod probatum fuerit, confirmet.* Alii postrema hæc verba ita exposuerunt: *Alii evocet judices, qui controversiam dirimant, cum Provincialibus, quod probatum fuerit, confirmando.* Neque sane ego video ab hisce interpretationibus distare interpretationem, quæ adfertur a Romanis Correctoribus, quorum sententia cum ceteris in eo concors est, ut scilicet in Episcoporum causis in Concilio Provinciali discussis, accedere debeant ad Synodum Provinciæ finitimæ Episcopi, ipse etiam finitimæ Provinciæ Metropolitanus ad id invitatus, ut judicium & ipse, & alii Episcopi ferant, ubi penes Provinciales Episcopos jampridem congregatos dubitatio aliquæ emerferit, aut in ferendo suffragio in æquales partes vota singulorum distracta fuerint. Neque video turbari jurisdictionem Metropolitanorum in hac parte, ex eo quod duo Metropolitanis ad idem Concilium vocati conveniant, cum in primis versetur res in mutuis officiis, quæ a Metropolitanis invicem præstanda præscribuntur, deinde Metropolitanus, qui tamen iudex extra ordinem accedit, injuriam nullam ordinario facit Metropolis Principi, nec ullam gra-

dus sui injuriam patitur, quemadmodum sæpissime fieri idipsum contingit in delegationibus diversorum judicum supremi Imperantis auctoritate factis. Denique etiamsi Metropolitum jus aliquatenus per hanc Concilii Constitutionem immi-  
nueretur, nihil repugnat; etenim ubi Ecclesiarum utilitas exigit, non adeo subtiliter de juribus Personarum disputandum est: Quæ ratione Concilium Tridentinum statuit, ut Episcopi exempti eligant sibi Metropolitum, ad quam statuto tempore ad Concilia celebranda convenire teneantur. Sess. 24. de reformat. cap. 2.

Vulgo sese intricatissimis disputationibus agitant Interpretes ad Germanam intelligentiam consequendam canonis 5. cau. 6. qu. 4., quidem est cum canone 15. ex Antiochenis juxta Isidorum Mercatorem. Dionysius Exiguus ita scripsit: *Si quis Episcopus de certis criminibus accusatus condemnatur ab omnibus Episcopis ejusdem Provinciæ, cunctique consonanter eandem contra eum formam Decreti protulerint, hunc apud alios nullo modo judicari, sed firmam concordantium Episcoporum Provinciæ manere sententiam.* Non memoro interpretationes alias, sive veterum, sive recentiorum; omnes enim unam exhibent, eandemque sententiam. Sisto in controversiis Canonistarum, exinde querentium, utrum talis, tantaque fuerit apud Antiochenos Episcopos Conciliorum Provincialium auctoritas, ut ab illorum Sententia deneganda prorsus appellatio sit, sive ad Synodum superiorem, sive ad aliam quamcumque etiam in Ecclesia maximam potestatem? Christianus Lupus ita credidit ex hoc Antiocheni Concilii canone posse deduci, proptereaque occasionem hinc arripuit detestandi & canones, & Synodum ipsam Antiochenam. Balsamon Græcus Interpretæ paucis sese expedit, remque omnino se absolvisse arbitratus est ita concludens: *Præfatus canon sublatus est a quarto canone Synodi Sardicensis.* Balsamonis opinio mihi placere non potest animadvertenti, agi de duobus Conciliis Antiocheno, & Sardicensi ætate valde proximis, in quibus nos est facile præsumenda unius respectu alterius abrogatio; Quod & ipse Balsamon agnovisse videtur, dum ita subdit: *Sin autem hoc nolis dicere, interpretare canonem, ut superius dictum est, & dic fieri condemnationem a Synodo, in quam non cadit appellatio, ut a Papa, vel a Patriarcha Constantinopolitano.* Sed hæc rursus explicatio non satis convenire videtur verbis Antiocheni canonis de Provincialibus Archiepiscoporum omnium Conciliis expressi, quem propterea restringere fas non est ad sola Concilia Romani Pontificis, vel Constantinopolitani Patriarchæ juxta mentem Græcorum. Alexius Aristenus asserit quidem hoc canone interdictam esse quamcumque appellationem a Conciliis Provincialibus interponendam, eos tamen qui contra sentiunt, benignius; humaniusque sentire, ac propterea anteferendos esse Antiochenis ipsis Patribus; imo eo etiam progreditur, ut asserat contrariam opinionem placuisse eidem Antiochenis Episcopis in can. 4. Ego consentire non possum hujusmodi expositioni canonis, juxta quam ejusdem Concilii Episcopi uno; eodemque judicio sibimet ipsi adversari fuisse credantur. Illustrissimus de Marca cum pluribus Gallicani Regni Episcopis ex hoc canone prædicarunt, supremum esse Conciliorum Provincialium judicium, a quo nulla amplius appellatio admittatur lib. 7. cap. 1. de concordia Sacerdotii, & imperii. Gratianus, quem Canonistarum ferme omnium, ac præsertim Italorum turba sequuta est, post relatum hujusmodi canonem ita subdidit: *Subintelligendum vero est, nisi ad judicem majoris auctoritatis fuerit provocatum.* Tunc enim per appellationem soluta sententia firmitatem non obinet. Mihi sane rem hanc ad rectam rationem redigenti ab omnibus hisce Interpreti-

Can. 5.  
cau. 6.  
qu. 4.

Tom. I.

R

bus

bus recedendum videtur, atque ita omnis dirimenda controversia, ut & appellationibus ad superiores ordines faciendis nihil detrahatur, & simul salva maneat Antiocheni Concilii optima constitutio, quod utrumque præstare studioso sacrorum canonum cultori elaborandum est.

In primis itaque nemo ex Catholicis, atque Religiosis viris debet derogare, quidpiam Ecclesiastico ordini, quo fit, ut quemadmodum infima per media, ita media per suprema commode dirigantur; quemadmodum ergo Clericis Episcopi, & Episcopis Archiepiscopi præfati sunt, ita & Archiepiscopis Primates, Patriarchas, ipsum denique Pontificem Maximum Superiores agnoscimus. Quum vero superior ille dicatur, qui inferiorum errata corrigere valeat, aliter non possumus supra Provincialia Metropolitanarum Concilia Superiorem dicere, nisi qui possit de sententiarum ab ipsis prolatarum iniquitate judicare, illamque agnitam per appellationem emendare, id exigit recta Rei cujusque publicæ administratio, adeo ut nonnullis placuerit non ex gentium tantum, sed & naturali ipso jure appellandi ab inferioribus ad superiores concedendam esse facultatem.

Quibus tamen ita constitutis, nihil omnino detrahitur Antiocheno canoni. Habet hæc observationes suas jucundas, & nitidas, quas etsi nemo ex interpretibus, quod ipse noverim, huc usque fecerit, arbitror tamen improbarum non iri. Animadverto apud veteres, receptissimas quidem fuisse boni publici causæ appellationes, ne scilicet innoxii impune ob quorundam judicium imperitiam, sive improbitatem damnarentur; non tamen appellationes istas in Reipublicæ ipsius dispendium retorqueri aliquando potuisse; quod sane contigisset, si facta fuisset litigantibus potestas appellandi perpetuo, etiam post sententias pluries repetitas per diversos judices, vel Magistratus. Coercenda etiam fuerat nimia perpetuo appellandi licentia, ne forte improbi homines jam pluries damnati appellationibus introductis lites perpetuas facerent, & nonnisi raro temeritatis suæ pœnis subjacerent. Hinc sapientissime aliquando constitutum est, ut qui post duplex, aut triplex judicium damnatus fuerit, amplius appellandi facultatem non habeat. Id primum apud Græcos obtinuit, apud quos vetustissima fuit lex, qua post tertium judicium, in quo concors judicantium sententia haberetur, appellandi potestas denegabatur. Testem appello Platonem, qui in dialogo 6. de legibus, vel legumlatione pag. mihi 308. ita scribit: *Qui litigant, ad vicinos primum, & amicos, & maxime rei, de qua queritur, consilios se convertant. Quod si per eos non sufficienter fuerit judicatum, ad aliud judicium proficiantur. Tertium vero, si per duo superiora reconciliati non fuerint, finem imponat.* Tertium ergo judicium apud Orientales erat postremum, ex quo appellare amplius damnato non liceret. Quæ sane disciplina, utpote & Civili, & Ecclesiasticæ utilitati conveniens, fuit ad Occidentem producta, receptaque propterea ab Justiniano I. un. Cod. *ne liceat in una ead. causa tertio provocare auri.* Si quis litigantium eod. de Episc. audiens. probata demum a Pontifice Maximo in cap. 65. de appellationibus.

Quis exinde facile non deducat, qualis omnino fuerit Antiochenorum Episcoporum mens, ubi post concordem Concilii Provincialis sententiam nihil præsidii amplius, aut effugii damnatis superesse voluerunt? videlicet ordo causarum Ecclesiasticarum is erat, ut primo res coram Episcopo loci discuteretur, deinde post ejus sententiam ad Metropolitanum deferretur; demum vero ad Concilium, in quo



quo omnium Comprovincialium Episcoporum auctoritas intercederet . Et sane, si concors omnium sententia in Concilio fuisset, qualis etiam in superioribus judiciis per Episcopum , atque Archiepiscopum prodita fuerat , quis plene Concilii sententia, nisi temere litigans acquiescere non debuisset ? loquimur sane de provinciali Concilio, in quo non triplex tantum concors concors iudicium agnoscere fas est, sed tot iudicia , quot Episcopi sunt , qui ad Concilium convenerunt . Arbitror itaque his me vere assequutum esse mentem Patrum Antiochenorum , qualis etiam ex verbis Antiocheni canonis luculenter adparet . Quid enim aliud significare videntur verba illa : *ab omnibus Episcopis , & consonanter* , & illa : *firmam consonantium Episcoporum &c.* ? Atque eo melior hæc mea interpretatio videri debet , quo per illam difficultates omnes , quæ ceteros agitant Glossographos , & Scriptores ferme universos, commode extricantur .

Siquis vero aditus opponendum censeret canonem quartum Sardicensem , ex quo deduci videtur apud veteres Concilii Provincialis sententiam non habitam esse, tamquam supremam , facile conciliaverim ajendo in Sardicensi Concilio de ea causa agi , quæ non concordi Episcoporum omnium iudicio finita fuisset ; nec enim aliquid hujusmodi conuenit ibidem , unde constet consonantem undequaque & concordem fuisse Episcoporum omnium sententiam . Nec etiam in hac re discutenda penitus dubitarem ulterius progredi , ajendo , quemadmodum Sardicensis Synodus Occidentalium potissimum Episcoporum erat , proptereaque juxta receptas Occidentis regulas iudiciorum definiverat , ita Concilium Antiochenum Orientalium Episcoporum iudiciales canones juxta Græcorum jurisprudentiam definivisse . Sane ex iis , quæ nuper proponebam , liquet manifeste , apud Græcos jamdiu a tempore Platoniam viguisse jurisprudentiam , ut tertium iudicium concordium iudicium pro supremo haberetur . In conspectu hujus Græcorum consuetudinis , quid aliud statuere poterant Antiocheni Patres , quam nullam aliam expectandam esse sententiam post iudicium Concilii Provincialis prolatum unanimi Episcoporum omnium consensione ? At hæc de triplici conformi iudicio doctrina nondum ad Orientales pervenit , nisi post Constitutionem Justiniani Imperatoris in dicta l. un. cod. *ne liceat in una &c.* , ac propterea multo post Concilium Sardicense . Quid ergo aliud statuendum erat a Sardicensibus Occidentalibus Episcopis , sequentibus morem patris sui , quam ut perpetua usque ad superiorem maximum appellatio concederetur ? Fuit omni ætate sapientissima Ecclesiasticorum Patrum æconomia , qua , ubi nihil specialiter sacris canonibus receptum esset , civilium legum principiis canones accommodarent . Quamobrem in diversis provinciis diversa disciplina recepta est ex eo , quod diversæ essent legum civilium dispositiones , aut quod variæ mores , qui legum instar obtinent , proponerentur . Nemo enim ignorat , unicuique Episcopo in Ecclesiasticis Constitutionibus sancendis suæ potius Provincie moribus , quam alienis inherendum esse .

In canone 3. huius Antiocheni Concilii habetur canon 24. cau. 7. qu. 1. , qui *Can. 24. cau. 7. qu. 1.* fere consonat cum interpretatione Isidori Mercatoris . Exhibebo nunc ex Collectione Dionysii Exigui . Ita ille : *Siquis Presbyter , aut Diaconus , & omnino quilibet ex Clero Parochiam propriam deserens , ad aliam properaverit ; dein omnino demigrans in alia Parochia per multa tempora nititur immorari , ulterius ibidem non ministret : maxime si vocanti suo Episcopo , & regredi ad propriam Parochiam commoventi obedire contemserit . Quod si in hac indisciplinatione perdurat , a ministerio modis omnibus remove-*

*moveatur, ita ut nequaquam locum restitutionis inveniat. Si vero pro hac causa damnatum alter Episcopus suscipiat, hic etiam a communi coercetur Synodo, velut qui Ecclesiastica Constituta dissolvat.*

Quod autem de Presbyteris, aliisque inferioribus Clericis statutum est in dicto can. 3., statuitur de Episcopis in can. 21. Antiocheno, qui refertur in can. 25. cau. 7. q. 1., Gratiano semper sequente Isidoro Mercatorem. Non præteribo ego interpretationem Dionysii, præsertim quod nonnihil varietatis & in verbis, & in sententia canonis deprehendatur. Episcopus ab alia Parochia nequaquam migret ad aliam, nec sponte sua prorsus insiliens, nec vi coactus a populis, nec ab Episcopo necessitate compulsus (paullo aliter alii ex Græcis exemplaribus: nec ab Episcopis coactus: auctor Codicis Ecclesiæ universæ apud Justellum ait: nec ab Episcopis necessitate compulsus. Auctor præfixæ Latine Collectionis apud eundem Justellum pag. mihi 295. tom. 1. ita habet: Neque ab aliquibus Episcopis coactus). Maneat autem in Ecclesia, quam primitus a Deo sortitus est, nec inde transmigret, secundum pristinum de hac re terminum constitutum.

Canon 3. cau. 8. qu. 1. depromptus est ex canone 23. Antiocheno, & quidem. juxta versionem Dionysii Exigui. Romani Correctores expunxerunt a Codicibus Gratiani verba hæc: *& electione Clericorum*. Revera neque apud Dionysium Exiguum; neque apud Isidoro Mercatorem, neque apud Græcos habentur. Verum hæc adhuc leguntur in præfixa Collectione Justelli, quam pluries jam memoravi, ibi: *Non aliter fieri nisi aut cum Synodo, & judicio Episcoporum, & maxime electione Clericorum* pag. 295. tom. 1., ubi forte legendum erit: *electione Clericorum*. Quamquam vero in hoc canone cautum luculenter adpareat, neminem ex Episcopis posse sibi in Episcopatu successorem designare, non tamen hoc præteritum fuit; Scimus enim viros sanctissimos, quorum exempla improbata non sunt, id fecisse, suadente Ecclesiarum quarundam utilitate. Sic Eusebius lib. 6. hist. Eccl. cap. 11., & cap. 32. testatur a Narcisso Hierosolymorum Episcopo Alexandrum, a Theoteco Cæsareæ Palestinæ Episcopo Anatolium sibi substitutum fuisse, ut omittam vulgata exempla Severi Milevitani, & Valerii Hipponensis, de quibus mentionem fecit S. Augustinus epist. 110.

Canon 6. cau. 9. qu. 2. legitur in can. 13. Antiocheno juxta interpretationem. Isidori, exceptis iis verbis: *nec ab aliis illuc trahatur Episcopus*, pro quibus apud Isidoro hæc leguntur: *nec alios illuc secum adtrahat Episcopus*. Romani Correctores Græca verba, una cum illorum interpretatione subjecerunt, observantes etiam Dionysii versionem aptius, quam Gratiani exemplar, exprimere sententiam Græci textus. En verba Dionysii: *Nullus Episcopus ex alia Provincia audeat ad aliam transgredi, & ad promotionem ministerii aliquis in Ecclesiis ordinare, licet consensum videantur præbere nonnulli, nisi literis tam Metropolitanis, quam ceterorum, qui cum eo sunt, Episcoporum, rogatus adveniat, & sic ad actionem ordinationis accedat. Si vero nullo vocante inordinato more depræpet super aliquibus ordinationibus, & Ecclesiasticis negotiis ad eum non pertinentibus, componendis, irrita quidem, quæ ab eo geruntur, existant; ipse vero incompotenti motus sui, & irrationabilis audacia subeat ultionem, ex hoc jam damnatus a sancto Concilio*.

Memorato canoni 13. Antiocheno plurimum consonat 21., qui apud Gratianum refertur in can. 7. cau. 9. qu. 2., ubi Gratianus imitatus videtur interpretationem Isidori Mercatoris; quamquam hæc in nonnullis quandam habeat vocum varietatem.

tem. Itaque Isidorus Mercator ita scripsit: Episcopum non debere in alienam irruere civitatem, quæ illi probatur non esse subjella, neque in regionem, quæ ad ejus curam minime dignoscitur pertinere, ad aliquid ordinandum, neque Presbyteros, neque Diaconos constituere ad alios Episcopos pertinentes, nisi forte cum consilio, & voluntate propria regionis Episcopi. Quod si quispiam horum aliquid ausere voluerit, irrita quidem erit hujusmodi ordinatio, & is, qui malo usurpaverit, a Synodo arguatur. Nam si ordinare non potuerit, nullatenus alterius Parochianum judicare non præsumat. Dionysius autem Exiguus ita exhibet: Episcopus alienam civitatem, quæ non est illi subjella, non adeat, nec ad possessionem accedat, quæ ad eum non pertinet super ordinatione cujusquam, nec constituat Presbyteros, aut Diaconos alteri subjellos Episcopo, nisi forte cum consilio, & voluntate regionis Episcopi. Siquis autem tale aliquid facere tentaverit, irrita sit ejus ordinatio, & ipse coerceatur a Synodo; nam si ordinare non potuerit, nullatenus judicabit. Posteriora hæc verba: nam si ordinare &c. desiderantur in codice, qui dicitur Ecclesiæ universæ, & in Græcis exemplaribus; at in prisca Collectione Latina canonum edita ab Jussello tom. 1. pag. mihi 295. ita leguntur: Quia quod vindicare non potest, ordinare non debet.

Canon 2. cau. 9. qu. 3. habetur in can. 9. Antiocheno juxta Isidorum Mercatorem. Romani Correctores aliam interpretationem addiderunt ex Græcis exemplaribus. Subjiciam ego & aliam ex Dionysii Exigui codice. Per singulas regiones Episcopos convenit nosse, Metropolitanum Episcopum sollicitudinem totius Provincia gerere, propter quod ad Metropolim omnes undique, qui negotia videntur habere, concurrunt. Unde placuit, eum & honore præcellere, & nihil amplius præter eum ceteros Episcopos agere, secundum antiquam a Patribus nostris regulam constitutam, nisi eam tantum, quæ ad suam Diocesim pertinent, possessionesque subjellas. Unusquisque enim Episcopus habeat suæ Parochiæ potestatem, ut regat juxta reverentiam singulis competentem, & providentiam gerat omnis possessionis, quæ sub ejus est civitate; ita ut Presbyteros, & Diaconos ordinet, & singula suo judicio comprehendat. Amplius autem nihil agere tenet, præter Antistitem Metropolitanum, nec Metropolitanus sine ceterorum gerat consilio Sacerdotum. Quicumque hunc Antiochenum canonem cum 33. ex Apostolicis contulerit, nullum inter utrumque discrimen agnoscat.

Idem quoque est cum canone 40. ex Apostolicis canon 5. cau. 10. qu. 1., sive canon 24. ex Antiochenis. Cujus interpretationem sequutus fuerit Gratianus mihi non conitat. En verba Dionysii Exigui: Quæ sunt Ecclesiæ cum omni sollicitudine, & conscientia bona, & fide, quæ in Deum est, qui cuncta considerat, judicatque, serventur, quæ etiam dispensanda sunt judicio, & potestate Pontificis, cui commissus est populus, & anime, quæ intra Ecclesiam congregantur.

Canon 2. cau. 11. qu. 3. idem est cum canone 6. Antiocheno. Gratianus videtur sequutus Isidorum Mercatorem; hodie tamen inter Isidori, & Gratiani editiones aliquid discriminis intercedit. Habet enim Isidorus: Siquis a proprio Episcopo excommunicatus est, non eum prius ab aliis debere suscipi, nisi aut a suo fuerit receptus Episcopo, aut Concilio salto occurrat, ut respondeat; & si Synodo satisfecerit, statuimus, sub alia sententia eum recipi. Quod etiam circa Laicos, & Presbyteros, & Diaconos, & omnes, qui in Clero sunt, convenit observari. Longe meliorem esse dixerunt Romani Correctores interpretationem Dionysii Exigui, quæ his verbis exprimitur: Siquis a proprio Episcopo communione privatus est, non ante suscipiatur ab aliis, quam suo reconcilietur Episcopo, aut certe ad Synodum, quæ congregatur, occur-

pens

rens pro se satisfaciatur, & persuadens Concilio sententiam suscipiat alteram. Hec autem definitio maneat circa Laicos, & Presbyteros, & Diaconos, omnesque, qui sub regula esse monstrantur. Plurimum cum hoc canone congruit can. 5. Nicæus.

Can. 6. In can. 6. cau. 11. qu. 3. habetur can. 4. ex Antiochenis, in quo describendo  
 cau. 11. Gratianus sequutus omnino est interpretationem Dionysii Exigui, cum qua om-  
 qu. 3. nino consonat, dummodo a Gratianea editione auferatur vox illa oportet, quæ ha-  
 betur prope finem canonis. Romani Correctores pro voce illa *damnatus* legendum  
 esse arbitrantur, *depositus* juxta Græca exemplaria. Sane qui Græca exemplaria  
 sunt recens interpretati ita scripserunt: *depositus*, ita etiam scripsit Isidorus Mer-  
 cator; ita quoque legitur in prisca collectione Latina Justelli Tom. 1. mihi 292.,  
 ita demum in Codice, qui appellatur Ecclesiæ universæ. Unus Dionysius Exiguus  
 legit: *damnatus*. Hic canon recitatus est in Concilio Chalcedonensi actione 4. in  
 causa Caroli, & Dorothei Archimandritarum; Legit autem canonem Aetius Ar-  
 chidiaconus, & Primicerius Ecclesiæ Constantinopolitane, hoc modo, quemad-  
 modum describitur in Tom. 4. Venetz editionis Labbeanz pag. 1430. Canon 83.  
*Si quis Episcopus a Synodo depositus, aut Presbyter, aut Diaconus, aut omnino qui  
 est sub regula a proprio Episcopo, ausus fuerit amplius aliquid sacri ministerii gerere,  
 siue Episcopus juxta superiorem consuetudinem, siue Presbyter, siue Diaconus; postea  
 non liceat ei ne in altera quidem Synodo spem restitutionis, nec satisfactionis (legunt  
 alii: nec defensionis) locum habere. Sed & omnes, qui ei communicant, ejiciantur ex  
 Ecclesiâ; & maxime si, postquam cognoverunt sententiam in prædictis latam, eis  
 communicare ausi fuerint.*

Canon 23. cau. 12. qu. 1. consonat omnino cum canone ultimo Concilii An-  
 cau. 12. tiocheni, qui etiam canonis Apostolici nomine laudatus est in cau. 22. cau. 12.  
 qu. 1. Gratianus sequutus est Dionysium Exiguum. Vix autem vulgate Dionysii  
 qu. 1. editiones aliquid habent, juxta quod Gratiani fragmentum sit emendandum; etenim  
 ubi Gratianus scripsit *res ledantur Ecclesiæ*, apud Dionysium legitur:  
*ceteræ ledantur Ecclesiæ*. Parum autem vel nihil discrepant aliorum interpretationes,  
 nisi forte alicui videantur observanda verba illa Gratiani ex Dionysio relata:  
*Synodo Provinciæ pœnas iste persolvat*, quorum vice Isidorus Mercator habet: *re-  
 ac- non liceat ei ne in altera quidem Synodo spem restitutionis, nec satisfactionis* (legunt  
 alii: nec defensionis) locum habere. Sed & omnes, qui ei communicant, ejiciantur ex  
 Ecclesiâ; & maxime si, postquam cognoverunt sententiam in prædictis latam, eis  
 communicare ausi fuerint.

Plane ad hunc canonem observatione digna sunt illa verba: *Participet autem &  
 ipse, quibus indiget, si tamen indiget*; Ex quibus deducitur tum demum Episcopum  
 posse de bonis Ecclesiasticis participare, cum pauper sit, & penitus indigens; ex  
 quo facile argumentari unusquisque potest, siue Episcopos, siue Clericos omnes,  
 qui beneficia Ecclesiastica possident, non posse quidpiam ex beneficii fructibus in  
 suos usus convertere, quoties privatum, seu familiare, ut ajunt, patrimonium  
 habeant, ex quo commodè sustententur. Porro sententia hæc nullos habuit con-  
 tradictores usque ad sæculum 12., aut etiam 13., prior enim ætas perpetuo sen-  
 sit, Ecclesiam de bonis suis pauperibus tantummodo Clericis subvenire, divites  
 autem a commodis Ecclesiasticis prorsus excludi, nisi fortasse isti propriis pri-  
 mum renunciaverint, atque ex voluntate pauperes facti fuerint. S. Augustinus in  
 epist. 185. ad Bonifacium ad rem ita scribit: *Si pauperum cum pauperes sumus, &  
 miseri sumus (Ecclesiæ bona), & illorum. Si autem privatis, quæ nobis sufficiunt,  
 possi-*

possidemus, non sunt illa nostra, sed pauperum, quorum procuracionem quodammodo gerimus, non proprietatem nobis usurpatione damnabili vindicamus. Can. ult. cau. 12. qu. 1. Quorsum autem distingueret Augustinus Episcopum divitem ab Episcopo paupere, ut ille bonorum Ecclesiasticorum particeps esse possit, non ille, nisi sentiret, Episcopum divitem nihil posse ne alimoniz quidem percipere? Revera excludit vir eximius ab iis percipiendis Episcopum divitem, ad quæ percipienda admittit Episcopum pauperem: atqui Episcopum pauperem nihil præter necessaria vitæ subsidia ex bonis Ecclesiasticis posse percipere viris egregie cordatis persuasum est; excluditur ergo dives Episcopus ab ipsis alimentis ab Ecclesia expetendis. Justinianus in novella 3. cap. 3. statuit: *Expense, quæ sunt ex Ecclesiasticis redditibus circa pios erogentur altus, & Deo placentes, & illis hæc ministrantur, qui pro veritate egent, & non habent aliunde alimentorum occasionem.* In Capitularibus Regnum Francorum cap. 113. in additione 3. Parisiensis editionis anni 1677. ita legitur: *Quod habet Ecclesia, cum omnibus nihil habentibus habet commune, nec aliquid inde eis, qui sibi de suo sufficiunt, convenit erogare, quando nihil aliud sit habentibus dare, quam perdere, & in can. sequenti: Nec illi, qui sua possidentes dari sibi aliquid volum, sine grandi peccato suo, unde pauper villurus erat, accipiunt; Quibus omnino consonat Concilium Aquilgranense anni 816. in can. 120. ibi: Patrum sententiæ docent Clericos non esse sectatores divitiarum, nec res Ecclesiarum inofficiose accipere debere; & clarius id habet in can. 107., ubi arguuntur Clerici propria possidentes, & nihilominus alimenta ex Ecclesiæ redditibus postulantes. At quoniam in hoc eodem canone multa ex Juliano Pomerio deprompta sunt, verba potius asseram ejusdem Pomerii quindæ sæculi auctoris optimi, & probatissimi ita scribentis in lib. 2. de vita contemplativa cap. 10. *Nec illi, qui sua possidentes dari aliquid volum, sine grandi peccato suo, unde pauper villurus erat, accipiunt.* De Clericis quidem dicti Spiritus Sanctus: *Peccata populi mei comedunt, Sed sicut nihil habentes proprium non peccata, sed alimenta, quibus indigere videntur, accipiunt; ita possessores non alimenta, quibus abundant, sed aliena peccata suscipiunt.* Ipsi quoque pauperes, si se possunt suis artificiis, aut laboribus expedire, non præsumant, quod debet debilis, aut infirmus accipere, ne forte Ecclesia, quæ potest omni solatio destitutis necessaria ministrare, si omnes, etiam nihil indigentes, accipiant, gravata, illis quoque, quibus debeat, subvenire non valeat. Qui autem Ecclesiæ serviunt, & labori suo veluti debita reddi oportere credentes ea, quibus opus non habens, aut accipiunt libenter, aut exigunt, nimis carnaliter sapiunt, si putant, quod Ecclesiæ fideliter servientes stipendia terrena, ac non potius præmia æterna accipiant. Secularia quippe militia, quia cælestia non habet, terrena strenue militantibus præstat; unde satis indignum est, si fidelis, & operosa devotio Clericorum propter stipendium temporale præmia sempiterna contemnat. Quod si quilibet minister Ecclesiæ non habet, unde vivat, non ei præmium reddit hic, sed necessaria præstat Ecclesia, ut in futurum præmium laboris sui recipiat.... Quæso, quid eorum sit, quæ dixi difficile? Ut homo id, quod opus non habet, ab Ecclesia non accipiat, aut ut, quod habet, sine causa contemnat? Si propter hoc non vult sua relinquere, ut habeat unde vivat, ut quid accipiat, unde rationem reddat? Ut quid de peccatis alienis sua multiplicat? Clarissima sunt hæc ad rem nostram, ex quibus etiam obviam facile itur vulgato argumento, quod petunt ex Apostolo ad Chor. 1. cap. 9. abutentes verbis illis, quibus dicitur neminem suis unquam stipendiis militare, item altari servientes de altari vivere*

vere. Hæc sane Apostoli verba de Clericorum inopia sublevanda, non de laborum compensatione Pomerius interpretatus est, juxta illud, quod ait Augustinus in lib. de Pastoribus, & ovibus cap. 2. ita scribens: *Non redditur sustentatio necessitatis a populo, quasi merces illis, qui sibi in charitate serviunt, sed tamquam stipendium, quo, ut possint laborare, pascantur.* Paulus Apostolus sequutus fuerat Christi servatoris documenta, qui apud Matthæum dixerat: *Dignus est operarius cibo suo;* advertendum tamen Christum eundem paulo antea ita Apostolos alloquutum fuisse. *Nolite possidere aurum, neque argentum.* Alimenta itaque debebant Evangelii præconibus, atque Ministris, illis tamen, qui nihil penitus possidebant. Hæc ergo fuit Veterum Sanctorum Patrum sententia, quæ adhuc Gratiani temporibus obtinere visa est; etenim Gratianus ipse ad calcem canonis 24. cau. 1. qu. 1., inquit, num Episcopus possit habere propria; distinguensque Episcopos familiam habentes a non habentibus, concludit illos propria habere posse bona, quibus familiarum necessitatibus occurrant, non vero istos, nisi fortasse retinendo sua a sumptibus Ecclesiæ abstineant; *Quod fieri posse Prosper de vita contemplativa testatur, dicens: Illi autem, qui tam infirmi sunt, ut possessionibus suis renunciare non possint, si ea, quæ accepturi erant, dispensatori relinquunt nihil habentibus conferenda, sine peccato possident sua, quia & ipsi quodammodo sua relinquunt, quando propriis contenti rebus nihil eorum, quæ labori, vel ordini suo deberi arbitrantur, accipiunt.* Verum paulo post Gratiani ætatem, introducta quomodolibet opinandi licentia per homines nescio an improbos, an indoctos, lugendum est, quantum labefacta etiam hæc in parte fuerit Ecclesiastica disciplina. Quidquid tamen molita fuit temporum improbitas, vel inficitia, non defuerunt semper Viri Gravissimi, qui veterum Doctrinam sequuti sunt, & veritati studere potius, quam indulgere libidini voluerunt. Laudo heic Dionysium Chartusianum, qui in tractatu de vita canonicorum artic. 14. ita scribit ad hanc rem: *Salubrius, ac securius creditur, ac paretur di-  
ctis Sanctorum, per quos loquutus est Spiritus Dei, quam Scholasticorum quorundam, qui suo magis, quam expedit, credunt, & nituntur ingenio, auctoritatem Sanctorum ad suam retorquentes opinionem.* Et ibidem: *Quamvis ergo de proposita questione, quidam dicant Scholastici, posse id licite fieri, consultius tamen credendum est verbis Hieronymi, & Bernardi, imo & Summi Pontificis, Beatique Prosperi: Alti enim Damasus Papa: Qui bonis parentum sustentari possunt, si accipiant, quod pauperum est, sacrilegium incurrunt. .... Horum itaque Patrum sententiis statur securius, quam aliorum aliter opinantium.*

Can. 2.

can. 21.

qu. 5.

Canon 2. cau. 21. qu. 5. idem omnino est cum canone 12. ex Antiochenis, Gratiano de more suo Mercatoris interpretationem sequente. Ceterum alii Interpretes verbis tenuis, non Sententia dissonant. Dionysius Exiguus ita scripsit: *Si quis a proprio Episcopo Presbyter, aut Diaconus, aut a Synodo fuerit Episcopus forte damnatus, & Imperatoris auribus molestus extiterit, oportet ad majus Episcoporum converti Concilium, & quæ putaverint habere justa, plurimis Episcopis suggerant, eorumque discussiones, ac judicia præstentur.* Si vero hæc parvipendentes molesti fuerint Imperatori, hos nulla venia dignos esse, nec locum satisfactionis habere, nec spem future restitutionis penitus opperiri. Sacrorum canonum studiosio torqueri ut plurimum solent in interpretatione hujus canonis, in quo ceteroquin explicando nulla mihi superesse videtur difficultas. Plures asseruerunt hunc canonem editum fuisse ab Antiochenis Episcopis in odium S. Athanasii, ut ipsi a Synodo Orientalium dejecto

dejecto appellandi facultas adimeretur; arque ideo eundem canonem, tamquam pravorum, hæreticorumque hominum Decretum, ab Ecclesiasticarum legum numero rejciendum: Cui observationi vires maxime addere videtur factum S. Johannis Chrysostomi, qui in Pseudosynodo ad Quercum habita depositus, cum hoc canone removeretur ab adversariis, ne ad alia judicia provocaret, respondit inter cetera, se hoc eodem canone non teneri, quod nullam auctoritatem obtineat, fueritque a malevolis hominibus, arque hæreticis constitutus. Verum hæc licet adferri potuerint abs Johanne Chrysostomo ob hæreticorum vexationem maxime, ac vehementissime turbato, exagitatoque, eo præsertim tempore, quo canones Antiocheni non omnino recepti apud Græcos fuerant; cum tamen, uti initio diximus, posterius canones ipsi Antiocheni venerabiles esse cæperint, atque, in optimis canonum Codicibus recenseri; nulla amplius subest ratio, cur hunc canonem contemnamus, aut rejiciamus, eo vel magis, quod in eo nihil aut fidei, aut germanæ sacrorum disciplinæ contrariam inveniri possit. Statuitur ibidem, neminem ex Viris Ecclesiasticis a Synodo depositum debere apud Principem conquiri, sive Imperatoris auribus molestum existere; Sed potius curandum illi esse, ut causa majori in Synodo retractetur. Quid ea ætate convenientius stabiliri poterat? A Synodo Diocesana ad Synodum majorem, sive Provinciale provocatio conceditur, quod juris utriusque principis maxime consentaneum est, exigentibus, ut a minori iudice majus Tribunal appellari valeat; quod vero dicitur damnatos Episcopos molestos esse non debere auribus Imperatoris, prudentissime etiam Decretum fuerat; Tum enim nuper Catholicam Christi fidem amplexi fuerant Imperatores, nec ab optimo proposito avocandi ulla occasione erant. Forte autem vocari potuissent, si quotidianis Episcoporum querelis molestiam pari debuissent. Etenim vel Aulicorum, & Procerum adhuc superstitionibus gentium involutorum protervia perperam de Ecclesia judicasset, & ipsi apud Imperatorem ipsum conquesti fuissent, si iniqua judicia, & vexationes impias inter ipsos invicem Episcopos agnovissent.

Huc accedit, veteres Sanctos Patres in suis pro Christiana fide, & eam contentibus Apologiis conquestos fuisse de Ethnicorum vexationibus, ea præsertim de causa, quod Christiani molesti essent nemini, nec res Imperii ullo modo, aut occasione ulla turbarent. Quid ergo satius Christianæ Reipublicæ tum adversus Gentium odia, atque invidiam tuendæ esse poterat, quam ita Episcoporum contentiones in Synodis finire, ut nihil omnino molestiæ Imperantis auribus inferretur?

Eadem ratione explicandus erit can. 27. cau. 23. qu. 8., qui pertinet ad can. 11. Concilii Antiocheni, quem Gratianus ex versione Isidori Mercatoris retulisse videtur; quoniam tamen Gratianus etiam ex ipso Mercatore nonnulla omisit, & quidem digna observatione, operæ pretium erit huc integrum canonem adferre. ita Isidorus: *Si quis Episcopus, vel Presbyter, vel quicumque Clericus, & omnis omnino qui est sub Ecclesiastica regula* (legunt alii: *Cânone*, sed idem omnino est, cum utraque vox significet Catalogum, sive Matriculam Ecclesiæ, in qua Clericorum nomina conscribi solebant) *constitutus, præter consilium, vel literas eorum Episcoporum, qui sunt intra Provinciam, & maxime Metropolitanis, ad Imperatorem perveneris, hunc abdicari, & ejici non solum de communione debere, sed etiam propria dignitate privari, tamquam molestum, & importunum Imperialibus auribus, contra-*

Tom. I.

S

Ec-

Can. 27.  
cau. 23.  
qu. 8.

*Ecclesiastica constituta. Si autem necessitas cogat ad Imperatorem excurrere, propter aliquam actionem, cum deliberatione, & consilio Metropolitanis ipsius Provinciae Episcopi, & ceterorum conscientia Episcoporum, qui in eadem Provincia sunt, atque cum literis eorum ire debet. Aliorum interpretationes Isidorianæ huic versioni consonare omnino mihi videntur; nolo tamen omittere, quod Dionysius Exiguus exposuit, tanquam notæ longe melioris Interpres. Hæc ipse: Si quis Episcopus, aut Presbyter, aut quilibet Regulæ subiectus Ecclesiæ præter Concilium, & literas Episcoporum Provinciae, & præcipue Metropolitanæ adierit Imperatorem, hunc reprobari, & abjici oportere, non solum a communione, verum & ab honore, cuius particeps videtur existere; quia venerandi Principis auribus molestiam tentavit inferre, contra leges Ecclesiæ. Si igitur adire Principem necessaria causa deposcit, hoc agatur cum tractatu, & Consilio Metropolitanæ, & ceterorum Episcoporum, qui in eadem Provincia commorantur, qui etiam proficiscentem suis prosequantur Epistolis.*

## CAPUT X.

## De Concilio Sardicensi.

Sardicensis Concilii nomine apud Gratianum  
sequentes Canones inscripti sunt.

- Can. 10. dist. 61. paullo varius in diversis exemplaribus.*
- Can. 9. dist. 65. multo varius in Græcis, & Latinis Codicibus.*
- Can. 1. dist. 71. ex melioris notæ Codicibus emendandus.*
- Can. 36. cau. 2. qu. 6. varius in diversis exemplaribus.*
- Can. 7. cau. 6. qu. 4. jungendus cum can. 36. cau. 2. qu. 6.*
- Can. 4. cau. 11. qu. 3. multo varius in diversis exemplaribus.*
- Can. 28. cau. 23. qu. 8. ad melioris notæ Codices exigendus.*

**P**rope medium sæculi IV. jam damnata a Concilio Nicæno hæresi Ariarum, nondum omnino extincta fuerunt Ariani Schismatis semina; superfu-erunt enim perfidiorum quorundam reliquæ, per quos turbæ clanculum concitabantur ad eum finem, ut vel contemneretur, si fieri posset, Nicæna fides, vel saltem aliis utrique parti communibus formulis exprimeretur. Præsertim vero vim suam omnem eo contulerunt, ut egregii, strenuique *Omoion*, seu *Consubstantialitatis* Patroni, qua minis, qua vexationibus premerentur; persuasum enim erat Ariani, non aliter se posse Nicænam fidem evertere, nisi primum de medio tollerentur illi, quorum sapientia, prudentiaque Catholica Ecclesiæ Germana doctrina inconcussa custodiebatur. Inter Viros Ecclesiasticos invidios Nicænz fidei vindices constantissimus fuit S. Athanasius Alexandrinus Patriarcha, cujus doctrina singularis, eximique morum integritas cum Patriarchali auctoritate conjuncta. Arianos plurimum continebat. Adversus illum præcipuos conatus, viresque suas intenderunt hæretici, qui ne aperte in eodem redarguerent, in quo ipsi a causa protinus cecidissent, videlicet doctrinam, quam tuebatur Nicæni Concilii, fraude



usi sunt, figmento suo de pluribus gravissimis criminibus eundem per calumniam accusantes, atque irregulari omnino processu inauditum, indefensumque, licet præsentem, damnantes Concilio Arianorum Episcoporum ad eam ferendam sententiam convocato in Tyro Pheniciz an. 335.

Hæc porro acta non tam suam, quam Ecclesiæ univerſæ injuriam, & Catholicæ fidei periculum gravissimum continere, agnovit Athanasius, qui propterea est apud Imperatorem conqueſtus, rogans, ut ejus auctoritate perfidorum, impiorumque Episcoporum molitiones cohiberentur, & apud Julium Pontificem Maximum ab eo postulans actis exhibitis, ut de causa ipse judicium ac sententiam ferret. Julius quidem primum in Romanis, quos celebravit, conventibus controversiam examinavit, detectisque hæreticorum versutiis, qui ab eodem Pontifice advocati in recessus sese recipiebant, & latebras; Athanasium absolvendum esse pronuntiavit, eundemque ad dignitatem, unde dejectus fuerat, restituendum. Verum ne, forte privatum videretur apud Orientales hocce judicium, Ecclesiasticæ rei tum, demum consultum iri judicaverunt tum Imperatores Constantius, & Constans, cum Julius Papa, quoties generale Concilium in Sardicensi Civitate celebraretur, ad quod tam Orientalis, quam Occidentalis Ecclesiæ Episcopi convenirent de Athanasii causa judicaturi. Erat enim Sardica Urbs in Illirico sita in confinio Mysiæ Superioris, ad quam propterea, utpote medium inter Orientales, Occidentalesque Provincias, facile univerſæ Ecclesiæ Antistites poterant causa Synodi accedere. Jamque per Encyclicam Epistolam moniti erant Episcopi omnes, imo prope fuerant, ut in unum congregarentur; quum Orientales Schismatici prænoscentes sua callida, improbaque consilia tandem aliquando patere, variis tergiversationibus Concilium ipsum turbarent, asserentes malle se seorsim aliam celebrare Synodum in Urbe Philippopoli, centum circiter passuum millibus a Sardicensi distante; illud inter cetera allegantes, non aliter se ad Sardicense Concilium accessuros, nisi primum certo scirent a Concilio ipso Athanasium fore excludendum.

Ita discissis Episcoporum animis, duo anno 347. celebrata fuere Concilia, quæ ambo Sardicensia appellata sunt; Alterum Occidentalium Episcoporum Sardicæ, atque in hoc Athanasius absolutus est; alterum Philippopolis Orientalium Episcoporum, atque in hoc versa vice renovata est, quæ jamdiu ab Orientalibus ipsis lata fuerat, adversus Athanasium iniqua sententia. Qui, qualisque tum fuerit Ecclesiæ status in hac animorum dissensione facile unusquisque conjiciet. Illud tamen certissimum, vicisse tandem aliquando Occidentalium Episcoporum, atque obtinuisse sententiam, Occidentalium, inquam, qui Sardicam conveniant, & non tam pro Nicænâ fide, quam pro ipsius Nicænæ fidei propugnatoribus alacriter contenderunt. At e contrario Orientalium Arianorum Præsulum præceps judicium, licet primo apud Græcos ipsos plurimum valuisse, tamen contemni omnino, & reprobari visum est, quum Græci iidem Concilium Philippopolis detestari ceperunt, ac potius Sardicensem Synodum venerari. Sunt qui adserunt tum primum Sardicensem Synodum, Synodique canones a Græcis fuisse receptos, cum in Trullana Synodo professi sunt canone 2., se canones Sardicenses recipere. Ibi enim ita scripserunt: *Hoc quoque huic sanctæ Synodo pulcherrime, & honestissime placuit, ut ab hoc nunc tempore deinceps... firmi, stabilesque maneant... Apostolorum 85. canones... oliginamus etiam reliquos omnes canones, qui a sanctis, & beatis nostris Patribus expositi sunt, idest a 318. divinitus inspiratis Patribus, qui Nicæa convenerunt, iisque qui Ancyra...*

*similiter & illis, qui Sardicæ, & qui Carthagine* Sc. Ego sane plurimum dubitaverim, ne Trullani Episcopi nomine Synodi Sardicensis intellexerint non Synodum Germanam Sardicensem, sed Pseudoconcilium illud, quod a Schismaticis Orientalibus, uti superius diximus fuit celebratum, quod etiam Sardicensi nomine appellatum fuisse scimus. Quid aliud suspicari possumus de Trullani Episcopis ad Schismata pronis, quique in eodem canone 2. probarunt canonem illum Cypriani Carthaginensis, quo rebaptizantium disciplina adversus Romanæ Ecclesiæ Doctrinam jamdiu generaliter receptam stabiliebatur? Præsertim vero id licet in controversiam deducere, quod Græci tempore Nicolai Papæ I., atque ita multo post Trullanum Concilium professi sunt, se Sardicensis Concilii canones non habere, quemadmodum deducitur ex can. ult. dist. 16.. Initio quidem interfuert, subscripseruntque Concilio centum circiter Episcopi, iique ut plurimum Occidentales: Refert enim Athanasius in Epistola ad solitarios Episcopos, omnes, qui ad Concilium Sardicense convenerant, ex utroque imperio fuisse circiter 170., at 70. ex ipsis recessisse factio Schismate in Philippopolim certum est. Ipse autem Athanasius, postquam absolutionem in Concilio obtinuit, eandem scripto circumtulit ad alios Episcopos quamplures, qui in Concilium non convenerant, sive Orientales, sive Occidentales, qui facile etiam subscripserunt, ac Sardicensi Concilio consenserunt. Hinc Athanasius idem scripsit in Apologia 2. Sardicensi Concilio subscripsisse 344. Episcopos, atque exinde colligitur post celebratum Concilium hocce ducentos & supra quadraginta Episcopos præter eos, qui convenerant; Synodo morem gessisse, illamque confirmasse. Ex istis autem 344. Episcopis aliquos fuisse etiam ex Orientalibus vero admodum simile est; proptereaque asserere jure possumus Sardicensem Synodum ab aliquibus Orientalibus etiam tunc temporis fuisse receptam. Sic Johannes Antiochenus in sua collectione canonum sæculo 6. edita Sardicensium canonum meminit. Generaliter autem receptum non fuisse crediderim, nisi recentiore tempore circa sæculum 10. aut 11., quum præsertim Græci in suos Codices Sardicenses canones communiter retulerunt, Alexius Arilstinus, Symeon Logotheta, Arsenius Monachus, alique non pauci, qui tamen ut plurimum Sardicenses canones non juxta temporis ordinem descripserunt, sed prope finem Codicis, forte ut indicarent Sardicenses eosdem canones nonnisi posteriore tempore Græcis Codicibus accessisse.

Ex his facile eruere quispiam potest, quid in ea disputatione sentiendum sit, num Sardicensis Synodus inter Æcumenicas sit recensenda. Convocationem Æcumenicam extitisse nemo est qui neget, verum cum non statim apud omnes recepta fuerit, ipso præsertim Concilii tempore plurimi ex Episcopis factio Schismate discessissent, non potuit apud veteres Æcumenicæ nomine appellari. Hodie tamen ejusdem Concilii statuta, tanquam generalis Ecclesiæ canones recipere unusquisque commode poterit, cum universæ Ecclesiæ tandem aliquando consensus accesserit. Imo mihi admodum placet quorundam opinio, qui Synodum hanc Sardicensem vix a Nicænâ distinguunt, aut eandem tanquam Nicænæ Appendicem appellant. Agebatur enim de rebus, quæ jam in Nicæno Concilio pertractatz fuerant, aut quæ ex Nicæni Concilii definitionibus discutiendæ adhuc superfuertant. Atque hujus opinionis esse videntur Collectores canonum nonnulli, qui canones Sardicenses Nicænis immediate subjecerunt, unde aliis suborta fuit occasio quandoque laudandi Nicænos canones pro Sardicensibus, ex quo etiam proficisci potuit, quod suo loco diximus, Nicænos canones ultra viginti numeratos ab aliquibus

bus fuisse. Probari id posset ex can. 3. Concilii Carthaginensis VI., & can. 101. Concilii Africani, item ex Epistola Synodica Concilii Constantinopolitani I. ad Damasum Papam, ubi nomine Nicæni Concilii refertur canon 5. ex Sardicensibus juxta editionem Dionysii Exigui, & ex Concilio Africano, qui habetur in Codice ejusdem Dionysii, in quo nonnulli canones relati sunt in principio nomine Concilii Nicæni, qui potius sunt canones Sardicenses.

Constitutum Sardicenses Concilii non tantum ad fidem Catholicam confirmandam edita sunt, sed etiam ad disciplinam Ecclesiasticam instituendam, quæ hodie & Græce, & Latine scripta sunt. Ego hac in re fidendum potius arbitror latinis, quam Græcis exemplaribus; etenim Latina Græcis exemplaribus sunt vetustiora, cum sciamus Græcis fuisse incognitos ut plurimum Sardicenses canones, arg. can. ult. dist. 16., apud Latinos vero auctoritatem semper maximam habuisse. Inter Latinos autem Scriptores eos semper anteferre juvabit, qui tempore præverunt. Dionysius Exiguus in Præfatione suæ collectionis ad Stephanum testatur, Codici suo se addere voluisse, nequid notitiæ subtraheret, statuta Sardicenses Concilii, simul & Africani, quæ tamen fatetur jam a Latinis edita fuisse, atque a Latinis exemplaribus se excerptisse. Atque hæc necessario prænotanda sunt, quia non omnes invicem consonant horum canonum editiones, siue quod numerus canonum juxta diversitatem Codicum varius sit, alicubi enim 20. tantummodo, alicubi 21. exhibentur, siue etiam quod numerales notæ non in omnibus exemplaribus Concilii æque subjectis canonibus respondeant; neque enim arbitror canones ab initio numeris fuisse distinctos, cum Dionysius Exiguus profiteatur in memorata Præfatione, se, numerorum discrimina adscripsisse. Sed hæc omnia commodius, utiliusque observabimus ad singulos Gratiani canones expendendos, qui ex Sardicensibus hisce depremti videntur.

In primis autem occurrit canon 10. dist. 61., qui juxta Græca exemplaria est decimus numero inter Sardicenses, sed tum apud Isidorum Mercatorem, cum apud Dionysium Exiguum est numero decimus tertius. Porro Gratiani editio consonare videtur & cum Isidoro, & cum Dionysio, uterque enim Latinam editionem veterem eandem sequutus est. Plurimum autem intererit integrum hic describere canonem, cum nonnulla apud Gratianum desiderentur. Ita Dionysius: *Osus Episcopus dixit: Et hoc necessarium arbitror, ut diligentissime tractetis, si forte aut dives, aut scholasticus de foro, aut ex administratore* (Gratianus addiderat *Laicus*, quod sane in vetustis Codicibus non habetur; quemadmodum nec est in Græco exemplari, quod respondeat illis verbis, aut ex administratore) *Episcopus fuerit postulatus; ut non prius ordinetur, nisi & Lectoris munere, & officio Diaconi, aut Presbyteri fuerit perfundus, & ita per singulos gradus, si dignus fuerit, ascendat ad culmen Episcopatus. Potest enim per has promotiones, quæ habebunt utique prolixum tempus, probari, quæ fide sit, quæ modestia, quæ gravitas, & verecundia. Et si dignus fueris probatus, divino Sacerdotio illustretur: Quia conveniens non est, nec ratio, vel disciplina patitur, ut temere, & leviter ordinetur aut Episcopus, aut Presbyter, aut Diaconus, qui Neophytus est; maxime cum & magister gentium beatus Apostolus, ne hoc fieret, denunciaſſet, & prohibuisse videatur; sed hi, quorum per longum tempus examinata sit vita, & merita fuerint comprobata. Univerſi dixerunt placere sibi hæc. Postrema hæc verba, univerſi dixerunt placere sibi hæc, licet apud Labbeum legantur Dionysio Exiguo tributa, in Codice tamen Iustelli non leguntur. Ceterum inven-*

Can. 10.  
dist. 61.

pium.

niuntur etiam apud Isidorum Mercatorem ; in Codicibus autem Græcis hæc habentur : *omnes dixerunt ; ipsi placere , & omnino non oportere ea subvertere .* Sane ubi hæc clausula non adjiciatur , non potest ille dici canon Concilii Sardicenis , sed quoddam propositio facta Concilio ab Ofio Cordubensi , qui ibidem præfuisse dicitur . Si quis a me quaesiverit , cur in exemplaribus Græcis desint illa verba , aut ex administratore , seu his similia , facile respondebo , me plurimum suspicari de Photio , quod Græcos Codices , ut in aliis , ita & in hac parte corruerit ; ut enim ipse ex administratore Ecclesiam Constantinopolitanam invaserat , e re sua esse duxit , si canones illos quoquomodo detorqueret , aut diverteret , quibus factum suum manifeste improbatur . Integro autem canonis , ac definitioni edendæ occasionem dederunt Ariani quidam Episcopi , qui Athanasium damnatum e Sede Patriarchali dejecerant , atque in dejecti locum Gregorium quandam Cappadocem Laicum hominem , Neophytum , & recens in Clero ordinatum susceperant . Jure propterea tum statui debuerat , ne divites , scilicet qui seculi divitiis se se minime abdicaverant , neve Scholastici de foro , idest qui diserti essent in foro , eloquentes , atque eruditi causarum Patroni , statim ad Episcopale officium promoverentur .

Can. 9.  
dist. 65.

Romani Corredtores jamdiu agnoverunt varias editiones , sive apud Græcos , sive apud Latinos canonis 9. dist. 65. Is est apud Dionysium numero quintus inter Sardicenses ; sed apud Isidorum Mercatorem , quemadmodum & in Græcis exemplaribus est numero sextus . Referam in primis Latinam editionem ceteris antiquiorem , quæ est Dionysii . *Ofius Episcopus dixit : Si contigerit in una Provincia , in qua plurimi fuerint Episcopi , unum forte remanere Episcopum ; ille vero per negligentiam noluerit ordinare Episcopum , & populi convenerint ; Episcopi vicine Provinciae debent illum prius convenire Episcopum , qui in ea Provincia moratur , & ostendere , quod populi petant sibi Rectorem , & hoc solum esse , ut & ipsi veniant ( legunt alii : ut & ipse veniat ) , & cum ipso ordinent Episcopum ; quod si conventus literis tacuerit , & dissimulaverit , nihilque rescripserit , satisfaciendum esse populis , ut veniant ex vicina Provincia Episcopi , & ordinent Episcopum .* Hæc eadem omnino leguntur apud Isidorum Mercatorem , apud quem tamen uno eodemque contextu subsequitur canon , qui apud Dionysium sextus est ; post quem legitur adprobatio Synodi his verbis : *Synodus respondit , placet .* Ab editione hac & Dionysii , & Isidori recedendum non videtur , præsertim quod adpareat Isidorum non a Dionysio , sed ab aliis veteribus exemplaribus accepisse ; etenim Isidorus habet numero 6. , quod Dionysius habet 5. , item Isidorus sub numero 6. ea omnia refert , quæ Dionysius in duos distribuit canones numero 5. & 6. , quamobrem facile percipimus vulgata apud veteres Concilii Sardicenis exemplaria in hoc unum consonasse , quemadmodum habet in memoratis verbis editio Dionysii . Romani Corredtores Græca etiam exemplaria retulerunt , ac latinitate donarunt , ex quibus sane diversa omnino canonis sententia dignoscitur . Quid vero ? Num hac in re Græcis potius exemplaribus recentioribus , quam Latinis vetustissimis fidem habebimus ? Ego sane eo adduci non possum , præsertim cum sciverim , qualis in recentioribus Codicibus habenda sit Græcis fides ! Et si enim Græcis exemplaribus , qualia a Romanis Corredtoribus apud Gratianum edita sunt , concordent Balfamonis , Zonaræ , Aristenii , & Harmenopoli interpretationes , nihil tamen me magis movet , cum agatur de Interpretibus , qui post depravatos Græcos Codices scripsere . Ad hunc autem canonem respexisse videntur Episcopi Concilii Constantinopolitani 1. Generalis in Epistola Syno-

Synodica ad Damasum, aliosque Episcopos Romæ convocatos ita scribentes: *De administrandis singularum Ecclesiarum, cum vetus, uti nobis, lex obtinuit, tum sanctorum Patrum in Concilio Nicæno decisio* (Nicænum hic sane dicitur pro Sardicensi, quemadmodum jam superius observavimus); *ut videlicet singularum Provincialium Antistes, una cum finitimis, modo ipsi ita visum fuerit, Episcopis, ad Ecclesiarum commodum habeant ordinationes. Ex cujus legis, & decisionis præscripto scitote, tum alias quoque Ecclesias apud nos administrari, tum illustrissimarum Ecclesiarum Sacerdotes delectos.* Quæ verba quemadmodum potius referri debent ad canonem Sardicensem, prout editus est in Latinis exemplaribus Isidori, & Dionysii, quam prout editus est in exemplaribus Græcis, ita suadent, Latinis potius Dionysii, & Isidori, quam Græcorum codicibus esse ad hærendum.

In canone 1. dist. 71. descripti sunt duo canones Sardicenses, videlicet 18. & 19. Can. 1. dist. 71. juxta editiones Latinas. Gratianus ut plurimum videtur verba descripsisse ab Isidoro Mercatore, aliqua tamen etiam retulit ex Dionysio Exiguo. Utriusque exemplar ego proferam. Ita Dionysius habet in canone 18. *Januarius Episcopus dixit: Illud quoque statuatur sanctitas vestra, ut nulli Episcopo liceat alterius Episcopi civitatis ministrum Ecclesiasticum sollicitare, & in suis Parochiis ordinare. Universi dixerunt: Placeat, quia ex his contentionibus solet nasci discordia: & ideo prohibet omnium sententia, ne quis hoc facere audeat: Paulo aliter Isidorus, ibi: Januarius Episcopus dixit: Illud quoque sanctitas vestra statuatur, ut nulli Episcopo liceat alterius civitatis hominem Ecclesiasticum sollicitare, & in sua Diocesi ordinare Clericum; quia ex his contentionibus nasci solent discordiæ; & ideo prohibeat omnium sententia, ne quis hoc facere audeat.* Sequitur deinde canon 19., in quo referendo tum Dionysius, cum Isidorus omnino concordant hisce verbis: *Osus Episcopus dixit: Et hoc universi constituimus, ut quicumque ex alia Parochia voluerit alienum ministrum sine consensu Episcopi ipsius, & sine voluntate ordinare, non sit rata ordinatio ejus. Quicumque autem hoc usurpaverit, a fratribus, & Coepiscopis nostris & admoneri debet, & corrigi.* In Græcis exemplaribus nihil habetur, quod memorato canonem 18. respondeat; sed tantum quod consonet cum canone 19. his verbis: *Osus Episcopus dixit: Hoc quoque omnes definiamus; ut si quis Episcopus ex alia Parochia veliit alienum ministrum sine consensu proprii Episcopi in aliquo gradu constituere, irrita, & infirma ejusmodi Constitutio existimetur. Si qui autem hoc sibi ipsis permiserint, a fratribus, & Coepiscopis & admoneri, & corrigi debent. Omnes dixerunt: Hoc quoque Decretum sit firmum, & immobile.* Hæc habentur apud Græcos in canone 15., non enim, uti diximus, idem est ordo canonum in Græcis, qui in Latinis exemplaribus. Ideo autem forte desideratur apud Græcos memoratus canon 18. ex Latinis, quia nihil aliud continet ille, quam postulationem Januarii Episcopi, cui annuerunt Patres Concilii in sequentibus; sive in dicto canone 19.; Quamobrem satis fuit Græcis ejusdem tantummodo 19. canonis verba in suum codicem referre.

Simul jungenda sunt duo illa Gratiani fragmenta, quorum alterum habetur in can. 7. cau. 6. qu. 4., alterum est in can. 36. cau. 2. qu. 6., utrumque ad Concilium Sardicense pertinet, eandemque sententiam continere videtur. Exhibebo in primis varietatem codicum, deinde nonnulla ad eorundem interpretationem attingam. Canon 7. cau. 6. qu. 4. apud Dionysium Exiguum pars est canonis 3., ubi postquam Osi nomine propositum fuisset causas Episcoporum esse ab Episcopis Provinciarum judicandas, non vero ab Episcopis, qui in alia Provincia sunt consti- Can. 36. cau. 2. qu. 6. & Can. 7. cau. 6. qu. 4. tuti;

tuti, hæc verba sequuntur : Quod si aliquis Episcoporum judicatus fuerit in aliqua causa, & putat se bonam causam habere, ut iterum Concilium renovetur, si vobis placet, sancti Petri Apostoli memoriam honoremus, ut scribatur ab his, qui causam examinarunt, Julio Romano Episcopo, & si judicaverit renovandum esse judicium, renovetur, & dei iudices; Si autem probaverit talem causam esse, ut non reficiantur ea, quæ acta sunt; quæ decreverint, confirmata erunt. Si omnibus hoc placet. Synodus respondit: Placet. Isidorus Mercator hanc eandem sententiam retulit in canone 4. Sardicensi, & quidem eisdem omnino verbis, quæ apud Gratianum leguntur. In Græcis exemplaribus eadem ratione hæc describuntur, quemadmodum apud Dionysium Exiguum, videlicet in canone 3. Sardicensi, postquam definitum fuerit ex alia Provincia Episcopos causæ Cognitores non esse advocandos in controversiis Episcoporum, his verbis: Siquis autem Episcoporum in aliquo negotio condemnari visus fuerit, & existimet se non malam, sed bonam causam habere, ut etiam rursus iudicium renovetur; si vestræ dilectioni videtur, Petri Apostoli memoriam honoremus, & de iis, qui judicaverunt, scribatur Julio Romanorum Episcopo, ut per propinqua Provincia Episcopos, si opus sit, iudicium renovetur, & Cognitores ipse præbeat. Si autem probare non potest causam ejus esse talem, ut eam rursus iudicari opus sit; quæ semel sunt iudicata non infirmantur; quæ autem sunt, firma habeantur. Canon 36. cau. 2. qu. 6. habetur in canone 7. Sardicensi apud Dionysium, & Isidorum, in canone vero 5. in Græcis exemplaribus. Singulorum editiones hoc loco sunt describendæ. Ita Dionysius: Osus Episcopus dixit: Placuit autem, ut si Episcopus accusatus fuerit, & judicaverint congregati Episcopi regionis ipsius, & de gradu suo eum dejecerint; si appellaverit qui dejectus est, & confugerit ad Episcopum Romanæ Ecclesiæ, & voluerit se audiri; si iustum putaverit, ut renovetur iudicium (alia Dionysii editio habet: ut renovetur examen) vel discussionis examen, scribere his Episcopis dignetur, qui in finitima, & propinqua Provincia sunt, ut ipsi diligenter omnia requirant, & juxta fidem veritatis definiant. Quod si is, qui rogat causam suam iterum audiri, deprecatione sua moverit Episcopum Romanum, ut de latere suo Presbyterum mittat; erit in potestate Episcopi quid velit, & quid æstimet. Et si decreverit mittendos esse, qui præsentem cum Episcopis judicent, habentes ejus auctoritatem, a quo destinati sunt, erit in suo arbitrio. Si vero crediderit Episcopus sufficere, ut negotio terminum imponant, faciet quod sapientissimo consilio suo judicaverit. Paulo aliter Isidorus his verbis: Osus Episcopus dixit: Et hoc placuit, ut si Episcopus accusatus fuerit, & omnes judicaverint congregati Episcopi regionis ipsius, & de gradu suo eum dejecerint; si appellaverit qui dejectus videtur, & confugerit ad beatissimum Romanæ Ecclesiæ Episcopum, & voluerit se audiri: si iustum putaverit, ut renovetur examen, scribere his Episcopis dignetur Romanus Episcopus, qui in finitima, & propinqua altera Provincia sunt, ut ipsi diligenter omnia requirant, & juxta fidem veritatis definiant. Quod si is, qui rogat causam suam iterum audiri, deprecatione sua moverit Episcopum Romanum, ut de latere suo Presbyteros mittat; erit in potestate ipsius quid velit, & quid æstimet. Si decreverit mittendos esse, qui præsentem cum Episcopis judicent, ut habeant etiam auctoritatem personæ illius, a quo destinati sunt, erit in ejus arbitrio. Si vero crediderit sufficere Episcopos Comprovinciales, ut negotio terminum imponant, faciet quod sapientissimo consilio suo judicaverit. Græcis autem exemplaribus hæc potius consonant: ex interpretatione Herveti: Osus Episcopus dixit: Placuit, ut siquis Episcopus delatus fuerit, & congregati ejusdem regionis Episcopi eum gradu moverint; & veluti appel-

appellans, confugerit ad beatissimum Romanæ Ecclesiæ Episcopum, & velit ipsum adire, & justum esse existimaverit ejus rei examinationem renovari, Coepiscopi scribere dignetur, qui sunt propinqui Provinciæ, ut ipsi diligenter, & accurate singula perferantur, & ex veritatis fide de re sententiam ferant. Siquis autem postulet suum negotium rursus audiri, & ad suam supplicationem Romanum Episcopum judicare visum fuerit, ut a proprio latere lrehyteros mittat, & sit in potestate illius, quodcumque recte habere probaverit: & si decreverit oportere eos mitti, qui cum Episcopis suis judicaturi, habentes auctoritatem ejus, a quo missi sunt; & hoc ponendum est. Si autem sufficere putaverit ad rei cognitionem, & Episcopi sententiam, faciet quod prudentissimo ejus consilio recte habere videbitur. Responderunt Episcopi: *Quæ dicta sunt, placuerunt.* Siquis a me postulaverit, quibusnam potius exemplaribus fidendum in hac parte sit, plane me omnino ignorare profiteor; cum de singulorum fide fas sit hac in re potissimum dubitare. De Græcis exemplaribus non est, cur addam quidpiam; Ut enim recentia tempore sunt, atque ex Latinis verustis Dionysii, & Isidori deprompta, nullam aliam, imo etiam forte minorem auctoritatem habent, quam habeant codices Dionysii, atque Isidori. De Isidori codice quid verba faciam? est ille sollemnis, celebratusque canonum depravator, ubi præsertim ad rem, quam sibi initio proposuerat, pertinere quodammodo possent. Superesset codex Dionysii Exigui; sed quoniam, uti in præfatione universi operis præmonui, forte Dionysius fuit ex Monachis illis Scythis, qui a sua Provinciâ pæsegre profectus post schisma in Oriente concitatus, Romano Pontifici gravis, & maxime importunus extiterat, vereor valde, ne quid in referendo canone hujusmodi sponte adtulit, quo causæ suæ quoquo modo faveret.

Qualicumque vero recipiatur editio, nemo non videt, huic canonî occasionem dedisse Athanasium Alexandrinum Patriarcham. Dimnatus ille fuerat a Synodo Arianorum apud Græcos celebrata, imo & ab Episcopali sede depositus. Romanum ipse ad Pontificem Maximum confugit, ut novi celebrationem Concilii impetraret, quemadmodum deinde obtinuit, postquam de adversariorum suorum odio, odiique causis Pontificem eundem reddidit certiorum. Atque in hac eadem causâ cum Athanasio nonnulli alii extiterant, & ipsi ab Arianis damnati Episcopi in Conciliis, Paulus Constantinopolitanus, Marcellus Ancyrae, Asclepas Gazæ, Lucius Hadrianopolitanus, & alii. In hac perturbatione rerum, dum integras Provincias Ariani, & ad schismata proni Episcopi administrarent, quid convenientius, atque Ecclesiæ utilis definiri poterat, quam apud Pontificem Maximum Episcoporum omnium Principum curari, ut judicia etiam per apellationem Episcoporum in Provincia finitima degentium retractarentur, etiam misso a latere Pontificis legato, qui ejusdem nomine, atque auctoritate singula moderaretur? Atque ipsum Julii Papæ nomen, quod specialiter designatur in dicto can. 7. cap. 6, qu. 4., manifeste indicat de illis Episcopis ibidem actum fuisse, qui ad Julium ipsum confugerant jam, vel prope erant, ut confugerent, causâ retractandi judicii hæreticorum pravitate facti adversus eos, qui pro Nicæna fide alacriter, strenueque pugnaverant.

Canon 4. cau. 11. qu. 3., idem est cum canone 17, Sardicensi apud Isidorum. Mercatorem, quem videtur sequutus fuisse Gratianus; Attamen priora canonis verba hæc Gratiano adjici debent: *Osus Episcopus dixit: Quod me adhuc movet, quia 3. reticere non debet: Si Episcopus quis &c.* & in posterioribus Gratiani verbis, ita

ex Isidoro legendum erit: *Nullus alius debet presumere, ut recipiat, & communione societ.* Dionysius Exiguus eadem fere verba descripsit, quemadmodum & Isidorus, & Gratianus; Imo posteriora Dionysii verba magis cum Gratiano consonant, cum Dionysius habeat: *Nullus alius debet presumere, ut cum communione societ.* In Græcis exemplaribus idem canon est numero decimusquartus, cujus verba & Græce, & Latine jam retulerunt Corretores Romani. In fragmentis Concilii Sardicensis editis abs Justello in vetere Latina Collectione tomo 1. pag. mihi 287. hic canon est numero decimus sextus, & non cum Græcis exemplaribus consonans, sed potius cum Dionysio, & Isidoro. Porro magnum discrimen intercedit inter Græcam, atque Latinam editionem; In Latina editione appellatio facienda decernitur ad Episcopos finitimos; At in Græcis exemplaribus ad Metropolitanum interponi debere. Unde hæc diversitas profecta fuerit, facile ego conjicere possum; videlicet ex iis, quæ ad eundem canonem scripsit Aristenus Græcus interpres in notis ad Synodum Carthaginensem, quam Græci in suum codicem receperant; cum enim ibi referretur Sardicensis hic canon, Aristenus idem ita canonem ipsum paucis perstrinxit: *Presbyter, & Diaconus segregatus libertatem habet ad vicinos appellandi. Quin etiam qui segregavit, æquo animo ferre debet, quod confirmatum fuerit.* Subdit autem: *Hic canon confusioni, & scandalis occasionem præbet.* Nam Clericum a suo Episcopo depositum ad Provinciam ipsius Metropolitanum confugere, & appellare iustum est, & canonicum; Metropolitanum autem absente depositum vicinos adire Episcopos, eosque Episcopi ipsi non subiecti examinatores constituere a ratione alienum est, & tumultus causa. Idcirco itaque non universalis habendus est hic canon, & in aliis valens Diacribus, & us particularis in Carthagine, & Africa. Itaque Græci agnovērunt Latinum canonem Sardicensem suis regionibus minime convenire, ideoque eundem detorquere non dubitarunt, quodque ibidem de finitimis Episcopis dicebatur, de Metropolitanis juxta disciplinam suæ Ecclesiæ intellexerunt.

Carthaginense Concilium, quod nuper memoravi, illud ipsum est, quod Dionysius Exiguus edidit in fine primæ partis sui codicis. Ex eo autem nonnihil deduci potest, quod pertinet tum ad hunc Sardicensem canonem, de quo in can. 4. cau. 11. qu. 3., tum ad alterum Sardicensem, de quo in can. 36. cau. 2. qu. 6., uterque ex hisce canonibus propositi sunt in hoc Concilio Africano, non quidem nomine Concilii Sardicensis, sed potius nomine Concilii Nicæni, quemadmodum de pluribus aliis factum esse jam superius observavimus. Verba, quæ in actis ejusdem Concilii Carthaginensis describuntur, sunt hæc: *Ita enim dixerunt fratres in Nicæno Concilio, cum de Episcoporum appellatione decernerent. Placuit autem, ut si Episcopus accusatus fuerit &c.* Sequitur hic memoratus canon 36. cau. 2. qu. 6. Post hæc vero Alypius Episcopus Tagastensis legatus Provincie Numidicæ asseruit quidem, se recipere quicquid in Nicæno Concilio pridem fuerat constitutum; at vero se hunc canonem non invenire inter statuta Nicæni Concilii, ideoque satius esse Constantinopolim legatos dirigere, ut fidem faciant de hoc canone, inter Nicænos num habeatur, an minus; interea vero paullisper eam disciplinam esse servandam, donec integra exemplaria habeantur Nicænæ Synodi. Rursus inferius protulerunt quidam Episcopi Africani alterum canonem Sardicensem, qui idem est cum can. 4. cau. 11. qu. 3. sed cum recitaretur, refert Dionysius, *Augustinus Episcopus Ecclesiæ Hipponensis Provincie Numidicæ dixit: Et hoc nos servaturos profitemur salva diligentiori inquisitione Concilii Nicæni. Aurelius Episcopus dixit: Si hoc etiam omne ve-*



*stræ charitati placet, response firmate.* "Univerſum Concilium dixit: Omnia, quæ in Nicæno Concilio ſtatuta ſunt, nobis omnibus placent &c. Ex quibus aperte liquet duos hosce canones non aliter in Africana Eccleſia fuiſſe receptos, quam ubi crediderunt, & quatenus exiſtimarunt a Nicæno Concilio conſtitutos fuiſſe, proindeque plurimum dubitare nos poſſe, utrum recepti iidem fuerint ab Eccleſia Africana, cum agnovit eos in Sardiceniſi potius Concilio fuiſſe conditos, non in Nicæno.

Canon 28. cau. 23. qu. 8. idem eſt cum canone 8. Concilii Sardiceniſis apud Dionyſium Exiguum, & Iſidorum Mercatorem, ſeu canone 7. in Græcis exemplaribus. Gratianus non integrum canonem retulit; propterea e re erit hoc loco deſcribere, qualis apud Dionyſium habetur, a quo ſane vix, aut ne vix quidem alii Colletores diſcrepant. Ita Dionyſius: *Ofius Episcopus dixit: Importunitates & nimia frequentia, & iniuſta petitiones fecerunt, nos non tantam habere vel gratiam, vel fiduciam, dum quidam non ceſſant ad comitatum ire Episcopos, & maxime Afri, qui, ſicut cognovimus, ſanctiſſimi Fratris, & Coepiſcopi noſtri ſalutaria conſilia ſpernunt, atque contemnunt; ut non ſolum ad comitatum multas, & diverſas Eccleſie non proſuturas perſerant cauſas, neque ut fieri ſolet, aut oportet, ut pauperibus, aut viduis, aut pupillis ſubveniatur; ſed & dignitates ſeculares, & adminiſtrationes quibuſdam poſtulent.* Hæc itaque pravitas olim non ſolum murmuraciones, ſed & ſcandala excitat. Honeſtum eſt autem, ut Episcopos interceſſionem his præſent, qui tuncque opprimuntur, aut, ſi vidua affligatur, aut pupillus expolietur; ſi tamen iſthæc nomina juſtam habeant cauſam, aut petitionem. Si vobis ergo, fratres chariſſimi placet, decernite, ne Episcopos ad comitatum accedant; niſi forte hi, qui religioſi Imperatoris literis vel invitati, vel vocati fuerint. Sed quoniam ſæpe contingit, ut ad miſericordiam Eccleſie conſugiant, qui injuriam patiuntur, aut qui peccantes in exilio, vel inſulis damnantur, aut certe quæcumque ſententiam ſuſcipiunt, ſubveniendum eſt his, & ſine dubitatione petenda indulgentia. Hoc ergo decernite, ſi vobis placet. Univerſi dixerunt: Placet, & conſtituatur. Sic Sardiceniſi canone ad integritatem ſuam reſtito, adparet duo potiſſimum a ſanctis Patribus ſaluberrime conſtituta fuiſſe. Primum eſt, ne Episcopos Imperatorum auriſus moleſtiam inferrent, præſertim ea poſtulantem, in quibus nulum Eccleſiaſticum negotium contineretur, aut quæ forte minus æqua viderentur. Cum enim ſæpiſſime, ut fertur, ſimilia Episcopos peterent, verendum facile erat, ne ipſi apud Imperatores ita contemnendi eſſent; ut, etiamſi neceſſitas Eccleſiarum poſtularret, quidpiam ab eiſdem Imperatoribus non forent imperaturi. Alterum eſt, ut Episcoporum ſollicitudini commiſſum ſit fidelibus oppreſſis, præſertim inopibus ſuccurrere, pro ipſis intercedendo apud Imperatores, illorumque cauſam, dummodo juſta fuiſſet, producendo. Præterea, ſiqui fuiſſent, ob delicta publica condemnati, vel exilio, vel deportatione, & ad Eccleſiam conſuſigunt, munus erat Episcoporum veniam pro ipſis petere a Principe, eo ſane conſilio, ut peccata admiſſa Rei ipſi emendarent, accepta publica penitentia in Eccleſia, per quam Reipublicæ per crimen Rei lætæ æque ſatiſfieri, ac per deportationem, aut exilium videbatur. Belle facit ad hanc rem, quod Gregorius II. epistoſa 2. ad Leonem Imperatorem ſcribebat his verbis: *Vides Imperator Pontificum & Imperatorum diſcrimen? Si quiſpiam te offenderit, domum ejus publicas, & ſpolias, ſolam illi vitam relinques, tandemque illum etiam vel ſuſpensionem necas, vel capite truncas, vel relegas, cumque longe a liberis, & ab omnibus cognatis, & amicis ſuis amandas.* Pontifices

Can. 28.  
cau. 23.  
qu. 8.

non ita; sed ubi peccavit quis, & confessus fuerit, suspendit, vel amputationis capitis loco Evangelium, & crucem ejus cervicibus circumponunt, eumque tanquam in carcerem in secretaria, sacrorumque vasorum araria conjiciunt in Ecclesie Diaconia, & in Cathedralumatablegant, ac visceribus ejus sejunium, oculisque vigilias, & laudationem ori ejus indicunt. Et sanctus Augustinus in epist. 159. Vocatur quidem & ista damnatio, (ubi scilicet publici peccatores poenitentis Ecclesiasticis affiguntur), sed quis non intelligat magis beneficium, quam supplicium nuncupandum, ubi nec sevitendi relaxatur audacia, nec poenitendi medicina subtrahitur?

## CAPUT XI.

## De Concilio Laodicensi.

Concillii Laodicensi Canones a Gratiano relati.

- Can. 5. dist. 18. paullo varius in diversis exemplaribus.
- Can. 26. dist. 23. ad melioris notæ exemplaria exigendus.
- Can. 27. dist. 23. ad meliorum codicum fidem exigendus.
- Can. 28. dist. 23. consonat cum optimis exemplaribus.
- Can. 4. dist. 24. idem est cum can. 6. dist. 61. ex interpretatione Dionysii.
- Can. 19. dist. 32. paullo varius in diversis exemplaribus.
- Can. 3. dist. 42. paullo varius in diversis exemplaribus.
- Can. 4. dist. 42. paullo varius in diversis exemplaribus.
- Can. 2. dist. 44. varius in diversis exemplaribus.
- Can. 10. dist. 44. paullo varius in diversis exemplaribus.
- Can. 9. dist. 46. ex aliis veterum Codicibus explicandus.
- Can. 6. dist. 61. idem est cum can. 4. dist. 24. ex interpretatione Mercatoris.
- Can. 6. dist. 63. plurimum consonat cum interpretatione Dionysii.
- Can. 2. dist. 69. ex optimis Codicibus supplendus.
- Can. 5. dist. 80. paullo varius in diversis exemplaribus.
- Can. 28. dist. 81. ex interpretatione Isidori Mercatoris.
- Can. 15. dist. 93. paullo varius in diversis exemplaribus.
- Can. 16. dist. 93. ad Codices melioris notæ exigendus.
- Can. 8. dist. 95. ad meliorum Codicum fidem exigendus.
- Can. 66. ca. 1. qu. 1. parum, aut nihil proposito Gratiani conveniens.
- Can. 4. cau. 26. qu. 5. paullo varius in diversis exemplaribus.
- Can. 4. cau. 26. qu. 7. consonat cum omnibus ferme exemplaribus.
- Can. 8. cau. 33. qu. 4. consonat cum omnibus ferme exemplaribus.
- Can. 8. de conf. dist. 3. varius in diversis exemplaribus.
- Can. 58. de conf. dist. 4. vix in diversis exemplaribus varius.
- Can. 36. de conf. dist. 5. ad melioris notæ Codices exigendus.
- Can. 37. de conf. dist. 5. veterum omnium interpretationi consonus.

**N**on eadem omnium fuit veterum Conciliorum ratio. Scimus Provincialia Concilia apud antiquos bis singulis annis celebrari consuevisse; & tamen pauca

pauca ex illis ad nos usque pervenerunt. Quid aliud exinde conicere debemus; quam ut plurimum in eisdem de privatis quorundam hominum causis pertractatum fuisse, quarum acta parum intererat relinquere posteritati, vel si qua generatim constituta sunt, non fuisse in omnibus, unde utilitas in posteritatem redundaret. Concilium tamen Laodicenum ex illis est, quorum auctoritas maximi semper in Ecclesia habita fuit, sive quod vetustissimam, optimamque sacrorum disciplinam tradere videatur, sive quod apud Collectores omnes canonum etiam antiquissimos maxime probatum fuerit, ac commendatum. Celebratum illud fertur in Laodicea Civitate Phrygiæ Pacatianæ, non, ut alii adferunt, in Laodicea Syriæ Civitate, quemadmodum manifeste expressum est in principio ejusdem Synodi, sive in exemplaribus Græcis, qualia interpretatus est Hervetus, alique, sive apud Isidorum Mercatorem. Quamobrem deceptus omnino fuisse vulgo creditur Gratianus, qui in can. 11. dist. 16. auctorem canonum Concilii Laodicensi præcipue fuisse narrat Episcopum Theodosium. Forte enim existimavit Concilium habitum fuisse in Laodicea Syriæ, cujus Episcopus fuit Theodosius, vel, ut alii legunt, Theodorus, quemadmodum refert Eusebius lib. 7. cap. ult. At Metropolitanus Laodiceæ Phrygiæ erat tum Nunechius quidam, qui Synodo eidem præfuisse dicitur. Duos supra triginia Episcopos Concilio interfuisse Gratianus idem refert in dicto can. 11. Nihil est, cur contradicam. At si Gratianum eundem quis sequi vellet in numerandis Concilii Canonibus, usque ad sexaginta, & unum, nescio sane, utrum talibus inniteretur, argumentis, quæ certa prorsus essent, ac fide digna. Dionysius enim Exiguus Collector vetustissimus, Græcorumque exemplarium apprimè peritus tantum 59. memorat, quorum postremus hic est: *Quod non oporteat plebejos Psalmos in Ecclesia cantare, nec libros præter canonem legi: sed sola sacra volumina Novi Testamenti, vel Veteris.* Isidorus Mercator addidit sexagesimum canonem, in quo peculiariter expressit, quales habendi essent libri Ecclesiastici Sacræ Scripturæ, sive quæ legi deberent in Ecclesia, cum ex Novo, tum ex Veteri Testamento. Cum Isidoro Mercatore consonant omnino Græca exemplaria, in quibus canon idem sexagesimus est postremus inter Laodicenos. Forte autem Gratianus talem Codicem præ manibus habuit, in quo postremus canon Laodiceus erat divisus in duos, in primo quorum libri Veteris Testamenti, in altero libri Novi Testamenti recensentur. Revera apud Alexium Aristenum Græcum Interpretem idem canon est distributus in duos, ita, ut in primo Veteris Testamenti Codices ille enumeret, in altero Codices Novi Testamenti.

Longe autem difficilior esset de tempore hujus Concilii disputare; ejus enim incerta omnino ætas est apud eruditissimos viros, quorum alii ante Concilium Nicænum celebratum dicunt, & anno circiter 314., alii vero non solum post Concilium Nicænum, sed & post Antiochenum, vel anno circiter 360., vel 364. sub Liberio, vel anno 367. sub Damaso. Qui Concilium Laodicenum ante Nicænum celebratum fuisse ferunt, his argumentis utuntur, primo, quod in Concilio Laodicensi canone 50. recensentur omnes sacri libri Veteris Testamenti, quin tamen ulla fiat mentio Libri Judith, qui tamen teste S. Hieronymo in Epist. 3. jam receptus fuerat, ac probatus in Nicæno Concilio. Quomodo fieri potuit, ajunt illi; ut quod in Nicæno Concilio admissum fuerat; non probaretur in Laodicensi, si Laodicenum esset Concilio Nicæno posterius? Secundo ajunt, multa esse in Laodicensi Concilio definita, quæ jam constituta fuerant in Nicæno, quia

quin tamen Laodicensi Patres memorent illa eadem a Nicænis jam Patribus fuisse decreta. Qui e contrario sentiunt Laodicenum Concilium post Nicænum, & Antiochenum celebratum fuisse ita argumentantur. Omnes Collectores canonum, etiam vetustissimi consueverunt describere canones Laodicanos post Antiochenos, quod sane argumento est, posterius fuisse conditos, atque præsertim more Collectorum veterum, qui juxta temporum ordinem canones collocare ut plurimum solebant. His accedit ratio luculentissima; etenim in canonibus Laodicenis fit mentio de Hæreticis Photinianis, quorum nomen, & hæresis cognita esse tantummodo potuit post Concilium Nicænum. Quod si prioris sententiæ Patroni responderint Photinianorum nomen in recentiores Codices irrepsisse, quemadmodum nonnullis asserere placuit, falsitatis argui facile poterunt, quod demonstrat nomen Photinianorum apud Dionysium Exiguum canone 7., necnon in exemplaribus Græcis, quibus sane maxima fides debetur.

Ego vero, ubi Veteres Historici, aut Collectores alium silentium servant, ubi propterea conjecturis dandus est locus, candide fateor, me in posteriorum potius sententiam trahi, ut existimem post Concilium Nicænum, atque Antiochenum hujusmodi Synodum Laodicenam fuisse celebratam. Nec enim ullum negotium facessit, quod contra adferri solet aut ex Libro Judith, aut ex Nicænis Constitutionibus. Quod enim in primis dici solet, in canone 50. Laodicensi recenseri libros omnes Veteris Testamenti ab Ecclesia receptos, nullam tamen fieri mentionem libri Judith, licet fuerit in Nicæno Concilio probatus, parum probat, vel quia is canon quinquagesimus non in omnibus, ut prænotavi, Concilii exemplaribus habetur; vel quia in Concilio Nicæno, Hieronymo eodem teste, Liber Judith, tamquam honore dignus habitus quidem est, nondum tamen fuit inter canonicos, & vere sacros adnumeratus, quod forte præstare inde voluerunt in sua Provincia Laodicensi Patres, vel demum quia in Concilio Laodicensi mens Patrum erat definire non canonicos libros, sed eos tantum, qui legendi in Ecclesia essent ad populi fidelis institutionem, quemadmodum constat omnibus, quicumque canonem ipsum legerint. At vero longe diversa sunt hæc duo, videlicet indicare libros canonicos, & libros, qui in Ecclesia leguntur; Possunt enim esse quidam ex canonicis libris, quos publice legere in Ecclesia non expediat ob infirmitatem quorundam, qui illos non satis intelligentia sua assequuntur, vel forte etiam in aliam omnino sententiam detorqueant. Sunt in illis singularia nonnulla, quæ ad exemplum facile trahi non possunt, quemadmodum in proposita specie in Libro Judith multa laudantur ideo, quia ex speciali divina illustratione profecta sunt, quæque generaliter omnibus non licerent. Deinde vero, quod dicitur multa Laodicensi Concilii capita eandem continere sententiam, quæ continetur in Nicænis, quin tamen mentio non fiat de Nicæno Concilio, levissimum omnino argumentum est, neque enim video id opus fuisse Laodicensi Patribus, ut constitutionibus suis auctoritatem conciliarent, præsertim vero id necessarium non erat, quod tunc temporis notissimi essent apud Græcos Nicæni canones, quos pro re proposita nominatim adferre pro supervacaneo haberi posset. Quod si adhuc aliqua sit hujus argumenti vis, hujusmodi etiam erit ad probandum Nicænum Concilium non esse Laodicensi posterius; etenim, si in Nicæno Concilio plurima sunt constituta, quæ antea jam edita fuissent in Laodicensi, cur Nicæni Patres non professi sunt se confirmare, quæ jam fuerant a Laodicensi Episcopis decreta? Porro qualiscumque obtineat apud eruditos opinio, illud sem-

semper certissimum erit, Laodicenum Concilium, ejusque canones maxime venerabiles esse, vel propter vetustatem disciplinæ, quam continent optimam, vel quod in Codicibus canonum etiam antiquissimis inserti fuerint, & vulgo recepti.

Apud Gratianum primus refertur canon 40. Concilii hujus in can. 5. dist. 18. Can. 5. dist. 18. juxta interpretationem Iſidori Mercatoris, juxta quam tamen jam alii animadverterunt in aliquibus exemplaribus pro verbo *adire*, legi *abire*, & in posterioribus ita habent vulgata Mercatoris exemplaria: *Quod si contemseris, se ipsum videbitur accusasse, nisi forte per infirmitatem ire non possit*. Interpretationem adferam Dionysii Exigui ita scribentis: *Quod non oporteat Episcopos ad Synodum vocatos omnino contemnere, sed protinus ire, & docere, vel discere ea, quæ ad correctionem Ecclesiæ, vel reliquarum pertinent rerum. Se ipsum vero, qui contemserit, accusabis; nisi forte per aegritudinem ire non possit*. Qui recens Græcos Codices latinitate donarunt, his verbis canonem explicaverunt. *Quod non oportet Episcopos ad Synodum vocatos negligere, sed abire, & docere, vel doceri, ad correctionem Ecclesiæ, & reliquorum. Si quis autem neglexerit, is seipsum accusabit, præterquam si propter intemperiem, & aegritudinem non veniat*.

Meritorius etiam interpretationem sequutus est Gratianus in can. 26. dist. 23., Can. 26. dist. 23. qui idem est cum can. 21. Laodicensi; attamen pro illis verbis: *In Sacrarium*, *sive Secretarium*, scripserat Iſidorus hæc tantum: *In Secretarium*. Ego puto Gratianum, aut quemvis alium incidisse in breviores characteres cujusdam Codicis, in quo ita scriptum esset: *In Sacrarium* lineola supra vocem adposita, unde quispian ad marginem adscripserit, *sive Secretarium*; Quæ verba Gratianus idem, aut quisvis alius in textum transfulerit. Dionysius Exiguus ita canonem edidit. *Quod non oportet Subdiaconos habere locum in Diaconico, & Dominica Vasa contingere*; atque his cum verbis consonant omnino exemplaria græca etiam juxta hodiernas editiones. Illud interea adimadvertendum est *Diaconicum* fuisse locum, in quo sacra Dominica parabantur, & vasa præsertim sacrificio destinata servabantur, quod ad curam Diaconorum, & sollicitudinem pertinebat.

Prosequitur Gratianus in can. 27. dist. 23., & refert canonem 22. Laodicenum, Can. 27. dist. 23. corruptum tamen, sive enim ad Græcos Codices confugimus, sive ad Dionysium Exiguum, sive ad Iſidorum, omnes ita exhibent: *Quod non oporteat Subdiaconum* (legunt alii: *Ministrum*) *uti orario, nec ostia derelinquere*. Gratiani Codices vulgati habent: *Nec hostias derelinquere*, quæ verba Romani Corredores emendare se nolle ob hanc causam professi sunt, ut glossemata interpretum adjecta Codicibus retinerent. Glossographi autem vulgo interpretati sunt, ut Subdiaconi fumere debeant hostias simul cum aliis ministris. Sed hæc parum apta sunt. Balsamon & Zonaras ajunt, antiquissimam disciplinam fuisse, ut Subdiaconi Ecclesiarum fores tenerent, & Cathecumenos, eosque qui Pœnitentiæ subditi erant, cum opus esset, introducerent, aut educerent. Quod hic dicitur Subdiaconos deferre orarium non debere, id ipsum statuitur ratione inferiorum Clericorum in canone sequenti 23. Laodicensi, qui est idem cum can. 28. dist. 23., cujus verba apud Dionysium hæc sunt. *Quod non oporteat Lectores, aut cantores orarii uti, & ita legere, vel psal-* Can. 28. dist. 23. *lere*. Orarii nomen alii a Græcis, alii a Latinis primo derivatum asserunt. Qui a Græcis derivant, ita dictum asserunt a verbo *ᾠρῶ*, quod significat observare; qui vero Latinum vocabulum dicunt, vel ab hora, seu tempore, vel ab ore, seu vultu ita nuncupatum asserunt. Porro orarium linteum quoddam oblongum, quadran-

drangulare, quo utebantur sacri administri in sacrorum celebratione, vel ut os suum pro necessitate tergerent, unde & sudarium apud aliquos appellatum est; vel ut inferioribus Clericis, & Ministris signum darent, quandonam fieri deberent petitiones Cathecumenorum, aliorumque vel in Ecclesia, vel in Ecclesiarum foribus existentium. Erat illud ornamentum Episcoporum, quemadmodum deducitur ex can. 39. Concilii Toletani 4. item fuisse Presbyterorum insigne docemur ex Concilio Bracarenensi 3. can. 4. Diaconos quoque orarium gestare debere cautum scimus in memorato canone 39. Concilii Toletani 4., quod apud ipsos Iudæos etiam in usu erat; nam primus Minister Summi Pontificis, qui apud ipsos dicebatur *Segen*, Sudarium quoddam manu tenebat, cujus agitatione signum daret Levitis, ut canerent.

Can. 4. dist. 24. idem est cum canone 12. Laodicensi juxta interpretationem Dionysii Exigui, apud quem tamen pro voce illa, *dignitatem*, legitur: *potestatem*. Gratianus eundem canonem rursus descripsit in can. 6. dist. 61., sed ex interpretatione Isidori Mercatoris, apud quem tamen priora verba hæc sunt. *Episcopus non oportet &c.* Sententia apud omnes eadem est; nam qui Græca exemplaria consulerunt, ita descripserunt canonem. *Quod Episcopi Metropolitanorum, & finitimorum Episcoporum judicio, in Ecclesiastico Magistratu constituendi, diu probati & in ratione fidei, & in recti verbi dispensatione.*

Can. 19. dist. 32. idem est cum canone 11. ex Laodicensi juxta interpretationem Isidori. Qua tamen in re observandum est Isidorum non scripisse *matri- curia*, quemadmodum legitur apud Gratianum, sed potius *matriculæ*, vel uti alius placet, *maticolaria*. Ferrandus Diaconus in sua breviatione canonum ita peritrixit canonem Laodicenum in can. 221. *Ut mulieres, quæ apud Græcos Presbyteræ appellantur, apud nos autem viduæ, seniores, & matricule in Ecclesia tanquam ordinatas constitui non liceat.* Ex hac sane Fulgentii editione videtur Isidorus Mercator canonem exarasse. Verum apud Dionysium Exiguum, cum quo etiam Græca exemplaria congruere videntur, ita legitur: *Quod non oporteat eas, quæ dicuntur Presbyteræ, vel Præfidentes, in Ecclesiis ordinari.* Huic canoni occasionem dare potuerunt mulieres quædam, quæ ad instar Presbyterorum in Presbyteras se ordinari curabant ad exemplum earum, quæ Diaconissæ ad instar Diaconorum ordinabantur. Non erat eadem ratio Presbyterarum, quæ Diaconissarum esse poterat; etenim Diaconissarum officium maxime erat utile, acque opportunum in Ecclesia, præsertim ubi ageretur de ceremoniis baptismalibus, quæ ad Diaconatus munus pertinere videbantur. Quemadmodum enim apud veteres Baptisma per immersionem administrabatur, decebat viris baptizandis Diaconos adesse, feminis autem Diaconissas, quarum opera convenientius illis disponderentur, & honestius. Item ubi in dispensandis agapis peculiare Diaconorum officium versabatur, congruebat maxime, ut quemadmodum in virorum convivii ministrarent Diaconi, ita Diaconissæ in feminarum convivii ministrarent. Sed hæc omnia, quæ exigebant duplex quodammodo Diaconatus officium, alterum per masculos, alterum per feminas exercendum, ad officia Presbyteratus pertinere nullo modo poterant; quomobrem opportunum Laodicensi Patribus visum non est, ut quemadmodum

Can. 3. dist. 42. Diaconissæ, ita etiam Presbyteræ feminæ ordinarentur. In Ecclesiasticis agapis celebrandis aliquot apud veteres abusus irrepperant; licet enim illæ ab initio in signum Christianæ communionis, & mutuz fidelium chari-

charitatis servandæ causâ fuerint inlicitæ, tamen ab hac optima origine plurimum deflexerunt. Quidam enim ex fidelibus immoderate servientes abdomini res Ecclesiasticas quasi cautionarias habebant, proptereaque etiam in Templis ipsis Deo dedicatis & ebrietati, & gultu studebant, imo etiam eo intemperantiæ devenerant, ut quæcumque possent, diriperent omnia, atque in privatas domos asportarent. Huic gravissimo Ecclesiarum incommodo consulere voluerunt Eliberitani Patres duplici canone 27., & 28., quos retulit Gratianus in canones 3., & 4. dist. 42. sequutus interpretationem Mercatoris; qui tamen in can. 27. aliquid amplius habet ibi: *Non oportet Ministros Altaris, vel quoslibet Clericos, aut etiam Laicos, ad agapen vocatos &c. Referam, quæ ad hunc locum exposuit Dionysius Exiguus in canone 27. Quod non oportet sacro ministerio deditos Clericos, aut Laicos, ad agapen vocatos ciborum partes accipere: propterea quod hinc Ecclesiastico ordini fiat injuria.* Et in canone 28. *Quod non oporteat in domiciliis divinis, idest in Ecclesiis, convivia, quæ vocantur agapæ, fieri; nec intra domum Dei comedere, vel accubitus sternere.* Porro quod ibidem dicitur de accubitu non sternendo in Ecclesiis ad veterum morem respicit, qui cenaturi accumbere solebant, unde latina phrasis est *mensis accumbere*.

Canon 2. dist. 44. legitur in canone 24. ex Laodicensi, & quidem fere juxta *Can. 2. dist. 44.* Isidorum Mercatorem. Ita exhibet Isidorus: *Quoniam non oportet Altari deservientes a Presbyteris usque ad Diaconos, & deinceps ordinis Ecclesiastici omnes usque ad ministros, aut leñores, aut psaltes, aut exorcistas, aut ostiarios, aut etiam eos, qui in proposito continentia sunt, tabernas intrare.* Paullo aliter habet Dionysius Exiguus ibi: *Quod non oportet sacro ministerio deditos a Presbyteris usque ad Diaconos, & reliquum Ecclesiasticum ordinem, idest usque ad Subdiaconos, Leñores, Cantores, Exorcistas, & Ostiarios, & ex numero continentium, & Monachorum ingredi tabernas.* Qui recentia Græca exemplaria sunt interpretati, his verbis canonem explicarunt. *Quod non oportet sacros a Presbyteris usque ad Diaconos, & deinceps quemlibet Ecclesiastici ordinis, usque ad Ministros, vel Leñores, vel Cantores, vel exercitatorum ordinis in cauponam ingredi (vel, ut aliis lubet: vel Cantores, vel Exorcistas, vel Ostiarios, vel Ordinis Monachorum in cauponam ingredi.)* Monent Correctores Romani ad hunc canonem hujusmodi clausulam a Gratiano adjectam fuisse, *nisi causa necessitatis*. Porro licet clausula minime legatur in canone Laodicensi, tamen antiquissima est, cum habeatur in eo canone, qui vulgo est 54. inter Apostolicos his verbis: *Si quis Clericus in caupona comedens deprehensus fuerit, segregetur, præterquam si in publicum diversorium in via propter necessitatem diverteris.*

Canon 10. dist. 44. consonat cum canone 55. Laodicensi, ubi tamen alii le- *Can. 10. dist. 44.* gunt *commensalia*, alii *commissaria*, alii *commissalia*. Dionysius Exiguus ita est interpretatus. *Quod non oporteat Sacerdotes, aut Clericos, ex collatis, vel commensationibus convivia celebrare; hoc autem nec Laicis posse congruere.* Clarius alii Græca verba verterunt hoc modo. *Quod non oportet sacros, & Clericos, ex collatione (Græci legunt ex symbolis) convivia peragere, sed neque Laicos.* Hoc itaque canone quorundam ingluvies coercetur, qui pecunias simul conferebant, ut lautiora exinde convivia exquisitis epulis instruerentur; symbolum enim apud Græcos, quemadmodum docet Balthamon, & Zonaras, significat collationem quandam; unde qui pecuniam parandarum epularum causâ simul conferebant, ex symbolis convivia peragere dicebantur.

Can. 9. dist. 46. Canon 9. dist. 46. idem est cum canone 5. Laodicensi juxta interpretationem Mercatoris. Clarius Dionysius Exiguus: *Quod non oporteat Sacerdotes, & Clericos fœnerantes usuras, vel quæ dicuntur seſcupla, idest & summam capituli, & dimidium summæ percipere. Qui Græcum textum sequuti omnino sunt, ita exposuerunt: Quod non oportet Sacerdotes fœnerari, & usuras, quæ dicuntur hemiolie ( seu, ut alii asserunt, seſquialtera ), idest totius sortis dimidia pars accipere.*

Can. 6. dist. 63. In canone 6. dist. 63. videtur Gratianus Dionysium Exiguum sequutus fuisse, qui in canone 13. Laodicensi ita habet: *Quod non sit permittendum turbis electiones eorum facere, qui sunt ad Sacerdotium provehendi. Nonnihil disſidet Iſidorus Mercator his verbis: De eo, quod non sit populis concedendum, electionem facere eorum, qui Altaris ministerio sunt applicandi. Qui Græca exemplaria, qualia hodie edita, habemus interpretati sunt potius cum Dionysio consonant; hinc scribit Hervetus: Turbis non esse permittendum eorum, qui sunt in Sacerdotio constituendi, electionem facere.*

Can. 2. dist. 69. In canone 2. dist. 69. exhibetur canon 26. Laodicensus. Iſidorus Mercator his verbis expressit: *Non oportet exorcizare eos, qui necdum ab Episcopis sunt proveſti, neque in Ecclesiis, neque intra domos. Dionysius Exiguus ita scribit: Quod hi, qui non sunt ab Episcopis ordinati, tam in Ecclesiis, quam in domibus exorcizare non possunt; Neque ab his omnibus alia sive Latina, sive Græca exemplaria dissonant. Non omitam tamen huc loci adferre, quod ad hanc rem animadvertit Balsamon, utpote qui Germanam Concilii sententiam adsequutus fuisse mihi videtur. Ita ille: Quidam algrediebantur exorcizare, hoc est cathedizare infideles, qui hoc per Episcopalem manuum impositionem non acceperant; & cum accusarentur, contenebant se hoc in Ecclesiis non fecisse, sed in qualiam domo; & ideo se nulli pœne obnoxios conservari æquum censebant. Dicunt ergo Patres, quod etiam est aſſurare sacrum ministerium, nec oportet quempiam hoc algredi, nisi ab Episcopo promotus fuerit.*

Can. 5. dist. 80. In canone 5. dist. 80. Gratianus exhibuit interpretationem canonis 57. Laodicensi ab Iſidoro factam. Dionysius Exiguus fere eandem sententiam expressit his verbis: *Quod non oporteat in villulis, aut in agris Episcopos constitui, sed viſitatores. Veruntamen jam pridem constituti nihil faciant præter conscientiam Episcopi civitatis: Similiter & Presbyteri præter consilium Episcopi nihil agant. Græca exemplaria cum his omnino consonant, quemadmodum in Græco idiomate eruditi animadvertunt; quos autem Dionysius & Iſidorus appellavit Viſitatores, Græci vocant Perſeuteas, quos alii circumcursatores, alii circuitores.*

Can. 28. dist. 81. Canon 28. dist. 81. legitur in canone 30. Laodicensi juxta interpretationem Mercatoris. Dionysius Exiguus minime dissonat; ita enim scribit: *Quod non oporteat sacris officiis deditos, aut Clericos, aut continentes, vel omnem Laicum Christianum lavacra cum mulieribus celebrare, quia hæc apud gentes reprehensio prima est. Nomine continentium hoc in loco nullos alios intelligo, quam Monachos, quemadmodum facile est deducere ex Græco textu, qui de Aſcetis expressus est. Porro nomine Ascetarum Monachos apud veteres intelligi nemo ignorat.*

Can. 15. dist. 93. Canon 15. dist. 93. habetur in canone 20. ex Laodicensi, in quo tamen non omnes Codices omnino consonant. Ita Dionysius: *Quod non oporteat Diaconum coram Presbytero sedere, sed jussione Presbyteri sedeat. Similiter autem & Diaconis honor habeatur ab obsequentibus, idest Subdiaconis, & omnibus Clericis. Iſidorus Mercator. Quoniam non oportet Diaconum sedere præſente Presbytero, sed ex jussione Presbyteri*



hyteri sedeat. Similiter autem honorificetur & Diaconus a Ministris inferioribus, & omnibus Clericis. Qui Græca recens edita exemplaria sequuti sunt, ita explicarunt: Quod non oportet Diaconum ante Presbyterum sedere, sed sedere cum jussu Presbyteri, Similiter autem Diaconis haberi honorem a Ministris, & omnibus Clericis oportet.

Canon 16. dist. 93. perperam descriptus esse videtur apud Gratianum. Canon 25. Laodicens, unde ille depromtus videtur, non ad Diaconos pertinet, sed potius ad Ministros, quorum nomine hoc in loco Subdiaconi potius intelliguntur. Revera Dionysius Exiguus hoc modo canonem exposuit: Quod non oportet Subdiaconos Panem dare, vel Calicem benedicere; & quanquam qui Græca exemplaria interpretati sunt ita explicaverint: Quod non oportet Ministrum Panem dare, vel Calicem benedicere, tamen Zonaras Græcus Interpres ita sententiam Concilii declaravit: Cum Hypodiaconis sacra Vasa contingere, aut in Diaconico versari, munusve aliquod ibidem exercere vetitum sit, multo minus aut Panem dare, hoc est Domini Corpus fidelibus impertiri, aut Domini Sanguinis Calicem benedicere eisdem licebit. Et Alexius Aristenus, Presbyterorum, inquit, aut Diaconorum opus Ministri Ecclesiæ perficere, non permittuntur. Quocirca nec Panem, vel Calicem populo tradunt. Ex quibus omnibus nemo non videt nomine benedictionis Calicis hoc loco venire eam, non qua Calix consecratur, sed qua fidelibus distribuitur, juxta illud Apostoli: Panis, quem frangimus, & Calix, quem benedicimus, nonne participatio Corporis, & Sanguinis Christi est?

Canon 8. dist. 95. idem est cum can. 56. ex Laodicensi juxta interpretationem Con. 8. Isidori Mercatoris, dummodo pro illis postremis verbis, aut in peregrinationis commodo eum abesse consiteris, ita legamus: aut in peregrinis eum abesse consiteris. Verum non satis integer est Isidori canon: Melius Dionysius ita scribens: Quod non oporteat Presbyteros ante processionem Episcopi introire sacrarium, & sedere, sed cum Episcopo debent ingredi, vel in subsellis sedere: nisi forsitan infirmitate detineatur, aut prosequatur Episcopus; quæ sane verba magis etiam consonant cum Græcis exemplaribus, quæ ab aliis ita Latine scripta sunt. Quod non oportet Presbyteros ante Episcopi introitum ingredi, & sedere in sacrario, sed cum Episcopo ingredi, nisi forte infirmitate detineatur, vel peregre profectus sit Episcopus.

Canon 66. cau. 1. qu. 1. consonat cum can. 32. ex Laodicensi juxta interpretationem Mercatoris. Paulo aliter Dionysius habere videtur ibi: Quod non oportet ab hæreticis eulogias accipere, quæ sunt maledictiones potius, quam benedictiones. Sed nihil refert eulogias Græce appellare, vel Latine benedictiones: etenim eulogiæ nihil aliud apud veteres erant, quam Panes benedicti, qui unicuique de populo etiam absenti distribuabantur in signum Ecclesiasticæ communionis, quemadmodum constat ex eodem Concilio Laodicensi can. 14. & ex Augustino in Epist. 35. ad Alypium ita scribente: Panem, unum sanctitati tuæ unitatis gratia misimus, quo etiam trinitatis soliditas continetur. Hunc Panem eulogiam esse tu facies dignitate sumendi. Ex his facile liquet perperam hunc canonem a Gratiano laudari, ut exinde colligatur Sacramenta plurima ab hæreticis collata nullo modo valere, uti ipse ait post canonem 60. eadem cau. 1. qu. 1., non enim ibi agitur de Sacramentis Hæreticorum, sed potius de signis Ecclesiasticæ communionis, quæ ab hæreticis nullo modo exhiberi possunt, atque a Sacramentorum natura quam longissime distant.

In canone 4. cau. 26. qu. 5. exhibetur can. 56. ex Laodicensi; & quidem juxta interpretationem Dionysii in prioribus verbis; posteriora apud eundem Dionysium hæc

hæc sunt : Eos autem, qui his utuntur, ab Ecclesia pelli præcipimus. Paullo aliter exposuerunt Græcorum exemplarium recentiores Interpretes ita: *Quod non oportet sacros, vel Clericos esse magos, vel incantatores, vel mathematicos, vel astrologos, vel facere, quæ dicuntur phylacteria (vel, ut aliis placet, quæ dicuntur amuleta), quæ quidem sunt ipsarum animarum vincula; eos autem qui serunt, ejici ex Ecclesia jussimus*, Phylacteria, sive amuleta nihil aliud erant, quam fasciæ quadam collo appendæ, quibus aliqui putabant, quandam inesse virtutem ad certos effectus producendos, juxta illud quod ad hunc canonem Alexius Aristenus tradit: *Qui Sacerdotium proficietur, non erit magus . . . . vel ex iis, qui amuleta collis appendunt.*

Can. 4.  
can. 26.  
qu. 7.

Canon 2. Laodicensis habetur in can. 4. cau. 26. qu. 7., & quidem fere consonat cum Isidoro Mercatore, cujus hæc sunt verba: *His, qui diversorum peccatorum lapsus incurrunt, & insunt orationi, confessioni, ac poenitentiae, malorum suorum perfectam conversionem demonstrantes, pro qualitate peccati poenitentiae tempus tribuendum est, propter misericordiam & bonitatem Dei, qui hujusmodi sunt, revocandi, & ad communionem applicandi.* Alii interpretes similia omnino habent. Inter ceteros Dionysius Exiguus ita scribit: *De his, qui diversis facinorosis peccaverunt, & perseverantes in oratione confessionis, & poenitentiae, conversionem a malis habere perfectam, pro qualitate delicti, salubris poenitentiae tempus impensum propter clementiam, & bonitatem Dei communio comendatur.*

Can. 8.  
can. 33.  
qu. 4.

Quadragesimale tempus olim ita observabatur, ut fideles ab illis penitus abstinerent, quibus possent quoquo modo a poenitentia, atque ab oratione distrahi. Hinc vetum fuit celebrare tum natalitia, cum nuptias, quemadmodum legitur in canone 52. Laodicensi, quem Gratianus retulit in can. 8. cau. 33. qu. 4. juxta interpretationem Mercatoris. Dionysius Exiguus, alique Interpretes omnino concordant.

Can. 8.  
de conf.  
dist. 3.

Canon 8. de consecr. dist. 3. idem est cum canone 50. ex Laodicensi juxta interpretationem Isidori Mercatoris. Paullo aliter Dionysius his verbis: *Quod non oportet in quadragesima in ultima septimana quintæ seris jejunium solvere, totamque quadragesimam sine veneratione transire, magisque conveniat omnem quadragesimam districte venerari jejunio.* Isidori autem, & Gratiani interpretatio magis cum Græcis exemplaribus consonat; etenim ex istis hæc exprimuntur: *Quod non oportet in Quadragesima postrema septimana quintæ seris jejunium solvere, & totam Quadragesimam debonestare; sed oportet totam Quadragesimam jejunare aridis vescentibus.* Duo in hoc constituta sunt. Alterum pertinet ad Quadragesimale jejunium, quod postrema Quadragesimæ hebdomadæ feria quinta finem habere non debeat; atque id Decretum est adversus quosdam, qui postquam per totam Quadragesimam jejunassent, maxima quinta feria jejunium solverent instante Cœna Domini, ad cuius exemplum putabant posse se agnum comedere, & sic omni jejunii lege solutos esse. Perinet alterum ad modum jejunii observandi, juxta quem quicumque vere jejunaturi essent, aridis tantummodo vesci debebant. Referam ad hanc rem, quod tradit Balsamon: *Nota ex præsentis canone, quod aridis vesci debemus omni quarta, & sexta feria. Qui ergo sine morbo cum oleo, & testaceis jejunant, faciunt contra legem: Multo autem magis, qui in quartis, sextisque feriis pisces comedunt. Quia autem necesse est, ut aquam bibant etiam, qui morbo non laborant, dicimus, quod Canones quidem nihil tale definiunt: quoniam autem magnus Epiphanius Cypri in panariis dicit, debere fideles in sex diebus ante Pascha Pane, & Sale, & Aqua nutrirî, cum aridorum esu*

esu aquam quoque bibere bonum est. Videtur cum his maxime congruere, quod scribit auctor Constitutionum Apostolicarum lib. 5. cap. 19. ibi: in diebus Paschæ jejunare incipientes a secunda Sabbati usque ad Parasceven, et Sabbatum dies sex, solo pane utentes, sale, atque oleis, & aqua in potum.

Canon 58. de conf. dist. 4. idem est cum can. 46. ex Laodicensis, juxta interpretationem Mercatoris. Dionysius Exiguus his verbis Græcum canonem exhibet: *Quod oporteat eos, qui ad baptismum veniunt, fidem discere, et quinta feria septimane majoris, Episcopo, aut Presbyteris reddere*: Apud alios hæc verba leguntur: *Quod oportet eos, qui baptizandi sunt, fidem edificare, & quinta hebdomadis feria Episcopo, vel Presbytero renunciare*. Mos ille veterum erat, quo tempore præsertim in die Paschæ baptismatis Sacramentum administrari solebat. Plurimum ad hanc eandem rem consonant Concilium Bracarense 2. Can. 1., & Concilium Agathense, can. 13.

In canone 36. de conf. dist. 5. referuntur canones 41., & 42. ex Laodicensis, sed Gratianus Dionysium Exiguus ita habet in can. 41. *Quod non oporteat Sacerdotem, vel Clericum sine literis proficisci Canonicis*. Et in can. 42. *Quod non oporteat Sacerdotem, vel Clericum, præter iussionem sui proficisci Pontificis*. Apud Isidorum Mercatorem hæc leguntur in can. 41. *Non oportet Ministrum Altaris, vel etiam Laicum, sine Canonicis literis, idest formata, aliquo proficisci*. Et in can. 42. *Non oportet Ministrum Altaris, vel quolibet Clericum præter iussionem Episcopi ad peregrina proficisci*. Forte ex hac Isidori interpretatione desumpsit Gratianus ea, quæ de Laicis subdidit. Ceterum de Laicis nulla fit mentio in exemplaribus Græcis, ex quibus canone 41. hæc describi Latine possunt. *Quod non oportet sacratum, vel Clericum sine iussu Episcopi iter ingredi, & canone 42. Quod non oportet sacratos, vel Clericos sine literis Canonicis iter ingredi*.

In canone 37. de conf. dist. 5. sequutus est Gratianus de more suo interpretationem Isidori Mercatoris ad canonem 54. Laodicensem. Et quidem cum Isidoro consonare videtur Dionysius his verbis: *Quod non oporteat Sacerdotes, aut Clericos quibuscumque spectaculis, in cænis, aut in nuptiis interesse, sed antequam thymelici ingrediantur, exurgere eos convenit, atque inde discedere*. Thymelicorum mentio fit in jure civili, tamquam eorum qui gladiatorum muneribus sese exercebant l. 4. de his qui notant infamia, l. 10. de pollicitatione, vel qui inhoneste vivebant, uti deducitur ex l. ult. Cod. Theodos. de Clericis, ibi: *ut nulla femina, nec puer Thymelici consortio imbuantur, si Christianæ Religionis esse cognoscitur*. Videbis Alexandrum ab Alexandro lib. 3. genialium dierum cap. 9.

## CAPUT

## CAPUT XII.

## De Concilio Constantinopolitano I.

Tria apud Gratianum laudantur Concilia nomine Constantinopolitana. Primum est generale illud sub Damaso, alterum rursus generale sub Vigilio celebratum, postremum ad Photii tempora pertinet. De omnibus suo loco seorsum agendum est. In praesentia memorabo Canones illos, qui ex Concilio Constantinopolitano sub Damaso a Gratiano deprompti fuerunt.

- |   |   |
|---|---|
| { | <i>Can. 10. dist. 19. paullo variis in diversis exemplaribus.</i>         |
|   | <i>Can. 3. dist. 22. incertae fidei, &amp; variis in exemplaribus.</i>    |
|   | <i>Can. 8. cau. 9. qu. 2. { simul jungendi, atque ex interpretatione.</i> |
|   | <i>Can. 9. cau. 9. qu. 2. { Dionysii explicandi.</i>                      |

Nondum omnino pacatz fuerant res Ecclesiae diutius quarto saeculo Ariano-  
rum callide tergiversantium contentionibus undequaque concussae, quum jam  
novae emergerent haereses adversus Spiritum Dei, Spiritum ex Patre, & Filio pro-  
ficientem, & Deum. Etenim labente eodem saeculo Macedonius quidam Con-  
stantinopolitanus Episcopus, vir in primis male apud Catholicos audieus, quod  
Arianis plurimum faveret; deinde vero ipsis etiam Arianis invidus, quod teterri-  
ma fecisset scelera, suisque malo fuisset exemplo, in Schismata, & dissensiones  
pronus novae sectae sese Auditorem constituit, cepitque docere, Spiritum Sanctum  
Deum non esse. Huic Episcopo perditissimo accessit Aetius quidam, qui exceptis  
quibusdam praedictis in Aristotelicorum schola sententiis, ad divina exinde inten-  
dens animum, perperam tum de Filio Dei, cum de Spiritu Sancto differebat, fa-  
cileque se Macedonio socium devinxit. Aetium inter ceteros libentissime audivit  
Eunomius, qui deinde institutores etiam suos perfidia superavit; ut enim erat  
ingenii alacritate fervidus, plurimos in suam sententiam pertraxit; unde apud Hi-  
stóricos Eunomianorum nomen celebratissimum est, qui & Arianam haeresim renova-  
runt, & Macedonii errata provexerunt, divinam tum Dei Filio, tum Spiritui  
Sancto naturam denegantes. Hinc nemo non videt, quanto in periculo versaretur  
Ecclesia, praesertim Constantinopolitana, quae primum nata est in Episcopum suum  
Macedonium post annum 350., deinde eo abdicato Episcopum habuit Eudoxium  
Arianum post annum 359. Ei quidem successit Evagrius Orthodoxae fidei propa-  
gator, sed is deinde actus in exilium fuit, intruso in ejus locum Demophilo Se-  
mianiano; & quamquam huic Theodosio Magno Imperatore Optimo curante sub-  
stitutus deinde fuerit Gregorius cogeomento Theologus, sive Nazianzenus, non diu  
tamen perstitit cujus locum circa annum 380. Maximus Alexandrinus, homo ha-  
reticus Arianus suffectus est.

Gravissimo huic incommodo, quod in Constantinopolitana Ecclesia universi, ac  
praesertim Orientales omnes fideles, zgre patiebantur, non meliori modo occur-  
ren-

rendum erat, quam si celebraretur generale Concilium, in ipsa etiam urbe Constantinopoleos, quo fieret, ut & ea, quæ ad fidem, & ea, quæ ad disciplinam Ecclesiasticam stabilendam facere possent, saluberrimis decretis firmarentur. Huc operam suam contulit, & quidem maximam Theodosius Magnus Imperator. Huc Damasi Pontificis Maximi vota collimarunt; quamobrem consentientibus omnibus in urbem Constantinopolitanam acciti sunt Episcopi Ecclesiæ universi, conveneruntque centum & quinquaginta, ut plurimum Orientales, quorum potissimum causa agebatur, anno Domini 381., confirmataque Nicæna fide adversus Arium, non solum damnata suit Macedonii, aliorumque hæresis adversus divinam Spiritus Sancti naturam blasphemio quodam improborum hominum impetu concitata; verum etiam in vicem perfidorum Episcoporum, qui Constantinopolitanæ Ecclesiæ præfuerant suffectus est Nestorius, licet recens baptizatus, Vir ætate gravis, & sapientia, prudentiaque, & morum integritate insignis ac venerabilis.

Nonnulla quoque disciplinæ Ecclesiasticæ capita definiri necesse ibidem fuit, quemadmodum revera constituta sunt. Verum acerrima est inter Viros eruditos disputatio, num tres tantummodo in hoc Concilio constituti canones fuerint, quemadmodum hoc numero refert Dionysius Exiguus, an vero septem, quemadmodum apud alios Collectores habentur, præsertim in exemplaribus Græcis, quæ hodie edita habemus. Ego sane, si unam editionem cum altera conferam, video maxime interesse non solum in recensendo canonum numero, sed etiam in ipsis Canonibus inter ipsos distinguendis; exempli causa qui est apud Dionysium secundus, apud alios Collectores in duos divisus est, atque consonat cum secundo & tertio. Necessarium sane non est proposito meo in singula inquirere. Satis erit, si de iis edisseram, quæ apud Gratianum habentur; præsertim quod nihil amplius a Gratiano afferatur, quod non in tribus prioribus Canonibus Concilii contineatur.

Inter Gratiani fragmenta ex hoc generali Concilio deprompta primum locum tenet canon 10. dist. 19., cujus verba relata sunt penitus ex interpretatione Isidori Mercatoris; dummodo tamen hæc initio addantur: *De Maximo Cynico Philosopho, & propter totius indisciplinationis ejus doctrinam &c.* Hic porro canon apud eundem Isidorum numero sextus est, apud Dionysium Exiguum tertius, in Græcis autem exemplaribus, quæ hodie edita habemus, est quartus. Josephus Ægyptius in sua Paraphrasi Arabica sequutus est Dionysium Exiguum, & quarto numero hunc eundem canonem descripsit. Romani Correctores verba canonis ex Græco textu paullo aliter interpretati sunt, quam habeat Gratianus. Referam ego verba Dionysii Exigui interpretis antiquissimi. *De Maximo Cynico, & ejus inordinata constitutione, quæ Constantinopoli facta est, placuit neque Maximum Episcopum esse, vel fuisse, nec eos, qui ab ipso in quolibet gradu Clerici sunt ordinati; cum omnia, quæ ab eodem perpetrata sunt, in irritum deducenda esse videantur.* Porro hic canon referendus est ad ea, quæ superius diximus, videlicet ad Maximum Alexandrinum, qui ab Arianis in locum Gregorii Nazianzeni suffectus fuerat in Episcopatu Constantinopolitano. Cynicus appellatus est Maximus, quod Cynicorum Philosophiæ addictus esset. Cynici autem, subdit Balsamon, & Zonaras ad hunc canonem, dicebantur propter eorum arrogantiam, audaciam, & impudentiam. Et Abulpharagius Dynast. 5. de Cynicis ait: *Falsa canum referunt, eosque Cynicos, vel Caninos appellarunt.* Nemo in dubium revocaverit, quo minus hic canon vere tribuendus sit Con-

Can. 10.  
dist. 19.

Concilio Constantinopolitano, cum in omnibus Conciliis editionibus etiam antiquissimis, licet non sub eodem numero, habeatur; imo Sozomenus de eo certum testimonium ferat in lib. 7. cap. 9. Observatione illud peculiariter dignum est, quod in hoc canone non proprie depositus fuisse dicatur Maximus, sed potius irrita ejusdem ordinatio declaretur; is enim non erat juxta sacrorum canonum constitutiones ordinatus, sed hæreticorum potius opera, imo nec petito consilio Provincialium Episcoporum ad Constantinopolitanam Sedem adductus.

Can. 3.  
dist. 22.

Plurimum dissonant inter se hujus Concilii Codices in exhibendo Gratiani fragmento, quod descriptum legimus in can. 3. dist. 22., ubi postquam statutum est unumquemque Episcopum ultra Ecclesia suam, vel Diocesim jurisdictionem exercere non debere, ita subsequitur: *Ecclesias autem Dei in barbaricis gentibus constitutas gubernari convenit juxta consuetudinem, quæ est a Patribus observata. Verumtamen Constantinopolitanus Episcopus habeat honoris primatum post Romanum Episcopum, propterea quod Urbs ipsa sit junior Roma.* Isidorus Mercator eadem verba habet, quæ legimus apud Gratianum, & quidem in can. 5., quem omnino distinguit ab eo capite, in quo de Ecclesiis apud Barbaros constitutis definitum fuerat, illud enim recenсет in canone 4. proxime antecedente. Justellus in suo Codice canonum Ecclesiæ universæ ita exposuit integrum canonem numero tertium: *Constantinopolitane Civitatis Episcopus habeat privilegia honoris post Romanum Episcopum, eo quod sit ipsa nova Roma.* Qui Græca recens edita exemplaria sunt interpretati, sic scripserunt in can. 3. *Constantinopolitanus Episcopus habeat Priores honoris partes post Romanum Episcopum, eo quod sit ipsa nova Roma.* Paulo aliter Josephus Ægyptius in sua Paraphrasi Arabica, ubi can. 2. postquam traditum est neminem ex Episcopis transgredi posse fines administrationis sibi assignatos, subjicitur: *Ad hæc Episcopo Constantinopolitano honor, dignitas, & majestas deferantur; propterea quod proximus post Episcopum Romanum sedet; quoniam urbs Constantinopolis hodie est nova Roma.* (in exemplaribus inventi scriptum: *novam Niceam*) & manifestum est, quod usque ad nostra hæc tempora nova Roma appelletur. In alia vetusta Collectione Latina edita apud Justellum Tomo 1. pag. mihi 302. in fine canonis 3. hæc habentur: *Constantinopolitanum autem Episcopum habere Primatum honoris post Romanum Episcopum, pro quod eam esse censemus juniorem Romam.*

Post hanc Codicum varietatem plurimum interesse eruditi in explicanda, tradendaque canonis ejusdem sententia. Afferunt nonnulli hunc canonem Apocryphum prorsus, & supposititium esse, adjectum forte a Græcis, illis præsertim, quorum intererat Constantinopolitanum Patriarchatum ab antiquissimis Generalium Conciliorum Sanctionibus auspiciari. Alii inficari non audentes canonem in Concilio fuisse editum, asserunt illum parum auctoritatis habere, quod a Pontifice Maximo receptus non fuerit, aut confirmatus, cum non ignorent non statim post Concilium hoc Constantinopolitanum, Episcopum Civitatis Constantinopoleos Patriarchalem dignitatem obtinuisse. Alii etiam asseruerunt & Germanum esse canonem, & probatum in universa Ecclesia; ex eo tamen deduci non posse, jam tum Constantinopolitanam Ecclesiam Patriarchalem fuisse. Quid memorem aliorum opiniones aliter arbitrantium, ubi cuique voluntati suæ hac in re morem gerere se posse placuit?

Ego sane ut candide fatear, non potui huc usque aliis potius, quam aliis adherere. Gravia sunt omnibus argumenta, & non exigui momenti conjecturæ; quæ  
sane

fane, sicut in antiquissimis rebus plurimum valent, quoties unam tantum partem adjuvant, ita e converso ubi utrimque rem promovere videntur in oppositas partes, rem ipsam magis in incerto collocant. Itaque ego singulorum rationes tantummodo exponam, ut unusquisque facile exinde possit quaecumque maluerit opinionem amplecti. In primis vero quaedam in facto consentientia non omittam, ut certa ab incertis penitus separentur. Certissimum in primis illud est, hunc canonem in omnibus Codicibus legi, nec apud quempiam ex Collectores etiam vetustissimis omissum fuisse; imo laudatur tanquam in hoc Concilio Constantinopolitano editus a Sozomeno lib. 7. cap. 9., & a Socrate lib. 5. cap. 8. Illud præterea certum est non eadem apud Collectores omnes formula explicari, quod pertinet ad dignitatem Episcopi Constantinopolitani; alii enim Episcopo eadem competere ajunt *Primum honoris*; alii *privilegia honoris*; alii *primatus honorem*; alii *honorem, dignitatem, & Majestatem*, ut proximus post Romanum Episcopum sedeat; alii demum *priores honoris partes*. Item certum etiam est eundem canonem non ubique apud Collectores in eodem loco, ac sub eodem numero collocatum fuisse, cum in aliquibus collectionibus habeatur tamquam Appendix canonis 2. Constantinopolitani, in aliis sit numero tertius, in aliis etiam quartus. Demum etiam certum est, hunc ipsam canonem confirmatum fuisse abs Justiniano Imperatore in Novella 131., in qua cum definitum esset in cap. 1., Sanctorum quatuor Priorum Conciliorum dogmata, & canones recipiendos esse, deinde ita statuitur in cap. 2. *Ideo-que sancimus secundum earum (id est quatuor Synodorum) definitiones sanctissimum senioris Romæ Papam primum esse omnium Sacerdotum, Beatissimum autem Archiepiscopum Constantinopolitæ novæ Romæ secundum habere locum post Sanctam Apostolicam senioris Romæ sedem, aliis autem omnibus sedibus præponatur*. Indubia sunt isthæc, atque perspicua. Juvet nunc adferre Eruditorum aliter opinantium, uti diximus, argumenta.

Sunt, ajebam, qui hunc canonem supposititium arbitrantur, ea de causa, quod etiam post tempora ejusdem Constantinopolitani Concilii nemo ex Episcopis Constantinopolitanis sibi primatum supra ceteros Episcopos auctoritate hujus canonis vindicaverit, quod sane non omisissent, si eum canonem in promptu habuissent, cum Constantinopolitani Episcopi nullum non lapidem moverint, ut dignitatem suam supra Græcos Episcopos omnes attollerent: præsertim vero id fecisset Anatolius, qui licet a Leone Magno exagitaretur, quod ipse se majorem ceteris Orientalibus Episcopis afferret, nullibi tamen Constantinopolitanum hunc canonem opposuerit, ex quo cause ejus maximum præsidium accessisset. Imo Anatolius idem, si jam primatus sui rationem definitam in præcedentibus Conciliis agnovisset, frustra curasset clanculum in Concilio Chalcedonensi, ut definiretur in canone 28., quemadmodum suo loco ostendimus. Ajunt præterea non esse verosimile Constantinopolitanæ sedis primatum Concilii hujus tempore potuisse constitui sine contradictione Orientalium Episcoporum, præsertim cum detraheretur plurimum tum juribus Metropolitani, cui Constantinopolitanus Episcopus suberat, tum juribus Patriarchæ Alexandrini, qui primam totius Orientis sedem tenere ob prærogativam suæ Ecclesiæ videbatur; præsertim vero cum in canone 2. ipsius Concilii Constantinopolitani statueretur, salva esse debere singulis Ecclesiis privilegia, & jura Episcoporum, quemadmodum jam antea fuerant in Nicæno Concilio constituta; in Concilio autem Nicæno can. 6. prima dignitas Ecclesiæ Orientalis concessa fuisset Alexandrino

Tom. I.

X

Episco-

Episcopo, & secundus honor Antiocheno, non poterat sine manifesta antynomia Constantinopolitanus Episcopus ceteris omnibus anteferri, ne Constantinopolitani Pares fingantur in uno eodemq; canone & confirmare Nicanas regulas, atque illas evertere.

Aliter argumentantur illi, qui hunc canonem germanum, & genuinum esse asseverant. Exhibent enim Codices antiquissimos, præferunt Historicorum veterum gravissima testimonia, a quibus sane difficile est in re facti cõtentu cujusvis rationis recedere. Ex eruditis autem, qui ita arbitrantur, nonnulli sunt, qui, ut adversariorum difficultatibus supra propositis responderent, dixerunt hunc canonem, de quo disputatur, editum fuisse dissoluto Concilio a quibusdam Episcopis Orientalibus, qui præter modum evehere Constantinopolitanam sedem, ac dignitatem optabant, proindeque canonem hunc Concilii ipsius Constantinopolitani auctoritatem minime habere. Verum (ipsorum venia dixerim,) ingeniosa sunt potius hæc, quam vera; cum neminem ex Historicis adferre quispiam possit, ex quo deducatur Episcopos quosdam Orientales dissoluto Concilio novas regulas edidisse, ac nomine ejusdem Concilii evulgasse. Si forte id aliquo modo demonstrari possit, facile esset concipere, qua ratione aut Alexandrinus, aut Antiochenus Episcopus non restiterint, cum absentes proponerentur, aut ab Episcopis Constantinopolitanis data occasione non proditus fuerit canon, utpote cui totius Concilii consensus minime accesserat. Sed cum hæc non inuitantur historica fide, frustra elaborandum esset, eo vel magis, quod in contrarium urgeant penes me gravissimæ conjecturæ. Quis enim auctor esse potuit dissoluto Concilio Constantinopolitano, ut nonnulli Episcopi, jam aliis abeuntibus, rursus convenirent, & de Primatu sedis Constantinopolitane privato judicio statuerent, aut quidpiam de eodem Primatu jam editis Canonibus inferrent, vel adjicerent? Si quis potuisset ita sedis Constantinopolitane honores promovere, is sane inter ceteros esse debebat ipsemet Constantinopolitanus Episcopus, utpote cujus maxime intererat. At vero ego id ne suspicari quidem ausim de Nectario, qui recens e Cathecumeno factus erat in eodem Concilio Episcopus Constantinopolitanus; inverosimile enim omnino est Virum eximium, morum integritate apud omnes commendatissimum statim ad Constantinopolitanam sedem evectum, Primatum Orientis totius contra mores, & disciplinam sui temporis exoptasse, atque ad id quamplures Orientales Episcopos excitasse, ut dissoluto Generali Concilio, & facto quodammodo Schismate novum Convantum facerent, delaturi Primatum Episcopo Constantinopolitano, dimissis & non auditis illis, quorum poterat interesse: Quod si ex subscriptionibus Episcoporum in Concilio factis, illarumque ordine, aliquid argumentum deduci potest, facile erit agnoscere in Concilio ipso Constantinopolitano jam Nectarium ipsum Constantinopolitanum Episcopum obtinuisse Primatum honoris, cum primus actus Concilii subscripsisse agnoscatur.

Sequitur aliorum opinio exilimantium, hunc quidem canonem in Concilio Constantinopolitano editum fuisse, non tamen in universali Ecclesia statim receptum, contradicentibus præsertim Pontificibus Maximis; quod probant ex sancto Leone Magno inter ceteros, & sancto Gregorio Magno, qui & Anatolio, & Johanni Constantinopolitanis ad Primatum Orientalis Ecclesie contendentibus feruntur alacriter obtinuisse. Hi sunt, qui Concilii Constantinopolitani decreta in duas classes distribuenda fore arbitrantur; vel enim ad fidem confirmandam pertinent, unaque damnandam hæresim Macedonii, atque aliorum; ac tum asserunt Concilii Con-

stanti-



stantinopolitani decreta fuisse generaliter in tota Ecclesia probata; vel versantur in disciplina Ecclesiastica stabilienda; atque in ea parte Ecclesiarum universarum auctoritatem minime agnoscunt. Non videntur autem temere rem ita explicavisse; habent enim ad hanc rem perspicua verba Gregorii Magni in Epistola ad Eulogium Alexandrinum, & Anastasium Antiochenum Episcopos, quæ est in lib. 6. 31., ita scribentis: *Et canones quidem Constantinopolitani Concilii Eudoxianos damnant; sed quis fuerit eorum auctor Eudoxius; minime dicunt: Romana autem Ecclesia eosdem canones, vel gesta Synodi illius hactenus non habet, nec accipit; in hoc autem eandem Synodum accepit, quod est per eam contra Macedonium definitum. Reliquas vero hæreses, quæ illic memoratæ sunt, ab aliis jam Patribus damnatas reprobas. Si cui placeat hæc interpretatio, is facile sibi persuadere poterit, eam Synodum, ad quam neque Pontifex Maximus, neque ejus legati intervenerant, a Romanis habitam, & receptam fuisse tantummodo in dogmatibus fidei, non autem in ceteris, quæ ad disciplinam Ecclesiasticam pertinebant; etenim ad unitatem Ecclesiarum, satis erat Græcis, Romanos certiores facere de fidei definitionibus apud ipsos editis, quidquid deinde de Ecclesiasticæ disciplinæ capitibus fuisset constitutum; imò etiam exinde facile percipiet, quare apud Latinos Constantinopolitani tamdiu decertare debuerint, ut supra Orientales Episcopos primum locum teneret Constantinopolitanus Antistes; nondum enim ubique recepto Constantinopolitano canone, non erat, cur facile Latini Constantinopolitanorum votis, ac postulationibus indulgerent.*

Postrema tandem aliorum opinio hæc erat, ut scilicet potuerit hic canon in utraque Ecclesia recipi, quin tamen exinde sequeretur Constantinopolitanum Episcopum & dignitate, gradus, & potestate jurisdictionis ceteros Orientales Episcopos antecederet. Aliud quippe significat, simplicem supra quosdam Episcopos honorem habere, aliud exercere jurisdictionem. Hoc porro canone concessus est *honor primatus*, id est, uti aliis placet explicare, *primatus honoris, seu privilegium honoris*, aut *honor, dignitas, majestas*, ut proximus post Romanum Episcopum sedeat, aut prioris honoris partes. Hæc autem formulæ non aliud sonant, quam nudum honorem, non honorem cum potestate, seu jurisdictione conjunctum. Honorabilis ergo horum sententia in vim hujus canonis fuit Constantinopolitanus Episcopus, non supra ceteros Episcopos potestate donatus, ut ex. gr. posset primus sedere in Concilio, primus Concilio subscribere apud Græcos, non jurisdictionem in alios exerceret, sed potius suo ipse Metropolitanus in Provincialibus negotiis subderetur. Qui ita sentiunt, ita etiam explicant honorem Hierosolymitano Episcopo debitum, prout statuitur in canone 7. ex Nicænis, ubi ita legitur: *Quoniam consuetudo obtinuit, & antiqua traditio, ut Ælie Episcopus honoretur, habeat ordinem honoris, Metropolitani propria dignitate servata.* Merebatur sine tunc temporis singularem honorem Civitas Constantinopolitana Imperiali sede insignita, & jam *novæ Romæ* titulo nuncupata, cui maximum decus vel in eo accessisset, quoties ejus Civitatis Episcopus in comitiis sacris celebrandis & confidendo, & subscribendo primus apud Græcos haberetur, salva ceteroquin in reliquo aliorum Episcoporum jurisdictione. Hinc facile percipiunt rationem, quare in hoc Constantinopolitano Concilio primus subscripserit Nestorius Constantinopolitanus, etiam ante Episcopos Alexandrinum, & Antiochenum; quare rursus in Concilio Chalcedonensi primus subscripserit Anastasius post Legatos Pontificios; item cur in actis ejusdem Chalcedonensis Synodi

legatur Episcopos conqueſtos eſſe, quod in Conciliabulo Ephreſino Flavianus Conſtantinopolitanus quinto loco fuerit collocatus, ſcilicet poſt Hieroſolymitanum, & Antiochenum Episcopos, uti habetur in actione I. Concilii Chalcedonenſis. Hinc etiam percipitur, quare hic canon de honore primatus Episcopos Conſtantinopolitani minime repugnet anterioribus Concilii verbis, quibus aſſeritur eadem poteſtas Episcopis omnibus, ac Metropolitibus, quæ jam fuerat in Nicæno Concilio conſtituta; cum prior canonis pars de poteſtate, atque iuriſdictione, poſterior vero de nuda honoris prærogativa intelligatur.

Expoſui his plures eruditorum opiniones. Omnibus ſua laus debetur; nec video in quam ego potius pertrahar, aliorum propterea, qui melius ſapiunt, iudicium libentiſſime expectabo. Quæcumque autem arripiatur ex dictis ſententia, illud certiſſimum eſt, ex eo canone paulatim Episcopos Conſtantinopolitanos majorem in dies iuriſdictionem, ac poteſtatem ut explicarent, ſtudiſſe, quos tandem aliquando non honore tantummodo, ſed & auctoritate ceteris Orientalibus Episcopis etiam Patriarchali honore præcellentibus, præferrentur; quod etiam poſteriore ætate Latinis placuit, quemadmodum deduci perſpicue poteſt ex cap. 23. de privilegiis.

Can. 8. &  
9. can.  
9. qu. 2.

Quæ leguntur in can. 8. & 9. cau. 9. qu. 2. in Concilio Conſtantinopolitano proxime antecedunt verba dicti canonis 3. diſt. 22., imo apud Dionyſium Exiguum unum eundemque numero canonem conſtituunt; videlicet ſecundum. In aliis editionibus, in quibus diverſus eſt canonum numerus, aliter deſcribuntur; etenim in Græcis exemplaribus canones 8. & 9. cau. 9. qu. 2. idem ſunt cum canone 2. Conſtantinopolitano, & canon 3. diſt. 22. idem eſt cum canone 3. Conſtantinopolitano. Gratianus ſequutus eſt Iſidoro Mercatorem, qui canonem 8. cau. 9. qu. 2. deſcripſit in Concilio numero ſecundum, & canonem 9. cau. 9. qu. 2. deſcripſit numero tertium; at canonem 3. diſt. 22. deſcripſit numero quintum; & quidem Gratiani verba cum eodem Iſidoro conſonant. Paulo aliter habet Dionyſius Exiguus can. 2. his verbis: *Qui ſunt ſuper Diaceſim Episcopos, nequaquam ad Eccleſias, quæ ſunt extra præfixos ſibi terminos, accedant, nec eas hac præſumptione confundant; ſed juxta canones Alexandrinus Antifeſ, quæ ſunt in Ægypto, regat ſolummodo; & Orientis Episcopos Orientem tantum gubernent, ſervatis privilegiis, quæ Nicæniſ canonibus Eccleſiæ Antiochena tributa ſunt. Aſiana quoque Diaceſeos Episcopos ea ſolum, quæ ſunt in Aſiana Diaceſi diſpenſens; nec non & Ponti Episcopos ea tantum, quæ ſunt in Ponto; & Thraciarum, quæ in Thracia ſunt, gubernent. Non vocati autem Episcopos ultra Diaceſim non accedant propter ordinationes faciendas, vel propter alias diſpenſationes Eccleſiaſticas. Servata vero, quæ ſcripta eſt, de gubernationibus regula, maniſeſtum eſt, quod illa, quæ ſunt per unamquamque Provinciam, ipſius Provincie Synodus diſpenſet, ſicut Nicæno conſtat decretum eſſe Concilio. Eccleſias autem Dei in Barbariis &c. Quæ hoc in loco ſequuntur verba jam ſuperius retuli ad canonem 3. diſt. 22. Huic Concilii Conſtitutioni occaſionem dederunt plurium Episcoporum exceſſus, qui in alienis, remotiſſimiſque Diaceſibus Episcopos ordinaverant; inter quos fuit Meletius Orientis Episcopos, qui Conſtantinopolim profeſtus, ibidem ipſe inter alios Gregorium Nazianzenum in Episcopum ordinaverat, ſi fides eſt Sozomeno lib. 7. cap. 3. & 7., item Petrus Alexandrinus Episcopos ex Ægypto Conſtantinopolim miſerat, qui Maximum Cynicum Episcopum etiam Conſtantinopoleos conſecrarent, eodem Sozomeno teſte dicto lib. 7. cap. 19., licet omnino diſtinctæ, diſtinctæque Diaceſes eſſent; etenim Meletius in Oriente debebat, Petrus in Ægypto,*

&c

& Constantinopolis Urbs in Thracica Diocesi esset constituta. Porro apud Græcos quinque erant divisa Provincie; scilicet Oriens, Ægyptus, Asiana, Pontica, & Thracica. Orienti subdebatur Palestina, Phœnice, Syria, Cilicia, Cyprus, Arabia, Isauria, Palestina salutaris, Palestina secunda, Phœnice libani, Euphratenfis, Syria salutaris, Osroena, Mesopotamia, & Cilicia secunda. Ægypto subdebatur utraque Lybia, Thebais, Ægyptus, Arcadia, & Augustanica. Asianz suberant Pamphylia, Hellespontus, Lydia, Pisidia, Lycaonia, Phrygia Pacatiana, Phrygia salutaris, Lycia, Caria, & Insulæ. Ponticz subdebantur Galatia, Bithynia, Honorias, Cappadocia prima, Cappadocia secunda, Paphlagonia, Pontus Polemoniacus, Hellespontus, Armeniz prima, & secunda, & Galatia salutaris. Demum Thraciz subdebantur Europa, Thracia, Hæmimontis, Rhodope, Mæzia secunda, & Scythia.

## CAPUT XIII.

## De Concilio Cæsaraugustano.

Ex Concilio Cæsaraugustano legitur apud Gratianum.

¶ Canon 15. de conf. dist. 3. Potissimum adversus Priscillianistas editus.

**A**Nno circiter 381. celebratum est Concilium Cæsaraugustanum ita dictum a Cæsaraugustana Civitate vulgo *Saragossa* in Tarraconensi Provincia Aragonum Metropoli, convenientibus Episcopis duodecim sub Fitadio. Occasionem Concilio dederunt hæretici Priscillianistæ, qui tunc Hispaniarum Ecclesias perturbabant, agentes duos esse Deos, sive duo rerum principia, bonorum alterum, alterum malorum; hinc iidem in odium Dei creatoris, quem die septimo rerum omnium universitatem complevisse, ac requievissse acceperant, diem Dominicum minime sanctificabant, imo præter morem tristes eodem tempore se se rigidis jejuniis affligebant. Quamobrem Cæsaraugustani Patres generaliter decreverunt, ut nemo superstitionis huiusmodi causa diem Dominicum jejunando transigeret, quod & postea in universa Ecclesia moribus receptum est. Habetur hæc constitutio in canone 2. Cæsaraugustano, quem retulit Gratianus in can. 15. de conf. dist. 3., cuius tamen verba ita legenda sunt. *Nequis jejunes die Dominica causa temporis, aut persuasionis, aut superstitionis, ut de quadragesimarum diebus ab Ecclesiis non desint; nec habitens latibula cubiculorum, ac montium, qui in his suspicionibus perseverant, sed exemplum, & præceptum custodiant Sacerdotes, & ad alias villas agendorum conventuum causa non convenient. Ab universis Episcopis dictum est: Anathema sit, qui hæc commiserit.*

## CAP. XIV.

## CAPUT XIV.

## De Concilio Bilonensi.

Nomine Concilii Bilonensis retulit Gratianus  
sequentem Canonem.

¶ Can. 16. dist. 18. Potius est Concilii Hipponensis.

**O**bscurissimum est, & prorsus ignotum apud studiosos rerum Ecclesiasticarum Concilium illud, quod Bilonensis nomine laudavit Gratianus in can. 16. dist. 18.; neque enim vel locus designari potest, unde appellatum ita fuerit, vel qua de causa, vel quo tempore, vel quo auctore fuerit celebratum. Correctores Romani observarunt, hunc canonem in veteribus Gratiani exemplaribus desiderari; sed cum in plurimis etiam antiquissimis habeatur, non est cur a me sit prætereundus. Sentiant eruditi ferme omnes, emendandam esse inscriptionem, & pro Bilonensi Concilio legendum potius esse Cabilonense. Ego vulgari huic opinioni facile adhaerem, quoties in aliquo Cabilonensi Concilio canon huiusmodi haberetur. Sed in editis Cabilonensibus Conciliis frustra hæc constitutio quaeritur; quamobrem arbitror hanc conjecturam tum demum locum habituram esse, quum tale Concilium Cabilonense adpareat, in quo canon ille reperiatur.

Interea ego potius arbitror pro Concilio Bilonensi legendum potius esse *Hipponense*, neque enim tanta est vocis utriusque dissimilitudo, ut non facile ex Codicibus præsertim MSS. una vice alterius exarari potuerit. Referendus erit tunc canon 16. dist. 18. ad Concilium Hipponense anni 393., in quo fertur S. Augustinus adhuc Presbyter de fide & symbolo strenue disputavisse, quemadmodum narrat Possidius in ejus vita cap. 7. Huic Concilio adscribi solent canones xl.; sed Schellstratus Ecclesiæ Africanæ Dissert. 3. cap. 6. supposititios eos esse variis argumentis contendit; contra quam dein conatus fuerit Paschasius Quesnellius in Dissertatione sua 12. in Appendice, ad Leonem Magnum. Quidquid tamen sit, hodie ipsimet Hipponenses canones desiderantur; ac superest tantummodo brevatio quædam, sed brevissimum eorumdem incerti auctoris. Edidit integrum Quesnellius in Codice canonum, quem tribuit Ecclesiæ Romanæ, ubi cap. 5. hæc leguntur: *Uz propter causas Ecclesiasticas, quæ ad perniciem plebium sæpe veterascunt, singulis quibusque annis Concilium convocetur, ad quod omnes Provincie, quæ primas sedes habent, ex Conciliis suis ternos legatos mittant: ut & minus invidiosè, minusque hospitibus sumptuosè conventus plena possit esse auctoritas.* Ceterum ejusdem Concilii Breviarium antiquissimum est, cum de eo mentio fiat in Codice canonum Ecclesiæ Africanæ cap. 34. ibi: *Epigenius Episcopus dixit: In hoc Breviario: quod decretum est de Concilio Hipponensi, nihil arbitramur esse emendandum, vel assuendum, nisi, ut dies sanctæ Paschæ tempore Concilii innoscat; quæ verba deprompta sunt ex Concilio Carthagenensi anni 397..* Sunt qui ad calcem Concilii Carthagenensis vulgo

vulgo 3. adjecerunt Breviarium Hipponensis Concilii, sed paucis admodum Canonibus descriptis, inter quos num. 6. leguntur hæc verba; *ut per singulos annos Concilium convocetur*: Idem autem Carthaginense Concilium ita constituerat can. 2. *Similiter placuit, ut propter causas Ecclesiasticas, quæ ad perniciem plebium sepe veterascunt, singulis quibusque annis Concilium convocetur*. Forte itaque apud Gratianum habemus integrum Hipponensem canonem, quem Gratianus idem in aliquo vetusto Codice conservatum descripserit; etenim ea, quæ modo retuli, verba sunt vel ex Breviario peita, vel ex Concilio Carthaginensi, in quo Hipponense confirmatum fuerat. Nihilominus tamen facile suspicabor recentiores canonum Collectores quidpiam addidisse, ut vetustum canonem moribus suorum temporum accommodarent, in ea præsertim parte, in qua agitur de Abbatibus ad Synodum convocandis.

Utile præterea erit hoc in loco observare, eandem non semper fuisse Ecclesiarum disciplinam ratione temporis, quo concilia celebrari debeant. Eti enim aliquando, quibuscumque in Provinciis cautum fuerit, ut bis singulis annis concilia fierent, quemadmodum manifeste liquet ex canone 38. ex Apostolicis, ex Concilio Nicæno, aliisque quamplurimis, aliquando tamen paullo aliter decretum est ita, exigentibus Ecclesiarum utilitatibus, videlicet ut semel tantum unoquoque anno convocarentur, sicuti non solum deducitur ex dicto canone 16. dist. 18., qualem cumque tandem auctorem habeat, verum etiam ex Concilio Toletano 4. anni 633. can. 3. ibi: *Quia juxta antiqua Patrum decreta bis in anno difficultas temporis fieri Concilium non sinit, saltem vel semel a nobis celebretur*. Item in Concilio Nicæno 2. generali can. 6. hæc leguntur: *Quoniam canon est, qui dicit bis in anno in unaquaque Provincia per congregationes Episcoporum fieri oportere questiones canonicas, propter vexationem, & quod itineri persequendo minus sufficerent, qui cogebantur, staterunt sancti sexte Synodi Patres ea omnino, & quacumque postposita causa semel in anno fieri, & delicta corrigi. Hunc erga canonem nos quoque renovamus*. Aliquando etiam statutum scimus, ut tertio quoque anno tantummodo fierent, quemadmodum habetur in Concilio Matisconensi anni 585. can. 20., in Concilio Lateranensi 3. anni 1179. ses. 10., & demum in Concilio Tridentino ses. 24. cap. 2. Si hodiernam praxim inspicimus, nullus amplius esse videtur Synodorum Provincialium, usus, quidquid exoptaverint Tridentini Patres, forte, ut arbitror, quod non satis certa sint Metropolitanorum in suffraganeos Episcopos jura, quum sicut in plurimis, ita & in hac re consuetudinibus potius Provincialium, quam jure scripto pareatur. Vix autem identidem celebrari videmus Episcopales Synodos, quibus, si consulari Ecclesiasticæ disciplinæ forte per pravas consuetudines violatæ communi Clericorum consensione accedente, ac Consilio præeunte, futurum erit, ut veterum Patrum sanctiones juxta eorundem mentem executioni mandentur.

## CAPUT XV.

De pluribus Africanis, five Carthagenſibus Conciliis 4.,  
vel 5. Eccleſiæ ſæculo celebratis.

Africana Concilia ita retulit Gratianus, ut nunc generali nomine Provinciæ illa *Africana* appellaverit; nunc vero peculiari nomine Urbis, in qua Conventus factus eſt, *Carthagenſia*. Ex Carthagenſibus vero modo ſervato ordine temporis numeravit, ex. gr. primum, ſecundum, aut tertium; modo ita inſcripſit, ut ignotum priuſus eſſet, quale nam ex Carthagenſibus Conciliis memoraretur. Hæc in cauſſa ſunt, cur in præſens ſub uno capite Gratianeæ fragmenta ad Concilia Africana, aut Carthagenſia quæcumque pertinentia comprehendam ſequenti methodo.

Ex Concilio Carthag. 1.	{	Can. 3. diſt. 54. paullo varius in diverſis exemplaribus.
		Can. 6. diſt. 71. paullo varius in diverſis exemplaribus.
		Can. 3. cau. 15. qu. 7. paullo varius in diverſis exemplaribus.
		Can. 1. cau. 21. qu. 3. pertinet potius ad Concilium Chalcedonenſe.
		Can. 2. cau. 21. qu. 3. conſonat cum aliis Africanæ Eccleſiæ Conciliis.
Ex Concilio Carthag. 2.	{	Can. 3. diſt. 31. referendus ad can. 3. diſt. 84.
		Can. 5. diſt. 65. ad melioris notæ Codices exigendus.
		Can. 3. diſt. 84. ad melioris notæ Codices exigendus.
		Can. 5. cau. 11. qu. 3. ad melioris notæ Codices exigendus.
		Can. 29. cau. 11. qu. 3. ad melioris notæ Codices exigendus.
		Can. 4. cau. 15. qu. 7. paullo varius in diverſis exemplaribus.
		Can. 50. cau. 16. qu. 1. ad exemplarium integritatem exigendus.
		Can. 1. cau. 26. qu. 6. conſonat cum optimis exemplaribus.
		Can. 5. cau. 26. qu. 6. conſonat cum optimis exemplaribus.
Ex Concilio Carthag. 3.	{	Can. 5. diſt. 23. paullo varius in diverſis exemplaribus.
		Can. 2. diſt. 24. conſonat cum Breviario Fulgentii Ferrandi.
		Can. 8. diſt. 32. commoda interpretatione illuſtrandus.
		Can. 7. diſt. 38. paullo varius in diverſis exemplaribus.
		Can. 5. diſt. 42. conſonat cum optimis exemplaribus.
		Can. 4. diſt. 44. conſonat cum optimis exemplaribus.
		Can. 2. diſt. 72. conſonat cum aliis Africanorum Conciliorum fragmentis.
		Can. 5. diſt. 77. conſonat cum optimis exemplaribus.
		Can. 27. diſt. 81. conſonat cum vulgatis Concilii exemplaribus.
		Can. 32. diſt. 81. paullo varius in diverſis exemplaribus.

Can.

Ex Concilio  
Carthagin. 3.

- Can. 3. dist. 99. consonat cum optimis exemplaribus.  
 Can. 3. cau. 1. qu. 4. consonat cum optimis exemplaribus.  
 Can. 4. cau. 1. qu. 4. apocryphus, sed cum sententia Patrum Africanorum facile conformis.  
 Can. 34. cau. 2. qu. 6. } simul iungendi, atque ex aliis Conciliis  
 Can. 37. cau. 2. qu. 6. } exemplaribus emendandi.  
 Can. 1. cau. 4. qu. 5. } simul iungendi, et paullo variis in diver-  
 Can. 1. cau. 4. qu. 6. } sis exemplaribus.  
 Can. 27. cau. 7. qu. 1. paullo varius in diversis exemplaribus.  
 Can. 19. cau. 11. qu. 1. ex melioris notæ Codicibus emendandus.  
 Can. 43. cau. 11. qu. 1. ad melioris notæ Codices exigendus.  
 Can. 44. cau. 11. qu. 1. est veluti summa canonis 43. cau. 11. qu. 1.  
 Can. 1. cau. 12. qu. 3. consonat cum optimis exemplaribus.  
 Can. 6. cau. 14. qu. 4. paullo varius in diversis exemplaribus.  
 Can. 5. cau. 15. qu. 7. varius in diversis exemplaribus.  
 Can. 51. cau. 16. qu. 1. consonat cum optimis exemplaribus.  
 Can. 13. cau. 20. qu. 1. est quasi Concilii Agathensis.  
 Can. 14. cau. 20. qu. 1. idem est cum cau. 5. dist. 77.  
 Can. 3. cau. 21. qu. 3. paullo varius in diversis exemplaribus.  
 Can. 2. cau. 26. qu. 6. consonat cum vulgatis Concilii exemplaribus.  
 Can. 14. cau. 26. qu. 6. consonat cum vulgatis Concilii exemplaribus.  
 Can. 5. cau. 26. qu. 7. consonat cum vulgatis Concilii exemplaribus.  
 Can. 49. de cons. dist. 1. paullo varius in diversis exemplaribus.  
 Can. 5. de cons. dist. 2. paullo varius in diversis exemplaribus.  
 Can. 96. de cons. dist. 2. consonat cum vulgatis Concilii exemplaribus.  
 Can. 75. de cons. dist. 4. ad melioris notæ Codices exigendus.  
 Can. 107. de cons. dist. 4. iungendus cum cau. 19. cau. 21. qu. 2.  
 Can. 9. dist. 18. paullo varius in exemplaribus Concilii.  
 Can. 2. dist. 23. consonat cum exemplaribus Concilii.  
 Can. 7. dist. 23. vix varius in exemplaribus Concilii.  
 Can. 8. dist. 23. nonnullis adjectis recentiore manu.  
 Can. 11. dist. 23. consonat omnino cum vulgatis Concilii exemplaribus.  
 Can. 15. dist. 23. paullo varius in diversis Codicibus.  
 Can. 16. dist. 23. consonat omnino cum vulgatis Concilii exemplaribus.  
 Can. 17. dist. 23. in diversis Codicibus varius.  
 Can. 18. dist. 23. consonat omnino cum vulgatis Concilii exemplaribus.  
 Can. 19. dist. 23. consonat omnino cum vulgatis Concilii exemplaribus.  
 Can. 20. dist. 23. consonat omnino cum vulgatis Concilii exemplaribus.  
 Can. 29. dist. 23. paullo varius in diversis Codicibus.  
 Can. 33. dist. 23. consonat cum vulgatis Concilii exemplaribus.  
 Can. 6. dist. 24. paullo varius in diversis exemplaribus.  
 Can. 1. dist. 37. a veterum disciplina alienus.  
 Can. 7. dist. 41. consonat cum vulgatis Concilii exemplaribus.  
 Can. 8. dist. 41. consonat cum vulgatis Concilii exemplaribus.  
 Can. 3. dist. 46. consonat cum vulgatis Concilii exemplaribus.  
 Can. 4. dist. 46. aliter refertur in vulgatis Concilii exemplaribus.

Can. 3.

Ex Concilio  
Carthagin. 4.Incertæ omnes  
auctoritatis.

Ex eodem  
Concilio Car-  
thagin. 4.

Incerte omnes  
auctoritatis.

- Can. 5. dist. 46. paullo varius in diversis exemplaribus.  
 Can. 6. dist. 46. consonat cum vulgatis Concilii exemplaribus.  
 Can. 7. dist. 46. consonat cum vulgatis Concilii exemplaribus.  
 Can. 8. dist. 46. consonat cum vulgatis Concilii exemplaribus.  
 Can. 55. dist. 50. varius in diversis exemplaribus.  
 Can. 33. dist. 81. consonat cum vulgatis Concilii exemplaribus.  
 Can. 34. dist. 81. consonat cum vulgatis Concilii exemplaribus.  
 Can. 5. dist. 88. consonat cum vulgatis Concilii exemplaribus.  
 Can. 6. dist. 88. consonat cum vulgatis Concilii exemplaribus.  
 Can. 7. dist. 88. consonat cum vulgatis Concilii exemplaribus.  
 Can. 1. dist. 90. paullo varius in diversis exemplaribus.  
 Can. 2. dist. 90. consonat cum vulgatis Concilii exemplaribus.  
 Can. 6. dist. 90. consonat cum vulgatis Concilii exemplaribus.  
 Can. 7. dist. 90. paullo varius in diversis Codicibus.  
 Can. 8. dist. 90. idem est cum can. 2. dist. 90.  
 Can. 3. dist. 91. non convenit Carthaginensi Concilio.  
 Can. 4. dist. 91. emendandus ex exemplaribus Concilii.  
 Can. 4. dist. 95. paullo varius in exemplaribus Concilii.  
 Can. 9. dist. 95. consonat cum vulgatis Concilii exemplaribus.  
 Can. 10. dist. 95. consonat cum vulgatis Concilii exemplaribus.  
 Can. 32. cau. 2. qu. 6. veterum disciplinae difformis.  
 Can. 1. cau. 8. qu. 2. consonat cum vulgatis Concilii exemplaribus.  
 Can. 37. cau. 7. qu. 1. consonat cum vulgatis Concilii exemplaribus.  
 Can. 38. cau. 7. qu. 1. paullo varius in exemplaribus Concilii.  
 Can. 19. cau. 11. qu. 3. paullo aliter in exemplaribus Concilii.  
 Can. 30. cau. 11. qu. 3. veteri disciplinae admodum conformis.  
 Can. 35. cau. 11. qu. 3. vix Concilio conveniens.  
 Can. 9. cau. 13. qu. 2. consonat cum vulgatis Concilii exemplaribus.  
 Can. 1. cau. 14. qu. 1. perperam a Gratiano explicatus.  
 Can. 6. cau. 15. qu. 7. veteri disciplinae admodum conformis.  
 Can. 11. cau. 18. qu. 2. consonat cum vulgatis Concilii exemplaribus.  
 Can. 35. cau. 24. qu. 3. ad melioris notae Codices exigendus.  
 Can. 11. cau. 26. qu. 5. paullo aliter in vulgatis Concilii exemplaribus.  
 Can. 8. cau. 26. qu. 6. consonat cum vulgatis Concilii exemplaribus.  
 Can. 6. cau. 26. qu. 7. ad melioris notae Codices exigendus.  
 Can. 1. cau. 27. qu. 1. jam a Romanis Correctoribus ad fidem aliorum Codicum exaltus.  
 Can. 5. cau. 30. qu. 5. idem est cum can. 33. dist. 23.  
 Can. 63. de conf. dist. 1. consonat cum vulgatis exemplaribus Concilii.  
 Can. 66. de conf. dist. 1. consonat cum vulgatis exemplaribus Concilii.  
 Can. 67. de conf. dist. 1. consonat cum vulgatis exemplaribus Concilii.  
 Can. 23. de conf. dist. 3. consonat cum vulgatis exemplaribus Concilii.  
 Can. 20. de conf. dist. 4. consonat cum vulgatis exemplaribus Concilii.  
 Can. 60. de conf. dist. 4. paullo varius in Concilii exemplaribus.  
 Can. 11. de conf. dist. 5. ad mellorum Codicum fidem exigendus.  
 Can. 12. de conf. dist. 5. paullo varius in diversis exemplaribus.

Can. 10.



Ex Concilio  
Carthagin. 5.

- Can. 10. dist. 18. ad meliorum Codicum fidem exigendus.  
 Can. 15. dist. 32. ad meliorum Codicum fidem exigendus.  
 Can. 65. dist. 50. paullo varius in diversis exemplaribus.  
 Can. 66. dist. 50. est potius Siricii Papae in epistola ad Himerium  
 Tarraconensem.  
 Can. 2. dist. 58. ad meliorum Codicum fidem exigendus.  
 Can. 4. dist. 84. idem est cum can. 13. dist. 32.  
 Can. 38. cau. 2. qu. 6. ad meliorum Codicum fidem exigendus.  
 Can. 21. cau. 7. qu. 1. consonat cum optimis exemplaribus.  
 Can. 22. cau. 7. qu. 1. consonat cum optimis exemplaribus.  
 Can. 36. cau. 11. qu. 3. consonat cum optimis exemplaribus.  
 Can. 39. cau. 17. qu. 4. varius in diversis exemplaribus.  
 Can. 3. cau. 21. qu. 5. ad meliorum Codicum fidem exigendus.  
 Can. 10. cau. 23. qu. 3. hodie a Romanis Correctoribus emendatus.  
 Can. 26. de conf. dist. 1. paullo varius in diversis exemplaribus.  
 Can. 24. de conf. dist. 3. paullo varius in diversis exemplaribus.  
 Can. 111. de conf. dist. 4. ex aliis Codicibus emendandus.

Ex Concilio  
Carthagin. 7.

- Can. 1. cau. 3. qu. 10. concordat cum optimis exemplaribus.  
 Can. 1. cau. 4. qu. 1. ad melioris notae Codices exigendus.  
 Can. 1. cau. 4. qu. 2. paullo varius in diversis exemplaribus.  
 Can. 2. cau. 4. qu. 6. referendus ad canonem 1. cau. 4. qu. 1.  
 Can. 3. cau. 6. qu. 2. consonat cum optimis exemplaribus.

Ex Concilio  
Carthagin. 8.

- Can. 11. cau. 11. qu. 1. pertinet ad Concilium Carthagin. anni 407.

Ex Concilio,  
quod Cartha-  
ginen. unicum  
Gratianus ap-  
pellavit.

- Can. 50. cau. 12. qu. 2. referendus ad canonem 50. cau. 12. qu. 2.  
 Can. 51. cau. 12. qu. 2. pertinet ad Concilium Carthagenense an-  
 ni 419.

Sequuntur ex  
Conciliis Car-  
thagenensibus.

- Can. 3. dist. 74. referendus est ad canonem 4. dist. 74.  
 Can. 4. dist. 74. pertinet ad Concilium Carthagenense anni 419.  
 Can. 6. cau. 10. qu. 2. pertinet potius ad Leges Longobardorum.  
 Can. 1. cau. 33. qu. 2. est potius Concilii Agathensis.

Sequuntur ex  
Conciliis Afri-  
canis.

- Can. 39. cau. 2. qu. 6. pertinet ad Concilium Carthagenense anni 407.  
 Can. 9. cau. 11. qu. 3. pertinet ad Concilium Carthagenense anni 419.  
 Can. 15. cau. 16. qu. 3. pertinet ad Concilium Carthagenense anni 418.  
 Can. 7. cau. 27. qu. 2. } tribui nullo modo possunt Conciliis Africanis,  
 Can. 8. cau. 27. qu. 2. } aut aliis quibuslibet veterum temporum.

Quicumque sive integerrimos veterum Patrum Africanorum mores, sive exi-  
 miam eorundem doctrinam contempletur, summam sane apud omnes sibi  
 venerationem conciliaverit vetus Ecclesia Africana. Anxia fuit disciplina  
 custos Cypriano Duce, in Tertulliano sapientissimas morum regulas tradidit, in-

Augustino, (ut Fulgentium omittam, & Optatum Milevitanum) strenue adversus hæreses pugnavit, in asperissimis negotiis prudentissima, in perscrutandis rebus altissimis sapientissima, ceterisque dotibus ut plurimum prædita, quæ recte formata, institutamque Dei Ecclesiam decent. Hinc est, quod canones in Africanis Conciliis editi, licet Africanorum tantummodo provincias spectarent, tamen in aliis etiam Provinciis maxima in parte passim recepti fuerint, quasi generalium Conciliorum constitutiones. Etenim quorquot in Codice redederunt Ecclesiasticos canones, non sane Carthageneses canones omiserunt, imo eorundem perhonorifica semper mentio facta est. Ipsemet Dionysius Exiguus, cujus ceteroqui potissimum studium fuit, ut Græcos canones Latine interpretaretur, eadem ratione, qua Sardicenses retulit, ipsa ab Africanis abstinendum sibi non esse duxit. In Codice antiquissimo canonum, quem Romanæ veteri Ecclesie tribuit Quesnellius (quæcumque tandem sit ejus Codicis auctoritas, & fides), primum obtinent locum post Nicænos, canones Carthagenensis Concilii; imo & ipsi Græci studuerunt, ut iidem Africanæ canones in Græcum idioma converterentur, quibus Codicibus prætererantur, quos propterea probarunt in Synodo Quinifexa can. 2., quemadmodum jam observaverunt Romani Corredtores ad canonem 1. dist. 20. verbo *Carthagenensium*. Sane in hoc canone 1. videntur iidem Carthageneses canones, si ve etiam Africanæ (utroque enim nomine, & *Africanensium*, & *Carthagenensium* ibidem appellantur) per Romanam Ecclesiam, si ve a Leone Pontifice Maximo confirmati. Jam patet ex iis, quæ superius sunt descripta, fragmentis, quo in pretio habiti fuerint Carthageneses canones apud Gratianum, qui plurimos ex eisdem in suum Codicem retulit, imitatus sane Ivonem, Burchardum, & Reginonem, ut ceteros alios omittam illorum temporum Collectores.

Quum vero, ut ajebam, apud Collectores eosdem, ac propterea etiam apud Gratianum Concilia Africana, ac præsertim Carthagenensia invicem inter sese non distinguantur, quorum tamen distinctio maxime utilis esse omnibus facile videtur, antequam Gratianis ipsis fragmentis manum admoveam, operæ pretium erit ordinem quemdam texere Carthagenensium Conciliorum, illorum saltem, quorum memoria ad nos usque pervenit, aut quorum apud eruditos, vel Collectores canonum mentio solet esse frequentior.

I. Carthagenensis Synodus celebrata fuit anno 217. sub Agrippino Episcopo, convocatis omnibus Numidicæ, & Africæ Episcopis, quam memorat Cyprianus in epistola ad Quintum, & in epistola ad Bajanum. Hujus sane doctrina ab Ecclesia recepta non fuit, cum ibidem definitum fuerit baptizatos ab hæreticis rebaptizandos esse, quemadmodum apud Afros ex illorum sententia fieri consuevisse, re nendum satis mature discussa, nemo est qui ignorat.

II. Synodus Carthagenensis eodem etiam sorte anno 217. sub Agrippino celebrata est, in qua definitum fuisse scimus, ne clericus ullum tutelæ vel curæ onus susceperet. Eidem hujus facit idem Cyprianus in epistola ad Clerum & plebem Furnitanorum.

III. Concilium factum est circa annum 254. sub S. Cypriano in causa Felicissimi, & Novatiani, quemadmodum constat ex eodem Cypriano in epistola ad Antonianum, item ex epistola ad Cornelium Papam. Hujus ejusdem Concilii mentionem fecit auctor libelli Synodici cap. 22.

IV. Concilium Carthagenense nondum extincto Novatiano schismate celebratum est.

est sub ipso S. Cypriano anno sequenti, idest anno circiter 255. uti refert Cyprianus idem in lib. 1. epist. 2. & 3. Actum in eo est de poenitentia lapsis, & reverſis ad Eccleſiam concedenda, necnon de definiendo ejusdem poenitentiz modo.

V. Synodus Carthagenensis sub eodem Cypriano celebrata est anno 257. adversus eos, qui adversus disciplinam in Ecclesia receptam aſſerebant, infantes nonniſi poſt octavam a nativitate diem baptizandos eſſe, exemplo Judaicz Circumciſionis. Hujus etiam meminit Cyprianus lib. 3. epist. 8. ad Fidum presbyterum.

VI. quoque Concilium celebravit Cyprianus anno circiter 258. in cauſa Baſilidis, & Martialis, ubi actum fuit de libellaticis, ſive iſis, qui perſequentione urgente, metu mortis conſuſi privatim fidem Chriſti abnegarunt, publicum vero idolorum cultum data pecunia redemerunt.

Tria Concilia, ac propterea VII., VIII., & IX. ſe celebrasse refert Cyprianus circa idem tempus, uti conſtat ex ejus epistola ad Jubanum, in quibus actum. maxima cum alacritate de rejiciendo baptiſmate hæreticorum; atque ex iſtis Concilium unum fuit (forte poſtremum) celebratiſſimum numero Epiſcoporum, qui uſque ad 217. convenerant; cujus ſententiz recitantur apud eundem Cyprianum frequentissime, & apud S. Auguſtinum lib. 6. de baptiſmo, atque apud Colleftores in capita 87. dividuntur. Et quamquam in hac Synodo multa ſint contra baptiſmatis rationes, & jura, quæ poſtmodum in Ecclesia recepta ſunt; Græci tamen, (neſcio an odio Romanæ Eccleſiæ, contra cujus conſuetudines ii canones ſtatuſi fuerant, an ob maximam, quam erga Africanos venerationem proſtebantur, non dubitarunt in ſuos Codices ſingula traducere, atque in Græcum idioma ad commodam ſuorum perceptionem convertere. Intet ceteros autem Baſilium & Zonaras, ſicut ceteros antiquiſſimos Græcos canones; ita capita hujus Concilii notis, atque obſervationibus illuſtrarunt.

X. Carthagenensis Concilii acta recensuit Auguſtinus in breviculo Collationis die 3. cap. 14., necnon Optatus Milevitanus lib. 1. Celebratum illud fuit anno circiter 306. in cauſa Cæciliani Epiſcopi, qui licet abſens, & inauditus damnatus eſt, ſuffeſtus in ejus locum, & dignitatem Majorino.

Prætereo autem lubentiſſime hoc in loco nonnulla Carthagenenſia Concilia, ſeu potius Conciliabula, ut ajunt, utpote quæ a Donatiſtis convocata ſunt circa initium quarti ſæculi, ad fovendum ſchiſma, quod pridem concitaverant; non enim merentur hæc, ut Eccleſiaſticis ſanctorum Patrum Conciliis accenſeantur.

XI. Potius Concilium Carthagenenſe appellavero, quod celebratum fuit anno 348. vel, ut aliis placet, anno 349. ſub Grato Epiſcopo Carthagenenſi, cujus acta, & canones numero quatuordecim exant in Codicibus Conciliorum.

XII. Concilium dici forte poſſet illud, quod protulit Lucas Holſtenius ex veteri MS. codice ad annum 390. ſub Genethlio Epiſcopo habitum. Tria & decem in eo capita continentur diſciplinam Eccleſiaſticam veterem omnino ſpectantia. Fateor quidem Concilium iſtud non omni falſitatis ſuſpicionem vacuum eſſe. Verum hoc in loco illud memorasse ſufficiat, ne novo huic Carthagenenſium Conciliorum ordini deſſe quidpiam videatur.

XIII. Concilium Carthagenenſe habitum eſt anno 394. ſub Aurelio Epiſcopo, cujus mentio fit in Codice canonum Eccleſiæ Africanæ num. 34. apud Labbeum; quid vero in eo geſtum fuerit, priuſus ignoſcitur.

His omnibus poſtremo loco addi poſſunt alia Concilia Carthagenenſia numero quin-

quindecim sub eodem Aurelio Episcopo celebrata ab anno circiter 400. usque ad annum 419., in quibus plura Ecclesiasticæ disciplinæ capita sunt sanctissime constituta. Canones horum Conciliorum appellantur hodie a Collectoribus *Codex canonum Ecclesie Africane*, atque idem ipse est, quem Græci in suum idioma transtulerunt ad utilitatem Ecclesie suæ, quemque Zonaras, Balfamon, & Aristenus Græci Interpretes observationibus explicarunt. Apud Latinos edidit Justellus eundem Codicem notis illustratum, & Philippus Labbeus se illum edidisse proficitur ex vetustis MSS. Codicibus *integrum, non intercisum, neque in varia veluti membra dispersum*. Non est sane hoc loco omittendum, hunc eundem Codicem ex variis Aurelii Carthagenensis Concilii compactum, laudari apud quamplures nomine Concilii Carthagenensis, vel Africani. Item eidem Codici inserta sunt quædam ad aliâ Africana Concilia pertinentia, sed veluti per indicem, quemadmodum exhibentur aliquot canones Concilii Hipponensis, & Milevitani, unde aliquando contingere potuit, ut canones Milevitani, aut Hipponenses Carthagenensium nomine appellerentur. Quis primus singula hæc capita sub Aurelio constituta in unum quasi Codicem redegerit, incertum est. Certo tamen scimus omnia illa fuisse ab Africana, five Carthagenensi Ecclesia probata, quemadmodum conitat ex Carthagenensi Concilio anni 419.

Ex his jam collegimus Concilia num. 28. Carthagenensia. Plura posteriora tempore numerari possent. Sed abstinendum ab ulterioribus arbitror, five quod passim a Collectoribus distincta fecernantur perspicua methodo, five quod posteriorum hujusmodi Conciliorum editiones parum valere possunt ad obtinendam notitiam fragmentorum Gratiani. Satis interea fuit antiquiorum seriem describere, in quibus potissimum gravissima apud omnes etiam eruditissimos difficultas versatur.

## De Canonibus Concilii Carthagenensis, quod primum dicitur apud Gratianum.

Quod primum Carthagenense Concilium in Gratiani Codicibus, necnon vulgo apud Collectores Conciliorum appellatur, illud ipsum est, quod ego superius numero undecimum recensebam; quod scilicet sub Grato Episcopo celebratum est anno 348. vel 349., ejus exemplaria duo hodie apud Labbeum edita habemus. Huc in primis refertur canon 3. dist. 54., quem hodie Romani Correctores laudatum voluerunt ex cap. 8. Concilii I. Carthagenensis; & quidem recte, cum vera habeatur in d. cap. 8., sed priora verba non eadem in omnibus exemplaribus habentur: Nam prior Labbei editio ita exhibet: *Magnus Episcopus Astigenfis dixit: Quid dilectioni vestrorum videtur? Procuratores, & actores etiam per se, tutores pupillorum debeant ordinari. Gratus Episcopus dixit: Si post deposita &c.* In altera Labbei editione ita scriptum est: *Magnus Episcopus Aptungenfis dixit: Quid dilectioni vestre videtur? Procuratores, & actores, tutores etiam, seu curatores pupillorum si debeant ordinari? Gratus Episcopus &c.* Hæc sane disciplina consonat cum moribus Ecclesie Africane veteris, in qua receptum erat, ne qui clero adscripti essent tutelam, aut curam gererent, ne forte occasione publici muneris a divinis ministeriis abstraherentur, quemadmodum constare potest ex Concilio Carthagenensi, quod

Can. 3.  
dist. 54.

super.

superius recensui num. 2., & S. Cypriano in epist. ad clerum, & plebem Furnitanorum. Quod si quispiam quæreret, cur hoc Carthagenense Concilium, quod ego numero undecimum inter Carthagenensia recensui, vulgo tamen apud Collectores, & in ipsis Gratiani Codicibus primum dicatur, facilis ratio reddi potest; vel forte, quia primum est Carthagenense ex iis, quæ Concilium Nicænum Generale I. celebrata sunt, vel quod primum sit, & antiquissimum post schismaticos in Africa deturbatos, atque confectos, uti ait Baronius ad annum 397. num. 42.

In eodem Concilio can. 3. legitur canon 6. dist. 71. cujus tamen verba in aliis Con. 6. exemplaribus paullo aliter describuntur hoc modo: *Privatus Episcopus Vegetelitanus* dist. 71. (legunt aliqui *Begezelitanus*) dixit: Suggesto Sanctitati vestre, ut statutis non licere Clericum alienum ab aliquo suscipi sine literis Episcopi sui, neque apud se retinere, nec laicum usurpare sibi de plebe aliena, ut eum ordinet, sine conscientia ejus Episcopi, de cujus plebe est. Gratus Episcopus dixit: Hæc observantia pacem custodit; Nam & meminimus in sanctissimo Concilio Sardicensi statutum, ut nemo alterius plebis hominem usurpet; Sed si forte erit necessarius petat a collega suo, & per consensum habeat. Aliæ editiones habent: Sed si forte erit necessarius ordinationi, ut de vicino homo sit necessarius, petat a collega suo, & concessum habeat. Quoniam vero Gratus Episcopus ibidem laudat Concilium Sardicense, refert se voluit ad canonem 19. ejusdem Synodi, in quo statuitur, neminem debere ex aliena Ecclesia ordinari, nisi suo Episcopo consentiente ibi: Et hoc universi constituitimus, ut quicumque ex alia Parochia voluerit alienum ministrum sine consensu Episcopi ipsius, & voluntate ordinare, non sit rata ordinatio ejus. Hæc porro constitutio in sequentibus Conciliis Africanis sub Aurelio est confirmata, quemadmodum constat ex cap. 54. in Codice canonum Ecclesiæ Africanæ, item apud Dionysium Exiguum in Concilio Carthagenensi cap. 54. Postet tamen negotium quoddam facere caput 55. sive in dicto Codice Africano, sive in eodem Concilio Carthagenensi Dionysii Exigui, cujus capituli 55. hæc inscriptio legitur: ut Carthagenensi Episcopo, unde voluerit, Clericum liceat ordinare. Quicumque hujus inscriptionis auctor est, non videtur subiecti capituli prorsus intellexisse sententiam; nam integrum caput alio pertinet; videlicet dicitur, non Clericos quoscumque posse a Carthagenensi Episcopo de quacumque Provincia ordinari, quod sane esset adversus constituta Africanorum in dicto can. 6. dist. 71., & constituta Concilii Sardicensis, sed pertinere ad curam, ac sollicitudinem Episcopi Carthagenensis, ut quoties in Africa Episcopus quidam eligendus esset, & in locum defuncti substitui, in Ecclesia vacante novum Episcopum de quacumque Provincia eligeret, ac consecrandum proponeret; quod sane exigere videbatur utilitas Ecclesiastica; ubi enim de Episcopis agebatur, quærendus erat, & quidem ex Provinciis pluribus prudentissimus quisque, cum aliquando contingeret, ut in civitate, cui præficiendus esset, apud Dei minister desideraretur. Ita in canone legitur: *Unus autem Episcopus difficile invenitur constituendus. Quapropter, si necessarium Episcopatus quis habuerit presbyterum, & unum, ut dixisti frater, habueris, etiam ipsum ad promotionem dare debebis.*

De canone 3. cau. 15. qu. 7. nihil est, quod peculiariter hic attingam. Habetur is in eodem Concilio cap. 11. Romani autem Correctores jam satis observant scriptiōnis varietatem, qualis in diversis Conciliis exemplaribus habetur. Con. 3. cau. 15. qu. 7.

Depravatus maxime fuerat Gratiani Codex in qu. 3. cau. 21., etenim ejus initio proponebatur, Clericos secularibus negotiis vacare non debere, idque confirmabatur. Con. 1. cau. 21. qu. 3.

mabatur auctoritate Concilii Carthagenensis I., in quo Nicolaus Papa Episcopis Capitulianis dixisse legitur &c. Necessaria hic omnino fuerat Romanorum Correctorum emendatio his verbis: *In quo Nicahus Episcopus Culuſtitanus dixisse legitur capite 6.* Post hæc verba subsequi immediate debebat canon, *credo placere*, qui modo ordine secundus est in dicta qu. 3. cau. 21., is enim canon idem est cum cap. 6. ejusdem Concilii Carthagenensis his verbis: *Necahus* (legunt alii *Nicahus*, alii *Nicahus*) *Episcopus Culuſtitanus dixit: Credo placere suggestionem meam sanitati vestrae, & displicere vobis, ut qui seruiunt Deo, & annecti sunt Clero non accedant ad alius, seu administrationem, vel procurationem domorum. Gratus Episcopus dixit: Et Apostolorum statuta sunt, quæ dicunt: Nemo militans Deo ingerit se negotiis secularibus. Proinde aut Clerici sint sine alitionibus domorum, aut adtores sine officio Clericorum.* 2 *Universi dixerunt: Hoc observamus.* At auctor palearum, cum adnexerit forte ad marginem canonem 3. Concilii Chalcedonenſis, qui ad eandem rem demonstrandam plurimum facere videbatur, occasione dedit recentioribus, qui Gratiani Codicem exararunt, ut Chalcedonenſem canonem primo loco appositum Carthagenens I. Concilio adſcriberent, canone Carthagenens infra supposito numero 2. Itaque quod initio quæſtionis legitur de Concilio Carthagenens, referendum est ad canonem 2., quem nuper integrum exhibui. De canone 1. qui est Concilii Chalcedonenſis nihil hic dixero, sed potius infra, ubi de canonibus Chalcedonenſibus agendum erit. Interea vero monebo disciplinam in dicto canone 2. constitutam confirmatam esse in Concilio Carthagenensibus sub Aurelio celebratis, quemadmodum luculente eruitur ex can. 16. Concilii Carthagenens apud Dionysium Exiguum, sive canone 16. Codicis canonum Ecclesiæ universæ, ubi hæc leguntur: *Item placuit, ut Episcopi, Presbyteri, & Diaconi non sint conductores, aut procuratores, neque ullo turpi negotio, & inhonesto viſum querant, quia respicere debent scriptum esse: nullus militans Deo implicat se negotiis secularibus.*

### De Canonibus Concilii Carthagenens, quod secundum dicitur apud Gratianum.

Concilium, quod vulgo Carthagenense 2. appellatur, unum ex iis est, quæ ab Aurelio Carthagenens Episcopo celebrata fuisse diximus. Forte ideo secundum appellatum fuerit, quod secundum fuerit ex Conciliis Aurelii. Sunt qui ajunt celebratum fuisse anno 390., alii anno circiter 397. Ediderunt illud, nec non ejusdem canones Labbeus, & Harduinus cum veteribus MSS. codicibus collatum. In canone 2. hujus Concilii leguntur canon 3. dist. 31., & canon 3. dist. 84. De canone 3. dist. 31. nihil aliud specialiter dixero, nisi illum referendum esse ad canonem 3. dist. 84., in quo integra habetur Carthagenensium Patrum sententia. Canon autem 3. dist. 84. restituendus est ad fidem optimorum exemplarium. Non videntur deesse codices antiquissimi ad hanc rem; nam, ut aiebam, Carthagenensium Conciliorum canones sub Aurelio editi apud omnes maxime venerabiles existerunt, atque in unum codicem a vetustis collectoribus redacti fuerunt. Dionysius Exiguus, qui sub nomine Concilii Carthagenens 138. Africanæ Ecclesiæ canones complexus est ita eundem describit numero 3. *Aurelius Episcopus dixit: Cum in præterito Concilio de con-*

Can. 3.  
dist. 31.  
et can. 3.  
dist. 84.

inentia, & castitatis moderamine traflaretur: gradus isti tres, qui conftrictione quadam castitatis per consecrationes adnexi sunt, Episcopos, inquam, Presbyteros, & Diaconos, ita placuit, ut concederentur sacros Antistites, ac Dei Sacerdotes, nec non & levitas, vel qui Sacramentis divinis inserviunt, continentes esse in omnibus, quo possint simpliciter, quod a Domino postulant, impetrare, ut quod Apostoli docuerunt, & ipsa servavit antiquitas, nos quoque custodiamus. Deinde numero 4. ita subdidit: *Augustinus Episcopus Ecclesie Potentinae, Provinciae Piceni, legatus Romanae Ecclesie dixit: Placet, ut Episcopus, Presbyter, & Diaconus, vel qui Sacramenta contrahant, pudicitiae custodes ab uxoribus se abstineant. Ab universis Episcopis dictum est: Placet, ut in omnibus pudicitiae custodiantur, qui altari inserviunt. Et quidem cum hac Dionysii editione omnino consonat Codex canonum Ecclesiae Africanae cap. 3. & 4. Paulo aliter canonem alii descripserunt, eundem interpretati ex Graecis Codicibus his verbis: Aurelius Episcopus dixit: Cum in priore Synodo de continentia, & castitatis modo querebatur, placuit, ut ii tres gradus, qui vinculo quadam castitatis per consecrationem implicati sunt, Episcopi, inquam, Presbyteri, & Diaconi, ut sanctos Episcopos, & Sacerdotes Dei, & levitas, & divinis sacrificiis ministrantes decet, in omnibus continentes sint, quo possint, quod a Deo simpliciter petunt, impetrare: ut & quod per Apostolos traditum, & ab ipsa antiquitate servatum est, nos quoque similiter servemus.*

In canone 12. ejusdem Carthagenensis Concilii legitur can. 5. dist. 65. Si Concilium Dionysii Exigui, aut Codicem Africanae Ecclesiae observemus, exhibebitur idem canon num. 13. hisce verbis: *Aurelius Episcopus dixit: Quid ad haec Sanctitas vestra? Ab universis Episcopis dictum est: A nobis veterum statuta debere servari, sicuti & inconsulto Primatu cujuslibet Provinciae, tam facile non praesumant multi congregati Episcopi Episcopum ordinare, nisi necessitas fuerit, tres Episcopi in quocumque loco sint, ejus praecipuo ordinare debent Episcopum, & si quis contra suam professionem, vel subscriptionem venerit in aliquo, ipse se honore privabit. Nomine Primatis hic designatur Metropolitanus, sive Archiepiscopus juxta morem Ecclesiae Africanae.*

Can. 5.  
dist. 65.

Canon 8. ejusdem Concilii refertur in can. 5. cau. 11. qu. 3., sed verba Concilii ipsius plurimum dissonant a Gratiano; illic enim ita legitur: *Alypius Episcopus Ecclesiae Tagastensis legatus Provinciae Numidiae dixit: Nec illud praetermittendum est, ut si quis forte Presbyter ab Episcopo suo correptus, aut excommunicatus timore, vel superbia inflatus putaverit separatim Deo sacrificia offerenda, vel aliud erigendum altare contra Ecclesiasticam fidem, disciplinamque crediderit, non exeat impunitus. Valentinus primae sedis Provinciae Numidiae dixit: Necessario discipline Ecclesiasticae; & fides congrua sunt, quae frater noster Alypius prosequutus est. Proinde, quod exinde videtur vestrae dilectioni, edicite. Siquis Presbyter contra Episcopum suum inflatus schisma fecerit, anathema sit. Ab universis Episcopis dictum est. Siquis Presbyter a praeposito suo excommunicatus, vel correptus fuerit, debet utique apud vicinos Episcopos conqueri, ut ab ipsis ejus causa possit audiri, ac per ipsos suo Episcopo reconciliari. Quod nisi fecerit, sed superbia, (quod ab his), inflatus secernendum se ab Episcopis sui communionem duxerit, ac separatim cum aliquibus schisma faciens, sacrificium Dei obrulerit, anathema habeatur, & locum amittat. Nihilominus & de civitate, & congregatione, in qua fuerit, longius repellatur, ne vel ignorantes, vel simpliciter viventes serpentina fraude decipiant, quoniam secundum Apostolum Ecclesia una est, una fides, unum baptisma. Et si quemoniam justam adversus Episcopum habuerit, inquirendum erit. Ita habent vulgati Con-*

Can. 5.  
cau. 11.  
qu. 3.

cilii Codices. In Concilio autem Carthaginensi, quod edidit Dionysius Exiguus eadem sententia legitur, quemadmodum etiam in Codice canonum Ecclesie Africane, nam in canone 10. hæc habentur. *Alypius Episcopus legatus Provincie Numidie dixit: Nec illud prætermittendum est, ut si quis forte Presbyter ab Episcopo suo corruptus, tumore, vel superbia inflatus putaverit separatim Sacrificia Deo offerenda, vel aliud erigendum altare, contra Ecclesiasticam fidem, vel disciplinam crediderit, non excuset impunitus. Valentinus prima sedis Provincie Numidie dixit. Necessario disciplinæ Ecclesiasticæ, & fidei congrua sunt, quæ frater noster Alypius prosequutus est: proinde quid videatur vestra dilectioni, edicite. Et in can. 11. Ab universis Episcopis dictum est: si quis Presbyter a Præposito suo correptus fuerit, debet utique apud vicinos Episcopos conqueri, ut ab ipsis ejus causa possit audiri, ac per ipsos suo Episcopo reconciliari: quod nisi fecerit, sed superbia, (quod absit), inflatus secernendum se ab Episcopi sui communione duxerit, ac separatim cum aliquibus schisma faciens, Sacrificium Deo offerat, anathema habeatur, & locum amittat: ac si querimaniam justam adversus Episcopum non habuerit, inquirendum erit. Atque ex his arbitror Gratiani canonem posse restitui.*

Can. 29.  
cau. 11.  
qu. 3.

Romani Correctores jam nonnulla adnotaverunt ad can. 29. cau. 11. qu. 3., ut cum ad meliorum Codicum fidem redigerent. Habetur is in canone 7. ejusdem Concilii Carthaginensis juxta Codices vulgatos. Non omitam ego verba referre Dionysii Exigui, qui eundem canonem edidit in sua Synodo Carthaginensi num. 9., præsertim quod eadem verba omnino legantur in Codice Africane Ecclesie. Ita ille: *Augustinus Episcopus legatus Provincie Numidie dixit: Hoc statuere dignemini, ut si quis forte merito facinororum suorum ab Ecclesia pulsus fuit, & sive ab aliquo Episcopo, vel Presbytero fuerint in communione suscepti, etiam ipse pari cum eis crimine teneatur æquiorius, resurgentes sui Episcopi regulare judicium. Ab universis Episcopis dictum est: Omnibus places. Cum autem iste canon Augustinum Hipponensem Episcopum auctoritatem habere videatur, nemo est, qui exinde propter Viri Eximii præstantiam, eundem non suscipiat libentissime.*

Can. 4.  
cau. 15.  
qu. 2.

Canon 4. cau. 15. qu. 7. legitur in eodem Concilio can. 10., in postremis autem verbis non omnes omnino Codices consonant; in aliis enim legitur: *Et a sex Presbyteris, & a tribus Diaconis cum proprio suo Episcopo*; in aliis: *& a sex Presbyteris, & a tribus Diaconibus cum proprio suo Episcopo*. Non arbitror recedendum a Dionysii Exigui lectione, quæ habetur in canone 11., eo vel magis, quod ista consonat omnino cum Codice canonum, qui tributus est Ecclesie Africane. *Felix Episcopus dixit: Suggere secundum statuta veterum conciliorum, ut si quis Episcopus (quod non optemus) in reatum aliquem incurrerit, & fuerit ei nimia necessitas, non posse plurimum congregare: ne in crimine remaneat, a duodecim Episcopis audiat, & Presbyter a sex Episcopis cum proprio suo Episcopo audiat, & Diaconus a tribus.*

Can. 50.  
cau. 16.  
qu. 1.

Canon 50. cau. 16. qu. 1. habetur in cap. 5. ejusdem Concilii. Romani Correctores, quæ apud Gratianum deerant, supplere ex editionibus Concilii jam ceperunt. Nondum tamen omnino integrum canonem juxta edita exemplaria exhibuerunt. En verba Concilii. *Felix Episcopus Selemsitanus dixit: Etiam si hoc placeat sanctitati vestrae infans, ut Diacones, quæ nunquam Episcopos habuerunt, non habeant, & illa Diacones, quæ aliquando habuit, habeat proprium. Et si accedente tempore, crescente fide Dei populus multiplicatus desideraveris proprium habere velorem,*  
quis



ejus videlicet voluntate, in cujus potestate est Diocesis constituta, habeat Episcopum. Secundum hanc prosecutionem sanctitas vestra aestimet, quod fieri debeat. Genedius (legunt alii: Gemesius) Episcopus dixit: Si placet insinuationi fratris, & Coepiscopi nostri felicitas, ab omnibus conferretur. Ab universis Episcopis dictum est: Placet. Hic canon, qualis in Concilio habetur, & apud Gratianum, minime legitur aut apud Dionysium Exiguum, aut in Codice canonum Ecclesie Africanæ, ubi tamen nonnulla alia leguntur his similia in cap. 53. his verbis: Epigenius Episcopus dixit: Multis Conciliis hoc statutum a ceteris sacerdotibus est, ut plebes, quæ in Diocesis ab Episcopis retinentur, quæ Episcopos nunquam habuerunt, nonnisi cum voluntate ejus Episcopi, a quo tenentur proprios accipiant rectores, id est Episcopos. Et post multa subiicitur: Universi Episcopi dixerunt: Placet, placet.

Canon 1. cau. 26. qu. 6. idem omnino est cum canone 3. ejusdem Concilii Carthaginensis. Dionysius Exiguus in memorato Concilio Carthaginensi in can. 6. eadem fere verba descripsit, quæ etiam consonant cum canone 6. in Codice Ecclesie Africanæ ibi: Fortunatus Episcopus dixit: In præteritis Conciliis statutum meminimus esse, ut Chrisma, vel reconciliatio poenitentium, necnon & puellarum consecratio a Presbyteris non fiat: Si quis autem emeritis hoc faciens, quid de eo statuentum sit? Aurelius Episcopus dixit: Auditis dignatio vestra suggestionem fratris, & Coepiscopi Fortunati, quid ad hæc dictis? Ab universis Episcopis dictum est. Chrisma confessio, & puellarum consecratio a Presbyteris non fiat; vel reconciliare quoniam in publica Missa Presbyter non licere, hoc omnibus placet.

Post verba nuper descripta in can. 1. cau. 26. qu. 6. sequuntur statim in eodem Concilio Carthaginensi verba canonis 5. cau. 26. qu. 1., cum enim in canone 9. Concilii Carthaginensis definitum fuisset, Presbyteros non posse poenitentibus manus imponere, illosque Ecclesie reconciliare, statim subiectum est, hanc facultatem Presbyteris concedi debere, quoties necessitas exigit infirmitatis, aut inopinatis casus, eademque etiam verba descripta sunt in canone 7. Concilii Carthaginensis apud Dionysium Exiguum, necnon in can. 7. Codicis Ecclesie Africanæ.

## De Canonibus Concilii Carthaginensis, quod tertium dicitur apud Gratianum.

Nomine Concilii Carthaginensis tertii vulgo intelligunt illud, quod celebratum fertur sub Aurelio Episcopo Carthaginensi Casario, & Attico Consulibus, sive ad annum 397., quod forte ideo tertium dicitur, vel quia tertium sit post celebrationem Nicani Concilii inter Carthaginensia, vel quia tertium numeretur post redditam pacem Africanæ Ecclesie, extinctasque seditiones schismaticorum, vel demum quia tertium ex iis fuerit, quibus Aurelius Carthaginensis Episcopus præfuit. Habentur ipsius acta, & canones apud Labbeum ab Harduino emendati. In canone 40. hujus Concilii habetur canon 2. dist. 23., atque etiam refertur in Concilio Carthaginensi Dionysii Exigui cap. 50., necnon in Codice Ecclesie Africanæ cap. 50. his verbis: Scit & illud est statuendum, ut quando ad eligendum Episcopum convenimus, si quæ contradictio fuerit oborta, quia talia tractata sunt apud nos, (Gratianus legit: quia sepe talia facta sunt apud vos. Vulgata Concilii exempla

ria consonant cum Dionysio Exiguo, & Codice Ecclesiz Africanz. Harduinus autem legit: *Quia talia facta sunt apud nos*, non presumant ad purgantium eum, qui ordinatus est tres Episcopi jam; Sed possuletur ad numerum supradictorum unus, vel duo, (ita etiam legitur in editionibus Concilii, contra quam legatur apud Gratianum), & in eadem plebe, cui ordinandus est, discutiatur primo personæ contradicentium. Postremo etiam illa, quæ obijciuntur, pertrahentur, & cum purgatus fuerit in conspectu publico, ita demum ordinetur. Si hoc cum vestræ sanctitatis animo concordat, roboretur vestræ dignationis responsione. Ab universis Episcopis dictum est: *Satis placet.*

Can. 2. *De nullis ordinetur Clericus, nisi probatus vel Episcoporum examine, vel populi*  
dist. 24. *testimonio.* Verba sunt, quæ leguntur in eodem Concilio can. 22., quæque retulit Gratianus in can. 2. dist. 24. Desideratur hic quidem canon sive in Concilio Carthagenensi Dionysii Exigui, sive in Codice canonum Ecclesiz Africanz. Verum eisdem omnino verbis habetur apud Ferrandum Diaconum in cap. ult. breviationis canonum, ubi fragmentum idem laudatur nomine Concilii Carthagenensis tit. 29.

Can. 8. *Duriuscula quibusdam, Græcis præsertim Interpretibus, visa est jurisprudentia,*  
dist. 32. *quæ exhibetur in can. 8. dist. 32., qui in eodem Concilio refertur can. 18., & in Codice Ecclesiz Africanz, necnon Concilio Carthagenensi Dionysii Exigui can. 16. eisdem omnino verbis: ibi: Placuit, ut Leliores, cum ad annos pubertatis pervenerint, cogantur aut uxores ducere, aut continentiam profiteri; Asperum quippe visum fuit aliquibus tale jugum tenellis adhuc adolescentibus imponere, ignorantibus ut plurimum, quod magis expedire sibi possit. Quamobrem ad hunc canonem ait Balsamon: Cautum est a Sanctis Patribus, ut Leliores in tempore pubertatis post annum 14. egantur vel matrimonio conjungi, vel celibatum profiteri. An hoc autem apud Africanos observatum sit, nescio, sed apud alias Ecclesias non servatur. Existimo autem, quod nec in ulla unquam regione hoc servatum sit, ut quod Apostolorum sexto Canoni adversetur, qui decernit, ut Leliores, & Cantores, etiam postquam in Clerum provesti fuerint, uxores ducant, & nec uxorem ducendi tempus definit, nec ut continentiam profiteantur, exigit. Atque idem tradit Zonaras in suo glossmate hujus canonis. In editionibus Labbei hæc observatio ad hoc fragmentum habetur: Hoc 19. caput vetustis codices sic habent: ut Leliores usque ad annos pubertatis legant, deinceps autem nisi uxores custodita pudicitia duxerint, aut continentiam professi fuerint, legere non sinantur. Forte non displicebit, quod notat Harduinus ad illa verba: ad annos pubertatis, ita scribens: *perseuæ nimirum, sive ad annum 21.* Atque Harduinus videtur imitatus fuisse in hæc parte Alexium Aristenum Græcum Interpretem, qui hoc ipsum Carthagenensis Concilii fragmentum expendens ita scribit: *Lellor autem, qui impuberem ætatem transierit, & viginti fere annos attigerit, & Hyppodiaconus fieri cupit (nam 20. annis junior Hyppodiaconus non ordinatur, ut decimusquintus sexta in Trullo Synodi canon statuit), vel uxorem ante ordinationem ducat, vel celibem agere profiteatur. Nam post ordinationem nec Presbytero, nec Diacono, nec Hyppodiacono matrimoniale jugum in se suscipere licet, sed Lelloribus solis, & Cantoribus illud permittitur. Plane si aut Harduinus, aut Aristenus Carthagenensium Patrum mentem attigerunt, nihil amplius supererit, unde asperitatis Africana Ecclesia arguatur, sed potius apta omnino, ac provida hujusmodi disciplina videbitur.**

In eodem Concilio can. 3. habetur can. 7. dist. 38. ubi tamen postrema verba paullo varia sunt in diversis Codicibus; etsi enim in nonnullis idem legatur, quod apud Gratianum, in aliis tamen ita legitur: *ne se aliquid contra statuta Concilii fecisse asserant*. Apud Dionysium Exiguum in Concilio, quod Carthaginense appellat, item in Codice Ecclesiarum Africanarum cap. 18. hæc exhibentur: *Item placuit, ut ordinatis Episcopis vel Clericis prius ab ordinatoribus suis placita Conciliorum auribus eorum inculcentur: ne se aliquid contra statuta Concilii fecisse pœniteant*. Paulo aliter etiam explicaverunt, qui ex Græcis exemplaribus Africanum canonem interpretati sunt his verbis: *Similiter placuit, ut cum ordinatur Episcopus, vel Clericus, prius ab ordinatoribus suis Synodorum placita eorum auribus indantur, ut si ex Synodi Decreto non agant, eos pœniteant*.

Etsi ab ipsa Apostolorum ætate Christianifideles in Ecclesiam convenire solerent, simul manducaturi sacram agapen in signum mutue communionis, & arctissimæ conjunctionis in una, eademque fide; exinde tamen pravus abusus irrepsit ex immoderato deliciorum fidelium luxu, qui non Dominicam, uti S. Paulus scribit, sed propriam cœnam se manducare præsumebant; atque ad ebrietatem usque, & immodicam saturitatem cibis, potuque fruentes Ecclesiam Dei contemnebant, appositis præsertim juxta veterum morem læditeriis ad majorem convivi luxum accommodatis. Hæc in causa fuerunt, ut hujusmodi Christianorum cœnæ vitæ exinde fuerint; ac proinde caveri cœperit, ne in Ecclesiis Deo dicatis ullo modo convivia celebrarentur, nisi forte necessitas hospitii id suaderet. Huc pertinet canon 5. dist. 42. deproptus ex canone 30. ejusdem Concilii Carthaginensis, cum quo etiam omnino congruit canon 42. sive in Concilio Carthaginensi jam sæpius memorato Dionysii Exigui, sive in Codice Ecclesiarum Africanarum, in quibus tamen pro verbo illo *reficiantur* legitur *reficiantur*. Quodcumque legatur, eadem semper erit, nec immutata sententia.

In canone 27. ejusdem Concilii legitur eisdem verbis can. 4. dist. 44., cum quo etiam omnino consonat can. 40. tum apud Dionysium Exiguum, cum in Codice canonum Ecclesiarum Africanarum. Idipsum olim Julianus Imperator apud Ethnicos prohibuit sacrificiis in Epistola ad Arfacium Galatiz Sacerdotem apud Sozomenum lib. 5. cap. 15. his verbis: *Sacerdotem hortare, ne accedat ad spectacula, neve in taberna bibat*.

In eodem Carthaginensi Concilio cap. 21. eisdem omnino verbis refertur can. 2. dist. 72. In Concilio Carthaginensi Dionysii Exigui, necnon in Codice Africanarum Ecclesiarum desideratur, quamvis ibi nonnulla habeantur valde similia in cap. 54. ibi: *Epigonius Episcopus dixit: In multis Conciliis hoc statutum est, etiam nunc hoc confirmatum est a vestra prudentia beatissimi Fratres, ut Clericum alienum nullus sibi præstet Episcopus præter ejus arbitrium, cujus fuerit Clericus*. Videntur, quæ superius prosequutus sum ad canonem 6. dist. 71. Ferrandus Diaconus hunc ipsum canonem in epitomen redactum retulisse videtur in cap. 27. sui Breviarii his verbis: *Ut Episcopus alienum Clericum non suscipiat, neque ordinet*.

Canon 4. ejusdem Concilii Carthaginensis duobus in locis, & quidem eisdem verbis apud Gratianum refertur, videlicet in can. 5. dist. 77. & in can. 14. cau. 20. qu. 1. Consonant omnia cum Dionysio Exiguo in can. 16. Concilii Carthaginensis, & in canone 16. Codicis Ecclesiarum Africanarum, quamquam tamen nonnulli sint, qui omiserint ea verba: *nec Virgines consecrentur, quemadmodum in Pandectis*.

cano-

canonum Beveregianis. Posteriora illa verba: *Et ut Lectores populum non saluent*: ita Zonaras Græcus interpres explicavit. *Lectoribus ne expleto ministerio se ad populum salutandi gratia convertant, interdillum. Solos namque eo tempore Antistites, & Sacerdotes, non congregatam in Ecclesia multitudinem ab iis salutari fas est. Ipsi enim sacra sunt, multitudo vero a sacris ordinibus longo intervallo disjuncta, ut proinde iis potius a populo honorem exhiberi, præsertim dum in sui ministerii functionibus versantur, oporteat.* Sed, ut candide fatear, non mihi satis placet hujusmodi Zonaræ interpretatio, ut in ea penitus consistendum existimem. Est & aliud salutationis genus, quod forte Lectoribus Patres Carthagenenses prohibere voluerunt. Erat receptum in Ecclesia Africana, ut ad officium Lectorum pertineret, publice Evangelium in Ecclesia legere, quemadmodum hodie apud nos inter Diaconorum munera recensetur. Testem voco S. Cyprianum, qui in lib. 2. epist. 5. in antiqua editione, ita scribit de Lectore. *Ab officio lectionis incipiat, quia & nihil magis congruum voci, quam Dominum gloriosa predicatione confessa est, quam celebrandis divinis lectionibus personare possit verba sublimia, quæ Christi martyrium proloquuta sunt. Evangelium Christi legere, unde martyres sunt.* Olim etiam usu receptum erat, ut antequam Evangelium publice legeretur, elata voce clamaretur a Lectore versus populum *Pax vobis*, quomodo hodiernis temporibus dici solent ea verba: *Dominus vobiscum*; quod ex eadem Cypriani Epistola constat ibi: *Interim vobis hoc die auspiciatus est pacem, dum dedicat lectionem.* Quam ceremoniam augurandi populo pacem vulgo ab Ecclesiasticis Patribus salutationem fuisse appellatam, facile deducitur ex Epist. 86. Innocentii Papæ ibi: *Nun licet Presbyteris coram Episcopo populum benedicere, aut salutare.* Itaque si Carthagenensi canone Lectoribus prohibetur, ne populum saluent, facile prohibitum intelligo, ne populo elata voce pacem arguerentur, quod tantum reservatum est Sacris Ministris in superiore ordine constitutis; quemadmodum hodie solis Episcopis reservatum scimus. Hinc inter munera Episcoporum præcipua hæc potestatem salutandi populum Operatus Milevitanus adnumerat lib. 1. circa finem. Revera ea formula indicare videtur auctoritatem quandam, & jurisdictionem proferentis, qua fiat, ut qui saluantur, Ecclesiasticam pacem habeant, & communionem frui declarantur, imo etiam præcipiantur.

Con. 27.  
dist. 81.

In canone 17. ejusdem Concilii legitur eisdem verbis canon 27. dist. 81., sed five apud Dionysium Exiguum, five in Codice Africanæ Ecclesiæ desideratur.

Con. 32.  
dist. 82.

Consonat etiam cum canone 25. ejusdem Concilii canon 32. dist. 81. Harduinus varios esse Codices observavit in illis verbis: *sed cum Conclericis*, alii enim Codices habent, *sed cum Clericis*, item in illis, *sed aut ubi Clerici præfentes*, alii enim exhibent: *nisi aut Clerici præfentes*. Referam verba Dionysii Exigui, quæ hunc eandem canonem descripsit in suo Concilio Carthagenensi num. 38. ibi: *Clerici, vel continentibus aut virginibus, vel ex jussu, vel permissu Episcoporum, aut Presbyterorum non accedant; & hoc non soli faciant, sed cum Conclericis, vel cum iis, cum quibus Episcopus, aut Presbyter iusserit, non ipsi Episcopi, & Presbyteri soli habeant accessum ad hujusmodi facinas, sed ubi aut Clerici præfentes sunt, aut graves aliqui Christiani; quæ eadem verba leguntur in can. 38. Codicis Ecclesiæ Africanæ. Continentium autem nomine in hoc canone designati Monachos probant Basilianus, Zonaras, & Alanus Asidenus ex S. Basilio can. 19. ibi: *Vinorum autem pressuram non maxime, præterquam siquis sanctus Manichæorum Ordinis annumeratur, qui facie vestimentis artibusque admittitur.**

Canon

Canon 3. dist. 99., qui Africani Concilii nomine apud Gratianum laudatur, Can. 3. eisdem omnino verbis legitur in can. 26. hujus Carthaginensis Concilii, eisdem dist. 99. itidem verbis in can. 39. tum Synodi Carthaginensis apud Dionysium Exiguum, tum Codicis Africanæ Ecclesiæ. Video in hoc canone singularem Africanæ Ecclesiæ disciplinam, in qua ambitionis, & supervacue elationis signum videbatur, si qui primam Episcopalem sedem teneret, Episcoporum Princeps, sive Archiepiscopus appellaretur. Voluerunt potius Primatem appellari, seu Primæ Sedis Episcopum.

Ad canonem 48. ejusdem Concilii pertinet can. 3. cau. 1. qu. 4., ubi tamen quædam omissa a Gratiano fuerunt. Integra hæc est sententia. *De Donatistis placuit, ut consulamus Fratres, & Consecradores nostros Siricium, & Simplicianum de solis infantibus, qui baptizantur penes eosdem, ne quid suo non fecerant iudicio, cum ad Ecclesiam Dei salubri proposito fuerint conversi, parentum illos error impediatur, ne promoveantur sacri Altaris Ministri.* Eadem verba leguntur apud Dionysium Exiguum, necnon in Codice canonum Ecclesiæ Africanæ can. 47. Ex his plane verbis constat in hac Donatistarum infantium causa nihil peculiariter definitum fuisse in hoc Carthaginensi Concilio, sed expectandam Siricii Romani Pontificis, neo non Simpliciani Mediolanensis Episcopi fuisse sententiam. Neque sane novum erat eo tempore Episcopis in Concilio convocatis aliorum Coepiscoporum præsertim in gravissimis causis expectare sententiam. Sic Toleranum Concilium 1. circa finem 4. sæculi celebratum proferri posset, in quo ita legitur: *Expellentes per exemplo, quid Papa, qui nunc est, quid Sanctus Simplicianus Mediolanensis Episcopus reliquique Ecclesiarum referant Sacerdotes.* Quæ si ita sunt, occur Gratianus nobis exhibet alium canonem ejusdem Concilii, ex quo res definita prorsus adparet in can. 4. eadem qu. 4. causa 1. ? Hunc sane canonem frustra inter canones Concilii, frustra apud Dionysium Exiguum, frustra in Codice Africanæ Ecclesiæ requirimus. Quamobrem perspicuum est illum editum fuisse posteriore manu, atque ad complendam Carthaginensium Patrum sententiam, dubitationemque omnem de medio tollendam adjectum. Quicumque autem sit ejusdem canonis auctor, rem sane optimam peregrisset, si undenam Concilii sententiam absolutam acceperit, significasset, si forte Siricii, & Simpliciani responsa perspexerit, si additamenta Concilio facta a Patribus Carthaginensibus sciverit. Ego sane non dubito, quin talis demum inferret Carthaginensibus Episcopis sententia, qualis in dicto canone 4. clarissime exprimitur. Etenim ipsi Carthaginenses Patres summa semper cum benignitate, atque clementia cum Donatistis egerunt, proptereaque in dubio abs juris rigore desistere hac in re voluisse præsumendi sunt; ut scilicet usu deini receperint, ut infantes Donatistas ad Ecclesiam conversos ab Ecclesiasticis gradibus non repellerent. Scio quidem initio, statim ac Donatistarum hæresis in medium erupit, Africanos Episcopos austeritate gravi usos fuisse adversus concitatum schisma, ipsosque schismaticos; Hinc in Concilio Hipponensi anni 393. can. 41. definitum est, ut Donatistæ Clerici ad fidem reversi non in Clericorum numerum, sed tantum inter Laicos reciperentur, iis Episcopis tantum exceptis, qui una cum plebe sua ab hæresi recessissent. In hoc, de quo agimus Carthaginensi Concilio, controversia esse cepit, distractis hinc ad benignitatem, illinc ad severitatem disciplinæ Episcoporum animis, de infantibus apud Donatistas natis, num ad Ecclesiasticos ordines promoveri valerent; At deinde tempore Anastasii Papæ circa annum 401. mitius agi cepit, quo faci-

Can. 4.  
cau. 1.  
qu. 4.

facilius Donatistæ ad unitatem reverterentur, inducendumque fuit, ut unusquisque ab hæresi Donatistarum reversus, ita reciperetur in Ecclesiam, ut hæresis nulla ratione ei offerretur, proptereaque singuli Clerici in suis ordinibus, quasi postliminî jure consisterent. Ita cautum scimus in Concilio Africano anni 401., cujus canones habemus in codice Ecclesiæ Africanæ a numero 65. usque ad numerum 85. Itaque si progressu temporis lenius agi cœptum est cum Donatistis, verosimile est dubitationem illam in Carthagenensi, de quo agimus, Concilio subortam, ita demum resolutam fuisse, ut benignius cum iisdem ageretur, atque ad sacras etiam ordinationes admitterentur, qui infantes apud illos baptizati fuissent. Legi possent ad hanc rem præcipue canones 66. 68. & 69. Codicis Ecclesiæ Africanæ. Etsi igitur, qui canonem 4. cau. 1. qu. 4. descripsit primus, non omnino certum Africanæ Ecclesiæ monumentum nobis adtulerit, non erit tamen omnino dammandus, quod forte mentem Carthagenensium Episcoporum, qualis postea ex consuetudine recepta illius Ecclesiæ adparuit, nobis exposuerit.

In canone 10. ejusdem Carthagenensis Concilii, qui idem est cum canone 15. Concilii Carthagenensis Dionysii Exigui, nec non Codicis Ecclesiæ Africanæ hæc leguntur: *Hoc etiam placuit, ut a quibuscumque Judicibus Ecclesiasticis ad alios Judices Ecclesiasticos, ubi est major auctoritas, fuerit provocatum, non eis obis, quorum fuerit saluta sententia, si convinci non posuerint, vel inimico animo judicasse, vel aliqua cupiditate, aut gratia depravati. Sane si ex consensu partium electi fuerint Judices, etiam a pauciori numero, quam constitutum est, non liceat provocari. In his verbis descriptis videmus duos Gratiani canones 34., & 37. cau. 2. qu. 6., quos propterea simul conjungere juvabit, quoties recta utriusque habenda sit interpretatio. Jure autem arguendus est Gratianus, qui in dicto canone 34. particulam negativam omisit, contrariamque omnino sententiam Africanis Patribus affingere non dubitavit, contra quam legatur in omnibus ejusdem canonis exemplaribus, imo etiam contra generales juris regulas, quibus appellatio ab electis judicibus prohibetur. Idem fragmentum optime paucis exposuit Græzus interpres Zonaras, cujus verba hic refero: *Quod si Judices illi ipsi, qui inter se judicio constituentur, accusator nimirum, & reus elegerint, quamvis, inquit, pauciores, quam præfixum est, designentur, nempe in Episcoporum causa duodenis, Presbyterorum sex, Diaconorum tribus, tamen ab his judicibus damnato provocandi facultas non erit, quod civiles quoque leges eodem modo sanxere, & tertio libro tit. 1. cap. 44., & lib. 9. Basilicorum videre est. Id ipsum scribit Alexius Aristenus in commentario ejusdem canonis ita concludens: Quomodo qui Judices Ecclesiasticos eligit, quos & sermone, & vita inculpato esse judicavit, dicens se inspicienter, & injuste ab iis judicari, & reprehensionem, quamdam hominibus Sacerdotalibus ab ipso judicatis adferre admittatur. Ex quibus sane adparet, unum Gratianum ita depravasse sententiam Africanis canonis, ut contrariam omnino reddiderit, & juri disformem arg. l. 27. §. 2. de recept. arb., & l. 1. cod. eod. tit.**

Jungendi etiam sunt canon 1. cau. 4. qu. 5., & can. 1. cau. 4. qu. 6., uterque enim pertinet ad canonem 7. ejusdem Concilii, sive canonem 19. Concilii Carthagenensis apud Dionysium Exiguum, & in Codice canonum Ecclesiæ Africanæ. Integra canonis verba hæc sunt: *Aurelius Episcopus dixit: Quisquis Episcoporum accusatur, ad Primates Provincie ipsius (jam superius observavi Primatum nomine eos fuisse appellatos in Africa, qui apud nos Archiepiscopi dicuntur) causam deferat*

ferat accusator, nec a communione suspendatur, cui crimen intenditur: Nisi ad causam suam dicendam electorum judicum die statuta literis evocatus (ita habet Dionysius, & codex Africanæ Ecclesiæ: In vulgata editione Concilii hæc verba electorum judicum &c. omissa sunt, quorum vice hæc leguntur: Primatis literis evocatus. Harduinus autem notat legendum esse, Electorum judicum die statuta literis evocatus, & quidem in Codicibus Græcis etiam hoc modo legitur, ut sonet: Eorum, qui ad judicandum electi sunt, literis evocatus) minime occurrerit, hoc est infra spatium mensis, ex ea die, qua cum literas accepisse conspicerit: Quod si aliquas veras necessitatis causas probaverit, quibus cum occurrere non potuisse manifestum sit, causæ dicendæ intra alterum mensem integram habeat facultatem: Verum tamdiu post mensem secundum non communicet, donec purgetur. Si autem ad Concilium universale anniversarium (id consonat constitutionibus Ecclesiæ Africanæ, ex quibus singulis annis Nationale Afro- rum Concilium celebrari mandabatur) occurrere noluerit, ut vel ibi causæ ejus terminetur; ipse in se damnationis sententiam dixisse judicetur, tempore sane, quo non communicat, nec in sua Ecclesia, vel Parochia communices (in vulgatis Concilii exemplaribus legitur: Nec in sua plebe communices; quæ sane verba non abhorrent a pri- tino loquendi more, juxta quem plebium nomine intelligebantur, quas hodie Pa- rochias appellamus, quemadmodum deduci potest ex can. 27. cau. 7, qu. 1.). Accusator autem ejus, si nunquam diebus causæ dicendæ defuerit; a communione non removeatur; si vero aliquando defuerit, subtrahens se, restituito in communione Episcopo, ipse removeatur a communione accusator, ita tamen, ut nec ipsi adimatur facultas causæ peragendæ, si se ad diem occurrere non noluisse, sed non potuisse probaverit. Placuit vero illud, ut cum agere cæperit in Episcoporum judicio, si fuerit accusatoris persona culpabilis, ad argumentum non admittatur, nisi proprias causas, non tamen Ecclesiasticas (Gratianus hic addit: vel criminales, perperam tamen, quemadmodum observa- runt Romani Correctores, cum in omnibus Conciliis exemplaribus desiderarent) asserere voluerit. Cum postremis hæc verbis concordat etiam canon 129. in codi- ce Ecclesiæ Africanæ, ibi: Omnibus, quibus accusatio denegatur, in causis propriis accusandi licentia non neganda. Similia etiam statuta exhibentur in concilio Con- stantinopolitano canone 6., si fides sit auctori codicis, qui appellatur Codex cano- num Ecclesiæ universæ, ibi enim cap. 169. ita legitur: Siquis propriam querelam, idest privatam adversus Episcopum moverit, utpote circumventus, defraudatusve ab eo, aut injuria aliqua ab ipso affectus, in ejusmodi accusationibus nec persona accusatoris, nec religio inquirenda est. Oportet enim omnibus modis Episcopi conscientiam liberam esse, & eum, qui se injuria affectum dicet, cujuscumque religionis fuerit, jus suum consequi.

In eodem Carthagenensi Concilio canone 20. legitur, quod edidit Gratianus in can. 27. cau. 7. qu. 1., & quidem eisdem omnino verbis: Monet tamen Har- duinus postrema verba ita describenda fuisse ex veteri codice MS. *supergradiatur* in Diaconum Collegæ sui; qua sane ratione melius, & clarius Patrum Africanorum sententia exprimitur. Ferrandus Diaconus eundem canonem ita perstrinxit in suo Breviario cap. 24. ut nullus Episcopus plebem alienam usurpet.

In canone 38. ejusdem Concilii legimus duo Gratiani fragmenta, scilicet cano- nem 19. cau. 21. qu. 1., & can. 107. de consecr. dist. 4. hoc ordine dispositos. Illud autem suggerimus mandatum nobis, quod etiam in Capuensi (legendum potius *can. 107. esset Capensi*) plenaria Synodo videtur statutum, non licet fieri rebaptizationes, & de conf.

Tom. I.

A a

recor-

dist. 4.

reordinationes, vel translationes Episcoporum (hic est canon 107. de conf. apud Gratianum). Nam Cresconius Villarhagenſis Episcopus plebe ſua deſectiſſa Tubunienſem inſaſit Eccleſiam, & uſque hodie commonitus, ſecundum quod ſtatutum fuerat, relinquere eam, quam inſaſerat, plebem, contemſit. Adverſum iſtum, quæ pronuntiata fuerant, confirmata quidem audivimus, ſed petimus ſecundum quod nobis mandatum eſt, ut dignemini dare fiduciam, quo jam neceſſitate ipſa eogente liberum ſit Reſtorem Provinciæ ſecundum ſtatura gloriſſimorum Principum adverſus illum adire, ut qui miti admonitioni ſanctitatis veſtræ acquieſcere noluit, & emendare illicitum, auſtoritate judiciaria, protinus excludatur. Aurelius Episcopus dixit: *Servata forma diſciplinæ, non eſtimabitur appetitus, ſi a veſtra eharitate modeſte conventus recedere deſectaverit, &c.*, quæ habentur integra in dict. can. 19., ex iis, quæ nuper deſcripta ſunt in prioribus verbis emendando. Habentur etiam hæc in codice Eccleſiæ Africanæ, & apud Dionyſium cap. 48.

Can. 43. Canon 43. & 44. cau. 11. qu. 1. pertinet ad canonem 9. ejuſdem Concilii, ſive ad canonem 15. Concilii Carthagenſis apud Dionyſium Exiguum, nec non in codice canonum Eccleſiæ Africanæ. Jam Romani Correſtores obſervarunt exemplarium varietatem, in deſcribendo canone 43., & in canone 44. adnotarunt, eum non aliud continere, quam ſummam canonis præcedentis 43. Itaque de canone 44. ego non dubito, illum nihil aliud eſſe, quam ſummam præcedentis capituli; id enim perſpicuum redditur unicuique intuenti vel Concilium Carthagenſe Dionyſii Exigui, vel codicem Eccleſiæ Africanæ; utrobique enim antequam canon 15. deſcribatur, hæc ſummatim præmittuntur, uti moris eſt in aliis etiam capitulis. De diverſis ordinibus Eccleſiæ ſervientibus; ut ſiquis cauſam criminis incurrerit, & abſecerit iudicium Eccleſiaſticum, debeat periclitari &c. Quis hæc non videat eadem verba eſſe, quæ Gratianus retulit in dicto can. 44.? Deinde ſequitur canon. Deinde placuit, ut quiſquis Episcoporum &c. Erant itaque illa Collectoris verba, quibus paucis perſtrinxerat canonem, quem erat ſubſecturus. Ivo Carnotensis Parte 6. cap. 362. præſationem illam cum verbis canonis conjunxit, quaſi uno eodemque contextu delineanda; Gratianus exinde quaſi duos Carthagenſes canones deſcripſit. In canone autem 43. cau. 11. qu. 1. peculiaria etiam nonnulla ſunt adnotanda; licet enim eadem Gratiani verba habeantur integra in canone 9. Concilii Carthagenſis juxta vulgarem editionem, ſi tamen antiquiores Collectores conſulamus, nonnulla ſunt, quæ recentiore manu adjecta dici poſſunt. Ego ut plurimum a Dionyſio Exiguo non recedo, præſertim cum hæc in parte omnino illi conſonet codex canonum Eccleſiæ Africanæ. Itaque apud ipſum ita legitur in can. 15. Item placuit, ut quiſquis Episcoporum, Presbyterorum, & Diaconorum, ſeu Clericorum, cum in Eccleſia al fuerit crimen inſtitutum, vel civilis cauſa fuerit commota; ſi reſta Eccleſiaſtico iudicio, publicis iudiciis purgari voluerit, etiamſi pro ipſo fuerit prolata ſententia, locum ſuum amittat, & hoc in criminali; in civili vero perdat, quod evicit, ſi locum ſuum obtinere maluerit. Quæ ſequuntur apud Gratianum, ibi: Si quidem ad eligendos &c. in hiſce codicibus penitus deſiderantur. Juſtellus in notis ad ſuum codicem Africanum ita de verbis apud Gratianum adjectis ſcribit: Quæ quidem verba in omnibus latinis, graecisque codicibus editis, & MSS., quibus in hac editione uſi ſumus, non habentur, nec in Collectione Dionyſii Exigui Meguntiae edita anno 1525. Duo ſane voluerunt in hoc canone Africani Patres; primum ſcilicet Clericorum levitatem, & procacitatem coercere, qui poſt cauſam in uno iudicio



agitari captam, ad alios Judices confugere adamabant. Alterum ita causas Clericorum sine strepitu componere in Conciliis Ecclesiasticis, ut omnis contentio-num, atque odii inter viros Ecclesiasticos occasio tolleretur.

Canon 1. cau. 12. qu. 3. habetur in can. 49. ejusdem Concilii, & quidem eisdem omnino verbis; item in can. 32. codicis Ecclesiae Africanæ, & Concilii Carthagenensis apud Dionysium Exiguum. Eadem sententia passim recepta est in jure Ecclesiastico, Concilio Agathensi can. 48., Gregorio Magno lib. 9. Epist. 14., Capitularibus Caroli Magni lib. 1. cap. 156., can. 40. vulgo Apostolorum, quibus addi potest Justinianus in Nov. 131. cap. 13., & Codex Theodosianus tit. de bonis Clericorum.

Ad compescendam Clericorum quorundam avaritiam editus est in eodem Concilio Carthagenensi canon 16., qui apud Gratianum est canon 6. cau. 14. qu. 4., ibi scilicet Clericis omnino prohibitum est, ne aliquo prætenu contractu mutui abutantur, & usuras accipiant. Refertur idem canon in Codice Ecclesiae Africanæ, nec non in Concilio Carthagenensi Dionysii Exigui num. 16. his verbis: *Item placuit, ut Clericus si commodaverit pecuniam, pecuniam accipiat; si speciem, quantum dederit accipiat; vel: Si speciem, eandem speciem, quantum dederit, accipiat.*

Non omnia Carthagenensis Concilii exemplaria eisdem verbis exprimunt Gratianum canonem 5. cau. 15. qu. 7. Habetur is in can. 8. Concilii, tum in can. 20. in codice Africano, & apud Dionysium. Vulgata Concilii exemplaria ita habent: *Si autem Presbyteri, vel Diaconi fuerint accusati, adiuncto sibi ex vicinis locis cum proprio Episcopo legitimo numero collegarum (addit hic Dionysius: Quos ab eodem accusati petierint, consonatque in hac parte codex Africanæ Ecclesiae. Alii autem ex Græco textu ita interpretati sunt: Adjuncto legitimo numero electiorum Episcoporum ex propinquis regionibus, quos ii, qui accusantur, petierunt). Iste in Presbyteri nomine quinque, in Diaconi duobus (Dionysius Exiguus, & auctor Africani Codicis habent: idest una secum in Presbyteri numine sex, in Diaconi tres; quibus consonat Græcus textus, quem ita alii Latine ediderunt: Iste in dilatione nominis Presbyteri sex, & Diaconi tribus). Episcopi ipsorum causam discutiant eadem dicunt, & dilationum, & a communione remotionum (sunt qui pro hisce postremis verbis: Et a communione remotionum legunt: Et examinationum) & discussione personarum inter accusatores, & eos, qui accusantur forma servata. Reliquorum autem Clericorum causas etiam solus Episcopus loci agnoscat, & finiat.*

Canon 51. cau. 16. qu. 1. legitur in can. 42. ejusdem Concilii, item in can. 53. apud Dionysium Exiguum, nec non in codice Ecclesiae Africanæ his verbis: *Epigonius Episcopus dixit: Multis Conciliis hoc statutum a catu Sacerdotali est, ut plebes, quæ in Diaconibus ab Episcopis retinentur, quæ Episcopos nunquam habuerunt, numquam voluntate ejus Episcopi, a quo tenentur, proprios accipiant Rectores, idest Episcopos. Et post multa: Universi Episcopi dixerunt: Placet, Placet.*

Canon 13. cau. 20. qu. 1. ad nullum ex Carthagenensibus Conciliis pertinere ullo modo potest, licet a Gratiano laudetur nomine Concilii Carthagenensis 3. Cuiam vero Synodo potius tribuendum sit, jam recte indicarunt Romani correctores, agentes legi illum potius in can. 19. Concilii Agathensis, cujus verba hæc sunt: *Sanctimoniales, quamlibet vita earum, & mores probati sint, ante annum aetatis suæ quadragesimum non videntur.* Ceterum Concilii Carthagenensis 3 esse non posse facile probatur, si vera sunt, quæ in editionibus ejusdem Concilii leguntur in can. 4. relata apud

apud Gratianum in can. 5. dist. 77., & in can. 14. cau. 20. qu. 1.; cum enim ibi apud præscribitur, ne ante annum vigesimumquintum Virgines consecrentur, falso adtribuitur eidem Concilio statutum de virginibus ante annum quadragesimum non velandis, ne forte duo decreta invicem adversumta in eodem Concilio assignamus. Ego suspicor inscriptionem Concilii Carthaginensis 3. dicto canoni 13. adjectam e margine in textum irrepsisse. Etenim in veteribus Gratiani exemplaribus canon 14. cau. 20. qu. 1. referebatur quasi ex Concilio Africano 4., cum tamen in can. 5. dist. 77. eadem verba referrentur ab ipso Gratiano ex Concilio Carthaginensi 3. Forte quidam Gratiani codicis studiosus ad marginem ejusdem canonis 14. cau. 20. qu. 1. adjecit Concilii tertii Carthaginensis nomen, ut se se referret ad dictum canonem 5. dist. 77. Factum deinde fuit, ut marginalis adjectio facta canonis 14. accommodaretur ab imperito quodam Amanuensi canoni 13., unde etiam hodie 13. canon. laudetur nomine Concilii 2. Carthaginensis.

Can. 3. Canon 3. cau. 21. qu. 3. legitur in canone 15. ejusdem, de quo agimus, Cartha-  
genensis Concilii, monet tamen Harduinus ad verbum illud *Procuratores* legendum  
can. 21. esse: *Procuratores privatorum*. Et Labbeus testatur integrum hunc canonem in  
94. 3. quibusdam vetustis libris ita conceptum esse: *Ut Episcopi, Presbyteri, & Diacones non sint*  
*Conduutores, aut Procuratores privatorum, neque ullo negotio tali vitium*  
*querant, quo eos peregrinari, vel ab Ecclesiasticis Officiis avocari necesse sit.* Dionysius  
Exiguus in suo Concilio Carthaginensi, nec non Codex Africanæ Ecclesiæ in cap. 16.  
potius consonant cum Gratiano his verbis: *Item placuit, ut Episcopi, Presbyteri;*  
*& Diaconi non sint Conduutores, aut Procuratores, neque ullo turpi negotio, & inho-*  
*nesto vitium querant, quia respicere debent, scriptum: Nullus militans Deo impieat*  
*se negotiis secularibus.*

Can. 2. Canon 2. cau. 26. qu. 6. legitur quidem eisdem verbis in can. 36. ejusdem Con-  
cilii Carthaginensis. Paulo aliter tamen habetur in Codice canonum Ecclesiæ Afri-  
canæ, nec non in Concilio Carthaginensi Dionysii Exigui his verbis can. 6. *Fortu-*  
*natus Episcopus dixit: In præteritis Conciliis statutum meminimus esse, ut ebrietas,*  
*vel reconciliatio pœnitentium, nec non & puellarum consecratio a Presbyteris non fiat:*  
*Siquis autem emerferit hoc faciens, quid de eo statuendum sit? Aurelius Episcopus dixit.*  
*Audivitis dignatio vestra suggestionem Fratris, & Coepiscopi nostri Fortunati, quid ad*  
*hæc dicitis? Ab universis Episcopis dictum est: Christiæ confessio, & puellarum conse-*  
*cratio a Presbyteris non fiat, vel reconciliare quemquam in publica Missa Presbytero*  
*non licere, hoc omnibus placet.* Forte tamen, ut diximus ad can. 1. cau. 26. qu. 6.,  
hæc Dionysii, atque Africani codicis verba pertinent ad Concilium Carthaginense,  
quod vulgo secundum appellatur.

Can. 14. In codice Ecclesiæ Africanæ, item in Concilio Carthaginensi Dionysii Exigui  
can. 43. ita legimus: *Ut pœnitentibus secundum differentiam peccatorum Episcopi ar-*  
can. 26. *bitrio pœnitentiæ tempora decernantur, ut & Presbyter inconsulto Episcopo non reconci-*  
qu. 6. *liet pœnitentem, nisi absentia Episcopi necessitate cogente. Cujuscunque autem pœniten-*  
can. 5. *tis publicum, & vulgatifimum crimen est, quod universam Ecclesiam commoverit, ante*  
qu. 7. *absidem manus ei imponatur.* Hic canon in vulgatis Concilii tertii Carthaginensis  
exemplaribus divisus est in duos, positos numero 21. & 32., quemadmodum  
etiam apud Gratianum in can. 14. cau. 26. qu. 6., & in can. 5. cau. 26. qu. 7.  
Verba illa ante absidem ita interpretatur Zonaras: *Illud namque ante absidem, idem,*  
*ac ante porticum significat; illum videlicet locum, in quo erat Flentium statio ante*  
*Eccle-*

Ecclesiam in foribus, five in atrio, ne statim admitterentur sic pœnitentes ad ultiores pœnitentium gradus simul cum aliis, qui non adeo graviter in Ecclesiæ conspectu deliquerant.

Etiam post Romanam correctionem ex Concilio Africano cap. 8. laudatur canon Can. 49.  
49. de conf. dist. 1. Legitur ille in cap. 29. Concilii, de quo agimus, Carthagi- de conf.  
nensis, & quidem fere eisdem verbis, etenim apud Gratianum ubi legitur, *five dist. 1.*  
*Episcoporum, five ceterorum* in vulgatis Concilii exemplaribus legitur: *Sive Episcopo-*

*rum, five Clericorum, five ceterorum &c.* In reliquis omnino consonant. Monet tamen Harduinus in MSS. quibusdam codicibus desiderari illa verba; quo *Cæna Domini celebratur*. Ego arbitror a Gratianæ editione non esse in hoc loco recedendum, cum prorsus concordet cum Concilio Carthaginensi Dionysii Exigui, & cum codice canonum Africanæ Ecclesiæ cap. 41. Sane jam viguit in Ecclesia antiquissima consuetudo, ut Sacramentum Altaris nonnisi abs jejuniis susciperetur, quemadmodum perspicue deduci potest ex Epistola S. Johannis Chrysostomi ad Cyriacum Episcopum. Sed peculiaris fuisse deducitur Africanæ Ecclesiæ consuetudo, ut aliud in Cæna Domini fervaretur. Adfero huc verba Concilii Trullani in cap. 29. ibi: *Carthaginensis Synodi canon dicit, ut sancta Altaris nonnisi a jejunis hominibus peragantur, excepto uno die in anno, in quo Cæna Domini peragitur; tum fortasse propter aliquas in iis locis occasiones Ecclesiæ utiles Patribus hac dispensatione usis.* Cum nihil ergo nos inducat, ut accuratam diligentiam relinquamus, apostolicas, ac paternas traditiones sequentes, statuimus, non oportere in quadragesima postrema septimana quinta feria jejunium solvere, & totam quadragesimam injuria aspicere. Quod autem subditur in Carthaginensi canone de commendationibus defunctorum, ad sepulturas pertinet, quæ cum vespere fieri solerent, quidam putabant ea occasione religionis, religiosæque pietatis favore posse tum sacra celebrari etiam a non jejunis, quod tamen Carthaginenses Patres reprobarunt, sancientes tum defunctos solis orationibus Deo a fidelibus commendari.

Canon 5. de conf. dist. 2. in canonibus ejusdem Concilii Carthaginensis legitur Can. 5.  
num. 24., eisdem omnino verbis, quæ habentur apud Gratianum. Monet tamen de conf.  
Labbeus in vetustis codicibus ita haberi. *Ut in Sacramentis Corporis, & Sanguinis Domini nihil amplius offeratur, quam ipse Dominus tradidit, hoc est panis, & vinum aquæ mixtum. Primitiæ vero, seu mel, & lac, quod uno die solemnissimo pro infantis mysterio solet offerri, quamvis in Altari offeratur, suam tamen habet propriam benedictionem, ut a Sacramento Dominici Corporis, aut Sanguinis distinguantur, nec amplius de primitiis offeratur, quam de uvis, & frumentis.* Eadem fere verba habentur tum apud Dionysium Exiguum in Concilio Carthaginensi, tum in codice Ecclesiæ Africanæ can. 37., exceptis tantummodo illis verbis; *uno die solemnissimo pro infantis mysterio*, alii autem ex Græco textu ita explicarunt; *uno die consueto ad infantum mysterium.* Quæ verba considerans Zonaras ait: *Illud vero ad infantum mysterium, quidam sic intelligunt, ut ea parvulis sacrorum mysteriorum loco præbeantur, quod ego quidem haud probaverim. Alii vero quasi lac primitiarum nomine propter infantes, quippe qui solo lacte alantur, offerri solitum fuerit.* Ego sane exilimaverim hæc canonici maximam lucem attulisse Labbeum in sua adjectione ex vetustis codicibus deprompta, ubi asseruit legi hæc verba; *uno die solemnissimo pro infantis mysterio*: Designatur enim hoc in loco, consuevisse olim lac & mel unico die solemnissimo in Ecclesia offerri, videlicet die natiuitatis Dominicæ, cujus festiuitas jure

jure appellari poterat *infantis mysterium*; atque hæc oblationum species apta maxime erat ad significanda Pastorum munera, quæ Domino servatori recens nato oblata fuerunt. Quidquid sit de hujusmodi, ceteroquin plana, & accommodata interpretatione, exhibetur hoc in fragmento vetus illa disciplina, qua receptum erat, ne aliud in Altari sacrorum tempore offerretur, quam uva, & frumentum, utpote quæ sola cum Sacrificio convenire quodammodo possunt; & quidem de hac oblatione juxta veteres ritus plura adnotant viri eruditi ad interpretationem canonis 3., & 4. inter eos, qui Apostolici nancupantur.

Can. 96.  
de conf.  
dist. 2.

De canone 96. de conf. dist. 2. vix est, quod peculiariter dicamus. Habetur eisdem omnino verbis in canone 35. ejusdem Concilii Carthaginensis. Videtur autem depromimus ex Fulgentio Ferrando, in cujus breviario num. 170. ex Concilio Carthaginensi tit. 42. referuntur hæc verba: *Ut Scenicis, atque histriionibus reconciliatio non negetur*. Ceterum in canone 63. Concilii Carthaginensis apud Dionysium Exiguum, & in Codice canonum Africanæ Ecclesiæ nonnulla leguntur, quæ plurimum ad hanc eandem rem faciunt his verbis: *Eis de his etiam petendum, ut si quis ex qualibet ludrica arte ad Christianitatis gratiam venire voluerit, ac liber ab illa macula permanere: non eum liceat a quoviam iterum ad eandem exercenda reduci, vel cogi*. Clarius etiam id habetur in can. 45. rursus apud Dionysium Exiguum, &

Can. 75.  
de conf.  
dist. 4.

in Codice Africano, his tamen verbis, ex quibus his conjungendus est can. 75. de conf. dist. 4. *Ut ægrotantes, qui pro se respondere non possunt, cum voluntatis eorum testimonium sui periculo proprio dixerint, baptizentur. Ut scenicis, atque histriionibus, ceterisque hujusmodi personis, vel apostolicis conversis, vel reversis ad Deum, gratia, vel reconciliatio non negetur*. Dicitur autem canon 75. habetur in can. 34. ejusdem Concilii Carthaginensis, cujus varietatem jam Romani Correctores adnotarunt. Labbeana editio ita exhibet: *Ut ægrotantes, si per se respondere non possunt, cum voluntatis eorum testimonium hi, qui sui sunt, periculo proprio dixerint, baptizentur*. Alii ex Græco textu ita sententiam Concilii explicaverunt. *Ut qui sunt infirmi, & pro se respondere non possunt, tunc baptizentur, quando voluntate sua de se proprio periculo dixerint*. Posteriora illa canonis Gratiani verba: *Similiter & de penitentibus agendum est*, cum in nullo alio Codice reperiantur, facile est suspicari, a Gratiano edita fuisse, qui ea, quæ de baptismo constituta sunt, ad penitentiarum Sacramentum produxit.

## De Canonibus Concilii Carthaginensis, quod quartum dicitur apud Gratianum.

Quod apud Gratianum appellatur Concilium Carthaginense quartum, fuit illud universale totius Africae, ad quod convenisse perhibetur sub Aurelio Carthaginensi Episcopi numero 214., inter quos & S. Augustinus Hipponensis Episcopus subscripsit. Incidit autem in consulatum Honorii, & Euthichiani, qui concurrit cum anno 398., regente Romanam Ecclesiam Anastasio. In vulgatis Conciliorum editionibus centum & quatuor huic Concilio canones tribuuntur, atque exhibentur; eorundem tamen nemo ex antiquis Scriptoribus meminit; Non Fulgentius Ferrandus in sua breviatione canonum, non Dionysius Exiguus; imo nec in ipso Afri-

canæ

canæ Ecclesiæ Codice aliquid reperitur, quod ex hoc Concilio depromptum videri possit. In tanto veterum silentio gravis mihi suspicio suboritur, acta hujus Concilii apocrypha esse, nomine saltem, item præfatione, & subscriptionibus Episcoporum, in quibus Aurelii Carthagenensis, aliorumque Africanorum Antistitum nomina reperiuntur. Primus, qui canones ibi descriptos nomine Concilii Carthagenensis laudavit fuit Egbertus Eboracensis Episcopus, qui vivebat circa annum 740., deinde Regino, Burchardus, Anselmus Lucensis, Ivo, & Gratianus laudaverunt. Quis porro verosimile esse posse arbitretur Concilium istud, ceteroquin, ut ajunt, universale totius Africæ, vetustissimos latuisse Collectores, ipsum etiam Ferrandum, nec fuisse in Codice Africanæ Ecclesiæ insertum? Augent suspicionem meam quædam observationes, quæ ex veteribus MSS., in quibus hujus Concilii acta reperiuntur, depromi facile possunt. Etenim antiqui diversis nominibus inscripserunt eos canones, & acta, qui huic Carthagenensi Concilio hodie tribuuntur. Alicubi appellantur: *Statuta Ecclesiæ antiqua*. Ita in MS. Codice Corbejensi, & in alio Bibliothecæ Parisiensis Collegii Societatis Jesu; in quibus MSS. etiam desideratur præfatio, in qua Aurelii Carthagenensis nomen habetur. Alii, ut in MS. Barberiniano, quemadmodum notatur in editione Labbeana, hæc est inscriptio: *Statuta Orientis antiqua*; cui inscriptioni etiam consonat Atto Vercellensis Episcopus (vivebat est circa annum 945., ejusque opuscula habentur in Spicilegio Dacheriano), quippe apud ipsum appellatur: *Statuta Orientalium* in epit. 8. Qui autem fieri potest, ut Orientali Ecclesiæ tribuerentur, quæ in Africana Ecclesia erant constituta? Addo his reperiri quædam in hisce actis ac canonibus, quæ posteriori potius ætati conveniunt; etenim in can. 1. leguntur quædam fidei formulæ, quæ ad damnamendam Euthychetis hæresim postea exortam plurimum faciunt; ac proinde perspicue innuunt, illud fragmentum Concilio Carthagenensi anni 398. tribui nullatenus posse. Præterea in eodem can. 1. hoc ab Episcopo inquirendum decernitur: *Si in baptismo omnia peccata, idest tam illud originale contractum, quam illa, quæ voluntarie admissa sunt, dimittantur? Quæ sine præsupponere videntur jam exortam hæresim Pelagianam; ac vero Pelagius nonnisi anno 412. legitur damnatus, aut in Africam venisse, nisi post annum 411.* Quibus omnibus addi potest formulæ in hoc Concilio expressas non convenire ullo modo cum illis, quæ in aliis ejus temporis Africanis Conciliis conspiciuntur: Nec enim Episcoporum identidem interrogantium, consulentium, ac demum definitientium verba inter canonum statuta occurrunt, quemadmodum in cæteris. Demum si canones hujus Concilii omnes confiderentur, libellus potius videtur ad ceremonias quasdam Sacramentales confectus; quam Synodales definitiones, quæ olim ut plurimum ardua disciplinæ capita, proinde res incidebat, constituta continebant. Hæc omnia simul juncta, atque ad rectam rationem exacta, si non prorsus apocrypha docebant hujus Concilii acta, saltem vero maxime suspecta faciunt, ut de eorundem auctoritate, aut origine facile dubitare quispiam possit. Ceterum adeo ego non audeo, ut canones, quales in ea Synodo describuntur, penitus respuam, ac illos veneratione aliqua dignos minime censeam. Sunt enim illi veteri canonum disciplinæ maxime accommodati, ac plurimum veteri juri Ecclesiastico observando studiosis inserviunt. Si ergo Africanis Patribus, aut quatto sæculo tribui neutiquam possunt, forte alterius erunt Concilii, alterius quispiam Ecclesiæ, atque etiam sexti, septimive sæculi monumenta.

- Est hoc meum generatim de canonibus huiusmodi iudicium, unde liquet, quoniam penes me sit de Gratianis exinde perceptis fragmentis generalis opinio. Nunc ad singula venio; atque in primis agnosco Gratianum canonem 9. dist. 18. haberi in canone 21. huius Concilii his verbis: *Ut Episcopus ad Synodum ire, non finisatis gravi necessitate inbibetur* (duas illas voculas non sine monet Harduinus in veteribus MSS. desiderari), sic tamen, ut in sua persona legatum mittat, suscepturus, salva fidei veritate, quidquid Synodus statuerit. Integra hæc verba descripsi, ut agnoscat varietas Codicum, & præsertim Gratianæ editionis, a qua tamen hæc in parte recedendum non esse censerem.
- Can. 2. dist. 23. legitur in can. 1. huius Concilii Carthaginensis, legitur præterea in libro Romani Ordinis cum hac inscriptione: *Ex Ecclesiasticis statutis*; quod magis, magisque probat apud veteres hosce canones non consuevisse nomine aliquis Concilii Carthaginensis laudari. Ubi de Romano Ordine peculiari capitulum agam, nonnulla præcipue de hoc canone attingam. Hoc in loco adnotasse sufficiat, postrema huius canonis verba cum vulgatis Concilii editionibus consonare; veterum apud Regionem lib. 1. de Eccles. disciplinis cap. ult., Burchardum lib. 1. cap. 8., & Ivonem part. 5. cap. 62. compendio quodam fuisse pertricta ibi: *Cum in his omnibus examinatus pleniter instructus repertus fuerit, tunc ordinetur*.
- Can. 7. dist. 23. Post canonem nuper memoratum sequitur num. 2. can. 7. dist. 23., ubi eadem etiam verba leguntur, excepta voce illa *fundendo*, in cuius vicem habetur in vulgatis exemplaribus Concilii: *fundentes*.
- Can. 8. dist. 23. In canone 3. ipsius Concilii sequitur can. 8. dist. 23., cuius verba omnino congruunt cum verbis Concilii usque ad §. *Sicut autem*, qui sane §. meo iudicio a Gratiano, aut ab alio quovis Collectore videtur adiectus, præsertim cum etiam omisissus fuerit ab Ivone, qui idem fragmentum retulerat in part. 6. decreti cap. 12. Hæc autem Gratiani, aut alterius cuiuscunque adiectio non est ab Ecclesiastica disciplina vetere aliena, cum olim juberentur Sacerdotes cum orario, quoad fieri posset, incedere. Sic apud Regionem lib. 1. de Eccles. discipl. in principio inquirendum a Presbyteris proponitur: *Si sine stola, vel orario in itinere incendant*. Et in lib. 1. cap. 333. ex Concilio Triburiensi hæc leguntur: *ut Presbyteri non vadant, nisi stola, vel orario induti*. De orario jam alibi superius sermonem habui.
- Can. 11. dist. 23. Sequuntur in eodem Concilio canone 4., 5., 6., 7., 8., 9., & 10. canones 11., 15., 16., 17., 18., 19., & 20., dist. 23., & quidem omnes cum vulgatis Concilii exemplaribus omnino congruunt. Duo tantummodo observatione in ipsis digna sunt. Primum est in dicto can. 15. dist. 23. in illis verbis: *cum aqua, manile, & manutergium*; etenim vulgata Concilio editio ita habet: *urceolum cum aqua, & manile, & manutergium*. Alii autem legere malunt: *urceolum cum aquimanile, & manutergium*; quæ postrema lectio conformior videtur veteri phrasi loquutionis Romanæ; siquidem in usu olim erant aquimanilia, quorum mentio habetur in l. 3. princ. & §. 3. ff. de suppellect. leg., item in l. 19. §. 12., & l. 21. §. 2. de auro, & arg. leg. Erant aquimanilia ita dicta, quod aqua in eis maneret, & ex illis effunderetur in pelvis, vel quod apud antiquos ante cibum in usu essent, dum manus aqua perfunderent. Hinc in memoratis iureconsultorum fragmentis aquimanilia inter species argenti escatæ relata sunt, nulla alia sane de causa, nisi quod cænaruris porrigerentur. Itaque exinde colligitur aquimanile apud Ecclesiasticos viros olim appellatum fuisse vas illud, in quo aqua continebatur parata ad abluc-

abluendas Sacerdotum manus, cum illi ad sacram Mensam accederent. Alterum quod dignum observatione videtur, pertinet ad dictum canonem 17. dist. 23., ubi traditur formula, qua Episcopus exorcizatus ordinem confert. Etenim postrema illa verba *super energumenum, sive baptizatum, sive catechumenum*, non in omnibus codicibus eadem leguntur. In Labbeana editione Concilii adnotatur, in aliquibus ita legi: *super energumenum, sive baptizandum*, verba autem illa, *sive catechumenum* desiderari. Si hæc lectio prævalere deberet, contra quam receptum sit post Gratiani Codicem, facile recipi posset, potissimum exorcizatarum potestatem in eo olim fuisse sitam, ut energumenis, idest baptizandis, sive (quod idem & unum est) Catechumenis adessent, variisque orationibus, & exorcismis eisdem præpararent, quemadmodum etiam hodie fieri solet inter ipsos ritus & ceremonias baptismales juxta Rituale Romanum.

Can. 29. dist. 23. habetur in cap. 98. & 99. ejusdem Concilii, ubi tamen pro illis verbis, *nisi ipsis rogantibus*, ita legitur: *nisi ipsi jubentibus*. Regino in Appendice 1. can. 19. refert primam hujus canonis partem ex Concilio Aurelianiensi 5., ubi tamen nihil tale reperitur, si fides esse debet vulgatis ejusdem Concilii editionibus.

Verba canonis 33. dist. 23. jam Regino Prumiensis sub nomine Concilii Carthagenensis descripserat in cap. 153. lib. 2. de Eccles. discipl. Burchardus, & Ivo eadem retulerunt, sed sub nomine Concilii apud Valentias cap. 101. Gratianus contentus fuit verba eadem recitare, nullum tamen auctorem ipse laudavit, forte quod noller Ivoni potius, & Burchardo, quam Reginoni, vel e converso morem gerere. Demochares & Contius in editionibus Gratiani ad marginem adnotarunt hunc canonem haberi in can. 13. Concilii IV. Carthagenensis. Hanc notam Romani Correctores e margine in textum transtulerunt. Revera eadem ipsa verba habentur in cap. 13. ejusdem Concilii Carthagenensis.

Cum vulgatis ejusdem Concilii exemplaribus can. 22. consonat canon 6. dist. 24. Animadvertit Harduinus in MSS. veteribus ita legi: *Episcopus consilio Clericorum suorum Clericos ordinet, ita ut civium conviventiam, & testimonium quærat*. Hæc sane disciplina generatim apud Episcopos omnes servata fuit; sed quoniam de Conciliis Carthagenensibus agimus, Sanctissimum Africanum Episcopum laudabo, Cyprianum videlicet, qui in Epist. 5. ad Presbyteros, & Diaconos suos ita scribit: *Ad id vero, quod scripserunt mihi Compresbyteri nostri Donatus, & Fortunatus, Novatus, & Gordius, solus rescribere nihil potui, quando a primordio Episcopatus mei statuerim nihil sine consilio vestro, & sine consensu plebis meæ privatim sententia gerere*. Et rursus ibidem: *Quamquam causa compelleret, ut ipse ad vos properare, & venire deberem, primo cupiditate, & desiderio vestri, quæ res in votis meis summa est, tum deinde ut ea, quæ circa Ecclesiæ gubernaculum utilitas communis exposcit tractare simul, & plurimorum consilio limare possemus &c.*

Can. 1. dist. 37. legitur quidem in cap. 16. hujus Concilii; verum utrum apud veteres Patres, præferunt Africanos usu receptus fuerit, maxime dubitaverim. Prohibentur ibidem Episcopi legere Gentilium libros, hæreticorum autem Codices legere jubentur *pro necessitate, & tempore*, vel, ut alii legunt, *pro necessitate temporis*. Verum vel nomine gentilium librorum ii intelliguntur, in quibus de superstitionibus, atque Idolorum cultu ex proposito tractatur, vel ii, qui nihil tale continent, sed vel quid factum fuerit per historiam docent, vel bonarum artium

Tom. I.

B b

cul-

cultoribus profunt: Si de libris primi generis agatur, non video, cur ab ipsis Episcopo abstinendum foret, cum tamen præcipuum munus Episcopi esset: ita studere, ut prædicatione sua gentes potissimum ad Christi fidem adduceret? Quomodo autem adduceret, nisi gentium superstitiones oratione, ac disputatione refutaret? Quomodo tandem refutaret, nisi plenam earundem notitiam habuisset, quam non nisi ex Ethnicorum eorundem libris haurire potuisset? Saltem vero cur non iubetur Episcopi æque Gentilium, atque hæreticorum libros legere *pro necessitate, aut tempore*, cum eadem tum fuerit Ethnicorum, atque Gentilium oppugnandorum ratio? Si vero alterius generis libros intelligimus, opponitur statim Cypriani, & Augustini exemplum, qui fuisse potissima Africanæ Ecclesiæ lumina, Cyprianum memoro in primis, quem latinæ linguæ peritissimum fuisse scimus, ejusque studiosissimum, cujus tamen linguæ elegantiam, integritatemque in foliis Gentilium libris adfervatam vel illi agnoverunt, qui prima ipsius elementa addiscere potuerunt. Augustinum deinde, cujus opera si legerimus, aureos præsertim libros de *Civitate Dei*, innumera in illis agnoscemus ex Gentilium libris deprompta. Neque vero suspicandum, Augustinum aut contra suæ Ecclesiæ canones voluisse delinquere, aut, quod pejus esset, de delicto suo gloriam quærere, referendo in suos Codices librorum illorum fragmenta, a quorum lectione iussus fuerat penitus abstinere. Qui plura ad hanc rem desiderat, videat Cotelierum in Tom. 2. Patrum I. sæculi pag. 127.

Can. 7. dist. 41. Can. 7. dist. 41. legitur eisdem verbis in canone 14. & 15. ejusdem Concilii, dummodo pro voce illa Gratianæ *hospitium* legatur *hospitulum*. Ex quibus constat,

Can. 8. dist. 41. Can. 8. dist. 41. qua mediocritate Episcopi veteres in re præsertim familiari usi fuerint; atque ad hoc ipsum pertinere can. 8. dist. 41., cujus verba leguntur in eadem Synodo cap. 43.

Can. 3. dist. 46. Can. 3. dist. 46. omnino consonat cum canone 56. ejusdem Concilii.

Can. 4. dist. 46. Quæ in can. 4. dist. 46. leguntur, licet consonent cum can. 56. ipsius Concilii, plurimum tamen videntur cum Ecclesiastica vetere disciplina pugnare, si generaliter sumantur, non prout jacent apud Gratianum, sed prout ab aliis Conciliorum Collectoribus, & in ipsius integris Concilii exemplaribus referuntur, ibi: *Ut Episcopus accusatores fratrum excommunicet. Etsi emendaverint vitium, recipiat eos ad communionem, non ad Clerum*. Agitur itaque hoc in loco de Clericis, qui Clericos accusaturi sunt: At quis dixerit accusationes Clericorum Clericis eisdem apud veteres fuisse interdictas? cum cæteroqui nemo ignoret in Conciliis, præsertim Provincialibus passim receptas esse, atque admissas Clericorum adversus Clericos accusationes. Anne forte apud veteres danda erat Clericis delinquendi impune licentia? Non ita infedit Africanis Patribus in canone 8. Codicis Africanæ Ecclesiæ, ut cætera omittam, ibi enim ita legimus: *Aurelius Episcopus dixit: Placet igitur cbaritati vestræ, ut is, qui aliquibus sceleribus irretitus est, vocem adversus majorem natu non habeat accusandi. Ab universis Episcopis dictum est. Si criminofus est, non admittatur, placet*. Ab accusando itaque tum demum removendus erat quispiam, quoties & ipse, qui accusaturus esset, crimini fuisset obnoxius; ac propterea generalis esse non poterat disciplina, ut quilibet Clericus alterum Clericum accusare non posset, nisi dicamus apud Africanos, Clericos omnes fuisse sceleribus irretitos. Agnovit hanc difficultatem Gratianus, aut quisquis alius, qui propterea hunc canonem non descripsit, qualis in aliis Exemplaribus Concilii legitur, sed e re esse putavit, si illa verba adjiceret: *qui non probanda fratribus obficiunt*. Sed hic rursus ego maxime dubitaverim, utrum recepta apud veteres generalis hæc regula fuerit,



ut excommunicarentur accusatores illi ex Clericis, nunquam etiam in Clerum recipiendi. qui crimina manifestis argumentis probare non potuissent, de quibus Clericos accusavissent.

Cum canonibus ejusdem Concilii 54., 57., 60., & 67., consonant canones 5., 6., 7., & 8. dist. 46.; observandum tamen est in dicto can. 6. dist. 46. verbum *illud censemus* a Gratiano, vel ab alio quovis Collesore adjectum fuisse, cum non legatur in vulgatis Concilii exemplaribus. Notandum præterea memoratum canonem 5. dist. 46. laudatum fuisse nomine Carthagenensis Concilii in penitentiali Romano edito ab Antonio Augustino tit. 4. cap. 14., de quo suo loco sermonem instituiam, ubi de penitentialibus agendum erit. In eodem autem penitentiali pro illis verbis, quæ sunt apud Gratianum: *maxime in Sacerdotibus*, leguntur hæc alia: *maxime a Sacerdotibus*.

De canone 55. dist. 50. nihil est, quod specialiter hoc loco subjiciam. Habetur ille in canone 68., & 69. ejusdem Concilii. Romani autem Corredores jam observant, quæ in aliis Codicibus est, verborum differentiam.

Omnino consonant cum can. 102. & 103. ejusdem Concilii canones 33. & 34. dist. 81.

Quam alienus debeat esse Episcopus a negotiis sæcularibus, ne forte illorum occasione a curis Ecclesiasticis abtrahatur, apertissime docent canones 5., 6., & 7. dist. 88., quorum verba in omnibus exhibent canones 17. 18., & 20. memoratæ Synodi Carthagenensis.

In eodem Concilio can. 39. statuitur, ad Episcopos pertinere dissidentes Clericos ad concordiam trahere, quam sententiam Gratianus retulit in can. 1. dist. 90., aliquæ tamen Concilii editiones pro illis verbis *per audientiam* habent: *per audaciam*, existimaverim ego legendum potius, *propter audaciam*.

Ex canone 93., & 94. hujus Concilii Carthagenensis descriptus est can. 2. dist. 90., quo etiam pertinet can. 8. eadem dist. 90., ubi Gratianus eadem repetit, forte immemor eorum, quæ tum pridem adduxerat. Hæc eadem ex Concilio Carthagenensi laudaverat Regino in lib. 2. cap. 375., habenturque etiam apud Halitgarium in lib. 4. cap. 31. Similia præterea idem Regino adtulit in lib. 1. cap. 61. ex Concilio Nannetensi, ubi postquam statutum est, dissidentes fideles, qui nolunt reconciliari, ab Ecclesia ejiciendos esse, ita statim subjicitur: *Non enim possumus munus, vel oblationem ad Altare offerre, donec prius Fratri reconciliemur*. Peret forte quispiam, quid significant voces illæ sacrarii, & gazophilacii, & quænam sint inter utramque discrimina. Quod ut dignoscatur, observandum est, olim a fidelibus consuevisse in Ecclesiam oblationes adferri, præsertim vero panem, & vinum causa consecrationis, aut etiam alias res per Sacerdotem dein benedicendas, ut populo distribuerentur in signum Ecclesiasticæ communionis. Unæque res oblata primum in gazophilacio reponeretur ab ipsismet offerentibus, sive in corbona, quemadmodum appellant alii. Deinde a gazophilacio, sive corbona extractæ res a Sacerdotibus in duas partes dividebantur, quarum una Clericis cedebat ad alimoniam, altera vero consecrationi, vel benedictioni destinata, quæ videlicet niti-dior esset, & aptior, in sacrarium deferrebat; a quo deinde extracta opportuno tempore in Altari benedicenda, aut consecranda collocaretur.

Canon 6. dist. 90. consonat omnino cum canone 25. ejusdem Concilii in vulgatis editionibus. Non ita autem consonat cum can. 26. canon 7. ejusdem dist. 90.,

niūdius enim, & melius exhibent vulgatæ editiones: *Statuendum* (legunt alii: *fluendum*) est Episcopus, ut dissidentes Fratres, sive Clericos, sive Laicos ad pacem magis, quam ad iudicium cohortentur.

Can. 3. Quod Gratianus retulit in can. 3. dist. 91. habetur in can. 49., & 52. dist. 91.

Concilii ejusdem. Regino partem ejusdem canonis jam nomine Concilii Carthaginensis retulerat in cap. 181. lib. 1.: Qualis sit in diversis Codicibus verborum varietas jam observarunt Romani Correctores. Ego sane hujusmodi sententias nūspiam auderem Africanis Episcopis adtribuere, sed potius tyroni cuiuspiam Latinæ locutionis, Latinam linguam ad sui profectum exercenti. Quis enim credat Africanos Patres, qui maxime pollebant elegantia sermonis, ita loqui: *Clericus, qui absque corpuseuli sui inæqualitate vigiliis deest, stipendio privetur?* Num apud Afros Clericorum corpora tenuiora erant, aut delicatiora? Deinde maxime improprium est, infirmitatem corporis appellare *corporis inæqualitatem*. Minus etiam aptum mihi videtur, quod in eodem canone dicitur Clericos ad agriculturam adigendos esse vidus, vestimentique parandi causa, cum nullibi apud veteres, aut in monumentis certis Ecclesiasticæ disciplinæ quidpiam tale legatur. Quod vero etiam probat, memoratum hunc canonem Concilio huic tribui non posse, illud est, quod in aliis ejusdem Concilii Canonibus idipsum repetatur. Sic in can. 51. legitur: *Clericus quantumlibet verbo Dei eruditus, artificio vitium quærat; & in can. 53. Omnes Clerici, qui ad operandum validiores sunt, & artificiola, & literas discant.* Nulla sane hic mentio occurrit de agricultura, sed potius de artificio, quod sane tale esse debuerat, ut Clericum a rebus divinis non distraheret. Retulit hos canones

Can. 4. Gratianus in can. 4. dist. 91., quibus etiam addidit can. 48. & 50. ejusdem Concilii, ut ajunt, Carthaginensis. In can. 48. ita legitur: *Clericus, qui non pro emendo aliquid in mundanis, vel in foro deambulat, ab officio suo degradetur.* Et in can. 50. *Clericum inter tentationes ab officio suo declinantem, vel negligentius agentem ab officio suo removendum.* Hæc verba videtur omnino depravasse Gratianus, aut quisquis alius Gratiano auctor extitit; quod & Romani Correctores observaverunt, referentes interea canonem 42. ejusdem Concilii ita conceptum: *Clericum inter tentationes officio suo incubantem gradibus subsumendum; quæ verba collata cum canone 50. memorato manifeste demonstrant canonem, prout jacet apud Gratianum, perperam fuisse descriptum, atque propterea ex aliis Concilii exemplaribus emendandum.*

Can. 4. Canon 4. dist. 95. habetur in cap. 36. ejusdem Concilii, ubi tamen desiderantur verba illa *omni anno*. Putat autem Vir Eruditus, pro illis verbis apud Gratianum legendum esse *omnino*. Quando vero in hoc canone decernitur, Presbyteros rurales, sive Parochos a suis Episcopis debere chrisma petere vel per se, vel *per illum, qui sacrarium tenet*, intelligimus facile peti posse per eum, cui cura sacrarii est commissa, sive ille Diaconus sit, sive Subdiaconus, quemadmodum statutum legimus in lib. 7. capitular. cap. 310. ibi: *Nos aliis tradendum (chrisma), nisi solummodo Presbyteris, vel Diaconis, aut Subdiaconis bene fidelibus. Indignum est enim, ut alii illud suscipiant, nisi illi, qui hoc in tradendo usuri sunt.* Posterius tempore exolevit hæc disciplina, non solum enim aliquando ad petendum chrisma Clerici minores mitti solent, verum etiam Laici, quam tamen consuetudinem quidam recentioris ætatis Episcopi improbarunt, quemadmodum videri potest apud Concilium Diocesenum Raymundi Episcopi Helenensis anni 1380.

Quanto apud veteres Episcopos in honore fuerint, atque esse debuerint Presbyteri, manifeste probant canon 9., & 10., dist. 95., ex ejusdem Concilii canonibus 34., & 35. decepti. Quod autem ibi dicitur, etiam S. Hieronymi auctoritate confirmatur, qui in Epist. 58. ad Evagrium ita scribit: *Ceterum etiam in Ecclesia Romæ Presbyteri sedent, & stant Diaconi, liceat paulatim increbescentibus viris inter Presbyteris absente Episcopo sedere Diaconum viderim.*

Can. 9.  
& 10.  
dist. 95.

Nomine Carthagenensis IV. Concilii cap. 7. laudatur a Gratiano can. 32. cau. 2. qu. 6., sed frustra in Africanis Codicibus, aut Conciliis quaeritur. Arbitror Gratianum, qui unus, quoad noverim, hoc fragmentum retulit, aut quemvis alium, qui Gratiano auctor extiterit, inflexisse ad propositum suum nonnullos canones Africanis Codicis, praesertim vero canonem 104., in quo hæc habentur. *Placuit, ut quicumque ab Imperatore cognitionem judiciorum publicorum petierit, honore proprio privetur: Si autem Episcopale judicium ab Imperatore postularis, nihil obstat.* Et in can. 15. statuitur Clericum a proprio loco cadere, quoties ad publica judicia venire voluerit, non potius suam causam arbitrio Episcopi sine contentione, & fori strepitu definiri. Forte itaque Gratianus putavit sententiam Concilii Africani de Clericis concessam, quæ secularibus judiciis contentionis causa abstinere jubetur, protrahi posse ad Catholicos omnes, quasi & ipsi prohibeantur causas suas definendas subicere alterius fidei, & religionis judicibus. Ad hanc sane rem nullus huc usque proditus est canon, nec adeo facile Collectores aliqui debent certam jurisprudentiam nonnullis in casibus definitam ad diversos casus similitudinis casumscumque prætextu extendere, ne forte hac ratione novas leges, novaque privilegia effingendi occasio singulis præbeatur.

Can. 32.  
can. 2.  
qu. 6.

In eadem Carthagenensi Synodo, quæ quarta dicitur in cap. 19. legitur can. 1. cau. 6. qu. 2. qui sane, si Carthagenensibus priorum temporum Patribus tribuendus est, referendus est ad illam probatissimam disciplinam, qua in Conciliis Provincialibus accusationes excutiebantur, atque adversus reos Ecclesiasticæ censuræ infligebantur, assignatis unicuique pro rei merito poenitentis gradibus.

Can. 1.  
cau. 6.  
qu. 2.

Canon 37. cau. 7. qu. 1. consonat quidem omnino cum can. 27. ejusdem Concilii; verum occurrunt utrobique minus propriæ vocabulorum significationes, & minus castigata latinitas ita, ut exinde præconcepta suspicio augeatur, hæc scilicet fragmenta tamquam supposititia redargui posse. Quippe verba illa *fiendum poposcerit* vix nono, aut decimo Ecclesiæ sæculo conveniunt. Præterea nec recte dicitur, Episcoporum translationes fieri posse *Decreto Clericorum, & Laicorum*; Etsi enim Episcopi Clericorum Consilio, populi que consensu transferri solerent, nullibi tamen sine Consilio, sive consensu hujusmodi *Decreti* nomine appellatur.

Can. 37.  
cau. 7.  
qu. 1.

Varia paullisper sunt exemplaria in canone 38. cau. 7. qu. 1., qui depromptus est ex eodem Concilio can. 33., etenim in vulgatis Codicibus, pro illis Gratiani verbis: *Si causa visitandi ad Ecclesiam alterius Episcopi venerint*, legitur: *Si causa visitandæ Ecclesiæ ad Ecclesiam alterius venerint*. Utrobique tamen eadem sententia promittit, ut scilicet honor exhibetur Episcopo, quoties ad alium Episcopum vel amicitiz, vel Christianæ unitatis significandæ causa accesserit.

Can. 38.  
can. 7.  
qu. 1.

Canon 19. cau. 11. qu. 3. depromptus est ex can. 73. ejusdem Concilii, ubi tamennon paullo aliter verba referuntur, quæ jam descripserunt ad eundem canonem Correctores Romani.

Can. 19.  
cau. 11  
qu. 3.

Con-

Can. 30. <sup>ed. 11.</sup> <sup>94. 3.</sup> Conformis est veteri disciplinæ canon 30. cau. 11. qu. 3. qui omnino consonat cum can. 66. ejusdem Concilii Carthaginensis, quæcumque tandem sit illius auctoritas. Siquidem sæpiissime veteres constituisse scimus, ut causæ Clericorum post Episcopale iudicium ad Synodum Provinciæ deferrentur, quemadmodum habetur in can. 28. Codicis canonum Ecclesiæ Africanæ, qui idem est cum canon 28. Concilii Carthaginensis Dionysii Exigui.

Can. 35. <sup>ed. 11.</sup> <sup>94. 3.</sup> In eodem Concilio canone 28. legitur canon 35. cau. 11. qu. 3.; inutiliter tamen videtur prodiisse hujusmodi sententia, nec digna prorsus, quæ tamquam generalis agendi regula in Concilio generali totius Africæ proponeretur. Quam enim controversia esse poterat, num injusta damnatio tamquam irrita habenda foret, & idcirco in Synodo retractanda? Mihi sane in celebratissimis hujusmodi Episcoporum conventibus non videtur teri potuisse tempus in explicandis rebus clarissimis, & fere synonymis.

Can. 9. <sup>ed. 13.</sup> <sup>94. 2.</sup> Maxime attendenda est sententia canonis 9. cau. 13. qu. 2., quæ eisdem verbis expressa legitur in Carthaginesi canone 95. Mos erat apud Christianos veteres, ut morientes quidpiam Ecclesiis ultima voluntate relinquerent; hæredes tamen avaritia ducti aliquando voluntati defunctorum morem gerere detrectabant, aut in longius tempus differebant. Monentur hic omnes, ne hac de causâ damnentur, tamquam egentium necatores. Hæc sane verba quid aliud denotant, nisi bona Ecclesiis ultima voluntate donata in egentium usum convertenda prorsus esse, & quidem ex eorundem relinquentium mente? Id porro si verum est, maxima apud Clericos habenda est beneficiorum fructuum, præsertim antiquorum ratio, ne in dispensatione illorum quidpiam adversus piam fundatorum, ut ajunt, voluntatem delinquant.

Can. 1. <sup>ed. 14.</sup> <sup>94. 1.</sup> Canon. 1. cau. 14. qu. 1. his verbis legitur in canone 19. Concilii Carthaginensis: *ut Episcopus pro rebus transitoriis non litiget provocatus*; quæ verba Gratianus pluribus distinctionibus explicare conatur, sed meo iudicio parum appositis. Ait in primis Episcopum litigare non debere, ut lucrum capiet, posse tamen, si de damno vitando contendat. At hæc distinctio ex eisdemmet canonis verbis enervatur, etenim statuitur, ut ne provocatus quidem litiget. Sane qui provocatur, agit semper de damno vitando, non de lucro faciendo; Siquidem qui provocatur, regulariter possidet, qui autem jam possidet, rei jam sibi partæ periculum subit in controversiis. Videtur agnovisse difficultatem Gratianus, qui statim ad aliam distinctionem confugit, ajendo Episcopum non posse quidem de suis, posse tamen de rebus Ecclesiæ litigare. Sed pejor altera hæc distinctio esse videtur; per quam nomine Ecclesiæ Episcopo conceditur, quod suo nomine negatur. Etenim ideo Sacri canones litigia, & controversias omnes ab Episcoporum animis amovere voluerunt, quod per lites sæpiissime nascantur jurgia, & discordiarum semina excitentur, per quæ Christiana charitas, non refrigescit tantummodo, sed prorsus extinguitur. In hac specie, concedendumne videbitur Episcopo in causâ Ecclesiæ Ecclesiasticam ipsam pacem, tranquillitatemque Christianam, & quidem nomine Ecclesiæ ejusdem dirumpere, quod non conceditur in causâ ipsius propria? Mihi ad interpretationem hujus canonis, qualemcumque demum auctoritatem apud eruditos obtineat, potius placet dicere, ibi moneri Episcopos omnes, ut quotiescumque ad iudicium pro re temporali provocati fuerint, non prius ad forenses strepitus accedant, quam cum adversario rem ipsam componere quasi per arbitrium conati fuerint, ut ea ratione omnis controversia dirimatur.

Jam superius tradebam ad can. 6. dist. 24. eam fuisse Ecclesie Africanæ disciplinam, ut Episcopi nihil sine Clericorum suorum Consilio peragerent, quod præfertim ex S. Cypriano demonstrabam. Idipsum exhibet etiam canon 6. cau. 15. qu. 7., qui refertur in can. 23. ejusdem Concilii Carthagenensis; atque cum hoc temperamento arbitror intelligendum esse illud quod dicitur in can. 20. Codicis canonum Ecclesie Africanæ ibi: *Reliquorum autem Clericorum* (illorum videlicet, qui infra Diaconos constituti sunt) *causas etiam solus Episcopus loci agnoscat, & finiat*. Solus, inquam, Episcopus loci, ut non necesse sit advocari alios ex finitimis Diocesibus, quemadmodum statutum paullo antea fuerat in causis Presbyterorum, & Diaconorum, non tamen excludatur consilium Clericorum, qui cum eodem Episcopo in eadem civitate unum quodammodo Ecclesiasticum corpus constituere dicebantur.

Can. 11. cau. 18. qu. 2. legitur eisdem omnino verbis in can. 97. hujus ejusdem Concilii.

In can. 35. cau. 24. qu. 3. exhibentur tres canones Concilii Carthagenensis ejusdem, videlicet 70. 71., & 72. In canone 70. ita habetur: *Clericus hereticorum, & schismaticorum tam convivis, quam sodalitates civitatis equaliter*. In can. 71. *Conventicula hereticorum non Ecclesia, sed conciliabula appellantur*. Et in can. 72. *Cum hereticis nec orandum, nec psallendum*. Hæc quidem omnia si ad Carthagenense ali-quod Concilium revera pertinerent, de Donatistis præsertim intelligenda fore facile unusquisque perciperet, qui eorum schismata tunc temporis Africanam Ecclesiam discidisse apprime novit.

In canone 89. ejusdem Concilii ita legitur: *Auguriis, vel incantationibus servientem a Conventu Ecclesie separandum. Similiter & superstitionibus Judaicis, vel feris inherentem*. Hæc verba paullo aliter retulit Gratianus in can. 11. cau. 26. qu. 5.

Ex canone 76., & 78. Concilii editus est canon 8. cau. 26. qu. 6., ex quo aperte dignoscitur, quilibet habita fuerit poenitentis satisfactoris, ut ajunt, apud veteres ratio; etsi enim instante necessitatis articulo quis absolveretur a culpa, non abibat tamen a poena satisfactionis immunis, quoties supervivisset.

In can. 6. cau. 26. qu. 7. plures Concilii ejusdem canones congeruntur. Dabo ego distinctos canones. In can. 74. hæc leguntur: *Ut Sacerdos poenitentiam imploranti absque personæ acceptione poenitentis leges injungat*. In can. 75. *Ut negligentiores poenitentes tardius recipiantur*. In can. 80. *Omni tempore jejunii manus poenitentibus a Sacerdotibus imponatur*. In can. 81. *Mortuos poenitentes Ecclesie adferant* (legunt alii: *efferaut*), & *sepeliant*. In can. 82. *Poenitentes etiam diebus remissionis genus flectant*. In can. 79. *Poenitentes, qui attente leges poenitentis exequuntur, si casu in itinere, vel in mari mortui fuerint, ubi eis subveniri non possit, memoriarum & oblationibus, & orationibus commendetur*. Consonant hæc cum Gratiano fragmento exceptis illis verbis, *die autem Dominico*, usque ad vocem *Catholicis*, quæ tamen referenda esse ad canonem 64. ejusdem Concilii jamdiu Romanorum Correctorum notæ ipso etiam descripto canone designarunt.

De canone 1. cau. 27. qu. 1. nihil dicendum superest post notas Romanorum Correctorum, qui satis eundem exegerunt ad fidem optimorum Codicum juxta canonem 104. ejusdem Concilii.

De canone 5. cau. 30. qu. 5. nihil est omnino, quod peculiariter hoc in loco subjiciam. Idem ipse est cum can. 33. dist. 23., de quo superius actum est.

Aspera sane videtur sententia canonis 63. de cons. dist. 1., cujus tamen verba, eadem leguntur in can. 24. hujus Concilii. Exhibet sane Africanæ Ecclesie disciplinam

Can. 6.  
can. 15.  
qu. 7.

Can. 11.  
can. 18.  
qu. 2.  
Can. 35.  
cau. 24.  
qu. 3.

Can. 17.  
can. 26.  
qu. 5.

Can. 8.  
can. 26.  
qu. 6.

Can. 6.  
can. 25.  
qu. 7.

Can. 1.  
can. 27.  
qu. 1.

Can. 5.  
can. 30.  
qu. 5.  
Can. 63.  
de cons.  
dist. 1.

*Can. 66. de conf. dist. 1.* planam ad summum jus aliquando efformatam, quod ipsum dicere possumus ad canonem 66. de conf. dist. 1. qui omnino consonat cum canone 88. ipsius Concilii.

*Can. 67. de conf. dist. 1.* Inter Ecclesiasticas ceremonias, præsertim vero Missarum solemnitates, quæ in Ecclesia apud veteres frequentabantur, alia pertinebant ad singulorum, etiam catechumenorum instructionem, utpote in quibus rudimenta fidei tradebantur; alia vero eos tantum spectabant, qui jam baptizati Ecclesiasticæ communionis participes omnino facti fuerant. Hinc est, quod Catechumeni inter medias celebritates extra Ecclesiam dimitterentur, quod dicebatur *Missæ Catechumenorum*. Facile ex his intelligitur cano 67. de conf. dist. 1., ubi statuitur omnes, etiam Gentiles, Hæreticos, necnon Iudæos in Ecclesiam admittendos esse usque ad Missam Catechumenorum; ut scilicet illi orantium Sacerdotum solertia, ac studio quoquomodo allicerentur ad Catholicam fidem amplectendam. Ille cano 67. consonat omnino cum can. 84. juxta vulgata exemplaria ejusdem Concilii Carthaginensis.

*Can. 23. de conf. dist. 3.* De canone 23. de conf. dist. 3. & de can. 20. de conf. dist. 4. nihil est, quod singulari indigeat observatione. Consonat ille omnino cum canone 65., iste vero cum canonibus 99. & 100. Concilii ipsius Carthaginensis, quem Gratianus intelligendum vult, quoties nulla necessitas aliter suadeat, quod cum perpetua Ecclesiæ praxi consentaneum est.

*Can. 60. de conf. dist. 4.* Canon 60. de conf. dist. 4. legitur in cap. 65. ex Carthaginensibus hujus Concilii, verbis tamen paullo diversis ibi: *Baptizandi nomen suum dent, & diu abstinentia vini, & carnis, ac manus impositione crebra examinati baptismum percipiant*. Plane abstinentiæ legem ante baptismum Catechumenis olim impositam fuisse nemo est qui ignorat, cum præsertim ex ipsamet Christi Domini institutione descendat, juxta illud Evangelii: *Agite poenitentiam, & baptizetur unusquisque vestrum &c.* Quod spectat ad manus impositionem, erat hæc olim ceremonialis quidam actus, qui baptizandis adhibebatur, de quo S. Augustinus in lib. 2. de peccatorum meritis, & remiss. cap. 26. ita scribit: *Catechumenos secundum modum suum per signum Christi, & orationem manus impositione sanctificari*. Similia quædam leguntur in canone 3. Concilii Matisconensis 2. anni 585. ibi: *Omnes omnino a die Quadragesimæ cum infantibus suis ad Ecclesiam observare præcipimus, ut impositionem manuum certis diebus adepti, & sacri olei liquore peruncti, legitimi diei festivitate fruantur, & sacro baptis- mate regerentur: quo possint & honoribus, si vita comes fuerit, Sacerdotalibus fungî, & singularis celebrationis solemnitate frui*.

*Can. 11. de conf. dist. 5.* Canon 11. de conf. dist. 5. confectus est ex canonibus 90., 91., & 92. ejusdem Concilii. Sunt singula a singulis secernenda. Dicitur in can. 90. *Omni die Exorcistæ Energumens manum imponant; in can. 91. Pavimenta domorum Dei Energumeni ver- rant. Et in can. 92. Energumens in domo Dei assidentibus vidus quotidianus per Exor- cistas opportuno tempore ministratur*. Nomine Energumenorum hoc in loco facile intel- ligi Catechumenos posse mihi persuadeo, præsertim ratione habitæ illorum, quæ diximus superius ad canonem 17. dist. 23., ac tum statim unusquisque intelliget, qualisnam fuerit manus impositio super hujusmodi Energumenos facta juxta eam, quæ nuper dicta sunt ad canonem 60. de conf. dist. 4., statim etiam intelliget, quomodo nonnulli ex Catechumenis prope Ecclesiam sume-bus Ecclesiasticis in- communi viverent, ii forte, qui a patria, aut a parentibus recesserant Christianæ fidei causa; & quomodo isti humilitatis adibus exercerentur, atque ad Christi baptis-

baptismum præpararentur, inter cetera vero verrendis Ecclesiis incumbere jubentur.

Demum in canone 86. ejusdem Concilii legitur eisdem verbis canon 12. de conf. dist. 5. monet tamen Harduinus in aliquibus Codicibus pro illa voce *conjugibus* legi *conjugalibus*, quod tamen non videtur sententiam Concilii immutare. Sane cum superius agoverimus ex can. 60. de conf. dist. 4. Cathemenos pœnitentiis ad Sacramentum baptismatis præparatos fuisse, eandem nunc docemur servatam disciplinam in Neophitis, iis videlicet, qui recens baptismum susceperant; qui adhuc pœnitentiis salutaribus exercebantur, non quod post sacrum regenerationis lavacrum amplius explari, expurgative indigerent, sed ut Christianæ Religionis, Ecclesiasticæque disciplinæ magis, ac magis in dies assuefcerent.

Can. 12.  
de conf.  
dist. 5.

## De Canonibus Concilii Carthagenensis, quod quintum dicitur apud Gratianum.

Non omnium eruditorum una, & communis opinio est de tempore, quo celebratum fuerit Carthagenense Concilium, quod vulgo quintum appellatur. Alii referunt ad Consulatam Cæsarii, & Attici, sive ad annum 398., ac proinde asserunt habitum fuisse ante Concilium Carthagenense, quod quartum dicitur, ex ea ratione, quod Concilium hoc numero quintum, ut vocant, habitum feratur 6. Kalendas Junii, at Concilium vulgo quartum dicatur celebratum eodem anno mense Novembri. Alii vulgatum Conciliorum Carthagenensium ordinem omnino sequentes volunt, hoc Concilium vulgo quintum nonnisi anno 400., vel posterius celebratum. His opinionibus variis occasionem dare potuit, quod Codices, in quibus Concilii ipsius actus descripta sunt, non designent perspicue tempora consularia, cum ita ibidem legatur: *Post Consulatam placuit &c.*, aut, ut aliis lubet legere: *Post Consulatam Cæsarii, & Attici placuit &c.*, aut cum aliis: *Post Consulatam Flavii Stiliconis*. Non est tamen, cur adeo de tempore solliciti simus, cum in hac re brevis alicujus temporis ratio nullum negotium faceat. Gravissima est, & maxime venerabilis hujus Concilii auctoritas, sive Episcoporum, qui eo convenerant, numerum spectemus, (& subscripserunt autem duo supra septuaginta una cum Aurelio Carthagenensi); sive honorem apud veteres huic eidem Synodo adtributum, cujus sane canones in Codice, quem vocant Africanæ Ecclesiæ, relatos alix etiam Ecclesiæ receperunt, ipsi etiam Græci, qui Græcam interpretationem eorundem elucubrarunt disciplinæ Ecclesiasticæ stabilientiæ, confirmandæque causis.

Ex canonibus Gratiani, qui ex hoc Concilio deprompti sunt est in primis canon 10. dist. 18., quem Gratianus aliis verbis expressit. Juvabit ex melioris notæ Codicibus canonem integrum restituere. Habemus autem sive vulgaria Concilii exemplaria apud recentiores canonum Collectores, sive Concilium Carthagenense Dionysii Exigui, sive Codicem canonum Ecclesiæ Africanæ. In vulgatis Concilii exemplaribus est numero 10., in Codice Ecclesiæ Africanæ, & apud Dionysium, est numero 76. Dionysii verba hæc sunt. *Item placuit, ut quotiescumque Concilium congregandum est, Episcopi, qui neque ætate, neque aegritudine (verba illa neque ætate monet Harduinus in MSS. Codicibus desiderari), neque alia graviore necessitate*

Can. 10.  
dist. 18.

Tom. I.

Cc

impe-

impediuntur, competenter occurrant, & Primatibus suarum quarumque Provinciarum intimetur, ut de universis Episcopis vel duæ, vel tres turme fiant, ac de singulis turmis vicissim quotquot electi fuerint ad diem Concilii instantissime occurrant. Quod si non poterint occurrere, excusationes suas in tractoria (legunt alii tractatoria, perperam Gratianus literatorie) conscribant; vel si post adventum tractorie (legunt alii traditorie) aliquæ necessitates repente forsitan ortæ fuerint, nisi rationem impimenti sui apud suum Primatem reddiderint, Ecclesie sue communionem debere esse contentos, (legunt alii ex quibusdam Græcis Codicibus; ab Ecclesie communionem debere esse contentos). Ex his emendare juvabit editionem Gratiani. De nomine traditorie, sive tractatorie satis erudite nonnulla jam adnotarunt Romani Correctores. Paucis ego dicam, epistolas hujusmodi tractorias, sive tractatorias fuisse speciem quandam epistolæ, ut hodie vocant, circularis, ita dictam a tractu, sive circuitu locorum, in quem mittebantur, atque ut plurimum a Metropolitano, dum Episcopos suffraganeos ad Concilium convocaret. Quod ex Augustino probatur, qui epist. 217. ita scribit: *Tractatoria ad me 5. idus Decembris venit jam finito die, & me valde indispositum invenit, ut occurrere omnino non possem.* Hinc facile percipimus sententiam Carthaginensium Patrum in eo canone expressam. Volebant illi, ut siqui Episcopi iustas haberent causas, quibus excusarentur, ne ad Concilium accederent, ipsas ad calcem tractatoriarum epistolæ, quam a Metropolitano receperant, exhiberent, & sic expressas cum eadem tractatoria epistola ad Concilium mitterent.

Can. 13.  
dist. 32.  
et can.  
4. dist.  
84.

Ejusdem Concilii canonem tertium duplicem in locum Gratianus retulit, scilicet in can. 13. dist. 32., & in can. 4. dist. 84., sed non utrobique eisdem verbis usus est; immo nullibi integrum, prout in optimis Codicibus legitur, canonem descripsit. Vulgatæ Concilii editiones exhibent canonem, prout hodie habetur post Romanam Correctionem in can. 4. dist. 84., licet in aliquibus editionibus pro illis verbis: *Secundum priora statuta*, legatur: *Secundum propria statuta*, quæ verba referenda videntur ad canones in præcedentibus Conciliis Carthaginensibus constitutos, qualis adferri potest inter ceteros canon 3. dist. 84. Dionysius Exiguus in suo Concilio Carthaginensi ita canonem edidit numero 25. *Aurelius Episcopus dixit: Addimus fratres charissimi præterea, cum de quorundam Clericorum, quamvis Lectorum (sunt qui ex Græcis Codicibus ita scripserunt: præterquam lectorum) erga uxores proprias continentia referretur; placuit quod & in diversis Conciliis firmatum est, ut Subdiaconi, qui sacra mysteria contrectant, & Diaconi, & Presbyteri, sed & Episcopi secundum propria statuta, etiam ab uxoribus se contineant, ut tanquam non habentes videantur esse, quod nisi fecerint, ab Ecclesiastico removeantur officio. Ceteros autem Clericos ad hoc non cogi, nisi maturiori ætate. Ab universo Concilio dictum est: Quæ vestra sanctitas est iuste moderata, & sancta, & Deo placita sunt, confirmamus. Qui Græcis Codicibus student, notarunt longe aliter referri apud Græcos verba illa canonis: etiam ab uxoribus se contineant; ita quippe interpretantur: in propriis terminis a conjugibus abstineant, sive, ut ait Balsamon ad eundem canonem: Tempore vicis suæ, sive quando tractant sacra. Nemo autem exinde non videt, Græcos hujusmodi Interpretes voluisse Africanum canonem moribus suarum Provinciarum accommodare, quemadmodum & aliquando Latini Interpretes græcos canones inflexisse ad mores Latinos, jam observavi superius.*



Canon 65. dist. 50. habetur eisdem omnino verbis in canone 11. hujus Concilii, cui etiam consonat canon 27. tum apud Dionysium Exiguum, tum in Codice Ecclesie Africane apud Justellum, ex quo duo deduci posse videntur. Primum, ne Presbyteri, vel Diaconi in gravia crimina lapsi poenitentiae publicae subiciantur, quod significatur per ea verba: *non manus tanquam poenitentibus, vel tanquam fidelibus Laicis imponatur*, quod ea ratione factum est, quia hujusmodi lapsi a Clero penitus removentur, nec duplex omnino poena pro uno crimine erat imponenda. Alterum, ne rebaptizati ad Clerum admitterentur. Sed non ita canonem descripserunt, qui eundem interpretati sunt, qualis apud Græcos editus est. In Pandectis canonum editis Oxonii anno 1672. ita habetur: *Similiter confirmatum est, ut si quando Presbyter, vel Diaconus alicujus gravioris criminis convicti fuerint, quod eos sacro ministerio necessario movet, non esse eis manus imponendas, ut poenitentiam agentibus, vel ut fidelibus Laicis, neque permitti eis tanquam rebaptizatis ad Cleri gradum promoveri.* Quamquam vero in hoc canone ita concepto expresse cautum non videatur, rebaptizatos ad Clericorum gradum non esse admittendos, hæc tamen disciplina quasi firma apud Africanos tum fuisse præsupponitur. Ceterum sub quarti sæculi finem, certum est in Africa nonnullos fuisse etiam ex rebaptizatis, qui non Diaconi, & Presbyteri tantum, sed & Episcopi constituti fuerunt, quem veluti gravem abusum lugeat Felix III. Romanus Pontifex in Synodo Romana anni 487. ibi: *Communis dolor, & generalis est gemitus, quod intra Africam rebaptizatos etiam Episcopos, Presbyteros, Diaconosque cognovimus.* Et in Epistola Synodica ad universos Episcopos: *Ne ex his unquam, qui in qualibet ætate alibi, quam in Ecclesia Catholica aut baptizati, aut rebaptizati sunt, ad Ecclesiasticam militiam prorsus permittantur accedere.* Itaque dubium non est in primis apud Africanos fuisse constitutum, ne rebaptizati honoribus Ecclesiasticis initiarentur, atque hoc adversus Donatistas, qui quocumque ad hæresim accedentes etiam in Ecclesia baptizatos rebaptizabant. Quum vero spes fuit, ut facile nonnulli ex Donatistis reverterentur ad fidem, si illis permitteretur ad Ecclesiasticas etiam dignitates pervenire, aliquando benigna dispensatione factum est, ut etiam rebaptizati ad fidem reversi vel ipsas Episcopales Sedes ascendere possent. Porro humanissime apud Afros circa annum 420. actum fuisse cum Donatistis, etiam soluta paullisper Ecclesiasticæ disciplinæ austeritate universa propemodum illius temporis Africanæ Ecclesie acta testantur, necnon pluribus in locis S. Augustinus, quemadmodum constare potest specialiter ex can. 25. in fine dist. 50.

Concilio eidem Carthaginensi 5. tribuitur apud Gratianum can. 66. dist. 50., qui tamen in eo desideratur, quemadmodum etiam desideratur tum in Codice Ecclesie Africane, tum in Concilio Carthaginensi Dionysii Exigui. Audirem. hujus canonis exhibeo ego Siricium Romanum Pontificem, qui in Epistola ad Himerium Episcopum Tarraconensem cap. 14. apud Dionysium Exiguum eadem omnino habet. Forte vero non Siricii Papæ, sed Carthaginensis Concilii nomen apud Gratianum præfertur, quod ad marginem ejusdem capituli adjectum in quadam Codice fuerit nomen Concilii Carthaginensis V., ut indicaretur similia quædam constituta fuisse in eodem Carthaginensi Concilio; Gratianus autem canonem ipsum Concilio Carthaginensi adscripserit. Porro similia quædam constituta fuisse in eodem Concilio patet ex iis, quæ diximus ad can. 65. dist. 50., cui addi posset Africanæ disciplinæ testis Augustinus in can. 25. dist. 50.

Can. 2. Porius ad hoc idem Concilium Carthagenense V. pertinet can. 2. dist. 58., qui  
 dist. 58. idem habetur tum in Concilio Carthagenensi Dionysii Exigui, tum in Codice canonum Africanæ Ecclesiæ cap. 80., cujus verba hæc sunt: *item placuit, ut si quis de alterius monasterio repertum (vulgati Concilii Codices habent: receptum) vel ad Clericatum promoveri voluerit, vel in suo Monasterio Maiorem Monasterii constituerit: Episcopus, qui hoc fecerit, a ceterorum communione secundus suæ tantum plebis communione contentus sit, & ille neque Clericus, neque Presbiterus perseveret.* Hinc patet jure optimo expuncta fuisse ex hoc canone a Romanis Correctoribus nonnulla, quæ Gratianus, aut quisvis alius, qui Gratiano auctor extitit, adjecerat.

Can. 38. Laudanda est Episcoporum Africanorum prudentia in can. 1. ejusdem Concilii,  
 cau. 2. quem retulit Gratianus in can. 38. cau. 2. qu. 6., & Dionysius Exiguus in Concilio Carthagenensi cap. 59. descripsit, quemadmodum descriptus etiam est in cap. 59. Codicis canonum Ecclesiæ Africanæ juxta editionem Justellii. Invaluerat ætate, ut controversiæ Christianorum ex antiquo, & fere Apostolico more sine strepitu & figura judicii procul ab jurgiis Sacerdotum arbitrio componerentur, præsertim vero in Conciliis, quorum venerabilis apud omnes debebat esse sententia. Verum cum aliquando contingeret, ut quidam huic sententiæ non acquiescerent, immo ad judicia publica provocarent, illud optatissimum fuit Carthagenensibus Patribus, ne Clerici, qui aut testes, aut Cognitores in Synodali arbitrio fuerant, ad testimonium ferendum in eadem causa in publico judicio vocarentur, ne forte quæ in Concilio jam definita fuerant proderentur, atque ita aut uni parti præjudicium fieret, aut Synodale judicium minus decore a publicis judiciis revocatum publice videretur. Ut id definitur, iidem Carthagenenses Patres a religiosis Imperatoribus postularunt, quorum sane auctoritate publicorum judicium potestas restringenda fuerat. En verba canonis, prout descripta sunt in Codice Dionysii Exigui, necnon in Codice Ecclesiæ Africanæ apud Justellum. Postquam in cap. 58. dictum fuerat: *Instant etiam aliæ necessitates a religiosis Imperatoribus postulandæ &c.*, ita subicitur in cap. 59. *Petendum etiam, ut statuere dignentur, ut si quis forte in Ecclesia quamlibet causam jure Apostolico Ecclesiis imposita, agere voluerint, & fortasse decisio Clericorum uni parti displicuerit, non liceat Clericum in judicium ad testimonium devocari eum, quia cognitor, vel præsens fuerit: ut nulla ad testimonium dicendum Ecclesiastici cujuslibet persona pulsetur.* His & paullo obscuram canonis sententiam explicasse mihi videor, & Gratianum canonem a Gratiano ipso depravatum ad suam integritatem restituisse.

Can. 21. Canon 21. cau. 7. qu. 1. omnino consonat cum vulgatis Concilii exemplaribus  
 cau. 7. can. 5., item cum canone 71. Codicis Ecclesiæ Africanæ, & Concilii Carthagenensis apud Dionysium Exiguum. Cujus tamen canonis sententia conferenda semper erit meo judicio cum canone 12. Concilii Chalcedonensis ibi: *Si autem etiam Civitas aliqua ab Imperatoria auctoritate innovata fuerit, civiles & publicas formas Ecclesiasticarum quoque Parrochiarum ordo consequatur.*

Can. 22. Ecclesia Episcopali vacante, ne Clerus & populus de Episcopi novi electione,  
 cau. 7. dissentientes schismate Ecclesiam discinderent, præstiterantur apud Africanos Viri  
 qu. 1. Gravissimi in Civitatibus, quorum opera pacate successoris electio fieret. Appellabantur illi *intercessores*, & *interventores*, qui interea res ipsas Ecclesiasticas administrabant. Ne vero hujusmodi intercessores potestate sibi concessa abuterentur, & diutius vices Episcopi gerere affectarent, cautum præterea, ut, quantocius fieri posset, electio-

electionem faciendam curarent, ita ut qui intra annum minime curasset, intercessoris officio caderet, novusque ejus loco intercessor constitueretur. Sunt hæc constituta in can. 8. hujus Synodi Carthagenensis, quem Gratianus eisdem verbis descripsit in can. 22. cau. 7. qu. 1. Habentur eadem in can. 74. tum Concilii Carthagenensis apud Dionysium Exiguum, tum Codicis Africanæ Ecclesiæ apud Justellum, quibus tamen in locis pro illis vocibus *anno expleto*, legitur *anno exempto*.

Canon 36. cau. 11. qu. 3. legitur in cap. 12. ejusdem Concilii, & in can. 79. Codicis Africani apud Justellum, & Concilii Carthagenensis apud Dionysium Exiguum; ubi tamen pro vocola *vel* legitur hæc alia: & quemadmodum jam Romani Corredores observaverunt. Utile erit & aliam huc loci asserre canonis editionem, quam alii exhibent ex Codicibus Græcis his verbis in can. 82. *Rursum decretum est, ut quoties Clericis accusatis, & aliquorum criminum in eos dicto testimonio sive propter probum Ecclesiæ, sive propter reverentiam (quibus nominibus eis parcitur) sive propter insolentem hæreticorum, & gentilium exultationem, si, ut par est, causam suam defendere, & suæ probandæ innocentie curam gerere voluerint, hoc intra annum excommunicationis faciant. Sin autem intra annum causam suam purgare neglexerint, nulla eorum deinceps vox omnino admittatur.*

Quod Gratianus in can. 39. cau. 17. qu. 4. refert ex Concilio Carthagenensi cap. 26. habetur in hoc ipso, de quo agimus, Concilio cap. 4. juxta vulgatas editiones, item in can. 26. Codicis Africanæ Ecclesiæ apud Justellum, & can. 26. Concilii Carthagenensis apud Dionysium Exiguum. Quoniam vero hujusmodi exemplaria non omnino invicem consonant, adferam huc, quæ Dionysius habet, cujus verba cum Carthagenensi Codice sunt conformia. Item placuit, ut rem Ecclesiæ nemo vendat: Quod si redditus non habet, & aliqua nimia necessitas cogit, hoc insinuandum esse Primati Provinciæ ipsius, (vulgata Concilii Exemplaria ita habent: Quod si aliqua necessitas cogit, hanc insinuandam esse Primati Provinciæ ipsius), ut cum statuto numero Episcoporum, utrum faciendum sit, arbitretur. Quod si tanta urget necessitas Ecclesiæ, ut non possit ante consulere, saltem vicinos testes convocet Episcopos, curans ad Concilium omnes referre suæ Ecclesiæ necessitates. Quod si non fecerit, reus Deo, & Concilio venditor, honore amisso, reneatur. In vulgatis Concilii Exemplaribus hæc potius habentur: Quod si tanta urgeat necessitas Ecclesiæ, ut non possit ante Primatem consulere, saltem post saltum cunctis habeat & vicinis Episcopis hoc ante indicare, & ad Concilium referre eas suæ Ecclesiæ necessitates. Quod si non fecerit, reus Concilii venditor teneatur. Melius alii, & clarius ex Græco textu postrema hæc Concilii verba expresserunt. Et Deo & Synodo rationi reddendæ obnoxius videbitur venditor, & a proprio honore alienus.

Canon 3. cau. 21. qu. 5. in vulgatis Conciliorum collectionibus legitur eisdem verbis in hoc eodem Concilio Carthagenensi can. 2. Sed observanda necessario sunt, quæ leguntur tum apud Dionysium Exiguum in Concilio Carthagenensi jam sæpius memorato, tum in Codice canonum Ecclesiæ Africanæ apud Justellum can. 62., ubi idem fragmentum habetur. In canone 58. ita exoritur fuerant Carthagenenses Patres: *Instant etiam aliæ necessitates a religiosis Imperatoribus postulandæ: Ut reliquias idolorum &c. Prosequuntur in can. 59. Petendum etiam, ut statuerentur dignentur, si qui forte &c. Subdunt in can. 60. Illud etiam petendum, ut quæ contra præcepta divina &c. Deinde in can. 61. Nec non & illud petendum, ut spectacula theatrorum &c. Rursum in canone 62., qui idem est cum hoc canone 3. cau. 21. qu. 5.*

ita

Can. 36.  
cap. 12.  
qu. 3.

Can. 39.  
cau. 17.  
qu. 4.

Can. 3.  
cau. 21.  
qu. 5.

ita legitur: *Et illud petendum, ut statuere dignentur, ut si quis cujuslibet honoris Clericum judicio Episcoporum quocumque crimine fuerit damnatus, non liceat eum, sive ab Ecclesiis, quibus præsuis, sive a quolibet homine defensari, interposito pœna damni, pecuniæ, atque honoris, quo nec ætatem, nec sexum excusandum esse præcipiant.* Ex quibus adparet longe diversam esse canonis editionem apud Gratianum, qui ab ipsis Africanis Patribus constitutum asseruit, quod Africani Patres, ut ab Imperatoribus religiosissimis constitueretur, tantummodo desiderarunt, vel etiam petierunt. Ad hanc rem optime Balsamon Græcus Interpres: *Placuit ergo Patribus Imperatores admoneri, ut statuere pœna pecuniariæ, & privationi honoris eos subijci, qui eos defendunt, ac liberant, sive sint Ecclesiastici, sive etiam alii, cujuscumque sint ætatis, vel naturæ.* Huic autem Episcoporum Carthagenensium voto indulgit Honorius Imperator lege lata, quæ habetur in Cod. Theodof. num. 35. tit. de Episcopis, Ecclesiis, & Clericis, translata deinde in l. 14. Cod. Justin. de Episc. & Clericis, quæ lex directâ fuit ad Hadrianum Præfektum Prætorio Africæ, & Illyrici.

Can. 10. Eadem agendi ratio fuit Africanorum Patrum, quum de Pauperum defensoribus aduersus divitum nonnullorum potentiam, atque tyrannidem constituendis ageretur. Id liquet ex canone 9. hujus Concilii, qui legitur in can. 75. Codicis Ecclesiæ Africanæ, & Carthagenensis Concilii apud Dionysium Exiguum. Depreuerat illum Gratianus in prioribus verbis in can. 10. cau. 23. qu. 3. Sed Correctores Romani juxta optimos Codices emendarunt. Porro Africanorum Patrum postulationi huic morem gesserunt Imperatores, quorum auctoritate constituti fuerunt pauperum defensores, quemadmodum probari posset ex Possidio in vita S. Augustini cap. 12., & ex Gregorio Magno passim in Epistolis, juncta l. 1. & sequ. Cod. Theodof. de defensoribus Civitatum.

Can. 26.  
de conf.  
dist. 1.

Canon 26. de conf. dist. 1. habetur in can. 14. ejusdem Concilii, item in Codice Ecclesiæ Africanæ, necnon in Concilio Carthagenensi Dionysii Exigui can. 83., ubi tamen pro voce illa: *per villas*, legitur, *per vias*; & pro illis verbis, *aut reliquæ certæ sunt* legitur, *aut aliquæ reliquæ sunt.* Jam tum cæperant quidam per somnia, fictasque revelationes, & oracula commentitia superstitionis cultus inducere, quibus necessario occurrendum erat, ne forte rursus ea occasione induceretur cultus in delubra gentilium, quæ adhuc ædificata manebant in viis sine ornamentis. Id facile ostendi potest ex canone 58. ejusdem Codicis Ecclesiæ Africanæ, ubi leguntur hæc verba: *Instant etiam aliæ necessitates a Religiosis Imperatoribus postulandæ, ut reliquias Idolorum per omnem Africam jubeant penitus amputari: nam plerisque in locis maritimis, atque possessionibus diversis, adhuc erroris istius iniquitas viger: ut præcipiantur & ipsa deleri, & templa eorum, quæ in agris, vel in locis adiciis constituta, nullo ornamento sunt, jubeantur omni modo destrui.*

Can. 24.  
de conf.  
dist. 3.

Canon 24. de conf. dist. 3. referendus est ad canonem 7. ejusdem Concilii, sive ad canonem 73. Concilii Carthagenensis apud Dionysium Exiguum, & in Codice Ecclesiæ Africanæ; Ex quibus ita describendus esset: *Item placuit, ut dies venerabilis Pasche firmatarum subscriptione omnibus intimetur. Dies vero Concilii idem seruetur, qui in Hipponensi Concilio constitutus est, idest x. Kal. Septembris.* (legunt alii xi., alii ante x. Kal. Septembris. Balsamon ad hunc canonem scribit, diem 21. mensis Augusti fuisse diem pro celebrando Concilio adsignatam) & scribendi ad singularum quarumque Provinciarum Præfates, ut quando apud se Concilium congregans, istum diem non impediant.

Canon

Canon 111. de Conf. dist. 4. in vulgatis Concilii hujus Carthagenensis Canonibus can. 6. habetur, & quidem omnino consonans cum Gratiani exemplaribus a prioribus verbis usque in finem. Ibidem tamen Harduinus monet desiderari in suo antiquo Codice MS. posteriora verba, quæ habentur in vers. *Similiter*. Desiderantur præterea in Codice Canonum Ecclesiæ Africanæ sive Latino, sive Græco, desiderantur etiam in Concilio Carthagenensi Dionysii Exigui, licet ibidem priora verba habeantur cap. 72. Verosimile itaque est versiculum *Similiter* recentiore manu additum esse, postquam præsertim baptismati comparata fuit consecratio Ecclesiarum; Visum enim interpretibus fuit, posse id, quod de baptismate constitutum fuerat, ad sacras Ecclesiarum dedicationes extendi.

Ca. 111.  
de conf.  
dist. 4.

## De Canonibus Concilii Carthagenensis, quod septimum dicitur apud Gratianum.

Anno circiter 418. orta est controversia in Africanæ Ecclesiæ de appellationibus ad Romanum Pontificem, cujus causa convenerunt Africani Episcopi sub Aurelio Carthagenensi, præsentibus etiam Romani Pontificis Legatis in urbe Carthagenensi. Diu disputata res fuit, atque discussa; statim autem dirimi non potuit, quod Legati Romanæ Sedis in suæ sententiæ præsidium adduxissent Nicænorum canonum auctoritatem; Africani vero Episcopi respondissent in illis Ecclesiis Nicænos canones non haberi. Hinc oportuit conventum ipsum dissolvere, missis tamen interea legatis ad Græcos, a quibus germanos Nicæni Concilii canones acciperent. Post legatorum reditum, qui Nicænos viginti tantummodo numero canones adulerunt, rursus convenerunt Africani Patres in Concilium, atque anno circiter 419. nonnullos canones ediderunt ad judicia Ecclesiastica pertinentes, quorum hodie quinque habemus in Conciliorum collectionibus. Duabus itaque, ita dixerim, actionibus hoc Concilium constat, altera, quæ præcessit missionem legatorum ad Græcos, altera quæ successit. Primam vulgo appellant Concilium Carthagenense VI., secundam Concilium Carthagenense VII., ad quam, ut aiebam, quinque canones pertinent. Et quidem gravis etiam est hujus secundæ actionis, sive, ut ajunt, septimæ Synodi Carthagenensis auctoritas, sive quod legati Romanæ Ecclesiæ interfuerint, sive quod regulæ ibidem constitutæ ex sententiis Nicæni Concilii videntur expressæ, sive ex Episcoporum numero, qui multo ultra ducentos conveniant, inter quos fuit etiam Augustinus Hipponensis, sive demum quod nonnulla capita ex iis in Codicem Ecclesiæ Africanæ relata sint, & in Concilio Carthagenense Dionysii Exigui, necnon a Græcis ad utilitatem Orientalis Ecclesiæ traducta fuerint.

In can. 3. hujus Concilii legitur canon 1. cau. 3. qu. 2., & quidem eisdem omnino verbis, cui etiam omnino consonat canon 130. in Concilio Carthagenensi Dionysii Exigui, & in Codice canonum Ecclesiæ Africanæ sive Græco, sive Latino cap. 130., vel 131. juxta alias editiones.

Can. 3.  
can. 3.  
qu. 10.

Ex canone 1., & 2. ejusdem Concilii depromti sunt Gratiani canones 2. cau. 4. qu. 1., & 2. cau. 4. qu. 6., quæ fragmenta simul conjungi debent, ut unaquæque suis locis accommodentur. Sic habet canon 1., quem retulit Dionysius in Concilio

C. 1. c. 4.  
2. 1. c. 4.  
2. cau. 4.  
qu. 6.

Concilium suum Carthaginense can. 128., quique etiam legitur in Codice Ecclesie Africane can. 128. *Placuitque omnibus*, (huc referendus est canon 1. cau. 4. qu. 1.), *quoniam superioribus Conciliorum decretis de personis, quæ admittendæ sunt ad accusationem Clericorum, jam constitutum est, & quæ personæ non admittantur* (habebet Dionysius: non admitterentur) jam expressum non est, idcirco definimus eum rite ad accusationem non admitti, qui posteaquam excommunicatus fuerit, in ipsa adhuc excommunicatione constitutus, sive sit Clericus, sive Laicus accusare voluerit. Post hæc sequitur can. 2. in Concilio, cum quo consonat canon 129. apud Dionysium, & in Codice Africano, ex quibus supplere debemus eundem canonem 1. cau. 4. qu. 1. Item placuit, ut omnes servi, vel proprii liberti ad accusationem non admittantur, vel omnes, quos ad accusanda publica crimina leges publicæ non admittunt; Omnes etiam infamie maculis adpersi, idest histriones, ac turpitudinibus subiectæ personæ, heretici etiam, sive Pagani, sive Judæi: Sed tamen omnibus, (huic referendus est canon 2. cau. 4. qu. 6.), quibus accusatio denegatur, in causis propriis accusandi licentia non neganda.

Can. 1. Canon 1. cau. 4. qu. 2. legitur eisdem verbis in can. 4. eisdem Concilii Carthaginensis, item in can. 131. Concilii Carthaginensis apud Justellum, & in Codice canonum Ecclesie Africane, ubi tamen pro illis verbis *infra annos 14.* legitur: *infra annos quatuordecim.* Videntur etiam cum hoc canone in ea parte, qua definitur, domesticæ testimonia recipienda non esse, congruere probatissimè Juris Civilis Romani regulæ, quemadmodum adparet ex l. 3. Cod. de testibus, l. 24. ff. eodem, & apud Paullum lib. 5. sententiarum.

Can. 3. Cum canone 5. ejusdem Concilii Carthaginensis consonat canon 3. cau. 6. qu. 2., item cum canone 132. & 133. Concilii Carthaginensis apud Dionysium Exiguum, & Codicis canonum Ecclesie Africane; etenim ibi canon 132. incipit a prioribus verbis *placuit &c.* usque ad vers. *Quamdiu excommunicato*, a quo incipit canon 133. Romani Correetores observaverunt in Africano Concilio legi adjecta ea verba: *secrete tamen interdicit ei communionem donec obtemperet*; verum arbitror hæc recentiore manu addita esse, cum desiderentur in Concilio Carthaginensi Dionysii Exigui, quod sane antiquissimum est, ut omnittam Codicem Ecclesie Africane abs Justello editum, ubi nec etiam habentur.

### De canone 11. cau. 11. qu. 1., quem Concilio Carthaginensi 8. tribuit Gratianus.

Can. 11. Romani Correetores nomine Concilii Carthaginensis octavi a Gratiano laudati in cau. 11. can. 11. cau. 11. qu. 1. intellexerunt Concilium Milevitanum, quod anno 416. celebratum in Africa dicitur, ea de causa, quia in Concilio Milevitano cap. 10. eadem verba legantur. Hinc nonnulli ex eruditissimis vulgo putarunt, Concilium Milevitanum pro Carthaginensi VIII. accipi consuevisse. Ego arbitror non esse recedendum a Gratiani editione, ut scilicet nomen Concilii Carthaginensis retineatur, sive illud octavum sit, sive alio sub numero collocetur; etenim jam initio capitis hujus attigimus modum numerandi Concilia Carthaginensia non eundem apud omnes recipi potuisse. Sane video hunc ipsum canonem 11. Gratiani legi apud Fulgentium

gentium Ferrandum, & quidem Africanum, subiecto nomine Concilii Carthagenensis num. 43. in breviario his verbis: *ut quicumque Episcopus ab Imperatore publicum iudicium postulaverit, honore proprio privetur. Concilium Carthagenense tit. 9.* Præterea apud Dionysium Exiguum in Concilio Carthagenensi, nec non in Codice Ecclesie Africanæ idem fragmentum tribuitur Concilio Carthagenensi sub Aurelio celebrato Honorio 7., & Theodosio 2. Consulibus, quorum consularis incidisse fertur in. annum 407., quemadmodum constat ex canone 104. dicti Codicis, & dicti Concilii apud Dionysium, ubi hæc leguntur. *Placuit, ut quicumque ab Imperatore cognitionem iudiciorum publicorum peterit, honore proprio privetur. Si autem Episcopale iudicium ab Imperatore postulavit, nihil ei obstat.* Verba hæc sunt sane eadem cum verbis dicti canonis 11. apud Gratianum. Porro vox illa *quicumque* de solis Clericis intelligenda est, quemadmodum verba illa sequentia demonstrant: *honore proprio privetur*; nomen enim *honoris* in Africanis Conciliis Clericalem significat dignitatem. Quod si canonem sequentem etiam inspiciamus apud Dionysium Exiguum, & in Codice Africanæ Ecclesie, ubi ita legitur: *Quicumque autem non communicans in Africa, si in transmarinis ad communicandum obrepserit, iacturam Clericatus excipiat*; facile intelligemus, ibidem sermonem fuisse de solis Clericis institutum. Omitto Ferrandum Diaconum, qui strictius Carthagenensem Canonem intellexit, videlicet de solis Episcopis, uti constat ex ejus can. 43. superius descripto. His addi potest sententia Patrum Carthagenensium in can. 43. cau. 11. qu. 1., cum interpretationibus Græcorum Zonaræ, & Aristeni ad eundem canonem 104. Codicis Ecclesie Africanæ. Nam, ut aliorum verba omittam, Aristenus ait: *Episcopus, vel Clericus criminibus accusatus, & Ecclesiasticum recusans iudicium, & ab Imperatore seculares iudices petens honore suo privabitur.* Porro maxima in hac parte fuit cura, ac sollicitudo Episcoporum Africanæ, ne Episcopi, vel Clerici mutuis contentionibus, ac litium jurgiis odia foverent, atque ad publica iudicia pergerent, propterea sæpius admoniti sunt, ut si quæ discrimina subvirentur, ea omnia in Concilio proponerentur, atque Episcopali arbitrio finirentur, quasi paterno iudicio in causis filiorum, quemadmodum luculentissime constat ex pluribus canonibus Africanis, iis præsertim, quos editos habemus in Codice canonum Africanæ Ecclesie.

## De Canonibus, quos retulit Gratianus nomine Concilii Carthagenensis unici.

Nomine Concilii Carthagenensis unici retulit Gratianus canonem 51. cau. 12. *Can. 50. q. 2.,* Addo ego canonem 50. ibidem, cum meo iudicio uterque canon eundem habeat auctorem. Inquirere sane juvabit, utrum, & ad quodnam Concilium Africanum hæc fragmenta sint referenda, item quomodo contigerit, Concilium illud *unicum* a Gratiano appellari, quando tamen ipsemet Gratianus octo Concilia Carthagenensia numeraverit? Dicerem ego in primis inscriptionem Gratiani fuisse in recentioribus exemplaribus depravatam, ut loco istarum vocum: *Ex Concilio Carthagenensi unico* legendum sit: *Ex Concilio Carthagenensi V.,* idest quinto; cui immutationi vocum forte occasionem dedidisse potuit litera *V.,* quæ & numerum.

quinarium, & vocem *unicum* designare legentibus poterat; ut exinde quispiam Amanuensis unicum potius, quam quintum Concilium legerit, & exinde unici Concilii nomen in exemplaribus Gratiani editum fuerit: Novum cuiuspiam non videatur detegere istiusmodi errata in inscriptionibus fragmentorum; nam hujus rei exemplum fere simile ego exhibeo in Pandectis, scilicet il l. 3. ff. de jurisdictione. Vulgatz editionis inscriptio ita habet: *Ulpianus lib. 2. de officio Quaestoris*. Attamen Ulpianum nonnisi unicum, & singularem librum de officio Quaestoris scripsisse constat ex inscriptione legis unice ff. de officio quaestoris, quz ita habet: *Ulpianus lib. singulari de officio Quaestoris*; quamobrem nunquam me permittit opinionis meae in hac parte, cum dixerim erratum ortum fuisse ex litera initiali S, quae & secundum, & singularem librum designare poterat, proindeque Amanuensem uno in loco scripsisse singularem, alio in loco secundum librum de officio Quaestoris. Eadem itaque ratione contingere potuit, Gratianum, aut quemvis alium recensuisse Concilium quintum Carthaginense, cujus tamen vice alii posteriore tempore legerint unicum. Revera si consulamus Codicem Ivonis Carnotensis, facilius haec mea probabitur opinio, cum ibi haec ejusdem canonis habeatur inscriptio in parte 3. cap. 239. *Ex Carthagin. Concilio V. cap. 1111*. Si itaque hoc modo inscriptionem Gratianeam restituerimus, non erit difficile similem sententiam reperire in Concilio Carthaginensi, quod vulgo quintum dicitur. Eadem enim, quae habentur in can. 90., & 51. cau. 12. qu. 2. legitur in can. 4. Concilii vulgo quinti Carthaginensis, sive in can. 39. cau. 17. qu. 4., quae hoc loco non adfero, cum jam superius ex ordine descripserim.

Haec verosimilia sunt. Dabo etiam certiora, sicuti forte huc usque adducta non satis placeant. Gratianus unicum appellavit Carthaginense Concilium illud, quod unicum descripsit Dionysius Exiguus, qui idem est cum Codice canonum Ecclesiae Africanae; Et quidem improprie Concilium dici potest, cum sit potius plurimum Carthaginensium Conciliorum Collectio. Nihilominus tamen, cum plaquerit Dionysio Carthaginense Concilium illud appellare, potuerunt posteriores Collectores Dionysium sequuti ad hoc Concilium se referre, atque Concilium Carthaginense usicum nominare. Porro in canone 33. Dionysiani hujus Concilii, necnon Codicis Ecclesiae Africanae leguntur haec verba: *Item placuit, ut Presbyteri non vendant rem Ecclesiae, ubi sunt constituti, nescientibus Episcopis suis, quomodo & Episcopis non licet vendere praedia Ecclesiae ignorante Concilio, vel Presbyteris suis. Non habente, ergo necessitatem, nec Episcopo liceat matricis Ecclesiae, nec Presbytero rem tituli sui usurpare*. Quicumque haec contulerit cum dictis canonibus 50., & 51. cau. 12. qu. 2., agnoscat non tantum eandem omnino sententiam, sed etiam eadem verba ibi referri, ut prorsus dubium esse non possit, quin ex eo loco Gratianus eisdem canones descriperit. Quod ut etiam luculentius demonstrarem, attendere juvabit inscriptionem integram, qualis apud Gratianum habetur in dicto can. 51. *Ex Concilio Carthaginensi unico cap. ult.* Concilium Carthaginense descriptum a Dionysio Exiguo duas habet partes. In priore describuntur acta, & canones Concilii Carthaginensis sub Aurelio post Consulatum Honorii XII. & Theodosii VIII., VIIII. Kal. Janias; fertur autem hoc Concilium celebratum fuisse anno 419., continetque canones 33., post quos ita legitur: *Recitata sunt etiam in ista synodo diversa Concilia unius Provinciae Africae transactis temporibus Aurelii Carthaginensis Episcopi celebrata &c.* Hinc sequuntur alii canones praecedentium Conciliorum quatuor plurium



plurimum. Itaque canon 33. est postremus Concilii Carthagenensis anni 419., in quo explicite prima pars Collectionis Carthagenensis Dionysianæ. Gratianus verba ejusdem canonis 33. refert in dictis Canonibus 50., & 51. nomine canonis ultimi Concilii Carthagenensis. Quid clarius ergo, quam Gratianum eundem canonem 33. voluisse describere? Addam hoc loco, Fulgentium Ferrandunum ejusdem canonis meminisse in sua breviatione cap. 45., ibi: *Ut Episcopi rem Ecclesie sine Primatis consilio non vendant. Concil. Carthagin. tit. 5. Concil. Hippon. tit. 9. Item cap. 95. ut Presbyteri rem Ecclesie sine conscientia Episcopi non vendant. Concilio Aquiritano tit. 15. Concilio Hipponingensi tit. 9. Crisconius Africanus in suo Breviario Canonico eadem ferunt descripsit num. 252., ibi: Ut Presbyteri rem Ecclesie, in qua sunt constituti, non vendant, & nulli Episcopo liceat, rem tituli matris Ecclesie usurpare. Concilio Carthagenensi can. 33.*

### De aliis Canonibus, quos nomine Carthagenensium Gratianus retulit.

Nonnulla adhuc supersunt Gratiani fragmenta, quæ generatim aut sub Carthagenensis, aut sub Africanis Concilii nomine recensentur. Carthagenensi Concilio can. 31. tribuuntur can. 3. & 4. dist. 74. Hoc sane in loco Gratianus non aliud Concilium intellexit, quam illud quod Carthagenensis nomine recensuit Dionysius Exiguus, quique primam partem constituit in codice Ecclesiæ Africanæ. Hoc Concilium jam diximus celebratum fuisse sub Aurelio anno 419. Ac revera in can. 31. ejusdem Synodi hæc leguntur: *Item placuit, ut quicumque Clerici, vel Diaconi pro necessitatibus Ecclesiarum non obtemperaverint Episcopis suis, valentibus eos ad honorem ampliorem in sua Ecclesia promovere, nec illis ministrent in gradu suo, unde recedere noluerunt.* Hæc sane verba consonant cum dicto can. 3. dist. 74. Dionysius autem Exiguus, sive auctor Codicis Ecclesiæ Africanæ, aut quisquis alius ejusdem canonis epitomen ita præposuerat juxta morem Collectorum: *Si qui Clerici ab Episcopis suis promoti contemserint, nec illis maneant, unde recedere noluerunt.* Hæc etiam verba descripsit Gratianus ante canonem Concilii Carthagenensis. Contius vero, qui Gratiani capitibus numericas notas adposuit, hæc verba a canone Concilii omnino separavit, quasi duo prorsus canones essent, propterea quæ perperam hodie verba posita sub canone 3. videntur pertinere ad Concilium Carthagenense, & verba posita sub canone 4. videntur relicto ipsorum auctore relicta. Facile est ex his unaqueque restituere.

Can. 3.  
& 4.  
dist. 74.

Falso inscribitur nomine Concilii Carthagenensis can. 6. cau. 10. qu. 2., unde etiam simili nomine inscriptum fuit idem fragmentum in cap. 2. de precariis apud Gregorium 11., non solum enim à Carthagenensi Concilio abjudicandum esse, deducitur ex silentio veterum omnium collectorum, qui de hoc fragmento in colligendis Ecclesiæ Africanæ capitibus penitus non meminerant; verum potissimum ex eo, quod præcariz illæ rerum Ecclesiasticarum concessionem, de quibus illic agitur, pristinis illis temporibus, quibus plura Africana Concilia celebrata feruntur, nondum erant in usu, nec constat in Africa unquam in usu fuisse. Non agitur sane ibidem de precario illo, quod Romanæ leges, sive Prætoris edicta

Can. 6.  
cau. 10.  
qu. 2.

uebatur, contractu videlicet ad nutum revocabili juxta l. 1. 2., & 12. ff. de precario, sed de alia contractus specie, quæ labente demum quinto sæculo in Gallia primum, dein in Hispania celebrari cæpit, uti constare potest. ex Concilio Agathensi can. 38., Epauensis can. 18., & Aurelianensi 4. can. 36. Hujus contractus formulam exhibet Marculfus lib. 2. cap. 39. Eveniebat quandoque nonnullos ex nobilibus ob injuriam temporum non solum privata peculia, & familiaria, verum etiam publica Civitatum, quibus prærant, æraria exhaustis, ut Ecclesiasticarum rerum subsidii, sive ad Clericos, si ad Monachos pertinentium ad utilitatem aliquando publicam indigerent. Hinc ipsi precario quodam, sive precibus intervenientibus ab Episcopis petebant; ut possent ad certum tempus possessionibus Ecclesiarum, aut Monasteriorum uti, ea primum lege, ut quotannis annum præstationem in agnitionem domini Ecclesiarum, vel Monasterio penderent; data deinde, fide, ut elapso tempore, quod ut plurimum quinquennium erat, possessiones ipsas restituerent, nisi nova, & urgens necessitas renovari precarium postulare. Et quidem, quousque nulla fraus admissa est, optima habita fuit hujusmodi disciplina. Sed quoniam aliquando aut sine causa petebantur, aut sine causa concedebantur etiam ad diuturna tempora hujusmodi precaria, operæ prætium fuit, gliscendi malo, & incommodo Ecclesiarum consulere. Potissimum vero rerum Ecclesiasticarum patrocinium susceperunt Religiosi Imperatores, inter quos fuit Lotharius, qui constituit, ne sine causa res Ecclesiasticæ precario concederentur, utque sine causa concessæ auctoritate Episcoporum libere revocarentur. Lotharii constitutio habetur in legibus Longobardorum lib. 3. tit. 10. l. 2., quam eandem constitutionem Gratianus nomine Carthaginensis Concilii in dicto can. 6. recensuit eisdem verbis.

Can. 1. cau. 23. qu. 2. apud Gratianum laudatur: ex Concilio Carthaginensi, cui interfuit Augustinus. Falso tamen, quemadmodum jam animadverterunt Romani Correctores, observantes illum potius haberi in can. 25. Concilii Agathensis, & in Capitularibus Regum Francorum, quorum etiam verba retulerunt in eadem parte, in qua paullo varia dignoscuntur. Video ego, unde nam Gratianus erraverit in hac inscriptione. Parum ipse sollicitus fuit in editione Ivonis, ex qua canonem istum describebat. Etenim Ivo Carnotensis in parte 8. decreti can. 323. canonem quandam laudavit hac adjecta inscriptione: *Ex Concilio Carthaginensi, cui interfuit Augustinus*; deinde progrediens ad sequentes canones usque ad 328. capitulum omnium inscriptiones omisit, ita ut videantur singula ex eodem Concilio Carthaginensi deprompta. In canone itaque 328. descripsit verba Concilii Agathensis nullâ inscriptione auctoris adposita, forte quod eadem verba jam nomine Concilii Agathensis descripsit superius in eadem parte 8. cap. 231., in quæ prospiciens Gratianus, eadem verba in suum codicem relaturus, Concilio Carthaginensi adtribuit, cui Augustinus interfuerat.

### De aliis Canonibus, quos generatim Africanorum nomine retulit Gratianus.

Can. 39. ca. 2. qu. 6. Africano Concilio generatim Gratianus præter ea, quæ jam suis singula locis intexui, tribuit canonem 39. cau. 2. qu. 6. Habetur autem in Concilio Carthaginensi

mensi Dionysii Exigui, & in codice canonum Ecclesie Africanæ apud Iustellum num. 96. 1. cujus sententia ut commodè percipiatur, referendus etiam erit canon præcedens 85. Describuntur illic acta Concilii Carthagenensis celebrati Honorio 7. & Theodosio 2. Augusto Consulibus sub Aurelio Episcopo, quod tempus incidit in annum 407. atque ab initio cautum fuerat, ut, ubi causa communis totius Africæ exigeret, Concilium plenarium fieret Africæ totius, convenireturque in Carthagenensem Civitatem; si quando vero communes non essent causæ, unaquæque ex illis in sua Provincia discuteretur, ac definiretur. En verba canonis 95. *Placuit, ut non sit ultra fatigandis Fratribus anniversaria necessitas: Sed quoties exegerit causa communis, idest totius Africæ, undecumque ad hanc sedem de hac re dante litera fuerint, congregandam esse Synodum in ea Provincia, ubi opportunitas persueris; causæ autem, quæ communes non sunt, in suis Provinciis judicentur.* Deinde statim sequitur canon 96. *Si autem fueris provocatum, eligat, qui provocaverit, iudices; & cum eo & ille, contra quem provocaverit: ut ab ipsis deinceps nulli liceat provocare.* Hæc sunt, quæ Gratianus retulit in can. 39. cau. 2. qu. 6., cujus exinde clara apparet sententia. Etenim cum statutum esset, non amplius celebrari debere Concilia, ad quæ totius Africæ Episcopi jamdiu defatigati convenirent, sed unuscujusque negotia debere in unaquaque Provincia terminari, difficultas suborta statim fuerat de appellationis judicio, ex eo quod antea a Conciliis Provincialibus ad annum Nationale provocaretur. Ne itaque obessent quieti Episcoporum harum, appellationum causæ, definiti oportuit quosdam eligi a litigantibus iudices, qui vices Nationalis Concilii gererent, & a quorum sententia omnis appellatio dēnegaretur.

Ex Africano quoque Concilio refertur canon 9. c. u. 11. qu. 3., qui sane pertinet ad Concilium sub Aurelio Carthagine celebratum anno 419. post Consulatum Honorii 11. & Theodosii 11. Augustorum, octavo Kalendas junias. Istud Concilium est, quod superius diximus constituere primam partem codicis Ecclesie Africanæ, nec non Concilii Carthagenensis Dionysii Exigui. Porro in hoc Concilio cap. 29. ita legitur: *Item placuit universo Concilio, ut qui excommunicatus fuerit pro sua neglectu, sive Episcopus, sive quilibet Clericus, & tempore excommunicationis suæ ante audientiam communionem præsumserit, ipse in se damnationis judicetur protulisse sententiam.* Ferrandus Diaconus ad hunc canonem respexisse videtur in sua breviatione canonum cap. 54. his verbis: *Ut si quis Episcopus a Synodo fuerit excommunicatus, communicare non audeat; Et si fecerit, spem restitutionis non habeat.* Attamen subdidit se hoc fragmentum referre ex Concilio Hipponiensi. Non pugnant tamen hæc, cum familiare fuerit apud Afros eadem in diversis Conciliis statuta renovare. Cum Ferrandi inscriptione videtur consonare codex canonum, a Petro Pitæo editus, ubi idem canon insertus est in quodam Concilio hujus notæ Consulæ: *Pierio, & Ardabore Consulibus in Basilica Leontina, quæ nota indicat Concilium celebratum anno 427., & in Hipponensi Civitate, in qua Leontina Basilica erat constituta.* Hic ipse canon relatus etiam posteriore ætate fuit inter Capitularia Regum Francorum lib. 5. cap. 30. editionis Parisiensis anni 1677.

Canon 15. cau. 16. qu. 3. pertinet ad Concilium Carthagenense anni 418. sub Aurelio celebratum Honorio 11., & Theodosio 11. Consulibus adversus hæresim Pelagii, & Cælestii; postquam enim ibidem plura constituta fuerint capita adversus eosdem hæreticos de divina gratia, & prædestinatione perperam sentientes, nonnulla subiecta sunt

Can. 9.  
cau. 11.  
qu. 31

Can. 15.  
cau. 16.  
qu. 3.

sunt de Donatistis ad unitatem convertendis, quæ exhibentur tum in Concilio Africano Dionysii Exigui, tum in codice canonum Ecclesiæ Africanæ a numero 108. usque ad 127. In capite autem 121. hæc leguntur: *Item placuit, ut quicumque negligunt loca ad suam Cathedralam pertinentia in Catholicam unitatem lucrari, conveniantur a diligentibus vicinis Episcopis, ut id agere non morentur. Quod si intra sex menses a die conventionis non effecerint, qui potuerit ea lucrari, ad ipsum pertineant. Ita sane, ut si ille, ad quem pertinuisse videbantur, probare potuerit, magis illius electam negligentiam ab hereticis, ut impune ibi sint, & suam diligentiam fuisse præventam, ut eo modo ejus cura sollicitior vitaretur: Cum hoc Judices Episcopi cognoverint, suæ Cathedralæ loca restituant.* Romani Correctores græcum etiam textum adduxerunt cum interpretatione latina. Si forte quispiam peteret, quæ de causâ adeo solliciti modo fuerint Carthaginenses Patres, ut Donatistas ad unitatem reducerent, ut penam gravissimam Episcopis imponerent, qui conversionem illorum quoquomodo neglexissent: Responderem, ut arbitror, plurimum interfuisse tunc temporis Donatistas, quo citius fieri posset, ad unitatem adducere. Etenim cum Pelagius, & Cælestius novæ hæreseos auctores, sceleris sui consortes undecumque quærerent, facile erat Donatistas adhuc extra communionem existentes Pelagianis accrescere, Catholicos autem in varia schismata divisionesque divisos difficilissimum erat adversus hæreses nuper gliscientes remedium opportunum Ecclesiæ Africanæ adferre.

Auctor palcarum in causâ 27. qu. 2. duo fragmenta inseruit num. 7. & 8., quæ tamen Contius in sua editione debuisset sub uno tantummodo numero juncta comprehendere; Quod enim in cap. 7. legitur nihil aliud est, quam sententia illius, qui conditionem matrimonio adpositam non valere demonstraturus erat ex Africano Concilio; cum tamen nihil hujusmodi in ullo ex Africanis Conciliis reperitur, aut reperiri unquam possit. Hujusmodi sane fragmenta apud neminem ex veteribus reperiuntur, non tantum in Africano Codice, aut Dionysio Exiguo, aut Ferrando, aut Crisconio, qui ceteroquin omnes in describendis Africanis Canonibus fuerunt accuratissimi, sed nec apud ipsos recentiores Collectores Reginonem, Burchardum, & Ivonem; & primum in Gratiani codicibus, & quidem jam per Gratianum absolutis adparuerunt ignoti auctoris manu. Revera ipsorum fragmentorum hujusmodi phrasis nonnisi duodecimo sæculo circa finem, aut initio sæculi 13. convenire potest, quemadmodum nec ipsa disputandi ratio novæ Philosophiæ tunc temporis exortæ accommodata. Ceterum, quæ in dicto canone 7., & 8. traduntur ab auctore Paleæ non satis consonant cum recta præsertim veterum philosophandi ratione. Alit ille, conditionem desponsationi adjectam pro nulla habendam esse, ac si omnino adjecta non fuerit. Nulla de hac re esse potuit apud veteres disputatio, imo nec levissima dubitatio, ut Africanos Patres in Conciliis ob causas gravissimas congregatos frustra detineret. Imo miror Interpretes nostros in hac re alacriter disputare, atque concludere tandem id receptum esse favore matrimonii, exemplo ultimarum voluntatum, In quibus non omnes quidem, sed impossibiles factis, vel jure conditiones pro non adjectis habentur juxta l. 4. ff. de condit. & demonstr. Itaque quoties dicimus conditiones matrimonii adjectas nullius esse momenti, non prospicimus legum favorem quandam, quo illæ matrimonia prosequitur fuerint; sed prædictum agnoscimus ex ipsa matrimonii natura, æque substantia. Revera effectus hic legum favor a legibus profectus esset, & quidem

posit

post concertationem diuinam; quemadmodum & ultimarum voluntatum favor, unde conditiones impossibiles ab illis detrahuntur post diuinam Jurisconsultorum concertationem obtinuit, arg. d. l. 4. de cond., & demonstr. At de conditionibus matrimonio adiectis nullibi unquam disputatum fuisse liquet, præsertim apud veteres Jureconsultos nullum hujus, aut similis disputationis vestigium adparet, cum tamen iisdem in enodandis juris difficultatibus æque subtilissimi essent, atque elegantissimi. Alias vero matrimonii natura, atque substantia exigit condiciones nullas matrimonio adijci posse. Etenim ea indita fuit apud omnes cultiores gentes matrimonio indoles, atque natura, ut, præter quam in ceteris obligationibus regulariter obtineat, duo distincti contractus in eo soleant intervenire, scilicet alter præcedens, qui sponsalium contractus appellatur, alter consequens, qui matrimonium, vel nuptiarum contractus proprie dicitur; uterque autem diversis regulis circumscribitur; præcipue vero hæc sunt utriusque discrimina, ut sponsalia esse nequeant, nisi ubi adhuc matrimonium pendeat; & viceversa non possit matrimonium esse, quousque negotium in futurum adhuc tempus protrahatur. Hac præsupposita matrimonii natura, æquis non videat frustra disputari de conditione matrimonio adiecta? omnis quippe conditio, utpote quæ obligationem in futurum tempus suspendit, & differt, impleret matrimonii substantiam adversatur, nec sanus quispiam esse potest, qui velit uno eodemque actu matrimonium, idest obligationem de præsentì contrahere, & simul obligationem in futurum tempus differre. Propterea statim ac quis de præsentì consentit, & matrimonium revera contrahit, jam certum est eum nolle actum suspendere, ac propterea nolle matrimonio conditionem adijcere. Itaque res hæc disputationem nullam, aut controversiam pati poterat; & vix digna erat, quæ inter Philosophos, Theologosve duodecimi, aut decimi tertii sæculi Scholarum pulverem agitare. Concludemus propterea disputationis hujus auctorem paullo recentiorum esse Gratiano, qui ut suæ sententiæ Patronos, ac cultores quæreretur, auctoritatem Concilii Africani ostentavit, atque ostentavit eo tempore, quo omnia sine discrimine facile recipiebantur. Imo cum sciret Gratiani Decreti maximam esse auctoritatem, in hoc sententiam suam inseruit, nec quidem frustra; etenim suarum sententiarum Interpretes invenit Glossographos, aliosque studiosos, imo etiam canonum Collectores, vel omni exceptione majores, qui in Collectionibus sacrorum canonum optimis eisdem inferrent, quemadmodum liquet ex cap. 1. extra de conditionibus adpositis.

## A P P E N D I X

### De Concilio apud Valentias.

Subjicio hoc in loco Concilii Valentini fragmentum, quod scilicet hoc nomine <sup>Can. 123.</sup> a Gratiano refertur in can. 123. de conf. dist. 4., quia non in Valentino Concilio <sup>de conf. dist. 4.</sup> legitur, sed potius pertinet ad Concilium Carthagenense, quod vulgo quartum appellant; immo & istud ipsum agnovit Gratianus, qui eundem canonem retulit ex Concilio Carthagenensi 4. in can. 4. dist. 92., de quo jam superius egimus. Non est

est tamen, cur in hac parte de Gratiano potissimum conqueramur, cum ante Gratianum Collectores alii, Burchardus, & Ivo Concilium Valentinum pro Carthagenensi potius inscripserint. Forte suspicari licet Collectores hujusmodi errore facti lapsos esse, quod ad marginem inscriptum viderint nomen Concilii Vafensis 2., in cujus can. 3. hæc leguntur fere similia: *Per singula territoria Presbyteri, vel Ministri ab Episcopis, non prout libitum fuerit a vicinioribus, sed a suis propriis per annos singulos Chrisma petant appropinquante solemnitate Pascuali; nec per quemcumque Ecclesiasticum, sed si qua necessitas, aut Ministrorum occupatio est, per Subdiaconem, quia inbonorum est inferioribus summa committi. Optimum autem est, ut ipse suscipiat, qui in tradendo usus est. Si quid obstat, saltem is, cujus officii est sacramentum disponere, & Sacramenta suscipere.* Ad marginem itaque Carthagenensis canonis adjectum fuerat nomen Vafensis Concilii, ut indicaretur similia in Vafensi Concilio legi. At Collectores Concilium apud Valentias pro Vafensi scribere per oscitantiam potuerunt, deinde quod Carthagenensis Concilii erat, Concilio apud Valentias adtribuere.

## C A P U T X V I.

### De Concilio Milevitano.

Postquam de Carthagenensibus Conciliis actum est, iuvabit statim de Concilio Milevitano disserere, utpote quod Ecclesiæ Africanæ Concilium est, imo etiam hujusmodi Constitutiones edidit, quæ in Carthagenensibus ipsis Conciliis fuere probatz. Pertinent autem ad Milevitani Concilium sequentes Canones.

- |   |  |  |
|---|--|--|
| { | <p>Can. 3. dist. 72. consonat cum aliis Ecclesiæ Africanæ Constitutionibus.</p> <p>Can. 19. cau. 2. qu. 6. } simul juncti una cum can. 15. cau. 16. qu. 3., &amp;</p> <p>Can. 33. cau. 2. qu. 6. } confirmati in Concilio Carthag. totius Africanæ an. 418.</p> <p>Can. 35. cau. 2. qu. 6. consonat cum aliis Canonibus Ecclesiæ Africanæ.</p> <p>Can. 42. cau. 11. qu. 1. est potius Concilii Toletani 3.</p> <p>Can. unico cau. 11. qu. 2. referendus ad can. 42. cau. 11. qu. 1.</p> <p>Can. 34. cau. 11. qu. 3. idem est cum can. 35. cau. 2. qu. 6.</p> <p>Can. 2. cau. 16. qu. 6. confirmatus etiam in Concilio Carthagenensi anni 418.</p> <p>Can. 5. cau. 32. qu. 7. jam pridem etiam editus in Concilio Carthagenensi an. 407.</p> <p>Can. 152. de conf. dist. 4. }</p> <p>Can. 153. de conf. dist. 4. }</p> <p>Can. 154. de conf. dist. 4. }</p> <p>Can. 155. de conf. dist. 4. }</p> <p>Can. 156. de conf. dist. 4. }</p> | <p>Confirmati omnes in Concilio Generali totius Africanæ anni 418. adversus Pelagianos, &amp; Cælestianos.</p> |
|---|--|--|

**C**oncilium Milevitani Milevi in Numidia apud Afros celebratum est an. 416., atque ad ipsum convenerunt Viri, & morum integritate, & doctrina spectatissimi

tissimi numero sexaginta, inter quos fuit eximius Ecclesiæ Antistes Augustinus Hipponensis. Potissima Concilii causa fuit, ut Africanæ Ecclesiæ per hæreses Cælestii, & Pelagii lætæ consuleretur, statuereturque, quemadmodum & de vi divinæ gratiæ, & de liberi arbitrii facultate sentiendum foret. Et quidem id decretum est prioribus Canonibus octo, quibus alii canones usque ad 27. subiecti fuerunt ad disciplinam Ecclesiasticam stabiliendam, quorum omnium auctoritas maximi semper habita fuit apud omnes, præ primis autem apud Africanos ipsos, qui illos fere omnes renovarunt in Concilio totius Africæ 217. Episcoporum, anno 418. celebrato, quod vulgo dicitur Concilium Carthaginense 6., apud alias vero Provincias fuerunt maxime venerabiles, illas præsertim, quæ Africanæ Ecclesiæ codices, uti suo loco diximus, receperunt.

In canone 15. hujus Concilii habentur verba canonis 3. dist. 72., etsi autem. *Con. 3. dist. 72.*  
nonnullæ Concilii editiones eadem omnino habeant, quæ apud Gratianum leguntur, tamen in vulgatis exemplaribus ita legimus: *Item placuit, ut quicumque in Ecclesia primum, vel semel legerit, ab alia Ecclesia ad clericatum non teneatur.* Et quidem eisdem fere verbis refertur in Concilio Carthaginensi, quod Dionysius Exiguus suæ Collectioni canonum inseruit, can. 90. ibi: *Item placuit, ut quicumque in Ecclesia vel semel legerit, ab alia Ecclesia ad clericatum non teneatur. Et subscripserunt: Aurelius Episcopus Ecclesiæ Carthaginensis huic decreto consensit, & prædicto subscripsi: similiter & ceteri Episcopi subscripserunt.* Eadem omnino habetur in cap. 90. codicis Ecclesiæ Africanæ Græci, & Latini apud Justellum; ubi ille canon tribuitur Concilio Carthaginensi Arcadio, & Honorio v. Consulibus celebrati, sive anno 402. Huic constitutioni occasione dedit arbitror Julianum quemdam Episcopum Africanum, qui Clericum Lectorem ordinatum in Mappaliensi Diocesi, qui quæ jam duobus annis in ea legerat, Epigonio Episcopo subditum ordinavit Ecclesiæ suæ Diaconum. De hac re conquestus fuerat Epigonius in Concilio Carthaginensi Consulibus Cæsario, & Attico, sive anni 397., allegans in multis jam Africanis Conciliis illud constitutum fuisse, *ut clericum alienum nullus sibi præcipias Episcopus, præter ejus arbitrium, cujus fuerit clericus, quo proposito Carthaginenses Patres illud Juliani Episcopi factum tanquam iniquum, atque indignum damnaverunt.* Videtur canonem 54. Concilii Carthaginensis apud Dionysium Exiguum, & in codice Africano Justelli.

Jungendi simul sunt canones 19. & 33. cau. 2. qu. 6., imo etiam huc referri posset canon 15. cau. 16. qu. 3., qui nomine Africani Concilii a Gratiano laudatur, atque in hoc eodem Milevitano Concilio etiam legitur in can. 24. simul cum can. 19. & 33. cau. 2. qu. 6., postquam enim in Milevitano Concilio can. 24. ea statuta fuerint, quæ legimus in dicto can. 15. cau. 16. qu. 3. usque ad illa verba: *Sua cathedra loca restituant, hæc statim sequuntur. Sane si Episcopi, inter quos causa versatur, diversarum sunt Provinciarum, ille Primas det Judices, in cujus Provincia est locus, de quo contentitur. Si autem ex communi placito vicinos elegerint, aut duo eligantur, aut tres. Quod si tres elegerint, aut omnium sententiam sequantur, aut duorum. A judicibus autem, quos communis consensus elegerit, non liceat provocare; ( hæc sunt verba dicti canonis 33. cau. 2. qu. 6.) Et quisquis probatus fuerit per contumaciam nolle obtemperare judicibus, cum hoc primæ sedis Episcopo fuerit probatum, det literas, ut nullus ei communicet Episcoporum, donec obtemperet. ( Hæc retulit Gratianus in dictum canonem 19. cau. 2. qu. 6.) Hæc omnia probata, ac confirmata*

Imm. I.

E e

fuc.

fuerunt in Concilio generali Africæ Carthaginensi anno 418., habenturque in canone 121., & 122. Codicis Africani apud Iustellum, & Concilii Carthaginensis apud Dionysium Exiguum, ubi tamen hæc verba leguntur: *A iudicibus autem, quos communis consensus elegerit, non liceat provocare. Et quisquis provocatus repperit fuerit per contumaciam nolle obtemperare iudicibus, cum hoc primæ Sedis Episcopo fuerit probatum, det literas, ut nullus ei communicet Episcopo, donec obtemperet.* Porro hæc omnia, quæ Gratianus separata retulit, simul jungenda sunt, ut integra omnino habeatur Concilii sententia, forte enim evenire posset, ut in alienam omnino sententiam detorqueantur, si singula seorsim apud Interpretes explicentur. Itaque hæc inerat Milevitanis, necnon Carthaginensibus Patribus sententia. Cœlestiani, ac Pelagiani hæretici Africanas Provincias omnino turbabant, quæ tamen jam diutino schismate Donatistarum discissæ fuerant. Hinc gravissimum imminere periculum, futurum forte, ut Donatistæ Pelagianis, Cœlestianisque jungerentur adversus veram, & Catholicam Ecclesiam pugnaturi. Quod quemadmodum facile evenire poterat ob consuetam hæreticorum omnium indolem, qui dummodo veræ adversentur Ecclesiæ, etiam cum aliis, a quibus ceteroque dissentiant, hæreticis fœdus inire solent, ita maximum Africanæ Ecclesiæ incommodum minitabatur. Quamobrem visum fuit Ecclesiæ utile, ut Donatistæ, quoad fieri posset, etiam remissa paullisper pristina disciplinæ severitate, allicerentur ad unitatem; arque hæc cura, ac sollicitudo potissimum movere debebat Episcopos illos, in quorum diocesisbus Donatistæ morabantur. Commendata propterea res eisdem Episcopis in Concilio fuit, adjecta etiam pœna, ut si iidem negligentes fuerint, alius autem Episcopos ad unitatem Donatistis adduxerit, diligentiori Episcopo conversus populus cederet; nisi tamen forte fraus intervenisset, quæ semper abesse debet præsertim in huiusmodi negotiis Ecclesiarum, ac propterea Episcoporum quorundam iudicio reservatum erat, ut de fraude cognoscerent dicto can. 15. cau. 16. qu. 3. intererat autem plurimum controversiam omnem brevi tempore finire, ne forte ea occasione rursus schismata suborirentur, & graviora Ecclesiæ undequeque concussæ pericula imminerent; atque ideo non Synodorum erat expectanda sententia, quemadmodum expectabatur in ceteris causis, sed vel Primas Provinciarum, seu Metropolitani (idem enim erat apud Africanos) iudices ipse constituat, vel ipsimet Episcopi contententes iudices ex voluntate eligebant, a quibus omnis provocatio denegabatur dicto can. 19., & 33. cau. 2. qu. 6.

Canon 35. cau. 2. qu. 6. habetur in canone 22. Concilii ejusdem Milevitanæ, quem idem Gratianus rursus descripsit in can. 34. cau. 11. qu. 3. Eadem omnino constituta sunt in Concilio Carthaginensi anni 419. sub Aurelio can. 28. his verbis, quæ habentur tum in Concilio Carthaginensi Dionysii Exigui, tum in Codice canonum Ecclesiæ Africanæ apud Iustellum can. 28. Item placuit, ut Presbyteri, Diaconi, vel ceteri inferiores Clerici, in causis, quas habuerint, si de iudiciis Episcoporum suorum questi fuerint, vicini Episcopi eos cum consensu sui Episcopi audiant, & inter eos definitum adhibiti ab eis Episcopi: quod si & ab eis provocandum putaverint, non provocent ad transmarina iudicia, sed ad Primates suarum Provinciarum, aut ad universale Concilium, (intellige de universali solius Africæ juxta vulgatam loquendi formulam apud Africanos Episcopos) sicut & de Episcopis constitutum est. Ad transmarina autem qui putaverit appellandum, a nullo intra Africam ad communionem suscipiatur. Eadem ipsa repetuntur in cap. 125. Non est omitendum hoc in loco, quomodo in hac appellationum materie sese



se se gesserit Africana Ecclesia, ut qualls capiendā sit hujus canonis interpretatio, percipiatur. Cum frequentissimi Ecclesiastici conventus tunc temporis fierent in Africa, non tantum in quibuscumque Provinciis, verum etiam ex universa illa patione, facile videbantur Africanis Episcopis posse, quacumque emergerent, causis Ecclesiasticis in Africa ipsa absolvi, etiam denegata quacumque appellatione ad Provincias transmarinas. Hinc in suis Conciliis frequentissime statuerunt causas omnes in Africa terminandas esse: sic in memorato Concilio Milevitano can. 22., seu can. 35. cau. 2. qu. 6., item in Concilio Carthaginensi anni 418., qui relatus est in Codicem canonum Ecclesie Africane can. 125. in editione Justelli, cujus verba omnino consonant cum verbis Gratiani in dicto can. 35. Cum vero anno 419. novum celebraretur in Africa Concilium, cui præsentes aderant legati Romanæ Ecclesie, propositum est a legatis, ut decerneretur, liberam esse debere appellationem ad Romanam Ecclesiam ab Africanis Provinciis, asserentes id omnino jam constitutum fuisse in Nicæno Concilio. Africani Anathemes responderunt quidem se omnia Nicæne Synodi constituta servare, attamen dubitare se, utram hæc, quæ de appellationibus proferebantur, fuissent in Nicæno Concilio definita. *Nos servaturos profitemur* (ita agebat Alypius Episcopus Tagastensis) *quod in Nicæno Concilio constitutum est, adhuc tamen memoret, quomodo cum inspiceremus Græca exemplaria hujus Synodi Nicæne, ipsa ibi, nescio qua ratione, non invenimus.* Hinc postulatum est, ut legati mitterentur Constantinopolim, Alexandriam, & Antiochiam, unde acta Nicæne Synodi integra cum canonibus haberi possent, etiam exorantes Pontificem Maximum Romanum, ut & ipse omnem sollicitudinem in obtinendis Nicænis optimis exemplaribus conferret; interea vero liceret unicuique Provinciæ morem suum servare; in eadem etiam fuit sententia Augustinus Hipponensis, qui Concilio subscripsit adposita clausula: *salva diligentiori inquisitione Concilii Nicæni*: in hoc itaque Concilio, dum penderet controversia de Nicænorum canonum integritate, constituta ea sunt, quæ nuper referebam de appellationibus ad transmarinas Provincias non interponendis; imo Africani eo validius constitutis suæ Provinciæ legibus postmodum ad hæserunt, quo clarius ex authenticis exemplaribus agnoverunt nihil tale in Nicænis canonibus contineri. In errore facti versabantur, qui Nicænos canones proposuerant; etenim Sardicenses Concilii statuta pro Nicænis habuerunt, quod facile contingere potuit, vel quod Sardicenses Concilium tamquam Nicæni appendix vulgo haberetur, vel quod Sardicenses Concilii canones in Codicibus canonum & Conciliorum subiecti Nicænis haberentur. Revera Romani legati publice in Concilio Carthaginensi legerunt ad eam rem canonem 7. Concilii Sardicenses, quem Nicæni Concilii canonem esse dixerunt. Itaque si Africana Ecclesia Concilii Sardicenses decreta æque, ac Nicæni Concilii canones recepit, non est dubitandum, quin disciplinam suarum Provinciarum Sardicensibus canonibus accommodaverit, quoties statuta Sardicensia addiderit; quandoquidem non aliter appellationes interdixit ad transmarinas Provincias, quam salva diligentiori inquisitione Concilii Nicæni. Num deinde aliud Africanis Episcopis placuerit, num hunc facti errorem agnoverint; num etiam a sua disciplina, quam in memoratis canonibus constituerant, omnino recesserint, prorsus ignoro. Tantum dixero Collectores canonum Africanos Concilii Sardicenses constitutiones etiam in hac appellationum parte in suos Codices retulisse, quare verosimile admodum crediderim etiam hosce Sardicenses canones fuisse in Africana Ecclesia receptos. Id constat ex Fulgentio Ferrando in can. 59. Breviarii ibi: *ut ad-*

judicatus Episcopus ad Apostolicam sedem, si voluerit, appellet. Concil. Sardic. tit. 5. Et Crisconius in Breviario cap. 149. ut inter discordes Episcopos Comprovinciales Antistites audiant: quod si damnatus appellaverit Romanum Pontificem, id observandum, quod ipse censuerit. Concil. Sardic. tit. 3. Itaque apparet ex his notos tandem aliquando fuisse Africanæ Ecclesiæ Sardicenses canones, qui antea Nicænorum nomine laudabantur; ita vero receptos, ut Episcoporum quidem appellationes liqueat omnino admissas fuisse, de aliorum vero inferiorum Clericorum appellationibus liquido non conflet, quando tamen de Clericis inferioribus contra cautum fuerat in dicto can. 35. cau. 2. qu. 6.; demum ita receptas Episcoporum appellationes, ut tota res arbitrio prudentizque Pontificis Maximi reservaretur, juxta illa Crisconii verba: id observandum, quod ipse censuerit.

Can. 42. Jam observaverunt Romani Corredores can. 42. cau. 11. qu. 1. non haberi in  
 cau. 11. Concilio Milevitano, sed potius in Concilio Toletano, quod tertium dicunt  
 qu. 1. anni 589. in quo hæc leguntur can. 13. Diuturna indisciplina, & licentia in solita  
 junda presumptio eo usque illicitis ausibus aditum patefecit, ut Clerici Conclericos suo neglecto  
 qu. 2. Pontifice ad judicia publica pertrahant; proindeque statuimus, hoc de cetero non presu-  
 cau. 11. mi; sed si quis hoc facere præsumserit, & causam perdat, & a communione efficiatur  
 extraneus. Ex his Gratiani fragmentum emendandum erit. De Toletano illo Con-  
 cilio nihil hoc loco dixerò, cum inferius de eodem sermo sit instituendus. Tan-  
 tum observabo, Concilium illud maximæ auctoritatis in Hispania fuisse, quod non  
 solum ejus canones fuerint a pluribus Episcopis editi, sed etiam fuerint speciali  
 Recaredi Regis edito, & subscriptione confirmati. Facile est autem conjicere, quæ  
 de causâ hoc Toletani Concilii fragmentum fuerit nomine Milevitani Concilii a Gra-  
 tiano laudatum. Etenim in Milevitano Concilio nonnulla similia leguntur in can. 19.,  
 ubi Clericis interdicitur, ne relicto Episcoporum suorum arbitrio, forenses stre-  
 pitus litium causâ exquirant. Quamobrem facile fuit studiosum quendam ad mar-  
 ginem dicti canonis Toletani apposuisse nomen Concilii Milevitani, ut indicaret in  
 Concilio Milevitano nonnulla similia haberi, Gratianum deinde, aut quemis alium  
 marginalem adjectionem canonis inscripsisse, quasi canon revera ad Concilium Mi-  
 levitianum referendus esset. Idem Gratianus hoc ipso canone dirimit quæstionem 2.  
 ejusdem causæ 11., in qua tamen semper habenda erunt in conspectu verba ipsius  
 canonis, ne forte Concilio Toletano assignetur, quod a Toletanis Patribus statutum  
 minime fuerat. Ad hunc canonem respexit Innocentius III. in cap. 12. de foro  
 competentis, quod etiam nomine Milevitani Concilii commemoravit.

Can. 2. Can. 2. cau. 16. qu. 6. habetur eisdem omnino verbis in can. 21. Concilii Mi-  
 cau. 16. levitani, ubi tamen quandam codicum varietatem adnotarunt Romani Corredores.  
 qu. 6. Eadem omnino confirmata sunt in Concilio Carthaginensi anni 418., ut patet ex  
 Codice Ecclesiæ Africanæ apud Justellum, ubi can. 120., eadem leguntur, & in  
 posterioribus verbis: Si autem ille aliquam quæstionem retulerit per Episcopos judices  
 causa finiatur, siue quos eis Primates dederint, siue quos ipsi vicinos ex consensu dele-  
 gerint; quæ etiam verba habentur in can. 120. Concilii Carthaginensis Dionysii  
 Exigui. Atque hæc omnia de iudicibus eligendis, aut a Primatibus petendis in causâ  
 Episcoporum, & Diacæneos occupandæ intelligenda sunt juxta ea, quæ nuper dixi-  
 mus ad canones 19., & 33. cau. 2. qu. 6.

Can. 5. Can. 5. cau. 32. qu. 7. habetur in can. 17. Milevitani Concilii; cum quo licet  
 cau. 32. Gratianus omnino consonet, attamen ejus postrema verba omisit; etenim in Con-  
 qu. 7. cilio

cilio post illa: ad penitentiam redigatur, ita sequitur: *In qua causa legem Imperialem petendam promulgari.* Quæ sane clausula maxime opportuna tunc temporis videbatur, quum Romanæ veterum Imperatorum leges existerent, quibus divortia nonnullis in casibus fieri ita permitteretur, ut liceret dimittentibus, & dimissis nova conjugia contrahere. Idem canon jampridem constitutus fuerat in Concilio Carthagenensi sub Aurelio Honorio 7., & Theodosio 2. Augustis consulibus, sive anno 407., quemadmodum constat ex canone 102. Codicis Ecclesiæ Africanæ apud Justellum, & in can. 102. Concilii Carthagenensis apud Dionysium Exiguum ibi: *Placuit, ut secundum Evangelicam, & Apostolicam disciplinam neque dimissus ab uxore, neque dimissa a marito alteri conjungatur, sed ita maneant, aut subimet reconcilientur, quod si contemserint, ad penitentiam redigantur, in qua causa legem Imperialem petendam promulgari.*

Ab initio aiebam in Concilio Milevitano non tam plura ad disciplinam Ecclesiasticam pertinentia capita definita fuisse, quam etiam adversus Pelagii, & Cælestii dogmata de vi divinæ gratiæ, & liberi arbitrii. Quæ huc usque retuli capita disciplinam Ecclesiasticam spectant; verum alia sunt apud Gratianum, quæ doctrinam fidei adversus Pelagium continent, uti sunt canones 152. 153. 154. 155., & 156. de conf. dist. 4., qui omnes habentur in can. 1. 2. 3. 4., & 5. ejusdem Concilii Milevitani. In inscriptione tamen canonis 152. apud Gratianum legendum est: *cui interfuit Augustinus, & Asellus Romanæ Ecclesiæ legatus*, non, uti scripsit Gratianus, & Anselmus Romanæ Ecclesiæ legatus. Hi omnes canones recepti primum fuerunt in universa Africana Ecclesia, confirmatique in Concilio Carthagenensi sub Aurelio anni 418. can. 1., & sequentibus, quemadmodum constat ex canonibus 108., & sequentibus Codicis canonum Africanæ Ecclesiæ apud Justellum, & Concilii Carthagenensis apud Dionysium Exiguum; ubi eadem omnino leguntur. Atque exinde colligitur errare illos, qui putarunt hosce canones non in Milevitano, sed potius in Carthagenensi Concilio fuisse conditos, eternum in Carthagenensi Concilio potius confirmati sunt ex generali Africanorum omnium Episcoporum consensione, quemadmodum & alii canones quamplures Conciliorum peculiaris alicujus Provinciæ in generalibus Africæ Conciliis confirmari solebant. Doctrina autem in eisdem canonibus constituta generali dein totius Ecclesiæ judicio probata est, cum Pelagiani, & Cælestiani communi catholicorum omnium suffragio damnati fuerint, receptaque ea omnia, quæ adversus illos præsertim S. Augustino Duce decreta fuerant saluberrime juxta Sacræ Scripturæ dogmata, & veterum Patrum traditiones.

## CAPUT XVII.

*De Conciliis pluribus Toletanis.*

Sub uno capite opus est omnia Toletanæ Ecclesiæ Concilia a Gratiano commemorata congerere, vel quia rei ordo commodior hac in parte videtur, vel quia apud Gratianum non omnia Conciliorum Toletanorum capita suis singula Conciliis, & servata temporum serie tribuuntur. Subjicio Canones Gratianeos.

Ex Concilio  
Toletano I.

- Can. 4. dist. 34. ad meliorum Codicum fidem exigendus.
- Can. 68. dist. 50. paullo varius in diversis exemplaribus.
- Can. 4. dist. 51. ad meliorum Codicum fidem exigendus.
- Can. 7. dist. 54. aliter descriptus apud Martinum Bracarensem, quam in Concilio Toletano legatur.
- Can. 26. cau. 11. qu. 3. fere consonat cum vulgatis Concilii exemplaribus.
- Can. 21. cau. 24. qu. 3. ad meliorum Codicum fidem exigendus.
- Can. 27. cau. 27. qu. 1. paullo varius in diversis exemplaribus.
- Can. 10. cau. 33. qu. 2. consonat cum vulgatis Concilii exemplaribus.
- Can. 20. de cons. dist. 2. paullo aliter descriptus in vulgatis Concilii exemplaribus.

Ex Concilio  
Toletano II.

- Can. 5. dist. 28. paullo aliter in integris Concilii exemplaribus legitur.

Ex Concilio  
Toletano III.

- Can. 11. dist. 44. consonat cum vulgatis Concilii exemplaribus.
- Can. 14. dist. 54. ad integra Canonum exemplaria exigendus.
- Can. 2. cau. 10. qu. 1. paullo aliter exhibetur in exemplaribus Concilii.
- Can. 6. cau. 10. qu. 3. paullo aliter in diversis exemplaribus.
- Can. 63. cau. 12. qu. 2. ad meliorum Codicum fidem exigendus.
- Can. 69. cau. 12. qu. 2. jam a Romanis Correctoribus restitutus.
- Can. 73. cau. 12. qu. 2. consonat cum vulgatis Concilii exemplaribus.
- Can. 28. cau. 13. qu. 2. ex Concilii ipsius exemplaribus supplendus.
- Can. 16. cau. 32. qu. 2. ex Concilii ipsius exemplaribus supplendus.
- Can. 2. de cons. dist. 3. ex Concilii ipsius exemplaribus supplendus.

Ex Concilio  
Toletano IV.

- Can. 3. dist. 25. ex vulgato Concilii canone supplendus.
- Can. 3. dist. 28. paullo varius in diversis exemplaribus.
- Can. 1. dist. 38. paullo varius in diversis exemplaribus.
- Can. 2. dist. 38. paullo aliter legitur in vulgatis Concilii exemplaribus.
- Can. 5. dist. 45. consonat omnino cum vulgatis Concilii exemplaribus.
- Can. 5. dist. 51. paullo varius in diversis exemplaribus.
- Can. 5. dist. 54. consonat omnino cum vulgatis Concilii exemplaribus.
- Can. 7.

- Can. 7. dist. 77. ex vulgato Concilii canone supplendus.  
 Can. 30. dist. 81. paullo aliter legitur in vulgatis Concilii exemplaribus.  
 Can. 8. dist. 87. in nonnullis editis Codicibus emendandus.  
 Can. 20. dist. 93. consonat cum vulgatis Concilii exemplaribus.  
 Can. 7. cau. 1. qu. 4. consonat cum vulgatis Concilii exemplaribus.  
 Can. 24. cau. 2. qu. 7. consonat cum vulgatis Concilii exemplaribus.  
 Can. 6. cau. 10. qu. 1. jungendus cum canone 60. cau. 16. qu. 1.  
 Can. 11. cau. 10. qu. 1. paullo varius in diversis exemplaribus.  
 Can. 1. cau. 12. qu. 1. paullisper dissonat a vulgatis Concilii exemplaribus.  
 Can. 39. cau. 12. qu. 2. consonat cum vulgatis Concilii exemplaribus.  
 Can. 58. cau. 12. qu. 2. fere consonat cum vulgatis Concilii exemplaribus.  
 Can. 61. cau. 12. qu. 2. consonat cum vulgatis Concilii exemplaribus.  
 Can. 65. cau. 12. qu. 2. consonat cum vulgatis Concilii exemplaribus.  
 Can. 66. cau. 12. qu. 2. consonat cum vulgatis Concilii exemplaribus.  
 Can. 60. cau. 16. qu. 1. jungendus cum can. 6. cau. 16. qu. 1.  
 Can. 3. cau. 16. qu. 3. jungendus cum can. 2. cau. 16. qu. 5.  
 Can. 4. cau. 16. qu. 3. consonat cum vulgatis Concilii exemplaribus,  
 si adijciantur notæ Correctorum Romanorum.  
 Can. 2. cau. 16. qu. 5. jungendus cum can. 3. cau. 16. qu. 3.  
 Can. 30. cau. 16. qu. 7. ex vulgatis Concilii exemplaribus supplendus.  
 Can. 31. cau. 17. qu. 4. ad meliorum exemplarium integritatem exigendus.  
 Can. 1. cau. 18. qu. 2. ad meliorum exemplarium integritatem exigendus.  
 Can. 1. cau. 19. qu. 1. consonat cum vulgatis Concilii exemplaribus.  
 Can. 5. cau. 23. qu. 8. paullo varius in diversis exemplaribus.  
 Can. 29. cau. 23. qu. 8. consonat cum vulgatis Concilii exemplaribus.  
 Can. 5. cau. 26. qu. 5. paullo varius in diversis exemplaribus.  
 Can. 7. cau. 27. qu. 1. pertinet potius ad Concilium Parisiense 5. anni 615.  
 Can. 10. cau. 28. qu. 1. consonat cum vulgatis Concilii exemplaribus.  
 Can. 11. cau. 28. qu. 1. ex aliis Codicibus explicandus.  
 Can. 12. cau. 28. qu. 1. consonat cum vulgatis Concilii exemplaribus.  
 Can. 54. de conf. dist. 1. paullo varius in diversis exemplaribus.  
 Can. 85. de conf. dist. 4. ex integris Concilii exemplaribus supplendus.  
 Can. 94. de conf. dist. 4. consonat cum vulgatis Concilii exemplaribus.

Ex eodem  
Toletano IV.

Ex Concilio  
Toletano VI.

- Can. 9. cau. 3. qu. 9. supplendus ex vulgatis Concilii exemplaribus.  
 Can. 64. cau. 12. qu. 2. jungendus cum can. 65. cau. 12. qu. 2.  
 Can. 72. cau. 12. qu. 2. paullo aliter legitur in exemplaribus Concilii.  
 Can. 2. cau. 20. qu. 3. hodie consonat cum vulgatis Concilii exemplaribus.  
 Can. 19. cau. 33. qu. 2. paullo aliter legitur in vulgatis Concilii exemplaribus.

Can. 16.

Ex Concilio Toletano VII. { Can. 16. cau. 7. qu. 1. paullo varius in diversis exemplaribus.  
Can. 8. cau. 10. qu. 3. paullo varius in diversis exemplaribus.

Ex Concilio Tolet. VIII. { Can. 1. dist. 13.  
Can. 1. cau. 22. qu. 1.  
Can. 1. cau. 22. qu. 4.  
Can. 9. cau. 22. qu. 4.  
Can. 14. cau. 22. qu. 4.  
Can. 15. cau. 22. qu. 4.  
Can. 7. cau. 1. qu. 1. paullo aliter legitur in vulgatis exemplaribus Concilii.

simul jungendi omnes, & commoda interpretatione ex aliis ipsiusmet Concilii illustrandi.

Ex Concilio Toletano IX. { Can. 4. dist. 54. consonat omnino cum vulgatis Concilii exemplaribus.  
Can. 74. cau. 12. qu. 2. paullo varius in diversis exemplaribus.  
Can. 2. cau. 12. qu. 3. jungendus est cum can. 1. cau. 12. qu. 4.  
Can. 4. cau. 12. qu. 3. supplendus ex Concilii exemplaribus.  
Can. 1. cau. 12. qu. 4. jungendus est cum can. 2. cau. 12. qu. 3.  
Can. 3. cau. 15. qu. 8. paullo aliter legitur in exemplaribus Concilii.  
Can. 10. cau. 16. qu. 3. consonat cum vulgatis Concilii exemplaribus.  
Can. 31. cau. 16. qu. 7. supplendus ex integris Concilii exemplaribus.  
Can. 32. cau. 16. qu. 7. supplendus ex integris Concilii exemplaribus.

Ex Concilio Tolet. X. { Can. 6. dist. 89. supplendus ex integris Concilii exemplaribus.  
Can. 16. cau. 20. qu. 1. supplendus ex integris Concilii exemplaribus.  
Can. 1. cau. 20. qu. 2. supplendus ex integris Concilii exemplaribus.  
Can. 36. cau. 27. qu. 1. a Romanis Corredoribus reſtitutus.

Ex Concilio Tolet. XI. { Can. 13. dist. 12. consonat cum vulgatis Concilii exemplaribus.  
Can. 6. dist. 23. paullo varius in diversis exemplaribus.  
Can. 101. cau. 1. qu. 1. paullo varius in diversis exemplaribus.  
Can. 3. cau. 5. qu. 4. varius in diversis Concilii exemplaribus.  
Can. 15. cau. 7. qu. 1. fere consonat cum vulgatis omnibus Concilii exemplaribus.  
Can. 30. cau. 23. qu. 8. jungendus cum can. 29. cau. 23. qu. 8.

Ex Concilio Tolet. XII. { Can. 17. dist. 54. consonat omnino cum vulgatis Concilii exemplaribus.  
Can. 25. dist. 63. supplendus ex vulgatis Concilii exemplaribus.  
Can. 35. cau. 17. qu. 4. supplendus ex vulgatis Concilii exemplaribus.  
Can. 21. cau. 32. qu. 5. consonat cum vulgatis Concilii exemplaribus.  
Can. 11. de cons. dist. 2. paullo aliter habetur in vulgatis Concilii exemplaribus.

Ex Concilio Tolet. XIII. { Can. 13. cau. 26. qu. 5. partim referendus ad 17. Concilium Toletanum.

Ex Concilio Tolet. XVI. { *Can. 17. dist. 18. supplendus ex integris Concilii exemplaribus.*  
*Can. 3. cau. 10. qu. 3. supplendus ex integris Concilii exemplaribus.*

Sequuntur  
canones To-  
letani Con-  
cilii nomine  
laudati.

- Can. 14. dist. 23. pertinet potius ad Concilium Hispalense II.*  
*Can. 6. dist. 54. potius ex Capitularibus Francorum.*  
*Can. 8. dist. 54. iungendus cum can. 6. dist. 54.*  
*Can. 9. cau. 10. qu. 1. potius ex Concilio Triburiensi sub Rege Arnulpho.*  
*Can. 24. cau. 11. qu. 1. Ex Burchardo Wormaciensi, vel ex Concilio Aquigranensi.*  
*Can. 31. cau. 12. qu. 2. apocripus, sive a quodam canonum doctore compositus.*  
*Can. 54. cau. 16. qu. 1. exhibet potius disciplinam Ecclesie Gallicane.*  
*Can. 43. cau. 16. qu. 7. consonat cum disciplina octavi, aut noni seculi.*  
*Can. 34. cau. 27. qu. 2. pertinet potius ad Concilium Troiejanum.*

**I**N Toletana Urbe, quæ totius Hispaniæ præcipua Metropolis est, multis nominibus præclarissima, quamplures venerabiles Synodos celebratas fuisse, & quidem recentioribus Collectores sacrorum canonum valde familiares eruditi omnes passim agnoverunt, proindeque in illis germana ut plurimum veterum doctrina continetur. Quamquam tamen apud viros eximios, etiam Hispanos, & Hispanicarum rerum exploratores solertissimos, qualis inter ceteros fuit Gaspar Loaisa supervacanea fuerit sollicitudo, & inanis labor in omnibus Toletanis Conciliis exquirendis, ad quæ vulgaris Collectorum omnium canones, commode referrent, nihil minus dabo operam, ut, quoad fieri poterit, Gratiani fragmenta, suis unaquæque Conciliis tribuantur.

## De Canonibus Concilii Toletani I.

Concilium Toletanum I. apud omnes Collectores dicitur, quod celebratum est anno 400. idemque, uti conjiciunt viri eruditi non Provinciale fuit solum Toletanæ Dioceseos, sed Nationale totius Hispaniæ, ad quod convenerunt Episcopi numero novemdecim, Præsidente Patruino, seu, ut alii vocant, Patrono Emeritensis Ecclesiæ Episcopo, & quidem Catholici omnes, qui adversus Priscillianistarum hæreses, quemadmodum in eodem Concilio dicitur, acerrime, strenueque pugnaverant. Generali huic totius Hispaniæ Concilio occasionem dederat lapsus gravissimus Ecclesiasticæ disciplinæ fere ad interitum deductæ, quam propterea necesse fuerat reparari, aut etiam, si fieri posset, omnino restitui. Quoniam singuli capimus (ajunt Toletani Patres) in Ecclesiis nostris facere diversa, & inde tanta scandala sunt, quæ usque ad schisma perveniunt, si placet, communi Concilio decernamus, quid ab omnibus Episcopis in ordinandis Clericis sit sequendum. Hanc ad rem viginti capitula constituta sunt, quæ a Collectores Conciliorum referuntur.

Item. I.

F f

Ex

Can. 4. Ex his numero decimumseptimum est, quod refertur apud Gratianum in can. 4.  
 dist. 34. diff. 34. cujus tamen verba ita potius describenda fuerant, quemadmodum in  
 Codicibus optimis habentur: *Siquis habens uxorem fidelem, (legunt alii: Siquis habens uxorem fidelis), si concubinam habeat non committet. Ceterum qui non habet uxorem, & pro uxore concubinam habet, a communione non repellatur; tantum ut unius mulieris, aut uxoris, aut concubinae (ut ei placuerit) sit conjunctione contentus, alias vero vivens abiciatur, donec desinat, & per poenitentiam revertatur.* Nonnulli recentiores in canonis hujus, & similium interpretatione laborant, quod veteris concubinatus naturam perspectam satis non habeant. Porro triplex apud veteres fuit genialis thalamus, alius cum uxore, alius cum concubina, alius demum cum uxore simul ac concubina. Prior dicebatur iustus, seu jure probatus, ex quo qui progenti erant iusti liberi, ac legitimi appellabantur. Alter erat a lege permixtus, quasi nuptiarum minus solemnes, & juxta meras naturae leges nulla juris celebritate contractus, ex quibus propterea qui nascebantur, naturales liberi vocabantur. Postremus erat omnino lege interdictus, quasi adulterium; unde iniustus, illegitimus, & spurios liberos a naturalibus lege Romana discretos fuisse facile animadvertunt quicumque vel solas Romanarum Jurisprudentialium institutiones apprehenderint. Etenim Romani veteres triplex iustum conjugium dixerunt, vel quod per confarreationem solemnibus juris adhibitis contrahebatur, vel per legitimas stipulationes, five coemptionem viri & uxoris fiebat, vel demum per usufruptionem, quatenus leges duodecim tabularum constituerant, ut siquis sine solemnitatibus juris, aut sine stipulatione sociam vitae sibi adsciverit, eam tamquam legitimam uxorem haberet, dummodo per annum integrum vitae communione ferservaret; siquidem elapsio anno ita uterque simul congressi eo animo praesumebantur, ut iusti vir & uxor esse vellent, in qua sane voluntate, atque consensu communi omnium suffragio matrimonii, & nuptiarum natura potissimum sita erat. Itaque quousque nondum praeterlapsus fuerat annus, non matrimonium, non uxor, sed concubinatus, & concubina appellabatur, concubinatus, inquam, per quem ad legitimum matrimonium via parabatur; concubina, quae tandem uxor iusta, & legitima futura fuisset. In hac disciplinae juris qualitate, quis concubinatum priorum Ecclesiarum saeculorum improbare poterit, aut etiam damnare, quousque nullae adhuc proditae leges fuerant, quibus constitueretur, nuptias nonnisi solemniter contrahi? Improbare potius debuerit concubitus ipsius abusus, quando scilicet eo animo concubinam quispiam sibi sociaret, ut ab ea recessurus ante annum esset; neque enim facile hanc concubinatus speciem a stupro distinguerem, ipsi etiam Romanis legibus damnato; aliud tamen de concubinato ipso sentiendum erit.

Can. 68. Ex canone 4. ejusdem Concilii restituenda sunt verba canonis 68. dist. 50. hoc  
 modo: *Item placuit, ut de poenitente non admittatur (legunt alii: ut poenitentes non admittantur) ad Clerum, nisi tantum si necessitas, aut usus exegerit, inter Ostiarios deputetur (legunt alii: & tunc inter Ostiarios deputentur), vel inter Lectores, ita ut Evangelia, & Apostolum non legat. Siqui autem ante ordinati sunt Diacones, inter Subdiacones habeantur, ita ut manum non imponant, aut sacra non contingant. Poenitente vero dicimus de eo, (legunt alii: Eum vero poenitentem dicimus), qui post baptismum aut pro homicidio, aut pro diversis criminibus, gravissimisque peccatis publicam poenitentiam gerens sub cilicio, (legunt alii: sub Concilio) divino fuerit reconciliatus altario. Duo in hoc canone habemus disciplinae Ecclesiasticae argumenta.*



Primum ex eo eruiamus, quod dicatur poenitentes non posse ad Clerum promovēri, & vix, ubi necessitas postulaverit, inter lectores posse recenseri, ita tamen, ut Evangelia, & Apostolum non legant. Quippe in Ecclesia triplex erat, & distinguēbatur lectio; alia Evangelii, alia Epistolarum Sancti Pauli, alia ceterorum Codicum Ecclesiasticorum sive ad veteris testamenti historiam, sive ad mores informandos, sive ad martyrum acta pertinentium. Prior solis Diaconis reservabatur, altera Subdiaconis; postrema etiam Lectoribus in minori ordine constitutis concedebatur. Secundum ex eo deducimus, quod dicatur, Poenitentes Diaconos in Subdiaconorum gradum deici; ut manus minime imponant. Hæc porro manuum impositio, quæ Diaconis in Subdiaconorum gradum dejectis non conceditur, non huiusmodi esse intelligitur, quasi Diaconis manus imponendi, idest absolvendi poenitentes facultas competeret. Referenda hæc sunt ad ceremoniam quandam impositionem manuum, quæ totius Ecclesiæ consensus designabatur. Solebant enim omnes sive Presbyteri, sive Diaconi, dum Episcopus manus poenitentibus imponebat absolutionis, reconciliationisque gratia, etiam ipsi manus imponere, quemadmodum etiam hodie consuetudo huiusmodi viget in ordinationibus Presbyterorum, in quibus cum Episcopus ordinat, & manus imponit, ceteri quoque Sacerdotes, qui adsunt, manus imponere jubentur. Illa itaque ceremonialis manuum impositio supra poenitentes, quemadmodum insignem ac præcellentem potestatem indicabat, illis Diaconis denegata fuit, qui ob grave aliquod crimen in Subdiaconorum gradum dejecti fuerant.

In can. 4. dist. 51. habetur canon 8. ejusdem Concilii, cujus hæc verba sunt: *si* Can. 4.  
*quis post baptismum militaverit, & chlamydem sumserit, aut cingulum, etiam si gravi-* dist. 51.  
*ra non admisit, si ad Clerum admittus fuit, Diaconi non accipiat dignitatem.* Chlamys genus erat vestis militaris, quam ita describit S. Isidorus Hispalensis lib. 19. Originum cap. 24. *Chlamys est, quæ ex una parte indiditur, neque consuitur, sed fibula infrenatur.* Cingulum vero erat militaris illa zona, qua Chlamys eadem colligebatur. In hoc canone finis Toletanorum Patrum fuit, eos a Clericis Superioris gradus excludere, qui militiæ assueverant. Cum enim sibi proposuissent Toletani Antilites de Sacrorum præsertim ministrorum ordinationibus plura constituere, quorum mores non satis erant exacti ad Ecclesiasticarum legum regulas, illud omne a Clericorum animis arcere voluerunt, quod posset illos ad schismata, aut dissensiones Ecclesiæ maxime perniciosas inducere; quod sane non satis curassent, si eos ad Clericalem militiam facile promovissent, qui pertractandis armis diutius incubuerant; præsertim cum ea ætate apud Hispanos milites essent exercitissimi, occasionem præbentibus Gothiis, & Vandalis, quorum anceps fortuna novis in dies certaminibus causam suppeditabat; ideoque quisquis tum armatam militiam professus fuerat, primum ad bella, & paratum ad omnes contentiones animum vel usu ipso induerat. Quod autem militibus ad gloriam & laudem esse poterat, Clerico inconueniens erat, præsertim apud illos Episcopos, qui, uti præfatus sum, suborientia Clericorum schismata extinguere meditabantur.

Non est hoc in loco omittendus canon 7. dist. 54., licet apud Gratianum referatur sub nomine Concilii Martini Papæ; ille enim habetur in canone 10. Concilii Can. 7.  
 Ili Toletani 1. his verbis: *Clericos si qui obligati sunt, vel pro æquatione, vel genere* dist. 54.  
*alicujus domus non ordinandos, nisi probate vitæ fuerint, & Patronorum consensus acce-*  
*perit.* Gratianus hoc fragmentum receperat ex Collectione Martini Bracarenfis, qui

ut plurimum canones Conciliorum non ad literam, ut ajunt, sed adornata paraphrasi descriperat. Porro Martinus Bracarenſis in cap. 46. ſuz Collectionis ita Toletanum canonem deſcriperat. *Siquis obligatus eſt tributo ſervili, vel aliqua conditione, vel patrocinio cujuſlibet domus, non eſt ordinandus Clericus, niſi probate vita fuerit, & patroni conſenſus acceſſerit.*

Can. 26. Canon 11. qu. 3. habetur in canone 15. Concilii Toletani I., ubi Clericis, religioſiſque viris interdicitur, ne cum excommunicatis ulla ratione communent. Gratiani verba conſonant cum Toletano canone, & vix in poſtrema parte vocula a Gratiani Codice detrahenda erit, cum in Toletani Concilii exemplaribus deſideretur, ſiquidem pro illis verbis Gratiani, *ſive Laico quolibet, ſive Clerico*, ita in Concilii Canonibus legitur: *ſive Laico, ſive Clerico.*

Can. 21. Plurimum a verbis, ac ſententia canonis 11. Tolerani. diſſonat Gratianus in can. cau. 24. 21. cau. 24. qu. 3., ita enim legendum eſſet ex melioribus Concilii ejuſdem exemplaribus integris: *ſiquis de potentibus Clericum, aut quemlibet pauperiorem, aut religioſum expoliaverit, & mandaverit ad ipſum Epiſcopus, ut cum audiat, & ſi conſenſerit, inſolem mox ſcripta percurrant per omnes Provincia Epiſcopos, & quoscumque adire poſuerint, ut excommunicatus habeatur, donec audiat, ut reddat aliena.*

Can. 27. Canon 27. qu. 1. hodie poſt Romanam Correſtioneſon conſonat omnino cum cau. 27. canone 16. Concilii Toletani I. juxta omnia edita exemplaria, dummodo pro illis verbis, *caſte vixeris* hæc potius legantur: *caſte vivere ceperis*: Gratianus etiam ſcripſerat, *habeatur in abſentia*, quæ verba Romani Correſtiores ex recentioribus, ut ipſi ajunt, Conciliorum editionibus emendarunt hoc modo: *habeatur abſentia*. Ceterum Martinus Bracarenſis, qui canones Hiſpanos in Hiſpania deſcribebat, ſcripſit potius: *habeatur in abſentia*, quemadmodum liquet ex cap. 31. collectionis ejuſdem Martini.

Can. 10. De canone 10. cau. 33. qu. 2. nihil eſt, quod ſpecialiter hic dicam. Conſonat ille cau. 33. qu. 2. omnino cum can. 7. ejuſdem Concilii Toletani.

Can. 20. Canon 20. de conf. diſt. 2. pertinet ad canonem 13. Concilii Toletani I., cujus de conf. verba hæc ſunt: *De iis, qui intrant in Eccleſiam, & deprehenduntur nunquam communicare, admoneantur; & ſi non communicant, ad pœnitentiam accedant: ſi communicant, non ſuper (ideſt inſuper, ſive ulterius) abſtineant: ſi non fecerint, abſtineantur: ex quibus Gratiani fragmentum facile unusquiſque emendabit.*

## De Canonibus Concilii Toletani II.

Sub Montano Toletano Civitatis Epiſcopo clariffimo celebrata eſt oſto Epiſcoporum illius Provinciæ Synodus, quæ vulgo Toletana II. appellatur anno 5. Regis Amalarici, qui incidit in annum 531. Quid vero potiſſimum cordi fuerit Toletanis Patribus, iidem ipſi initio Concilii demonſtrarunt his verbis: *Cum in volumine Domini apud Toletanam urbem Sanctorum Epiſcoporum præſentia conveniſſet, & de inſtitutis Patrum, Canonumque decretis commemoratio haberetur, id nobis in unum poſſitis placuit, ut ſi qua in antiquis canonibus minime commemorata ſunt, ſalubri tractatu, ac diligenti conſideratione inſtituantur. Si qua vero in anterioribus Conciliis ſunt decreta, ſub abuſione temporum haſtenus ſunt neglecta, redituæ ordinationis cenſuram obtineant, quatenus dum in his, quæ ad occultum ſcilicet pertinent, ſtudio religioſe obſervantiaſ* impe-

impendimus, Dei nostri misericordiam facilius impetremus. Quinque tantummodo canones in hoc Concilio editos habemus, quorum unum dumtaxat retulit Gratianus in can. 5. dist. 28. Is est canon primus in Concilio, ubi vulgati Codicis paullo aliter habent, quam legatur apud Gratianum. Ea verba ipsa Concilii: *De tuis, quas voluntas parentum a primis infantiae annis clericali officio mancipari, statuimus observandum, ut mox deconsi, vel ministerio electorum* (Gratianus habet: *Leitorum*, quod probare videntur Romani Corretores agentes id ipsum fere legi in Epist. Syricii ad Himerium cap. 9. Verba Syricii habentur in can. 3. dist. 77. sed forte utrobique nomen *Leitorum* idem significat, videlicet selectos viros, quorum custodiz, ac vigilantiz pueruli Ecclesiasticis rebus a Parentibus additi committebantur, quemadmodum sequentia mox verba Concilii Toletani demonstrant) traditi, in domo Ecclesie sub Episcopati presentia a Præposito sibi debeant erudiri. At ubi octavumdecimum ætatis sue compleverint annum, coram totius Cleri, plebisque consensu, voluntas eorum de expetendo conjugio ab Episcopo perscrutetur; quibus si gratia castitatis Deo inspirante placuit, & professionem castimonie sue absque conjugali necessitate sponderint servaturos; hi tamquam appetitores arduissime viæ, lenissimo Domini iugo subdantur, ac primo Subdiaconatus ministerium habitu probationis sue a vigesimo anno suscipiant; quod si inculpabiliter, ac inoffense vigesimumquintum annum ætatis sue peregerint, ad Diaconatus officium (si scienter implere posse ab Episcopo comprobantur) promoveri debent. Cavendum tamen est his, ne quando sue sponsonis immemores, ad terrenas nuptias, aut ad furtivos concubitus ultra recurrant. Quod si forte fecerint, ut sacrilegii rei damnemur, & ab Ecclesia habeantur extranei. His autem, quibus voluntas propria interrogationis tempore desiderium nubendi persuaserit, concessam ab Apostolo sententiam auferre non possumus, ita ut cum perfectæ ætatis in conjugio positi, renuntiaturi se pari consensu operibus carnis sponderint, ad sacros gradus aspirent: Duo ex hoc canone deduci possunt. Primum, parentibus eam sexto adhuc sæculo potestatem fuisse, ut filios suos Ecclesiasticis officiis addicerent. Alterum, eodem tempore filiis eisdem talem potestatem fuisse, ut adolescentiores facti ab Ecclesiasticis officiis propria voluntate recederent, votumque paternum penitus frustrarentur. Est hæc jurisprudentiz mediæ temporis disciplina: Etenim olim multo major erat Parentum potestas, ut scilicet filios quomodocumque relucantes in ipsis etiam Monasteriis Deo perpetuo dicarent; quemadmodum hodie penitus ab hac agendi ratione, penitus recessum est. At sexto circiter sæculo ita sacri Anusiles parentum potestatem moderabantur, ut etiam nonnihil filiorum voluntati concederent; ita etiam filios sub potestate esse voluerunt, ut plurimum, voluntati Parentum tribuerent. Neque ex his forte quispiam deduceret, non eodem semper Dei spiritu Ecclesiam regi etiam in hisce Conciliis particularibus, ut vocant, Provinciarum, hæc enim jurisprudentiz varietas non ex aliis aliquando principiis profecta est, quam ex varietate civilis juris, cui aliquando necessarium erat insistere, ut omnia commode, apte, appositèque componerentur. Porro quis ignorat apud Romanos veteres, eosque omnes, qui legibus Romanorum vivebant, maximam fuisse in filios potestatem parentum, adeo ut ab ipsis 12. tabularum legibus parentibus eisdem veniundandi, immo & occidendi impune filios concessa facultas amplissima fuerit. Tum vero quis non videat, parentum voto fuisse indulgendum, quoties illi filios suos etiam relucantes in Monasteriis includerent, præsertim cum ea ratione melior fieri videretur liberorum conditio, quibus satius erat Deo dicatos esse, sacrivse muneri-

Can. 5.  
dist. 28.

neribus additos, quam tam austeræ parentum disciplinæ subjici, & forte ad perpetuum servitutis pondus aliquando venundari. At posteriore ætate, postquam mores Romanorum a vetere servitute deflexerunt, cœperunt filii in naturalem libertatem quodammodo proclamare, etiam in hac parte gliscienti consuetudini locum fecerunt viri Ecclesiastici, æquum agnoscetes, nonnisi eos, qui vere consentiunt & volunt, Ecclesiasticis muneribus addici, ne forte Ecclesiæ detrimenta gravissima imminuant. At, quemadmodum in ceteris rebus nunquam invicem inter se extrema junguntur, ita & in hac parte, non statim a severiore illa parentum potestate devenit ad liberam filiorum voluntatem; sed partim potestati patris, partim liberorum voluntati concessum est, quod sane in dicto canone 5. dist. 28. facile agnoscimus.

### De Canonibus Concilii Toletani III.

Celebratissimum est inter omnia Toletana Concilia, quod vulgo dicitur tertium Toletanum; in illud enim universæ Hispaniarum Provinciæ confluerant, convenerintque Episcopi numero 78., atque inter ipsos quinque Metropolitæ, videlicet Toletanus, Hispalensis, Narbonensis, Bracarensis, & Emeritensis. Et quamquam non intervenerit Archiepiscopus Tarraconensis, tamen interfuerunt plures Episcopi Tarraconensis Provinciæ, unde nonnulli ex eruditissimis suspicantur, tunc temporis Tarraconensem Ecclesiam fuisse suo Archiepiscopo viduatam. Quod si præter Episcoporum numerum observemus & causas, quibus Concilium hoc fuit celebratum, ex sine dignissimæ fuerunt generali illius Regni Concilio; nempe agendum erat de Gothis ab hæresi ad unitatem Catholicam adducendis, fidei generali totius fidei Christianæ professione, qua præsertim Arianam hæresim detestantur, & quatuor Priorum Generalium Conciliorum dogmata suscipere. Et quidem res bene celsit ad fidei utilitatem, & incrementum, sed ibidem amplius progressi sunt Sancti Patres; siquidem 23. Canonibus confirmata fide ad disciplinam Ecclesiasticam restaurandam animum converterunt; cujus rei gratia totidem 23. canones ediderunt. Hocce Concilium celebratum est anno 589. Summum Ecclesiæ universæ Pontificatum tenente Pelagio II., regnante autem in Hispania Reccaredo, qui optimus Princeps & Episcopos omnes, ut convenirent, alacrius, vehementiusque excitavit, & postquam convenerunt, munificentissime fovit, & editis in Concilio canonibus deinde omnino consensit, immo & propria manu subscripsit.

Can. 11. In hoc Concilio canone 7. habetur eisdem omnino verbis canon 11. dist. 44., quo talis tradita est Clericis regula, ut exemplo ceteris essent, atque in divinis literis vel inter ipsas epulas erudirentur.

Can. 14. In canone 14. dist. 54. habetur canon 14. ejusdem Concilii Toletani. Sed Gratianus non integrum fragmentum retulit, quale in Concilio ipso expressum est. Agebatur ibi de publicis muneribus, quæ Judæis ad Christianorum injuriam non concederentur. Id potius videbatur Principis auctoritate constituendum. En integra canonis verba: *Suggestente Concilio id gloriosissimus Dominus noster canonibus inferendum præcipit, ut Judæis non liceat christianas habere uxores, vel concubinas, neque mancipia Christiana comparare in usus proprios; sed & si qui filii ex tali conjugio (legunt alii: consortio) nati sunt, assumendos esse ad baptismum. Nulla officia publica*

blica ( ab his postremis verbis exorditur Gratianus ) eos opus est agere , per quæ  
eis occasio tribuatur punam christianis inferre . Siqui vero christiani ab eis judaico ritu  
sunt maculati , vel etiam circumcisi , non reddito precio ad libertatem , & religionem  
redeant christianam . Ex his itaque constat , hunc non proprie canonem Concilii esse ,  
sed legem Regiam Concilii Canonibus insertam , suadentibus autem Episcopis a  
Principe constitutam .

Canon 2. cau. 10. qu. 1. referendus est ad canonem 19. hujus Concilii Toletani , & ad ejus integritatem restituendus . Ita ibidem legitur : *Multi contra canonem constituta sic Ecclesias , quas ædificaverint , postulant consecrari , ut dotem , quam ei Ecclesie contulerint , teneant ad Episcopi ordinationem non pertinere : Quod falsum & in præteritum displicet , & in futuro prohibetur ; sed omnia secundum constitutionem antiquam ad Episcopi ordinationem , & potestatem pertineant .*

In can. 20. ex Toletanis habetur canon 6. cau. 10. qu. 3. , cujus tamen priora verba ita exprimuntur : *Multorum querela hanc constitutionem exigit . Quia cognovimus Episcopos per Parochias suas non Sacerdotaliter deservire , sed crudeliter deservire &c.* Præterea pro illis verbis a Parochiis habere in nonnullis Concilii exemplaribus legitur a Parochiis habere ; Demum in postremis verbis illis : *præsumptiones coercere* legunt alii : *præsumptiones avertere* ; item alii ; *præsumptiones directe coercere* . Quod in hoc canone decernitur , ne Episcopi angariis diocesanos Clericos gravent , pertinet ad quædam vehicula , quæ sibi parari jubebant Episcopi nonnulli , quoties Diocesim suam visitarent .

Emendandus est , & ad meliores Codices exigendus canon 63. cau. 12. qu. 2. ; etenim hæc leguntur in can. 6. Toletano , ex quo ille de promptu fuerat : *De liber- eis autem id Dei præceptum Sacerdotes , ut si qui ab Episcopis facti sunt secundum modum , quo canones antiqui dant licentiam , sint liberi ; & tamen a patrocinio Ecclesie tam ipsi , quam ab eis progeniti non recedant . Ab aliis quoque libertati traditi , & Ecclesie commendati patrocinio Episcopali regantur , a Principe hoc Episcopus possidet .* Gratianus alienam omnino sententiam Patribus Toletanis adfinxit ; cum enim Toletani Antistites loquuti fuissent de mancipiis Ecclesie libertate non donandis , Gratianus ita canonem interpretatus est , quasi statutum esset quidpiam de mancipiis alienis , qui ab Episcopo Presbyteri , vel Diaconi regulariter ordigari non debeant .

De canone 69. cau. 12. qu. 2. nihil est , quod specialiter dicam , postquam Romanorum Correctorum opera ad meliorum Codicum fidem exactus est juxta canonem 21. hujus Concilii Toletani , quemadmodum manifeste liquet ex eorundem notis , & observationibus canonis ipsi subjectis .

Consonat præterea omnino cum can. 4. Toletano canon 73. cau. 12. qu. 2. , ut nihil sit in eo , quod peculiari indigeat observatione .

Canon 28. cau. 13. qu. 2. habetur in canone 22. ex Toletanis , ubi tamen observandum , hunc canonem potissimum ad corpora defunctorum religionum pertinere , non generatim Christianorum omnium ; etenim priora verba canonis Gratianus omisit , & sunt ex integris Concilii exemplaribus supplenda hoc modo : *Religionum omnium corpora , qui divina vocatione ab hac vita recedunt &c.* Non est tamen dubiandum , quin Toletani Patres exoptaverint , ut quod de religionis constituebant , etiam de ceteris Christianis observaretur .

Canon 16. cau. 32. qu. 2. non integer refertur a Gratiano , qualis legitur in canone 10. Toletano . En verba Concilii : *Pro consultu castitatis , quod maxime hortamur*

Can. 2.  
cau. 10.  
qu. 1.

Can. 6.  
cau. 10.  
qu. 3.

Can. 63.  
cau. 12.  
qu. 2.

Can. 69.  
cau. 12.  
qu. 2.

Can. 73.  
cau. 12.  
qu. 2.

Can. 28.  
cau. 13.  
qu. 2.

Can. 16.  
cau. 32.  
qu. 2.

mento Concilii proficere debet, annuente Domino nostro Gloriosissimo Reccaredo Rege, hoc Sanctum adfirmat Concilium, ut viduæ, quibus placuerit tenere castitatem, nulla vi ad nuptias iterandas venire cogantur. Quod si, priusquam proficteantur, nubere elegerint, illis nubant, quos propria voluntate elegerint habere maritos. Similis conditio & de virginibus habeatur, ne citra voluntatem Parentum, vel suam cogantur maritos accipere. Siquis vero propositum castitatis viduæ, vel virginis impenderit, a sancta communione, & a liminibus Ecclesiæ habeatur extraneus.

Can. 2.  
de conf.  
dist. 3.

Juvat præterea integrum referre canonem 23. ejusdem Concilii, ut exinde supplere possimus, quod deest canonis 2. de conf. dist. 3. Exterminanda omnino est irreligiosa consuetudo, quam vulgus per sanctorum solemnitates agere consuevit, ut populi, qui debent officia divina attendere, saltationibus, & turpibus invigilent canticis, non solum sibi nocentes, sed & religionum officiis perstreperentes: Hoc etenim, ut ab omni Hispania depellatur Sacerdotum & Judicum a Concilio sancto curæ committatur.

## De Canonibus Concilii Toletani IV.

Eximia quoque semper habita fuit auctoritas Concilii Toletani IV. anno 633. celebrati. Sive enim Episcoporum numerum spectemus, duos supra sexaginta non solum ex diversis Hispaniæ, sed & Galliæ, præsertim Narbonensis, Provinciis eo confluisse agnosceremus; sive de Viris omni virtutum laude clarissimis quæramus, inter ceteros cum honore memorandus erit Sanctus Isidorus Hispanensis Episcopus omni disciplinarum genere ornatissimus; sive etiam Concilii potestatem intellexerimus, statim sciemus studio, ac diligentia, quemadmodum scribitur in præfatione Concilii, Regis Sisenandi fuisse celebratum, ejusdemque Constitutiones a Principe ipso confirmatas, omnibus generatim servandas auctoritate etiam Regia fuisse propositas. Quodnam fuerit Episcoporum, ac Regis Consilium in Concilio celebrando, ipsimet in præfatione Concilii profitentur, ut scilicet Episcopi paternorum Decretorum memores ad conservanda jura Ecclesiastica studium præberent, & illa corrigerent, quæ dum per negligentiam in usum venerunt, contra Ecclesiasticos mores licentiam sibi de usurpatione fecerunt. Disciplinæ itaque stabiliendæ causâ constituti sunt canones numero 75., quorum plures apud Gratianum habemus.

Can. 3.  
dist. 24.

Primus ex his est canon 3. dist. 25., & pertinet ad canonem 40. in Concilio editum juxta vulgata ejusdem Concilii exemplaria. Gratianus non integram retulit canonis ipsius sententiam, quam propterea hoc loco describam. Orariis duobus nec Episcopo quidem licet, nec Presbytero uti; quanto magis Diacono, qui minister eorum est? unum igitur omnium oportet levitam gestare in sinistro humero, propter quod oras, id est prædicat; dextram autem partem oportet habere liberam, ut expeditus ad ministerium Sacerdotale discurrat. Caveat igitur amodo levita gemum uti ovario, sed uno tantum, & puro, nec ullis coloribus, aut auro ornato. Quid apud veteres orarium fuerit, jam superius attingi, fasciolam scilicet, quam prædicaturi sive Sacerdotes, sive Diaconi sinistra manu gerebant, ut sudore madenti vultui admovent, vultumque ipsum, & lacrymas aliquando tempore prædicationis obortas tergerent, unde etiam orarium dictum fuisse quidam putant, quasi oris tergendæ causâ paratum; Eodem præterea utebantur Diaconi, ut quandonam inter missarum solemnia quædam essent a populo, & Clericis faciendæ ab altari significarent. Facile

cile unusquisque agnoverit orarii hujus vestigium agnosci in ea sacra fasciola, quam Sacerdotes & ministri hac die sinistro brachio appendunt, & *manipulum* vocant; cujus tamen usus hodie alius est, & pertinet tantum ad mysticas significationes, unde illud etiam profectum est, quod & variis coloribus pingatur, & auro ornetur, contra quam a Toletanis Patribus definitum fuerit.

Canon 3. dist. 28. habetur in can. 27. ex Toletanis, ubi tamen non omnium. *Can. 3. dist. 28.* est Codicum consonantia in postremis verbis; etenim ubi Gratianus legit: *professio*, ubi alii: *obligaverit*, vitæ sanctæ disciplinam retineant, habent alii: *professio* religat, vitæ sanctæ disciplinam retineant, & alii: *sali professione obligaverit*, sanctam disciplinam retineant.

Can. 1. dist. 38. legitur in can. 25. Concilii Toletani, ubi pro illis verbis: *Can. 1. dist. 38.* admonet Paulus Apostolus dicens &c. legunt alii: admonente Paulo Apostolo dicente &c. & pro illis: & canones, & omne opus eorum in prædicatione & doctrina consistat, legunt alii: & canones meditentur, ut omne opus eorum in prædicatione divina consistat.

In canone sequenti, videlicet 26. legitur canon 2. dist. 38., ubi tamen pro illis verbis: *offendant*. Cum vero ad *litanias* &c. hæc habentur: *offendant*, ita, ut quando *dist. 38.* ad *litanias* &c. Quisnam sit officialis liber, de quo hoc in loco sermo habetur, luculenter tradit Gaspar Loaisa in notis ad eundem canonem ita scribens: *Sacramentorum manuale nunc appellatur, & in eo etiam decreta Patrum de Sacramentorum usu, & ritibus contineri adparet ex Concilio Moguntino cap. 22., ubi de libro officiorum fit mentio, & due regulæ ex eo de Clericis vagis adducuntur. Concilio Toletano VIII. vocatur supplementum.*

De canone 5. dist. 45. nihil est, quod specialiter observemus, cum omnino *Can. 5. dist. 45.* consonet cum canone 57. hujus Toletani Concilii juxta vulgata ejusdem exemplaria.

Canon 5. dist. 51. habetur quidem in can. 19. ex Toletanis, ex quo tamen non *Can. 5. dist. 51.* nulla adjicienda sunt, ut integra omnino Concilii sententia percipiatur. En priora ejusdem canonis verba: *Perniciosa consuetudo nequaquam est reticenda* (legunt alii: *recipienda*), quæ majorum statuta præteriens omnem Ecclesiæ ordinem perturbavit; dum alii per ambitum Sacerdotium appetunt, alii oblati muneribus Pontificatum assumunt; nonnulli etiam sceleribus implicati, vel seculari militia dediti (legunt alii, vel secularibus dediti) indigni ad honorem summum ac sacri ordinis pervenerunt: de quorum scilicet casu (legunt alii: *caussa*) atque remotione, oportuerat quidem statuendum; sed ne perturbatio quamplurima Ecclesiæ oriretur, præteritis omiſſis, deinceps, qui non promoveantur ad Sacerdotium ex regulis canonum necessario credimus inferendum, id est, qui in aliquo crimine detecti sunt, (legunt alii: *detempti sunt*), qui scelera aliqua per publicam penitentiam admisisse confessi sunt &c. Hic exorditur Gratianus, cujus verba consonant cum eodem canone 19. Toletano, dummodo observemus, quod jam adnotarunt Romani Correptiores ad illa verba: *aut decisione aliquid*, & illa: *aut fornicarias*, dummodo præterea in illis verbis: *per gradus Ecclesiasticos non ascenderunt*, observemus in aliquibus Codicibus legi: *per gradus Ecclesiasticos non acceſſerunt*, & in illis verbis: *in Sacerdotem die Dominica consecrabitur*, convivensibus &c. legere alios: *in Sacerdotium die Dominica consecrabitur*, convenientibus &c.

De canone 5. dist. 54. nihil est peculiariter observandum. Consonat ille omnino cum canone 73. ex Toletanis in vulgatis Concilii exemplariis, *Can. 5. dist. 54.*

Can. 7. dist. 77. legitur in can. 20. ex Toletanis, ubi tamen pro illis verbis, *quæ sunt apud Gratianum: levitas facimus*, legitur: *levitas fecimus*; item post illa verba postrema: *Presbyteri ordinentur*, ita sequitur in Concilio ipso: *ita ut secundum Apostolicum præceptum probentur primum*, & sic ministrant nullum crimen habentes. Levitarum nomine, quos anno tantum 25. ordinari hoc canone præcipitur, Diaconi intelliguntur. Sane vetustissima fuit hæc disciplina sive Græcæ, sive Latine Ecclesiæ, ut Diaconi nonnisi anno 25. ætatis suæ ordinarentur, quemadmodum constare potest ex can. 4. Concilii Carthaginensis vulgo 3., & aliis bene multis. Jam vero, cum de Hispaniarum Ecclesiis loquamur, laudare sufficit canonem primum Concilii Toletani secundi, quem jam superius retuli ad canonem 5. dist. 28. apud Gratianum.

Can. 30. dist. 81. Canon 30. dist. 81. habetur in can. 43. ex Toletanis, ubi tamen pro illis Gratiani verbis: *Ideo quæ conjunctæ taliter cum Clericis sunt*, legitur: *Ideoque quæcumque Clericis taliter adjunctæ sunt*.

Can. 8. dist. 87. Canon 8. dist. 87. legitur in can. 72. ex Toletanis: observandum tamen est in quosdam Gratiani Codices incuria Typographorum mendam irrepisse; qui enim legendum est: *commendati existunt*, hæc potius ediderunt: *condemnati existunt*.

Can. 20. dist. 93. De elatione Diaconorum supra Presbyteros omnes veteres testantur, præsertim S. Hieronymus in suis operibus frequentissime. In Ecclesia præsertim Græcæ id constat ex Græcorum ipsorum Conciliis, quibus opus fuit Diaconorum ambitum coercere, quemadmodum jam observavimus superius suo loco. Occasionem ipsis dederat rerum temporalium Ecclesiasticarum administratio; ipsi enim cum electi essent tanquam Ecclesiastici peculii custodes, perque ipsorum manus singulis Clericis, ipsis etiam Presbyteris stipendia distribuerentur, facile potuerunt supra ipsosmet Sacerdotes efferri. Quo ambitu cum capti fuissent Diaconi Hispaniarum, necessarium fuit Toletanis Patribus Sacerdotum dignitati consulere, quemadmodum consuluerunt in can. 39., quem Gratianus retulit in can. 20. dist. 93., ubi observandæ, atque attendendæ sunt Romanorum Correctorum notæ. Gaspar Loaisa ad hunc canonem etiam animadvertit, veteres Ecclesias distributas fuisse in varias stationes, sive choros, singulis Clericorum gradibus, imo & personarum generibus assignatos, quod luculentissime demonstrat ex canone 3. Concilii Turonensis secundi.

Can. 7. cau. 1. qu. 4. Canon 7. cau. 1. qu. 4. legitur eisdem verbis in can. 61. Concilii Toletani, ubi facri Antistites humanius agendum esse voluerunt cum judiciorum filiis recens ad fidem conversis, ne forte a suscepta semel fide recederent.

Can. 24. cau. 2. qu. 7. De canone 24. cau. 2. qu. 7. nihil est, quod specialiter observemus. Habetur ille in can. 64. ex Toletanis, & quidem eisdem omnino verbis.

Can. 6. cau. 10. qu. 1. Canon 6. cau. 10. qu. 1. jungendus est cum can. 60. cau. 16. qu. 1., cum uterque depromptus fuerit ex canone 33. Toletano, quem integrum hoc loco referam, ut facilius Concilii sententia percipiatur. Ajunt Toletani Antistites: *Avaritia radix conciliorum malorum, cujus sitis etiam Sacerdotum mentes obinet. Multi enim fidelium in amore Christi, & martyrum in Parochiis Episcoporum Basilicas construunt, oblationes conscribunt* (legunt alii: *oblationes sanctas tribuunt*), *Sacerdotes hæc auferunt, atque in usus suos convertunt. Inde est, quod cultores sacrorum deficiunt, dum stipendia sua perdunt. Inde habentium Basilicarum ruina non reparantur, quia avaritia Sacerdotali omnia auferuntur. Pro qua re constitutum est* (hinc exorditur Gratianus in dicto can. 60. cau. 16. qu. 1.) *a præfatis Concilio Episcopus ita Dioceses suas regere, ut nihil jure præsumunt auferre,*

scd



sed juxta priorum auctoritatem Conciliorum tam de oblationibus, quam de tributis (legunt alii, quam de decimis tributis) ac frugibus tertiam consequantur. (De hac tertia reddituum Ecclesiasticorum parte Episcopis assignata in Ecclesiis Hispaniarum sermonem habeo inferius ad canonem 10. cau. 10. qu. 1. ubi de Concilio Tarraconensi.) Quod si amplius quidpiam ab eis presuntum existerit, per Concilium restauretur, appellantis aut ipsi conditoris, aut certe propinquis eorum, si jam illi a seculo decesserunt. Noverint autem conditores Basilicarum (hic est dictus canon 6. cau. 10. qu. 1.) in rebus, quas eisdem Ecclesiis conferunt, in nullam potestatem habere, sed juxta canonum instituta, sicut Ecclesiam, ita & dotem ejus ad ordinationem Episcopi pertinere. Postrima hæc verba videntur referenda etiam esse ad canonem 19. Concilii Toletani III., uti dicimus ad can. 2. cau. 10. qu. 1., ad quem sane respiciunt Toletani Concilii Patres, dum asserunt: juxta canonum instituta.

In can. 11. cau. 10. qu. 1. habemus canonem 36. Toletanum, ubi pro illis verbis Gratiani, interpretatione sui indigeat legitur: in reparatione sui indigeat. Nonnullis etiam codicibus non omnino consonant illa verba: Presbyteros probabiles; etenim in aliquibus Concilii ejusdem exemplaribus legitur: Presbyteros probabilis vite, quemadmodum inter recentiores canonum Collectores scripsit Burcardus.

Canon 1. cau. 12. qu. 1. legitur in canone 24. Toletano, ubi tamen pro illis verbis: impubes aut adolescentes, hæc habentur: puberes, aut adolescentes, quæ sane cum sententia Toletanorum Patrum magis consonare videntur: etenim de impuberibus tantum sermo instituitur inferius in vers. quod si aliqui ex his pupilli, quæ verba significant in antecedentibus actum fuisse de his, qui jam pupillarem ætatem exceperant.

In eodem Concilio Toletano IV. cap. 67. habetur eisdem omnino verbis canon 39. cau. 12. qu. 2., quem etiam legimus inter fragmenta Capitularium Francorum Baluzianæ Parisiensis Editionis tom. 2. pag. 366. num. 15. nomine adjecto Toletani Concilii.

Canon 58. cau. 12. qu. 2. consonant cum canone 68. Toletano, ubi tamen pro illis verbis Gratiani, & juxta invenitur definitio commutantis legitur: & juxta invenitur definitio commutationis. Quod autem ibidem constituitur, Ecclesiæ liberum non posse adversus Ecclesiam, vel accusationem proponere, vel testimonium dicere, id omnino consentaneum est cum generalibus juris Romani principii juxta ea, quæ traduntur in toto titulo digestorum de obsequiis Parentibus, & Patrono præstandis.

Consonat præterea cum principii juris Romani, quo liberi ingrati ad pristinum servitutis statum revocantur, canon 71. Concilii Toletani, qui eisdem omnino verbis refertur apud Gratianum in can. 61. cau. 12. qu. 2.

Quemadmodum can. 61., ita & 65. cau. 12. qu. 6. pertinent ad tuenda patronalia Ecclesiæ jura ratione libertorum, sive servorum ab ipsa Ecclesia manumissorum. Porro dictus canon 65. legitur omnino eisdem verbis in can. 70. Concilii hujus Toletani, quemadmodum etiam in can. 37. ejusdem Synodi legitur eisdem verbis canon 66. eadem causa, & questione.

Jungendi simul sunt canon 1. cau. 16. qu. 5., & canon 3. cau. 16. qu. 3., uterque enim depromis fuit a Gratiano ex canone 35. ejusdem Concilii Toletani; in quo hæc leguntur: Sicut diocesim alienam tricennalis possessio tollit, ita Territorii conventum non admittit: ideoque Basilica, quæ novæ condita fuerint, ad eam procul

*dubio Episcopum pertinebunt, cujus Conventus esse conslitterit. Obscura sane videntur priora huius canonis verba relata in can. 3. cau. 16. qu. 3., in quibus explicandis Glossographi non parum torquentur, imo & incertiam suam candide consentunt. Auctor glossæ vulgaris ita scribit: Ego hunc casum sic intelligo: Dicitur enim, quod licet Episcopus præscribat alterius Episcopi Ecclesiam, vel populum per triginta annos, non tamen adquirat populum, vel jurisdictionem in eo quoad spiritualia, est præscribit terram aliquam. Tu tamen prudens Lector, si melius intellexeris, me de insufficientia excusabis. Verum difficultates omnes evanescent, quotiescumque ad optima Concilii Toletani exemplaria confugimus, in quibus hæc potius leguntur in prioribus verbis: Sicut Diocesim alienam tricennalis possessio tollit, ita Territorii Conventum non admittit. Verbum admittit pro verbo admittit a Gratiano adpositum obscuram omnino, intricatamque sententiam canonis omnino reddiderat; Cur enim Conventus præscribi non potest, si Territorium, & Diocesis Episcopalis portio subjacet præscriptioni? Canonem autem ita restitutum facile & statim interpretor. Staraunt enim Toletani Patres, ut sicut in diocesi aliena, ita quoque in Conventu Territorii, idest in simplici Parochia, quæ hoc in loco Conventus nomine significatur, triginta annis præscriptio omnis concludatur. Neque hic rursus quispian novam se movere difficultatem putet, ajendo jam ante Concilium hocce Toletanum constitutum fuisse, ut soli quadragenariæ præscriptioni res omnes Ecclesiasticæ subjacerent nov. 131. cap. 6., etenim cum de Hispaniarum disciplina tractatur, frustra cum illa Justiniani Imperatoris novellas jungimus; cum Hispani non statim, ac editæ fuerunt, novellas Justiniani receperint, sed apud ipsos vigeret adhuc disciplina Theodosiani Codicis, qui unus ex Alarici Regis præcepto in Hispania servabatur. In eo autem cautum fuerat, ne qualibet actio ultra annos triginta proferretur, sed omnia triginta annorum præscriptioni esset obnoxia l. un. de actionibus certo tempore finiendis.*

*Eandem præscriptionis tricennalis disciplinam iidem Toletani Patres, dummodo tamen Provincie uniuscujusque fines custodirentur, boni publici causa recipiendam voluerunt in cap. 34., ex quo defunctus est canon 4. cau. 16. qu. 3., cujus editionem paulo depravatum emendaverunt notis suis Romani Correctores.*

*Can. 30. cau. 16. qu. 7. habetur in canone 38. ejusdem Toletani Concilii, in quo tamen hæc leguntur: Præbendum est a Sacerdotibus vitæ solatium indigentibus, & maxime his, quibus restituenda vicissitudo est. Quicumque ergo fidelium de facultatibus suis Ecclesiæ aliquid devotione propria contulerunt, si forte ipsi, aut filii eorum redacti fuerint ad inopiam, ab eadem Ecclesiâ suffragium vitæ pro temporis usu percipiant. Si enim Clerici, vel Monachi, seu peregrinis, aut quamlibet necessitatem sustinentibus pro solo religionis intuitu in usum res Ecclesiasticæ largiuntur, quanto magis his consulendum est, quibus retributione iusta debetur? Hinc, ut patet, originem habuit vulgaris traditio, qua omnes Interpretes unanimi consensione asserunt, Fundatores Ecclesiarum, aut Patronos tale jus in Ecclesiis & beneficiis patronatis habere, ut ex eorum redditibus subveniri ipsis debeat, quoties indigeant. At si specialiter hanc Tolerozanorum Patrum sententiam consideraverimus, nullum sane favore Fundatorum, aut Patronorum singulare privilegium agnoscemus in hac parte, cum ratio a Toletanis eisdem Patribus adducta eo pertineat, ut ex Ecclesiasticis redditibus indigentibus omnibus succurratur. Privilegium potius in eo erit, quod inter indigentes prior habenda sit ratio Fundatorum, aut Patronorum, ut etiam per Ecclesiæ beneficia beneficiis rependantur.*

In

In canone 65. Toletani hujus Concilii IV. renovata fuit sanctio Concilii Toletani III.,  
 de qua superius egimus ad canonem 14. dist. 54., ubi etiam ad exemplarium fi-  
 dem, & integritatem Gratiani fragmentum exegimus. Novus Concilii Toletani  
 quarti canon habetur in can. 31. cau. 17. qu. 4., sed hic rursus Gratianus omisit,  
 quod necessario animadvertendum erat, videlicet quod ibi dicitur de Judæis a mu-  
 neribus publicis quibuscumque arcendis non tam Synodica constitutione, sed ipsius  
 potius Sisenandi Regis præcepto decretum esse. Hæc sunt verba ipsius canonis :  
*Præcipiente Domino, atque Excellentissimo Sisenando Rege id constituit sanctum Conci-  
 lium, ut Judæi &c. Quod autem subjicitur de pœnis infligendis adversus illos, qui  
 Judæis publica munera exercere permittunt, confirmatum est etiam legibus Wi-  
 fegothorum, in quibus lib. 12. tit. 3. de hac eadem re ita legitur: Illi tamen,  
 qui hanc eis ( scilicet Judæis ) potestatem super christianos exercere permiserint; si no-  
 bilis, quæ hoc fecerit, persona extiterit, decem libras auri Fisco coallas exolvat; mi-  
 nimæ tamen, vilesque persone quinque libras auri Fisco persolvendas amittant. Quod si  
 non habuerint, unde componant, centenis decalvati flagelli subiaccant.*

Canon 51. Concilii Toletani, ex quo descriptus est apud Gratianum can. 1. cau. 1.  
 18. qu. 2. his verbis legendus est: *Nuntiatum est præsentis Concilio, quod Monachi Epis-  
 copali Imperio servili operi mancipentur, & jura monasteriorum contra constituta canonum  
 illicita præsumptione usurpentur, ita ut pene ex canobio possessio fiat, atque illustri portio  
 Christi ad ignominiam, servitutemque perveniat. Quapropter monemus eos, qui Ecclesiis  
 præsunt, ut ultra talia non præsumant, sed hoc tantum sibi in monasteriis vindicent Sa-  
 cerdotes, quod præcipiunt canones, idest Monachos ad conversationem sanctam præmonere.  
 Abbates, aliaque officia instituire, atque extra regulam facta corrigere. Quod si aliquis  
 in Monachos canonibus interdictum præsumserint, aut usurpare quidpiam de Monasterii re-  
 bus tentaverint, non deerit ab illis sententia excommunicationis, qui se deinceps nequa-  
 quam sustulerint ab illicitis. Integrum descripsi hunc canonem, ut exinde adpareat,  
 quantum a Concilii sententia recesserit Gratianus, quasi vellet significare, jam tum  
 Monachos fuisse quodammodo ab Episcoporum potestate immunes.*

In canone 50. Toletano legitur eisdem verbis can. 1. cau. 19. qu. 1., ad quem  
 tamen sunt observatio dignæ Romanorum Correctorum adnotationes. Forte autem  
 in Hispania laxior tum erat Clericorum disciplina, quam esset in oriente, & in  
 urbe Roma tempore S. Hieronymi, qui vix optimum Monachum ad Clericatus ho-  
 norem admittendum esse dicebat, nescire quispiam vellet, tum demum Clericos  
 ex sententia Toletani Concilii ad Monasteria admitti debuisse, quoties Clerici iidem  
 alicujus gravioris criminis rei, postulabant, ut sibi dignæ penitentia locus conceder-  
 retur. Sane id maxime congruit Concilio eidem, si inspexerimus canonem 5. cau.  
 23. qu. 8. qui de promptus est ex canone 45. ejusdem Concilii Toletani, ubi tamen  
 pro illis verbis *penitentia tradantur*, legendum erit, quoties aliorum Codicum fidem  
 sequi velimus: *perenniter tradantur*. Similia quædam leges in can. 5. cau. 26.  
 qu. 5.

De canone 29. cau. 23. qu. 8. nihil aliud dixero, quam eundem omnino consonare  
 cum can. 31. ejusdem Concilii Toletani.

Quod jamdudum Ancyran Patres in canone 23. constituerant apud Græcos, con-  
 firmarunt in suis Provinciis Toletani Antistites in can. 29., quem Gratianus reulit  
 in can. 5. cau. 26. qu. 5., cujus verba integra describenda hoc in loco sunt, quod  
 Codices plures varii habeantur. *Si Episcopus, aut Presbyter, aut Diaconus, aut qui-  
 libet*

*libet ex ordine Clericorum Magos, aut Aruspices, aut Ariolos* (legunt alii: aut Incantatores, aut Ariolos) aut certe *Augures, vel Sortilegos*, vel eos, qui proficentur artem aliquam, (legunt aliqui: artem magicam), aut aliquos eorum similia exercentes consulere fuerit deprehensus, ab honore dignitatis suae depositus Monasterii poenam excipiat, ibique (legunt alii: ab honore dignitatis suae suspensus, Monasterium ingressus, ibique) perpetuae poenitentiae deditus scelus admissum sacrilegii luat. De hac poenitentia, quae peragenda erat a Clericis in Monasteria dejectis jam nonnulla nuper attigeram ad canonem 1. cau. 19. qu. 1. & ad canonem 5. cau. 23. qu. 8.

Can. 7. Canonem 7. cau. 27. qu. 1. non inveniri in can. 8. Concilii Toletani IV. jam recte observaverunt Romani Correctores. Pertinet potius ad Concilium Parisiense

34. 1. V. anni 615., de quo suo loco agendum erit; ibi enim can. 13. hæc leguntur: *De viduabus, & puellis, quæ sibi vestes in habitu Religionis in domibus propriis tam a parentibus, quam per se ipsas mutaverint, & se postea contra statuta Patrum, vel præcepta canonum conjugio crediderint copulandas, tamdiu utrique habeantur a communione suspensæ, quousque quod illicitè perpetraverunt, emendant, aut si emendare neglexerint, a communione Ecclesiastica, vel omnium Christianorum convivio in perpetuum sint sequestrati*: Hæc eadem verba relata sunt in capitularia Regum Francorum lib. 7. cap. 338. Baluzianæ editionis. Quod si queratur, unde nam contingere potuerit, ut fragmentum Concilii Parisiensis Concilio potius Toletano a Gratiano tribueretur, ego facile dixerim Gratianum deceptum fuisse ex decreto Ivonis, qui in cap. 66. partis 7. idem fragmentum laudat ex can. 57. Concilii Toletani IV., Rursum autem Ivonem deceptum fuisse a Burcardo, qui antea illum canonem retulerat ex Concilio Toletano IV. in lib. 8. tit. 48. At vero Burcardus vel Concilium Toletanum laudavit, quod sibi proposuisset a laudandis Francorum capitularibus abstinere; scribebat enim apud Germanos Franciscis rebus tum maxime infensos, uti sapius jam monui; vel quod deceptus & ipse Burcardus fuerit ex Codice Reginonis, in quo habetur idem canon in cap. 62. primæ appendicis, cui hæc inscriptio præponitur: *De faminis, quæ Religionis vestem in domibus propriis mutaverint, si postea conjugium elegerint, quid agendum sit*. Toletanum Concilium 4. cap. 57. Et statim sequitur caput 62. his verbis: *de viduis & puellis, quæ habitum &c.* quemadmodum apud Gratianum. Regino itaque sequentibus Collectoribus errandi occasionem præbere potuit, & fragmenta Parisiensis Concilii tribuere Toletano. Sed ego arbitror Reginonem non eo loco Concilium Toletanum commemorasse, quod eidem Concilio sequens, quod descripturus erat, fragm. tribueret, sed potius ut significaret nonnulla etiam de re, quam pertractabat, legi in Concilio Toletano IV. Revera in eodem Concilio cap. 56., (qui apud Reginonem esse poterat quinquagesimus septimus, cum varis editiones hujus Concilii diversam quoque numerandi habeant rationem) hæc habentur: *Duo sunt genera viduarum, seculares, & sanctimoniales: seculares viduæ sunt, quæ adhuc disponentes laicalem habitum non deposuerunt: sanctimoniales sunt, quæ jam mutato habitu seculari sub Religioso cultu in conspectu Sacerdotis, vel Ecclesiæ adparuerunt. Hæc si ad nuptias transferunt, juxta Apostolum non sine damnatione erunt: quia se primum Deo devotentes, postea castitatis propositum abjecerunt*.

Can. 20. In canone 63. ejusdem Toletani Concilii habetur eisdem omnino verbis canon 10. cau. 28. qu. 1. cau. 28. qu. 1., qui etiam habetur in legibus Wisigothorum lib. 12. tit. 1., unde adparet judiciorum perfidiam utraque sive Regia, sive Ecclesiastica potestate fuisse coercitam; atque etiam eodem spectat cap. 60. Concilii relatum in can. 11. cau. 28. qu. 1., quo

quo decretum est, ut filii judæorum fidei Christianæ colendæ causâ a suis Parentibus abstrahantur. Hic autem canon de filiis judæorum jam baptizatis intelligendum esse nemo ambiget, præsertim si postrema illa verba consideret: *in fide proficiant*: non enim in fide proficere potest, nisi qui jam fidem ipsam suscepit. Atque hanc interpretationem juvant nonnulli Codices, in quibus paulo aliter verba canonis leguntur; etenim in prioribus verbis ibidem scribitur ita: *Judeorum filios, vel filias baptizatas, ne parentum &c.*, in quibus Codicibus pro illis Gratiani verbis: *Sub eorum conversatione*, hæc leguntur: *sub eorum cura, & conversatione*. Quæ demum interpretatio confirmatur ex canone 62. ejusdem Concilii Toletani, qui eisdem omnino verbis relatus est a Gratiano in can. 12. cau. 28. qu. 1.

Can. 12.  
cau. 28.  
qu. 1.

Canon 54. de conf. dist. 1. eisdem fere verbis habetur in can. 13. Toletano: ubi autem Gratianus scripsit: *Ergo nec ipsi in Ecclesiis canendi sunt, quia in sanctorum scripturarum libris non inveniuntur. Componuntur Missæ &c.*, vulgata Concilii exemplaria potius exhibent hæc: *Ergo nec idem in Ecclesiis canendus est, quia in scripturarum sanctorum libris non invenitur. Componuntur ergo hymni, sicut componuntur Missæ &c.*, item postrema canonis verba in integris Concilii exemplaribus ita leguntur: *qui hymnos rejicere fuerint ausi*. Gaspar Loaisa pulcherrimas observationes in hunc canonem edidit, quas in hunc locum referre non pigebit. Ita ille: *Hymnos componere, & canere in Ecclesia antiquis christianis in more positum fuit, ut testatur Philo Judæus lib. de supplicum virtutibus, Eusebius lib. 2. historie cap. 16., Dionysius Areopagita de divinis nominibus cap. 4. Sacratissimum Corpus B. Virginis Mariæ cum hymnis delatum scribit Nicephorus lib. 2. cap. 22. In Concilio Antiocheno ante annos mille, & trecentos damnatus est Paulus Samosatenus, qui psalmos, & hymnos in honorem Christi decantatos exploxit, & ejecit. Hoc constat apud Eusebium lib. 7. cap. 24. Hilarius librum hymnorum composuit, ut auctor est Hieronymus in catalogo. Ambrosius hymnos edidit, ut auctor est Augustinus lib. 1. retradationum cap. 21., & ipse Ambrosius meminit hymnorum suorum in oratione in Auxentium, & S. Bernardus in regula. Extant alii Sanctorum Hymnorum auctores, ut Synesius, Cirenæus, Theophanes, Cosmas Hierosolymitanus, & alii. Theodosius junior Princeps religiosissimus, cujus Regia non dissimilis erat a Mo-nasterio primo diluculo hymnos alternis recitabat. Socrates lib. 7. cap. 22., Nicephorus lib. 14. cap. 13., Berno Abbas de officio Missæ cap. 3. scribit Hymnum Angelorum, Gloria in Excelsis Deo, & in Terra pax hominibus, a Telephoro primum fuisse auditum, & a Symmaco completum, Ecclesiæque cantandum traditum: Nicephorus lib. 11. cap. 16. rationem, modumque hymnorum canendorum tradit ex Josepho. Dionysius Areopagita lib. de divinis nominibus cap. 4. parte 2. librum Hierothei Sanctissimi Hymnorum divinarum adfert. Rursus idem Gaspar de versiculo, quod etiam hodie decantamus in fine uniuersusque Psalmi ita scribit: *De versu illo: Gloria Patri &c. supra diximus. Verum sunt, qui dicant a Flaviano Antiocheno adjutore Chrysostomo compositum, ut Nicephorus lib. 9. cap. 24., & 18. cap. 51., & aliter a Catholicis Grecis in fine psalmorum decantari, aliter ab Arianis. Sozomenus lib. 3. cap. 20. Theodorus lib. 2. cap. 24., Nicephorus lib. 4. cap. 24., postea consilio Hieronymi in Ecclesia Latina additum finibus Psalmorum a Damaso ipso refert in Epist. ad Damasum. Et hic mos Romanus prævaluit in Ecclesia, & ita non gloria, & honor, sed Gloria Patri dicitur.**

Can. 54.  
de conf.  
dist. 1.

Canon 85. de conf. dist. 4. legitur in canone 6. Toletano, ubi in primis refertur, qualis in Hispania fuerit disciplinæ varietas, cum alii rer mergerent baptizandos, alii vero unica mersione baptismum absoluerent, unde facile occasio schismatis oriebatur, qua-

Can. 85.  
de conf.  
dist. 4.

quatenus singularum disciplinarum sectatores ita suæ adhærebant, ut ab aliis baptizatos nullo modo reciperent. Deinde producta est in medium, lectaque in Concilio Epistola Gregorii Magni ad Leandrum Hispalensem, cujus fragmentum habemus apud Gratianum in can. 80. de cons. dist. 4., statimque ita definitum est: *quapropter quia de utroque Sacramento, quod fit in Sancto Baptismo ( utrumque Sacramentum dicebatur, & quod in unica meritione significaretur Dei unitas: & quod in trina meritione significaretur Trinitas Personarum ) a tanto viro ( scilicet Gregorio ) reddita est ratio, quod utrumque verbum, utrumque irreprehensibile in sancta Dei Ecclesia habeatur: propter vitandum autem schismatis scandalum, vel hæretici dogmatis usum simplicem seneamus baptismi meritionem, ne videantur apud nos, qui tertio mergunt, hæreticorum probare assertionem, dum sequimur & morem. Erat tum Hispania expurgata recens ab hæresi Arianorum, qui ter mergere solebant baptizatos, ea potissimum de causa, ut tres in Patre, Filio, & Spiritu Sancto naturas agnoscerent. Operæ pretium propterea erat apud Hispanos, ut posteaquam constitisset unica etiam meritione collatum baptismi valere, unica meritione ministrandum esse constituerent, ut Arianorum hæresis, quoad fieri posset, radicitus evelleretur, imo & quæcumque cum Arianiis sentiendi occasio tolleretur.*

Can. 94.  
de cons.  
dist. 4.

Jam superius diximus multa in hoc Concilio constituta fuisse ad coercendam Judæorum perditionem, quo inter cetera pertinent canones 10. 11., & 12. cau. 28. qu. 1. His omnibus addi posset canon 94. de cons. dist. 4., qui eisdem omnino verbis legitur in can. 59. ejusdem Concilii.

## De Canonibus Concilii Toletani VI.

Concilio Toletano quinto prætermisso, ex quo nullus apud Gratianum canon relatus est, ad sextum progredior anno 638. celebratum sub Cinthilana Rege, Pontifice autem Maximo Honorio I. Concilium hoc Nationale fuit omnium Episcoporum Hispaniæ, quibus nonnulli ex Episcopis Gallicanis accesserant; inter omnes autem primus Concilio subscripsit etiam ante Bracarensem, Toletanum; & Hispalensem Silva Episcopus Narbonensis. Profitentur in canone ultimo iidem Toletani Patres, se *Christianissimi, & Gloriosissimi Cinthilani Principis sui studio advocatos, & instantia esse collectos.* Jam tempore hujus Concilii obierat S. Isidorus Hispalensis Antistes, cui successerat Honoratus. Interfuit autem inter ceteros Braulio Cæsaraugustanus Vir Isidoro eidem valde familiaris, & arctissima animi affectione conjunctus, atque apud Historicæ Ecclesiasticæ scriptores memoriz maxime venerabilis. Episcopi interfuerunt Concilio numero 52., edideruntque canones 19., quorum undecimum retulit Gratianus in can. 9. cau. 3. qu. 9., cujus verba ita legenda sunt ex vulgatis Concilii exemplaribus: *Dignum est, ut vita innocentium non maculetur pernicio accusantium. Ideo quisquis a quolibet criminatur, non ante accusatus supplicio deditur, quam accusator præsentetur, atque legum, & canonum sententia exquiratur; ut si indigno ad accusandum persona invenitur, ad ejus accusationem non judicetur, nisi ubi præcipite Regiæ Majestatis causa versatur.*

Can. 9.  
cau. 3.  
qu. 9.

Can. 64.  
cau. 12.  
qu. 2.

Canonem 64. cau. 12. qu. 2. jam recte monuerunt Romani Correctores referendum esse ad disciplinam jam antea constitutam, videlicet ad canonem Concilii Toletani IV., de quo in canone 65. cau. 12. qu. 2. Ceterum idem canon 64. legitur in canone

can. 9. Concilii Toletani 6., ubi tamen pro illis verbis: *de familiis Ecclesie esse*, potius legitur: *de familiis Ecclesie manusissis*. Reliqua verba omnino consonant.

Canonem 72. cau. 12. qu. 2. jam emendarunt ex canone 5. Concilii Toletani VI. Romani Correctores, hæc verba adjici debere monentes: *vel aliarum quarumlibet personarum*. Sed præterea animadvertere juvat, postrema canonis verba paullo aliter haberi in vulgatis Concilii exemplaribus, quam habeantur apud Gratianum. Ita enim potius legendum esset: *Quod si quis eorum contempserit facere, ipse stipendio suo videbitur privari*. De precariis jam alibi egimus. Sufficiat interea monere, nihil aliud fuisse precarias concessiones, quam contractus quosdam, quibus certa prædia, vel jura Ecclesiastica ad tempus alicui concedebantur, Ecclesiarum, vel publica utilitate ita exigente, ea lege, ut finito tempore ad Ecclesiam reverterentur, aut si novæ emergerent causæ, novæ precariæ fierent, renovato contractu, ne forte diuturna rei possessione facile memoria rei, Jurisve Ecclesiastici interiret.

Canon 2. cau. 20. qu. 3. consonat omnino cum canone 6. hujus Concilii Toletani, postquam Romani Correctores verba illa ad optimorum Codicum fidem exacta restituerunt: *ut nec locutio cum eis ulla sit communis*. Quod si quæzatur, quænam sit illa universalis Synodus, de qua mentio fit in hoc canone, quæque de viduis a proposito continentiz recedentibus quædam statuta condiderit; dixerim eam esse Synodum Toletanam 4., universalem totius Hispaniz, de qua jam superius egi, cujusque canonem de viduis continentibus expressum superius etiam descripsi ad canonem 7. cau. 27. qu. 1.

Canon 19. cau. 33. qu. 2. sententiam canonis 8. Toletani prorsus exhibet, licet non eisdem ubique verbis expressam, quod ortum est ex varietate plurimorum exemplarium. Singula hoc loco non memoro, cum verba illa, quæ paullo aliter in diversis codicibus descripta sunt, sententiam canonis nullo modo immutare, aut inflectere valeant. Interea observari commode poterunt Romanorum Correctorum notæ, quibus illud unum ego addam, in postremis verbis; quæ apud Gratianum ita leguntur: *juxta quod ætatem aptam perspexerit, penitentia, absolutionis, vel distinctionis tribuat legem*; ita potius legi debere ex vulgatis Concilii exemplaribus: *juxta quod ætatem aptam perspexerit, continentia, absolutionis, vel distinctionis tribuat legem*.

## De Canonibus Concilii Toletani VII.

Nationale etiam fuit totius Hispaniz Concilium illud Toletanum, quod septimum dicitur, & fuit celebratum sub Chindasvindo Gothorum Rege tempore Theodori Pontificis Maximi anno 646. In illud conveniunt Episcopi numero 30., atque ex ipsis quatuor Metropolitæ, Emeritenfis, Hispalensis, Toletanus, & Tarraconensis. Ejusdem Concilii Patres in canone ultimo protestantur, se ob votum memorati Regis convocatos esse, atque in Synodi præfatione testantur, multam emendatione digna fuisse ob temporum difficultates causa bellorum a Gothis concitatorum inducta, unde plurima incommoda non in civilem tantum, sed & in Ecclesiasticam Rempubicam profecta fuerant. Quibus communi consensione, &

Tom. I.

H h

Regia

Regia auctoritate interveniente consultum est, editis canonibus numero sex, quorum duos retulit Gratianus.

Can. 16. Et quidem eum, qui numero secundus est, retulit Gratianus in can. 16. cau. 7. qu. 1., cujus verba integra hic describere juvabit, cum in nonnullis codicibus aliorum sit varietas vocum. En verba canonis, qualia in vulgatis Concilii exemplaribus habentur. Nihil contra ordinis statum (legunt alii: statum, alii: ordinem statum) temeritatis ausu presumatur, neque illa, quæ summa veneratione censentur vel minimo presumptionis aliu solvantur (legunt alii: vel minima presumptione tadu solvantur), cum ad hoc tantum fieri quæqua iussa sunt, interrupta noscantur, ne languoris proventu robore salutis natura privetur. Non ergo solum fragilitati consulitur humane, sed etiam honori Mysteriorum Dei providetur abunde, dum ad offensionis casu procuratur etiam caveri sollicitè (legunt alii: provida caveatur sollicitudine). Censem igitur convenire, ut cum a Sacerdotibus Missarum tempore sacra Mysteria consecrantur, si ægritudinis occidas cujuslibet eventus, quo ceptum nequeat consecrationis expleri ministerium, (legunt alii: ministerium) sit liberum Episcopo, vel Presbytero alteri consecrationem exequi officii cepti (alii legunt: vel Presbytero, ut alter consecrationem expleat.) Non enim aliud ad supplementum sui initiatis ministeriis competit, quam aut incipientis, aut subsequens completa benedictio Sacerdotis (legunt alii: aut subsequens benedictio sine completa), quia nec perfecta videri possunt, nisi perfectionis ordine compleantur: Cum enim finis omnes unum in Christo, nihil contrarium diversitas (legunt alii: personarum diversitas) formas, ubi efficaciam prosperitatis unitas fidei representat. Quod etiam consultum cuncti Ordinis Clerici indultum (legunt alii: individuum) esse sibi non ambigant, sed ut præmissum est præcedentibus libenter alii pro complemento succedant. Ne tamen quod nature languoris causa consulitur in presumptionis perniciem convertatur, nullus post cibi, potusque quamlibet minimum sumtum Missas facere (legunt alii: post cibum, potumve quamlibet minimum sumtum Missas facere presumat), nullus absque patenti proventu (legunt alii: absque patenti proventu) molestia Minister, vel Sacerdos cum experit, imperfecta officia presumat omnino relinquere. Siquis hæc tentare (legunt alii: temerare) præsumserit, excommunicationis sententiam sustinebit.

Can. 8. Alterum fragmentum ejusdem Concilii Toletani VII. ex cap. 4. depromptum legitur in can. 8. cau. 10. qu. 3., cujus priora verba ita alii legunt: *Inter cetera denique, quæ communi consensu nos conferre communiter oportuit, querimonia etiam Parochialium Presbyterorum Gallicie Provincie &c. Romani Corredores ex eo, quod nonnulli Episcopi Gallicani solerent Conciliis Toletanis intervenire, præsertim ex Provincia Narbonensi, probandam censent quorundam MSS. Codicum scriptiorem ita habentium: Gallicana Provincie.* Verum aliis accuratiores videri possent Codices illi, in quibus habetur: *Gallicie Provincie*, vel ex eo potissimum, quod in eo Canone Toletani Patres sese referunt ad Statuta Bracarenia; At hæc conveniunt potius Gallicæ Provincie, cum hæc esset sub Metropoli Bracarensi; vel etiam ex eo, quod licet in antecedentibus Toletanis Conciliis nonnulli interfuerint Galliarum Anistites, in hoc tamen Toletano Concilio VII. ne unus quidem Gallicanus Episcopus subscripsisse fertur; ac propterea verosimile non videtur, absentibus alterius Regni Episcopis legem fuisse dictam, eo vel magis, quod in hoc eodem canone hæc phrasès legantur: *ut comperimus, &c ut evidens inquisitio patefecit.* Quomodo enim compertum esse potuit, quomodo evidens inquisitio



silio fieri, ubi nullus ex Galliis Episcopus ad Concilium accessit? Mihi præterea emendanda videtur Gratiani editio in illa voce *quinguenarium*, quemadmodum etiam animadverterunt Correñores Romani, ut pro illa legatur, *quinarium*, uti nonnulli ex MSS. Codicibus habent. Neque enim verosimile arbitrari quispiam potest, coercitum fuisse ambitum Episcoporum visitatorum quorundam in numero comitatus sui, ita ut statueretur quinguenarium numerum evectionis non esse excedendum, qui sane numerus etiam supremus videri posset ambitioni magis, magisque promovendæ. Voluit Concilium, Episcopos, quoties Diaecesim visitant, nulli onerosos existere, ac propterea nihil amplius, quam duos solidos exigere posse. Quam grave autem onus imponeretur ab Episcopis, si in vicos, ac terras quinquaginta secum ad comitatum adscitos adducerent! Hujus depravatæ scripturæ proposito exemplo arbitrantur nonnulli in Concilio Lateranensi, cujus fragmentum refertur in cap. 6. de censibus, & exactionibus, constitutum fuisse, ut nihil amplius permittatur Archiepiscopis singulis Provinciam visitantibus, quam quinquaginta, ut ajunt, evectiones habere. Ceterum Lateranensium Patrum intima sententia ea est, ut quanto minus fieri possit, gravamen subditis ab Episcopis visitantibus inferatur. Demum observandum est in postremis illis canonis verbis: *correctioni procul dubio canonum subjacebit, tamquam Constitutorum Synodaltum transgressor, & priscorum Patrum edictorum corruptor*, alios Codices ita habere: *correctioni procul dubio canonum subjacebit, qua Constitutionum Synodaltum transgressores priscorum Patrum edictis corripandos oportet*.

## De Canonibus Concilii Toletani VIII.

Concilium Toletanum, quod octavum dicitur, non tam Ecclesiastica Synodus dici potest, quam generalia totius Hispaniæ Regni comitia, in quæ videlicet confluerunt & Viri Ecclesiastici, & Proceres Regni, & de rebus sacris, & de civili politia Rege ipso auctoritatem præbente pertractaturi. Celebratum illud est anno 653. tempore Martini Pontificis Maximi. Ut autem celebraretur hæc Synodus, operam dederat Rex Reccefvinthus, ad quam convenerunt ex Episcopis 52.; inter quos Metropolitani quatuor, Emeritenfis, Hispalensis, Toletanus, & Bracarenfis, præter decem absentium Episcoporum Vicarios; item Abbates decem, ac duo in Ecclesiastica dignitate Ecclesiæ Toletanæ constituti. Ex Regni Nobilibus, Ducibus, Comitibus, ac Proceribus sexdecim interfuerunt, qui subscripserunt omnes Concilio. Dum aperiretur Concilium, adfuit præfens ipsem Rex, qui ibidem appellatus est *Serenissimus Princeps pia Religione plenisimus, & summo laudum titulo gloriosus*. Ipse etiam primus in comitiis orationem habuit, tomumque in publico consistorio obtulit, in quo continebatur quicquid ipsemet decerni, ac definiri exoptaret. In primis autem professionem fidei suæ ad mentem præcedentium generalium Conciliarum expressit; deinde rogavit, ut emendaretur, quod constitutum fuerat in can. 1. Concilii Toletani 7., ubi perpetua usque ad finem vitæ excommunicatione damnabantur quicumque Clerici consensissent in novi Regis inaugurationem, ad tollendas omnes, quæ tum apud Hispanos excitari consueverant, intestinas seditiones; illam enim sanctionem adeo veteres Patres firmaverant, ut in perpetuum valituram fore etiam jurisjurandi reli-

gione intercedente professi fuissent, anathema etiam illi dicentes, qui hæc instituta putasset fore execranda. Videbatur nimis aspera hujusmodi disciplina Regi piissimo, qua fiebat, ut qui semel deliquisset, etiam post penitentiam acerbissima anathematis pœna usque ad extremum vitæ teneretur; quamobrem a novo Concilio postulavit, ut de hac re solerius omnes inquirerent, & quoties id fieri liceret, inductam semel disciplinam infisterent; verebatur enim, ne si solveretur præstiti jurisjurandi religio, quodammodo Episcopi ipsi perjurii rei haberentur; alias vero, ne si diutius constitutio aspera vigeret, inhumani quoque modo viderentur. Post hæc subdidit Rex se omnino consentire, ut definiretur in Concilio ipso quidquid necessario, vel utiliter definiendum omnibus videretur, rogans & Episcopos, & Consistentes Regni Procures, ut omnia ad justitiam, ad pietatem, salutaremque discretionem composita decernerentur.

Sic explicata Sapientissimi Principis voluntate ad peragenda, absolvendaque propositarum causarum negotia converterunt animum quicumque in Concilio considerant, atque universam rem 13. capitibus consecrerunt. Gratianus duo tantum retulit hujus Concilii Capita, in quibus propterea tantummodo immorabimur. Ex secundo capite hujus Concilii descripta sunt hæc fragmenta, videlicet canon 1. dist. 13., can. 1. cau. 22. qu. 1., canones 1. 9. 14., & 15. cau. 22. qu. 4., qui propterea omnes simul jungendi erunt ab accurato Interprete ad habendam iniectionem ad illud, quod emendandum ex Concilio Toletano VII. proposuerat Rex Reccevinthus, quemadmodum nuper observabam. Proponebatur temperandum Decretum illud Concilii Toletani VII., quo perpetuè excommunicationi subditi fuerant Clerici, quicumque in Principem quomodolibet conspirassent. Ut Decretum hujusmodi vires perpetuas haberet, præter alia, quæ adduci poterant, rationum momenta, illud suadebat, quod immutari nihil poterat, nisi cum injuria Concilii præcedentis, item quod jusjurandum de Decreto non immutando fuerat in Concilio præstitum. Ut vero temperaretur, suadebat humanitas, & pietas Principis, qui de eo remittendo postulaverat. De hac re fuit in hisce comitiis acerrime, disputatum in diversa distractis confidentium animis. Hinc fervidius implorari cepit ab omnibus Sancti Spiritus afflatus; etsi enim agnoscerent, quod in Concilio Toletano VII. statutum fuerat, singularibus temporis illius circumstantiis fuisse accommodatum, verebantur tamen, ne forte violati jurisjurandi rei fierent. Quamobrem ita discutabant Toletani Patres, quasi dubitantes: *Unde jurasse nos per attestationem divini nominis conditio juramenti demonstrat, & ne resolvitur queat, sacra Scripturæ auctoritas instat; scribitur namque in exodo: Non assumes nomen Domini Dei tui in vanum; neque enim infontem habebit Dominus eum, qui assumeris nomen Domini Dei sui frustra. Item in leuitico. Non perjurabis in nomine meo, nec pollues nomen Domini Dei tui. Ego Dominus.* Hæc sunt verba, quæ Gratianus refert, voluit in canone 14., & can. 15. principio cau. 22. qu. 4., qui ex descriptis sunt emendandi. Observandum itaque est, has non esse sententias Episcoporum asserentium, sed dubitantium proposita, quibus quid sibi agendum in incertis animis foret, meditabantur. Post hæc subjungunt Toletani Patres nonnulla alia Sanctorum Scripturarum testimonia, quibus Episcopi, Prælatique omnes ad humanitatem, benignitatemque in Subditos exercendam excitantur. Post quæ ita profaquantur. *Quid ergo? Numquid aut juramenti justitiam, aut misericordiæ pacem sibi*

*contraire*

contraire narravimus? . . . Et quia juramenti custodia ultionem non temperant pavendam, ideo impietatis atrocitas mortem pariet execrandam? Alibi; etenim si publicis Sacramentorum gestis (quod Deus avertat) a quibuslibet illicita, vel non bona extitisset conditio alligata, quæ aut jugulare animam Patris, aut agere compelleret stuprum Sacratissime Virginis, numquid non tolerabilis esset fluitæ promissionis rejicere vota, quam per inutilium promissionum custodiam exhorrendam criminum impleri mensuram? Sunt hæc verba in can. 1. cau. 22. qu. 4. Hinc ad humanitatem inclinatæ Patrum animis, additum est tum demum jusjurandum esse servandum, quoties paci, & benevolentie prospicit his verbis: Etenim omne, quod in pacis fœdere venit, tunc solidius consistit, cum juramenti hoc interpositio roborat. Sed & omne, quod animos amicorum conciliat, tunc fixius durat, cum eos Sacramenti vincula ligant. Omne etiam, quod testis adstipulat, tunc verius constat, cum id adjectio jurationis adfirmat. Quid si testis deficiat, innocentis fidem sola jurisjurandi taxatio manifestat. Hæc legimus apud Gratianum in can. 1. cau. 22. qu. 1. His autem ita disputatis jam eo adducti videbantur Patres, ut metu violandi jurisjurandi excusso præcedentis Concilii sententiam immutarent. Quamobrem ista subdiderunt: Hujus sane promissionis incaute crudam, cruentamque temperant sententiam illa quammaxime compellimur causa, qua hæc duo mala, licet sint omnino cautissime præcavenda, tamen si periculi necessitas ex his unum remeare (legunt alii: temperare, Gratianus: perpetrare) compulerit, id debemus resolvere, quod minori nexu noscitur obligare. (legunt alii: obligari). Quid autem ex his levius, quidve sit gravius pro rationis (legunt alii: pure rationis, alii: pro pietatis) acumine investigemus. Etenim dum pejorare compellimur, Creatorem quidem offendimus, sed nos tantummodo maculamus, & Dei jussa superbe contemnimus, & proximis impia crudelitate nocemus, & nos ipsos crudelitatis mortis gladio trucidamus, illi enim duplici culparum telo percutimur, hic tripliciter jugulamur. Restat ergo, ut eo nostrâ pergat sententia, quo misericordie patuerit via &c. Habentur hæc in can. 1. dist. 13., quam sententiam de relaxando jurejurando ut confirmet Toletani Patres, plura adducunt Sanctarum Scripturarum exempla, inter quæ ita ajunt: Etenim incommutabilis, idemque existens Dei Summi natura præcellens sua sepe in sacris literis legitur mutasse promissa, & pro misericordia temperasse sententiam: Unde quamlibet sit impassibilis, atque immutabilis, idemdem Deitate firmissima (legunt alii: idem quidem ejusdemque Deiatis licet sint dicta firmissima) crebro tamen ejus & juramenta leguntur, & pœnitentia, quæ sacris extant mysteriis adoperata). Jurare namque &c. Hæc cum sequentibus leguntur eisdem omnino verbis in can. 9. cau. 22. qu. 4.

In canone 3. ejusdem Concilii Toletani legimus canonem 7. cau. 1. qu. 3., quem jamdudum Romani Corredores perperam S. Ambrosio tributum fuisse observarunt. Juvabit hic integra verba describere, qualia habentur in ipsomet Concilio, cum Gratianus non satis illa ex fide retulerit. Quid sine magno labore dicendum non est, reperiuntur quamplurimi negotio muneris perituri mercari velle gratiam Spiritus Sancti, dum vile præmium donant, ut pontificalis ordinis sublime culmen accipiant, obliiti verborum Petri, qui dixit ad Simonem: Pecunia tua tecum sit in perditionem, quoniam donum Dei existimasti per pecuniam possideri. Proinde quia & usitatum est tale malum, & majorum frequenter extat mucrone succisum, nos quoque huic vulneri cancroso ignitum, quod superest, adhuc injicimus ferrum, decernentes omnimodo, ut quicumque deinceps pro percipienda Sacerdotii dignitate quolibet præmium detestus fuerit obtulisse, ex eodem tempore se noverit anathematis opprobrio condemnatum, atque

a perpe-

Can. 7.  
cau. 1.  
qu. 3.

a perceptione Christi Corporis, & Sanguinis alienum, ex quo illum confas hoc execrabile Christo perpetrasse flagitium. Quod si aliquis extiterit, qui accuset, ille, qui hunc ordinem munerum fuerat acceptione lucratus, & suscepti ordinis gradu privetur, & in Monasterio sub perenni poenitentia religetur. Illi vero, qui pro hac causa munerum acceptiores extiterint, si Clerici fuerint, honoris amissione multentur; si vero laici, anathemate perpetuo condemnentur.

## De Canonibus Concilii Toletani IX.

Post elapsos duos annos a Concilio Toletano VIII., scilicet anno 655. sub eodem Reccesvintho Rege rursus celebrata est alia Synodus, quam Toletanam IX. appellant; sed est illa Provincialis, idest ex Episcopis solius Toletanæ Provinciæ sub Eugenio Metropoliita congregatis, numero quindecim, una cum sex Abbatibus, aliisque Viris tam Ecclesiasticis, quam Laicis illustribus. In ea autem editi fuerunt canones 17. ad disciplinam ecclesiasticam confirmandam.

Can. 4.  
dist. 54.

Inter hos cap. 11. legitur canon 4. dist. 54. eisdem omnino verbis.

Can. 74.  
cau. 12.  
qu. 2.

In cap. 5. habetur canon 74. cau. 12. qu. 2., in quo describendo Amanuenses non omnes consonarunt. Vulgata exemplaria ita exhibent: *Bonæ vel dare consultum* (scripserunt alii: *consilium*), & *præsentis habetur vitæ subsidium, & æternæ remunerationis expectare cernitur præmium. Quisquis itaque Episcoporum in Parochia sua Monasterium construere forte voluerit, & hoc ex rebus Ecclesiæ, cui præsidet, ditare, decreverit* (scripserunt alii: *ditaverit*) non amplius ibidem, quam quinquagesimam (scripserunt alii: *quadragesimam*) partem dare debet; ut hac temperamenti equitate servata, & cui tribuit, competens subsidium conferat, & cui tollit, damna gravia non infligat. Ad Ecclesiam vero, quæ monasticis non informabitur regulis, aut quam pro suis magnificare voluerit sepulturis, non amplius, quam centesimam partem census Ecclesiæ, cui præsidet, ibidem conferre licebit, ea tamen cautela servata, ut unam tantummodo, quæ placuerit, ex his duabus remunerationem assumat. (alii ita scripserunt: Ecclesiæ vero, quæ monasticis non informabitur regulis, aut quam pro suis munificare voluerit sepulturis, non amplius, quam centesimam partem census Ecclesiæ, cui præsidet, ibidem conferre licebit, ea tamen cautela servata, ut tantummodo quæ placuerit, ex his duabus remunerandam assumat.)

Can. 2.  
can. 12.

Jungendi simul sunt canon 2. cau. 12. qu. 3., & canon 1. cau. 12. qu. 4., cum depromti sint ex capite 4. ejusdem Concilii Toletani. Priora canonis 4. Toletani

qu. 3.

verba habentur in dicto can. 1. cau. 12. qu. 4., ubi jam animadverterunt Roma-

can. 1.

ni Correctores ad illa verba: *compensatione tam juris &c.* paullo aliter haberi in

can. 12.

Concilio ipso cum vetustis exemplaribus collato; item ego observo pro illis ver-

qu. 4.

bis Gratiani: *quæ susceptis extraneum in aliis codicibus legi: quæ susceptis externum.*

Post verba illa postrema: *conscriptio pertinebit*, ita sequitur in Concilio ipso: *Si autem quolibet pars majori cumulo sui juris excreverit, majorem etiam portionem in divisione percipiet: quicumque vero de prædictis Sacerdotibus, vel Ministris &c.* Hic sequuntur verba dicti canonis 2. cau. 12. qu. 3., cujus postrema verba ita leguntur in Concilio: *Ecclesia hoc sibi, cui præfuit, vel Minister extitit, in perpetuo vindicabit.* Quod hoc canone definitur, apud Ecclesiam remanere bona Clericorum, quoniamque nihil ordinatum a Clericis, dum viverent, fuerit, duplici ratione factum

factum videtur, vel quia decebat a Clericis bona ecclesiastica, sive intuitu Ecclesie quaesita dividi a familiaribus, & privatis, quoties ipsi Clerici voluissent post mortem suam singula singulis addici; vel quia verosimile esse potuit Clericos, qui aliter de bonis suis non disposuerant, Ecclesiam haereditem instituturam voluisse. Si enim Martyrum bona, qui nullis superstitionibus cognatis decessissent, ex piorum Principum constitutionibus olim ad Ecclesiam devolvebantur, ea ratione, ut refert Eusebius in lib. 2. de vita Constantini cap. 36., quod defunctis utique molestum non erit, si ejus gratia nullum non discrimen subierint, eam ipsis haereditem habere contingat, pari ratione decebat Ecclesiam iis aliquando succedere Clericis, qui pro illa, dum viverent, universos labores suos, & maximam operam contulerunt.

Canon 4. cau. 12. qu. 3. habetur in cap. 6. hujus Concilii Toletani, cujus <sup>Can. 4.</sup> <sup>cau. 12.</sup> haec verba sunt: *Cum praeteritis Sandionibus notissimum habeatur, quae de rebus Parochialium Ecclesiarum pars Episcopo conferatur, oportune duximus decernendum, ut qu. 3. si Episcopus tertiam, quam de rebus ejusdem sanitione paternae sibi debitam novit, aut ipsi Ecclesiae, cujus res esse patescit, aut alteri Ecclesiae, cui elegerit, conferre decreverit, & licitum maneat (legunt alii: & licita maneant), & irrevocabile rebus ejus sententia dicat. De tertia parte, quae Episcopis Hispaniarum debebatur, nonnulla inferius dicam ad canonem 10. cau. 10. qu. 1., ubi de Concilio Tarracoenensi. Ceterum ad hanc rem juvat observare, per priora Ecclesiae saecula institutis primum Parochiis oblationes parochiales non Parochorum constitutorum lucro cessasse, sed ad Episcopos devolvi consuevisse, qui de sustentandis Clericis omnibus Diocesis curam omnem, ac sollicitudinem gerebant; cum enim Cathedrales Ecclesiae valde inopes essent, necessarium erat etiam de inferiorum Ecclesiarum redditibus eisdem occurrere. Adauctis vero posteriore tempore redditibus, ceperunt Episcopi a parochialibus obventionibus penitus abstinere. Quod primum arbitror apud Graecos obtinuisse tempore Gennadii Patriarchae, de quo ita scribit Theodorus Lector in lib. 1. Histor. Ecclesiast. Designavit Gennadius Marcianum *Æconomum*, qui mox atque *Æconomus* factus esset, quae in unaquaque Ecclesia offerebantur, ab ejus loci Clericis accipi decrevit; ad id enim usque tempus cuncta accipiebat Ecclesia magna. Ecclesiae dein occidentales in Africa idipsum postea receperunt, apud quas etiam preceptum fuit Episcopis, ne Parochiarum oblationes in suam potestatem redigerent. Ferrandus Diaconus in suo Breviario can. 38. ex Concilio Hipponiensi ita tradit: *Ut Episcopus Matricis non usurpet quicquid fuerit donatum Ecclesiis, quae in Diocesi constitutae sunt*. Hinc generalis propemodum reddita fuit haec omnium Ecclesiarum disciplina, alicubi maturius, alicubi citius pro modo facultatum unicuique Ecclesiae Cathedralis; non enim prius Episcopi haec jura Parochiarum abdicarunt, quam haberent, quod sibi, Clericis, Ecclesiisque suis omnino sufficeret. Alicubi autem non integre, & generaliter omnibus Parochiarum juri-  
bus renunciarunt, sed tantum quartam, vel tertiam reddituum partem, aut oblationum sibi reservarunt, vel quod illa adhuc indigere viderentur, vel quod optarent, ut sui juris antiqui quoddam adhuc vestigium remaneret.*

Canon 3. cau. 15. qu. 8. legitur in can. 10. Concilii hujus Toletani, ubi tamen <sup>Can. 3.</sup> <sup>can. 15.</sup> <sup>qu. 8.</sup> pro illis verbis: *Proles autem aliena pollutione nata non solum hereditatem nunquam accipiet &c.* ita legitur in vulgatis Concilii exemplaribus; *Proles autem talis nata pollutione non solum parentum hereditatem nusquam accipiat &c.*

Can. 10.  
cau. 16.  
qu. 3.

Canon 10. cau. 16. qu. 3. legitur eisdem omnino verbis in can. 8. hujus Concilii in vulgatis exemplaribus, ubi statuitur prescriptionem rerum Ecclesiasticarum non ab actu Clerici alienantis, sed potius ab ejus morte initium habere. Quid vero dicendum sit de tricenaria prescriptione in Hispania, etiam postquam Justinianus Imperator solam quadragenariam in Ecclesiasticis rebus admiserit, jam superius attigimus ad canonem 3. cau. 16. qu. 3., & canonem 2. cau. 16. qu. 5.

Can. 31.  
cau. 16.  
qu. 7.

Canon 31. cau. 16. qu. 7. pertinet ad canonem 1. hujus Concilii Toletani, ex quo priora verba huc sunt referenda, cum apud Gratianum desiderentur. Ita ibidem scribitur: *Omnis itaque rei Ecclesiastica quantitas, sicut remedium venie tribuit conferenti, ita damnum rite preparat fraudatori. Et ideo nullus Sacerdotum, vel Ministrorum ex rebus Ecclesie, que in quibuscumque locis a fidelibus largiuntur, aliquid auferat, vel juri suo, aut Cathedrae propriae unitati connectat.* (alii legunt: *Civitatis connectat.*) Devotio enim uniuscujusque sicut gratanter votum contulit Deo, ita definit, quo plenitudo votorum conservaretur in loco, in quo velut si collata tenentur, (legunt alii: *locata tenentur*) manet gratia offerentis, ita si frustrantur, imminet perniciēs defraudantis. Verum ut rei hujus potior soliditas habeatur, condignis filiis, vel nepotibus, honestioribusque propinquis ejus, &c. quæ apud Gratianum sequuntur.

Can. 32.  
cau. 16.  
qu. 7.

Sequuntur post hæc Toletani Patres in can. 2. *Cum sepe sit solitum etiam illa, quæ non debentur, prece supplicationis, & vi quodammodo extorqueri doloris, quanto magis sine obstaculo concedi debent exquisita simul & ordine juris, & dolore compassionis. Quia ergo fieri plerumque cognoscitur, ut Ecclesie Parochiales, vel sacra Monasteria, ita quorundam Episcoporum vel insolentia, vel incuria horrendam decendant in ruinam, ut gravior ex hoc oriatur edificandis moror, quam in construendo gaudii extiterat labor, ideo pia compassione decernimus, ut quamdiu earum Fundatores Ecclesiarum &c. quæ sequuntur refert Gratianus in can. 32. cau. 16. qu. 7., cui omnino jungendæ sunt Romanorum Correctorum observationes, ut quænam sit aliorum codicum diversitas agnoscat. Sed præterea hoc in loco est adamussim observandum, eo tempore apud Hispanos nondum receptas fuisse Justiniani Imperatoris leges, apud quos Theodosiani potius Codicis usus erat; ac propterea nondum apud eosdem induci potuisse disciplinam de jure patronatus in hæredem transferendo, quæ jam apud Justinianum fuerat definita in l. 46. cod. de Episc. & Cleric. juncta Novella 57. cap. 2., & Novel. 123. cap. 18., Quamobrem videmus in memorato Toletani Concilii loco constitui, Fundatorem, quousque in vita ipse superles fuerit, tantummodo curam Ecclesiarum, quas crexerat habuisse, & Clericos ad illas præsentare potuisse, eoque defuncto liberam Ecclesiam remansisse, quin jus patronatus fundatoris hæredibus concederetur.*

## De Canonibus Concilii Toletani X.

Post elapsam annuum 3 Concilio 9. aliud in Toletana Urbe celebratum Concilium est anno 656., quod decimum appellant, & quidem etiam Regis ejusdem Reccesvinthi auctoritate, qui ad promovendas Ecclesiarum utilitates sollicitudinem maximam impenderat. Ex subscriptionibus Episcoporum, qui viginti numero fuerunt, præter quinque Vicarios Episcoporum absentium, videtur hoc Concilium fuisse Nationale totius Hispaniæ, præsertim cum noscamus tres in eo adfuisse Me-

tropo-

ropolitas, Eugenium Toletanum, Fugitivum Hispalensem, & Fructuosum Bracarensem. Canones ibidem editi sunt numero septem, quorum tertium retulit Gratianus in can. 6. dist. 89., licet multo aliter, quam in vulgatis Concilii exemplaribus habeatur. Itaque his verbis legendus est canon: *Reverentie totius aulicium, quia res aditi dura, non frustra cogimur hac duriori extirpare censura. Agnovimus enim quosdam Pontifices precepti Principis Apostolorum, qui ait: Pascite, qui in vobis est, gregem, non coacte, sed spontanee, nec dominantes in Clero, sed forma salis gregis, ita esse immemores, ut quibusdam Monasteriis, Parochialibusque Ecclesiis, aut sue consanguinitatis personas, aut sui favoris participes iniquum saepe statuam in Prælatum, ita illis providentes commoda inhonestæ, ut eisdem deferantur, aut quæ proprio Episcopo dare iustus ordo poposcerit, aut quæ rapere deputati exaltoris violentis potuerit. Proinde decenter omnibus placet, & in præsentis tale rescindere statum, & non esse de cetero faciendum. Nam quisquis Pontificum deinceps aut sanguini propinquis, aut favore sibi personis quibuscumque devinctis talia commodare lucra tentaverit ausu nefande præsumptionis, & quod visum fuerit devocetur in irritum, & qui ordinavit, annuæ excommunicationis ferat excidium. Ex his explicandus erit, ac supplendus Gratianus; etenim si de præstationem canonis, ceteraque omnia verba considerata-verimus, itatim agnosceremus, non ideo editam fuisse eam sanctionem, quod perpetua esset, ac generalis, sed potius ut gravi abusi, qui in Hispaniis ea in re obtinuerat, consuleretur; quamobrem ipsimet Toletani Patres hanc eandem, quam constituebant, jurisprudentiam minime dubitarunt appellare nomine *censuræ durioris*.*

Can. 6.  
dist. 89.

In canone 4. Concilii Toletani, qui immediate sequitur, legimus canonem 16. cau. 20. qu. 1., cuius definiendi occasio hæc fuit: *Inveniuntur (ita aiebant Toletani Episcopi) nonnullæ viduæ diversis excusationibus se adeo contegentes, ut blandiantur sibi, non se Patrum plena religionis alligatas institutione teneri. Unde antiquis inconcussæ permanentibus regulis, hoc adjicitur novæ oraculo sanctionis, ut viduæ, quæ sanctæ religionis obtinere propositum voluerit &c.* Hic subsequuntur verba Gratiani usque in finem ibi: *& non suspectis, post quæ hæc subiunguntur: quæ careat & varietatibus colorum, & diversitatibus partium, adeo ut absque ulla suspitione transgressione maneat usui tantum apta sanctæ religionis, & usui sexus competens ad testimonium probitatis. Ut autem deinceps nihil devocetur in dubium, pallio purpurei, vel nigri coloris caput contegat ab initio susceptæ religionis, ut dum illic intulerit flagnum probabilis sanctitatis, ubi nullius falli poterit visio intuentis, nusquam attente-  
tur ausus detestandæ præsumptionis.*

Can. 16.  
cau. 20.  
qu. 1.

Canon 1. cau. 20. qu. 2. pertinet ad canonem 6. ejusdem Toletani Concilii, Can. 1. cuius priora verba hæc sunt, quæ apud Gratianum desiderantur: *Cum hac usque dissolutione operationis effectus interdum nutare fecit honestæ conversationis editum, dum incondite resolvi putatur, quod indissolubile sanctionis auctoritate tenetur; ideo quidquid obvium ex incerto occurrit, evidenter abjici debet, ut de cetero nihil superfit, quod in dubium nutetur. Ideoque si in qualibet minori ætate, vel religionis consuetudine, vel religioni debitam vestem in utroque sexu filiis, aut unus, aut ambo parentes dederint, certe aut nolentibus, aut nescientibus se susceptam, &c., quæ apud Gratianum subsequuntur iis adnotatis, quæ jam Romani Corredores recte observaverunt ad vocem illam: quartumdecimum.*

- Can. 36. De canone 36. cau. 27, qu. 1. nihil est, quod ulterius adjiciam, postquam.  
 cau. 27. Romani Corretores illum redegerunt ad fidem optimorum exemplarium, & ad  
 qu. 1. integritatem canonis 5. Toletani.

## De Canonibus Concilii Toletani XI.

Anno Domini 675. aliud celebratum est Concilium Toletanum, quod undecimum vulgo appellatur, & quidem totius Toletanz Provinciz, intervenientibus Episcopis novemdecim, & septem Abbatibus sub Quirico Metropoli toletano, Synodalem autem congressum postulante Vuambaro Rege, quem *Excellentissimum, & Religiosum Principem* Episcopi hujus Concilii nominarunt. Jam octodecim anni effluxerant, ex quo Episcopi in unum convenire non poterant ob temporum difficultates; quomobrem jamdiu Ecclesiastica disciplina corruiſſe quodammodo videbatur, cui propterea consulendum erat, quemadmodum consultum fuit sexdecim Canonibus editis. Ex his tertius habetur in can. 13. dist. 12. cujus verba omnino consonant cum vulgatis Concilii exemplaribus. Non est tamen contemnenda, quæ ibidem subjicitur, Romanorum Correctorum observatio.

Can. 13.  
dist. 12.

Canon 10. ejusdem Concilii legitur in canone 6. dist. 23., ubi quædam Codicum varietas adparet; etenim ubi Gratianus habet: *probat disciplina*; legunt alii: *provehit disciplina*, ubi Gratianus scribit: *generali sponse*, scripserunt alii: *generali innoxione*; ubi Gratianus: *est ascensurus*, alii: *est accessurus*; ubi Gratianus habet: *placiti sui adnotatione*, legunt alii: *placiti sui innotatione*; alii etiam: *placita sibi annotatione*; demum ubi Gratianus legebat: *placitis talium inferenda*, legunt alii: *placitis talium inferenda*.

Can. 6.  
dist. 23.

In canone 8. hujus Concilii legitur canon 101. cau. 1. qu. 1., ad quem Romanii Corretores jamdiu adnotarunt, quænam sit in Codicibus aliis varietas scriptio- nis, licet ubique eadem semper maneat Toletanorum Patrum immutata sententia. Unum ego addo, quod Romani iidem Corretores omiserunt, videlicet postrema illius canonis verba in quibusdam codicibus ita haberi: *Et competenti verberare, & debita excommunicatione plectendus est*. Porro verberum pœnam in Ecclesia vetere consuevisse Clericis minoribus infligi ex pluribus antiquissimis monumentis, præsertim ex S. Augustino non ignoramus, adinstar pœnæ illius, cui subiacere solent ex Præceptorum sententia discipuli in hodiernis scholis.

Can. 3.  
cau. 5.

qu. 4.

Canon 3. cau. 5. qu. 4. habetur in canone 1. ejusdem Concilii; sed quoniam non eadem leguntur in omnibus exemplaribus, operæ pretium erit illum ita describere: *in loco benedictionis* (intelligitur hic locus Concilii, quemadmodum commode eruitur ex contextu totius canonis) *confidentes Domini Sacerdotes nullis debent* (legunt alii: *nullus debet*) *aut indiscretis vocibus perserpere, aut quibuscumque tumultibus perturbari; nullis etiam* (legunt alii: *perturbare*; *nullis etiam*) *vanis fabulis, vel risibus agi, & quod deterius est, obstinatis disceptationibus* (legunt alii: *concertationibus*) *tumultuosas voces effundere. Si quis enim, ut Apostolus ait, putat se religiosum esse, non refrænans linguam suam, sed seducens eor suum, hujus vana est religio: cultum enim suum iustitia perdit, quando silentia iudicii obstrepentium turba confundit, dicente Propheta: erit cultus iustitiæ silentium. Debet ergo quidquid aut consultationibus confidentium agitur, aut ab accusantium parte proponitur, sic mirissima*

ver-



verborum relatione proferri, ut nec contentiosis vocibus sensus audientium turbent, nec iudicii vigorem de tumultu enervent. (Legunt alii: Debet ergo quicquid aut contentientium collationibus agitur, aut accusantium parte proponitur, sic mississima verborum relatione proferri, ut nec contentiosis vocibus audientiam turbet, nec iudicantium vigorem de tumultu enervent). Quicumque ergo in conventu Concilii hac, quæ præmissa sunt, violanda crediderit, & contra hæc interdicta aut tumultu, aut contumeliis, vel risibus Concilium conturbaverit, juxta divinæ legis edictum, quo præcipitur: Ejice defrisorem, & exibat cum eo jurgium, & cum omni dedecore de confessione abstrahatur (legunt alii: cum omni confusione dedecore abstrahatur) a communi catu secedat, & irium dierum excommunicationis sententiam perferat.

In canone 15. cau. 7. qu. 1. habetur canon 14. hujus Concilii, ubi tamen pro illis verbis: verendum nobis est, & cavendum, legunt alii: curandum nobis est, & cavendum. Quæ ex Gratiani commentariis huic fragmento adjecta fuerant, Romani Correctores jamdiu observaverunt, illaque hodie apud Typographos jure optimo diversis characteribus imprimuntur. Consonat autem cum sententia hujus canonis canon 16. eadem causa, & quæstione, quem jam superius exhibuimus suo loco.

Canon 30. cau. 23. qu. 8. consonat omnino cum can. 6. hujus Concilii Toletani. Erat tum in more positum apud Hispanos, ut Episcopi peterent a Principe, ut sibi delegarentur criminales causæ, præsertim quæ ad crimen læsæ Majestatis pertinerent. Princeps vero id facile indulgebat, probatam habens Episcoporum æquitatem, &que optimum arbitrium existimans. Sed jam in aliis Conciliis Toletanis visa fuerant Episcopis non satis convenientia hujusmodi judicia, proptereaque pluries cautum est, ne Episcopi amplius se in his causis Judices constitui curarent. Facit etiam ad hanc rem canon 30. Concilii Toletani 1v., de quo jam superius agi ad canonem 29. cau. 23. qu. 8.

Can. 15.  
cau. 7.  
qu. 1.

Can. 30.  
cau. 23  
qu. 8.

## De Canonibus Concilii Toletani XII.

Ad exemplum Concilii Toletani v. sub Rege Reccesvintho celebrati, quem admodum superius intelleximus, habitum fuit Concilium Toletanum, quod vulgo duodecimum dicunt, anno 681. Itud enim non tam fuit Synodus Virorum Ecclesiasticorum, sed & generalia exhibuit totius Regni Hispaniarum comitia, auctoritate Regis Ervigii inita, ad quæ & Rex ipse advenit, ut Constitutionibus ibidem edendis auctoritatem suam, potestatemque tribueret. Illud inter cetera piissimus Princeps obtestatus Episcopos est, & Regni Proceres, quos adeste jusserat, ut si quid emendandum, corrigendumque ipsis videretur, aut innovandum, sine ullo discrimine prorsus corrigerent, aut etiam innovarent: Præsertim vero illud eximiorum virorum fidei commendavit, quo fieret, ut nulla amplius Judiçi populi vestigia in Hispaniis superessent. Quamobrem libellum quandam Rex ipse Concilio toti exhibuit, ut quicquid ipse expositularet, palam universi perciperent. Interfuerunt comitiis solemnibus Metropolitanis quatuor, Toletanus, Hispalensis, Bracarensis, & Emeritensis; cum illis quoque Episcopi 31., Abbates quatuor, Vicarii Episcoporum absentium tres; viri autem Illustres, ac Proceres Regni quindecim; qui omnes tribus supra rebus Canonibus editis, arbitrati sunt se satis Hispaniarum Ecclesiis, illarumque rebus consultuisse.

Con. 17. *Aequissimæ Principis piissimi voluntati morem gessere, quicumque convenerant;*  
 dist. 54. quod inter cetera liquet ex can. 17. dist. 54., qui eisdem verbis omnino legitur  
 in canone 9. illius Synodi. Plura autem ac plura ibidem continentur, quæ in  
 odium Judæorum constituta fuerunt.

Can. 25. dist. 63. referendus est ad canonem 6. ejusdem Concilii Toletani, cujus  
 dist. 63. verba integra describenda sunt, cum nonnulla apud Gratianum desiderentur. *Illud*  
*quoque collationi mutua decernendum nobis occurrit, quod in quibusdam Civitatibus de-*  
*cedentibus Episcopis propriis, dum differtur diu ordinatio successoris, non minima crea-*  
*tur, & officiorum divinarum offensus, & Ecclesiasticarum rerum noscitur perditio. Nam*  
*dum longe, lateque diffuso commeatium (legunt alii: commeatus) impeditur celeritas*  
*nunciorum, quo aut non queat Regis auditibus decedentis Præsulis &c. Quæ sequun-*  
*tur apud Gratianum consonant cum exemplaribus vulgaris Concilii, dummodo*  
*animadvertamus in istis legi injuriosa necessitas, ubi Gratianus scripserat: innume-*  
*rosa necessitas. Præterea verba illa: atque Gallicia delenda omnino esse videntur*  
*a Codicibus Gratiani, utpote quæ in accuratioribus MSS. desiderentur. Tantò au-*  
*tem minus, ut aliquibus visum fuit, legendum esset: atque Gallie; jamdiu enim*  
*ad Hispanorum Concilia Nationalia convenire destiterant Gallie Gothicæ Episco-*  
*pi, qui antea quidem Gothis Hispanis subiecti fuerant, ideoque ad Hispanorum.*  
*Concilia aliquando convenerant; at postea Gothorum Principum jugo a Francis*  
*excusso, non amplius cum Hispanis Nationalia Concilia celebrarunt. Post verba*  
*postrema Gratiani fragmenti visurus accedat, statim hæc subsequuntur in integris*  
*Concilii Codicibus: Qualiter ejus auctoritate, vel disciplina instruitus condigne suscep-*  
*te sedis gubernacula teneat. Quod si per desidiam, aut neglectum quilibet constituit*  
*semper metas excesserit, quibus Metropolitanis sui nequeat obtinibus præsentari, excom-*  
*municatum se per omnia noverit, excepto si Regia jussione impeditum se esse probaverit.*  
*Hanc quoque definitionis formulam, sicut de Episcopis, ita de ceteris Ecclesiarum Re-*  
*ctoribus placuit observandam. Ex his adparet, antiquissimam fuisse in Hispania disci-*  
*plinam, ut Episcopi, ceterique Ecclesiarum Rectores a Rege eligerentur; quam-*  
*obrem etiam Braulio Cæsaraugustanus in Epistola ad Isidorum Hispalensem ita*  
*aperte scribebat: Ut quia Eusebius noster Metropolitanus decessit, habes, misericor-*  
*dia curam, & hoc Filiole tuo nostro Domino suggeras, ut illum illi loco præficiat,*  
*cujus doctrine sanctitas ceteris sit vitæ forma: quibus ita respondit Isidorus: De-*  
*stituendo autem Episcopo Tarraconensi, non eam, quam petisti, sensi sententiam Re-*  
*gis; sed tamen & ipse adduc, ubi certius convertat animum, illi manet incertum.*

Can. 35. cau. 17. qu. 4. pertinet ad canonem 10. ejusdem Concilii. Satis ta-  
 cau. 17. men fuisset, si Gratianus integrum canonem retulisset, qualis haberetur in ipsismet  
 qu. 4. Concilii exemplaribus; Etenim priora hæc verba Gratianus omisit: *Pro his, qui*  
*quolibet metu, vel terrore Ecclesiam appetunt, consentiente pariter, & jubente glorio-*  
*sissimo Domino nostro Ervigo Rege, hoc sanctum Concilium definit, ut nullus audeat*  
*conjugentes ad Ecclesiam, vel residentes inde abstrahere &c.*

Can. 21. cau. 32. qu. 5. eisdem omnino verbis legitur in canone 8. Toletano;  
 cau. 32. ubi tamen observatione dignum agnosco, quod hæc constituit ad solos Nobiles  
 qu. 5. pertineat; enim vero, quæ poena transgressoribus legis ibidem præscribitur, solos  
 nobiles atferre potest, scilicet Palatinæ dignitatis, sive officii amissio, item de-  
 negatio testimonii generosæ dignitatis. Quæ ut clarius intelligantur, prænotare  
 juvet, dignitates, & officia Palatina in Hispania nobilibus concedi consuevisse, qui-  
 bus

bus expletis emeriti conſequabantur honorifica, ut vocabant, generoſæ dignitatis teſtimonia, quibus ſcilicet probata videretur eorum virtus, ex quo libere ad maximos Regni honores, ac dignitates adſpirarent. Forte itaque Toletani Patres nobilium tantummodo Perſonas decreto ſuo comprehenſas voluerunt, vel quod apud viros tantum illuſtres generis hic dimittendarum uxorum abuſus irrepſerat; vel quod prudentiſſime ſe agere duxerint Toletani Patres, quoties in communi delicto alloquerentur tantum viros illuſtres, & a vitio averterent, futurum ſperantes, ut illorum averſorum exemplo etiam ceteri in conjugii unitate conſiſterent.

In canone ſ. ejuſdem Concilii Toletani habetur can. 11. de conſecr. diſt. 2. quoniam vero vulgata Concilii exemplaria paullo aliter canonem ipſum exhibent, quam a Gratiano ſcriptus fuerit, juvabit ita ex ipſis fragmentum adferre. *Relatum nobis eſt, quodſam de Sacerdotibus non tot vicibus Communionis ſanctæ Gratiæ ſumere, quot ſacrificia in uno die videantur Deo offerre; ſed in uno die ſi plurima per ſe Deo offerant ſacrificia, in omnibus ſe oblationibus a communicando ſuſpenderent, & in ſolâ tantum extremæ ſacrificii oblatione communionis ſanctæ gratiam ſumunt, quæ non ſit toties reus illius veri, & ſingularis ſacrificii, quoties participator Corporis, & Sanguinis Domini noſtri Jeſu Chriſti eſſe deſtiteris. Nam ecce Apoſtolus dicit: nonne qui edunt hoſtias, participes ſunt Altaris? Si ergo qui edunt hoſtias, participes ſunt Altaris, certum eſt, quod hi, qui ſacrificantes non edunt, rei ſunt dominici Sacramenti. Quicumque ergo Sacerdotum deinceps divino altario Sacrificium oblaturus acceſſerit, & ſe a communionem ſuſpenderit, ab ipſa, qua ſe indecenter privabit, gratia communionis anno repulſum ſe noverit. Nam quale erit illud Sacrificium, cui nec ipſe ſacrificans participaffe cognoscitur? Ergo hoc modis omnibus eſt tenendum, ut quotieſcumque ſacrificans Corpus, & Sanguinem Jeſu Chriſti Domini noſtri in Altario immolat, toties perceptioni Corporis, & Sanguinis Chriſti ſe participem præbeat. Ex hoc canone liquet, olim morem fuiſſe Sacerdotibus, ut uno, eodemque die Miſſas, ut ajunt, plures celebrarent; qui uſus etiam uſque ad ſæcula 11. vel 12. perſeveravit; hac enim demum ætate caveri cæpit, ut duæ tantummodo, vel tres celebrarentur; Hinc Concilio Saleguſtadienſi undecimo ſæculo celebrato can. 5. ita definitum fuiſſe ſcimus: *Ut unusquiſque Presbyter in die non amplius, quam tres Miſſas celebrare præſumat.* Quod vero in more etiam fuerit apud quosdam Sacerdotes, ut quoties fuſſent Miſſas una eademque die celebrarent, in extrema tantum Euchariftiam ipſi ſumerent, id manifeſte liquet ex S. Cypriano Epistolæ 65. ad Cæcilium. Verum poſterior hæc conſuetudo viſa fuit improbanda, tamquam divinz institutioni repugnans; ex divina quippe traditione proſectum eſt, ut Sacerdotes ipſi in Miſſarum celebratione communicent, quod & in hoc canone Toletani Patres indiſta transgreſſoribus pena jure optimo conſtituerunt.*

Can. 11.  
de conſ.  
diſt. 2.

## De Canonibus Concilii Toletani XIII.

Ad inſtar, & formam Concilii Toletani 12., de quo nuper egimus, celebratum etiam eſt anno 683. Concilium Toletanum, quod decimumtertium vocant, ſub eodem Ervigio Rege. Convenerunt ad illud ex Hiſpania univerſa Episcopos octo, & quadraginta, ex quibus Metropolitani quatuor, Toletanus, Hiſpalenſis, Emeritenſis, & Bracarenſis, item ſeptem ſupra viginti Vicarii Episcoporum abſentium, Abba-

Con. 13.

+ III. 26.

qu. 5.

Abbatē octo, & Regni Proceres sex supra viginti; qui omnes viri illustres una cum ipsomet Principe ad Synodum convenientes non tam de reformatione disciplinæ Ecclesiasticæ pertractarunt, quam de optimo illius Imperii regimine; Rex enim ipse ibidem proposuerat, se nihil velle sine communi omnium consilio facere, quod ad Regni sui incolumitatem pertinere videretur. Confecta res est communi omnium consensione, atque tribus supra decem capitibus editis, sive Ecclesiasticis, sive Civilibus negotiis opportune consultum est. Ex his autem capitibus unum tantummodo retulit Gratianus in can. 13. cau. 26. qu. 5. non tamen omnino integrum; cujus propterea verba hoc in loco describam. Ita legitur in canone 7. Concilii. *Væ his, qui faciunt opus Domini fraudolenter, & desidiose, propheticus sermo annunciat. Et si illi vae incurrunt, qui negligenter opus Domini faciunt, quod supplicium merebuntur, qui divinæ servitutis cultum malitia intercedente ab Altaribus Christi subducunt? Illos dicimus, qui obstinate mentis dolofate confusi (legunt alii: Confusi) cum aliqua eos molestia fratrum iurgiorum pugerit, infans illico temeritate abrepti altaria nudatis sacratis vestibus exiunt, luminaria subtrahunt, ac divinorum sacrificiorum cultum malitia intercedente subducunt. Et quod in hominibus se vindicare non possunt, injuriam Deo, quod pejus est, inferunt. Unde si hujusmodi pro fraterno odio homicidæ reatu astringitur, pro contentu divino quid pœnæ merebitur; etenim juxta quod divinus sermo increpat: Si peccaverit vir in virum, placari ei potest Deus; siquis autem peccaverit in Deum, quis pro eo rogaturus est? Facile ergo totum Sacerdotum excessibus illa Domini sententia coarctabitur, qua malitia percussus Sacerdotum: Dixit enim: Honorificantes me honorificabo, qui autem contemnunt me, erunt ignobiles. Quicumque ergo Sacerdotum (hic exorditur Gratianus), vel ministrorum deinceps causa cujuslibet doloris, vel amaritudinis permotus, aut Altare divinum, vel vestibus sacratis exuere præsumserit; aut qualibet alia lugubri veste accingi; seu etiam si consuecta luminariorum sacrorum obsequia de Templo Dei subtraxerit, vel extinguere præceperit, aut quodcumque lugubritatis (hæc Gratianus omisit) in Templo Dei induxerit, atque, quod pejus est, occasionem nutrierit, unde de Templis Domini aut officia consuecta desint, aut oblatio singularis Sacrificii videatur in aliquo defraudari; si eam antea veræ pœnitentis (rursus hic prosequitur Gratianus) ceram Metropolitano satisfactio non purgaverit, ignobilitati perpetue mancipatus juxta superiorem sententiam Domini, & loci sui dignitate se noverit, & hoc honore privari. Illis procul dubio personis ab hac ultionis sententia separatis, quæ aut contaminationem sacrorum Ordinum, vel subversionem sanctæ fidei metuentes, aut hostilitatem, vel obsidionem præferentes, seu etiam divinorum judiciorum sententiam metuentes tale fecisse contigerit, in quorum facto plus humilitas, qua Deus placetur, quam interni laboris dolofitas declaratur. Quæ sequuntur apud Gratianum in §. plerique etiam pertinent potius ad Concilium decimum septimum Toletanum, quemadmodum jam eruditi omnes observaverunt. Fuit illud Concilium celebratum anno 694. a plerisque Hispaniarum, & Galliarum Episcopis sub Flavio Egicane Rege, qui, & ipse Synodo interfuit, & ad reformandam Ecclesiasticam disciplinam plurimum egit. In canone 5. ejus Concilii ita legitur: Dum Spiritus Sanctus per os Sanctorum suorum humano generi præcavit omnibus modis mendacium præcavere, dicente Salomone: Noli narrare mendacium adversus fratrem tuum, neque amico similiter facias, & iterum: Os, quod mentitur, occidit animam, plerique Sacerdotum, qui prædicatores veritatis existere debebant, & ex quorum ore universitas plebium legem veritatis debet exquirere, secundum Salomonem,*

qui

qui dicit: Iobis Sacerdotis custodiens scientiam, & legem exquirunt de ore ejus, quia Angelus Domini est, ita praevidente delicto, atque sauciati inimicitiae dolo non solum hominibus fallaciter loqui minime pertimescunt, sed & in Sanctis Basilicis supra Altare Domini coram Deo idem nequaquam perpetrare horrescunt. Nam Missam pro requia defunctorum promulgatam fallaci voto pro vivis student celebrare hominibus, non ob aliud, nisi ut is, pro quo id ipsum offertur Sacrificium, ipse sacrosancti libaminis interventus mortis, ac perditionis incurrat periculum, & quod cunctis datum est in salutis remedium, illi deo perverso instinctu quibusdam esse expetunt in insertum. Obinde nostrae elegit humanitatis conventus, ut siquis Sacerdotum deinceps talia perpetrasse fuerit detectus, a proprio deponatur gradu, & tam ipse Sacerdos, quam etiam ille, qui ad talia peragenda incitasse perpenditur, exilii perpetui ergastulo relegati, excepto in supremo vitae curriculo, cunctis vitae suae diebus sacrae Communionis ei denegetur perceptio, quam Deo se crediderunt fraudulentum delibasse studio. Quibus verbis dictus canon 13. apud Gratianum videtur ad integritatem exemplarium exactus, & penitus restitutus.

## De Canonibus Concilii Toletani XVI.

Anno 693. Regnante in Hispaniis Flavio Egicane celebratum est aliud Nationale Concilium, quod Toletanum decimum sextum dicitur, eo convenientibus Episcopis octo, & quinquaginta, inter quos aderant Metropolitani quinque, Toletanus, Hispalensis, Emeritensis, Tarraconensis, & Bracarenensis, praeter tres Vicarios Episcoporum absentium, quinque etiam Abbates; nec destiterunt ad instar praecedentium Conciliorum eo convenire Viri Illustres, & Procures Regni, ex quibus sexdecim ipsi Concilio subscripserunt. Interfuit etiam Rex ipse Egica, cujus consilio, & suasionem editi fuerunt canones numero tresdecim, ex quibus duos habemus apud Gratianum. Qui numero septimus est in Concilio, is refertur in can. 17. dist. 18., cujus verba ita legenda erunt: *Grantis populo datur emendationis correctio, si gesta Synodalia, dum quandoque peraguntur, relatione Pontificum in suis Parochiis publicantur; & ideo plena decernimus unanimitate connexi, ut dum in qualibet Provincia Concilium agitur, (legunt alii: agitur), unusquisque Episcoporum admonitionibus suis infra sex mensum spatium omnes Abbates, Presbyteros, Diaconos, atque Clericos, seu etiam omnem Conventum Civitatis ipsius, ubi praesse dignoscitur, nec non & cunctam dioecesis suae plebem aggregare nequaquam moretur, quatenus coram eis omnia publice refferata, de his, quae eodem anno in Concilio acta, vel definita extiterint, plenissime meliores efficiantur. Presello etenim pravorum severitas extirgatur, dum canonica instituta ad agnitionem eorum observanda molis omnibus deducuntur: ita scilicet, ut quae sunt, aut in praeteritis gestis, aut in praesentibus constitutis, nullus ea reverberare praesumat, nullus non implere contendat. Quod si quispiam ea aut parvipendenda crediderit, aut contemnenda delegerit, aut contra haec inobedientia tumidus, susurratione plenus, invidia incensus, & laceratione persunus, necnon potius earundem definitionum (legunt alii: institutionum) extiterit fautor benevolus, sententia excommunicationis duorum mensum curriculo persillet usquequaque multatus. Ex his verbis facile supplere unumquique poterit Gratiani fragmentum a Collectore ipso mutilatum.*

Alter canon a Gratiano laudatur in can. 3. cau. 10. qu. 3., quem licet Romani Correctores ex optimis exemplaribus emendare coeperunt ex can. 5. Concilii, nondum tamen omnino integer est, cum ibidem priora haec verba desiderantur.

tur: Quamquam in præteritis Sanctorum Patrum de diversis causis sententiæ eniteſcant, ſed & nunc quæ temporî, ordinique congruant, ordinato jure inſtituenda ſunt. Nam ſicut antiquitas de cauſis ingruentibus ediſſa multimoda ediſſit, ita nunc noſtri temporis ætas de his, quæ occurrant, ut faciat, convenit. Quapropter in medio cætus noſtri deduſſa eſt quorundam conſuetudo inordinata Sacerdotum, qui Parochias ſuas ultra modum diverſis exactionibus, vel angariis comprimunt, vel quod quamplures Eccleſiæ deſtituta perſiſtunt. Idcirco unio noſtræ adunationis decrevit, atque inſtituit, ut &c. Quæ ſequuntur apud Gratianum cum ipſis editis Concilii exemplaribus, omnino concordant. De tertia autem oblationum parte Parochialium Eccleſiarum, quæ contra morem Romanæ Eccleſiæ in Hiſpaniis Epifcopo exſolvebatur, nonnulla dicam, ubi agendum erit de Tarraconenſi Concilio ad canonem 10. cau. 10. qu. 1. Hoc loco obſervatione dignum arbitror, quod dicitur Eccleſiam illam eſſe alteri Eccleſiæ ob inopiam reddituum uniendam, quæ decem mancipia non poſſidet. Ego arbitror mancipiorum nomine intelligi mancipiorum pretium, ut ſcilicet ea Eccleſia tamquam inops haberetur, quæ tantum in bonis non poſſideret, quod ad decem mancipia emenda ſufficeret. Erat enim ea ætate frequentiffimus mancipiorum uſus; ſic in lib. 3. legum Longobardarum tit. 2. cap. 46. præſcriptum legimus, ut unicuique Eccleſiæ duo mancipia adſignarentur, ut mirum propterea eſſe non debeat, redditus Eccleſiaſticos ad mancipiorum numeros, & notas redigi potuiſſe. At ſi curioſus quiſpiam quæreret de pretio mancipiorum, ut exinde deduceret, quandoniam apud veteres inops Eccleſia exiſtimaretur, ita ut eſſet alteri Eccleſiæ unienda; in primis dixero, varium illud eſſe potuiſſe, ſicut in ceteris venalibus rebus, pro temporum præſertim, & mancipiorum ipſorum qualitate; aliter enim novitiis, aliter veteranis, aliter artifex vendebatur apud veteres, quemadmodum conſtat ex toto titulo Pandectarum de ædilitio ediſto. Ceterum cum in hac re, ſpectanda ſit generalis, & communis exiſtimatio, hæc olim fuiſſe videtur aureorum viginti, quemadmodum patet ex l. 31. ff. de minoribus, & ex l. 1. Cod. de communi ſervo manumifſo. Poſteriore ætate, ubi ad alia monetarum genera devenit, duodecim ſolidis æſtimari cœperunt, uti teſtatur Gregorius Turo-nenſis lib. 3. cap. 15., & habetur in Concilio Matifconenſi l. anni 581. can. 16., quem retulit Gratianus in can. 18. diſt. 54. Quamobrem cum hæc duodecim ſolidorum exiſtimatio Concilii Toletani XVI. temporibus convenire poſſit, facile concludet unusquiſque dotem Parochiali Eccleſiæ competentem temporibus Concilii Toletani ejuſdem fuiſſe ſolidorum centum, & viginti. Qua vero ratione ſolidos illius ætatis ad noſtrorum temporum pecunias reducere poſſimus, meum non eſt hoc loco ſolerter inquirere; præſertim cum, qui rei nummariz veteri ſtudent, non in una ſint, eademque ſententia.

### De ceteris Canonibus Concilii Toletani nomine laudatis.

Cap. 14.  
diſt. 23.

Quædam adhuc ſuperſunt apud Gratianum capita, quæ nomine Concilii Toletani relata ſcimus. Ex his eſt canon 14. diſt. 23. qui in nullo ex Conciliis Toletanis legitur, ſed potius in Hiſpalenſi II., de quo ſuo loco agendum erit. Forte autem quiſpiam, qui Gratiano auctor extitit, ex Concilio Toletano laudaverat, quia depromſerit ex aliquo Codice Hiſpano, in quo una cum Toletanis Hiſpalenſes canones habereptur. Porro in diſto Concilio Hiſpalenſi II. hæc legimus canone 5.

Quinto

Quinto iudicio ad cognitionem nostram Aniani Egabrensis Diaconi relatu deducum est, (legunt alii: ad cognitionem nostri examinis Agabrensis Diaconi relatu pervenit) de quibusdam ipsis Ecclesie Clericis, quorum dum unus ad Presbyterium, duo ad Levitarum ministerium sacrentur, Episcopus eorum oculorum dolore detentus ferit manum suam super eos tantum posuisse, & Presbyter quidam illis contra Ecclesiasticum ordinem benedictionem dedisse. Qui licet propter tantam presumptionis audaciam poterat accusatus iudicio presentis damnari, si adhuc in corpore positus non fuisset moris vacatione, prævenerat; sed quia iam ille examini divino relictus humano iudicio accusari non potest, hi, qui supersunt, & ab eo non consecrationis titulum, sed ignominie potius eulogium (alii legunt: eloquium) perceperunt, ne sibi licentiam talis ultra usurpatio faciat, decrevimus, ut a gradu Sacerdotalis, vel Levitici ordinis, quem perverse adepti sunt, depositi æquo iudicio abiciantur. Tales enim merito judicandi sunt removendi, quia prave inventi sunt constituti. Ex his restituendum erit Gratiani fragmentum, quod Gratianus ipse valde perstrinxerat, licet eadem retentia sententia.

Can. 6., & 8. dist. 54. jungendi simul sunt, utpote qui pertineant ambo ad *Can. 6. & 8. dist. 54.* Capitularia Regum Francorum, & quidem ad unum, eundemque locum referendi; ita ut verba canonis 8. immediate subsequantur post verba canonis 6. In editione Parisiensi Capitularium anni 1677. lib. 1. cap. 82. sic juncta leguntur, necnon in Capitulari Ludovici Pii anni 876. cap. 6., ubi tamen pro illis Gratiani verbis: ad gradus Ecclesiasticos promoventur, ita legitur: ad gradus Ecclesiasticos insiliretate promovebantur; pro illis Gratiani verbis: aut per literas, ibi legitur, aut latitans; demum ubi Gratianus legit, ignotum sit, habetur in Capitularibus; ignoverit. Quomodo vero factum fuerit, ut hi canones potius ex Toletano Concilio laudarentur, facile unusquisque conjicere poterit, qui Collectores Gratiano antiquiores evolverit. Ivo Carnotensis in parte 6. decreti cap. 38., & 132. eadem fragmenta Toletano Concilio inscripsit, deceptus tamen ex Burchardo, qui in lib. 2. cap. 23., & 30. eadem retulerat ex Concilio pariter Toletano. Sed & Burchardus erravit ex negligentia quadam, dum uteretur de more suo Collectione Reginonis Prumiensis. Regino enim in lib. 1. cap. 394. retulerat canonem 73. Concilii Toletani IV. hac inscriptione canonis adjecta: ex Concilio Toletano. Deinde gradum faciens ad caput 395. fragmentum retulit Concilii Parisiensis hac inscriptione: Item ex Capitularibus tit. 84. Deinde in cap. 396. retulit eadem quæ apud Gratianum habentur in dicto can. 6. dist. 54. hac inscriptione adjecta: ex eodem cap. 82., post quæ subiecit in cap. 397. verba canonis 8. dist. 54. nullo adjecto nomine auctoris. Intenderat in hæc capita Burchardus, qui descripturus caput 396., & 397. Reginonis, agnoverat ea laudari hoc nomine ex eodem cap. 82., & putavit hæc referri potius ad inscriptionem cap. 394., ubi scriptum erat: ex Concilio Toletano, quam ad inscriptionem capitis 395., ubi scriptum erat. Item ex Capitularibus tit. 84., neque enim sibi facile persuadere posse invicem hæc inscriptiones consonare: ex Capitularibus, & ex eodem, cum potius scribendum videretur: ex eisdem. Huc etiam accedit, quod, uti sæpius attigi, Burchardus ægre, referre solebat Capitularia Regum Francorum, cum scriberet apud Germanos, quibus eo tempore Francorum res invisæ erant quammaxime. Itaque Burchardi erratum, & Ivoni, & auctori Palearum apud Gratianum errandi fuit occasio, imo etiam Collectori Decretalium; etenim idem caput quasi ex Concilio Toletano legitur apud Gregorium IX. in cap. 2. de servis non ordinandis.

Item, I.

K k

Can.

Can. 9.  
can. 10.  
§4. 1.

Can. 9. can. 10. qu. 1. in nullo ex Conciliis Toletanis habetur. Unus Concilio Toletano attribuit Gratianus, cujus sane auctoritas tanta esse non debet, ut ei morem omnino gerere debeamus. Romani Correctores elaborarunt in inquirenda hujus fragmenti origine, atque observarunt penes Ivonem Iudari, ex Concilio apud Triburias habito presente Arnulpho Rege cap. 26., & penes Burchardum, ex Concilio apud Triburias habito tempore Arnulphi Regis cap. 26. Hic ego consultendum arbitror & revera existimo hunc canonem ad hoc Concilium Triburienſe referendum esse, non quidem ob auctoritatem Ivonis, & Burchardi, qui in pluribus lapsi fuisse deprehenduntur, sed propter auctoritatem Reginonis Prumienſis, qui in lib. 1. suæ collectionis cap. 12. hæc habet: ex Concilio apud Triburias habito temporibus Arnulphi Regis sit. 26. *Delata est coram Sancta Synodo querimonia plebium, eo quod sint quidam Episcopi nolentes ad prædicandum, vel confirmandum suas per annum parochias circuire, qui tamen exi-gunt, ut mansiones, (quas hodie procuraciones vocant, sive jura hospitii), quibus in profes-sione uti debuerant, alio pretio redimant, qui parare debent. Quæ duplex infamia, & negli-gentia, & avaritia Sanctæ Synodo horrore fuit magno; & statuerunt, nequid penitus ultra exerceat id cupiditatis ingenium, & ut sollicitiores sint Episcopi de suis gregibus visitandis. Quæ Reginonis verba cum omnino consonent cum Gratiano canone, vix dubitandum est, quin revera hunc eundem canonem Concilio Triburienſi non asserimus. Etenim vivebat Regino tempore Arnulphi Regis, in eisdem Germaniæ Provinciis tum, cum Concilium idem Triburienſe celebratum est, ac propterea non est ei deneganda fides, cum alias probatissimus ipse sit, ac præsertim in rebus sui tem-poris referendis facile labi non potuit, nedum alios decipere, a quibus statim de mendacio redargui potuisset. Fateor in vulgatis Concilii Triburienſis Codicibus illum canonem non haberi. Nihil refert tamen; etenim magis movere debet Reginonis auctôritas, qui Concilii Triburienſis Patribus, & Arnulpho Regi contemporaneus fuit, quam recens editi, aut alii quicumque Concilii Codices, præsertim quod Codices Concilii Triburienſis non satis integri servari potuerunt eo temporum injurias; fuit enim tum in Germania celebratum, quum illæ Provincie diuturnis, & mise-rabilibus bellis vexarentur; quod & suo loco observabimus. Forte etiam suspicari quispiam posset, canonem illum aut omissum in Codicibus Concilii describendis, aut abrasum in descriptis opera Episcoporum quorundam, ne posteritati innotesceret tam pudenda aliquorum Antistitum avaritia, aut ne iidemmet Antistites hoc canone premerentur, libereque a subditis mansionum, a quibus abstinebant, pretium exigerent. Quidquid tamen in hac re evenerit, illud certum est, Episcopos sæculo octavo, & nono fuisse valde desides in visitationibus Dioceseon suarum, parumque sollicitos, ut curæ animarum sibi commissarum invigilarent, quemadmo-dum liquet ex Conciliis illius ætatis, quibus illi ad visitandas Dioceses excitaban-tur. Sic constitutum legitur in Concilio Cloveshoviz anni 747. can. 3., quem etiam refert S. Bonifacius Moguntinus in sua Epistola ad Cuthbertum Archiepiscopum Cantii his verbis: Statuimus, ut singulis annis unusquisque Episcopus Parochiam suam sollicitè circumbeat, populum confirmare, & plebes docere; & investigare, & prohi-bere paganas observationes &c. qui canon renovatus etiam fuit in Capitulari Caroli Magni anni 769. cap. 7. Ad hanc eandem rem plurimum etiam facere potest Concilium Valentinum, quod tertium appellant anni 855., in quo hæc verba ha-bentur canone 22. *Ut de servitio Presbyterorum erga Episcopos suos consuetudo, ut nobis videtur, valde reprehensibilis amputetur, ut scilicet quoties Episcopus statuto tem-pore**



pore visitationem, & predicationem per eosdem Sacerdotes, & populos non exerceat, nequaquam ab eis pro solito servitio pecunias exigat. Quod ipsum etiam constitutum est in Capitulari Tolosano Caroli Calvi anni 844., in quo capite 6. hzc habentur: Quod & si circumventionem in salutem, & necessitatem populi quacumque de cassia dimiserint, a Presbyteris nec hanc dispensam, neque pretium illius exigant, neque aliis aut suis domesticis, aut amicis exigentiam concedant. Hzc de Episcopis constituta, qui visitare negligunt Dioceses, & nihilominus procuraciones exigunt, quispiam forte studiosus observaverat, qui nomen Concilii Tolosani fragmento memorato apud Burchardum adjecerat, ut indicaret similia quædam in eodem Concilio legi; at Gratianus dein per oscitantiam pro Concilio Tolosano Concilium Toletanum legit, & dein fragmentum ipsum Toletano Concilio attribuit.

Canon 24. cau. 11. qu. 1. falso laudatur nomine Concilii Toletani, quemadmodum recte observaverunt Romani Correctores, una adnotantes eandem ibi contineri sententiam, quæ habetur in canone præcedenti Concilii Chalcedonenis. Dicam nunc ego primum, ad quemnam locum referendus sit idem canon, deinde quomodo Concilio Toletano tributus fuerit. Burchardus Wormaciensis in libro 10. lxx collectionis in fine plura de Clericis maledicis, detractoribus, ac conjurantibus tradiderat, referens ad eam rem nonnullos Conciliorum canones a capite 51. usque ad caput 68., quod est penultimum ejusdem libri, idemque est cum Canone Chalcedonensi relato in can. 23. cau. 11. qu. 1., post quæ omnia ita Burchardus idem concludit: Igitur si Clerici, aut Monachi inventi fuerint conjurati, aut per conjurationem calumniam machinantes Episcopis, vel Clericis, proprium amittant gradum. Quibus verbis concluditur idem liber decimus Burchardi. Incidit in hanc sententiam, ac veluti conclusionem totius libri a Burchardo subjectam Ivo Carnotensis, & post Ivonem Gratianus, qui crediderunt ea verba pertinere ad canonem cujuspiam Concilii; forte autem cum uterentur aliquibus Codicibus, qui ad marginem adscriptum haberent nomen Concilii Toletani, non dubitarunt sententiam eandem nomine Concilii Toletani describere. Ad marginem vero potuit ab aliquo studioso adjici Concilii Toletani nomen, ut indicaretur etiam in Concilio Toletano nonnulla constituta, fuisse de Clericis conspirantibus, & seditiones excitantibus, quod referri potuisset ad canonem 75. Concilii Toletani IV., & canonem 2. Concilii Toletani X. Quod si quispiam fragmenti illius non Burchardum auctorem esse crediderit, sed potius Concilium aliquod, cujus nomen reticuerit Burchardus idem, ego facile adnenserim, cum eadem verba etiam legantur in Concilio Aquisgranensi anni 789. can. 29. ibi: *Conjuratio- nis, vel conspirationis crimen etiam apud extrinsecas leges penitus amputatur; multo magis in Ecclesia Dei hoc ne fiat oportet prohiberi. Igitur Clerici, aut Monachi, si inventi fuerint conjurati, aut per conjurationem calumniam machinantes Episcopis, vel Clericis proprium amittant gradum.* Alias autem certo scimus Burchardum abstinere consuevisse a commemorandis Francorum Conciliis, ne rem ingratam faceret Germanis, apud quos scribebat, quique tunc temporis Francos, & res omnes Francorum acri odio persequabantur.

Illud certissimum est, canonem 31. cau. 11. qu. 2. nulla ratione adscribi posse alicui ex Conciliis Toletanis, non solum ex eo, quod in nullo ex editis Toletanis Conciliis reperitur, verum potissimum ex eo, quod disciplina ibidem tradita prorsus aliena sit a disciplina Ecclesiæ Toletanz. Quod enim illic statuitur de rebus Ecclesiasticis in quatuor partes distribuendis, in Romana quidem Ecclesia olim observasse videtur; at vero apud Hispanos tres tantummodo Ecclesiasticarum rerum,

K k a

atque

Can. 24.  
cau. 11.  
qu. 1.

Can. 31.  
cau. 11.  
qu. 2.

atque obventionum solebant fieri portiones, uti adparet ex Concilio Toletano IV. cap. 33., Concilio Toletano IX. cap. 6., & Concilio Toletano XVI. cap. 5., atque etiam observabimus ad canonem 7. Concilii Tarraconensis in can. 10. cau. 10. qu. 1. Romani Correctores adfirmant in Collectione canonum incerti auctoris, quæ adservatur in Bibliotheca Vaticana adtribui eum canonem Sylvestro Papæ; una observantes, similia quidem legi in canone 4. Synodi Romanæ vulgo tributæ Sylvestro Pontifici, sed paullo aliter partes esse assignatas ibidem, quam in fragmento Gratiani assignentur. Verba Romanæ Synodi hæc sunt: *Commoneo autem vestrum consortes monumentum de redditibus Ecclesiæ quatuor partes fiant, & quod primam partem exigat Ecclesiæ, unam partem Pontifici cum fratribus relevandis, dimidiam Ecclesiæ, dimidiam Presbyteris, & Diaconibus cum omni Clero, & peregrinis.* Alia Concilii ejusdem exemplaria ita exhibent paullo emendatius: *Commoneo autem vestrum consortes munimen, & de redditibus Ecclesiæ quatuor partes fieri, & quarta pars exigatur ab Ecclesiæ, unam partem Pontificum, fratribus dimidiam ad Ecclesiæ relevandas, dimidiam Presbyteris, & Diaconibus cum omni Clero, & peregrinis.* Hoc sane Concilium Sylvestro Romano Pontifici perperam fuisse adscriptum alibi ostendimus, propterea nullam canonis ita descripto auctoritatem inesse: imo siquis ejusdem formulæ, seu loquendi phrasim consideraverit, statim in eo agnoscat imperitii alicujus tyronis opus, qui exercitationis causa aliquid ad mentem veterum canonum componere voluerit, ceteroquin latinæ linguæ multum ignarus. Atque in hoc fragmentum Romanæ Synodo adtributum intendere animum potuit quisquis alius canonum studiosus, qui propterea voluit paullo elegantius præsumtam Concilii sententiam exprimere, unde fragmentum illud elucubravit, quod a Gratiano refertur in dicto canone 31., quod tamen inscripsit nomine Concilii Toletani, non quod revera Toletani Concilii esset, sed ut indicaret de hac reddituum Ecclesiasticorum distributione agi in Concilio Toletano; quod referri commodè poterat ad Concilium Toletanum IX., in quo nonnulla ad hæc rem pertinentia constituta leguntur. Forte etiam quispiam dicere posset, ideo tributum hujusmodi fragmentum Concilio Toletano fuisse, quia præfatio Gratiani canonis 31. ibi: *Sancimus omnibus Episcopis curam laicorum instare, ut siquos in fide Christi invenerint, nimio affectu diligant, videtur desumpta ex sententia Concilii Toletani 17., ubi can. 8. hæc leguntur: Sicut fidelium probitas magno debet donationis præmio munerari, ita infidelium pravitas fortissimo congruit judicantium mucrone percelli. Æquum etenim est, ut & domestici fidei copiosius sublimentur, & adversarii ejus durius condemnentur: quatenus & illi magis, magisque domino suffragante proficiant, & ipsi Deo obtinente deficiant.*

Can. 54.  
cau. 16.  
qu. 1.

Canonem 54. cau. 16. qu. 1. in Conciliis Toletanis non invenerunt Romani Correctores; ad alios autem Collectores animum intendentes observant apud Burchardum, & Ivonem laudari nomine Concilii Aquisgranensis; sed quotquot Concilia Aquisgranensia hucusque edita sciverim, pervolutis, neque in his omnibus inveni. Nihil tamen minus non dubitaverim asserere, hoc caput pertinere ad disciplinam Ecclesiæ Gallicanæ, & in ipsa, qualicumque in Concilio fuisse constitutum. Etenim in hoc Gratiani fragmento duæ sententiæ proferuntur. Primo dicitur plures baptismales Ecclesias esse non posse in una terminatione, sed unam tantum cum subditis capellis. Secundo consilium præbetur, quomodo definienda res sit, ubi de Parochialium Ecclesiarum finibus agatur. Utrumque autem video apud Gallicos sæculo septimo, octavo, & nono pertractatum, ac constitutum. Quod atti-

net

net in primis ad unitatem baptismalium Ecclesiarum, illarum scilicet, in quibus baptismus solemniter conferretur, ac publice; habemus Concilium Veronense anni 755., in quo ita legitur can. 7. *Ut publicum baptisterium in nulla Parochia esse debeat, nisi ubi Episcopus constituerit, cujus Parochia est, nisi tantum, si necessitas venerit, pro infirmitate, aut pro aliqua necessitate &c.* Habemus etiam Concilium Meldense anni 845., cujus canon 48. ita scribitur: *Ut nemo Presbyterorum baptizare presumat, nisi in vicis, & Ecclesiis baptismalibus, atque temporibus constitutis, nisi causa egritudinis, vel certæ necessitatis, sicut sacra canonum docet auctoritas, & vici auctoritatem & privilegia debita, & antiqua retineant;* Posteriore autem tempore de Ecclesiis baptismalibus, capellisque subditis, eisdemque non dividendis mentionem fecit Hincmarus Rhemensis ad Laudunensem Clerum, & populum ita scribens de Episcopo: *Principales vero Ecclesias aliis Ecclesiis loco capellarum non subijcias, quia secundum sacros canones non licet Episcopis Parochiam antiquitus constitutam inconsulte confundere, atque dividere.* Ex quibus patet juxta disciplinam Gallicanæ Ecclesiæ olim quidem fuisse Ecclesias baptismales, sive Parochiales quamplurimas, deinde vero unicam tantum fuisse constitutam, ceteras vero illi subjectas, & Capellarum nomine appellatas. Quod vero spectat ad terminos Ecclesiarum in canone Gratiani hæc leguntur: *Et si contentio fuerit de terminatione duarum matricum, plebes utrarumque discernere, & si non convenerint, Del judicio discernatur (legit Burchardus, his Dei judicio discernatur.)* Porro hæc integra sententia legitur in Capitularibus Regis Dagoberti anni 630. tit. 11. de terminis ruptis num. 5. ibi: *Quoties de commarchanis (idest de finibus) contentio nascitur, ubi evidentia signa non adparent in arboribus, aut in montibus, nec in fluminibus; & iste dicit: huc usque antecessores mei tenuerunt, & in alodem mihi reliquerunt: & ostendit secundum proprium arbitrium locum; alter vero nihilominus in istius partem ingreditur, alium ostendit locum secundum prioris verba suum, & suorum antecessorum semper fuisse usque in præsens asserit. Et si alia probatio nusquam inveniri dignoscitur, nec utriusque invasionem compensare voluerint, tunc spondeant invicem Wehadinc quod dicimus, & in campiones non sortiantur, sed cui Deus sortitorem dederit, & victoriam, ad ipsius partem designata pars, ut querit, pertineat.* His itaque dirimenda proponitur incertorum finium controversia, ut primo convenientes ii, de quorum possessione disputatur, componendo, ac transigendo componant; deinde, quoties nulla potest transactio iniri, aut compositio, non jam per campiones, quemadmodum in pluribus aliis causis tunc agebatur, idest per duella, & pugnas, disputatio omnis concludatur, sed Deo causa committatur, quod tunc Wehadinc appellabant, idest sacram sponsonem, quæ, ut arbitror, ad fortes referebatur. Hæc vero multum, & omnino conveniunt cum memorato Gratiani fragmento, ubi statuitur, in contentione finium Parochialium dirimenda primum plebem utramque debere discernere, deinde vero, si non discernatur, divino judicio committi. Itaque ego jure merito concludendum arbitror aut Gratianeum canonem referendum esse ad quoddam Gallicanum Concilium sæculi septimi, aut octavi, aut etiam nonni, forte etiam ad quoddam Concilium Aquigranense, quemadmodum legimus apud Ivonem, & Burchardum, quod ad nostra usque tempora non pervenerit; aut Burchardum, qui primus ex Collectoribus hoc fragmentum retulit, voluisse paucis perstringere, quod in finium Ecclesiasticorum materie juxta Gallicanam disciplinam obtineret, illudque ita perstrictum nomine Concilii Aquigranensis palam exhibuisse, ea forte de causa, quod nosset in Concilio Aquigranensi anni 789. nonnulla de

de custodiendis Parochiarum finibus fuisse statuta, præsertim vero in canone 33., ubi hæc leguntur: *Ut nullus alienos fines usurpet, vel terminos Patrum transcendat.*

Can. 43.

can. 16.

§ 11. 7.

Non omnes Gratiani Codices eundem auctorem laudant canonis 43. cau. 16. qu. 7., in aliquibus enim ille tribuitur Concilio Toletano, in aliquibus autem Concilio Moguntino. Si præcedentis temporis Collectores adeamus, Ivonem, & Burchardum, atque illorum fidem sequamur, imo ex ipsis dubiam Gratiani editionem emendemus, potius laudabimus canonem ex Concilio Moguntino cap. 18., quemadmodum illi laudarunt his verbis: *Abbas potest pro humilitatione, & cum permissione Episcopi locum suum relinquere, tamen fratres eligant sibi Abbatem de ipsis, si habeant; sin autem, de extraneis. Nec Episcopus debet Abbatem violenter retinere in loco suo. Congregatio debet eligere sibi Abbatem post mortem Abbatis sui, vel eo vivente, si ipse discesserit, vel peccaverit, ipse enim non potest aliquem ordinare de suis propinquis, vel amicis sine voluntate fratrum.* Gratianus hoc fragmentum sic relatam ab Ivone & Burchardo in duas partes divisit, quarum unam retulit in dicto can. 43. cau. 16. qu. 7. alteram & quidem nomine Concilii Moguntini in can. 8. cau. 18. qu. 2. Ego hæc fragmenta reperio in penitentiali Theodori Cantuariensis, quale edidit Petitus Parisiis anno 1677.; etenim ibi cap. 6. pag. mihi 6. leguntur eadem omnino verba, quæ nuper descripsi. At si quis forte petierit, quomodo, & quodnam Concilium Moguntinum ab omnibus recentioribus canonum Collectoribus in inscriptione hujus canonis laudari potuerit, dixerō tum Burchardum, tum Ivonem eodem in loco laudasse nonnulla alia capita, quæ nomine ejusdem Moguntini Concilii inscripserunt; hæc vero alia capita legi singula in Concilio Moguntino anni 813. sub Carolo Magno, & in Concilio Cabilonensi II. ejusdem anni etiam sub Carolo Magno; ac propterea non aliud Moguntini Concilii nomine hoc loco laudatum intelligi, quam nuper memorata Concilia Moguntinum, aut Cabilonense. Nemini autem mirum videatur, Moguntini Concilii nomine decreta Cabilonensia inscribi; etenim quinque Concilia sub Carolo Magno habita anno 813., Moguntinum, Arelatense, Rhemense, Turo-nense, & Cabilonense promiscue usurpantur, quemadmodum suo loco dicemus. Itaque in hisce Conciliis plura de Monachis, & Monachorum disciplina pertractata sunt; & quamquam in eisdem non legamus verba, quæ habentur in dicto canone 43., plura tamen describuntur cum eodem canone plurimum convenientia. Burchardus igitur primum, deinde Ivo arbitrati sunt se posse colligere paucis, & perstringere, quæ in eisdem Conciliis constituta fuerant, & sic sub nomine Concilii Moguntini palam facere. Videtis ea, quæ inferius dicam ad canonem 8. cau. 18. qu. 2. Forte etiam contingere potuit, ut Burchardus habuerit præ manibus constitutionem quandam de Abbatum electione editam a Ludovico Pio, qui eandem memorat in suo Capitulari anni 816. num. 5. his verbis: *Monachorum siquidem causam qualiter Deo opitulante ex parte disposuerimus, & quomodo ex se ipsis sibi eligendi Abbates licentiam dederimus, & qualiter Deo opitulante quieti vivere, propositumque suum indefesse custodire valerent, ordinaverimus, in alia schedula diligenter adnotari fecimus, & ut apud successores nostros ratum foret, & inviolabiliter conservaretur, confirmavimus.* Ex quibus certo liquet circa annum 816. a Ludovico Pio quandam schedulam fuisse conscriptam, in qua regula Monachis præfigeretur, juxta quam ipsi Abbatem suum eligerent. Atque in eadem, quod ad nostra tempora, quoad sciverim, non pervenit, forte etiam legi poterat, quod de modo electionis Abbatis dicitur in dicto canone 43., quem Burchardus, & ex eo Ivo, & Gratianus nomine Concilii Moguntini postea laudaverint.

verint ex eo, quod subiecta fuerit ad calcem Moguntini Concilii triennio antea celebrati.

Sic inspecta hujus 43. Canonis origine nonnulla subjienda sunt ad ejusdem definitionem, ac sententiam explicandam pertinentia. Cum enim eos auctores habere videatur, qui Conciliorum statuta pro voluntate pertrinxerint, atque in aliam verborum formam redacta studiosis legenda proposuerint, illud deliberandum arbitror, utrum quæ in eodem canone 43. legimus, cum septimi, aut octavi sæculi disciplina conveniant. Plura sane in hoc canone comprehenduntur. Primo dicitur, post mortem Abbatis electionem ad Monasterium pertinere. Id sexcenta docent juris Ecclesiastici capita, quorum nonnulla retulit Gratianus in cau. 18. qu. 2. Secundo definitur, alterum eligendum Abbatem esse, quoties prior discesserit, aut aliquando peccaverit. Hæc sane, quemadmodum de ea discessione intelligenda sunt, qua amplius Abbas non speratur rediturus, ita de eo delicto, cui poena depositionis imminet. Sane auctor est S. Isidorus, quoties Abbas a Monasterio discedit, curam Monasterii esse debere penes eum, qui secundus in ordine succedit: Ait enim in cap. 23. regulæ Monachorum: *Siquando Abbas, vel Præpositus alicubi proficiscuntur, ille ferat fratrum sollicitudinem, qui est Præpositus secundus in ordine.* Demum dicitur, Abbatem non posse sibi successorem designare, præsertim de propinquis, vel amicis sine Consilio, & voluntate fratrum. Cum his autem consonare videtur canon 12. Concilii Cabilanensis sub Clodoveo Rege circa annum 650. ibi: *Ut duo Abbates in uno Monasterio esse non debeant, ne sub obtentu potestatis similitas inter Monachos, & scandala generentur; Verumtamen si quilibet Abbas sibi elegerit successorem, ipse qui eligitur, de facultatibus ipsius Monasterii ad regendum nullam habeat potestatem.* Non omittam etiam animadvertere, plura ad hanc eandem rem pertinentia legi in canone 3. Concilii Troslejanî anni circiter 909., cujus verba, & sententia valde proluxa sunt, & ex variis Conciliorum aliorum canonibus juxta morem illorum temporum elucubrata, atque composita; ex quo forte evenire etiam potuit, ut dictus canon 43. Gratianus Toletani Concilii nomen præferret, cum tamen legendum esset nomen Concilii Troslejanî, quod sane potuit in aliud Toletani Concilii nomen facile innecti a minus accurato Amanuensi.

Revera id evenisse arbitror in canone 34. cau. 27. qu. 2. Refertur ille apud Gratianum nomine Concilii Toletani, quod referendum potius erat ex Concilio Trosle- Cau. 34.  
 jano anni 909., cum in canone 8. ejusdem Concilii hæc legantur: *De desponsatis* cau. 2.  
*puellis, & ab aliis raptis ita in Concilio Ancyrano cap. 10. legitur: desponsatas puellas, & post ab aliis raptas, placuit eas, & eis reddi, quibus ante fuerant desponsatas, etiamsi si eis a raptoribus vis illata constiterit. Proinde statutum est a sacro Conventu, ut raptor publica poenitentia muldetur; raptæ vero, si sponsus eam recipere noluerit, & ipsa ejusdem criminis consentiens non fuerit, licentia nubendi alii non negetur. Quod si & illa consensit, simili sententia subiaceat, quod si post hæc ei se jungere præsumserit, utrique anathematizentur.* Siquis hæc contulerit cum dicto canone 34. apud Gratianum, minime dubitabit, quin ipse ad nuper descriptum Troslejanum canonem sit referendus. Quod autem dicitur statutum fuisse a sacro conventu, minime refertur ad Troslejanum ipsum Concilium, sed potius ad Conventum celebratum sub Ludovico Pio anni 816.; etenim in Capitulari ipsius ejusdem anni eadem ferme leguntur canone 24., quæ deinde translata sunt in libros Capitularium Francorum lib. 1. cap. 99. in editione Parisiensi Baluziana, necnon in Collectionem legum Longobardarum lib. 1. tit. 31. cap. 12., ubi tamen eadem leguntur sub nomine Caroli Imperatoris.

CAPUT

## CAPUT XVIII.

## De Concilio Ephesino.

Duos nomine symboli in Concilio Ephesino editi laudavit  
canones Gratianus; sunt autem:

- { *Can. 80. de conf. dist. 2. paullo varius in diversis exemplaribus.*  
{ *Can. 39. de conf. dist. 5. paullo varius in diversis exemplaribus.*

Cum Nestorius ex Monacho, & Presbytero Antiocheno Patriarcha Constantino-  
politanus a veterum Patrum, & divinarum Scripturarum traditione descede-  
ret in explicanda conjunctione divinz, & humanz naturz in unam, eandemque,  
Christi Personam, ejusque hæresis paulatim universam fere orientalem Ecclesiam  
turbaret, celebratum fuit Concilium generale Ephesinum anno 431. Theodosio ju-  
niore imperante, & Cælestino Pontifice Maximo, cujus nomine toti Synodo præ-  
fuit S. Cyrillus Patriarcha Alexandrinus. Tota res in definiendis fidei dogmatibus  
ad divinam præsertim Christi Personam pertinentibus versata est, præter nonnulla  
quædam, quæ Nestorium ipsum, aut ejus affectus peculiariter affecerunt. Non im-  
moror diutius in re vulgarissima. Tantum observabo, adesse octo Ephesini Concilii  
canones in Græcis Codicibus, qui tamen apud Latinos Collectores referri non consue-  
verunt, ne apud ipsum quidem Dionysium Exiguum, cujus tamen voluntas erat,  
ut Græcos canones latinis palam faceret. Etenim canones isti octo spectabant tan-  
tum Nestorium ipsum, & nonnullos ejus fautores, qui propterea ad exemplum  
trahi non facile poterant, & exiguz utilitatis esse Viris Ecclesiasticis videbantur,  
præsertim latinis, qui nihil commune cum Nestorii perfidia habuerunt. Porius apud  
latinos, & recipi ob auctoritatem Concilii, & referri in Codices ob fidei formu-  
las debuit Epistola quædam synodica nomine Cyrilli Alexandrini, & totius Ephe-  
sini Concilii ad Nestorium scripta, in qua præhabita oratione duodecim anathe-  
matismi continebantur, quibus quomodo unusquisque Christi fidem profiteretur,  
clare tradebatur. Incipit hæc: *Cum Salvator noster &c.*, atque hanc solam ex uni-  
versis Concilii Ephesini actibus retulit in suum Codicem Dionysius Exiguus. Apud  
Labbeum in Veneta postrema editione tria asseruntur hujus Epistolæ latina exempla-  
ria. Primum latinum & græcum in fine Tomi 3., ubi universa Synodus, & ejus  
acta recensentur collata cum antiquissimo Codice Concilii Ephesini Petri Seguerii  
Galliz Cancellarii, ubi hæc, de qua agimus, Epistola habetur cap. 26., & in un-  
decim capitula distributa. Alterum exemplar latinum, quod a Labbeo antiquum  
dicitur, habetur initio Tomi 4., ubi Epistola eadem habetur cap. 8. Postremum  
in eodem Tomo 4. exemplar est Concilii Ephesini, & specialiter illius Epistolæ ex  
interpretatione, ut fertur, Marii Mercatoris.

Itaque ad hanc unam Epistolam duo memorata Gratiani capita reducuntur;  
etenim in hac Cyrilli Epistola legitur, sive quod habemus in can. 80. de con-  
f. dist. 2., sive quod habemus in can. 39. de conf. dist. 5. Ad explicanda fidei  
nostræ dogmata omnia pertinent, & quoniam variorum Codicum diversa est Græci  
canonis interpretatio, illud curabo, ut, quod in unoquoque ex memoratis exem-  
plaribus

plaribus legitur cum Gratiani canonibus conferam. Ut exordiar a canone 80. de conf. dist. 2., quem antea in nimias prope angustias conclusum Corretores Romani, quemadmodum ajunt ipsi, restituerunt, legitur in cap. 7. Codicis Labbeani cum Segueriano collati his verbis: *Quia illud quoque non possum hoc loco non adicere, nempe Unigeniti Filii Dei, hoc est Jesu Christi mortem, & ex mortuis resurrectionem annunciantes, ejusdemque in Cælum assumptionem consistentes, incurvum in Ecclesia Sacrificium nos celebrare, atque ad mysticas benedictiones accedere, & sanctificari, utque participes sacræ Carnis, & pretiosi Sanguinis Christi omnium nostrum Salvatoris effectus: Neque enim illam, ut carnem communem suscepimus. Absit hoc neque rursum tamquam viri ejuspiam sanctificati, aut dignitatis unitate Verbo consociati, aut divinam inhabitationem sortiti, sed tanquam vere vivificam, ipsiusque Verbi propriam. Aliud exemplar quod appellatur a Labbeo antiquæ editionis ita exhibet: Necessario vero & illud adiciemus: Annunciantes enim secundum carnem mortem Unigeniti Filii Dei; idest Jesu Christi, & ex mortuis resurrectionem, & ad Cælos Ascensionem consistentes sine Sanguine ( legunt alii: consistentes munum ) in Ecclesiis celebramus Sacrificium. Accedimus etiam ita ad mysticas benedictiones, & sanctificamur effecti sacræ Carnis, & pretiosi Sanguinis ( legunt alii: tam sacræ Carnis, quam pretiosi Sanguinis ) omnium nostrum Salvatoris Christi, & non ut carnem communem accipimus ( legunt alii: accipientes ) absit, neque quidem ut Viri sanctificati, & conjuncti Verbo secundum unitiōnem dignitatis; vel etiam quasi inhabitationem divinam habentis, sed ut vivificariam, vere, & propriam ipsius Verbi. Exemplaria duo, sive illud quod interpretationi Marii Mercatoris tribuitur, sive illud, quod Dionysii Exigui est apud Justellum, omnino consonant cum canone Gratiani, postquam hodie is Romanorum Correctorum diligentia fuit, ac studio restitutus.*

Non absimilem exemplarium varietatem agnoscimus in can. 39. de conf. dist. 5. Ita *Can. 39.* habet exemplar Græcolatinum Labbeanum cum Segueriano collatum in cap. 10. de conf. *de conf.* Ceterum cum de Spiritu Sancto ait: *illo me clarificabit, nisi errare velimus, Christum dist. 5.* Dei Filium veluti gloriæ, quæ aliunde proficiscitur, intelligim; a Spiritu Sancto glorificatum nequaquam dicemus: Siquidem Spiritus illius neque illo melior, neque illo rursus sublimior est. Verum quod ad divinitatis suæ significationem sua subinde Spiritu in insignium operum perpetratione uteretur, ob id se ab illo glorificari protestatur: perinde ac siquis nostrum de sua fortitudine, aut ejusvis rei scientia dicat: mea me virtus, aut scientia glorificabit. Nam etsi Spiritus in propria persona subsistat, eatenusque in se ipso consideretur, quatenus Spiritus, & non filius, non est tamen ab eo alienus; quandoquidem Spiritus veritatis nominatur; Christus autem veritas est, & proinde quoque ab illo, atque a Deo Patre procedit. Cum enim Domino nostro ad Cælum assumpto Spiritus Sanctus stupenda prologia per Sanctorum Apostolorum manus ederet, illum glorificavit. Creditum est enim ( quod Deus secundum naturam esset ) ipsum per Spiritum suum deum operatum; propterea quoque agebat: quoniam de meo accipiet, & annuntiabit vobis. Alterum exemplar, quod a Labbeo antiquæ editionis dicitur, his verbis exprimitur: Cum autem dicit de Spiritu: ille me glorificavit, intelligentes recte, non ut gloria indigentem alterius, dicimus unum Christum, & Filium a Spiritu Sancto gloriam accipere, quia nec potior eo est, & super eum ejus Spiritus est. ( legunt alii: nec supra eum Spiritus ipse. ) Quoniam autem ad demonstrationem suæ divinitatis utebatur suo Spiritu ad magnas operationes, glorificari se ab eo dicebat, veluti si quispiam dicas eorum, qui secundum nos sunt, de iusta sibi fortitudine forsitan, vel di-

disciplina, vel de qualibet: quia glorificabunt me. ( legunt alii: veluti si quidam homo dicat de infia sibi fortitudine forsitan, vel disciplina qualibet, quia glorificabunt me..) Quamvis enim est in substantia Spiritus speciali (nam & intelligitur per se secundum quod Spiritus est, & non Filius), sed tamen non est alienus ab eo. Spiritus enim veritatis nominatur, & est Christus veritas, & profuit ab eo, sicut denique & ex Deo Patre. Operatus est enim Spiritus & per manum Sanctorum Apostolorum mirabilia post ascensum Domini Nostri Jesu Christi ad Caelos, glorificavit eum; creditus est enim, quia Deus secundum naturam est, iterum ipse operans per suum Spiritum; propter hoc. Et dicebat: De meo accipiet, & nuntiabit vobis. Alia exemplaria, sive quod Mario Mercatori a Labbeo tribuitur, sive quod habemus in Codice Dionysii Exigui consonant cum editione Gratiani post Romanam Correctionem, dummodo tamen pro illis verbis Gratiani, De Spiritu dicit Dominus in Evangelio, ille me clarificabit, legerimus: De Spiritu quoque cum dicit: ille me clarificabit, item pro illis, in sua sit substantia &c. legerimus: in sua sit substantia Spiritus, & ejus intelligatur in persona proprietas; demum pro illis: Dominum glorificavit Jesum Christum, postquam ascendit in Caelum, nam creditus est Christus natura Deus existere &c., legerimus: Dominum glorificat Jesum Christum, postquam ascendit in Caelum; nam creditus est Christus natura Deus existens &c.

## CAPUT XIX.

## De Concilio Arausicano.

Concilii Arausicani nomine sequentes Canones apud Gratianum referuntur.

- |   |   |
|---|---|
| { | Can. 3. dist. 64. ex integris Concilii exemplaribus emendandus.               |
|   | Can. 6. dist. 87. paullo varius in diversis exemplaribus.                     |
|   | Can. 7. cau. 26. qu. 6. ex pluribus Concilii Arausicani canonibus compositus. |
|   | Can. 35. cau. 27. qu. 1. ex integris Concilii exemplaribus emendandus.        |
| { | Can. 125. de cons. dist. 4. multo varius in diversis exemplaribus.            |

Addendi sunt. { Can. 107. cau. 11. qu. 3. } Auctorem potius habent Reginensem.  
 { Can. 108. cau. 11. qu. 3. } Prumiensem.

**D**UO apud veteres celebra referuntur Arausica Concilia, ita dicta ab Arausica Civitate in Gallia Narbonensi non procul ab Avenione sita, alterum anni 441., alterum anni 529. De hoc posteriore non est, cur verba faciamus. Aequum in eo est de gratia, & libero arbitrio in causis Pelagianorum, nec ex ipso ullum depromptum est fragmentum apud Gratianum. Agam tantummodo de eo, quod habitum est anno 441., ad quod Praesidente Hilario Arelatensi convenerunt Episcopi septemdecim, & triginta capitibus editis Ecclesiasticam disciplinam, quae in Galliarum Provinciis lapsa quodammodo videbatur, restituerunt, in ea potissimum parte, quae ad Sacramenta pertinebat, sive Sacramentorum administrationem. Cum autem



in canone 21. hæc sint priora verba: *In Provinciis nostris &c.* facile deducitur hoc Concilium non esse Provinciale, five ex unius tantum Provinciæ Episcopis celebratum, sed Nationale totius Galliz; quemadmodum etiam deducitur non generale esse totius Ecclesiæ, quod tamen nonnulli asserere non dubitaverunt, quin tamen id aliquo rationis momento demonstraverint.

Sententiam dicti canonis 21. retulit Gratianus in can. 3. dist. 64., cujus verba ita sunt ex integris Concilii exemplaribus emendanda: *In nostris Provinciis placuit de præsumptoribus, ut siubi contigerit duos Episcopos Episcopum invitum facere, auctoribus damnatis, unius eorum Ecclesiæ ipse, qui vim passus est, substituat, si tamen vita respondet, & alter in alterius dejecti loco nihilominus ordinetur. Si voluntarium duo fecerint, & ipse damnabitur, quo cautius ea, quæ sunt antiquitus constituta, serventur.* Sententia Arausicanorum Patrum hæc erat, ut nemo ordinaretur Episcopus, nisi a tribus simul convenientibus Episcopis, quod sane antiquissimæ, atque Apostolicæ disciplinæ conforme est, & in universa Ecclesia servatum. Adversus eos autem, qui non servato numero ordinantur, Episcopum ordinassent, pœna dejectionis ab Episcopatu indicta est, concessio dejecti unius Episcopatu illi, qui consecratus fuisset invitus; omnibus vero ab Episcopatu remotis, siquis consentiens fuisset a duobus tantum Episcopis consecratus. Jam consecrationes hujusmodi biennio antea fuerant in Galliis improbatæ, videlicet in Concilio Regiensi, five Rejensi anni 439. in Provincia Narbonensi; ibi enim can. 1. vetitum fuerat, ne a duobus tantum Episcopis ordinarentur Episcopi, indicta pœna ordinantibus, ut ad Concilia amplius cum ceteris convenire non possent, & ab ordinationibus celebrandis in posterum abstinere. At satis hæc non fuerant ad coercendum quorundam Episcoporum ausum, qui nihilominus contra sacros canones hujusmodi ordinationes faciebant; propterea erant iidem in Concilio Arausicano pœnis gravioribus coercendi.

In canone 6. dist. 87. Gratianus junxit canones 5., 6. & 7. Concilii ejusdem Arausicani, in quibus animadvertendum est pro illis Gratiani verbis: *revocare tentaverit*, legi in vulgatis Conciliorum exemplaribus: *imprimere tentaverit*. Pertinent autem ii canones ad servos in Sacrosanctis Ecclesiis manumissos, quos veram libertatem nancisci debere statutum erat jam ex Imperatorum constitutionibus ad instar manumissionum, quæ olim fieri solebant censu. Etenim olim Censore lustrante singulis quinquenniis urbem, satis erat servis, si dominorum voluntate adscriberentur in civium numero a Censore, ut libertatem acciperent; at vero cum censorum munus exoleverit, inductus fuit novus modus manumittendi in Sacrosanctis Ecclesiis, ut coram Episcopo & Clericis libertas servo data valeret. Quæ sane ne revocaretur, curandum potissimum a Clericis, & Episcopis fuerat, utpote qui & testimonium manumissioni præbuerant, & auctoritatem, ne fides publice in Ecclesia data violaretur in dedecus earundem Ecclesiarum.

Canon 7. cau. 26. qu. 6. plures complectitur Arausicanos canones, videlicet tertium, quartum, duodecimum, & decimumtertium, quos omnes ideo forte conjunxit Gratianus, quia ad unam eandemque rem pertinere videntur. Juvabit tamen singula suis capitibus accommodare, & ita memorata Concilii capita distinguere. In canone 5. Arausicano ita legitur: *Qui recedunt de corpore (eos intellige, qui infirmi sunt, & proximo recessuri videntur), penitentia accepta placuit sine reconciliatoria manus impositione eis communicari, quod morientis sufficit consolationi secundum depositiones Patrum, qui hujusmodi communionem congruenter viaticum nominantur.* Quod si

Can. 3.  
dist. 64.Can. 6.  
dist. 87.Can. 7.  
cau. 26.  
qu. 6.

superuixerint, sicut in ordine penitentium, & offensus necessariis penitentia fructibus legitimam communionem cum reconciliatoria manus impositione percipiant. Quod hoc in loco dicitur, penitentiam viatici nomine a Patribus fuisse appellatam, refertur ad canonem 13. Concilii Niceni, ubi similia quædam constituta leguntur, quo etiam pertinet, quod ait Innocentius Epist. 2. ad Exuperium cap. 2. ibi: *Communionem dari abeuntibus placuit, quasi viaticum profecturis*. In canone 4. Arausicano ita legimus: *Penitentiam defilerantibus Clericis non negandam*. Quæ sane constitutio intelligenda est de penitentia ex voluntate, & humilitate suscepta, & ob leuiora delicta; etenim in gravissimis criminibus Clericus in penitentium gradus dejectus rursus in gradum suum restitui minime poterat; hinc tradit Siricius Papa in Epist. ad Himerium cap. 14. *Penitentiam agere cuiquam non conceditur Clericorum*. Hanc eandem rem maxime declarant Toletani XIII. Concilii Patres can. 10. ita decernentes anno 683. *Sancta Synodus definit, ut quicumque Pontificum, vel Sacerdotum deinceps per manuum impositionem penitentia donum exceperint, nec se mortalium criminum professione notauerint, tenorem retentandi regiminis non amittant, sed per Metropolitanum reconciliatione penitentium more suscepta, solita compleant ordinis sui officia, vel cetera mysteriorum sibi credita Sacramenta*. Sequitur Gratianus subdens verba Arausiacani canonis 12., quæ hæc sunt. *Subito obmutescens, prout status ejus est, baptizari, aut penitentiam accipere potest, si voluntatis aut præteritis testimonium aliorum verbis habet, aus præsentis in suo muti*. Denum adfert canonem 13. Arausicanum, ubi ita habetur. *Amentibus, quæcumque pietatis sunt, conferenda*.

C. 35.  
can. 27.  
qu. 1.

Quæ leguntur in can. 35. cau. 27. qu. 1. minime consonant cum integris Concilii Arausiacani exemplaribus, ex quibus idem canon emendandus erit. Porro ita habetur in can. 27. Arausicano: *Viuitatis seruanda professionem coram Episcopo in Secretario habitam imposita ab Episcopo* (ita veteres Codices habent: notat autem Sirmundus in paucis quibusdam recentioribus Codicibus legi: *imposita a Presbytero*) *veste viduali indicandam* (forte judicandam, sive, ut aliis legere placet: *vindican-dam*). Raptore vero talium, vel ipsam talis professionis deserticem merito esse dam-nandam. Referuntur hæc ad vetustissimam illam disciplinam, juxta quam viduz capiti imposito sacro velamine Deo dedicabantur, ut quasi Sanctimonialia divino cultui addicerentur, atque etiam ita, ut a proposito amplius resilire non possent, eoque minus ad secundas nuptias adspirare, indictis non solum aduersus ipsas, sed etiam aduersus eandem raptores, aut violatores gravissimis penis, quemadmodum decretum scimus in l. 54. Cod. de Episcopis, & Clericis, & l. un. Cod. de raptu virginum, seu viduarum. Porro hujusmodi viduz solemani, ut ajunt, castitatis voto adstringebantur, quarum professio & consecratio hoc modo fiebat ex Ordine Romano. Procebat in Episcopi conspectum vidua Clericis adstantibus in Secretario, sive Diaconico Ecclesiæ; ibidemque professionem castitatis perpetuæ libello descriptam Episcopo exhibebat, qua per Episcopum accepta, induebatur velamine, sive pallio suo ordini congruente. Hic ritus etiam exhibetur in Concilio Toletano X. anni 656. can. 4., quem refert Gratianus in can. 16. cau. 20. qu. 1.

C. 125.  
de conf.  
dist. 4.

In canone 125. de consecr. dist. 4. habetur canon primus, sive, ut in aliis editionibus, secundus Arausiacani hujus Concilii, cujus tamen verba non eadem in omnibus Concilii exemplaribus habentur, quemadmodum ex sequentibus liquere facile poterit. Ita habet Gratianus: *Nullus ministrorum, qui baptizandi recipit officium,*  
sine

*sine chrismate usquam debet progredi.* ( legunt alii : Nullam ministrorum , qui baptizandi recepit officium , sine chrismate unquam debere progredi ) quia inter nos placuit semel in baptismo chrismari ; ( legunt alii : semel chrismari , omittis illis verbis : in baptismo ). De eo autem , qui in baptismo quicumque necessitate faciente chrismatus non fuerit , in confirmatione Sacerdos commonebitur ; ( legunt alii : non commonebitur . ) Nam inter nos chrismatis ipsis non nisi una benedictio est , ( legunt alii : nam inter quoslibet chrismatis ipsis non nisi una benedictio est , ) non præjudicantes cuicumque hoc dicimus , sed ut necessaria habeatur chrismatio . ( legunt alii : non ut præjudicans quidquam , sed ut non necessaria habeatur repetita chrismatio , alii legunt : non ut præjudicans quicumque dico , sed ut non necessaria habeatur rechrismatio , alii tandem ita legunt : sed ut necessaria habeatur chrismatio repetita . )

Sic observata plurium exemplarium varietate , explicanda erit Arausicanorum Patrum sententia , quam vulgo Interpretes , & Glossographi ita confuderunt , ut quæ mens illis fuerit , ne leviter quidem attigerint . Itaque operæ pretium erit in primis animadvertere , non generatim apud veteres obtinuisse , ut in administrando Confirmationis Sacramento sacri Chrismatis inunctio fieret ; quod enim sensibile signum in eodem Sacramento habebatur , potissimum in manuum impositione consistebat ex Apostolica traditione . Chrismatis quidem usus in Ecclesia est antiquissimus , utpote cujus mentionem etiam fecit Dionysius Areopagita in libris Ecclesiasticæ hierarchiæ cap. 2. parte 2. , & cap. 4. parte 3. , non tamen ubique receptus fuit in Sacramento Confirmationis , licet apud omnes fere Ecclesias viguerit inter ceremonias Sacramenti Baptismatis , quemadmodum & hodie observatur . Igitur in Ecclesia Gallicana Chrismatis inunctio fiebat quidem in Sacramento Baptismi , non autem in Sacramento Confirmationis tempore Concilii Arausicani I. , quemadmodum deduci potest ex Hilario Arelatensi , qui & eidem Synodo præfuit ; quippe is in homilia de Pentecoste ita scribit : *Quæ nunc in confirmandis Neophitis manus impositio tribuit singulis , hoc tum Spiritus Sancti descensio in credentium populo donavit universis .*

Ex his facili omnino redditur Arausicani canonis interpretatio . Ibi proponitur initio , ministros omnes , qui baptizandi officium susceperunt , sine chrismate progredi non debere . Agitur sane hoc in loco , non de Episcopis , qui tunc temporis erant ordinarii baptismatis collatores , sed de inferioribus , sive Sacerdotibus , sive Diaconis ; neque enim Episcopi ministrorum nomine in sacris canonibus appellari unquam consueverunt ; aut de Episcopis dici potuit , eos progredi debuisse , quæ verba de eo ministro intelligi tantummodo possunt , qui extra ordinem est baptizaturus , & ad absentes , aut etiam in periculis constitutos mittitur . Hi itaque ministri jubentur , ne sine chrismate ad conferendum Sacramentum baptismatis progredirentur , sed semper ceremonialem baptismi chrismationem peragerent . Sequuntur Arausicani Patres : *quia inter nos placuit semel chrismari , vel : semel in baptismo chrismari .* Mens illorum erat , baptizatos omnino chrismandos esse ab iis , qui baptisma conferebant , quia receptum erat in Gallia in Sacramento Confirmationis nullam chrismatis inunctionem fieri ; proptereaque futurum erat , ut qui in baptismo chrismate non iungeretur , nusquam amplius inungendus fuisset . Subdit Concilium Arausicanum , si quando contigerit ex necessitate chrismationem fuisse in baptismo omittam , monendum esse Sacerdotem in Sacramento Confirmationis . Clara est sententia , nisi alia Concilii exemplaria difficultatem parerent , quibus dicitur , Sacer-

dotem

dotem non esse admonendum. Sed nihilominus, quæcumque editio prævaleat, apparet ex his Chrismationem habitam fuisse, tamquam meram baptismatis cæremoniā, neque tanquam necessariam in Sacramento Confirmationis. Etenim si legamus Sacerdotes monendos non esse, talem assignemus sententiam Patribus Arausicanis, ut afferant curandum nullo modo esse de Chrismatione, quotiescumque omīssa fuerit ex necessitate, quod sine ipsa, & Sacramentum Baptismatis integre susceptum sit, & Sacramentum Confirmationis integre suscipi possit. Si vero legamus Sacerdotes monendos esse, id videmus factum ex humanitate, tum demum scilicet, quando non ex incuria baptizantis omīssa Chrismatio fuerit, sed potius ex necessitate. At quæ humanitatis intuitu sunt, ad solemnitates quidem, & cæremonias pertinent Sacramentales, non ad ipsam Sacramenti substantiam. Ego arbitror recipiendam esse potius eam editionem, qua dicitur non esse amplius monendos Sacerdotes; cum hæc lectio consonet posterioribus illis verbis Patrum Arausicanorum: *Nam inter nos Chrismatis ipse non nisi una benedictio est*; quasi dixerint, ritum Gallicanæ Ecclesiæ talem esse, ut in administrando Confirmationis Sacramento nulla fieret chrismatio. Prostantur demum Arausici Episcopi, se ita statuere, *non præjudicantes cuiquam*; quibus verbis spectantur diversas aliarum Ecclesiarum consuetudines, juxta quas pluribus in Provinciis duplex chrismatio fiebat, alia in Sacramento baptismatis, alia in Sacramento Confirmationis. Quamobrem exinde adparet, quanta fuerit Hilarii Arelatensis, aliorumque cum eo conuentium Episcoporum moderatio, qui voluerunt quidem receptum suarum Provinciaarum ritum de non repetenda baptismatis Chrismatione confirmare; ita tamen, ut aliarum Ecclesiarum ceremonias minime contemnerent, aut minus probarent, apud quas diversa consuetudo invaluerat; rati enim erant Ecclesiæ ex disciplinæ varietate nonnihil venustatis accedere. Atque his arbitror me consequutum fuisse intīmā Arausicanorum Patrum sententiam, quam huc usque, quoad noverim, nemo ex Glossographis attigit, ut superius aiebam.

- Ca. 107. Dyo adhuc supersunt Gratiani fragmenta, quæ nomine Arausici Concilii re-  
 & 108. feruntur, videlicet canones 107., & 108. cau. 11. qu. 3., qui tamen nullo modo  
 can. 12. ad Arausicanum Concilium pertinent, licet ex eo laudentur apud Ivonem, & Bur-  
 qu. 3. chardum. In Labbeana Collectione Veneræ editionis utrumque fragmentum descrip-  
 tum est ad calcem Arausici Concilii, eaque Collector testatur partim desumpsisse  
 ex Gratiano, partim ex alio codice librorum 16. capite 7. libri 11., ubi fusc de-  
 scribitur modus absolvendi excommunicatum adjectis pluribus orationibus, ad ab-  
 solutionem ipsam spectantibus. Me tamen juvat altius repetere originem horum  
 canonum. Itaque arbitror illorum auctorem fuisse Reginonem Prumiensem, cujus  
 primum tempore, sæculo scilicet nono, quædam variarum rerum Ecclesiasticarum  
 generales formulæ induci, ac componi cæperunt: Etenim ante Reginonem nul-  
 libi leguntur generaliter, & communiter præstitutz formulæ excommunicationum,  
 aut absolutionum, ne quidem apud Marculfum, qui eruditorem sententia paulo  
 ante Reginonem suas formulas edidit. At Regino, postquam jussu Rathbodi Tre-  
 virensis Episcopi ad usum Diocesis Trevirensis adornavit certam canonum Colle-  
 ctionem, in qua præcipua, & temporibus accommoda disciplinæ Ecclesiasticæ capita  
 continerentur, prope finem libri 2., nimirum post caput 407. cum de excommu-  
 nicatis nonnulla loquutus fuisset, varias voluit adijcere excommunicationum for-  
 mulas, alias aliis terribiliores, alias aliis breviores, aut minus terrificas, quæ ad  
 usum

usum Trevirensis Diocesis pro data occasione adhiberentur. Valde enim conveniens videbatur, ut certæ censurarum sive infligendarum, sive remittendarum formularum publice proponerentur, quæ usu omnium reciperentur, quemadmodum similes postea ab aliis Ecclesiis compositz fuerunt, atque in ritualibus, sive manualibus descriptæ. Itaque in cap. 409. lib. 2. Collectionis Reginonis incipit prior excommunicationis formula ab eodem Reginone composita, post quam hæc verba sequuntur: *Debent autem duodecim Sacerdotes Episcopum circumstare, & lucernas ardentes in manibus tenere, quas in conclusione anathematis, vel excommunicationis projicere debent in terram, & pedibus consculcare.* Post hæc Episcopus plebi ipsam excommunicationem communibus verbis debet explanare, ut omnes intelligant, quam terribiliter damnatus sit, & ut noverint, quod ab illa hora in reliquum non pro Christiano, sed pro Pagano habendus sit. . . . Deinde Epistolæ Presbyteris per paræciam mittantur, continentes modum excommunicationis. Hæc sane illa eadem sunt, quæ Gratianus retulit in can. 106. cau. 11. qu. 3., quæ etiam retulit Ivo, & Burchardus ex Concilio Rothomagensi, quia non satis attenderant Reginonis Collectionem; cum enim in postremo Reginonis capite, antequam describerentur formularum excommunicationis, mentio fiat Concilii Rothomagensis, crediderunt Burchardus, & Ivo, sequentes etiam formulas Rothomagensi Concilio tribuendas esse. Ceterum hujus ritus germanus auctor erat ipse Regino, qui deinde & alias subdidit excommunicationum formulas, inter quas cap. 413. una habetur, quæ hunc habet titulum: *Excommunicatio Brevis*, atque his verbis exprimitur: *Canonica instituta, & sanctorum Patrum exempla sequentes, Ecclesiarum Dei violatores illos auctoritate Dei, & judicio Sancti Spiritus a gremio sanctæ Matris Ecclesiæ, & consortio socius Christianitatis eliminamus, quousque revespiscant, & Ecclesiæ Dei satisfaciant.* Quis non videat hanc formulam eandem esse, quam descripsit Gratianus in dicto canone 107. cau. 11. qu. 3. Post hæc subsequitur Regino in capite 414. hoc titulo: *Qualiter Episcopus reconciliet, vel recipiat excommunicatum.* Et in capite: *Cum aliquis excommunicatus, vel anathematizatus penitentia ductus veniam postulat, & emendationem promittit, Episcopus, qui eum excommunicavit ante jamnas Ecclesiæ venire debet, & duodecim Presbyteri cum eo, qui cum hinc inde circumstare debent, ubi etiam adeste debent illi, quibus injuria, vel damnum illatum est, & ibi secundum leges Divinas, & Humanas oportet damnum commissum emendari, aut si jam emendatum est, eorum testimonio comprobari.* Deinde interroget Episcopus, si penitentiam juxta quod canones præcipiunt pro perpetuatis sceleribus suscipere velit; et si illæ terre prostratus veniam postulat, culpam confiteatur, penitentiam implorat, de futuro cautelam spondet, tunc Episcopus apprehensa manu ejus dextera, eum in Ecclesiam introducat, & communionem, & societatem Christianam reddat. Post hæc secundum modum culpe penitentiam ei injungat, & literas per Paræciam dirigat, ut omnes noverint eum societate Christiana receptum. Hic est canon Gratianus 108. cau. 11. qu. 3. cui certa oratio ex Ritualibus illis ætatis adjecta fuit, quæ solebat ab Episcopo recitari tempore absolutionis, cum aliis bene multis, quæ referuntur apud Labbeum loco supra memorato. Non omittam etiam illud hoc loco admonere, quasdam hujusmodi excommunicationum formulas, atque inter ceteras illam, quæ a Gratiano describitur in dicto Canone 107., editas fuisse in editione Capitularium Regum Francorum Baluziana Tomo 2. pag. mihi 663. & sequentibus, quas ipsemet Baluzius testatur se ex antiquissimis Ecclesiarum MSS. Codicibus excerptisse. Interea illud mihi sufficiat, demonstrasse eorum canonum auctorem, quos Gratianus ex editione

tione Burchardi, & Ivonis deceptus falso ex Arausicano Concilio laudaverat: Quod si forte quispiam petat, quare apud recentiores istos Collectores fragmenta huiusmodi fuerint Concilio Arausicano tributa; ego sane non aliam rationem illis fuisse crediderim, quam quod forte huiusmodi formulas in eo codice descriptas invenerint, in quo præcipue Arausicani canones descripti fuerant, ac proinde arbitrari fuerint easdem ad Arausicanum Concilium etiam pertinere.

## CAPUT XX.

### *De Concilio Vasensi.*

Nomine Vasensis Concilii tria hæc apud Gratianum capita describuntur.

- { Can. 2. cau. 6. qu. 2. redigendus ad exemplaria Concilii Vasensis anni 442.  
 { Can. 10. cau. 13. qu. 2. consonat cum exemplaribus Concilii Vasensis anni 442.  
 { Can. 15. cau. 13. qu. 2. pertinet potius ad Concilium Nannetense.

Vasione, sive Vasatis Civitate Galliarum Narbonensis, quam hodie Basas vocant, nonnulla celebrata fuisse Concilia testatissimum est apud Conciliorum Collectores, qui illorum acta, & canones referunt. Non una tamen omnium est de Vasensium Conciliorum numero opinio; duo enim alii, alii tria recensent, quorum deinde canones ita confundunt, ut qui primo in Concilio editi feruntur, legantur etiam in tertio, & secundo. Itaque qui tria recensent, scribunt primum celebratum fuisse circa annum 350., secundum anno 442., tertium anno 463., vel, uti aliis placet, 529. Primo autem Concilio anni circiter 350. tria tantummodo capita tribuunt, quorum primum legitur in capite 4. Concilii Vasensis 2., & caput secundum, ac tertium leguntur in canone 3., & 4. Concilii Vasensis tertii. Sed hæc, ut videtur, opinio Vasensia magis confundit, ac perturbat concilia, quam distinguit. Propterea melius sentire videntur, qui duo tantummodo Vasensia Concilia numerant, aliud anni 442., aliud 463., vel 529. illo omisso, quod anno circiter 350. tribuitur. Neque vero satis difficile est rationibus illorum satisfacere, qui contra arbitrantur. Difficultas enim, quæ subesse potest iis, qui Concilium Vasense anni circiter 350. omittunt, oritur ex eo, quod in Concilio Arelatenfi 2. can. 47. mentio fiat Concilii Vasensis, ac propterea tale Vasense Concilium assignandum videatur, quod Concilium secundum Arelatense præcesserit. Verum hæc difficultas nullius momenti est apud Sirmondum, & eos, qui Sirmondi Epocham Conciliorum sequuntur; Vir enim eruditus observavit Concilium Arelatense 2. celebratum fuisse post annum 442., ac forte etiam anno 452., ideoque canonem 47. Concilii ejusdem Arelatenfis commode referri posse ad Concilium Vasense an. 442., nec esse ea de causa antiquius aliud Concilium Vasense fingendum. Præterquamquod addi potest, canones Concilii Arelatenfis 2. vulgatos non omnes Arelatenfis ejusdem Concilii fuisse, sed tantum viginti quinque priores, quemadmodum constare potest ex veteribus MSS. Codicibus a Labbeo, & eodem Sirmondo observatis; illos autem canones, qui post vigesimum quintum Concilio subjecti sunt, pertinere

rinere ad aliud posterius Concilium; Quamobrem cum menſio Vafenſis Concilii tantummodo habeatur in canone 47. ex iis, qui Arelatenſi Concilio tribuuntur, neceſſe nullatenus eſt, ut tale Vafenſe Concilium ſingatur, quod Concilium ipſum Arelatenſe præceſſerit.

Ita præſatus de Conciliis Vaſenſibus, quorum canones vulgo proferuntur, ar-  
 ripio Gratiani fragmenta, & in primis canonem 2. cau. 6. qu. 2., qui in Codici-  
 bus Gratiani dicitur deſromptus ex can. 8. Concilii Vaſenſis I. Legitur autem in  
 can. 8. Concilii Vaſenſis, quod diximus celebratum anno 442. ſive illud primum  
 appelletur, ſive ſecundum. Num hoc Concilium Nationale totius Galliz fuerit,  
 an vero Provinciale, vel tantummodo Dixelanum ſatis non conſtat, cum in edi-  
 tis Concilii exemplaribus nomina, & ſubſcriptiones Epiſcoporum deſiderentur. Si  
 tamen conjeſturis dandus eſt locus, facile ſuſpicari poſſumus, idem Concilium  
 fuiſſe Nationale totius Galliz. Etenim decernitur in canone 1. de Epiſcopis Pro-  
 vinciarum omnium Galliz, eorumque cauſis diſcutiendis, quod ſane niſi a Con-  
 cilio totius Nationis generaliter decerni non poterat. Præterea in can. 6. ita le-  
 gitur: *Placuit præterea accuſandi licentiam etiam in noſtri ordinis, ſi qua exiſtit,  
 levitate comprimere, ut ſe Epiſcopus &c.*, quæ ſane verba ſignificant quampures  
 Epiſcopos ad illud Concilium conveniſſe, quod & clariuſ probatur ex Concilio  
 Wormacienſi anni 868. can. 60., ubi ſcribitur decem, & octo Epiſcopos Vaſenſi  
 huic Concilio interuiſſe. Quamobrem gravis erit, & venerabilis huius Concilii  
 auctoritas, tamquam illius, quod totius Nationis fuerit, aut ſaltem plurium Galliz  
 Provinciarum. Ut autem luculentius explicemus ſententiam diſti canonis 2. cau. 6.  
 qu. 2., operæ pretium erit duo ejuſdem Concilii capita deſcribere, ſcilicet cano-  
 nem 7., & 8., quorum unus ex alio pendere videtur. In canone 7. hæc habentur:  
*Placuit præterea accuſandi licentiam etiam in noſtri ordinis, ſi qua exiſtit, levita-  
 te comprimere, ut ſe Epiſcopus ſiquem judicas abſtinendum, & pro humiliatone, &  
 correptione fratris aſſurgit, exorari a ceteris acquiſcat, fratri, de quo agitur, cor-  
 reptione, & comminatione adhibita. Sin autem de crimine aliquem putet eſſe damnandum,  
 accuſatoris vice diſcutiendum ſciat. Fas eſt enim, ut quæ uni probantur, probentur  
 omnibus; & in can. 8., unde excerptus eſt Gratiani canon: Quod ſi ſe tantum  
 Epiſcopus alieni ſceleris conſcium movit, quamdiu probare non poteſt, nihil proſerat;  
 ſed cum ipſo ad compunctionem ejus ſecretis correptionibus elaborat. Quod ſi correptus per-  
 ſinaciſ fuerit, & ſe communioni publicæ ingeſſerit, etiamſ Epiſcopus in redarguendo  
 illo, quem reum judicas, probationibus deſiciat, indemnatuſ licet, ab iis, qui nihil  
 ſciunt, ſecedere ad tempus pro perſona majoris auctoritatis jubeatur, illo, quamdiu  
 probari nihil poſſeſt, in communione omnium, præterquam ejus, qui cum reum judicas,  
 permanente. Ex his emendanda erunt Gratiani verba, quæ non ſatis cum canone  
 ipſo Concilii conſonant. Notat ad hunc canonem Gabriel Albapinzuſ in Galliis  
 majorem reverentiam Epiſcopis fuiſſe delatam, quam delata fuerit in Africa,  
 cum legeret aliter conſtitutum fuiſſe in canone 5. Concilii Carthagenſis, quod  
 ſeptimum appellant ſub Aurelio anno 419., ibi: *Item placuit, ut ſi quando Epiſco-  
 pus dicat aliquem ſibi ſoli proprium crimen fuiſſe conſeſſum, atque ille negat, non putet  
 ad injuriæ ſuam Epiſcopuſ pertinere, quod illi ſeſi non creditur: Et ſi ſcrupulo pro-  
 prie conſcientiæ ſe dicat neganti nolle communicare, quamdiu excommunicato non com-  
 municaverit ſuus Epiſcopuſ, eidem Epiſcopo ab aliis non communicetur Epiſcopis, ut  
 magis caveat Epiſcopuſ, ne dicat in quemquam, quod aliis documentis convincere non**

I m. I.

M m

poteſt,

potest. Sed venia dixerim Viri eruditi hæc duo Gallicæ, & Africanæ Ecclesiarum capita diversa mihi videntur potius, quam contraria. Etenim in canone Vassenfi tribuitur aliqua fides Episcopo asserenti, licet in probatione deficiente, quoties tamen Episcopus aliter, quam per voluntariam Reipsius confessionem reum judicaverit, at in canone Carthagenensi nonnihil detrahitur Episcopali iudicio, quoties Episcopus idem, qui alias nullis probationibus reum criminis convincere posset, ex sola humilis, ac pœnitentis Rei confessione reum ipsum publice damnari postulat, quemadmodum ex ipsismet canonis verbis clarissime liquet. Quod itaque in Vassenfi Concilio Episcopali auctoritati honor debitus exigere videbatur, non idem ipsum servandum erat in Carthagenensi Concilio, quoties Episcopi cuiuspiam imprudentia esset improbanda. Hæc sane utriusque canonis interpretatio mihi vel eo magis adridet, quod asperum semper visum fuit, talem de Conciliis licet peculiarium Ecclesiarum ferre sententiam, ut unus canones canonibus alterius adversariis viderentur, ubi præsertim commode fieri potest, & servata utrobique Sanctorum Patrum mente, ac voluntate, quæ ut plurimum ex canonum verbis adparet.

Ca. 10. Canon 10. cau. 13. qu. 2. legitur non solum in exemplaribus ejusdem Concilii  
cau. 13. Vassenfis anni 442. canone 4., verum etiam in canone 1. illius Vassenfis Concilii,  
qu. 2. quod nonnulli celebratum asserunt anno 350., sed exinde novum argumentum habemus, ut concludamus Concilium illud anno 350. adtributum fictitium esse, & apocryphum Gallicanæ Ecclesiæ monumentum, ac propterea canonem 10. Gratianum pertinere tantummodo ad Concilium Vassenfe anni 442. Revera in fine hujus canonis ita habetur: *Unde & quidam Patrum hoc scriptis suis inseruit, congruente sententia, qua ait: amico quidpiam rapere furtum est, Ecclesiam vero fraudare sacrilegium.* Nomine cujusdam Patrum, hic sane nemo alius intelligi potest, quam S. Hieronymus, qui eam sententiam descripsit in Epist. 2. ad Nepotianum, cujus fragmentum habemus apud Gratianum in can. 71. cau. 12. qu. 2. At vero Hieronymus anno 350. adolescens adhuc erat viginti circiter annorum, nec tum aut Epistolam ad Nepotianum scripserat, nec poterat cujusdam Patrum nomine significari; proindeque nuper descripta verba ad nullum Concilium Vassenfe, aut quodvis aliud anno 350. celebratum referri possunt, utique tamen ad Concilium Vassenfe anni 442. Illud præterea ad hunc canonem est observandum, verba Gratiani consonare cum verbis Concilii Vassenfis anni 442. juxta edita exemplaria, dummodo tamen principio ita legerimus: *Qui oblationes defunctorum Fidelium derivent, & Ecclesiis &c.* Hæc autem est constitutio illa Vassenfis Concilii, quam superius diximus confirmatam in eo canone 47., qui tributus est Concilio Arelatenfi II. anni circiter 452. juxta animadversiones Sirmondi, ubi sic legitur: *Secundum constitutionem Synodi Vassenfis, quicumque oblationem fidelium suppresserit, aut negaverit, ab Ecclesia, cui fraudem fecerit, deponatur.*

Canonem 15. cau. 13. qu. 2. jam observantur Corretores Romani haberi in  
Can. 15. Concilio Nannetenfi can. 6., sed Vassenfis, aut Vassenfis Concilii nomen eadem.  
cau. 13. adjectum non immutarunt adjecta ratione, quod forte in quodam Vassenfi Concilio inveniri aliquando possit. Prudens sane observatio, quæ paulo frequentius in Gratianis inscriptionibus eruditorum iudicio erat facienda. Ceterum hac in re ego arbitror Concilii Vassenfis, seu Vassenfis nomen ex errore fuisse adpositum in codicibus Gratiani, cum legendum potius esset Nannetense Concilium. Etenim etiam in recentioribus Burchardi Codicibus hic canon hodie refertur nomine.  
Con-



Concilii *Haneten.*, in quam fortasse depravatam scriptionem incidentes posteriores Collectores facile potuerunt de *Varenſi*, aut *Vaſenſi* Concilio intelligere, quæ Nannetenſi Concilio tribuenda erant. Hinc in vulgatis Codicibus Ivonis laudatur idem canon ex utroque Concilio tum Vascenſi, tum Nannetenſi; Nannetenſis enim Concilii nomen habetur in inſcriptione canonis, & Vaſenſis ad marginem, ſorte ex eo, quod Ivo, aut quilibet alius decreti Collector Burchardi ſcriptionem non ſatis intellexiſſet. Hæc itaque animadvertens Gratianus in decreto Ivonis marginalem potius notam ſequutus eſt, & Vaſenſe, non Nannetenſe Concilium ſcripſit. Suo loco, ubi ſcilicet agemus de Concilio Nannetenſi, canonem hunc 15. cau. 13. qu. 2. cum optimis Concilii ejusdem exemplaribus conferemus. Illud interea obſervavero, hunc eundem canonem legi apud Reginonem in lib. 1. de Eccleſiaſticis diſciplinis cap. 125. nomine Concilii Nannetenſis, ubi tamen in §. *Prohibendum* paullo aliter legitur, quam apud Gratianum, ibi: *Prohibendum etiam ſecundum majorum inſtituta, ut in Eccleſia nullatenus ſepeliuntur, ſed in atrio, aut in porticu, aut exedra Eccleſiæ. Infra Eccleſiam vero, aut prope Altare, ubi Corpus Domini, & ſanguis conficitur, nullatenus habeant licentiam ſepeliendi.* Ex verbis hujusce canonis tria designantur loca, in quibus olim fidelium cadavera tumulari licebat, atrium videlicet, porticus, & exedra, licet tamen nonnulli pro illis verbis: *aut exedra Eccleſiæ*, in Concilii Nannetenſis exemplaribus legendum velint: *aut extra Eccleſiam*. Non eſt cur recedamus a vulgata lectione, in qua exedra mentio fit. Etenim atrii nomine venit ſpatium illud vacuum, quod remaſit ex area, ſive ſolo, in quo fuerat ædificata Eccleſia, atque hac ſignificatione atrium Eccleſiam totam circumambit; quamquam apud nonnullos auctores Eccleſiaſticos atrium potius ſonet eam areæ partem, quæ proxima januis eſt, ſive ante veſtibulum, uti in lib. 4. Capitulare cap. 13., libro 1. legum Longobardarum. tit. 9., & apud Anaſtaſium Bibliothecarium in vita Sergii II., & in vita Doni Papæ, ibi: *Hic atrium B. Petri Apoſtoli ſuperius, quod eſt ante Eccleſiam in quadriporticum magnis marmoribus ſtravit.* Porticum appellamus locum deambulationi aptum, veluti clauſtrum Eccleſiæ, ſeu Monafterii, quæ clauſtra hodie aliquibus in locis ſita ſunt ad latus Eccleſiarum, olim vero media conſtituebantur inter Eccleſiam, & veſtibulum, vel etiam ad utrumque latus Templi, quemadmodum de Templo Tyrio teſtatur Eusebius lib. 10. Hiſtoriæ Eccleſiaſticæ cap. 4. Hinc etiam Beda lib. 2. cap. 3. Hiſtoriæ Anglorum mentionem facit porticus Aquilonaris. Tandem exedra dicitur locus intra Eccleſiam conſtitutus circum muros ad inſtar menianorum, ſive projectorum, aut etiam concava quædam loca ſublimia ita conſtructa, ut quis in illis etiam ſedens poſſet ſacris adſeſſe; neque enim in ipſa Eccleſia apud veteres cuiquam licebat ſedere, ſed ſedendi locus tantum in menianis, vel projectis eſſe poterat. Itaque tria hæc loca ſepulchris fidelium accommodata eſſe poterant, dummodo tamen unusquiſque abſtineret a ſepulchris intra Eccleſiam faciendis. At poſteaquam non ſolum in menianis, & projectis, ſed etiam in inferiore Eccleſiæ parte, ſive Eccleſia ipſa ſedere fidelibus licuit, inducitur quoque eſt, ut quemadmodum olim in exedris, ita deinceps etiam in Eccleſia ipſa fidelium cadavera tumularentur, dummodo tamen ſepultura non fieret in locis Altari proximis, quemadmodum etiam hodiernis conſuetudinibus, & canonibus receptum eſt, ac probatum.

## CAPUT XXI.

## De Concilio Hibernensi.

Unicum est nomine Concilii Hibernensis fragmentum  
apud Gratianum.

{ *Can. 5. dist. 82. ab imperito quodam, & obscuro Autore compositus.*

**C**onciliorum Hibernensium nomen vix in Ecclesiasticis monumentis legitur. Apud Labbeum tom. 4. Venetæ Editionis pag. 453. & seqq. referuntur quidem duo hujus nominis Concilia ad annum 450. (quod in causa fuit, cur de Hibernensi Concilio, quod Gratianus laudat, hoc in capite verba facerem) verum nihil omnino in eisdem continetur, ad quod referri possit Gratianus canon 5. dist. 82., nisi forte respicere velimus canonem 28. Concilii prioris, ubi agitur de Clerico excommunicato ad poenitentiam revocando his verbis: *Si quis Clericum excommunicationis fuerit, solus (non in eadem domo cum fratribus) orationem faciet, nec offerre, nec consecrare licet, donec se faciat emendatum, qui si se non fecerit, dupliciter vindicetur.* Verum hæc adhuc procul omnino distant a Gratiano fragmento; neque alibi, licet solertissime quæsierim, apud Collectores Conciliorum, non solum in Hibernensibus, sed neque in aliis Conciliis simile quidpiam reperire potui; quamobrem facile locum dedi jampridem conceptæ suspicioni, qua addebam, ut putarem caput illud ab imperito quodam, & obscuro nominis Autore confectum esse, atque inde nomine Concilii alicujus falso suppositum. Romani Correctores fatentur in vetustis Gratiani exemplaribus laudatum fuisse canonem nomine Concilii Gangrensis; quia vero in Concilio Gangrensi minime legebatur, a se emendatam fuisse Gratiani scriptionem, & loco Concilii Gangrensis suppositum fuisse Concilium Hibernense. Num omnes hujusmodi emendationem probaverint, prorsus ignoro: Etenim si nomen Concilii Gangrensis immutandus erat, quod canon in Gangrensi Concilio non haberetur; quibusdam etiam videri facile poterit, nec fuisse quidem supponendum nomen Concilii Hibernensis, cum in omnibus editis huc usque Hibernensibus Conciliis desideretur. Sed habent Romani Correctores, quod adferant ad ostendendam emendationis necessitatem, aut convenientiam. Ajunt enim illi apud Polycarpum, & in alio libro pervetusto, in quo multi sunt canones poenitentiales, idem fragmentum referri ex Theodoro Archiepiscopo Hibernensi. Hæc quidem ratio meo judicio valeret magis, quoties aut Polycarpus, aut Auditor illius libri pervetusti magis integritas, ac spectata fidei essent, quam fuerit Gratianus. Sed vereor ne forte eadem ratione, ceteris paribus, emendandus esset ex Gratiani codice codex Polycarpi, qua emendatus fuit codex Gratiani ex codice Polycarpi. Deinde vero, si apud alios Collectores legitur: ex Theodoro Archiepiscopo Hibernensi; apud Gratianum vero: ex Concilio Gangrensi, nemo videt, cur, si Gratiani Codex ex aliorum collectionibus sit emendandus, ita legatur: ex Concilio Hibernensi, & non potius, ex Theodoro Archiepiscopo Hibernensi.

Itaque

Itaque etiam post Romanam Correctionem canon Gratiæ adhuc in æncipui hæret, nec adparet, ad quemnam locum, & ad quem Auctorem ille sit referendus; nec enim, si de vetustissimo codice penitentiali agamus, quem Corretores Romani commemorant, ille adeo vetustus erit, ut non ex Polycarpo describi poterit; aut si de Polycarpo loquamur, cum initio duodecimi sæculi, & eodem obscurissimo tempore, quo Gratianus collectionem suam adornaverit, vir non satis excultus, cujus etiam collectio parum apud unumquemque valuit, tanta non erit ipsius auctoritas, ut in hac re eidem potius morem gerere debeamus. Itaque illud verosimilius erit, si concludemus hujus fragmenti inconcinai, atque incompressi Auctorem esse obscurum quandam hominem, & quidem sæculi 10., aut 11., qui novam quandam disciplinam inducere voluerit, & nomine alicujus Concilii veteris ad conciliandam suæ sententiæ auctoritatem evulgare. Atque id ego facile demonstrabo. Statuitur in eo capite, Sacerdotes in fornicationis crimina lapsos olim quidem deponendos fuisse juxta canones Apostolorum; hodie vero exactis legitimæ penitentis per constituta tempora gradibus in pristinum gradum restitui auctoritate Sylvestri, Clementis, & Callixti Pontificum Maximorum. Tria ibidem menda manifestissima, ex quibus & ausus inferendus, aut impericia supina redarguitur Auctoris. Primo enim non aliud ad rem suam adducit, quam apocrypha monumenta, Apostolorum canones, a quibus tamen recedendum esse existimat, acta S. Sylvestri, Epistolæ Clementis, & Callixti, quæ omnia ab eruditissimis tanquam veteribus illis Patribus falso tributa, rejiciuntur, quibus tamen Auctor ejusdem Canonis prorsus adherendum existimat. Secundo eadem suppositicia monumenta, quæ ad rem suam commemorat, ita sescit, & detorquet, ut aliam prorsus eisdem sententiam affingat. Tercio demum ex omnibus ita concludit, ut diuturnæ disciplinæ ecclesiasticæ usque ad sæculum duodecimum productæ penitus adversetur. Sigillatim hæc omnia sunt observanda.

Et quidem in primis res per se jam liquet, ubi de canonibus Apostolorum, de actibus S. Sylvestri, item de Epistolis Callixti, & Clementis agatur; hæc enim tamquam suppositicia decreta ad assequendam primorum Ecclesiæ temporum doctrinam parum, aut nihil omnino conducunt, ne dixerim a veterum ipsorum disciplina plurimum recedunt. Propterea jam redarguendus est ejusdem capituli conditor, qui aliud nesciverit in illud referre, quam quod ex Mercatoris officina, aut aliis similibus depromserit.

Alterum autem me magis movet, quod videlicet ea ferme omnia, quæ imperitus hujusmodi Auctor ad rei suæ probationem adduxit, licet suppositicia, eam sententiam minime exhibeant, quam ceteroquin ipse ex illis expressit. De sententia canonum Apostolicorum nihil dixerō; etenim Auctor profitetur se a disciplina in illis constituta recedere, sed adhærere potius Sylvestro, Callixto, & Clementi Pontificibus Maximis. Bone Deus! Quis capere poterit hujusmodi emblemata? quasi jam prioribus sæculis adversatus fuerit Apostolicæ disciplinæ non solum Sylvester, qui quarto sæculo floruit, aut Callixtus, qui secundo, verum etiam ipsemet Clemens, Apostolicus Vir, & Apostolorum Discipulus, per quem ipsimet canones apostolici evulgati fuisse feruntur. Sed accedamus propius ad eas, quæ in eo capite describuntur, sententias. Ait Auctor canonis in principio: Si Presbyter fornicatus fuerit, eum juxta canones apostolicos deponi debere. Id verum est, referturque ad canonem 25. ex apostolicis, qui juxta Dionysium Ex-

guum

guum hæc habet: *Episcopus, aut Presbyter, aut Diaconus, qui in fornicatione, aut perjurio, aut furto captus est, deponatur, non tamen communione privetur: Licet enim scriptura, non vindicabit Dominus bis in idipsum.* Et quidem hæc disciplina in Ecclesia perduravit duodecim fere integris sæculis, ut inferius demonstrabo. Sed prosequitur Auctor canonis, inquiens, aliud docuisse Sanctum Sylvestrum, aliud Clementem, aliud Callixtum, sancientes, ut si poenitentiam per decem annos Presbyter egisset, illa completa in suo gradu, & ordine perseveret. Ubi Sanctus Sylvester laudatur, referuntur hæc ad canonem 19. Concilii Romani 11., quod a Sylvestro celebratum dicunt anno 324. Ita ibidem legitur: *Nemo enim Presbyter a die onus Presbyterii sumat conjugium, ut etsi neglecto egerit, decem annis eum privari honore. Quod si quis contra hunc Chirographum præsentem, ac publice egerit idem, condemnatur in perpetuum.* Nihil hic dixero de auctoritate hujus Synodi, de qua suo loco jam egimus. Illud liquet statim, sententiam hanc non ad fornicationes, sed ad conjugia pertinere, quæ si Sacerdotes inivissent, multo mitiore poena afficiebantur, quam si fornicati fuissent. Atque hoc lucem accipit a Concilio Neocæsareensi, in quo ita legitur can. 1. *Presbyter si uxorem duxerit, ordine suo moveatur, si autem fornicatus fuerit, vel adulterium commiserit, poenitus extrudatur, & ad poenitentiam deducatur.* Quæ verba collata cum memorato capite Synodi Romanæ, quæ Sylvestro tribuitur, clare significant, restitui post decennium Sacerdotes illos in gradum suum, qui matrimonia contraxerint, non vero qui in fornicationem inciderint, quemadmodum exponit Auctor dicti Gratiani canonis quinti. Quod si forte Auctor ejusdem canonis, ubi Sylvestrum laudavit, laudare voluit Nicæni Concilii decreta sub S. Sylvestro edita, specialiter vero canonem 12., ubi dicitur lapsos post decennium poenitentiam reparari, rursus agnosco ad aliam omnino, & diversam speciem respexisse: Etenim lapsorum nomine non veniunt in Nicæno Concilio Sacerdotes incontinentes, sed illi, qui post susceptum Baptisma apud Ethnicos, a quibus nuper abierant, rursus defecerant, aut apud alios Christianæ Fidei adversarios. At vero alia de laicis erat, alia de Clericis poenitentibus disciplina: illi enim facilius recipiebantur in fidelium numerum, dummodo veræ poenitentis signa ostendissent; at Clericis eundem honorem reddere non facile consueverunt veteres Patres post gravissima crimina, ea præsertim, quibus indicta erat publica poenitentia. Simili modo Clementis Pontificis Epistola (quæ tamen falso Clementi adtribuitur) in alium omnino sensum detorta fuit. Est Epistola secunda, in qua hæc leguntur: *Ad Dominica autem Mysteria tales eligantur, qui ante ordinationem conjuges suas non noverint, (alii legunt: conjuges suas noverint).* Quod si post ordinationem Ministro Altaris contigerit proprium invadere cubile uxoris, sacrarii non intret limina, nec Sacrificii portitor fiat..., officia forinsecus claudat, minora gerat officia &c. Hæc porro omnia non de Sacerdotibus, sed de Diaconis, qui Miscistrorum nomine designantur, concepta sunt; deinde non de fornicatione ibidem agitur, sed de usu conjugii, cui ratione Clericorum majorum levior, quam fornicationi imposita fuit apud veteres Ecclesiæ Patres, & imponi debuit poenitentia. Forte magis rei propositæ conveniret Callixti Papæ Epistola, si vere Callixti esset, quam etiam idem canonis Auctor explicat. Est Epistola 2. ad omnes Galliarum Episcopos, in cujus capite ultimo hæc habentur: *Errant, qui putant Domini Sacerdotes post lapsum, si condignam egerint poenitentiam, Dominum ministrare non posse, &c.* Verum si totius Epistolæ sententia perpendatur, constabit

constabit, non quæri eo in loco, num Sacerdotes post lapsum restitui per se pœnitentia solerent, sed potius num restitui possent per claves Ecclesiæ. Agebatur itaque de ecclesiastica auctoritate, non de disciplina: Ita enim ibidem subditur: *Et ipsi, qui hoc putant, contra Ecclesiæ claves disputant.* Aliud porro est dicere Ecclesiam non consuevisse Sacerdotes lapsos restituere in gradum, aliud non potuisse restituere. Præterea in hac eadem Epistola non de Sacerdotibus incontinentibus deditis specialiter agitur, sed de lapsis, quorum nomine apud veteres illi intelligebantur passim, qui metu persecutionum fidei renuntiaverant, cum quibus humanius aliquandiu actum fuisse veterum monumenta testantur. Ceterum cum incontinentibus Clericis severior semper, & asperior fuit hac in parte canonum disciplina; verebantur enim veteres Patres, ne Clericus semel incontinens etiam post pœnitentiam se pristinis sceleribus sursum macularet.

Jam vero postremo loco demonstrandum est, a primis Ecclesiæ sæculis obtinuisse usque ad duodecimum, ut Clerici semel in incontinentiam lapsi minime amplius post depositionem restituerentur in Clerum. Huc sane loci possent illa omnia referri, quæ probant Clericos semel pœnitentiæ addictos, sive in pœnitentium ordinem detruisos non potuisse amplius ad Clericorum officia aspirare, ne Sacerdotium minus honorabile ceteris haberetur; indecorum enim videbatur ministrare illos, quos populus gravissimis sceleribus aliquando fuisse inquinatos agnosceret. Hæc sane facile unusquisque invenire poterit apud eruditos illos, qui de hac re fusius disputarunt, atque aliis in locis commodius adferam. Tantum hic nonnulla tradam, quæ specialiter de Clericis incontinentibus expressa sunt. Et primo quidem priorum sæculorum disciplinam clare offendit canon ille Concilii Nicœnensis, quem superius laudavi, ac descripsi; ibi enim, postquam discrimen agnium est inter Clericos conjugia appetentes, & Clericos fornicatores, illis quidem indicta pœna est decem annorum, ut scilicet per decem annos a sacris Altaribus abstinere; isti vero perpetuo ab ecclesiasticis officiis exclusi sunt. Facit præterea ad hanc eandem rem memoratus vigesimus quintus canon ex Apostolicis, qui licet vere Apostolis non sit tribuendus, non est tamen dubitandum, quin contineat ecclesiasticam priorum temporum disciplinam. Huc adferri etiam possent canon 1. cum sequentibus quamplurimis dist. 80. apud Gratianum, ex quibus sex priorum Ecclesiæ sæculorum consuetudo ecclesiastica dignoscatur. Nono etiam Ecclesiæ sæculo idipsum viguisse patet ex Decreto Nicolai Papæ, qui in titulo de Presbyteris hæc habet: *Sacerdotes si in fornicationis ceciderint laqueum, & criminis manifestus, sive offensus sit actus, Sacerdotii honorem habere non possunt secundum canonicæ institutionis auctoritatem.* Concilium Moguntinum anni 888. can. 19. de eisdem Sacerdotibus incontinentibus statuit, *ut ab Ecclesiastico removeantur Officio*; sæculo autem 11. habemus clarissimam Concilii Turonensis anni 1060. definitionem, quæ legitur in canone 6. de Presbyteris incontinentibus, *ut nullam restitutionem in pristino gradu ventam sibi reservasse cognoscant.* Quæ cum ita sint, perspicua res erit canonem 5. dist. 82. imperiti cujuscumque Auctoris esse, qui voluerit nomine cujusdam Concilii temerario ausu evulgare, quod non solum ex apocryphis documentis describebat, verum etiam, quod adversus monumentorum, quæ adferebat, fidem ipsemet adversus receptam Ecclesiæ disciplinam novum inducere moliebatur, studio forte privatæ cujuscumque causæ, idest ut sive suis, in quæ inciderat, sive alienis delictis patrocinium impenderet.

## CAPUT

# CAPUT XXII.

## De Concilio Chalcedonenſi.

Ex Concilio Chalcedonenſi plures Canones a Gratiano laudantur, quos ego in triplicem ordinem dividam; alii enim ſunt ex Actionibus Synodiciſ depromti; alii ex Canonibus ad diſciplinam eccleſiaſticam ſtabiliendam, vel confirmandam ibidem conſtitutiſ; alii demum nomine quidem Chalcedonenſis Concilii a Gratiano inſcribuntur, ſed revera in Chalcedonenſi eadem Synodo non habentur.

Ex Actionib. { Can. 2. diſt. 96. *convenit omnino cum ſententia Marciſ.*  
Synodiciſ. { Can. 3. diſt. 96. *ſupplendus ex integra Concilii ſententia.*

Ex Canonibus in actione 15. conſtitutiſ.

*Incerta ſere omnes auctoritatatiſ.*

- Can. 6. diſt. 18. *conſonat etiam cum canone 5. Concilii Nicani I.*
- Can. 15. diſt. 32. *conſonat cum canone 10. Laodiceſi, & 27. ex Apoſtolicis.*
- Can. 1. diſt. 70. *conſonat cum can. 15. Concilii Nicani.*
- Can. 4. diſt. 71. *vere tribuendus Chalcedonenſi Concilio.*
- Can. 7. diſt. 71. *conſonat cum antiquiſſima diſciplina.*
- Can. 2. diſt. 75. *conſonat cum antiquiſſima diſciplina.*
- Can. 26. diſt. 86. *tribui jure poteſt Concilio Chalcedonenſi.*
- Can. 4. diſt. 89. *conferendus cum can. 21. cau. 16. qu. 7.*
- Can. 1. diſt. 101. *ex Hiſtoria Concilii explicandus.*
- Can. 8. cau. 1. qu. 1. *paullo variuſ in diverſiſ exemplariſ.*
- Can. 49. cau. 2. qu. 7. *conſonat cum veterum Conciliorum Canonibuſ.*
- Can. 26. cau. 7. qu. 1. *conſonat cum canonibuſ Concilii Antiocheni.*
- Can. 21. cau. 11. qu. 1. *ab Anatolio compoſituſ ex induſtria.*
- Can. 23. cau. 11. qu. 1. *idem eſt cum can. 21. cau. 11. qu. 1.*
- Can. 46. cau. 11. qu. 1. *ab Anatolio ipſo ex induſtria compoſituſ.*
- Can. 43. cau. 12. qu. 2. *referendus ad veterum canonum doctrinam.*
- Can. 12. cau. 16. qu. 1. *vere Chalcedonenſi Concilio tribuendus.*
- Can. 17. cau. 16. qu. 1. *Chalcedonenſium Patrum menti conformiſ.*
- Can. 1. cau. 16. qu. 3. *ab Anatolio, & Euſtatio ex induſtria compoſituſ.*
- Can. 21. cau. 16. qu. 7. *idem eſt cum can. 4. diſt. 89.*
- Can. 10. cau. 18. qu. 2. *referendus ad can. 12. cau. 16. qu. 1.*
- Can. 4. cau. 19. qu. 3. *videtur conſonare cum canonibuſ Concilii Antioch.*
- Can. 3. cau. 20. qu. 3. *maxime conſonat cum veterum diſciplina.*
- Can. 2. cau. 21. qu. 1. } *ex eodem canone 10. depromti ſunt.*
- Can. 3. cau. 21. qu. 2. }
- Can. 1. cau. 21. qu. 3. *idem eſt cum can. 26. diſt. 86.*
- Can. 14. cau. 25. qu. 1. *conſonat cum vulgatiſ canonum exemplariſ.*
- Can. 12. cau. 27. qu. 1. *ſaſſo adſcriptuſ Triburienſi Concilio.*
- Can. 22. cau. 27. qu. 1. *idem eſt cum can. 12. cau. 27. qu. 1.*
- Can. 23. cau. 27. qu. 1. *forte recentioriſ Conſtitutionibuſ accommodatuſ.*
- Can. 1. cau. 36. qu. 2. *conſonat cum interpretatione Dionyſi Exigu.*

Ex fragmen-  
tis falſo Con-  
cilio Chalce-  
donenſi ad-  
ſcriptis.

{ Can. 2. cau. 30. qu. 4. ſpeſſat potius ad aliquod Concilium Galli-  
canum, vel ad aliquod penitentiale 8., aut 9. ſeculi.

**T**Antea non eſt apud omnes canonum Chalcedonenſium auctoritas, ut ſine discrimine viſi Eccleſiaſtica legis generalis obtinuerint. Eſſi enim ipſum Chalcedonenſe Concilium Œcumenicum ſit, imo inter ea Concilia recentetur, quorum talis habebatur apud veteres Patres ratio, ut ſanctis ipſis quatuor evangeliis compararetur; non tamen omnia, quæ in eodem Concilio aut geſta, aut ſtatuta ſunt, generaliter in Eccleſia recepta fuerunt, ſed quædam aut non admiſſa, aut reprobata, vel etiam aliquando retractata; proindeque hodie, ubi de canonibus Chalcedonenſibus vulgatis agatur, non aliter illi tamquam generales Eccleſiæ leges agnoſcendi erunt, niſi cum ex aliis ſubſequentibus Conciliis, vel alio quocumque Eccleſiæ ſuffragio probati fuerint, ac confirmari. Hæc ut clare, perſpicueque percipiantur, expendenda erat brevis quidem, ſed accurata Chalcedonenſis Concilii ratio.

Post damnatam in Concilio Ephesine Neſtorii hæreſim, & poſtquam definitum eſt in Chriſto Domino unam tantum eſſe Perſonam, eamque divinam, nova, & adverſo antiquæ hæreſi oppoſita emerſit hæreſis Auctore Euthyche, ſeu, ut alii vocant, Euthychete Archimandrita, qui non aliter percipere potuit in Chriſto unam eſſe Perſonam, niſi & unicam Naturam in eodem fuiſſe aſſereret. Et quidem hæc opinio Viri apud orientales ſpectatiſſimi quamplures occupaverat, ut res indigere videretur Concilio Generali, in quo fidei dogma declararetur. Urgebat etiam Dioſcori Alexandrini Patriarchæ imprudentia, ne audaciam dixerim, quæ, ut erat improbus, & ſceleſtiſſimus, indignus propterea, qui Sancto Cyrillo ſucceſſiſſet in Episcopatu, facile ſe Euthychi junxit, indiſto Concilio, ubi omnia per vim, & metum accito etiam militum exercitu peracta ſunt, ejectis Sedis Apoſtolicæ Legatis, pluribus Episcopis interfectis, Euthychis hæreſim, quaſi veram fidem, recepit, eoſque omnes anathemate perculit, qui aliter ſenſiſſent, quam ſentiret Euthyches. Agnovit plurimum intereſſe eccleſiaſticæ rei, ſi generale Concilium convocaretur, Imperator Marcianus, cui & piſſima ejus uxor Pulcheria morem gerebat, imo etiam vires hortando addebat; ſi proinde ad Sanctum Leonem Pontificem Maximum miſit Epistolas, poſtulas, ut ejus auctoritate Synodus Episcoporum indiceretur. Non moratus eſt Pontifex Maximus Leo, communicque omnium conſenſione celebrata Synodus eſt anno 451., primum in Nicæa Bythiniz, deinde vero ob quaſdam ſuborras difficultates, & quidem re integra, translata eſt, conſentientibus univerſis, in Urbem Chalcedonem. Videlicet cum Imperator optaret aſſede Concilio, ipſe vero ob temporum quædam adiuncta procul ab Urbe Conſtantinopolitana abire non poſſet, iſ ſelectus fuit Concilii locus, qui non longe ab eadem Urbe Conſtantinopoli ſitus eſſet. Conveniant illuc ſexcenti, & triginta Episcopi, præſidentibus tanquam Legatis Magni Leonis Paſchaſino, & Lucentio Episcopis, & Bonifacio Presbytero. Seſſiones ibidem tredecim habitæ, quæ aliâs in actiones ſexdecim ſunt diſtributæ. In prima earum pertractata eſt Dioſcori cauſa, & quædam interea adverſus Euthychem

agi cœperunt. In secunda quæsitum est de veterum Patrum fide, tum ex Decretis Conciliorum jam antea celebratorum, cum apud Sanctos Antistites; qui eo usque floruerant, ut dignosceretur, an revera ab illis Euthychis opinio dissonaret. In tertia rursum discussa est Dioscori causa, cumque Dioscorus idem citatus comparere detrectaret, tanquam contumax, imo & tanquam hæreticus damnatus est, depositus, atque anathemate percussus. In actione 4. adum est de pluribus Episcopis Juvenale Hierosolymitano, Talassio Cæsareensi, Eusebio Ancyræ, Eustathio Beryti, & Basilio Seleuciæ, qui scelestam cum Dioscoro jamdudum factionem iniverant; & quoniam rectam fidei professionem ipsi in Concilio fecerant, parati ad Dioscorum damnandum, & Synodalibus definitionibus acquiescendum, ex benignitate absolvi fuerunt. In sessione 5. auditæ sunt, ac refutatæ hæreticorum argumentationes, quibus Euthychis opinionem defendere conabantur; atque etiam audita est controversia inter Photium Tyri, & Eustathium Beryti Episcopos de jure metropoleos primæ Phœnicie. In sessione 6., quæ etiam quinta actio nuncupatur, edita est nova fidei formula, quæ ad damandas Euthychis hæreses exprimebatur, rejectis veteribus formulis, tanquam iis, quæ satis per se non sufficere iis temporibus videbantur. In sessione septima, quæ sexta actio vulgo dicitur, confirmata est ea fidei formula, quæ in præcedente sessione fuerat edita, illique, indictis etiam Imperiali auctoritate pœnis, damnati sunt, qui eandem fidei professionem non reciperent. Deinde postulante Imperatore tria ibidem sunt communi Episcoporum consensione constituta, in primis de Monachorum disciplina, deinde de Clericorum institutionibus, postremo de augendo honore Chalcedonenfis Civitatis, ut scilicet, citra præjudicium Nicomedie, Metropolis dignitatem haberet.

His absolutum videbatur Chalcedonenſe Concilium, completa siquidem erat tum Euthychis, tum Dioscori causa, ob quam celebratum Concilium videbatur. Hinc sub finem dictæ sessionis septimæ, quæ in latinis exemplaribus sexta Concilii actio dicitur, clamaverunt Episcopi: *Dimitte nos pie Imperator, dimitte nos.* Verum visum est Imperatori, dissoluto, completoque in fidei causis Concilio, quasdam adhuc Episcoporum quorundam causas dirimendas proponere; hinc ab Episcopis postulavit, ut *sustinerent alius tres, aut quatuor dies, & nullus, antequam perfecti termini ex omnibus proferrentur, a sancto Concilio discederet.* Morem gesserunt Episcopi, qui proinde in sess. 8., quæ complectitur actionem 7. 8., & 9. latinæ editionis direxerunt varias Episcoporum controversias, & primo de jure Metropolitico inter Antiochenum, & Hierosolymitanum Patriarcham, item de Theodoro Episcopo Cyrensi, & Iba Episcopo Edesseno, de quibus inde acerrime disputatum fuit in Concilio Constantinopolitano II., seu Generali V. sub nomine trium Capitulorum. In sequentibus sessionibus 9., 10., & 11., quæ constituunt in latinis editionibus actiones 10., 11., 12., & 13. actum rursus est de Iba Edesseno, de Domino Antiocheno, aliisque Episcopis non paucis. Deventum tandem est ad sessionem 12., quæ postrema esse debebat, atque in ea adum est de Sabiniano Episcopo, quem Dioscorus ab Episcopatu deposuerat, suffecto in ejus locum Athanasio; quibus peractis dissoluta sunt Imperatore consentiente sacra comitia, Legatis Pontificiis, necnon Judicibus abeuntibus. Hic tamen observanda est Anatolii Constantinopolitani Episcopi fraus. Postquam enim Pontificii Legati abscessissent, ipse detinuit nonnullos ex orientalibus Episcopis, quibus eadem die triginta



triginta canones a se editos probandos, confirmandosque proposuit, inter quos numero 28. illum recensuit, quo statuebatur, ut Constantinopolitana Ecclesia secundum locum inter Patriarchales obtineret, quod jam irritato conatu plures ejus Antecessores in Conciliis moliri fuerant, ut obtinerent. Hinc in ista sessione duz continentur actiones, quz vulgo dicuntur decimaquarta, & decimaquinta; Prior presentibus Pontificiis Legatis habita est, altera continet Anatolii gesta post eorundem Legatorum recessum. Visa fuit nimis audax Anatolii ambitio Legatis eisdem Apostolicis, ubi rei gestz consilii facti fuerunt, qui statim sequenti die in novam sessionem ( quz sessio decimatertia, & actio decimasexta appellatur ) conveniunt simul cum reliquis Episcopis adversus Anatolium proponentes querelam, irritam tamen; siquidem post acrem & diuinam concertationem, cui præsertim causam dederat dictus canon 28., itum est ab Episcopis Orientalibus in sententiam Anatolii reclamantibus Pontificiis eisdem Legatis, ac contestationem suam in contrarium Synodalibus actis adjici jubentibus: post quz absoluto Concilio omnes discesserunt.

Hinc motz controversiz plures, quz ad ipsos Pontifices Maximos deducz in causa fuerunt, ut illi ea tantummodo hujus Concilii acta probaverint, quz ad fidem Catholicam adversus hzreses definiendam pertinerent, cetera vero despexerint, quasi nulla Ecclesiarum utilitate exigente, & prater Pontificis Maximi mandatum peracta. Revera ab initio, ubi convocatum Concilium fuit, unica tantum proposita fuerat dirimenda fidei causa, atque hinc, ut nuper agebam, factum est, ut post actionem sextam Episcopi dimitti se postulaverint, quasi absoluta fidei causa, ac proinde etiam perfecto Concilio. Hinc praterea factum est, ut deinceps acta hujus Concilii Chalcedonensis, in ea parte, quz actionem sextam subsequitur, retractata fuerint, atque etiam revocata in Concilio Constantinopolitano II., seu generali quinto, quz sub nomine trium Capitulorum veniebant. Præterea Episcopi quamplures acta hujus Concilii ad Ecclesias suas de more deferentes non nisi sex actiones tulerunt, exemplo Talassii Metropolitæ Cæsareæ Cappadocum, qui rediens Chalcedone ad Ecclesiam suam non tulit, nisi actiones sex, quemadmodum testatur deinde fuit ejusdem successor Alypius. Deinde Pontifices Maximi in suis Constitutionibus alia ex Chalcedonensi Concilio probare noluerunt, quam quz edita fuerant in sex prioribus actionibus, sive quz ad fidei definitiones spectabant; quemadmodum patet ex Epist. 61. Leonis Magni ad Synodum Chalcedonensem scripta, item ex Epist. 55. ad Pulcheriam Augustam; & Pelagius Papa in Epist. 3. ad Episcopos Istriæ ita scribit: *Vigilanti ergo cura respicite, quæ in sexta illius actione sanctæ fidei profisso consummatur, maxque in septima ad institutionem jam fideiæ regula canonum figitur, ulterioribus vero actionibus nihil de causa fidei, sed sola negotia privata versantur.*

Ex his facile adparet, quz debeat esse de actibus Chalcedonensis Concilii sententia. Etenim quotiescumque agatur aut de Divinz Incarnationis mysterio, cujus fides in eodem Concilio explicata est, aut de causis cum eadem fide connexis, qualis erat causa Euthychis, & Dioscori, nullum dubium erit, Synodica hujus Concilii acta vim generalis legis Ecclesiasticæ obtinere. Fuerant hæc capita Pontificia auctoritate præeunte discussa, eadem interveniente definita, eadem demum satisfacente confirmata. At ubi solum ejusdem Concilii actionem excedimus, si-  
milis sane non erit ceterorum statutorum auctoritas. Pertinent potius hæc ad pri-

vatorum causis; quæ ab initio convocationis Concilii Pontifici Maximo propositz non fuerant, quæ deinde apud omnes probari non potuerunt, immo etiam in subsequente Generali Concilio Constantinopolitano retractari debuerunt. Quod etiam magis magisque dicendum est de triginta illis canonibus solius Anatolii Constantinopolitani furtiva quædam obreptione constitutis post recessum Legatorum Pontificiorum, quibus postea & Legati ipsi Pontificii, & iidem Pontifices Maximi resistunt, præsertim si mentio sit de canone 28., ex quo luculentius Constantinopolitani Episcopi ambitus adparebat. Scilicet canones isti nec in ipso Concilio editi sunt, nec Ecclesiastica postmodum auctoritate firmati. Immo suspicantur eruditi, illos editos omnes fuisse ab Anatolio solo, privatim forte conciliis tantummodo uno, aut altero ex ejus fautoribus, & deinde propositos integros ceteris Episcopis post discessum Legatorum, ut ab omnibus, quos dissoluto Concilio facile allicere poterat, probarentur. Quis enim sibi facile persuadere potest uno eodemque die celebratam fuisse actionem 14., in qua post discussiones aliquas causarum, dissolutum Concilium est, deinde vero adhuc tantum temporis remansisse, ut Episcopi in Conventu remanentes novam actionem haberent, ibidemque triginta canones novo studio, & novis rerum discussionibus elucubrarent, quod sane non modicum tempus exigebat, nec poterat unius, aut alterius horz spatio perfici? Quamobrem admodum verosimile est, Anatolium ipsum fuisse canonum illorum Auctorem, qui per dolum & fraudem dein eos Episcopis abituris, & rerum pertractatarum gravitate sessis probandos obtulerit. Quæ si vera sunt, quemadmodum arbitror, nulla propemodum esse debet canonum illorum auctoritas, qui a doloso Episcopo clanculum, & furtim prodierunt, item clam fuerunt a seditiosis ut plurimum Episcopis confirmati, & quorum aliquibus Legati Pontificii postea resistunt, imo etiam ex quibus pax Ecclesiastica disrupta est, atque orta fuit occasio, unde hoc Concilium Chalcedonense integre non probaretur Pontificum Maximorum auctoritate. Nihilo tamen minus ego non iverim inficias quosdam ex dictis canonibus vim maximam obtinuisse apud viros Ecclesiasticos, quod quidem non statim ab initio contigit, sed tum demum cum in aliis Conciliis confirmati fuerunt, aut etiam in publicis canonum collectiones relati; aut apparuit in illis aliorum veterum canonum disciplinam in aliis etiam Conciliis stabilitam contineri. Plures ex Collectoribus, præsertim latinis omiserunt tres canones posteriores, ex eo quod dicti canonis 28. sententia latinis omnibus displicuerit, numerantibus tantummodo canones 27. Chalcedonenses. Præterea observandum est in hisce canonibus aliqua contineri, quæ ad præcedentes ejusdem Concilii actiones pertinent, quod forte ex industria Anatolius fecit, ut facilius Episcoporum apud se remanentium suffragia captaret. Atque in istis, ubi Prioribus Synodicis actionibus conformes sunt, major sane prudentiorum judicio agnosceatur auctoritas.

Hæc omnia necessario observanda erant, antequam deveniretur ad explicanda singula Gratiani fragmenta ex Chalcedonensi Concilio laudata; ne forte capitibus omnino confusis eadem omnibus inesse vis, & potestas videretur. Exordior itaque ab illis, quæ non ab Anatolio dissidente edita sunt, sed pertinent ad Synodicas actiones.

## De Canonibus depromptis ex actionibus Synodi Chalcedonensis.

\* Hujusmodi est in primis canon 2. dist. 96., qui legitur in actione 6. principio, Con. 2.  
dist. 96. suntque verba, quibus Marcianus Imperator alloquutus est Episcopos omnes, eos monens, ut sine ulla formidine fidei dogmata definirent. Cum enim in Ephesino Conciliabulo, quod paullo antea Dioscorus convocaverat, intervenissent quamplures militares viri, quorum impetu, & vi, procurante ipso Dioscoro, universi Episcopi aut in fugam acti sunt, aut ad iniqua subscribenda capitula compulsi, aut etiam ferro cæli, ne Chalcedonenses Patres similia quædam perhorrescerent, optimum duxit, & maxime opportunum Marcianus, qui ad Concillium venerat, blandis verbis eosdem admonere, & de fidei suæ integritate, bonoque animo erga stabilienda dogmata religionis reddere certiores. Ejus igitur hæc verba fuerunt: *Remotis itaque studiis, ablatis patrocinis, cessante avaritia cunctis veritas innotescat. Nos enim ad fidem confirmandam, non ad potentiam aliquam exercendam exemplo religiosissimi Principis Constantini Synodo interesse volumus, ne vel ulterius populi pravis passionibus separentur.* Paulo aliter hæc leguntur apud Gratianum in dicto canone 2., verborum varietate proficiscente potius ex diversitate interpretum Græcæ eloquutionis, quam ex diversitate sententiarum.

In eadem actione 6. prope finem legitur canon 3. dist. 96., ubi scilicet iis omnibus peractis, quæ ad definitionem fidei spectabant, Marcianus optavit, ut non statim dissolverentur sacra comitia, sed ut quædam adhuc disciplinæ Ecclesiasticæ capitula decernerentur. His autem verbis inter cetera Patres Concilii alloquutus est Imperator: *Quædam capitula sunt, quæ ad honorem vestræ reverentiæ vobis servavimus, decorum esse judicantes, a vobis hæc regulariter potius formari per Synodum, quam nostrâ lege sanciri.* Obscura sane quodammodo videretur concilii hujus Gratianei fragmenti interpretatio, nisi sub oculis subjicerentur, quæ nomine quorundam capitulorum Marcianus intellexerit, quæ potius per Synodum formarentur, quam sancirentur Imperiali lege. Porro sunt hæc tria: primum, ut nemo ædificare posset Monasterium, nisi ex Episcopi voluntate, aut nemo ædificaret Ecclesiam in alieno solo, nisi Domino ejusdem soli consentiente. Alterum est, ne Clerici rebus secularibus incumbant, præsertim vero ne fiant prædiorum conductores, aut domuum Laicorum dispensatores. Postremum est, ne Clerici ab Ecclesia, cui additi semel sunt, ad alia loca divertant, neve Episcopi divertentes alienos Clericos in propria Diœcesi suscipiant. Hæc autem Capitula omnia universa Synodus confirmavit, quemadmodum ex integra actione Concilii constare potest. Et quidem re ita clare, perspicueque explicata, jam liquet exinde, quo spectet memorata Marciani sententia in dicto canone 2. dist. 96. Con. 3.  
dist. 96.

## De Capitibus depromptis ex iis canonibus qui editi sunt in actione 15.

Multo plura capita Gratianus descripsit ex iis canonibus, quos privato studio ob dolum & fraudem furtim probandos nonnullis Episcopis proposuit Anatholius Con-

Gen. 6.  
dist. 18.

Constantinopolitanus, quemadmodum superius diximus, quorum propterea qualis esse auctoritas debeat generatim observavimus. Ex his est canon 6. dist. 18., cujus tamen sententia venerabilis esse debet ex eo, quod in illo renovata fuerit vetus illa Nicæni Concilii sanctio, qua statutum erat, ut Concilia quotannis duo celebrarentur in singulis Provinciis. Plures sunt ejus canonis interpretationes, quæ tamen omnes unam exhibent, eandemque sententiam. Unam hic tantummodo referam antiquissimam, quæ est Dionysii Exigui, his verbis expressam. *Pervenit ad aures nostras, quod in Provinciis statuta Episcoporum Concilia minime celebrentur, & ex hoc plurima negligantur Ecclesiasticarum causarum, quæ correctione indigeant. Decrevit itaque Sancta Synodus secundum canones Patrum his in anno Episcopos in idipsum in antiquaque Provincia convenire, quo Metropolitanus Antistes probaverit, & corrigere singula, si qua fortassis emerferint. Quicumque vero non advenerint Episcopi, resident autem in suis civitatibus, & hoc, dum in sua incolumitate consistunt, omnique inexcusabili, & necessaria occupatione probantur liberi, fraterno corripiantur affectu.*

Can. 15.  
dist. 32.

Canon 15. dist. 32. legitur in canone 14. ex Chalcedonensibus, & quidem juxta interpretationem Dionysii Exigui. Gratianus tantum ibidem retulit primam ejusdem canonis partem, in qua definitur Cantores & Psalmistas, ubi uxores ducere ipsis permittitur, a conjugii alterius scilicet mulierum abstinere debere. Consonat id cum Laodicensi can. 10., cujus hæc verba sunt: *Quod non oportet indifferenter apud Ecclesiasticos federe nuptiarum hæreticis suis filios, filiasque conjungere, ex quibus pater & hunc Anatolii canonem veteri disciplinæ Ecclesiasticæ esse conformem. Forte difficultatem movere apud quospiam poterunt ea verba canonis Chalcedonensis: In quibusdam Provinciis; quasi deduci exinde possit olim apud Græcos diversam viguisse disciplinam, ut in quibusdam Provinciis liceret Lectoribus, & Psalmistis conjugia contrahere, quod in aliis Provinciis non liceret. Sane in canonibus, qui vulgo Apostolici nuncupantur, canone 27. generatim permixta conjugia videntur Lectoribus, & Cantoribus, nec in tota antiquitate monumentum adparet, ex quo deducatur, in quibusdam Provinciis eadem fuisse interdicta. Balsamon expendens verba canonis Chalcedonensis ita scribit: In nonnullis quidem, ut est verosimile, Provinciis Lectoribus, & Cantoribus mittebatur matrimonia contrahere, in nonnullis autem id eis præter rationem prohibebatur. At, veni Balsamonis, non est hoc interpretem agere, sed potius Ecclesiasticarum quarundam Provinciarum usum, quem ipse supponebat, omnino carpere, & in illum veluti rationi contrarium declarare. Ego arbitror vestra ætate generatim obtinuisse in omnibus Provinciis, ut Lectores, & Psalmistæ possent matrimonia contrahere; at auctorem canonis Chalcedonensis asseruisse id in quibusdam Provinciis vigere, non ut significaret contrariam aliarum Provinciarum consuetudinem; sed potius ut doceret id in quibusdam Provinciis permixtum esse lege peculiari, & expressa, indicans ea ratione laudatum canonem Concilii Laodicensi, aut canonem 27. ex Apostolicis, qui omnes canones non in generalibus, sed in Provincialibus Conciliis editi fuerant.*

Can. 1.  
dist. 70.

Canon 1. dist. 70. pertinet ad canonem 6. ex Chalcedonensibus, quem Dionysius Exiguus ita interpretatus est. *Nullum absolute ordinari debere Presbyterum, aut Diaconum, nec quemlibet in gradu Ecclesiastico, nisi specialiter Ecclesiæ Civitatis, aut possessionis, aut Martyrii, aut Monasterii, qui ordinandus est, pronuncietur. Qui vero absolute ordinantur, decernit Sancta Synodus, irritam haberi hujusmodi manus impositionem, & nusquam posse ministrare ad ordinantis injuriam. Consonant hæc omnino cum veteri*

vetere disciplina, juxta quam generatim nemo ex Clericis extra Ecclesiam suam vagari poterat, cui ab initio adscribendus erat, quemadmodum deducitur ex can. 15. Concilii Nicæni, eodem fere modo, quo etiam hodie nemo Episcopus ordinatur, nisi qui certæ Episcopali Ecclesiæ præsidere debeat. Hic quidem mos posterioribus Ecclesiæ sæculis paullo exolevit, sed, quoad fieri potuit, renovatus est per Concilium Tridentinum ses. 23. cap. 16. de reformat. Porro si respiciamus ad verba memorati canonis Chalcedonensis, agnosceremus, quadruplicem olim fuisse Ecclesiam, cui Clericus adscribi potuisset; & primo erat Ecclesia *Civitatis*, ea scilicet, quam hodie Cathedralē Ecclesiam appellamus: secundo Ecclesia *possessionis*, seu, quemadmodum alii ex Græco textu interpretantur, *Ecclesia pagi*, quæ Ecclesia eadem est cum Ecclesia Parochiali uniuscujusque loci extra urbem sui, quemadmodum perspicue liquet ex can. 1. cau. 16. qu. 3., ubi rusticæ Parochiæ, & possessiones promiscue sumuntur, sed quibus adparet toto cælo aberravisse a germana sententia canonis Glossographum, qui ad vocem illam *possessionis* ita animadvertit: *idest si ordinatur ad titulum Patrimonii*, quasi Chalcedonensis Concilii tempore inuenta jam fuisset Clericalium Patrimoniorum disciplina, quorum originem vix a sæculo 11. repetendam esse vel hospites in sacra jurisprudentia noverunt. (Ita solet usuvire ut plurimum canonum interpretibus illis, qui veteres canones non juxta veterum mores explicant, sed student potius suis temporibus accommodare, cum non aliud sciant, quam quod ipsi in sua Provincia fieri fuisset oculis viderint.) Tertia erat Ecclesia *Martyrii*; scilicet pius quidam locus, & Religiosus extra Ecclesiam Cathedralē, vel Parochialem, in quo antea erant tumulata cadavera Martyrum, quique ex fidelium cultu in eadem sacram fuerat dedicatus. Quarta erat Ecclesia *Monasterii*; cum enim tum Monachorum nemo sacris ordinibus initiatus esset, ne aut divinis mysteriis carerent, aut cogerentur a solitudine Monasteriorum exire sacrorum causa, cautum erat, ut locus sacer, sive sacrificio destinatus in Monasterio ipso constitueretur, cui addiceretur Clericus, qui sacra faceret. Ad ejusdem canonis interpretationem disputari solet a nostris, num ordinatio facta sine titulo, seu contra hujus canonis formam ita irrita prorsus habenda sit, ut nullum omnino effectum habeat, an vero tantum, ut ajunt, illicita habeatur? Sane clarissima sunt, & maxime perspicua canonis verba, quibus irrita ordinatio declaratur; sed qui de rebus sacris ita differere consueverunt, quasi de rebus physicis, & ex principiis unius philosophiæ, quam Aristotelicam appellantur, sacramenta statim valide collata agnoverunt, ac materia cum forma conjuncta est, paullo aliter ratiocinantur. Verum cum hac Theologorum turba non contentiunt viri eruditissimi, qui noverunt non tam ex verborum prolatione, & rei sensibilis usu, verum etiam ex vi Ecclesiasticarum constitutionum validam Sacramentorum collationem dependere, quemadmodum recte observat, & tradit Morinus in tractatu de SS. Ordinatio exercitatur. 5. cap. 2.

Ex iis canonibus, qui jure tribui possunt Concilio Chalcedonensi, est canon 4. *Can. 4. dist. 71.*; est enim postremus ex illis tribus, qui a Marciano Imperatore ad fidem actionis 6. propositi sunt univærsæ Synodi Patribus, ut probarentur, & quidem hiis verbis expressus. *Clericos in Ecclesia constitutos non licere alterius Civitatis Ecclesiæ deputari, sed permanere illic, in qua ministrare ab initio deputati sunt, extra illos scilicet, qui amissis propriis Provinciis ex necessitate in alienam Ecclesiam transierant. Siqui vero post hanc definitionem Clericum alteri Episcopo competentem susceperit, glaciis*

placuit extra communionem fieri, & cum qui susceptus est, & qui suscepit, donec Clericus, qui abscisset, ad propriam revertatur Ecclesiam. Anatolius, ut forte rem gratam faceret Imperatori, qui hunc canonem antea proposuerat, hunc ipsum canonem inter suos inseruit numero 22., eisdem omnino verbis, quæ habentur in Græcis exemplaribus. Dionysius Exiguus hoc modo est interpretatus. Clericos in Ecclesia ministrantes, sicut jam constituimus, in alterius Civitatis Ecclesia statutos fieri non oportet: sed contentos esse, in quibus ab initio ministrare meruerunt: exceptis illis, qui proprias amittentes Provincias ex necessitate ad aliam Ecclesiam transferunt. Siquis autem Episcopus post hanc definitionem suscepit Clericum ad alium Episcopum pertinentem, placuit & susceptum, & suscipientem communione privari, donec is, qui migraverat, Clericus ad propriam fuerit regressus Ecclesiam. Hæc omnia vetustissimæ disciplinæ consona sunt, quemadmodum deduci facile potest ex canone 15. Concilii Nicæni.

Can. 7. Et quidem rursus eadem disciplina continetur in can. 7. dist. 71., cujus sententia habetur in can. 13. Chalcedonensi his verbis apud Dionysium Exiguum: Peregrinus Clericos, & Lectores in alia Civitate præter commendatitias literas sui Episcopi nunquam penitus ministrare debere. Sunt qui pro ea voce Peregrinos, pro qua Gratianus legit, extraneos, putant legendum esse ignotos, ut sententia sit, tum deum sine commendatitiis literis Clericos Peregrinos non esse recipiendos, quum prorsus ignoti fuerint. Renovata videtur hæc sanctio in Concilio Tridentino scilicet 23. cap. 16. de reformat.

Can. 2. Canon 2. dist. 75., cujus postrema verba Gratianus non integra retulit, ita dist. 75. legitur in canone 25. Chalcedonensi juxta interpretationem Dionysii Exigui. Quoniam quidam Metropolitanorum, quantum comperimus, negligunt commissos sibi greges, & ordinationes Episcoporum facere differunt, placuit Synodo intra tres menses ordinationes Episcoporum celebrari, nisi forte necessitas inexcusabilis præparet tempus dilationis extenti; quod si hoc minime fecerit, correctioni Ecclesiasticæ subiacet: verumtamen redditus Ecclesiæ Viduæ penes æconomum ejusdem Ecclesiæ integri reserventur. Duo itaque in hoc canone statuuntur. Primum est, ut ne ultra trimestre tempus novi Episcopi electio differretur, quod sane veteribus canonibus maxime consonum est, & hodie etiam probatum ex Concilio Tridentino scilicet 23. cap. 2. de reformat.; hoc tamen intercedente discrimine, quod olim electio, confirmatio, & consecratio Episcoporum uno, eodemque tempore fieret, proindeque non ultra tres menses Cathedralis Ecclesiæ vacarent; hodie vero diutius differatur Episcopalis Cathedralis occupatio ob secundam electionem a confirmatione, & secundam confirmationem a consecratione. Alterum est, ut vacanti Ecclesiæ Æconomus constituitur, qui redditus omnes collectos futuro successori reservet. Id menti, ac sententiæ Concilii Chalcedonensis omnino consonum videbatur; etenim in actione 3. cum damnatus esset Dioscorus, & a sua Patriarchali Alexandriz sede depositus, cautum est, ut vacantis Ecclesiæ redditus successori reservarentur.

Can. 26. Duobus in locis descripsit Gratianus canonem tertium Chalcedonensem, videlicet in can. 26. dist. 86., & in can. 1. cau. 21. qu. 3., in quo postremo inscripsit nomen Nicæni, vel Nicolii Episcopi Culusitani in Concilio Carthaginiensi 1. Non moror diutius in investiganda origine Gratiani hujus errati, dum canonis ipsius germanum Auctorem agnovimus. Describam potius verba canonis, prout exstant apud Dionysium Exiguum ibi: *Pervenit ad Sanctam Synodum, quod quidam, qui in*

*Clerici*

Clero videntur allesti, propter lucra turpia conuulsiones alienarum possessionum fiant, & secularia negotia sub cura sua suscipiant; Dei quidem ministerium parvi pendentes, secularium vero discurrantes domos, & propter avaritiam patrimoniorum sollicitudines alijmentes: decrevit itaque sanctum hoc, magnunq; Concilium, nullum deinceps, non Episcopum, non Clericum, vel Monachum aut possessiones conducere, aut negotiis secularibus se miscere, præter populorum, si forte imponant, inexcusabilem curam, aut Civitatis Episcopus Ecclesiasticarum rerum sollicitudinem habere præcipiat, aut orphanorum, & viduarum, earumque, quæ sine ulla provisione sunt, personarum, quæ maxime Ecclesiastico indigent adiutorio, propter timorem Domini causa deponat. Siquis autem transgredi de cetero statuta tentaverit, hujusmodi Ecclesiasticis increpationibus subiacebit. Antiquissima hæc est, & quidem saluberrima constitutio, qua cavetur, ne Clerici a negotiis Ecclesiasticis abstrahantur, quod & in pluribus aliis Conciliis vetustissimis decretum est. Imo & si a Chalcedonensi ipso Concilio recedere non velimus, hoc ipsum caput est unum ex tribus ab Imperatore propositis in eodem Concilio sub finem actionis 6., cujus verba hæc sunt. Quoniam vero aliqui Clericorum, & Monachorum pecunie amore languentes curis mundanarum rerum semetipsos subjiciunt, aut possessionum conuulsiones, aut procuratores constituti, aut in domibus secularium obversantes tanquam dispensatores essent, placuit huic sancto, & Magno Concilio nullum Clericum conducere possessiones, aut procuracionem suscipere, nisi forte ei a proprio Episcopo jubeatur Ecclesiasticarum possessionum habere sollicitudinem. Siquis autem post hanc definitionem aut ipse conducere præsumserit, aut per alium quemlibet hanc curam suscipere, Ecclesiasticæ pœnæ subdatur: Quod si in contentione perstiterit, dignitate privetur. Hæc itaque cum non Anatolii tantum sint, aut ei adhaerentium Episcoporum auctoritate firmata, sed potius ab omnibus Chalcedonensibus Patribus rogante Marciano constituta, tanquam venerabilia Generalis Concilii decreta, eadem recipiemus.

Rursum duobus in locis Gratianus descripsit canonem 26. Chalcedonensem, videlicet in can. 4. dist. 89., & in can. 21. cau. 16. qu. 7., & quidem duos interpretes sequutus est. Ego sane anteferebam semper arbitror, velut antiquissimam, Dionysii Exigui interpretationem, quæ exhibetur in dicto canone 21. cau. 16. qu. 7. Sunt qui putant hoc in canone Chalcedonensi primum fuisse constitutos Æconomos, quorum industria, & sollicitudine uteretur Episcopus in redditibus Ecclesiasticis dispensandis erga Clericos, vel egenos. Verum, si verba ipsa canonis consideraverimus, agnoscemus statim jam tum Æconomorum officia agnita fuisse, cum auctor canonis conqueratur quosdam Episcopos Æconomorum opera uti nolle, quod sane supponit jam Æconomorum munera in usu extitisse. Ego sane arbitror, nullum definiti tempus posse, quo primum ejusmodi Æconomi instituti fuerint; nisi forte generatim quis dicendum existimet occasionem dedisse constitutendis uberioribus fidelium largitates, postquam Imperator Constantinus Ecclesie facultatem concessit bona immobilia possidendi. Cum enim antiquis canonibus Ecclesiastici peculii administratio ad Episcopum pertineret, difficillimum postea visum fuit Episcopis singulos, ubi maxime adausi fuerunt, Ecclesie redditus administrare.

Est minus integer a Gratiano relatus est canon 1. dist. 101., & valde difficilem habere videtur interpretationem apud eos, qui ex historia, sive ex personarum, & temporum adjunctis fragmenta veterum non explicant. Ego in primis integrum canonem ad Dionysii Exigui optima exemplaria reducam. Legitur ille in canone 22. Chalcedonensi his verbis: *Pervenit ad nos, quod quidam præter Ecclesiastica sta-*

Can. 4.  
dist. 89.  
C. 21.  
cau. 16.  
qu. 7.

Can. 1.  
dist. 101.

tuta facientes, convolarunt ad potestates, & per pragmaticam formam in duo unam Provinciam dividerunt: ita ut ex hoc facta duo Metropolitani esse viderentur in una Provincia. Statuit ergo Sancta Synodus de reliquo nihil ab Episcopis tale tentari; alioqui qui hoc admissus fuerit, amissionem gradus proprii subiacebit. Quaecumque vero Civitates litoris Imperialibus Metropolitani nominis honore subnixæ sunt, honore tantummodo perfruantur, & qui Ecclesiam ejus gubernat Episcopus, salvis scilicet veræ Metropolis privilegiis suis. Hujus autem rei definiendæ occasio fuit acerrima controversia, quæ intercessit inter Photium Tyri, & Eulthatium Beryti Episcopos, in actione 4. Concilii Chalcedonenfis acri utriusque partis studio discussa. Erat olim Tyrus Phœniciz Metropolis, cui inter ceteras urbes subiecta erat Berytus; proinde tanquam suo Metropolitz Photio subiectus erat Eulthatius, qui cum ægre ferret se sub illo Metropolita consistere, curavit sese ab eodem eximi hac ratione: Usus erat apud veteres, ut in Ecclesiasticis dignitatibus distribuendis, sive in divisione Ecclesiasticarum Provinciarum, constituendoque Metropolitano jure, idem ordo servaretur, qui etiam servabatur in divisione Provinciarum ab Imperatoribus facta, quemadmodum facile constare potest ex canone 11. Concilii Antiocheni; quemadmodum etiam perspicue constat ex canone 17. Chalcedonenfis ibi: *Siqua vero Civitas potestate Imperiali novata est, aut si protinus innovetur, civiles dispositiones, & publicas Ecclesiasticarum quoque Parochiarum ordines subsequantur.* Itaque Eulthatius precibus ab Imperatore Theodosio impetraverat, ut Phœniciz Provincia divideretur in duas, ut reservata una parte Episcopo Tyri, pars altera sibi adjudicaretur, ut & ipse pari Metropolitz jure, & honore frueretur. Annuerat Theodosius, quod tamen non æquo animo Photius tulit, qui postea ad Marcianum Imperatorem scribens postulavit hanc divisionem Provinciz revocari, utpote quæ dolo & fraude Eulthatii facta fuisset. Marcianus prudentissimus æque, ac piissimus Princeps causam hanc ad Concilium potius dirimendam detulit, volens, ut ei non juxta pragmaticas, sive Principales Provinciarum divisiones, sed potius juxta sacros canones definiretur, ut refertur in actione 4. Concilii Chalcedonenfis. Recitatus fuit in Concilio canon quartus Nicænus, cujus vi adversus Eulthatium pronunciatum est, restitutaque omnia jura Photii Tyrensis, ita ut Eulthatius nihil amplius juris haberet, quam ceteris Phœniciz suffraganeis competeret. En brevi peritricam. disti canonis Chalcedonenfis causam, & originem, ex qua nunc facile dignoscitur ejusdem sententia. Obviam ibidem itum est quorundam Antistitum ambitioni, qui suo Metropolitz morem gerere, aut obedire detrectantes per dolum a Principe obtinuerant divisionem Provinciz; Quamobrem prohibitum est, nequis ulterius simile quidpiam moliretur pœna depositionis indicta. Hucusque itaque dictus canon duodecimus a mente Chalcedonenfium Patrum minime distat, sed potuit cum eadem consonare. Quid vero dicendum est de postremis canonis verbis, in quibus ea clausula legitur, ut quæ Metropoles antea eo modo constitutæ fuissent, adhuc tamen honorem Metropoleos haberent, salvis juribus veræ Metropoleos, idest ut dispensatione quadam earum Episcopi adhuc Metropolitanarum nomine appellarentur? Ego arbitror clausulam hanc fuisse de industria ab Anatolio adjectam, ut faveret Eulthatio (cui sententia Concilii Chalcedonenfis nimis displicuerat) ad eum finem, ut eundem Eulthatium in defendendis Constantinopolitanæ Sedis privilegiis assertorem haberet, eo vel magis quod ipse Anatolius, quemadmodum historici referunt, curaverat apud Imperatorem, ut Eulthatius Metropolitz



politz ſui poteſtatem evaderet; ideoque non eſt verosimile Anatolium diſſoluto Chalcedonenſi Concilio in canones referre voluiſſe Chalcedonenſis Concilii ſententiam adione<sup>4</sup>. pronunciatam, quin adjecta clauſula attemperaret, qua adhuc honorem quendam Euſthatio concedi debere teſtaretur. Perſpicua eſt hzc Anatolii adjectio; nam in adione 4. Concilii Chalcedonenſis, in qua cauſa Euſthatii plene diſcuſſa eſt, atque abſoluta, nihil huiusmodi legitur, nihil honoris ſingularis Euſthatio reſervatum, nihil peculiariter conſtitutum de retinendo Metropolitiz nomine, aut ſimilibus.

Canon 8. cau. 1. qu. 1. legitur in canone 2. ex Chalcedonenſibus, quem confirmavit, aut probavit Alexander Secundus in can. 9. cau. 1. qu. 3. Interpretatio Dionyſii Exigui hiſ verbis exprimitur: *Siquis Episcopos per pecuniam fecerit ordinationem, & ſub pretio vedegerit gratiam, quæ non poteſt vendi, ordinaveritque per pecunias Episcopum, aut Presbyterum, aut Diaconum, aut quemlibet ex hiſ, qui connumerantur in Clero, aut promoverit per pecunias diſpensatorem, aut deſenſorem, vel quemlibet, qui ſubjeſtus eſt regule, pro ſuo turpiſſimi luri commodo, is, cui hoc attemptanti probatum fuerit, proprii gradus periculo ſubjacebit. Et qui ordinatus eſt, nihil ex hac ordinatione, vel promotione, quæ eſt per negotiationem facta, proficiat; ſed ſit alienus a dignitate, vel ſollicitudine, quam pecuniis quaſivit. Siquis vero mediator tam turpibus, & nefandis datis, vel acceptis extiterit; ſiquidem Clericus fuerit, proprio gradu decedat, ſi vero Laicus, aut Monachus, anatematizetur. Itaque mentio Manſionarii, quæ apud Gratianum habetur, apud veteres Interpretes deſideratur. In Græco canone fit mentio de Paramonario, qui forte in editione Gratiani Manſionarius dicitur. Porro Paramonarius apud Græcos ille vocabatur, qui conſtitutus erat Monafterii zconomus, & bonorum Monafteriorum curam gerebat, quemadmodum tradunt Baſilamon, & Zonaras. Præterea de Chorepiſcopis nulla ſit apud veteres Interpretes, & Collectores mentio, quemadmodum ſit apud Gratianum.*

Canon 49. cau. 2. qu. 7., qui eſt vigefimusprimus inter Chalcedonenſes, ita deſcribitur apud Dionyſium Exiguum: *Clericos; aut Laicos accuſantes Episcopos, aut Clericos poſſim, & ſine probatione, ad accuſationem recipi non debere, niſi prius eorum diſcutiatur exiſtimationis opinio. Conſonant hzc cum canone 96. Concilii Carthagenſis IV. ibi: Quærendum in iudicio, cujus ſit converſationis, & ſidei is, qui accuſat, & is, qui accuſatur. Similia præterea jam conſtituta fuerant in Concilio Conſtantinopolitano I. cap. 6.*

In canone 26. cau. 7. qu. 1. legitur canon quintus ex Chalcedonenſibus, quem ita latine interpretatus eſt Dionyſius: *De hiſ, qui tranſmigrant de Civitate in Civitatem, Episcopis, aut Clericis, placuit, ut canones, qui de hac re a Sanctis Patribus ſtaſuti ſunt, habeant propriam firmitatem. Nihil ſane in hoc canone novi ſtatuumdum voluit Anatolius, ſed tantummodo veteres canones confirmandos, videlicet canonem 13. Concilii Antiocheni, in quo decretum fuerat, ut irrita haberentur illorum Episcoporum geſta, qui a ſua Eccleſia in aliam tranſmigraveſſent.*

In can. 21. cau. 11. qu. 1. habemus canonem 18. ex Chalcedonenſibus, quem Dionyſius ſuit interpretatus hiſ verbis: *Conjuratiſ, vel conſpirationis crimen & ab exteris legibus eſt omnino prædibitum: multo magis hoc in Dei Eccleſia ne fiat, admonere conveniet. Siqui ergo Clerici, aut Monachi reperti fuerint conjurantes, aut conſpirantes, aut inſidias ponentes Episcopis, aut Clericis, gradu proprio penitus abſiciantur. Hzc porro eadem retulit Gratianus rurſum in can. 23. eadem cauſa, &*

Can. 8.

cau. 1.

24. 1.

Can. 49.

cau. 2.

qu. 7.

Can. 26.

cau. 7.

qu. 1.

Can. 21.

cau. 11.

qu. 1.

qu. 1.

qu. 1.

qu. 1.

qu. 1.

qu. 1.

qu. 1.

qu. 1.

qu. 1.

qu. 1.

qu. 1.

qu. 1.

qu. 1.

qu. 1.

qu. 1.

qu. 1.

qu. 1.

qu. 1.

qu. 1.

quzitione, forte quod alterius interpretationem ad eundem canonem adjicere voluerit. Quod autem pertinet ad sententiam hujus canonis, vehementer suspicor, eum ab Anatolio ex industria conscriptum fuisse, aut ab ejus sociis qui dolebant, & conquirebantur sibi ceteros Episcopos in Concilio adversari, propterea hoc edito canone ita ceteros adversantes Episcopos reprehendere voluerunt, quasi iidem conspiratione, vel conjuratione facta Anatolio obstitissent.

Can. 46.

can. 11.

qu. 1.

Meretur accuratorem observationem canon 46. cau. 11. qu. 1., qui idem est cum canone 9. ex Chalcedonensibus, ex eo quod ab hæreticis ille proferri passim soleat, quasi optimum, & maximum argumentum ad evertendum Romanæ sedis in universa Ecclesia Primatum. Dabo itaque integram canonis editionem, atque una canonis ejusdem sententiam explicabo. Ita interpretatur Dionysius Exiguus: *Siquis Clericus adversus Clericum habet negotium, non deserat Episcopum proprium, & ad secularia percurrat judicia, sed prius alio ventiletur apud Episcopum proprium, vel certe consilio ejusdem Episcopi, apud quos utraque partes voluerint, iudicium continebunt.* Paulo aliter legunt alii: *Siquis Clericus habet cum Clerico litem, aut negotium, proprium Episcopum ne relinquat, & ad secularia judicia ne excurrat; sed causam prius apud proprium Episcopum agat, vel de Episcopi sententia apud eos, quos utraque pars elegerit, iudicium agatur.* Clarius Josephus Ægyptius in sua Paraphrasi Arabica: *Si contentio inter Sacerdotes acciderit, aut ipsi in aliqua re sibi invicem adversarii fuerint, Episcopos suos non relinquunt, & opem a Principe, aut Iudicibus implent, sed Episcopum de rebus suis certiores faciant, & arbitros inter se constituent jussu Episcopi, deinde acquiescant in eo, quod ipse de illis statuerit.* Prioribus hæc canonis verbis constitutum est, quod in pluribus aliis Conciliis, præsertim Africanis jam decretum fuerat, videlicet ne Clerici sese muris litibus, & contentionibus vexarent; sed, si forte quxdam contentionis occasio suboriretur, potius sine forensi strepitu ad Episcopum confugerent, qui aut per se, aut per electos optimos viros de causa, vel negotio prudens arbitrium ferret. Prosequitur Dionysius Exiguus: *Siquis autem præter hæc fecerit, canonicis correptionibus subjacebit.* Interpretatur Josephus in sua Paraphrasi: *gratu suo decadat.* Hic poena indicitur Clericis, qui forenses potius strepitus, & litium jurgia adamassent, quam prudentia Episcoporum arbitria. Pergit Dionysius: *Quod si Clericus habet causam adversus Episcopum proprium, vel adversus alterum, apud Synodum Provinciæ iudicetur.* Alii legunt: *contra Episcopum suum, vel contra Episcopum alium, querela ista ad Synodum Episcoporum apud Metropolitanum istius loci congregatam referatur.* Hæc sane erat disciplina vetus, ut in Conciliis Provincialibus omnes Episcoporum causæ dirimerentur. Subdit postremo Dionysius. *Quod si adversus ejusdem Provinciæ Metropolitanum Episcopus, vel Clericus habet querelam, petat Primatem Diæceseos, aut sedem Regiæ Urbis Constantinopolitanæ, & apud ipsum iudicetur:* legunt alii: *Si autem cum ipso Provinciali Episcopo, vel Clericus controversiam habeat, Diæcesis Exarchum adeat, vel Imperialis urbis Constantinopolis thronum, & apud eum litiget.* Josephus Ægyptius ita interpretatur in sua Paraphrasi Arabica: *Verum si querela contra Metropolitanam fuerit, ab eo ad Exarchum, cui subest, veniat, & ad Patriarcham in Imperiali Civitate Constantinopoli, & ei querelam suam declaret, & jus suum accipiat.* In hac postrema canonis parte acerrime disputant tum hæretici, tum Catholici Interpretes, alii vim facientes verbis canonis, & alio protrahentes, quam quo voluerit Anatolius, qui canonem ipsum composuit, aliis canonis ejusdem auctoritatem immodice, &

& plusquam decet iactantes. Procaces hæretici ex hoc canone arbitrantur, agniti non fuisse in Concilio Chalcedonensi Romanæ Sedis Primatum, cum in eo Episcoporum causis deduci potius ad Constantinopolitanum, quam ad Romanum Antistitem præcipiatur. Quidam ex Theologis nostris, inter quos est bonus ille Turrianus, qui facile veteribus Scripturis, siue authenticæ fuerint, siue apocryphæ, morem gerunt, & potius infundant in extorquendis sententiis fragmentorum, quam in investiganda illorum auctoritate, ut difficultati ex hoc canone propolite satisficerent, dixerunt nomine *Primatis* *Dioceceses* intelligi debere Romanum Pontificem, quasi nomen *Primatis* totius Ecclesiæ Principem, nomenque *Dioceceses* universam Ecclesiam significet. Qui inter huiusmodi Theologos, & audentes hæreticos medius federit facile iudicabit, istos quidem adversus veritatem, illos autem pro veritate, sed minus recto disputandi genere contendere. Melius pro germana Ecclesiæ Hierarchia contendet, qui agnoscat, undenam canonis huius, qui Chalcedonensis non recte appellatur, repetenda sit origo; ea enim ratione nihil amplius hæreticis superest, quod obijciant, imo & ipsi, si quoque veritatis studio ducuntur, ab huiusmodi argumentationibus facile abstinebunt. Jam superius observavimus, canones huiusmodi editos fuisse ab Anatolio Patriarcha Constantinopolitano viro maxime studioso, qui dissoluto prorsus Concilio, contradicentibus Legatis Pontificis Maximi, (qui sane primas habuerunt in Concilio sedes, & quorum maxima fuit ob Romanæ Sedis dignitatem auctoritas), honorem suum penes quosdam Episcopos augere studuit, suiique Episcopatus sedem præter morem evehere. Neque enim hæreticis ipsis ignotus est Patriarcharum Constantinopolitanorum ambitus, qui nullum non lapidem moverunt, ut quemadmodum in Occidente veteris Romæ Episcopos ceteris præferat, ita in Orientali Ecclesia novæ; ut dicebant, Romæ Episcopus ceteris præficeret. Quid itaque mirum esse potuit, si Anatolius, qui tanta ausus est, hunc canonem ediderit, in quo postulare Episcoporum omnium Orientalium causas ad sedem suam dirimendas, iudicandasque referri? At huiusmodi monumenta ea esse non debent, quæ nobis hæretici ad evertendum Romanæ sedis Primatum obijciant, nisi a nobis hoc audire velint, ipsos ad suas firmandas hæreses nihil aliud adferre posse, quam quod ex callidis quorundam schismaticorum machinationibus, & temerariis ausibus, aut clandestinis comitiis, atque improbatis arripere potuerunt. At si adhuc quispiam Anatolii conatibus morem gerere vellet, quin tamen Pontificis Maximi dignitati, atque auctoritati derogeret, quemadmodum nec Anatolius ipse, ut arbitror, licet ad schismata pronus, derogare Primatui Maximo Romani Pontificis voluit; facile asserere posset Anatolium optasse quidem, ut causæ Episcoporum Orientalium ad Primates Dioceceson deferrentur, vel ad Patriarcham Constantinopolitanum, non quod ipse neminem in Ecclesia sibi superiorem agnosceret, sed quod arbitraretur omisso Primatè Dioceceson potuisse statim Episcopos conveniri in urbe Constantinopolitana, ex eo quod in Constantinopolitano Episcopo generalis quædam Primatis dignitas eniteret in toto Oriente, ut ipse in Episcopatu suo ceterorum Primatum inferiorum officia gerere jure posset.

Can. 43. cau. 12. qu. 2. legitur in canone 22. ex Chalcedonensibus his verbis Can. 43. cau. 12. qu. 2.  
*apud Dionysium Exiguum: Non licere Clericis post obitum sui Episcopi res ad eum pertinentes diripere, sicut antiquis quoque canonibus est constitutum. Quod si hoc facere tentaverint, graduum suorum periculo subiacent.* Facilis est, ac plana canonis huius sententia, cui tamen difficultatem quandam ingerit Paraphrasis Arabica Josephi Ægy-

*Ægyptii, qui hunc canonem ita exhibuit: Non licet Sacerdotibus Episcopi sui divitiis usurpare, quas post se reliquit, cum mortem obiit Dei Opt. Max. iussu, qui vitam, & mortem infert, ipse autem vivus est, qui non moritur; neque res ejus usurpabunt, nisi eas, de quibus Patres loquuti sunt, & mandatum eliderunt. Et si quis eorum istud fecerit, gradu ejiciatur. Quid porro sunt hæc, quæ veteres Patres usurpari permiserant? Generalia sunt paraphrasis verba, tum canonis Chalcedonenfis, in utroque enim loco ad veteres Patres, & prius canones referuntur. Prisci itaque canones, & veterum Patrum sententiæ sunt investigandæ, ut germanam Chalcedonenfis canonis habeamus interpretationem. Ego arbitror huc pertinere canonem 40. alias 39. ex Apostolicis, qui licet vere Apostolorum non sit, continet tamen Græcorum veterum Conciliorum doctrinam, item huc pertinere canonem 24. Concilii Antiocheni, in quibus constitutum est, manifestas esse debere, dum quis Episcopus ordinatur, & res Ecclesiæ, & res ejus familiares, ut eadem res Ecclesiasticæ a familiaribus secerni facile possent, atque Episcopo moriente res tantummodo familiares ad hæredes testamenti scriptos pervenirent, at res Ecclesiasticæ penes Ecclesias remanerent a successore administrandæ. Ex quibus facilis redditur Chalcedonenfis canonis interpretatio, quo prohibentur Clerici, ne res Episcoporum surripiant, nisi eas, quas Sancti Patres usurpari permiserunt. Hoc autem nomen veniunt ex res, quæ ab initio tanquam familiares agnitæ sunt, & a rebus Ecclesiasticis discretæ, quæ poterant ab hæredibus aut legitimis, aut testamentariis communi jure occupari, aut detineri.*

Can. 12. cau. 16. qu. 1. non solum habetur inter canones 30. Chalcedonenses  
 cau. 16. ab Anatolio editos numero 4., verum etiam est ex illis tribus, qui in fine actionis  
 tit. 1. 6. Concilii Chalcedonenfis propositi sunt a Marciano Imperatore, ac communi  
 cau. 10. totius Concilii suffragio firmati; quippe in primo canone ex eisdem tribus ita legi-  
 cau. 18. tur: *Eos, qui vere, & sincere solitariam arripimus vitam, debito honore dignos judi-*  
 cau. 2. *camus. Quoniam vero quidam sub pretextu solitariæ vitæ & Ecclesias, & communes*  
*perturbant causas, placuit nullum quidem edificare Monasterium præter voluntatem do-*  
*mini possessionis; Eos vero Monachos, qui per singulas Civitates sunt, atque Provincias*  
*subjici Episcopo, & quietem amplecti, & intendere solum jejunio, & orationi, & neque*  
*ecclesiasticis, neque publicis importunos rebus existere, nisi forte jubeatur eis propter ne-*  
*cessariam causam ab Episcopo Civitatis. Sed neque potestatem habere Monachos susci-*  
*piendi in Monasteriis suis servos, aut inscriptitios præter voluntatem dominorum. Hanc*  
*igitur integram Concilii Chalcedonenfis sententiam, licet verbis aliquibus paulo*  
*immutatis, retulit inter canones 30. numero 4. Anatolius, cujus verba ex inter-*  
*pretatione Mercatoris, mutilata tamen, retulit Gratianus in dicto canone 12., quem*  
*propterea supplere juvabit ex integra Dionysii Exigui editione. Ita interpretatus est*  
*Dionysius. Qui vere, & sincere singularem sectantur vitam, competenter honorentur;*  
*Quoniam vero quidam ucentes habitu Monachi, Ecclesiastica negotia, civiliaque contur-*  
*bant, circumventes indifferenter urbes, necnon & Monasteria sibi infringere tentantes,*  
*placuit nullum quidem usquam edificare, aut constituere Monasterium, vel orationis do-*  
*mus præter conscientiam Civitatis Episcopi. Monachos vero per unamquamque Civi-*  
*tatem, aut regionem subiectos esse Episcopo, & quietem diligere, & intentos esse tantum-*  
*modo jejunio, & orationi, in locis, quibus renunciaverunt sæculo, permanentes. Nec*  
*Ecclesiasticis vero, nec secularibus negotiis communicent, vel in aliquo sint molesti, pro-*  
*prio Monasteria deserentes, nisi forte his præcipiatur propter opus necessarium ab Epis-*  
*copo*

epo Civitatis. Nullum vero recipere in Monasteriis servum obentu Monachi, præter  
 sul Domini conscientiam. Transgredientem vero hanc definitionem nostram excommunica-  
 tum esse decrevimus, ne nomen Dei blasphemetur. Verumtamen Episcopum convenis  
 Civitatis competentem Monasteriorum providentiam gerere. Huic constitutioni saluber-  
 rimæ occasionem dederant ignoti quidam homines, & vagi monachali habitu in-  
 duti, qui Monasticam vitam adfectantes circumibant Urbes, ea specie, ut nova  
 Monasteria construerent, Monachos facerent, atque ita sæpe sæpius Civitates, alia-  
 que loca turbabant, quemadmodum clarius explicat Iosephus Ægyptius in sua Pa-  
 raphrasi Arabica; optime propterea caveri decebat, ne aliqua amplius sine voluntate,  
 & consensu Episcopi Monasteria erigerentur, item ut Monachi ab Episcopi potius  
 potestate, atque iurisdictione penderent. Eundem canonem Gratianus etiam retulit in  
 can. 10. cau. 18. qu. 2., usque ad §. Clerici in prochiis; cuius tamen canonis  
 verba cum non integra ibidem describantur, ex iis, quæ diximus, suppleri omnino  
 debent. Quæ sequuntur in §. Clerici in prochiis, usque ad illa verba: *communione*  
*priventur*, pertinent potius ad canonem 8. ex Chalcedonensibus, quem Gratianus  
 ex alterius cuiuspiam interpretatione aliter descriptum statim subiecit in §. Clerici,  
 qui pauperum. En interpretationem Dionysii Exigui ad eundem canonem 8. Chal-  
 cedonensem. Clerici, qui præficiuntur prochiis, vel qui ordinantur in Monasteriis, &  
 Basilicis martyrum, sub Episcoporum, qui in unaquaque Civitate sunt, secundum San-  
 ctorum Patrum traditiones, potestate permanent, nec per consummatam ab Episcopo suo  
 dissilant. Qui vero audens evertere huiusmodi formam quocunque modo, nec proprio  
 subiiciuntur Episcopo; si quidem Clerici sunt, canonum correptionibus subiacent; si vero  
 Laici, vel Monachi fuerint, communione priventur. Quæ sane constitutio non recens  
 fuit ab Anatolio edita; sed jam veteribus canonibus probata erat, quemadmodum  
 diximus ad canonem 4., & 7. dist. 71.

Canon 17. cau. 16. qu. 1. jam ex Græcis exemplaribus optime restituerunt Can. 17.  
 Correctores Romani; est enim is canon 23. ex Chalcedonensibus adversus nonnul- cau. 16.  
 los vagantes Monachos constitutus. Atque ex isto canone jam colligi potest, pec- qu. 1.  
 culiare fuisse munus Defensorum Ecclesiasticorum, ut vagantes Monachos Episco-  
 pali, qua fungebantur, auctoritate, ab urbibus pellerent, & in sua Monasteria revo-  
 carent. Quod maxime etiam convenit cum canone 12. cau. 16. qu. 1., quem su-  
 perius expendimus; ac propterea licet hic canon 17. vere Anatolium Auctorem  
 habeat, videtur tamen Chalcedonensium Patrum menti conformis, qualem exhi-  
 buimus in dicto canone 12.

Canon 1. cau. 16. qu. 3. laudatur apud Gratianum nomine Concilii Chalcedo- Can. 1.  
 nensis, Gelasii Papæ, & Concilii Toletani. Inter canones Chalcedonenses legitur cau. 16.  
 num. 17., ubi tamen Dionysius Exiguus ita interpretatus est: *Singularum Ecclesia-* qu. 3.  
*rum rusticarum Parochias, vel possessiones manere inconcussas illis Episcopis, qui eas retinere*  
*viscuntur, & maxime, si per tricennium eas absque vi obtinentes, sub dispensatione re-*  
*verunt; quod si intra tricennium facta fuerit de his, vel fiat altercatio, licere eis, qui se*  
*Iustos asserunt, apud Sanctam Synodum Provinciæ de his movere certamen. Quod si quis*  
*a Metropolitano leditur, apud Primatem Diæceseos, aut apud Constantinopolitanam se-*  
*dem iudicetur, sicut superius dictum est. Si qua vero Civitas potestate Imperiali novata*  
*est, aut si protinus innovetur, civiles dispositiones, & publicas, Ecclesiasticarum quoque Pa-*  
*rochiarum ordines subsequantur. Tria quodammodo in hoc canone decreta junguntur.*  
 Primum de tricennali possessione in rebus Ecclesiasticis recipienda, quod sane ve-  
 teribus

teribus canonum constitutionibus consonat, præsertim Toletano Concilio in can. 2. cau. 16. qu. 5., & Gelasio Pontifici in can. 2. cau. 16. qu. 3., quorum nomina Gratianus propterea laudavit in inscriptione hujus canonis 1. cau. 16. qu. 3. Alterum decretum est de appellatione ad Primatem Diocesanos, aut Patriarcham Constantinopolitanum. Verum hic rursus animadvertenda erunt, quæ superius fusiore oratione tradidi ad canonem 46. cau. 11. qu. 1., quem sane Anatolii ambitio ediderat, & ad quem Anatolius sese refert in verbis illis: *sicut superius dictum est*. Quamobrem unusquisque facile agnoverit, qualis sit hujusce canonis auctoritas in hac parte. Tertium decretum pertinet ad divisionem Ecclesiasticarum Parochiarum (idest Diæceson; etenim apud Græcos idem erat Parochia, quod Diæcesis), quæ juxta divisionem civilium Provinciarum facienda sit; atque hac in parte rursus agnoscere juvat nova molimina Eusthatii Episcopi Berytensis in Concilio damnati, quemadmodum adnotabam ad canonem 1. dist. 101., cum enim Eusthatus a Tyrio Metropoli se se eximere volens curasset, ut Imperiali auctoritate a Tyro sua Provincia divideretur, ideo & hoc statuendum ab Anatolio curavit, ut unusquisque divisiones Parochiarum Ecclesiasticarum a divisione Provinciarum civilium dimitteretur. Jurabit conferre hunc canonem 17. Chalcedonensem cum canone 12., quem retuli superius ad dictum canonem 1. dist. 101.; etenim in can. 17. definitur, Provinciarum Ecclesiasticarum divisionem sequi debere distributionem Provinciarum civilem; at in canone 12. prohibetur, ne Episcopi ambitus causa curent Provincias ab Imperatore dividi, ne superbia potius elati, quam ex utilitate Ecclesiastica novas Metropoles possidere desiderent. Itaque in canone 17. forma divisionis Provincialis Ecclesiasticæ traditur, in canone 12. Episcoporum ambitus reprehenditur, ac damnatur. Sed quid amplius immeror in hac explicandi Chalcedonensis canonis parte, in qua agnoscuntur schismaticorum Episcoporum animi, & industria, videlicet Anatolii, & Eusthatii, quorum prior optabat Primatum totius Orientis, alter honorem Metropoliticum in præjudicium aliorum Orientis ejusdem Episcoporum?

Can. 4.  
cau. 19.  
qu. 3.

Canon 4. cau. 19. qu. 3. est vigesimusquartus inter Chalcedonenses, & quidem juxta interpretationem Dionysii Exigui, dummodo pro illis verbis Gratiani: *Qui vero permiserint hoc fieri, subjaceant his condemnationibus, quæ per canones constituta sunt*, ita legamus: *qui vero hoc fieri permiserint, canonum sententiis subjacebunt*. Basiliensis hunc canonem interpretatus quærit, quænam ex pœnæ sint, quæ per canones infliguntur; ac respondet esse pœnam excommunicationis in Laicis, & pœnam depositionis in Clericis. Iosephus Ægyptius in sua Paraphrasi ita exponit: *Quicumque Monasterium aliquod sibi domicilium constituerit, aut illud cognoverit, & non mutaverit, anathematizatus sit, & maledictus*. Forte hoc in loco ratio habita est canonis 24. Concilii Antiocheni, in quo constitutum est, ut res Ecclesiasticæ ab Episcopis integræ servarentur, adjecta hac pœna: *ne post obitum maledictionibus ingraventur*.

Can. 3.  
cau. 20.  
qu. 3.

Adiungitur illarum rerum, quæ semel in Ecclesiis, aut Monasteriis Deo consecrata alienari amplius nequeunt, ita etiam personarum, quæ semel in Monasteriis, aut Ecclesiis se Deo voverunt, nequeunt ex sententia sacrorum canonum ad secularem vitam redire, quemadmodum dicitur in canone 7. Chalcedonensi, quem retulit Gratianus in can. 3. cau. 20. qu. 3., qui apud Dionysium Exiguum ita legitur: *Qui semel in Clero deputati sunt, aut Monachorum vitam expetiverunt, statimur ne*

que ad militiam, neque ad dignitatem aliquam venire mundanam, aut hoc tentantes, & non agentes poenitentiam, quo minus releant ad hoc, quod propter Deum primitus elegerunt, anathematizari. Iuxta hanc veterem disciplinam, juxta quam Clerici semel Ecclesiis addicti, licet in minoribus ordinibus constituti, resilire amplius non poterant, quam consuetudinem perdurasse usque ad sæculum Ecclesie 13. erudite demonstrat Thomastius de disciplina Ecclesiastica parte 4. lib. 2. cap. 5., quam ad rem videri etiam potest novella Justiniani 123. cap. 15., & Epistola 17. S. Ambrosii. Alii sunt nostrorum temporum mores, juxta quos quotidie observamus Clericos in minoribus ordinibus constitutos ab officiis Ecclesiasticis omnino ex propria voluntate recedere. Concilium tamen Tridentinum, quoad fieri per tempora potuit, veterum doctrinam renovare studens, illud maxime Episcopis commendavit, ut quoties Clericos ordinaturi sunt, tales eligant, quos spes assilgeat fore Ecclesiasticis muneribus perpetuo adhaeruros.

Ex eodem canone 10. Chalcedonensi referuntur duo canones apud Gratianum, Con. 2.  
cau. 21.  
qu. 1. &  
can. 3.  
cau. 11.  
qu. 2. videlicet canon 2. cau. 21. qu. 1. & canon 3. cau. 21. qu. 2., quorum verba ita emendanda sunt, jungendaque ex interpretatione Dionysii Exigui: *Non licere Clericum in duarum Civitatum conscribi simul Ecclesiis, & in qua initio ordinatus est, & ad quam confugit, quasi ad patriam, ob inanis gloriæ cupiditatem. Hoc autem facientes revocari debere ad suam Ecclesiam, in qua primitus ordinati sunt, & ibi tantummodo ministrare. Si vero jam quis translatus est ex alia in aliam Ecclesiam, prioris Ecclesie, vel Martyriorum, quæ sub ea sunt, aut Prochorum, aut Xenodochiorum rebus in nullo communicet. Eos vero, qui aſſi fuerint post definitionem magnæ, & universalis hujus Synodi, (sunt hæc Anatolii verba callide apposita, ut hoc modo canonibus suis auctoritatem conciliaret) quicquam ex his, quæ sunt prohibita, perpetrare, decrevit Sancta Synodus a proprio hujusmodi gradu recedere. Sunt qui difficilem agnoscent canonis hujus sententiam in eo, quod initio dicatur, Clericos ad aliam Ecclesiam divertentes revocandos esse, ut ministrent in ea Ecclesia, in qua primum ordinati fuerunt; deinde vero in fine ejusdem canonis definiatur, eos a gradu suo deiciendos, ac deponendos esse. Græci Interpretes putant se satisfecisse, ajendo Clericos ab una ad aliam Ecclesiam transmigrantes deponendos quidem esse, non tamen, in utraque Ecclesia, sed tantum in posteriore, ad quam diverterant. Verum hæc ut mihi videtur, pœna non est divertentium Clericorum, sed constitutio ipsa, qua cavetur Clericos hujusmodi reverti debere ad Ecclesiam, a qua recesserunt. Præterea multo aliter, quam Græci Interpretes asserere velint, statutum agnosco in canone 15. ex Apostolicis, qui licet vere non sit Apostolorum, veterum tamen Sanctorum Ecclesie Patrum continet disciplinam; etenim de Clerico de una in aliam Ecclesiam transiente ita ibidem decernitur: *Hunc ulterius ministrare non patimur . . . Verumtamen tanquam Laicus ibi communicet.* Ego sane, ut candide loquar, non probaverim conatus illius, qui vellet canonis hujus sententiam conciliari: Cujus enim interest, hosce canones ab Anatolio schismatico viro conditos, ab Ecclesia ab initio improbatos, & nonnisi a seditiosis hominibus receptos, ita apparere prudenter sapienterque conditos, ut omnia in ipsis recte consonare, & congruere videantur? Digerat qui vellet, & abundant inani otio hujusmodi capita.*

In canone 14. cau. 25. qu. 1. habemus canonem 1. ex Chalcedonensibus, Con. 14.  
cau. 25.  
qu. 1. hęc verba sunt apud Dionysium Exiguum: *Regulas a Sanctis Patribus in unaquoque Synodo usque nunc prolatas teneri statuimus.* Ex his vulgo creditum est, in Concilio

Tom. I.

P p

Chal-

Chalcedonenſi confirmatos fuiſſe canones non ſolum in tribus antecedentibus Conciliis generalibus conſtitutos, verum etiam definitos in aliis Conciliis Provincialibus, videlicet Ancyrano, Neoczfareenſi, Gangrenſi, Antiocheno, & Laodicensi. Verum hæc optime quidem affererentur, ſi dictus canon primus non Anatolii eſſet, aliorumque Episcoporum ſchiſmati Anatolii adhzrentium, ſed revera a Concilio Chalcedonenſi fuiſſet editus. Non iverim tamen inſicias eorundem Conciliorum maximam ſemper fuiſſe apud omnes, præſertim veteres, auctoritatem.

Can. 12.  
& 22.  
cau. 27.  
qu. 1.

Canonem 16. ex Chalcedonenſibus duobus in locis deſcripſit Gratianus diverſas ſequutus interpretationes, videlicet in can. 12. & 22. cau. 27. qu. 1., in dicto tamen canone 12. laudavit ex Concilio Triburienſi, falſo tamen, quemadmodum jamdiu obſervarunt Romani Correſtores. Quod ibi decretum eſſe videtur Monachos, vel Virgines Deo dicatas non poſſe nuptias contrahere, poſt contractas tamen poſſe in iſtis conſiſtere ex venia Episcopali, conſonar cum nonnullorum opinione, qui cum Baſilio Pontio de matrimonio lib. 7. cap. 17. arbitrantur, nullum canonem declaraffe irritum matrimonium contractum a Monacho, vel Sanctimoniali etiam poſt votum Religionis emiſſum, agte canonem 7. Concilii Romani ſub Innocentio II. anni 1139., quem Gratianus retulit in can. 40. cau. 27. qu. 1. Interpretatio Dionyſii Exigui ad dictum canonem 16. ex Chalcedonenſibus hæc eſt: *Virginem, quæ ſe Deo Domino confecravit, ſimiliter & Monachum, non licet nuptialia jura contrahere: quod ſi hoc inventi fuerint perpetrantes, excommunicentur. Conſentibus autem decrevimus, ut habeat auctoritatem ejuſdem loci Episcopus miſericordiam, humanitatemque largiri.*

Can. 23.  
cau. 27.  
qu. 1.

In canone 23. cau. 27. qu. 1. legitur canon 15. ex Chalcedonenſibus, his verbis expoſitus a Dionyſio Exiguo: *Diaconiſſam non ordinandam ante annum quadrageſimum, & hanc cum ſummo libramine. Si vero ſuſcipiens manus impoſitionem, & aliquantum temporis in miniſterio permanens ſemetipſam tradat nuptiis, gratiæ Dei contumeliam faciens, anatematizetur hujusmodi cum eo, qui eidem copulatur. Ceteræ latinæ interpretationes omnino conveniunt. Diaconiſſæ apud veteres ut plurimum Viduæ, aut Virgines erant, quarum munus erat præſto eſſe mulieribus in Eccleſiaſticis miniſteriis, quemadmodum viris adſitebant Diaconi. Hinc Diaconiſſæ Cathecumenas feminas privatim inſtruebant, neceſſaria indigentibus feminis miniſtrabant, forte etiam feminis baptizandis aderant, vel dum immergerentur in fontem, vel dum e fonte baptizatz reciperentur. Veteres autem primum conſtituerunt, munus hoc Diaconiſſarum nonniſi quinquagenariis feminis demandandum eſſe l. 9. Cod. de Episcopis, & Clericis, novella 6. cap. 6., deinde tamen viſa fuit ſufficiens ætas annorum 49. ex Concilio Agathenſi can. 19., & novella Juſtiniani 123. cap. 13., per quam abrogata fuit dicta novella 6. Quæ ſi vera ſunt, ego facile in ſuſpicionem adducor, ut credam olim in hoc canone Chalcedonenſi expreſſum fuiſſe annum 50., ſed poſtea ab interpretibus, aut Collectoribus loco anni 50., ſuſcepum fuiſſe quadrageſimum, ut canonem hunc Chalcedonenſem novæ diſciplinæ accommodarent. Et revera hæc ſuſpicionem magis urget, quod ad eundem canonem ait Joſeph Ægyptius in ſua Paraphraſi his verbis: *Mulier Eccleſiæ miniſtra ne conſtituatur, priuſquam anni quadragina ei elapſi fuerint: neque etiam conſtituatur, niſi poſt multum, & accuratum ſcrutinium, quod menſtrua ei ceſſarunt, & quod ipſa concupiſcentia non laborat.**

Demum



Demum in can. 1. cau. 36. qu. 2. legitur canon 27. Chalcedonensis, & quidem ex interpretatione Dionysii Exigui eisdem omnino verbis.

Can. 1.  
cau. 36.  
qu. 2.

## De Fragmentis falso per Gratianum adscriptis Concilio Chalcedonensi.

Unum adhuc fragmentum superest, quod apud Gratianum nomine Concilii Chalcedonensis refertur in can. 2. cau. 30. qu. 4., falso tamen; nihil enim simile aut legi potest, aut pertractatum est in Chalcedonensi Concilio. Adnotarunt jam Romani Correctores, illum canonem haberi in quodam penitentiali incerti auctoris. Illud sane est penitentiale Romanum, quod edidit Antonius Augustinus, de quo suo loco mihi agendum erit; in eo autem penitentiali idem fragmentum habetur tit. 8. cap. 15., & quidem nomine Concilii Chalcedonensis inscriptum, quamquam Antonius Augustinus ad marginem ibi adnotaverit: *Non extat.* Ego autem arbitrator, siue Gratianum, siue auctorem ejusdem penitentialis depromsisse canonem ex Concilio aliquo Gallicano sæculi circiter 7., aut 8., etenim ex ætate frequentissimæ erant in Galliis incestus pollutiones, præsertim ob commixtionem barbararum gentium, quæ tunc illas Provincias occupaverant, ut proinde opus fuerit tum, pluribus canonibus ad hanc rem editis gliscenti malo gravissimo remedium adferre, quemadmodum constat tum ex Concilio Agathensi can. 61., tum Epæonensi can. 30., Aurelianensi III. can. 10., Arvernensi can. 2., Aurelianensi IV. can. 27., & Turonico II. sub Chariberto Rege cap. 22., ut omittam quamplura Regum Francorum Capitularia. Plurimum autem cum Gratiano Canone convenire videntur canones 53. 55., & 56. Concilii Moguntini anni 813., siquidem in can. 53. ita legitur: *Ut Episcopi incestuosos pariter investigare studeant, omnino præcipimus. Et si pœnitere noluerint de Ecclesia expellantur, donec ad pœnitentiam revertantur.* In canone 55. Nullus igitur proprium filium, vel filiam de fonte baptismatis suscipias, nec filiolam, nec commatrem ducas uxorem, nec illam, cujus filium, aut filiam ad confirmationem duxerit. Et in can. 56. Siquis uxorem viduam duxerit, & postea cum filiastra sua fornicatus fuerit, seu duabus sororibus nupserit, aut si qua duobus fratribus nupserit, seu cum patre, & filio, tales copulationes anathematizari, & disjungi præcipimus, nec unquam amplius conjugio copulari, sed sub magna districtione fieri. Horum canonum sententiam ex Concilio Moguntino laudat etiam Rhabanus in Epist. ad Heribaldum, quæ est instar penitentialis, sed verba canonis latius expendens pœnam incestuosus subiecit, ut scilicet, postquam per annum ab Ecclesiæ ingressu abstinuerint, per annos octo inter penitentes Deo, & Ecclesiæ satisfaciant. Ex hac Rhabani sententiâ junctis Moguntinis canonibus compositus videtur Gratianus canon, siue fragmentum illud penitentialis Romani apud Antonium Augustinum. Atque exinde etiam non est difficile percipere, quomodo in eundem canonem Chalcedonensis Concilii inscriptio irrepserit: puto enim potius olim adscriptum fuisse nomen Concilii Cabilonensis, quod solebat pro Moguntino sæpissime accipi, quemadmodum suo loco dicemus; at ex nomine Cabilonensis Concilii facile scribi potuisse nomen Concilii Chalcedonensis ex quadam literarum, & votis similitudine, unusquisque commode dignoscit.

## CAPUT

## CAPUT XXIII

## De Concilio Agathensi.

En Canones Concilii Agathensis apud Gratianum.

- Can. 13. dist. 18. consonat cum vulgatis Concilii exemplaribus.  
 Can. 22. dist. 23. consonat cum vulgatis Concilii exemplaribus.  
 Can. 30. dist. 23. referendus potius ad Concilium Laodicenum.  
 Can. 19. dist. 34. consonat cum vulgatis exemplaribus Concilii post Romanam emendationem.  
 Can. 9. dist. 35. consonat cum vulgatis Concilii exemplaribus.  
 Can. 7. dist. 50. ad canones Epaonenſis Concilii exigendus.  
 Can. 21. dist. 50. consonat cum vulgatis Concilii Agathensis exemplaribus.  
 Can. 63. dist. 50. consonat cum vulgatis Concilii Agathensis exemplaribus.  
 Can. 64. dist. 50. potius Reginoni Prumiensi adscribendus.  
 Can. 5. dist. 74. ex vulgatis Concilii exemplaribus emendandus.  
 Can. 6. dist. 77. fere consonat cum vulgatis Concilii exemplaribus.  
 Can. 25. dist. 86. potius depromptus ex Novellis Justiniani.  
 Can. 7. dist. 87. consonat omnino cum vulgatis Concilii exemplaribus.  
 Can. 9. dist. 90. fere consonat cum vulgatis Concilii exemplaribus.  
 Can. 10. cau. 1. qu. 2. parum, aut nihil accommodatus proposito Gratiani.  
 Can. 12. cau. 2. qu. 5. tribui nullo modo potest Agathensi Concilio.  
 Can. 8. cau. 5. qu. 6. jungendus can. 17., & 47. cau. 11. qu. 1.  
 Can. 29. cau. 7. qu. 1. pertinet potius ad Concilium Arvernense anni 535.  
 Can. 1. cau. 10. qu. 2. jungendus can. 3. cau. 10. qu. 2. vers. quod si necessitas.  
 Can. 17. cau. 11. qu. 1. emendandus ex optimis Concilii exemplaribus.  
 Can. 47. cau. 11. qu. 1. idem est cum can. 17. cau. 11. qu. 1., & eodem modo emendandus.  
 Can. 8. cau. 11. qu. 3. ex integris Concilii exemplaribus emendandus.  
 Can. 19. cau. 12. qu. 1. consonat cum canonibus Conciliorum sexti sæculi.  
 Can. 32. cau. 12. qu. 2. ex integris Concilii exemplaribus supplendus.  
 Can. 33. cau. 12. qu. 2. ex integris Concilii exemplaribus emendandus.  
 Can. 34. cau. 12. qu. 2. ex integris Concilii exemplaribus emendandus.  
 Can. 35. cau. 12. qu. 2. consonat cum sententia Concilii Agathensis, & jungendus cum can. 56. cau. 12. qu. 2.  
 Can. 36. cau. 12. qu. 2. est potius Concilii Epaonenſis anni 517.  
 Can. 53. cau. 12. qu. 2. emendandus ex vulgatis Concilii exemplaribus.  
 Can. 54. cau. 12. qu. 2. consonat cum vulgatis Concilii exemplaribus.  
 Can. 56. cau. 12. qu. 2. jungendus cum can. 35. cau. 12. qu. 2.  
 Can. 57. cau. 12. qu. 2. jungendus cum can. 1., & 3. §. ult. cau. 10. qu. 2.  
 Can. 3. cau. 12. qu. 3. fere consonat cum vulgatis Concilii exemplaribus.  
 Can. 3. cau. 12. qu. 4. est potius Concilii Epaonenſis anni 517.  
 Can. 5. cau. 12. qu. 5. est potius Concilii Epaonenſis anni 517.

Can. 11.

- Can. 11. cau. 13. qu. 2. consonat cum vulgatis Concilii exemplaribus.  
 Can. 4. cau. 14. qu. 3. potius ex Capitularibus Caroli Magni.  
 Can. 2. cau. 14. qu. 4. potius ex Concilio Arelatensi I.  
 Can. 33. cau. 16. qu. 1. jungendus cum can. 12. cau. 18. qu. 2., & can. 3. cau. 20. qu. 4.  
 Can. 11. cau. 16. qu. 3. pertinet potius ad Concilium Epaonense, ex quo emendandus.  
 Can. 40. cau. 17. qu. 4. potius est Concilii Epaonensis anni 517.  
 Can. 12. cau. 18. qu. 2. jungendus cum can. 33. cau. 16. qu. 1., & can. 3. cau. 20. qu. 4.  
 Can. 13. cau. 18. qu. 2. potius est Concilii Epaonensis anni 517.  
 Can. 23. cau. 18. qu. 2. consonat cum vulgatis Concilii exemplaribus.  
 Can. 3. cau. 20. qu. 4. jungendus cum can. 33. cau. 16. qu. 1., & can. 12. cau. 18. qu. 2.  
 Can. 4. cau. 21. qu. 1. est potius Concilii Epaonensis anni 517.  
 Can. 1. cau. 21. qu. 5. ex optimis Concilii exemplaribus emendandus.  
 Can. 6. cau. 26. qu. 5. consonat cum vulgatis Concilii exemplaribus.  
 Can. 3. cau. 26. qu. 6. ex integris Concilii canonibus emendandus.  
 Can. 14. cau. 28. qu. 1. consonat etiam cum Concilio Melensi anni 845.  
 Can. 16. cau. 28. qu. 1. potius ex Concilio Laodicensi, ex quo erit emendandus.  
 Can. 8. cau. 35. qu. 2. jam a Romanis Correctoribus restitutus auctoribus suis.  
 Can. 32. de conf. dist. 1. consonat cum vulgatis Concilii exemplaribus.  
 Can. 35. de conf. dist. 1. fere consonat cum vulgatis Concilii exemplaribus.  
 Can. 64. de conf. dist. 1. consonat cum vulgatis Concilii exemplaribus.  
 Can. 19. de conf. dist. 2. consonat cum vulgatis Concilii exemplaribus.  
 Can. 9. de conf. dist. 3. ex melioribus Concilii exemplaribus emendandus.  
 Can. 56. de conf. dist. 4. consonat cum vulgatis Concilii exemplaribus.  
 Can. 93. de conf. dist. 4. consonat cum vulgatis Concilii exemplaribus.  
 Can. 13. de conf. dist. 5. fere consonat cum vulgatis Concilii exemplaribus.

Cum universa propemodum Europa circa finem quinti sæculi Gothorum, & Vandalorum incurfis vastaretur, non tantum bene constitutz Romani Imperii leges, verum etiam Ecclesiastici canones in desuetudinem quodammodo abiisse videbantur. Etenim Gothi, Gothisque adhzrentes populi consuetudinibus potius pro libito invecis, quam scriptis legibus vivere adamabant. Primus fuit Euricus Theodorici Filius, qui ubi plurimas Hispaniarum, & Galliarum Provincias occupavit, legum scriptarum formulas induci passus est, quemadmodum testatur S. Isidorus Hispalensis in chronico Gothorum his verbis ad xram 504. Sub hoc Rege (scilicet Eurico) Gothi legum instituta scriptis habere ceperunt, nam antea tantum moribus, & consuetudine tenebantur. Itaque constitutis legibus ad rectum civile regimen pertinentibus, sacri quoque Antilitis facile sibi paratam esse occasionem agnoverunt, ut & ipsi ad renovandam Ecclesiasticam disciplinam pene lapsam legibus scriptis animum, mentemque converterent; præsertim quod tunc novis institutionibus opus esse videbatur, cum nonnulli ex Gothis recens fidem amplexati fuissent. Quamobrem sub Rege Alarico memorati Eurici filio anno 506., solemne in Galliis celebratum fuit Concilium in Agathensi Civitate, Cæsario Arelatensi Episcopo ceteros

Epis-

Episcopos Galliarum convocante, & quidem consentiente Alarico, qui & omnem auctoritatem suam interpositurum ad munimen, & tutelam sacrorum canonum spondit, uti constat ex praefatione, quae Concilio huic adjecta in exemplaribus Conciliorum legitur. Praefuit toti Concilio Caesarius idem Arelatenfis; accefferant autem Episcopi numero quatuor supra triginta, qui omnes vel per se, vel per Vicarios suos Concilio subscripserunt. Numerus canonum in hoc Concilio editorum in vulgatis exemplaribus extenditur usque ad septuaginta: sed revera non amplius, quam 47. canones in hoc Concilio constitutos fuisse eruditissimi viri ex optimis codicibus testantur, inter quos est Labbeus, & ante Labbeum Surius, & Sirmondus, observantes in veteribus MSS. Codicibus tantum haberi 47., ceteros vero adiectos fuisse recentiore manu ex Conciliis posterioribus Gallicanis, praesertim vero ex Concilio Epaonensi. Quod si de hujus Concilii auctoritate quaeratur, fatentur eruditi omnes, magno in honore illius canones semper habitos fuisse. Et revera talem eximiationem merentur, qualem habere debent Concilia Nationalia; agitur enim de Nationali Concilio totius Galliae, cujus convocare Episcopos ad Archiepiscopum Arelatensem jure adquisito pertinebat juxta canonem 18. Concilii Arelatensis II. anni 452.

Can. 13. In canone 35. hujus Agathensis Concilii legitur eisdem omnino verbis canon 13. dist. 18., ubi sane eadem definita agnoscimus, quae jam in vetustissimis Conciliis edita fuerant; addiderunt autem Agathenses Patres peculiare quidpiam ad exhibendam Regi Alarico honorificentiam, qui licet Arianis aliquandiu favisset, videbatur tamen plurimum praestiturus ad incolumitatem, utilitatemque Ecclesiarum.

Can. 22. Canon 22. dist. 23., qui eisdem verbis legitur in canone 20. Agathensi, maxime decebat illa tempora; cum enim Gothi Galliae Provincias occupantes efferos, bellicosque mores induissent, quos non solum ardens animus, sed & militaris quaedam externa habitus forma exhibebat, facile fuerat, etiam Clericos ceterorum exempla sequutos novo cultu vestium, novoque habitu corporis ornatos produisse, quorum propterea immoderatum usum opus erat edito canone cohibere.

Can. 30. Canon 30. dist. 23. licet referatur inter Agathenses canones numero 66., ex illis tamen est, qui, ut superius observabam, post Agathenses canones recentiore manu adjecti sunt; notandum tamen pro illa voce Gratianae *sacrarum* legi in vulgatis Concilii exemplaribus *Secretarium*. Non est tamen diutius elaborandum, ut investigemus, cuinam potius Concilio idem canon tribuendus sit. In aperto enim est eisdem fere verbis expressus Laodicensi Concilii canon 21. relatus apud Gratianum in hac eadem distinctione can. 26., quem suo loco expendebam.

Can. 19. De canone 19. dist. 34. nihil est dignum singulari observatione, postquam praesertim Romani Correctores ex canone 39. Agathensi, unde depromtus est, expunxerunt particulam *modo*.

Can. 9. In canone 41. Agathensi, qui refertur in can. 9. dist. 35. certis poenis assignantur Clerici vino dediti, qui vel ab Ecclesiae communione arcentur spatio 30. dierum, vel corporali subduntur supplicio, id est indicto jejunio, & sobrietate: qua sane poena nulla convenientior esse poterat. Hinc apud Ivozem Carnotensem parte 13. cap. 77. refertur quoddam dictum Fruatuosi Episcopi ita expressum: *Siquis Ecclesiastica praedictus ordinatione, aut Monachus repertus fuerit ebrius, in pane, & aqua tribus mensibus paniteat.*

Canon 7. dist. 50. est ex numero illorum canonum, quos diximus recentioris *Can. 7. dist. 50.* Collectoris manu Agathensi Concilio adjectos fuisse: est enim ille inter Agathenses canones numero quinquagesimus. Revera in Gallicanis Provinciis anno 506. nondum receptum erat, ut Viri Ecclesiastici crimina capitalia admittentes in Monasterium perpetuę penitentię causa detruderentur: illud potius obtinebat, ut deplicerentur, atque ab Ecclesiastica communione removerentur. Id decretum adja-  
*men capitale commiserit, simul & officio, & communione pellatur.* Illud primum ob-  
*22. Si Presbyter, aut Diaconus crimen capitale commiserit, ab officii honore depositus*  
*in Monasterium retrudatur, ibi tantummodo, quamdiu vixerit, communione sumenda.*  
 Facile itaque ex his percipimus, dictum canonem septimum Gratianum ex Epao-  
 nensi Concilio fuisse depromptum primum, & canonibus Agathensibus postea ad-  
 jectum, unde Agathensis Concilii nomine a posterioribus Collectoribus commemo-  
 rari cęperit. Quicumque vero primus canonem Agathensi Concilio adtribuit, non  
 modicum verba ejusdem canonis immutavit. Fecit enim in primis mentionem de  
 Episcopo, de quo tamen ne verbum quidem occurrit apud Epaoenses Patres,  
 arbitratus forte, quod de Presbyteris dicitur ad penitentiam redigendis, idipsum &  
 de Episcopis dicendum esse, quasi communis esse debeat delinquentium Presbytero-  
 rum, atque Episcoporum penitentia. Secundo addidit: *Laicam tantummodo commu-*  
*nionem accipiat:* Laicę autem communionis mentio non fit in Epaoensi decreto,  
 ubi simpliciter de communione fit sermo. Forte ego putaverim vocem illam *Laicę*  
 adjectam fuisse, postquam Monachi Ecclesiasticis ordinibus insigniri cęperunt; cum  
 enim olim tamquam Laici omnino haberentur Monachi, ideam erat aliquem cum  
 Monachis communem vitam habere, ac Laicę tantummodo communionem frui. At  
 posteaquam Monachi Sacerdotio fungi cęperunt, necessarium fuit clarius exprimere  
*Laicam* communionem, ut designaretur eos, qui penitentię causa in Monaste-  
 rium detrudebantur, non communem cum Monachis habuisse Ecclesiasticam com-  
 munionem, sed tantummodo qualem Laici habere solent. Demum qui canonem  
 Epaoensem canonibus Agathensibus adjecit non generatim tantummodo conceptum  
 voluit Epaoense decretum de Clericis capitale crimen admittentibus, sed ad spe-  
 cies recensendas manum admovens scripsit: *Aut chartam falsaverit, aut falsum tes-*  
*timonium dixerit,* quę sane loquendi formulę in Epaoensi canone desiderantur.  
 Forte autem qui hæc adjecit voluit his jungere canonem 13. etiam Epaoensem,  
 qui his verbis exprimitur: *Siquis Clericus in falso testimonio convulsus fuerit, reus*  
*capitalis criminis habeatur.*

Canon 21. dist. 50. vere pertinet ad Concilium Agathense, in cujus canone 2. *Can. 21. dist. 50.*  
 eadem omnino verba leguntur.

Pertinet præterea ad idem Concilium canone 15. canon 63. dist. 50., ex quo *Can. 63. dist. 50.*  
 Cane constat, qualis fuerit veteris penitentię asperitas, in eo præsertim, quod dici-  
 tur juvenes non facile ad penitentiam, & reconciliationem Ecclesię admittendos,  
*propter ætatis fragilitatem.* Nomine autem *viatici* in hoc canone non intelligitur  
 Eucharistia, quemadmodum quibusdam placet interpretari, sed potius penitentię  
 Sacramentum, quod ex appellatione solebat apud veteres significari, quemadmo-  
 dum jam ostendimus ad canonem 13. Concilii Nicęni, & probari etiam potest  
 ex Concilio Gerundensi anni 517. in can. 42. dist. 50. Quamquam vero Grati-  
 anus

neus canon vulgatis Concilii exemplaribus omnino consonet, non omitam tamen admonere, eundem referri apud Reginonem in lib. 1. de Ecclesiast. discipl. cap. 290. sed dumtaxat usque ad illa verba, *aut vestimenta non mutaverint, abjiciantur*, cetera vero illic desiderari.

Con. 64. Ad rem nuper laudatam Reginonem; ex cujus etiam collectione restituendus erit  
dist. 50. ad sua loca canon 64. dist. 50. qui apud Gratianum, & nonnullos alios Collectores falso ascribitur Concilio Agathensi. Regino, ut aiebam, in lib. 1. de Eccles. discipl. cap. 290. recitaverat canonem 15. Agathensem, qui idem est cum can. 63. dist. 50. Post eum ita statim subdidit in cap. 291. *unde supra*, quam notam imperitus, aut negligens exscriptor referendam existimavit ad Concilium Agathense, cujus erat caput superius, quum tamen esset familiare Reginoni, apponere verba illa *unde supra*, non ut significaret eundem sequentis capituli esse auctorem, qui est precedentis, sed ut significaret se eandem materiam proseguere, quam ab initio tractare cœperat. Post hæc itaque Regino in cap. 291. refert illa, quæ habentur apud Gratianum in dicto can. 64., quæ propterea non verba Concilii Agathensis sunt, sed potius Reginonis ejusdem, qui in suis libris non semper Collectorem egit, sed aliquando sententias suas sententiis canonum interseruit, quique hoc in loco sui temporis, & suæ Provinciæ disciplinam referebat accurata dignam observatione apud eos, qui de satisfactione pœnitentium velint recte sentire, & quemadmodum vetustis Ecclesiæ sæculis receptum erat. Sed quoniam Reginonis exemplaria in aliquibus verbis nonnihil dissonant ab exemplaribus Gratiani, non inutile erit hoc in loco Reginonis ejusdem verba describere. *In capite quadragesimæ omnes pœnitentes, qui publicam suscipiunt, aut susceperunt pœnitentiam, ante fores Ecclesiæ se representent Episcopo Civitatis, sacco induti, nullis pedibus, vultibus in terram prostratis, reos se esse ipso habitu, & vultu proclamantes, ubi adesse debent Decani, idest Archipresbyteri Parochiarum, cum testibus, ille Presbyteri pœnitentium, qui eorum conversationem diligenter inspicere debent; & secundum modum culpe pœnitentiam per præfixos gradus injungat. Post hæc in Ecclesiam eos introducat; & cum omni Clero septem pœnitentiæ psalmos in terram prostratus cum lacrymis pro eorum absolutione decantet. Tum confurgens ab oratione, juxta id, quod canones jubent, manus eis impanat, aquam benedictam super eos spargat, cinerem prius mittat, dein cilicio capita eorum cooperiat, & cum gemitu, ac crebris suspiriis eis denuntiet, quod sicut Adam projectus est de Paradiso, ita & ipsi ab Ecclesia ob peccata ejiciantur. Post hæc jubeat ministros; ut eos extra januas Ecclesiæ expellant. Clerus vero proseguatur eos cum responsorio: in sudore vultus tui vesceris pane tuo &c., ut videntes sanctam Ecclesiam ob facinora sua tremefactam, & commotam non parvipendant pœnitentiam. In sacra autem Domini corna rursus Ecclesiæ liminibus se presentent.*

Can. 5. In concilio Agathensi canone 29. legitur canon 5. dist. 74., cujus tamen verba in  
dist. 74. vulgatis Concilii exemplaribus ita habentur: *Episcopus etiam, quorum vita non reprehenditur, posteriorem priori nullum præponat, nisi fortasse elatus superbia, quod pro necessitate Ecclesiæ Episcopus jusserit, implere contemnat. Sane si officium Archidiaconus (legunt alii: Archidiaconatus) propter simpliciorum naturam implere, aut expedire nequiverit, ille loci sui nomen teneat, & ordinationi Ecclesiæ, quem elegerit Episcopus, præponatur.*

Can. 6. In canone 6. dist. 77. juncti sunt canones 16., & 17. ex Agathensibus; a prioribus enim verbis usque ad illa: *Conversi fuerint ordinentur* habetur canon 16., & 17: a §. *Presbyterum* usque in finem, dummodo tamen advertamus, illa & *Diaconos*  
ante

ante vigintiquinque fuisse a Gratiano adjecta, & in ipsis Concilii exemplaribus desiderari; neque enim opus erat, ut in canone 17. repeteretur, quod in canone præcedente jam expressis verbis constitutum fuerat.

Canonem 25. dist. 86. non esse Concilii Agathensis jam observarunt Romani Can. 25. dist. 86.  
 Correctores, cum inter canones ejusdem Concilii non legatur. Burchardus autem & Ivo illum adscribunt Bonifacio Papæ. Sed quicumque Bonifacii decreta collegissent, hujus canonis minime meminerunt. Potius exquirendus erit inter Novellas Justiniani; etenim in Novella 123. cap. 11. eadem fere verba leguntur, ibi: *Sed neque propriis manibus liceat Episcopum aliquem percutere, hoc enim extraneum Sacerdoti est*; quæ verba primus in suo Nomocanone retulit adinstar fragmenti cujuspiam Johannes Antiochenus tit. 15. Posteriores vero Collectores, qui non Nomocanones, sed potius collectiones canonum adornare volebant, Justiniani Imperatoris leges quoties laudaverunt, Justiniani ipsius nomen reticuerunt, atque ejus vice inscripserunt nomen Bonifacii Papæ, quemadmodum frequenter contigisse observabimus, ubi agendum erit de Bonifacio Pontifice, ea forte adducti ratione, quod Bonifacius II. esset Justiniano contemporaneus circa annum 530. Sententia hujus canonis videtur consonare cum dictis Apostoli Pauli, qui inter ceteras Episcoporum dotes illam recenset, ut non sit percussor. Ceterum vetus erat disciplina Ecclesiarum, ut Episcopis competeret quidam potestas in Clericos, qualis est Patris in Filios, aut Præceptoris in Discipulos, ut, si quando Clerici peccarent, salutari pœna eos corripere, aliquando etiam pœna flagelli, de qua Sanctus Augustinus in Epist. 133. ad Marcellinum ita scribit: *Quando tantorum scelerum confessionem... virgarum verberibus eruisi, qui modus coercionis, & a magistris artium liberatum, & ab ipsis parentibus, & sepe etiam in judicii solet ab Episcopis adhiberi*. Eodem ferme modo solebant Abbates Monachos sibi subditos corrigere, uti legitur in regula S. Benedicti, & in eodem Concilio Agathensi can. 38., sive can. 3. cau. 20. qu. 4. Cum autem hac potestate Episcopi abuterentur, modum pœnæ excedentes, opus fuit lege lata eorundem severitatem cohiberi, quum præsertim S. Paulus admoneat Episcopum non debere esse percussorem, quod & constitutum scimus in can. 27. vulgo Apostolorum, & apud Gregorium Magnum in can. 1. dist. 45., quibus consonare possit canon octavus Concilii Ilerdensis anni 524. relatus in can. 19. cau. 17. qu. 4., ex quibus eruitur Justiniani tempore opus fuisse, ut admonerentur Episcopi, ne Clericorum potius percussores, quam Pastores, & Patres viderentur.

Postquam manumissio censu facta exolevit, & in ejus locum suffecta est manumissio in Sacrosanctis Ecclesiis, quemadmodum jam superius me dixisse memini, quicumque in Ecclesia manumittebantur, sub Ecclesiæ quodammodo patrocinio esse videbantur ob privilegium Constantinii Imperatoris, de quo in l. 1. & 2. eod. de his, qui in Ecclef. manumit. Jure propterea Patres Agathenses in can. 29. pro manumissorum libertate constituerunt, ne servi semel in Sacrosanctis Ecclesiis manumissi læderentur. Is est canon 7. dist. 87. Can. 7. dist. 87.

De canone 9. dist. 90. nihil est, quod specialiter observemus; habetur autem Can. 9. dist. 90.  
 eisdem verbis in canone 31. Agathensi, dummodo pro illa voce *obstinatio*, legamus *intentione*.

Nescio qua ratione in canonem 10. cau. 1. qu. 2. Gratianus retulerit canonem Can. 10. cau. 1. qu. 2.  
 36. Concilii Agathensis, cum hic Gratiani proposito convenire non possit. De-

monstrare volebat Gratianus nihil pecuniarum recipi posse ab eo, qui ingressurus esset Monasterium, veluti pretium admissionis. At in hoc eodem canone Agathensi nihil aliud legitur, quam stipendia Ecclesiastica esse inter Clericos administrantes legitime distribuenda. Duo præterea sunt ad hanc rem observanda. Primum est, pro vocibus illis: *Per Ordinationem*, in vulgatis Concilii exemplaribus legitur *vel Ordinationem*. Alterum, nomen *canonis* ibidem significare Catalogum, sive matriculam Ecclesiarum, in qua Clerici omnes descripti erant; mos enim fuerat, ut stipendia singulis Clericis assignarentur juxta modum, quo eorundem Clericorum Ordines, & rationes in eadem matricula designabantur.

Can. 12.

can. 2.

qu. 5.

Canon 12. cau. 2. qu. 5. nec habetur inter canones Concilii Agathonensis, nec Concilii Agathensis ætati tribui ullo modo potest, si ad meliores canonum Codices Gratiani canonis constitutio non exigatur. Sane in Galliis usque ad Caroli Magni ætatem nihil definitum fuit de Presbyteris accusatis, quorum obiecta crimina ab accusatore probari non poterant. Perspicuum est ad hanc rem caput 33. lib. 5. Capitularium Francorum, ubi traditur, quemadmodum Carolus idem Imperator habitis publicis Episcoporum comitiis deliberaverit, nec non Leonis Papæ consilium exoptaverit, ibi: *Et hoc vobiscum magno studio pertrahendum est, quid de illis Presbyteris criminosis, unde approbatio non est, & semper negant, faciendum sit.* Nam hoc sæpissime a nobis, & a Progenitoribus nostris, atque Antecessoribus nostris ventilatum est, sed non ad liquidum hactenus definitum. Unde ad consulendum Patrem nostrum Leonem Papam Sacerdotes nostros mittimus, & quicquid ab eo, vel a suis perceiverimus, vobis una cum illis, quos mittimus, renunciamus non tardabimus. Vos interdum vicissim tradite attentius, quid ex his vobiscum constituamus una cum prædicti Sancti Patris institutionibus, ut murmur cesset populi. Deinde in cap. sequenti refertur Constitutio Caroli Imperatoris post susceptum Leonis Papæ consilium, in qua post aliqua præmissa ita legitur: *Statutum est namque ratione, & necessitate, & auctoritate prædicta consultu omnium, ut quotiescumque cuiquam Sacerdoti crimen imponitur, si ipse accusator talis fuerit, ut recipi debeat (quia quales ad accusationem Sacerdotum admitti debeant, in canonibus pleniter expressum est).* Si autem, ut dictum est, ille accusator, qui canonice est recipiendus, eum cum legitimo numero verorum, & bonorum testium adprobare in conspectu Episcoporum poterit, tunc canonice dijudicetur, & si culpabilis inventus fuerit, canonice damnetur. Si vero cum supradictis pretextu adprobare ipse accusator minime poterit, & hoc canonice definiatur. Ipse ergo Sacerdos, si suspiciosus, aut incredibilis suo Episcopo, aut reliquis suis Consacerdotibus sive bonis, & iustis de suo populo, vel de sua plebe hominibus fuerit, ne in crimine, aut in prædicta suspitione remaneat, cum tribus, aut quinque, vel septem testibus bonis ei vicinis Sacerdotibus exemplo Leonis Papæ, vel eo amplius, si suo Episcopo visum fuerit, aut necesse propter tumultum populi id esse prospexerit, & cum aliis bonis, & iustis hominibus se sacramento coram populo super quatuor Evangelis dato purgatum Ecclesie reddat. Hæc sane liquido demonstrant, usque ad tempora Caroli Magni in Galliis nihil adhuc constitutum fuisse de Presbyterorum purificatione, quemadmodum priora laudati capitula verba palam faciunt, quæ sane vera esse non possent, quoties jam salubris quædam constitutio ad eandem rem prodiiisset ex Concilio Agathensi sexto sæculo celebrato. Præterea siquis animadverterit causam, ex qua dubitaretur apud Gallos, quomodo purganda essent Sacerdotum crimina, de quibus post accusationem aperte non constaret, facile hoc idem caput agnoscat editum post tempora Concilii

Aga-



Agathensis. Reverta primum invaluit ex consuetudinibus Longobardorum, ut quoties quispiam aceusaretur, nec de objecto crimine clare, perspicueque liqueret, purgaretur reus *cum scutis, & fusibus in campo decertando*, sicuti legimus in lib. a. legum Longobard. tit. 51. §. 11., quasi privato bello indicto inter accusatorem, & reum, ex quibus ille vincebat in causa, quem victorem belli fortuna fecisset. Atque hic mos seculo 8. & sequentibus ordinarius esse cepit in Provinciis Europeis, rejecta quacumque juris disciplina, eaque prorsus oblivione deleta. Hæc vero non videbantur decere Clericos, & maxime Sacerdotes, ut quoties ipsi accusarentur, sui purgandi causa arma susciperent, & singulari conflictui se, causamque suam committerent. Hinc dubitatio omnis emerfit, quæ propoſita in Concilio fuit apud Carolum Magnum, in qua, uti diximus, e re visum fuit Leonem Pontificem Maximum consulere. Si igitur hæc occasio nondum suborta fuerat initio sexti sæculi, sive tempore Concilii Agathensis, qua ratione diceret quispiam dictum canonem 12. cau. 2. qu. 5. Concilio Agathensi esse adscribendum? Ut autem investigemus, quisnam fuerit hujus canonis auctor, duo in medium proferam, quæ suspicatus sum in hac re. Primum est de fide Burchardi, qui primus in lib. 2. cap. 181. hoc fragmentum retulit, & quidem Agathensi Concilio inscriptum, quem deinde sequuti sunt Ivo, & Gratianus. Neque enim in rebus francicis, uti pluries jam animadvertimus, præsertim Caroli Magni, referendis, fidem servavit Burchardus, quemadmodum fidelem Collectorem decebat, sed sæpe alios pro aliis auctores obrudens, illud præ ceteris cavebat, ne Capitularia Caroli Magni laudaret, in gratiam Germanorum, quibus illa erant invisæ, & apud quos ipse debebat. Viderat autem ipse nuper descriptum caput Capitularis Caroli Magni, in quo agitur de purgatione Sacerdotum, quæ coram testibus ejusdem Ordinis sociis faciendi præscribitur, vel tribus, vel quinque, vel septem, vel etiam pluribus, si Episcopo videatur. Ipse vero voluit tutius definire, forte respiciens ad praxim suorum temporum, vel Diocesanos, sexque numero socios scribens visus sibi est rem melius, & accuratius expressisse; sed nolens laudare Capitularia Francorum, Gallicanam Constitutionem sic expositam Gallicano vetulito Concilio, idest Agathensi adscripsit; atque id eo vel fidentius ausus est Burchardus, quod videretur eadem disciplina obtinere apud Saxones populos sibi finitimos; etenim inter leges Ecclesiasticas Canuti Saxonis Regis, quæ apud Labbeum referuntur ad annum 1032. ita legitur num. 5. *Siquis itaque Sacerdotem ad certam aliquam religionis normam viventem in crimen vocarit, atque is nullius sibi sceleris concius fuerit, Missam, si modo id facere non vereatur, celebrato, & Eucharistia perceptione unius calumniam omnem solus contundito. Sin trium fuerit accusatio percepta, si modo ausus fuerit, Eucharistia, atque adjunctis sibi aliis ejusdem ordinis duobus, omnem cogitati sceleris suspensionem diluito. Diaconum ad certam religionis formulam viventem siquis singulari calumnia criminis reum fecerit, assumtis ordinis ejusdem duobus aliis Diaconum se crimine liberato. Criminatio si fuerit tripla, admotis ordinis ejusdem viris senis se culpa exsoluito.* Itaque verosimile videri potest, tum ex laudato Caroli Magni Capitulari, tum ex hac Saxonum disciplina Burchardum fragmentum illud composuisse, quod apud Gratianum habetur in dicto can. 12., cui ut quandam ex veritate sacra auctoritatem conciliaret, nomen Concilii Agathensis inscripserit. Alterum, quod in hac re suspicatus sum, illud est, apud Burchardum, aut quemvis alium antiquiorem Collectorem hoc idem fragmentum re-

larum fuisse nomine Concilii Carthaginensis, quod deinde ex Amanuensium imperitia laudari cœperit nomine Concilii Agathensis; atque eodem nomine, qui primus hoc edidit, voluisse paulisper aliis verbis expendere, quæ habentur in Concilio Carthaginensi Dionysii Exigui, seu in Codice canonum Ecclesiæ Africanæ can. 20., ibi: *Si autem Presbyteri, vel Diaconi fuerint accusati, adiuncto sibi ex vicinis locis cum proprio Episcopo legitimo numero collegarum, quos ab eodem accusati petierint: ideo una secum in Presbyteri nomine sex, in Diaconi tres, ipsorum causam discutiant, eadem dierum, & dilationum, & a communione remotionum, & discussione personarum inter accusatores, & eos, qui accusantur forma servata. Reliquorum autem Clericorum causas etiam solus Episcopus loci agnoscat, & finiat. Quicumque priora hujus canonis verba cum Gratiano fragmento, de quo agimus, contulerit, facile agnoscat, utrumque inter se plurimum consonare, & ad idem Concilium utrumque pertinere, licet dictus canon 12. cau. 2. qu. 5. a quopiam Collectore paulo aliter descriptus fuerit, forte ex Græco textu, in quem Carthaginenses Canones, uti suo loco diximus, fuere translati.*

nr. 8.  
cau. 5.  
qu. 6.  
Can. 17.  
& 47.  
cau. 11.  
qu. 1.

Ad eundem canonem 32. Concilii Agathensis referendi sunt canon 8. cau. 5. qu. 6., & canones 17., & 47. cau. 11. qu. 1. En verba Agathensium Patrum integra, & qualia habentur in optimis vulgatissimis exemplaribus: *Clericus ne quemquam præsumat (multo aliter Gratianus Clericum nullus præsumat) apud secularem iudicem Episcopo non permittente pulsare; sed si pulsatus fuerit, respondeat, non proponat, (multo etiam aliter Gratianus hæc exposuit, imò & contrariam in sententiam detorsit his verbis: Non respondeat, vel proponat), nec audeat criminale negotium in iudicio seculari proponere. Siquis vero secularium per calumniam Ecclesiam, aut Clericum fatigare tentaverit, & vidus fuerit, ab Ecclesiæ liminibus, & a Catholicorum communione, nisi digne penituerit, arceatur.* Adparet ex his, quantum distet Gratianus a sententia Concilii Agathensis; quod enim Agathenses Patres prohibuerant Clericis, ne alios in iudiciis secularibus convenirent, iurgiorum forensium a Clericis eisdem evitandorum causa, id Gratianus de Laicis dictum voluit, ne Clericos ad iudicia publica convenirent. Porro qualis in hac re fuerit disciplina Ecclesiastica sexto sæculo, sive tempore Agathensis Concilii, docebunt apertissime Novellæ Justiniani Imperatoris, præsertim 79., 83., & 123. cap. 21., atque, ut ne a disciplina Gallicanæ Ecclesiæ, quæ tunc temporis obtinebat, recedam, docebit perspicue Concilium Epaonense anni 517., in quo canone 11. hæc leguntur Agathensi canonum multum conformia: *Clerici sine ordinatione Episcopi sui adire, vel interpellare publicum non præsumant, sed si pulsati fuerint, sequi ad seculare iudicium non morentur.*

Can. 29.  
cau. 7.  
qu. 1.

Canon 29. cau. 7. qu. 1. legitur in canone 64., ex iis propterea est, qui Concilio quidem Agathensi tribuuntur, ejusdem tamen auctoritate editus minime fuit, sed potius posterioris Gallicanæ Ecclesiæ Concilii. Itaque non est dubitandum, canonem hunc pertinere potius ad Concilium Arvernense anni 535., in quo can. 15. hæc leguntur. *Siquis ex Presbyteris, aut Diaconis, qui neque in Civitate, neque in Parochiis Canonicus esse dignoscitur, sed in Villulis habitans, in Oratorii Officio sancto deserviens celebrat divina Mysteria, festivitates præcipuas, Domini Natale, Pascha, Pentecosten, & siquæ principales sunt reliquæ solemnitates, nullatenus alibi, nisi cum Episcopo suo in Civitate teneat. Quicumque etiam sunt Cives natu majores pari modo in Urbibus ad Pontifices suos in præditiis festivitatis veniant. Quod si qui-*

im

improba temeritate contemserint, iisdem festivitibus, quibus in Civitate adesse despicunt, communione pellantur. Facit ad hanc eandem rem canon 3. Concilii Aurelianiensis 4. anni 541. ita conceptus: *Quisquis de prioribus Civibus Pascha extra civitatem tenere voluerit, sciat sibi a cuncta Synodo esse prohibitum, sed principales festivitates sub presentia Episcopi teneant, ubi sanctum decet esse conventum.* Tamen si aliquis certa necessitate constringatur, ut hoc implere non possit, ab Episcopo postulet commeatum. Quod si hoc postulare despexerit, in eodem loco, idest in festivitate presenti, ubi tenere voluerit, suspendatur. Itaque licet dictus canon 29. cau. 7. qu. 1. vere non sit Concilii Agathensis, non est tamen dubitandum, contineri in illo Gallicanæ Ecclesiæ disciplinam, qualis sexto sæculo obtinebat; imo & nonnulla similia videntur in eodem Agathensi Concilio revera constituta, quemadmodum apparere potest ex canone 35. de conf. dist. 1., de quo inferius agemus.

Potius Concilii Agathensis est canon 1. cau. 10. qu. 2., cujus verba leguntur in canone 7. ejusdem Synodi, post quæ statim in integris illius exemplaribus illa sequuntur, quæ retulit Gratianus in can. 3. eadem causa, & questione, vers. *Quod si necessitas &c.* Can. 1.  
can. 10.  
qu. 2.

In canone 3. Agathensi habetur canon 8. cau. 11. qu. 3., qui tamen ita erit ex optimis editis Codicibus Concilii emendandus: *Episcopi, si Sacerdotali moderatione postposita innocentes, aut ministros causis culpabiles excommunicare præsumserint, aut ad gratiam festinantes (Gratianus scripserat ad gratiam baptismatis; sed, venia dixerim Gratiani, qui excommunicati fuerant, ad gratiam baptismatis festinare non poterant, cum nemo excommunicetur, nisi baptizatus; sed potius ad gratiam reconciliationis, de qua canon hic intelligendus omnino est) fortasse recipere noluerint, a vicinis Episcopis cujuslibet Provinciæ literis moneantur (scripserat Gratianus: Ejusdem Provinciæ. Non erat tamen etiam negligenda sollicitudo aliorum Episcoporum, qui vicini sunt, licet non in eadem Provinciæ, si fratrem suum Coepiscopum imprudenter Ecclesiam administrantem monerent, aut etiam redarguerent), & si parere noluerint, communio illis usque ad tempus Synodi a reliquis Episcopis non negetur (Gratianus scripserat: denegetur. Sed melior est vulgata editio Concilii: etenim verba illa non negetur referuntur ad illos, qui vel sine causa levissima fuerant excommunicati, quemadmodum sequentia canonis verba manifeste demonstrant) ne forte ad excommunicatoris peccatum excommunicati longo tempore morte præveniantur. Quæ verba hunc sensum exprimunt: non est neganda interea communio Ecclesiastica illis, qui sine causa excommunicati fuisse probantur, ne forte, si interea morerentur, ex iniquitate excommunicatoris extra communionem Ecclesiasticam dejecti decederent.* Can. 8.  
can. 11.  
qu. 3.

Canon 19. cau. 12. qu. 1. est canon 48. inter Agathenses, sive primus ex illis, qui Agathensi Concilio posteriore manu adjecti sunt. Qui hunc canonem huic Concilio adjecit, illum forte composuit vel ex canone 33. ejusdem Concilii, qui refertur apud Gratianum in can. 34. cau. 12. qu. 2., vel ex can. 17. Concilii Epaphroditensis anni 517., ubi hæc leguntur: *Si Episcopus condito testamento aliquid de Ecclesiastici juris proprietate legaverit, aliter non valebit, nisi vel tantum de juris proprii facultate suppleverit.* Can. 19.  
can. 12.  
qu. 1.

In causa 12. qu. 2. plures leguntur Agathensis Concilii canones; & quidem canon 32. legitur Agathensis canon 22., cujus priora verba apud Gratianum desiderantur; etenim in Concilio hæc habentur: *& licet superfluum sit de re certa, anti-* Can. 32.  
can. 12.  
qu. 2.

anti-

iniquis Canonibus prohibita iterato aliquid definire, attamen quo facilius cupiditas, aut improbitas reprimatur, id statuimus, quod omnes canones jubent. Cetera apud

Can. 33. Gratianum habentur, & omnino consonant. Item in can. 33. legitur Agathensis  
canon 26., ex quo posteriora Gratiani verba hoc modo sunt emendanda. *Hi*  
can. 12. *etiam, qui in damno Ecclesie instrumenta Ecclesie impie sollicitatis traditoribus suscep-*  
qu. 2. *erint, pari sententia feriuntur.* Præterea in can. 34. legitur Agathensis canon 33.,

can. 34. *cujus tamen priora verba paullo aliter descripta sunt, quam sint apud Gratianum,*  
can. 12. *ibi: Episcopus, qui minor, aut nepotes non habens alium, quam Ecclesiam reliquit*  
qu. 2. *heredem, siquid de Ecclesia (legunt alii: Siquid de Ecclesie rebus) non in Ecclesie*  
*causa, aut necessitate præsumsit, quod distraxit &c.*

Can. 35. Quæ vero Gratianus retulit in canonem 35., & 56. ejusdem causæ, & quæstio-  
er 56. nis jungenda simul sunt, utpote deprompta ex eodem canone 49. ex illis, qui Aga-  
can. 12. thensi Concilio adjecti fuerunt. Etenim post illa verba canonis 35. *visi sunt præ-*  
qu. 2. *sumpsisse, hæc statim sequuntur. Sane si quis pro qualibet conditione de rebus Ecclesie*  
*aliquid alienare præsumserit, & de suo proprio tantum Ecclesie contulerit, quantum-*  
*visus est abstulisse, tum demum illud stare licebit, quæ habentur in dicto canone 56.,*  
*ac post ea rursus immediate sequitur vericulus libertos tamen, quem legimus in*  
*dicto can. 35. Arbitror autem hunc canonem, quoniam inter 47. vere Agathenses non*  
*reperitur, ideo huic eidem Concilio adjectum fuisse, quod similia quædam con-*  
*stituta fuerint in can. 22. Agathensi, qui idem est cum can. 32. cau. 12. qu. 2.*

Can. 36. Præterea inter canones post Agathense Concilium adjectos num. 53. legitur can.  
can. 12. 36. cau. 12. qu. 2., in integris tamen Concilii exemplaribus pro illis Gratiani  
qu. 2. *verbis juris possessione ita legitur: juris proprietate.* Quidquid tamen legatur in exem-  
plaribus Concilii Agathensis, cum iste canon falso inter canones ejusdem Concilii  
recenseatur, ex aliis Canonibus & Gratiani editio emendanda est, & fragmenti  
ejusdem sententia explicanda. Itaque istud fragmentum potius tribuendum est Con-  
cilio Epaonensi, ex quo plura, uti superius diximus, adscripta sunt Concilio ei-  
dem Agathensi. Itaque in Concilio Epaonensi cap. 7. hæc habentur. *Quidquid Pa-*  
*rochiarum Presbyteri de Ecclesiastici juris possessione distraxerint, inane habeatur, &*  
*vocuum, in venditorem comparantis actione vertenda, vel sicuti alii Codices exhibent:*  
*in venditorem, vel heredes suos actione vertenda; ex quibus apparet eam fuisse men-*  
*tem Epaonensium Episcoporum, ut declararent reverti debere ad Ecclesiam bona*  
*Ecclesiastica vendita, nulla dæm emtori actione vindicatoria adversus Ecclesiam,*  
*sed tantum actione personali evictionis causâ adversus venditorem, qui tamen*  
*venditor omni actione in penam admissi delicti penitus destituatur.*

Can. 53. Alienationes Ecclesie utiles permittit ab Episcopo fieri posse Concilium Aga-  
er 53. thense in canone 45. & 46., ex quibus deprompti sunt canones 53. & 54. cau. 12.  
qu. 2. Sed edita Concilii Agathensis exemplaria paullo aliter habent, quam lega-  
er 12. tur apud Gratianum in dicto can. 53., videlicet verba illa Gratiani: *Longe possitas,*  
qu. 2. *& parvas, ommissa copulativa particula, ita leguntur in Concilio ipso: Longe possi-*  
*tas parvas.* Præterea pro illis vocibus Gratiani, *sine consilio fratrum,* legitur in  
exemplaribus Concilii: *sine concilio fratrum,* quæ sane si potius legenda sunt, in-  
terpretatio ejusdem canonis paullo alia esse debet, quam quæ vulgo a Pragmatis  
adferri solet. Etenim vulgo traditur ab omnibus sacrorum canonum studio-  
sis Episcopum in rebus levissimi negotii, etiam immobilibus Ecclesiasticis distra-  
hendis non teneri petere consilium Capituli sui ex auctoritate hujus Agathensis  
cano-

canonis. At vero Gratiani editione ad fidem integrorum Concilii exemplarium exacta, alia videtur exhiberi Concilii sententia, ut scilicet Episcopus, ubi agatur de alienatione rerum Ecclesiasticarum minus utilium, & levioris momenti, non teneatur expectare tempus Concilii Provincialis, quod apud veteres appellabatur *Concilium fratrum*, quodque bis singulis annis celebrari solebat, quoties commode potuisset; sed possit etiam extra illud tempus ad alienationem devenire. Quæ sane sententia non probat in hujusmodi alienationibus remissas esse solemnitates juris, illam inter ceteras, qua Capituli Cathedralis Ecclesiæ consilium expos-  
tulerur.

Verba canonis 57. cau. 12. qu. 2. habentur in Concilio Agathensi can. 7., ac *Can. 57.* propterea jungenda sunt cum relatis canonibus 1., & 3. §. ult. cau. 10. qu. 2., *cau. 12.* omnes enim leguntur in dicto canone 7. Agathensi, ubi primo leguntur verba *qu. 2.* dicti canonis 1., post quæ immediate subduntur verba dicti canonis 3. §. *Quod si necessitas;* & quidem usque ad verba illa non valet. Deinde sequuntur verba hujus canonis 57., & quidem integra, post quæ demum nectitur §. *Minus in dicto canone 3.*

Canon 3. cau. 12. qu. 3. legitur in canone Agathensi 6., ex quo particula *Can. 3.* *dumtaxat* addenda erit; ubi enim Gratianus habet: *ab extraneis aliquid*, vulgata *cau. 12.* Concilii exemplaria ita exhibent: *ab extraneis dumtaxat aliquid*. Hæc autem est *qu. 3.* Patrum Agathensium sententia, ut si quis Episcopus aliquid ex aliorum liberalitate receperit, *sive cum Ecclesia, sive sequestratum*, idest sive receperit ipse solus, sive cum Clericis simul, tum res donatæ non ipsius Episcopi, sed Ecclesiæ lucro cedant, atque inter Ecclesiasticas facultates enumerentur, quod ita demum verum esse ajunt Agathenses Episcopi, quoties extraneus donator fuerit; nam ubi donatores fuerint Episcopi consanguinei, aut familiares, ex præsumta donationum voluntate, donatæ res in ejusdem Episcopi solius commodum cedent.

Canon 3. cau. 12. qu. 4. ex illis est, qui falso Agathensi Concilio adscripti *Can. 3.* sunt; est enim inter Agathenses num. 54., depromptus tamen fuit ex Concilio *cau. 12.* Epaoenensi anni 517. can. 8., ubi sine observandum est, quod eruditi omnes *qu. 4.* animadverterunt, olim Parochias aliquando Diocesis nomine fuisse appellatas. Sed & eidem Epaoenensi Concilio can. 17. tribuendus est canon 5. cau. 12. qu. 5., *Can. 5.* qui inter Agathenses adjectos legitur canone 51. Ceterum Gratiani verba cum *cau. 12.* eodem Epaoenensi canone omnino consonant. *qu. 5.*

Canon 11. cau. 13. qu. 2., qui legitur in Concilio Agathensi can. 4., & 5. *Can. 11.* perspicue indicat, quale eo tempore judicium fuerit sacrorum Antistitum de obla- *cau. 13.* tionibus Ecclesiasticis, quæ tanquam patrimonia pauperum habebantur, ut propte- *qu. 2.* rea qui eas relinquissent, tanquam *pauperum necatores* exilimarentur.

Falso Concilio Agathensi inscriptus est canon 4. cau. 14. qu. 3., neque enim *Can. 4.* in ullis Agathensibus canonibus, ne in adjecis quidem, reperitur. Potius habetur *cau. 14.* in cap. 12. Capitularis 5. Caroli Magni, quod factum est ad Niumacæd., (adje- *qu. 3.* dum est legis Longobardicis) anno 806., & refertur in lib. 1. Capitularium cap. 119. Regiæ hoc idem fragmentum retulerat in lib. 1. cap. 284., nullo tamen adscripto nomine Auctoris. Primus Burchardus in sua collectione Agathensi Concilio adscripsit, quem deinde sequuti sunt Ivo, & Gratianus. At sæpissime animadvertimus, Burchardum frequentissime abstinuisse a laudandis Capitula-  
ribus Regum Francorum, quorum si fragmenta descripturus esset, alii potius  
Auctori

Auctor adscribebat; propterea non dubitavit hoc fragmentum, de quo agimus, Capitularium Concilio Agathensi tribuere.

- Can. 2. Sunt quidam Gratiani Codices, in quibus cum hac inscriptione laudatur canon 2. cau. 14. qu. 4.: *Ex Concilio Agathensi 1., quod confirmavit Papa Sylvester.*  
 qu. 4. Falsa codicis editio est in hac parte, & pro Concilio Agathensi legendum potius Arelatense, de quo suo loco sermonem instituius. Nemo enim statim non videt, Concilium Agathense sexto saeculo celebratum confirmari non potuisse a Papa Sylvestro, qui vixerat initio quarti saeculi.

- Can. 33. In canone 27. Concilii Agathensis tria Gratiani fragmenta leguntur, quae propterea simul iungenda erunt: Primus est canon 12. cau. 18. qu. 2. ita expressum. *Monasterium novum* (verba illa priora *de Monachis* Gratianus forte accepit ex aliqua collectione canonum, in qua significabatur per eam inscriptionem materies, quae tractaretur), *nisi Episcopo aut permittente, aut probante nullus incipere, aut fundare praesumat.* Post haec verba sequuntur statim, quae Gratianus habet in can. 33. cau. 16. qu. 1. ibi: *Monachi etiam vagantes ad officium Clericatus, nisi eis testimonium Abbas suus dederit, nec in Civitatibus, nec in Parochiis ordinentur.*  
 cau. 16. qu. 1. Deinde subiungitur canon 3. cau. 20. qu. 4. his verbis: *Monachum, nisi Abbatis sui aut permisso, aut voluntate ad alterum Monasterium commigrantem nullus Abbas suscipere, aut retinere praesumat, sed ubicumque fuerit, Abbati suo auctoritate canonum revocetur. Si necesse fuerit* (haec a Gratiano omittuntur in dicto canone 3., sed leguntur in dicto canone 33.) *Clericum de Monachis ordinari, cum consensu, & voluntate Abbatis praesumat Episcopus.* His continentur trium fragmentorum sententiae apud Gratianum. Quaedam tamen adhuc observanda supersunt in dicto canone 3. cau. 20. qu. 4., cuius priora tantummodo verba huc usque retuleram. Itaque ea, quae sequuntur in §. *Item Clericis usque in finem leguntur in can. 38. eiusdem Concilii Agathensis, cuius lectionis varietatem jam observarunt Romani Correctores.*

- Canon 11. cau. 16. qu. 3. consonat post Romanam Correctionem cum canone 59. ex Agathensibus adiectis. Quoniam vero hic canon revera Concilii Agathensis non est, operis pretium erit, eundem suis Auctoribus tribuere: Referendus est autem ad Concilium Epaoense anni 517., ex quo, uti jam diximus, nonnulla sunt in Agathense Concilium derivata. Itaque in canone 18. Epaoensi haec leguntur: *Clerici quod, etiam sine precatoriis, quilibet disturnitate temporis de Ecclesiae remuneratione possederint cum auctoritate Domini gloriosissimi Principis nostri in ius proprietarium praescriptione temporis non vocetur, dummodo pateat Ecclesiae rem fuisse, ne videantur etiam Episcopi administrationis prolixae, aut precatorias, cum ordinati sunt, facere debuisse, aut diu tentas Ecclesiae facultates proprietati suae posse transferre.* Haec sane verba aliam videntur sententiam exprimere ab ea, quam Gratianus exhibuit, quae ut plana reddatur, animadvertendum erit fuisse ea ex parte, in Gallicanis praefertim Provincis, moribus receptum contrafactum quandam, qui appellabatur *precaria*, Romanis Legislatoribus, aut Jurisconsultis prorsus ignotum. Ad hunc contrafactum spectat titulus decretalium de precariis, quem Interpretes vulgo adferunt foro nostrorum temporum prorsus inutilem esse, cum hodie, contrafactus huiusmodi amplius celebrari non soleat. Itaque *precaria* dicebatur, cum quis sive Clericus, sive Laicus res Ecclesiasticas quasdam vel mobiles, vel immobiles ab Episcopo ad certum tempus obtinebat, puta ad quinquennium,

aut

aut etiam diuturnius; duplici tamen onere adposito, primo, ut annuum censum Ecclesie persolveret; secundo, ut tempore elapso ad Ecclesiam res precariis concessa libere reverteretur. Solebant autem precariarum nomine assignari bona Ecclesiastica, vel militibus, quoties publica necessitas expostularet, vel illis, qui de Ecclesia essent optime meriti, & saepe in eisdem precariis concedendis Principis auctoritas intercedebat. His praemissis facile percipimus, qualis fuerit sententia Epaoensis Episcoporum in dicto canone 11. cau. 16. qu. 3. Etenim quum communis Ecclesiarum usus esset, ut Clerici certas, sive annuas, sive mensuales pensiones acciperent ab Episcopis, penes quos erat rerum omnium Ecclesiasticarum administratio, contingebat aliquando, ut Episcopus in pensionum vicem concederet alicui Clerico certa Ecclesiastica praedia, aut bona adinstar ferme precariarum, nulla tamen super id edita scriptura, sive, ut vocant, instrumento; videbatur enim Episcopo sufficere sola Clerici beneficiarii aedes, juxta quam non licebat Clericis bona illa tanquam propria possidere. At quum deinde abusus Clericorum glisceret, qui bona illa veluti propria se tenere, & administrare pro libito posse crederent, imo etiam aliquando alienarent, editus canon est in Epaoensi memorato Concilio, quo statutum est, ut Clerici nullo unquam tempore possent eadem bona tanquam propria vindicare, ne exinde videretur Episcopus *facere debuisset precatorias*, id est ne diceretur Episcopum dubitare potius debuisset de eorumdem Clericorum fide, dum illos ordinaret, ac melius debuisset consulere Ecclesiasticae utilitati, assignando eadem bona Clericis per contractum precatoriarum, seu precariarum, interveniente scriptura, sive, ut ajunt, publico instrumento, aut etiam ne diceretur Episcopum voluisse transferre in Clericos dominia rerum Ecclesiasticarum, quod sane non poterat.

Canon 40. cau. 17. qu. 4. ex illis est, qui Concilio Agathensi adjecti sunt canones; est enim numero 56., qui omnino cum verbis Gratiani consonat. Ger- Can. 40.  
mani autem Auctores ejusdem canonis sunt Epaoenses Patres in Concilio anni can. 17.  
517. canone 8., cujus verba etiam Gratianae editioni omnino respondent. Ex qu. 4.  
his, quae hoc in fragmento descripta sunt, satis juvat animadvertere causam, quare olim non poterant mancipia Ecclesiarum, aut Monasteriis concessa manumitti. Manumissionem quidem suadere videbatur causa pietatis, exigens captivos omnes in naturalem libertatem vindicari; quare & ob hujusmodi manumissiones scimus aliquando a Sanctis Patribus ipsamet Ecclesiastica, & Dominica vasa fuisse alienata. Verum ubi ageretur de servis, qui Ecclesiae, vel Monasteriis necessarii, aut utiles videbantur, verita omnino erat Praepositis manumissio, ne ejusdem manumissionis causa Ecclesiarum, aut Monasteriorum servitia ob exiguum Clericorum, aut Monachorum numerum negligerentur, aut etiam omitterentur.

Ex Concilio etiam Epaoensi can. 10. depromtus est canon 13. cau. 18. Can. 13.  
qu. 2., licet laudetur ex can. 58. Concilii Agathensis; is enim proprie Agathen- can. 18.  
sis Concilii non est, sed inter eos, quos ex posterioribus Conciliis adjectos fuisse qu. 2.  
superius diximus. Ceterum Gratiani verba omnino consonant, sive cum canone Epaoensi, sive cum adjecto canone Agathensi.

Canon 23. cau. 18. qu. 2. legitur eisdem omnino verbis in Concilio Agathensi Can. 23.  
can. 18.  
qu. 2.

Can. 4. Canon 4. cau. 21. qu. 1. refertur quidem inter adjectos canones Concilii Agathensis num. 57., at inscribendus potius erit Concilio Epaonensi anni 517., etenim in canone 9. ejusdem Concilii legitur eisdem omnino verbis.

Can. 1. Canon 1. cau. 21. qu. 5. habetur in can. 8. Concilii Agathensis, ubi tamen nonnulli codices omittunt vocem illam *judicem*, quemadmodum recte observaverunt Romani Correctores ex vetustioribus Conciliorum editionibus, & Codicibus Vaticanis, & Capitularibus Francorum, quorum omnium codicum fidem si sequi debeamus, longe diversa mihi videtur esse sententia Agathensis Concilii ab ea, quam Gratianus expressit; etenim tum constitutum apparebit, Clericos, qui propter Ecclesiasticas causas damnati in Conciliis fuerint canonicis pœnis, non posse, ut canonicas easdem pœnas evadant, officia ecclesiastica deferere, & abiectione clericali instituto ad secularia officia confugere; quod si nihilominus confugere ausi fuerint, & laica communione ab aliquo Episcopo donati extiterint, eosdem simul cum illis, qui solatium defensionis eis impenderint, anathemate damnari, quam interpretationem, atque emendationem suadere videntur priora illa verba: *Si relicto officio suo propter distictionem*. Id sane evenire poterat, quoties Sacerdos de crimine damnatus in Diaconi gradum, aut Diaconus in Subdiaconi officia deieciatur; quoties enim damnatus Presbyter, vel Diaconus oppressus potius Laicorum communionem, quam minoris Clericatus officiis deservire, tum, quod distictionem ecclesiasticam contemneret, excommunicationis pœna pledebatur.

Can. 6. Canon 6. cau. 26. qu. 5. legitur eisdem verbis in can. 42. Concilii Agathensis. Quid nomine *sortium Sanctorum* intelligatur, commodius alio in loco explicabo.

Can. 3. Perperam non solum descriptus est, verum etiam in diversam sententiam extortus canon 3. cau. 26. qu. 6., quasi Concilium Agathense decreverit Diaconos ministrare non posse, quod præcipuum esse Diaconorum munus passim sacri canones definiverunt, aut Presbyterum consecrare non posse, vel poenitentes reconciliare. Opus erit, ut integrum canonem huc adferamus, quo & ipsamet canonis verba, & ejusdem canonis sententia referatur. Ita Agathenses Patres in can. 43. *De poenitentibus id placuit observare, quod Sancti Patres nostri Synodali sententia censuerunt, ut nullus de his Clericus ordinetur, & qui jam sunt per ignorantiam ordinati, ut sicut bigami, aut internuptarum mariti locum teneant, ministrare Diaconus, aut consecrare Altare (in aliquibus MSS., uti Harduinus observat apud Labbeum, legitur Altari) hujusmodi Presbyter non presumat*. Deinde statim proseguuntur in can. 44. *Benedictionem super plebem in Ecclesia fundere, aut poenitentem in Ecclesia benedicere penitus non licebit*. Sententia itaque Agathensis Concilii nunc aperitissima est, ea videlicet, ut nemo ex poenitentibus debeat sacri ordinis gradus ascendere, sive Diaconatum, sive Presbyteratum; quod si ascenderit, neque Diaconus Diaconi officia obeat, uti est ministrare, neque Presbyter Presbyteri officia, uti est plebi, aut poenitentibus benedicere, vel consecrare in Altari, idest hostias Deo sacras offerre. At Gratianus sententiam hanc omnino corruptit, & generatim scripsit, Diaconis omnibus non licere ministrare, neque Presbyteris benedicere, vel consecrare, ut ipse ait, *Altare*, quæ sane verba emendanda sunt, & legendum ex aliis Codicibus MSS. *Altari*, quemadmodum ex contextu integro deducitur.

Can. 14. Canon 14. cau. 28. qu. 1. refertur eisdem verbis in can. 40. Concilii Agathensis, præterea in Concilio Meldensi anni 845. cap. 73. cum hac præfatione: *Sanctus*



*Sanctus Cæsarius Ecclesie Arelatensis cum aliis trigintaquinque Episcopis: omnes, inquit, deinceps Clerici, sive Laici &c.*, quibus verbis indicant Meldenfes Patres se renovare, quæ jam pridem fuerant in Agathensi Concilio constituta.

Canon 16. cau. 28. qu. 1. licet in numero Agathensium canonum recensatur, *Can. 16.* ex illis tamen est, qui Agathensi Concilio recentiore manu adjecti sunt; est *cau. 28.* enim numero 67., est autem potius depromptus ex canone 31. Concilii Laodicieni. Animadvertendum est pro illis verbis Gratiani *cum hominibus hæreticis* legi in vulgatis exemplaribus Concilii Agathensis *cum omnibus hæreticis*, quæ sane verba consonant cum Græco textu Laodicensi canonis, quem ita interpretatus est Dionysius Exiguus: *cum hæreticis universis*. Plurimum autem interesse videtur inter verba Gratiani, & verba vulgo Agathensi Concilio tributa, seu verba Concilii Laodicensi; nam si *cum hominibus hæreticis* prohibetur, ne conjugia ineanant, videtur generale interdictum, ut a conjugiiis cuiuscumque hæretici abstinere. Quoties vero dicatur: Non oportet *cum omnibus hæreticis*, seu *cum hæreticis universis* *miscere connubia*, reprobatur tantummodo illud videtur, quando quis in conjugiiis contrahendis nullum discrimen habet, etiam *cum hæreticis*, quorum societas, aut familiaritas inferre possit grave apostasie periculum. Ceterum nemo diffidet, cavenda, prout fieri potest, esse huiusmodi conjugia, cum hæreticorum consortia plurimum Catholicis nocere possint, præsertim feminis, quorum sexus utpote infirmior facile vincitur; quare Laodicensi Patres, licet statuerint feminas non cum omni hæreticorum genere nuptias contrahere, minime tamen prohibere Catholicis, ne feminas ab hæreticis progenitas uxores accipiant. Memores esse debemus illorum, quæ scripserat S. Cyprianus Epist. 8. ad Plebem de quinque schismaticis. *Procul ab huiusmodi hominum contagione discedit, & sermones eorum velut cancrum, & pestem fugiendo vitate.*

Canon 8. cau. 35. qu. 2. legitur inter canones Agathenses num. 61., ac proinde non Agathensis proprie dicendus est, sed Agathensibus canonibus juxta ea, quæ superius diximus, adjectus. Jam satis a Romanis Correctioribus restitutus videtur suis Auctoribus, quemadmodum ex eorundem notis adparet. Tantum dixero hunc canonem pertinere ad Concilium Epäonense anni 517. cap. 30., ubi tamen pro illis verbis: *Si quis frater germanam uxorem acceperit*, alii Codices habent: *Si quis frater germanam uxoris suæ accipiat*. Jacobus autem Sirmondus adnotavit in hisce verbis legendum esse, quemadmodum legitur apud Gratianum, quod præ manibus haberet verus MS. Rhemenſe, quod in eisdem verbis editioni Gratianæ consonabat.

De canone 32. de conf. dist. 1. nihil est, quod specialiter observemus. Consonat ille omnino cum canone 14. Agathensi.

Consonat propemodum cum canone 21. Agathensi canon 35. de conf. dist. 1. Dixi propemodum; etenim pro illis verbis Gratiani *Missas audiat*, in exemplaribus Concilii legitur: *Missas teneat*; ubi Gratianus habet: *in Parochiis audiamus*, de conf. legitur in Concilio: *in Parochiis teneant*. Demum postrema verba in Agathensi Concilio hoc modo leguntur: *Missas facere, aut tenere voluerint, communione priventur*. Similis etiam loquendi formula legitur in canone 47. Agathensi ibi: *Missas die Dominico a Secularibus totas teneri speciali Ordinatione præcipimus, ita ut ante benedictionem Sacerdotis egredi populus non præsumat. Qui si fecerint, ab Episcopo publice confundantur*. Retulit hæc Gratianus in canone 64. de conf. dist. 1., de conf. cujus dist. 1.

cujus tamen sanctionis causas si investigare velimus, eas facile conjiiciemus ex historia Cæsarii Arelatensis apud Surium die 27. Augusti, ubi scribitur Cæsarium quodam die, dum esset ad Altare, animadvertisse quosdam post lectum Evangelium ab Ecclesia egredi, quod Sancti Viri conciones audire detrectarent. Eos autem publice objurgavit Sanctus Antistes, imo etiam sæpissime lectis Evangeliiis ostia Ecclesie claudi iussit. Hinc idem Cæsarius in homilia 12. ita populum hortatus est: *Rogo vos, fratres charissimi, & paternæ pietatæ commoneo, ut quoties aut die Dominico, aut aliis majoribus festivitatis Missæ sunt, nullus de Ecclesia discedat, donec Divina Mysteria expleantur.* Non est inutilis hæc observatio; exinde enim facile dignoscimus, quisnam fuerit Ecclesie Spiritus, ubi illa ab antiquissima ætate præcepit, ut integræ Missæ præsentibus adessent Fideles die Dominico; nomine enim integræ Missæ illa intelligebatur, quæ a Parocho, vel ab Episcopo celebraretur, & in qua divinæ prædicationes ad populi eruditionem haberentur, ut hodie lugere propemodum debeamus, quum conspiciamus vel leve remanere veteris hujus disciplinæ vestigium; vix enim plures dimidiam horæ partem sacris diebus in divina contemplatione versantur, & dummodo privatæ, ut ajunt, Missæ interfuerint, se integre suo muneri satisfecisse arbitrantur. Utinam omnes intenderent in illud, quod inter ceteros veteres Patres S. Augustinus agebat in scem. 351. de tempore ibi: *Observemus ergo diem Dominicum fratres, & sanctificemus illum a vespere diei Sabbati usque ad vespem Dominicæ diei sequestrati a rurali opere, & ab omni negotio soli divino cultui vacemus, &c.*

Primis Ecclesie sæculis frequentissime Fideles ad sacrum Altare divinam Eucharistiam suscepiendos accessisse nemo ignorat; sed frigescente dein charitate opus fuit ecclesiastico præcepto, quo ad tantum Sacramentum suscipiendum Fideles adigerentur. Sexto sæculo primum constitutum fuit, ut singulis annis ter singuli Eucharistiam suscipere tenerentur, quemadmodum habemus in canone 18. Concilii Agathensis, quem retulit Gratianus in can. 19. de consecr. dist. 2., ubi tamen priora verba ita legenda sunt ex vulgatis Concilii exemplaribus: *Seculares, qui natale Domini, Pascha, & Pentecosten non communicaverint &c.*

Canon 9. de conf. dist. 3. legitur in can. 12. Agathensis Concilii, cujus tamen sententiam Gratianus omnino turbavit, ut difficile admodum sit augurari ex Gratianæ editione, quid senserint Episcopi Agathenses. En verba Concilii. *Placuit etiam, ut omnes Ecclesie filii exceptis diebus Dominicis in Quadragesima, etiam die Sabbato, Sacerdotali Ordinatione, & distriditionis communione jejurent.* Gratianus ita perperam scribebat: *Sacerdotali oratione, & discretionis communione jejurent.* Glossographi nomine Sacerdotalis orationis horam nonam, & communionis discretionis horas vespertinas intellexerunt; quo vero apolline hæc divinaverint, non satis exponunt. Ego nihil video in glossemate, quod Gratiani verbis consentaneum sit; quid enim magis commune habet *Sacerdotalis oratio* cum hora nona, quam cum sexta, tertia, & prima? Quid commune habet *communio discretionis* cum horis vespertinis? deinde cur definiendum erat, usque ad horam nonam jejunandum esse, si usque ad vespas etiam protrahendum jejunium fuerat? Restituro autem Gratiani canone juxta fidem optimorum exemplarium, nihil est amplius, in quo hæreamus ad canonis ejusdem interpretationem. Monere non desinam, quod in hoc eodem canone decretum est, consonum esse illis, quæ populo tradebat Cæsarius Arelatensis hujus Agathensis Concilii Præses; ipse enim in homilia 2.

ita

ita inquit: *Rogo vos fratres charissimi, ut isto legitimo, ac sacratissimo Quadragesimo tempore exceptis Dominicis diebus nullus prandere præsumat, nisi forte ille, quem jejunare infirmis non permittit; quia aliis diebus jejunare aut remedium, aut præmium est; in Quadragesima non jejunare peccatum est.*

Can. 36. de conf. dist. 4. habetur in can. 13. Agathensi, ubi pro verbo prædicari, legitur tradi; eadem autem utriusque vocis significatio esse videtur. Agitur eo in loco de Cathecumenis inter competentes relatis, videlicet inter eos, qui proxime erant, ut baptismatis Sacramentum susceperent; cumque die Paschali hoc Sacramentum administrari solet, cautum est, ut ante octo dies publice symbolum fidei Cathecumenis eisdem explicaretur, ut divina mytheria in symbolo tradita non ignorantes, paratioresque ad illud Sacramentum accederent.

De canone 93. de conf. dist. 4. nihil est, quod peculiariter observemus. Consonat ille omnino cum canone 34. Concilii Agathensis.

Demum in can. 30. Agathensi habetur canon 13. de conf. dist. 5. his tamen verbis ex ipsis Concilii exemplaribus describendus: *Ei quia convenit ordinem Ecclesiæ ab omnibus æqualiter custodiri, studendum est, ut sicut ubique fit, & post antiphonas collectiones per ordinem ab Episcopis, vel Presbyteris dicantur, & hymni matutini, vel vespertini diebus omnibus decantentur; & in conclusione matutinarum, vel vespertinarum Missarum post hymnos capitella de psalmis dicantur, & plebs collecta oratione ad vesperviam ab Episcopo cum benedictione dimittatur.*

## CAPUT XXIV.

## De Concilio Tarraconensi.

Concilii Tarraconensis Canones hi referuntur apud Gratianum.

- Can. 14. dist. 18. consonat cum integris Concilii exemplaribus.
- Can. 8. dist. 65. paullo emendandus ex integris Concilii exemplaribus.
- Can. 10. cau. 10. qu. 1. paullo emendandus ex integris Concilii exemplaribus.
- Can. 6. cau. 12. qu. 5. à Romanis Correctoribus jam emendatus.
- Can. 3. cau. 14. qu. 4. paulisper emendandus ex vulgatis Concilii exemplaribus.
- Can. 5. cau. 14. qu. 4. ex vulgatis Concilii exemplaribus emendandus.
- Can. 1. cau. 15. qu. 2. perperam a Gratiano explicatus.
- Can. 1. cau. 15. qu. 4. paullo varius in diversis exemplaribus.
- Can. 35. cau. 16. qu. 1. supplendus ex integris Concilii exemplaribus.
- Can. 8. de conf. dist. 5. pertinet ad Concilium Cabilonense II., ex quo est emendandus.

**A**Nno 516. in Tarraconensi Civitate, quæ nunc est Catalauniz comitatus Metropolitana, Concilium Provinciale decem Episcoporum celebratum est Præsidente Johanne ejusdem urbis Episcopo. Summum Pontificatum tenebat tunc Hormidas, regnante in Hispaniis Theodorico Ostrogothorum, & Italiæ Rege, qui primum quidem visus est Arianis favere, deinde vero postquam Hispaniarum regnum suscepit, maximum in Ecclesia veræ fidei, ac religionis specimen exhibi-

exhibuit. De eo ita scribit S. Isidorus Hispalensis in Chronico Gothorum: *Per hunc dignitas urbis Romæ non parva est restituta; muros enim ejus iste redintegravit, ob quam cassam a Senatu inauratam flavam meruit.* Canones, tresdecim, qui hoc in Concilio editi sunt, ad firmandam disciplinam Ecclesiasticam pertinent, & quidem singuli eximiam illorum Episcoporum prudentiam commendant. Ex his numero 6. depromptus est canon 14. dist. 18., & quidem eisdem omnino verbis a Gratiano relatus, quibus in integris Concilii hujus exemplaribus habetur, renovatque veterem illam disciplinam, quæ in tota Ecclesiastica antiquitate constituta fuerat, ac diutissime custodita.

Can. 8.  
dist. 65.

Præterea antiquissimæ canonum disciplinæ respondet, quod legitur in cap. 5. ejusdem Concilii de Episcopis ex conscientia Metropolitani in unaquaque Civitate ordinandis. Illud refert Gratianus in can. 8. dist. 65., cujus priora verba ita describenda sunt ex integris Concilii exemplaribus: *Siqui in Metropolitana Civitate non fuerit Episcopus ordinatus, postea cum susceperit benedictionem per Metropolitanum litterarum honorem fuerit Episcopatus adeptus, id optimum esse decrevimus, ut &c.*

Can. 10.  
cau. 10.  
qu. 1.

Supplere juvat canonem 10. cau. 10. qu. 1. ex canone 7. Concilii Tarraconensis, ex quo ille depromptus est. Multorum casuum experientia magistrante reperimus, ut antiquæ consuetudinis ordo servetur, & annuis vicibus ab Episcopo Diocesano visitentur; & si qua forte hostilia reperta fuerit destituta, ordinatione ipsius reparatur, quia tertia ex omnibus per antiquam traditionem, ut accipiat ab Episcopis, novimus esse statum. Clara, & perspicua hæc sunt, nisi forte quispiam quæreret, undenam profecta fuerit antiqua illa traditio, juxta quam Episcopi tertiam Ecclesiasticorum proveniunt partem sibi vindicarent. Forte enim negotiorum aliquibus facessere poterit, quod ait Gelasius Papa in Epist. ad Episcopos per Lucaniam, & Bruniū, scribens quartam tantummodo partem Episcopis esse concedendam. Verum distinguenda est in hac parte disciplina Ecclesiæ Romanæ a disciplina Hispaniarum. Licet enim in Romana Ecclesia quarta tantummodo portio Ecclesiasticorum reddituum Episcopo cederet, in Hispaniis tamen tantummodo tertia concedebatur ex vetustissima illius Regni consuetudine, quemadmodum deducitur ex Concilio Toletano IV. cap. 33., Toletano IX. cap. 6., Bracarenſi II. cap. 2. his verbis: *Item quod decima, quæ a fidelibus datur, Dei census nuncupandus est, & Deo integre reddenda, cujus tertia pars secundum canonem Toletanum Episcoporum esse debet.* Nos vero hac potestate uti nolumus, sed tantum singulis annis quartam partem juxta usum Romanorum Pontificum, & observantiam Sanctæ Romanæ Ecclesiæ de eadem habere volumus. Utilis est hujusmodi observatio ad commodam Tarraconensis canonis interpretationem, ut magis adpareat unus, idemque Ecclesiæ spiritus, in diversis licet Provinciis, in ipsa etiam disciplinarum varietate. Etenim ex eo, quod Episcopis visitatoribus Ecclesiarum tertia pars oblationum Ecclesiasticarum concederetur, voluerunt Tarraconenses Patres curam, ac reparationem templorum destitutorum ad eundem Episcopum visitatorem pertinere. Sane ubi Romana vigeat disciplina, frustra hoc onus Episcopis eisdem fuisset impositum; etenim oblationibus Ecclesiasticis distributis in quatuor partes, una ex illis concedebatur Episcopis, altera Clericis, tertia reparationi Ecclesiarum, quarta in necessitates pauperum erogabatur; proptereaque impendebatur in reparationes Ecclesiarum pars illa, quæ ad id seor-

seorsim seposita fuerat, nihil ex Episcopali portione detrahebatur. At vero in Hispaniis, ubi tres tantummodo portiones ex sacris redditibus constitutæ fuerant, quarum prior Episcopo, altera Clericis, postrema peregrinis, ac pauperibus cederet, portio illa, quæ reparandis Ecclesiis necessaria erat, videbatur simul cum portione Episcopi consolidata, cujus propterea Episcopi sollicitudini reparationem Ecclesiarum committendam esse Tarraconenses Patres æquo, saluberrimoque consilio judicaverunt.

Canon 6. cau. 12. qu. 5. legitur in canone 12. Tarraconensi, quem Romani Can. 6.  
cau. 12.  
qu. 5. Correctores jure restituerunt in illis verbis: *post defunctionem ejus*, pro quibus alii Codices habent, *post depositionem ejus*, scilicet post sepulturam, atque postrema hæc lectio videtur antiquiori disciplinæ maxime congruere; sæpiissime enim constitutum apud veteres scimus, de rebus ab Episcopo defuncto relictis nihil esse attingendum, nisi primum Episcopi vita functi exequi celebratæ fuerint, & justa religionis officiis perluta.

In vulgatis Concilii Tarraconensis exemplaribus canon 2., ex quo depromptus Can. 9.  
cau. 14.  
qu. 4. est canon 3. cau. 14. qu. 4., his verbis exprimitur: *Sicut canonum statutis firmatum est, quicumque in Clero esse volueris, ementi vilius, vel vendenti carius studio non utatur: certe si volueris hæc exercere, cohabeatur a Clero*. Gratiani editio vix ab hac canonis editione discrepat. Indicant autem hæc Tarraconenses Patres voluisse Clericorum animos a secularibus negotiis arcere, quod & pressius prosequuti sunt in canone 3., quem Gratianus retulit in can. 5. cau. 14. qu. 4., ubi cautum legimus, ut, si Clerici pecuniam mutuam dederint ideo, ut statuto tempore vinum, vel frumentum decreto publico pretio redderetur, contenti sint, pecuniam, quam Can. 9.  
cau. 14.  
qu. 4. dederunt, sine augmento recipere, quoties mutuarius speciem, quam promiserit, non habuerit. Vulgata editio Tarraconensis canonis hanc interpretationem suadet, cum ita in ea legatur: *Siquis vero Clericus solidum in necessitate præstiterit, ut* (Gratianus hanc particulam ut omisit) *hoc de vino, vel frumento accipiat &c.*

Canon 1. cau. 15. qu. 2. omnino consonat cum canone 10. Tarraconensi. Can. 1.  
cau. 15.  
qu. 2. Nominine autem patrociniatorum, quæ a Clericis ibidem impensa duntur, illa ego facile intellexerim, quæ Clerici apud Magistratus impendebant favore reorum ad Ecclesias confugientium; hic enim erat mos illius ætatis, ut siquis publicum aliquod flagitium admisisset, ad Ecclesias confugeret, ut Clericorum intercessione penas publicis legibus constitutas evaderet, quemadmodum pluribus in locis S. Augustinus tradit, & habetur in canone 3. Concilii Arelatensis II. anni 452. Hæc interpretatio consona est ipsiusmet Tarraconensis canonis verbis, quibus dicitur Clericum non posse aliquid impensis patrociniis causa suscipere, nisi fuerit in Ecclesia collatione devotionis oblatum; quæ exceptio significat aliquando Clericis offerri munera consuevisse publice in Ecclesia ob impensa patrociniis; ac propterea de illis patrociniis commodius intelliguntur, quæ nomine Ecclesiæ præstantur, uti superius diximus. Atque ad hæc si respexisset Gratianus, non laboraret adeo in interpretatione ejusdem Tarraconensis canonis; etenim ipse proposita sibi quaestione, utram Clericus possit munera accipere a clientibus, quorum causas in judiciis defendendas susceperat, adfert hunc canonem Tarraconensem, ex quo putavit deduci posse, nihil a Clerico posse percipi. Cum vero agnosceret contra ferveri, ignarus, quomodo consuetudinem cum canone conciliaret, ita conclusit: *Hoc autem de illis intelligendum est, qui canonicam vitam professi, regulariter se viros proposuerunt. Generali*

nerali namque Ecclesie consuetudine receptum est, & moribus approbatum, ut Clerici more advocatorum patrocinia impendant, & pro impendis munera exigant, & pro impensis suscipiant. Nemo non videt, quantum a proposito distet Gratianus; siquidem ne verbum quidem adparet in eo Tarraconensi canone, ex quo deducatur eum ad Regulares Clericos pertinere. Melius forte meo iudicio interpretatus fuisset Gratianus, & verius, si aut de Clericis Reorum, uti diximus, intercessoribus intellexisset, vel etiam de Clericis, quos Laici tanquam arbitros adiverint litium, & jurgiorum evitandorum causa, quemadmodum etiam in more positum apud veteres fuerat; ac forte hzc interpretatio videretur congruere verbis illis canonis *more secularium Judicum*; exinde enim deduci posset Clericos Judicibus secularibus comparatos alios esse non posse, nisi qui arbitrium recepissent juxta canonem 1. cau. 15. qu. 4., qui etiam est ejusdem Concilii Tarraconensis.

Can. 1.  
cau. 15.  
qu. 4.

Porro hic canon 1. cau. 15. qu. 4. legitur in can. 4. Tarraconensi, in quo nonnullorum exemplarium varietas est observanda; etenim ubi Gratianus habet, *audcant ventilare*, legunt alii: *audcant judicare*, alii legunt: *audcant vendicare*. Item in postremis verbis, quæ apud Gratianum leguntur: *excepto criminali*, alii ita exprimunt: *exceptis criminalibus negotiis*. Publica sane ratio, quæ præcipiebat, criminalia judicia transactione posse finire, exigebat etiam, ut Clerici omnes a criminalibus judiciis, sive arbitriis abstinere, & tantummodo componendis sine fori illeptu litigantium animis vacarent.

Can. 35.  
cau. 16.  
qu. 1.

Canon 11. Concilii Tarraconensis eisdem omnino verbis refertur apud Gratianum in can. 35. cau. 16. qu. 1., ubi tamen in fine omiffa sunt verba: *Abbate sibi nihilominus imperante Canonum ante omnia Gallicanorum de eis constitutione servata*. Canones isti Gallicani nulli alii sunt, quam canon 38. Concilii Agathensis anni 506., quem canonem 38. descripsit Gratianus in can. 3. cau. 20. qu. 4., & suo jam loco expendimus.

Can. 8.  
de conf.  
dist. 5.

Falso Concilio Tarraconensi tributus est canon 8. dist. 5. de consecr. Deceptris fuit Gratianus ab Ivone, Ivo autem a Burchardo, qui plurium canonum inscriptiones minus fideliter adjecit. Jam persæpe animadverti, Burchardum ubi ageretur de fragmentis Capitularium Francorum, hzc quidem retulisse, sed alio expresso auctoris nomine, scilicet fragmenta eadem vetusto alicui Concilio, vel Pontifici adscribendo. Itaque dum relaturus esset canonem 8. de conf. dist. 5., illum Concilio Tarraconensi adtribuit, qui potius laudandus erat ex Francorum Capitularibus, quemadmodum legitur in Capitularibus adjectis apud Baluzium additione 3. cap. 52. his verbis: *Ditum nobis est, quod quidam de plebe bis, aut ter ab Episcopis, ignorantibus tamen eisdem Episcopis confirmantur. Unde nobis visum est, eandem confirmationem, sicut nec baptismum iterari minime debere, quia qui bis, vel amplius baptizantur, aut confirmantur, non seculo, sed soli Domino sub habitu Regulari, vel Clericali religiosissime, famulari decretum est*. Itaque res perspicua est, memoratum Gratiani fragmentum ad hzc Capitularia pertinere: Verum neque hic ego consultendum arbitror; etenim video hanc sententiam relatum fuisse in Capitularia Francorum ex Concilio Cabilonenfi II. anni 813., ubi can. 27. hzc leguntur: *Ditum nobis est, quod quidam de plebe bis, & ter ab Episcopis, ignorantibus eisdem Episcopis, confirmantur. Unde nobis visum est, eandem confirmationem, sicut nec baptismum, iterari minime debere*. Hic absolviunt Cabilonenfis canon; etenim in Concilio Cabilonenfi ea desiderantur, quæ apud Gratianum, & in dicto Capitulari leguntur, videlicet bis baptizatos, aut confirmatos soli

soli

ſoli Domino ſub habitu Regulari, vel Clericali famulari debere. Quam quidem clauſulam ego arbitror ab imperito quodam vel ad marginem, vel ad calcem ejuſdem Capitularis adjectam fuiſſe duplici de cauſa. In primis enim nullibi in veteribus canonibus legitur, Clericalem habitum ob poenitentiam criminum fuiſſe alicui impoſitum; licet enim plures gravium criminum Rei poenitentiz cauſa detruderentur in monaſteria, nullibi tamen cautum eſt, ut Eccleſiaſticis officiis præſicerentur, quod honorabile ſemper fuit, & honeſtiſſimos quoſque, ac ſanctiſſimos decebat. Altera ratio eſt, quod ſciamus e conſerſo ab Eccleſiaſticis officiis illos remotos fuiſſe, atque habitos tanquam irregulares, qui pluries Sacramentum baptiſmatis ſuſcepifſent. Qui itaque fieri poteſt, ut ſacri Antiſtites Tarraconenſes baptiſma iterato ſuſcipientibus non tantum non prohibeant ad ſacros ordines promoveri, verum, etiam jubeant, lata lege, ut Clericali militiz adſcribantur? Itaque emendandum arbitror Gratianeum canonem non ſolum in eo, quod pro Tarraconenſi Concilio Concilium Cabilonenſe ſecundum intelligamus, verum etiam in eo, quod poſteriora canonis verba a verſiculo, *quia hiſ* uſque in finem, tanquam additamentum imperiti ſcriptoris, ſint rejicienda.

## CAPUT XXV.

## De Concilio Epaonenſi.

Epaonenſi Concilio adſcripſit Gratianus ſequentes canones.

- [*Can. 40. cau. 11. qu. 3. conſonat cum vulgatis Concilii exemplaribus.*
- [*Can. 11. cau. 26. qu. 6. potius pertinet ad Romanum poenitentiale Halitgarii.*
- [*Can. 31. de conſ. diſt. 2. paullo varius in diverſis exemplaribus.*

POſtquam Burgundiz Regnum ſub Sigifmundo Gundebadi filio ab Arianorum perfidia ad Catholicam unitatem, & fidem reverſum eſt, ipſo Principe exemplo optimo omnibus exiſtente, Hormiſdas Pontifex Maximus urgere cœpit illarum Provinciarum Episcopos, ut ſtatuta a ſacris canonibus ſacra Concilia quotannis ad reformationem diſciplinæ Eccleſiaſticæ celebrarent. Hinc Avitus Viennenſis Episcopus, & Burgundiz, ut arbitror, Rèmes, eodem Sigifmundo, quem ipſe ad Catholicam unitatem converterat, poſſiſſimum conſentiente, Synodum convocavit in Parochia Epaonenſi anno 517., in quam Episcopi quinque ſupra viginti conveniunt, quibus idem Avitus præſuit, aſſidente Vivenſi Episcopo Lugdunenſi. Ubinam ſita fuerit Epaonenſis Parochia, inſtigant viri Geographiz Eccleſiaſticæ eruditi; omnes tamen maxima adhuc in dubitatione verſantur. Mihi ſufficiet, quod certum eſt, expoſuiſſe, videlicet Epaonenſem Parochiam conſtitutam fuiſſe in medio Burgundionum regno, atque eo in loco, quo facile omnes Burgundionum Episcopi convenire poſuiſſent; id enim & Avitus idem Episcopus teſtatur in ſua traſtoria, quam ad univerſos Provinciarum ſuorum Episcopos miſit, eoſdem ad Synodum celebrandam invitans. Quadraginta in hoc Concilio canones editi ſunt, & quidem ſunt omnes magnæ apud viros Eccleſiaſticos auctoritatis; Siquidem & paſſim apud Collectores etiam veteres laudantur, & nonnulli ex ipſis ad calcem

Concilii Agathensis adjecti fuerunt, quemadmodum jam superius diximus, ac propterea verosimile est, canones eosdem non tantum in Burgundionum Provinciis vim obtinuisse, verum etiam ad alias Provincias fuisse traductos. Gratianus, licet plures ex hisce canonibus retulerit sub nomine Concilii Agathensis, quemadmodum vidimus suo loco, tamen tria solummodo fragmenta descripsit sub nomine Concilii Epaonenfis.

C. 40. c. 1. Primus est canon 40. cau. 11. qu. 3., cujus verba omnino consonant cum cano-  
ne 28. ejusdem Concilii Epaonenfis.

Can. 11. Alter est canon 11. cau. 26. qu. 6., qui tamen falso adscriptus est huic  
cau. 26. Epaonenfi Concilio. Gratiano in hac parte ignoscendum videtur, quem falsa Ivo-  
qua. 6. nis inscriptio fefellit; etenim Ivo idem fragmentum in cap. 114. parte 14. recita-  
vit ex cap. 11. Epaonenfis Concilii; Ivo autem ex anterioribus Collectionibus erra-  
vit. Sufficiat mihi hujus ejusdem canonis originem indicare. Integrum ego frag-  
mentum reperio in penitentiali Romano, quem antiquissimum Halitgarius edidit,  
& ad calcem sui operis de Sacramento penitentiae Morinus vulgavit: Itaque ibi in  
cap. 10. hzc leguntur: *Si autem aliquis excommunicatus fuerit mortuus, qui jam sit*  
*confessus, & non occurrat, sed occupavit cum mors, sive in via, sive in domo, si est ali-*  
*quis ex parentibus ejus, pro eo aliquid offerat ad sanctum altare, aut ad redemptionem*  
*captivorum, aut ad commemorationem animae ejus.* Hzc porro nemo non videt eadem  
esse cum Gratiano canonem; ac si aliquot verba ab editione Gratiani discrepare quo-  
quo modo videntur, optima erit occasio sacrorum canonum studiosis eundem Gra-  
tiani canonem emendandi, ut ejus editio accuratior sit, & ad optimorum exem-  
plarum fidem exacta. Ne vero omnino temere egisse Collectores illos asseramus,  
qui hoc fragmentum Epaonenfi Concilio adscripserunt, dixerim id forte ex eo po-  
tuisse contingere, quod ad marginem ejusdem penitentialis, nomen adpositum fue-  
rit Concilii Epaonenfis, non quidem ut significaretur, canonem illum ad Concilium  
Epaonenfe pertinere, sed potius ut indicaretur nonnulla fere similia legi in eodem  
Epaonenfi Concilio, videlicet can. 36., ubi quidam statuunt de illis, qui morte  
præoccupati Ecclesiam satisfacere nequiverunt, ut cum illis humanius ageretur. Ex  
quo factum forte fuit ex oscitantia quorundam Collectorum, ut nomen marginale,  
in textum ipsum irrepserit, arbitratique fuerint Amanuenses, eundem canonem jure  
Epaonenfi Concilio adscribendum.

Can. 32. Canon 31. de conf. dist. 1. apud Ivonem, quemadmodum & in vetustis Gratiani  
de conf. exemplaribus, laudatur nomine Concilii Higeris nensis. Melius tamen Romani Corre-  
dist. 1. ctiores supposuerunt nomen Concilii Epaonenfis, in quo idem fragmentum legitur in  
can. 26., & 27. En verba canonis 26. Epaonenfis. *Altaria, nisi lapidea, chrismatis*  
*unctione* (legunt alii: *infusione*, & Sirmondus notat in aliquibus MSS. Codicibus *legi*  
*unguine*) *non sacrentur.* Deinde in can. 27. *Ad celebranda divina officia ordinem,*  
*quem Metropolitani tenent, Provinciales etiam observare debebunt.* Notat & hic Sir-  
mondus in quibusdam MSS. hzc legi: *Comprovinciales observare debebunt:* Quæ ta-  
men vocularum mutationes levissimi momenti sunt, nec facile canonis ejusdem  
mutare sententiam videntur.



## CAPUT XXVI

## De Concilio Gerundensi.

Concilii Gerundensis nomine hi canones inscribuntur  
apud Gratianum.

- { *Can. 57. dist. 50. paullo varius in diversis exemplaribus.*  
*Can. 31. de cons. dist. 2. ex optimis Concilii Codicibus emendandus.*  
*Can. 15. de cons. dist. 4. a Romanis Correctoribus restitutus.*  
*Can. 14. de cons. dist. 5. fere consonat cum vulgatis Concilii exemplaribus.*

**R**egnante Theodorico Rege apud Hispanos sub consulatione Agapeti, qui juxta  
eruditiorum computationem incidit in annum 517., celebrata est Gerundensis  
Synodus, ita dicta a Gerundo nobili oppido Hispaniæ Citerioris in Catalaunia, &  
quidem Provinciæ Tarraconensis; quomobrem hoc idem Concilium convocavit, &  
in eodem præfuit Johannes Episcopus Tarraconensis: interfuerunt Episcopi infe-  
riores numero sex, quemadmodum ex ipsorum subscriptionibus constat. Quæ au-  
tem in hoc Synodo itata sunt, pertinent ad disciplinam Ecclesiasticam dirigen-  
dam, ex quibus Gratianus quatuor sequentes canones excepit, ut omittam canonem  
8. dist. 34., de quo commodius agam inferius, ubi de Conciliis Aurelianensibus.

Canon 57. dist. 50. idem omnino est cum canone 9. hujus Concilii Gerunden- *Can. 57.*  
sis, ubi tamen pro ea particula initiali *si*, inverso ordine literarum legitur *is*; item *dist. 50.*  
in verbo *deputamus* notat Harduinus, in aliquibus exemplaribus legi: *dicimus*. Gra-  
tianus hoc canone ostendere vult, eos, qui poenitentia publicæ addicti aliquando  
fuerunt, posse deinceps ad Clerum promoveri, in qua sane re Gratianus idem in  
tota dist. 50. diserte disputat, & variis distinctionibus quæstionem universam potius  
involvit, atque confundit, quam explicet, atque perficiat. Eruditissimorum viro-  
rum probata sententia est, in quam me jamdiu libentissime ivisse profiteor, post  
publicam poenitentiam nemini ordinario jure licuisse ad Clericatum admitti. Sed  
forte ita asserentibus videtur primo adpectu negatium facessere hic Gerundensis  
canon, quo ille in Clericatum recipitur, qui publica poenitentia se propria delicta  
expiaturum promiserat. Subobscura sunt Concilii verba, quæ sane si recte expli-  
centur, nihil amplius ingerent difficultatis. Species est de eo, qui infirmitate mor-  
tifera pressus sibi visus est gravissimis criminibus detineri, quæ tamen leviora  
erant, id operante metu mortis, qui animum morituri perturbare maxime solet;  
quomobrem ille pollicitus est, se, si supervixisset, maculam omnem publicæ po-  
nitentia expurgaturum, licet ea delicta ejusmodi revera essent, quibus ex sacro-  
rum canonum disciplina non indulta fuisset publica poenitentia. In præstamam valetu-  
dinem restitutus, animi perturbationem omnem excussit, & admissa peccata agno-  
scens ab Ecclesiæ poenitentia publica non multari, a proposito, & pollicitatione re-  
cessit, proptereaque detrahit se inter publicos poenitentes adscribi. Quæsitum po-  
stea fuit, num hujusmodi vir ad Clericatum promoveri posset? Gerundenses au-  
tem Patres admittendum pronunciarunt ea conditione adjecta, *si prohibita vitia*

non detinetur obnoxius, idest si revera talia delicta admissa non fuissent, ob quæ publicæ ipse poenitentiz fuisset addicendus.

Can. 31.  
de conf.  
dist. 2.

In canone 1. ejusdem Gerundenſis Concilii legitur canon 31. de conf. dist. 2., cujus tamen verba ex optimis ejusdem Synodi exemplaribus ita sunt emendanda: *De institutione Miſſarum, ut quomodo in Metropolitana Ecclesia fuerit, ita in Dei nomine in omni Tarraconenſi Provincia tam ipſius Miſſæ ordo, quam præſtandi, vel miſſivandi conſuetudo ſervetur.* Gratianus legit: *in omnibus Provinciis, quemadmodum & in quibusdam MSS. Codicibus etiam legi, monet Harduinus.* Sed, ut arbitror, parum apte; etenim his verbis ſuppoſitus oporteret nomine Metropolitanæ Eccleſiæ intelligere non unius tantum, ſed & plurium Provinciarum Principem. Civitatem. Rectius autem Tarraconenſis Provincia in exemplaribus Concilii memoratur, in qua conſtituti erant Gerundenſis Concilii Antiltites.

Can. 15.  
de conf.  
dist. 4.

Canonem 15. de conf. dist. 4. Romani Correſtores hodie ad optimorum Codicum fidem exactum reſtituerunt, quemadmodum legitur in cap. 4. ejusdem Concilii Gerundenſis; erat enim in veteribus Gratiani exemplaribus valde perſtriſta hujus canonis ſententia. Unum hic adnotabo, in aliquibus Codicibus poſt illa verba: *in Paſchæ ſolemnitate ita legi: vel Natalis Domini, vel Pentecoſtes &c.* Non tamen arbitror, hoc additamentum de die Natali Domini veteri Eccleſiaſticæ diſciplinæ congruere, juxta quam ſcimus tammodò baptiſma ſolemniter conſueviſſe conferri die Paſchatis, & die Pentecoſtes, cujus rei adhuc in præſens quædam ſuperſunt veſtigia in ritibus Eccleſiaſticis eorundem ſæculorum temporum.

Can. 14.  
de conf.  
dist. 5.

Canon 14. de conf. dist. 5. his verbis legitur in Concilio Gerundenſi canone ultimo: *ita nobis placuit, ut omnibus diebus poſt matutinas, & veſpertinaſ (legit Harduinus ex MSS. Codicibus: poſt Matutinas, & Veſperas) oratio Dominica a Sacerdote præferatur.* Quem ritum etiam hodie in recitandis, præſtandiſque divinis laudibus Clerici omnes obſervamus.

## CAPUT XXVII.

### De Concilio Ilerdenſi.

Capita Concilii Ilerdenſis nomine a Gratiano collecta hæc ſunt:

- Can. 36. dist. 50. paullo varius in aliis exemplaribus Concilii.
- Can. 52. dist. 50. ex melioribus Codicibus antiquiſſimis emendandus.
- Can. 10. dist. 55. pertinet potius ad Concilium Triburienſe anni 895.
- Can. 13. cau. 2. qu. 5. pertinet potius ad Capitularia Francorum.
- Can. 1. cau. 10. qu. 1. jungendus cum can. 34. cau. 16. qu. 1.
- Can. 39. cau. 11. qu. 3. conſonat cum vulgatis Concilii exemplaribus.
- Can. 38. cau. 12. qu. 2. ex integris Concilii exemplaribus emendandus.
- Can. 2. cau. 15. qu. 8. idem eſt cum can. 52. dist. 50.
- Can. 34. cau. 16. qu. 1. jungendus cum can. 1. cau. 10. qu. 1.
- Can. 19. cau. 17. qu. 4. conſonat omnino cum canonibus 8. & 11. Ilerdenſibus.
- Can. 11. cau. 22. qu. 4. paullo varius in diverſis exemplaribus.
- Can. 10. cau. 33. qu. 4. pertinet potius ad Capitularia Francorum.

Can.

[Can. 9. cau. 35. qu. 2. fere consonat cum vulgari Concilii exemplaribus.  
 [Can. 106. de conf. dist. 4. est potius Hincmari Rheimensis.

**I**N eadem Tarraconensi Provincia, in qua nuper habitum diximus Gerundense, celebratum etiam fuit Ilerdense Concilium, ita nuncupatum ab Ilerdensi Civitate, vulgo *Gerunda*, quod alii referunt ad annum 524., alii vero ad annum 546. temporibus Theodorici Regis, & Johannis I. Pontificis Maximi. Est & istud Concilium Provinciale convenientibus Episcopis octo sub Sergio Metropolitano, qui canonibus editis sexdecim plurimum ad reformationem disciplinæ Ecclesiasticæ contulerunt.

Ex his numero primus est canon 36. dist. 50. pertinens ad eos Clericos, *Can. 36. quos hostilis obsidio diutius prefferat; erat enim frequens tunc apud Hispanos dist. 50. obsidionis occasio propter frequentissimas Vandalorum incursiones. In aliquibus verbis Gratiani editio emendanda ex antiquioribus Codicibus est; nam ubi Gratianus habet: Et Christi Corpus, & Sanguinem tradunt . . . quam communione Corporis Domini preveniuntur, legunt alii hoc modo: & Christi Sanguinem tradunt . . . quam communione preveniuntur.*

In canone 5. Ilerdensi habetur Gratianus canon 52. dist. 50., quem etiam *Can. 52. Rhabanus descripsit in Epist. ad Heribaldum cap. 10. prope finem, & quidem nomine Concilii Ilerdensis cap. 5. Rhabbani ejusdem verba hoc loco describam, dist. 50. tamquam antiquitus jam ex Ilerdensi Concilio relata. De his, qui altario deserviunt, & ca. 2. (hoc sane nomine non Sacerdotes, sed inferiores Clerici intelliguntur; nam de Sacerdotibus aliam arbitror disciplinam obtinuisse, ut scilicet perpetuo a suo gradu deponerentur) si subito stenda (vulgati Concilii Codices habent: Hi, qui altario Dei deserviunt, si subito in stenda &c.) carnis fragilitate corruerint, & Domino respiciente digne paniverint, ita ut mortificato corpore, cordis contriti sacrificium Deo offerant, maneat in potestate Episcopi, vel veraciter assilto non diu suspendere, vel desidiosos prolixiori tempore ab Ecclesiæ corpore segregare; ita tamen ut, si officiorum suorum loca retineant, non possint (multo aliter habent vulgati Concilii Codices ibi: ita tamen, ut sic officiorum suorum loca recipiant, ne possint) ad altiora officia ulterius promoveri. Quod si iterato, velut canes ad vomitum, reversi fuerint, non solum dignitate officii careant, sed etiam sanctam Communionem nonnisi in exitu percipiant. Hæc eadem retulit Gratianus in can. 2. cau. 15. qu. 8.*

Ex cap. 10. Concilii Ilerdensis laudatur apud Ivonem parte 6. cap. 34. fragmentum illud, quod Gratianus descripsit in can. 10. dist. 55., falso tamen, vel *Can. 10. quod nihil tale in Concilio Ilerdensi legatur, vel quod nonnisi sexdecim canones in eadem Synodo editi exhibeantur, ac propterea frustra commemoretur canon vigesimus Ilerdensis. Quamobrem facile est suspicari, hoc fragmentum adjectum fuisse alicui Codici, in quo haberetur Ilerdense Concilium ad commodum alicujus studiosi, pertinuisse tamen ad alia Concilia, quorum integra acta in eodem Codice minime haberentur. Porro idem canon potius videtur pertinere ad canonem 1. Concilii Nicæni I., aut ad canonem 33. Concilii Triburiensis anni 895., in quo ita legitur: In Nicæno sancto, & universali Concilio statutum est cap. 1., ut si quis a medicis per languorem defessus est, aut a barbaris abscissus, hic in Clero permaneat. Et infra: Hanc auctoritatem sanctorum Patrum consistemus, & confirmamus, sequimurque, ita ut si quis a medicis per languorem defessus est, vel per aliquam infirmitatem claudus*

duſ effectus eſt, & inveniatuſ alias dignuſ, permanet Clericuſ, & ſacro ordinuſ opuſ.

Can. 13. Omnibuſ liquet, Concilio Ilerdenſi nullo modo adſcribi poſſe canonem 13. cau. 2. qu. 5., dummodo integer deſcribatuſ, qualiſ ad Burchardum, & Ivonem habetur. Itaque Ivo in parte 6. decreti cap. 229. ita exhibet: *Ex Concilio Ilerdenſi. Siquiſ Presbyter, a plebe ſibi commiſſa mala opinione informatuſ fuerit, & Epicoſcopuſ legitimiſ teſtibuſ approbare non potuerit, ſuſpendatur Presbyter uſque ad dignam ſatiſfactionem, ne populuſ fidelium in eo ſcandaluſ patiatur. Digna enim ſatiſfactio eſt, ſi eiſ, a quibuſ reuſ edicituſ poſt ſaſtam ſecuritatē de impoſito crimine innocenſ eſſe manifeſtetuſ. Quod ita a nobiſ, & a majoribuſ conſtitutuſ eſſe docetur. Sed ſive ſecunduſ canoneſ, ſive ad arbitriuſ Epicoſcopi ſibi colleagueſ ſeptem conjungaſ, & jureſ in ſacro coram poſito Evangelio, quod cum ſancta Trinitate, & Chriſtuſ Filiuſ Dei, qui illuſ ſcripſeruſ, & docuit, quod Evangelium continet, & ſancti quatuor Evangeliſte, qui illuſ ſcripſeruſ, ſic adjuvent, quod ille prænominatuſ alioſnem ita non perpetravit, ſicut ei de illo oblatuſ eſt, & in hac ſatiſſactione purgaſ ſecure deincepſ ſuū exercereat miniſteriuſ. Quam ſatiſſactionem nonnulli præcedentiuſ Patruſ ſanctū Papam Leonem in Baſtica ſancti Petri Apoſtoli coram Reverendiſſimo Caſare Carolo, ac Clero, & plebe ita ſeciſſe commemorat, acque ita mox veneranduſ Principem contra ejuſdem ſancti Papæ adverſariuſ dignę ultionis vindictam exercuiſſe. Hiſc ſane depromptuſ eſt Gratiani fragmentuſ, ex quo liquet Gratianuſ nonnulla immutaſſe, aut omiſiſſe, ut properea emendatione indigere videatur; liquet prætereā perperam Ivonem, & Burcharduſ eidem canoni inſcripſiſſe nomen Concilii Ilerdenſiſ, cum in eo mentio fiat Caroli Imperatoris, & Leonis Papæ Concilio Ilerdenſi anni 524. longe recentioruſ, aliſ autem meliſ adſcriptuſ fuiſſet alicui noni ſæculi Auditori. Clara eſt, & perſpicua huiuſmodi demonſtratio. At ſi ulteriuſ intelligemuſ, unde nam Ivo, aut Burcharduſ hoc idem fragmentuſ exceperint, ego ſtatim ſuſpicabor de conſuetu Burchardiſ ratione, qui propoſuerat deſcribere quidē capitā, quæ habebantur in Capitularibuſ Francoruſ, ſed eodem tempore a laudando Capitulariuſ eoruſdem nomine abſtinere, quemadmoduſ aliſ jam ſapiſſime obſervanduſ fuit. Porro in Capitularibuſ Francoruſ lib. 5. cap. 36. legituſ eadem ſententiā, licet verbis paullisper immutatiſ, quæ etiam apud Gratianuſ legituſ in can. 19. cau. 2. qu. 5., de quo agemuſ ſuo loco. Sed prætereā ſimilia quædam habentur apud Iſaacuſ Epicoſcopuſ Lingonenſem in ſuiſ canonibuſ ſelectiſ, quos ex Capitularibuſ Reguſ Francoruſ ipſe edidit, etenim tit. 11. cap. 3. ita habet: *Sacerdoſ ſi ſuſpicioſuſ, aut incredibilis ſuo Epicoſcopo, aut reliquiſ ſuiſ Conſacerdotibuſ, ſive boniſ, & juſtiſ de ſuo populo, vel de ſua plebe hominibuſ fuerit, ne in crimine, aut in prædicta ſuſpicionē remaneat, cum tribuſ, aut quinquē, vel ſeptem boniſ, ac viciniſ Conſacerdotibuſ exemplo Leonis Papæ, qui duodecim Epicoſcopoſ in ſua purgatione habuit, vel eo ampliſ, ſi ſuo Epicoſcopo viſuſ fuerit, aut neceſſe præpter tumultuſ populi ineſſe perſpexerit, & cum aliſ boniſ, & juſtiſ hominibuſ ſe Sacramento coram populo ſuper quatuor Evangelia purgatuſ Ecclēſiæ reddat. Siquiſ autem ſcire deſiderat, qualeſ teſteſ ad accuſationē Sacerdotuſ recipi debeant, & quid de accuſatore faciendū ſit, pleniter in canonibuſ reperire poterit. Hæc igituſ Francoruſ Capitulariuſ fragmenta illa eadem ſunt, quæ Burcharduſ more ſuo immutatiſ nonnulliſ vocibuſ nomine Concilii Ilerdenſiſ in ſuū Codicem retulit, & ex Burchardo Ivo, & Gratianuſ.**

Jun-

Jungenda simul sunt duo Gratiani fragmenta, videlicet canon 34. cau. 16. qu. 1. & canon 1. cau. 10. qu. 1., utrumque enim pertinet ad eundem canonem 3. Ilerdensem. Concilii Ilerdensis verba ipsa describam, qualia habentur in integris exemplaribus. De Monachis vero id observari placuit, quod Synodus Agathensis, & Aurelianensis noscitur decrevisse. (Respexerunt hic Ilerdenses Patres ad canonem 27. Concilii Agathensis, seu can. 12. cau. 18. qu. 2., can. 33. cau. 16. qu. 1., & can. 3. cau. 20. qu. 4.) Hoc tantummodo adjiendum, ut pro Ecclesiæ utilitate, quos Episcopus probaverit, in Clericatus officio cum Abbatis voluntate debeant ordinari. Ea vero, quæ in jure Monasterii de facultatibus offeruntur, in nullo Diocesana lege ab Episcopis contingantur. Hæc exhibent canonem 34. cau. 16. qu. 1. Sequitur canon 1. cau. 10. qu. 1. in eodem canone Ilerdensi his verbis: Si autem ex Laicis quisquam a se solam Basilicam consecrari desiderat, nequaquam sub Monasterii specie, ubi congregatio non colligitur, vel regula ab Episcopo non constituitur, eam a Diocesana Legæ audeat segregare.

De canone 39. cau. 11. qu. 3. nihil est, quod specialiter differamus. Legitur ille eisdem omnino verbis in can. 10. ejusdem Concilii Ilerdensis.

Canon 38. cau. 12. qu. 2. legitur in can. 16. Ilerdensi, ubi postquam Episcopi enarravissent, ac conqueiti fuissent morientium Episcoporum bona ab invadentibus diripi solere in gravissimum detrimentum Ecclesiarum, ita subdiderunt: Ideo nunc hæc hujus placiti, vel constituti inter nos censura placuit custodiri, ut defuncto Antistite, vel etiam adhuc in supremis agente, nullus Clericorum, cujuslibet ordinis, officii, gradusve sit, quidquam de domo auferre presumat, vel de utilitate, quæ instrumenti domus esse noscitur, idest. mobili, & immobili rei Ecclesiasticæ conetur invadere; nihil furto, nihil vi, nihil dolo supprimens, auferens, atque abscondens; sed is, cui domus commissa est, subjunctis sibi cum consilio Cleri uno, vel duobus fidelissimis, omnia usque ad tempus Pontificis substituendi debeat conservare, vel his, qui in domo inventiuntur, Clericis consuetam alimoniam administrare. Substitutus autem Antistes susceptæ ea, prout decessor suus ordinavit, vel huc Deus imperavit, (legunt alii: susceptæ sedis commoda ordinabit, velut Deus imperavit) ut cum his debeat, quos cognoverit discipline, & charitati decessoris sui fideliter paruisse. Quod si quisquam post hæc cujuslibet ordinis, ut superius dictum est, Clericus quacumque occasione de domo Ecclesiæ, vel de omni facultate quidpiam probatus fuerit abstulisse, vel forsitan dolo aliquo suppressisse, reus sacrilegii, proxiori Anathemate condemnatur, & vix quoque peregrina ei communio concedatur: Quia durum est, ut hi, quos constat in servicio Domini cum primæ sedis Antistite defuisse, illorum, qui suarum rerum incubatores, vel utilitatibus servientes, atque vacantes fuissent noscuntur, despecti aliquatenus crucientur. Pro his postremis verbis alii ita legunt: Quia durum est, ut hi, quos constat in servicio Domini cum primæ sedis Antistite defuisse, ab his, qui suarum rerum incubatores, atque vagantes fuissent noscuntur, despecti aliquatenus crucientur. Integra retuli canonis verba, ut exinde possit facile unumquique Gratiani fragmentum aliquantisper depravatam ex his emendare, licet revera eadem ubique servetur Ilerdensium Patrum sententia, qui videlicet bona defuncti Episcopi successori reservanda voluerunt; ita tamen ut successor ipse non destitueret illos, qui, dum antecessor viveret, Ecclesiæ deservierant.

In canone 19. cau. 17. qu. 4. usque ad vers. si qui Clerici legitur canon 8. ex Ilerdensibus; deinde ab eodem versiculo usque in finem legitur eisdem omnino verbis canon undecimus ejusdem Concilii. Porro, quod spectat priorem hujus canonis

Can. 1.  
cau. 10.  
qu. 1. &  
can. 34.  
cau. 16.  
qu. 1.

Can. 39.  
cau. 11.  
qu. 3.

Can. 38.  
cau. 12.  
qu. 2.

Can. 19.  
cau. 17.  
qu. 4.

nonis partem, congruum omnino videbatur, ut, si Clerici veteres consueverant publicorum criminum reis intercedere veniam apud Imperatores, quotiescumque illi ad Ecclesiam confugerent, & severæ, salutarique poenitentiz legibus sese subicerent, iidem Clerici præcipue veniam illis impetirentur, qui ab eisdem Clericis omnino dependebant, eorum videlicet servi, aut discipuli, si post admissum aliquod crimen, quod a Clericis eisdem corrigi, ac puniri potuisset, ad Ecclesiam confugissent, ac poenitentiz signa dedissent.

Can. 11.  
cau. 22.  
qu. 4.

In canone 7. Concilii Ilerdensis habetur canon 11. cau. 22. qu. 4., ubi tamen pro verbis illis: *jejunii absolvas* legitur: *jejunii abluas*. Similia quædam referuntur in poenitentiali Romano edito ab Antonio Augustino his verbis: *Si Sacramento se obligasti, ut ad pacem alicujus inimici tui nullo modo redires, pro perjurio uno anno a communione Corporis, & Sanguinis Domini sis sequestratus, & quadraginta dies in pane, & aqua poeniteas. Ad charitatem vero, quæ operis multitudinem peccatorum, celeriter redi. Paulo aliter legitur in Capitulari Ludovici Imperatoris anni 867. his verbis: Qui Sacramento se obligaverint, ut litigantes cum quolibet ad pacem nullo modo redeant, si Clerici fuerint, deponantur; si Laici pro perjurio uno anno a communione Corporis, & Sanguinis Domini segregentur; reatum vero suum elemosinis, & fletibus, quantis potuerint, jejunii absolvant. Ad charitatem vero, quæ operis multitudinem peccatorum, celeriter venire festinent. Quod qui contempserit facere, Imperiali sententia feriatur.*

Can. 10.  
cau. 33.  
qu. 4.

Canon 10. cau. 33. qu. 4. laudatur quidem nomine Concilii Ilerdensis; at neque in Ilerdensi, neque in aliis, quod noverim, Conciliis legitur. Imo nonnulli ex eruditissimis asserunt, in hoc fragmento referri disciplinam recentioris ætatis in ea parte, quæ tria anni sacri tempora distribuunt; hæc enim eadem tempora post octavum tantummodo Ecclesiæ sæculum ea ratione dividi ceperunt. Ego hoc in loco suspicor de Burchardi fide, qui sententias Capitularium Francorum referre, voluerit, atque de more suo mutato auctorum nomine Concilio Ilerdensi adscribere. Porro in Capitulis Regum Francorum ab Herardo Archiepiscopo Turonensi collectis cap. 62. hæc leguntur: *Ut diebus festis jejuniorum a conjugibus se abstineant, & quia non est concessa uxor causa libidinis, sed filiorum, & omnia prohibeantur illicita, parcaturque a licitis*. In his itaque videmus generaliter constitutam disciplinam illam noni sæculi, juxta quam conjugiorum tædera temporibus jejuniorum prohibebantur. At rursum illa ætate solemnes tres fuisse jejuniorum ferias, colligitur ex lib. 6. Capitularium can. 187. in editione Parisiensi anni 1677. his verbis: *Admoneant Sacerdotes, ut jejunia tria legitima in anno agantur, idest quadraginta dies ante nativitatem Domini, & quadraginta dies ante Pascha, ubi decimas anni solvimus, & post Pentecosten quadraginta dies*. Ex his ergo capitulis Burchardus, & ex eo Ivo, ac Gratianus memoratum fragmentum composuerunt, quod tamen disciplinæ suæ Provinciz Burchardus accommodavit loco quadragesimæ septuagesimam scribens, & loco quadraginta dierum post Pentecosten memorans tres hebdomadas ante festivitatem S. Johannis Baptiste, de quibus etiam sermo est in cap. 4. de feriis, quod Doctores, & Interpretes bene multi illustrant.

Can. 9.  
cau. 35.  
qu. 2.

Canon 9. cau. 35. qu. 2. legitur in can. 4. Ilerdensi, cujus hæc sunt priora verba: *De his, qui se incesta pollutione commaculant &c.* In integris Concilii exemplaribus pro illo postremo Gratiani verbo *licet*, legitur, *oportet*. Nomine autem Missæ Cathecumenorum ego intelligo eam Missæ partem, post quam Cathecumeni foras

ab Ecclesia dimittebantur, cujus rei adhuc hodiernis temporibus quoddam vestigium habemus in illis verbis, quæ proferre solet Diaconus in solemni Missa, inquit: *Ite Missa est.*

Canon 106. de cons. dist. 4. in pluribus, & vulgatis Gratiani Codicibus laudatur *ex Concilio Ilerdensi*, in aliis, & paucis *ex Concilio Meldensi*; utrobique falso; neque enim aut in Meldensis, aut in Ilerdensis Concilii canonibus aliquid simile reperitur. Legitur potius inter capitula Hincmari Rhemensis Archiepiscopi ad Presbyteros Rhemensis Ecclesie directæ anno circiter 852., ibi enim cap. 3. hæc habentur: *Qui fontes lapideos habere nequiverit, vas conveniens ad hoc solummodo baptizandi officium habeat, & similiter ad corporale lavandum, & ad pallas altaris propria vasa habeantur, in quibus nihil aliud fiat.* Romani Correctores tradiderunt similia etiam nonnulla haberi in ordine Romano de officiis divinis; ego præterea animadverto etiam similia legi apud Ahytonem Basileensem Episcopum in Capitulari anni circiter 820., quod ipse suis Clericis servandum proposuerat, cap. 9. ibi: *Et ut vas ad fontem baptismatis habeant, quod ad reliquos usus nullatenus assumatur.* Qua vero de causa Gratianus potuerit pro Capitularibus Hincmari, aut Ahytonis Concilium Ilerdense, aut Meldense scribere, ego facile judicaverim. Oportebit enim recipere potius Codices illos Gratiani, in quibus non Ilerdensi, sed Meldensi Concilio canon adscribitur; etenim Ilerdensis nomen pro Meldensi facile supponi potuit ab Amanuensibus, vel Typographis. Revera apud Ivonem parte 1. decreti cap. 208., unde Gratianus fragmentum accepit, inscribitur, non ex Ilerdensi, sed potius ex Meldensi Concilio. Ivo autem sic inscripserat ex Burchardo. Burchardus describebat idem fragmentum ex collectione Regnonis, apud quem in lib. 1. cap. 271. idem fragmentum habetur, cum hac inscriptione: *Unde supra*, qua forte Regino significabat sequens capitulum jam antea a se fuisse relatum, quemadmodum revera relatum fuerat in eodem lib. 1. cap. 79. Burchardus putavit ea verba *unde supra* indicare nomen Auctoris præcedentis canonis; cumque præcedens canon 270. Meldensi Concilio inscribatur, & idem subsequenti canoni 271. nomen Concilii Meldensis inscripsit.

## CAPUT XXVIII.

## De Conciliis Arvernensibus 6. sæculi.

Concilio Arvernensi hæc tria fragmenta adscribuntur  
apud Gratianum.

- { Princ. qu. 1. cau. 6. consonat cum can. 12. Concilii Arvernensis, & Aurelianensis.  
Can. 42. cau. 11. qu. 3. consonat cum can. 2. Concilii Arvernensis, & Aurelianensis.  
Can. 43. de cons. dist. 1. perperam in vulgatis Codicibus inscriptus Concilio Aurelianensi.

DE ARVERNENSI CONCILIO posterioris ætatis, & sub Urbano II. Pontifice Maximo celebrato non hic sermonem instituo; de eo enim suo loco commodius agendum videtur. Duo hic tantummodo memorabo Arvernensia Concilia ita dicta

Tom. I.

T t

ab

ab oppido Arvernorum, qui sunt Aquitaniz populi, sexto Ecclesie sæculo habita, alterum scilicet anni 535., alterum anni circiter 549.

Ut ab eo exordiar, quod celebratum fenu anno 535., cum Theodoricus Francorum Rex plura ex bonis Ecclesiasticis occupavisset, eo defuncto Theodebertus in Regno successor, & piissimus Princeps itatim voluit omnia Ecclesiis restitui, imo etiam curavit, ut convenientibus in Synodum Episcopis Ecclesiasticarum rerum jura latis legibus firmarentur. Synodus itaque apud Arvernos indicta fuit, eidemque præfuit Honoratus Bituricensis, cum interessent quatuordecim plurium Provinciarum Episcopi, inter quos memorandus est S. Gallus Arverniz ejusdem Ecclesie Episcopus, & miraculis clarus, quem Gregorius Turonensis prædicat in lib. 2. de gloria Martyrum cap. 23. Ad hoc Concilium pertinet Gratianus canon 45. de cons. dist. 1., qui tamen in Codicibus Gratiani inscriptus fuit Concilio Aurelianensi, errore, ut arbitror, Ammuenfium, vel Typographorum, qui ex similitudine literarum facile Aurelianense scripserunt pro Arvernensi. Quemadmodum vero canon 8. Arvernensis, prout in integris Concilii exemplaribus legitur, tantillum distat a canone edito apud Gratianum, ideo ejusdem octavi canonis verba describam hoc modo: *Ne ad nuptiarum ornatum ministeria divina præstentur; ne dum improborum talis, pompæque secularis luxurie polluuntur, ad officia sacri mysterii videantur indigna.*

Can. 43.  
de cons.  
dist. 1.

Altera Arvernensis Synodus celebrata fertur anno 549. sub Rege Theodebaldo, qui filius fuit, & in Regno successor memorati Religiosi Principis Theodeberti. Præfuit autem Concilio Hesychius Viennensis, cum intervenissent novem alii ex diversis Provinciis Episcopi. Hanc Synodum primus typis edendam curavit Jacobus Sirmondus juxta exemplar, quod ipse extare assererat Tolofz in Bibliotheca Fuxensi; hodie vero adjectam habemus in collectionibus Conciliorum post Concilium Aurelianense V., ea de causa, quod in eodem Concilio Arvernensi nihil aliud peractum fuisse adpareat, quam confirmata ea capita, quæ in Concilio Aurelianensi V. continuata fuerant. Et revera priores 17. canones Aurelianenses iidem rursus in hoc Concilio Arvernensi editi sunt, ac renovati, quod & in præfatione ejusdem Concilii animadvertitur. Duo hujus Concilii fragmenta retulit Gratianus; primum in principio quæstionis 1. cau. 7. illis verbis: *Quod autem vivente Episcopo alius superponi, aut superordinari non possit, ex Concilio apud Arverniam celebrato definitum est, in quo legitur, ut nullus vivente Episcopo &c.* Hic sane describitur canon 12. Arvernensis, cujus hæc sunt verba: *Ut nullus vivente Episcopo alius ponatur, aut superordinateur Episcopus, nisi forsitan in ejus locum, quem capitalis culpa deiecerit.* Romani Correctores, qui præ oculis habere non potuerunt hoc Concilium Arvernense, observarunt eum canonem pertinere potius ad caput 12. Concilii Aurelianensis V. Et revera nihil interest, cum, uti diximus, capita Concilii Aurelianensis fuerint in Arvernensi renovata.

Princ.  
q. 1.  
cau. 7.

Can. 43.  
cau. 11.  
qu. 3.

Alterum est in can. 42. cau. 11. qu. 3., qui omnino consonat cum canone 2. Arvernensi. Sed Romani Correctores, qui nondum viderant acta hujus Concilii Arvernensis postea a Sirmondo edita, observarunt eundem canonem pertinere potius ad Concilium Aurelianense V., in quo etiam legitur. Hodie itaque agnosceamus in hac parte Gratianæ editionis integritatem, quemadmodum & forte in aliquibus aliis locis agnosceremus, si nostris temporibus ea omnia edi potuissent, quæ in Bibliothecis Gratiani sæculi servabantur.

APPEN-



# APPENDIX.

337

## De Concilio Urbanensi.

Ex Urbanensi Concilio a Gratiano laudatur.

{ Can. 17. cau. 28. qu. 1. *potius tribuendus Concilio Arvernensi.*

A Djeci hoc in loco fragmentum Concilii, quod apud Gratianum Urbanense, adpellatur, nomine sane aut ab Amanuensibus, aut a Typographis depravato. Neque enim ullum *Urbanense* Concilium apud canonum, aut Conciliorum Collectores agnoscitur, neque significari potest, unde nam hoc Urbanensis derivari potuerit. Itaque melius apud Gratianum pro Concilio Urbanensi legendum Arvernense in can. 17. cau. 28. qu. 1., Perspicuum enim id redditur, quoties conferamus verba ejusdem canonis 17. cum canone 6. prioris, quod superius memoravimus, Arvernensis Concilii sub Theodeberto Rege celebrati, ubi hæc habentur: *Siquis Judaice pravitati jugali societate conjungitur, & seu Christiana Judeo, seu Judeus Christianæ mulieri carnali consortio miscetur, quicumque horum tantum nefas admisisse dignoscitur a Christianorum cætu, atque convivio, & communione Ecclesiæ, cujus sociatur hostibus, segregetur.* Eadem ferme leguntur in Concilio Aurelianensi II. anni 533. can. 19. ibi: *Placuit, ut nullus Christianus Judæam, neque, Judæus Christianam in matrimonio ducat uxorem, quia inter hujusmodi personas illicitas nuptias esse censemus. Qui, si communis a consortio hoc se separare distulerint, a communionis gratia sunt sine dubio removendi.*

## CAPUT XXIX.

### De Conciliis Aurelianensibus sexto sæculo celebratis.

Nonnulla ex Aurelianensibus Conciliis retulit Gratianus, in cujus Codice hodie multa fragmenta adscribuntur Concilio Aurelianensi I., alia Concilio Aurelianensi III., alia Concilio Aurelianensi IV., alia demum ex Concilio Aurelianensi ita laudantur, ut minime designetur, ad quodnam ex Aurelianensibus Conciliis referantur; quemadmodum ex sequentibus liquet:

Ex Aurelianensi I.

- { Can. 11. dist. 28. *ex integris Concilii exemplaribus supplendus.*
- { Can. 19. dist. 54. *consonat cum disciplina vetere Galliarum.*
- { Can. 14. dist. 81. *falso in quibusdam Codicibus Arclatensi Concilio tributus.*
- { Can. 1. dist. 82. *fere consonat cum vulgatis Concilii exemplaribus.*
- { Can. 5. dist. 91. *jungendus cum can. 3. de cons. dist. 3.*
- { Can. 20. cau. 2. qu. 7. *paullo varius in diversis exemplaribus.*

T 5 2

Can.

Ex eod. Aurelianusensi I.

- Can. 7. cau. 10. qu. 1. fere consonat cum vulgatis Concilii exemplaribus.  
 Can. 8. cau. 10. qu. 1. emendandus ex vulgatis Concilii exemplaribus.  
 Can. 12. cau. 16. qu. 3. paullo varius in diversis exemplaribus.  
 Can. 10. cau. 16. qu. 7. consonat cum vulgatis Concilii exemplaribus.  
 Can. 36. cau. 17. qu. 4. ex integris Concilii exemplaribus emendandus.  
 Can. 14. cau. 18. qu. 2. consonat cum vulgatis Concilii exemplaribus.  
 Can. 16. cau. 18. qu. 2. emendandus ex vulgatis Concilii exemplaribus.  
 Can. 9. cau. 26. qu. 5. consonat cum vulgatis Concilii exemplaribus.  
 Can. 32. cau. 27. qu. 1. ex integris Concilii exemplaribus emendandus.  
 Can. 5. de pæn. dist. 5. fere consonat cum vulgatis Concilii exemplaribus.  
 Can. 3. cau. 36. qu. 1. ex vulgatis Concilii exemplaribus emendandus.  
 Can. 65. de conf. dist. 1. paullo varius in diversis exemplaribus.  
 Can. 3. de conf. dist. 3. fere consonat cum vulgatis Concilii exemplaribus.  
 Can. 4. de conf. dist. 3. consonat omnino cum vulgatis Concilii exemplaribus.  
 Can. 5. de conf. dist. 3. ex vulgatis Concilii exemplaribus emendandus.  
 Can. 6. de conf. dist. 3. fere consonat cum vulgatis Concilii exemplaribus.

Ex Aurelianusensi III.

- Can. 1. dist. 74. consonat omnino cum vulgatis Concilii exemplaribus.  
 Can. 10. dist. 81. jungendus cum can. 1. dist. 74.  
 Can. 25. cau. 11. qu. 1. ex vulgatis Concilii exemplaribus emendandus.  
 Can. 41. cau. 12. qu. 2. paullo aliter legitur in vulgatis Concilii exemplaribus.

Ex Aurelianusensi IV.

- Can. 2. dist. 34. pertinet potius ad Concilium Epacense anni 517.  
 Can. 3. dist. 34. pertinet potius ad Concilium Germanicum anni 742.

Adjiciuntur:

- Can. 8. dist. 34. est potius Concilii Gerundensis anni 517.  
 Can. 40. cau. 12. qu. 2. est potius Concilii Agathensis, ut in can. 33. cau. 12. qu. 2.  
 Can. 32. cau. 13. qu. 2. tribuendus Reginoni Prumiensi.  
 Can. 29. cau. 18. qu. 2. convenit cum Concilio Aurelianusensi I., & Rothomagensi anni 650.  
 Can. 16. cau. 27. qu. 1. pertinet ad Concilium Triburiense juxta Reginonem.  
 Can. 17. cau. 27. qu. 1. pertinet ad Concilium Triburiense.  
 Can. 30. cau. 27. qu. 2. pertinet ad Concilium Vermeriense.  
 Can. 3. cau. 35. qu. 8. pertinet ad Capitularia Francorum.  
 Can. 9. de conf. dist. 1. pertinet ad Novellas Justiniani Imperatoris.  
 Can. 27. de conf. dist. 1. est potius Theodori Cantuariensis.  
 Can. 43. de conf. dist. 1. est potius Concilii Arvernensis.  
 Can. 6. de conf. dist. 5. pertinet ad Capitularia Francorum.

De

## De Concilio Aurelianensi I.

**I**nitio sexti sæculi nemo ignorat Galliam unversam nondum omnino Catholicam fidem professam fuisse; quum enim illa triplici ex Regno constaret, qua Gothis, qua Burgundionibus, qua Francis occupata; & horum alii Principes Ethnicis adhuc superstitionibus obvolvebantur, alii hæreticis, præsertim Arianis, faventes Catholicum nomen averfabantur; non deerant tamen identidem Sanctissimi Episcopi, qui rem in incrementum fidei in dies propagandæ vergere cupientes, nullum non lapidem movebant, quo tandem fieri posset, ut integræ Galliarum Provincie in unitate fidei sociarentur. Laudo inter ceteros S. Rhemigium Episcopum Rhemensem, qui cum charus esset Clodoveo Regi Francorum licet nondum baptizato, curavit, ut ipse Rex Christianæ fidei nomen daret, spe etiam Regi propozita, futurum, ut sub Christi auspiciis fortunatiora ejusdem arma essent in Regni sui incrementum, & decus, præcipue vero facilius ipse vinceret Gothos, qui regnante Alarico Ariano Principe Galliarum partem occupaverant. Hinc Clodoveus idem in Deum, resque divinas, & Ecclesiasticas propensior factus, baptizatus se Christo dicari postulavit, iisque auspiciis bello moto Alaricum vicit, occidit, ejusdemque Regnum suscepit, ita ut tum maxima Galliarum pars Clodoveo subiceretur. Res ita optime gestæ magis, ac magis Regem ipsum concitaverunt, ut faveret Ecclesiis, qui propterea in deliciis habuit, ut Episcopi simul in Concilia convenirent, & de rerum Ecclesiasticarum utilitatibus pertractarent. Atque id primum contigit anno 511., quo in Civitatem Aurelianensem confluerunt triginta & plures Galliarum Antistites, inter quos Metropolitani quinque, Burdegalaensis, Bituricensis, Turonensis, Elufanus, & Rothomagensis, quamobrem hoc Concilium jure appellare poterimus Nationale Gallie fere unversæ. Hæc est Synodus Aurelianensis I., in qua canones 31. editi sunt communi consensione, Rege ipso auctoritatem omnem impertiente. Et sane qualis fuerit inter Regem ipsum, & Episcopos in hac parte consensio, demonstrat perspicue Epistola Synodi ad Regem, quæ adis ejusdem Concilii præposita est, in illis verbis: *Domino suo Catholicæ Ecclesiæ filio Chlothoveo Gloriosissimo Regi omnes Sacerdotes, quos ad Concilium venire jussistis. Quia tanta ad Religionis Catholicæ cultum gloriose fidei cura vos excitat, ut salutari mentis affectu Sacerdotes de rebus necessariis tractaturos in unum colligi jussistis secundum voluntatis vestræ consultationem, & titulos, quos dedistis, ea, quæ nobis visum, definitione respondimus, ita ut si ea, quæ nos statuimus, etiam vestro recta esse judicio comprobantur, tanti consensus Regis, ac Domini majori auctoritate servandam tantorum firmes sententiam Sacerdotum.*

In can. 13. hujus Concilii legitur can. 11. dist. 28. his verbis: *Si se cuilibet mulier duplici conjugio Presbyteri, vel Diaconi relicta junxeris, aut castigati sepaventur*, (legunt alii: *aut castitate servato sepaventur*), *aut certe si in criminis intentione persisterint, pari excommunicatione plebentur.* Contingebat quandoque Presbyteros, vel Diaconos servandæ continentie causa ab uxoribus divertere, eisdem sane uxoribus consentientibus, quæ tamen aliquando nova cum aliis se posse contrahere conjugia arbitrabantur. Id severa indicta poena Patres Aurelianenses prohibuerunt.

Can. 11.  
dist. 28.

In

Can. 19.  
dist. 54.

In canone 8. Aurelianensi legitur eisdem verbis canon 19. dist. 54., ubi tamen monet Sirmundus, in aliquibus Codicibus pro illa voce *duplici legi dupli*. Quz porro ibidem constituitur disciplina æquitati consentanea est, cum definiatur servos non aliter, quam suorum dominorum accedente consensu, esse ordinandos. Cum enim Imperiali lege Clerici ab omnibus serviitiis personalibus, quz Ecclesiastica non essent, haberentur exempti, æquum erat, ut nemo per ordinationem eximeretur, quam eorum voluntate, quorum poterat interesse, quique præsertim in ipsos dominicam exercere poterant potestatem. Atque eodem jure ipsi Aurelianenses Patres in can. 4. ita sanxerunt: *De Ordinationibus Clericorum id observandum esse decrevimus, ut nullus secularium ad clericatus officium presumatur, nisi aut cum Regis jussione, aut cum Judicis voluntate* &c. Quod & clarius addita ratione decernitur in Capitularibus Caroli Magni capit. 2. anni 805. can. 15., Capitul. 3. ejusdem anni can. 17., & in libris Capitularium lib. 1. cap. 114. editionis Parisiensis anni 1677. his verbis: *De liberis hominibus, qui ad servitium Dei tradere se volunt, ut prius hoc non faciant, quam licentiam a nobis postulent; hoc ideo, quia audivimus aliquos ex illis non tam causa devotionis hoc fecisse, quam pro exercitu, seu alia functione Regali fugienda, quosdam vero cupiditatis causa ab his, qui res illorum concupiscunt, circumventos audivimus, & ideo hæc fieri prohibemus*.

Can. 14.  
dist. 81.

De canone 14. dist. 81. frustra hoc loco repeterem, quz jam dixi, ubi de Concilio Arelatenſi I., etenim ibi & animadverti falso Concilio Arelatenſi inscriptum fuisse, & canonem eundem ad exemplaria Concilii hujus Aurelianensis exegi.

Can. 1.  
dist. 82.

In can. 18. ejusdem Concilii Aurelianensis habetur canon 1. dist. 82., ubi tamen pro illis verbis: *in quantum sibi possibile fuerit*, vulgata Concilii exemplaria ita potius exhibent: *in quantum possibilitas habuerit*.

Can. 5.  
dist. 91.

Canon 5. dist. 91. habetur in can. 28. Aurelianensi; sed ut perspicua sit Aurelianensium Patrum sententia, idem canon 28. jungendus erit cum canone 27. præcedenti, qui refertur a Gratiano in can. 3. dist. 3. de consecr., cum enim illic præstituti fuissent solemnes sanctarum Rogationum dies, quibus populus specialibus precibus Deum exoraret, subdiderunt Aurelianenses Patres: *Clerici vero, qui ad hoc opus sanctum adesse contemserint, secundum arbitrium Episcopi Ecclesiæ suscipiant disciplinam*. At Gratianus ea, quz specialiter in Concilio de Rogationum diebus constituta fuerant, generaliter ad rem suam traducere non dubitavit.

Can. 20.  
can. 2.  
qu. 7.

Canon 20. cau. 2. qu. 7. legitur in canone 6. ejusdem Concilii, ubi pro voce illa *conventione*, alii legunt *contentione*, eadem tamen servata sententia, quancumque editionem sequi malimus. Mens enim hæc erat Aurelianensis Concilii, ut unicuique liceat, quod suum est ab Episcopo postulare, sive conveniatur Episcopus ratione proprii peculii, sive ratione Ecclesiæ, dummodo tamen actor a convitiis ablineat.

Can. 7.  
c. 8.  
can. 10.  
qu. 1.

In canone 15. Aurelianensi legitur canon 7. cau. 10. qu. 1., qua arbitror clarius sententiam Concilii exhiberi, quam vulgatis Concilii exemplaribus, in quibus postrema canonis verba ita descripta sunt: *tertia fideliter Episcopis deferatur*. Juvabit autem hunc eundem canonem cum 14. præcedenti conjungere, quem retulit Gratianus in can. 8. cau. 10. qu. 1., ubi tamen posteriora verba ita legenda sunt ex integris Concilii exemplaribus: *Clerus accipiat, prædictis de omni commoditate in Episcoporum potestate durantibus*, ita ut sententia sit, bona immobilia Ecclesiastica omnia in Episcoporum potestate consistere, ex quibus Episcopi iidem Clero dispensent.

penfent; at oblationes, quæ in Altari fieri solebant, in duplicem portionem dividi debere, quarum una Episcopo, altera Clericis cedebat; atque hoc quidem in Cathedrali Ecclesia: nam in aliis Ecclesiis Parochialibus tertia tantummodo pars Episcopo concedebatur, duæ tertiz & Parocho, & Ministris in eadem Ecclesia existentibus tribuebantur.

In canone 13. Aurelianensi habemus canonem 12. cau. 16. qu. 3., ad quem jam observaverunt Romani Corretores verba illa: *vel quibuslibet* & apud Anselmum, & in Concilio impresso, & MS. desiderari: Illud quoque animadvertendum est pro illis verbis, *secularis legis* in exemplaribus Concilii legi: *seculari lege*; atque ut istius canonis clara sententia sit, huc revocandi erunt canones superius jam laudati, can. 7. & 8. cau. 10. qu. 1., ex quibus patet, ea ætate neminem adhuc ex Clericis inferioribus prædia Ecclesiastica obtinuisse administranda adinstar recentiorum beneficiorum; illa enim omnia in potestate solius Episcopi consistebant: Tantum proinde quibusdam in casibus Episcopus Clericis eisdem terras quasdam assignabat, non tamen perpetuo, sed ad ejusdem Episcopi concedentis arbitrium, ita ut nulla præscriptione a possessoribus objecta eadem Episcopus repetere posset. Videantur, quæ diximus ad Concilium Agathense can. 11. cau. 16. qu. 4.

Canon 10. cau. 16. qu. 7. consonat omnino cum can. 17. ejusdem Concilii Aurelianensis.

Canon 36. cau. 17. qu. 4. paullo discrepat a canone 1. Concilii Aurelianensis, ex quo ille depromptus fuerat apud Gratianum; illic enim ita legitur: *De homicidis, adulteris, & furibus, si ad Ecclesiam confugerint* (hæc Gratianus omisit, & canonem ita descripsit, ut de omnibus generaliter criminum reis intelligeretur) *id constituimus observandum, quod Ecclesiastici canones decreverunt, & lex Romana constituit, ut ab Ecclesie atriis, vel domo Episcopi eos abstrahit omnino non liceat, sed nec aliter consignari, nisi ad Evangelia datis Sacramentis de morte, de debilitate, & omni poenarum genere sint securi, ita ut ei, cui reus fueris criminosus, de satisfactione conveniat. Quod si Sacramenta sua quis convictus fuerit violasse, reus perjuri non solum a communione Ecclesie, vel omnium Clericorum, verum etiam a Catholicorum convivio separetur, Quod si is, cui reus est, noluerit sibi intentione faciente componi, & ipse reus de Ecclesia altius timore discesserit, ab Ecclesie Clericis non queratur. Quæ sequuntur apud Gratianum in versic. Servus etiam eisdem omnino verbis habentur in can. 3. ejusdem Concilii. Romani Corretores pro voce *eos*, quæ & apud Gratianum legebatur, & in integris Concilii exemplaribus habetur, scribendum putarunt *reos*, satius autem viderentur fecisse, si priora verba Gratiani canonis ad integra Concilii exemplaria exegissent. Ceterum quod attinet ad sententiam hujus canonis, liquet eo tempore jam Romanorum Imperatorum latam fuisse legem, quæ ad Ecclesiarum immunitatem, ut eo loco dicitur, pertineret, quam Clodoveus Rex, qui, ut initio diximus, titulos in hoc Concilio dederat, renovavit, suaque auctoritate in Galliis observari præcepit.*

Canon 14. cau. 18. qu. 2. legitur eisdem verbis in can. 12. hujus Concilii; quem admodum etiam canon 16. cau. 18. qu. 2. in canone 19., ubi tamen pro verbis illis: *omni se obedientia, & devotione subiaceant*, legendum est: *omni se obedientie devotione subjiciant*; item pro illis verbis: *non regulariter animadverteris*, legendum est: *non regulari animadversione distrinxis*.

Can.

Can. 9.  
cau. 26.  
qu. 5.

Can. 9. cau. 26. qu. 5. eisdem verbis legitur in can. 30. Concilii ejusdem Aurelianensis, ubi nomine sortium Sanctorum illz intelligendz sunt, quibus aliqui superstitionis quibudam auspiciis arbitrabantur prænoscere futura inspeclis aliquibus sacre Scripturaz testimoniis, illis præsertim, in quibus recondita latent veterum Prophetarum oracula.

Can. 32.  
cau. 27.  
qu. 1.

Canon 32. cau. 27. qu. 1. complectitur duos canones Aurelianenses 20. & 21., quorum tamen verba Gratianus aliter descripsit. Etenim in can. 20. ita legitur: *Monacho uti oratio in Monasterio, vel tzangas habere non liceat, & in can. 21. Monachus, si in Monasterio conversus, vel pallium comprobatus fuerit accepisse, & postea uxori fuerit sociatus, tamz prævicationis reus nunquam Ecclesiastici gradus officium fortietur.* In primis itaque deducimus ex hoc canone, non licuisse Monachis oratio uti, quod speciale fuisse Presbyterorum, aut Diaconorum insigne ex veteribus Conciliorum actis agnoscimus, quemadmodum & superius jam demonstratum est, atque etiam demonstrari posset ex cap. 28. Concilii Moguntini. Præterea Monachis interdictus est usus tzangarum: Alii zangas vocant, alii ciancas, alii chiancos, quidam, inter quos Gratianus, *zonas* appellarunt. Qui latine barbaria vocabula callent, scribunt tzangarum nomine venire nobile quoddam calceamentorum genus ad pedum ornatum assidue elaboratum; hinc etiam media ætate *tzangarius* appellatus est, qui hujusmodi calceamenta formaret. Hinc intelligimus, Aurelianenses Patres Monachis indixisse, ne orationibus calceamentis incederent. De pallio nihil est, quod addam. Monachorum erat insigne illis temporibus, quemadmodum olim apud Gentiles habebatur, tanquam ornamentum Philosophorum, sive eorum, qui remoti ab omnibus sæculi curis in contemplatione naturæ universæ vitam traducebant.

Can. 5.  
de pen.  
dist. 5.

Canon 5. de pen. dist. 5. legitur in can. 11. Concilii hujus Aurelianensis, his tamen verbis: *De his, qui suscepta penitentia religionem suæ professionis obliti ad secularia relabuntur, placuit eos & a communione suspendi, & ab omnium Catholicorum convivio separari. Quod si post interdictum cum eis quisquam præsumeret cibum sumere, & ipse communione privetur.* Videtur hic canon de Clericis intelligendus, qui in hæresi fuerant ordinati, deinde ad fidem conversi post penitentiam acceptam ad secularia transivissent; etenim de eisdem Clericis expressus est canon præcedens proximus in Concilii exemplaribus.

Can. 3.  
cau. 36.  
qu. 1.

Canon 3. cau. 36. qu. 1. habetur in can. 2. Concilii Aurelianensis, his tamen verbis: *De raptoribus autem id constituendum esse censuimus, ut si ad Ecclesiam raptor cum rapta confugerit, & faminam ipsam violentiam pertulisse confiterit, statim liberetur de potestate raptoris, & raptor mortis, vel pœnarum impunitate concessa aut serviendi conditioni subiectus sit, aut redimens se liberam habeat facultatem. Si vero quæ raptus Patrem habere confiterit, & puella raptori aut rapienda, aut rapta consenserit, potestati Patris excusata reddatur, & raptor a Patre superioris conditionis satisfactione teneatur obnoxius.* Hæc optime jungi possent cum can. 36. cau. 17. qu. 4., in quo diximus canones 1., & 3. Aurelianensem contineri, siquidem verba hujus canonis 2. Aurelianensis legenda sunt post illa verba *non queratur*, & ante verba *servus etiam* in dicto can. 36. Quid ad hunc canonem Interpretes scripserint, non ignoro, in ea præsertim parte, qua statuitur, raptores virginis servili conditioni addicendum fore. Meretur hæc constitutio singularem observationem. Certum est ex Romanis legibus mortis pœnam indictam fuisse raptoribus l. un. Cod. de

de raptu virginum, quod ipsum Hispanorum legibus antiquis decretum fuisse refert Gonzalezius ad cap. 7. de raptoribus. Apud Wisigothos etiam, quorum legibus Galliarum pars maxima vivebat tempore hujus Concilii Aurelianensis, morte damabantur raptores, uti constat ex lege 1. tit. 3., l. 14. tit. 4. lib. 3. Wisigothorum. Hæc autem ordinaria pœna minime infligebatur in specie Aurelianensis canonis, in quo agebatur de raptoribus in Ecclesiam se recipientibus, ut pœnam mortis evaderent, juxta ea, quæ diximus ad can. 36. cau. 17. qu. 4. At nihilominus Aurelianenses Patres, licet mortis pœna solum voluerint raptorem, hujusmodi, non tamen ab omni omnino pœna eum immunem voluerunt; ajunt propterea: *aut serviendi conditioni subiectus sit, aut redimendi se liberam habeat facultatem*. Gonzalezius loco laudato hoc tantummodo canone fretus, asserit pœnam raptus ordinariam ex jure canonico præstitutam esse libertatis jacturam. Mihi hæc opinio probabilis minime redditur, quod in tota antiquitate ne levissimum quidem proficeret similis disciplinæ vestigium; imo neque decuisset humanitatem Ecclesiasticam, pœnam hanc servitutis decernere raptoribus in opprobrium maximum eorumdem raptorum, & raptæ perpetuum familiare dedecus. Id in primis probrosum raptori fuisset, præsertim ubi de homine ingenuo, atque honesto ageretur, qui mortem potius exoptaret, quam premi conditione servi. Deinde dedecus esset raptæ, quæ in familia sua perpetuo præsentem illum adspiceret, a quo vim passa fuit, unde illatæ injuriæ, & veteris admixtæ turpitudinis memoria quotidie excigaretur, ac revivisceret. Verosimilius alii, docentes in usum fuisse apud veteres, ut qui puellam violasset, teneretur Parenti ejusdem pecuniariam pœnam luere, quod probare nituntur ex can. 9. cau. 36. qu. 2., proindeque si pœnam non lucret, detineri posset a Parente in servitute, donec satisfaceret. Non esset contemnenda hæc interpretatio, quoties apud veteres etiam in usu fuisset pro pecuniario debito aliquem posse dejici in servilem conditionem. Verum id vetitum fuisse constat tanquam minus honestum, aut congruum jamdiu ante Concilium Aurelianense ab Imperatoribus Diocletiano, & Maximiano in l. 12. Cod. de obligat., & action., quod & confirmavit Justinianus in Nov. 134. cap. 7., qui & hanc servitutis speciem *iniquitatem* appellavit. Ego potius ita Aurelianensium Patrum sententiam interpretor, ut ibi proprie non egerint de pœna servitutis, sed ut redegerint raptorem veluti in conditionem servorum, idest ut nullum inter ipsum, & raptam celebrari matrimonium posset; cum enim tum soli servi a legitimis conjugii excluderentur, illi videbantur dejici in servilem statum, quibus legitimæ nuptiæ denegabantur. Sane ipsamet verba Aurelianensis canonis huic explicationi potius consonant; non enim ibidem dicitur raptorem servum fieri, sed leniori formula, *serviendi conditioni subiectum esse*. Non erat ergo raptor subiectus servituti, sed potius subiectus conditioni servorum, quæ erat ea, ut ad matrimonia contrahenda non admitterentur. Atque hæc interpretatio etiam convenit veteribus aliorum Conciliorum Canonibus, quibus sancitur raptorem & raptam conjugia non consilire can. 4. cau. 36. qu. 2. Negotium forte facessere alicui videbuntur verba illa: *aut redimendi se liberam habeat facultatem*. Verum redimere se raptor dicitur, quoties a parente raptæ virginis impetraverit, ut illam, quam rapuit, post uxorem habere; videtur enim tum quasi e servili conditione in pristinam libertatem vindicari, quod fieri apud veteres potuisse constat ex can. 10. cau. 36. qu. 2.

Canon 65. de conf. dist. 1. legitur in can. 26. ejusdem Concilii, ubi tamen, si  
 de conf. Can. 65. vulgata sequamur exemplaria, pro illis verbis: *ubi Episcopus non fuerit*, legendum  
 dist. 1. erit: *si Episcopus fuerit*. Sirmondus ex vulgatis editionibus vult expungendam esse  
 illam particulam *non*, asserens in aliis Codicibus, præsertim MSS. quampluribus  
 desiderari, apud Burchardum autem, & Ivonem legi: *si Episcopus defuerit*. Quicum-  
 que vero vulgatorum Codicum fidem sequi mallet, dicere posset particulam ne-  
 gativam adjectam fuisse ab eo, qui ignorabat Sacerdotis nomine posse Episcopum,  
 & quidem præcipue, designari.

Canon 3. de conf. dist. 3. habetur in can. 27. Aurelianensi, ex quo tamen Gratiano  
 Can. 65. fragmento hæc adicienda sunt in principio: *Rogationes, idest Litanias in omnibus*  
 de conf. *Ecclesiis ante Ascensionem* &c., quibus in verbis etiam adnotandum est, in pluribus  
 dist. 3. MSS. Codicibus illa desiderari: *idest Litanias*, quæ videntur exhibere glossema-  
 quoddam in margine primum a quodam studioso adjectum, & deinde in textum  
 ipsum translatum. Præterea pro voce *illa solemnitate* legitur in vulgatis Concilii  
*exemplaribus: festivitate*. Ex hac porro sanctione nemo exinde arbitretur, eo pri-  
 mum tempore in Gallia sacras Rogationes celebrari coepisse. Jam pridem lege-  
 jejunii dicta eas celebrari jusserat eisdem diebus S. Mamertus Episcopus Viennen-  
 sis circa annum 452., ut scribit Ado Viennensis in Chronico, & Sidonius lib. 5.  
 Epist. 4. ad Aprum. Sane in Ecclesia celebratas fuisse solennes Litanias, vel ab  
 ipsa ferme Apostolica ætate, tradunt Tertullianus in lib. 2. ad uxorem, in lib. de  
 Baptismo, & in lib. de Corona militis, Concilium Laodicenum can. 17., Basilius  
 Magnus Epist. 63., Nicephorus Callixtus lib. 14. histor. & Evagrius lib. 1.  
 cap. 8. Ipsimet Ariani, ut religionis speciem quandam præferrent, referuntur  
 a Socrate lib. 6. cap. 8. Litanias, seu Rogationes celebraffe publice in Urbe Con-  
 stantinopolitana imperantibus Arcadio, & Honorio: Verum tunc nondum certi  
 præstituti fuerant dies, quos pro urgentibus causis, & temporum adjunctis unus-  
 quisque Episcopus data occasione indicebat. Primus dies annuus præstituit S. Gre-  
 gorius cognomento Thaumaturgus Neocesariensis Episcopus circa annum 240.,  
 quem deinde plures alii Episcopi in Oriente sequuti sunt, quemadmodum testis  
 est Basilius in Epist. 63. ad Neocesarienses. Romæ tempore S. Gregorii Magni  
 Litanias annuas celebratas fuisse liquet; siquidem in principio lib. 2. regesti, &  
 in lib. 7. indict. 2. Epist. 76. ad Castorem meminit ipse quatuor solemniū, sive  
 majorum Litaniarum.

Can. 4. De canone 4. dist. 3. de conf. nihil peculiariter observandum est: Legitur ille  
 de conf. eisdem omnino verbis in can. 31., qui postremus est, Aurelianensi.

Can. 5. In canone 25. Aurelianensi habetur canon 5. de conf. dist. 3., in quo retinenda  
 dist. 3. vulgata editio Concilii, in illis verbis: *et Quinquagesime*, non autem uti legitur  
 Can. 5. apud Gratianum, *et Quadragesime*, quod auctoritate optimorum, integrorumque  
 de conf. Codicum eruditi viri demonstrat. Nomine autem Quinquagesimæ non dies quin-  
 dist. 3. quagesimus ante Pascha intelligendus est, sed quinquagesimus post Pascha, quem  
 Pentecosten Græco nomine appellamus: Siquidem alia sunt Gallicana Concilia ejus-  
 dem fere temporis, quæ cum hac sententiâ Aurelianensis Synodi conveniunt, non  
 memorant tamen solemnitatem Quadragesimæ, sed potius Pentecosten. Ita in Con-  
 cilio Agathensi anni 506. can. 63., quemcumque demum hic canon Auctorem habeat,  
 & Concilio Arvernensi I. anni 535. can. 15. Porro de Quinquagesima ante Pascha  
 Aurelianensem hunc canonem intelligi nullo modo posse vel ex eo abunde proba-  
 tur,



tur, quod in eodem Concilio Aurelianensi can. 24. præscribitur; ut ante Pascha non Quinquagesima, sed Quadragesima teneatur, qui canon refertur apud Gratianum in can. 6. de conf. dist. 3., cujus priora verba ita describenda sunt: *Id a Sacerdotibus omnibus decretum est, ut &c.* Atque exinde jam unumquique facile percipiet, quidnam suo loco dicendum erit de Epistola Papæ Thelesphori, ex qua est canon 4. dist. 4., ibi enim inducitur Thelesphorus ipse Quinquagesimæ tempus instituens ante Pascha, quando tamen & sexto Ecclesiæ sæculo reprobata fuisse Quinquagesimæ hujus disciplinam ex hoc canone liquido agnoscimus.

Can. 6.  
de conf.  
dist. 3.

### De Concilio Aurelianensi III.

Omissio Concilio Aurelianensi II. anni 533., ex quo nihil a Gratiano deproptum fuisse animadverto, gradum facio ad Concilium Aurelianense 3. celebratum anno 538. sub Childeberto Galliarum Rege, summo autem Pontifice Silverio. Quamam fuerit Synodus hujus potissima ratio, ejusdem brevis hæc præfatio declarat: Cum in Dei nomine in Aurelianensem urbem ad Synodale Concilium venissemus, de his, quæ per longum tempus observatione cessante fuerant intermissa, priorum canonum senore servato præsentibus regulis vetera statuta renovavimus, & nova pro causarum, vel temporum conditione addenda credidimus. Præfuit Concilio Lupus Lugdunensis Metropolitæ, qui & subscripsit una cum Episcopis 25., qui ex diversis Galliarum Provinciis accesserant, constitutis Canonibus numero 33.

In canone 7. hujus Concilii habentur canones 1. dist. 74. & 10. dist. 81. Initio canonis definitum est Clericos, qui libenter ordinationem acceperant, necessario cogi, ut a conjugii abstineant, illos vero, qui per vim ab Episcopo fuerint ordinati, posse sibi uxores copulare, post quæ ita sequitur: *Episcopus autem, qui invitum, aut reclamantem præsumptis ordinare, annuali penitentia subditus missas facere non præsumat.* Hic est canon 1. dist. 74. apud Gratianum. Prosequuntur deinde Aurelianenses Patres: *De adulteriis autem honoratorum Clericorum id observandum est, ut si quis adulterasse aut confessus, aut convictus fuerit &c.* Hæc pertinent ad canonem 10. dist. 81., cujus posteriora verba, quæ sequuntur, omnino consonant cum integris Concilii exemplaribus.

Can. 1.  
dist. 74.  
& can.  
10. dist.  
81.

Canon 25. cau. 11. qu. 1. legitur in can. 21. ejusdem Concilii, cujus verba hæc sunt, ex quibus Gratiani fragmentum emendandum erit: *Si quis Clericorum, ut nuper multis locis diabolo instigante adum fuisse perpatuit, rebellis auctoritate se in unum conjugatione intercedente collegerint, & aut sacramenta inter se data, aut chartulam conscriptam fuisse passerit, nullis excusationibus hæc præsumptio præveletur, sed res detecta, cum in Synodum ventum fuerit, in præsumptoribus juxta personarum, & ordinum qualitatem a Pontificibus, qui tunc in unum collecti fuerint, vindicetur: quia sicut charitas ex præceptis Dominici corde, non chartula conscriptione est, vel conjugationibus exhibenda, ita quod supra sacras admittitur scripturas, auctoritate, & distributione Pontificali est reprimendum.* Nomine conjugationis Clericorum intelligi proditorum, quendam ausum adversus Episcopos, ubi ipsi de Episcoporum conqueuntur, querelam autem non in Concilio, uti canones statuunt, proponunt, sed privata vindicta explere potius cupiunt; quod conjicio ex canone 20. præcedenti, in quo de Clericis agitur, qui teneantur ad Synodum confugere, quoties se ab Episcopo ini- que læsos existiment.

Can. 25.  
cau. 11.  
qu. 1.

V u 2

In

Can. 41. In can. 23. legimus canonem 41. cau. 12. qu. 2., sed in exemplaribus Concilii  
c. 11. 12. editis pro verbo illo *degradetur* legitur: *regradetur*, scilicet in gradum subsequen-  
tem inferiorem deiciatur; ex. gr. Presbyter Diaconorum miniisteriis addicatur.

## De Concilio Aurelianensi IV.

Frustra nunc aut de Aurelianensi 4., aut de ceteris Aurelianensibus Conciliis differerem; quæcumque enim aut eidem Aurelianensi 4. Concilio, aut ceteris apud Gratianum adscripta sunt, ad eadem omnino non pertinent. Aurelianensi 4. Concilio adscripti fuerunt canones 2., & 3. dist. 34. ab auctore Palearum, uterque etiam apud Gregorium IX. in cap. 1. & 2. de Clerico venatore. In primis autem animadverto, dictos canones 2. & 3. dist. 34. nullo modo convenire Gratiani proposito, & perperam in ea distinctione fuisse ab auctore Palearum insertos: Etenim Gratianus ostendere volebat, *Episcopum vitare oportere immoderatam domesticarum personarum familiaritatem*; at quid cum his commune habet, quod dicitur de venationibus Clericorum in dict. can. 2. & 3.? Deinde observandum est, canonem 2. referendum esse ad canonem 55. Concilii Agathensis anni 506., quemadmodum jam animadverterunt Romani Correctores. Quoniam vero jam superius suo loco diximus in Concilio Agathensi septem supra quadraginta canones tantummodo fuisse conditos, ceteros vero, qui postea sequuntur in editionibus Concilii, ex recentioribus Galliarum Synodis adjectos fuisse ab aliquo Collectore, potius eundem canonem 2. referemus ad Concilium Epaonense anni 517., ubi can. 4. hæc leguntur: *Episcopis, Presbyteris, atque Diaconibus canes ad venandum, & accipitres habere non liceat. Quod si quis talium personarum in hac fuerit voluntate delectus, si Episcopus est, tribus mensibus se a communione suspendas; duobus Presbyter abstineatur, uno Diaconus ab omni officio, & communione cessabis*. Canonem 3. Romani etiam Correctores suo auctori restituerunt, quemadmodum & Gouzaletius in cap. 2. de Clerico venatore. Legitur ille in Synodo Francica, seu Germanica temporibus Zachariz I. Pontificis Maximi, & Caroli Magni Imperatoris anno 742. celebrata, in qua can. 2. ita legitur: *Nec non & illas venationes, & sylvas, & vagationes cum canibus servis Dei interdiciamus, & ut accipitres, & falcones non habeant*.

## De ceteris Canonibus Aurelianensi Concilio adscriptis.

Superfunt adhuc ceteri canones, qui Aurelianensi Concilio adscribuntur, quæ tamen revera in nullis ejus Conciliis habentur. Ex his est canon 8. dist. 34., quem jam observaverunt Romani Correctores, potius pertinere ad Concilium Gerundenſe in Hispania citiorem celebratum anno 517., de quo jam superius egimus. Revera in can. 8. ejusdem Concilii eadem omnino verba leguntur. Forte vero Aurelianensis Concilii nomine referri potuit, quod nonnulla eidem Constitutioni similia legantur in can. 6. Concilii Aurelianensis 3. anni 536., ibi: *De Clericorum præmittenda conversatione id omnimodis observetur, ne ullus ex Laicis ante annualem conversionem, vel aetatem legitimam, . . . ordinetur, ita ut de ipso*

quo.

quoque, qui ordinandi sunt Clerici, regulari custodiantur studio, ne aut duarum uxorum vir, aut renupte maritus . . . ad suprascriptos ordines promovatur. Quicumque canonem hunc cum canone 8. dist. 34. contulerit, eandem utrobique sententiam, ac definitionem agnoscat. Quamobrem facile contingere potuit, ut ad marginem canonis ejusdem 8. adjectum fuerit nomen Aurelianensis Concilii a studioso quodam, indicaturo similia constituta fuisse in dicto Concilio Aurelianensi 3., alius vero imperitus, vel incautus Amanuensis crediderit canonem ipsum esse Aurelianensi Conciliotribuendum, & propterea Aurelianensi eidem Concilio adscripserit.

Insuper Aurelianensi Concilio tribuit Gratianus canonem 40. cau. 12. qu. 2., *Can. 40. cau. 12. qu. 2.* quem tamen Gratianus idem testatur pertinere ad Concilium Agathense anni 506., quum illud ipsum fragmentum Concilio Agathensi adscripserit in canone 33. ejusdem causæ, & quæstionis, de quo jam egimus suo loco.

Præterea canon 32. cau. 13. qu. 2. laudatur perperam a Gratiano nomine Concilii Aurelianensis. At in decretalibus Gregorii IX. in cap. a. de homicidio refertur quasi deproptum ex Romano Penitentiali. Optime Decretalium Collector: Nam idem canon legitur in Penitentiali Romano, qualem edidit Antonius Augustinus, de quo etiam Deo favente agam, ubi sermo instituendus erit de Penitentialibus. Et quidem in tit. 1. cap. 24. hæc leguntur, nullo tamen adjecto nomine auctoris: *Interfecisti furem, aut latronem, ubi comprehendi poterat absque occisione, & tamen interfecisti, quia ad imaginem Dei creatus, & in nomine ejus baptizatus, & sanguine ejus redemptus est, quadraginta dies non intres Ecclesiam, lancea veste indutus ab eis, & positus, qui interditi sunt, a thoro, a gladio, ab equitatu illos supradictos dies abstineas. In tertia autem feria, & in quinta, & Sabbato aliquo genere leguminum, vel olivibus, & pomis, vel parvis pisciculis, cum mediocri cervisa utere, & temperate. Si autem sine odii meditatione te, suaque liberando diaboli membrum interfecisti, secundum indulgentiam dico, propter imaginem Dei, si aliquid jejunare volueris, bonum est tibi, & elemosynam fac largior. Si Presbyter eadem feceris, non deponatur, tamen, quamdiu vivis, penitentiam agat.* In hoc Romano Penitentiali me consistere posse arbitrarer, atque Gratianum canonem hujus Penitentialis auctori tribuere, si constaret hunc eundem Penitentialem Codicem esse Gratiano antiquiorem. Quoniam vero forte erit Gratiano, vel etiam auctore Palæarum posterior, altius repetenda erit Gratiani fragmenti origo, præsertim cum idem canon legatur apud antiquiores Collectores, Ivonem parte 13. cap. 46., & Burchardum lib. 11. cap. 60., & apud istos nomine Concilii Aurelianensis inscribatur. Itaque ea, quæ huc usque diximus, tantum ostendunt, jure apud Collectorem Decretalium hocce fragmentum Romano Penitentiali fuisse tributum. Nunc de antiquioribus Collectoribus differamus. Palæarum auctor Ivonem sequutus est, Ivo Burchardum. At Burchardus fragmentum accepit ex Reginone, qui in cap. 28. primæ suæ appendicis, nullo adjecto auctoris nomine, hunc titulum adscripsit: *Quæ penitentia imponenda sit his, qui furem, aut latronem interficiunt.* Deinde ita sequitur Regino, non sane sententiam alicujus Concilii rectans, sed disciplinam referens usui suarum Provinciarum, suorumque temporum accommodatam, quemadmodum frequenissimè in sua Collectiōne fecit. *Si fur, aut latro captus in præda absque occisione potest comprehendi, & tamen interficitur, quia ad imaginem Dei creatus, & in nomine ejus baptizatus, interfectores eorum quadraginta diebus non intrent in Ecclesiam. Lancea veste induti, ab eis, & positus, qui interditi sunt,*

sunt, cum thoro, gladiis, & equitatu se abstineant. In tertia, quinta feria, & Sabbato, aliquo genere leguminum, vel oleis, & pomis, parvis pisciculis, cum mediocri cervisia vicissim utantur, & temperate. Sin autem a veridicis comprobatur testibus, quod sine odii meditatione se, suaque liberando diaboli membra interficiunt, secundum indulgentiam quadraginta diebus ab Ecclesia, carne, vino, & conjugio, elemosynam largiter faciendo, abstineant. Et si Presbyter esset, non deponatur; cunctis tamen vite sue diebus penitentiam agat. En itaque e suis fontibus exhaustum Gratiani canonem; imo & si quis quæreretur, undenam Aurelianensis Concilii inscriptio apud Burchardum, quem ceteri sequuti sunt, prodierit, facile dixerim, profectum etiam fuisse ex eadem collectione Reginonis. Cum enim Regius specialiter non dixisset, undenam ea verba depromserit, Collectores posteriores, atque inter ipsos Burchardus, suspicati sunt, illa ex eisdem locis excepta fuisse, ex quibus superiora capita apud Reginonem laudabantur. At cum superiora Reginonis capita ex Gallicanis Conciliis dicerentur accepta, & praesertim caput 18. cum pluribus sequentibus Concilio Aurelianensi adscriberentur, facile fuit & canonem 28. Aurelianensi Concilio adscribere.

Can. 29. Canon 29. cau. 18. qu. 2. referri posset ad canonem 19. Concilii Aurelianensis I., in eo enim hæc leguntur: *Abbatess pro humilitate religionis in Episcoporum potestate consistant, & si quid extra regulam fecerint, ab Episcopis corrigantur, qui semel in anno in loco, ubi Episcopus elegerit, accepta vocatione conveniant.* Video quidem Gratianum multo aliter fragmentum descripsisse. Verum Gratianus deceptus est ex codice Ivonis, apud quem parte 7. cap. 85. idem canon legitur his verbis depravatus: *Abbatess pro humilitate religionis in Episcoporum potestate consistant, & si quid extra regulam fecerint, ab Episcopis corrigantur. Non semel, sed septies in anno Episcopi visitent Monasteria Monachorum, & si quid corrigendum fuerit, corrigatur.* Ivo itaque immutavit sententiam Aurelianensis Concilii, forte ut eam disciplinæ sui temporis, suæque Provinciæ accommodaret, juxta quam obtinebat Episcopos pluries singulis annis in Abbatum, & Monachorum mores, & Monasteriorum administrationem inquirere. Ceterum & in Concilio Rothomagensi anni 650. similis definitio legitur, ad quam etiam Ivonem arbitror respexisse. Etenim in can. 10. ejusdem Concilii hæc habentur. *Ut Episcopus Monasteria Monachorum, & Sanctorum frequenter introeat, & cum gravibus, & religiosis personis, & in eorum, vel in earum conventu residens, eorum vitam, & conversationem diligenter discutat, & si quid reprehensibile invenerit, corrigere sataget. Sanctorum etiam pudicitiam subtiliter investiget.*

Can. 16. Gratianus Ivonem sequutus laudavit ex Concilio Aurelianensi canones 16., & 17. cau. 27. qu. 1., quorum tamen verba in nullo ex Aurelianensibus Conciliis legimus. Forte & hic accidit, quod aliis pluribus in locis evenisse diximus; videlicet, ut Concilium Aurelianense ad marginem adscriptum fuerit, quo indicaretur, nonnulla similia in aliquo Aurelianensi Concilio legi; nomen deinde ejusdem Concilii, quasi nomen Auctoris eidem canoni inscriptum fuerit ab Amanuensis. Revera in Concilio Aurelianensi V. anno 549. Childeberto Rege auctoritatem præbere celebrato, quemadmodum in illius præfatione dicitur, in can. 19. postquam statutum est virgines tempus probationis, seu tyrocinii explere prius debere, quam in Monasterio velentur, ita subditur: *Quæ si deinceps sacra relinquentes loca propofitum sanctorum seculi ambitione transcederint, vel illæ, quæ in domibus propriis,*

priis, tam puellæ, quam viduæ commutatis vestibus convertuntur, cum his, quibus conjugio copulantur, Ecclesiæ communionem priventur. Sane si culpam sequestratione sanaverint, ad communionis gratiam revocentur. Similia ferme leguntur in Concilio Wormaciensi anni 868. can. 21., ubi constituitur, ne viduæ semel velatz ad secularia rursus transcant, aut, si transferint, ut ab Ecclesiæ liminibus arceantur, donec emendationis congrua specimina præbuerint. Idipsum decretum fuisse scimus in Concilio Moguntino anni 888. in can. 26. ibi: *De viduis præcipimus, ut nequam citò velentur, sed in potestate earum maneat, consentiente Episcopo, utrum nubant, an professionem castitatis assumant, usque dum probetur earum conversatio, ne forte de eisdem dici possit, quod ab Apostolo dicitur: Quæ autem in deliciis sunt, viventes mortuæ sunt. Si autem propositum castitatis adsumserint, aut Monasterii Claustris regulariter confringantur, aut domi manentes castitatem suæ professionis integerrime custodiant. Quod si a proposito deviaverint, canonica institutionis censura corrigantur. Quod & de virginibus, si maritata fuerint, statuitur, sicut in Concilio Eliberitano, &c.* Verum huc usque nondum exhibuimus germanum Auctorem eorundem canonum 16., & 17. cau. 27. qu. 1. Quod pertinet ad canonem 16., is eisdem verbis habetur apud Reginonem in lib. 2. de ecclesiasticis disciplinis cap. 179., qui ita inscripsit: *ex eodem Concilio, indicans sane Concilium Triburiense, cujus canonem 24. retulerat in superiore capite, sive in cap. 178. Porro in dicto capite 179. Regino non eadem verba Triburiensis Concilii recitavit, sed sententiam canonis 25. descripsit alia elocutione, & phrasi. Triburiensis autem canon habetur apud Gratianum in can. 8. cau. 27. qu. 1. Burchardus pro Triburiensi Concilio Aurelianense scribere potius voluit, forte putans se rem gratam facere Germanis, apud quos scribebat, si a recentioribus Gallicanæ Ecclesiæ Conciliis, quæ ipsi detestabantur, nominandis abstineret, quemadmodum pluries fecisse alibi animadvertimus. Idipsum contigit in can. 17. cau. 27. qu. 1., qui legitur eisdem omnino verbis in Concilio Triburiensi can. 23., quem propterea eadem ratione Burchardus Aurelianensi Concilio primus adscripsit, ex Burchardo Ivo, & ex Ivone Gratianus. Quoniam vero in hoc Triburiensi canone tria recitantur veterum Patrum fragmenta, opportunum erit hoc loco eadem suis Auctoribus tribuere, atque ad meliores codices exigere, ubi necesse sit. Refertur in primis ibi capitulum 20. Gelasii Papæ, quod illud ipsum est, & quidem integrum, quod Gratianus retulit in can. 14. cau. 27. qu. 1. licet ibidem velut ex Concilio Triburiensi laudetur. Sequitur post hæc sententia Concilii Chalcedonensis, quam Gratianus expressit in can. 22. cau. 27. qu. 1. Demum in fine canonis refertur fragmentum Epistolæ decretalis Siricii Papæ ad Himerium Tarraconensem cap. 6., ubi tamen hæc potius habentur: *Præterea Monachorum quosdam, atque Monacharum abiectione proposita sanctitatis in tantam potestatis demersos esse lasciviam, ut prius clanculo, velut sub Monasteriorum prætextu, illicita, ac sacrilega se contagione miscuerint, postea vero in abruptum conscientia desperatione perducti de illicitis complexibus libere filios procreaverint, quod & publica leges, & ecclesiastica jura condemnant. Hæc igitur impudicas, detestabilesque personas a Monasteriorum catu, Ecclesiarumque Convemiis eliminandas esse mandamus, quatenus retrorse in suis ergastulis tantum facinus continua lamentatione descentes, purificatorio possint puritudo igne decoquere, ut eis vel ad mortem saltem solius misericordiæ intuitu per communionis gratiam possit indulgentia subvenire.* Duo adhuc observanda sunt ad rectam horum canonum interpretationem. Primum*

num est nomine *Vistici* in dicto can. 17. non Eucharistiam, sed reconciliationem, sive Penitentiae Sacramentum designari, quemadmodum & idem vocabulum hoc sensu pluries acceptum in veteribus Conciliis jam alias animadverti. Alterum observatione dignum est de viduis, quae velari solebant. Prioribus Ecclesiae saeculis diversa erat in hac re occidentalis ab orientali disciplina; etenim in occidente viduae non velabantur, quemadmodum patet ex Gelasio Papa in cap. 13., & 21. Epist. 1. a Dionysio Exiguo relatae, quippe in occidente velum pro signo virginis assumebatur; Graeci vero, apud quos nuptiarum foedera etiam divino cultui dedicari honorabilia fuerunt, viduas etiam velare minime dubitarunt. Hinc ait Theodorus Cantuariensis in suis capitulis cap. 3. *Græci simul benedicunt viduam, & virginem; & utramque Abbatissam eligunt; Romani non velant viduam, sed virginem tantum*. Posteriore ætate occidentales Graecorum disciplinam recipere coeperunt, ac tum non virgines tantum, sed & viduae velamine sacro ornatae incedebant, ita tamen, ut virgines solemniter benedicerentur ab Episcopis, aut Sacerdotibus, ubi velum acciperent; viduae vero velum, non tamen benedictum, sponte, caperent ex Altari, quemadmodum patet ex can. 31. ejusdem Concilii Triburiensis, ut proinde quoddam adhuc discrimen inter virgines, & viduas agnosceretur; hinc est, quod in dicto can. 16. dicitur viduas ab Altari velamen suscipere. At demum eo progressa est disciplina Graecorum, ut omnino apud Occidentales recepta fuerit, & hodie apud nos vigeat, non tam virgines, quam viduas solemnibus benedictione in Monasteriis velari, eodem ferme modo, quo olim secundae nuptiae sine Sacerdotum benedictione celebrabantur, hodie vero etiam per Sacerdotum preces sanctificantur.

Can. 30. Falso etiam nomine Concilii Aurelianensis laudatur canon 30. cau. 27. qu. 2., qui etiam in can. 21. cau. 32. qu. 7. tributus est Concilio Moguntino. Revera autem legitur in Concilio Vermeriensis anni circiter 742. can. 12. ibi: *Qui dormierit cum duabus sororibus, & una ex illis antea uxor fuerit, nullam ex illis habeat, nec illa adultera soror, nec ille vir, qui cum illa adulteravit, alios unquam accipiant*. Paulo aliter videtur scripsisse Gratianus, cujus erratum ex Ivone, & Burchardo derivatum est. At Burchardus de more suo sequutus est fidem Reginonis; Regino autem laudavit hoc idem fragmentum nomine Concilii Vermeriensis, quod non egit Burchardus privato suo studio ductus, quemadmodum saepe observavimus. En verba Reginonis in cap. 215. lib. 2. *Qui dormierit cum duabus sororibus, & una ex illis antea uxor fuerit, nullam ex ipsis habeat, nec ipsi adulteri unquam conjugio copulentur*. De hoc Vermeriensis Concilio suo loco agemus inferius. Tantum hic adiciam nonnulla similia legi in Concilio Aurelianensi 1. can. 18. ibi: *Ne superstes frater chorum defuncti fratris ascendat, neve se quisquam amissa uxoris sorori audeat sociare. Quod si fecerint, Ecclesiastica diffinitione feriuntur*. Ex quibus quispiam forte conicere posset, nomen Aurelianensis Concilii fuisse in margine adpositum ad memoratum canonem Vermeriensem, quo indicaretur nonnulla his similia definita jam in Concilio Aurelianensi fuisse; deinde vero ab Amanuensis creditum fuisse Vermeriensem canonem Aurelianensi potius Concilio tribuendum fore.

Can. 3. Non est hodie amplius elaborandum in investigando Autore canonis 3. cau. 35. cau. 35. qu. 8. falso tributi Concilio Aurelianensi, postquam Romani Corredtores eundem ad Capitularia Francorum redegerunt, simulque verba ipsorum Capitularium ad calcem

calcem ejusdem canonis ediderunt. Tantum dixerō Burchardum hujus inscriptionis Auctorem fuisse, qui scilicet, uti persæpe diximus, a laudandis Francorum Capitularibus absteinebat. Sunt qui hoc idem fragmentum Concilio Agathensi tribuerunt; at neque in Agathensi, neque in Aurelianensi aliquo Concilio inveniri potest; nisi quispiam quædam similia constituta agnoscere velit in can. 8. cau. 35. qu. 2., qui Concilio Agathensi tribuitur, vel in can. 10. Concilii Aurelianensis III., ubi dicitur in Episcoporum potestate esse, incelstuosos punire graviter, & sub excommunicationis pœna eisdem separationem indicare.

Canon 9. de cons. dist. 1. non in ullo Aurelianensi Concilio legitur, sed po-  
*Can. 9.*  
 rius repetendus est ex Novella Justiniani 67. cap. 1., & 2. ibi: *Sancimus igitur de cons. dist. 1.*  
*præ omnibus quidem illud fieri, & nulli licentiam esse neque Monasterium, neque Ec-*  
*clesiam, neque orationis domum incipere ædificare, antequam Civitatis Deo amabilis*  
*Episcopus orationem in loco faciat, & Crucem figat, publicum processum ipsi faciens,*  
*& causam manifestam omnibus statuens. Multi enim simulantes fabricare quasi oratio-*  
*nis domos suis medetur languoribus, non orthodoxarum Ecclesiarum ædificatores facti,*  
*sed speluncarum illicitarum, & in cap. 2. Deinde non aliter quempiam Ecclesiam ex*  
*novo ædificare, priusquam loquatur ad Deo amabilem Episcopum, & deſinat mensuram,*  
*quam deputat, & ad luminaria, & ad sacrum ministerium, & ad incorruptende do-*  
*mus custodiam, & observantium alimenta; & si sufficienter habere videtur, faciat prius*  
*donationem eorum, quæ futura sunt, deputari, & ita domus ædificetur. Quod autem*  
*in eodem canone subjicitur de adſpersione aquæ benedictæ, id non habetur apud*  
*Justinianum, sed potius in ordine Romano, cujus verba retulerunt Romani Colle-*  
*ctoribus adſertur, jam cœpiſſe in canonum codicibus recenseri eo tempore, quo*  
*nondum invaluerat usus Nomocanonum, idest quo nondum Imperatorum leges*  
*solebant a Collectoribus iisdem interſeri canonibus Conciliorum. At cum ex Justi-*  
*niani Constitutio valde utilis videretur sacrorum canonum studioſis, omittenda*  
*non fuerat, proindeque reticito Justiniani nomine laudata est nomine potius Con-*  
*cilii Aurelianensis, vel quod Justiniani tempore plura Aurelianensia celebrata Con-*  
*cilia fuerint, vel quod in Concilio Aurelianensi III. anni 538., quod incidit in*  
*tempora Justiniani can. 5. definitum fuerit, in arbitrio eſſe Episcopi, quid ad re-*  
*parationem Baſilicæ, aut observantium ibi ſubſtantiam deputentur, quæ ſane verba plu-*  
*rimum congruunt cum relata Justiniani ſententia.*

Canonem 27. de cons. dist. 1. frustra quispiam quæreret inter canones Aure-  
*Can. 27.*  
 lianensium Conciliorum. Is tribuendus potius est Theodoro Cantuariensi, de quo  
*de cons. dist. 1.*  
 peculiariter agam ſuo loco, ubi etiam hunc canonem commodius expendam, atque  
 ad meliorum codicum integritatem, & fidem exigam. Causa errati fuit, ut in  
 aliis bene multis, Burchardus; cum enim hoc Theodori fragmentum relatum fuisset  
 in Capitularia Francorum lib. 5. cap. 48., quorum nomen in ſua collectione  
 perraro laudare volebat Burchardus, ignarus tribuendum eſſe Theodoro, laudavit  
 potius ex Aurelianensi Concilio.

De canone 43. de cons. dist. 1. nihil est, quod hoc loco ſubjiciam, poſtquam  
*Can. 43.*  
 ſuperius in cap. 28. illum ipſum Concilio Arvernensi adtribui, unaque observavi  
*de cons. dist. 1.*  
 Aurelianſe pro Arvernensi Concilio non niſi per Aranenſium, aut Typographo-  
 rum oſcitantiã fuiſſe adſcriptum.

Can. 6.  
de cons.  
dist. 5.

Demum quoad canonem 6. de cons. dist. 5. de Burchardo conqueri debemus, qui Aurelianense Concilium privato quodam studio pro Capitularibus Francorum laudavit. Plane habetur ille canon in Capitularibus adjectis additione 2. editionis Parisiensis anni 1677. cap. 6. his verbis: *Ut Episcopi nonnisi jejuni per impositionem manuum Spiritum S. tradant, exceptis infirmis, & morte periclitantibus. Sicut autem duobus temporibus, Pascha videlicet, & Pentecosten Baptismum, ita etiam traditionem S. Spiritus a jejuniis Pontificibus convenit celebrari.* Similia etiam habentur in Concilio Parisiensi VI. cap. 33., atque ex his observare licet, quanta fuerit erga Sacramentum Confirmationis apud veteres reverentia, qui volebant quempiam, nisi jejunum accedere; quique de hoc Sacramento ita loquebantur, ut nunquam dicerent *Christianum, nisi qui fuisset Confirmatione Episcopali chrismatus*: Etenim Sacramentum Confirmationis ab Ecclesia semper habitum est tamquam Baptismatis perfectio, ac complementum. Hinc S. Cyrillus Hyerosolymitanus in Catechesi 3. Mystagogica ait: *Hujus Sancti Chrismatis dono acceptio, merito appellamini Christiani veram efficientes appellationem in ipsa regeneratione; ante enim, quam hæc gratia vobis donata esset, non eratis proprie digni eo nomine, sed pergentes eo usque progressi estis, ut efficeremini Christiani.* Hodie etiam hæc vera sunt potiori jure; postquam enim sejuncta fuit Baptismi collatio a collatione Confirmationis, Baptismus aliena voluntate suscipi solet ab infantibus, qui, ubi adolescentiores facti ad Sacramentum Confirmationis accedunt, propria voluntate fidem profiteri incipiunt, ex quo veri Christiani, atque omnino perfecti appellantur.

## C A P U T XXX.

### *De quinta Synodo Generali, sive Constantinopolitana II.*

Ad hoc Concilium pertinent hæc duo fragmenta apud Gratianum.

- { Can. 6. cau. 24. qu. 2. ex integris Concilii exemplaribus emendandus.  
{ Can. 9. cau. 24. qu. 3. consonat cum vulgatis Concilii exemplaribus.

**C**elebratissimæ sunt Generalis quintæ Synodi causæ anno 553. sub Vigilio Pontifice Maximo, & Justiniano imperante celebratz in Urbe Constantinopolitana. Disputatum acerrime fuit de tribus Capitulis, primum scilicet de Theodoro Episcopo Mopsuesteno, qui Nestorium ad hæresim concitaverat. Fuerat quidem jam damnata hæresis in Nestorio ipso per Concilium Ephesinum: Verum Nestoriani in spem quandam erigebantur, futurum, ut ipsorum adhuc Secta consisteret, quoties Theodorum Mopsuestiæ Episcopum Sectæ ejusdem facile Principem, tamquam virum laude dignissimum prædicarent; propterea illius opuscula scriptis commendata in publicum evulgare coeperunt, in quibus tradebatur duas in Christo esse personas contra definitionem Ephesinam, rati per venerabile Theodori nomen se paulatim in omnium animos hæreseos suæ virus facile instillaturos. Alterum caput pertinebat ad Theodoretum Cyrensem Episcopum, qui anathematismus a S. Cyrillo adversus Nestorium editis totidem contrarios anathematismos adversus Cyrillum opposuerat. Postrema disputatio versabatur in Epistola,



stola, quam Ibas Episcopus Edessenus scripserat ad Marim Persam, redarguens Rabulam Episcopum decessorem suum, quod, ut ipse aiebat, immerito Theodorum Mopsuestenum anathemate damnaasset, ostendensque Theodorum ipsum fuisse virum de Ecclesia optime meritum, virum honorabilem, & recolendz memoriz. Hæc vulgo appellantur *Tria Capitula*, quæ in hoc V. generali Concilio damnata fuerunt; damnatus Theodorus, etsi jampridem vita functus; damnata scripta Theodoretæ, damnata demum Epistola Ibas; erant enim hæc omnia postrema Nestorianorum suffugia, & reliquæ, quæ nisi omnino deletæ fuissent, spem Nestorianis augebant fore, ut aliquando non inglorii reviviscerent. Episcopi, qui ad hoc Concilium convenerunt, fuere numero 165., omnes ferme ex Orientalibus Provinciis; erat enim Nestorianorum hæresis in Oriente nata, ibidemque maxime pervagata, ac propterea Orientales potissimum Ecclesias, atque Episcopos afficiebat. Vigilius Papa Synodo quidem celebrandz consensit, imo etiam ipse in Urbem Constantinopolitanam Concilii causa perrexit. Concilio tamen dignis de causis non interfuit. Verum acta Synodi fuerunt demum Pontificum Maximorum auctoritate confirmata, & totius Ecclesiæ consensione recepta, quemadmodum Viri eruditissimi apertissime demonstrant, inter quos consuli poterit ab eo, qui plura desiderat, Eminentissimus Norisius in eleganti dissertatione de Synodo quinta. Acta hujus Concilii fuerunt in octo Collationes distributa, quibus adjecti sunt canones numero quatuordecim ad stabiliendam Christianæ fidei, ac præsertim de Verbo Homine doctrinam adversus priorum temporum hæreses editi.

Ex hoc Concilio depromptus est canon 6. cau. 24. qu. 2., cujus verba continent, & ex variis ejusdem Concilii fragmentis incomposite digesta sunt, ac pertinent ad causam memorati Theodori Mopsuesteni. Quum enim Concilii Patres eum damnari in Synodo vellent tanquam Nestorianorum Antesignanum, plures ea de causa resisterant damnationi, quod ille jam vita functus esset, proptereaque damnari non amplius posset, ne forte gravissima defuncti hominis manibus inferri injuria videretur. Id propositum fuerat initio Concilii, & fusius disputatum in collatione 5., ubi Sancti Patres ad sacram Ecclesiæ traditionem confugerunt, & demum auditis veterum Patrum sententiis in collatione 8., pronunciatum est, memoriam defuncti hominis esse damnandam, ubi de hæretico agatur, illo præsertim, cujus scripta adhuc possunt legentium animum lædere, & in prava torquere. Tria hæc simul junxit Gratianus, ac primo quod propositum fuit in collatione 1., retulit in principio dicti canonis 6. Continet hæc verba principio edita allocutionem Justiniani Imperatoris ad Synodum ipsi: *Hortamur autem etiam illud disceptare, quod vane (Gratianus scribit sane) profertur ab eis, qui dicunt non oportere post mortem hæreticos anathematizari, & sequi in hoc doctrinam Sanctorum Patrum, qui non solum viuentes hæreticos condemnaverunt, sed & post mortem, usque in sua impietate mortui, sicut eos, qui injuste condemnati sunt, revocaverunt post mortem, & in sacris diptychis scripserunt. (Quid fuerint sacre diptyche rectissime tradiderunt Romani Correctores.) Quod factum est & in Jobanne, & in Flaviano religiosa memoria Episcopis Constantinopolitanis. Erant hæc omnia abs Justiniano proposita, ut a Patribus Concilii dirimerentur. Discussa porro hujusmodi controversia fuit in collatione 5., in qua Sancta Synodus palam declaravit, unumquemque Episcopum debere hac in re sententiam suam explicare ex traditione veterum Patrum. Surrexit inter ceteros Sextilianus Episcopus Africanus, vices gerens*

Can. 6.  
cau. 24.  
qu. 2.

Primosi Carthagenensis Episcopi ita differens: *Docet Sanctum vestrum Concilium, quod anteriebus temporibus in nostra Provincia multi Episcopi congregati* (hæc habetur in vers. multi Episcopi in dicto can. 6.) *& quedam de diversis causis ad ecclesiasticum statum pertinentibus disponentes statuerunt de Episcopis defunctis, qui hæreticis suas facultates relinquant, ita ut post mortem anathemati subjiciantur, & si placet vobis, hæc ad lesionem porrigo. Sancta Synodus dixit: Recitentur: & cum suscepisset idem Diaconus, & Notarius oblatam chartam recitavit. Sancti Augustini ad Bonifacium Comitem de quibusdam Donatistis accusantibus Cæcilianum Episcopum, quod in vita sua Codices Christianicos ad concremandum tradidit, qui propter hanc causam, semetipsos separabant ab Ecclesia, cujus principium sic habet: Laudo, & gratulor, & admiror fili dilectissime Bonifici! quod inter curas armorum, & bellorum &c. Et post alia: Et Cæcilianum nequaquam fuisse traditorem, sed a majoribus istorum falsis criminationibus, & calumniis accusationibus appetitum, non quia in eo Ecclesiæ causa, consistat, nullius enim iniquitas obstitit promissionibus Dei, nec potest alicuius perire criminibus hereditas Christi, quam ei donavit Pater, dicens: Pete a me, & dabo tibi gentes hereditatem tuam, & possessionem tuam terminos terræ. Tamen qui propter ipsum occasionem invenerunt schismatis perpetrandi, ostendendum est purgatum fuisse in iudicio Episcopali, & innocentem pronunciatum, non solum ab Episcopis Iudicibus, sed etiam ab ipso Constantino Imperatore, apud quem calumnie ab istorum Patribus accusatus est. Ut agnoscat, quam injuste ab Ecclesia toto diffusa orbe dividantur propter eum, cujus nullum unquam crimen non ipsi, non præcessores eorum ostendere potuerunt, quamvis (sicut etiam in memorata Epistola diximus) etsi vera essent, (hæc habentur apud Gratianum in vers. Si vera dicto can. 6.) quæ ab eis obiecta sunt Cæciliano, & nobis possent aliquando monstrari, ipsum jam mortuum anathematizaremus; sed tamen Ecclesiam Christi, quæ non litigiis opinionibus fingitur, sed divinis attestationibus comprobatur, propter quemlibet hominem relinquere non debemus. Eiusdem S. Augustini ex gestis, quæ apud Marcellinum Virum clarissimum Tribunum, & Notarium alla sunt cap. 187., Augustinus Episcopus Ecclesiæ Catholice dixit: Non si hominibus spes ponenda est Ecclesiæ, si boni sunt; neque si mali sunt, judicanda est Ecclesiæ Dei peritisse. Sed tamen etiam ipsorum causam tanquam fratrum nostrorum suscipimus, & si nobis ostendi potuerunt criminosi, bodie illos anathematizamus, non tamen propter illos Ecclesiam a Deo promissam, & exhibitam deferimus, aut relinquimus. Eiusdem Epistola ad Catholicos: Si forte isti libri (hæc refert Gratianus in vers. Augustinus ait dicto can. 6.) ita designant traditorem suum, sicut designavit Dominus Judam, legant in eis nominatum, & expresse vel Cæcilianum, vel ordinatores eorundem librorum fuisse traditores, & si non eos anathematizavero, ipse eum iudicem tradidisse. Eiusdem ex opere adversus Cresconium Grammaticum Donatistam lib. 3. Ego in Ecclesia sum, cujus membra sunt illæ omnes Ecclesiæ, quas ex laboribus Apostolorum notas, atque firmatas simul in literis canonicis novimus. Earum communionem, quantum me adjuvat Dominus, siue in Africa, siue ubicunque, non deferam. In hac communionem si fuerint, quos nescio traditores, cum eos demonstraveris & carne, & corde mortuos detestabor, nequaquam tamen a vivis in ejusdem Ecclesiæ Sanctæ unitate manentibus propter mortuos alienabor. Et post pauca: sed dicis, licere mihi etiam hodie (hæc habentur in vers. Dicis apud Gratianum in dicto can. 6.) de mortuis judicare, quia iudicium non tantum de vivis, sed etiam de mortuis fieri potest. Ecce volo judicare; sed vos causam ipsam non vultis agere.*

Huc

Huc usque Sextilianus Episcopus Africæ ex S. Augustino traditionem de Hæreticis etiam mortuis damnandis ostendebat. Post ipsum prodiit in medium in Concilio Benignus Episcopus Heracleæ Pelagoniæ, vices gerens Eliæ Episcopi Thessalonicensis, & ait. *Et quæ modo recitata sunt Augustini sanctæ memoriæ* (hæc sunt apud Gratianum in vers. *Quæ modo in eodem can. 6.) conveniunt statui tenenti ab initio in Ecclesia. Impium vero dogma jam inculpatum, & condemnatum est; & eos, qui tali dogmati obnoxii sunt, anathematizari vult Ecclesiæ traditio, licet mortui essent. Ideo & sanctæ memoriæ Augustinus dicit: Quod si modo convinceretur Cæcilianus de his, quæ inferuntur ei, etiam post mortem eum anathematizo. Et hæc dicebat de Cæciliano Episcopo Cartaginensis, qui solus ex tota Africa pervenit ad Nicænum Sanctorum Concilium, sed etiam Valentinum, & Marcionem, & Basilidem a nulla Synodo anathematizatos, tamen eo, quod alienum pietatis eras dogma, quod illi defendebant, etiam post mortem anathematizati Ecclesiæ Dei. Hæc vero etiam in Eunonium, & Apollinarium factum. Hanc vero Ecclesiasticam traditionem custodiens & Rambulus sanctæ memoriæ Episcopus salus Edeffens Civitatis, qui in Sacerdotibus explenduit, Theodorum ipsum Mopsuestinum (referuntur hæc apud Gratianum in vers. Rambulus eodem can. 6.) etiam post mortem in Ecclesiæ anathematizavit propter impia ejus conscripta. Item post pauca idem Benignus Heracleensis ea subdit, quæ apud Gratianum leguntur in vers. Romanorum his verbis: Sed etiam Romanorum Ecclesiæ ante paucos annos Dioscorum, qui fuit Papa ejusdem Ecclesiæ & post mortem anathematizavit, cum nec in fidem peccasset, & hoc sciunt omnes, qui degunt Romæ, & maxime qui in dignitatibus existunt, qui etiam eidem Dioscoro communicatores permanserunt usque ad ejus mortem. Post nonnullas similes plurium Episcoporum sententias recitatas, quibus docebatur, hæreticos etiam post mortem posse damnari, hæc subjungitur: Et multos quidem etiam alios invenimus post mortem anathematizatos. Nec non etiam Origenem, etsi ad tempora (pertinent hæc ad vers. Si ad tempora apud Gratianum in dicto can. 6.) Theophrasti sanctæ memoriæ, vel superius aliquis recurrerit, post mortem inveniet anathematizatum, quod etiam nunc in ipso fecit & vestra Sanctitas, & Vigilius Religiosissimus Papa antiquioris Romæ. Sic perlectis, ac recitatis Sanctorum Patrum testimoniis, & exemplis, discussisque suffragiis Episcoporum tandem in fine ejusdem collationis 5. ita definitum est: Sancta Synodus dixit: (hæc habentur in vers. Sancta Synodus penult. in dicto can. 6.) Sufficiunt quidem quæ dicta, & prolata sunt, ecclesiasticam traditionem demonstrare, eo, quod oportet hæreticos & post mortem anathematizari. Tandem in collatione 8. Concilii, sive postrema hæc omnia omnino confirmata sunt, ubi leguntur eadem verba, quæ descripsit Gratianus in vers. Sancta Synodus ult. usque in finem, post quæ omni dubitatione prorsus excussa Theodorus publico Ecclesiæ judicio, licet jam mortuus, anathemate percussus est. Atque his & Gratianeum canonem variis lacinis incompósitos contextum meliori ordine descripsi, & ipsam Concilii sententiam clarius explicavi.*

Ad eandem Theodori Mopsuesteni causam pertinet fragmentum illud collationis quintæ Concilii, quod retulit Gratianus in can. 9. cau. 24. qu. 3., ibi enim dicitur jure dammandum fuisse Theodorum, ea ratione, quia cum blasphemus fuisset in Deum, jam a Deo separatus erat, adinstar Judæorum, vel Ethnæcorum, aliorumque omnium, qui anathema dicebantur; propterea Theodoro anathema dici posse, cum nihil aliud anathema, quam separationem, significet. Verba ejusdem canonis 9. consonant omnino cum vulgatis Concilii exemplaribus.

## CAPUT

## CAPUT XXXI.

## De Conciliis Parisiensibus.

Hoc Capite complectar duo Parisiensia Concilia, quæ tamen apud Gratianum in inscriptionibus canonum minime distinguuntur. Prius est Concilium Parisiense anni circiter 557., quod in editis Gratiani exemplaribus appellatur I., & apud Labbeum dicitur III. Posterius est anni 615., quod apud Collectores Conciliorum dicitur Parisiense V. Jungam præterea canones illos, qui Parisiensibus Conciliis perperam a Gratiano adscripti fuerunt. En canones Gratiani ex ordine expositos.

## Ex Concilio

Parisiensi  
anni 557.

- { *Can. 9. dist. 63. supplendus ex vulgatis Concilii exemplaribus.*  
*Can. 6. cau. 36. qu. 2. emendandus ex integris Concilii exemplaribus.*

## Ex Concilio

Parisiensi  
anni 615.

- { *Can. 2. cau. 11. qu. 1. paullo varius in diversis exemplaribus.*  
*Can. 7. cau. 27. qu. 1. perperam Concilio Toletano adscriptus.*

His adduntur  
apud Gra-  
tianum.

- { *Can. 8. dist. 93. est Concilii Maguntini anni 813.*  
*Can. 24. cau. 23. qu. 8. est Concilii Meldenensis anni 845.*  
*Can. 6. cau. 24. qu. 3. ex variis fragmentis compositus, & præcipue Concilii Pistenfis.*

## De Concilio Parisiensi anni 557.

**T**heobaldo Galliarum Rege defuncto excitata est acris contentio inter Childebertum, ac Clotharium fratres germanos, apud quos de regni divisione agebatur circa annum 556., in qua rerum, animorumque perturbatione facile unusquisque intelligit, non solum Rempublicam universam salutis suæ periculum subisse, verum etiam Ecclesiasticas res fuisse propemodum lapsas, sive in Clericis, & Episcopis, quorum mores a rectis canonum regulis desciscabant, sive in bonis ecclesiasticis, quæ a laicis, præsertim nobilibus, diripiebantur, & per varias vices ab his modo, modo ab illis detinebantur. His gravissimis Ecclesiæ incommodis obviam eundem esse duxerunt Episcopi Gallicani, qui propterea circa annum 557. convenerunt in Parisiensem Urbem numero quindecim, ibidemque celebrato Concilio decem canones ad reformationem disciplinæ ecclesiasticæ fere lapsæ constituerunt, ex quibus apud Gratianum habemus.

*Can. 5. Primus est canon 5, dist. 63., cujus verba leguntur in canone 8., cujus hæc sunt dist. 63. integra verba: Et quia in aliquibus rebus consuetudo prisca negligitur, ac decreta canonum violantur, placuit, ut juxta antiquam consuetudinem canonum decreta serventur. Nullus civibus invito ordinetur Episcopus, nisi quem populi, & Clericorum electio plenissima quaesiverit voluntate, non Principis imperio, neque per quamlibet conditionem*

nem contra Metropolis voluntatem, vel Episcoporum Comprovincialium ingeratur. Quod si per ordinationem Regiam &c. Quæ sequuntur eisdem verbis habentur apud Gratianum. Hac itaque ratione in ea animorum divisione consulere Episcoporum electionibus censuerunt Parisienses Patres, ne forte eveniret, Episcopos ab uno ex contententibus electos, ab altero mutata fortuna deici, & sic Ecclesias undequaque turbari per novas, & fere quotidianas dejectiones, promotionesque Episcoporum.

Alter est canon 6. cau. 36. qu. 2., qui legitur in can. 6. his verbis: *Et quis utilium rerum capit causa trahiari, hoc universitas præcavere quoque debet, tam Sacerdotes, quam Principes, omnisque populus, ut nullus res alienas competere a Regis audeat potestate. Nullus viduam, neque filiam alterius extra voluntatem Parentum, aut rapere præsumat, aut Regis beneficio æstimet postulandam. Quod si fecerit, similiter ab Ecclesiæ communione semotus, anathematis damnatione plebatur.* Hoc loco passim eruditi animadvertunt, tantam occasione contentionum fuisse tunc quorundam improbitatem, ut cives nonnulli improbis conditionibus fidem suam, operamque venderent Principibus in jura sua nitentibus, quorum propterea alii bona, prædique aliena expetebant, alii viduas, & virgines patriz adhuc potestati subjectas adversus parentum voluntatem rapere se posse impune paciscebantur. Voluerunt autem Parisienses Patres meliori consilio, & sinceriore affectu Principum jura defendi a subditis, non ea ratione, ut subditi iidem pravis conditionibus a turbato Principe militiam suam spondentes flagitiorum impunitatem extorquerent.

Can. 6.  
cau. 36.  
qu. 2.

## De Concilio Parisiensi anni 615.

Quæ in superiore Concilio constituta fuerant, nemo non videt accommodata fuisse temporibus illis, quibus nonnullis rebus quoquo modo consulendum esse, miserabilis Gallicanæ Reipublicæ conditio postulabat, quoad fieri posset. Verum sub initium septimi sæculi tandem aliquando in Clothario 2. Galliarum Rege redita pax fuit, & in Regni unitate unitas quoque animorum in civibus esse cepit. Visum tum fuit maxime opportunum, res ecclesiasticas fere lapsas restituere, quod fieri posse visum fuit, si universi Galliarum Episcopi convenirent, & Regia etiam auctoritate freti germanam veterum canonum disciplinam reducerent, ac confirmarent. Celebrata Synodus fertur anno 615. in Urbe Parisiensi, convenientibus ex omnibus illius Regni Provinciis Episcopis numero novem supra septuaginta, editique sunt communi suffragio canones quindecim, qui & peculiari ipsius Clotharii Regis edito fuere confirmati.

Ex his est canon 2. cau. 11. qu. 1. apud Gratianum, quem Auctor Palearum adiecit nullo inscripto Auctoris nomine. Habetur autem in can. 4. hujus Concilii Parisiensis, ubi tamen Sirmondus, qui primus hoc Concilium edidit pro illis verbis: *sine licentia Pontificis*, legit: *sine scientia Pontificis*, & pro illis: *quosque reatum suum agnoscat, & emendet*, legit: *quandiu reatum suum corrigit, & emendet*. Hanc Synodi hujus constitutionem Clotharii edito confirmatam renovavit postea Carolus Magnus in Capitulari anni 769. cap. 17. ibi: *Ut nullus Judex neque Presbyterum, neque Diaconum, aut Clericum, aut juniorem Ecclesiæ extra consensum Pontificis per se distringat, aut condemnare præsumat. Quod si quis hoc fecerit, ab Ecclesiâ,*

Can. 2.  
cau. 11.  
qu. 1.

cul

*qui injuriam irrogare dignoscitur, tamdiu sit sequestratus, quamdiu reatum suum cognoscit, & emendet, quæ verba relata sunt in libros Capitularium lib. 6. cap. 156. & lib. 7. cap. 139.*

Can. 7.  
cau. 27.  
qu. 1.

Habetur etiam in can. 13. ejusdem Concilii canon 7. cau. 27. qu. 1., quem Gratianus inscripsit nomine Concilii Toletani. Verba Parisiensis canonis hæc sunt: *De viduabus, & puellis, quæ sibi vestes in habitu religionis in domibus propriis tam a parentibus, quam per se ipsas mutaverim, & se postea contra statuta Patrum, vel præcepta canonum conjugio crediderint copulandas, tamdiu utrique habeantur a communione suspensi, quousque quod illicite perpetraverunt, emendent, aut si emendare neglexerint, a communione Ecclesiastica, vel omni Christianorum convivio in perpetuum, sint sequestrati.* Hæc eadem Constitutio relata est in librum 7. Capitularium Francorum cap. 338. editionis Parisiensis anni 1677.

### De reliquis Canonibus Concilio Parisiensi adscriptis.

Tria adhuc supersunt fragmenta, quæ apud Gratianum Concilii Parisiensis nomine inscribuntur. Primus est canon 8. dist. 93., quem jam observaverunt viri eruditi pertinere potius ad Concilium Moguntinum anni 813. can. 22., ubi hæc leguntur: *De Clericis vagis, seu acephalis, idest de his, qui sunt sine capite, neque in servitio Domini nostri, neque sub Episcopo, neque sub Abbate, sed sine canonica, vel regulari vita degentes, ut in libro officiorum 2. capitulo 3. de eis dicitur, hos neque inter Laicos secularium officiorum studia, neque inter Clericos religio tenet divina, sed solutos, atque oberrantes sola turpis vita complectitur, & vaga; quique, dum nullum metuant, explendæ voluptatis suæ licentiam sistantur, quasi animalia bruta, libertate, ac desiderio suo seruntur, habentes signum religionis, non religionis officium, hippocentauris similes, nec equi, nec homines.* Hæc Moguntini canonis editio verbo quidem tenuis dissonat a Gratiana; sed utrobique eadem omnino sententia est, quam Collectores Gratiano anteriores Ivo, & Burchardus aliis verbis perstrinxerunt, atque ex Parisiensi forte Concilio laudaverunt, quod uteretur Parisiensi quodam Codice, in quo simul cum Parisiensibus aliorum Gallicanorum Conciliorum canones adnexi fuissent.

Can. 24.  
can. 23.  
qu. 8.

Ex eadem causa factum arbitror, ex Concilio Parisiensi laudatum fuisse apud Burchardum, Ivonem, & Gratianum canonem 24. cau. 23. qu. 8., qui potius describendus erat ex Concilio Meldensi anni 845., siquidem in can. 63. ejusdem Concilii hæc habentur: *Ut secundum canonicam auctoritatem, & constitutionem Domini Imperatoris Ludovici de agro Ecclesiastico, & manso, ac mancipiis, quæ ipse suis capitulis constituit, ut si quilibet pro loco sepulture aliquid largitus Ecclesiæ fuerit, neque de decimis, & oblationibus fidelium cuiquam Presbytero aliquem censum persolvere cogat, nec quicquam cuiuslibet ordinis vel dignitatis exinde quidquam subtrahat, aut restitutionem quamcumque exigat temporalem. Quod si fecerit, communione usque ad satisfactionem privetur, & Regia potestate hoc emendare legaliter cogatur.* Memoratur hic Ludovici constitutio, quæ sane alia non est, nisi quæ continetur in Capitulari Ludovici Pii anni 816., ubi can. 10. ita legitur: *Statutum est, ut unicuique Ecclesiæ unus mansus integer absque ullo servitio adscribatur, & Presbyteri in eis constituti non de decimis, neque de oblationibus fidelium, non de domibus, neque de arvis,*

atriis, vel hortis juxta Ecclesiam positis, neque de præscripto manso aliquod servitium faciant præter Ecclesiasticum. Et si aliquid amplius habuerint, inde senioribus suis debitum servitium impendant. Hoc Capitulare confirmatum est in dicto Concilio Meldensi, rursumque comprobatum in Capitulari Caroli Calvi anni 865. apud Tansiacum, ubi can. 11. ita legitur: *Ut de uno manso ad Ecclesiam dato nullus census, neque caballi passus a senioribus de Presbyteris requiratur, sicut de præfato Capitulari continetur. Sed neque de terrulis, ac vineolis pro loco sepulture ad easdem Ecclesias datis, neque de decimis, sicut in Canonibus, & præfatis Capitularibus continetur. Et ubi inventum fuerit a Nissis nostris, quod seniores sine conscientia Episcoporum Presbyteros de Ecclesiis ejiciunt, vel in Ecclesiis statum, Missi nostri, sicut in præfatis Capitularibus continetur, inde faciant: Exinde omnibus facile constare potest, Gratianum depromisse dictum canonem 24. ex memoratis Gallicanorum. Antislitum, & Principum sententiis, quem Burchardus primum nomine Concilii Parisiensis forte etiam inscribere potuit, ut a memorandis Francorum Capitularibus abstineret, quemadmodum id sibi proposuisse alias observaveram.*

Demum falso inscriptus est Concilio Parisiensi canon 6. cau. 24. qu. 3. quem & Gratianus, & Collectores Gratiano antiquiores hoc adjecto nomine descripserunt: *Ex Concilio Parisiensi tempore Ludovici. Zegerus Wanepfen in suo brevi Commentario ad Gratianum putavit canonem istum referendum esse ad Concilium Parisiense VI. anni 829.; quod quidem tempore Ludovici Pii celebratum est: Verum ipse licet vir egregie eruditus aut in hac re aliquid humanum, ut in aliis non paucis, passus est, aut usus est aliis Codicibus, quam qui editi sunt in Collectionibus Conciliorum. Ego potius arbitror, corruptam fuisse veterum Codicum editionem, ita, ut legendum potius esset: Ex Concilio Pistensi tempore Ludovici, pro quibus verbis facile Amanuensis scribere potuit: Ex Concilio Parisiensi tempore Ludovici. Revera tempore Ludovici II. Imperatoris anno 869. scimus in Gallia celebratum fuisse Concilium Pistense, præbente etiam auctoritatem Carolo Calvo Rege, cujus acta & Baluzius edidit in Tomo 2. Capitularium Francorum pagina mihi 209., & ex illo is, qui Labbeanam Collectionem adauxit. Quum vero dixerrim laudatum canonem 6. ad Concilium Pistense referendum esse, non ita accipiendum erit, quasi integer in Concilio Pistensi reperiat. Tantum in eo sunt priora verba canonis; etenim in can. 10. ejusdem Pistensis Concilii ita legimus: *Ut nemo Episcopus, nemo Presbyter excommunicet aliquem, antequam causa probeatur, propter quam Ecclesiastici canones hoc fieri jubent, & donec illum, qui peccavit, & inde aut sponte confessus est, aut aperte convictus fuerit secundum Evangelicum præceptum, ut ad emendationem, & penitentiam redeat, communium habeat. Hac porro verba eadem ferme sunt cum priora parte Gratiani canonis vers. ut nemo. Cetera a Collectore compositis variis legum, canonumque decretis congesta sunt juxta morem Collectoribus ipsis familiarem, qui aliquando plura simul coacervant ex variis locis deprompta, & in unam quasi Syndeticam Constitutionem adnectunt. Priora autem verba ejusdem canonis, in quibus memoratur Justiniani Imperatoris Constitutio, referenda sunt ad Novellam 123. cap. 11. ubi hæc legantur: Omnibus autem Episcopis, & Presbyteris interdiximus segregare aliquem a sacra communione, antequam causa monstretur, propter quam sanctæ regulæ hoc fieri jubent: Si quis autem propter hoc a sancta communione quemquam segregaverit, ille quidem, qui injuste a communione segregatus est, solutus excommunicatione a majore Sacerdote san-**

*Etiam mereatur communionem : Qui vero aliquem a sancta communione segregare praesumpserit, modis omnibus a Sacerdote, sub quo constitutus est, separabitur a communione, quanto tempore ille perpexerit, ut quod injusto fecit, iuste sustineat. Quicumque hæc Justiniani verba consideraverit, atque contulerit cum dicto canone Concilii Pistenfis, statim conjiciet Collectorem canonum ex utroque capite tum Novellæ, tum Synodi unam, eandemque sententiam composuisse, inscribens fragmentum suum nomine Concilii, & exordiens abs Justiniani Constitutione.*

Pertinent hæc ad principium dicti Gratiani canonis 6. Amplius progressus est Collector; quodque adjunctis tum Pistenfis Concilii, cum Justinianæ legis verbis exorsus est, aliis sanctorum Patrum capitibus confirmare voluit, ita subsequutus: *Ex hinc S. Gregorius ad Johannem Episcopum &c. Referenda sunt hæc ad Epistolam Gregorii Magni ad Johannem Episcopum Primæ Justinianæ, de qua suo loco verba faciemus, quæque est 6. lib. 2. indict. 11. in vetere editione. Hadrianus Thebanæ Civitatis Episcopus conquestus fuerat apud Gregorium, quod ab Johanne Primæ Justinianæ Episcopo abrupta sententia damnatus fuisset, quin ulla testium dispositio, aut rei ipsius confessio aliqua obesset accusato. Reprehendit hæc acta Sanctissimus Pontifex, cujus verba sunt apud Gratianum a vers. cassatis prius, usque ad illa: severius puniendum; quæ enim ibidem sequuntur; quia nemo prapropere, scilicet non communis, neque conventus est iudicandus, a Collectore ipso adjuncta fuerunt, atque apud Gregorium desiderantur.*

Non hic persistit Collector, sed in vers. de conventionione addidit ad eandem rem plura excerpta ex lib. 1. sententiarum Pauli jureconsulti tit. 5. §. 6., his tamen verbis, quæ in editione Cujacii paullo dissonant a Gratianis: *Trinis literis, vel edictis, aut uno pro tribus dato, aut trina denunciatione conventus, nisi ad iudicem, a quo sibi denunciatum est, aut cujus literis, vel edictis conventus est, venerit, quasi in consummationem dictæ sententiæ auctoritatem rerum judicatarum obtinet, quinimmo nec appellari potest ab ea.* Post hæc Collector idipsum probat ex Castellino ad Nestorium, item ex Concilio Ephesino, quorum testimonia jam recte exposuerunt Romani Correctores, quorum studium supervacaneum propterea est hoc in loco renovare. Addit Collector auctoritatem Gregorii ad Johannem scribentis. Quænam vero sit hæc Gregorii ad Johannem Epistola, Romani Correctores non indicant. Non sane esse potest jam memorata Epistola ad Johannem Episcopum Primæ Justinianæ, cum in ea nihil dicatur de monitis tribus, quæ condemnationem præcedere debent. Potius erit Epistola 52. lib. 2. indict. 11. ad Johannem Constantinopolitanum, in cujus initio Gregorius scribit, se jam semel, & bis ipsum redarguisse, adhuc tamen tertio scribere, ut eum magis magisque ad poenitentiam adducat, & judicet; aut forte erit Epistola 54. ejusdem libri ad Johannem Episcopum Ravennatem, ibi: *Volumus, ut eis post secundam, & tertiam admonitionem tuam ministerium sacri interdicis officii, atque nobis de contumacia eorum renuncies &c.* Quæ sequuntur in vers. de peremptorio, excerpta sunt ex Concilio, quod vulgo Africanum dicunt, sive ex Codice canonum Ecclesiæ Africanæ, ubi can. 48. hæc leguntur: *Servata forma disciplina (Cresconius) non estimabitur appetitus, si a vestra charitate modestius conventus recedere retrahiverit, cum fuerit suo contentu, & contumacia faciente etiam auctoritate judiciaria conventus.* Ceterum hoc in loco nihil occurrit de trina monitione, vel edicto peremptorio. Demum adferuntur eadem verba Gregorii Magni in Epist. ad Maximum Præsumptorem Salonitanum, de quo suo loco



loco verba faciam, eſtque Epiſtola 3. lib. 5. eiſdem verbis a Gratiano relata in-  
verſ. *hortamur*, demis tamen illis verbis: *de quibus accuſaris*, quæ in eadem Gre-  
gorii Epiſtola deſiderantur, & a Collectore adjecta ſunt ad uberiorem ſententiæ  
explicationem.

## CAPUT XXXII.

## De Conciliis Bracarenſibus.

Tria ex Bracarenſibus Concilia in ſuo Codice memoravit Gratianus,  
ex quibus ſequentes canones depromti ſunt.

- |                         |   |
|-------------------------|---|
| Ex Braca-<br>renſi I.   | <p><i>Can. 14. diſt. 12. pauliſſer varius in diverſis exemplaribus.</i><br/> <i>Can. 21. diſt. 23. conſonat cum vulgatis Concilii exemplaribus.</i><br/> <i>Can. 12. cau. 23. qu. 5. ſingularem exhibet diſciplinam Eccleſiæ Bra-<br/>         carenſis, aut vetuſtæ ætatis.</i></p>  |
| Ex Braca-<br>renſi II.  | <p><i>Can. 22. cau. 1. qu. 1. fere conſonat cum vulgatis Concilii exem-<br/>         plaribus.</i><br/> <i>Can. 102. cau. 1. qu. 1. ex vulgatis Concilii exemplaribus emendandus.</i><br/> <i>Can. 103. cau. 1. qu. 1. fere conſonat cum integris Concilii exem-<br/>         plaribus.</i><br/> <i>Can. 1. cau. 1. qu. 2. ex integris Concilii exemplaribus emendandus.</i><br/> <i>Can. 1. cau. 2. qu. 4. conſonat cum vulgatis Concilii exemplaribus.</i><br/> <i>Can. 12. cau. 10. qu. 1. conſonat cum vulgatis Concilii exemplaribus.</i><br/> <i>Can. 1. cau. 10. qu. 3. paulo varius in diverſis exemplaribus.</i><br/> <i>Can. 10. de conſ. diſt. 1. conſonat cum vulgatis Concilii exemplaribus.</i><br/> <i>Can. 25. de conſ. diſt. 3. conſonat cum vulgatis Concilii exemplaribus.</i><br/> <i>Can. 55. de conſ. diſt. 4. referendus ad can. 12. cau. 10. qu. 1.</i></p> |
| Ex Braca-<br>renſi III. | <p><i>Can. 9. diſt. 23. ex integris Concilii exemplaribus emendandus.</i><br/> <i>Can. 8. diſt. 45. conſonat cum vulgatis Concilii exemplaribus.</i><br/> <i>Can. 2. cau. 2. qu. 4. ex integris Concilii exemplaribus emendandus.</i></p>   |

## De Concilio Bracarenſi I.

Non obſcuri nominis apud Collectores canonum ſunt Concilia Bracarenſia, ita  
diſta a Bracara urbe olim Galliciæ Metropoli, quæ nunc *Braga* dicitur in  
Portugallia. Quum vero Bracarenſia Concilia memoramus, minime hoc in loco  
venit illud, quod apud Labbeum dicitur Bracarenſe I., & anno 411. celebratum  
a Pancratio, ſeu Pancratiano Bracarenſi Epiſcopo, ſive quod nullos ejusdem Sy-  
nodi canones habeamus, ſed tantummodo quandam fidei profeſſionem; ſive quod a  
nonnullis inter apocrypha vetuſtatis ſacræ monumenta recenſeatur. Primum Bra-  
carenſe Concilium vulgo adpellatur, quod celebratum eſt ab octo Bracarenſis Pro-  
vinciæ Epiſcopis, Præſidente Lucretio Metropolitâ ſub Rege Ariamiro, quem alii

Theodemirum vocant, & sub Johanne III. Pontifice Maximo circa annum 569. Fuerat jampridem Ariamirus Rex scilicet Arianorum adhaerens, sed cum ad Catholicam fidem optimo exemplo conversus fuisset, nihil antiquius habuit, quam & fidei dogmata in generalibus Ecclesiarum Conciliis definita confirmari, & Ecclesiasticam disciplinam propemodum lapsam reitui; quomobrem curavit, ut Concilium celebraretur, quod deinde ab Episcopis libentissime habitum est, ac Regia ipsa auctoritate comprobatum. Ibidem vero, in primis efformatum est sanctae fidei exemplar, quo praesertim improbaretur, ac damnareset haereticis Priscillianistarum, quae eo tempore grassabatur, & quod in decem & septem capita distributum est; deinde editi sunt canones 22., quibus disciplina Ecclesiastica reformaretur.

Ex hisce posterioribus canonibus depromptus est canon 14. dist. 12., ubi indicitur, ut idem sit sacrae psalmodiae ordo apud omnes Clericos, neque alii ab aliis Clerici in hac re dissideant, eo praetextu, quod nonnulli Monachorum ritus sequi malint; atque ad hanc rem juvat observare varietatem editionum: etenim licet vulgati Codices habeant: *Neque Monasteriorum consuetudines cum Ecclesiastica regula sint permixtae*, in aliis tamen legitur: *neque Monasteriorum consuetudines contra Ecclesiasticas regulas sint permixtae*. Olim triplex erat Psalmodiae Ecclesiasticae ratio; alia, quam Sancto Hieronymo, ut fertur, auctore Romana Ecclesia non solum ipsa receperat, verum etiam aliis Ecclesiis, ut reciperetur, exemplo fuit; Alia, quam Sanctus Ambrosius ad usum Mediolanensis Ecclesiae suae constituerat; alia demum, quam S. Benedictus Monachorum institutor, & Pater ad Monasteriorum disciplinam tradidit. Verosimile autem est tunc Ecclesiam Bracensem recepisse eam Psalmodiae rationem, quae in Romana Ecclesia recepta fuerat, quemadmodum facile colligere possumus ex canone 4., & 5. ejusdem Concilii Bracarensis, in quibus constitutum est, ordinem celebrandae Missae, & conferendi baptismatis illum esse servandum, quem Profuturus Bracarensis Episcopus jampridem a Romana Ecclesia acceperat; unde colligimus jam tum in Ecclesia Bracensi consuetudine receptos fuisse Romanos ritus, ac propterea in eadem Ecclesia viguisse Romanam, sive Hieronymianam Psalmodiam. Prodiit vero, atque in varias Provincias evulgata regula S. Benedicti, & ejusdem disciplina Monastica, nonnullis ex Clericis nova Benedicti ejusdem Psalmodia placere cepit, qui propterea consuetudine psallendi ratione recesserunt, & Monasticam subrogarunt, quasi haec illis accommodatior videretur. Aliter tamen fenserunt Bracenses Patres, qui propterea in tota Provincia voluerunt eidem, & veteri Psalmodiae insistentem esse, vel quod veterum institutionum despiciendae non essent, vel quod distinguenda forent Monachorum, & Clericorum officia.

Inter eosdem canones num. 10. legitur canon 31. dist. 23. his verbis: *Item placuit, ut non liceat cultibet ex Leuiticis sacra Altaris vasa portare, nisi his, qui ab Episcopo Subdiaconi sunt ordinati*.

In eisdem canonibus num. 16. habetur canon 12. cau. 23. qu. 5. & quidem eisdem omnino verbis, quae & in Collectionem suam retulit Regino Prumensis lib. 2. cap. 92., Haligarius lib. 4. cap. 6., quibus addi potest Collector Capitularium Francorum in lib. 6. cap. 70., lib. 7. cap. 344., & additione 4. cap. 60. Porro quae in fine hujus canonis decernuntur de illis, qui ob publica crimina poenae mortis subierunt, asperiora videntur, & singularem Bracensis Provinciae, aut illorum temporum disciplinam continere, ut scilicet in oblatione nulla ipsorum

ram commemoratio fiat; quod propterea apud recentiores non obtinuit, imo & contra ſtatutum videtur in Concilio Aurelianenſi II. cap. 14 ibi: *Oblationem defunctorum, quæ in aliquo crimine fuerint interemti, recipi debere cenſemus, ſi tamen non ipſi ſibi mortem probentur propriis manibus intuliſſe.* Gratianus, ut minus aſperam redderet Bracarenſis canonis in poſtrema parte ſententiam, interpretatus illum eſt de Reis damnatis, quos admiſſorum criminum non poenituit. Verum hujus interpretationis nulla eſt, ne leviſſima quidem in Bracarenſi Concilio conjectura, cum verba canonis generalia ſint, & omnes caſus comprehendant. Potius dicendum videretur, maxime interfuſiſſe illis temporibus, quoad fieri poſſet, a publicis criminibus homines avertere, quo quidem plurimum conducebat, ſi ſtatueretur, ne oblationem quidem accipi, aut commemorationem fieri ipſorum. Aliæ vero Bracarenſes Patres non prohibuerunt, damnatos privatis fidelium, piorum orationibus juvari, & Deo commendari.

## De Concilio Bracarenſi II.

Concilium Bracarenſe II., quod apud Labbeum tertium dicitur, celebratum eſt anno 572. ſub Mirone Svevorum Rege poſt obitum Johannis III. Pontificis Maximi à Martino Bracarenſi Archiepiſcopo, de quo in ſequenti capite agendum erit. In hac Synodo decem conſtituti ſunt canones cauſa diſciplinæ Eccleſiaſticæ reformandæ.

In caſione 3. habetur canon 22. cau. 1. qu. 1. editus adverſus Simoniacos, Can. 22. cau. 1. qu. 1. quos bene multos ea ætate fuiſſe perſpicue liquet ex Epistoſis Gregorii Magni. In vulgatis Concilii exemplaribus vix eſt, quod a Gratiani editione diſcrepet, niſi forte quis obſervatione dignum exiſtimet, quod pro illis verbis Gratiani; *nulla accipiant, legatur illic nulla ſuſcipiant;* item pro illis: *ſceleribus obruit, legatur: ſceleribus obruti,* demum pro illis: *oportet non per gratiam,* habeatur: *oportet ergo non per gratiam.*

In canone 4. ejuſdem Concilii legitur canon 102. cau. 1. qu. 1. his tamen C. 102. cau. 1. qu. 1. verbis: *Placuit, ut mollicum baſamenti, quod benediſſum pro baptiſmi Sacramento per Eccleſias datur, quia ſinguli tremiſſes pro ipſo exigi ſolent (legunt alii: quia ſingulis tremiſſes exigi ſolent) niſi ulterius exigatur, ne forte, quod pro ſalute animarum per invocationem Sancti Spiritus conſecratur, ſicut Simon Magus domum Dei pecunia emere, (legunt alii: emere voluit), ita nos venundare damnabilius videamur.* Ex his magis magiſque liquet, quod in præcedenti canone obſervabam, videlicet tempore hujus Concilii Bracarenſis paſſim Clericis occaſionem quaſiſſe pro rebus ſacris pecuniæ exigendi, quamobrem operæ pretium fuit Sanctis Patribus effugia omnia præcludere, & veteres etiam conſuetudines abrogare. Solebant in Eccleſia Bracarenſi eo tempore, quo ſacra baſama a Cathedrali Eccleſia tribuebantur in Eccleſiis rurales, exigi tremiſſes a ſingulis. (tremiſſes erant tertia pars ſolidi, quemadmodum conſtat ex lege Alamanorum, ſive Capitulari Dagoberti Regis anni 630. tit. 6. num. 3. ibi: *Tremiſſus eſt tertia pars ſolidi, & ſunt denarii quatuor.* Jungatur lex 3. Cod. de veſte militari.) Non erant hæc ſtatim improbanda, cum eſſent velli-gia juris antiqui, quod Cathedralis Eccleſiis competebat. Cum enim olim quiſcumque Eccleſiarum inferiorum redditus non ſingulis Parochiis, vel Parochiis ipſis cede-

cederent, sed ad Episcopos, vel Cathedrales Ecclesias deferrentur, ob eorundem Episcoporum, & Cathedralium Ecclesiarum inopiam, ex quibus tamen Episcopi iidem Parochiis alimenta suppeditabant, quemadmodum probari potest ex Concilio Aurelianensi I. anni 514. can. 15.; paulatim discescentibus Ecclesiis Cathedralibus Episcopi singulas oblationes Parochiis factas singulis Parochiis reliquerunt, quibusdam tamen reservatis in signum juris Episcopalis. Quod signum quemadmodum in aliis Ecclesiis erat Cathedralicum, vel Synodaticum, tertia pars decimarum, & oblationum, vel simile quidpiam, ita in Bracarense Ecclesia erat remissus, qui Ecclesiis Cathedralibus ab inferioribus pendebatur tempore Paschali, quo sacrum Balsamum petebatur. Verum cum Simoniz lites tum Clericos ferme omnes infecisset, visum fuit etiam hanc occasionem avertere, ne forte tremissi præstatione sacra Balsama vendi quodammodo viderentur.

Can. 103. cau. 1. qu. 1. pertinet ad canonem 7. ejusdem Concilii, ubi eadem verba leguntur, nisi forte quis observatione dignum crediderit, quod pro illis Gratiani verbis: *filios a baptismo retrahunt*, legatur in Concilio: *filios suos a baptismo retrahunt*; & pro illis: *qui si forte dum differuntur*, legatur: *quod si forte dum differunt*; demum pro illis: *quorum spolia pertimescentes*, habeatur in pluribus Codicibus: *quorum exspolia pertimescentes*.

Can. 1. cau. 1. qu. 2. hinc verbis legendus est ex can. 5. ejusdem Bracarense Concilii: *Placuit, ut quoties ab aliquo fidelium ad consecrandas Ecclesias Episcopi invitantur, non quasi ex debito munus aliquod a fundatore requirant; sed si ipsi quidem aliquid ex suo voto obtulerint, non respiciatur. Si vero aut paupertas illum, aut necessitas retinet, nihil exigatur ab illo. Hoc tantum unusquisque Episcoporum meminerit, ut non prius deducat Ecclesiam, aut Basilicam, nisi amea dotem Basilicæ, & obsequium ipsius per donationem (legunt alii: per ordinationem) Chartula confirmatum accipiat; nam non levis est ista temeritas, si sine luminariis, sive sine sustentatione eorum, qui ibidem servituri sunt (legunt alii: servituri sunt) tanquam domus privata, ita consecratur Ecclesia.*

Can. 1. cau. 2. canon 1. cau. 2. qu. 4. dummodo pro verbo illo postremo accipiat, legamus: *excipiat*.

Can. 12. cau. 10. qu. 1. nihil est, quod specialiter observemus. Legitur ille eisdem omnino verbis in can. 1. Concilii hujus Bracarensis.

Can. 1. cau. 10. qu. 3. Eisdem etiam verbis legitur in can. 2. Bracarense canon 1. cau. 10. qu. 3., ubi tamen in illis: *Et facta rella absoluit Ecclesie*, aliqui Codices habent: *Et sacra absoluit Ecclesie*. De jure Episcoporum, Ecclesiarumque Cathedralium jam nonnulla differui ad canonem 102. cau. 1. qu. 1., qui est hujus Concilii, ubi observabam, Episcopos abdicasse a se administrationem integram oblationum, quæ fiebant Ecclesiis inferioribus, retento sibi aliquo jure in signum veteris, atque ordinariæ potestatis. Inter cetera jura hoc erat in Bracarense Provincia, ut Episcopi duos solidos exigerent, quoties Parochias suas lustrarent. Quod si quispiam de solidorum hujusmodi valore quæreret, dixerim, varium fuisse apud veteres, nec adeo facile definiti posse, qualis in Bracarense Provincia fuerit. Apud Romanos veteres dicebatur summa aurea continens centum sextertios, uti deduci potest ex l. 5. §. prætor de his, qui dejecer., vel effuder. comparata cum §. item his cui insit. de obligat. quæ quasi ex delicto, & l. 47. de manum. testam. cum l. 8. §. de

de inoffic. teſtam. Erat propterea ſolidus ſeptuagetiſima ſecunda pars libræ auri, l. *quo-  
tiſcumque* Cod. de ſuſceptoribus, & ſolidus aureus olim viginti libris æris æſtima-  
batur, l. un. Cod. de Collatione æris.

Canon 10. de conf. diſt. 1. legitur eiſdem verbis in can. 6. huius Concilii, in *Can. 10.  
de conf.  
diſt. 1.*  
quo reprobatæ ſunt ejuſmodi conditiones in ædificationibus Eccleſiarum, ut ædi-  
ficator dimidiam oblationem partem lucraretur: Eſi enim fundatoribus conceſ-  
ſum fuerit honeſtas conditiones apponere, minime tamen iſis indulgendum fue-  
rat, ut non cauſa pietatis & religionis, ſed potius quærendi lucri templa con-  
ſtruerent.

Jam alias memini me animadvertiſſe, quemadmodum olim Paſchalis feſtivitas *Can. 25.  
de conf.  
diſt. 3.*  
in Eccleſiis eſſet indicenda. Poſtquam enim cautum apud veteres fuiſſet, uno eo-  
demque die Paſcha in Eccleſiis univerſis celebrari debere, diſputatum eſt de mo-  
do, quo Eccleſiarum conformitas huiusmodi facilius obtineretur. Et quidem  
Orientales contendebant ad ſe pertinere designationem diei, præſertim Ægyptii,  
qui ſe Lunæ curſum maxime callere allegabant. Contra Latini, qui ſentiebant  
designationem diei eſſe a Pontifice Maximo tanquam totius Eccleſiæ Principe  
expeſtandam. Pacata tandem fuit hæc controverſia, ſtatutumque, ut Ægyptii  
Epifcopi per privatam Epistolam Pontificem Maximum certiorum facerent de  
die decimaquinta Lunæ Martiæ, ut dein idem Maximus Pontifex commode Pa-  
ſchalem diem designaret, designatamque omnibus Eccleſiis, iſis etiam Ægyptiis,  
per Encyclicam palam faceret, arque indiceret celebrandam. Indicebat Pontifex  
Maximus Metropolitanis, qui deinde ſinguli ſuis ſuffraganeis Epifcopis ad Conci-  
lium convenientibus indicabant; demum vero Epifcopi omnes redeuntes a Synodo  
univerſo populo promulgabant. Ex his facile percipitur ſententia canonis 25. de  
conf. diſt. 3., qui omnino conſonat cum canone 9. Bracarenſi.

Canonem 55. de conf. diſt. 4. jam integrum retulerat Gratianus in can. 12. cau. 10. *Can. 55.  
de conf.  
diſt. 4.*  
qu. 1. ex canone 1. Bracarenſi, ex quo adparet emendanda eſſe illa verba *ſpiritu-  
aliter doceantur*; ſive enim in vulgatis Concilii exemplaribus, ſive apud eundem  
Gratianum in memorato can. 12. legitur: *ſpecialiter doceantur*.

### De Concilio Bracarenſi III.

Anno 675. celebratum eſt aliud Bracarenſe Concilium, quod tertium appella-  
mus, apud Labbeum vero dicitur quartum, ſub Wambano Rege temporibus Adeo-  
dati Pontificis Maximi. Illud eſt Provinciale, in quod convenerant Epifcopi octo  
a Leodeſicio Archiepiſcopo convocati. Novem in eo editi canones ſunt, quorum  
prior fidei profeſſionem continet, ceteri vero ad ſtabiliendam diſciplinam Eccleſia-  
ſticam pertinent. Ex canone 4. huius Concilii ita reſtituendus erit canon 9. diſt. *Can. 9.  
diſt. 21.*  
23. Cum antiqua Eccleſiaſtica noverimus inſtitutione præfixum, ut omnis Sacerdos, cum  
ordinatur, oratio utroque humero ambiatur, ſcilicet, ut qui imperturbatus præcipitur con-  
ſiſtere inter proſpera, & adverſa, virtutum ſemper ornamento utrobique circumſcriptus ad-  
pareat, qua ratione tempore Sacrificii non aſſumat, quod ſe in Sacramento accepiſſe non  
dubitatur? Proinde modis omnibus convenit, ut quod quiſque percepit in conſecratione, hoc  
& retenter in oblatione, vel perceptione ſue ſalutis, ſcilicet ut, cum Sacerdos ad ſole-  
mnia Miſſarum accedit, ut pro ſe Deo Sacrificium oblaturus, aut Sacramentum Corporis,

*& Sanguinis Domini Nostri Jesu Christi sumitur, non aliter accedat, quam utroque humero circumseptus, sicut & tempore ordinationis suæ dignoscitur consecratus, ita ut de uno, eodemque orario cervicem pariter, & utramque humerum premens signum in suo pectore præferat Crucis. Siquis autem aliter egerit, excommunicationi debite subjaceat.* Ex his adparet orarium illud, quod olim præ manibus gestabatur a Sacerdote, vel Diacono, ut ora prædicantes Dei verbum sudore madentia tergerent, vel ut Diaconi signa ab Altari, cui ministrabant, Cathecumenis, aut penitentibus darent, paulatim translatum fuisse in Sacerdotale ornamentum mysticis quibusdam significationibus decoratum, quod hodie *stole* nomine appellamus.

Can. 8. In can. 7. ejusdem Bracarenfis Concilii habetur eisdem omnino verbis canon 8. dist. 45. ex quo adparet vetus illa disciplina, de qua jam superius egi, videlicet ut Episcopi adinstar Parentum, vel Præceptorum curæ inferiorum Clericorum invigilarent, eosque etiam aliquorum delictorum reos flagello corrigerent. Hac autem potestate cum aliquando abuterentur severiores Episcopi, cautum in hoc canone animadvertimus, ne Episcopi verberibus pœnam exasperent, & percuttores potius, quam Pastores videantur. Posteriora hujus canonis verba: *excommunicationis pariter, & exilii sententiam sustinebit*, de pœna depositionis intelligenda sunt; apud veteres enim Patres exilii, & depositionis nomina promiscue sumebantur. Sic in Concilio Toletano XVII. legitur can. 6. *a proprii deponatur ordinis gradus, & perpetuo exyles*. Præsertim vero exulare quispiam ex viris Ecclesiasticis dicebatur, quoties in Monasteriis penitentiam delictorum agebat: Hinc Anastasius in Stephanum IV. ait: *Sergius vero in Monasterium D. Sauri deportatus*; & Placina in Christophoro: *In Monasteria tanquam in insulas Clerici male de Ecclesia meriti tum relegantur*. Conferatur canon 2. cau. 21. qu. 2.

Can. 2. Verba canonis 2. cau. 12. qu. 4. ita legenda sunt ex can. 9. Bracarenfi juxta integra Concilii exemplaria: *Non decet Rectores Ecclesiæ in suis strenuus, & in Ecclesiasticis rebus esse remissos: Nam quædam fertur opinio, quod quidam Sacerdotum familias Ecclesiæ in suis propriis laboribus quassent, rei propriæ profectum augentes, Dominicis vero dispendium nutriendes. Unde quicumque sub hac neglectu (ex his exorditur Gratianus) res divinas laborare distulerit, speciali placito (idest lege) distringendus est; qualiter si de rebus, seu augmentis Ecclesiæ quæsum, vel labores rei propriæ auxit, ut ex hoc (alii legunt: quæsum laboribus suis propriæ auxit, & ex hoc) Ecclesiasticis rebus aut neglectum laboris exhibuit, aut minorationem, vel perditionem induxit, quidquid in rebus Ecclesiæ minorationis exhibuit, tantum de rebus propriis Ecclesiæ illi restituat, ex cujus rebus, atque suffragiis suis convulsus fuerit ampliasse labores. Quod si aliquid pro utilitatibus Ecclesiæ aut substantiæ expendit, aut dispendii, vel perditionis quidpiam pertulerit, si hoc comprobari potuerit, eorum illi a rebus Ecclesiæ ejusdem reformatur, pro cujus utilitate id expendisse probatur.*

# C A P U T XXXIII.

361

## De Concilio, quod dicitur Martini Papæ.

Huc pertinent sequentes canones.

- Can. 15. dist. 18. ad canonem 20. Concilii Antiocheni referendus.  
 Can. 32. dist. 23. pertinet ad Concilia Bracarense I., & Carthaginense IV.  
 Can. 7. dist. 24. ad canonem 9. Concilii Nicæni referendus.  
 Can. 1. dist. 27. ad canonem 10., alias 9. Concilii Ancyranum referendus.  
 Can. 12. dist. 28. pertinet ad Concilium Toletanum I.  
 Can. 17. dist. 30. pertinet ad Concilia Gangrense, Nicænum, & Ancyranum.  
 Can. 12. dist. 34. ad canonem 8. Concilii Neocæsarensis referendus.  
 Can. 17. dist. 34. ad canonem 3. Concilii Toletani I. referendus.  
 Can. 18. dist. 34. ad canonem 4. Concilii Toletani I. referendus.  
 Can. 12. dist. 44. pertinet ad Concilia Laodicenum, & Carthaginense.  
 Can. 8. dist. 50. pertinet ad canones vulgo Apostolicos, & Concilium Ancyranum.  
 Can. 22. dist. 50. ad canonem 15. Ancyranum referendus.  
 Can. 44. dist. 50. pertinet ad canones Ancyranos.  
 Can. 7. dist. 54. ad canonem 10. Concilii Toletani I. referendus.  
 Can. 9. dist. 55. ad canonem 1. Nicænum referendus.  
 Can. 8. dist. 63. pertinet ad canones Laodicenos.  
 Can. 7. dist. 64. ad canonem 4. Nicænum referendus.  
 Can. 2. dist. 65. ad canonem 19. Antiochenum referendus.  
 Can. 3. dist. 92. ad canonem 15. Laodicenum referendus.  
 Can. 4. dist. 92. ad canonem 18. Antiochenum referendus.  
 Can. 9. dist. 92. ad canonem 5. Concilii Toletani I. referendus.  
 Can. 11. dist. 95. est referendus ad can. 20. Concilii Toletani I. iuncto can. 104. de cons. dist. 4.  
 Can. 67. cau. 1. qu. 1. referendus ad canones 32., & 38. Laodicenos.  
 Can. 22. cau. 1. qu. 7. referendus ad canonem 8. Concilii Nicæni.  
 Can. 2. cau. 6. qu. 4. ad canonem 14. Antiochenum referendus.  
 Can. 4. cau. 8. qu. 1. ad canonem 23. Antiochenum referendus.  
 Can. 1. cau. 9. qu. 3. ad canonem 9. Antiochenum referendus.  
 Can. 7. cau. 10. qu. 2. ad canonem 25. Antiochenum referendus.  
 Can. 8. cau. 10. qu. 2. pertinet ad Concilia Carthaginensia IV., & V.  
 Can. 7. cau. 11. qu. 3. ad canonem 4. Antiochenum referendus.  
 Can. 20. cau. 12. qu. 1. ad canonem 24. Antiochenum referendus.  
 Can. 4. cau. 14. qu. 4. ad can. 17. Nicænum referendus.  
 Can. 4. cau. 15. qu. 8. idem est cum cau. 9. & 10. Neocæsarensi.  
 Can. 38. cau. 17. qu. 4. ad canonem 3. Gangrensem referendus.  
 Can. 5. cau. 21. qu. 5. ad canonem 12. Antiochenum referendus.  
 Can. 3. cau. 26. qu. 5. ex nonnullorum Conciliorum canonibus compositus.  
 Can. 6. cau. 26. qu. 6. referendus ad canonem 9. Concilii Nicæni.  
 Can. 13. cau. 26. qu. 7. referendus ad canonem 3. cau. 26. qu. 5.  
 Tom. I. Z z Can.

- Can. 8. cau. 27. qu. 1. est potius Concilii Triburiensis.*  
*Can. 26. cau. 27. qu. 1. referendus ad Concilium Toletanum I.*  
*Can. 9. cau. 32. qu. 7. referendus ad canonem 3. Neocaesarensis Concilii.*  
*Can. 9. cau. 33. qu. 4. referendus ad canones 51., & 52. Laodicenos.*  
*Can. 29. de conf. dist. 1. referendus ad canones Arelatensem, & Turonensem.*  
*Can. 4. de conf. dist. 2. referendus ad canonem 24. Concilii Carthagenensis III.*  
*Can. 18. de conf. dist. 2. referendus ad canonem 2. Concilii Antiocheni.*  
*Can. 7. de conf. dist. 3. referendus ad canonem 50. Laodicenum.*  
*Can. 59. de conf. dist. 4. referendus ad canones 45., & 46. Laodicenos.*  
*Can. 116. de conf. dist. 4. referendus ad canonem 6. Neocaesarensis Concilii.*  
*Can. 124. de conf. dist. 4. referendus ad can. 11. dist. 95.*

**Q**uod nomine Martini Papae Concilium a Gratiano laudatur, non illud est, quod anno 649. congregatis quinque supra centum Episcopis adversus Monothelitarum haeresim Romae celebravit Martinus I. Pontifex Maximus. Potius ad illa referuntur Concilia, quae Martinus Bracarensis Episcopus veterum Conciliorum, praesertim Orientalium nomine collegit prope finem sexti saeculi. Jam superius in praefatione hujus operis & patriam, & indolem, & studia Martini Bracarensis exhibui. Pauca hic perscringam, eum fuisse Natione Graecum, vel, ut aliis libet, Gallicae originarium, qui tamen apud Graecos a saeculo plurimum est commoratus, deinde vero in Hispaniam perrexisset, in qua constitutus est Episcopus Bracarensis. Ut autem erat Graecarum rerum, quas a tenera aetate susceperat, amantissimus; sedulam impendit operam, ut Graecos vetustos canones latinitate donaret, & suis sequendos proponeret; ne tamen videretur res Hispanicas negligere, Graecis canonibus aliquot capita Conciliorum Toletanorum, & Bracarensum adnexuit. Verum in referendis canonibus non satis integra fuit ejusdem fides; ut enim omnem Graecorum, latinosque Codices eo tempore jam fuisse corruptos, quemadmodum jam in praefatione hujus operis praenotavi, animadvertunt Garzias Loaisa in praefatione ad Capitula Martini Bracarensis, & praeter ceteros Anthonius Augustinus de Collectoribus canonum in parte 2. Epitomes juris Pontificii, Martinum capitulis Graecis aliqua ex latinitate addidisse, aliqua etiam detraxisse, aliquando praeterea non ita latine fecisse, quemadmodum Graece habebantur, sed ex duobus, vel tribus capitulis unicam sententiam conscripsisse. Integrum hoc opus, quale editum est, continet capita 84., seu juxta aliorum editiones 85., in quibus scilicet distributum est in duo capita 72. Duas hae collectiones partes habet, in quarum priore de Clericis, in altera de Laicis agitur. Edidit hoc opusculum Johannes Doviatius adscriptis ad margines optimo studio tum variis lectionibus, tum canonibus Conciliorum, ex quibus Capitula quae ab auctore primum deprompta fuerant; & habetur in Appendice tom. 1. Bibliothecae Juris Canonici veteris Guillelmi Voelli, & Henrici Justelli. Hae itaque illa Capitula sunt, quae Gratianus modo nomine Concilii Martini Papae retulit, modo Capitulorum Martini, quae propterea hoc in loco universa complexus sum, singula, quoad fieri poterit, ad sua loca, & ad fontium ipsorum exemplaria exacturus juxta editionem Doviatii probatissimam.

*Can. 15.  
dist. 18.*

In capite 18. Collectionis Martinianae habetur canon. 15. dist. 18., qui pertinet ad canonem 20. Concilii Antiocheni, quem jam suo loco retulimus ad canonem 4. dist. 18. Doviatius ita exhibuit.

*Canon*



## Canon Martini.

## Canon Antiochenus.

Propter Ecclesiasticas curas, & alterationum solutiones, bene placuit per singulas Provincias bis in anno Concilium fieri, convocante Metropolitanò Episcopo omnes Provinciarum (alii Codices habent: Provinciales) Episcopos, ita ut ad Concilium procedant (legunt alii, ut Concilium præcedant, alii: ut in his Conciliis procedant) omnes Presbyteri, & Diacones, vel hi, qui se laicos existimant, ut in Concilio (legunt alii: ut eorum, qui se laicos existimant in Concilio) causæ examinatz, ad justum judicium perducantur: (legunt alii: prodantur.) Et si qui manifeste Episcopi, vel Presbyteri, aut Diaconi inventi fuerint in offensâ, secundum rationem excommunicentur, quamdiu comuni consensu de his placuerit dare (legunt alii: placuit dari) sententiam. Nulli autem Episcopo liceat propria apud semetipsum Concilia facere, præter eos, quibus Metropoles sunt creditæ. (legunt alii: qui sunt Metropolis.)

Propter Ecclesiasticas causas, & quæ existunt controversias dissolvendas, sufficere visum est bis in anno per singulas Provincias Episcoporum Concilium fieri. Semel quidem post tertiam hebdomadam Paschalis festivitatis, ita ut in quarta hebdomada, quæ consequitur, idest media Pentecoste, Concilium compleatur. Admoneant autem Provinciales Episcopos hi, qui in amplioribus, idest, qui in Metropolitanis Civitatibus degunt. Secundum vero Concilium idibus Octobribus habeatur, qui dies apud Græcos Hyperberetæi mensis decimus invenitur. In ipsis autem Conciliis & Presbyteros, & Diaconos præsentare esse oportet, & omnes quotquot se laicos existimant, & Syndicam expectare sententiam. Ne liceat aliquibus apud semetipsos Concilia sine Metropolitanorum, Episcoporum consensu facere; quibus de omnibus causis constat esse permittum judicium.

In canone 32. dist. 23. Gratianus exhibet duo Martini Bracarenfis capita 41., Can. 32. & 66., quorum prius referendum est ad Concilium Bracarense I. can. 28., 20. dist. 23. sterius ad Concilia Carthaginensia IV. can. 44., & 45., & Bracarense I. can. 29. Exhibebo hic omnes hujusmodi canones, ut ab unoquoque facile invicem conferri possint, & Martini sententiæ ad optima exemplaria exigi.

## Canon 41. Martini.

## Can. 28. Bracarenfis.

Non liceat cuilibet ministeria tangere (legunt alii: non liceat quolibet ministrorum tangere) nisi Subdiacono, aut acolytho in Secretario (legunt alii: in Secretorio) vasa Dominica.

Placuit, ut non liceat cuilibet ex Levitis sacra altaris vasa portare, nec aliis: nisi his, qui ab Episcopo Subdiaconi fuerint ordinati.

## Can. 66. Martini.

## Canon 44. Concilii Carthaginensii IV.

Non oportet Clericos comam nutrire & sic ministrare; sed attento capite, patientibus

Clericus nec comam nutriat, nec barbam vadat.

Z z a

Canon

tentibus auribus, & secundum Aaron. calarem vestem induere, ut sint in habitu ornato. *Legunt alii*: in habitu ordinato.

Canon 45. ejusdem Concilii.

*Clericus professionem suam & in habitu, & in incessu probet; & ideo nec vestibus, nec calceamentis decorem quærat.*

Canon 29. Concilii Bracarenfis I.

*Item placuit, ut Lectores in Ecclesia, in habitu seculari ordinati non psallant, neque granos gentili ritu dimittant.*

Ex his adparet Martinum Bracarensem, uti diximus, non satis accurate aut verba, aut sententiam Conciliorum descripsisse, sed generatim ex illis quædam composuisse ad disciplinam Ecclesiasticam tradendam, qualem in sua Provincia obtinere exoptabat. De *Granis*, de quibus sermo est in memorato Bracarenfi canone mentionem fecit S. Isidorus Hispalensis in lib. 19. Ethymolog. cap. 23. scribens fuisse vestes Gothorum peculiare ad pompam adhibitas; quamquam enim illarum figura hodie exprimi difficile possit, tamen generatim agnoscimus fuisse ad ostentationem compositas ex his laudati Isidori verbis: *Nonnulla etiam gentes non solum, in vestibus, sed & in corpore aliqua sibi propria quasi insignia vindicant, ut videmus cirros Germanorum, granos, & cinnabar Gothorum &c.*

Can. 7. Canon 7. dist. 24. habetur in cap. 24. Collectionis Martini Bracarenfis. Ibi dist. 24. Doviatus etiam retulit canonem 9. Concilii Nicæni cum capite Martini, collatum his verbis:

Caput Martini 24.

Canon Concilii Nicæni.

*Siquis Presbyter, aut Diaconus sine aliqua examinatione ordinati sunt, aut certe, cum discuterentur criminosa peccata confessi sunt (legunt alii: Confessi sunt criminosa peccata sua. Alii: criminosa peccata sua celaverunt;) aut post ordinationem ab aliis sunt detesti, abjiciantur ex Clero, (alii legunt a Clero); similiter vero & de universo ordine Clericorum (legunt alii Cleri) servetur: Nam hoc sibi, quod irreprehensibile est, Sancta Catholica defendit Ecclesia:*

*Siqui sine examinatione promoti Presbyteri sunt, & postea examinati, confessi sunt peccata sua; & cum confessi fuissent, contra regulam venientes homines manus eis temere imposuerunt; hos Ecclesiasticus ordo non recipit. In omnibus enim, quod irreprehensibile est, defendit Ecclesia. Hunc eundem canonem jam retulerat Gratianus in can. 4. dist. 91.*

Can. 1. Depravatus est canon 10., alias 9. Concilii Ancyranæ apud Martinum eundem dist. 27. Bracarensem in cap. 39. Collectionis ejusdem. Exhibebo hic etiam utrumque fragmentum, sive Martinianum, sive Ancyranum; licet jam Ancyranum eundem canonem retulerim, ubi de can. 8. dist. 28.

Canon

## Canon Martini.

Diaconus, qui eligitur (*legunt alii: Siquis ad ministerium Diaconatus eligitur*) si contestatus (*legunt alii sicut testatus*) fuerit pro accipiendo matrimonio, & dixerit non posse (*alii legunt: se non posse*) in castitate permanere, hic non ordinetur. Quod si in ordinatione tacuerit, & ordinatus fuerit, & postea matrimonium desideraverit, alienus sit a ministerio, & vacet a Clero.

## Canon Ancyranus.

Diaconi quicumque, cum ordinantur, si in ipsa ordinatione protestati sunt, dicentes se velle habere uxores, nec posse se continere; hi si postea ad nuptias venerint, maneat in ministerio, propterea quod his Episcopus licentiam dederit. Quicumque sanctu-  
tatem, & susceperunt manus impositionem professi continentiam, si postea ad nuptias convenerint, a ministerio cessare debebunt.

Nemo sane ex his non videt, quantum ab Ancyrani Concilii sententia distet in hoc canone Martinus Bracarenfis, ideo forte sententiam Concilii detorqueus, ut alias animadverti, ut Græcorum consuetudines non reciperet apud suos, immo Græcos ipsos canones suarum Provinciarum disciplinæ accommodaret.

Canon 12. dist. 28. habetur in cap. 29. Martini Bracarenfis, & quidem eisdem omnino verbis, in quibus animadvertendum est postrema illa: *morienti tamen ei Sacramenta subveniant*, in nonnullis quidem Martini exemplaribus ita haberi; in aliis autem legi: *morienti tantum ei Sacramenta subveniant*; & in aliis *subveniant*. Pertinet autem hæc ad Concilium Toletanum. I. anni circiter 400., in quo eadem omnino verba habentur, & in fine ita legitur: *morienti tantum ei Sacramentum subveniat*.

In can. 17. dist. 30. habentur duo Martini fragmenta, videlicet caput 57., & 58. collectionis ejusdem, in quibus referuntur tres veterum Conciliorum canones, canon 18. Gangrensis, canon 20. Nicænus, & canon 13., alias 14. Ancyranus.

## Canon 57. Martini.

Siquis Presbyter publica poenitentia a Sacerdote accepta, (*legunt alii: propter publicam poenitentiam a Sacerdote acceptam*), aut aliqua necessitate die Dominica pro quadam religione jejūnaverit, sicut Manichæi, anathema sit. Similiter quia quod ab Apostolis traditum est canon tener antiquus, placuit, ut per omnes Dominicas, & per omnes dies Paschæ usque ad Quinquagesimam non prosterantur in oratione humilitatis, sed recto vultu ad dominum fungantur orationis officio; (*legunt alii: prostrati, nec humiliati, sed erecto vultu ad Dominum orationum fungantur officio*) quia in his diebus gaudium resurrectionis Domini (*legunt alii: Dominicæ*) celebramus.

## Canon 18. Gangrensis.

Siquis, tanquam hoc continentie convenire iudicans, die Dominico jejūnaverit, in ejusdem diei contemtum, anathema sit.

## Canon 20. Nicænus.

Quoniam sunt in die Dominica quidam ad orationem genus stantes, & in diebus Pentecostes; propterea itaque constitutum est a Sancta Synodo, quoniam consensu, & conveniens per omnes Ecclesias custodienda consuetudo est, ut stantes ad orationem Domino vota reddamus.

## Canon

## Canon 58. Martini.

Siquis non pro abstinentia, sed pro execratione escarum (*legunt alii: ab esu carniarum*) abstinere, placuit sancto Concilio, ut prægustet, & sic, si vult abstinere, abstineat. Si autem spernit, ita ut olera cocta cum carnibus non degustet, iste non obediens, nec suspicionem hæresis a se removens, deponatur ab ordine Clericatus. *Legunt alii: Clericorum.*

## Canon 13. alias 14. Ancyranus.

*De his, qui in Clero sunt Presbyteri, vel Diaconi, & abstinent se a carnibus: hoc placuit statui, ut non eas tanquam immundas contemnant, sed contingant. A quibus quidem si se abstinere volunt, habeant potestatem, ita tamen, ut si quando cum ole-ribus coquantur, eadem tanquam carnibus polluta non judicent, sed ex his cibum assumant, quamvis a carnibus se abstineant. Quod si immundas in tantum eas, & at-minabiles judicaverint, ut nec olera, que cum carnibus coquantur, æstiment comedenda, tanquam non consentientes huic regule cessare eos oportet, & a ministerio, & ordine suo.*

Can. 12. Canon 12. dist. 34. habetur apud Martinum Bracarensem in cap. 28. eisdem.  
dist. 34. omnino verbis; pertinet autem ad canonem 8. Concilii Neocæsarensis, quem jam suo loco retulimus ad canonem 11. dist. 34.

Can. 17. In canones 17., & 18. dist. 34. referuntur capita 43., & 44. Collectionis Martini, quæ tribuenda sunt Concilio Toletano I. can. 4. & 4., quorum verba cum dist. 34. diffonent a capitibus Martini hic conferenda erunt.

## Canon 43. Martini.

Lector si viduam alterius uxorem acceperit, in Lectoratu (*legunt alii: in Lectoris statu*) permaneat; aut, si forte necessitas sit, Subdiaconus (*legunt alii: Diaconus*) fiat, nihil autem supra. Similiter & si bigamus fuerit.

## Canon 44. Martini.

Si Subdiaconus secundam duxerit uxorem, inter Lectores, vel Osiarios habeatur, ita ut Apostolum non legat.

Can. 12. Juvabit hic quoque referre capita 61. & 65. Martini Bracarensis conferenda.  
dist. 44. cum canone 12. Concilii Carthaginensis apud Ivonem parte 6. cap. 256., & cum Concilio Laodicensi can. 55., quæ junda retulit Gratianus in can. 12. dist. 44.

## Canon 30. Toletanus.

*Item constituit Sancta Synodus, ut Lector fidelis, si viduam alterius uxorem acceperit; amplius nihil sit.*

## Canon 4. Toletanus.

*Subdiaconus autem defuncta uxore, si uxorem aliam duxerit, ab officio, in quo ordinatus fuerat, removeatur, & habeatur inter Osiarios, vel Lectores, ita ut Evangelium, & Apostolum non legat.*

## Canon 61. apud Martinum.

Non liceat Sacerdotes, vel Clericos, fed nec Religiosos Laicos convivia facere de confertis.

## Canon 65. apud Martinum.

Non oportet Clericos, vel Laicos Religiosos ante sacram horam diei tertiam inire convivia: neque aliquando Clericos, nisi hymno dicto edere panem, & post cibos gratias Auditori Deo referre.

## Canon 55. Laodiceus.

Non oportet ministros Altaris, vel quolibet Clericos, aut etiam Laicos Christianos ex symbolis, quæ vulgus commissales appellat, convivia celebrare. Hunc canonem jam expendimus ad can. 10. dist. 44.

## Canon Carthaginensis apud Ivonem.

Non oportet Clericos, vel Laicos Religiosos ante sacram horam diei tertiam inire convivia: neque aliquando Clericos, nisi hymno dicto, Ecclesiæ panem sumere, & post cibum gratias Auditori Deo referre. Hæc posteriora, quæ ex Concilio Carthaginensi referuntur apud Ivonem, habentur etiam in Capitularibus Regum Francorum, quemadmodum constat ex additione 4. Capitularium cap. 69. in editione Parisiensi anni 1677.

Canon 8. dist. 50. legitur in cap. 26. Martini Bracarenis, qui referendus est *Can. 8.* ad canonem 17. alias 18. ex iis, qui Apostolici nuncupantur, & ad canonem 21. *dist. 50.* Ancyranæ Concilii. Quoniam vero non tam Martinus a memoratorum Conciliorum verbis recessit, quam Gratianus a Collectione Martini, juvabit etiam hic & caput Martini, & capita Conciliorum describere.

## Caput 26. Martini.

Siquis viduam, aut ab alio dimissam duxerit, non admittatur ad Clerum (*legunt alii: ad Clericatum*). Quod si obrepperit, deiciatur. Similiter si homicidium, aut factum, aut præceptum, aut consilio, aut defensione (*legunt alii: aut assensione*) post baptismum conscius fuerit, & per aliquem subreptionem ad Clericatum venerit, deiciatur, & in finem vite suæ communionem recipiat (*legunt alii: accipiat, alii: non recipiat.*)

## Canon Apostolicus.

Siquis viduam, & ejusdem acceperit, aut meretricem, ancillam, vel aliquam de his, quæ publicis spectaculis mancipantur, non potest esse Episcopus, aut Presbyter, aut Diaconus, aut ex eo numero, qui ministerio sacro deserviunt.

## Canon 21. Ancyranus.

Qui volentes homicidium fecerunt, ad penitentiam quidem jugiter se submittant, circa autem exitum vite communionem digni habeantur.

*Can. 22.* Canon 22. dist. 50. habetur quidem inter capitula Martini Bracarenſis num.  
*dist. 50.* 17., ubi tamen non omnes Codices prorsus conſonant, quorum verba hic refe-  
 ram una cum canone 15. Concilii Ancyraſi, quem Martinus deſcribere volebat.

## Canon Martini.

## Canon 15. Ancyranus.

Siquis Præbyter, aut Diaconus in-  
 ventus fuerit aliquid de miniſteriis Ec-  
 cleſiæ (*legunt alii*: de vaſis miniſterii  
 Eccleſiæ) venumdaſſe (*alii*: venumdediſ-  
 ſe), quia ſacrilegium commiſit, placuit  
 eum in ordinatione Eccleſiaſtica non ha-  
 beri. In iudicio tamen Episcopos dimittendus eſt, ſive dignus ſit, ſive indignus,  
 ut in ſuo recipi debeat gradu (*legunt  
 alii*: dimittendum eſſe, ſive dignus ſit,  
 ſive indignus: *alii*: ſive dignus eſt, ſive  
 indignus, in ſuum recipi gradum.)  
 Quia multoties hoc ipſum (*legunt alii*:  
 quia multoties pro hoc ipſo) quod de  
 Sacroſancto Altario contaminatum eſt,  
 id in Episcopos (*legunt alii*: Altario in-  
 taminaverunt, cum Episcopos) potestate  
 diſmiſſum eſt.

*Siqua de rebus Episcopos, cum Episcopos  
 non eſt, Præbyteri vendiderint, placuit re-  
 ſciſſo contractu ad juſ Ecclæſiaſticum revocari.  
 In iudicio autem erit Episcopos conſtitutum,  
 ſi pretium debeat recipi, nec ne. Propter  
 quod ſæpe contingit, diſtractarum rerum  
 redditus ampliorem ſummam pro accepto pre-  
 tio reddi.*

*Can. 44.* In canone 44. dist. 50. eiſdem omnino verbis legitur caput 78. Martini Braca-  
*dist. 50.* renſis, ubi Collector perſtrinxit ſententiam duorum canonum Concilii Ancyraſi.  
 Prior eſt canon 21. alias 22. his verbis a Doviatio deſcriptus. *Qui volentes homi-  
 cidium fecerunt, ad pœnitentiam quidem fugiter ſe ſubmittant, circa autem exitum  
 vitæ communionem digni habeantur.* Poſterior eſt canon 22. alias 23. ibi: *Eos vero,  
 qui non voluntate, ſed caſu homicidium fecerint, prior quidem regula poſt ſeptem tantum  
 annorum pœnitentiam communioni ſocietatis ſecundum gradus conſtitutos: hæc vero humana  
 deſignatio quinquennii tempus tribuit.* Jam hæc eadem regulæſat Gratianus in can. 42.  
 dist. 50.

*Can. 7.* Eiſdem etiam verbis reſertur in capite 46. Martini Bracarenſis canon 7. dist.  
*dist. 54.* 34., cujus tamen verba paullo aliter legenda ſunt ex can. 10. Concilii Toletani I.  
 ibi: *Clericos, ſiqui obligati ſint, vel pro æquatione, vel de genere alicujus domus  
 non ordinandos, niſi probate vitæ fuerint, Et patroni conſenſus acceſſerit.* Obſervandum  
 ibi de genere alicujus domus illos adpellari, qui ad familiam alicujus pertinebant,  
 videlicet qui vel ſervi extiterunt, vel ex ſervis nati, qui tamen ea conditione ma-  
 numiſſi fuerunt, ut colognatui Patroni ſui tam ipſi, quam eorum filii addiſſi eſſent.

*Can. 9.* Caput 21. Martini Bracarenſis, qui exceptus eſt ex can. 1. Nicæno, reſertur  
*dist. 55.* apud Gratianum in can. 9. dist. 55. & quidem Nicænum canonem jam ſuo loco  
 expoſuiſt ad can. 7. dist. 55., verum & hic juvabit cum capite Martini conferre,  
 cum præſertim Gratianus non integre Martini editionem ſequutus fuerit.

Canon

## Canon Martini.

## Canon Nicænus.

Siquis pro ægritudine (*legunt aliqui: pro ægritudine, alii: pro causa ægritudinis*) naturalia a medicis habuerit secta: similiter & qui a barbaris, aut a Dominis tultis fuerint castrati, & moribus digni fuerint visi, hos canon admittit ad Clericatus officium promoveri. Siquis autem sanus, non per disciplinam religionis, & abstinentiæ, sed per abscissionem plasmatis a Deo corporis exstilmans (*legunt alii: exstimat*) posse a se carnales concupiscentias amputari, castraverit se, non eum admitti decernimus ad aliquod Clericatus officium. Quod si jam ante fuerit, (*alii legunt: fuerat*) promotus ad Clerum, prohibitus a suo ministerio deponatur.

*Siquis in ægritudine vel a Medicis scissus est, vel a barbaris castratus, placuit, ut iste permaneat in Clero. Siqui autem sanus seipsum abscidit, etiam si est in Clero, cessare debet: & ex hoc nullum talem ordinari. Sicut autem de his, qui vel affecerunt hæc, vel ausi sunt se ipsos abscindere, hæc, quæ diximus, statuta sunt; ita si qui a barbaris, vel a Dominis suis scissi, & probabilis vita sunt, suscipi Ecclesiastica regula ad Clerum.*

Can. 8. dist. 63. referendus est ad canones 12., & 13. Concilii Laodiceni, quorum verba perstrinxit Martinus Bracarenfis in suo canone 1. Can. 8. dist. 63.

## Canon Martini.

## Canon 13. Laodicenus.

Non licet (*alii legunt: non liceat*) populo electionem facere eorum, qui ad Sacerdotium promoventur (*legunt alii: provocantur*), sed iudicium sit Episcoporum, (*legunt alii: iudicium Episcoporum est*) ut ipsi eum, qui ordinandus est, probent, si in sermone, & fide, & in spiritali (*legunt alii: spiritali*) vita edoctus sit.

*De eo, quod non sit populi concedendum electionem facere eorum, qui altaris ministerio sunt oppellendi.*

## Canon 12. Laodicenus.

*Episcopum non oportet præter iudicium Metropolitanorum, & finitimorum Episcoporum constitui ad Ecclesiæ Principatum. Non eligantur, nisi quos multo ante nota probabilis vita commendat: & nihilominus, si in sermone fidei, & recta ratione per suam conversationem fuerint probati.*

Can. 7. dist. 64. habetur in cap. 2. Collectionis Martini Bracarenfis, & Can. 7. dist. 64.  
quidem eisdem omnino verbis: dummodo adnotemus pro verbo illo eligantur in aliquibus editionibus legi: colligantur. Siquis contulerit hunc canonem 7. cum can. 1. dist. 64. agnoscat statim, fragmentum Martini Bracarenfis pertinere ad canonem 4. Concilii Nicæni, quem Doviatius ita exhibuit: *Episcopum oportet ab omnibus Episcopis, si fieri potest, qui sunt in ejus Provincia, ordinari. Si vero hoc difficile*  
*Tom. I. A 2 2*

facile fuerit, vel aliqua urgente necessitate, vel itineris longitudine, certe tres Episcopi debent in unum esse congregati, ita ut etiam ceterorum, qui absentes sunt, consensum literis teneant, & ita faciant ordinationem. Potestas sane, vel confirmatio pertinebit per singulas Provincias ad Metropolitanum Episcopum.

Can. 2.  
dist. 65.

Sequitur apud Martinum Bracarensem in capite 3. canon 19. ex Antiochenis, quem tamen paullo aliter idem Martinus interpretatus est. Gratianus Martini ejusdem verba retulit in can. 2. dist. 65., quemadmodum verba Antiocheni Concilii in can. 3. ejusdem distinctionis. Non gravabor tamen utrumque fragmentum hoc in loco conferre cum Doviatio, exhibitis etiam Codicum varietatibus, in quibus Martini fragmentum paullo aliter describi videtur.

#### Canon Martini.

Non debet ordinari Episcopus absque consilio, & presentia (legunt alii: vel presentia, alii: & presentia) Metropolitanis Episcopis. Adesse autem oportet omnes, qui sunt in Provincia Sacerdotes, quos per suam debet Epistolam Metropolitanus convocare. Et quidem si omnes concurrerint, bene: (legunt alii: & si quidem omnes occurrerint, melius.) Si autem hoc difficile fuerit, plures oportet concurrere (alii: plures oportet occurrere.) Qui autem non convenerint, presentiam sui per suas Epistolas faciant. Et sic omnium facto consensu, ordinationem Episcopi fieri oportet. Si autem aliter, præter quod a nobis terminatum est, fuerit factum, talem ordinationem nihil valere (legunt alii: prævalere) discernimus. Si autem secundum canones ordinatio Episcopi fuerit facta, & aliquis cum malitia (legunt alii: si quis cum malitia: alii: & aliquis contra sua malitia: alii: & aliquis cum sua malitia) in aliquo contradixerit, plurimorum consensus (legunt alii: sensus) obtineat.

Can. 3.  
dist. 92.

Paucis verbis perstrinxit Martinus Bracarenensis in cap. 45. suæ Collectionis canonem 15. Concilii Laodicensi, qui ita exprimendus erat: Non licere præter canonicos psaltes, id est, qui regulariter cantores existunt, quique pulpitem ascendunt, & de Codice legunt, alium quemlibet in Ecclesia psallere. Gratianus verba Martini Bracarenensis retulit in can. 5. dist. 92.

Can. 4.  
dist. 92.

In canone 4. dist. 92. habetur caput 10. Martini Bracarenensis, quod pertinet ad canonem 18. Concilii Antiocheni, sive can. 5. eadem dist. 92. apud Gratianum. Doviatius ita utrumque fragmentum contulit.

#### Canon Antiochenus.

Episcopum non ordinandum sine consilio, & presentia Metropolitanis Episcopis: cui melius erit, si ex omni Provincia congregentur Episcopi. Quod si fieri non potest, hi, qui adesse non possunt, propriis literis consensum suum de ipso designent. Et tunc demum post plurimorum sive per presentiam, sive per literas consensum, sententia consona ordinetur. Quod si aliter, quam statutum est, fiat, nihil valere hujusmodi ordinationem. Si vero etiam secundum definitas regulas ordinatio celebratur, contradicant autem aliqui propter proprias domesticas similitudines, his contentis, sententia de eo obtineat plurimorum.

• Canon



## Canon Martini.

## Canon Antiochenus.

Siquis Episcopus ordinatus per con-  
tentionem populi, (*legunt alii*: pro con-  
tentione populi), aut pro aliqua alia ra-  
tione, & non pro sua culpa, in Pa-  
rochiam (*legunt alii*: in Parochia) quæ  
ei fuerit data, non ierit (*legunt alii*:  
non lãsit) hunc oportet honorem Sa-  
cerdotii (*legunt alii* ordinem Sacerdo-  
rum) tantummodo contingere, (*alii* con-  
tinere) ita, ut de rebus Ecclesiæ, in-  
quam convenit, nihil sibi præsumat. Su-  
stineat autem, quid de eo sanctum Con-  
cilium iudicare voluerit.

Siquis Episcopus ordinatus non abierit in  
Parochiam, cui ordinatus est; si non suo vitio,  
sed plebis forsitan contradictione: hic honorem  
susceptum retinere debebit, & Sacerdotio  
fungi: ita ut nihil molestiæ afferat Ecclesiæ  
illi, in quam fuerat constitutus. Expedi-  
re autem eum oportet Provincie plenam Syno-  
dum, donec de eo, quod competit, statuatur.

Caput 63. Martini Bracarenfis eisdem omnino verbis refertur apud Gratianum Can. 9.  
in can. 9. dist. 92.; referendum autem est ad Concilium Toletanum I. can. 5., dist. 92.  
cujus hæc sententia est: Presbyter, vel Diaconus, vel Subdiaconus, vel quilibet Ecce-  
lesiæ deputatus Clericus, si intra civitatem non fuerit, vel in loco, in quo Ecclesia est,  
aut vico, aut villa, & ad Ecclesiam ad Sacrificium quotidianum non accesserit, Clericus  
non habeatur, si castigatus per satisfactionem veniam ab Episcopo noluerit promereri.  
Ex his adparet editionem illam Codicis Martini, in qua in dicto capite 63. habe-  
tur *psallendi Sacrificium*, anteferendam esse aliis Codicibus, in quibus legitur *psallen-  
di officium*; priora enim verba magis convenire videntur Toletano Concilio, ex  
quo Martini canon depromptus fuerat.

Quod Gratianus retulit in can. 11. dist. 95., repetit in can. 124. de conf. dist. 4., Can. 11.  
ubi tria Martini Bracarenfis capita descripta sunt, videlicet 51., 52., & 53., quæ dist. 95.  
pertinent ad Concilium Toletanum I. can. 20., & ad Concilium Laodicenum can. ca. 124.  
56. Dabo hujusmodi capita invicem etiam conferenda. de conf.  
dist. 4.

## Canon 51. Martini.

## Canon 20. Concilii Toletani I.

Omni tempore Episcopo (*legunt alii*:  
Episcopis) liceat chrisma conficere, & per  
suas Dioceses destinare, ita ut ad  
dirigendum chrisma Diaconus, aut Sub-  
diaconus ante diem Paschæ de singulis  
Ecclesiis ad Episcopum destinetur.

## Canon 52. Martini.

Placuit ex hac die nullum alium, nisi  
Episcopum chrisma conficere, & per Dia-  
conum destinare, ita ut de singulis Ecclesiis ad  
Episcopum ante diem Paschæ Diaconi desti-  
nentur, aut Subdiaconi, qui confectum chris-  
ma ab Episcopo, destinatum ad diem Paschæ  
possint ad tempus deferre. Episcopus sane  
certum est, quod omni tempore possit chrisma  
conficere, sine conscientia autem Episcopi nihil  
penitus Presbyteri agere præsumant.

Presbyter præsentem Episcopo non si-  
gnet infantes, nisi forte ab Episcopo fue-  
rit illi præceptum.

Canon 53. Martini.

Idem canon 20. sub finem.

Non liceat Presbytero, prius Episcopo ( legunt alii : prius ab Episcopo ) introire in baptisterium, sed cum Episcopo, nisi forte aut absens fuerit, aut ægrotus.

*Statutum vero est Diaconum non chrismare, sed Presbyterum absente Episcopo; presente vero non, nisi ab Episcopo fuerit præceptum.*

Canon 56. Laodicens.

*Non oportet Presbyteros ante ingressum Episcopi ingredi Ecclesiam, & sedere in tribunalibus; sed cum Episcopo ingredi; nisi forte aut ægrotet Episcopus, aut in peregrinationis commodo cum abesse consiterit.*

Can. 67. Quod nomine Concilii Laodicensi retulerat Gratianus in can. 66. cau. 1. qu. 1., idipsum retulit nomine Concilii Martini Papæ in canone sequenti, sive 67. Sane. 24. 1. Martinus Bracarenfis eisdem verbis, quæ apud Gratianum habentur, perstrinxerat canones 32., & 38. Laodicens. Ita autem legitur in ipsomet Laodicensi Concilio can. 32. *Non oportet hæreticorum benedictiones accipere, quoniam maledictiones magis sunt, quam benedictiones; & can. 38. Non oportet cum hæreticis, vel schismaticis orare.*

Can. 22. In can. 22. cau. 1. qu. 7. habemus integrum caput 36. Martini Bracarenfis, in cuius tamen Codicibus non consona ubique sunt postrema verba; exti enim in vulgatis legitur: *si in aliqua hæresis opinione fuerint nominati, legunt tamen alii: si in aliquam hæresis opinionem fuerint nominati.* Doviatius refert hunc canonem ad Concilium Nicænum cap. 8. ibi: *Siqui voluerint venire ad Ecclesiam Catholicam ex Novatiani, placuit sancto Concilio, ut ordinentur, & sic maneant in Clero. Ante omnia autem hanc habeant confessionem, quam per Scripturam exigi oportet, ut fateantur, se communi consensu Catholice Ecclesiæ statuta observaturos.* Hunc canonem jam expendimus ad can. 8. cau. 1. qu. 7. Huc quoque referri possent Decreta Leonis Magni a Dionysio Exiguo edita cap. 14. cujus fragmenta habemus in can. 42., & 112. cau. 1. qu. 1., can. 21. cau. 1. qu. 7., & in can. 1. dist. 86.

Can. 2. Eisdem omnino verbis descriptum est in can. 2. cau. 6. qu. 4. caput 13. Martini Bracarenfis; non tamen cum illo eisdem verbis consonare videtur canon 14. Antiochenus, ad quem referendum est. Ita exhibet Doviatius: *Siquis Episcopus de aliquibus causis criminalibus in iudicio Episcoporum fuerit accusatus, contingat autem de istis Episcopis Provincia, qui conveniunt, diversas habere sententias; & alios quidem innocentem cum pronunciare, alios reum; propter huiusmodi itaque controversiam amputandam, placuit Sanctæ Synodo Metropolitanum Episcopum alterius Provincia vicinæ advocari, & aliquantos cum eo Episcopos alios. Qui pariter residentes, quicumque fuerint, dirimant questionem, propter hoc, ut firmum sit iudicium; quod ab unius Provincia Episcopis fuerit promulgatum.* De hoc canone jam egimus ad can. 1. cau. 6. qu. 4.

Ca. 4. c. 8. qu. 1. Quod Gratianus jam ex Concilio Antiocheno in canone 3. cau. 8. qu. 1., retulit ipse in can. 4. cau. 8. qu. 1. ex Concilio Martini Papæ; & quidem verba canonis

canonis 4. consonant cum capite 8. Martini Bracarenſis, quod Doviatius retulit ad canonem 23. Antiochenum his verbis: *Episcopum non debere tanquam ſucceſſorem ſibi futurum conſtituere alterum, quamvis circa viciniam mortis habeatur. Quod ſi tale aliquid fallum fuerit, irrita ſit huiusmodi ordinatio. Cuſtodire autem debet Eccleſiaſtica conſtituta, quæ ita ſe continent, non poſſe aliter Episcopum fieri, niſi in Concilio, & cum conſenſu Episcoporum, eorum duntaxat, qui poſt obitum ejus, qui præceſſit, habuerint poteſtatem eum, qui dignus fuerit, provehendi.*

Ad Concilium quoque Antiochenum can. 9. referendus eſt canon 1. cau. 9. qu. 3. rursus expoſitus a Gratiano in can. 2. eadem cauſa, & quaſtione. Revera habetur ille in cap. 4. collectionis Martini Bracarenſis, ſed his verbis: *Per ſingulas Provincias oportet Episcopos (legunt alii: Episcopum) cognoscere Primatum Metropolitanum Episcopos (legunt alii: cognoscere Metropolitanum Episcopum), & ipſum Primatum curam ſuſcipere; nihil autem agere reliquos Episcopos præter eum, ſecundum quod antiquitus a Patribus noſtris conſtitutum continetur in canone. Propter quod & Metropolitanus Episcopos nihil ſibi præſumitve (legunt alii: nihil præſumptione) aſſumat abſque conſilio ceterorum.* De canone 9. Antiocheno nihil eſt, quod adſciam, poſtquam & ſuo loco eum expoſuerim, & Gratianus ipſe immediate eundem adnexuerit, & Romani Correſtores eodem in loco ad Græcorum exemplarium fidem exegerint.

Item pertinet canon 7. cau. 10. qu. 2. ad canonem 25. Concilii Antiocheni, quem Gratianus deinde retulit in can. 23. cau. 12. qu. 1. Non omnes Martini editiones invicem conſonant, neque cum ipſo Antiocheno canone; propterea hic utrumque fragmentum cum Doviatio exhibebo.

## Canon Martini.

## Canon Antiochenus.

Episcopus habeat poteſtatem in rebus Eccleſiæ, ut diſpenſet neceſſitatem habentibus cum omni reverentia, & timore Dei. Participare etiam eum oportet, quæ neceſſaria ſunt: ſi tamen ipſe, aut qui cum eo ſunt fratres, indiguerint aliquo, (alii legunt: aliquid) ut neceſſitatem nullo modo patiantur ſecundum Sanctum Apoſtolum dicentem: viſtu & tegumento his contenti ſumus. Si autem res Eccleſiaſticas Episcopos (legunt alii: Episcopos) in ſuas voluntates uſurpare voluerit, (legunt alii: voluerint) & loca Eccleſiæ, (legunt alii: & lucra Eccleſiæ) & fructus agrorum (legunt alii: vel, alii: velut fructus agrorum) non cum Presbyterorum, vel Diaconorum conſilio contaminaverit (legunt alii: intaminaverit, aut fratribus, aut quibuſcumque propinquis ſuis dederit poteſtatem,

ut

Episcopum habere oportet rerum Eccleſiaſticarum poteſtatem, ad diſpenſandum omnibus indigentibus cum omni timore, & reverentia Dei: ipſum quoque ex eis percipere, atque uti debere, quibus indiget (ſi tamen indiget) vel ad ſuas neceſſarias expenſas, vel fratrum, qui apud eum hoſpitalitatis gratia morantur: ut nulla ex parte per inopiam defraudentur ſecundum Apoſtolum dicentem habentes viſtum quotidianum, & tegumentum corporis, his contenti ſimus. Quod ſi his minime contentus, atque ſufficiens tranſferat in neceſſitates Eccleſiaſticas res, vel commoda quolibet Eccleſiæ, aut agrorum Eccleſiaſticorum fructus ſine conſcientia Presbyterorum apud ſe redigat, & domeſticis ſuis, vel etiam affinibus, aut fratribus, aut filiis earum rerum tribuat poteſtatem, ut per eorum ſecretam diligentiam Eccleſiaſtici ledi videantur; reatum hunc, qui huiusmodi

Can. 1.  
can. 9.  
qu. 3.

Can. 7.  
can. 10.  
qu. 2.

ut per eos latenter ladanur res Ecclesiarum; hunc oportet obnoxium (legunt alii: hos oportet obnoxios) esse Concilio: Similiter si Episcopus (legunt alii: Sin aliter Episcopus, alii: similiter id si Episcopus, alii: sin autem Episcopus), vel qui cum eo sunt Presbyteri, aut Diaconi accusentur, quia quæ vel ex redditu, vel ex quolibet actu Ecclesiarum veniunt, in sinus suos colligunt, & pauperes (legunt alii: pauperibus) fraudant, & fame conficiunt (legunt alii: conficiuntur), hos corripi (legunt alii: hoc enim corripi) oportet, secundam quod ordinatum fuerit a sancto Concilio.

*iusmodi est, apud Metropolitanum Provinciae præstare debet. Quod si taliter reprehendatur Episcopus, vel hi, qui cum ipso sunt, Presbyteri, quod dicantur hæc, quæ ad Ecclesiam pertinent, sive de agris, sive de aliis quibuscumque Ecclesiasticis, causa eis sibi imis usurpare, pauperes vero necessitate, & penuria opprimi; atque ex hoc ipso non solum Ecclesiasticæ rationi, verum etiam dispensationibus ejus maledicta reprehensio augeatur. Hunc enim correctionem oportet mereri, id quoque censeat Sancta Synodus cognoscere.*

Can. 8. cau. 10. qu. 2. idem omnino est cum cap. 14. Martini Bracarenfis, dummodo animadvertatur Codicum varietas, quam jam recte observaverunt Correctores Romani in illis verbis in suo Clero, pro quibus alii Codices habent: in seio Clero. Doviatus hunc Martini Bracarenfis canonem retulit ad canones duos Carthaginensium Conciliorum; & primo ad canonem 32. Concilii Carthaginensis IV. ibi: Irrita erit Episcoporum donatio, vel venditio, vel commutatio rei Ecclesiasticæ absque consentientia, & subscriptione Clericorum. Deinde ad canonem 4. Concilii Carthaginensis V. ibi: Placuit etiam, ut rem Ecclesiæ nemo vendat. Quod si aliqua necessitas cogit, hanc insinuandam esse Primati Provinciae, ut cum statuto numero Episcoporum, utrum faciendum sit, arbitretur. Quod si tanta urget necessitas Ecclesiæ, ut non possit ante consulere, saltem post factum, curiam habere & vicinis Episcopis hoc ante indicare, & ad Concilium referre eas Ecclesiæ necessitates: Quod si non fecerit, reus Concilii venditor teneatur.

Can. 7. cau. 11. qu. 3., inscripsit deinde Concilio Martini Papæ in canone 7. sequenti. Doviatus ita descripsit caput 37. Martini Bracarenfis una cum varietate Codicum, & collatione canonis Antiocheni.

#### Canon Martini.

Siquis Episcopus in Concilio (alii legunt: a Concilio) excommunicatus fuerit, sive Presbyter, aut Diaconus a suo Episcopo, & post excommunicationem præsumserit sive Episcopus ille, aut Presbyter, vel Diaconus facere oblationem, vel matutinum, aut vespertinum sacrificium, quasi in officio suo agere, sicut prius: non liceat ei, nec in alio Concilio spem reintegrationis habere, nec ultra recon-

recon-

#### Canon Antiochenus.

Siquis Episcopus a Synodo fuerit depositus, vel Presbyter, vel Diaconus a proprio Episcopo condemnatus, & præsumserit Sacerdotii, seu sacri ministerii quidpiam, non ei amplius liceat neque in alia Synodo spem reintegrationis habere; neque assertionis aliquis locum: sed & communicantes ei abjici omnes ab Ecclesia; & maxime si, postquam cognoverint sententiam adversus eum fuisse prolatam, contumaciter communicaverint.

reconciliari (*legunt alii* : recolligi), sed etiam eos, qui ei communicaverint, omnes ab Ecclesia respui : maxime eos, qui sciebant eum esse dejectum (*legunt alii* : delectum) si autem permanserit turbans, & concitans Ecclesiam per forasticam (*legunt alii* forinsecam) potestatem, oportet eum, sicut seditionarium ab omni plebe expelli : *legunt alii* : compelli.

Canon 20. cau. 12. qu. 1. referendus est ad caput 15. collectionis Martini Bracarentis, nec non ad canonem 24. Concilii Antiocheni. Sed nec Gratianus Martini Can. 20. cau. 12. Bracarentis verba retulit, nec Martinus ipse verba Concilii Antiocheni, quæ propterea juxta hic integra describere.

## Canon Martini.

## Canon Antiochenus ex Dionysio Exiguo.

Manifesta autem debent esse, quæ ad Ecclesiam pertinent in conscientia eorum, qui circa Episcopos sunt, Presbyteri, & Diaconi (*legunt alii* : Presbyter, & Diaconus), ut hi omnes sciant, quæ sunt Ecclesie propria, ut si Episcopi contigerit transitus, eos nihil latere possit ex his, quæ ad Ecclesiam pertinent : ut nullo modo possint minui, & perire; neque res propriæ Episcopi debent importunitatem pro rebus Ecclesie pati. Dignum vero, & iustum est apud Deum, & homines, ut ea, quæ Episcopi propria sunt, cui voluerit, derelinquat; & quæ Ecclesie sunt, eidem conserventur Ecclesie, ut nec Ecclesia patiatur damnum, neque Episcopus pro rebus Ecclesie in suis proferatur; ne post ejus obitum in causas incidant, qui ad eum pertinent, nec ipse maledictum incidere videatur. *legunt alii* : & neque Ecclesiam perpeti damnum, neque Episcopum pro rebus Ecclesie condemnari, aut post ejus obitum in causas, quæ ad eum non pertinent, aut in maledictum incidere.

*Manifesta vero sint, quæ pertinere videntur ad Ecclesiam cum nostris Presbyterorum, & Diaconorum, qui circa ipsam sunt, ita ut agnoscant, nec ignorent, quæ sint Ecclesie propria, nec eos aliquid lateat; ut si contigerit Episcopum migrare de seculo certis existentibus rebus, quæ sunt Ecclesie, nec ipse collapsus depereant, nec quæ propria probantur Episcopi sub occasione rerum pervadantur Ecclesie. Iustum namque, & acceptum est coram Deo, & hominibus, ut sua Episcopus, quibus voluerit, derelinquat, & quæ Ecclesie sunt, eidem conserventur Ecclesie, ut nec Ecclesia aliquid patiatur incommodum, nec Episcopus sub occasione, proferatur Ecclesie, & in causas incidant, qui ad eum pertinent, & ipse post obitum maledictionibus ingravetur.*

Canon 4. cau. 14. qu. 4. referendus est ad canonem 17. Concilii Nicæni, quem Ca. 4. cau. 14. qu. 4. duobus in locis juxta diversas interpretationes retulit Gratianus, videlicet tum in 14.2.4. can.

can. 8. cau. 14. qu. 4., tum in can. 2. dist. 47. Martinus Bracarenfis illum habet in can. 62., in quo tamen non omnes Codices consonant. Vulgata editio hæc habet: *si quis oblitus* (legunt alii ex vetustis Codicibus MSS. *Si quis Clericus oblitus*) *timorem Domini, & sanctam Scripturam, quæ dicit* (legunt alii: *& sanctarum Scripturarum, quæ dicunt*) *pecuniam suam non dedit ad usuram, post hanc cognitionem magni Concilii* (legunt alii: *agnitionem sancti Concilii*) *sanctaveris, & censuras exegeris; aut ex quolibet negotio turpe lucrum* (legunt alii: *turpis lucra*: alii: *negotia turpis lucri*) *quæserit, aut* (legunt alii: *&*) *per diversas species, vini, vel frugis, vel cujuslibet rei emendo, vel vendendo aliqua incrementa susceperis, depositus de gradu suo, alienus habeatur a Clero.*

Can. 4.  
cau. 14.  
qu. 8.

In capite 25. Martinus Bracarenfis referre voluit canones 9., & 10. Concilii Neocæsariensis. Sed quemadmodum Martinus a Neocæsariensi Concilio recessit, ita Gratianus nec eadem omnino Martini verba descripsit in can. 4. cau. 15. qu. 8. Ita singula describam cum Doviatio.

#### Canon Martini.

Siquis Presbyter ante ordinationem peccatum confessus fuerit, quod antea erraverit (legunt alii: quia antea erravit) non offerat: sed tantum pro religione nomen Presbyteri portet. Si autem non ipse confessus, sed ab alio publice fuerit convictus, nec hoc ipsum (legunt alii: nec non hoc ipsum) habeat potestatem, ut nomen Presbyteri portet. Similiter & de Diaconibus observandum est, ut si ipsi confessi fuerint, ordinem Subdiaconatus accipiant.

#### Can. 9. Neocæsariensis.

*Qui admisit corporale peccatum, & hic postea Presbyter ordinatus est, si confessus sit, quod ante ordinationem peccaverit, non quidem offerat, maneat autem in alii officiis, propter ejus studii utilitatem. Nam cetera peccata censuerunt plurimi etiam ordinatione privari. Quod si de his non fuerit confessus: nec ab aliquibus potest manifeste convinci, huic ipsi de se potestas est committenda.*

#### Canon 10. Neocæsariensis.

*Similiter & Diaconus, si in eadem culpa genere fuerit involutus, sese a ministerio cohibebit.*

Can. 38.  
cau. 17.  
qu. 4.

Idem Doviatius, qui canonem 47. Martini Bracarenfis retulit ad canonem 38. Concilii Gangrensis, retulit collationis causa eadem verba Gratiani, quæ leguntur in can. 37. cau. 17. q. 4., ad quæ facile unusquisque exigere poterit canonem 38. immediate sequentem Concilio Martini Papæ adscriptum.

Can. 5.  
cau. 21.  
qu. 5.

Romani Correctores ad canonem 5. cau. 21. qu. 5. jam observaverunt canonem 25. Martini Bracarenfis ibidem relatum referri debere ad canonem 2. Concilii Antiocheni, sive ad canonem 1. cau. 21. qu. 5. Tantum hoc in loco observabo verba illa: *importans se palatio non in omnibus Martini Codicibus legi, cum in aliquibus ita habeatur: importunans se palatio.*

Can. 3. c.  
26. q. 5.  
c. 13.  
can. 26.  
qu. 7.

Jungendi simul sunt duo Gratianea fragmenta, quæ ex Martino Bracarenfi retulit Gratianus in can. 3. cau. 26. qu. 5., & in can. 13. cau. 26. qu. 7., Doviatius hoc modo describenda putavit, & ad meliores Codices exigenda.

Canon

## Can. 71. Martini.

*Apud Gratianum in dicto can. 3. vers. Siquis.*

Siquis Paganorum consuetudinem sequens divinos, & fortilegos in domum suam introduxerit, quasi ut malum foras mittant, aut (*legunt alii*: ut) maleficia inveniant, vel lustrationes Paganorum faciant, quinque annis poenitentiam agat.

## Canon 72. Martini.

*In dicto can. 3. principio.*

Non liceat Christianis tenere traditiones Gentilium, & observare, vel colere elementa, aut lunæ, aut stellarum cursus, aut inanem signorum fallaciam pro domo faciendâ, aut propter segetes, vel arbores plantandas, vel conjugia sociandâ (*alii legunt*: faciendâ), scriptum est enim: omnia quæ facitis, aut in verbo, aut in opere, omnia in nomine Domini nostri Jesu Christi facite, gratias agentes Deo.

## Canon 73. Martini.

*In dicto can. 13. cau. 26. qu. 7.*

Non liceat iniquas observantias agere Kalendarum, & oculis vacare gentilibus, neque lauro, aut viriditate arborum cingere domos. Omnis enim hæc observatio Paganissimæ est.

## Can. 23. Concilii Ancyran.

*Qui auguria, vel auspicia, vel divinationes quaslibet secundum morem Gentilium observant, aut in domos suas hujusmodi homines introducunt in exquirendis aliquibus arte malefica, aut domos lustrant, confessi quinquennio poenitentiam agant secundum antiquas regulas constitutas.*

## Can. 20. Concilii Bracarenfis.

*Apud Ivonem parte 12. cap. 140.*

*Non liceat Christianis tenere traditiones Gentilium, & observare, vel colere elementa, aut lunam, aut stellarum cursum, & inanem signorum fallaciam considerare pro domo faciendâ, & ad conjugia sociandâ: scriptum est enim: omnia quæcumque facitis in verbo, aut in opere, in nomine Domini nostri Jesu Christi facite, gratias agentes Deo. Siquis autem fecerit, severissime corripatur, & canonicè poeniteat.*

## Canon 39. Laodicens.

*Non oportet cum Paganis festa celebrare, & impietatibus eorum habere societatem.*

## Can. 22. Concil. Turonensis II.

*Enimvero quoniam cognovimus nonnullos inveniri sequipedas erroris antiqui, qui Kalendas Januarii colunt, cum Janus homo Gentilis, fuerit Rex quidem, sed Deus esse non potuit. Quisquis ergo unum Deum Patrem regnantem cum Filio, & Spiritu S. credit, certe hic non potest integer christianus dici, qui aliqua de gentilitate custodit &c.*

## Canon 74. Martini.

In dicto can. 3. vers. nec in collectionibus.

Non liceat in herbarum collectionibus, quæ medicinales sunt, aliquas observationes, aut incantationes attendere, nisi tantum cum Symbolo Divino, & oratione Dominica, ut tantum Deus Creator omnium, & Dominus honoretur.

## Canon 75. Martini.

In dicto can. 3. vers. ultimo.

Non liceat mulieres Christianas aliquam vanitatem in suis sanificiis observare, sed Deum invocent adiutorem, qui in eis sapientiam texendi donavit: legit Antonius Augustinus: donabit.

## Concilii Bracarenfis canon 21.

Apud Ivonem parte 11. cap. 47.

Non licet in collectione herbarum medicinalium aliquas observationes, vel incantationes observare, nisi tantum cum Symbolo Divino, & oratione Dominica, ut Deus, & Dominus noster honoretur.

## Concilii Bracarenfis canon 11.

Apud Ivonem parte 11. parte 46.

Non liceat mulieres christianas vanitatem in suis sanificiis observare, sed Deum invocent adiutorem, qui eis sapientiam texendi donavit.

Ita ad meliorum Codicum fidem exegit, restituitque Doviatius Martini Bracarenfis fragmenta; verum in his arbitror non satis fuisse, quod attinet ad capita 72. 74., & 75., exhibere Concilium Bracarense, quale refertur apud Ivonem. Illud est Concilium Bracarense idem, quod laudavit Regino in lib. 2. de Eccles. disciplinis cap. 366. 367., & 368., & Halitgarius lib. 4. cap. 26., & Hincmarus de divortio Lotharii in respons. ad interrogat. 17. Nemo tamen non videt ab omnibus hisce Collectoribus nomine Concilii Bracarenfis non aliud designari, quam collectionem Martini Bracarenfis. Forte enim collectio hæc Martini a veteribus adjecta fuerat ad calcem Concilii Bracarenfis II., ejusdem Martini Bracarenfis Antistitis auctoritate celebrati. Itaque Martinus Bracarenfis in hisce locis, meo judicio, non alium Conciliorum canonem videtur expressisse, quam canonem 22. Concilii Turonensis II. anni 567., in quo hæc leguntur: *Quoniam cognovimus nonnullos inveniri sequepedas erroris antiqui, qui Kalendas Januarii colunt, cum Janus homo gentilis fuerit, Rex quidem, sed Deus esse non potuit .... Contestamur illam sollicitudinem tam Pastores, quam Presbyteros gerere, ut quemcumque in hac fatuitate persistere viderint, vel ad nescio quas petras, aut arbores, aut ad fontes designata loca gentilium perpetrare, quæ ad Ecclesiæ rationem non pertinent, eas ab Ecclesia Sancta auctoritate repellant, nec participare sancto altario permittant, qui gentilium observationes custodiant.* Itaque ex his Turonensis Concilii verbis Martinus Bracarenfis suam collectionem adaugere studens latius Turonensium Patrum sententiam explicavit; atque ex eo percipimus, quid in cap. 74. Martini significant ea verba: *nisi tantum cum symbolo Divino, & oratione Dominica*; hæc enim referenda sunt ad illa verba Turonensis canonis: *quæ ad Ecclesiæ rationem non pertinent*; cum enim Turonenses Patres prohibuissent Christianis, ne prope fontes, aut sylvas, aut lapides aliquid religionis causa peragerent, nisi quod ab Ecclesia probatum esset (id enim significant ea verba:



verba: *quæ ad Ecclesiæ rationem non pertinent*), Martinus Bracarenſis ita explicavit, ut prohibitum ſit, *incarnationes attendere, niſi tantum cum ſymbolo Divino, & oratione Dominica*. Quod autem in eiſdem Martini capitibus dicitur de Kalendis Januarii, perſpicuum eſt pertinere ad ludricas quaſdam obſervationes, & improbos ludos, qui ſolebant celebrari Januariiſ Kalendis; in illis enim homines liberius debacchantes mutorum animalium formam aſſumentes, eorundem laſciviam publice licentius imitabantur, quod Sancti Patres, imo & Chriſtiani Imperatores poſtea deteſtati ſunt, quemadmodum unusquiſque agnoſcere poteſt ex homiliis veterum Patrum, præſertim homilia de Kalendis Januarii Maximi Taurinenſis, ex Synodo Autiſſiodoreniſ Aunacharii, Epiſtola Zacchariæ ad Bonifacium, quæ eſt 142. inter Bonifacianas, & ex Ediſto Karolomanni initio lib. 5. Capitularium. Atque ut hæſ celebrationes ſuperſtitioſas Kalendarum Januariarum magis magiſque averterent, curarunt Sancti Patres, ut dies ille Kalendarum ſacra quadam, ac venerabili ſolemnitate dedicaretur, quod fecerunt celebrantes eo die Domini Noſtri Circumciſionem, quo ea ſaltem ratione fideles ad Tempa potius urgerent, & divinis myſteriis occuparent. Sed ex plurimorum licentia eſſugium aliud quaſitum eſt, ut vice Kalendarum Januariarum, quas ob Redemptoris myſteria profanare non audebant, in ſequentes dies liberam vivendi methodum diſſerent, unde etiam in præſens profanas Bacchanalium celebritates remanere eruditi omnes obſervant.

Canon 6. cau. 26. qu. 6. habetur in capite 82. Colleſtionis ejuſdem Martini; *Can. 6.* Patet autem illum referendum eſſe ad canonem 12. Concilii Nicæni, cujus verba *can. 26.* videre unusquiſque poteſt in can. 9. eadem cauſa, & quaſtione, atque illa cum *qu. 6.* capite Martini conferre.

Canon 8. cau. 27. qu. 1. non extat apud Martinum Bracarenſem, ſed potius in *Can. 8.* Concilio Triburienſi anni 895. can. 25., ubi pro illis Gratiani verbis: *Nos autem cau. 27.* *auctoritate Patrum ſuſtulit in hoc ſancto Concilio ſancimus*, ita legitur: *qua auctoritate qu. 1.* *paternæ ſuſtulit ſementia in hoc ſacro conventu ſancimus, & libere judicamus, &c.* Ibidem Triburienſes Patres commemorant Decretum Gelatii Papæ, quod reſert Gratianus in can. 42. cau. 27. qu. 1. de quo agemus ſuo loco. Ceterum exinde conſtat apud veteres interceſſiſſe diſcrimen inter virgines, & viduas, ut virgines conſecrarentur ab Epiſcopo, qui velum Epiſcopali benediſtione conſecratum eiſdem imponebat: viduz vero propria ſponte velum non conſecratum aſſumerent, quod & jam ſuperius animadverti. Forte inquireret quiſpiam, quomodo contingere potu-  
vit, ut Triburienſis Concilii canon tributus fuerit Martino Bracarenſi, ſive cum hac inſcriptione laudatus: *ex Concilio Martini Papæ*. En yeroſimilem, juxta quod ſuſpicor, rationem. Burchardus, & Ivo hoc idem fragmentum retulerunt hac inſcriptione: *ex Concilio Moguntino cap. 6.*; atque hiſ Colleſtoribus licuit canonem Triburienſem Concilio Moguntino adſcribere; cum enim Triburia, ex qua Triburienſe Concilium dicitur, Villa Regia eſſet prope Maguntiam ſita, videbatur Triburienſe idem Concilium *Moguntini* nomine appellari poſſe accepto nomine ex Civitate, cui Regia Villa adhzerebat. Gratianus pro nomine *Concilii Moguntini* legit: *Concilium Martini*, vel quod errori occaſionem dederit vocum ſimilitudo, vel quod brevitaſ eſſet Burchardi, aut Ivonis inſcriptio hoc modo: *Ex Concilio Mria*, quod ſcribenti idem ſonabat, ac *ex Concilio Moguntino*, legenti vero Gratiano viſum eſt idem ac *ex Concilio Martini*; item ex illis ſequentibus: *cap. 6.* facile ſcribi potuit

B b b a

Papæ,

Papæ, unde redditum est; ex Concilio Martini Papæ. Hæc non inverosimilia illis videbuntur, qui aliquomodo sunt in veterum MSS. lectione versati.

Quod Gratianus retulit in can. 26. cau. 27. qu. 1. legimus apud Martinum Bracarensem in cap. 30., quod referendum esse ad canonem 19. Concilii Toletani I. Doviatius animadvertit. En utriusque canonis verba:

#### Canon Martini.

De filia Episcopi, vel Presbyteri, sive Diaconi, si devota fuerit (*legunt alii: si Deo devota fuerit*), & maritum duxerit, si eam pater, vel mater in affectum receperint, a communione habeantur alieni: Pater vero causas in Concilio se noverit præstaturam. Mulier vero non admittatur ad communionem, nisi marito defuncto egerit penitentiam. Sin autem vivente eo recesserit (*legunt alii: fecerit*), & penituerit, vel petierit (*legunt alii, & petierit*) communionem, in ultimo vitæ deficiens accipiat communionem (*legunt alii: & penituerit, communionem in ultimo fine vitæ deficiens accipiat.*)

Can. 9. In can. 9. cau. 32. qu. 7. Gratianus perperam descripsit caput 80. Martini Bracarenfis, quod præterea referendum est ad canonem 3. Concilii Neocæsarensis hoc modo:

#### Canon Martini.

Siquis multis nuptiis fuerit copulatus, penitentiam agat. Conversatio autem, (*legunt alii, conversio*), & fides penitentis compendiat tempus. (*legunt alii, compendit tempus*).

Can. 9. cau. 33. qu. 4. exhibet canonem 48. Collectionis Martini Bracarenfis; qui referendus est ad canones 51., & 52. Concilii Laodicensi; etenim in can. 51. hæc leguntur. *Non oportet in Quadragesima martyrum natalitia celebrari, sed eorum in Sabbato, & Dominica tantum memoriam fieri*; & in can. 52. *Non oportet in Quadragesima aut nuptias, vel quolibet natalitia celebrare*. Hæc verba jam paullo antea Gratianus idem retulerat in can. 8. cau. 33. qu. 4.

Can. 29. de conf. dist. 1. legitur in capitibus 68., & 69. Martini Bracarenfis. quæ tamen huc usque vix ad suos fontes reducere potuerunt Viri Eruditi. Referam dist. 1. hic, quomodo Doviatius ea contulerit.

#### Canon Toletanus.

Episcopi, sive Presbyteri, sive Diaconi filia, si devota fuerit, & peccaverit, & maritum duxerit, si eam pater, vel mater in affectum receperint, a communione habeantur alieni: Pater vero causas in Concilio se noverit præstaturam. Mulier autem non admittatur ad communionem, nisi marito defuncto egerit penitentiam. Si autem vivente eo recesserit, & penituerit, nullo modo, nisi vitæ deficiens, accipiat communionem.

#### Canon Neocæsarensis.

De his, qui frequenter uxores ducunt, & de his, quæ sæpius nubunt, tempus quidem his manifestum constitutum est: sed conversatio, & fides eorum tempus abbreviat.

Canon Martini 68.

*Qui postremus est in priore parte collectionis.*

Non oportet Clericos ignaros, & præsultores super monumenta in campum mysteria (legunt alii ministeria) portare, aut distribuere Sacramenta; sed aut in Ecclesia, aut in Basilica, ubi Martyrum reliquæ sunt depositæ, ibi pro defunctis oblationem offerri. Legunt alii: ubi pro defunctis oblationes offerri solent.

Canon Martini 69.

*Qui primus est in posteriore parte collectionis.*

Non liceat Christianis prandia ad defunctorum sepulcra deferre, & sacrificare mortuis. Legunt alii: & sacrificare de re mortuorum.

Ex Conc. can. qui refertur

Capitularium lib. 6. num. 198.

*Ut nullus Presbyter sacra mysteria, nisi in locis ab Episcopo consecratis, agere præsumat.*

Concilium Arelat. 3. can. 5.

Ut refertur Capitular. lib. 6. num. 194.

*Admoneantur fideles, ut ad suos mortuos non agant ea, quæ de Paganorum ritu remanserunt. &c. Et super eorum tumulos nec manducare, nec bibere præsumant. Quod si fecerint, canonicam sententiam accipiant.*

Concilium Turonense 2. can. 21. alias 23.

*Sunt etiam, qui in festivitate Cathedralis Domini Petri Apostoli villimas mortuis offerunt &c.*

Itaque Concilium illud, quod memorat Doviatius ex lib. 6. Capitularium num. 198., nullo tamen specialiter designato nomine, est Concilium Romanum, quod sub S. Sylvestro celebratum fuisse fertur in Epilogo, & ex quo arbitror Benedictum Levitam transulisse in libros Capitularium, & Theodulphus Aurelianensis Episcopus in cap. 11. sui Capitularis. At vero ad hæc monumenta respicere non poterat Martinus Bracarensis, utpote ætate vetustior. Potius videtur Martinus referre voluisse Concilii Arelatensis, vel Turonensis constitutionem. Concilium Arelatense, quod hic memoratur, idem est, cujus fragmentum hodie habetur in Labbei collectione Veneta Conciliorum tom. 5. pag. 767., quod depromptum dicitur ex Arelatensi Concilio juxta Decretorum libros ex Gandavo habitos, & vetustus in Monasterio Sancti Bavonii, ex quo etiam Concilio Arelatensi videtur laudasse Regino in lib. 1. cap. 382. Turonense Concilium 2., cujus fragmentum Doviatius retulit, celebratum fuit anno 567., & cum liqueat in collectionem Martini Bracarenensis plura ex eodem relata fuisse, facile adducor, ut credam, Martinum ipsum in capite memorato describere voluisse sententiam Concilii ejusdem Turonensis in can. 22., quam aliis verbis adornavit de more suo. Posset etiam quis huc loci referre canonem 22. Concilii Toletani 3. anno 589. celebrati, sive ut ostendatur, quinam tunc temporis esset Hispanorum mos in defunctorum cæmeteriis corrigendus, sive ut ad eundem canonem Martini Bracarensis fragmentum referri debeat; non quod illud fragmentum a Martino ipso adscriptum fuerit, sed a Pantardo Martini successore, qui eidem Toletano Concilio interfuit.

Canon 4. de conf. dist. 2. habetur in cap. 55. collectionis Martini Bracarensis eisdem omnino verbis; referendus autem erit ad canonem 24. Concilii Carthaginensis 3., qui ita exhibetur: *ut in Sacramentis Corporis, & Sanguinis Domini nihil aliud*

Can. 4.  
de conf.  
dist. 2.

aliud offeratur, quam ipse Dominus tradidit, hoc est panis, & vinum aquæ mixtum nec amplius in Sacrificiis offeratur, quam de *Uvis, & Frumentis*.

Can. 18. Canon 18. de conf. dist. 2. legitur apud Martinum in cap. 83., sed referendus de conf. dist. 2. est ad canonem 2. Concilii Antiocheni, & cum eodem conferendus.

#### Canon Martini.

Si quis intrat Ecclesiam Dei, & Sacras Scripturas audit (*Legunt alii: non audit*), & pro luxuria sua avertit se a communione Sacramenti, & in observandis mysteriis declinat constitutam regulam disciplinæ; illum talem projiciendum de Ecclesia Catholica esse decernimus, donec poenitentiam agat, & ostendat fructum poenitentiae suæ, & possit communionem percepta indulgentia promereri, *legunt alii: ut possit*, communionem percepta, indulgentiam promereri.

#### Canon Antiochenus.

*Omnes, qui ingreditur Ecclesiam Dei, & Sacras Scripturas audiunt, non autem cum Populo in oratione communicant, avertantur autem Sanctam Assumptionem Dominici Sacramenti secundum propriam disciplinam, hos ab Ecclesia abjici oportet, donec confitentes fructum poenitentiae demonstrent, & deprecati fuerim, ut data venia suscipi mereantur &c.*

Can. 7. Quod nomine Concilii Laodicensi retulit Gratianus in can. 8. de conf. dist. 3., de conf. descripserat ex Martino Bracarenfi in cap. precedenti, idest. 7.. Revera quæ ibi dist. 3. Gratianus descripsit, habentur eisdem verbis in cap. 60. apud Martinum, ubi Do-  
viatius etiam contulit canonem 50. Laodicenum, sive dictum canonem 8. dist. 3. de conf.

Can. 19. Item ex eodem Concilio Laodicensi descripserat Martinus caput 49. suæ colle-  
de conf. ctionis, quod eisdem verbis exhibet Gratianus in can. 19. de conf. dist. 4. Verba  
dist. 4. Laodicensi Concilii hæc sunt: In can. 45. *Non oportet post duas hebdomadas quadragesimæ quemlibet ad Baptismum suscipi*. Et in can. 46. *Baptizandos oportet fidei Symbolum discere, & quinta feria ultima septimanæ, vel Episcopo, vel Presbytero reddere*.

Can. 116. Demum canon 116. de conf. dist. 4., qui habetur eisdem verbis in cap. 54. de conf. apud Martinum Bracarensem, referendus est ad canonem 6. Concilii Neocæsarensis ibi: *De prægnantibus, quod oportet eas baptizari, quando volunt: nihil enim in hoc Sacramento commune est parituræ, & ei, qui ejus utero fuerit editus; quia uniuscujusque in illa confessione libertas arbitrii declaratur*.

## CAPUT XXXIV.

383

*De Concilio Autissiodorensi.*

Hoc nomine unicum fragmentum legitur apud Gratianum.

{ *Can. 103. de cons. dist. 4. consonat cum disciplina sexti seculi.*

**A** Pud eruditos non solum incertus est locus, verum etiam incertum est tempus, quo Autissiodorensis, sive, ut alii vocant, Antissiodorensis, aut Altissiodorensis Concilium celebratum fuerit. Aliis enim Autissiodorus visa est Civitas apud Burgundiones sita, quæ hodie appellatur *Auxerre*; aliis visa est Civitas Galliarum Lugdunensis juxta Sequanam sita, quæ a Ptolomæo *Autricum* dicitur, & cujus meminit Antoninus in itinéraire. Ita Severinus Binius de incertitudine loci. Incertus quoque annus pluribus est, cum ex actis Concilii nihil adpareat. Verum cum Aunacharius Autissiodorensis Episcopus Concilio huic præfuisse dicatur, atque subscripserit, atque idem Aunacharius interfuerit Concilio Matisconensi II. anni 585. facile conjici potest circa illa tempora, sive sub finem sexti sæculi habitum fuisse Concilium Autissiodorensis. Illud tamen certum est, synodum hanc non Provincialem, sed Diocesanam fuisse, cui ex Episcopis solus adfuit Aunacharius, & cum eo interfuerunt Abbates septem, Presbyteri quatuor supra triginta, & tres Diaconi. Vix aliud posset exemplum adduci, quo ostendatur Collectoribus canonum, & Conciliorum servata fuisse Diocesana Concilia vetusta; at hujus Concilii singulare propemodum exemplum est; forte, ut arbitror, quia in eodem plura, ac plura constituta sint de disciplina Monachorum, quæ sexto Ecclesiæ sæculo diversis ex causis negligi videbatur. Intererat autem Monachorum eorundem, præsertim illorum, quorum vita ceteris exemplo erat, ut hujusmodi regulæ servarentur; itaque ex Monachorum solertia, & custoditi, & evulgati fuerunt Autissiodorenses canones, ut Collectoribus Ecclesiasticis materiam suppeditarent, nec poterant propterea Gratianum latere, qui Monasticæ disciplinæ inter Monachos degens, studiosissimus esse debebat.

Quod ipse recensuit ex hoc Autissiodorensi Concilio, habemus in can. 103. de cons. dist. 4., & pertinet ad canonem 25. ejusdem Synodi, cujus hæc sunt verba: *Non licet Abbati filios de Baptismo habere, nec Monachis commatres habere.* Exigebat hoc Monachorum conditio, quæ eisdem ita in solitudine detinebat, ut ad baptismales Ecclesias, ne quidem Sacramentorum cum aliis fidelibus celebrandorum causa, accedere possent. Revera si Gregorii I. Pontificis Maximi Epistolæ plures perpenderimus, agnoscemus statim ad curam, & sollicitudinem Episcoporum pertinuisse, ne, dum Episcopi iidem ad Monasteria pergerent, ibidem solemnia sacra facerent, ne forte illuc conveniente Populo, præsertim feminis, Monachorum quies quodammodo turbaretur. Si itaque sexto sæculo ita Monachorum ipsorum solitudini consultum est, ne Populus ad Monasteria licet sacrorum causa conveniret, potiori jure prohibendum Monachis fuerat, ne celebrandorum Baptismorum ratione ad Parochiales Ecclesias venirent, & cum Laicis, præsertim feminis, facere quodam jungerentur.

Ap-

## A P P E N D I X.

## De Concilio Urbico.

Hoc nomine inscribitur apud Gratianum

{ Canon 97. de cons. dist. 2. tribuendus Concilio Autissiodorensi.

**A**D idem Autissiodorense Concilium referendus est canon 97. de cons. dist. 2., qui apud Gratianum laudatur nomine Concilii Urbici. Gratianus autem sequutus est de more suo fidem Ivonis, & Burchardi, qui priores Urbicum Concilium inscripserunt, quin tamen apud Conciliorum collectores adpareat, quodam eo nomine Concilium significaretur. Itaque hoc in loco Concilium Urbicum idem est, ac Concilium Autissiodorense, imo & hujus errati originem ex eo facile profectam fuisse conjicio, quod Civitas Autissiodorensis apud nonnullos, uti superius diximus, vocata fuerit *Autricum*, ac propterea Autissiodorense Concilium appellari a Collectore potuerit Concilium Autricum, vel etiam forte sublata diphongo Concilium *Utricum*. Quod si ita fuit, nemo non videt, quam facile fuerit pro Concilio *Autrico*, vel *Utrico* Concilium *Urbicum* nominare. Porro in memorata Autissiodorensi Synodo canone 10. hzc leguntur: *Non licet super uno altario in una die duas Missas dicere; nec altario, ubi Episcopus Missas dixerit, ut Presbyter in illa die Missas dicat.* Atque ex his verbis supplendum erit fragmentum Gratiani, qui posteriora tantum verba descripsit, & nonnullis Glossographis occasionem dedit aberrandi longe a mente Patrum Autissiodorensium. Etenim cum hzc in canone Gratiano tantum legantur: *in Altari, in quo Episcopus Missam celebravit, Presbyter eodem die celebrare non presumat;* Glossographi quidam ex iis, qui veteres canones non aliter explicate norunt, quam juxta recentiorum, & quidem suorum temporum disciplinam, rati sunt id statutum fuisse Episcopalis honoris causa, videlicet hoc signum reverentiz Episcopali dignitati debitz esse voluerunt, ut si Episcopus in aliquo Altari sacra fecerit, eodem die nemo alius Sacerdos Episcopali dignitate non insignitus ibidem audeat sacra facere. Verum si priora canonis ejusdem verba jungantur, aliam fuisse Autissiodorensium Patrum rationem observabimus; volebant enim, ut nonnisi unica oblatio in quacumque Ecclesia singulis diebus fieret, quemadmodum veterum temporum disciplina erat, ita, ut semel ac Episcopus sacrificium pro populo obtulisset, nemo alius eodem in loco sacrificium rursus offerret.

## De Concilio Matifconensi.

Concilii Matifconensis sunt sequentes canones.

- { Can. 18. dist. 54. ex integris Concilii exemplaribus supplendus.  
 { Can. 6. cau. 11. qu. 1. paullo variis in diversis exemplaribus.  
 { Can. 7. cau. 22. qu. 5. ex integris Concilii exemplaribus supplendus.

**D**UO apud Conciliorum Collectores exhibentur Concilia Matifconensia, ita dicta a Matifcona Civitate Eduorum in Gallia ad Ararim sita, vulgo *Mafcon*. Quod vero Gratianus laudavit, illud est Concilium Matifconense I. anno circiter 581. celebratum. Fuit idem Concilium Provinciale, ad quod Episcopi vixinti convenierunt, quorum primus Concilio præsuit Priscus Lugdunensis Ecclesiæ Archiepiscopus, Eusebius autem Episcopus Matifconensis subscripsit ordine decimusquartus. Ad disciplinam Ecclesiasticam reformandam ibidem statuti sunt novemdecim canones, quorum decimumsextum retulit Gratianus in can. 18. dist. 54., sed non satis integre; ac propterea juvabit hoc in loco ita Concilii canonem describere, qualis habetur in vulgatis Concilii exemplaribus, ibi: *Licet quid de Christianis, qui aut captivitatis incurfu, aut quibuscumque fraudibus Judæorum servitio implicantur, debeas observari non solum canonicis statutis, sed & Legum beneficio pridem fuerit constitutum; tamen quia nunc ita quorundam querela exorta est, quosdam Judæos per Civitates, & municipia consistentes in tantam insolentiam, & proterviam prorupisse, ut nec reclamantes Christianos liceat, vel pretio de eorum servitate absolvi; idcirco præsentii Concilio (hinc exorditur Gratianus) Deo auctore sancimus, ut nullus Christianus Judæos deinceps debeat deservire, sed datis pro quolibet bono mancipio duodecim solidis, ipsum mancipium quicumque Christianus, seu ad ingenuitatem, seu ad servitium licentiam habeat vedimendi, quia nefas est, ut quos Christus Dominus sanguinis sui effusione redemit, persecutorum vinculis maneant irretiti. Quod si acquiescere his, quæ statutus, quicumque Judæus noluerit, quamdiu ad pecuniam constitutam venire distulerit, liceat mancipio ipsi cum Christianis, ubicumque voluerit, habitare. Ex hoc integro canone liquet, qua ratione inducili fuerint Matifconenses Patres, ut renovarent, aut confirmarent, quod jam Christianorum Imperatorum auctoritate jamdiu constitutum fuerat, quemadmodum habetur in Codice sub tit. ne Christianum mancipium; etenim nimia erat Judæorum sevitia, quam ipsi in servos Christianos ad Christiani nominis injuriam exercebant.*

Can. 18.  
dist. 54.

In canone 8. ejusdem Concilii legitur canon 6. cau. 11. qu. 1., ubi tamen observandum est pro illis verbis Gratiani: *aut in Episcopi sui, aut Presbyterorum cum Archidiaconi presentia finiatur*, in vulgatis Concilii exemplaribus legi: *aut in Episcopi sui, aut in Presbyterorum, vel Archidiaconi presentia finiatur*; in aliquibus etiam Codicibus legi: *aut in Episcopi sui, aut in Presbyterorum cum Archidiacono presentia finiatur*. Præterea pro illis verbis Gratiani: *si minor fuerit*, legitur in vulgatis Concilii exemplaribus: *si junior fuerit*. Porro junioris nomen significat non minorem ætate, sed potius minorem conditione, & gradu, quemadmodum hanc vocem usurpavit Gregorius

Can. 6.  
cau. 12.  
qu. 1.

Tom. I.

C c c

Two-

Turonensis lib. 5. cap. 26., & pluribus probat Hieronymus Bignonius in notis ad formulam tertiam lib. 1. In hoc autem canone ita esse accipiendam certissimum est, cum ibidem *juniori* Clerico *honoratio* opponatur; quomobrem si honoratoris nomine intelligitur Clericus gradu, & dignitate insignis, nomine junioris Clericus minoris gradus intelligetur. Duo in hoc canone habemus vetustissimi juris vestigia. Primum in eo situm est, quod Episcopi a litigiis voluerint semper Clericos arcere, & a fori strepitu vocare, ne forte Clericorum animi invicem litibus fracti discinderentur; at si quando quidpiam emerisset, voluerunt domestico quodam aliorum Clericorum arbitrio finire. Alterum est, quod jam superius pluries animadverti, videlicet ad Episcopum pertinuisse, quasi ad præceptorem, ut ferula percuteretur Clerici juniores, sive minoris gradus, quoties eorumdem protervia corrigenda fuisset, & illorum mores emendandi.

Can. 7. Canon 7. cau. 22. qu. 5. habetur in cap. 17. ejusdem Concilii his verbis: *Id etiam pari conviventia placuit, (quia in universo populo multi peccatis involuti esse dicuntur, qui ambitionis instinctu sunt perjurii irretiti), ut si quis convictus fuerit alius ad falsum testimonium, vel perjurium attraxisse, aut qualibet corruptione sollicitasse, ipse quidem usque ad exitum vite non communicet; ii vero, qui in perjurio consensisse probantur, postea ab omni testimonio sunt removendi, & secundum legem infamia notabuntur.*

## CAPUT XXXVI.

### De Concilio Hispalensi.

Nomine Hispalensis Concilii hæc apud Gratianum describuntur.

- [Can. 2. dist. 67. referendus ad can. 1. cau. 15. qu. 7.
- Can. 62. cau. 12. q. 2. paullo varius in diversis exemplaribus.
- Can. 4. cau. 12. qu. 5. est potius Concilii Parisiensis 6.
- Can. 1. cau. 15. qu. 7. paullo varius in diversis exemplaribus.
- Can. 7. cau. 15. qu. 7. referendus ad can. 1. cau. 15. qu. 7.
- Can. 13. cau. 16. qu. 3. consonat cum vulgatis Concilii exemplaribus.
- Can. 22. cau. 16. qu. 7. paullo varius in diversis exemplaribus.
- Can. 24. cau. 18. qu. 2. ex integris Concilii exemplaribus emendandus.
- Can. 2. cau. 21. qu. 2. ex integris Concilii exemplaribus emendandus.]

**O**Mnia ferme, quæ Gratianus nomine Concilii Hispalensis inscripsit, pertinent ad Concilium illud, quod vocatur Hispalense II. in Hispania celebratum a S. Isidoro Hispalensi Archiepiscopo circa annum 618. temporibus Regis Sisebuti. Quæ sane Synodus maxime venerabilis habetur, præsertim ob egregiam doctrinam, & sanctitatem eximiam ejusdem Isidori, qui Synodo præfuit. Fuit illa Synodus Provincialis octo Episcoporum, qui potissimum de Acephalorum hæresi pertractarunt, unicam tantum in Christo Domino naturam adinstar Euthychianorum asserentium, eadem tamen occasione nonnulla ad disciplinam Ecclesiasticam stabiliendam, perficiendamque ediderunt. Actionibus tredecim confecta universa res fuit, & quidem maxima cum laude singularis eruditionis, non solum in divinis, sacrisque literis



ris explanandis, verum etiam in juris Romani prudentia Eccleſiaſticis Legibus accommodanda.

Actio 6. hujus Concilii integra continetur in cau. 1. cau. 15. quæſt. 7., ad quem referendi ſunt canon 2. diſt. 67., & canon 7. eadem cauſa, & quæſtione, in quibus ea reperiuntur, quæ Gratianus in diſto canone 1. expreſſit. Romani Correſtores jam obſervarunt non in omnibus Concilii Codicibus eadem omnino verba legi; etenim pro illis verbis: *quem rurfus ordini ſuo reſtituentes, id denuo adverſus præſumptionem noſtram decrevimus* &c. legunt alii: *quem rurfus ordini ſuo reſtitutum eſſe comperimus, id denuo adverſus præſumptionem novam decrevimus* &c.. Quod in hoc canone dicitur de libertis ingratuſ rurfum in ſervitutem revocandis cauſa cognita a Præſtore, conſonum eſt cum Legibus Wiſigothorum, quæ ea ætate apud Hiſpanos in uſu erant, quemadmodum conſtat ex lib. 5. tit. 7. per totum, & ſpecialiter in lege 10.

Can. 2.  
diſt. 67.  
can. 1. &  
7. cau.  
15. qu. 7.

Atque idipſum de libertis in ſervitutem quandoque revocandis in octava actione Concilii relatum eſt in cauſa Helifæi cujuſdam ex familia Agabrenſis Eccleſiæ, quæ actio apud Gratianum exhibetur in can. 62. cau. 12. q. 2.; in quo jam obſervaverunt Romani Correſtores, qualis ſit Codicum nonnullorum varietas.

Can. 62.  
cau. 12.  
qu. 2.

Faſto laudatur nomine Concilii Hiſpalenſis Canon 4. cau. 12. qu. 5., qui potius referendus eſt ad Concilium Pariſienſe 6. anni circiter 829. can. 16., & ex eo ad Capitularia Francorum lib. 5. cap. 327. in editione Pariſienſi anni 1677., ubi hæc verba leguntur: *quoniam multi Episcoporum amore propinquorum ſuorum de rebus ſibi commendatis ſuis, aut quolibet amicorum nomine prædia, & mancipia emunt, & ut in propinquorum ſuorum ſuis cedant, ſtatuant; & ob hoc, & jura Eccleſiaſtica convellunt, & miniſterium Sacerdotale ſuſcitant, imo a Subditis detrahunt, & contemnitur, placuit omnibus, ut deinceps hoc avaritiæ genus caveatur; ſixumque ab hinc, & perpetuo manſurum eſſe decrevimus, ut Episcopus res ſui juris, quas aut ante Episcopatum, aut certe in Episcopatu hæreditaria ſucceſſione adquiſivit, ſecundum auctoritatem canonicam quidquid vult, faciat, & cui vult, conferat. Poſtquam autem Episcopus factus eſt, quæcumque res de facultatibus Eccleſiæ aut ſuo, aut alterius nomine qualibet conditione comparaverit, decrevimus, ut non in propinquorum ſuorum, ſed in Eccleſiæ, cui præeſt, jura deveniant. Similiter & de Presbyteris, qui de Eccleſiarum rebus, quibus præſunt, prædia eo modo emunt, faciendum ſtatuimus; quoniam multos Presbyterorum occasione taliter emtarum rerum Eccleſias, quibus præſunt, expoliaſſe, & a ſuo miniſterio multis modis exorbitaſſe, & ſe Diabolo mancipiaſſe, & hac occasione multos Laicorum in ſcandalum damnationis, & perditionis proruſſe comperimus. His ſupplevi Gratiani fragmentum, in quo nonnulla deſiderantur. Potuit autem apud eundem Gratianum pro Concilio Pariſienſi ex quadam nominis, & literarum tranſpoſitione, aut mutatione legi Concilium Hiſpalenſe, quod facile contigiſſe ex eo præſertim conſpicimus, ſi attendamus editionem Ivonis, in quo non Hiſpalenſe, ſed Spalenſe Concilium commemoratur; niſi forte quis ſuſpicari malit de Burchardo, quod noluerit ipſe de more ſuo laudare Capitularia Francorum, ſed potius inſcribere fragmentum Concilii Hiſpalenſis nomine, ex ea ratione, quam jam ſæpius exhibui ſuperius.*

Can. 4.  
cau. 12.  
qu. 5.

In canone 13. cau. 16. qu. 3. integra deſcribitur prima actio Concilii Hiſpalenſis 2. memorati, ubi ex juris civilis regulis exemplum adducitur de poſtliminio redeuntibus, ut inde probetur, Eccleſias barbaricæ ſeritatis cauſa primum divi-

Can. 13.  
cau. 16.  
qu. 3.

fas, ea deinde cessante in pristinum revocandas esse, ac reparandas. Quod itaque dicitur de captivis revertentibus, depromptum est ex Leg. penult. & ult. Cod. de possim. reverfis, quæ ad interpretationem ejusdem canonis plurimum conferre potest.

Cor. 22.  
can. 16.  
qu. 7. Integra etiam nona hujus Concilii actio legitur in can. 22. cau. 16. qu. 7., ubi tamen pro illis verbis: *& seculares in Ecclesia judicare*, legunt alii: *& Viros Ecclesiasticos judicare*. Porro judicandi verbum hic non sumitur proprie, quod scilicet idem significet, ac sententiam ferre, sed potius accipitur pro prudenti, accurataque distributione rerum, sive pensionum Ecclesiasticarum erga Clericos juxta gradus, & merita unusquisque. Quod vero in hoc canone laudatur ex Concilio Chalcedonensi, referendum est ad canonem 21. cau. 16. qu. 7.

Can. 24.  
can. 18.  
qu. 2. Canon 24. cau. 18. qu. 2. habetur in actione 11. Concilii hujus Hispalensis, ex qua ita emendandum est Gratiani fragmentum. *Undecima actione communi consensu decrevimus, ut Monasteria Virginum in Provincia Betica condita Monachorum administratione, ac præfiliò gubernentur. Tunc enim salubria Christo dicatis Virginibus præbeamus, quando eis Patres Episcopi tales elegimus, quorum non solum gubernaculis erui, sed etiam doctrina edificari possint: ea tamen circa Monachos cautela servata, ut remoti ab earum familiaritate (legunt alii: peculiaritate), nec usque ad vestibulum habeant accedendi familiaris permixtum. Sed nec Abbati, vel ei, qui præficitur extra eam, quæ præest, loqui Virginibus Christi aliquid, quod ad institutionem morum pertinet, licebit; neque cum ea sola, quæ præest, frequenter eos loqui oportet; sed sub testimonio duarum, vel trium sororum, ita ut raro sit accessio, & brevis omnino loquutio. Atque hæc nemo arbitretur ita constituta esse, ut Monasteria Sacrarum Virginum ab jurisdictione esse ceperint Episcoporum exempta; etenim aliud fuaident posteriora hæc canonis verba, quæ apud Gratianum desiderantur: Constituentes, ut unus Monachorum probatissimus eligatur, cujus curæ sit prædia earum rustica, vel urbana intendere, fabricas extruere, vel siquid ad necessitatem Monasterii, providere, ut Christi famulæ pro animæ suæ tantum utilitate sollicitæ solis divinis cultibus vivant, operibusque suis inserviant. Sane is, qui ab Abbate præponitur, judicio sui Episcopi comprobetur.*

Can. 2.  
can. 21.  
qu. 2. In canone 2. cau. 21. qu. 2. habetur actio 3. ejusdem Concilii, non tamen omnino integra, quam propterea ita supplere juvabit ex integris Concilii exemplaribus. *Tertia definitio ad nos oblata precatio est a Reverendissimo Fratre Nostro Cambræ Italicensi Episcopo pro quodam Clerico Ispassando, qui deserens Ecclesiæ cultum suæ, in qua dicatus ab exordiis infantie fuerat, ad Ecclesiam Cordubensem se contulit. Quem elegimus, ut, si nihil proponeretur de eo, citra dilationis obiecta proprio reformaretur Episcopo; scribitur enim in Lege mundiali (refertur id ad Leg. 11. Cod. de agricolis, & censitis, cui consonat Lex ult. Cod. eod. tit.) de colonis agrorum, ut ubi esse jam quisque cepit, ibi periret. Non aliter & de Clericis, qui in agro Ecclesiæ operantur, canonum decreto præcipitur, nisi ut ibi permaneant, ubi ceperunt; ideoque placuit, ut si quis Clericus ministerii Ecclesiæ propriæ destitutus ad aliam transitum fecerit, compellente, ad quem fuerit, (scilicet ad quem pertinuerit, non eo, ad quem fugerit, quemadmodum scribit Gratianus) Sacerdote, ad Ecclesiam, quam prius incoluerat, remittatur. Qui vero eum susceperit, nec statim sine ullo nisu exceptionis ad propriam Ecclesiam remittendum elegerit, quamdiu eum restituat, communione se privatum agnoscat. Desertorem autem Clericum cingulo honoris, atque ordinis sui exutum (metaphorice hic cingulum ordinis, & honoris clericalis dicitur ex similitudine dignitatum, & honorum civilium, qui-*

quibus qui erant insigniti, cingulo donabantur, quemadmodum etiam ex l. 3. Cod. de Domesticis, & Protectoribus cinguli privatione multabantur Domestici, si per quinquennium divagati fuissent) aliquo tempore Monasterio relegari convenit, sique postea in ministerium Ecclesiastici Ordinis revocari. Nam non poterit in talibus pervagationibus (Romani Corredtores ajunt legendum esse *prævaricationis*; at Gratianus scripserat *propagationis*) aboleri licentia, nisi fuerit in eis propter correptionem disciplinæ subsequuta correctio.

## CAPUT XXXVII.

## De Concilio Rhemensi.

Canones Concilio Rhemensi apud Gratianum adscripti.

Non sunt alij  
cujus Concilii  
Rhemensis.

- Can. 4. cau. 21. qu. 2. *pertinet potius ad Capitularia Francorum apud Reginem.*  
 Can. 22. cau. 22. qu. 5. *ad meliorum exemplarium fidem exigendus.*  
 Can. 10. cau. 33. qu. 5. *referendus potius ad Concilium Vermeriense, vel Rothomagense.*  
 Can. 45. de conf. dist. 1. *est potius Reginonis Prumiensis juxta Capitula Hincmari Rhemensis.*  
 Can. 29. de conf. dist. 2. *pertinet, vel ad Capitula Hincmari Rhemensis, vel ad Concilium Rothomagense.*

**D**UO potissimum apud Collectores Conciliorum recenteri solent Concilia Rhemensa, primum anni 630., alterum 813., verum ad neutrum ex his pertinent illa, quæ Gratianus ex Concilio Rhemensi laudavit. Curandum itaque erit, ut singula hujusmodi capita ad sua loca, & Auctores referantur.

Quod attinet in primis ad canonem 4. cau. 21. qu. 2., video undenam profuerit, ut ille Rhemensi Concilio adscriberetur. Regino Prumiensis hæc eadem verba descripserat post canonem 243. suæ collectionis cum hac Epigraphe: *ex Concilio quo supra*. Supra autem in eodem capite 243. in aliquibus Codicibus legebatur fragmentum Concilio Rhemensi adtributum; atque ideo occasio exhibita est Burchardo, & Ivoni, ut nomine Concilii quod supra Rhemense Concilium intellexerent. Ceterum Regino illis verbis potius referre voluit Capitularia Francorum, quæ laudaverat in canonibus præcedentibus 241., & 242., quorum inde sententiam ipse latius exposuit in dicto cap. 243., quod eisdem omnino verbis legimus in dicto can. 4. cau. 21. qu. 2. Itaque passim in Capitularibus Francorum hujusmodi sententiæ leguntur, quales habentur in dicto can. 4. Etenim in Capitulari Ludovici Pii anni 816. postquam definitum est, ut unicuique Ecclesiæ unus mansus integer assignaretur, ita subditur in cap. 11., quod legimus etiam in lib. 1. Capitularium cap. 86. in editione Parisiensi anni 1677. *Statutum est, postquam hoc impletum fuerit, ut utaqueque Ecclesia suum Presbyterum habeat, ubi id fieri facultas providente Episcopo permiserit.* Item in Concilio Parisiensi 6. lib. 1. cap. 49. constitutum est, quod refertur in cap. 73. lib. 6. Capitularium ibi: *Placuit omni Synodali Conventui, ut nullus Presbyterorum amplius, quam unam Ecclesiam sibi vindicare*

Can. 4.  
cau. 21.  
qu. 2.

care

care presumat; & infra in cap. 75. Quapropter omnibus placuit, ut nullus Presbyter amplius, quam unam Ecclesiam sibi vindicet. Quia sicut quisque secularis non amplius, quam unam habere debet uxorem, ita & unusquisque Presbyter non amplius, quam unam habere debet Ecclesiam. Quæ verba fere eadem Herardus Turonensis retulit in sua Capitula num. 49. ibi: *Ut Presbyter non amplius, quam unam Ecclesiam habeat, sicut & vir unam uxorem*. Hinc in additione 2. Capitularium cap. 10. dicitur: *Sape namque in aliis Conciliis, & nunc in nostris Conveniibus constitutum est, ut unaquæque Ecclesia, si facultas suppetit, proprium habeat Presbyterum, & unusquisque Presbyter una tantum sit contentus Ecclesia*. Posset addi his canon 8. Concilii Nannetensis sub finem 9. sæculi celebrati his verbis: *Sicut enim Episcopus non plus potest habere, quam unam Civitatem, & vir unam uxorem, ita Presbyter unam tantum Ecclesiam*. Ex his omnibus liquet, nono sæculo, præsertim post evulgatas Isidori Mercatoris epistolæ, sæpissime cautum fuisse, ut, sicut uni tantum uxori singuli Viri jungi conjugio poterant, ita unicam Ecclesiam nonnisi unus Presbyter regeret; tum enim trita esse cæpit similitudo illa conjugii spiritualis, & corporalis, quæ deinde in ipsismet Pontificum Decretalibus recepta fuit, cap. 2. de translat. Episc. & exemplo mariti, & uxoris cæperunt Viri Ecclesiastici de Ecclesiis & Ministris differere, quemadmodum differuisse videbatur Calixtus Papa apud Isidorem Mercatorem nondum detectis ejusdem Isidori figmentis. Itaque Regino Prumiensis ex his omnibus nonnulla simul congestit in dicto cap. 243., quæ asseruit se ex Francorum Capitularibus, sive Gallicanis Conciliis excerptisse, unde in præfens arbitror dicti canonis 4. Gratiani esse originem repetendam.

Quod dicitur in can. 22. cau. 22. qu. 5. Clericos non debere jurare, sed potius juxta doctrinam Apostolicam simpliciter asserere, vel negare, sæpissime legitur in sacris Canonibus noni sæculi, ut propterea ad ea tempora referendum esse arbitrer illud ipsum Gratiani fragmentum. Egbertus Eboracensis Archiepiscopus in suis exceptionibus can. 19. ita habet: *Ut nullus Sacerdos cuicumque cum juramento juret, sed simpliciter cum puritate, & veritate omnia dicat*; quæ eadem verba leguntur in Capitulari Caroli Magni anni 801. cap. 20. Item in Concilio Meldensi anni circiter 845. can. 38. ita decretum est: *Ut nullus deinceps Episcopus super sacra jurare presumat*. Isidorus Mercator ita Cornelium Pontificem Maximum in Epistola 2. ad Rufum loquentem induxit: *Sacramentum hætenus a Summis Sacerdotibus, vel reliquis exigi pro fide rella cognovimus, nec sponte eos jurasse reperimus. Summo ergo Sanctus Jacob Apostolus prohibens Sacramentum loquitur, dicens: Ante omnia autem fratres mei nolite jurare. Hæc fratres charissimi ipse Dominus prohibet, idest non debere jurare, Sacramenta non exigi, nisi pro rella fide. Hæc Apostoli maxime omnes, hæc sancti Viri prædecessores nostri, qui huic sanctæ universali Apostolicæ Ecclesiæ præfuerunt ante nos, hæc Prophetæ, & reliqui sancti Doctores per universum mundum dispersi ad predicandum, juramenta vetant. Hæc sane generatim prohibent Clericorum juramenta, non tantum coram Laicis, verum etiam coram quibuslibet Ecclesiasticis Viris juxta simplicem doctrinam Apostoli. At apud Gratianum dictorum Conciliorum, & Patrum sententia restricta est, ut scilicet non permitteretur Clericis cuicumque Laico jurare, quod Gratianus retulit ex Ivone, & Burchardo, quemadmodum Romani Correctores indicaverunt. Verum Burchardus, qui primus hoc fragmentum descripsit, & Rhemenfi Concilio adtribuit, veterum Patrum sententias vitiauit, dum vellet simul jungere, & paucis perstringere, quæ apud*

Can. 22.  
cau. 22.  
qu. 5.

apud Concilia non longe a ſua ætate diſſita legerat. Arbitror enim Burchardum, dum hæc ſcriberet, duo præ oculis habuiſſe. Primus eſſe potuit canon 6. Concilii Rhemenſis anni circiter 630. ſub Sonnatio Rhemenſi Archiepiſcopo, ubi canone 6. hæc leguntur: *Ut ſiquis Judex cujuſlibet ordinis Clericum publicis actionibus inclinare præſuſerit, aut pro quibuſlibet cauſis abſque conſcientia, & permiſſa Epicoſopi diſtringere, aut contumeliis, vel injuriis officere præſuſerit, communionem privetur.* Epicoſopus tamen de reputatis conditionibus Clericorum negligemias emendare non tardet. Hæc ſi conferantur cum dicto canone 22. apud Gratianum, prout ipſum ſuppleverunt Correſtores Romani, nonnihil videtur ex uno in aliud fragmentum fuiſſe derivatum, & tantum in eo diſcrimen intercedere, quod in canone Rhemenſi generatim de omnibus cauſis ſermo inſtitutus ſit; & in canone Gratiani de juramento Clericorum ſpecialiter agatur. Alterum eſſe potuit Capitulare Francorum anni 858., quod etiam forte Rhemenſis Concilii nomine appellari poterat, cum a Rhemenſis Provinciæ Epicoſpis celebratum fuerit. In eo autem Capitulari cap. 15. Rhemenſis Provinciæ Epicoſpi plura expoſuerunt, ut indicarent, *juramentum Sacramentum ſe non poſſe quoquo modo facere, quod eoſ Evangelica, & Apoſtolica, atque canonica auctoritas vetaret.* Manus enim, ajunt illi, Chriſmate ſancto perunſta, quæ de pane, & vino aqua mixto per orationem, & crucis ſignum conſecit Corpus, & Chriſti Sanguinis Sacramentum, abominabile eſt, quidquid ante ordinationem ſecerit, ut poſt ordinationem Epicoſpatus ſeculare tangat ullo modo Sacramentum, & lingua Epicoſpi, quæ ſacta eſt per Dei gratiam clavis cæli, neſarium eſt, ut ſicut ſecularis quilibet ſuper ſacra juret in nomine Domini, & Sanctorum invocatione; niſi forte quod obſt contra eum ſcandalum acciderit Eccleſiæ ſuæ, & inde ſic temperanter agat, ſicut Domino docente, conſtituerunt Reſtores Eccleſiæ Synodali conſilio. Et ſi aliquando Sacramenta ab Epicoſpis exalta, aut ſacta fuerunt contra Deum, & Eccleſiaſticas regulas, irrita ſanctæ Scripturæ paginis declarantur, & exigentes, atque facientes medicamento exinde ſalutaris penitentia indigent. Igitur cum præ oculis Burchardus duo hæc capita haberet, illorum ſententiam paucis perſtrinxit ad rem ſuam, eademque Rhemenſi Concilio adſcripſit; Ex Burchardo excepit Ivo, & ex Ivone Gratianus, cujus propterea verba erunt ad laudatos canones, tanquam ad optima exemplaria, exigenda.

Con. 10.  
can. 33.  
qu. 6.

Canon 10. cau. 33. qu. 5. non nomine Rhemenſis, ſed potius Vermerienſis, aut Rothomagenſis Concilii erat inſcribendus, neque enim difficile fuit Colleſtoribus canonum hæc nomina, utpote literis admodum ſimilia, præſertim in iſs Codicibus MSS., in quibus voces breviores ſcribi olim ſolebant, immutare. Porro in Concilio Vermerienſi anni 753. can. 21. apud Reginonem lib. 2. cap. 125. ita legitur: *Qui uxorem ſuam permiſerit velare, aliam non accipiat, & in Concilio Rothomagenſi anni 1072. can. 17. Item nullus, cujus uxor velata fuerit, ipſa vivente unquam aliam accipiat.* Ex his adparet verba illa, quæ apud Gratianum ſubiſcuntur ſed ſimiliter convertatur rejicienda prout eſſe, tanquam ea, quæ in Conciliorum exemplaribus non habentur, ſed ſorte a ſtudioſo aliquo adjeſta fuerunt, aut etiam e margine in textum translata opera alicujus, qui prudens aliquid conſilium marito uxorem religionis cauſa dimittenti præbere voluerit.

Nonnulla ſunt ad hujus interpretationem obſervanda. Circa ſæculum 8., & 9. uſus invaluerat, ut nonnullæ mulieres adhuc vivente marito ſacrum velum religionis cauſa ſuſciperent, & a viro ſeparatæ continentiam, viro eodem conſentiente, proſequerentur, a qua vitæ ratione amplius recedere non poterant; hinc in Con-

Concilio Compendiensi anni 757. can. 11. ita decretum est: *In quacumque modo mulier velum sanctum acceperit, sponte in eo permaneat, nec dimittat*. Num vero tunc vir ejusdem posset aliam sibi uxorem jungere, non erat omnium consensione definitum. Non posse virum hujusmodi secundas nuptias appetere dicitur in dicto Gratiani fragmento; ita etiam cautum est in memoratis Conciliis Vermeriensi, & Rothomagensi. Contrarium servandum esse voluerunt Patres Concilii Compendiensi can. 13. his verbis: *Siquis vir mulierem suam dimiserit, & dederit comenatum pro religionis causa infra Monasterium Deo servire, aut foras Monasterium dederit licentiam velare, sicut diximus, propter Deum, vir illius accipiat mulierem legitimam. Similiter & mulier faciat*. En itaque non tam diversas, quam contrarias sententias Patrum, quas jamdiu agnovit Egbertus Eboracensis in suis exceptionibus cap. 118. ibi: *Legitimum igitur conjugium non licet separari sine consensu amborum; potest tamen alter alteri cum consilio Episcopi licentiam dare ad servitum Dei accedere: Quidam etiam dicunt: Si vir, sive mulier ex consensu religionem ceperit, licet alterum accipere novum conjugium, sed puellam, vel puerum, si continens esse non poterit. Quod non laudo. Sed si quis vult conjugatus converti ad Monasterium, non est recipiendus, nisi prius a conjugis castimoniam proficiente fuerit absolutus. Nam si illo vivente per incontinentiam alteri nupsisset, procul dubio adultera erit, & qui eam dimisit, particeps erit peccati illius. Cum igitur in diversis iverint opiniones tunc temporis Viri Ecclesiastici, nonnulli ex iis, quibus displicebat novas contrahi nuptias, non aliter consentire maritum uxori velandæ voluerunt, quam si idem maritus continentiam profiteretur; ex quo fieri potuit, ut adjecta fuerint Gratiano canonici verba illa: *Sed similiter convertatur, quemadmodum jam animadvertimus*.*

Hæc vero veterum Patrum in diversis sententias distractorum concentatio, atque conflictus profectus fuerat ex varia disciplina, quæ in diversis Ecclesiis in hac re obtinebat. Apud Græcos receptum erat, ut religionis causa liceret uxori, etiam ignorante, aut contradicente marito, a conjugio resilire, etenim apud ipsos maxime favorabilis videbatur causa religionis. Hinc S. Basilii in libro regularum fusiùs disputatarum num. 12. hæc habet: *Atque ii etiam, qui matrimonio conjuncti ad hujusmodi vite genus accedunt, percontandi sunt, num consentiente altera parte hoc faciant ex præcepto Apostoli. Vir enim, inquit ille, sui corporis potestatem non habet. Et si hoc ita ab ipsis fieri compertum sit, tum multis adhibitis testibus admitti debet, qui accedit; siquidem nihil est, quod Dei jussis potius haberi debeat. Si vero dissidens altera pars, & assidue usque ex adverso cum altera contendat, quod videlicet minus sollicita sit, quomodo placeat Deo, hic ea convenit meminisse, quæ dicta sunt ab Apostolo: in pace autem vocavit nos Deus, & sic parendum præcepto Domini, qui dixit: Siquis venit ad me, & non odit patrem suum, & matrem, & uxorem, & filios, & fratres &c. non potest meus esse discipulus. Nec enim est, quod haberi antiquius doceat, quam ut Dei jussis pareatur. Hæc erat Græcorum veterum Patrum doctrina ipsomet Basilio viro sanctissimo, æque ac prudentissimo Autore, quam sequi minime dubitavit Justinianus in sua Novella 22. cap. 5. Græcorum eorundem disciplina confirmata. Quæ cum ita essent, nemo non videt facilius apud Græcos indulgendum fuisse maritis in sæculo remanentibus, ut novas inirent nuptias, quoribus uxores, quas liberorum potissimum, & propagandæ familiæ causa susceperant, religionis specie recessissent. Atque hanc eandem disciplinam nonnulli etiam ex Occidentalibus receperant, ii præsertim, qui Græcorum Patrum doctrinam*

nam ſequabantur; aut qui Græcorum Imperatorum placitis adhæſerunt, quemadmodum fuerunt Patres Compendienſes anno 757. in memorato canone 13. Verum generaliter in Occidente diſplicit hæc diſciplina; ut enim in Occidentali Eccleſia permiſſum non erat uxori invito marito religionem, & continentiam profiteri, ita ſi viri conſenſu acceſſiſſet, indiſtum fuit eidem viro, ut & ipſe continentiam ſervaret; ne forte maritus videretur conſenſiſſe, non tam amore religionis, quam novi conjugii celebrandi deſiderio. Explicat hanc rem Theodorus Cantuarienſis Episcopos ſive Græcorum, ſive Latinorum rituum peritiſſimus in ſuo pœnitentiali, quem edidit Jacobus Petitus cap. 11. his verbis: *Legitimum conjugium non licet ſeparari ſine conſenſu amborum; poteſt tamen alter alteri licentiam dare, accedere ad ſervitutem Dei in Monafterio, & ſibi nubere, ſi in primo conjugio erat, ſecundum Græcos, & tamen non eſt canonicum.* Idipſum etiam monet Regino in lib. 2. de Eccleſiaſticis diſciplinis, ubi cum cap. 108. deſcripſiſſet laudatam Concilii Compendienſis ſententiam, qua aſſeritur maritum poſſe poſt conversionem uxoris ſibi alteram conjugem jungere, ſtatim ſubdidit: *Sed hæc ſententia Canonicis, atque Apoſtolicis informatur documentis;* quod ut demonſtraret ſtatim ſubjecit fragmentum Nicolai Papæ, quod nunc legimus etiam apud Gratianum in can. 26. cau. 27. qu. 2.

Itaque Nicolaus Pontifex minime probavit Græcorum Patrum opinionem; minime etiam probavit Latini canonum Colletores, omnes ſequuti doctrinam Auguſtini, & Gregorii Magni. Etenim Auguſtinus tradebat neminem ex conjugibus, niſi altero conjuge conſentiente, poſſe continentiam profiteri, can. 4. 5. 6., & 11. cau. 33. qu. 5., & amplius progreſſus Gregorius non aliter voluit converti unum ex conjugibus, quam alter etiam converteretur. Poſteriore ætate concilia- tæ videntur, & quodammodo compoſitæ Græcorum, Latinorumque ſententiæ, & quidem in utroque diſciplinæ capite. Primum enim in ea diſputatione, utrum conjux invito conſorte poſſit a conjugio reſilire, recepta diſtinctio eſt inter matrimonium ratum, & conſummatum, ut Græcorum ſententia obtineat in conjugio rato, & Latinis potius adhærendum ſit in conſummato. Deinde in altera diſputatione, utrum liceat in ſæculo remanenti novas inire nuptias, facile fuit rem dirimere, ut ſcilicet quoties matrimonium ratum eſſet, & invito conjuge conjux alter profeſſus fuiſſet continentiam, liceat in ſæculo remanenti novas nuptias contrahere juxta ſententiam Græcorum; quoties vero matrimonium eſſet jam conſummatum, & conjugis conſenſu alter conjux receſſiſſet, non liceat remanenti in ſæculo novas nuptias contrahere, imo & ſi incontinentiæ ſuſpicio ſubeſſe poſſit, nemo etiam ad conſentiendum conversioni conjugis admittatur, niſi & ipſe Monafterio ſe tradat, atque ibidem continentiam profiteatur. Hæc quidem diſtinctio videtur ingenioſa, utpote quæ complexa eſt utriuſque Eccleſiæ, ſive Græcæ, ſive Latinæ diſciplinæ, & diverſas rationes, tamen ab initio privatum Auſtorem habuit, videlicet Gratianum in cau. 27. qu. 2., nec revera omnino, aut Latinorum, aut Græcorum Patrum ſententiæ conſonabat; verum quo tempore Gratiani decretum maximi habitum eſt in ſcholis, & in foro, uſu recepta fuit, atque etiam eo magis, cum Summi Pontifices eandem in ſuis Decretalibus confirmaverint cap. 3. 5. & paſſim de converſ. conjugatorum.

Canon 45. de conſ. diſt. 1. tam a Gratiano, quam ab Ivone, & Burchardo ex-  
cerptus eſt a Reginone Prumiſi, qui ex Concilio Rhemenſi tit. 8. hæc reſert in

Can. 45.  
de conſ.  
diſt. 1.

Tom. I.

D d d

lib.

lib. 1. de Ecclesiasticis disciplinis cap. 67. *Ut calix Domini cum patena, & non ex auro, omnimodis ex argento fiat. Neque causentur Presbyteri avaritia suadente de perpetuitate, vel impossibilitate, cum una pars ex omnibus, quæ ad Ecclesiam pertinent in fabricis ipsius Ecclesiæ sit impendenda. Admonendus est etiam populus, ut aliquid in donariis Domini offerat, sicut ipse antiquus populus sub Moysè in tabernaculo Domini fecisse legitur. Siquis autem tam pauperrimus est, saltem vel stanneum calicem habeat. De are autem, aut ex auricalco non fiat calix; quia ob vini virtutem æruginem parit, quæ vomitus provocat. Nullus autem in ligneo (addit Graianus, aut vitro) calice præsumat cantare. Sunt, qui putant canonem istum editum fuisse in Synodo, quæ Durocortori Rhemorum habita est ex præcepto Caroli Magni, quod tamen hucusque non demonstrarunt. Ego potius arbitror, hunc canonem tribuendum esse eidem Regiononi tanquam auctori suo, qui tradere voluit, quid servandum esset in Diocesi Trevirensi, quam instituendam suscepit iussu Rathbodi Episcopi; eundem autem Regionem inscripsisse nomen Concilii Rhemensis tit. 8., quia respicere volebat ad titulum 8. Capitularis 2. Hincmari Rhemensis Episcopi, ubi inter cetera, quæ decernuntur servanda a Decanis, & Presbyteris, hoc habetur: Quo metallo sit calix, & patena, aut qua diligentia custodiantur.*

Can. 29.  
de conf.  
dist. 2.

Sæculo 7., & sequentibus vetitum multoties scimus, ne Sacerdotes sacram Eucharistiam Laicis, feminisve porrigerent, ad infirmos deferendam. Atque ut 2. Rhemenfibus Capitulis exordiar, habemus titulum 2. Hincmari Rhemensis, ubi cap. 10. proponitur Decanis investigandum: *Si ipse Presbyter visitet infirmos, & inungat oleo sancto, ut communicet per se, & non per quemlibet, & ille ipse communi- cet populum, nec tradat communionem cuicumque Laico, ad deferendum in domum suam causa cuiuslibet infirmi.* Idipsum ferme legitur in inquisitione Regionis, quæ est in lib. 1. cap. 1. num. 18. ibi: *Si visitet (Presbyter) infirmos, si eos reconciliet, si eos ungat oleo sancto juxta Apostolum, si eos propria manu communicet, & non per quemlibet Laicum. Si tradat communionem Laico, & famina ad deferendum infirmo, quod nefas est.* Item in Concilio Rothomagensi anni 650. ita legitur: *Didum est nobis, quod quidam Presbyteri celebrata Missa detrahentes ipsi sumere divina mysteria, quæ consecrarunt, calicem Domini mulierculis, quæ ad Missas offerunt, tradant, vel quibusdam Laicis, qui disjungere Corpus Domini nesciunt, ideo discernere inter cibum spiritualem, atque carnalem, quod quantum sit omni Ecclesiasticæ religioni contrarium, pietas fidelium novit. Unde omnibus Presbyteris interdicimus, ut nullus in postero hoc facere præsumat, sed ipse . . . . eos propria manu communicet, nulli autem Laico, aut feminæ Eucharistiam in manibus ponat, sed tantum in os ejus . . . . Siquis hoc transgressus fuerit, quia Deum omnipotentem contemnit, & quantum in ipso est, inonora- rat, ab Altari removeatur.* Eadem sententia habetur in Capitulis Herardi Turonensis cap. 24., in Capitulis Isaaci Lingonensis tit. 11. cap. 25., & in additione 3. Capitularium Francorum cap. 18. Hi sunt, ut arbitror, fontes, ex quibus Re- gino Prumienfis composuit ad institutionem Trevirensis Diocesis caput 120. lib. 1., quod nomine Concilii Rhemensis inscripsit, idemque omnino est cum canon. 29. de consecr. dist. 2. apud Graianum. Ac propterea suspicari possumus pro nomine Rhemensis Concilii legendum olim fuisse Rothomagense, ut idem canon referatur ad canonem Rothomagensem nuper laudatum; vel si Concilii Rhemen- sis nomen retinere velimus, eundem canonem referemus ad Capitula Hincmari Rhemensis nuper etiam laudata, in quibus eadem propemodum sententia exhibetur.

CAPUT



## C A P U T XXXVIII.

## De Concilio Rothomagensi.

Nomine Rothomagensis Concilii relati sunt sequentes  
Canones apud Gratianum .

- |   |   |
|---|---|
| { | Can. 33. cau. 7. qu. 1. ex integris Conciliis exemplaribus emendandus . |
|   | Can. 5. cau. 16. qu. 7. consonat cum editis Conciliis exemplaribus .    |
|   | Can. 29. cau. 18. qu. 2. ex integris Concilii exemplaribus emendandus . |

Additur apud aliquos can. 11. cau. 16. qu. 7. qui potius est Concilii Lateranensis Calixti II.

**L**icet plura sint Rothomagensia Concilia, ita dicta a Rothomago vulgo *Roven*, quæ hodie Civitas est Normanniæ Metropolis, quæ tamen capita apud Gratianum hoc nomine inscripta sunt, pertinent ad illam Synodum, quæ in editionibus Labbei celebrata fertur circa annum 650., quidquid alii sentiant, eandem referentes ad sæculum undecimum, minime animadvertentes ejusdem Synodi canones jamdiu fuisse laudatos a Reginone Prumiensi, qui floruit medio decimo sæculo. Ceterum quæcumque capita in eadem Synodo legimus, septimi sæculi disciplinæ conveniunt; nec est ut aliqua ratione posterioribus temporibus tribuantur. Canones 16. ibidem editi proponuntur, quorum septimus habetur in can. 33. cau. 7. qu. 1., cujus lectionem Romani Correctores ex Burchardo, & Ivone emendarunt, quod forte eo tempore nondum habuissent integra hujus Concilii exemplaria. Concilii verba hæc sunt: *Sancitum est, atque omnimodis prohibitum, ut si quis Presbyter inventus fuerit alicui Clerico, aut Laico munera dare, aut dedisse, aut aliquam pecuniam tribuere, aut alterius Presbyteri Ecclesiam surripiat, aut Ecclesiam vacantem pretio redimat, pro hac cupiditate, seu rapina, seu præsumptione turpis lucri gratia, dejiciatur a Clero, & alienus existat a regula.* Hæc congruere sæculo septimo ad reformandam Galliarum disciplinam aperte probari potest ex Concilio Parisiensi 5. anni 615. cap. 9., ubi eadem ferme statuta sunt ad evitandum simoniz crimen in sacris officiis suscipiendis. Eadem omnino verba relata fuerunt in Capitularia Regum Francorum lib. 7. cap. 206. editionis Parisiensis anni 1677., ubi tamen præterea adjecta sunt quædam publica Francorum Principum, & Antistitum auctoritate observatione digna; siquidem post illa verba: *Et alienus existat a regula*, hæc immediate subjiciuntur: *Nam si pro misericordia Episcopo placuerit longo tempore cum paritendo, quæ gessit in carceris ærumna recludere, & usque ad satisfactionem ibi retinere liceat. Et postea si se correxerit, & alia deinceps minime se facere promiserit, humanius erga eum agere poterit, si voluerit, & ipse dignus inventus fuerit.*

In canone 3. ejusdem Concilii legimus eisdem omnino verbis canonem 5. cau. 16. qu. 7., quem Romani Correctores exegerunt potius ad fragmenta Collectorum, cum illorum tempore integra Concilii Rothomagensis exemplaria in Bibliothecarum latebris adhuc delitescerent. Quod autem ibi statutum est de decimis,

Ddd 2

sexti,

Can. 33.  
cau. 7.  
qu. 1.

Can. 5.  
cau. 16.  
qu. 7.

fecti, & septimi sæculi disciplinæ apud Gallicanam Ecclesiam maxime convenit, in qua ob varias temporum injurias, & vices a Clericis decimæ sublatæ fuerant. Hinc in Concilio Matisconensi 2. anni 585. can. 5. hæc decreta sunt: *Scrutimur, ac decernimus, ut mos antiquus a fidelibus reparetur, & decimas Ecclesiasticis famulantibus cæremoniis populus omnis inferat.*

Can. 29.  
can. 18.  
qu. 2.

Ad caput 10. hujus Concilii referendus est canon 29. cau. 18. qu. 2., quem Gratianus nomine Concilii Aurelianensis inscripserat. Romani Correctores, qui nondum viderant exemplaria hujus Concilii Rothomagensis, observaverunt apud Burchardum & Ivonem canonem illum fuisse insertum canonis Abbates 16. cau. 18. qu. 2., unde profuxit nomine Aurelianensis Concilii a Gratiano fuisse inscriptum, quemadmodum & inscriptus fuerat canon 16., monuerunt præterea simile quiddam haberi in Pannormia ex Concilio Rothomagensi lib. 3. cap. 125. Verba canonis 10. Rothomagensis hæc sunt: *Ut Episcopus Monasteria Monachorum, & Sanimonialium frequenter introeat, & cum gravibus, & religiosis personis, in eorum etiam vitam, & conversationem diligenter discentiat, & siquid reprehensibile invenerit, corrigere sataget. Sanimonialium etiam pudicitiam subtiliter investiget.* Conveniunt hæc maximè solertè veterum Episcoporum Rothomagensium erga monasteria; etenim de sancto Audoen Rothomagensi Antistite legitur in ejusdem vita cap. 16., illum diligentissimam gessisse Monasteriorum curam, præsertim Monasterii sancti Petri Rothomagensis, ex quo aliquot ex eruditis conjiciunt, ipsum Audoenum convocasse hoc, de quo agimus, Concilium, & ibidem præfuisse. Fateor quidem memorata Concilii Rothomagensis verba non eadem omnino esse cum verbis Gratianis, sed exinde bona occasio exhibetur unicuique, ut Gratiani fragmentum ad ejusdem Rothomagensis canonis integritatem restituat.

Can. 11.  
can. 16.  
qu. 7.

Non omittam hoc in loco quædam attingere de can. 11. cau. 16. qu. 7., quem Gratianus inscripsit nomine Calixti Papæ. Tradam suo loco, illum tribuendum esse Concilio Lateranensi sub Calixto II. celebrato. Quoniam vero Romani Correctores asserunt in aliquibus exemplaribus adscriptum fuisse Concilio Rothomagensi, dixerim interea nomen Rothomagensis Concilii ab aliquibus adjici potuisse, forte ad marginem, non ut indicaretur canonem vere esse Concilii Rothomagensis, sed ut significaretur nonnulla his similia haberi in Concilio Rothomagensi anni 1074., in quo hæc leguntur canone 5. *Quod Subdiaconi, sive Diaconi, sive Sacerdotes Parochiani non ordinentur, secundum ordinationem Tolctani Concilii absque legitima professione, quam coram Episcopo, & omnium circumstantium audientia faciant, qui ordinandi fuerint.*

## De Concilio Emeritensi.

Unicum extat apud Gratianum Concilii Emeritensis fragmentum.

{ *Can. 2. cau. 10. qu. 3. dubie auctoritatis.*

**A**B Urbe Emerita Lusitanæ Provinciæ, quæ apud Romanos Augusta Emerita nuncupatur, nomen habet Emeritense Concilium sub Proficio Archiepiscopo celebratum anno 666., ubi plura disciplinæ ecclesiasticæ capita constituta sunt. Verum hæc Synodus, licet Provincialis fuerit, non tamen apud Lusitanæ Provinciæ fideles plurimum valuit, nec ita quidem, ut ejusdem canones, quasi leges Ecclesiasticæ omnino servari deberent. Fuit antiqua controversia coram Summo Pontifice disputata inter Petrum Compostellanum, & Martinum Bracarensem Archiepiscopos, in qua cum Petrus Compostellanus pro defensione causæ suæ retulisset canoquem Concilii Emeritensis, objiciebat Martinus Bracarenfis, *Emeritense Concilium non esse authenticum, tum quia non invenitur in aliquo authentico libro inter alia Concilia contineri, tum quia nec constructionem, nec sensum, nec latinitatem in plerisque locis continere prebatur, tum etiam quia contra canonicas sanctiones, & Apostolicæ Sedis Primatum aliquid videtur in eo esse statutum.* Et quamquam aliis rationum momentis contra responderit Petrus, Innocentius tamen III. Pontifex Maximus arbitratus est potius controversiam omnem transactione finiendam esse, quam sententia dirimendam. Post quæ canones Emeritensis Concilii apud eruditos valde suspecti visi fuerunt, nec hujusmodi, ut tuto possint ad ecclesiasticam disciplinam confirmandam a Viris Ecclesiasticis adferri; quemadmodum liquere potest ex Epistola ejusdem Innocentii III. ad Petrum Compostellanum, quæ apud Labbeum habetur integra ad calcem ipsius Emeritensis Concilii in Veneta editione.

Quidquid tamen sit de auctoritate Concilii Emeritensis, ad illud referendus est Gratianus canon 2. cau. 10. qu. 3., & emendandus ex integris ejusdem Synodi exemplaribus, in quibus cap. 16. hæc leguntur: *Bene disponit divina gratia: Quicquid unaqueque Ecclesia a fidelibus collatum est, habeat. Priscis quippe canonibus erat decretum, ut Episcopus de Parochianis Ecclesiis tertiam sequeretur, cui sua plenissime sufficere possunt. Ille autem huic Sancto Concilio, ut nullus Provinciæ Lusitanicæ Episcopus sententiæ hujus terminum excedat, nec a qualibet Parochitana Ecclesia tertiam auferre presumat, sed quicquid exinde consequi poterat, totum in reparationem ipsarum Ecclesiarum proficiat. Omnes vero supradicti Presbyteri, qui virtutem habuerint, Episcopo suo placitum faciant, ut reparare Ecclesias sibi commissas intendant.* Vel ex hoc canone patere potest, quod adversus Emeritense illud Concilium opponebat Martinus Bracarenfis, videlicet in canonibus Concilii *nec constructionem, nec sensum, nec latinitatem contineri.* Inter cetera enim videntur Emeritensis hujus canonis Auctores velle recedere a veterum canonum disciplina de tertia reddituum parte Episcopis concedenda ex Ecclesiis Parochialibus; sed interea asserunt veteris canonis terminum non esse excedendum, quod idem significat, ac Episcopos nonnisi tertiam partem

partem sibi usurpare debere. Illud sine certum est apud veteres, quemadmodum alibi superius animadverti, oblationes omnes, quemadmodum Cathedralis, in & Parochialium inferiorum Ecclesiarum integras ad Episcopi manum, potestatemque deferri consuevisse, ex quibus Episcopus idem Ecclesiarum suarum Cathedralium aduocis inopi, & Clericorum Civitatis egestati succurrebat, non omittens tamen & Clericis in Parochiis constitutis necessaria vitæ subsidia suppeditare. Paulatim vero cum Cathedrales Ecclesiarum locupletiores evasisent, & Episcopi ipsi Parochiarum inferiorum bonis non indigerent amplius, ab eisdem Parochiarum redditibus excipiendis abstinuerunt, non tamen ab omnibus statim; sed circa sextum, & septimum Ecclesiarum seculum Episcopi alicubi quartam tantum, alicubi etiam tertiam partem postulabant, sive quod ea adhuc parte indigerent, sive quod veteris juris vestigium in eadem parte custodiri exoptaverint. In Provincia Lusitana, aliiisque finitimis illud vigeat sexto, & septimo Ecclesiarum seculo, ut tertia reddituum Parochianorum pars Episcopo cederet, quemadmodum legitur in Concilio Toletano XVI. anni 693. cap. 5., & in Concilio Bracarensi II. anni 572. can. 16.

## C A P U T X L.

### De Concilio Educensi.

Nomine Concilii Educensis refertur

{ Canon 1. cau. 19. qu. 3. tribuendus Concilio Heduenfi sub Leodegario Augustodunensi.

**N**ON Educense, sed potius Heduenſe Concilium memorandum erat a Gratiano, vel, quod idem est, Augustodunense, ita dictum, quod celebratum fuerit Augustoduni in Heduum civitate. Quatuor autem Heduenſia, sive Augustodunensia Concilia habita feruntur apud Collectores. Primum est circa annum 670. sub S. Leodegario Augustodunensi Episcopo tempore Adeodati Papæ, & Theodoricæ Regis, in quo plura capita ad monasticam disciplinam stabilendam constituta fuerunt, quæ tamen non omnia, nec integra ad nos usque pervenerunt, sed aliqua tantummodo fragmenta, eique inordinata. Alterum celebratum est circa annum 1065. sub Alexandro II., in quo discussa est causa Roberti Burgundie Ducis cum Aganone Episcopo. Tertium illud est, de quo mentionem facit Gregorius VII. in Epist. 22. lib. 4. ad Hugonem Diensem Episcopum, habitum scilicet temporibus ejusdem Gregorii circa annum 1077., ubi præcipue actum fuit de electionibus Abbatum, & illorum juribus. Postremum celebratum fuit anno circiter 1094. tempore Urbani II., in quo de pluribus negotiis actum est, præsertim vero de causa Guiberti, qui Apostolicam sedem invaserat, de Henrico Rege, de Philippo Galliarum Rege, de Simoniacis, de Sacerdotibus incontinentibus, & de cohibendis Monachorum ausibus, qui Sacerdotum officia in Parochiis exercebant.

Philippus Labbeus referendum arbitratur ad Concilium Heduenſe III. anni 1077. Gratianum canonem 1. cau. 19. qu. 3. forte ex eo, quod Gratianus eidem hæc verba

verba adscripserit: *In Concilio Eduensi celebrato sub Gregorio VII.* Ego vero potius existimarem, canonem eundem editum fuisse in Concilio Heduenſi I. circa annum 670. sub Sancto Leodegario; etsi enim inter editos ejus canones non legatur, tamen quia constat ejusdem canones quamplures fuisse deperditos, quemadmodum ipsimet Conciliorum Collectores testantur, nihil prohibet, quominus asseramus apud Gratianum reperiri, quod in ipsis Concilii Heduenſi I. potius adscribam, quod in eadem Synodo quamplura ad Monasteriorum regimen pertinentia definita fuerint, quo etiam spectat dictus canon primus Gratiani. Imo & in canone 10. illius Concilii ex editis hæc habentur: *Statuimus, ac decernimus, ut nullus Monachum alterius absque permisso sui Abbatis præsumat retinere, sed cum inventus fuerit vagans, ad cellam propriam revocetur, ibi juxta culpæ merita coercendus.* Quæ sine verba plurimum consonant cum memorato Gratiani canone. Quo respexit Auctor formularum, quarum collectionem fecit Baluzius, ediditque ex vetustissimis Codicibus MSS. post libros Capitularium, ita scribens num. 36. *Canones vero Augustodunenses ita statuunt, ut nullus Monachum alterius absque permisso Abbatis sui præsumat retinere.* Porro hæc, & similia statuta sæculo septimo plurimum conveniunt, quo utiliter cavebatur, ne Abbates Regulares alienæ jurisdictioni subiectos sibi vindicarent, etenim & jam tempore Concilii Agathensis anni 506. simile propemodum decretum fuisse legimus in can. 27., ac præsertim ne Abbates non tantum Monachos ab alienis Monasteriis, sed Clericos ab Ecclesiis suis subtraherent, quod Augustodunensi Civitati sæculo septimo accommodatum fuerat; siquidem antea centum circiter annos Gregorius Magnus quibusdam Augustodunensibus Monasteriis privilegia concesserat, ut constat ex ejusdem Papæ Epistolis 10., 11., & 12. lib. 11., quibus præsertim indulgebatur, ne Episcopi possent Monachos ex illis ad ecclesiasticum ordinem promovere sine consensu Abbatis, ac proinde Abbates illi quodammodo abs jurisdictione Episcopi Augustodunensis exempti videbantur, ut propterea facile exinde contingere potuerit, ut Abbates viceversa Clericos regulares Episcopo subiectos ad sua Monasteria vocarent, cum id expresse non fuisset Abbatibus vetitum; quamobrem necessarium fuit Sancto Leodegario idipsum editis canonibus interdiceret, ut, quemadmodum Monasteriorum Augustodunensium disciplinæ jam satis consultum fuerat per privilegia Gregorii Magni, ita per novos canones Heduenſes Augustodunensis quoque Ecclesiæ, & Cleri utilitatibus consuleretur.

## CAPUT XLI.

*De Concilio, quod Gratianus sextum appellat, sive Trullano.*

Quotquot Concilii sexti nomine habentur canones apud Gratianum, non illi revera pertinent ad Concilium sextum Generale, sed potius ad Concilium Trullanum, quod alii Quinifextum vocant. Hoc itaque Capite complexus sum, sive quæ Gratianus idem simpliciter nomine sextæ Synodi retulerat, sive quæ clarius se ex Trullana Synodo depromisse professus fuerat; etenim arbitror Gratianum inter utramque Synodum maximum, quod intercedit, discrimen non agnovisse. En fragmenta Gratiani.

- [ *Can. 4. dist. 16. rejiciendus, & perperam a Gratiano exhibitus.*
- [ *Can. 7. dist. 16. rejiciendus, & ad ipsius Concilii integritatem restituendus.*
- [ *Can. 6. dist. 22. rejiciendus, & ad ipsius Concilii integritatem restituendus.*
- [ *Can. 16. dist. 28. consonat cum sententiis Sancti Basilii.*
- [ *Can. 13. dist. 31. } Romanorum disciplinæ adversantes, & injuriæ.*
- [ *Can. 7. dist. 32. }*
- [ *Can. 3. dist. 44. cum veterum canonum sententiis conformis.*
- [ *Can. 4. dist. 77. consonat cum sententia Concilii Neocæsarensis.*
- [ *Can. 26. dist. 93. veterum disciplinæ conformis.*
- [ *Can. 100. cau. 1. qu. 1. consonat cum receptissimis Ecclesiæ regulis.*
- [ *Can. 48. cau. 12. qu. 2. plurimum consonat cum Concilii Chalcedonensis canonibus.*
- [ *Can. 1. cau. 21. qu. 2. consonat cum vetere disciplina.*
- [ *Can. 2. cau. 21. qu. 4. consonat cum canonibus Concilii Nicæni II.*
- [ *Can. 6. cau. 27. qu. 1. consonat cum veterum Patrum sententiis.*
- [ *Can. 13. cau. 28. qu. 1. consonat cum canonibus Concilii Laodicensis.*
- [ *Can. 34. de conf. dist. 1. plurimum consonat cum canonibus Laodicensis.*
- [ *Can. 47. de conf. dist. 1. consonat cum disciplina Ecclesiæ universæ.*
- [ *Can. 6. de conf. dist. 2. veterum disciplinæ conformis.*

**C**elebratis Conciliis Œcumenicis quinto, & sexto, scilicet Constantinopolitano II., & Constantinopolitano III., in quibus tum Nestorianorum reliquæ in causa trium Capitulorum, tum Monothelitarum hæreses damnatæ fuerant, nondum videbatur aliquibus Ecclesiasticæ utilitati satis fuisse prospectum, nisi canones quidam etiam ad disciplinam Ecclesiasticam stabilendam adjicerentur ad exemplum præcedentium Generalium Conciliorum, quæ post definitiones fidei, nonnullas præterea Ecclesiasticæ prudentiæ regulas coniderant. Jam tamen disolutum fuerat utrumque Concilium, quorum postremum Agathonis Pontificis Maximi tempore jam perfectum fuerat; quum post multos annos tenente maximum Pontificatum Sergio, Græci Epiſcopi numero plurimi, videlicet, si fides danda

sit Balsamoni, & Zonaræ, CCXXVII. longe propterea plures, quam Concilio sexto interfuissent, in unum convenerunt Constantinopolim sub Iustiniano 2. Rhinometo anno circiter 692. in Trullum, sive locum concavatum, ubi duos supra centum canones ediderunt, quasi Concilii quinti, & sexti supplementa, unde Concilium ipsum vel Trullanum, vel Quinnesimum appellatum est, imo etiam aliquando nomine Synodi sextæ ab imperitis Collegioribus laudatum.

Vetustissima est controversia de hujus Concilii, canonumque in eo editorum, auctoritate. Illud tamen semper probatissimum fuit apud Occidentales, ut Concilium ipsum generalibus Conciliis accenseri non debeat, non solum ex eo, quod minus recta Ecclesiasticæ disciplinæ capita in eodem contineantur, verum etiam, potissimum, quod Romanæ Ecclesiæ auctoritas nec intervenerit, nec accesserit generalibus Conciliis necessaria. Hunc quidem Græci-Episcopi honorem Romanæ Ecclesiæ debitum tribuerunt, ut in subscriptionibus locum primum vacuum relinquerent, quem Pontifici Maximo subscriptionis causâ reservarunt, sed nullus uspiam ex Pontificibus Maximis subscripsisse legitur. Fertur quidem præterea interfuisse Concilio Basilius quidam Episcopus Gortyniorum in Creta insula, quasi *Romanæ Ecclesiæ locum tenens*, quemadmodum in hac Synodo appellatur. Verum hæc appellatio meo iudicio non eo refertur, ut Basilius revera delegationem Sergii Papæ susceperit, eoque nomine Concilio Trullano præfederit, sed eo potius, ut designaretur, eundem Basilium jam vices gessisse Agathonis Papæ in Concilio VI. generali anni 680., uti patet ex subscriptionibus ejusdem Concilii, præsertim quod facile suspicari possumus Græcos, ut Concilio suo majorem auctoritatem inderent, Basilio eidem persuasisse, ut eo nomine, quo alias gaudebat, subscriberet, illud etiam proponentes pristinam adhuc delegationem perdurare, cum non de novo Concilio, sed de supplemento Conciliorum præcedentium ageretur. Ceterum in hoc Concilio non omnia juxta canonum disciplinam peracta sunt; nam in primis memoratus Basilius, licet locum se tenere dixerit Ecclesiæ Romanæ, non subscripsit primus, quemadmodum moris erat in Conciliis veteribus, sed duodecimus locus ipsi fuit inter Episcopos assignatus; item Imperator Justinianus primus legitur ante Episcopos subscripsisse præter morem præcedentium Synodorum. Præterea, ut diximus, recusavit subscribere Sergius Pontifex Maximus, quemadmodum scribit Anastasius Bibliothecarius in ejus vita ibi: *Compellebatur & ipse (Sergius) subscribere, sed nullatenus acquievit*. Demum si universa Concilii ejusdem gesta penitus observentur, constabit manifestissime nihil aliud voluisse Græcos Episcopos, quam improbo, & furtivo conatu, prætextu perficiendi ecclesiasticam disciplinam, quemadmodum erant in schismata, seditionesque proni, illam potius omnino turbare. Atque hac in re non possum continere adversus recentiores hæreticos non paucos, qui de hoc Trullano Concilio, quasi de optimo sacre disciplinæ Archetypo loquuntur, atque hinc occasionem arripiunt de more suo redarguendi Romanam Ecclesiam, quod illud suo suffragio non receperit. En propriam, & plane singularem hæreticorum indolem, qui dum vetera monumenta observant, quo improbo studio ea rejicere stragunt, quæ plurimum ad rectæ fidei, veræque Ecclesiæ demonstrationem conducunt, eodem volunt probari illa omnia, quæ a schismaticis hominibus, quicumque illi fuerint, & quocumque spiritu ducerentur, ad turbandam Ecclesiam facta clarissime cernuntur, dummodo Romanis, ut ipsi ajunt, moribus adversentur. Non est hæc meo iudicio inquirendæ veritatis optima sollicitudo,

slicitudo, qua fidem se rapi quodammodo profitentur, sed potius quidquid audendi effrenata licentia.

Nulla itaque vis, & auctoritas est canonum Trullanorum, licet illi apud Gratianum honorabili sextæ Synodi nomine laudentur. Non tamen inficias iverim inter tot sententias aliquas haberi, quæ veteribus Conciliorum canonibus omnino conveniunt, quæque propterea non ex eo improbandæ erunt, quod a Trullanis Episcopis fuerint renovatæ; cuiuslibet enim ingenio homini, & honesto placere debet veritas, & prudentia, etiamsi in ore alienæ fidei hominum sonet; non enim tunc alienigenas sequimur, sed veritatem, prudentiamque a nostris maioribus sanctissimis, ac sapientissimis traditam, a qua illi in ea parte minime desciverunt. Quamobrem ubi Gratianos canones expendero ex hoc Concilio depromptos, illud potissimum observabo, ut quæ cum veterum Sanctorum Patrum prudentia consonant, ad eorundem doctrinam prorsus exacta proponam, illa vero, quæ dissonant, tanquam improba schismaticorum molimina rejicienda exhibeam.

Can. 4.  
dist. 16.

Apud Gratianum occurrit in primis canon 4. dist. 16., cujus sententia legitur in canone 2. Concilii Trullani. In eo Græci Antitites sibi proposuerunt, ut codicem canonum quandam seligerent, qui in universa Ecclesia probaretur; jam enim animadverterant plura tum falsa, & apocrypha in ecclesiasticis Codicibus irreplisse; ita propterea exorsi sunt: *Hoc quoque huic Sanctæ Synodo pulcherrime, & honestissime placuit, ut ab hoc nunc tempore princeps ad animarum medelam, & perturbationum curationem firmi, stabileque maneant, qui a Sanctis Patribus, qui nos præcesserunt, suscepti, ac confirmati sunt, atque adeo nobis etiam traditi sunt Sanctorum, & Gloriosorum Apostolorum nomine 85. canones.* Post hæc rejiciunt Constitutiones Apostolicas nomine Clementis editas, quod in iis plura adjecta fuissent *adulterina, & a pietate aliena ab iis, qui fide aliena sentiunt*; deinde confirmant canones Nicænos, Ancyranos, Neocæsareenses, Gangrenses, Antiochenos, Laodiceos, Constantinopolitanos, Ephesinos, Chalcedonenses, Sardicenses, Carthaginenses, & rursum Constantinopolitanos sub Nestario, & Theophilo conditos, canones Dionysii, & Petri Alexandrinorum, canones Gregorii Neocæsareensis, Athanasii, Basilii, Gregorii Nysseni, Gregorii Theologi, Amphilochoi Iconii, Thimothæi, & Cyrilli Alexandrinorum, Gennadii, & unicum canonem S. Cypriani, quem dicunt in solis Africanorum Provinciis fuisse servatum. Post quæ eos damnant, quicumque alios præter memoratos canones recipere voluerint, aut qui propositos aliqua de causa rejecerint.

Duo hic observanda occurrunt, primum, quod ad integram hujus canonis sententiam pertinet, alterum, quod pertinet ad Gratiani fragmentum ex eo depromptum. Videtur in primis Trullanus canon in eo deficere, quod omnia propemodum Romanæ Ecclesiæ monumenta, præsertim vero, quæ Romanos Pontifices Auctores haberent, rejecerit, & ut non reciperentur mandaverit, cum tamen probari jure optimo potuissent Gelasii, Leonis magni, & Gregorii Magni canones inter ceteros, quibus addi potuissent ex Latinis Patribus Ambrosius, Hieronymus, Augustinus, alique non pauci. Huc accedit ex Latinorum monumentis nihil aliud ibi confirmatum esse, quam quod veteres excitare posset contentiones, videlicet canonem Cypriani de rebaptizandis iis, qui ab hæreticis baptizati ad Ecclesiam venirent; quod sane indicat non aliam fuisse Trullanorum Episcoporum mentem, quam ut schismatum semina excitarent, veteresque controversias reducerent jamdudum reddita



reddita pace, & sanctissimis exemplis confirmata. Deinde quod attinet ad fragmentum Gratiani in dicto canone 4., video non omnino consonare illud cum capone Trullano; etenim Gratianus ita scripsit, quasi definitum in Concilio Trullano fuerit, 85. capitula vere Apostolorum esse, illaque rata habenda esse, ac confirmata; ac Trullani Antistites, ut liquet ex eorum verbis superius expressis, nihil aliud voluerunt, quam confirmari disciplinam, quæ in illis 85. canonibus tradebatur, qui *Sanctorum, ac gloriosorum Apostolorum nomine traditi sunt*. Diverſa porro hæc sunt, de qua tamen re nihil amplius hic dixerò, cum diserte in cap. 1. superius verba fecerim.

Quæ huc usque observavimus plurimum conducunt ad interpretationem canonis 7. dist. 16., cujus priora verba leguntur in oratione Trullanorum Episcoporum ad Justinianum, quæ in exemplaribus Concilii præfixa est canonibus Trullanis, his verbis: *Quoniam autem sancta, & universales duæ Synodi in hac imperante, & Dei observatrice Civitate congregatæ, una quidem temporibus diuæ recordationis Justiniani, altera vero sub piæ memoriæ Imperatore Constantino tuæ mansuetudinis Patre ac paterne declarandum fidei Mysterium sacros canones nequaquam conscripserunt, sicut reliquæ sanctæ quatuor universales Synodi, per quos populi quidem a deteriore, & abiectione vivendi ratione recedant, ad meliorem autem, & altiorẽ vitam se traducant &c.* Post hæc multa sequuntur, quibus traditur Ecclesiam reformatione tunc indiguissæ, atque ita dein concluditur: *Propterea ergo tuæ pietatis iussu in hac Dei observatrice, & imperante Urbe congressi sacros canones scripsimus*: Si hæc cum principio Gratiani canonis conferamus, agnoscemus Gratianum sententiam Concilii paucis pertrinxisse, non eadem omnino verba descripsisse. Quæ sequuntur in versic. *Placuit*, pertinent ad dictum canonem 2., in quo superius animadvertēbam Trullanos Antistites in animo illud habuisse, ut constituerent sibi codicem canonum, a quo non recederent, & extra quem nihil aliud omnino reciperent, quod quidem seditiosa voluntate factum fuisse observabam. Ceterum neque hic Gratianus Collectorem egisse videtur, cum non verba canonis integra exhibuerit, sed potius paucis sententiam Concilii exposuerit. Ita legitur in ipso Concilio: *Hæc quoque huic Sanctæ Synodo pulcherrime, & honestissime placuit, ut ab hoc nunc tempore deinceps ad animarum medelam, & perturbationum curationem firmi, stabilesque maneant, qui a Sanctis Patribus, qui nos præcesserunt, suscepti, ac confirmati sunt, atque adeo nobis etiam traditi sunt sanctorum, & gloriosorum Apostolorum nomine 85. canones*. In his verbis jam adnotaveram Gratianum ab ipsa Concilii sententia plurimum recessisse, cum ille recensuerit 85. canones velut Apostolicos, ac Trullani Episcopi eos non Apostolicos appellent, sed *Apostolorum nomine traditos*. Deinde ita sequuntur Trullani Antistites: *Quoniam autem in his nobis canonibus præceptum est, ut eorundem Sanctorum Apostolorum per Clementem Constitutiones suscipereamus, quibus jam olim ab iis, qui fide aliena sentiunt, ad labem Ecclesiæ aspersendam adulterina quædam, & a pietate aliena introducta sunt, quæ divinarum nobis decretorum elegantem, ac decoram speciem obscurarunt, hæc Constitutiones ad christianissimi gregis ædificationem, ac securitatem conducibiliter rejecimus, hæreticæ falsitatis satus nequaquam admittentes, & germanæ, ac integræ Apostolorum doctrinæ inferentes*. Obſignamus etiam reliquos omnes canones, qui a Sanctis, & Beatis nostris Patribus expostiti sunt, idest a 318. Sanctis, ac Deiferis Patribus, qui Nicæa convenerunt, iisque, qui Ancyra, & iis etiam, qui Neocesarea, similiter & qui Gangris, præterea & iis, qui in Antiochia Syria, atque

iis etiam, qui in Laodicea Phrygiæ: Præterea autem & 150. Patribus, qui in hac a Deo conservanda, & Imperiali Civitate convenerunt, & ducentis, qui in Ephesorum Metropoli prius coacti sunt, & sexcentis triginta Sanctis, & Beatis Patribus, qui Chalcedone, similiter & iis, qui Sardicæ, & qui Carthagine, & qui rursus in hac Dei cultrice, & Imperatrice Urbe convenerunt sub Nestario, qui Imperanti huic Civitati præsidebat, & Theophilo, qui fuit Alexandriæ Archiepiscopus. Quin etiam canones Dionysii, qui fuit Archiepiscopus magnæ Alexandrinorum Civitatis, & Petri, qui fuit Alexandriæ Archiepiscopus, & Martyr, Gregorii Neocæsareæ Episcopi Thaumaturgi, Athanasii Alexandrini Archiepiscopi, Basilii Archiepiscopi Cæsareæ Cappadociæ, Gregorii Episcopi Nyssæ, Gregorii Theologi, Amphiloebii Iconii, Timothei Archiepiscopi ejusdem Alexandriæ, Cyrilli ejusdem Alexandriæ Episcopi, & Gennadii, qui fuit Patriarcha hujus a Deo servandæ, & imperantis Civitatis. Præterea vero & a Cypriano, qui Afrorum regionis fuit Archiepiscopus, & Martyr, & Synodo, quæ sub ipso fuit, emissum canonem, qui in prædictorum Præsulum locis solum secundum traditam eis consuetudinem servatus est. Et licet prius declaratos canones adulterare, vel non admittere, vel alios præter his propositos recipere canones a quibusdam falsa adjecta inscriptione compositos, qui veritatem cauponari conati sunt. Si quis autem, quod prædictorum canonum aliquem innovare, vel subvertere conetur, convictus fuerit, reus erit secundum eum canonem, ut ipse pronunciat canon, pœnam luens, & per ipsum in eo, in quo offendit, medelam suscipiens. Sic restituta est integra canonis Trullani sententia, ex qua perspicue liquet, quod superius præfatus sum ad canonem 4. dist. 16. hujusmodi fragmenta a viro catholico, & in Ecclesiæ unitate degente recipienda non esse, indignaque propterea fuisse, quæ in collectionem canonum redacta fuissent a Collectore canonum Ecclesiæ Occidentalis, ex eo præfertim capite, quod ibidem probatissimum proponatur canon a Cypriano, aliisque Africanæ Ecclesiæ Episcopis editus in causâ rebaptizantium, jam diu ex antiquissima traditione, rejectus.

Can. 6. dist. 22. Canon 6. dist. 22. ita corrigendus erit ex canone 36. Trullano. Renovantes, quæ a Sanctis 150. Patribus, qui in hac a Deo conservata, & Regia Urbe, & 630., qui Chalcedone convenerunt, constituta sunt, decernimus, ut Thronus Constantinopolitanus equalia privilegia cum antiquæ Romæ Throno obtineat, & in Ecclesiasticis negotiis, ut ille, magnificat, ut qui sit secundus post illum. Post quem magnæ Alexandrinorum Civitatis numeretur Thronus, deinde Antiochiæ, & post eum Hierosolymitanæ Civitatis. En tandem quo anhelabant Græci, & quo eos ferebat propriis ambitus, qui ubi sedem Imperii Roma Constantinopolim translatam receperunt, primam quoque, Ecclesiæ sedem in eandem Constantinopolitanam Civitatem eodem modo aut translatam esse, aut transferri debuisse sibi blandiebantur. Hinc sæpe sæpius in Conciliis definiendum curarunt, ut iidem honores, qui Romano competere, Constantinopolitano Pontifici decernerentur, aut saltem ille post Romanum Pontificem primus haberetur. Hanc ipsam Græcorum mentem explicavit Græcus Interpreter Alexius Aristinus ita ad hunc canonem scribens: Episcopum Constantinopolitanum equalibus frui privilegiis post Romanum; sic in tertio Synodi Constantinopolitane, & in 28. Concilii Chalcedonenfis canone interpretati sumus, ut non honoris, sed temporis respectu secumulus a Romano colloceatur. Sic itaque & hic (idest in canone Trullano) intelligendum est præpositiorem, post, tempus indicare, non autem honorem. Nam post annos multos equalia Romanæ Ecclesiæ obtinuit Thronus hic Constantinopolita-

mus privilegia, eo quod Imperio, & Senatu hæc Civitas honorata est, & æqualibus veteri Romæ gaudet privilegiis. Quis non videt in istis laceratam Ecclesiam, & discissam, ut in ipsa duo capita constituerentur, quasi monstrum, ac si divinæ Ecclesiæ Primatus non ex Sancti Petri successione, sed potius ex variis Civitatum, aut Nationum vicissitudinibus dependeat? Mentiti autem hoc in loco videntur Græci iidem, ubi asserunt se decreta Constantinopolitani, & Chalcedonenfis Concilii renovasse, cum tamen in neutro Concilio tum Romano, cum Constantinopolitano Episcopo æqualia jura concessa fuissent. Præterquamquod enim tum can. 3. ex Constantinopolitanis, vel receptus omnino non fuerit in Ecclesia, vel aliter explicandus sit, quam exprimat a Græcis, quemadmodum ostendi superius ad canonem 3. dist. 22.; tum canon 28. ex Chalcedonenfis a S. Leone Magno nunquam confirmari, aut probari potuerit; in utroque hujusmodi canone honores quidam dati sunt Constantinopolitano Episcopo; nondum tamen Græci adeo aperte ausi fuerant Romani Pontificis auctoritatem sibi vindicare, quemadmodum fecerunt in canone Trullano. Itaque Trullanus iste canon in eo quidem agnosci a studiosis sacrorum canonum poterit, in quo distributæ sunt Græcorum Patriarcharum dignitates, videlicet ut inter illas primas teneret Episcopus Constantinopolitanus, secundum locum haberet Alexandrinus, tertium Antiochenus, & postremum Hierosolymitanus; etenim in hunc ordinem omnes Græci Episcopi, illi etiam, quorum intererat, consenserunt, & moribus diuturnis deinde comprobantur; in ea tamen parte, in qua æquales honores cum Romano Patriarchæ Constantinopolitano decernuntur, non erit, cur eundem canonem recipiamus, cum manifeste illuc nihil appareat aliud, quam Constantinopolitanorum Episcoporum ambitus.

Canon 16. dist. 28. ita erit emendandus ex canone 26. Trullano: *Presbyterum per ignorantiam illicitis nuptiis implicatum esse quidem Cathedralæ participem secundum ea, quæ sunt in sacro canone decreta, a reliquis autem operationibus abstinere. Etenim tali satis est, si venia detur: ut autem aliis benedicat, qui debet sua curare vulnera, est incongruum. Benedictio enim est sanctificationis imperitio. Qui autem id non habet propter delictum ex ignorantia, quomodo alteri id impertiat? Nec ergo publice, nec privatim benedicat, nec Domini Corpus aliis distribuatur, nec aliquod aliud ministerium obeat, sed prima sede contentus Domino desceat, ut illi ex ignorantia peccatum remittatur. Manifestum enim est, quod nefarium istiusmodi conjugium dissolvatur, nec vir cum ea ullo modo consuetudinem habeat, per quam sacra operatione privatus est. Non tantum hæc est sententia Antistitum Trullanorum, sed potius S. Basilii, ex quo Trullani iidem Episcopi se exceperunt profitentur illis verbis: secundum ea, quæ sunt in sacro canone decreta; etenim S. Basilii in suis canonibus ad Amphiloichium can. 27. ita habet: De Presbytero, qui per ignorantiam nefarii nuptiis implicatus est, definiti, quæ oporteat, esse quidem Cathedralæ participem, a reliquis autem aliis abstinere; et enim sufficit, ut veniam consequatur. Ut is autem aliis benedicat, qui sua debet vulnera curare, non est consentaneum. Benedictio enim est sanctificationis communicatio; qui autem eam non habet propter ignorantie lapsus, quomodo aliis communicabit? Nec ergo publice, nec privatim benedicat, nec Christi Corpus aliis impertiat, nec aliquod aliud sacrum Ministerium obeat, sed quod præsideat contentus aliis, & Domino desceat, ut sibi ignorantie peccatum condonetur. Sane si hæc Basilii Magni verba cum memorato Concilii Trullani canone contulerimus, vix verborum quorundam discrimen inter utrumque agnoscemus, ut propterea eadem esse debeat*

Can. 16.  
dist. 28.

debeat apud Viros Ecclesiasticos Trullani canonis auctoritas, quæ Sancti Basilii canonibus inest.

Can. 13. Disciplinam Græcorum adversus Romanam diuturno usu apud illos receptam  
 dist. 31. exhibent canon 13. dist. 31., & canon 7. dist. 32. Canon 7. dist. 32. legitur in  
 & 7. can. 6. ex Trullani his verbis: *Quoniam in Apostolicis canonibus dictum est eorum,*  
 dist. 32. *qui non ducta uxore in Clerum promoventur, solos Lectores, & Cantores uxorem posse*  
*ducere; & nos hoc servantes decernimus, ut deinceps nulli penitus Hyppodiacono, vel*  
*Diacono, vel Presbytero post sui ordinationem conjugium contrahere liceat. Si autem*  
*fuerit hoc ausus facere, deponatur. Si quis autem eorum, qui in Clerum accedunt,*  
*velit lege matrimonii mulieri conjungi, antequam Hyppodiaconus, vel Diaconus, vel*  
*Presbyter ordinetur, hoc faciat.* Gratianus postremorum tantummodo verborum  
 fragmentum retulit. At Trullani Episcopi cum Apostolicos canones memorarunt,  
 intellexerunt canonem 26. ex iis, qui Apostolis tribuuntur, in quo hæc habentur:  
*Ex iis, qui non ducta uxore ad Clerum promoti sunt, judemus, si velint, uxorem du-*  
*cere Lectores, & Cantores solos.* Itaque Ecclesia Græca in Trullano Concilio illud  
 recepit, in Subdiaconi, Diaconi, & Sacerdotes matrimonium contrahere non pos-  
 sent, in quo ab Ecclesiæ Occidentalis disciplina minime recessit. Recessit in eo,  
 quod voluerit eos, qui ante ordinationem jam matrimonium contraxissent, posse  
 ad sacros ordines promoveri, ut constat ex canone 13. dist. 31., quem ita ex  
 Trullano canone 13. interpretantur Viri eruditi ex græcis exemplaribus: *Quoniam*  
*Romane Ecclesiæ pro canone traditum esse cognovimus, ut Diaconi, vel Presbyteri,*  
*qui ut ordinentur, digni existimandi sunt, profiteantur se non amplius suis uxoribus*  
*conjugendos; nos antiquum canonem apostolicæ perfectionis, ordinisque servantes, homi-*  
*nem in sacris ordinibus legitimam conjugia deinceps ex hoc temporis momento firma, &*  
*stabilla esse volumus, nequaquam eorum cum uxoribus conjunctionem dissolventes, vel eos*  
*mutua tempore convenienti consuetudine privantes. Quamobrem si quis dignus inventus*  
*fuerit, qui Hyppodiaconus, vel Diaconus, vel Presbyter ordinetur, is ad talem gradum*  
*assumi nequaquam prohibeatur, si cum legitima uxore cohabitaret. Sed neque ordinationis*  
*tempore ab eo postuletur, ut profiteatur se a legitima cum uxore consuetudine abstentu-*  
*rum, ne ex eo a Deo constitutas, & sua præsentia benedictas nuptias injuria afficere,*  
*cogamur, evangelica voce exclamante: Quæ Deus conjunxit, homo non separet, & Apo-*  
*stolo docente, honorabiles nuptias, & thorum immaculatum, &: Alligatus es uxori? ne*  
*quære solutionem. Scimus autem sicut & qui Carthagine convenerunt, & vitæ Ministro-*  
*rum honestatis curam gerentes dixerunt, ut Subdiaconi, qui sacra Mysteria contrahant,*  
*& Diaconi, & Presbyteri secundum proprios terminos a consortibus abstineant, ut &*  
*quod per Apostolos traditum est, & ab ipsa usque antiquitate servatum, nos quoque,*  
*similiter servemus, tempus in omni re scientes, & maxime in sejunto, & oratione.*  
*Oportet enim eos, qui divino Altari assident, in sanctorum tractandorum tempore esse*  
*omnino continentes, ut possint id, quod a Deo simpliciter petunt, obtinere. Si quis ergo*  
*fecerit ausus præter Apostolicos canones incitatus aliquem eorum, qui sunt in sacris,*  
*Presbyterorum, inquit, vel Diaconorum, vel Hyppodiaconorum conjunctione cum legi-*  
*tima uxore, & consuetudine privare, deponatur. Similiter & si quis Presbyter, & Dia-*  
*conus suam uxorem pietatis prætextu ejecerit, segregetur, & si perseveret, deponatur.*  
 Verba hæc non satis integre descripserat Gratianus in dicto can. 13., in quibus  
 tamen nonnulla digna sunt observatione. Quis in primis, nisi schismatis amantissi-  
 mus ferre poterit laudari *Romane Ecclesiæ canones*, quibus continentiz leges

majo-

majoribus Clericis Deo sacratissimis indicuntur, deinde vero depositionis poenam illis indigi, qui eosdem Romanos canones sequerentur? Non est hic honos, quem semper in Conciliis generalibus Ecclesia universa Romanæ Ecclesiæ exhibuit. Non est hæc reverentia debita vetustissimis, ac Sanctissimis Pontificibus Maximis, qui easdem leges aut sanxerunt, aut confirmarunt. Proferunt Trullani Episcopi canones Apostolicos, quibus disciplinam suam probatam fuisse jactant. Is est canon 5. ex Apostolicis ita expressus: *Episcopus, vel Presbyter, vel Diaconus uxorem suam ne ejiciat religionis prætextu, si autem ejecerit, segregetur, & si perseveret, deponatur*. Porro hæc sententia, quemcumque demum Auctorem habeat, alio dirigenda est, quam quo a Trullanis Episcopis detorqueatur. Voluit illius canonis Auctor puniendos esse Sacerdotes illos, qui postquam divino ministerio initiati fuerant, necessaria vitæ subsidia misso repudio uxori forsitan infirmæ prætextu Sacerdotii denegabant, non vero qui tantummodo a conjugio abstinuissent. Prosequuntur Trullani Antistites, & ajunt injuriam fieri nuptiis, & Deo nuptiarum. Auctori, quæ eisdem frui non permitrantur Sacerdotes, verum ipimet sua sententia damnantur, dum iidem Episcopi Trullani in canone 12. conqueruntur, Episcopos quosdam post ordinationem suam adhuc cum uxoribus antea ductis conversari, *ex eo populus offendiculum, & scandalum adferentes*; deinde Episcopis illis prohibent indicta poena depositionis, *ut nihil ejusmodi deinceps nullo modo fiat... ne status Ecclesiasticus ulla probro afficiatur*. Quærem hoc in loco a Græcis, num injuria fiat nuptiis, aut Deo nuptiarum Auctori, si quis ab ipsis abstineat sanctioris vitæ Ecclesiasticæ professione? Si fieri injuriam dicunt, ecurr Episcopis interdicitur, ne post Episcopatum adeptum cum uxoribus amplius jungantur, ecurr Episcopis id probro verumt, *offendiculo, & scandalo*? Quod si nullam a nuptiis, & Deo injuriam fieri profitentur, cur Subdiaconos, Diaconos, Sacerdotesque prætextu ordinis sui ab uxoris consuetudine abstinentes, *benedictas nuptias injuria afficere* exclamant? Demum iidem Græci perperam contorserunt canonem Carthaginensem de continentia Clericorum, quem restringere voluerunt ad tempora vicis Sacerdotalis, contra quam sententia ejusdem canonis ferat. Est is canon tertius Concilii Carthaginensis II. ab Ecclesia Græca recepti, cujus hæc sunt verba: *Aurelius Episcopus dixit: Cum in priore Synodo de continentia, & castitatis modo quærebatur, placuit, ut hi tres gradus, qui vinculo quodam castitatis per consecrationem implicati sunt, (Episcopi, inquam, Presbyteri, & Diaconi) ut Sanctos Episcopos, & Sacerdotes Dei, & Levitas, & Divinis Sacrificiis Ministrantes decet, in omnibus continentes sint, quo possint, quod a Deo simpliciter petunt, impetrare; ut & quod per Apostolos traditum, & ab ipsa antiquitate servatum est, nos quoque similiter servemus*. Canon ita expressus non eam interpretationem patitur, quæ ipsi a Græcis affingitur, dum peripicue præcipitur, Sacerdotes, & Ministros per sacram ordinationem vinculo quodam castitatis implicari, dum eadem de Presbyteris, & Ministris, quæ de Episcopis, definiuntur, quos tamen Episcopos ipsimet Græci omnino removendos ab uxoribus decreverunt. Etenim qui tantummodo in ordine vicis suæ continere jubetur, non dicitur in vim suæ consecrationis continentia quodam vinculo implicari, neque potest Episcopis, qui juxta disciplinam Græcorum perpetuam continentiam profitentur, comparari, & una cum ipsis, eademque lege concludi. Hæc omnia observatione digna arbitratus sum, potissimum quia nonnulli ex recentioribus Hæreticis ex hoc canone occasionem optimam rati sunt habere, redarguendi disciplinam Romanæ

Romanæ Ecclesiæ Græcorum disciplinæ merito adversantem. Videant ipsi in primis, quibus monumentis, quibusque utantur auctoribus, videlicet monumentis, quæ invicem secum non constant, auctoribus autem, qui veterum Patrum sententias detorquere studuerunt.

*Can. 3. dist. 44.* ita ab Eruditis Græcæ linguæ vertitur ex Græcis exemplaribus ad canonem 9. *Nulli licere Clerico cauponariam habere tabernam: Si enim in cauponam ingredi non est permixsum, quanto magis aliis in ea ministrare, & ea, quæ non licet ipsi trahere? Siquid autem tale fecerit, vel cesses, vel deponatur.* Constantinus Harmenopolus in Epitome canonum sect. 3. tit. 2. ita sententiam hanc pertrinxit: *Clericus, qui officinam cauponariam habet, aut desistat, aut deponatur: Ad quæ Scholiales hæc notat: Patriarcha Lucas etiam Septhariarum officinas, aut balnearias a Clericis curari per adnotationem vetuit ( Septhariarum officinæ erant, quæ ad unguenta vendenda parabantur ), veluti quæ turpi lucro, & mendacio occasionem præbent. Et post pauca. Item Patriarcha Michael Anchialinus per adnotationem mandat, ut Clerici officia secularia, vel exactorum munia, vel curatorum non suscipiant.* Consonant hæc cum canone 24. ex Laodicensis, quo vetitum est Clericis universis, ne cauponam ingrediantur, item cum canone 4. ex iis, qui Apostolici nuncupantur ibi: *Episcopus, vel Presbyter, vel Diaconus aleis, & ebrietatibus vacans vel desistat, vel deponatur.*

*Can. 4. dist. 77.* Canonem 4. dist. 77. ex canone 15. Trullano depremtum non possumus apte interpretari, nisi etiam simul observaverimus canonem 14. Trullapum. Siquidem in canone eodem 14. statutum fuerat, ut nemo ordinaretur Presbyter ante annum trigessimum, nemo Diaconus ante vigesimumquintum; Hinc in dicto canone 15. decretum est, ut nemo minor 20. annis Subdiaconus ordinaretur: ibi: *Subdiaconus ne minor viginti annis ordinetur.* Post quæ verba ita persequuti sunt Trullani Antistites ratione habita non tantum Subdiaconorum, sed & Diaconorum ac Sacerdotum, de quibus in præcedenti canone sermonem habuerunt: *Siquis autem in quovis Sacerdotii gradu præter præfinita tempora ordinatus fuerit, deponatur.* Jam in canone 11. Concilii Neocæsarensis constitutum fuerat, ut nemo, nisi annorum triginta, Presbyter ordinaretur, quam sanctionem confirmasse videntur Trullani Episcopi, & ejus exemplo ministrorum ætatem definivisse.

*Can. 26. dist. 93.* Canon 26. dist. 93. ita legendus est ex Græcis exemplaribus canonis 6. Trullani: *Quoniam in nonnullis Ecclesiis Diaconos officia Ecclesiastica habere didicimus, & ex hoc nonnullos eorum arrogantia, & licentia fretos ante Presbyteros sedere, statuis, ut Diaconus, etiam si in dignitate, idest in quovis sit officio Ecclesiastico, ante Presbyterum ne sedeat, præter quam si proprii Patriarchæ, vel Metropolitanæ vicem gerens adsit in aliqua Civitate super aliquo capite; tunc enim ut locum illius implens honorabitur. Siquis autem tyrannico adductus audacia tale quid efficere ausus fuerit, is ex proprio gradu dejectus sit omnium ultimus ejus ordinis, in cujus est Catalogo in sua Ecclesia Dominus nostro admonente, ne in primis Sedibus delestemur &c.* Convenit hic canon veteri Ecclesiasticæ disciplinæ, juxta quam, siquando contigisset Diaconos supra modum ordinis sui efferri, severissimis censuris in ipsos animadvertetur, quemadmodum constat ex can. 18. Concilii Nicæni, quem retulit Gratianus in can. 14. dist. 93. Ex eo autem arbitror profectum fuisse hujusmodi ambitum Diaconorum, illorum præsertim, qui in dignitate, sive administratione præcipua constituti erant, quod, eum Ecclesiasticum peculium ipsi servarent, atque ex mandato Episcopi distribue-

SENT

rent ceteris, etiam Presbyteris, facile inter Clericos primas Sedes occupare possent, cum pauci contradicere occupantibus auderent, a quibus peculium expectabant. Ceterum etiam si generatim sacris canonibus obviam itum fuerit hujusmodi Diaconorum ambitioni, nonnulla tamen etiam hodie vestigia Diaconorum hujusmodi remanserunt in Archidiaconis nostrorum temporum, qui in multis Cathedralibus Ecclesiis primas occupant Sedes, aut dignitates. Imo & apud Orientales Ecclesias illud observatum est, ut Ecclesie Constantinopolitane Chartophylax, sive Chartularius Diaconus ante Episcopos ipsos in Concilio sederet, quod refert Scholiastes apud Harmenopolium in epitome canonum sect. 2. tit. 4. inquires: *Sciendum solum Majoris Ecclesie Chartophylaci concessum esse, cum ex longa consuetudine, tum scripto jussu Imperatoris Domini Michaelis, ut in exteris Synodis etiam ante Pontifices sedeat.*

Canon 100. cau. 1. qu. 1. Ita emendandus erit ex canone 23. Concilii Trullani, C. 100. quem ex Græcis exemplaribus ita interpretantur Viri Eruditi. *“Ut nullus, sive Episcopus, sive Presbyter, sive Diaconus immaculatam præbens communionem, ab eo, qui communicat, ejus participationis gratia obolo, vel quamvis aliam speciem exigat. Non est enim venalis gratia, nec pro pecuniis spiritus sanctificationem impartitur, sed ea tunc, si digni sunt, absque ulla est caliditate communicanda. Siquis autem eorum, qui sunt in Cleri Catalogo ab eo, cui immaculatam impertit communionem, ullam speciem exigere visus fuerit, deponatur, ut simoniaci erroris, & maleficii emulator. Hæc porro sententia consonat cum generalibus, & receptissimis Ecclesie regulis, quibus vetum semper fuit, ne Sacramenta pretio interveniente administrentur. Unum adferri posset Concilium Rhemense anni 1119., in quo præsentè Ludovico Francorum Rege præfuit Calixtus II., in eo autem ita constitutum est cau. 4. Præcipimus, ut pro baptismatis, chrismatis, Olei Sacri, ac sepulture acceptione, infirmorum visitatione, vel unitione nullum omnino pretium exigatur.*

Canon 48. cau. 12. qu. 2. ita latine exprimitur ex canone 35. Concilii Trullani. *Nulli omnino Metropolitanorum liceat mortuo Episcopo, qui ejus throno subest, res ejus, vel ipsius Ecclesie auferre, vel sibi vindicare, sed sint sub custodia Cleri Ecclesie, cui defunctus præfuit, usque ad alterius Episcopi promotionem, nisi in eadem Ecclesia, non relictis sint Clerici; tunc enim Metropolitanus ea non diminuta servabit, ordinato Episcopo omnia reddens. Renovatur hic vetus illa Concilii Chalcedonensis disciplina, de qua ita legimus in can. 22. Non licere Clericis post mortem proprii Episcopi res, quæ ad ipsum pertinent, rapere, quemadmodum & adjumentibus prohibitum est, aut quæ hoc fecerint, de proprio gradu in periculum venire. Illud tantum discriminis intercedit inter canonem Chalcedonensem, & Trullanum, quod Chalcedonensis canon exprimitur tantummodo de Clericis, qui viventi Episcopo subiciuntur, at vero canon Trullanus ad Metropolitanos etiam pertineat, in quorum Diocesi aliquis Episcopus obijt.*

Paulo aliter, quam habeat Gratianus in can. 1. cau. 21. qu. 2. legitur in græcis exemplaribus canon 16. ex Trullanis, quem latine ita Eruditi interpretantur. *Quoniam diversarum Ecclesiarum Clerici propriis, in quibus sunt ordinati, relictis Ecclesiis ad alios Episcopos se contulerunt, & sine proprii Episcopi sententia in alienis Ecclesiis constituti sunt, & ex eo ipsos reddi insolentes evenit, statuimus, ut a præfenti mense Januario præteritæ quartæ indictionis, nullus omnino Clericus, in quocumque sit gradu, potestatem habeat sine proprii Episcopi scripta dimissoria in alienæ Ecclesie Catalogum referri. Qui enim a præfenti nunc tempore hoc non servat, sed quod*

in se est, eum, qui illi manus imposuit, dedicare officio, deponatur & ipse, & qui eum præter rationem suscepit. Consonant hæc cum veteri disciplina, juxta quam nemo ex Clericis permittebatur de una in aliam Ecclesiam pergere sine literis commendatitiis proprii Episcopi, quibus ostenderetur illum extra ullam Ecclesiam illius incommodum, cui adscriptus fuerat, abesse, uti deducitur ex Canonibus Chalcedonensibus 6. 10., & 20. Non est hoc in loco omittenda exceptio illa, quam suis temporibus huic Trullano canoni adiciebat Balsamon his verbis: Excipe mihi Constantinopolitanum, & Carthaginensem Episcopum: hi enim sunt, ut sæpe dictum est, possunt alienos Clericos suscipere præter voluntatem eorum, qui ipsos ordinarunt.

Can. 2.  
cau. 21.  
qu. 4.

In canone 27. Concilii Trullani legitur can. 2. cau. 21. qu. 4., quem ita ex Græcis exemplaribus interpretari debemus: Nullus eorum, qui in Cleri Catalogum relati sunt, vestem sibi non convenientem induat, neque in civitate degens, neque iter ingrediens, sed utatur vestibus, quæ antebac illi, qui in Clerum relati sunt, attributa fuerunt. Siquis autem tale quid fecerit, una septimana segregetur. Hæc disciplina recepta est in Concilio generali septimo, sive Nicæno II., ubi hæc leguntur can. 16. Omnis luxus, & ornatus corporeus est a Sacerdotali ordine, & statu alienus. Episcopus ergo, vel Clericos, qui se splendidis, & insignibus vestibus exornant, se corrigere oportet; sin autem permaneant, pœnis coerceri &c.

Can. 6.  
cau. 27.  
qu. 1.

Canon 4. Trullani Concilii his verbis exprimitur: Siquis Episcopus, vel Presbyter, vel Diaconus, vel Subdiaconus, vel Lector, vel Cantor, vel Ostiarius cum muliere Deo dicata coierit, deponatur, ut qui Christi sponsæ vitium attulerit: Sin autem Laicus, segregetur. Is est canon 6. cau. 27. qu. 1., & quidem eadem retenta sententia; quæ a veterum Patrum regulis non desecit.

Can. 13.  
cau. 28.  
qu. 1.

Can. 11. Trullanum ita Eruditii Viri interpretati sunt. Nemo eorum, qui in Sacerdotali ordine enumerantur, vel Laicus Judæorum azyma comedat, vel ullum cum eis familiaritatem ineat, vel in morbis accersas, vel ab eis medicinas accipiat, vel una cum eis in balneis omnino lavetur. Siquis autem hoc facere aggressus fuerit, si sit quidem Clericus, deponatur, si autem Laicus, segregetur. Hic est canon 13. cau. 28. qu. 1. apud Gratianum. Similia quædam in Concilio Laodiceno statuta jampridem fuerant in can. 38. ibi: Quod non oportet a Judæis azyma accipere, vel eorum impietatibus communicare.

Can. 34.  
de conf.  
dist. 1.

Privatarum Ecclesiarum usum jamdudum Laodiceni iidem Patres interdixerant non solum Presbyteris, verum etiam Episcopis in can. 38. ibi: Quod non oportet in domibus fieri oblationem ab Episcopis, vel Presbyteris. Hunc canonem moderati sunt Trullani Antistites; cum enim consuetudo invaluisse, ut in privatis Oratoriis oblationes fierent contra veterum Patrum decreta, illud saltem observandum voluerunt Trullani Episcopi, ut si quando oblationes privatas Deo dicari contigisset, idem-nisi Episcopi consensione accedente, atque auctoritate fieret. Hinc in can. 31. ita decreverunt: Clericos, qui in Oratoriis, quæ sunt intra domos, sacra faciunt vel baptizant, hoc illius loci Episcopi sententia facere debere decernimus, quare si quis Clericus hoc non sic servaverit, deponatur. Gratianus aliis verbis hanc eandem sententiam retulit in can. 34. de conf. dist. 1.

Can. 47.  
de conf.  
dist. 1.

In can. 32. Concilii Trullani reprobatum quorundam Armenorum disciplina, qui in Sacrificio Missæ solum vinum sine aqua offerebant, quam ad rem Trullani Episcopi attulerunt Apostolorum, ac veterum Sanctorum Patrum exempla his verbis: Nam & Jacobus Christi Domini nostri secundum carnem frater, cui Hierosolymitana Eccl-



*Ecclesie Thronus primum & creditus. & Basilii Cæsareensium Ecclesie Archiepiscopus, ejus gloria omnem terrarum orbem pervasit, mystico nobis in scripto tradito Sacrificio, ita consecrandum in Divina Missa ex aqua, & vino sacrum Calicem ediderunt. Referebat hæc Gratianus in can. 47. de cons. dist. 1., ubi tamen depravatam descripsit Trullanorum Episcoporum sententiam, quemadmodum animadverterunt Romani Correctores; & notis adjectis emendarunt. Disciplina hujus canonis ab universa Ecclesia recepta est, firmataque etiam postremis temporibus in Concilio Tridentino sessi 22. de Sacrificio Missæ cap. 7.*

Jam observaverunt Correctores Romani ad canonem 6. de cons. dist. 2. verba *Can. 6. Gratiani exigenda esse ad fidem Græcorum exemplarium, & ad canonem 28. Concilii Trullani, in quo hæc leguntur. Quoniam in diversis Ecclesiis intelleximus uva de. ov. dist. 2.* ad Altare allata ex quadam, quæ invaluit, consuetudine, ministros hanc incrementi oblationis Sacrificio conjungentes, utraque simul populo distribuere, decernimus, ut nullus Sacerdos hæc amplius faciat, sed ad vivificationem, & peccatorum remissionem solam oblationem populo imperiet. Tancum primitias autem uve allationem existimantes, Sacerdotes eam seorsum benedicientes precantibus imperire ad fructuum datoris gratiarum actionem, per quos corpora nostra divina dispositione augentur, & aluntur. Siquis autem Clericus præter hæc decreta fecerit, deponatur. Ad commodam hujus canonis interpretationem animadvertendum etiam erit ad canonem 3. ex Apditolicis, quo tempore Sacrificiæ interdicitur, ne quidpiam aliud ad altare adferatur, præter panem, & vinum, quam novæ spicæ, vel uva tempore opportuno, quasi hæc ad Sacrificium ipsum quodammodo referri possent. Atque hæc disciplina etiam ab Occidentalibus Ecclesiis recepta erat; etenim legimus in Sacramentario Gregorii Magni in festo Sancti Xisti hujusmodi benedictionem: *Benedic Domine & hos fructus novos uve, quos tu Domine rore cæli, & inundantia pluviarum, & temporum serenitate, atque tranquillitate ad maturitatem perducere dignatus es, & dedisti eos ad usus nostros cum gratiarum actione percipere in nomine Domini nostri Jesu Christi, per quem hæc omnia faci.* Sequuntur hic ea verba, quæ etiam hodie in celebratione Missarum a Sacerdote pronunciantur: *semper bona creas, sanctificas, vivificas, benedixisti, & præstas nobis; quæ licet hodie ad Corpus, & Sanguinem Christi mysticis quibusdam significationibus referri videantur, olim tamen ad fructus oblatos pertinebant, quemadmodum animadvertit Cardinalis Bona in lib. 2. Rerum Liturgicarum cap. 14. Itaque Trullani Antistites, quum animadvertisissent consuetudinem illam, qua populo una cum Eucharistia uva distribuebantur, in abusum detorqueri, quasi inter Eucharistiæ, & uvarum susceptionem nihil, aut parum interesset, vetuerunt, & quidem prudentissime, ne deinceps uva simul cum Sacramento Eucharistiæ fidelibus dispensarentur.*

## CAPUT XLII.

## De Concilio Vermeriensis.

Concilio Vermeriensis sequentes canones tribuuntur.

Can. 34. cau. 23. qu. 8. potius pertinet ad legem Rotharis Regis anni circiter 640.

Can. 4. cau. 29. qu. 2. ex integris Concilii exemplaribus restituendus.

Can. 5. cau. 29. qu. 2. referendus ad Concilium Compendiense anni 757.

Can. 2. cau. 30. qu. 1. referendus ad Concilium Compendiense anni 757.

Can. 6. cau. 31. qu. 1. pertinet ad Concilium Vermeriense anni 752.

Can. 4. cau. 34. qu. 1. pertinet ad Concilium Vermeriense anni 752.

Can. 5. cau. 35. qu. 2. pertinet ad Concilium Compendiense, vel Wormaciense.

Can. 6. cau. 35. qu. 2. convenit cum Concilio Compendiensi, aut Triburiensi.

Vermeria, unde Vermeriense Concilium nomen accepit, pagus est, sive oppidum insulæ Gallicæ situm inter Silvaneticum, & Sueffionem non longe etiam a Compendio, quod adnotasse opportunum erit ex eo, quod aliquando canones Conciliorum Compendiensium nomine Vermériensium, & viceversa, laudati fuerint apud collectores. Celebratissimum est apud eos, qui canonum Codices elucubrarunt, Vermeriense Concilium, quod celebratum fuit anno 752, in quo cum Gallicanis Episcopis Pipinus Rex interfuit, editis 21. canonibus ad disciplinam Ecclesiasticam stabiliendam.

Qui vero canones apud Gratianum eo nomine laudantur, non omnes ejusdem Concilii Vermeriensis revera sunt. De canone 34. cau. 23. qu. 8. ita ait Wanespen in suo brevi commentario ad Gratianum: *Profert (Gratianus) canonem sub nomine Concilii apud Vermerias, juxta Pithecos habitum anno 752. in Gallia; at in Concilio Vermeriensi eo anno celebrato nec presens canon, nec quicquid ei simile reperitur, neque in ullo, quod extat, apud Vermerias habito Concilio hoc Decretum hactenus reperi.* Non est tamen, cur de Gratiano potissimum conqueramur. Jamdiu ante ipsum Ivo, & Burchardus eundem canonem integrum Vermeriensis Concilii nomine descripsérant. Sed in hisce collectoribus ego non sisto. Progredior ad collectorem Burchardo antiquiorem, videlicet ad Reginonem, qui in cap. 97. lib. 2. de Eccles. discipl. hæc habet: *Si quatuor, aut quinque homines, seu etiam plures contra unum hominem rixati fuerint, quicumque eorum plagam imposuit, secundum statuta canonum ut homicida judicetur.* Nihil aliud addit Regino, qui hoc fragmentum profitetur se retulisse ex Concilio Moguntiensi. Baluzius ad eundem Reginonis canonem ita subjicit: *Hoc caput Regino laudat ex Concilio Moguntiensi: Burchardus, & vetus canonum collector MS. in Bibliotheca Regia ex Concilio apud Vermerias cap. 99. Utrobique autem amplius habetur, quam apud Reginonem.* His ego addo hunc eundem canonem legi in Pœnitentiali Romano Antonii Augustini tit. 1. cap. 15. nomine etiam Vermeriensis Concilii. Verum cum hoc Pœnitentiale non præcesserit tempora Burchardi, & Ivonis, nec forte Gratiani, non erit cur Pœnitentialis hujusdem omnino sequamur, cum auctor Pœnitentialis eundem canonem vel ex Burchardo

ehardo, & Ivone, vel forte etiam ex Gratiano tranſcripſerit. Conſtat itaque ante Burchardum hunc canonem non ex Vermerienſi, ſed ex Moguntino potius Concilio fuiſſe laudatum; conſtat etiam ante Burchardum non fuiſſe eundem verbis adediſſum, qualis & apud Burchardum, & ſequentes collectores habetur, quemadmodum patet legenti Reginonis verba nuper deſcripta. Imo & id auſum adferre, non poſſe illum Vermerienſi Concilio tribui, non ſolum quod in nullo ex iis, quæ erant, Vermerienſibus Conciliis reperiatur, ſed etiam quod qui priores hunc canonem Vermerienſi Concilio adſcripſerunt Ivo & Burchardus canonem laudent *ex cap. 99. Concilii Vermerienſis*, quum tamen in Concilio Vermerienſi magis ſolemni, quod dicimus celebratum anno 752., nonniſi 21. canones editi fuerint. Præterea ego ſuſpicio apud Reginonem, qui primus præcipuam ejuſdem canonis partem retuliſſe videtur nomine Concilii Moguntini, ſeu Moguntiacenſi, mendum irrepſiſſe in eandem Concilii inſcriptionem. Etenim Regino in cap. 95. libri 2. ita inſcripſerat: *ex Concilio Moguntiacenſi*, & in cap. 96. *ex eodem*, deinde in cap. 97. Obſervo hæc ſubjuncti: *ex Concilio Moguntiacenſi*. Cur & hic Regino non adſcripſit, *ex eodem*, quemadmodum in poſteriore capite, ſi Moguntiacenſe Concilium ſemper laudabat? Forte igitur Concilii Moguntiacenſis nomen ex additamentis ſtudioſi cujuſpiam irrepiſit in textum, ex eo, quod nonnulla ab illis non proſus abſimilia legantur in Concilio Moguntino anni 828., quod alii appellant Capitulare 3. Ludovici Pii Imperatoris; etenim tit. 8. num. 1. poenæ decernuntur adverſus illos, qui hominem in rixa interfecerint. Ceterum ſi ab his collectorum involucris exire velimus, & aliunde investigare canonis hujus auctorem, non dubitaverim afferere originem Gratiani fragmenti repetendam eſſe ex lege Regis Rotharis lata circa annum 640., quæ habetur in lib. 1. legum Longobardorum tit. 9. num. 1. his verbis: *Si duo, aut tres homines, ſeu amplius liberi homicidium perpetraverint, & noluerint ſe adjuvare in unum, ut componant ipſum mortuum, ſicut appreciatus fuerit, ſit eis licentia adjuvandi; & ſi aliquis ex ipſis ſe ſubtraxerit, & non potuerit ſe purificare, ſicut lex habet, ideſt quod nec plagam, nec ſeritam in ipſo homine, qui occiſus eſt, feciſſet, tunc ſit culpabilis, ſicut & alii, qui eum compoſuerunt, & ſi ſe purificaverit, ſit abſolutus a culpa homicidii. Si tamen in conſilio fuerit, componat, ut ſupra, ſolidos 20., aut de ipſo conſilio purificet ſe, ſi potuerit. Quicumque hanc Rotharis legem conferet cum memorato Gratiani fragmento, facile agnoſcet illam cum hujus ſententia omnino conſonare, ut verofiſſime admodum ſit, eandem legem primum a Reginone fuiſſe perſcriptam, deinde a Burchardo amplius eſſuſam ſub nomine Concilii Vermerienſis, poſtremo vero ab Ivone, & Gratiano receptam fuiſſe, quemadmodum ipſi apud Burchardum invenerant.*

Potius pertinet ad Vermerienſe Concilium anni 752. ſupra laudatum canon 4. *Gen. 4. cau. 29. qu. 2.*, qui legitur in canone 6. ejuſdem Synodi, quam Sirmondus edidit ex Mſ. Codice S. Vincentii Metenſis. Quamobrem hodie non amplius indigemus in hac parte animadverſionibus Correktorum Romanorum, qui teſtantur nomine Univerſitatis Lovaniienſis eundem canonem exiſtiſſe in Bibliotheca B. Trudonis ſub nomine Concilii Vermerienſis in libro, cui titulus: *Excerpta decretorum*. Itaque poſt editionem Sirmondi his verbis Gratiani fragmentum legemus. *Siquis ingenuus homo ancillam uxorem acceperit pro ingenua, ſi ipſa ſermina poſtea fuerit inſervita, ſi eam a ſervitute redimere poſſet, faciat; ſi redimi non poſſet, ſi ita voluerit, liceat ei aliam accipere. Similiter & mulier ingenua, ſi ſervum accipiat pro ingenuo,*

genus, & postea pro qualicumque causa inservitus fuerit, nisi pro inopia fame cogente se vendiderit, & ipsa hoc consenserit, & de pretio viri sui a fame liberata fuerit, si voluerit, potest eum dimittere, & si se continere non potest, alium ducere. Similiter & de muliere, si se vendiderit, & vir ejus ita consenserit, taliter potest stare, si se separaverint. Penitentia tamen amborum necessaria est. Nam qui de pretio partis sui tali necessitate liberatus fuerit, in tali conjugio debet permanere, & non separari. Similia etiam constituta legimus in Concilio Compendiensi anni 757.; quod superius jam observavi aliquando sumi pro Concilio Vermeriensi, etenim in canone 5. huc leguntur. Si Francus homo acceperit mulierem, & sperat, quod ingenuus sit, & postea invenit, quod non est ingenuus, dimittat eam, si vult, & accipiat aliam. Similiter: si femina ingenua accipiat servum, & sciebat tunc, quod servus erat, habeat inserim, quo vivit. Una lex est viris, & feminis.

Can. 5. Postrema huc Concilii Compendiensi verba eadem sunt, quae Gratianus retulit  
cau. 29. in can. 5. cau. 29. qu. 2. nomine Concilii Vermeriensi ex eo, ut diximus, quod  
2<sup>a</sup>. 2. Vermerix oppidum non distaret a Compendio, & Vermerienses canones vulgo Compendienses appellarentur. Idem canon relatus est in libro Capitularium Francorum; etenim in lib. 5. cap. 20. huc leguntur: Si femina ingenua acceperit servum, sciens, quod servus esset, habeat eum. Una enim lex erit, & viro, & feminae. Ex quibus praeterea constat verba illa Gratiani: quia omnes unum latrem habemus in caelis, non esse Concilii Compendiensi, sed a quodam canonum cultore studioso fuisse ad marginem primum adjecta, deinde vero in canonem ipsum transposita.

Can. 20. Supervacua quoque hodie habenda est Romanorum Correctorum observatio, qui  
cau. 30. testimonio Universalitatis Lovaniensis utuntur, ut probent in veteribus Codicibus canonem 2. cau. 30. qu. 1. laudari nomine Concilii Vermeriensi. Hodie illum habemus editum a Sirmondo in Concilio integro Compendiensi anni 757. can. 12. his verbis: Si quis filiastrum, aut filiastram suam ante Episcopum ad confirmationem tenuerit, separetur ab uxore sua, & alteram non accipiat. Georgius consensit. Hic, qui memoratur Georgius, erat Stephani Papae ad Pipinum Regem legatus, uti Stephanus idem meminit in suis Epistolis. Refertur idem canon in lib. 5. Capitularium cap. 7., apud Isaacum Lingonensem tit. 11. cap. 1., & apud Fulbertum Epist. 33.

Can. 6. Praeterea post editum Concilium Vermeriense laudatum anni 752. opera Sirmondi, supervacua est Romanorum Correctorum observatio ad canonem 6. cau. 31.  
cau. 31. qu. 1. Is enim legitur in canone 5. ejusdem Vermeriensi Synodi his verbis: Si qua mulier mortem viri sui cum aliis hominibus consiliauit, & ipse vir ipsum hominem se defendendo occiderit, & hoc probare potest, ille vir potest ipsam uxorem dimittere; & si voluerit, aliam accipiat. Ipsa autem infideliatrix penitentiae subdita absque spe conjugii maneat; quae eadem retulit Regino in lib. 2. cap. 18. Ex Concilio, quod factum fuit apud Vermeriam tempore Pipini Regis. Videbitur forte quibusdam minus consentanea generalibus Ecclesiae regulis hujusmodi disciplina, juxta quam vir ob uxoris flagitium, non solum illam dimittere possit, sed & post eam dimissam, aliam in uxorem ducere. Duplex esse potest & quidem commoda hujus canonis interpretatio: In primis enim canonem hunc ita intelligere possemus, ut tum demum post mortem uxoris maritus dimittens aliam superducere possit; etenim Vermeriensi Concilii Patres discrimen constituerunt inter uxorem, quae vitæ mariti fuerat infidiata, a marito dimissam; & virum, qui infidias ab uxore, aut ab adultero passus fuerat, dimittentem, ut, quemadmodum uxori indixerunt, ut in perpetua

perua materet penitentia, nec etiam post mariti obitum alteri cuicumque jungeretur, ita e converso marito hoc onus minime imponerent, licet maritus ipse adulterum se defendendo interfecerit, qui propterea non perpetuo penitentiae addicendus iudicatur, sed ipsi nova post mortem prioris cum alia conjugia celebrare permittitur. Secundo, etiam Patres Concilii Vermeriensis maritum voluerint aliam posse sibi uxorem copulare post infidias prioris adhuc viventis, & adulterae, dixerim tamen, eo tempore nondum definitam fuisse eam questionem, utrum per adulterium uxoris matrimonium quoad vinculum, ut ajunt, dissolveretur; aliter enim tunc Latini, aliter Graeci hac in re disputabant, ejus quidem disputationis antiquae vestigia quaedam in Concilio Tridentino fuisse memorat Cardinalis Pallavicinus. Porro Vermerienses Patres saltem dubitasse de hac re manifeste liquet argumento canonis 9. ejusdem Concilii, quem modo integrum referam.

Siclicet in canone 9. Vermeriensis legitur Gratianus canon 4. cau. 34. qu. 1.,  
 cujus tamen integra verba nec Ivo, nec Gratianus retulerunt, quae ita habentur in Can. 4.  
cau. 34.  
qu. 1.  
*exemplaribus Concilii: Siquis necessitate inevitabili cogente in alium Ducatum, seu Provinciam fugerit, aut sensorem suum, cui fidem mentiri non poterat, sequutus fuerit, & uxor ejus, cum valet, & potest, amere parentum, aut rerum suarum cum sequi noluerit, ipsa omni tempore, quamdiu vir ejus, quem sequuta non fuit, vivit, semper innupta permaneat. Nam ille vir ejus, qui necessitate cogente in alium locum fugit, si nunquam in suam patriam se reverfurum sperat, si se abstinere non potest, aliam uxorem cum penitentia potest accipere.* Burchardus integrum etiam hujusmodi canonem refert in lib. 9. cap. 54., quemadmodum etiam Regino in lib. 2. cap. 124., apud quos tamen posteriora verba ita leguntur: *Si se continere non potest, aliam uxorem accipias, sed cum penitentia.* En itaque, quod nuper assereram, quomodo apud veteres Gallicanae Ecclesiae Episcopos valde dubium fuerit, num ex gravibus quibusdam causis matrimonii vinculum jam legitime conclusum dissolvi posset.

Canon 5. cau. 35. qu. 2. laudatur a Gratiano nomine Concilii Vermeriensis, Can. 5.  
cau. 35.  
qu. 2.  
 cum tamen illud ipsum fragmentum Gratianus retulisset nomine Concilii Triburiensis in can. 9. cau. 34. qu. 1. Neutro tamen in Concilio legitur, sed potius in Concilio Compendiensi anni 757., quod pluries monui cum Vermeriensis a Collectoribus fuisse confusum eo temporum & locorum proximitatem. Porro in cap. 14. ejusdem Concilii Compendiensi haec habentur. *Siquis cum matre, & filia in adulterio mansit nesciente matre, quod cum filia sua mansisset, similiter & filia nescivit, quod cum matre sua esset, postea ille vir, si acceperit mulierem, dimittat, usque in diem mortis suae non habeat uxorem, & illa mulier, quam reliquerit, accipiat virum, & illa mater, & filia, cum quibus in adulterio mansit ambobus nescientibus, quod cum matre, & filia mansisset, habeant viros. Nam si in notitiam illarum venerit hoc scelus, dimittant maritos, & agant penitentiam, & illarum mariti posteriores accipiant mulieres.* Haec si cum Gratiani canone conferuntur, apparebit in fragmento Gratiani non eadem quidem verba, sed eandem referri sententiam paucioribus perstrictam. Idem canon habetur sine ulla Auctoris inscriptione in Penitentiali Romano Antonii Augustini tit. 3. cap. 10. ibi: *Siquis cum matre, & filia fornicatus fuerit, ignorante matre de filia, & filia de matre, vir, qui haec fecerit, nunquam accipiat uxorem. Ille vero, si voluerint, accipiant maritos, tamen penitentiam agant.* His addere possum forte pro nomine Concilii Vermeriensis in dicto canone 5. Gratianeo olim scriptum fuisse Concilium Wormaciense, ut fragmentum idem referretur ad Con-

cilium

ailium Wormaciense anni 868., etenim in canone 63. ejusdem hæc leguntur. *Siquis cum matre, & filia in adulterio mansit, nesciente matre, quod cum filia mansisset, similiter & filia nescia, quod cum matre mansisset, & postea ille vir si acceperit mulierem, dimittat eam, & usque in diem mortis sue non habeat uxorem. Et illa mulier, quam reliquerit, accipiat virum; & illa mater, & filia, cum quibus in adulterio mansit, ambobus nescientibus, quod cum matre, & filia mansisset, habeant viros. Nam in motitiam illarum si veneris hoc scelus, dimittant maritos, & agant penitentiam, & illarum mariti, & illi posteriores accipiant mulieres.*

Can. 6. Canon 6. cau. 35. qu. 2. in Concilio Vermeriensis minime legitur. Duo esse, cau. 35. possunt Conciliorum canones, ex quibus ille depromptus videtur. Alter est canon qu. 2. 10. Concilii Compendiensis, quod Concilium pluries pro Vermeriensis laudatum, scimus; alter est canon Concilii Triburiensis anni 895. Canon 10. Compendiensis ita exprimitur: *Si pater sponsam filii sui oppresserit, & postea filius ipsam acceperit, pater ejus postea non habeat uxorem, & ipsa femina non habeat virum, quia non dixit, quod pater ejus cum ipsa mansisset; filius vero ejus, qui nesciens fecit, accipiat mulierem legitimam.* Hæc quidem Concilii verba de patre, & filio concepta sunt; at Gratianus de duobus fratribus expressit. Non est tamen novum, Collectores canonum, in personis mutare species canonum, ut retenta sententia, quod de patre, & filio incestuosus statutum est, id ipsum incestuosus fratribus accommodent. Canon 44. Concilii Triburiensis hic est: *Siquis cum aliqua crimen fornicationis fecerit, & frater ejus ejusdem sceleris ignarus duxerit illam uxorem, frater, qui prior per fornicationem polluerat illam, quia non indicavit fratri uxorem ducenti, prædura arceatur penitentia, & conliga castigatione, qua peralla, si continens esse non possit, indulgentia sublevetur, ne libidini prosteratur, quatenus legitimo consoletur matrimonio. De muliere vero sancimus, sicut de ea in Neocæsariensi Sancto Concilio definitum legimus cap. 2. Muller si duobus fratribus nupserit, abiciatur usque ad mortem. Verumtamen in exitu propter misericordiam fructum penitentiae consequatur, si promiserit, quod salva incolumis hujus conjugationis vincula dissolvat. Quod si defecerit mulier, aut vir in talibus nuptiis, difficilis erit penitentia in vita permanenti. Episcopus vero potestatem habeat secundum conversationem ipsius aut adlicere negligenti, aut minuere penitenti. Tamen ulterius continens, & a viro disjuncta permaneat. Non omitam animadvertere eundem Gratianum canonem 6. legi sine inscriptione ullius auctoris in penitentiali Romano Antonii Augustini tit. 3. cap. 11., ubi tamen quædam verba paullo variam exhibent disciplinam, ibi: *Si homo fornicatus fuerit cum muliere, & frater ejus nesciens eandem duxerit uxorem, frater, eo quod fratri crimen celaverit, quatuor annos pæniteat, & post penitentiam, si vult, nubat. Mulier autem usque ad mortem pæniteat, & sine spe conjugii maneat.* Itaque si consideremus hoc Antonii Augustini Penitentialia, ad quatuor tantummodo annos hujus criminis penitentia redigitur. Septem autem annos juxta Gratiani fragmenti sententiam indicit Penitentialia, quod legitur apud Burchardum lib. 19. cap. 51 ibi: *Ecce si fornicationem cum aliqua femina, & frater tuus te sciente eandem duxit uxorem? si fecisti, eo quod fratrem tuum crimen celasti, septem annos per legitimas ferias pæniteas, & post penitentiam tu, & frater uxores accipere potestis; tantum in Domino. Mulier autem usque ad mortem pæniteat, & sine spe conjugii maneat.* Adparet hac in re varietas Ecclesiasticæ disciplinæ.*

*De Concilio septimo, seu Nicæno II. generali.*

Hujus Concilii nomine sunt hi canones apud Gratianum.

- Can. 7. dist. 18. consonat cum interpretatione Anastasi Bibliothecarii.*  
*Can. 6. dist. 38. consonat cum interpretatione Anastasi Bibliothecarii.*  
*Can. 7. dist. 63. consonat cum interpretatione Anastasi Bibliothecarii.*  
*Can. 1. dist. 69. consonat cum interpretatione Anastasi Bibliothecarii.*  
*Can. 26. dist. 81. potius est S. Basilii.*  
*Can. 2. cau. 1. qu. 7. ex integris Concilii exemplaribus supplendus.*  
*Can. 4. cau. 1. qu. 7. ex integris Concilii exemplaribus supplendus.*  
*Can. 3. cau. 9. qu. 3. consonat cum interpretatione Anastasi Bibliothecarii.*  
*Can. 19. cau. 12. qu. 2. consonat omnino cum græcis exemplaribus.*  
*Can. 64. cau. 16. qu. 1. ex integris Concilii exemplaribus supplendus.*  
*Can. 21. cau. 18. qu. 2. emendandus ex Anastasi interpretatione.*  
*Can. 5. cau. 19. qu. 3. paullo varius in diversis Interpretum exemplaribus.*  
*Can. 1. cau. 21. qu. 1. consonat cum interpretatione Anastasi.*  
*Can. 1. cau. 21. qu. 4. consonat cum interpretatione Anastasi.*  
*Can. 18. cau. 22. qu. 4. ex integris Concilii Codicibus restituendus, atque emendandus.*  
*Can. 28. de conf. dist. 3. ex integris Concilii exemplaribus emendandus.*

Utrumque Ecclesiam, ac præsertim Orientalem, incredibili fere ratione exagitavit octavo sæculo controversia de cultu sacris Imaginibus exhibendo. Plures enim tunc emerferant, qui sacras easdem imagines ita detestabantur, ut non solum delerent, eraderent, perderentque, sed etiam earundem cultores extremis suppliciis afficerent, quibus patrocinati fuerunt Imperatores, primum Leo Conon Isaurus circa annum 730., deinde Constantinus Copronymus circa annum 741., ac demum Leo IV. Chazarus circa annum 775., qui omnes pro Imperio suo decetare se arbitrati sunt, dum adversus sacras Imagines pugnabant, decepti a quibusdam Ariolis jactitantibus ex imaginum everfione ejusdem Imperii diuturnitatem dependere. Res jam eo devenerat sub Copronymo anno 754., ut celebrata fuisset Synodus plurium Episcoporum numero 338., uti scribit Theophanes, in Urbe Constantinopolitana, ubi Imperatore præfente sacrarum imaginum cultus reprobatus est communi omnium consensione, ac proinde jam in Oriente Catholica disciplina hac in parte penitus interiisse videbatur. Ad occidentales Episcopos jam plures Epistolæ miserant Imperatores memorati, pro imperio universæ Italiz supremum excidium minitantes, nisi Græcorum Iconoclastarum sententiæ indulgeretur; quod quidem occasionem funestissimam præbuit Italis, ut arma sumerent adversus Græcos, & ab illorum Imperio post varias vices tandem aliquando deficerent; quicquid fuerit Maximorum Pontificum studium, & sollicitudo, qui Græcorum quidem hæresim, & Constantinopolitanum illud Concilium reprobaverunt, populos tamen, ut in Imperatoris obsequio manerent, assiduis admonitionibus hortabantur.

Tandem circa annum 780. videtur mutare faciem Orientales Ecclesie, vixit sancto Leone Chazaro; quum enim in Imperio successisset Constantinus filius puerulus, quem regebat mater vidua Irene, hæc piissima Imperatrix diu passa non est, sacras Imagines contemni, sed ab Hadriano I. Pontifice Maximo datis Epistolis postulandum voluit, ut ipse auctoritate sua Generale Concilium, præsertim Græcorum Episcoporum indiceret, suoque consilio convenientes Episcopos adjuvaret. Misit consilium legatos suos Hadrianus in Urbem Constantinopolitanam celebrandæ Synodi causâ, & quidem initio in eadem urbe celebrari Synodus cœperat anno 786, Catholicæ fidei definitionem urgente inter ceteros Tharasio Viro Sanctissimo Patriarcha Constantinopolitano; verum res universas seditione commota sciderunt Iconomacorum turbæ, quibus maxime cordi erat, nè Catholica veritas ad veterum Patrum traditiones, & sanctarum scripturarum oracula exacta statim elucesceret. Quamobrem operæ pretium fuit comitia jam cœpta dissolvere, eademque in Nicenam Civitatem transferre, quemadmodum sequenti anno factum est, scilicet anno 787. Itaque Nicenam conveniunt Episcopi plures, & quidem numero 350. præter Legatos Romanæ Sedis, & Sedium majorum Orientalium, qui una cum Tharasio Constantinopolitano interfuerunt; atque insuper selecti Cœnobiorum Archimandritæ, in quorum omnium celeberrimo consensu post discussam controversiam, decretum est debitum sacris Imaginibus cultus, præterea etiam canones duo supra viginti editi sunt ad reformandam Ecclesiasticam disciplinam, quorum maximam partem in suum Decretum retulit Gratianus.

Solent eruditi disquirere de auctoritate hujus Synodi, num inter Generales Ecclesie universæ recensenda sit, & semper habita fuerit, ac recepta? Hodie nullum est dubitatio; cum apud omnes Catholicos tamquam ænimenica recolatur, licet a nonnullis ex recentioribus hæreticis renovandarum veterum hæresum studio succensus improbari videatur. Tota difficultas in eo sita est, quod tradatur olim hoc Concilium in Gallicana Ecclesia non receptum fuisse. Proferamus monumenta. Anastasius Bibliothecarius in sua præfatione hujus Synodi ita testatur: *Que enim super venerabilium Imaginum adoratione præsens Synodus docet, hæc & Apostolica sedes vestra, (alloquebatur Anastasius Johannem VIII. Pontificem Maximum) sicut nonnulla conscripta innuunt, antiquitus tenuit, & universalis Ecclesia semper venerata est, & haftenus veneratur, quibusdam dumtaxat Gallorum exceptis, quibus utique nondum est harum utilitas revelata.* Ad hanc rem vulgo proferri solet canon 2. Concilii Francofordiensis anni 794., paucos post annos ab eadem Nicena Synodo celebrati, ibi: *Allata est in medium questio de nova Græcorum Synodo, quam de adorandis Imaginibus Constantinopoli fecerunt, in qua scriptum habebatur, ut qui Imaginibus Sanctorum, ita, ut Deificæ Trinitati, servitium aut adorationem non impenderent, anathema judicarentur. Qui supra Sanctissimi Patres Nostri omnimodis adorationem, & servitium renuentes contemserunt, atque consentientes condemnaverunt.* Torquentur in conspectu hujus canonis eruditi propemodum universi, atque inter ceteros Gallicani interpretes, qui vellent, qua commodiore ratione possent, gentis suæ erga generales Ecclesie Synodos observantiam tueri, etsi omnes, meo judicio, rem hanc vix absolvant.

Nolo in præfens hoc in loco commemorare, quid uniusque ex interpretibus adferant, ne prolixior, quam par sit, reddatur oratio, quum omnes ut arbitror vel veritatem non attingeriat, aut saltem in dubitatione gravissima fluctuaverint. Tantum ego, qua certis rationibus, qua verosimilibus rerum adjunctis, quid sentiam, candide



candide aperibo, certa in primis separans ab incertis, singulaque, uti decet, accommodo interpretans. Sane observare juvat memoratum canonem 2. Concilii Francofordiensis non omnino vere, & tuto eidem Concilio tribui. Etenim Baluzius Tutolensis, vir in percurtandis Ecclesiæ Gallicanæ MSS. valde sollicitus, in sua editione Capitularium Francorum edidit tomo 1. pag. mihi 263. Capitulare Francofordiense anni 794. continens tantum 54. capitula, ac propterea pauciora, quam habeat Labbeana Collectio, quæ enumerat 56., in Baluziana autem editione primus, ac secundus canon desiderantur; atque in tomo 2. pag. mihi 753. idem Baluzius refert Jacobi Sirmondi notas hujusmodi ad dictum Francofordiense Concilium. *Canonum, qui antehac desiderabantur, copiam nacti sumus ex vetusto Codice S. Rhemigii, eodem ipso, quo usum constat illum, qui primus libros Carolinos, & cum his primum, & secundum hujus Concilii canonem dissimulato, & interpolato nomine suo in lucem dedit. Præter hoc enim aliud antiquæ notæ canonum Francofordiensium exemplar, quod sciam, nullum est.* Testis itaque est Sirmondus priores duos canones in vetustissimo MS. Codice non haberi, verosimiliter vero ab eo adjectos fuisse, qui libros Carolinos primus edidit, ut ipse voluntati suæ morem gereret. Revera si initium canonis 1. Francofordiensis in vulgatis exemplaribus consideremus, ejus verba expressa sunt præter morem Capitularium; deinde in can. 3., qui potius primus appellari debet, ita exordium est. *His peractis &c.*, quæ sane verba videntur posteriore manu adjecta fuisse una cum præcedentibus canonibus; neque enim mos erat Conciliorum, ac præsertim Conventuum Francorum post duos tantum canones, ad alios numero plures gradum facere, hac adjecta conjunctione: *His peractis &c.*

Quid itaque concludendum erit in hac re post hanc Codicum observationem? In Concilio Nicæno II., quod Generale Septimum appellamus, exceptis Summi Pontificis Legatis, aliisque perpauca Sardiniæ, ac Siciliæ Episcopis, nulli alii interfuerunt Episcopi ex Occidentalibus, ut propterea ex hoc capite Concilium generale omnium Episcoporum dici nequeat. Non poterant accedere Hispani, & cum Hispanis Afri, utpote quos diuturna, ac sævissima bella vexabant, nec facile ad Concilium pergere sinebant barbararum gentium dominationes. Non Itali: quum enim propter sacrarum Imaginum causam, plures ex illis rapti populari tumultu a Græcis Imperatoribus defecissent, nihil magis oderant, quam nomen Græcorum, difficileque adduci potuissent, ut ad Orientalium Provincias Concilii causa migrarent, ne forte Græcorum insidiis, de quibus vehementissime suspicabantur, caperentur. Qui vero præ ceteris oderant Græcos, ii erant Franci, qui recens ad Imperium Græcorum anhelaverant, nihilque magis subinde pertimescebant, quam ne Græci Imperatores ab occidentalibus pristinam pacem, & fœdera pangi postularent, & cum pace occidentale etiam Imperium recuperarent. Quod sane evenire posse, cum Græci per restitutum ab orientalibus sacrarum Imaginum cultum arbitrarentur, eorundem animus subiit, ad Imperium semel acquisitum retinendum, ut, quantum fieri posset, ipsi ceteros a proposita Græcorum unitate, ac Synodis unitatis causa indistinctis averterent; facile enim futurum verebantur, ut si occidentales Græcorum recta fide cognita in doctrina, eisdem Græcis jungerentur in fide, commode se illis & in pristina Imperii ratione sociarent. Itaque Franci non in ea mente erant, ut debituræ sacris Imaginibus cultum denegarent, sed ut quoquo modo orientales a Græcorum consortio removerent. Atque his commode cum recentioribus hæreticis nonnullis congregeder, qui plenis buccis jactantur Sando-

nem Concilii Nicæni pro cultu sanctarum imaginum abrogatam fuisse in Concilio Francofordiensi. Si enim apud historicos extra controversiam positum est, Imperium a Græcis translatum fuisse ad Francos, ex eo, quod Græci Sacras Imágenes abominarentur, quomodo verosimile esse potest, aut in mentem venire sino homini valebit, Græcorum doctrinam de contemnendis Imaginibus Francos ipsos recepisse, qui ideo Imperium recens susceperant, quod sacrarum cultum Imaginum vindicaverint, & strenue professi fuerint?

Jam vero Francorum sententiam clarius explicemus, qualis fuit tempore Concilii Francofordiensis. Res Francorum, novaque Franci Imperii forma exigebat, ut Occidentales a Græcis, quoad fieri posset, averterentur. Averterat jam Occidentales Provincias ipsa Græcorum sævitiæ, quam in Imágenes sacras, & Imaginum cultores exercuerant; verum quieverat pacatus Græcorum animus, ubi ad unitatem renovandam Concilium communi consilio inditum fuit. Quid ergo tum gerendum erat a Francis ad novi tutelam Imperii? Non pugnandum erat adversus sententiam novæ Synodi, quæ cultum sacris Imaginibus decreverat, ne, foris, aliorum odium antea in Græcos sacrarum Imaginum causa habitum, in se periculo suo converterent. Potius investigarunt modum, quo Nicæni canones expressi fuerant, ut in illo saltem quidpiam apud Græcos redarguerent. Neque hic perititerunt, non enim ipsummet Concilii Nicæni exemplar intimius perscrutari voluerunt, sed & ex vulgari fama Nicænorum canonum sententiam exceperunt, eamque quomodolibet vulgarunt. Quoniam vero humanum est in zelu controversiarum, quas paullo acrius persequimur, oratione sententias exaggerare, & modum aliquando excedere, ita præcipue Franci in illis constituerunt, ut siquid ex Nicæno Concilio accepissent, disputationis alacritati tribuendum Concilii ejusdem Patribus excidisse, illud publicum facerent, redarguerent, publiceque ab omnibus improbandum proponerent. Non sunt hæ simplices conjecturæ, (quæ ceteroquin ex Nationum & temporum adjunctis exceptæ gravissimæ videntur), nam liquet apud Hadrianum Papam in Epistola ad Carolum Regem confutata fuisse quædam capitula Gallicanorum Antistitum, quæ adversus Nicænam eandem Synodum objecerant, quæ eo singulare, & integra referuntur, ut Franci demonstrarent, non perperam decretum fuisse sacris Imaginibus cultum, sed inanibus rationum momentis usos fuisse Nicænos Antistites, & in statuendo sacrarum Imaginum cultu plurimum excessisse. Imo etiam accuratissimi fuerunt investigatores iidem Franci de fide Græcorum, sive, Nicænorum Antistitum præsertim in dogmate processionis Spiritus Sancti, ut siquid minus rectum in Græcorum doctrina invenirent, quamcumque occasionem fumerent a Græcorum consortiis alios avertendi, quemadmodum liquet apud eundem Hadrianum Pontificem. Quæsti itaque Franci fuerunt de Græcis, quod Græci, & inter ipsos Tharastus Episcopus Constantinopolitanus dixisset in Synodo, Spiritum Sanctum non ex Patre, & Filio, sed ex Patre per Filium procedere; deinde Theodorum Hierosolymitanum redarguerunt, quod in Nicæno ipso Concilio quadam ambage verborum Filii Dei *Consubstantialitatem* explicavisset; deinde accedentes ad Imaginum causam reprehenderunt Græcam Synodum, quod in probando Sanctarum Imaginum cultu usi fuisset illis Scripturarum testimoniis, quæ minus rei accomoda viderentur, quodque adducta in Concilio fuerit vulgata fabella, qua narratur Christum Dominum Imaginem sui ad Abgarum Regem misisse, item quod pronuntiatum fuerit in Concilio eundem sacris exhibendum esse imaginibus cultum,

quo

quo Sanctissimam Trinitatem, & Sacrosanctum Christi Corpus, & Sanguinem veneramus. Hæc, & his similia erant argumenta Francorum, quibus Græcorum sententias improbare conabantur. Quamobrem facile fuit alicui Franco elucubrare canonem illum, qui in canone 2. Concilii Francofordienfis in vulgatis Codicibus legitur, atque in eo proponere Nicænam Synodum, quam Constantinopolitanam appellat, fuisse a Gallicanis Episcopis reprobamam.

Quæ cum ita sint, non immerito concludemus Nicænam secundam Synodum generalem quidem non fuisse, si Episcoporum convocationem spectemus, quos temporum illorum adjuncta, & præcipue Imperii divisiones ad orientales Provincias accedere non patiebantur. Verum ea fuit Pontificis Maximi voluntas, ut in eodem Concilio recta Ecclesiæ universalis Doctrina definiretur, ac definita per omnes Ecclesias traderetur, quemadmodum revera, quæ recte in Synodo definita sunt, Maximi ejusdem Pontificis decreta confirmarunt, ratæque habuerunt universæ Ecclesiæ Antistites, ipsi etiam Franci, qui, ubi Imperium apud suos firmum esse agnoverunt, quasi occasione jurgandi sublatâ, Catholicum Dogma, & Synodum receperunt, imo & consuluerunt Pontifices Maximos de modo colendi Sacras Imagines tempore Ludovici Pii Imperatoris, & Eugenii II. Romani Pontificis; Etenim editum habemus commonitorium datum ab eodem Imperatore Hieremix Archiepiscopo Senonensi, & Jonæ Episcopo Aurelianensi anno 824. euntibus Romam, ad Eugenium II., in quo hæc leguntur: *Illud summopere prævidete, ut ea illi de his ostendatis, quæ rationi de Imaginibus habenda per omnia convenient, & quod ipse, vel sui minime rejicere valeant. Sed et vos ipsi tam patienter, ac modeste cum eo de hac causa disputationem habeatis, ut summopere caveatis, ne nimis ei resistendo eum in aliquam irrevocabilem pertinaciam incidere compellatis, sed paulatim verbis ejus quasi obsequendo magis, quam aperte resistendo ad mensuram, quæ in habendis Imaginibus retinenda est, eum deducere valeatis, & ideo potius efficere contendatis, ut negotium, de quo agitur, ad meliorem, quam ad pejorem statum cum Dei adjutorio perducatur.*

His ita generaliter prænotatis, quibus Generalis VII. Synodi auctoritatem singulari ratione vindicarem, progredior ad canones Gratianeos ex ipso Concilio depromptos. Primus est canon 7. dist. 18., cujus verba eadem sunt cum canone 6. Nicæno juxta interpretationem Anastasii Bibliothecarii. Alii ita Græcum canonem latinitate donarunt. *Quoniam canon est, qui dicitur bis in anno in unaquaque Provincia per Congregationes Episcoporum fieri oportere questiones canonicas propter vexationem, & quod itineri peragendo minus sufficerent, qui congregabantur, statuerunt Sancti sextæ Synodi Patres, quovis modo, & quacumque ex causa semel in anno fieri, & delicta corrigi. Hunc ergo canonem nos quoque renovamus, & si quis Magistratus hoc prohibere inventus fuerit, segregetur; si quis autem Metropolitanus hoc fieri non curaverit, præterquam vi, vel necessitate, & iusta aliqua de causa canonice pænis subiciatur. Cum autem de canonicis, & Evangelicis rebus fiat Synodus, opus est, ut congregati Episcopi magnam curam, & diligentiam gerant, ut divina, & vivifica Dei Mandata serventur. In eis enim servandis est retributio multa, quoniam lucerna est Mandatum, Lex vero lux, & via vitæ, probatio, & disciplina, & Mandatum Domini lucidum illuminans oculos. Ne liceat autem Metropolitanis ex iis, quæ secum adfert Episcopus, vel jumentum, vel aliquam rem aliam prætere. Si autem hoc fecisse convictus fuerit, reddat quadruplum. Ut bis in anno Concilia celebrarentur, jam itauerat Nicæna I. Synodus in can. 5., quem moderari voluerunt Trullani Episcopi in can. 8. statuentes ob varia Episcoporum incommoda, ut semel tantum singulis annis haberentur.*

Con. 7.  
dist. 18.

Id

Id renovarunt Nicæni II. Concilii Patres, qui canonem Trullanum sextæ Synodi canonem appellarunt juxta ea, quæ de eadem sexta Synodo, sive Trullana diximus suo in loco. Nemo tamen exinde conjicere debuit in hoc Nicæno Concilio, aut Trullanam Synodum, aut Trullanæ Synodi canones fuisse probatos. In primis enim, qui confirmatur canon 8. de Conciliis semel in anno celebrandis, ex his est, quem Græci non causa schismatis ediderunt, sed potius Episcopalis æconomiz gratia; Deinde tempore Concilii Nicæni II., quò universus ferme oriens exagitatus erat ob diuturnas, & acres de Sacris imaginibus controversias, prudentissime se gerere Legati Pontificii rati sunt, si de Trullani Concilii canone in re, de quæ parum, aut nihil intererat, a contentionibus, & disputationibus abstinere. Demum quis non videat hanc Nicænis Patribus esse potuisse voluntatem, ut scilicet fatius ducerent semel tantum singulis annis celebrari Concilia, & quoniam Trullani canonis auctoritas tanta non erat, ut hæc disciplina induceretur, propria ipsos auctoritate induxisset?

Can. 6. Præterea & cum interpretatione Anastasii Bibliothecarii consonat canon 6. dist.  
dist. 38. Alii ita Nicænum 2. canonem interpretati sunt. *Quoniam psallentes Deo reprimimus, in justificationibus tuis meditabor: non obliviscar eloquiorum tuorum, omnes quidem Christianos hoc facere saluberrimum est, eos autem præcipue, qui Sacerdotalem dignitatem obtinent. Quamobrem decernimus, quolibet quidem, qui ad Episcopalem gradum est provehendus, Psalterium omnino nosse, ut ex eo omnem quoque suum Clericum ita institui moneas: a Metropolitano autem bene examinari, an ad Sacros Ordines diligenter, ac cum persequutione, non autem obiter, cursimque legendos, prompto, paratoque sit animo, & Sacrum etiam Evangelium, & Librum Divini Apostoli, omnemque Divinam Scripturam, & in Divinis Præceptis versari, & Populum sibi commissum docere. Nostræ enim hyerarchie substantiæ sunt eloquia divinitus tradita, divinarum scilicet Scripturarum vera scientia, sicut & Magnus Dionysius: si autem dubius animi fuerit, & non lubenter hæc facere, & docere voluerit, non ordinetur. Prophetice enim dixit Deus: Tu repulisti scientiam, & ego te repellam, ne sis mihi Sacerdos.*

Can. 7. Iterum Anastasii Bibliothecarii interpretationem sequutus est Gratianus in can. 3.  
dist. 63. Nicæno, quem retulit in can. 7. dist. 63. Alii ita verterunt: *omnem electionem Episcopi, vel Presbyteri, vel Diaconi, quæ sit a Magistratibus irritam manere, ex canone dicente: Siquis Episcopus Sæcularibus Magistratibus usus per eos Ecclesiam obtinuerit, deponatur, & segregetur, & omnes, qui cum eo communicant. Oportet enim eum, qui ad Episcopatum promovendus est, ab Episcopis eligi, quemadmodum a Sanctis Patribus Nicææ decretum est in canone, qui dicit: Episcopum oportet maxime quidem ab omnibus, qui sunt in Provincia constitui: si autem hoc difficile fuerit, vel propter urgentem necessitatem, vel propter viæ longitudinem, tres omnino eodem convenientes, ( it quoque, qui absunt simul suffragium ferentibus, & assentientibus per literas ) tunc facere electionem. Eorum autem, quæ per unamquamque Provinciam sunt, confirmationem tribui Metropolitano. Hanc de Episcoporum Ordinationibus disciplinam arbitror in hoc Concilio firmatam, ut obviam iretur incommedis, quæ ea ætate emergebant, nisi sapienti suffragancorum consilio, ac Metropolitanæ confirmatione Episcopi instituerentur. Dydim enim in Pseudo Synodo Constantinopolitana habita sub Copronymo ad reprobandum Sacrarum Imaginum cultum improbo conatu absentibus præcipuarum Sedium Episcopis electus fuerat ab Hæreticis in Constantinopolitanum Episcopum Constantinus quidam Monachus homo nefarius, & perditissimus, qui*  
Icono-

Iconomacorum causam quasi suam susceperat, & adversus Sacras Imágenes totis viribus contendisse ferebatur.

Canon 1. dist. 69. habetur in can. 14. Nicæno juxta versionem ejusdem Anastasii. Alii græcum canonem ita interpretantur. *Quod Ordo in omni Sacerdotio custodiri debet, est omnibus manifestum, & Sacerdoti promotiones exalte servare Deo gratum est. Quoniam ergo videmus nonnullos a pueris Clerici Tonsuram accipientes nondum accepta Episcoporum manuum impositione, & in Congregatione in suggestu legentes, & id non canonicè facientes, per præsentem canonem, ne hoc fiat, jubemus, idque ipsum etiam in Monachis servari. Lectoris autem manuum impositionem licet in proprio Monasterio etiam soli unicuique Præfetto facere, si ad ejus Præfecturam ab Episcopo manuum impositio fiat ipsi Præfetto, qui scilicet & ipse est Presbyter. Similiter ex ea antiqua consuetudine Chorepiscopus Episcopi permisso oportet per manuum impositionem Lectores creare. Ex hoc canone deducitur, neminem Lectoris Ecclesiastici officio publice fungi potuisse, nisi qui ab Episcopo manuum impositionem suscepisset, quamquam Monachis permillum fuisset, ut eorum Præfetti possent Lectores suis manus imponere. Observat ad hæc Balsamon, non aliter Præfectos Monachorum hæc facultate uti potuisse, nisi primum ipsi facultatem a suis Episcopis obtinuissent, quam facile concedi consuevisse ex eo tellatur, quod difficile videretur Monachis, qui eremos ut plurimum habitant, & non possunt Urbes adire, ad Episcopum proficisci.*

Jam animadverterunt Romani Correctores, cui tribuendus sit canon 26. dist. 81., quem Gratianus ex septima Synodo laudavit. Videlicet in plerisque Codicibus laudatur nomine octavæ Synodi, revera autem inter opera S. Basilii reperitur. Quomodo fieri potuerit, ut quæ Sancti Basilii essent, quamplura octavæ Synodi nomine laudarentur, dicam suo loco; quemadmodum etiam tunc ipsum hunc canonem ad sua meliora exemplaria exigam. Interea, quoniam observaverunt Romani Correctores, nonnulla his similia legi in postremo capite Nicænz II. Synodi, illa referam ex canone 22. his verbis: *Quibus autem quieto est vita, & solitaria, ut qui Domino Deo jugum Monasticum tollere statuerint, in solitudine, & silentio sedere convenit; sed nec iis etiam, qui vitam Sacerdotalem elegerint, licet omnino seorsum cum mulieribus comedere, nisi utique cum Divinis, & Religiosis viris, ac mulieribus, ut ipsum etiam convivium ad spiritalem refectiorem adducat. Porro idipsum etiam in cognatis fiat. Si autem rursus contingat, ut quæ sunt ad usum necessaria non offerat Monachus, vel Sacerdos, & propter necessitatem velit, sive ad publicum diversorium, sive ad alicujus domum divertere, et licet hoc facere, utpote urgente necessitate.*

In canone 2. cau. 1. qu. 7., qui nomine Nicænz Synodi inscribitur, non solum jam observantur Romani Correctores, varia ejusdem Concilii fragmenta esse congesta, verum etiam non omnia cum suis integris exemplaribus consonare. Itaque priora canonis verba pertinent ad actionem 1. Nicæni Concilii, in qua propositum fuerat, ut ad Synodum introducerentur Episcopi, qui defecissent apud Hæreticos videbantur, qui præterea locum suum non retinerent, si accurata fidei professione se se expurgassent. Ex his fuerat Basilii Episcopus Ancyra, qui Synodi locum ingressus professionis suæ libellum porrexit, omnem hæresim anathematizans, atque inter cetera ita asserens: *His, qui spernunt magisteria Sanctorum Patrum, & traditionem Catholice Ecclesiæ prætendentes, & assumentes voces Arii, Nestorii, Eutychetis, & Dioscori, atque prohibentes, quod nisi de veteri, ac novo Testamento evidenter fuerimus edocui, non sequemur Doctrinas Sanctorum Patrum, neque*

San-

*Sanctarum Synodorum, atque traditionem Catholice Ecclesie, anathema. Gratianus hæc verba paucis perstrinxit, atque initio canonis 2. non Basilio eorundem Auctori, sed potius Synodo ipsi Nicænæ tribuit. Quæ sequuntur in vers. omnis Episcopus habentur in Epistola Tharassii Patriarchæ Constantinopolitani ad Johannem Presbyterum, & Anachoretam, quam Anastasius Bibliothecarius ad calcem septimæ Synodi inseruit. Ibi Tharassius Johannem in primis laudat, quod rerum sacrarum studiis deditus diutissime fuerit, deinde eundem docet ea, quæ in Sancta Nicænâ secunda Synodo pro Sacrarum Imaginum cultu constituta fuerant, ac subdit in eodem Concilio plures Monachos conquestos fuisse, quod nonnulli Episcopi fuissent simoniace ordinati, & nihilominus Episcopales Sedes libere tenerent. Quæ occasione Tharassius idem plura differit, ut probet non solum hujusmodi Episcopos perperam ad Episcopalem Sedem conscendisse, verum etiam post penitentiam Episcopatu carere debuisse. Verba hæc sunt apud Anastasium Bibliothecarium, ex quibus Gratianæ lectio erit restituenda. Omnis ergo Episcopus, vel Presbyter, aut Diaconus conuictus, quod per pecuniam manus impositionem dederit, vel acceperit, a Sacerdotio decedit. Fortassis autem dicant aliqui, quia penitentiam agimus pro peccato, & Deus ignoscit illud: Ita, & ego dico, quia & omnes agentes penitentiam Deus suscipit, & indulget per penitentiam peccata, quæ jam patrata sunt. Novi enim, & David aliter depreßam, & homicidio, sed alia penitentia receptum, & Divino testimonio approbatum. Inveni David, inquit, filium Jesse, virum secundum cor meum, qui faciet omnes voluntates meas, & Sancta David Prophetie testimonium habentia. Perspicuum ergo est per penitentiam eum fuisse corruptum. Sed iterum novi audisse illum a Deo: Non tu edificabis mihi Domum, quia vir sanguinum est. Novi Manassæ per confessionem ad impietatem dimissum; novi & meretrices, & publicanos receptos per penitentiam; verum nullum ex his in Sacerdotali dignitate numeratum, nisi forte id ante Baptisma commiserit. (In posterioribus hisce verbis adnotarunt Romani Correctores Gratiani erratum, qui Tharassii verba ita interpretatus est, ut contrariam illi omnino sententiam affingeret). Novi & Monachos aliquot cum in Mundo essent, omni libidine conspurcatis, cum autem solitarie viverent tanquam facies in orbe resplenduisse, nullum tamen ex his in Sacerdotem ordinatum. Quod si autem id semel, atque iterum factum est, non tamen confestim Legem in Ecclesia præscribit. Scimus Sanctam Mariam prius meretricem fuisse, postea factam continentem, non tamen inter Diaconos relata est. Quorsum vero hæc dico, cum veritatis sermonem cognoscam, & eum, qui a Divinis Apostolis initiatus est, auster clamantem videam, quod quicumque per pecuniam ordinatus est Episcopus, aut Presbyter, aut Diaconus, alienus est a Sacerdotali dignitate, non enim Divini Spiritus gratia venditur. (Referuntur hæc ad canonem 28. ex Apostolicis, quos apud Græcos traditum erat, a Clemente Romano Apostolorum discipulo editos fuisse.) Caiphaicum hoc studium est, Simoniaca hæc machinatio, & aliena a Sacerdotali Sanctificatione. In fornicatione, aut adulterio si quispiam post Baptisma fuerit deprehensus, Divini canones illum ad Sacerdotium non admittunt, (refertur & id ad canones 16. & 24. ex apostolicis), quin etiam si quispiam promoveus ad Sacerdotium tale aliquid fecerit, confestim ejicitur. Omnis igitur vir, qui in penitentia perdurat, per bonitatem, & mansuetudinem Dei veniam peccatorum suorum obtinet, quem a nolui etiam in superioribus demonstravimus. Nevatum autem, & ejus impie heresis affectus anathematizo, utpote qui injurius sit adversus penitentiam, & mansuetudinem Dei. elevet. Quare ejus opinionis sum, ut consecrati recipiant.*

piendum Episcopum per pecunias ordinatum, modo paniteat; bonus enim Deus est in omnibus, & viscera ejus aperta sunt super omnem hominem penitentem, quem etiam in regnum suum inducit. Sed quoniam juxta Divinum Apostolum Episcopus inculpabilis esse debet, qui propter pecunias aliquem ordinar, aut ab aliis ordinatur, alienus est a sacerdotali dignitate, ut omnes novimus, quicumque Ecclesiæ alumni sumus. Huic Tharasio traditioni consonat canon 5. ejusdem Nicæni Concilii, ubi reprobatis simoniacis ordinationibus ita subditur: Si quis autem in ordinatione hoc quandoque fecisse visus fuerit, fiat, ut vult canon apostolicus, qui dicit: Siquis Episcopus per pecunias hanc sit dignitatem assequutus, vel Presbyter, vel Diaconus, deponatur & ipse, & qui ordinavit, & excludatur omnino a communione, ut Simon Magus a me Petro. Et secundus canon Sanctorum Patrum, qui Chalcedone convenerunt, qui dicit: Si quis Episcopus pecuniis ordinationem fecerit, & non venalem gratiam in emtionem deduxerit, & pecuniis ordinaverit Episcopum, vel Chorepiscopum, vel Presbyterum, vel Diaconum, vel aliquem eorum, qui in Clero enumerantur, vel in pecuniis promoverit OEconomum, vel Defensorem, vel Paramonarium (idest Curatorem prædiorum Ecclesiasticorum) vel omnino aliquem ex canone turpis lucri gratia: qui ad hoc adgressus esse convictus fuerit, proprii gradus id faciat periculo, & qui ordinatur ex ea ordinatione, vel promotione, quæ pretio dato instat mercaturæ saltâ est, nihil juvetur, sed sit alienus a dignitate, vel munere, seu curatione, quam pecuniis adsequutus est. Ex his, atque ex superius relatis Tharasio verbis Gratianus sine ordine composuit versic. Tharasio Patriarcha dixit usque ad illa verba, qui per seculares, quæ referenda sunt ad canonem 3. ejusdem Nicæni Concilii supra descriptum ad can. 7. dist. 63.

Canon 4. cau. 1. qu. 7. ex variis primæ actionis Nicæni Concilii fragmentis composuit est, quem propterea non aliter commodè expendi posse Romani Correctores observaverunt, quam si integra eadem actio legentium oculis subjiciatur. Ne vero valde prolixus alicui videar, neve alias a proposito meo recedam, perstringam paucis hujus actionis sententias, verba etiam referens, quæ ad Gratiani canonem pertinent, & a quibus Gratianus paullisper recessit ex interpretatione Anastasii Bibliothecarii. Ita exorditur. Conveniente Sancta, & universali Synodo, quæ per divinam gratiam, & piam sanctionem eorundem Deo confirmatorum Imperatorum congregata est in Nicænsium clara Metropoli Bithyniensium Provincia, idest Petro Reverendissimo Archiepiscopo Romæ Ecclesiæ, scilicet Apostoli Petri, & Petro Reverendissimo Presbytero Monacho, & Abbate Venerabilis Monasterii Sancti Sabbæ sitis, retinentibus locum Apostolicæ Sedis almi, & Sanctissimi Archiepiscopi senioris Romæ Hadriani, Tharasio almo, & Sanctissimo Archiepiscopo magni nominis Constantinopoleos novæ Romæ, Johanne, ac Thoma Reverendissimis Presbyteris, Monachis, & Vicariis Apostolicarum Sedium Orientalis Diæceses, Agapito Episcopo Casarea Cappadociæ, Johanne &c. Hic subjiciuntur nomina singulorum Episcoporum, aliorumque, qui ad Synodum convenerant, post quæ hæc sequuntur. Reverendissimi Episcopi Siciliæ dixerunt: (hæc verba perperam descripsit Gratianus). Dignum ducimus, & per omnia huic Sanctæ, & universali Synodo conveniens esse perspicimus, ut ad exquirendorum incubationem capitulorum Sanctissimus, & Summus, ac eximius Pastor, & Præsul Regiæ Constantinopoleos novæ Romæ procernum faciat, & ostium verbo aperiat, & quæ congrua sunt, vociferando pronunciet. Sancta Synodus dixit: fiat secundum postulationem Sanctissimorum Episcoporum: Juxta hæc exorsus est Tharasio, ac Concilii causas, & propositum palam exposuit. Interea verò ipsa Synodus permittendum.

Can. 4.  
cau. 1.  
qu. 7.

Tom. I.

H h h

ccn.

cenfuit Episcopis, qui in controverfia Sanctarum Imaginum a vera Fide defeciffie videbantur, ut in Concilii locum ingrederentur, & priftinum locum recuperarent, fi ab hærefi fe recelliffie profiterentur. Ex his tres fuerunt, Bafiliius Ancyre, Theodorus Myrorum, & Theodofius Ammorioi. Primus ita ex libello, quem fecum, professionis Fidei cauffa adulerat, legit Bafiliius Ancyre: *Legislatio eft Ecclefiaftica canonice tradita de furfum ab initio tam a Sanctis Apoftolis, quam a fuccelforibus eorum, Sanctis videlicet Patribus noftris, atque Magiftris, fed & Sanctis, & univerfalibus fex Synodis, feu localibus Conciliis, quæ hortodoxe collectæ funt, ut ab hærefi quacumque ad hortodoxam confeffionem, & traditionem Catholica Ecclefia converfi in fcriptis fuam abnegent hærefim, & Fidem confeftantur hortodoxam.* Poft quæ Bafiliius fidei profeflionem fecit, quæ præfertim falſus eſt, fe & traditiones Ecclefiafticas omnes, & præfertim Sacrarum Imaginum cultum fuſcipere. Eodem modo fidem profefſi ſunt Theodorus Myrorum, & Theodofius Ammonii; Quamobrem (ſunt verba in actione expreſſa) *Tharaſius Sanctiſſimus Patriarcha dixit: videtur vobis, ut recipiant Sedes ſuas? Reverendi Monachi dixerunt: Quemadmodum fuſceperunt Sanctæ, & univerſales Synodi ex hærefi converſos, & nos fuſcipimus. Sancta Synodus dixit: Placet omnibus nobis, & juſſi ſunt Reverendiſſimus Bafiliius Episcopos Ancyre, & Theodorus Reverendiſſimus Episcopos Ammorioi ſedere in gradibus, & ſedibus ſuis.* Poſt hos alii Epifcopi quamplures ad Concilium adducti ſunt ex iis, qui antea Sacras Imagines execrati fuerant, qui pœnitentiam profitebantur omnes, atque ex ignorantia ſe, Iconomachis faſiſſe adſerebant, allegantes peſſimo aliorum improborum magiſterio fuiſſe ſeducos. Quod audiens Conſtantinus (ſunt verba hæc Synodi a Gratiano corrupta) *Sanctiſſimus Episcopos Conſtantia Cypri dixit: oportebat vos, cum eſſetis Epifcopi, niſiendi nullam neceſſitatem habere, ſed Magiſtros eſſe potius aliorum.* Se ſe rurfum excuſabant converſi, agentes ſe a malis Præceptoribus fuiſſe deceptos. *Tharaſius Sanctiſſimus Patriarcha dixit: quoniam quidem dixiſtis malorum Magiſtrorum malas eſſe Doctrinas, Eccleſia ex malis Magiſtris Sacerdotes admittere non conſentis.* Hinc lexcitata diſputatio fuit, utrum omnes iſtiusmodi Epifcopi, & qua ratione recipiendi forent? Lecti ſunt ad eam rem nonnulli canones, ex quibus tamen Nicæni Epifcopi nihil concludere poterunt hæſitantes. Inter ceteros *Jobannes* (ſequuntur acta Concilii a Gratiano relata) *Deo amabilis Vicarius Apoſtolicæ Throni orientis dixit: Hæreſis ſeparat ab Eccleſia omnem hominem.* Deinde alii canones numero plures lecti ſunt, poſt quos ita Tharaſius pronuntiavit: *jam plurimi Canonici libri, & Synodici, atque paterni reſecti ſunt, & ex hæreſi converſos docuerunt nos recipere, niſi forte maligna in eis fuerit noxa reperta.* Hinc ceptum eſt in humaniorem ſententiam propendere, ut ſcilicet converſi Epifcopi benignè reciperentur. Propendere inter ceteros Legati Sedis Apoſtolicæ: Nam Petrus Deo amabilis præſbyter, & ita ſequuntur acta Synodi) & locum retinens Apoſtolicæ Cathedræ Hadriani Papæ Romæ dixit: *Hoc perſpicuum eſt; etenim Romæ in exilio erat Macarius hæreticus in ſexta Synodo miſſus, & quadraginta dies dedit ei ſpatium Sanctæ memoria Pater noſter Papa Benediſtus, & per ſingulos dies mittebat ad eum Bonifacium Conſiliarium ſuum, & commonitoriis verbis docebat eum ex Divina Scriptura, & nunquam voluit corrigi: Hoc autem faciebat, ut perſuaderet, & reciperet eum.* (Gratianus in poſtrems hiſce verbis referendis multum exceſſit, dum ſcripſerit: *ut reciperet eum in ordine ſuo.*) Rurſum alia exempla receptorum hæreticorum in Synodo propoſita ſunt: Ac Tharaſius Sanctiſſimus Patriarcha dixit: *quid dicitis de Anaſolio? Nenne Primas San-*



*De Synodi fuit? Et ecce a Dioscuro impio ordinatus est. Ergo & nos suscipimus eos, qui ab Hæreticis ordinati sunt, quemadmodum Agatholius est receptus. Et rursus; Vere von Dei est; quia non morietur filii pro Patribus, sed unusquisque suo peccato morietur, & quia ex Deo est consecratio. Alia quamplura hic adjecta sunt ad rem eandem confirmandam, post quæ ita legitur in actis Synodi: Tharaphus Sanctissimus Patriarcha dixit: Auditionem fecimus paternorum mandatorum. Quid ergo oportet? suscipitis ab Hæreticis ordinatos? Sancta Synodus dixit: etiam Domine audivimus, & oportet suscipere. Tharaphus Sanctissimus Patriarcha dixit: quin potius & plures eorum, qui in sexta Synodo confederunt, a Sergio, Pyrrho, Paulo, & Petro præceptoribus videlicet Hæreseos unam voluntatem in Christo prædicantium ordinati sunt, quoniam hi vicissim Constantinopoleos thronum sortiti sunt, & a Petro, qui ex his novissimus eidem throno præsedit usque ad sextam Synodum anni plus non transierunt, quam quindecim, & ipsi, qui intra hoc tempus fuerunt, Thomas, & Johannes, & Constantinus Pontifices in prægnato tempore, idest dum hi, qui Hæretici nominati sunt extitisse noscuntur, & propterea non sunt improbi; per quinquaginta enim annos tunc hæresis perduravit; sed sexta Synodi Patres ipsos quatuor anathematizaverunt, quamquam ordinatio eorum essent. Sancta Synodus dixit: clarum est. Constantinus Sanctissimus Episcopus Cypri dixit: sufficienter ostensum est honorabilissimi fratres, & de hoc, quia qui ab Hæreticis accedunt, suscipiendi sunt; Siquis autem studio ad Hæreticum ierit, & susceperit Ordinationem, sine receptione sit. Ad hanc eandem rem confirmandam edita est S. Basilii Epistola ad Nicopolitas, ubi asseritur eos rejiciendos esse, qui fuerint ab Hæreticis ordinati. Ad hæc Tharaphus Sanctissimus Patriarcha dixit: & ego execror eos, qui ob hujusmodi causam, & fidei destructionem sunt ordinati; & maxime si Episcopi orthodoxi præsentess fuerint, a quibus poterant consecrari; sic enim est paternus sensus. Sin autem Synodica promulgatio, & concordia Ecclesiarum causa orthodoxia falsa fuerit, qui præsumserit a prophanis Hæreticis ordinari, depositioni succumbet. Sancta Synodus dixit, hoc justum judicium. Hæc est integra actio prima hujus Nicænæ Synodi paucis perstricta, atque ex interpretatione Anastasii eidem verbis relata, in quibus a Gratiano valde depravata, & interfecta laudatur.*

In canone 3. cau. 9. qu. 3. exhibetur canon 11. ex Nicænæ juxta versionem. *Can. 3. Anastasii. Clarius videntur interpretati fuisse alii ex Græcis exemplaribus. Cum cau. 9. omnes divinos canones servare teneamur, cum quoque, qui jubet aconcomos esse in singulis Ecclesiis (is est canon 26. Concilii Chalcedonensis) illasum omnino servare debemus. Et siquidem unusquisque Metropolitanus in sua Ecclesia aconcomum constituit, bene habet, sin minus Constantinopolitano Episcopo speciali auctoritate licebit aconcomum in ejus Ecclesia præficere. Similiter & Metropolitanis, siqui eis subsunt Episcopi nolint in suis Ecclesiis aconcomos constituere. Hoc ipsum autem servari etiam in Monasteriis oportet.*

*Canon 19. cau. 12. qu. 2. consonat cum Græcis exemplaribus juxta omnium interpretationem, dummodo claritatis ergo pro illis verbis, nec si principibus legamus cum Anastasio, nec sic principibus, vel cum aliis recentioribus, cau. 12. nec sic quidem principibus. Atque ut commode quis hunc canonem explicet, animadvertet prudens Interpretes abusum octavi sæculi, quo nobilibus favore, facile erat ad dignitates Ecclesiasticas promoveri, non quidem ex Ecclesiarum utilitate, sed potius passione inita inter nobiles, & promovendos, futurum, ut promoti nobilibus ipsis Ecclesiasticæ Bona concederent. Intererat autem Ecclesiarum, ne hujusmodi ordinationes fierent, quibus simoniaca promissione accedente,*

Ecclesiarum jura diminuebantur. Quum vero & de Principibus sermo instituatur in canone, dicaturque irritam esse concessionem rerum Ecclesiasticarum illis ab Episcopo factam memoratis ex causis, agnoverunt Nicæni Patres id sapientissimorum Principum voluntati congruere, qui quemadmodum illorum hæreditates capere noluerunt, a quibus litis promovendæ causæ, & premendi adversarium instituti fuissent, ita nec facile receperunt ea bona, quæ sibi simoniz causæ fuissent concessæ; dedecet enim non minus simoniz patrocinium, quam calumniz facultatem ex Principali Majestæte capi, quemadmodum edisserit Paulus in l. penult. ff. de hæred. instituendis.

Canon 64. cau. 16. qu. 1. idem est cum canone 4. ex Nicænis juxta Anastasianam versionem, a qua minime differunt, nisi verbo tenus, aliorum interpretationibus. Quædam tamen omisit Gratianus, quæ in hoc loco arbitror describenda; etenim post illa verba: *Sed parentes filiis*, ita Anastasius sequitur: *Quisquis ergo propter exactionem auri, vel alterius cujuslibet speciei, aut propter proprium vitium inventus fuerit coercens a ministerio, vel sequestrans aliquem Clericorum, qui sub se degunt, aut venerabile templum claudens, ne in eo Dei ministeria celebrentur, ad infensata suam transmittens insaniam, insensatus veraciter est, ac per hoc simili pænæ eo subiecto convertatur dolor ejus in caput ejus, ut in transgressorem mandati Dei, & mandatorum Apostolicorum; præcipit enim & Petrus &c.*

Canon 21. cau. 18. qu. 2. prout in recentioribus Gratiani Codicibus legitur idem est cum canone Nicæno juxta interpretationem Anastasii, dummodo tamen pro particula *si* legatur non in illis verbis: *Adulterium enim intercipit cohabitationem. Non habeat alium Monachus &c.* In reliquis observandæ sunt Romanorum Correctorum adnotationes.

Canon 5. cau. 19. qu. 3. a Correctoribus Romanis ita restitutus est ad fidem optimorum exemplarium, ut nihil amplius desiderandum videatur. Consonat ille cum Anastasiana versione Nicæni canonis 13. Verum non desunt aliorum interpretationes Græcorum Codicum, juxta quos paullo aliter habentur priora canonis verba, in quibus non præcipue de ædibus Episcopalibus, aut monasticis sermonem institutum fuisse adparet, sed potius de Ecclesiis, sive Templis ibi: *Quoniam per eam, quæ fuit propter peccata nostra in Ecclesiis, calamitatem, sacrosanctæ quædam ædes a quibusdam viris arreptæ sunt, & Episcopatus, & Monasteria, & facta sunt communia diversoria &c.*

Canon 1. cau. 21. qu. 1. consonat cum can. 15. ex Nicænis, ac præsertim si cum eo Anastasii interpretationem conferamus. Ceterum Romani Correctores nonnulla ad integram ejusdem canonis lectionem utilia observarunt.

Petierant Græci in septima Synodo, ut quidam canones in Pseudosynodo Trullana editi confirmarentur, ii videlicet, qui disciplinæ Ecclesiasticæ utiles videbantur. Hujusmodi visus erat canon 27. ex Trullanis relatus in can. 2. cau. 21. qu. 4., confirmatus propterea est in can. 16. Nicæno, quem Gratianus descripsit in can. 1. cau. 21. qu. 4., cujus verba omnino consonant cum Anastasii interpretatione. Quod si quæratur, quid significant ea verba, *epitimis tradi, & per episcopium corrigi*, dixerim nihil aliud illis exprimi, quam pœnis Episcopo arbitrariis afficiendos esse, quemadmodum deducitur ex aliorum interpretationibus, qui scripserunt *pœnis coerceri*. Porro in Concilio Trullano pœna præfinita fuerat, qua Clericus delinquens per unam hebdomadam ab officio suo suspendebatur.

Canon 18. cau. 22. qu. 4. referendus est ad actionem 4. Nicænæ hujus Synodi. Ibi sacrarum imaginum causa versabatur; atque cum jam Episcopi omnes pro imaginum cultu stabiliendo sententiam suam declarassent, modos excogitabant, quo omnibus cultum eundem suaderent, atque decernerent. Interea mota controversia de illis fuerat, qui se nunquam veneraturos sacras imagines jurejurando sponderant, & ad eam rem propositum fuit Sancti Patris Sophronii exemplum de Monacho quodam Olivetano, qui dæmoni roganti jurejurando promiserat de quadam B. Mariæ imagine non colenda, futurum enim sperabat, ut amplius a dæmone eo pacto non vexaretur, quemadmodum & sponsonem acceperat. Verum juramentum minime implevit, laudatusque fuit, quod seni cuidam Monacho indicaverit, atque eidem imagini cultum exhibere perseveraverit. His in Synodo lectis ita sequitur ex Anastasii interpretatione: *Johannes reverendissimus Monachus Presbyter, & Vicarius Orientalium Pontificum dixit: Et aliud significat sermo Patris nostri Sophronii, quia expedit ei, qui juravit magis perjurare, quam omnino servare jaszurandum in destrutionem venerabilium imaginum. Hoc autem dicimus, quoniam quidam hodie excusant se propter juramentum. Tharastus Sanctissimus Patriarcha dixit: Quoniam sciebat bonitatem Dei, quia pœnitentes suscipit, ideo disposuit transgredi impium juramentum. Et nunc qui in hæresi ista juraverunt, siquidem aliud peccatum non fecerunt, rationabilis eis est excusatio, & non habent, quod dicant; nam si in aliis peccata incidunt, debent Deum placare, & obsecrare de remissione illiciti juramenti. Theodorus sanctissimus Episcopus Subritensium dixit: Princeps Apostolorum Petrus negavit, sed alia pœnitentia receptus est. Tharastus sanctissimus Patriarcha dixit: Herodes non perjuravit, sed periit; at vero Petrus negavit cum juramento, deinde foras egressus, & lacrymatus, salvus factus est. Omne quippe peccatum benignus Deus ignoscit, si ex tota anima quis pœnitentiam gesserit. Sancta Synodus dixit: Etiam Domine, sic nos sancta Scriptura docet. Et post pauca. Leo sanctissimus Episcopus Phociæ dixit: Scriptum est, quia juramentum mendax ne diligatis, & bujus rei gratia mendax juramentum nostrum parvipenditur, tanquam nullam fortitudinem habens. Ex his & restituenta erit, atque emendanda lectio Gratiani.*

Canon 28. de conf. dist. 3. habetur. in actione 6. ejusdem Nicæni Concilii, in qua refertur integrum Conciliabulum Iconomachorum, & analitice refutatur sex tomis, sive opusculis adversus illud editis. In tomo autem 2. quum referretur illius Pseudosynodi sententia, qua Iconomachi Catholicos tanquam Idolis servientes redarguebant, ita e contrario Nicæni Patres scripserunt. *Itaque sanctas imagines Christiani neque Deos nominarunt, neque spem salutis sue in eis aliquando habuerunt, neque ab illis expectant futurum judicium, nisi ad recordationem, & munimen eas habentes, & amore circa illarum Principalia flagrantes, has & amplexi sunt, & honoranter adoraverunt; non tamen divina his servitutis, vel cultus officium impenderunt, (abest calumnia), sed neque aliis quibuslibet rebus.*

Can. 18.  
cau. 22.  
qu. 4.

Can. 28.  
de conf.  
dist. 3.

## CAPUT

## CAPUT XLIV.

## De Concilio Compendiensi.

Hoc nomine laudantur apud Gratianum tria hæc Capitula.

- { *Can. 3. cau. 33. qu. 1. varius in diversis exemplaribus.*  
 { *Can. 3. cau. 33. qu. 5. consonat cum vulgatis Concilii exemplaribus.*

~ *His additur can. 4. cau. 6. qu. 3. ex Capitulis Karolomanni anni 882.*

*Can. 3.  
cau. 33.  
qu. 1.*

**S**uperius, ubi egimus de Concilio Vermeriensi, animadvertimus Concilium Compendiense sæpius a Collectoribus canonum nomine Concilii Vermeriensis fuisse laudatum. Illud est Compendiense Concilium anni 756, vel, ut aliis placet, anni 757. sub Paulo I. Pontifice Maximo, & Rege Pipino in Gallia in Diocesi Suessoniensi in Compendio Palatio, quod nunc *Compiègne* appellatur, celebratum, in quo Pipinus idem simul cum Episcopis Regni, toto insuper populo conveniente interfuit. Huc pertinet apud Gratianum canon 3. cau. 33. qu. 1., cujus verba habentur in can. 17. Concilii, ibi: *Siquis accepit mulierem, & habuit ipsam aliquo tempore, & ipsa sæmina dicit, quod non mansisset cum ea, & ille vir dicit, quod hæc fecit, in veritate viri consistat, quia caput est mulieris. De muliere quæ dicit, quod vir suus ei commercium maritale non reddidit, Georgius consensit.* Hanc tamen canonis editionem, quæ apud Baluzium habetur, ego non satis integram arbitror, eidemque Gratianeam antefereendam esse. Quid enim illa verba posteriora significant: *De muliere quæ dicit, quod vir suus ei commercium maritale non reddidit, Georgius consensit?* Hæc omittuntur non solum apud Gratianum, verum etiam apud Reginonem lib. 2. cap. 244., & Collectores Reginone posteriores. Quamobrem ego reor verba illa: *De muliere quæ dicit, quod vir suus ei commercium maritale non reddidit,* e margine in textum fuisse translata; forte enim ad marginem adscripta fuerant, ut indicaretur, quænam materies ibidem pertraheretur, quemadmodum in inscriptionibus canonum etiam in recentioribus Codicibus fieri solet. Excipienda forte sunt postrema verba: *Georgius consensit,* quæ sicut in aliis ejusdem Concilii Canonibus subjiciuntur, videlicet 9., 11., 12., 13., & 18., ita potuerunt etiam adjici in canone 17. Erat Georgius Romanus, & Episcopus a Summo Pontifice Stephano apud Pipinum Apostolicus Legatus, quemadmodum deducitur ex Epistolis Stephani Papæ ad eundem Regem, qui cum aliis pluribus Gallicanæ Ecclesiæ Concilii auctoritate Apostolica præsedisset, teste Hincmaro in Epist. 37. ad Rodolphum, & Frotarium Metropolitanos Aquitanicæ cap. 5., ita facile Concilio huic Compendiensi præsidere potuit, ac propterea mirum videri non debet, si ad finem plurium canonum in eadem Synodo definitorum, dicatur Georgius consensisse, quasi ad significandum, canones illos fuisse Apostolica auctoritate a Legato Pontificio confirmatos.

*Can. 3.  
cau. 33.  
qu. 5.*

In eodem Compendiensi Concilio cap. 3. legitur canon 3. cau. 33. qu. 5., ubi tamen pro illis verbis, *sine licentia legendum est sine comæasu,* quæ phrasis idem apud

apud Auctores medii zvi significabat, ac placitum, sive, ut hodie vulgo dicunt, licentiam.

Posterioris sane temporis est Concilium illud, ex quo Gratianus laudavit canonem 4. cau. 6. qu. 3., est enim is ex Capitulis Karlomanni editis anno 882. Can. 4.  
cau. 6.  
qu. 3. Tria ejusdem temporis Karlomanni Capitula constituta scimus coram Episcopis Gallicanis: Primum apud Carisiacum, alterum in Broilo Compendii, tertium in Palatio Verneſi, atque in postremis duobus de furto ac rapina actum est; quoniam enim, ut dicitur in cau. 6. tertii Capituli, plures erant, qui dum venirent ad unius Episcopi Parochiam, vel ad Curtem Regis, vel in aliam Duceſum aliena bona diripiebant, statutum fuit, ut liceret Episcopis, in quorum Diceceſi furum admiſſum fuiſſet, illos raptoreſ, licet alteri Episcopo ſubjectoſ, poſt admonitionem excommunicare; hinc rogati ſunt Episcopi omneſ, ne moleſte, aut graviter ferrent, ſubditoſ ſuoſ rapinaſ admittenteſ ita ab extraneis Episcopis excommunicari, quemadmodum habetur in dicto canone 4. cau. 6. qu. 3., qui hiſce verbis exprimitur in canone 8. memorati tertii Capitulariſ: *Placuit nobiſ pro comuni utilitate, & inſtanti neceſſitate, ut nulluſ Episcoporum graviter ferat, ſi ejuſ Parochianuſ pro hujuſmodi cauſa depradationiſ alter Episcopuſ excommunicaverit. Melius itaque canon 4. Gratianeuſ laudandus erat nomine Capitulorum Karlomanni, aut nomine Concilii in Verniſ palatio celebrati, quam Concilii Compendienſiſ; quamquam tamen in eo venia danda ſit Gratiano, & qui eum antecceſſerunt, Colleſtoribuſ, qui forteſſe putaverunt Capituluſ tertiuſ Karlomanni in eodem loco edituſ fuiſſe, in quo edituſ fuerat ſecunduſ, ac propterea apud Compendiuſ in Broilo, ex quo Compendienſiſ Concilii nomen emerſit.*

## A P P E N D I X.

### De Canone 19. cau. 32. qu. 7.,

Quem nomine cujuſdam Concilii Gratianuſ laudavit.

**A**D Concilium Compendienſe anni 757. referenduſ eſt canon 19. cau. 32. qu. 7., quem Gratianuſ memoravit nomine cujuſdam Concilii, quin indicaret ſpecialiter, undenam fragmentuſ hujuſmodi excerptiſſet. Habetur ille in canone octavo dicti Concilii Compendienſiſ hiſ verbis: *Siquiſ homo habet mulierem legitimum, & frater ejuſ adulteraviſ cum ea, ille frater, vel illa ſamina, qui adulteriuſ perpetraverunt, interim quo vivunt, nunquam habeant conjugiuſ. Ille, cujuſ uxor fuit, ſi vult; poteſtatem habeat accipere aliam. Probatuſ hoc Capituluſ fuit auctoritate Pipini Regiſ, qui apud Compendiuſ, uti diximuſ, ſolemnia totiuſ populi comitia indixerat; relatuſque etiam illud fuit in lib. 5. Capitulariuſ cap. 21. in editione Pariſienſi anni 1677.*

## CAPUT XLV.

## De Capitulis Hadriani Papæ, quæ &amp; aliquando nomine Concilii Romani laudantur apud Gratianum.

Modo nomine Capitulorum Hadriani Papæ, modo nomine Romani Concilii memoravit Gratianus sequentes Canones.

- Can. 3. cau. 2. qu. 3. jungendus cum can. 18. cau. 3. qu. 6.
- Can. 4. cau. 2. qu. 3. consonat etiam cum can. 75. Eliberitano.
- Can. 40. cau. 2. qu. 6. consonat cum Francorum Capitularibus, & Aniani interpretatione.
- Can. 50. cau. 2. qu. 7. consonat cum l. 41. Cod. Theodof. de Episc. & Clericis.
- Can. 53. cau. 2. qu. 7. de servis potius, quam de Monachis intelligendus.
- Can. 7. cau. 3. qu. 5. relatus inter Francorum Capitularia.
- Can. 16. cau. 3. qu. 6. ad meliora exemplaria redigendus.
- Can. 18. cau. 3. qu. 6. jungendus cum can. 3. cau. 2. qu. 3.
- Can. 1. cau. 3. qu. 7. pertinet ad Epistolam Felicis Papæ a Mercatore confilam.
- Can. 2. cau. 3. qu. 11. ex vetere interprete Codicis Theodosiani.
- Can. 4. cau. 4. qu. 6. jungendus cum can. 1. cau. 3. qu. 7.
- Can. 1. cau. 5. qu. 1. consonat cum libris Francorum Capitularium.
- Can. 1. cau. 5. qu. 3. pertinet ad Epistolam Felicis Papæ a Mercatore confilam.
- Can. 2. cau. 5. qu. 3. consonat cum Decretalibus Epistolis Mercatoris.
- Can. 1. cau. 5. qu. 6. relatus in Codicem Capitularium Francorum.
- Can. 5. cau. 5. qu. 6. referendus est ad leg. 2. Cod. Theodof. de petitionibus.
- Can. 2. cau. 6. qu. 1. consonat cum decretalibus Isidori Mercatoris.
- Can. 6. cau. 6. qu. 1. consonat cum sententiis Isidori Mercatoris.
- Can. 48. cau. 11. qu. 1. consonat cum sententiis Isidori Mercatoris.
- Can. 49. cau. 11. qu. 1. consonat cum sententiis Isidori Mercatoris.
- Can. 3. cau. 15. qu. 4. consonat cum pluribus capitibus Conciliorum mediæ ætatis.
- Can. 11. cau. 25. qu. 1. ex melioribus Codicibus emendandus.

**D**Uæ vulgo exhibentur Collectiones Hadriano I. Pontifici Maximo tributz. Prior appellatur: *Epitome Canonum*, quam Hadrianus Summus Pontifex hoc nomine primus Carolo Magno Romæ obtulit anno Domini 773. in hac in primis habentur sententiæ brevitate canonum Apostolorum numero 45. ; deinde canones 24. Ancyran, 15. Neocesarenses, 20. Gangrenses, 25. Antiocheni, 58. Laodicensi, 21. Sardicenses, 23. Carthaginenses, & alii ex diversis Africanis Conciliis numero 105. De hac Collectione sermo non est in præsentia, quum ex ea nihil omnino habeamus apud Gratianum. Posterior hoc nomine circumfertur: *Hadriani Papæ Capitula*, quæ ex Græcis, & Latinis Canonibus, & Synodis Romanis, atque Decretis Præsulum Romanorum sparsim collecta sunt, & Ingilrammo Mediomatrice Urbis Episcopo Romæ a B. Hadriano Papa tradita, sub die 13. Kalendas Octobres, indictione 9., quando pro sui negotii causa agebatur. Collectio hæc modo Romanum Hadriani Concilium, modo

modo Hadriani Capitula, modo Hadriani Decretum apud Gratianum dicitur. Verosimilius autem est, quod eruditissimi viri tradunt revera Hadriani illam non esse. Antonius Augustinus elegantissimas adnotationes eisdem Canonibus adiecit, sed de rei veritate visus est dubitasse, dum scripsit: *De Hadriani Papæ Decretis sumtis, ut ajunt, ex Græcis, & Latinis Canonibus, & Synodis Romanis, atque Decretis Præfulem, ac Principum Romanorum, & traditis Ingelramno Mediomatricis Urbis Episcopo 13. Kalendis Octobris indictione 9. anno Christi 785., ut suspicor.* Alii non ab Hadriano elucubratam asserunt collectionem, & Ingelramno traditam; sed potius e converso ab Ingelramno factam, vel, ut ajunt, ab Agilramno, & Hadriano Pontifici oblatam. Sane referunt in quodam Codice MS. vetustissimo Bibliothecæ S. Victoris Parisiensis hanc adesse eisdem Capitulis inscriptionem: *Incipiunt Capitula collecta ex diversis Conciliis, sive Decretis Pontificum Romanorum ab Agilramno Metensi Episcopo, & Hadriano Papæ oblata.* Natalis Alexander tom. 13. Histor. Ecclesiast. pag. 54. scribit eundem titulum præferre aliud MS. optimæ fidei, & venerandæ antiquitatis Monasterii Lætiensis. Præter horum MSS. fidem ad hanc eandem rem faciunt plures, & quidem gravissimæ conjecturæ. Siquidem, ut diximus, Hadrianus Papa jam pridem Carolo Magno collectionem sacrorum canonum obtulerat, in qua tamen nullum inseruit ex iis Decretis, quæ in hisce Capitulis continentur, imo nec ullum istorum Decretorum, sive Capitulorum fragmentum, sed tantummodo Codicem illum, quem Romana Ecclesia a Dionysio Exiguo acceperat. Porro hæc collectio Capitulorum ut plurimum constat ex monumentis apocryphis, videlicet de promissis ex Isidoro Mercatore, quæ intererat Agilramni Romæ ad suæ causæ defensionem adferre. Quod facile innuitur ex vulgata Capitulorum istorum inscriptione, in illis verbis: *Quando pro sui negotii causa agebatur.* Etenim Agilramnus facile noverat sibi plurimum favere Isidorianas merces, quas propterea collectas Pontifici Maximo obtulit, veluti Judici in causâ sua. Atque etiam exinde percipimus, quænam istiusmodi capitibus reverentia debeatur; licet enim aut Hadriano Papæ accepta quodammodo esse potuerint, & in Francorum Capitularia rediit, tamen ideo probata ab initio fuisse videntur, quod creditum fuisset genuina, & germana in ipsis capita contineri, quemadmodum in integra Isidori collectione. Quamobrem eadem erit penes me collectionis hujus opinio, qualis est illorum canonum, qui ab Isidori Mercatoris Codice in alias posterioris temporis collectiones fuerunt translati.

In capite 52. alias 48. hujusce collectionis leguntur canones 3. cau. 2. qu. 3. & can. 18. cau. 3. qu. 6. his verbis: *Qui crimen objicit, scribat se probaturum verum, & ibi causa agatur, ubi crimen admittitur, ut qui non probaverit, quod objicit, penam, quam intulerit, ipse patiatur.* Hæc eadem verba de promissa videntur ex Epistola Fabiano Pontifici a Mercatore tributa, quemadmodum constat, quoties cum iis conferatur canon 1. cau. 3. qu. 6. Relata hæc sunt in librum 7. Capitularium Francorum cap. 365., consonantque cum l. 11. Cod. Theodosiano de accusationibus, & inscriptionibus.

In cap. 62., alias 57. habetur canon 4. cau. 2. qu. 3. his verbis: *Siquis Episcopum, aut Presbyterum, aut Diaconum falsis criminibus appetierit, & probare non potuerit, nec in fine dandam esse communionem.* Legunt alii: *Nisi in fine dandam ei non esse communionem.* Hic omnino consonat cum canone 75. Concilii Eliberitani, nec non cum can. 24. Concilii Arelatenfis II., idest cum can. 2. cau. 3. qu. 10.

Can. 40.  
cau. 2.  
qu. 7.

Can. 40. cau. 2. qu. 6. emendandus est ex capitulo 44., alias 41. his verbis: *Si quando in causa capitali, vel in causa status interpellatum fuerit, non per procuratores, sed per ipsas est agendum.* Gratianus in inscriptione hujus canonis habet: *Hadrianus Papa ait in Capitulis a se collectis*, ex quibus adparet Gratianum, si ejus est hzc inscriptio, sensitse revera hzc Capitula Hadriano Pontifici esse tribuenda. Eadem verba translata sunt in librum 7. Capitularium cap. 357., atque deprompta ex interpretatione Aniani ad titulum 35. libri 5. sententiarum Pauli.

Can. 50.  
cau. 2.  
qu. 7.

Quod nomine Romanæ Synodi descripsit Gratianus in can. 50. cau. 2. qu. 7. habetur inter capitula Hadriani Papæ cap. 24., alias 22. his verbis: *Siquis Episcopus, Presbyter, aut Diaconus, vel quilibet Clerici apud Episcopos, quia alibi non oportet, a qualibet persona fuerint accusati, quicumque fuerit ille, sive sublimis vir honoris, sive ullius alterius dignitatis, qui hoc genus illaudabilis intentionis arripuerit, noverit docenda probationibus, monstranda documentis se debere inferre.* Siquis vero circa hujusmodi personas non probanda detulerit, auctoritate hujus sanctionis intelligat se jacturam infamie propriæ sustinere, ut damno pudoris, existimationis dispendio, discat sibi aliena verecundia impune infamari saltem de cetero non licere, sed qualem fratri paraverat damnationem, talem in se suscipiat. Hæc eadem verba leguntur in lib. 7. Capitularium cap. 438., atque jam Isidorus Mercator descripserat in Epistola ad Orientales, quam Sixto III. adtribuit. Fertur ibi Sixtus Papa accusatus fuisse a Basso de vi illata in virginem quandam, quæ ut proponeretur accusatio, Concilium Romanum celebratum fuerat sub Valentiniano Augusto, ubi cum Bassus in probatione defecisset, rejeßus est, & tanquam conviciator damnatus, unde suborta fuit occasio decernendi, ut unusquisque accusator teneatur ad eorum, quæ objiciat, probationem. Verba Sixto III. tributa in ea Epistola hæc sunt: *Scitote me criminari a quodam Basso, & injuste persequi. Quod audiens Valentinianus, Augustus nostra auctoritate Synodum congregari jussit, & factò Concilio cum magna examinatione satisfaciens omnibus, licet evadere satis aliter non potuissem, suspicionem tamen fugiens, coram omnibus me purgavi, me scilicet a suspitione, & emulatione liberans, sed non aliis, qui noluerint, aut sponte hoc non elegerint faciendo, formam exemplumque dans, cum scriptum sit: Siquis crimen objicere voluerit, scribat se prius probaturum, & alibi: Criminatores adversus doctorem nemo recipiat: & iterum: Siquis Episcopus, Presbyter, aut Diaconus, vel quilibet Clerici apud Episcopum a qualibet persona fuerint accusati, quicumque fuerit, sive ille sublimis vir honoris, sive ullius alterius generis persona, qui hoc genus illaudabilis intentionis arripuerit, noverit docenda probationibus, monstranda documentis se debere inferre.* Sane Gratianus, & Collector Capitulorum Hadriani nonnulla ex his immutarunt, ac corruperunt; nisi forte dicere velimus verba Gratiani, aut alterius Collectoris referenda esse ad aliam Epistolam decretalem falso tributam Cajo Papæ ab Isidoro Mercatore, in qua hæc leguntur: *Siquis Episcopus, Presbyter, aut Diaconus, vel quilibet Clerici apud Episcopos (quia alibi non oportet) a qualibet persona, quæ rite accipienda est, fuerint accusati, quicumque fuerint, sive ille sit sublimis vir honoris, sive ullius alterius dignitatis, qui hoc genus illaudabilis intentionis arripuerit, noverit probationis documenta se debere inferre.* Sunt hæc omnia apocrypha, atque a Mercatore conficta. Siquis potius optaverit ad meliores Codices, sive capitulum Hadriani, sive Gratiani canonem redigere, opus erit in medium adferre legem 41. Codice Theodof. de Episcopis, & Clericis anni 412. auctore Honorio Augusto his verbis: *Clericos non nisi apud Episcopos accusari convenit. Igitur si Episco-*



*Episcopus; vel Presbyter, Diaconus, & quicumque inferioris loci Christianæ legis minister apud Episcopum (siquidem alibi non oportet) a qualibet persona fuerint accusati, siue ille sublimis vir bonoris, siue ullius alterius dignitatis, qui hoc genus laudabilis intentionis arripit, noverit docenda probationibus, monstranda documentis se debere inferre &c.*

Canon 53. cau. 2. qu. 7. habetur in cap. 31., alias 29. Hadriani, in quo notanda est varietas lectionis; ubi enim Gratianus legit *interdicti*, in eo capitulo habetur: *interdicti*. Gratianus hoc caput de Monachis intellexit; cum tamen non Monachorum, sed mortuorum fiat mentio, voce hac symbolice usurpata. Ceterum si integer canon legatur, qualis habetur in cap. 440. Capitularium Francorum lib. 7., non de Monachis agi, sed de servis ibidem intelligemus; postquam enim cautum est illic, ne servi accusent eos, cujus potestati subjiciuntur, hæc sequuntur: *Vocem enim funestam potius interdicti, quam audiri oportet. Eorum vero accusandi Sacerdotes, vel testificandi in eos os obstruimus, quos non humanis, sed divinis vocibus mortuos esse scimus; quæ verba plurimum consonant cum leg. 3. Cod. Theodosi. Ne præter crimen Majest. Refert hæc Gratianus idem in 3. parte quæst. 11. cau. 3.*

Nomine Synodi Romanæ habitæ sub Hadriano refertur canon 7. cau. 3. qu. 5., pertinet autem ad caput 11. inter capitula his verbis expressum: *Accusationes, & accusatores, atque ea negotia, quæ seculares non adsciunt leges, divina, ac synodica sanctius a Clericis repelli auctoritate censemus; quia indignum est Superiores, pati ab inferioribus, quæ inferiores ab eis pati despicunt.* Hæc eadem verba relata sunt in librum 7. Capitularium cap. 307., & inter capitula Herardi Turonensis cap. 102., ceterum deprompta sunt ex pluribus Epistolis, quas Ildorus Mercator vetustissimis Pontificibus adscripsit, ex quibus Ingelramnus, uti diximus, ferme omnia sua Capitula exceperit.

Rursus Romanæ Synodi nomine refert Gratianus canonem 16. cau. 3. qu. 6. Habetur autem in pluribus Hadriani capitulis. In cap. 5. prope finem hæc leguntur: *Neminem ergo exhiberi de Provincia ad Provinciam, vel ad comitatum oportet, nisi ad relationem judicis, ad quem fuerit appellatum, idest ut aliorum semper rei forum sequatur.* Verba hæc deprompta fuerunt ex 2. Epistola Felici Papæ a Mercatore tributa. In capite 9. apud Hadrianum hæc habentur: *Salvo Romanæ Ecclesiæ in omnibus Primatu, manifestum est, quod illa, quæ sunt per unamquamque Provinciam, ipsius Provinciæ Synodus dispense, sicut in Nicæno constat decretum esse Concilio.* Videntur hæc deprompta fuisse ex canone 2. Concilii Constantinopolitani, ubi tamen paullo aliter eadem sententia exhibetur ibi: *Servata vero, quæ descripta est de gubernationibus regula, manifestum est, quod illa, quæ sunt per unamquamque Provinciam, ipsius Provinciæ Synodus dispense, sicut Nicæno constat decretum esse Concilio.* Quæ constituto refertur ad canonem 5. Concilii Nicæni, in quo tempora Provincialium Synodorum ad dirimendas Ecclesiasticas controversias definita fuerunt. Sequitur capitulum 10. in collectione Hadriani his verbis: *Ultra Provinciæ terminos accusandi licentia non progrediatur. Omnis accusatio intra Provinciæ audiatur, & a Provincialibus terminetur.* Jam animadverterunt Romani Corredores apud Gratianum adjecta fuisse verba illa, *nisi Prælatus sit, qui accusatur*, quæ apud Hadrianum, imo & in antiquis Gratiani exemplaribus desiderantur, ut facile suspicari possumus a quodam studio ad marginem primum adposita fuisse juxta receptam aut sui temporis, aut suæ Provinciæ disciplinam, e margine deinde in textum ipsum fuisse

translata. Eadem sententiâ relata est in librum 6. Capitularium cap. 381. ibi: *Omnis accusatio intra Provinciam audiatur, & a Comprovincialibus terminetur. Ultra Provincie terminis accusandi licentia non progrediatur.*

Can. 1. In capite 5. apud Hadrianum hæc habentur: *Sancta Synodus Romana dixit: hæc*  
 cau. 3. *sunt, quæ deinceps propter malorum hominum insidias, qui in Ecclesiam, & Ecclesiasti-*  
 qu. 7. *cas indifferenter seviunt viros, conservari firmiter volumus in secula. Siquis Episco-*  
 & cau. 4. *pus &c. & post multa: Quod si accusatorum persone in iudicio Episcoporum culpabiles*  
 cau. 4. *adparuerint, ad arguendum non admittantur, nisi proprias habuerint causas, non tamen*  
 qu. 6. *criminales, vel Ecclesiasticas; insamis enim persona nec procurator potest esse, nec cogni-*  
 tor. Postrema hæc verba nomine Sanctæ Romanæ Synodi retulit Gratianus in can. 1. cau. 3. qu. 7., & in can. 4. cau. 4. qu. 6. ibidemque nomine Synodi Romanæ illa intelligitur, quam effinxit Isidorus Mercator, tempore Felicis Papæ fuisse celebratam, cui tribuuntur illa eadem, quæ nuper retulimus verba in Epist. 2. Felicis apud eundem Mercatorem.

Can. 3. In capite 33. alias 31. apud Hadrianum legitur canon 3. cau. 3. qu. 11., eisdem  
 cau. 3. omnino verbis, dummodo pro postrema illa voce *professio*, scribamus, *confessio*.  
 qu. 11. Relata hæc sunt in librum 7. Capitularium Francorum cap. 324., videnturque deprompta ex Epistola 2., quam Isidorus Mercator adscriptis Papæ Stephano, revera autem edita sunt a vetusto interprete Codicis Theodosiani ad legem 12. de accusatione. & inscriptionibus, quæ in editis ejusdem Codicis exemplaribus legi ipsi subiecta est.

Can. 1. Canon 1. cau. 5. qu. 1. habetur in cap. 50, alias 46. apud Hadrianum his ver-  
 cau. 5. bis: *Qui in alterius famam in publico scripturam, aut verba contumeliosa confinxerit,*  
 qu. 1. *& repertus scriptæ non probaverit, flagelletur, & qui ea prius invenerit, rumpat, si non vult auctoris facti causam incurere.* Hic canon relatus est in caput 361. libri 7. Capitularium Francorum.

Can. 1. In eodem capitulo 5. apud Hadrianum incipiente S. Romana Synodus dixit, ex  
 cau. 5. qua diximus depromptos fuisse canones 1. cau. 3. qu. 7., & 4. cau. 4. qu. 6. legi-  
 qu. 3. tur canon 1. cau. 5. qu. 3. eisdem omnino verbis, quæ habentur in Epistola 2. Felici I. Pontifici Maximo ab Isidoro Mercatore tributa.

Can. 2. In capitulo 38. apud Hadrianum hæc habentur. *In criminalibus causis nec accusa-*  
 cau. 5. *tor, nisi per se, aliquem accusare potest, nec accusatus per aliam personam se defendere,*  
 qu. 3. *permissus.* Retulit hæc Gratianus in can. 2. cau. 5. qu. 3. & quidem sèpissime hæc sententiâ legitur inter Decretales Epistolæ Mercatoris.

Can. 1. Quæ descripsit Gratianus in can. 1. cau. 5. qu. 6. leguntur in cap. 41. alias 38.  
 cau. 5. apud Hadrianum; videnturque deprompta ex Epistola 2. Fabiano tributa, ex qua  
 qu. 6. est canon 6. cau. 3. qu. 1., relata autem sunt a Benedicto Levita in librum 7. Capitularium cap. 348.

Can. 5. In capite 49. alias 45. apud Hadrianum hæc leguntur: *Delatori aut lingua capu-*  
 cau. 5. *letur, aut convulso caput amputetur. Delatores autem sunt, qui invidia produunt alios.*  
 qu. 6. Hic est canon 5. cau. 5. qu. 6., ad quem ita ait Antonius Augustinus, cui & consonant Correptores Romani: *Non erat Hadriani hoc decernere, sed referre, quod in Codice Theodosiano scriptum fuerat, vel potius in epitome constitutionum Constantini Imperatoris.* Referri debent hæc ad legem 2. Cod. Theod. de petitionibus anni 319. Constantino auctore, cujus hæc sunt verba: *Comprimatur unum maximum humanæ vitæ malum, delatorum execranda perniciēs, & inter primos conatus in ipsis fascibus stran-*

franguletur, & amputata radicitus invidiæ lingua vellatur, ita ut iudices nec calumniam, nec vocem proprus deferentis admittant: sed qui delator extiterit, capitali sententia subijgetur. Antiquus autem hujus legis interpres ita subdit: Delatores dicuntur, qui aut facultates prodiderint alienas, aut caput impetierint alienum. Quicumque delator cujuslibet rei extiterit, in ipso proditoris initio a iudice loci correptus continus franguletur, & ei incisa radicitus lingua tollatur, ut siquis proditor futurus est, nec calumnia, nec vox illius audiat. Hanc itaque Imperatoriam constitutionem paulo aliter descripsit Incilramnus, ex quo deinde translata est in librum 7. Capitularium. cap. 360.

Can. 2. cau. 6. qu. 1. legitur in cap. 21. alias 19. apud Hadrianum, cujus priora verba hæc sunt: Placuit, ut nullus servus, nullus libertus, nulla infamis persona Sacerdotem accuset. Omnes vero infames esse dicimus &c. Hæ loquendi formulæ passim leguntur in Epistolis Isidori Mercatoris; inter ceteras exemplo esse posset Epistola Clementi tributa; cujus fragmentum est in can. 5. cau. 6. qu. 1. Eadem vero Incilramni verba translata sunt in Capitularia Francorum a Benedicto Levita lib. 7. cap. 437.

In capite 68. alias 64. apud Hadrianum hæc legimus. Qui crimen intendit, agnoscendum est, si ipse ante non fuit criminofus, quia periculosa est, & admitti non debet rei adversus quemcumque professio. Et in fine capitis 71., alias 68. Testes autem sine aliqua sine infamia, uxores & filios habentes, & omnino Christum prædicantes. Ex his duobus fragmentis compositus est apud Gratianum canon. 6. cau. 6. qu. 1., in quibus omnibus nemo non agnoscit manum, & stilum Isidori Mercatoris. Ut cetera omitam unicum adferam fragmentum Concilii Romani Sylvestro Pontifici adscripti, in quo can. 3. hæc leguntur: Presbyter autem nisi in 44. testimonia condemnabitur . . . , Lector nisi (sicut scriptum est) in septem testimonia filios, & uxorem habentes, omnino Christum prædicantes, sicut datur mystica veritas.

Can. 48. cau. 11. qu. 1. habetur eisdem omnino verbis in cap. 35. apud Hadrianum, alias 33. Rursum hic Isidori Mercatoris sententiæ descriptæ fuisse videntur, quemadmodum constat conferenti Epistolam 2. Julio Papæ, Epistolam 3. Fabiano, & Epistolam singularem Sixto III. adscriptam. Eadem autem Incilramni verba relata sunt a Benedicto Levita in librum 7. Capitularium Francorum cap. 332.

Rursum omnino consonat cum canone 40. apud Hadrianum Gratianus can. 49. cau. 11. qu. 1. Relatus quidem est in librum 7. Capitularium cap. 347., verum fragmenti illius origo ex Isidorianis Decretalibus erit repetenda, cum eadem prope modum legantur sive apud Julium I. in Epist. 2., sive apud Zephyrinum in Epist. 1., sive apud Eusebium in Epist. 3.

In capite 64., alias 60. apud Hadrianum legitur eisdem omnino verbis can. 3. cau. 15. qu. 4., cujus sententia omnino consonat cum pluribus Conciliis diversarum Provinciarum, Tarraconensi I. can. 4., Matiscronensi II. can. 1., Arelatenſi IV. can. 16., Turonensi III. cap. 40., Moguntino cap. 37., & aliis bene multis. Junge caput 318. lib. 6. Capitularium Francorum.

In cap. ult. apud Hadrianum hæc leguntur: Item generali decreto constituimus, ut execrandum anathema, & velut pravaricator Catholica fidei, apud Deum reus existat, quicumque Regum, vel Potentum deinceps canonum censuram in quocumque crediderit, vel permisit violantiam. Ex his emendandus erit canon 11. cau. 15. qu. 1. apud Gratianum. In lib. 6. Capitularium Francorum cap. 322. ita potius legitur:

Hujus

*Hujus constitutionis forma servetur, ut execrandum anathema fiat, & velut prævaricator Catholicæ fidei semper a Domino reus existat, quicumque Regum deinceps canonis hujus censuram in quocumque crediderit, aut permiserit violandam.*

## CAPUT XLVI.

### *De Capitularibus Francorum Regum, ac præsertim Caroli Magni.*

Ecclesiasticis Conciliis accensendos arbitror jure optimo Conventus illos, quos Francorum Reges octavo, & sequenti sæculo cum Regni Proceribus, & sacris Antistitibus una congregantibus habuerunt. Ex his originem habent celebratissima Francorum Capitularia, ex quibus multa in sacrorum canonum Collectionibus recentioribus regitantur. Et quidem, si unum Gratiani Codicem inspexerimus, innumera propemodum capita in eo continentur, quæ ad hæc Francorum Capitularia referenda sunt. Illud tamen vetustiorum Collectionum vel oscitantia, vel industria factum est, ut non omnia nomine Capitularium laudarentur, sed modo aliarum Gentium Conciliis, modo etiam aliis Conciliis Galliarum vetustioribus, modo Pontificibus Maximis, modo Sanctis Patribus, aut Ecclesiasticis Scriptoribus adscriberentur. Inter ceteros hæc omnia turbavit Burchardus Vormaciensis, qui cum scriberet apud Germanos, quibus invisa erant Res Francorum, in sua Collectione canonum a laudando Capitularium Francorum nomine abstinuit; sed quoties aliquod Capitularium fragmentum sibi accommodum videbatur, illud quidem non omittebat, sed aliis auctoribus tribuebat. Hujus rei argumento esse potest, quod Burchardus in lib. 6. cap. 2. relaturus caput 13. lib. 4. Capitularium sub nomine Triburiensis Concilii omisit hanc clausulam, quæ habetur in eorundem Capitularium exemplaribus: *Secundum Capitulare Gloriosi Caroli Regis nostri*; & in lib. 2. cap. 82., ubi tantummodo nomen Capitularium illi excidit, addidit illum, quem referebat, canonem ab Episcopis, qui apud Aquisgranum convenerant, fuisse probatum, quasi relaturus non fuisset, nisi Aquisgranensium Episcoporum auctoritas accessisset. Cur vero exemplis rem perspicuam demonstrarem, cum sexcenta sint apud Gratianum capita, quæ aliis auctoribus tributa, omnino restituenta sunt Capitularibus, Gratiano errante ex Collectione Ivonis, & Ivone ex Collectione Burchardi? Hoc ipsum frequentissime liquet in hoc meo Codice, & ex aliis, qui huic accedent, ubi persæpe eadem animadvertere juvabit, ut singuli Gratianei canones suis reddantur auctoribus. Interea vero cum aliqua fragmenta sint apud Gratianum, quæ & ad Capitularia Francorum, præcipue Caroli Magni pertinent, eoque nomine expresse laudantur, illa  
hoc

hoc in capite collecta exhibebo, ac de more meo juxta exemplarium optimorum fidem expendam. Sunt autem sequentes canones.

- Can. 3. dist. 19. pertinet potius ad Concilium Triburienſe anni 895.*
- Can. 34. dist. 63. in contrariam ſententiam a Graſiano detortus.*
- Can. 8. cau. 2. qu. 3. eſt potius Interpretis Codicis Theodoſiani.*
- Can. 37. cau. 11. qu. 1. dubie admodum fidei, & forte a Benedicte Levita ſuppoſitus.*
- Can. 59. cau. 16. qu. 1. ex optimis Capitularium exemplaribus emendandus.*
- Can. 9. cau. 17. qu. 4. conſonat cum Codicibus recentioribus Capitularium, & Concilio Moguntino.*
- Can. 27. cau. 17. qu. 4. conſonat cum pluribus Capitularium Codicibus.*
- Can. 28. cau. 17. qu. 4. noni ſeculi diſciplinæ in Gallia conſormis.*
- Can. 14. cau. 22. qu. 5. jungendus cum can. 12. cau. 22. qu. 1., & can. 16. cau. 22. q. 5.*
- Can. 33. cau. 27. qu. 2. ex integris Capitularium Codicibus emendandus.*
- Can. 104. de conſ. diſt. 4. conſonat cum Capitulari Ludovici Pii anni 817.*
- Can. 126. de conſ. diſt. 4. conſonat cum Collectione Benedicte Levitæ.*
- Can. 34. de conſ. diſt. 5. eſt Concilii Moguntini anni 813.*

**A**Ntequam vero ad enumeratos hujusmodi canones Gratianos accedamus, nonnulla generatim attingenda videntur de Capitularibus ipſis, & de eorumdem Collectionibus, ut deinde noverit unusquiſque, & cujus auctoritatis ea capita ſint, & ad quos Codices referenda. Nomen in primis Capitularium generale eſt, quod potiſſimum ad varias leges ſimul congeſtas designandas uſurpari poteſt, ex eo quod leges eadem in diverſa capitula diſtinctæ edi ſoleant, ſive civiles ſint, ſive Eccleſiaſtica. Specialiter tamen eo nomine donatæ fuerunt Leges Caroli Magni, eo-que exemplo leges aliarum, quæ a Regibus Francorum ſive ante, ſive poſt Carolum editæ ſunt, ſic dicimus Capitularia Chlotarii, Capitularia Dagoberti, Capitularia Karliomanni, Capitularia Pipini, Capitularia Ludovici Pii, & ſimilia. Harum autem legum, ſive Capitularium condendorum hæc ſolemnitas erat, ut Rex quidem conventum indiceret, convenirent autem & Proceres Regni, & Epifcopi univerſi, cum Abbatibus, uno verbo iis omnibus, qui vel conſilio Principem juvare poſſent, vel nomine populorum, Eccleſiarum, aut Monafteriorum, quibus præerant, conſentirent. Convenientibus omnibus ea omnia proponebantur, quæ ad rectum Imperii regimen, ad Eccleſiarum incolumitatem, animarum ſalutem, Monafteriorum inſtitutionem, uno verbo ad univerſam Rempublicam optime adminiſtrandam pertinere videbantur, & quæ communi conſenſione, ac ſuffragio probata fuiſſent, vim legis obtinebant, atque Capitularium nomine palam promulgabantur. Patent hæc maniſeſtiſſime ex Capitulis Caroli Calvi apud Caſiſiacum anno 877., ex præſatione 2. Capitularis anni 813., ex præſatione Capitularis anni 779., & ex multis aliis locis. Videatur Franciſcus Florens in diſſert. Juris Canonici. Aliquando tamen contingebat non in publicis conventibus edi Capitularia, ſed privatim, ubi ſcilicet Epifcopi, & Regni Proceres in comitatu Principis aſſeſſent, maturaque conſilio diſcuſſis illis, quæ ad Regni, Eccleſiarumque utilitatem plurimum conducere, quidpiam deſcribent communi conſenſu, & populis ſervandum pro

pro opportunitate exhibebant; erat enim præsertim apud Carolum Magnum tanta legum optimarum condendarum sollicitudo, ut etiam noctu, dum in cubili cubaret, capiti pugillares supponeret; si quidpiam utile ( ut fieri in lectulo solet ) in mentem veniret, adnotaret, ne memoria laberetur, uti scribit Johannes Aventinus in annalibus Bojorum lib. 4. Hinc unusquisque facile percipere potest, quantum fuerit apud omnes erga hujusmodi Capitularia obsequium, & reverentia. Præterquamquod enim multa in illis continebantur Ecclesiæ utilia, usu erant recepta apud omnes, & ad illa, velut ad sacras Leges, appellabatur; Episcopi omnes illa eadem in Conciliis suis vel laudabant, vel renovabant; Collectores canonum ex illis suos Codices exornabant, ac locupletabant, ut nihil aptius videretur, quam Capitularium leges in medium proferre, per quas omnibus fere causis, atque negotiis consulebatur. Ipsi etiam Summi Pontifices frequenter magnam se Capitularium rationem habere professi sunt; imo fertur Leo IV. ad Lotharium Imperatorem ita scripsisse. *De capitulis, vel præceptis Imperialibus vestris, vestrorumque Prædecessorum, irrefragabiliter custodiendis, & conservandis, quantum valuimus, & valemus, Christo propitio & nunc, & in ævum nos conservaturos modis omnibus profitemur; & si forte quilibet aliter vobis dixerit, vel dicturus fuerit, scitis eum pro certo mendacem.* Atque hæc eo usque maxime apud Occidentales ferme omnes vera fuerunt, quo Francorum Imperium viguit; eo tamen discisso nonnullis in locis & a Francorum legibus recessum est, novæque induitæ peculiare consuetudines.

Ante annum 827. Capitularia Regum Francorum nondum in unum volumen redacta fuerant, sed in diversis schedulis, vel membranis continebantur. Primus Ansegisus Abbas quatuor libris complexus est nonnulla Capitularia Caroli Magni, & Ludovici Pii, quæ collectio statim magnæ fuit auctoritatis, præsertim ex eo, quod idem Ludovicus Pius illam probaverit, & quodammodo suam fecerit, eandemque dein laudare perrexerint sequentes Principes. Cum vero Ansegisus plurima omisisset utilia, quæ a Pippino, & Karlomanno fuerant constituta, Benedictus quidam Levita Moguntiensis tres alios libros composuit, in quibus, quæ in prioribus deerant, palam exhibuit circa annum 845.; & quidem initio duæ istæ Collectiones tantum diversa volumina, & opuscula habita sunt; paulatim vero factum est, ut simul jungerentur, & Collectio Benedicti Collectioni Ansegisi accederet, atque ita primus Benedicti liber, quintus liber Capitularium appellaretur. Porro Benedictus non semper integra Capitularium loca descripsit, sed sæpius eorum fragmenta nullo ordine temporis servato, imo etiam adnexuit loca quædam Sacræ Scripturæ, quibus scilicet auctores Capitularium usi fuerant; addidit aliquando canones quorundam Conciliorum, decreta Pontificum Romanorum, fragmenta Codicis Theodosiani ex interpretatione Aniani, fragmenta legum Visigothorum, Salicæ, Ripuariorum, & Bajuvariorum. Ansegisi, & Benedicti studia imitati postea sunt nonnulli Gallicani Episcopi, Herardus Turonensis, & Isaac Lingonensis, qui & Collectionem breviorum Capitularium composuerunt, ut plurimum ex Codice Benedicti Levitæ depromptorum. Post memoratos septem Capitularium libros acceperunt additiones quatuor, quarum auctorem credit Sirmondus in notis ad Capitularia fuisse eundem Benedictum Levitam, quod tamen valde incertum est apud eruditos.

Et quidem isturum Collectionum fragmenta sæpius retulerunt in Codices suos Collectores caeterorum posterioris ætatis, Regino, Burchardus, licet suppresso Capitularium

tularium nomine, uti diximus, Ivo, & Gratianus; sed post inventam Typographicam artem nonnulli curarunt, ut integra hujusmodi Capitularia ederentur, diverso tamen ordine. Primus edidit Vitus Amerpachius anno 1545. apud Alexandrum. Veiffenhornum Typographum Ingolstadtensem, qui tamen pauca Francorum Capitularia collegit. Recudit hunc Codicem Buzius Maguntiz anno 1602. ad calcem Epistolularum Hincmari, & Goldastus in Collectione Constitutionum Imperialium. Cum vero in hoc Codice desideraretur Collectio Ansegisi, & Benedicti, has anno 1548. Johannes Tilius Meldensis Episcopus Parisiis edi curavit. Hac editione, quæ tamen adhuc imperfecta erat, usi sunt (nec enim alia uti poterant) Correctores Romani in emendando Gratiani decreto. Eandem Tilii editionem post annos quadraginta complevit, atque edidit Petrus Pithæus, vir de literaria Republica optime meritus. Sed sive Tilius, sive Pithæus & plurima omiserunt, & nonnulla interpolaverunt, quemadmodum recentiores Collectores observaverunt. Præterea anno 1557. alia prodit editio Basileæ, in qua præter nonnulla Principum Capitularia, habetur collectio Ansegisi, cujus tamen quartus liber plurimum mutilus est, atque imperfectus. Vir clarissimus Petrus de Marca Stephanum Baluzium Tutelensem excitavit, ut novam Capitularium Collectionem, eamque absolutam adornaret, quod vir eruditus perfectit collatione plurium manuscriptorum, quæ ipse enumerat in præfatione suæ editionis Parisiensis anni 1677., quam duobus tomis exhibuit; in priore scilicet, postquam juxta ordinem temporum Capitularia veterum Regum Francorum exposuerit ab anno 554. ad annum 837., subjecit septem Capitularium libros, cum quatuor additionibus, præterea & Capitula Isiaci Lingonensis, & Herardi Turonensis. In posteriore tomo edidit posteriorum Principum Capitularia nonnulla ab anno 844. annum 900. & amplius. Post hæc plurimas veteres formulas ex variorum Auctorum Codicibus expressit una cum annotationibus eruditorum virorum, & suis, adjiciens demum nonnulla veterum monumenta, quæ eatenus inedita fuerant, bono illorum, qui sacras literas colunt, & res Ecclesiasticas. Observanda erant hæc omnia, ut pateret, ad quos demum Codices referenda hodie sint Gratiani fragmenta.

Canon 3. dist. 19. in Capitularibus Regum Francorum huc usque editis minime *Can. 3.* reperitur; sed potius habetur eisdem verbis in Concilio Tribuniensi anni 895. *can. 30. dist. 19.* juxta editionem Labbei. Forte autem Capitularium nomine inscribi potuit, quia in illis nonnulla habentur similia. Hinc in lib. 7. cap. 244. ita legitur: *Jubemus, ut ita omnes divinis, & apostolicis constitutionibus servatis, ut in nullo patiamini pia canonum decreta violari. Præcipimus etiam, ut nulli fas sit sine status sui periculo vel Divinas Constitutiones, vel Apostolicæ Sedis decreta temerare; quæ verba Benedictus Levita non ex Capitularibus depromsit, sed potius ex Synodo Romana cap. 1. Hilari Papæ. Item in cap. 390. ejusdem libri, quod pertinet ad capitula Caroli in Theotonis villa firmata anno 805. hæc leguntur: Volumus, atque præcipimus, ut omnes suis Sacerdotibus cum majoris ordinis, quam & inferioris a minimo usque ad maximum, ut summo Deo, cujus vice in Ecclesia legatione funguntur, obediētes existant; nam nullo pacto agnoscere possumus, qualiter nobis fideles existere possunt, qui Deo infideles, & suis Sacerdotibus inobediētes apparuerint, aut qualiter nobis obediētes, nostrisque ministris, ac legatis obtemperantes erunt, qui illis in Dei causis, & Ecclesiarum utilitatibus non obtemperant. Quomodo cumque tamen evenierit, ut hic canon Capitularibus Caroli Imperatoris tribueretur, illud certum est jam tempore Iyonis hoc fragmentum Capitula-*

Tom. I.

K k k

capitula-

pitularium nomine inscriptum fuisse, quemadmodum constat ex parte 5. decreti cap. 50., ceterum apud Ivonem non legitur, quemadmodum apud Gratianum in illis verbis: *Quare servanda est cum mansuetudine humilitas*, sed hoc modo: *Quare servanda est cum mansuetudine humanitas*, quæ sane lectio plurimum a Gratiani sententia recedit. Et quidem hæc fuit Gallicanorum Antistitem doctrina, atque prudentia, ut siquid a sede Apostolica proficisceretur, quod ipsi quoquomodo molestum videretur, humaniter tolerarent. Inter Epistolas Ivonis Carnotensis habetur Epistola 236. scripta a Daimberto Senonensi Archiepiscopo, Ivone Episcopo Carnotensi, Walone Parisiensi Episcopo, Johanne Aurelianiensi Episcopo, ceterisque Episcopis Ecclesiæ Senonensis, & directæ ad Johannem Lugdunensem Episcopum, in qua hæc leguntur: *His Catholicorum Patrum terminis contenti, quæ possumus secundum decreta Patrum salvo vinculo pacis corrigere volumus; quæ autem corrigere non possumus, usque ad messem, si necesse sit, Domino docente tolerare decrevimus. His verbis excusatos nos credimus, quod a laceratione Domini Papæ linguas nostras reprimimus, & siquid contra sententiam suam, suorumque Prædecessorum fecisse videtur, filiali charitate excusamus.* Huc pertinere videtur etiam, quod ait idem Ivo Carnotensis in Epist. 233. ad Enricum Abbatem, ubi postquam nonnulla de constitutionibus Pontificum Maximorum attigit, ita subdit: *Hæc de proposita questione respondens Majorum sententia non præjudicans* (arbitror autem nomine Majorum sententiarum intellexisse Ivonem Triburiensem hunc canonem) *quæ paci Ecclesiæ consulant, & adificationi.*

Canon 34. dist. 63. habetur eisdem verbis in lib. 1. Capitularium cap. 78. in editione Parisiensi anni 1677. Gratianus illum laudat nomine libri *Capitularium Caroli, & Ludovici Imperatorum.* Recte; etenim his verbis significatur Collectio Ansegisi, qui, ut diximus, quatuor libris duorum eorundem Principum Capitularia complexus est. Præterea ejusdem capituli verba jure tum Carolo, tum Ludovico Imperatoribus tribui possunt; etenim habentur in primis in Capitulari Caroli Magni Aquisgranensi anni 803., in cap. 2., deinde repetita sunt in Capitulari Ludovici Pii anni 816. cap. 2., imo etiam translata sunt in leges Longobardicas lib. 2. tit. 51. cap. 5., quod argumento est, disciplinam, quæ ibidem traditur, nono & decimo sæculis generatim in Occidente fuisse receptam. Gratianus postquam canonem Capitularium descripsit, quo tradebatur, ut Episcopi *per electionem Cleri, & populi secundum statuta canonum . . . eligerentur*, subdit ex constitutionibus his deprehendi inter cetera electionem Clericorum tantummodo esse, atque exinde occasionem sibi oblatam ratus est, ut quæreret, num pertineret ad solos Clericos Ecclesiæ Matricis, an vero etiam ad eos, qui aliis Ecclesiis, locisve religiosis præfati sunt?, concluditque omnes rejiciendos ab electione esse, qui inter Clericos Matricis Ecclesiæ non numerarentur. Nescio sane, quomodo Gratianus post dictum canonem 34. hæc inferre potuerit; quomodo enim eo canone Clerici plures excludi poterant, quo expresse nec populus excluderetur? Cavere maxime debet studiosus quislibet ab hujusmodi Gratiani argumentis, ac definitionibus, agnoscens exinde Collectorem, qui aliquando contrariam recens descriptis canonibus sententiam subjecit, non veritus asserere, eandem ex præcedentibus canonibus deduci.

Canon 8. cau. 2. qu. 3. apud Gratianum cum hac epigraphe laudatur: *In libro Capitularium cap. 175. Ivo paullo aliter in parte 16. decreti cap. 251. Ex libro 9. Capitularium cap. 20.; verba autem canonis apud Ivonem hæc sunt: Si quem pœnituerit*



nituerit accusasse criminaliter, & inscriptionem fecisse de eo, quod probare non potuerit, si ei cum accusato innocente convenerit, invicem se absolvant. Si vero iudex cum, qui accusatus est, criminofum esse cognoverit, & inter reum, & accusatorem factum per corruptionem consensum de colludendo pœnam excipiat legibus constitutam. Abolitionem in iura reo, postquam fuerit officii custodiæ traditus, intra dies 30. accusatori petenti dari permittimus; post hoc tempus, nisi reus consentiat, censemus non esse tribuendum. Ab his sine paullisper dissonat canon Gratianus. Ceterum jam Antonius Augustinus in Dialogo 10. lib. 2. de emendat. Gratiani observavit hunc canonem referendum esse ad interpretationem Theodosiani Codicis incerti Auctoris, ita scribens. Quod apud Gratianum ita inscribitur, unde in lib. capitulorum 175. legitur, si quem pœnituerit &c. ex Interprete Codicis Theodosiani sumum est, lib. 9. tit. de abolitionibus, Constitutione I., quæ II. est in codice Justiniani. Itaque ex hoc Interprete ita emendandus erit canon Gratianus: Si quem pœnituerit accusasse criminaliter, & inscriptionem fecisse de eo, quod probare non potuerit, si ei cum accusato innocente convenerit, invicem se absolvant. Si vero Iudex cum, qui accusatus est, criminofum esse cognoverit, & inter reum, & accusatorem per corruptionem de absolutione reatus convenerit, is, qui reus probatur, remoto colludendo pœnam excipiat legibus constitutam. Ex his autem ego facile suspicor, nonnullos fuisse post Benedictum Levitam, qui eisdem Benedicti studia imitari voluerint, ac præter septem Capitularium libros alios adiecerint; nonum enim librum Capitularium non solum apud Ivonem in memorato loco, sed etiam in aliis locis egomet commemoratum vidi apud Auctores decimi, vel undecimi sæculi. Quoniam vero Benedictus Levita in suis libris Capitularium non tantum capita Francorum retulerat, sed & alia benemulta, inter cetera depromta ex Interpretibus Codicis Theodosiani, ita novorum librorum editor non dubitavit Interpretum eorundem sententias in unum Codicem cum aliis Francorum capitibusungere, quod occasionem dedit Ivoni, ut primus hunc, de quo agimus, canonem ex Interprete Theodosiani Codicis depromptum, Capitularium nomine inscriberet.

Canon 37. cau. 11. qu. 1. legitur in lib. 6. Capitularium cap. 366. in editio-  
ne Parisiensi 1677. his verbis: Volumus, atque præcipimus, ut omnes Ditioni nostræ  
Deo auxiliante subiecti, tam Romani, quam Franci, Alemanni, Bajuvarii, Saxones, 24. 1.  
Turingii, Fresones, Galli, Burgundiones, Britones, Longobardi, Vasacones, Bene-  
ventani, Gothi, & Hispani, ceterique nobis subiecti omnes, licet quocumque videantur  
legis vinculo constricti, vel consuetudinario more connexi, hanc sententiam, quam ex  
sexdecimo Theodosii Imperatoris libro, capitulo videlicet undecimo ad interrogata Abba-  
vii Ducis illi, & omnibus rescriptam sumimus, & inter nostra capitula pro lege te-  
nenda consensu omnium fidelium nostrorum tam Clericorum, quam & Laicorum posuimus,  
lege cunctis perpetua tenenda, idest, quicumque litem habens, sive possessor, sive petitor  
fuerit, vel in initio litis, vel decursis temporum curricula, sive cum negotium perora-  
tur, sive cum jam caperit promi sententia, si iudicium elegerit sacrosanctæ legis Anti-  
stittis, illico sine aliqua dubitatione, etiamsi aliqua pars refragatur, ad Episcoporum  
iudicium cum sermone litigantium dirigatur. Multa enim, quæ in iudicio captiosa præ-  
scriptionis vincula promi paciuntur, investigat, & promit sanctæ religionis auctori-  
tas. Omnes itaque causæ, quæ vel prætorio jure, vel civili tractantur, Episcoporum  
sententiis terminatæ, perpetuo stabilitatis jure firmantur; nec liceat ulterius retrahari  
iudicium, quod Episcoporum sententiis deciderit. Testimonium etiam ab uno licet Episcopo  
perhibi-

peribitum omnes iudices indubitanter accipiant; nec alius audiat, cum testimonium Episcopi a qualibet parte fuerit repromissum. Illud est enim veritatis auctoritate firmum, illud incorruptum, quod a sacrosancto homine conscientia mentis inlibate protulerit. Hoc nos edito salubri aliquando censuimus, hoc perpetua lege firmamus, malitiosa litium semina comprimentes; ut miseri homines longis, ac pene perpetuis actionum laqueis implicati, ab improbis petitionibus, vel a cupiditate perperam maturo sine discedant. Quidquid itaque de sententiis Episcoporum clementia nostra censuerat, etiam & hac sumus lege complexi, gravitatem tuam, & ceteros pro utilitate omnium in perpetuum observare conveniat. In hoc canone tria videntur conjuncta Gratiani capita; videlicet canones 35., 36., & 37. cau. 11. qu. 1. De canonibus 35., & 36. nihil hic specialiter dixero, de quibus sermo commodius instituetur suo loco. Tantum disseram de canone 37., quo nihil aliud praecepitur, quam recipiendam esse Constantini legem in codice Theodosiano expressam lib. 16. tit. 12. de Episcopali iudicio. Sane non desunt Viri eruditissimi, qui arguunt Benedictum Levitam, quod hujusmodi Capitulare inseruerit inter Capitularia Francorum, quod tamen in nullis Capitularibus legitur. Refero huc verba Antonii Augustini in lib. 2. de emendat. Gratiani dial. 11. ita scribentis: *Caroli esse hoc caput ego dubito, cum liber sextus Benedicti Levite sit, qui Caroli, Ludovici, & Lotharii capita collegit ab Ansegiso praetermissa, neque distinxit singula, cujus essent. Si nolis fidem habere Anselmo, & Gratiano hoc dicentibus, ego te aliis probationibus non convincam, nisi forte multitudinem nominum urgearis, qui Carolo potius, quam ceteris subditos se esse patiantur, Romani, Franci, Alamanni, Bajuvarii, Saxones, Thuringii, Fresones, Galli, Burgundiones, Britones, Longobardi, Vascones, Beneventani, Gothi, Hispani. His vir eruditus videtur illudere Benedicto Levitz, quem de apocrypho monumento accusat, vel ex eo, quod curaverit Benedictus magno nominum apparatu leges a se suppositas, & confictas edere, ut legentes crederent vere ad Carolum Imperatorem pertinere. Ego sane cum Antonio Augustino plurimum etiam dubito; neque enim facile arbitrari possum, Ansegisum, qui primus Caroli Magni, & Ludovici Pii capitula edidit, hoc capitulum omisisse, quod tamen maximi momenti est, & Benedicto Levitz describendum quasi ex residuis reliquisse; neque enim Ansegisus poterat illud capitulum ignorare, quod ad tot populos missum fuerat, quot ibidem describuntur. Praeterea Jacobus Gothofredus jam ipse demonstravit eam legem Constantini, quae legitur in codice Theodosiano, & ad quam refertur hoc Capitulare, apocrypham esse, & falso Constantino tributam, ut propterea verosimile sit, hoc Capitulare simul cum eadem lege uno, eodemque tempore deceptorum, seu falsariorum opera prodiisse. Demum si hoc Capitulare una cum aliis conferamus, statim agnosceremus, longe diversam in aliis esse methodum, rationemque scribendi ac publicam legem faciendi, quam quae in hoc eodem capitulo habeatur. Porro his nihil obstantibus, postquam apud Gratianum relatum fuit istud Capitulare, visum est, quandam auctoritatem habere, nec ex eo dubitarunt, qui Decretalia ediderunt, inter eadem inserere, & quasi optima sacrae vetustatis monumenta proponere, cap. 13. de iudiciis, quod quidem duodecimi, aut decimi tertii saeculi Viris etiam studiosissimis concedendum est, quibus in promptu non erat codicum exemplaria consulere, quemadmodum praesertim post inventam typographicam artem recentioribus licuit.*



Theodonisvillam tempore Ludovici Pii Imperatoris celebratum anno 821., in quo nonnulla Capitula edita sunt, & Imperatori proposita anno sequente, ut confirmarentur, quæ appellatur Capitulare Triburienſe, una cum decreto Imperatoris ibi ſubjecto: ita legitur: Conſtituimus, ut ſi quis Subdiaconum calumniatus fuerit, & convaleſcerit, pœnitentia canonica pœniteat, & tercentos ſolidos Epifcopo componat, & ſi mortuus fuerit, juxta id, quod canones præcipiunt, pœniteat, & quadringentos ſolidos Epifcopo componat. Si Diaconum quis calumniatus fuerit, & convaleſcerit, pœniteat ſecundum canones, & quadringentos ſolidos Epifcopo componat. Si non convaleſcerit, juxta præcepta Synodalia pœniteat, & ſexcentos ſolidos componat. Si Prieſbyterum quis male traſtaverit, ſecundum ejus Epifcopi ſententiam pœniteat, & nongentos ſolidos Epifcopo componat. Si autem mortuus fuerit, ut Synodus dijudicaverit, pœniteat, & mille ducentos ſolidos Epifcopo componat. Et ſi quis Epifcopo infidias poſuerit, comprehenderit, vel in aliquo dehoneſtaverit, pœniteat ſecundum canonum ſtatuta, & Prieſbyteri occiſi triplicem compoſitionem cum juſtitia, quæ in ſuperiori capitulo ſcripta ſunt, & confirmata eſſe videtur, componat. Si quis per induſtriam Epifcopum occiderit, juxta id, quod apud Theodonis Villam a XXXII. Epifcopis decretum eſt, & quod ibi a nobis, & Primatibus totius Gallia, & Germania benigna conlaudatione conlaudatum eſt, & ſubſcriptum, pœniteat, & pecuniam a nobis conſeſſam viduatæ Eccleſiæ perſolvat. Quæ omnia demonſtrant non diu perfeveraffe pœnam præſtitutam in dicto canone 27. cau. 17. qu. 4., ſed poſt breve tempus exaſperatam fuiſſe, ita forte exigente ejusmodi flagitiorum frequentia.

Can. 14.  
cau. 22.  
qu. 5.

Canon 14. cau. 22. qu. 5. jungendus primum erit cum canone 16. eadem cauſa, & quæſtione, quem Gratianus inſcripſit nomine Cornelii Papæ; item cum can. 12. cau. 22. qu. 1., quem Gratianus laudavit nomine Hieronymi; deinde hæc omnia fragmenta referenda erunt ad Capitulare Aquigranſe Caroli Magni anni 789., ubi hæc leguntur cap. 62. Item habemus in lege Domini præcipiente: Non pejerabis in nomine meo, nec pollues nomen Dei tui, neque aſſumes nomen Domini Dei tui in vanum. Ideo omnino admonendi ſunt omnes diligenter, ut caveant perjurium, non ſolum in ſancto Evangelio, vel in Altari, ſeu in Sanctorum reliquiis, ſed & in communi loquela; quia ſunt aliqui, qui per charitatem, & veritatem jurant, & cavent ſe a juramento nominis Dei, & neſciunt, quod idem eſt Deus, quod charitas, & veritas, dicente Johanne Apoſtolo, quia Deus charitas eſt. Item ipſe Dominus in Evangelio: Ego ſum via, & veritas. Ideo qui in veritate, & charitate jurat, in Deo jurat. Item cavendum eſt, ne phariſaica ſuperſtitione aliquis plus aurum honoret, quam Altare, ne dicat ei Dominus: Stulte, & quid eſt majus, aurum, an Altare, quod ſanctificat aurum? Sed & nobis honeſtum videtur, ut qui in Sanctis habet jurare, hoc jejunium faciat, cum omni honore, & timore Dei, & ſciat ſe rationem redditurum Deo uniſuiſque veſtrum, ubicumque ſit, ſive intra Eccleſiam, ſive extra Eccleſiam. Et ut parvuli, qui ſine rationabili ætate ſunt, non cogantur jurare, ſicut Gunebodigni faciunt. Et qui ſemel perjuratus fuerit, nec teſtis ſit poſt hæc, nec ad Sacramentum accedat, nec in ſua cauſa, vel alterius jurator exiſtat. Hoc integrum caput relatum eſt ab Anfegio in librum 1. Capitularium cap. 61., cui etiam conſonat lib. 2. legum Longobardorum tit. 55. cap. 22. Poſteriora ejuſdem capituli verba paullo aliter leguntur in Capitulari Francofordienſi Caroli Magni cap. 43., ubi ita legitur. De eorum teſtibus canonica ſit obſervatio, & parvuli non trabantur ad Sacramentum, ſicut Gunebodigni faciunt. Mihi placet legere cum Pithæo pro illis verbis: Sicut Gunebodigni,

*hodie, vel Gunthadingi faciunt ita legere: Sicut Gundobada lege viventes, quæ verba idem Vir eruditus asserit haberi in vetustissimis exemplaribus legum Longobardarum, in quibus diximus hoc idem caput insertum fuisse. Porro Gundobadus Rex Burgundionum legem condiderat, quæ ab ejus nomine Gundobada appellata est, juxta quam Burgundiones cum exteris in judiciariis causis communionem habere non poterant, hinc nemo extraneus aut ad Burgundionem accusandum, aut contra Burgundionem testimonium dicendum admittebatur. Cum vero aliquando opus esset testibus, qui ex illorum gente non aderant, sed commode ex exteris haberi poterant, potius, quam externos accirent, parvulos suos ad testimonia ferenda adigebant, ut per ipsos controversia omnis sæpe sæpius exploraretur. Hanc Gundobadæ legis sententiam exhibet S. Agobardus Lugdunensis Episcopus, qui sæculo 9. floruit in sua Epistola de lege Gundobada ad Ludovicum Imperatorem ibi: Quæ utilitas est propter Gundobadam legem, cujus Auctor est homo hæreticus, & fidei catholice inimicus (cujus legis homines sunt perpauci) ut non possit super illum testificari alter etiam bonus christianus? Ex qua re oritur res valde absurda, ut si aliquis eorum in cætu populi, aut etiam in mercato publico commiserit aliquam pravitatem, non coarguatur testibus, sed finatur pejorare, tanquam non fuerint, per quos veritas posset agnosci.*

Canon 33. cau. 27. qu. 2. editus est in Capitulari Aquisgranensi Ludovici Pii Can. 33.  
 anni 816. in can. 24. his verbis: *De desponsatis puellis, & ab aliis raptis ita in cau. 27.*  
*Concilio Ancyritano capitulo decimo legitur: Desponsatas puellas, & post ab aliis raptas* 9n. 2.  
*placuit erui, & eis reddi, quibus ante fuerant desponsatæ, etiam si eis a raptoribus*  
*vis inlata consisterit. Proinde statutum est a sacro Conventu, ut raptor publica peni-*  
*tentia multetur, raptæ vero, si sponsus eam recipere noluerit, & ipsa eidem crimini*  
*consentiens non fuit, licentia nubendi alii non negetur. Quod si & ipsa consensit, simili*  
*sententiæ subjaceat. Quod si ipsi post hæc se conjungere præsumserit, utrique anathema-*  
*tizentur. Ansegisus hunc canonem retulit in librum 1. Capitularium can. 99. diſt.*  
*editionis Parisiensis, Isaac Episcopus Lingonensis inter suos canones lib. 5. cap. 4.,*  
*& Benedictus Levita in caput 183. lib. 7. Capitularium diſtæ editionis, imo &*  
*reſtaſtus ille fuit in leges Longobardicas lib. 1. tit. 30. cap. 12., confirmatusque*  
*in Concilio Troſtejano anni 909. can. 8.*

Canon 104. de conf. diſt. 4. ex illis est, qui sunt constituti in Capitulari Aquif- Ca. 104.  
 granſi Ludovici Pii anno 817. convenientibus Abbatibus una cum Monachis ad de conf.  
 reformandam monasticam disciplinam. Sunt autem ibidem capita 72., de quibus diſt. 4.  
 Leo Ostienſis in Chronico Caſtinenſi ita habet lib. 1. cap. 16.: *Ludovicus Imperator,*  
*qui cognominatus est Almus, vel Sanctus hujus Caroli filius, quarto Imperii anno Aquif-*  
*grani in palatio cum plurimis totius Franciæ Abbatibus, reſigioſisque Monachis conven-*  
*tum faciens, utiſſima noſtri ordinis obſervationi ſeptuaginta, & duo generalia capitula*  
*conſtituit, quæ ita ſere omnia apud nos; ac ſi B. Benediſti regula, obſervantur. Itaque*  
*inter hæc capitula de Monachis conſtituta legitur numero 16. memoratus canon*  
*104. his verbis: "Ut ſibi compatres, commatresque non faciant, neque oſculentur ſemi-*  
*nas. Videantur, quæ ad hanc rem ſuperius obſervavimus ad canonem 103. de*  
*conf. diſt. 4.*

Can. 126. de conf. diſt. 4. habetur in collectione Capitularium Benediſti Levi- Ca. 126.  
 tz, ſive hodie in lib. 6. Capitularium cap. 77. his verbis: *Quod in Sabbato Sancto* diſt. 4.  
*Paſche, vel in Sabbato Pentecoſtes, ſi qui velint aquam conſecratam ad aſperſionem in*  
*domos*

domos suas recipere, ante chrismatis infusionem accipiant. Eadem verba retulit inter suos canones Isaac Lingonenſis tit. 11. cap. 11., Herardus autem Tunonenſis in ſuis capitulis ita ſcribit cap. 52. *Ut qui aquam conſecratam vult accipere in Sabbato Sancto, vel Pentecoſte, ante infusionem chrismatis ſumat: Nam illa chrismatis mixtio ad regenerandos pertinet.*

Can. 34.  
de conſ.  
diſt. 5.

In Concilio Moguntino anni 813. can. 9. editus eſt canon 34. de conſ. diſt. 5. Benediſtus Levita illum retulit in Capitularia Francorum, habeturque hodie juxta memoratam Pariſienſem editionem in lib. 5. Capitular. cap. 185, his verbis, ex quibus emendandus in aliquibus erit Gratianus. *In omnibus igitur, quantum humana permittit fragilitas, decrevimus, ut Canonici Clerici canonice vivant, obſervantes divinae Scripturae doctrinam, & documenta Sanctorum Patrum, & nihil ſine licentia Episcopi ſui, vel Magiſtri eorum incompoſite agere praſumant. In unoquoque Episcopatu ut ſimul manſueſcant, & dormiant, ubi his facultas id faciendi ſuppetit. Vel qui de rebus Eccleſiaſticis ſtipendia accipiunt, in ſuo clauſtro maneat, & ſingulis diebus mane prima ad leſionem veniant, & audiant, quid eis imperetur. Ad menſam vero ſimiliter leſionem audiant, & obedientiam ſecundum canones Magiſtri ſuis faciant.*

## APPENDIX I.

### De Canonibus Concilii Lugdunenſis nomine a Gratiano relatis.

Quamquam ante Gratianum in Lugdunenſi Civitate quamplura Concilia celebrata fuerint, quae tamen Lugdunenſis Concilii nomine a Gratiano referuntur, ad Concilia Lugdunenſia minime pertinent, ſed potius ad Capitularia Francorum; ac propterea hic commodè Gratianoſe hujusmodi canones expendendos cenſui. Sunt autem ſequentes.

- { Can. 19. cau. 35. qu. 2. pertinet ad Capitularia Francorum apud Benediſtum Levitam.
- { Can. 1. de conſ. diſt. 3. pertinet ad Concilium Moguntinum anni 813.
- { Can. 122. de conſ. diſt. 4. ex additionibus Capitularium Francorum.

QUOD autem omnia hae fragmenta Lugdunenſi Concilio adſcribantur ex Burchardi collectione profeſſum eſt, qui, ut ſuperius animadvertetam, Francorum Capitularium capita non Capitularibus ipsis, ſed aliis Auditoribus tribuebat. Hujusmodi eſt canon 19. cau. 35. qu. 2., qui habetur in cap. 130. lib. 6. Capitularium Pariſienſis jam pluries memoratae editionis his verbis: *Chriſtiani ex propinquitate ſui ſanguinis uſque ad ſeptimum gradum connubia non ducant, neque ſine benediſtione Sacerdotis, qui ante inuſpet erant, nubere audeant. Eadem ferme habentur in cap. 327. ejuſdem libri ibi: Ut Chriſtiani ex propinquitate ſui ſanguinis connubia non ducant, nec ſine benediſtione Sacerdotis nubere audeant. Rurſus in cap. 408. ejuſdem libri paullo aliter eadem habentur. Ne Chriſtiani ex propinquitate*

Can. 19.  
cau. 35.  
qu. 2.

quitate sui sanguinis connubia ducant, nec sine benedictione Sacerdotis cum virginibus nubere audeant, neque viduas absque suorum Sacerdotum consensu, & conhibentia plebis ducere presumant.

Canon 1. dist. 3. de conf. pertinet ad collectionem Capitularium Ansegisi, sive Can. 1.  
dist. 3.  
de conf. speilemus caput 158. lib. 1., sive caput 35. libri 2. In dicto capite 158. ita legitur. *Hæ sunt festivitates in anno, quæ per omnia venerari debent. Natalis Domini, Sancti Stephani, Sancti Johannis Evangeliste, Innocentium, Octavas Domini, Epiphaniæ, Octavas Epiphaniæ, Purificatio Sanctæ Mariæ, Pascha dies octo, Letania major, Ascensio Domini, Pentecosten, S. Johannis Baptiste, Sancti Petri, & Pauli, Sancti Martini, Sancti Andree; & in cap. 35. lib. 2. Festos dies in anno celebrare sanximus, hoc est diem Dominicum Paschæ cum honore, & sobrietate venerari, simili modo totam hebdomadam illam observare decrevimus, diem Ascensionis Domini pleniter celebrare. In Pentecoste similiter, ut in Pascha. In Natali Apostolorum Petri, & Pauli diem unum, Nativitatem Sancti Johannis Baptiste, Assumptionem B. Mariæ, Dedicacionem S. Michaelis, Natalem S. Remygii, Sancti Martini, Sancti Andree. In Natali Domini dies quatuor, & Octavas Domini, Epiphaniam Domini, Purificationem Sanctæ Mariæ; & illas Festivitates Martyrum, vel Confessorum observare decrevimus, quorum in unaquaque Parochia Sanctorum Martyres requiescunt. Postremus hic canon idem omnino est cum canone 36. Concilii Moguntini sub Carolo Magno habiti anno 813., ubi tamen post illa ultima verba: *Martyres requiescunt ita adjectum est: Similiter etiam Dedicacionem Templi.* Ego arbitror canonem in Moguntino Concilio editum non statim vires suas obtinuisse, quemadmodum nec alia plura Concilii ejusdem. capita, quæ cum allata fuissent coram Carolo Imperatore inter solemnia Episcoporum omnium Gomitia non in omnibus confirmata fuerunt; ac proinde verosimile est, statim eos tantum dies festos fuisse propositos servandos, qui habentur in dicto cap. 158. lib. 1., licet paulatim additi deinde fuerint dies festi Moguntini, postquam Moguntini Concilii canones apud Collectores relati sunt in Codices canonum, uti apud Reginonem lib. 1. cap. 377. Item additi etiam fuerunt recentioribus temporibus nonnulli dies festi, quemadmodum descripti sunt apud Gratianum in dicto can. 1. de conf. dist. 3., etenim Burchardus, & Ivo cum canonem Moguntinum describerent, eos præterea dies adjecerunt, qui suis temporibus servabantur, & sic canonem ediderunt, ex quibus deinde & Gratianus adauctum canonem expressit. Itaque certum est non unam, eandemque sæculis 9. & 10. fuisse servatam in ea re disciplinam; scimus enim apud Herardum Turonensem, & in aliis Capitularibus modo plures, modo pauciores dies Festos enumeratos fuisse, quemadmodum liquet ex cap. 2., cap. 61., cap. 94. 95. & 97. ejusdem Herardi, & ex capite 189. lib. 6. Capitularium. Annotare tamen non omittam modum quandam peculiarem, qui in nonnullis locis servabatur in Festorum celebrationibus, & deducitur ex quodam Concilio Adrispach apud Reginonem in lib. 1. cap. 378. his verbis. *Festos dies celebrare sancimus, idest diem Paschæ, similiter feria secunda, tertia, quarta, & quinta. Ante Missam licentia sit arandi, & seminandi, hortum, vel vineam excolendi, & sepem circumcludendi. Ab alio vero opere cessare decrevimus. Post Missam autem ab opere vacare. Pentecosten similiter, ut in Pascha. Sancti Laurentii, Kalendis Novembribus omnium Sanctorum, similiter Dedicaciones Ecclesiarum.**

Can. 122.  
de conf.  
dist. 4.

Canon 122. de conf. dist. 4. habetur eisdem omnino verbis in additione 3. Capitularium Francorum cap. 7. ubi tamen pro verbo illo *acceperit*, legitur *accipit*, dist. 4. eadem retenta sententia.

## APPENDIX II.

### De can. 11. cau. 36. qu. 2. nomine Concilii Aquisgranensis laudato.

**N**omine Concilii Aquisgranensis unum tantummodo fragmentum apud Gratianum inscribitur, videlicet canon 11. cau. 36. qu. 2., cui inscriptioni causam dedit Burchardus, qui, ut diximus, fragmenta Capitularium aliis Auctoribus tribuit. Itaque dictus canon 11. pertinet ad Capitularia Francorum; etenim in cap. 395. libri 7. ita legitur: *Placuit, ut hi, qui rapiunt feminas, vel furantur, aut seducunt, ut eas nullatenus habeant uxores, quamvis eis postmodum conveniat, aut eas dotaverint, vel nuptialiter cum consensu Parentum suorum acceperint. Siquis autem uxorem habere voluerit, canonice, & legaliter eam accipias, & non rapiat; qui vero eam rapuerit, vel furatus fuerit, aut seduxerit, nunquam eam uxorem habeat; sed propinquis suis eam legalibus reddat, & in triplo plenum bannum dominicum componat, & insuper canonicam publicam penitentiam gerat, ad quod omnes una voce clamaverint, dicentes: ista omnes firmiter tenere volumus, & in perpetuum ab omnibus confirmari optamus.* Hæc eadem retulit Isaac Lingonensis in tit. 5. cap. ult., & paucis perstrinxit Herardus Turonensis in suis capitulis cap. 110. ibi: *Qui rapiunt feminas, vel furantur, vel seducunt, licet ipsi, & Parentibus conveniat, eas uxores non habeant.* Idem rursus canon, qualis in Capitularibus habetur, confirmatus est in Concilio Troslejano anni 909. can. 8:

Sic Gratiani canone suis Auctoribus restituto, non est prætermittenda disputatio, cui causam exhibere videtur Gratianus in iis, quæ subjicit post eundem canonem 11. cau. 36. qu. 2., ait enim: *Hæc auctoritas non præjudicat auctoritati Hieronymi, maxime cum illa testimonio Divine legis nitatur.* Quid ergo? Agnoscit Gratianus canonem 11. oppositum esse canonem 8., quem nomine S. Hieronymi laudat, atque ex sententia Hieronymi raptorem posse matrimonio conjungi cum rapta, quoties criminis canonicam egerit penitentiam; aliter autem visum esse. Aquisgranensibus Patribus, qui fenserunt nullo unquam tempore posse raptum cum rapta conjugio copulari; Deinde Gratianus idem hæc, quæ adversantia videntur, conciliaturus, concludit, sententiam Hieronymi præferendam esse sententiæ Patrum Aquisgranensium, quia Hieronymus Sacris Literis nititur, quasi Patres Aquisgranenses Sacris eisdem Literis adveserentur. Oh præclaram discordantium canonum concordiam! Est quidem sententia Gallicanorum Antistitum communi omnium suffragio probata, cum dictum fuerit: *Ista omnes firmiter tenere volumus, & in perpetuum ab omnibus conservari optamus.* Est hæc sententia, ut diximus, in Concilio Troslejano confirmata, ad quod plures ex Episcopis convenerant; Nescio propterea, quomodo Gratiano id excidere potuerit, ut hoc plurium Synodorum judicium Sacris Literis contrarium esse sentiret. Ego sine, cui maxime cordi est, & esse debet, Sanctos Patres in Concilia legitime convenientes maxime venerari, ubi eorum



rum sententias ita legero, ut adversariz sententiis aliorum Patrum videantur, profiterer potius in extrema difficultate me illorum assequi non posse voluntatem ex tenuitate ingenii, quemadmodum me exemplo suo sapientissimo docet Augustinus in can. 5. dist. 9. Ceterum non erat valde difficile, Aquisgranensium apud Gratianum Episcoporum mentem sanius interpretari, salva Hieronymi sententia, & Sacris literis debito honore.

Itaque operæ pretium erit, tradere in primis juris principia, & originem, quod olim vixit, posteaque invaluit inter raptores, & raptas, deinde ad idem jus & Hieronymi, & Capitularium fragmenta exigere. Quum in Matrimonii contrahendis non tantum contrahentium puellarum consensus requiratur, sed etiam consensus Parentum juxta regulas juris Romanorum apertissimas, quæ naturali honestati valde conveniunt, apud omnes excultas gentes reprobatus semper fuit puellarum raptus, sive inivitis puellis iisdem fuerit factus, sive eisdem quidem consensu, sed repugnante Parentum voluntate. Rapiendum autem non semper eodem indictu fuit poena. Sacri quidem canones anathema raptoribus semper dixerunt, etiam sæculis Ecclesiæ antiquissimis can. 1. cau. 26. qu. 2., sed an conjugia hujusmodi consisterent, non explicarunt. Imperatores Justiniano antiquiores gravissimis quidem poenis coercuerunt puellarum raptores, sed nullibi hujusmodi matrimonium non consistere pronunciarunt, præsertim ubi raptarum postea consensus accessisset; quemadmodum liquet ex lib. 9. tit. 24. Codicis Theodosiani. Primus Justinianus poenas raptus exasperavit, & quidem initio illorum, quicumque Deo dedicatas Virgines abduxissent; l. 54. Cod. de Episc. & Cleric., deinde generatim illorum, qui quascunque rapuissent etiam Deo non sacras, l. un. Cod. de rapto Virginum; & quidem non tantum raptores Virginum, ac Viduarum omnes voluit capitali supplicio afficiendos, verum etiam facultatem omnem denegavit raptis, qua raptores suos aliquando in maritos exposcerent, §. 1. dist. legis unicæ, Novella 143., & 150., videbatur enim huc puellæ consensus, aut desiderium extortus blanditiis raptoris, atque etiam hac facultate non denegata facile raptores inducebantur ad raptum, rati se blanditiis curaturos apud puellas, quas adamabant, ut aliquando consentirent, quemadmodum apud Romanos veteres jam contigisse fertur in rapto Sabinarum. Atque hæc Justiniani disciplina integra perduravit usque ad Gratiani tempora; neque enim intermedio tempore reperire possumus aut generalem Principum legem, vel receptum Ecclesiæ canonem, ex quo quidpiam ex adverso deducatur. Prodiit tandem Gratianus, qui cum retulisset diversa fragmenta, (apud Veteres enim agnovit receptum, ut raptores possent aliquando raptis conjungi, deinde observavit apud Recentiores hanc facultatem raptoribus denegatam), statim proposita distinctione inter raptorem poenitentem, & non poenitentem ratus est omnia veterum capita se conciliasse, quemadmodum tradit ad calcem canonis 7. & 11. cau. 36. qu. 2., atque eo progressa est Gratiani doctrina, ut sine discrimine postea recepta fuerit apud Collectores Decretalium cap. 7. de raptoribus, ex quo emerit novum jus generale in tota ferme occidentali Ecclesiâ; donec moderamen acceperit in Concilio Tridentino sess. 24. cap. 6. de reform. Matrim.

Hæc per varias temporum series brevi digestis, atque præactis, non erat sane cur improbaretur a Gratiano Doctrina, quam nomine Aquisgranensium Patrum describeret in dicto can. 11., eo prætextu, quod Hieronymi sententiæ ad-

verfaretur, & Hieronymus Sacrarum Literarum auctoritati inniteretur. Florebat enim Hieronymus eo tempore, quo nondum prodierant Iulianiani Constitutiones multo recentiores, quo propterea nondum erant omnino interdictæ nuptiæ inter raptorem, & raptam. Aquifgranfenses autem Epifcopi, aut quivis alii Auctores ejufdem canonis 11. proponantur, jamdiu agnoverant Imperiales leges ufu affiduo receptas, quibus propterea morem gerere non dubitarunt. Non ergo Aquifgranfenses Patres, aut quivis alii canonum Auctores Hieronymo adverfantur, fed unusquisque juxta recepta fuorum temporum jura differuerunt.

Atque ut hæc res penitus enucleetur, paucis expendam integram quæftionem 2. Gratiani; ipfe enim plura ibidem capita adfert, non vetera tantum, fed & Juftiniano recentiora, quibus diftinctionem fuam confirmare conatur. Quæritur initio, num raptor purgato (per poenitentiam arbitror ex iis, quæ inferius adjicit) raptinæ vitio, poffit raptam uxorem fibi jungere. Ad hæc adfert in primis canonem. 1. Chalcedonenfem, fed parum adpofite, cum nihil aliud in eo legatur, quam. Clericos raptores deponendos effe, Laicos vero anathematizandos; de conjugio autem poftea contrahendo, vel non contrahendo ne verbum quidem habetur. Nihil amplius legitur in can. 2., qui nomine Symmachi Papæ infcribitur. Quod dicitur in can. 3. ex Constitutione Joviniani Imperatoris, ad Sacras tantummodo Virgines pertinet, quarum conditio a conditione ceterarum in hac fpecie eft omnino diverfa. In canone 4. repetitur fententia Concilii Chalcedonenfis in canone 1. relata de anathemate raptoribus infligendo, quod ipfum habetur in can. 5., & 6. His nihilominus putavit Gratianus fe *evidenter* demonftraffe, raptorem non poffe, raptam fibi matrimonio jungere. Profequitur autem his verbis: *vitia autem, cum per poenitentiam purgata fuerint, nomina eorum abolentur*; atque id oftendit ex canone. 7., ubi nihil aliud habetur, quam illum apud Deum fallacem amplius non dici, qui per poenitentiam mendacii culpam delevit. Generalia hæc funt, & quæ ad rem minime pertinere poffunt. Exemplo effe poteft crimen homicidii ab adultero, & adultera admiſſum matrimonii cauſa adverſus maritum. Hujufmodi fane ſcelus ita punitur, ut perpetuo interdictum dicatur conjugium inter hujufmodi nuptiarum. juſtarum temeratores. Num hac in re etiam Gratianus fimiliter diſſeret, ut peracta poenitentia nomen homicidarum, & adulterorum deletum fuerit? Sed progreditur Gratianus, & adfert Hieronymi auctoritatem in can. 8.. An hic canon revera Hieronymi fit, non eſt hujus loci diſquirere: Tantum hoc in loco animadvertam, adferri ibidem exemplum virginis violatæ, quæ matrimonio jungenda fit cum violatore, quod refertur ad præcepta legis veteris in Deuteronomio cap. 22. ibi: *Si invenerit vir puellam virginem, quæ non habet ſponſum, & apprehendens concubuit cum illa, & res ad judicium venerit; dabit qui dormivit cum ea Patri puellæ quinquaginta ſcelos argenti, & habebit eam uxorem, quia humiliavit illam, non poterit dimittere eam cunctis diebus vite ſuæ*. Itaque ſpecies hæc propoſitæ quæſtioni minime convenit, cum aliud fit puellam rapere matrimonii cauſa, aliud puellæ pudicitiam ſupro attentare; & revera ubi de raptu quæritur, dubitatio erat apud Gratianum, utrum raptor raptam poſſit in uxorem habere; ubi de ſupro fermo fiat, juxta Deuteronomii ſententiam quæri poſſet, non utrum ſuprator deſloratam virginem poſſet, ſed an teneretur uxorem habere, quod Hieronymus, aut quivis alius Auctor aſſerebat. Gratianus igitur, qui ad calcem canonis 11. hanc Hieronymi, ut ait, ſententiam, vult ideo Aquifgranſis Concilii Patribus prævalere, quod

quod Sacris Literis nitatur, longe a proposito distat; nec Aquisgranenses Patres, aut Hieronymo, aut Sacris Literis adversari demonstrat, quod si demonstraret, etiam conaretur tradere non tantum posse, sed & omnino debere raptos raptis puellis jungi, siue pœnituerit eos flagitii, siue non, cum de obligatione ducendi in Deuteronomio constitutum fuerit, quin ulla pœnitentiz subsequens ratio habeatur. Quo vero pertinet canon 9. qui apud Ambrosium legitur in Apologia David cap. 8. ? Singulares ille continet observationes, & ad exemplum minime pertrahendas. Totus erat ibi Sanctus Mediolanensis Antistes, ut Davidem defenderet ab accusationibus plurium, qui ejusdem adulterium reprehendebant, præsertim vero Davidis pœnitentiam allegans, per quam illum omnem delicti sui maculam delevisse ipse etiam Sacræ literæ abunde testantur. Porro cum insigne Davidicæ pœnitentiz argumentum adpareat in Psalmo 50., in hoc totus consistit Ambrosius, ut in eo perfectissimam, absolutamque pœnitentiam demonstraret. Inter cetera, vel ex ipso numero Psalms, qualis est quinquagesimus, luit, asserens, quinquagesimum numerum perfectionem remissionis significare, quod & illustravit exemplo veteris anni Jubilæi, qui per singulos annos quinquaginta revolvebatur, item exemplo quinquaginta dierum Paschaliū, ex quibus ad maximum, & supremum Pentecostes gaudium devenitur; Post quæ ita subdidit Sanctus Doctor: *Denique & puellæ Pater illius, quæ vim concubitus nulli desponsata pertulerit, quinquaginta didrachmata argentea accipiet (legit Gratianus: quinquaginta drachmas argenteas juxta vulgatum recentiorum Sacræ Scripturæ textum, cum Ambrosius versionem septuaginta interpretum. sequutus fuisset, qualis eo tempore in usu erat) ipsa autem in conjugio permanebit.* Itaque Ambrosius respexit hoc in loco laudatum caput 22. Deuteronomiū, ut deduceret, perfectam paternæ injuriæ purgationem fieri per numerum quinquagesimum didrachmarum, eaque similitudine uteretur, ad defendendum Davidem, quod in Psalmo quinquagesimo maximæ pœnitentiz signa ipse ostendisset. At quod exinde, argumentum trahere possit Gratianus ad rem suam, facile unusquisque conjiciet. Demum Gratianus putavit distinctionem suam probari posse ex Concilio Meldensi, cujus fragmentum retulit in can. 10.; Verum ipsemet Gratianus jam agnovit in eodem canone describendo, se sibi met ipsi contradicere, cum animadverterit ad calcem ejusdem canonis statutum fuisse in eodem Meldensi Concilio, ut ne post pœnitentiam quidem raptori liceret raptam uxorem sibi sociare. Quamobrem jure concludere poterimus, quam perperam Gratianus, qui nullam rationem, aut notitiam veteris novæque disciplinæ habere potuit, & utriusque discrimina intelligere, nonnulla & veterum, & recentiorum Patrum fragmenta ad eam expendendam quæstionem adduxerit, in qua falsus est expresse se a canonibus Conciliorum Meldensis, & Aquisgranensis, ut ipse ait, recessisse eo prætextu, quod vellent veterum Patrum sententiis, quas apprimè non expenderat, adherere.

## CAPUT XLVII.

## De Concilio Cabilonenſi.

Ex Concilio Cabilonenſi Cabilone ad Ararim in Provincia Lugdunenſi celebrato vulgo *Cbalon* plura fragmenta retulit Gratianus, non quidem ex illo, quod celebratum fuit ſub Canderico Lugdunenſi Archiepiſcopo anno 650., in quo viginti canones editi ſunt, ſed potius ex eo, quod Cabilonenſe ſecundum appellatur, & ſunt, quæ ſequuntur.

Ex Concilio  
Cabilonenſi II.

- Can. 8. diſt. 81. falſo adſcriptus Concilio Moguntino.*
- Can. 3. diſt. 94. fere conſonat cum integris Concilii exemplaribus.*
- Can. 106. cau. 1. qu. 1. ex integris Concilii exemplaribus ſupplendus.*
- Can. 3. cau. 10. qu. 1. idem eſt cum can. 38. cau. 16. qu. 7.*
- Can. 7. cau. 10. qu. 3. paullo emendandus ex integris Concilii exemplaribus.*
- Can. 46. cau. 16. qu. 1. falſo adſcriptus Concilio Moguntino.*
- Can. 38. cau. 16. qu. 7. conſonat cum vulgatis Concilii exemplaribus.*
- Can. 42. cau. 16. qu. 7. falſo adſcriptus Concilio Moguntino.*
- Can. 5. cau. 20. qu. 3. idem eſt cum can. 42. cau. 16. qu. 7.*
- Can. 8. cau. 29. qu. 2. ex receptis Longobardorum legibus explicandus.*
- Can. 4. cau. 30. qu. 1. conſonat cum vulgatis Concilii exemplaribus.*
- Can. 72. de conſ. diſt. 1. ex vulgatis Concilii exemplaribus emendandus.*

## Adjiciuntur

- Can. 1. diſt. 18. pertinet ad Concilium Bracorenſe anni 563.*
- Can. 43. cau. 16. qu. 1. eſt potius Concilii Aquilgranenſis, aut Moguntini.*
- Can. 21. cau. 35. qu. 2. emendandus ex canonibus Conciliorum Moguntini, & Wormaciensis.*
- Can. 4. cau. 36. qu. 2. pertinet ad Capitulare Aquilgranenſe anni 816.*
- Can. 50. de conſ. diſt. 1. pertinet ad Capitulare Theodulphi Aurelianenſis.*

**C**elebratum eſt Concilium Cabilonenſe a juſſu Caroli Magni Imperatoris anno 813., ut enim maximum fuit hujus Principis ſtudio in conſulendo rebus Eccleſiaſticis, frequentiffimos cum Episcopis, & Regni ſui Proceribus conventus habebat. Quam ob rem ipſe eodem anno 813. plura curavit, ut fierent Concilia. Sunt, præter Cabilonenſe memoratum, Concilium Moguntinum, Rhemenſe,

ſe, Turonenſe, & Arelatenſe. In Synodo hac Cabilonenſi ſexaginta ſex canones habentur, quorum plures legimus apud Gratianum.

Huc refertur in primis canon 8. diſt. 81., qui apud Gratianum nomine Moguntini Concilii inferibitur, quemadmodum etiam Ivonem, & Burchardum, apud quos forte Cabilonenſes, ac Moguntini canones in eodem Codice deſcripti eſſe poterant, quod eodem anno, & in eiſdem Provinciis Gallicanorum, & ſub eiſdem Imperatoris auſpiciis, ac mandato editi eſſent. Habetur autem in cap. 40., ubi conſtitutum eſt, Clericos a proprio gradu depoſitos Laicorum more vivere non debere, ne ſcilicet poena adverſus illos inſiſta in diſſolutos mores, atque intemperantiam detorqueatur. Quamobrem jam illa ætate receptum fuiſſe adparet, quod & hodie apud nonnullos viget, ut Clerici poenitentiz cauſa vel in Monaſteriis includerentur, vel in Clericorum congregationes reciperentur, apud quos ſcilicet regularis vita ſervaretur, quales erant ſæculo nono vel Cathedrales, vel Collegiales Eccleſiæ, ad quas referenda ſunt illa verba, in *Monaſterium, aut Canonicam regularem mittantur*, quemadmodum habetur apud Gratianum, qui paullisper immutavit verba ipſa Concilii; nam in integris Concilii exemplaribus ita potius legitur: *in Monaſterio, aut canonico, aut regulari mittantur*.

Ad coercendam quorundam Archidiaconorum avaritiam, qui Epifcopi nomine, ſuſtrantes univerſam Dioceſim, uti mos erat, Parochis cenſus annuos imponebant, & quidem graviffimos, editus eſt in hoc Cabilonenſi Concilio canon 15. relatus apud Gratianum in canonem 3. diſt. 94., ubi pro verbis illis: *cenſum exigunt*, legendum eſt: *cenſus exigunt*, item pro illis, *juxta Apoſtoli ſententiam* legendum eſt: *juxta Petri Apoſtoli ſententiam*, ut referantur ad Epistolam 1. S. Petri cap. 5., in qua hæc de Epifcopis leguntur: *Neque ut dominantes in Cleris, ſed forma ſacri gregis ex animo*. Eadem etiam ratione in canon. 17. ejusdem Synodi Epifcopis ipſis interdictum eſt, ne annuos cenſus a Sacerdotibus ſuis exigerent.

In can. 16. ejusdem Concilii habetur canon 106. cau. 1. qu. 1., ubi Gratianus nonnulla omiſit, quæ ita ſupplere juvabit ex integris Concilii exemplaribus: *Qui- dam fratres dixerunt conſuetudinis antiquæ fuiſſe in eorum Eccleſiis, ut pro balfamo emendo ad Chriſtus faciendum, ſive pro luminaribus Eccleſiæ concinnandis binos, vel quaternos denarios Presbyteri darent; unde omnes uno conſenſu ſtatuiſſimus, ut ſicut pro dedicandis Baſilicis &c.* Hic ſequuntur, quæ legimus apud Gratianum.

In can. 3. cau. 10. q. 1. non verba ipſa Concilii habentur, ſed potius ſententia, quam jam Ivo perſtrinxerat in cap. 211. parte 3. ſui decreti ita ſcribens: *Ex Cabilonenſi Concilio cap. 1. In Sancto Cabilonenſi Concilio decretum eſt, ut omnes Eccleſiæ cum dotibus ſuis, & decimis, & omnibus rebus ſuis in Epifcopi proprii poteſtate conſiſtant, atque ad ordinationem ſuam ſemper pertineant*. Porro verba Concilii habentur in can. 42., quem retulit Gratianus in can. 38. cau. 16. qu. 7. Ceterum non deſunt quamplurimæ ejusdem ſere temporis Concilia, in quibus eadem omnino conſtituta cernuntur, ut minime dubium adpareat, hoc fragmentum Gallicanis noni ſæculi Patribus maxime convenire. Memorabo inter cetera Concilium Turonenſe 3. ejusdem anni 813. ubi canone 16. hæc leguntur: *Ut decimæ, quæ ſingulis dabantur Eccleſiis, per conſulta Epifcoporum a Presbyteris ad uſum Eccleſiæ, & pauperum ſumma diligentia diſpenſentur*. Item Concilium Moguntinum ejusdem anni 813., cujus nomine Gratianus aliquando ipſos Cabilonenſes canones retulit, nam in eo ita legitur can. 8. *Ut Epifcopi poteſtatem habeant res Eccleſiaſticas providere, regere, gubernare, atque diſpenſa.*

*penfare secundum canonum auctoritatem volumus.* Jungi his posset Concilium Aurelianense I. can. 17., Capitularia Francorum lib. 1. cap. 143., lib. 5. cap. 45., & cap. 182., & alibi passim.

Can. 7.  
cau. 10.  
qu. 3.

Jam superius observavimus ex can. 3. dist. 94. coercitam fuisse a Cabilonenfibus Patribus quorundam Archidiaconorum avaritiam, qui, ubi Diocesim lustrarent, a viris Ecclesiasticis census annuos exigebant. Eandem sollicitudinem ostenderunt Patres Cabilonenfes in compescenda quorundam Episcoporum, aut Metropolitano- rum tyrannide, quam idemdem exercebant cum sui ordinis injuria. En canonem 14., qui a Gratiano relatus est in can. 7. cau. 10. qu. 3. *Cavendum sane est, ne cum Episcopi Parochias suas peragrunt, quandam non solum erga subditos, sed erga socios tyrannidem exercent, ne (quod absit) cum charitate, sed quadam judicaria, invellione stipendia ab eis exigant.* Observandum etiam molis omnibus, ut si quando &c. Glossographi ad hunc canonem nomine subditorum Laicos, nomine sociorum Clericos intelligunt: non videtur contemnenda hæc interpretatio. Sed forte accom- modum magis alicui esse poterit, si nomine subditorum intelligamus fideles omnes, sive Clericos, sive Laicos Episcoporum potestati & regimini commissos, at no- mine fratrum intelligamus alios Coepiscopos, atque ita canonem hunc non de Episcopis tantum Diocesim suam, sed & de Metropolitans Provinciam suam lu- strantibus editum fuisse dicemus.

Can. 46.  
cau. 16  
qu. 1.

Rursum Gratianus in can. 46. cau. 16. qu. 1. nomen inscripsit Concilii Mogun- tini, cum tamen ille canon pertineat ad canonem 19. hujus Concilii Cabilonenfis, qui ita legitur in vulgatis Concilii exemplaribus: *Quæsti sunt præterea quidam fra- tres, quod essent quidam Episcopi, & Abbates, qui decimas non sinerent dari Ecclesiis, ubi illi coloni Missas audiunt; Proinde decrevit sacer iste Conventus, ut Episcopi, & Abbates de agris, & vineis, quæ ad suum, vel fratrum stipendium habent, decimas ad Ecclesias suas deferri faciant; familiæ vero eorum ibi dent decimas suas, ubi infantes eorum baptizantur, & ubi per totum anni circulum Missas audiunt.* Mihi editio Gra- tiani emendatior videtur.

Can. 38.  
cau. 16.  
qu. 7.

In aliquibus Gratiani exemplaribus canon 38. cau. 16. qu. 7. depromptus dici- tur ex Concilio Colonienfi II. cap. 42., at ibidem facile est agnoscere Typogra- phorum erratum; etenim pro Concilio Colonienfi scribendum est: Cabilonenfe. Revera in dicto Cabilonenfi Concilio eadem omnino verba habentur cap. 42., quæ etiam relata sunt in additionem 3. Capitularium Francorum can. 64. in editione Parisiensis anni 1677.

Can. 42.  
cau. 16.  
qu. 7. &  
can. 5.  
cau. 20.  
qu. 3.

Quod observavimus ad canonem 8. dist. 81, & ad canonem 46. cau. 16. qu. 1., id quoque evenit in can. 42. cau. 16. qu. 7., quem Gratianus ex Concilio Mo- guntino laudavit, licet potius laudandus fuisset ex Concilio Cabilonenfi, de quo ago- mus. Cum autem Gratianus idem paucis perstrinxerit, aut ab aliis perstrictam re- tulerit sententiam Cabilonenfis canonis 7., eandem hic integram exhibebo, qualis in vulgatis Concilii exemplaribus habetur. *Constituit sane sacer iste Conventus, ut Episcopi, sive Abbates, qui non in fructum animarum, sed in avaritiam, & turpe lu- crum inhiantes quoslibet homines illecebras circumveniendo totunderunt, & res eorum tali persuasione non solum acceperunt, sed potius subripuerunt, penitentia canonica, sive regu- lari, ut puta turpis lucri sectatores subjaceant.* Hi vero, qui vanis promissionibus illece- ras, vel quibuslibet machinationibus persuasi mentis inopes effecti, rerum suarum Domini esse nescientes, comam deposuerint, in eo, quod acceperunt, perseverare cogantur. Res nam- que,



fectum perducī; alias bonis moribus adversantes omnino damnarunt; alias nudas & simplices dixerunt, denegatis actionibus, sed agnita in ipsis quadam obligatione naturali, quæ si non servaretur, salva omnino fides, & honestas minime videbatur. Atque ut a proposita conjugiorum materie non discedam, erant apud Romanos conjugia omnino iusta, ea videlicet, quæ juxta solemnitates omnes juris celebrabantur, alia prorsus irrita, quæ scilicet inter consanguineos contrahebantur; alia demum quæ consistebant intra limites naturalis honestatis, & quidem tanquam conjugia a Romanis habebantur, licet omnes juris effectus non haberent, quemadmodum contingebat in nuptiis Virorum Clarissimorum, qui ignobilem uxorem duxissent; aut, quemadmodum Eruditissimis Viris placet, in nuptiis filiorum familias sine consensu patris contractis, in quibus non legitima quidem, sed tamen, iusta uxor appellabatur, in qua & adulterii crimen admissum veris adulterii pœnis coerceretur. Itaque etiam si apud Romanos veteres inter servos conjugia omnino probata non fuerint, non tamen erant prohibita, sed alio, non quidem prorsus legitimo, honesto tamen contubernii nomine appellabantur, quo significaretur, virum & uxorem non sacrorum, & familiarum, quæ solis Romanis Civibus erant concessa, sed domus communionem habere. Quæ si vera sunt, etiam salvis Civis Juris regulis apud viros Ecclesiasticos conjugia servorum poterant haberi tanquam vera conjugia, quæ ad Sacramenti rationem elevarentur; cum Sacramentum a Christo Domino institutum fuerit non peculiariter in matrimonio juxta omnes Romanorum leges celebrato, sed in matrimonio, quod legibus minime improbaretur, seu in quo servaretur honestas naturalis ex legum præscripto; eadem ferme ratione, qua jusjurandum, quod ad religionem pertinet, irritum prorsus habetur, si inhonestæ pactioni adjectum fuerit, & prorsus a legibus improbatæ, firmat tamen pactiones, quæ, licet legitimis actionibus destituantur, naturalem tamen obligationem pariunt, & nudæ, seu simplices appellantur.

Ut vero propius ad Cabilonensem canonem adcedam, qui non juxta vetera Romanorum principia, sed juxta leges noni sæculi interpretandus erit, observandum est, in proposita conjugiorum a servis contractorum materie ex Longobardorum moribus invaluisse, ut firma rataque haberentur, & prorsus indissolubilia servorum ancillarumque conjugia; dummodo consentientibus dominis celebrata proponerentur. Hinc conjugia isthæc quandam formam Longobardorum legibus acceperunt, unde & legitima appellari potuerunt. Porro de his est titulus 12. libri 2. legum Longobardarum, atque inter ceteras constitutiones hæc legitur num. 11. *Ut conjugia servorum non dirimantur, si servi Dominos habuerint, sed in uno conjugio servi permanentes Dominis suis serviant, sic tamen, ut ipsum conjugium legale sit, & per voluntatem Dominorum suorum juxta Evangelium: quod Deus conjunxit, homo non separet.* En igitur & in hac lege sermonem fieri de conjugio legali, & per voluntatem Dominorum contracto, quæ sane significant apud Longobardos, quorum mores nono sæculo receptissimi erant, conjugia servorum legalia, seu legitima appellata fuisse, quoties Dominorum consensus accessisset; quamquam tamen si Dominorum voluntas ab initio desideraretur, adhuc consisterent intra fines naturalis honestatis, licet non omnino legibus probata; hinc in lege 10. eodem titulo consensus Dominorum in conjugii servorum appellatur *convenientia*, quod sane nomen non proprie necessitatem inducit, ut actus consisteret, sed meram legalem solemnitatem, & ibidem statuitur eum, qui fornicatus fuerit cum ancilla servo nupta, etiam sine



ſine Domini voluntate , adulterii reum eſſe . Habemus ergo perſpicuam Cabilonenſis canonis ſententiam , qua definitum eſt , neminem amplius poſſe diſſolvere , conjugia ſervorum legitima , quibus ſcilicet ꝓcellit Dominorum conſenſus . Quid vero ſi ageretur de conjugio ſervorum , cui Domini non conſenſerint ? Nihil hæc in ſpecie peculiariter ſtatuant Cabilonenſes Patres ; ſed , ſi argumentum a contrario , ut vocant , ſenſu quidpiam hic valere poteſt , concludendum videretur , ea conjugia diſſolvi poſſe ex mente Concilii Cabilonenſis . Non improbavim ego huiusmodi doctrinam , quoties ita intelligamus , ut Domini poſſint quidem illorum conjugia dirimere quoad certos effectus , ubi ſcilicet aliquid juri dominico detraberetur ; non vero quoad ipſum matrimonii vinculum , quod etiam in naturali quodam jure conſiſtit , & Divinis institutionibus , ac Sacramentali benedictione confirmatur .

De canone 4. cau. 30. qu. 1. nihil eſt , quod ſpecialiter diſſeram . Habetur ille eiſdem verbis in canone 3. ejuſdem Concilii Cabilonenſis .

Can. 4.  
cau. 30.  
qu. 1.

Adverſus recentiores hæreticos plurimum facit canon 72. de conſecrat. 1. , quo facile offenditur , juſtas fidelium animas corporibus exutas penis purgatoriis expiari , quoties non Deo legitimis penitentis junctæ corpori ſatiſfeciffent ; in eo enim capite non tantum id definitum habemus , ſed & antiquiſſimæ Sanctorum Patrum traditioni accepto fertur . Integra hic deſcribam verba Cabilonenſis canonis 39. , cum Gratianus ab illis aliquantiſper recellerit . Viſum præterea nobis eſt , ut in omnibus Miſſarum ſolemnitatibus pro defunctorum ſpiribus loco competenti Dominus deprecetur . Sicut enim nulla dies excipitur , qua non pro quibuſlibet neceſſitatibus Dominus deprecetur , ita nimirum nulla dies excipi debet , quin pro animabus fidelium preces Domino in Miſſarum ſolemnibus fundantur . Antiquius hunc morem igitur Sancta Eccleſia tenet , ut & in Miſſarum ſolemnitatibus , & in aliis precibus Domino Spiritus quieſcentium commendat , dicente B. Auguſtino : non ſunt prætermittendæ ſupplicationes pro Spiritu mortuorum , quas faciendas pro omnibus in Chriſtiana , & Catholica ſocietate defunctis , etiam tacitis nominibus eorum ſub generali commemoratione ſueceptis Eccleſia , ut quibus ad iſta deſunt parentes , aut filii , aut quicumque cognati , vel amici , ab una eis exhibeantur pia matre communi .

Can. 72.  
de conſ.  
diſt. 12.

His obſervavimus canones Concilii Cabilonenſis II. Superſunt adhuc aliquot fragmenta a Gratiano adſcripta Concilio Cabilonenſi , quæ tamen in nullo huiusmodi Concilio ex editis reperiuntur , ad alios autem potius auctores pertinere noſcuntur . Ex his eſt canon 1. diſt. 18. , qui referendus eſt ad Concilium Bracarenſe anni circiter 563. in quo poſt capita 17. fidem ſpectantia , ſubjecta ſunt alia ad reformationem diſciplinæ pertinentia , atque inter hæc numero 6. ita legitur : Item placuit , ut conſervato Metropolitani Episcopii Primatu ceteri Episcoporum ſecundum ſuæ ordinationis tempus alius alio ſedendi deſerant locum . Huic conſtitutioni conſonant plures aliorum Conciliorum canones . Etenim in Concilio Carthagenſi anni 402. ſimilis omnino ſententia legitur , relata in Codicem canonum Eccleſiæ Africane num. 86. ibi : Illud ſcimus inviolate ſemper manſiſſe Eccleſiaſticam diſciplinam , ita ut nullus fratrum Prioribus ſuis ſe aliquando auderet anteponere , ſed officiis eboritatis id ſemper exhibitum eſt Prioribus , quod ab inſequentibus gratanter ſemper acciperetur . . . . Communis hæc cauſa eſt . . . ut unusquiſque noſtrum ordinem ſibi decretum a Deo cognoſcat , & poſteriores anterioribus deſerant , nec eis inconſultis aliquid agere præſumant . . . . Univerſi Episcopii dixerunt : hic ordo & a Patribus , & a majoribus

Can. 1.  
diſt. 18.

*bus servatus est, & a nobis Deo propitio servabitur, salvo etiam jure Primatus Numidiae, & Mauritaniae.* Item in Concilio Toletano IV. can. 3., ubi sermo est de Provinciali Concilio, ita legitur: *Episcopi secundum ordinationis suae tempora resideant.* Eadem habentur apud Gregorium Magnum in Epist. 114. ad Siagrium lib. 7. ibi: *Episcopos secundum ordinationis suae tempus, sive ad considerandum in Concilio, sive ad subscribendum, vel in qualibet alia re sua attendere loca decernimus, & suorum sibi praerogativam ordinum vindicare.* Consonat praeterea S. Augustinus in Epist. ad Victorium, & Hincmarus Epist. 6. cap. 16. ibi: *Inter Episcopos haec conditio regularis servatur, ut qui prius fuerit ordinatus, prior habeatur.* Quia de causa dictum fragmentum Gratiani Cabilonenſi Concilio inscriptum fuerit, prorsus ignoro, nisi forte suspicari liceat, apud Collectores ad marginem adscriptum olim fuisse nomen Concilii Carthaginensis, ut referretur ad sententiam dicti canonis Carthaginensis supra descripti; Amanuenses autem pro Carthaginensi Concilio ex vocum similitudine, deceptos Cabilonenſe legisse, eoque nomine canonem literis designasse.

Can. 43.  
cau. 16.  
qu. 1.

Canon 43. cau. 16. qu. 1. apud Gratianum tribuitur Concilio Cabilonenſi, apud Ivonem Concilio Meldensi his verbis: *Ut Ecclesiae antiquitus constructae nec decimas, nec ulla possessione priventur, ita ut novis Oratoriis tribuantur.* At neque Ivo, neque Gratianus auctorem germanum canonis indicaverunt. Habetur ille in Capitulari Aquigranensi anni 819. num. 19. eisdem verbis, quae leguntur apud Gratianum, ideo autem forte ex Concilio Cabilonenſi laudatus, quia Aquigranensis conventus eodem anno habitus fuerit, quo Concilium Cabilonenſe, & simul in eodem Codice jungi poterint & Aquigranenses, & Cabilonenſes canones, ut alii pro aliis facile acciperentur. Relatum est idem fragmentum in lib. 2. Capitularium cap. 36., librum 5. cap. 157., legitur praeterea in Concilio Arelatenſi VI. anni 813. can. 20., & in Concilio Moguntino ejusdem anni can. 41., atque hinc etiam fieri potuit, ut Gratianus Cabilonenſe pro Moguntino Concilio adscripserit, quemadmodum alias egit in can. 8. dist. 81., can. 46. cau. 16. qu. 1., & in can. 5. cau. 20. qu. 3., nisi forte suspicari quispiam velit, ideo a Gratiano memoratum ibidem fuisse Concilium Cabilonenſe, ut indicaretur in eo nonnulla similia constituta fuisse, videlicet in can. 2., qui idem est cum can. 46. cau. 16. qu. 1. Qualicumque autem Concilio tribuatur hujusmodi sententia, illud certum est, eam cum disciplina Gallicanae Ecclesiae saeculo nono pluries confirmata congruere.

Can. 21.  
cau. 35.  
qu. 2.

Canon 21. cau. 35. qu. 2. refertur apud Gratianum nomine Concilii Cabilonenſis, in quo tamen nihil aliud habetur de gradibus cognationum, nisi generatim observandum esse, quod jam de illis in aliis Conciliis constitutum fuerat. Hinc in can. 28. Concilii Cabilonenſis II. haec leguntur: *Interrogaverunt nos quidam de consuetudine propinquitatum, & in quibus gradibus matrimonia jungenda sint; quibus ad canones currere praecipimus, & quod in eis continetur, hoc ab eis in negotio, sicut in ceteris, observari debere.* Cabilonenſes autem Patres, ut arbitror, respexerunt ad id, quod pridem ipsi constituerant eodem anno in Concilio Moguntino, in quo can. 54. haec statuta sunt: *Contradicimus quoque, ut in quarta generatione nullus amplius conjugio copuletur, ubi autem post interdictum saltum inventum fuerit, separetur.* Hic sane idem est cum dicto canone 21. Gratiano, quem, licet Cabilonenſi Concilio tributum, melius Moguntino adscribemus. Depravata autem fuit a Gratiano editio canonis in illis verbis: *In quarta, vel in quinta, sextaque generatione; etiam Concilium Moguntinum in quarta tantummodo generatione matrimonii con-*  
trahi

trahi interdixerat; nec, ſi in ſexta generatione interdicenda putaverat, opus erat expreſſe in quarta, & quinta, uti apud Gratianum ſcribitur, prohibere. Hanc præterea Gratiani leſionem improbat Concilium Wormacienſe anni 868., in quo etiam eadem ſententia habetur in can. 78. his verbis: *Contraſticimus quoque, ut in quarta generatione nullus amplius conjugio copuletur; ubi autem poſt interdictum factum inventum fuerit, ſeparetur.* Nulla ſane ibi mentio ſit quintæ, vel ſextæ generationis. Video tamen, undenam profeſſa fuerit Moguntini canonis immutatio; videlicet a Benedicſto Levita Capitularium Francorum Collectore, qui relaturus inter Capitularia lib. hodie 5. cap. 166. eundem canonem Moguntinum, alias vero agnoscens non eandem in omnibus Provinciis ſervatam fuiſſe graduum diſciplinam, ita canonem ſcripſit: *Contraſticimus quoque, ut in quarta, vel quinta, ſextaque generatione, nullus amplius conjugio copuletur. Ubi autem poſt interdictum factum inventum fuerit, ſeparentur.*

Canon 4. cau. 36. qu. 2. falſo adſcriptus fuit a Gratiano Concilio Cabilonenſi. Can. 4. cau. 36.  
Potius laudandus erat ex Capitulari Ludovici Pii in Aquisgranenſi Palatio edito anno 816., in quo hæc habentur can. 23. *De puellis raptis, necdum deſponſatis in Concilio Chalcedonenſi, ubi DCXXX. Patres adſuerunt, cap. 38. habetur: Eos, qui rapiunt puellas ſub nomine ſimul habitandi, cooperantes, & conhibentes raptoribus, decrevit Sancta Synodus, ſi quidem Clerici ſunt, decilant gradu proprio, ſi vero Laici, anathematizentur. Quibus verbis aperte datur intelligi, qualiter hujus mali Auctores damnandi ſunt, quando participes, & conhibentes tanto anathemate feriuntur, & quod juxta canonicam auctoritatem ad conjugia legitima raptas ſibi jure vindicare nullatenus poſſunt.* Hæc verba eadem propemodum ſunt cum Gratianeis. Atque eundem canonem retulit Anſegiuſ in lib. 1. Capitularium cap. 98., & Benedicſtus Levita, in lib. 7. cap. 183. editionis Pariſienſis anni 1677. Confirmarunt eandem ſententiam Patres Concilii Troſlejanî anni 909. in can. 8., & Patres Concilii Wormaciienſis anni 868. in can. 77.

Canon 50. de conſ. diſt. 1. falſo adſcriptus eſt Concilio Cabilonenſi, & potius referendus eſt ad Capitulare Theodulphi Aurelianenſis edito primum a Baronio, Can. 50. de conſ. diſt. 1.  
deinde vero a Sirmondo, a quo tributum eſt anno 797., ibi autem can. 38. hæc leguntur: *Solent plures, qui ſe jejunare putant, mox ut ſignum audiunt, ad nonam manducare, qui nullatenus jejunare credendi ſunt, ſi ante manducaverint, quam veſperinum celebretur officium; concurrentium eſt enim ad Miſſas, & auditis Miſſarum ſolemnibus, ſive veſperinis officiis, largitis elemoſynis, ad cibum accedendum eſt. Si vero aliquis neceſſitate conſtrictus fuerit, ut ad Miſſam convenire non valeat, aſtimata veſpertina hora, completa oratione ſua, jejunium abſolvere debet.*

## CAPUT XLVIII.

## De Concilio Turonensi.

Concilio Turonensi duo hæc fragmenta tribuuntur apud Gratianum.

{ Can. 22. cau. 23. qu. 5. ex integris Concilii exemplaribus emendandus.  
 { Can. 11. dist. 18. forte pertinet ad Capitulare Aquisgranense anni 789.

**P**Lura apud Conciliorum Collectores memorantur Concilia Turonensia, ita dicta ab oppido Gallia, quod alii Turonem, alii Turonicam, alii a S. Martino Turonensi Martinopolim appellarunt. Hoc tamen in loco non aliud laudandum occurrit, quam quod vulgo tertium dicitur, celebratumque est anno 813. sub Carolo Magno Imperatore eodem tempore, quo diximus celebratum esse Concilium Cabilonense, & Moguntinum; etenim tum cum in Turonem convenissent & Episcopi numero plures, & Abbates, & universi Clerici, quæ emendatione digna videbantur in disciplina Ecclesiastica quinquaginta & uno capitibus complexi sunt, eademque Carolo Magno exhibuerunt confirmanda, ita scribentes: *Hæc nos in Conventu nostro ita ventilavimus, sed quomodo deinceps Pissimo Principi nostro de his agendum. placebit, nos fideles ejus famuli libenti animo ad nutum, & voluntatem ejus parati sumus.* Inter hæc capita, quæ Imperatori proposita fuerunt, numero 41. habetur canon 22. cau. 23. qu. 5., qui ita restituendus erit ex integris Concilii exemplaribus: *Incestuosi, Parricidae, Homicidae multi apud nos, bene pro dolor! reperiuntur: sed aliqui ex iis Sacerdotum nolunt admonitionibus aurem accommodare, volentes in pristinis perdurare criminibus, quos oportet per secularis potentie disciplinam a tam prava consuetudine coerceri, qui per salutifera Sacerdotum monita noluerunt revocari; quorum aliquos jam excommunicavimus. Sed illi hoc parvipendentes in eisdem perduraverunt criminibus. Quamobrem vestra decernat mansuetudo, quid de talibus deinceps agendum sit.* Hic canon integer relatus est ab Ansegiso inter Capitularia Francorum lib. 1. cap. 43., quod sine indicio est, illum fuisse omnino probatum, confirmatumque. Clarius autem in lib. 6. Capitularium cap. 71., & apud Isaacum Lingonensem tit. 4. cap. 5. legitur: *De incestuosis, & parricidis, ut canonice coerceantur, sicut de illo judicatum est, qui materem suam filiam stupravit, ut conjugium ultra non repetat, & militie cingulum derelinquat, & aut Monasterium petat, aut si foris remanere voluerit, tempora penitentiae secundum canones pleniter exsolvat.* Porro Turonensem canonem valde perstrictum primus descripsit Burchardus, adimens ea, quæ ad Caroli Imperatoris confirmationem referebantur, verius, ne Germanos offenderet, apud quos scribebat, si forte quidpiam attingeret, quod quoquo modo ad veterum Francorum Capitularia pertineret. Ex Burchardo mutilatum fragmentum Ivo retulit, & demum ex Ivone Gratianus.

**D**uobus in locis tanquam ex Turonensi Concilio hæc verba describit Gratianus: *Con. 11. dist. 18. Episcopus non debet Abbatem cogere ad Synodum ire, nisi aliqua rationabilis causa existat; videlicet in can. 11. dist. 18., & post canonem ultimum cau. 18. qu. 2. Sequitur est Gratianus Burchardum, & Ivonem, qui eadem laudant ex cap. 11. Concilii Turonensis. In omnibus Conciliis Turonensibus, quæ huc usque edita sunt, hoc frag-*  
 mentum

mentum desideratur, imo in Concilio Turonensi II. anni 567. statuitur, omnes ad Episcoporum Concilia vocatos convenire debere *sine cujuslibet excusatione personæ, & nullius occasione velaminis*. Dicam in hac re candide, quod sentio. Duplicem illæ canon interpretationem habet. Primum ita intelligi commodè potest, ut Abbas non deberet cogi accedere ad Synodum sine iusta causa, ne a solitudine invitaretur ad Civitates, neve in rebus Ecclesiasticis pertractandis curam gerere teneretur, cujus conditio erat in recessu latere, & orando Monachos instruere, verbo, & exemplo; atque hac ratione non dubitaverim cum disciplina 6. sæculi, & sequentium convenire dictum canonem; etenim tum nihil magis, aut pressius Episcopis indictum est, quam ne Monachos, aut eorum Abbates a solitaria vita revocarent, quemadmodum ex plurimis Gregorii Magni Epistolis luculenter eruitur; imo si hæc vera sunt, suspicor originem ejusdem canonis profectam fuisse ex Capitulari Aquisgranensi Caroli Magni anni 789., in quo hæc leguntur cap. 29.: *Monachos vero, qui sunt per singulas Civitates, & Provincias, Episcopis subditos esse, & quietem diligere, & sejunctis esse intentos, & orationibus, & in illis locis observare, in quibus sæculo renuntiassent videntur*. Nequaquam autem Ecclesiasticis, vel secularibus rebus communicare, nec importunitatem inferre, desertis propriis Monasteriis, nisi forte *quæsi* fuerint propter causam necessariam a Civitatis Episcopo. Postrema hujus canonis verba plurimum consonant cum Gratiani fragmento; quamobrem forte Burchardus ejusdem Aquisgranensis Capitularis sententiam, uti alias præstitit, paucis pertrinxit, ediditque, nomine Concilii Turonensis, ut a nomine Capitularium more suo abstineret. Burchardum vero sequuti facile fuerunt Ivo, & Gratianus. Altera canonis interpretatio esse potest, qua asseratur, jam tum Monachos, & præsertim Monachorum Præfectos, sive Abbates fuisse a potestate Episcoporum exemptos ita, ut nec vocati ad Concilia pergere tenerentur; atque in hac specie nemo poterit canonem hunc tanquam genuinum agnoscere, nisi qui ignoraverit tempora, ex quibus Monachorum privilegia, & exemptiones initium habuerunt, idemque simul ignoraverit undecimo, & duodecimo sæculo plura Monachos ipsos confixisse quasi veterum monumenta, ut tandem Episcoporum potestatem excuterent; verum hæc commodius, & fustius alibi. Tantum hic adferam fragmentum Concilii Aurelianensis I. anni 511. in can. 19. ibi: *Abbates pro humilitate religionis in Episcoporum potestate consistant . . . qui semel in anno in loco, uti Episcopus elegerit, accepta vacatione conveniant*.

## CAPUT XLIX.

## De Conciliis Moguntinis.

Plura sunt apud Gratianum fragmenta, quæ ipse nomine Concilii Moguntini laudavit. Verum sive Gratianus, sive Gratiano anteriores Collectores Ivo, & Burchardus nomine Concilii Moguntini usi persæpe fuerunt etiam in describendis aliorum Conciliorum canonibus, quemadmodum superius jam animadverti in cap. 47., ubi de Concilio Cabilonensi. In quatuor itaque classes distributa exhibebo Gratiani fragmenta, quæ Moguntino Concilia tribuuntur; illa in primis, quæ ex Concilio Cabilonensi

nensi II. exceperat; at de istis hic nihil deinde subijciam, cum suo loco exposita fuerint; secundo capita Concilii Moguntini anni 813., tertio capita alterius Moguntini Concilii anni 847., demum illa, quæ ex variis auctoribus deprompta fuerunt, & Moguntinorum Conciliorum nomine inscripta.

Canones Moguntino Concilio tributi.	<div> <div>Can. 8. diff. 81. Can. 46. cau. 16. qu. 1. Can. 42. cau. 16. qu. 7. Can. 5. cau. 20. qu. 3.</div> <div>}</div> </div>	potius pertinent ad Concilium Cabilenense II. anni 813.
Ex Moguntino Concilio anni 813.	<div> <div>Can. 2. diff. 76. ex integris Concilii exemplaribus supplendus. Can. 18. cau. 13. qu. 2. ex aliis Codicibus emendandus. Can. 37. cau. 16. qu. 7. in pluribus Capitularium locis confirmatus. Can. 37. de conf. diff. 1. fere consonat cum vulgatis Concilii exemplaribus.</div> <div>}</div> </div>	
Ex Moguntino Concilio anni 847.	<div> <div>Can. 30. cau. 13. qu. 2. consonat præterea cum Concilio Wormatiensi anni 868. Can. 24. cau. 17. qu. 4. varius in diversis exemplaribus. Can. 8. cau. 18. qu. 2. ex ipsius Concilii exemplaribus emendandus.</div> <div>}</div> </div>	
Adjiciuntur.	<div> <div>Can. 7. cau. 2. qu. 7. videtur Ecclesiasticæ 9., &amp; 10. sæculi discipline adversari. Can. 65. cau. 11. qu. 3. pertinet ad Concilium Toletanum IV. anni 633. Can. 42. cau. 16. qu. 1. pertinet ad Concilium apud Consuentiam anni 922. Can. 7. cau. 16. qu. 6. conformis est discipline medii temporis. Can. 6. cau. 16. qu. 7. consonat vulgatæ noni &amp; decimi sæculi doctrine. Can. 7. cau. 16. qu. 7. pertinet ad Capitulare Ludovici Pii anni 829. Can. 5. cau. 30. qu. 1. referendus ad Rhabanum in Epist. ad Heribaldum. Can. 20. cau. 32. qu. 7. consonat Concilii Moguntini anni 813., &amp; anni 847. Can. 21. cau. 32. qu. 7. pertinet ad Concilium Vermeriense anni 752. Can. 102. de conf. diff. 4. pertinet ad Concilium Parisiense 6. anni 829.</div> <div>}</div> </div>	

### De Concilio Moguntino anni 813.

**C**elebratissimum est inter Concilia Moguntina, ita dicta a Moguntia Civitate Germaniæ, illud, quod celebratum fuit tempore Caroli Magni sub Richolpho Archiepiscopo anno 813., ubi eodem Imperatore Patrocianante sex supra quingenta

ginta Ecclesiasticæ disciplinæ capita constituta sunt, eisdemque, ut confirmarentur, exhibita, quemadmodum dicitur in Epistola synodica ad eundem missa a Patribus ejusdem Concilii, quæ hodie ipsius Concilii actis præfixa est. Num ea omnia a Carolo Magno revera confirmata fuerint, nihil certi adparet. De illis canonibus, qui apud Gratianum referuntur, quoad fieri poterit, investigabimus.

Et primum quod attinet ad canonem 2. dist. 76. is habetur in can. 34. ejusdem Concilii his verbis: *Constituimus, ut quatuor tempora anni ab omnibus cum jejuniis observentur, idest in mense Martio hebdomada prima, & feria quarta, & sexta, & Sabbato veniant omnes ad Ecclesiam hora nona cum litanis ad Missarum solemnias. Similiter in mense Junio hebdomada secunda, feria quarta, & sexta, & Sabbato jejunetur usque ad horam nonam, & a carne ab omnibus abstinenceatur. Similiter in Mense Septembrio hebdomada tertia, & in mense Decembrio hebdomada, quæ fuerit plena ante vigiliam Natalis Domini, sicut est in Romana Ecclesia traditum.* Ex his emendare, ac supplere juvabit Gratiani fragmentum, paucis, & veluti compendio verborum peritricium. Cum autem eadem verba relata fuerint a Benedicto Levita inter Capitularia lib. 5. cap. 151. juxta editionem Parisiensem anni 1677., facile conjicere possumus, canonem hunc usu fuisse receptum.

Canon 18. cau. 13. qu. 2. legitur in can. 52. ejusdem Concilii, ubi, si fides est vulgatis Concilii exemplaribus habenda, pro illis verbis *intra Ecclesiam* legitur, *infra Ecclesiam*; quod idem significat, ac prope Ecclesiam, idest in atrio, vel in porticu Ecclesiæ, quemadmodum in more fuisse illis temporibus ex aliis Conciliorum monumentis facile ostendi posset. Qualicumque vero lectio recipiatur, illud certum est, hunc integrum canonem non fuisse probatum generaliter: etenim eodem anno 813., quo Episcopi Regia etiam auctoritate freti plurima constituerant, ad eorum confirmationem celebratum est Capitulare editum in 1. tomo Capitularium Parisiensis editionis anni 1677. pag. mihi 501., ubi numero 20. hæc leguntur: *Ut mortui non sepeliantur in Ecclesia, nisi Episcopi, vel Abbates, vel fideles, & boni Presbyteri.* Nullus itaque ibi sermo est de fidelibus Laicis, imo nec de Clericis, aut Ministris Presbytero inferioribus, quos omnes extra Ecclesiam, non in Ecclesia, tumulari licebat. Fateor tamen deinde, cum Collectores canonum Moguntinum canonem retulerint, & Capitulare non amplius attenderint, facile receptum fuisse, ut, præter Abbates, & Presbyteros, etiam fideles Laici in Ecclesiis sepelirentur, præsertim vero post Decretum Gratiani, ejus capita sæculo 12. tanquam fons & exemplar disciplinæ optimæ, ac probatissimæ observantur.

Canon 37. cau. 16. qu. 7. habetur eisdem omnino verbis in canone 29. Concilii ejusdem Moguntini: & quidem Imperatoris auctoritate accedente confirmatus est; etenim in superius memorato Capitulari anni 813. ita legitur: *Ut Laici Presbyteros non ejiciant de Ecclesiis, nec alius mittere præsumant.* Similis quoque sententia relata est ab Ansegiso in lib. 1. Capitularium cap. 84. his verbis: *Statutum est, ut sine auctoritate, vel consensu Episcoporum Presbyteri in quibuscumque Ecclesiis nec constituantur, nec expellantur. Et si Laici Clericos probabilis vitæ, & doctrinæ Episcopis consecrandos, suisque in Ecclesiis constituendos obtulerint, nulla qualibet occasione eos rejiciant.* Et rursus relata sunt apud Benedictum Levitam in lib. 5. cap. 87., cum quo etiam conferri posset caput 98. cum aliis similibus permixtis.

Can. 37. de conf. dist. 1. legitur in can. 51. Concilii Moguntini his verbis : *Deinceps vero corpora sanctorum de loco ad locum nullus presumat transferre sine consilio Principis, vel Episcoporum, & Sanctae Synodi licentia.* Opportunum sane decretum, quo obviam iri debebat popularibus animorum motibus in translationibus Sanctorum Corporum celebrandis; essi enim ex pietate illarum ut plurimum fieri soleant, aliquando tamen seditionibus, ac jurgiis occasionem praebent, ut propterea nonnisi gravissimo seniorum consilio fieri queant. Utrum vero ille canon expresse fuerit Imperiali lege probatus, non satis constat, nisi forte eo referre velimus, quod dicitur in memorato Capitulari confirmationis anni 813. cap. 28. *Ut inquiratur diligenter de fideiis hominibus, qui solent incongruas commotiones facere, tum in Dominicis diebus, quamque & aliis solemnitatibus, sicuti & in feriaticis diebus. Hoc omnino prohibendum est, ne facere presumant.*

## De Concilio Moguntino anni 847.

Ad exemplum Concilii Moguntini anni 813. videtur omnino celebratum aliud Concilium Moguntinum anni 847. Indixit illud Rhabanus Moguntiae Archiepiscopus Lotharii Imperatoris auctoritate, quemadmodum ex Epistola synodica ejusdem Concilii facile constat, & quidem ut lapsa disciplina Ecclesiastica repararetur, praesertim in ea parte, quae Ecclesiarum, & Clericorum honorem spectabat. Deinde in canone ultimo Concilii legitur, Episcopos ad Imperatorem Synodi acta misisse, petentes, ut ejus auctoritate firmarentur, & si quis adversarius illis existeret, voluisset, prevalere non permetteretur. Num vero omnia Concilii acta, & constitutiones probatae fuerint a Lothario, ac confirmatae, non constat. De capitibus Gratianis peculiariter inquiram.

Can. 30. Ad hanc Synodum pertinet canon 30. cau. 13. qu. 2., qui eisdem omnino cau. 13. verbis legitur in can. 27., cum autem confirmatus eisdem etiam verbis fuerit 24. 2. in canone ultimo Concilii Wormaciensis anni 868., & medio 10. saeculo in Collectionem primum Reginonis, deinde in alias relatus fuerit, facile conjicio, canonem eundem fuisse ab initio probatum, deinde generali consuetudine ab omnibus receptum.

Can. 24. In eodem Concilio can. 23. legimus canonem 24. cau. 17. qu. 4., ubi qualis cau. 17. sit verborum varietas ex aliis Codicibus jam Romani Correctores observaverunt. Porro de jurejurando liberorum hominum recipienda erit lectio illa, quae habet *cum duodecim*, non illa, quae habet, *cum septuaginta duobus*; etenim olim, apud Francos, & Germanos solemne erat, ut ingenui coram duodecim jurarent, quemadmodum constat ex Capitulari Dagoberti Regis anni 630. cap. 24. ibi: *Si aliquis homo in mortem Ducis consiliatus fuerit . . . , si jurare voluerit, eum duodecim juret in Ecclesia.* Item de duodecim Juratoribus mentio fit in Capitulari Caroli Magni anni 798. cap. 61., in lib. 3. Capitularium cap. 23., & in lib. 1. legum Longobardarum tit. 25. num. 75. De purgatione fervorum per ferrum, candens in gravissimis delictis, & in levioribus per aquam fervidam sexcenta sunt & legum publicarum, & canonum Ecclesiasticorum medii temporis monumenta. Utrum vero canon iste fuerit Lotharii auctoritate confirmatus, minime constat, nec ausim fidenter asserere.

Ad



Ad hoc idem Concilium Moguntinum pertinere videtur canon 8. cau. 18. qu. 2., Can. 8.  
cau. 18.  
qu. 2. non quod eadem verba in Synodo habeantur, sed quod ex verbis Synodi a Collectoribus sit elucubratus. Etenim in Concilio hoc Moguntino can. 16., quemadmodum & in Concilio Cabilonenſi anni 813. can. 57. hzc habentur: *Abbatissa, quæ in civitate Monasterium habet, nequaquam de Monasterio egrediatur, nisi per licentiam Episcopi sui, aut qui ejus vices obtinet, nisi forte Regali jussione cogatur; & si quando foras pergit, de sanimonialibus, quas secum ducit, curam, & vigilantiam habeat, ut nulla eis detur peccandi licentia, siue occasio. Sed & cum pergit, in Monasterio talem in vice sua constituere debet, quæ de Sanimonialium animabus curam, & vigilantiam gerat.* Quod itaque in Concilio Moguntino de Abbatissa specialiter constitutum fuerat, aliquis ex Collectoribus ad Abbates protraxit, aliisque verbis sententiam perstringens Moguntino Concilio adtribuit. Jamvero nonnulla de hoc eodem canone attigi, ubi de Conciliis Toletanis ad canonem 43. cau. 16. qu. 7. Non omitam etiam animadvertere, hunc canonem legi in Penitentiali Theodori Cantuariensis, quem edidit Jacobus Petitus Parisiis anno 1677. cap. 6. pag. 6. tom. 1. his verbis: *Abbas potest pro humilitate cum permissione Episcopi locum suum derelinquere, tamen fratres eligant sibi Abbatem de ipsis, si habent; sin autem de extraneis.*

## De aliis Canonibus Moguntini Concilii nomine laudatis.

Plura præterea, & sub Rhabano, & sub aliis Moguntinis Episcopis celebrata, fuere Concilia ad firmandam Ecclesiasticam disciplinam; eorundem tamen acta vel omnino, vel in parte deperierunt, uti viri eruditi, & rerum antiquarum solertissimi investigatores testantur. Hinc forte evenit, ut plura capita apud Collectores canonum Conciliis Moguntinis adscribantur, quorum tamen exemplaria in præfens desiderantur. Curabo nihilominus, ut Gratianeos canones, qui supersunt, quoad fieri potest ad ea, quæ habemus, edita monumenta exigam, ut in re perobscura nonnihil luminis adferatur.

Quod Gratianus refert in can. 7. cau. 2. qu. 7. videtur Auctorem habere mediz Can. 7.  
cau. 2.  
qu. 7. ætatis, videlicet octavi, vel noni sæculi, quemadmodum indicat verbum illud *attestimoniare*, quod nonnisi illis temporibus in usu fuit, in nullo autem ex editis Moguntinis Conciliis legitur. Romani Correctores monuerunt in vetustis Gratiani exemplaribus non haberi, sed eo titulo legi apud Burchardum in lib. 16. cap. 7. Ego vero de Burchardi fide plurimum dubito, aliis in locis expertus, quoties ille & falsa nomina fragmentis inscripserit, & canonum sententias aliis verbis retulerit, atque immutaverit, præsertim quod aliam fuisse, & contrariam sæculi decimi consuetudinem agnoscam ex collectione Capitulari Benedicti Levitz, qui in lib. 7. cap. 211. hzc refert: *Omnes Episcopi in tertia sessione asclamaverunt: Dane dignum est, ut sicut Sacerdotes, vel Clericos sua in accusatione, vel secularibus judiciis Laici non recipiant, ita ipsi Sacerdotes, vel Clericorum accusationibus, seu Ecclesiasticis negotiis, nisi sponte, non recipiantur; quoniam inconvenientis est, ut hi, qui hos respuunt, ab his recipiantur.* Ex quibus adparet sæculo nono, & decimo illud moribus fuisse receptum, ut Presbyteri non admitterentur ad testimonium ferendum in judiciis

Laicorum, quod eo magis fervari decebat, ubi ageretur de Parocho, & Parochianis, & quidem hujus disciplinæ duplex esse poterat ratio. In primis enim videtur Parocho maxime indignum, ut subditos suos in publicis judiciis persequatur accusationibus, vel testimoniis, quibus plebis odia in se torquat, quemadmodum ex hujusmodi officiis ut plurimum evenire solet. Præsertim vero ea ratione minuitur, aut interit omnino fiducia illa, qua unusquisque Plebanus secreta animi sui, præsertim occasione Sacramentalis pœnitentiæ, pandit, quamobrem & sæculo nono constitutum scimus, ne Sacerdotes ea panderent accusationis causa, quæ pœnitentium confessione noverant, uti habetur in Capitulari Caroli Magni anni 813. can. 27. ibi: *Ut hoc inquiratur, si de partibus Austriæ verum est, quod dicunt, an non, quod Presbyteri de confessionibus accepto pretio manifestent latrones.* Quidquid vero apud veteres Patres probatissimum est, ad Clericorum officia prorsus pertinere, ut Clerici apud Principes, & Judices publicos intercederent pro reis, si alias Presbyteris præceptum fuit, ut plebejos suos & accusare, & attestare possent? Altera ratio, & quidem gravior, ob quam Presbyteri, sive Parochi ab accusationibus, & testimoniis ferendis arceri debebant, ea est, ne aliquando contingeret illos ad certamina provocari; etenim sæculo octavo & sequentibus receptum fuerat in judiciis, ut quoties testes adducerentur, quorum alii aliis adversarentur, singulare certamen inire deberent, ut illius testimonium prævaleret, qui vicisset. Id perspicue constat ex monumentis illius ætatis, & præsertim ex legibus Longobardorum. Quamobrem facile concludimus, quam procul ab hujusmodi judiciis, & testimoniis recedere debuerint Clerici, præsertim Sacerdotes, quibus pugnæ, & certamina singularia prorsus interdicebantur. Hinc Rhemensis Hincmarus in suis Capitulis apud Reginem in lib. 1. de Ecclesiast. disciplinis cap. 214. scribat: *Summopere etiam quisque Presbyter caveat, sicut de statu suo vult gaudere, ut non quacumque occasione parem suum, aut alium quemlibet ad iram, aut rixam, multo minus ad pugnam, (qualis eo tempore inter testes fieri solebat) vel ad eadem aliquo modo irritet, vel provocet, nec provocatus ad hoc quisquam proliat.* Hæc si vera sunt, non video, quomodo Burchardus non solum asserere potuerit nomine Concilii Moguntini, Presbyteros facultatem habere accusandi, & testimonium ferendi adversus plebejos suos, verum etiam eosdem gradus sui periculo subjacere, si accusare, vel testimonium dicere negligant. Porro siquis Burchardum excusare, vel defendere malit, dicere poterit, voluisse illum exemplo probare, quod generatim statutum fuerat in Capitulari 2. Caroli Magni anni 803. can. 11. ibi: *Optimus quisque in pago, vel Civitate in testimonium adsumatur, & cui is, contra quem testimoniare debet, nullum crimen possit indicare, quæ verba etiam legerat in lib. 3. Capitularium cap. 32., item in lib. 5. cap. 282., ratus enim est non alium intelligi posse nomine optimi cujusque in pago, vel Civitate degentis, quam Presbyterum, cui animarum cura commissa fuerit; vel etiam dici posset, Burchardum legisse, in Capitulis Hincmari Rhemensis editis anno 857. nu. 1., pertinere ad unumquemque Sacerdotem in sua Parochia, ut, si quispiam fidelis publicum aliquod, & capitale crimen admisit, adeat ille statim criminis reum, eundemque ad pœnitentiam invitet coram Decano, & Compresbyteris suis agendam, deinde quidquid actum fuerit, Episcopo renunciaret, quod Burchardus nomine accusationis, & testimonii ferendi significare potuit; ideo autem Moguntini Concilii nomine retulit, quod a Capitularium nominibus abstinendum in sua Collectione decrevisset.*

Ver-

Verba canonis 65. cau. 11. qu. 3. duobus in locis habentur in Collectione Ivonis, & primum in parte 5. cap. 367., deinde in parte 6. cap. 237., priore tamen in capite laudatur nomine Concilii Toletani, & in posteriore nomine Concilii Moguntini. Verior est prior inscriptio; non enim illa in ullo ex Conciliis Moguntinis leguntur, sed potius in Concilio Toletano IV. anni 633. can. 28., ubi tamen observanda est aliquorum Codicum varietas, ubi enim aliqui, & Gratianus legunt: *in secunda Synodo*, legunt alii, *in sancta Synodo*. Hujus porro fragmenti sententia consonat cum vetustissima disciplina, juxta quam a sententiis Episcoporum, aut Metropolitanarum ad judicium Synodi Provincialis provocabatur. Quod autem ibi statuitur, ut qui depositi sunt, dum restituantur ad pristinum gradum, sacra Symbola de manu Episcopi recipiant, eo minime pertinet, ut nova indigeant ordinatione, sed ut novis ceremoniis significetur eorundem restitutio, eodem modo, quo in depositione, sive degradatione solemniter Clericorum Symbola ab eisdem Episcopali imperio auferuntur, non ut Sacerdos deleatur in anima, qui perpetuo manet, sed ceremoniali quadam formula, qua significatur, Clericum depositum ordinis sui officio fungi amplius non posse.

Canon 42. cau. 16. qu. 1. falso a Gratiano laudatur nomine Concilii Moguntini, imo & ipse Gratianus hoc Concilii Moguntini nomen non satis fidenter adscripsisse videtur, cum in fine questionis 1. causa 13. eadem verba relaturus scribat se ex quodam Concilio deprompsisse. Est hic canon 8. Concilii apud Confluentiam celebrati anno 922., ubi eadem omnino verba leguntur. Est autem locus *Confluens* ad Rhenum, qui limes est Occidentalium, & Orientalium Francorum. Celebratum fuit Concilium illud a pluribus Episcopis, praesentibus Carolo Franciae, & Henrico Germaniae Regibus, atque inter Episcopos plures subscripsit Hieronymus Moguntinus Archiepiscopus, quod forte occasionem praebuit Collectoribus, ut canonem hunc Concilio Moguntino tribuerent. Et quidem quod in hoc canone constitutum est, maxime convenit disciplinae Ecclesiasticae saeculi noni, aut decimi, quo scilicet tempore Laici quamplures facultates Ecclesiasticas, & decimas diripiebant, praesertim qui Donatores illarum fuerant, autumantes licite se posse repetere, quod jam juri Ecclesiastico addixerant. Huic rei simile argumentum habemus in Capitularium Lotharii Imperatoris apud Olonam, relatis in tom. 2. Capitularium Francorum editionis Parisiensis anni 1677. pag. 322., ubi cap. 17. haec leguntur: *Volumus, ut res, quae a liberis personis locis Deo dicatis conferuntur, liceat sibi usumfructum, & ordinationem earundem rerum, si aliter sibi placuerit, reservare. Si aliter eas non ordinauerit, ita maneant, sicut prius datae fuerint.*

Non dubito, sententiam canonis 7. cau. 16. qu. 6. ad aliquod Moguntinum Concilium pertinere ex iis, quae superius cum viris eruditissimis deperditam animadvertimus. Ceterum quod ibi dicitur, conforme omnino est disciplinae Ecclesiasticae medii aetatis, ab eo scilicet tempore, quo Monasteria plurima in Occidente haberi coeperunt, usque ad tempora exemptionum, & privilegiorum Monasticorum. Tria ibidem definita colligimus. Primum, ut si Abbas peccaverit, ab Episcopo corrigetur. Alterum, ne ea occasione bona, & possessiones Monasterii sibi Episcopus vindicaret; Tertium, ut Abbatem delinquentem Episcopus in aliud Monasterium amandaret sub potestate alterius Abbatis constituendum. Omnes hujusmodi sententias legimus, & quidem integras in Conciliis medii aetatis. Quod spectat primam, est in Concilio Aurelianensi I. anni 511. canon 19.

his

Can. 65.  
cau. 11.  
qu. 3.

Can. 42.  
cau. 16.  
qu. 1.

Can. 7.  
cau. 16.  
qu. 6.

his verbis expressus: *Abbatess pro humilitate religionis in Episcoporum potestate constant, & siquid extra regulam fecerint, corrigantur.* Ad secundam pertinet canon 51. Concilii Toletani IV. anni 633., ubi concessa quidem Episcopis est facultas animadvertendi in Abbatess delinquentes, minime vero usurpandi Monasterii bona, cum jam bona Monachorum delinquentium addici ipsi Monasterio debere jam statuisset idem Concilium Aurelianense dicto canone 19. Videatur canon 1. cau. 18. qu. 2. Quod demum Abbas delinquens de Monasterio removeatur, & alteri Abbati in alio Monasterio subdatur, colligitur ex disciplina Concilii Sueffionensis II. anni 853. can. 5., ubi narratur plures Abbates jussu Rothadi Sueffionni Episcopi depositos esse, & separatim in Monasteria sui ordinis longe distantia relegatos.

Can. 6.

cau. 16.

qu. 7.

Canon 6. cau. 16. qu. 7. fusius apud Ivonem recensetur in parte 3. cap. 199., falso tamen ex Concilio Moguntino. Siquis autem integrum fragmentum apud Ivonem legerit, facile liquebit, idem caput non alicujus Concilii esse, sed potius privati cujusdam Interpretis, qui decimarum jura, & onera ex variis veteris legis capitibus, & symbolis illustrare voluerit. Ceterum ideo Moguntini Concilii nomine laudari potuit, quia Moguntina ipsa Concilia quamplura eandem decimarum materiem prosequuta sunt, quemadmodum constat ex Gratiano can. 2. cau. 16. qu. 2., qui legitur tum in can. 38. Concilii Moguntini anni 813., tum in can. 10. Concilii Moguntini anno 847., tum demum in Concilio Moguntino anni 888. cap. 17. (de hoc canone differam, ubi de Urbano II., cui Pontifici in editionibus Gratiani ob Palearam adjunctionem tributus fuisse videtur). Illud certissimum est, seculo 8., & 9. Viros Ecclesiasticos pressius hanc decimarum materiem pertractasse; cum enim illarum jura ex avaritia Laicorum quorundam ab Ecclesiis raperentur, cogeantur nonnulli decimarum onus & ab antiquissimo Dei judicio auspicari, eandem rem variis symbolis, & mysticis figuris exornantes. Referam ad hanc rem unum caput 14. Concilii Forojulienensis anni 791. his verbis expressum: *De decimis, vel primitiis, salvis scilicet allegoricarum rerum mysticis Sacramentis nihil melius puto docere, quam quod scriptum est in Malachia Propheta, dicente Domino: Inferte omnem decimam in horreum meum &c.* Itaque decimarum præceptum variis veteris testamenti figuris exornatum proponebatur; illud inter cetera adferri solebat, decimas exfolvi debere in memoriam decem plagarum, post quas Deus populum Israelis ab Judæorum tyrannide liberavit; Illuc referebant, quod dicitur in cap. 14. Geneseos, Abrahamum a victoria redeuntem opimorum spoliis decimas, quasi munus Melchizedeco obtulisse; item quod dicitur in cap. 28. de Jacobo in Mesopotamiam abeunte, qui Deo se decimas præstiturum spondidit, si redeunti ad patrem res prospere omnino, feliciterque cessisset. His sane consonat dictus canon 6. cau. 16. qu. 7.

Can. 7.

cau. 16.

qu. 7.

Canon 7. cau. 16. qu. 7. laudandus potius erat nomine Capitularium Francorum; legitur enim in Capitulari Wormaciensi Ludovici Pii anni 829. num. 7. his verbis: *De decimis, quæ dare populus non vult, nisi quolibet modo ab eo redimantur, ab Episcopis prohibendum est, ne fiat. Et si quis contemtor fuerit inventus, & nec Episcopum, nec Comitem audire velit, si noster homo fuerit, ad præsentiam nostram venire compellatur, ceteri vero distringantur, ut vel invitati Ecclesiæ restituant, quæ voluntarie dare neglexerunt.* Hæc eadem relata sunt in librum 5. Capitularium cap. 101., item in additionem 4. cap. 101., & 167., nec non inter leges Longobardorum ex lege Ludovici in lib. 3. tit. 3. de decimis cap. 8., Burchardum vero primum fuisse,

fuisse, qui pro Capitularium nomine voluerit potius inscribere nomen Concilii Moguntini, vel alterius cujuslibet nemo miratur, qui a Capitularibus Francicis memorandis sibi proposuerat abstinendum.

Canon 5. cau. 30. qu. 1. laudatur ex Concilio Moguntinensi in clauſtro Basilicæ S. Albani. Illud sane est illud Concilium, quod superius celebratum diximus anno 813. Verum siue verba ipsa Gratiani fragmenti considerauerimus, quæ responsionem interroganti factam exhibent, siue canonem 55. disti. Concilii Moguntini, facile conſtat, hanc ipsam Gratiani sententiam non integram Concilio eidem tribui posse. Verba Moguntini Concilii in cau. 55. relata inter Capitularia Francorum lib. 5. cap. 167., & apud Reginonem lib. 2. cap. 196. hæc sunt: Nullus igitur proprium filium, vel filiam de fonte baptismatis suscipiat, nec filiolam, nec commatrem ducat uxorem, nec illam, cujus filium, vel filiam ad confirmationem tenuerit, ubi autem factum fuerit, separentur. Hæc quidem consonant cum fragmento Gratiani, cujus tamen integrum exemplar querendum est apud Rhabanum in Epistola ad Heribaldum, qui in cap. 20. Heribaldo Alcedronensi Episcopo de diversis questionibus interroganti inter cetera ita respondet: De eo vero, quod interrogasti, si ille, qui filiolam suam, quam de sacro fonte baptismatis suscepit, & de eo, qui concubuit cum commatre sua spiritali, & de illo, qui filium suum baptizauit, & cujus uxor eum de fonte suscepit, si postea in tali copulatione permanere possent, omnino illicitum esse iudicamus. Nam in Concilio Moguntinensi cap. 55. de talibus scriptum est: Nullus proprium filium, aut filiam a fonte baptismatis suscipiat, nec filiolam, nec commatrem suam suscipiat uxorem, nec illam, cujus filium, aut filiam ad confirmationem duxerit. Ubi autem factum fuerit, separentur. Hæc itaque sunt, quæ Rhabanus Moguntinus Archiepiscopus ex Moguntino Concilio respondebat. Burchardus, ceterique Collectores privato auctori caput inscribere detestantur, sed quoniam & de Moguntino Archiepiscopo agebatur, & de eo, qui Moguntini Concilii canonem referebat, fragmentum ipsum Moguntino Concilio tribuerunt, & quod peius est, prope finem aliis omnino verbis, & sententiis contra fidem Collectore dignam involuerunt.

Post nuper memorata verba Rhabani Moguntini Archiepiscopi ad Heribaldum, ita sequitur in eadem Epistola: Item in Synodo Moguntinensi cap. 56. Si quisquam viduam uxorem duxerit; & postea cum filiastra sua fornicatus fuerit, seu duobus foribus nupserit, aut si qua duobus fratribus nupserit, seu cum patre, & filio, tales copulationes anathematizari, & disjungi precipimus, nec unquam amplius conjugio copulari, sed sub magna diffinitione fieri. Hæc referenda sunt ad canonem ultimum Concilii Moguntini anni 813., ubi eadem omnino leguntur, consonantque cum cap. 168. lib. 5. Capitularium Regum Francorum. Paulo aliter quidem, sed admodum similis sententia legitur in Concilio Moguntino anni 847. can. 29. his verbis: Si quis viduam uxorem duxerit, & postea cum filiastra sua fornicatus fuerit, seu duobus foribus nupserit, aut si qua duobus fratribus nupserit, seu cum patre, & filio, item si quis velicam fratris, quæ pater prius soror extiterat, carnali conjunctione violauerit, si quis neptem in conjugium acceperit, si quis novercam, aut nurram suam duxerit; si quis consobrinæ suæ impudice se sociauerit, vel relicte, siue filie avunculi, aut patris filie, vel privignæ suæ concubitu pollutus, vel huiusmodi conjunctionis attactu maculatus fuerit, eos disjungi, & ulterius nunquam conjugio copulari, sed sub magna diffinitione fieri volumus. Ex utroque duorum Moguntinorum Conciliorum canone conditus est,

Can. 5.  
cau. 30.  
qu. 1.

Can. 20.  
cau. 32.  
qu. 7.

472  
est, & elucubratus apud Gratianum canon 20. cau. 32. qu. 7., qui propterea recte nomine Moguntini Concilii laudatus est, quemque ideo ex dictis emendare, juvabit.

Quasi ex eodem Moguntino Concilio subjicitur apud Gratianum canon 21. cau. 32. qu. 7. Immemor autem videtur Gratianus, se jam eadem verba retulisse nomine Concilii Aurelianensis in can. 30. cau. 27. qu. 2. Forte quispian ex Collectoribus fragmenta hujusmodi referens ex Epistola Rhabani Moguntini Archiepiscopi, in qua multa similia habentur, Moguntino Concilio se posse adscribere existimavit; nam in dicto capite 20. Epistola Rhabani ad Heribaldum hæc præterea habentur: *Item in Synodo Moguntinensi de incestis coniugiis scriptum est: Siquis fornicatus fuerit cum duabus sororibus, vel cum noverca sua, vel cum sorore sua . . . nunquam conjugio copuletur.* Hæc itaque cum plurimum adfinitatis habeant cum Gratiani verbis in dicto canone 21., & revera Concilii Moguntini fuerint testæ, Rhabano Moguntino Archiepiscopo, occasionem præbuerunt Collectoribus, ut illa ipsa verba nomine Moguntini Concilii referrent. Ceterum habentur illa eadem in Concilio Vermeriensi anni 752. can. 12., ubi ita legitur: *Qui dormierit cum duabus sororibus, & una ex illis antea uxor fuerit, nullam ex illis habeat, nec illa adultera soror, nec ille vir, qui cum illa adulteravit, illos unquam accipiant.* Qui primus hunc canonem paullo aliter, retenta tamen sententia, expressit, fuit Regino in lib. 2. de Ecclesiast. discipl. cap. 215. ibi: *Qui dormierit cum duabus sororibus, & una ex illis antea uxor fuerit, nullam ex ipsis habeat, nec ipsi adulteri unquam conjugio copulentur.* Reginionis editionem sequuti sunt Collectores recentiores, & inter ipsos Gratianus.

Can. 102. de conf. dist. 4. Sententiam canonis 102. de conf. dist. 4. alio in loco Theodoro Cantuariensi Archiepiscopo vindicabo. Sed quoniam Ivo, Burchardus, & Gratianus constantissime illam tribuunt Moguntino Concilio, curandum arbitror, ut quoquo modo Concilio Moguntino tribui potuisse concijiam. Anno 829. Imperator Ludovicus Pius quatuor Episcoporum Concilia celebrari mandavit, primum Moguntix, alterum Parisiis, tertium Lugduni, postremum Tolose, quibus peractis voluit, ut Episcopi omnes, qui in quatuor ista Concilia ex diversis Provinciis jam conveniant, rursus convenirent in Parisiensem Civitatem, una simul confirmaturi, quod sejunctim constituisset. Hinc celebratum est Concilium illud, quod Parisiense sextum appellant, in quo plura Capitula edita sunt in tres libros divisa, quæ sane a Collectoribus tribui pro lubito potuerunt Moguntino Concilio, quemadmodum & Parisiensi, vel Lugdunensi, vel Tolosano, cum canones Parisiensis Concilii iidem essent cum Canonibus Moguntinis, Lugdunensibus, & Tolosanis. Itaque in lib. 1. can. 7. Concilii Parisiensis hæc leguntur: *A quibusdam, quamvis fides Christi inhiante expectatur, aliter tamen agitur, quam divina auctoritas testetur. . . . quia illi in sua sponse aliquos de sacrosancto Fonte suscipiunt, nec fidei, nec baptismatis Sacramento sunt instructi, & ideo eos, quos suscipiunt, & secundum sanctorum Patrum documenta docere debuerant, erudire nequeunt.* Quod ad negligentiam Sacerdotum, nec non & auditorum pertinere dubium non est. . . . In hoc quippe sacro, de quo agitur, quantum a Religione Christiana digressum sit, ignorari fas non est. Deinde in cap. 54. ejusdem Concilii hæc statuuntur: *Quod hi, qui fidem Christi expectant, & provectæ ætatis existunt, priusquam ad baptismum accedant, instruendi sint & fidei, & baptismatis Sacramento, nec non & illi, qui alios de sacro fonte suscipiunt, quique ad per-*

percipiendum S. Spiritus donum coram Pontificibus pro aliis Patroni existunt, intelligere debeant, & vim tanti Sacramenti, & quid pro aliis sponderint jam in præcedentibus Capitulis dictum est. Illus tamen in hoc Capitulo specialiter ab his officiis removendos judicamus, qui propter reatum suum publica sunt penitentia multati; videlicet ut nec alios de Sacri Fontis baptismate suscipiant, nec etiam ad percipiendum S. Spiritus donum aliorum Patroni coram Pontificibus existant, donec per dignam Penitentiam satisfactionem reconciliationem mereantur. Caput istud inter Capitularia Francorum relictum est lib. 6. cap. 182.; Mihi autem verosimile videtur, recentiores Collectores, qui Gratiano auctores extiterunt, voluisse ejusdem capituli sententiam perstringere, in dicto canone 102., cujus definitionis ratio optima est, cum susceptores, qui pro baptizandis, aut confirmandis apud Ecclesiam quodammodo fidejudent, pollicenturque se operam daturus, ut baptizati, confirmatique in fide recta perseverent, ipsi præcipue firmi omnino in fide esse debeant. Non omitto etiam hoc in loco canonem 47. Concilii Moguntini anni 813., quippe & in eo jam agnoscitur dicti Parisiensis Concilii ratio, ibi: *Deinde præcipimus, ut unusquisque Compater, vel proximi spirituales Filios suos Catholice instruant.* Sed hæc verosimilia sunt. Clarius ejusdem fragmenti auctorem indicabo, cum de Theodori Cantuariensis capitibus agendum erit.

## C A P U T L.

*De Concilio Meldensi.*

Persequor Gallicanorum Episcoporum Concilia, quæ nono Ecclesiæ sæculo numero plura celebrata sunt, curantibus præ ceteris piissimis Francorum Regibus, qui res Ecclesiasticas fovebant plurimum, ac promovebant. Est ex illis Concilium Meldense, cujus hæc sunt capita apud Gratianum.

- [ Can. 3. cau. 1. qu. 7. confirmatus in Capitulari Caroli Calvi.
- [ Can. 17. cau. 1. qu. 7. ab initio non omnino probatus.
- [ Can. 5. cau. 6. qu. 3. pertinet ad Capitulare Karolomanni anni 882.
- [ Can. 32. cau. 7. qu. 1. ex integris Concilii exemplaribus emendandus.
- [ Can. 41. cau. 11. qu. 3. confirmatus in Capitulari Caroli Calvi.
- [ Can. 6. cau. 23. qu. 8. confirmatus in Capitulari Caroli Calvi.
- [ Can. 1. cau. 28. qu. 2. est potius Concilii Triburiensis anni 895.
- [ Can. 10. cau. 36. qu. 2. non confirmatus in Capitulari Caroli Calvi.
- [ Can. 18. de cons. dist. 1. pertinet potius ad Capitularia Francorum.
- [ Can. 7. de cons. dist. 5. pertinet potius ad Concilium Parisiense 6.

**P**Rope medium noni sæculi conquerebantur Episcopi Gallicani, quod Ecclesiastica bona a Laicis usurpata detinerentur, atque eorum eo difficilius recuperatio videbatur, quo potentiores erant illi, qui possessionem habebant. Videbatur opus esse solemnî Concilio, quod primum annuente Carolo Calvo Francorum.

Rege celebratum est anno 745. apud Meldam vulgo *Meaux*, quo convenerunt una cum suis suffraganeis numero pluribus tres Archiepiscopi, Wenilus Senonensis, Hincmarus Rhemensis, & Rodolphus Bituricensis, & quidem ibi in primis renovata sunt quamplura capita in precedentibus Galliz Conciliis edita, quæ scilicet propter temporum inopportunitatem executioni demandari eo usque non poterant; verum ob nonnulla locorum, & rerum adjuncta nondum perfectæ negotio dissoluta Synodus est, & demum sequente anno 846. rursum Episcopis concessum fuit convenire in Parisiensem Urbem, ubi plurima capita constituta fuerunt numero 80., omnia propemodum eo pertinentia, ut res, & bona Ecclesiarum. Viris Ecclesiasticis de manibus Laicorum ereptæ restituerentur; sed parum felici exitu; Etenim nonnulli Proceres Regni, quibus ingens ex rebus Ecclesiasticis confectum Patrimonium jamdiu fuerat, canonum executionem ut impedirent, totis viribus contenderunt, præsertim opem, & subsidium Principis implorentes, qui, ne gravissimis contentionebus Reipublicæ perniciosus occasio praberetur, opimum duxit, non omnia Concilii Meldensis, sive Parisiensis decreta executioni demandari, nonnullis tantummodo probatis, ac confirmatis. Hinc in editione Capitularium Parisiensi anni 1677. tom. 2. tit. 7. habetur Capitulare Caroli Calvi in Villa Sparnaco celebratum, ubi proponitur, relata fuisse in solemnibus Comitibus capitula illa, quæ Episcopi Gallicani quamplures in diversis Conciliis anni 846. ediderant. *Obiata sunt eidem Principi, sicut ipse jusserat, collecta ad relegendum in Sparnaco Villa Rhenensis Ecclesiæ. Et quia fatione quorundam motus est animus ipsius Regis contra Episcopos, dissidentibus Primoribus Regni sui ab eorundem Episcoporum ammonitione, & remotis ab eodem Concilio Episcopis, ex omnibus illis capitulis hæc tantum observanda, & complacenda sibi collegerunt, & Episcopis scripto tradiderunt, dicentes non amplius de eorum capitulis acceptasse, quam ista, & ista se velle cum Principe observare.* Itaque non indiscriminatim ab initio recepti fuerunt singuli Meldenses canones, sed perpauci, id scilicet, quos Carolus Calvus in suo Capitulari comprehendit, ac confirmavit, quod operæ pretium erit observare Gratiane fragmenta exposituro, ut confirmata capitula a non confirmatis fecernantur. Non tamen incicias iverim non multo post, aut omnes omnino, aut fere omnes Meldenses canones usum fuisse receptos, vel quod eo collinearet Episcoporum ferme omnium anxia sollicitudo, non patientium Bona Ecclesiastica apud Laicos diutius remanere, vel quod Collectores canonum indiscriminatim canones omnes Meldenses postea in suos Codices retulerint, & tanquam regulas communiter servandas omnibus proposuerint.

- Cor. 3. In cap. 43. hujus Concilii Meldensis habetur canon 3. cau. 1. qu. 7., cujus  
 cau. 1. priora verba ita legenda sunt ex integris Concilii exemplaribus: *Cavendum est, &*  
 qu. 7. *summopere præcavendum, ac per virtutem Christi Sanguinis interdicendum &c.* Pro illis  
 verbis: *atque consensibus*, legunt aliqui: *atque censoribus*; sed minus apte, ut arbitror; etenim *consensuum* nomen optime accipitur pro Episcopis illis, qui simul  
 Coepiscopos ordinant, & Consensores dicuntur, vel quia una cum Episcopo ordinante consentiant, vel quia una in ordinatione consideant, quam interpretationem exigere videntur posteriora illa verba: *Consensibus, seu ordinatoibus*. Denum pro illis postremis verbis: *aut per submissam personam*, legunt alii: *aut per emissam personam*; Quæcumque autem lectio in hac parte recipiatur, parum, aut nihil interesse videtur. Porro hic canon ex illis est, qui a Carolo Calvo in solemnibus Comitibus receptus est, ac confirmatus, uti constat ex memorato Capitulari numero 43.

Canon



Canon 17. cau. 1. qu. 7. habetur in can. 64. ejusdem Concilii his verbis: *Raptores Virginum, & Viduarum, qui etiam postea voluntate Parentum eas quasi desponsantes sub dotalitii nomine in conjugium duxerunt, publicæ penitentia subigantur, & post publicam penitentiam, prout præviderit Episcopus, peraltam, ne in pejus corrumpant, iterum convenientes, de cetero elemosynis, & ceteris quibusque religioſæ, & ſalutificæ conſervationis actionibus inſervire procurent, uſquequo ab opere conjugali ex conſenſu ſe valeant abſtinere. Filii vero ex buſjmodi vituperabili conjunctione ante conjugium etiam minus laudabile procreati ad Ecclēſiaſticam dignitatem nullo modo provehantur; nec de tali conjugio generati Ecclēſiaſticis ordinibus applicentur, niſi forte eos, aut maxima Ecclēſiæ utilitas, vel neceſſitas poſtulet, vel evidens meritorum prærogativa commendet. Duo in hoc integro canone continentur. Primum ad raptorum penitentiam pertinet, alterum ad filios eorundem. Illud quidem confirmatum fuit a Carolo Calvo in memorato Capitulari num. 67. his verbis: *Qui ſanctimoniales Virgines, vel Viduas rapiunt, & progreſſu etiam criminis in conjugium ſumunt, publicæ penitentia juxta molum, quem præviderit Episcopus, ſubigantur; ipſæ vero locis congruis penitentiaſe retrudantur, & ad habitum religionis redire cogantur. Uterque autem ſine ullæ ſpe uxoria copulationis perenniter maneat. Si autem, quod abſit, conjugia iterare præſuſerint, acriori ſubdanti vindictæ, & amplius propellantur. Quod ſi forte obediæ montis ſalutaribus non voluerint, anathematizentur. De filiis vero ex eo improbato conjugio progenitis ne verbum quidem habetur. Uſu tamen & in hac parte receptus fuiſſe videtur hic canon, poſtquam Regino illum laudare integrum cœperit in lib. 1. cap. 415. & 416., & in lib. 2. cap. 159., quem deinde ſequi non dubitarunt poſteriores canonum Collectores.**

Canon 5. cau. 6. qu. 3. non eſt Concilii Meldenſis, ſed potius pertinet ad Can. 5. Capitulare Karlomanni anni 882. apud Vernis Palatium editum cap. 6. Errati cau. 6. hæc fuit. Gratianus fragmentum deſcripſit ex Ivone, Ivo ex Burchardo, qui pri- 3.  
mus Concilii Meldenſis nomen inſcripſit. Forte enim Burchardus id præſtitit ex induſtria, ut a referendis Francorum Capitularibus abſtineret, quod, uti ſæpe diximus, maxime animadvertit idem Collector; Forte autem id præſtitit ex quadam oſcitantia, cum fragmenta non ex integris Conciliorum exemplaribus deſcriberet, ſed ut plurimum ex antiquioribus fragmentorum collectionibus, præſertim vero ex Codice Reginonis. Porro Regino hoc idem, de quo agimus, fragmentum laudaverat in lib. 2. cap. 290. cum hac Epigraphe: *ex eodem*, quæ ſignificabat referendum eſſe caput ad Capitulare Karlomanni, ex quo exceperat caput præcedens, ſcilicet 289. Verum in capite 289. nulla alia erat inſcriptio, quam hæc: *unde ſupra*, quam referebat Burchardus ad nonnulla præcedentia capita, videlicet cap. 282., 283., 284., & 285., quæ ex Francorum Capitularibus deprompta fuerant. Burchardus id non animadvertit; ſed putavit illa: *unde ſupra* pertinere ad inſcriptionem canonum immediate præcedentium, ſive 287., & 288., quæ referebantur nomine Concilii Meldenſis, proindeque non dubitavit, & dictum canonem 290. Concilio eidem Meldenſi inſcribere. Sic reſtituta inſcriptione, exigendus erit ad fidem integrorum exemplarium Gratianus idem canon, cujus verba aliquantisper depravata fuerunt, arque ita legendum: *De illis autem, qui infra Parochiam beneficia, & alodum (alodium dicebatur, quod avitum, aut paternum erat, ibertum ab omni nexu) non habent, & alterius Episcopi Parochiani ſunt, & dum ad curtem pergunt, aut de loco ad locum iter faciunt, rapinas, & depredationes infra Parochiam faciunt,*

ciunt, placuit nobis, ut si ita prope Episcopum, ut ei deprædatio illorum nota fieri possit, antequam Parochiam ejus exeant, mittas strenuum, & prudentem Presbyterum, qui sua vice rationabiliter illos ad emendationem vocet. In quo superior modus compositionis, & emendationis servabitur, si vocati venire noluerint. Si vero vocationem, atque admonitionem Episcopi superbe contempserint, simili sententia excommunicationis seriantur, qua & illi, qui infra Parochiam res, aut beneficia habent, & insuper excommunicentur, ne extra Parochiam exeant, antequam superius statuta adimpleant. Quorum excommunicatio seniori illorum, & proprio eorum Episcopo significanda est, ne eos recipiant, antequam illus redeant, ubi rapinam fecerunt, ibique pleniter emendantur.

Can. 32. Canon 32. cau. 7. qu. 1. legitur in in canone 30. Concilii Meldensis; verum  
cau. 7. in posterioribus verbis Gratiani canonis sententia depravata videtur; etenim post  
qu. 1. illa verba canonica erga eum definitio conservetur, nihil aliud sequitur in integris

Concilii exemplaribus; proindeque verba illa Gratiani: hoc est, ut utraque careat, adjecta sunt recentioris cujuspiam manu, qui explicare voluerit canonicam illam definitionem, ad quam Meldensis constitutio referebatur. Minus recte tamen; etenim nomine canonicæ constitutionis illa potius intelligenda videtur, quam ediderunt Nicæni I. Concilii Patres in can. 23. cau. 7. qu. 1., ubi cautum legitur, non ut Episcopus in proposita specie utraque Ecclesiæ careat, sed potius, ut ad primam, quam sponte deferuit, Ecclesiam revertatur. Canon iste confirmatus videtur a Carolo Calvo in memorato Capitulari cap. 47.

Can. 41. Canon 41. cau. 11. qu. 3. habetur in eodem Meldensi Concilio can. 56. juxta  
cau. 11. emendationem Romanorum Correctorum. Probatus autem fuit a Carolo Calvo in  
qu. 3. suo Capitulari superius memorato numero 56. Notanda in hoc capite est distinctio

inter privationem communionis Ecclesiasticæ, & anathema; Etenim hoc in loco privare Ecclesiasticæ communionem non idem significat, quod removere ab omnium fidelium cœtu, sed alicujus superioris gradus Ecclesiasticæ Communionis participem, in aliam Ecclesiasticæ communionis speciem, sive in inferiorem gradum dejicere, quemadmodum si Presbyter a Presbyteri gradu deponatur, Diaconorum tantum muneribus illi concessis, aut eo ad laicam solummodo communionem admisso.

Can. 6. Canon 6. cau. 23. qu. 8. legitur in can. 37. Concilii Meldensis, eisdemque ver-  
cau. 23. bis confirmatus in dicto Capitulari Caroli Calvi num. 37., si tamen pro illis ver-  
qu. 8. bis: arma militaria non sumant legamus: arma non sumant.

Can. 1. Canon 1. cau. 28. qu. 2. minime legitur in Concilio Meldensi: Potius autem  
cau. 28. pertinet ad Concilium Triburiense anni 895. can. 39., ubi similia ferme leguntur  
qu. 2. ibi: Synodus Romana ait, quod non dimittenda sit uxor post Baptismum, quæ habita est & ante Baptismum; In Baptismo solvuntur crimina, non tamen legitima conjugia. Qualis fuerit apud Veteres hujusmodi disputatio, & quid Romanis placuerit, commodius dicam ad interpretationem canonum 1. 2. 3. & 4. dist. 26.

Can. 10. Canon 10. cau. 36. qu. 2. habetur eisdem verbis in can. 65. Concilii Meldensis,  
cau. 36. dummodo principio ita legerimus: Hi autem necdum eas, quas rapuerant &c.; Cujus canonis sententiam, & Patrum Meldensium mentem recte assequutus est Gratianus, dum illum ita expendit, ut permitteretur conjugium non quidem inter raptorem, & raptam ex indulgentia, sed inter raptorem, & aliam quancumque post raptæ mortem, vel e converso. Videtur autem Gratianus idem parvipendisse, ejusdem canonis auctoritatem, dum potius subdendum existimavit canonem Aquigranensis Concilii in can. 11., quem supra considerare juvabit, ad quem plura ad hanc

hanc rem tradiſſi. Non eſt in hac parte, cur Gratianum quis reprehendat; etenim canon Meldenſis tum demum auctoritatem habere debet, ut ibi dicitur, quando in omnium aures hac fuerit conſtitutio promulgata. At huiusmodi promulgatio ſequuta non eſt, cum in Capitulari Caroli Calvi non fuerit confirmatus. Tantum hac dicuntur numero 67. Qui ſanctimoniales virgines, vel viduas rapiunt, & progreſſa etiam criminis in conjugium ſumunt, publicæ poenitentia juxta modum, quem prævideris Episcopopus, ſubſigantur, ipſæ vero locis congruis poenitentia retrudantur, & ad habitum Religionis redire cogantur. Uterque autem ſine ulla ſpe uxoris copulationis perenniter maneat. Si autem, quod abſit, conjugia iterare præſuſerint, aciori ſubdantur vindictæ, & amplius propellantur. Qui ſi forte obedire monitis ſalutaribus non voluerint, anathematizentur. Et in cap. 68. De his, qui ſponſas alienas rapiunt, vel conſenſu Parentum accipiunt, antiqua, & Synodalis ſententia obſervetur. (Arbitror hæc referri ad canonem 4. cauſa 36. qu. 2., de quo jam egimus ſuo in loco). Quod & ſi forte, in Eccleſia eventus talis reperiri dignoſcitur, ut pro ſalutis, & Religionis competentia humanius quiddam debeant trahere Pontifices, ſicut canonica, ut eiſdem verbis utamur, docet auctoritas, quia prior quidem, inquit, definitio durius, poſterior autem quiddam tractavit humanius, nullo modo ut ad maximam indulgentiam descendamus, alterius ſponſæ acceptor ſine publica tranſeat poenitentia, & ſponſo legaliter nullam componat. Quid ſi hæc obedire renuerit, ſine ulla reſagatione anathematizetur, fautores vero illius juxta modum culpæ Episcopali decreto poeniteant. Si vero, quod non optamus, quis de gradu Eccleſiaſtico talibus nuptiis ſe conſenſorem, vel interventorem manifeſte prodiderit, a gradu proprio repellatur. Et ſi veriſimilibus exinde ſuſpicionibus fuerit propulſus, & canonice nequiverit adprobari, ſecundum Sanctorum Patrum ſtatuta ſe purgare cogatur.

Canon 18. de conf. diſt. 1. in Concilio Meldenſi minime legitur: Apud Ivonem laudatur nomine Concilii Aurelianenſis l. cap. 45., ſed nec in eodem Concilio habetur: Similiter apud Burchardum. Verum potius legitur in Capitularibus Regum Francorum apud Anſegium lib. 1. cap. 144. ibi: ut Eccleſiæ, vel Altaria melius conſtruantur, & in cap. ſequenti: ut Eccleſiæ, vel Altaria, quæ ambigua ſunt de conſecratione, conſecrentur. Hæc Capitula Regino Prumiſis ſine ulla Capitularium inſcriptione deſcripſit in cap. 30. lib. 1. his verbis: Eccleſiæ, vel Altaria, quæ ambigua ſunt de conſecratione, conſecrentur, & ſuperſua Altaria deſtruantur de Eccleſia. Cum autem caput 28. ejusdem Reginonis laudaretur nomine Concilii Meldenſis, forte exinde evenit, ut quæ ſequabantur in diſto capite 30., eidem Meldenſi Concilio ex poſteriorum Collectorum oſcitantia adſcriberentur.

Falſo præterea nomine Concilii Meldenſis laudatur canon 7. de conf. diſt. 5., Cam. 7; cujus verba potius leguntur in Capitularibus Francorum in additione 2. cap. 6. de conf. editionis Pariſienſis anni 1677. Excerptum autem fuerat idem caput ex Concilio Pariſienſi 6. anni 829. Imperante Ludovico Pio celebrato, in quo cap. 33. ita legitur: Perlitum eſt ad nos, quod in quibuſdam Provinciis plerique Episcopi poſt perceptionem cibi, & potus ſoleant per impoſitionem manuum tradere Spiritum Sanctum, quod tam excellenti miniſterio proſuſ non convenire, & in deinceps fieri non debere omnibus bonis viſum eſt. Quoniam credibile eſt, & auctoritas Eccleſiæ ita ſe habet, ut ſicut Apoſtoli unanimis exiſtentes, Deumque collaudantes, & benedicentes, ita nimirum jejunantes accipere meruerint Paracletum Spiritum Sanctum, eoſque nonniſi jejunos, ſicut eorum alia docent, aliis eum tradiſſe manifeſtum eſt. Sicut enim Baptiſmus, excep-

Con. 18.  
de conf.  
diſt. 1.

Cam. 7;  
de conf.  
diſt. 5.

ta infirmorum causa, nonnisi a jejunis celebratur Sacerdotibus, ita etiam traditio Spiritus Sancti, excepta praemissa causa infirmorum, nonnisi a jejunis celebranda est Pontificibus. Dignum quippe est, ut Pontifex Christi, primum jejunando, & orando in cordibus suis domum praeparant Spiritui Sancto, & sic per impositionem manuum ceteris fidelibus eum tradant orando. Sicut autem duobus temporibus, Pascha videlicet, & Pentecoste Baptismus, ita etiam traditio Sancti Spiritus per impositionem manuum fidelibus tradatur, exceptis videlicet, ut dictum est, infirmis, & morte periclitantibus, quibus, sicut Baptismatis gratia succurrendum, ita incunctanter donum Spiritus Sancti est tradendum. Ex his supplere juvabit Gratiani fragmentum, in quo perstricta est ejusdem Parisiensis canonis sententia.

## APPENDIX I.

*De canone 1. cau. 35. qu. 2., quem Gratianus ita inscripsit:  
Gregorius Papa in Synodo Meldensi.*

**M**inime consonant tempora Concilii Meldensis, & tempora Gregorii Papae, nec ulla ratio esse potest, cur Gratianus canonem 1. cau. 35. qu. 2. tribuere debuerit Gregorio Papae in Synodo Meldensi. Romani Correctores observarunt apud Burchardum, Ivonem, & Pannormiz Auctorem memorari Concilium Meldense; apud Magistrum autem, & Polycarpum memorari Gregorii Papae decreta. Dubius Gratianus utrumque adscripsit & Gregorii, & Meldensis Concilii nomen. Rursum observant iidem Romani Correctores, facile contingere potuisse, ut Gregorii Decretum in aliquo Meldensi Concilio referretur, in quo de ea re ageretur, atque exinde prodicrit Gratiani inscriptio. Non est hzc observatio improbanda; etenim in Epistola, quae Gregorio Magno tribuitur, ad Felicem Messanensem, habetur usque ad septimum gradum cognationis matrimonia impediri. In Concilio autem Meldensi anni 845. can. 66., ubi de virginum raptoribus agitur, memoratur Gregorius. Forte igitur quis potuit fragmentum, quod retulit Gratianus, Gregorio tribuere, & Gregorium ita laudare, quasi diceret, Gregorium illum esse, cujus decreta in Concilio Meldensi probata fuerant. Ceterum fragmentum istud nullo modo tribui potest temporibus Gregorii Magni; quemadmodum commodius ostendam ad canonem 2. cau. 35. qu. 8., etenim nonnisi post obsoletas in Italia Romanas leges illud vigere coepit, ut post septimam demum generationem conjugia contraherentur. Potius id tribuimus temporibus Gregorii III., qui Epistola 1. ad Bonifacium Archiepiscopum cap. 5. ita scribit: *Progeniem vero suam unumquemque ad septimam generationem observare decrevimus.* Atque hzc disciplina, saeculo 9. 10., & 11. viguit, quemadmodum constat ex cap. 432. libri 7. Capitularium ibi: *Nullus fideiium, usque ad finitatis lineam, idest usque ad septimam progeniem consanguineam suam ducat uxorem, vel eam quoquo modo incesti macula polluat.* Et ex Concilio Romano sub Nicolao II. anni 1059. can. 11. ibi: *Ut de consanguinitate sua nullus uxorem ducat usque ad generationem septimam, vel quosque parentela cognoscat poterit.*

*De canonibus nomine Concilii Mediomatricis a Gratiano  
laudatis .*

Hoc nomine duo fragmenta apud Gratianum habemus .

{ *Can. 4. cau. 10. qu. 2. est potius Concilii Meldenfis .*

{ *Can. 44. cau. 12. qu. 2. est potius Concilii Meldenfis .*

Concilia, quæ appellantur Mediomatricis, alias etiam dicuntur Metensia ab urbe Mediomatricis in Gallia vulgo Metz. Hinc factum est ex quadam nominum similitudine, ut canones Meldenfis Concilii aliquando inscripti fuerint Concilio Metensi primum, deinde Concilio Mediomatricis, quemadmodum enim facile erat nomen Metensis pro Meldenfi scribere, ita postea facile fuit Collectoribus, ut pro nomine Metensis scriberetur Mediomatricis. Itaque id contigit in duobus illis Canonibus a Gratiano relatis, videlicet in can. 4. cau. 10., qu. 2., & in can. 44. cau. 12. qu. 2. Et quidem in can. 4. cau. 10. qu. 2. legitur canon 22. Meldenfis Concilii, qui dicitur jam editus antea fuisse in Synodo Belluacensi (quamobrem apud Burchardum, & Ivonem idem fragmentum nomine Concilii Belluacensis laudatur) his tamen verbis, ex quibus Gratiani fragmentum restituere juvabit; *Precarie autem a nemine de rebus Ecclesiasticis fieri præsumantur, nisi quantum de qualitate convenienti datur ex proprio, duplum accipiat ex rebus Ecclesiæ, in suo tantum qui dedit nomine, si res proprias, & Ecclesiasticas usufructuario tenere voluerit. Si autem res proprias ad præsens dimiserit ex rebus Ecclesiasticis triplum fructuario usu in suo tantum quis nomine sumat, quia sic eas quemque trahere oportet, ut alienarum dispensatorem, non propriarum largitorem; & a nulla potestate quis cogatur facere precariam de rebus proprie Deo, & Sanctis illius dicatis, cum ratio, & usus obtineat, neminem, qui non vult contra utilitatem, & rationem præstitum de proprio facere beneficium. Præcepta autem regalia super precariis Ecclesiasticis fieri nec ratio finit, nec auctoritas quolibet modo permittit. Quoniam præcepta in jure Ecclesiastico firmare indignum judicet necesse est Majestas Regia, nisi ab Ecclesiastico Revere petantur. Idem autem Custos Ecclesiæ solertissime caveat, ne sui ordinis, & Ecclesiasticæ communionis forte immemor, contra auctoritatem præceptum Regium pro quacunque assentatione fieri petat, qui etsi fecerit, non audiat. Si autem & obtruserit, Regia Discretione, & Episcopali judicio idem rescindatur, & petitor injustus pro Principis injusta suggestionem digne corripitur, & precariæ secundum antiquam consuetudinem, & auctoritatem de quinquennio in quinquennium renoventur. Et in canone 23. *Ut commutationes rerum Ecclesiasticarum valde caveantur, & subtilissime, si aliquo modo fieri debent, inspiciantur.* Nuper descriptum canonem 22. Concilii Meldenfis probavit, confirmavitque Carolus Calvus in Capitulari anni 846. cap. 22. eisdem verbis. De preciarum contractu non est, cur hoc in loco quidpiam adjiciam, vel quod superius jam nonnulla de illis dixerim, vel quod passim apud Interpretes de eisdem abunde disseratur. Videatur Gonzalezius ad titulum Decretalium de precariis. Postrema autem Gratiani verba de commutationibus rerum Ecclesiasticarum, & mancipiorum non faciendis, videndum.*

Can. 4.  
can. 10.  
qu. 2.

dentur deprompta ex Capitulari Sueffionensi ejusdem Caroli Calvi anni 853., in quibus num. 12. hæc habentur: *Ut missi nostri omnibus per illorum missaticum denunciant, ne commutationes rerum, vel mancipiorum quilibet Prælatus earundem rerum Ecclesiasticarum sine licentia, & consensu nostro facere præsumat, neque mancipia Ecclesiastica quisquam, nisi ad libertatem commutet: videlicet, ut mancipia, quæ Ecclesiastico dabantur, in Ecclesiæ servitute permaneant, & Ecclesiasticus homo, qui commutatus fuerit, perpetua libertate fruatur.*

Can. 44.  
cau. 12.  
qu. 2.

Canon 44. cau. 12. qu. 2. eisdem omnino verbis legitur in can. 21. Concilii Meldensis, qui & confirmatus est a Carolo Calvo in memorato Capitulari anni 846.

can. 21.

## A P P E N D I X I I I

### De canonibus Concilii Belluacensis.

{ Can. 5. cau. 10. qu. 2. confirmatus in Concilio Meldensi.  
{ Can. 121. de conf. dist. 4. pertinet potius ad Capitula Theodori Cantuariensis.

**A**D idem Meldense Concilium referendum omnino erat Concilium Belluacense, in urbe scilicet Belluacensi vulgo *Beauvais* celebratum anno 845., uno mense ante Concilium Meldense. Uti enim superius observaveram, jam plurima ante Concilium Meldense Episcoporum celebrata fuerant in Galliis Concilia, ut tandem aliquando bona Ecclesiastica, quæ a Laicis detinebantur, Ecclesiis restituerentur, irrito tamen conatu, cum Potentum plurimum improbitas, atque avaritia obsisteret. Ex his fuit Synodus Belluacensis, cujus canones statim vim suam explicare non potuerunt; sed tandem, ubi confirmati sunt quamplures in Meldensi Concilio, & a Carolo Calvo in suo Capitulari anni sequentis, maximam habuerunt in illis Provinciis auctoritatem. In vulgatis Concilii Meldensis editionibus referuntur canon 17., 18., 19., 20., 21., 22., 23., & 24., quasi ex capitulis habitis in Synodo Belluacensi, inter quos est canon 22. superius integre descriptus ad can. 4. cau. 10. qu. 2. Nemo autem non videt eo etiam pertinere canonem 5. eadem causa, & questione. Quicumque cupit formulas, quibus precariz veteres aut constituebantur, aut singulis quinquenniis renovabantur, observare, videat formulas Marculfi in appendice num. 27., & 41., Bignonium formula 20., & Lidenbrogium formula 19.

Can. 5.  
cau. 10.  
qu. 2.

Can. 121.  
de conf.

Adjiciendus hic esset canon 121. de conf. dist. 4., utpote qui apud Gratianum. Concilio Belluacensi tribuitur. Verum non est alicujus Belluacensis Concilii, sed potius Theodori Cantuariensis; quamobrem commodius, ubi de Theodori capitulis agendum erit, hoc ipsum fragmentum expendam.

# C A P U T L I.

481

## De Concilio apud Sanctum Medardum.

Duo sunt hujus Concilii fragmenta apud Gratianum.

- { Canon 9. cau. 2. qu. 1. consonat cum actione I. Concilii.  
 { Canon 17. cau. 22. qu. 5. ad integra Concilii exemplaria exigendus.

**C**oncilio Sueffionensi in Monasterio Sancti Medardi in Gallia celebrato causam dedit præcipuam Hincmarus Rhemenfis Episcopus. Cum enim tempore Ludovici Imperatoris jamdiu Sede Rhemenfis privatus fuisset Ebbo Hincmari Prædecessor, deinde opera Ludovici ejusdem restitutus, plures in eadem Ecclesia ordinaverat. Verum cum rursus ab Archiepiscopatu dejectus esset sub Carolo Calvo Rege, & in ejus adhuc viventis locum substitutus Hincmarus, dubitari cœpit de ordinatione Clericorum ab Ebbone facta. Interea mortuus est Ebbo anno 851., & tum Hincmarus cœpit vehementius ordinator ab Ebbone Clericos insequi, quousque celebratum Concilium est anno 853., in quo & Carolus Calvus Rex interfuit, & quinque Provinciarum Episcopi ultra triginta, cum Abbatibus, & Clericis pluribus. Omnia actionibus confecta res fuit, in quibus causa Clericorum eorundem discussa abunde fuit, editique sunt canones tresdecim, Regia auctoritate etiam confirmati, quorum aliqui ad eandem Clericorum, vel aliorum singulares causas attinent, alii ad disciplinam Ecclesiasticam generaliter stabiliendam.

In actione 1. hujus Concilii habetur canon 9. cau. 2. qu. 1. Convocata enim Synodo, nunciatum est Clericos plures Rhemenfes adesse, qui in Synodum convenire exoptabant. Hincmarus, qui inter Episcopos sedebat, petiit, ut recitarentur illorum nomina, ex quibus adparuit, quatuor esse Canonicos Rhemenfis Ecclesie, & plures alios Monachos. Synodus, & Princeps facultatem ingrediendi fecerunt, quos ingressos, ac rogantes, ut ex benignitate in ordinibus ab Ebbone susceptis reciperentur, interrogavit Hincmarus, utrum libellum reclamationis, aut postulationis haberent? Cum autem respondissent, se præ manibus nullum habere libellum, Hincmarus Archiepiscopus dixit (sunt verba in eadem actione descripta) *Legum Ecclesiasticarum consuetudo, & auctoritas talis est, ut in causis gestorum semper scripturam requirant &c.*, quæ habentur in dicto canone 9. Hinc iidem Clerici statim libellum conscripserunt, & Synodo porrexerunt. Quid in hac causa definitum fuerit, ex integris Concilii actis patet; ad rem autem nostram nihil interest illud adferre. Tantum dixero hoc idem caput referri in Gregorii IX. Decretalibus, & quidem nomine Concilii habiti apud S. Medardum, sed pro Hincmaro scriptum est: *Ignarus Episcopus*.

Canon 17. cau. 22. qu. 5. pertinet ad caput 10. ejusdem Concilii, ubi hæc *can. 17.* leguntur: *Et ut in lotis sacratis, diebus dominicis, vel aliis solemnitatibus, judicium cau. 22.* publica non exercentur: neque enim fas esse ibi veos puniri, ubi respectu divine reverentie misericordiam consensu fidelium consequuntur. Carolus Calvus in suo Capitulari, in quo ejusdem Concilii capita confirmavit, clarius hanc eandem sententiam expressit numero 8. his verbis: *Ut missi nostri Comitibus, & omnibus Reipublice Mini-*

Tom. I.

P p p

firis

*fris firmiter ex verbo nostro denuntient, atque præcipiant, ut a quarta feria ante initium Quadragesimæ, nec in ipsa quarta feria usque post octavas Paschæ mallum, (erat mallum publicum auditorium judiciale, causa litium dirimendarum, & quidem graviorum), vel placitum publicum, nisi de concordia, & pacificatione discordantium, tenere præsumant. Similiter etiam a quarta feria ante Nativitatem Domini usque post consecratos dies observent, necnon & in jejuniis quatuor temporum, & in Rogationibus simili observatione eisdem feriatis dies venerant omnimodis studeant. Hæc sane sive Episcoporum, sive Regis sententia nihil exprimit de jurejurando, quemadmodum exprimitur apud Gratianum. Primus expressit Regino in sua collectione lib. 2. cap. 319., ubi Concilii Suessionensis apud Sanctum Medardum canonem refert, volens nonnulla adjecit his verbis: "Ut Missi nostri Comitibus, & omnibus Reipublicæ Ministris firmiter ex verbo nostro denuntient, ut a feria quarta ante initium Quadragesimæ usque post octavas Paschæ mallum publicum, nisi de concordia, & pacificatione, tenere præsumant, neque aliquis juret. Similiter etiam a quarta feria ante Nativitatem Domini usque post consecratos dies observent, necnon & jejuniis quatuor temporum, & in Rogationibus. Nullus etiam in dominico die placitum teneat, aut Sacramentum juret. Ex Reginone rursum paullo aliter idem fragmentum descripserunt posteriores Collectores, in ea præsertim parte, quam Regino idem adjecerat, & ex recentioribus Collectoribus aliter descripsit Gratianus, quam in integris Concilii exemplaribus habeatur.*

## C A P U T LII.

### *De Conciliis Eugenii II., & Leonis IV. Pontificum Maximorum.*

Duo Romana Concilia, quorum primum est Eugenii II. anno 826., alterum Leonis IV. anno 853. celebrata, hic simul exhibeo ideo, quod prius a posteriore confirmatum fuerit, imo in posteriore nonnulla adjecta fuerint priori, quasi minus integro, & non ex omni parte ad Ecclesiasticam disciplinam stabiliendam absoluto. Gratianus illorum nomine sequentes canones retulit.

- |   |  |
|---|--|
| { | <p><i>Can. 12. dist. 37. est Eugenii Papæ, cui nonnulla ex Leone adjiçienda sunt.</i></p> <p><i>Can. 1. dist. 72. ex integris Concilii exemplaribus supplendus.</i></p> <p><i>Can. 6. dist. 79. pertinet ad Capitulare Romanum anni 824.</i></p> <p><i>Can. 7. dist. 81. fere consonat cum vulgatis Concilii exemplaribus.</i></p> <p><i>Can. 22. dist. 81. fere consonat cum vulgatis Concilii exemplaribus.</i></p> <p><i>Can. 3. cau. 5. qu. 3. perperam Anacleto Papæ tributus.</i></p> <p><i>Can. 3. cau. 12. qu. 1. consonat cum vulgatis Concilii exemplaribus.</i></p> <p><i>Can. 27. cau. 12. qu. 1. varius in diversis exemplaribus.</i></p> <p><i>Can. 18. cau. 12. qu. 2. apocryphus, sed disciplinæ 9. sæculi conveniens.</i></p> <p><i>Can. 2. cau. 14. qu. 2. ex integris Concilii exemplaribus emendandus.</i></p> |
|---|--|

*Can. 6a.*



- Can. 62. cau. 16. qu. 1. consonat cum canone Eugenii, & Leonis.  
 Can. 33. cau. 16. qu. 7. ex integris Concilii exemplaribus supplendus.  
 Can. 9. cau. 20. qu. 1. ex integris Concilii exemplaribus emendandus.  
 Can. 4. cau. 21. qu. 4. ex integris Concilii exemplaribus supplendus.  
 Can. 31. cau. 27. qu. 1. jam a Romanis Correctoribus restitutus.  
 Can. 23. cau. 27. qu. 2. consonat cum vulgatis Concilii exemplaribus.  
 Can. 30. de cons. dist. 2. falso tributus Clementi Papæ.

**A**NNO 826. Ludovico, & ejus filio Lothario Imperantibus celebratum est Romæ ab Eugenio II. sexaginta, & amplius Episcoporum Concilium, præter Presbyteros, & Diaconos plures, in quo constituti sunt canones 38. ad disciplinam Ecclesiasticam stabilendam. Eosdem canones confirmavit in alio Romano Concilio totidem fere Episcoporum, ac Diaconorum Leo IV., qui & aliqua ipsismet Eugenianis canonibus adjecit, & ipsum canonum numerum, ac sententias adauxit ita, ut canones 42. recenseantur, præter acta depositionis Anastasii Presbyteri, ut vocant, Cardinalis, cui & Lotharius Imperator una cum Pontifice Maximo subscripsisse fertur. De hac Leonis IV. Synodo ita scribit Anastasius Bibliothecarius in ejusdem Pontificis vita: *Volens itaque, sicut & factum est ex priscais auctoritatibus novam Christo juvante normam proponere, qualiter unusquisque eorum vitam castam, & sobriam duceret, & Deo, cui semper irreprehensibiliter famulatum debemus impendere, in omnibus complaceret, tunc demum Sancti ei Spiritus gratia revelante una cum consilio Serenissimorum Hlotarii, & Hludovici Imperatorum anno Imperii eorum 5., & 37., atque Pontificatus jam dicti Presulis 7. mense Decembris die 8. indilf. 11. sanctam, & venerandam in Ecclesia B. Petri Apostoli Synodum congregavit, in qua non tam ipse Catholicus, & Apostolicus Vir; quamque & alii cum eo 67. Episcopi resederunt. Ex quibus quatuor Episcopi ab Imperatoribus destinati Joseph Eporegensis, Nortingus Brixienfis, Petrus Spoletinus, & alius Petrus Arretinus... Et tunc coram omnibus quadraginta, & duo Capitula, quæ professio ad salutem, & lucrum omnium Christianorum hominum pertinere noscuntur, per Diacones Sanctæ, & universalis Ecclesiæ legi præcepit; quæ etiam Capitula, ut in futurum ab omnibus illibata serventur, post cetera decreta Pontificum in sanctis canonibus jussit adscribi, quatenus omnes Episcopi hujus auctoritatis exemplum ante oculos habentes, & suas possint melius instruere, & erudire subditos. Ex his omnibus adparet, facile fuisse Collectoris canonum duo hæc Concilia Eugenii, & Leonis ita confundere, ut unum pro altero sæpissimè laudaretur, aut unum utriusque Pontificis nomine, quemadmodum, ut de ceteris fileam, contigit apud Gratianum, qui modo Concilium Leonis memorat, modo Concilium Eugenii, modo Concilium Eugenii, & Leonis.*

Ex Synodo Eugenii II. laudatur canon 12. dist. 37. Is est canon 34. Concilii Eugeniani hæc verbis expressus. *De quibusdam locis ad nos refertur, non Magistros, neque curam inveniri pro studio literarum. Idcirco in universis Episcopis, subiectisque plebibus, & aliis locis, in quibus necessitas occurrerit, omnino cura, & diligentia habeatur, ut Magistri, & Doctores constituantur, qui studia literarum, liberaliumque artium, ac sancta habentes dogmata, assidue doceant, quia in his maxime divina manifestantur, atque declarantur mandata. His Leo IV. ista adjecit, Et si liberalium*

artium Præceptores in plebibus, ut aſſolet, raro inveniuntur, tamen divina Scriptura Magiſtri, & Inſtitutores Eccleſiaſtici officii nullatenus deſint; qui & annualiter proprio Epifcopo de ejuſdem adionis opere ſollicite inſquiſiti debeant reſpondere. Nam qualiter ad divinum uſitatum cultum aliquis accedere poſſit, niſi juſta inſtructione doceatur? Liqueſcit ſane ex his, quanta fuerit tum Eugenii, tum Leonis provida ſollicitudo, ut Clerici edocerentur, ex quorum ſcientia optimum univerſæ Eccleſiæ regimen plurimum penderet, præſertim vero ex ſtudio rerum ſacrarum, quod omnino etiam in plebibus, ſive in villulis colendum eſſe decreverunt.

Can. 1. Nomine Leonis Papæ refertur canon 1. diſt. 72., qui legitur inter canones  
diſt. 72. Concilii Eugeniani a Leone confirmati num. 18., cujus integra verba hæc ſunt: Epifcopus ſubjecto ſibi Sacerdoti, vel alii Clerico, niſi ab alio poſtulatus dimiſſorias non faciat, ne ovis quaſi perſiſta, aut errans inveniatur; ſed per conſenſum unius in alterius inventiatur ovili. Et ne falſe ut veræ credantur, & veræ ut falſe ſuſpiciantur, univerſalis Pontificis, aut Imperialis, vel Metropolitanæ Bulla eas roborari oportet. Coercita eſt hoc in loco Clericorum quorundam vagandi licentia, quos a Dioceſi abeſſe vetitum erat, niſi ab alio Epifcopo advocati fuiſſent; cum enim Clericus de una, cui olim ſeſe perpetuo devinciebat, in aliam Eccleſiam transferri non poſſet, niſi utilitate eccleſiaſtica urgente, quiſnam de ea fidem facere poſſet, niſi Epifcopus quiſpiam translationem Clerici poſtularet? Ex hoc præterea canonæ arbitror, originem habuiſſe formulas illas literarum, quas appellant vulgo *legalizationes* ad evitandas fraudes falſariorum; prudentiſſimum enim eſt, vel Pontificum, vel Principum, ſive Magiſtratum, qui Principalem auctoritatem exercent, teſtimoniis unamquamque Epistolam roborari.

Can. 6. Quod ſub nomine Concilii Leonis IV. legitur apud Gratianum in can. 6. diſt.  
diſt. 79. 79. fruſtra inquireretur vel in Synodo Leonis, vel in Synodo Eugenii, ſive vulgaris Conciliorum editiones obſervemus, ſive Breviarium canonum ad eandem Synodos pertinentium, cui Luitprandi nomen inſcriptum eſt. Ego arbitror in vetuſto aliquo codice, quod apud Gratianum fragmentum legitur, adnexum fuiſſe Synodo Eugenii, & Leonis, non quod in eodem Concilio editum fuerit; ſed quod ſimilia quædam conſtituta fuerint tempore Eugenii Papæ II. in atrio B. Petri Apoſtoli a Hlotario Imperatore, quæ appellantur Capitulare Romanum anni 824., & duobus annis ante dictam Synodum Romanam Eugenii. Duo extant hujus Capitularis exemplaria in editione Pariſienſi anni 1677. Capitularium Francorum tomo 2. pag. 317., & ſequ., atque in primo exemplari ita legitur num. 3. In electione autem Romani Pontificis nullus ſive liber, ſive ſervus præſumat aliquod impedimentum facere, ſed illi ſolummodo Romani, quibus antiquitus conſeſſum eſt conſtitutione Sanctorum Patrum, ſibi eligant Pontificem. Quod ſi quis contra hanc noſtram conſtitutionem facere præſumpſerit, exilio tradatur. In altero exemplari eodem num. 3. hæc habentur: Volumus, ut in electione Pontificis nullus præſumat venire neque liber, neque ſervus, qui aliquod impedimentum faciat illi, exceptis ſolummodo Romanis, quibus antiquitus fuit conſuetudo conceſſa per conſtitutionem Sanctorum Patrum eligendi Pontificem. Et ſiquis contra hanc juſſionem noſtram facere præſumpſerit, in exilio tradatur. Eadem conſtitutio legitur in lib. 3. Legum Longobardarum tit. 11. §. 3. Hinc autem videtur deſumptus dictus canon 6. diſt. 79., & Concilio Eugenii, & Leonis adjectus, non quidem eiſdem verbis, ſed ad Amanuenſis arbitrium paullo aliter deſcripta ſententia.

Nomine

Nomine Eugenii Papæ referuntur canones 7., & 22. dist. 81., qui habentur in can. 14., & 15. ejusdem Concilii Eugeniani. Verba canonis 14. hæc sunt: *Sacerdos etenim, aut quisvis alius in Ordinem Ecclesiasticum provectus, si in eo scelere inveniatur, quo abiciendus existat, depositus providentia Episcopi bene proviso loco constituitur, ubi peccata lugeat, & ulterius non committat.* Verba canonis 15. hæc sunt: *Si quispiam Sacerdotum, idest Episcopus, Presbyter, aut Diaconus, vel etiam Subdiaconus de quacumque famina crimine fornicationis suspicatus, post primam, secundamque, & tertiam admonitionem Metropolitani, vel alterius Episcopi, aut ejus, cui subjacere videtur, inveniatur fabulari cum ea, aliove modo conversari, canonice judicetur. Quapropter unusquisque Episcopus in tali re studiose, ac diligenter curam habere debet, ne Ecclesia Christi a propriis possit sordidari Ministris; quia cum propriam uxorem habere non permittitur, maxime ab omni famina est abstinendus.* Ex his manifeste liquet, quantum Gratianus corruperit hanc sententiam, qui primum nullam fecit de Episcopis mentionem, deinde poenam excommunicationis Clericis ex suspitione criminis infligendam voluit, faminas vero canonice judicandas, contra quam in ipso Concilio canone habetur. Quamobrem etiam adparet, quam dissent a germana canonis interpretatione Glossographi, & Interpretes, qui ad eundem canonem addotaverunt faminam ratione delicti fieri de foro Ecclesiæ; cum de sententia adversus faminas proferenda ne verbum quidem in canone ipso legatur; quod enim de faminis Gratianus dicendum voluit, ut canonice judicentur, in ipso Concilio de Clericis dicitur, quos canonice judicari, idem significat, ac e proprio gradu dejecti, quoties criminis rei probati fuerint; neque enim Clericis juxta sacrorum canonum disciplinam infligi potest poena excommunicationis; sed primum deponendi sunt, laica illis communionem concessa; tum demum autem excommunicandi, cum in crimine, cujus causa jampridem depositi fuerint, sint pertinaces. Hæc porro omnia observanda erunt ab eo, qui apte, appositeque interpretari voluerit capitulum 2. de cohabitatio. Clericor., & Mulierum.

Ad idem Eugenii Concilium referendus erit can. 3. cau. 5. qu. 3., cui Gratianus Anacleti Papæ nomen inscripsit. Legitur ille eisdem verbis in can. 19. ipsius Concilii Romani, quo consultum est Ecclesiæ utilitatibus, ne scilicet occasione rerum temporalium minime distraherentur Episcopi a gravioribus Ecclesiæ negotiis, quod alias fieri neutiquam poterat, nisi præciperetur Episcopis eisdem, ut per Advocatum temporalium rerum curam gererent, excepto tamen crimine publico, in quo nemo juxta leges per procuratorem agere potest, sed potius expedir in persona propria excipere, atque accusantibus respondere.

Optime emendarunt Correctores Romani inscriptionem canonis 3. cau. 12. qu. 1., etenim habetur ille in Synodo Eugenii a Leone confirmata can. 7., ubi hæc habentur: *Necessaria etenim res existit, ut juxta Ecclesiam claustra constituentur, in quibus Clerici disciplinis ecclesiasticis vacent. Itaque omnibus unum sit refectorium, ac dormitorium, seu ceteræ officinæ ad usus Clericorum necessarie. Ministri vero post Episcopum super eos tales eligantur, quorum vita, atque doctrina illos potius exornent, quam debonefent.* Renovarunt heic Pontifices Maximi veterem Clericorum disciplinam, quam primum Sancti Episcopi Eusebius, & Augustinus in Cathedralibus Ecclesiis instituerant.

Can. 27. cau. 12. qu. 1. habetur in can. 16. ejusdem Concilii, in quo non omnia omnino consonant exemplaria. Vulgati codices ita habent: *Nulli Episcoporum*

Can. 7.,  
& 22.  
dist. 81.

Can. 3.  
cau. 5.  
qu. 3.

Can. 3.  
cau. 12.  
qu. 1.

Can. 27.  
cau. 12.  
qu. 1.

porum liceat res immobiles de subiectis plebibus (Gratianus legit: *res mobiles, aut immobiles* &c. Antonius Augustinus lib. 2. de emendatione Gratiani dial. 1. monet in aliquibus codicibus legi: *liceat res mobiles de subiectis plebibus*, in aliis etiam legi: *liceat res de subiectis plebibus*), seu aliis piis locis in proprio usu habere, ne majores enormiter locupletentur, aut minores tali fallo pauperiores inveniantur. Contra agens canonica auctoritate coarctandus existat. Legit Gratianus: *coarctatus existat*. Antonius Augustinus in relato loco asserit in aliquibus codicibus haberi: *canonica auctoritate coerceatur*. In hac codicum varietate non inutile erit adferre lectionem Breviarii ejusdem Synodi, editi ab incerto Auctore, cui nomen Luitprandi tribuitur, in can. 16. ibi: *Ut nulli Episcoporum liceat res immobiles de subiectis plebibus, aliisque piis tollere locis, ne in tali fallo pauperes inveniantur. Contra agens canonica auctoritate coarctandus existat*.

Can. 18. Aliud refert Gratianus decretum Leonis IV., quod in ejus Concilio editum  
can. 12. adfirmat in can. 18. cau. 12. qu. 2. Non habetur illud in vulgatis Concilii exem-  
plaribus, non in canonibus Eugenii, non in adjectionibus Leonis; sed potius con-  
fictum est ab eo, qui Synodi ejusdem Romanæ acta, & canones brevaviit sub  
nomine Luitprandi. Hic postquam 42. capitula Romanæ ejusdem Synodi expo-  
suit, subjecit paucis, quid definitum fuerit in causa Anastasii Presbyteri Cardina-  
lis, quem Leo Papa damnavit, & sacerdotali honore privavit; rursus vero duos  
canones ad disciplinam ecclesiasticam pertinentes addidit (cum tamen superius qua-  
dragesimum secundum caput ultimum capitulum appellasset) his verbis concludens:  
Item in eadem Synodo monuit, & apostolica auctoritate præcepit, ut unusquisque Episco-  
pus &c. . . Item in eadem irrefragabiliter afirmando instituit, ut nullus Episcoporum,  
vel Sacerdotum rem sui tituli usurpare, aut alienare præsumat; qui autem hoc fecerit,  
canonicam sine dubio subeat ultionem. Non est itaque dubitandum huc pertinere me-  
moratum Gratiani fragmentum, quemadmodum patet ex utriusque capitis colla-  
tione, illud autem ab eodem incerto Auctore fuisse confectum ex plurium Con-  
ciliorum ejusdem sæculi sententia, deinde Leoni IV. attributa; nihil enim pressius  
urgeri potuit eo tempore, quam Ecclesiarum bona semel quæsitâ penes eandem  
Ecclesias remanere debere, cum auctar Laicorum quorundam avaritia nonnulla  
ex eisdem bonis occupasset partim vi, aut fraudibus, partim ex improvida plu-  
rium Episcoporum, & Sacerdotum liberalitate.

Can. 2. In canone 13. ejusdem Romani Concilii legitur canon 2. cau. 14. qu. 2. his  
can. 14. tamen verbis: *Quamquam Sacerdotum testimonium creditibilis habeatur, tamen ipsi in*  
qu. 2. *secularibus negotiis pro testimonio, aut conscribendis Instrumentis non rogentur, quia eos in talibus rebus esse non convenit. Si enim eventus causæ aliquid viderint, (hic aliter legitur apud Gratianum), aut audierint, ubi nulle idoneæ secularium inveniantur persone, ne veritas occultetur, & malus, ut bonus existimetur, in providentia proprii sit Episcopi, ut aut coram se, & competentibus iudicibus, aut aliter veritatem honorifice attollant*.

Can. 62. In canone 26. Concilii Eugeniani hæc habentur: *Nulli liceat Episcoporum a sub-*  
can. 16. *juncto Sacerdote, vel aliquolibet Clerico, & piis locis donationes ultra statuta Patrum exi-*  
qu. 1. *gere, aut superposita in angariis inferre. Sed cum sit optimus prospector, ita prospiciat, ut universæ sibi oves commisse a se maxime alantur, atque in necessitatibus aljuventur, quam illicitis exaltis donationibus opprimantur. Leo IV. in sua Synodo hæc addidit: Quia Dominus pascere, & docere nos docuit, & omnibus ministrare, non terrenis lucris,*

vel avaritiis delectari. Ex his omnibus tum Eugenii decreto, tum Leonis adjunctione descripsit Gratianus canonem 62. cau. 16. qu. 1.

Canon 33. cau. 16. qu. 7. habetur in canone 21. Concilii Eugeniani, ex quo nonnulla sunt adicienda ad fragmenti Gratiani integritatem his verbis: *Monasterium, vel Oratorium canonicè constructum a dominio constructoris invite non auferatur, liceatque illi id Presbytero, cui voluerit, pro sacro officio illius Diæceseos, & bonæ auctoritatis dimissoria, cum consensu Episcopi, ne malus existat, commendare, ita ut ad placita, & ad justam reverentiam ipsius Episcopi obedienter Sacerdos recurrat. Hæc erant constituta in Synodo Eugenii. Leo IV. ista adjecit: Si vero superbia elatus, vel aliquolibet modo a proprii se subtrahere malueris mandatis Episcopi, canonicis eum decernimus ultionibus subjacere. Exhibetur his imago quædam jurispatronatus, quale erat nono Ecclesiæ sæculo apud Fundatores Monasteriorum.*

In can. 32. Concilii Eugeniani legitur canon 9. cau. 20. qu. 1., his verbis. *Sicut enim qui Monasteria elegerunt, a Monasteriis egredi non permittuntur, ita hi, qui inviti sine justæ ostensionis crimine Monasteriis sunt intrinsesti, nisi volentes, non teneantur; quia quod non petunt, non observant. Ideoque tales considerandi sunt maxime peccata committere, quam plangere, sicut decreto Sanctissimi Leonis Papæ manifestissime continetur. Duplici de causâ quispiam sæculo 8., 9., & sequentibus Monasterium ingrediebatur, vel scilicet propria, liberaque voluntate, ut indulgeret pietati, atque humilitati; vel necessitate ad penitentiam admissorum criminum peragendam. Propterea contigit aliquando, ut quis de crimine per calumniam accusaretur, quin tamen accusator quidpiam demonstrasset, & nihilominus ob subortam gravem suspicionem accusatus in Monasterio includeretur invitus, & reluctans. Quamobrem Eugenius decrevit, neminem sine justæ ostensionis crimine, idest sine, apertissima probatione criminis, de quo fuerit accusatus, esse Monasterio tradendum. Eidem canoni hæc addidit Leo IV. Verum etiam qui sponte ad talem devotionem pervenerit, & postmodum ad nuptias, vel ad militiam devolvitur, publicæ satisfactionem penitentiae gerat intentius, ut ad perfectionem redire non diffidas.*

Nomine Leonis Papæ in Synodo Romana laudatur canon 4. cau. 21. qu. 4. legitur autem in cap. 12. Synodi Eugeniæ, cujus hæc sunt verba, ex quibus supplendus erit, atque emendandus Gratianus: *Sacerdotes itaque, qui ad debita, & opportuna officia Ecclesiæ indifferenter adesse debent, facere aliquo, aut venatione, vel aliqua occupatione, rusticoque ministerio omnino non occupentur. Quia sine ornatu Sacerdotali extra domos eos apparere non convenit, ne ut aliquis sæcularium injurias patiantur. Sed ea solummodo, quæ per Patres constituta videntur, observent. Contrarius denique inventus, aut deinceps definat, aut canonicè subjaceat disciplinæ.*

Canon 31. cau. 27. qu. 1. referendus est ad canonem 29. Concilii Eugeniani, juxta quem jam Romani Correftores Gratianum emendaverunt; etiamnum tamen posteriora canonis verba defunt; nam post illa: *caste observent*, ita sequitur: *Contra autem turpes inventæ, providentia Episcopi emendantur. Sic se se habet canon integer Eugeniæ, cui aliqua addidit Leo IV. ibi: Secundum culpæ, vel peccatorum differentiam penitentiam moderetur, & ipsarum canoniis doctrina, & institutio ad similitudinem virorum moveat Monasteriorum; quia quamvis in sexu dispares sint, in humilitate sine status differentia concordant.*

Canon 23. cau. 27. qu. 2. habetur in can. 36. Concilii Eugeniani, ubi pro illo postremo verbo solvitur legitur solvatur. Explicavit uberius eundem canonem

Leo

Can. 31.  
cau. 16.  
qu. 7.

Can. 9.  
cau. 20.  
qu. 1.

Can. 4.  
cau. 21.  
qu. 4.

Can. 31.  
cau. 27.  
qu. 1.

Can. 23.  
cau. 27.  
qu. 2.

Leo IV., qui isthæc adjecit: *Utraque enim pars consentiens, & magis alter ex illis divini amoris, quam humani ardens, ut in castitate maneret, divorcium miserit, & postmodum sollicitationem propriam non observaverit, ad restrictam manens penitentiam redigatur.*

Falso inscriptum fuit nomen Clementis Papæ canon 30. de conf. dist. 2., qui potius legitur in hoc Eugenii II. Concilio can. 33., quibus hæc adjecit Leo IV. *Et sicuti discrete in Ecclesia singula videntur exposita, ita virorum pars, & mulierum partibus suis contenta sit; & seculares, ne peccent, cum justificari desiderant, a prohibitis abstinere videantur; nec inter sacros cancellos ordinibus debitos, nisi permittente Episcopo, adiensent accedere.* Similia quædam constituta sunt in Concilio Turenensi II. can. 4., & Capitulari anni 744. can. 6., unde & caput 279. libri 7. Capitularium Francorum.

## CAPUT LIIL

### De Concilio Ticinensi.

Jam a Romanis Correctoribus jure tributum est Ticinensi Concilio, quod Gratianus Anastasio Papæ tribuisse videtur, videlicet:

{*Can. 56. cau. 16. qu. 1. est unum ex Capitibus Ludovico Imperatori propositis.*

**C**elebratum est hoc Concilium in Ticinensi Civitate, quam vulgo *Papiam*, seu *Pavia* appellamus anno 855., cum ibidem moraretur Ludovicus Imperator. Synodi ordo hic fuit: Episcopi simul convenientes perscrutati primum sunt, quænam potissimum disciplinæ ecclesiasticæ capita reformatione indigerent, eaque communi consensu colligentes descripserunt. Deinde eadem obtulerunt Imperatori, confirmationem regularum, quas proposuerant, postulantes. Ludovicus singula capita ab Episcopis sibi proposita Proceribus, & Ministris suis aperuit, pluraque ex illis novis editis decretis confirmavit, juxta Episcoporum petitionem, aliqua vero ex eisdem silentio prætermisit. Inter illa capita, quæ Episcopi proposuerant, hoc legitur: *In sacris canonibus præfixum est, ut decimæ juxta Episcopi dispositionem distribuuntur. Quidam autem Laici, qui vel in propriis, vel in beneficiis suas habent Basilicas, contempta Episcopi dispositione non ad Ecclesias, ubi Baptismum, & Predicationem, manus impositionem, & alia Christi Sacramenta percipiunt, decimas suas dant, sed vel propriis Basilicis, vel suis Clericis pro suo libitu tribuunt. Quod omnimodis divinæ legi, & sacris canonibus constas esse contrarium. Unde vestram potestatem, ut eos corrigatis, expetimus. Sacra docet auctoritas, ut publice peccantes publicæ penitentiae subjiciantur. Hic est Gratiani canon 56. cau. 16. qu. 1. Nihil ad hæc specialiter constat respondisse Ludovicum, qui tantum generaliter decrevit Ecclesiarum Rectores libere suis privilegiis uti posse; in fine etiam cavit, se aliquod temporis spatium ad correctionem indulgere illis, qui se se non emendaverint; post quod, si negligentes fuerint, graviore poenâ minatur, ibi: *Nostro mansuetudine, ut corrigantur, quantumcumque largimur spatium, quo quique neglecta**

*emend-*

emendare valeant, destinaturi post modicum legatos strenuos emendata inquirere. Quod vero negligens repertus fuerit, propriis honoribus nostro privabitur iudicio.

## C A P U T L I V.

## De Concilio, quod dicitur apud Tanfiacum.

Hoc nomine inscribitur

{ Canon 55. cau. 12. qu. 2. potius inscribendus nomine Concilii apud Carisiacum.

CORruptam esse inscriptionem canonis 55. cau. 12. qu. 2. nemo est, qui dubitet, dummodo idem fragmentum legat apud antiquiores Collectores. Ivo in parte 3. cap. 235. ita inscribit: *Ex Concilio apud Carisiacum cap. 3.* Eodem modo Burchardus in lib. 3. cap. 134. Præterea Regino Prumiensis in lib. 1. cap. 370. ita habet: *Ex Capitulis apud Carisiacum*; neque vero adeo difficile evenire potuit, ut pro voce *Carisiacum* Amanuensium oscitantia *Tanfiacum* scriberetur. Editam habemus Synodum Episcoporum Gallicanorum, & quidem quamplurimum apud Carisiacum anno 868. Verum nihil aliud in ea tractatum adparet ex editis actis, quam de causa cuiusdam Willeberti Presbyteri Turonensis; forte canones in illa conditos hodie desideramus. Non est tamen contemnenda Reginonis auctoritas, qui sub finem noni sæculi floruit, videlicet prope tempora Concilii Carisiaci, quem propterea præsumendum non est aliquid ausum fuisse in effingendis novis canonibus, de quibus facile redargui potuisset a suis. Hoc idem caput relatum est nomine Concilii apud Carisiacum inter Capitularia Francorum ad tempora Ludovici II. Imperatoris ad annum 867. in editione Parisiensi anni 1677. tom. 2. pag. 364. num. 12.

Si cui vero hæc non omnino placerent, adhuc Nle suspicari posset pro Concilio apud Tanfiacum legendum esse Concilium apud Tusiacum, ita dictum a Villa Tusiaco in Territorio Tullensi sita, in qua anno 860. celebratum est Concilium, quod vulgo appellant Tullense II. Porro inter Capitularia Caroli Calvi ad annum 865. referuntur nonnulla Capitula nomine Conventus apud Tusiacum; & post illa ad annum 868. alia subiiciuntur in Compendio edita, inter quæ num. 12. hæc leguntur: *Ut missi nostri omnibus per illorum missaticum denuntient, ne commutationes rerum, vel mancipiorum quilibet Prælati earundem rerum ecclesiasticarum sine licentia, vel consensu nostro facere præsumat, neque mancipia ecclesiastica quisquam, nisi ad libertatem commutet. Videlicet ut mancipia, quæ pro ecclesiastico dabuntur, in Ecclesiæ servitute permaneant, & ecclesiasticus homo, qui commutatus fuerit, perpetuo libertate fruatur.* Hæc porro verba plurimum consonant cum illis, quæ retulit Gratianus in dicto canone 55., quæque quis facile tribuere potuit Concilio apud Tusiacum, vel corrupto nomine apud Tanfiacum ob conjunctionem, quam in codicibus habere potuerunt acta Tusiaci cum actis Compendii. Non omittam, eadem constituta fuisse in Conventu Sueffionensi apud S. Medardum sub eodem Carolo Calvo anno 853.

Tom. I.

Q 9 q

num. 12.

rum. 12. Adde etiam caput 1. Concilii Tullensis II. apud Tusiacum nuper memorati, in quo generaliter constitutum est, ut res Ecclesiasticæ perpetuo remanere debeant penes Ecclesiam, nec possint aliquando a Laicis per vim, aut fraudem vindicari.

## C A P U T L V.

### De Concilio Vormatiensi.

Concilio Wormatiensi tribuuntur apud Gratianum  
sequentes canones.

- |   |  |   |
|---|--|---|
| [ | Can. 50. dist. 50. fere consonat cum vulgatis Concilii exemplaribus.   |   |
|   | Can. 23. cau. 2. qu. 5.  | } Simul jungendi, & ex disciplina mediæ<br>temporis explicandi. |
|   | Can. 26. cau. 2. qu. 5.  |   |
|   | Can. 44. cau. 16. qu. 1. pertinet ad Capitulare Caroli Magni anni 804. |   |
|   | Can. 25. cau. 23. qu. 8. consonat cum Capitularibus Regum Francorum.   |   |
|   | Can. 16. cau. 33. qu. 2. consonat cum vulgatis Concilii exemplaribus.  |   |
|   | Can. 17. cau. 33. qu. 2. ex vulgatis Concilii exemplaribus emendandus. |   |
|   | Can. 18. cau. 33. qu. 2. consonat cum vulgatis Concilii exemplaribus.  |   |
|   | Can. 93. de cons. dist. 2. pertinet potius ad Francorum Capitularia.   |   |

**C**eleber est ille Episcoporum Conventus, quem habitum ferunt tempore Hadriani II. Pontificis Maximi, & Ludovici II. Imperatoris anno 868. in Civitate Wormatiz intra Palatinatum Rheni constituta sub Archiepiscopatu Moguntino. In præfatione Concilii testantur Antistites, se jussione Ludovici Regis congregatos fuisse, & ad tractanda Ecclesiastica negotia generale Concilium celebrasse. Generalis autem Concilii nomine intellexerunt Nationale, ad quod convenerunt tres Archiepiscopi, Salzburgenfis, Moguntinus, & Hammaburgenfis, una cum Episcopis septemdecim, & septem Abbatibus. Ibidem facta juxta morem Conciliorum fidelis professione plures canones editi sunt ad disciplinam Ecclesiasticam stabiliendam, vel confirmandam pertinentes. Verum de ordine canonum, eorundemque numero non una est omnium eruditorum, aut Collectorum sententia. Qui enim in iis colligendis versati sunt, agnoverunt in diversis Codicibus diversum ordinem, ut testantur inter ceteros Severinus Binius, & Labbeus; Ego sequar vulgarem editionem, utpote quam in re admodum dubia uti meliorem Viri Eruditissimi habuerunt. Unum tamen interea necessario erit observandum in numero canonum; licet enim ii numerentur usque ad 80., non omnes tamen in omnibus Codicibus habentur; sed tantum 44. priores; atque posteriores ceteros ad idem Wormaciense Concilium pertinere non posse, facile deducitur ex eo, quod in posterioribus 36. multa constituta legantur, quæ in prioribus 44. habentur: Hinc nonnullis placuit duo Wormatientia Concilia asingere, quorum alterum celebratum fuerit anno 858., tribuendo priori 44. canones, posteriori 36. Verum hæc omnia facile demonstrari non possunt, & vix tanquam verosimilia habenda sunt.



In canone 29. ex vulgatis Wormatiensibus canonibus habetur canon 50. dist. 50., ubi in postremis verbis hæc leguntur: *Et sub ipsa nemine valente penitus ad juvare, suppressus est, incisor arboris homicidæ procul dubio non est comparandus.* Can. 50. dist. 50.

Simul jungendi sunt canones 23., & 26. cau. 2. qu. 5., licet in diversis Concilio Wormatiensibus canonibus habeantur, videlicet in canonibus 10., & 15. Canon 10. hic est: *Si Episcopo, aut Presbytero causa criminalis, hoc est homicidium, adulterium, furtum, & maleficium imputatum fuerit, in singulis Missam celebrare (legunt alii: Missam tractare), & secretam publice dicere, & communicare debet, & de singulis sibi imputatis innocentem reddere. Quod si non fecerit, quinquennio a liminibus Ecclesiæ extraneus habeatur, sicut antiqui canones instituerunt.* Canon 15. ita exprimitur: *Sæpe contingit, ut in Monasteriis furta perpetrentur, & qui hæc committunt ignorentur. Idcirco statuimus, ut quando ipsi fratres de talibus se expurgare debeant, Missa ab Abbate celebretur, vel ab aliquo, cui ipse Abbas præceperit, presentibus Fratribus; & sic in ultima Missæ celebratione pro expurgatione sua Corpus, & Sanguinem Domini Nostri Jesu Christi percipiant, quatenus ita inde innocentem se esse ostendant.* Multo aliter hunc canonem retulit Regino Prumiensis in cap. 276. lib. 2. ibi: *Sæpe contingit, ut in Monasteriis furta perpetrentur. Idcirco statuimus, ut quando ipsi Fratres de talibus se purgare debent, Missa ab Abbate celebretur, vel ab aliquo presentibus Fratribus. Et sic, expleta Missa, omnes communicent in hæc verba: Corpus Domini sit tibi ad probationem bodiæ.* Burchardus legit: *sit mihi ad probationem bodiæ, quam lectionem sequutus est Gratianus.* Ex causâ horum duorum canonum nonnulli fidenter asseruerunt, Concilium Wormatiense non esse omnino ab Ecclesiâ probatum: imo & in Conciliorum editionibus recentioribus idem Concilium ita appellarunt: *Concilium Wormatiense Provinciale ex parte reprobatum.* Afferunt ad hanc rem S. Thomam 3. parte qu. 8. art. 6. ad 3., Bellarminum lib. 2. de Conciliis cap. 8., & Possevinum in apparatu Sacro. Verum honestius mihi videtur de Wormatiensibus Episcopis differendum esse, neque illinc eam sumi posse occasionem, ut quidpiam ad eorundem injuriam inferatur, dummodo prudens quispiam ad mediæ temporis receptas consuetudines respexerit. Nemo ignorat medio tempore, idest a sæculo 8. usque ad undecimum, vel duodecimum, judiciorum formas communi consensione receptas fuisse plurimum asperas in ea parte, in qua de eruenda aut a testibus, aut ab accusatoribus, aut a reis veritate ageretur. Purgationes illæ vulgares per ferum, laminasque candentes, aut per aquam frigidam, aut etiam, ut ajebant, per campiones in mallo, omnibus perspectissimæ sunt; & quidem tunc erant communi Provinciarum usu receptæ, atque Ecclesiarum caeremoniis consecratæ. Formula habetur in tomo 2. Capitularium Francorum editionis Parisiensis anni 1677. pag. 655. & sequ., imo & dum Missa a Sacerdote celebraretur, solebat Sacerdos idem eum interrogare hoc modo: *Adjuro te per Patrem, & Filium, & Spiritum Sanctum & per veram Christianitatem, quam suscepisti, & per Sanctas Reliquias, quæ in ista Ecclesiâ sunt, & per baptismum, quo te Sacerdos regeneravit, ut non presumas ullo modo communicare, neque accedere ad altare, si hoc fecisti, aut consensisti &c.* Post quam admonitionem, si accusatus ad suscipiendam Eucharistiam nihilominus accessisset, Sacerdos sacram Eucharistiam porrigendo ajebat: *Corpus hoc, & Sanguis Domini Nostri Jesu Christi sit tibi ad probationem bodiæ.* Hunc morem tempore etiam Gregorii VII. viguisse testatur Lambertus Schafnagurgensis ad annum 1077., referens Gregorium eundem Pontificem Maximum celebrata Missa Regem evocasse ad Altare,

tare, & manu præferentem Corpus Dominicum, cum multa prolocutus esset de sua innocentia, hæc demum addidisse: *Ut satisfactionis compendio omnem omnibus scandalum scrupulum de medio auferam, ecce Corpus Dominicum, quod sumturus ero, in experimentum mihi hodie fiat innocentie mee; ut omnipotens Deus suo me hodie iudicio vel absolvat obiecti criminis suspitione, si innocens sum, vel subitanea interimat morte, si reus.* Hæc & alia, ut solemne est, præfatus verba terribilia, quibus Deum cause sue æquissimum iudicem, & innocentie assertorem adesse precabatur, partem Domini Corporis accepit, & comedit. Habemus præterea perspicuum ejusdem rei argumentum. in Capitulari Ludovici Pii Imperatoris Aquisgranensi anni 817. cap. 64., quod ad Monachos pertinet ibi: *Ut de furto incerto oratio, & excommunicatio a Corpore, & Sanguine Christi fiat, quousque culpabilis confiteatur.* Quæ cum ita sint, nihil esse videtur, quod Wormatiensibus Episcopis objiciatur, dum juxta disciplinam suorum temporum sanxere, eum, qui de crimine furti suspectus est, præsertim si Monachus sit, Eucharistiz perceptione esse purgandum; Talis enim erat apud illos Antistites Monachorum sui temporis exultimatio, ut neminem ad Eucharistiam accessurum putarent, nisi qui fuisset obiecti criminis expertus. Sane apud omnes fide Sacra, five Civilis prudentiz Conditores difficillimum fuit eam rationem invenire, qua a reis, vel de crimine suspectis veritas excutitur. Et quidem inter Laicos homines ad id inuenta aliquando fuere duella, in proletariis etiam hominibus ferri candentis, & aquæ frigidæ probatio, una cum susceptione sacrae Eucharistiz. In Clericis autem, aut Monachis res dubitationem maximam semper habuit, quemadmodum constat ex Capitulari Aquisgranensi Caroli Magni anni 803. cap. 7., & ex lib. 7. Capitularium Francorum cap. 281. Aliquando autem visum esse constitutum, illos sese jurisjurandi Sacramento purgatos exhibere, aliquando. productis testibus Consecratorum commendabilibus. Cur etiam alia ratio haberi non poterat, qualis erat Eucharistiz susceptio? Video quidem Sacerdotes, ac Monachos ea ratione probatos, expositos fuisse periculo gravissimi Sacrilegii, dum forte etiam criminis rei Eucharistiam suscipere minime dubitassent. Verum si ideo in purificationis modos omittendus fuisset, omittendus alter modus fuisset purgandi se per jusjurandum, ne facile in perjuriam Rei prolaberentur. In rebus hæc difficillimis, qualis est admissio criminum, vel purgatio, aliquod incommodum, & aliquando gravissimum suboritur, quod tamen cum publica utilitate compensatur. Sive enim perjurium, five Sacrilegium reo pertinaci nocet, nec tanta esse debet Majorum cura, ut, ne reus quispiam in majora scelera se sponte præcipitem agat, communem omnium utilitatem despiciant, præsertim cum alia ratione consuli nequeat. Revera, si etiam recentiores Tribunalium usus consideraverimus in reis, five de crimine graviter suspectis torquendis, quis non videt, & in illis nonnihil asperum, & rigidum contineri, dum aliquando & noxii contumaces absolvi necesse est, innocentis e contrario delicatioris, & equuleorum impatientes quandoque damari? Quamquam tamen & in hac ratione adhuc Tribunalia consistunt, five quod alia non superstit, five quod ea Reipublicæ læsæ quodammodo satisfiat. Apparet igitur, non omnino improbanda esse memorata Wormatiensis Concilii decreta; licet enim ægre ferre non debeamus, si quispiam dixerit, constitutiones hujus generis hodie in usu amplius non esse, mutata in hac parte disciplina; displicet tamen audire quosdam ita de veteribus Conciliis loquentes, ut eorum doctrinam penitus improbant, quasi prudentiz, ac rationi contrariam. Diversa est sicut Provinciarum, ita & temporum disci-

disciplina, & semper peculiare extiterunt constituentibus non contemnendæ rationes, quemadmodum & in Civili Republica diversa est legum omnium ratio, nec est, cur Iustinianus contemnat Theodosium, vel Constantinum.

Canon 44. cau. 16. qu. 1. minime legitur inter canones Concilii Wormatiensis: *Can. 44. cau. 16. qu. 1.*  
 Sed quoniam Burchardus, & Ivo eundem laudant ex canone 6. Concilii Wormatiensis, in quo notant Corruptores Romani nonnulla similia legi, ideo subijciam verba ejusdem canonis 6., ibi: *Multi contra canonum constituta Ecclesias, quas adificaverint, & ab Episcopo postulaverint consecrari, dotem, quam eidem Ecclesiæ contulerint, ad Episcopi ordinationem putant non pertinere, quod falsum & in præterito displicet, & in futuro prohibetur. Ergo omnia secundum constitutionem antiquam jura Ecclesiarum ad Episcopi ordinationem, & potestatem pertineant.* Verum non est canon Concilii Wormatiensis, quem aut Gratianus, aut Ivo, aut Burchardus descripserunt. Potius id referendum erit ad Capitulare Caroli Magni anni 804. editum ad Salz; etenim cap. 3. ibidem hæc leguntur: *Quicumque voluerit in sua proprietate Ecclesiam edificare una cum consensu, & voluntate Episcopi, in cuius Parochia fuerit, licentiam habeat. Verumtamen omnino providendum est, ut aliæ Ecclesiæ antiquiores propter hanc occasionem nullatenus suam iustitiam, aut decimam non perdant, sed semper ad antiquiores Ecclesias persolvantur.* Hæc sane verba eadem sunt cum fragmento Gratiani, licet alius Concilii nomine inscribatur, quod erratum ex Collectione Reginonis occasionem habuit; etenim apud Reginonem in lib. 1. cap. 23. laudatur canon 3. Concilii Wormatiensis, deinde in cap. 24. laudantur Capitularia Francorum; in cap. autem 25. & 26., in quo habetur illud Gratiani fragmentum, hæc adjicitur inscriptio: *Ex eodem, quam Burchardus non retulit ad capita 24., & 25., sed potius ad caput 23. Wormatiense, quare & caput 25. nomine Wormatiensis Concilii inscribere non dubitavit; nisi dicere velimus, eundem Burchardum ex industria Wormatiense Concilium memorasse, ut a Capitularibus Francorum abstinuisse videretur, quemadmodum sapius jam animadvertimus.*

Canon 25. cau. 23. qu. 8. legitur in canone 50. Concilii Wormatiensis his verbis: *Sancimus est, ut unicuique Ecclesiæ unus mansus integer absque alio servitio adtribuat (mansus dicebatur ager duodecim iugerum), & Presbyteri in eis constituti non de decimis, neque de oblationibus fidelium, non de domibus, neque de præscripto manso aliquod servitium faciant præter Ecclesiasticum. Et si amplius aliquod habuerint, inde senioribus suis debitum servitium impendant.* Ceterum, cum dixerimus canones Wormatienses, qui post quadragesimum quartum sequuntur, suspectæ fidei esse, hic constitendum non est, nec sufficere videtur, ad edita Concilii Wormatiensis exemplaria hunc canonem exegisse. Habetur ille præterea apud Reginonem in lib. 1. cap. 24., ubi laudatur potius nomine Capitularium Francorum. Sane eisdem omnino verbis legitur apud Anfegisum in lib. 1. Capitularium cap. 85., cum quo consonat canon 10. in Capitulari Ludovici Pii anni 816., item caput 11. tit. 37. in Capitularibus Caroli Calvi, & demum Concilium Troslejanum cap. 6.

Tutius tribuuntur eidem Wormatiensi Concilio canones 16., & 17. cau. 33. *Can. 16. & 17. cau. 33. qu. 2.*  
 qu. 2., habentur enim in canonibus 33., & 34. Wormatiensibus. Et quidem canon 16. omnino consonat cum dicto canone 33., verum canon 17. Gratianus ita ex canone 34. Wormatiensi erit emendandus. *Siquis cum commatre spiritali fuerit fornicatus, usque ad dignam penitentiam Anathematis percutiatur illius. Similiter & illum percutere promulgamus, qui cum ea, quam de sacro fonte baptismatis suscepit,*  
 aut

aut cum illa, quam ante Episcopum tenuerit, cum sacro Chrismate fuerit uncta, fornicationis perpetravit scelus; legitimam autem, si habuerit, non dimittat uxorem.

Can. 18. De canone 18. cau. 35. qu. 2. nihil est, quod specialiter observandum existimetur. Legitur ille eisdem omnino verbis in canone 32. ex Wormationibus.

Can. 93. Canon 93. de conf. dist. 2. a Burchardo primum nomine Concilii Wormationis laudatur, quem deinde more suo sequuti sunt Ivo, & Gratianus. Burchardus de conf. dist. 2. autem errandi occasionem ceteris præbuit, quod abstinendum sibi proposuerat a recitando nomine Capitularium Francorum, ad quæ hic idem canon referendus erit. Revera Ansegisus Abbas in sua Collectione Capitularium lib. 1. cap. 155. ita habet: *Ut Presbyter semper Eucharistiam habeat paratam, ut quando quis infirmaverit, aut parvulus infirmus fuerit, statim eum communicet, ne sine communione moriatur.* Regino Prumiensis in lib. 1. cap. 69. eisdem omnino verbis refert hunc canonem hac adjecta inscriptione: *Ex Capitulis Synodaliibus*; quæ arbitror laudari quædam Capitula Synodalia, quæ suis Clericis proposuit sæculo 9. quidam Walterius Episcopus Aurelianensis, edita recens apud Labbeum tomo 10. Venetæ editionis pag. 69., ubi in fine capitis 7. hæc leguntur: *Et ut semper Eucharistiam Presbyter habeat paratam, ut quando quis infirmatus fuerit, aut parvulus ægrotaverit, statim eum communicet, ne sine viatico moriatur.*

## CAPUT XVI.

### De Synodo octava, & nona.

Hiscæ nominibus Concilii octavi, vel noni descripti sunt apud Gratianum sequentes canones.

Ex Conci-  
lio VIII.

- Can. 7. dist. 22. consonat cum interpretatione Anastasi Bibliothecarii.
- Can. 22. dist. 54. potius tribuendus S. Isidoro Hispalensi.
- Can. 1. dist. 63. } Simul jungendi, atque ad integra Concilii
- Can. 2. dist. 63. } exemplaria exigendi.
- Can. 4. dist. 90. tribuendus potius S. Basilio.
- Can. 5. dist. 90. tribuendus S. Basilio, & S. Isidoro.
- Can. 9. cau. 1. qu. 1. ad sententias S. Basilii referendus.
- Can. 7. cau. 5. qu. 6. ad sententias S. Isidori referendus.
- Can. 28. cau. 11. qu. 3. idem est cum can. 18. cau. 11. qu. 3.
- Can. 77. cau. 11. qu. 3. tribuendus S. Isidoro, vel etiam S. Basilio.
- Can. 13. cau. 12. qu. 2. ad integra CPolitani Concilii exemplaria exigendus.
- Can. 7. cau. 26. qu. 7. consonat cum sententiis S. Basilii.
- Can. 8. cau. 26. qu. 7. consonat cum sententiis S. Basilii.
- Can. 9. cau. 26. qu. 7. consonat cum sententiis S. Basilii.
- Can. 10. cau. 26. qu. 7. consonat cum sententiis S. Basilii.
- Can. 11. cau. 26. qu. 7. consonat cum sententiis S. Basilii.
- Can. 22. cau. 27. qu. 2. consonat cum sententiis S. Basilii.

Can.

- { *Can. 1. de pœnit. dist. 2. consonat cum sententiis S. Basilii.*  
*Can. 25. de conf. dist. 2. consonat cum sententiis S. Basilii adtributis.*

Ex Conci-  
lio IX.

- { *Can. 1. cau. 20. qu. 1. ad sententias S. Basilii referendus.*  
*Can. 4. cau. 20. qu. 2. ad sententias S. Basilii referendus.*

**H**Oc in capite ideo iungenda duxi, quæ a Gratiano memorantur tum octavæ, tum nonæ Synodi nomine, quia canones nono Concilio adscripti ad nonum Concilium minime pertinent, sive, quod vulgo dicitur, Lateranense I. Generale, & in nonnullis Gratiani Codicibus non nona, sed octava Synodus in illorum inscriptionibus legatur. Imo & illud etiam contigit, ut sicut nonnulla alia capita Synodo octavæ apud Gratianum tributa, Synodi octavæ revera non sunt, sed potius S. Basilii Cæsareensis cognomento Magni, ita quoque vulgata Capitula nomine Synodi nonæ ad Sancti ejusdem Basilii opera referenda sint. Præmittenda hæc sunt generaliter, ac præterea explicanda est occasio, ex qua memorata Concilii octavi & noni capita Basilio potius sunt tribuenda. Arbitror ego, id profuissse ex ositantia Amanuensium, qui non satis inscriptionum literas consideraverunt: forte enim Basilii nomen de more brevium in MSS. Codicibus fuerat hoc modo: *Bisus*, hinc qui legerent, aut in alios Codices transpicerent, pro litera *B*, legerunt vel scripserunt numerum 8., & pro sequentibus literis *Sius* legerunt *Sinodus*, sive, *Synodus*. Quod etiam alicubi evenit in voce *Isidorus*, quæ cum valde similis in MSS. Codicibus videri posset super descriptis literis, occasionem etiam dedit, ut pro nomine Isidori Hispalensis octavæ Synodi nomen inscriberetur in illis fragmentis, quæ sunt ejusdem Isidori. Itaque nemo mirari debet, si insequentibus frequentissime aut Basilio, aut Isidoro adscripsero, quæ Synodo octavæ, vel nonæ (quæ, ut diximus, in pluribus Codicibus octava dicitur) tribuuntur.

Interea vero quædam de octava Synodo generatim dicenda sunt, ut ad interpretationem, vel descriptionem illorum canonum, qui revera ejusdem sunt, quoquomodo parati, instructique accedamus. Octava Synodus appellatur quarta Constantinopolitana sub Hadriano II. Pontifice Maximo celebrata anno 869. Sedebat in Patriarchatu Constantinopolitano vir prudentia, ac Sanctitate insignis Ignatius, cui plurimum invidebat Gregorius Syracusanus cum aliis perpaucis Episcopis; atque, his favebat Senator, & a Secretis Imperatoris Laicus quidam nomine Photius, qui privato potissimum studio ducebatur adversus Ignatium, futurum aliquando sperans, ut eo a Patriarchali dignitate dejecto, ipsemet Patriarchalem sedem ascenderet. Hinc animos fidelium ab Ignatii communione avertere cepit, variis criminibus, quæ ex arbitrio affingebat, Ignatium accusans: imo & animum Michaelis Imperatoris adeo circumvenit, ac concitavit, ut facile præsidium obtinuerit ad Ignatium ab Episcopatu deturbandum, ac dejiciendum. Itaque Imperiali freres auctoritate, item emendicatis plurium Episcoporum suffragiis, adjuvante Gregorio superius memorato, voti sui compos factus est Photius, qui Ignatium damnavit, e sede removit, atque in exilium misit, seseque in ejus locum mota seditione intrusit. Concitavit hæc res universum propemodum Orientem, plures enim, quibus perspecta erat Ignatii integritas, atque virtus, non potuerunt non obfistere callidis Photii, & ceterorum Ignatio invidentium artibus, atque calumniis. Verum quousque Michael Imperium rexit, parum valere potuerunt proborum querimoniarum: tanta erat Imperatoris

toris erga Photium gratia, atque benevolentia. Postquam tamen Michaeli successit in Imperio Basilus, visa est Ignatii causa Patronum habere; etenim Imperator ipse controversiam omnem in Concilio ad id celebrando dirimendam voluit, & Ignatium, si æquum visum fuisset, restituendum. Itaque consentiente Hadriano II. Pontifice Maximo universalis Episcoporum omnium, præsertim Orientalium, celebrata Synodus est in Urbe Constantinopolitana, in qua post sedulam fædi discussionem damnatus est Photius una cum ceteris, qui Photio adhæserant, & Ignatius restitutus in propriam dignitatem. Quid post Ignatii mortem de Photio contigerit, hujus loci non est investigare; nihil enim exinde deduci potest ad assequendam commodam interpretationem canonum Constantinopolitanorum, de quibus in præsentia agendum est. Illud monebo, hujus Synodi Constantinopolitanæ acta latine jam haberi edita opera Anastasii Bibliothecarii, qui præsens in eodem Concilio interfuerat, eaque ad Pontificem Maximum direxerat. Qua vero ratione interpretationem hanc suam Anastasius ipse confecerit, idem tradit in Epistola ad Hadrianum. his verbis: *Interpretans hanc sanctam Synodum verbum e verbo, quantum idioma latinum permittit, excerpti; nonnunquam vero manente sensu constructionem Græcam in Latinam necessario commutavi*. Extat etiam hodie apud nos editus Græcus Synodicorum actuum textus, verum non satis integer, forte a recentioribus Græcis schismaticis corruptus, ac depravatus; ex quo profluxisse arbitror, Græcos canones ab Anastasiano plurimum diffonare, etiam in ipsomet numero; etenim apud Anastasium habentur 27., cum tamen in Græca editione 14. tantummodo recensentur.

Can. 7.  
dist. 22.

In hoc Constantinopolitano Concilio canone 21. legitur canon 7. dist. 22., & quidem in editione Anastasii Bibliothecarii; frustra enim eum canonem a Græcis quereremus, qui tantum, ut diximus, quatuordecim habent. Hunc canonem dubitandum non est ad Photii damnationem pertinere, qui cum adhuc esset mundi potens, sive Laicus, Senator, & a Secretis Imperatoris adversus Ignatium Patriarcham ita pugnavit, ut eum a Sede Patriarchali dejecerit ambitus causa, hinc post verba ejusdem canonis ita sequitur apud Anastasium: *Quod & super Photius fecit, & multo ante Dioscorus*.

Can. 22.  
dist. 54.

Canon 22. dist. 54. ex illis est, quos ex octava Synodo Gratianus laudavit, revera tamen S. Isidoro tribuendus est juxta ea, quæ superius diximus. Itaque Isidorus in cap. 19. Regulæ Monachorum eadem fere tradidit his verbis: *Abbati, vel Monacho Monasterii servum non licet facere liberum; qui enim nihil proprium habet, libertatem rei alienæ dare non debet. Nam sicut sæculi leges sanxerunt, non potest alienari possessio, nisi a proprio Domino, ita & omne, quod in Monasterio in nummo ingreditur, sub testimonio seniorum accipiendum*.

Can. 1.  
& 2.  
dist. 63.

Ad canonem 22. Constantinopolitani Concilii juxta interpretationem Anastasii referendus est canon 1. & 2. dist. 63. hoc ordine legendus. *Promotiones, atque consecrationes* (hæc leguntur in dicto can. 2. præp. medium) *Episcoporum concordans prioribus Conciliis electione, ac decreto Episcoporum Collegii fieri Sancta hæc, & universalis Synodus definit, & statuit, atque jure promulgat, neminem Laicorum Principum, vel Potentem semet inferere electioni, vel promotioni Patriarchæ, vel Metropolitæ, vel cujuslibet Episcopi, ut videlicet inordinata hinc, & incongrua fiat confusio, vel contentio; præsertim cum nullam in talibus potestatem quemquam potestativorum, vel ceterorum Laicorum habere conveniat, sed potius silere, ac attendere sibi, usquequo regulariter a collectio Ecclesiæ suscipiat finem electio futuri Pontificis. Si vero quis Laicorum ad concertandum,*

dum, & cooperandum ab Ecclesia insultatur, licet hujusmodi cum reverentia, si forte voluerit obtemperare se adficientibus; valiter enim sibi dignum Pastorem regulariter ad Ecclesiam suam salutem promoveat. Hic finem habet dictus canon 2., cujus verba quædam jam Gratianus retulerat in can. 1. Post hæc autem in Concilio hæc sequuntur, quæ spectant ad eundem canonem 1. apud Gratianum: *Quisquis autem secularium Principum, & Potentum, vel alterius dignitatis Laicus adversus communem, ac consonantem, atque canonicam electionem Ecclesiastici Ordinis agere tentaverit, anathema sit, donec obediat, & consentiat in hoc, quod Ecclesia de electione, ac ordinatione proprii Presulis se velle monstraverit.* Hic canon ita expressus pertinet, uti liquet perspicue, ad Photii ordinationem; in canonibus autem Græcis hodie non habetur. Quæ vero leguntur apud Gratianum in principio dicti canonis 2., ad Synodum minime pertinent, sed potius continent brevem quandam, & historicam narrationem ex actis Concilii Constantinopolitani depromptam, ex qua Collector canonum indicare voluit adjuncta illorum temporum, quibus Concilium ipsum fuit celebratum.

Canones 4. & 5. dist. 90. sunt ex illis, qui ex S. Basilio deprompti sunt, & ex errato Amanuensium octavarum Synodo sunt adscripti. Itaque canon 4. legitur in libello de Institutis Monachorum Sancto Basilio tributo, apud Lucam Holstenium in Codice Regularum aucto, editoque Parisiis anno 1684, ubi interrogatione 71. ita legitur: *Si autem obediens quis murmuret?* Resp.: *Aposolo dicente, omnia facite sine murmuratione, & hesitationibus, alienus sit a Fratrum unitate qui murmurat, & opus ejus abijciatur.* Manifestum enim est, ille qui talis est, quia infidelitate agrotat, & certam futuræ spei fiduciam non gerit. Et in cap. 93. *Si vero etiam quis murmuret propter escam, que erga eum sententia servabatur?* Ea, que circa illos, qui murmuraverunt in deserto, dicit enim Apostolus: *Ne murmuraveritis, sicut quidam eorum murmurarunt, & perierunt ab exterminatore.* Quoniam vero de hoc Basilii libro nonnulli sunt, qui admodum dubitent, utrum germanum sit Basilii opus, nec ne, similia proferam. ex libro Basilii Regularum fufius disputatarum cap. 29. ibi: *Ceterum si quis murmurasse, aut plus æquo extulisse se animadversus fuerit, hujus opus nequaquam cum illorum commiseri operibus debet, qui humiles sint, spiritusque contriti; neque id ullo modo in pietatis veræ Cultorum usus erogari.* Siquidem quod altum est hominibus, id abominabile est apud Deum, eoque magis, quod hoc de re est præceptum Apostoli, qui quidem sic dicit: *Neque murmuraveritis, sicut quidam murmuraverunt, & perierunt ab exterminatore.* Item quædam leguntur similia in Regulis Brevioribus ejusdem Basilii, cap. 39. & 133. Versiculus autem juxta mensuram in dicto can. 4. Gratiano referendus erit ad sermonem 1. Basilii de institutione Monachorum, in quo hæc habentur: *Qui in culpa aliqua deprehensus fuerint, ad magnitudinem delicti pœnæ etiam modus accommodatur.* Et infra: *Qua in re qui eris communis discipline moderator, ita cum magnitudine culpæ pœnam etiam commiseris.* Postrema hæc S. Basilii verba videntur quoque esse perscripta in vers. qui contentus est can. 5. dist. 90., quemadmodum præiora ejusdem canonis verba videntur perscripta ex sententiis S. Isidori Hispalensis in Regula Monachorum cap. 17., ubi de Monacho delinquente hæc statuuntur: *Si contentiones, vel rixas amaverit, si manifestum convicium Fratri intulerit, si personam innocentem falso crimine maculaverit. . . . Hæc, & his similia juxta arbitrium Patris diuturna excommunicatione purganda sunt, & flagellis emendanda, ut qui gravius peccasse nesciunt, acriori severitate coercantur, consideratis tamen personis, qui sunt humiles, qui sunt superbi.* In Penitentiali Romano edito ab Antonio Augustino nonnulla his similia habentur,

Can. 4.  
& 5.  
dist. 90.

nomine Concilii Moguntini descripta, in cap. 9. tit. 6. his verbis: *Signis murmurans extiteris, videat, ne poenam murmurantium incurrat, de qua Apostolus dicit, neque murmuraveritis, sicut quidam eorum murmuraverunt, & perierunt ab exterminatore iuxta mensuram, opusque peccati, quia in hoc sententia Apostoli pleniter declaratur, Sacerdotis iudicio poeniteat. Et in cap. 10. Siquis contentiones, vel rixas amaverit, vel man festum convivii Fratrum intuleris iuxta arbitrium Prioris, vel Rectoris, modumque peccati diuturna expietur poenitentia.*

Con. 9.  
can. 1.  
qu. 1.

Præterea etiam ad Sancti Basilii sententias ab incauto Gratiano tributas octavæ Synodo referendus erit canon 9. cau. 1. qu. 1. Est ille brevissimum, sive compendium quoddam Epistolæ Basilii ad Episcopos sibi subiectos, quam Græcam & Latinam Beveregius edidit in Tomo 2. Pandectarum Juris Canonici can. 91. Verba Basilii, quæ cum Gratiani fragmento congruere videntur, hæc sunt: *Ajunt quidam nonnullos vestrum accipere pecunias ab iis, qui ordinantur. . . Siquis post hanc meam Epistolam tale quid feceris, ab altaribus quidem, quæ hic sunt, recedet, quæret autem, ubi denum Dei emens possit vendere.* Romani Correctores observarunt similia tum in septima Synodo legi, tum in aliis Ecclesiasticis monumentis. Nil dubito. Apertissimæ sunt, ac frequentissimæ adversus Simoniacos sacrorum canonum poenæ, vel poenarum comminationes, quibus res sacræ ementibus, vel vendentibus muneris exercitio interdicitur.

Can. 7.  
can. 5.  
qu. 6.

Ad regulas S. Isidori Hispalensis etiam pertinere canonem 7. cau. 5. qu. 6. perspicuum est, licet octavæ Synodo ascribatur. Isidori verba sunt in cap. 17. Regulæ Monachorum, quæ hoc in loco repetere supervacaneum arbitror, cum illa eadem jam reulerim ad canonem 5. dist. 90.

Can. 28.  
can. 11.  
qu. 3.

Idem Sancto Isidorotribuendum esse canonem 28. cau. 11. qu. 3. idem Gratianus profiteri debet, suamque oscitantiam agnoscere, quippe qui eadem verba nomine Isidori Hispalensis retulit in can. 18. eadem causa, & questione. De hoc autem fragmento suo in loco fusiùs disseremus, ubi de S. Isidoro agendum erit; & de dicto canone 18., ne bis eadem sint in hoc opere observanda.

Can. 77.  
can. 11.  
qu. 3.

Ad eundem Isidorum præterea pertinet canon 77. cau. 11. qu. 3., licet Synodi octavæ nomine relatus. Etenim Sanctus Hispalensis Antistes in lib. 3. sententiarum, sive de Summo Bono cap. 55. ita de testibus scribit: *Erit autem ille apud Deum condemnatus, qui adversus innocentem falsum testimonium vel dicie, vel dicentis credit. Nam non solum ille reus est, qui falsum de alio profert, sed & is, qui cito aures criminibus præbet.* Eadem ferme sententia legitur apud Basilium in Regula, quam ab Hollsténio editam superius dixi, cap. 121. his verbis: *Si is, qui consensit alterius peccato, etiam ipse peccati reus est?* Resp. *Hæc sententia est manifesta ex verbis Domini, quibus ait ad Pilatum, dicens: qui tradidit me tibi, majus peccatum habet.*

Can. 13.  
can. 12.  
qu. 2.

Canon 13. cau. 12. qu. 2. habetur revera in canone 15. Constantinopolitani Concilii, de quo hic potissimum agimus, juxta editionem Anastasii Bibliothecarii, quamquam in Græcis Codicibus penitus desideretur. Romani Correctores nonnulla adjecerunt ad ejusdem fragmenti integritatem, nonnulli tamen perfectam descripserunt canonis ipsius sententiam; etenim post illa verba postremæ Gratiani canonis, *Ecclesie Monasterium, hæc ex Anastasio adjicienda sunt, quæ immediate subsequuntur. Si vero de propriis rebus, aut de aliis quibuscumque conventionibus, habens id secundum propriam potestatem, & voluntatem omni vita sua; & post finem vite dimittat,*



missat, & conferat hoc quibuscumque voluerit, non tamen seculare diversorium fiat. Si  
causam, sive occasionem scisciteris hujus definitionis, eandem aperiam ex ipso  
Anastasio Bibliothecario acceptam. Photius, postquam ejectioni Igatio in Patriar-  
cham receptus est, ut sibi plurimum benevolentiam conciliaret, sese munificum  
exhibuit; hinc, ut scribit Anastasius in Epistola ad Hadrianum, persuasit Impera-  
tori, precipere neminem testamentum facere, vel per alterius, nisi per Photii manus,  
elemosinas erogare; quod non ob aliud advenit inventor malorum, nisi ut cum acci-  
peret, & erogaret, substantias divitum, proprias a minus curiosis erogasse putaretur,  
ac per hoc a cunctis quasi dapsilis, & munificus amaretur. Quamobrem facile credi-  
mus, Photium eundem quamplura Ecclesiarum bona distribuisse, ut ea ratione,  
plures sui amatores, suorumque aulicum Patronos quzeret, quæ optima fuit Con-  
stantinopolitanis Patribus occasio decernendi, ne Episcopi res, & bona Ecclesiastica  
in alios usus, quam in usus pios converterent. Cum vero in hoc canone *salariorum*  
*Ecclesiasticorum* mentio fiat, necessarium erit animadvertere cum Antonio A-  
gustino in lib. 2. de emendat. Gratiani dialogo 7. mendum irrepis-  
se, non enim legendum est, *salaris*, sed potius *salaris*, quo nomine vocabantur certæ præstatio-  
nes, quæ pro solo apud veteres pendebantur; de quibus præstationibus intelligunt  
Viri Eruditi legem 2. §. *Siquis nemine*, ff. ne quid in loco, & l. 13. ff. qui po-  
tiores in pignore.

Canones 7. 8. 9. 10., & 11. cau. 26. qu. 7-omnes ex fragmentis, & sententiis Sancti Basilii relati sunt, licet ordinarv Synodo tributi fuerint apud Gratianum; & in primis canon 7. ita legendus erit Synodus Breuioribus ejusdem Basilii pro Monachorum institutione cap. 106. Adamo Fumano Interprete. Przponitur interrogatio: Cujusmodi in fratrurn familia utendum est animalu'vehementibus ad revocandos in veram viam, qui peccant? Subsequitur responsio: Pro judicio suo Antistites tempus, modumque considerabunt ratione habita cum etatis, & corporis, tum animi habitu, & difficultudinis peccati. Huc etiam unusquisque facile agnoscat referendum esse canonem 8., nisi hunc repetendum quispiam velit ab ea regula, quam nomine S. Basilii editam diximus ab Holstenio, in qua cap. 194. hzc leguntur: *Qualibus correptionibus uti oportet inter fratres ad emendationem eorum, qui delinquant? Resp. Hoc fit in judicio postum eorum, qui presunt, vel quanto tempore, vel quali modo corripri debeant, quia etas, & eruditio multum haberi facit differentiam penitentia.* Canon 9. legitur tum in Regulis Breuioribus cap. 8. ibi: *Quomodo suscipi debet, quem vere peniteat? Quemadmodum Dominus docuit, cum dixit, quod convocat amicos, & vicinos dicens: Congratulamini mihi, quia inveni ovem, quae perierat; tum etiam in Regula superius memorata ab Holstenio edita in cap. 27. ibi: Penitentem ex corde, quomodo oportet suscipi? Resp. Sicut Dominus ostendit, cum dicit, quia convocavit amicos, & vicinos dicens: Congratulamini mihi, quia inveni ovem, quam perideram.* Canon 10. inter Regulas Breviores Basilii ita legitur cap. 5. *Quomodo debet aliquis penitentiam agere de singulis peccatis, & cujusmodi fructus ostendere dignos penitentia?* Nimirum similem illius animum induerit, qui dixit: iniquitatem odio habui, & abominatus sum, & ea prefliteris, quae scripta sunt in sexu Psalmi, & aliis plerisque, & sic fecerit, quae pro alio, qui peccaverat, facta ab iis fuisse Apostolus testatur, qui secundum Deum contristati fuerant. Ecce enim, inquit, hoc ipsum secundum Deum contristatos esse vos, quantum in vobis operatum est sollicitudinem, sed defensionem, sed indignationem, sed timorem, sed desiderium, sed emulacionem, sed vindictam, in omni-

is exhibuistis vos incontaminatos esse negotio, & sicut Zaccheus commissis peccata contrarius velle saltem compensent. Cum his sane plurimum consonare videtur Gratianus; ejus eadem verba junctis adnotationibus Correctorum Romanorum leguntur in regula ab Hostenio edita, & Basilio tributa cap. 28. Canon 11. sententiam Basilii exhibet, quæ habetur in cap. 9. Regularum Breviorum ibi: *Adversus eum, qui obinate pergas peccare, quo modo erimus animati? Eo nempe, quo Dominus jussit, cum ixit: Si autem Ecclesiam non audieris, sit tibi, sicut Ethnicus, & Publicanus, & ut Apostolus docuit, cum scripto reliquit: ut subtrahatis vos ab omni Fratre ambulante, nondinate, & non secundum traditionem, quam accepistis a nobis. In memorata autem Hosteniana Regula cap. 28. hæc leguntur: Erga eum, qui non pariter pro peccato, qualiter esse debemus? Resp. Sicut præcepit Dominus dicens: Sit tibi, sicut Gentilis, & Publicanus, & sicut Apostolus docuit, dicens, subtrahite vos ab omni Fratre iniquitate ambulante, & non secundum traditionem, quam tradidimus vobis.*

Canon 22. cau. 27. qu. 2. laudatur quidem apud Gratianum nomine octavarum Synodi. Verum melius Ivo, alique Collectores nomen Basilii Episcopi eidem fragmento inscripserunt. Revera Basilii in Regulis Monachorum folius pertractatis cap. 12. hæc habet: *Atque ii etiam, qui matrimonio conjuncti ad hujusmodi vitam genus accedunt, percontandi sunt, num consentiente altera parte hoc faciant ex præcepto Apostoli. Vir enim, inquit ille, sui corporis potestatem non habet. Et si hoc ita ab ipsis fieri compertum sit, tum multis adhibitis testibus admitti debet, qui accedit. Siquidem nihil est, quod Dei jussus potius haberi debeat. Si vero dissidens sic altera pars, & assidue usque ex adverso cum altera contendat, quod videlicet minus sollicita sit, quomodo placeat Deo, hic ea convenit meminisse, quæ dicta sunt ab Apostolo: In pace autem vocavit nos Deus, & sic parendum præcepto Domini, qui dicit: Siquis venit ad me, & non odit patrem suum, & matrem, & uxorem, & filios, & fratres, non potest meus esse discipulus: Neque enim est, quod haberi antiquius debeas, quam ut Dei jussus pareatur. Ceterum vos plerisque novimus sepe, qui ex intensa oratione, assidueque jejuncto ad finem, quam optabant, vite cum castitate pervenerunt; quippe cum Dominus videlicet eos, qui usquequaque sunt obstinati, sepe numero etiam per corporalem necessitatem adigas sensim, ut vello alterius partis judicio consentiant.*

Canon 1. de penit. dist. 2. ex octava etiam Synodo laudatur apud Gratianum; sed rursus hic tribuendus jure optimo erit Basilio Cæsarensi, vel si verba spectemus, quæ consonant cum sententia Basilii juxta interpretationem Rufini, vel si sententiam ipsam, qualis apud alios Interpretes exprimitur, atque inter ceteros apud Adamum Fumanum in editione Antverpiana cap. 289. ibi: *Quem peccati alicujus penituit, is si in illud idem denuo relapsus sit, quid facies? Responsio. Quod qui semel penitentiam egerit, denuo idem peccatum commiserit, hoc argumentum est, illum primam causam peccati illius funditus non extirpasse, & qua veluti a quadam radice alia ejusdem generis opera pullulare necesse sit. Nam quemadmodum figulis velida radice ramos arboris alicujus velit excisos, nihilominus radix manens alios similes illis protrudit, sic quoniam peccata sunt quædam, quæ nascendi principium in se ipsis non habent, sed aliunde originem ducunt, necesse est prorsus, figulis esse ab illis liber velis, is ut causas primas peccatorum illorum stirpitum tollat; veluti corruxio, & invidia, non ex se ipsis nascuntur, sed ab radice appetitus gloria pullulant; qui enim humanam gloriam magni facit, is ex emulatione ei obrestat, quem in gloria esse animadvertit, aut a quo in ea superari se videt, invidet. Quocirca qui semel se ipsum invidiam, contentumque*

condemnarit, is ſi in eadem ipſa denus viſa relapſus ſit, utique intelligat, gravi ſe, ac penitus inſito cupiditatis gloriæ morbo, principe ſcilicet inviliæ, emulationiſcæ cauſæ laborare. Nimirumque ipſum convenit contraria ratione, nempe humilitatis exercitati- nibus (humilitatis autem exercitatio in rebus contumacioribus exercitatio eſt) gloriæ mor- bum curare, ut hoc modo aſſectionem illam humilis animi adeptus, deinceps in ea, quæ ante diximus eſſe cupiditatis gloriæ germina, non incidat, atque in ſingulis iſtiſmodi peccatis ſimili modo.

Præter hæc etiam canon 25. de conf. diſt. 2. videtur depromptus ex Regula S. Ba- ſilii, quam edidiſſe Holſtenium diximus; & primo quidem ſimilis ſententia legi- tur, ſed brevior in cap. 65. his verbis: *Uſque ad quem modum obaudire oportet eum, qui placendi Deo implere regulam cupit?* Reſp. Apoſtolus oſtendit proponens nobis obe- dientiam Domini, qui factus eſt, inquit, obediens uſque ad mortem, mortem autem crucis, & prædixit: *Hoc ſentite in vobis, quod & in Chriſto Jeſu.* Fuſior tamen, magisque conſentanea Gratiani fragmento eſt ſententia capitis 133. his verbis ex- preſſa. *Quali timore, fide, vel aſſeſſu percipere debemus Corporis, & Sanguinis Chriſti gratiam?* Reſp. Timorem quidem docet nos Apoſtolus dicens: *Qui manducat, & bibit indigne, iudicium ſibi manducat, & bibit.* Fidem vero edocet nos ſermo Domini dicens: *Hoc eſt Corpus meum, quod pro vobis dabitur, hoc facite in meam commemorationem.* Et infra: *Sed & Apoſtolus dicens: Qui cum in forma Dei eſſet, non rapinam arbi- tratus eſt eſſe ſe æqualem Deo, ſed ſemetipſum exinanivit formam ſervi accipiens, in ſimilitudinem hominum factus, & habitus inventus ut homo.* Humiliavit ſemetipſum ſa- ctus obediens uſque ad mortem, mortem autem crucis. Cum ergo anima fidem habet his diſtis, & conſiderat magniſcentiam gloriæ ipſius, & admiratur nimietatem humilitatis, quomodo tantus, ac talis obediens fuit Patri uſque ad mortem pro noſtra vita, puto, quia provocari poſſit ad aſſeſſum, & dilectionem ipſius, & Dei Patris, qui unico Filio ſuo non pepercit, ſed pro nobis omnibus tradidit illum. Et infra: *Talem ergo aſſeſſum, & fidem præparare debet in animo ſuo is, qui de pane, & calice Domini percipit.*

Duo adhuc ſuperſunt Gratiani fragmenta, quæ in vulgatis exemplaribus nonz Synodo, in nonnullis octavæ tribuuntur. Verum utrumque ad S. Baſilii ſententias, uti diximus, reſerendum eſt. Et quidem in primis canon 1. cau. 20. qu. 1. con- ſonat cum cap. 15. Aſceticæ Baſilæ, ſive Regularum ſuſius diſputatarum, ubi hic titulus præſertur: *Cui ætati permittendum ſit, ut ſe ipſum quiſquam Deo conſecret, & quando virginitatis profeſſio firma reputari debeat?* Et infra: *Tunc demum ad vir- ginitatis profeſſionem accedendum eſt, tanquam jam ſolidam, & ex animi ſententia, & proprio iudicio poſt juſtam rationis perfectionem factam, poſtquam & præmia, & ſup- plicia vel reſte agentibus, vel delinquentibus iuxta ſalſorum rationem a juſto Iudice pa- vantur.* In eodem capite hæc leguntur: *Arbitramur omnem primævam ætatem appo- ſitam eſſe ad ſuſceptionem accedendum, ita ut orphanos noſtra ſponte, ut ſecundum ze- lum Job Patres ſimili orphanorum: Eos vero, qui ſub parentibus ſunt, ab ipſis paren- tibus oblato, adiunctis multis teſtibus ſuſcipiamus, ne demus occaſionem, qui occaſio- nem querunt, & omne os loquentium adverſus nos blaſphemiam obſtruatur. Nemo non videt hæc illa eſſe, quæ retulit Gratianus in cau. 4. cau. 20. qu. 2. nomine Synodi nonz.*

Can. 26.  
de conf.  
diſt. 2.

Can. 1.  
cau. 20.  
qu. 1.

Can. 4.  
cau. 20.  
qu. 2.

## APPENDIX

## De Pseudosynodo Photiana.

**S**ubjicere hoc in loco juvat fragmentum, quod nomen Synodi Constantinopolitanz Gratianus edidit in can. 45. cau. 7. qu. 1. Pertinet illud ad eandem Ignatii, & Photii causam, quæ in Synodo Constantinopolitana generali 8. discussa fuerat. Etenim postquam Ignatius in Patriarchatu obisset, Photius sententia Synodi octavæ a sede, quam vi, & fraude invaserat, dejectus, cepit rursus totis viribus contendere, ut vacantem dignitatem recuperaret, atque ita, ut non tam novum Episcopatum acquireret, quam antea acquisitum retinere videretur. Hinc Synodum in Urbe Constantinopolitana celebrasse fertur in Templo S. Sophiæ, ad quam una cum 383. Episcopis convenisse Gratianus refert Legatos Johannis 8. Pontificis Maximi, Petrum Presbyterum Cardinalem, Paulum Anconitanum Episcopum, & Eugenium Episcopum Ostiensem. Res prospere cessit Photio, qui restitutus est in Episcopatum Constantinopolitanum, imo & curavit, ut octavæ Synodi memoria aboleretur, nomen dando Synodi octavæ huic novæ Synodo a se celebratæ, & nonnulla definire conatus adversus sanctæ Ecclesiæ dogmata, quod attinet ad processionem Spiritus Sancti a Filio. Porro Johannes 8. Pontifex Maximus acta hujus Synodi non rescidit in ea parte, in qua restitutio Photii continebatur; ne forte diro & acerrimo schismati jam concitato occasionem novam dare videretur; at illa in ceteris capitibus penitus reprobavit, quemadmodum constat ex ejusdem Epistola 251. ad Basilium, & 250. ad Photium data; reprobarunt etiam recentiores Pontifices Maximi, & Ecclesia universa, ut mirum profecto eruditis videatur, Gratianum non dubitasse fragmentum hujus Synodi referre in Codicem suum, & honorifice de eadem Synodo præfari. Ecquidem canon 45. cau. 7. qu. 1. nihil exhibet Orthodoxæ fidei contrarium, imo neque disciplinæ Ecclesiasticæ adversatur, dum ibidem definitum adparet, Episcopos semel Monasticam vitam amplexos non posse amplius ad Episcopalem sedem redire. Interea vero, quis non videt hac in re virus pessimum latere, Photio auctore, qui voluit in hoc canone Ignatium licet vita suum quoquo modo damnare, & sic sententiam Synodi 8. generalis evertere? Siquidem Ignatius Constantinopolitanus Patriarcha cum vi esset dejectus, aut fraude per Photium, in Monasterium se se receperat, non animo se se addicendi Monasterio, sed potius, ut ibidem procul a molestiis Photianis quietam vitam duceret, & tranquillam; at cum optima se se obtulit occasio, curavit, ut restitueretur in Episcopatum, ut superius jam diximus. Photius verò, qui sedem occupaverat, id ægre tulit, proindeque post mortem Ignatii nihil antiquius habuit, quam demonstrare, Ignatium non potuisse amplius in dignitatem amissam restitui, rationem asserens, quod jam Monasterio se addixisset. Receptionem quidem erat, Episcopos semel ad Monasteria migrantes, tanquam in loca publicæ poenitentiz, non posse revocari, quemadmodum nec Sacerdotes, si quando publicæ poenitentiz semel additi fuissent. At hæc ratio in Ignatio parum valebat, qui aliis de causis in Monasterium se se receperat. Verba dicti canonis 45. Romani Rectores sive Græce, sive Latine integra retulerunt, ut nihil amplius hodie in hac

parte

parte desiderandum sit. Unum hic adjiciendum est, tantam in hoc capite fidem habitam esse Gratiano, ut quampures hoc idem caput, quasi Synodi octavar generalis sententiam agnoverint; imo & in capit. 11. de renunciatione Innocentius III. arbitratus fuerit, caput illud pertinere ad Concilium Constantinopolitanum 1., sive generale 2., quod est, ut ipse ait, *unum ex quatuor principalibus, quæ sicut quatuor Evangelia Ecclesia Catholica veneratur.*

## C A P U T LVII.

## De Concilio Agrippinensi.

Nomine Concilii Agrippinensis inscribitur sequens  
Canon apud Gratianum.

[ *Can. 28. de conf. dist. 1. ad Capitularia Francorum potius referendus.*

**A** Colonia Agrippina prope Cenomanum sita, nonnulla ibidem celebrata Concilia Agrippinensia, alias Coloniaensia appellantur. Et quidem tria hujus nominis apud Collectores Conciliorum habemus, primum anni 346., in quo Euphras Colonix Agrippinx Episcopus damnatus est tamquam hæreticus, quod Christum Deum esse negaverit; secundum anni 843., in quo nonnulla utilia Ecclesiastica disciplinæ capita sunt constituta; postremum anni 887., in quo itidem plurima edita habemus ad disciplinam Ecclesiasticam reformandam, aut stabiliendam. Quod autem a Gratiano refertur nomine Concilii Agrippinensis ad nullum ex illis pertinere potest; potius enim pertinet ad Regum Francorum Capitularia, in quorum Collectione apud Benedictum Levitam lib. 5. cap. 111. hæc leguntur: *Ecclesiam, in qua mortuorum cadavera infidelium sepeliuntur, sanctificare non licet. Sed si apta videtur ad consecrandum, inde evulsa corpora, & vasa, vel lotis lignis ejus reedificetur. Si hæc consecrata prius fuit, Missas in ea celebrare licet, si tamen fideles fuerint, qui in ea sepulti sunt.* Porro Benedictus Levita hoc videtur descripsisse ex Theodoro Cantuariensi, quod & suo in loco ostendam, ubi de eodem Theodoro sermo erit instituendus. Primus nomine Concilii Agrippinensis eadem verba retulit Burchardus Wormatiensis in lib. 3. cap. 38. ex ea, ut suspicor, ratione, quod idem Collector, ut per sepe alibi monui, sibi proposuerit abstinendum a nominandis Francorum Regum Capitularibus, utpote quæ non satis erant accepta apud Germanos, inter quos Burchardus ipse scribebat. Burchardum deinceps sequuti sunt recentiores Collectores, atque inter ipsos Gratianus. Quod si tamen conari velimus, ut quomodotumque ad aliquod ex Conciliis Agrippinensibus Gratiani fragmentum referamus, ego indicarem Concilium Agrippinense memoratum anni 887.; cujus observationis causâ hoc peculiari capite arbitratus sum mihi differendum esse de Canonibus Gratianis ex Concilio Agrippinensi laudatis; quandoquidem commodius de dicto can. 28. de conf. dist. 1. disseruissem, ubi superius agebam de Francorum Capitularibus. Itaque in dicto canone 28. apud Gratianum dicitur, non posse in Ecclesia nos defunctis infidelibus communicare, quod sane contingeret, quoties in

eo loco dedicarem Ecclesias, in quibus tamulata jacent infidelium cadavera. At fere similis sententia habetur in memorato Concilio Agrippinensi anni 887. can. 3., ubi etiam fit mentio Capitularium Francorum; postquam enim statutum est abominabiles omnibus esse debere quorundam criminum reos, ita subjicitur: *Talium enim scelerum patratibus, sicut in Capitularibus Gloriosissimorum Imperatorum Caroli, & Ludovici continetur, nisi post puram, & publicam penitentiam, & per Ecclesie satisfactionem, & per impositionem manus Episcoporum nec vivis, nec mortuis communicare debemus.* Hæc conjectura gravior ex eo redditur, quod Ivo laudat idem fragmentum ex Concilio Agrippinensi cap. 3., & numerus capituli 3. optime refertur ad verba nuper memorati Concilii Agrippinensis.

## C A P U T L V I I I.

### De Concilio Nannetensi.

Concilio Nannetensi adscribuntur hi Canones  
apud Gratianum.

- [ *Can. 5. dist. 24. fere consonat cum vulgatis Concilii exemplaribus.*
- [ *Can. 7. dist. 44. pertinet potius ad Capitula Hincmari Rbemensis.*
- [ *Can. 8. dist. 44. pertinet potius ad Capitula Hincmari Rbemensis.*
- [ *Can. 9. dist. 44. pertinet potius ad Capitula Hincmari Rbemensis.*
- [ *Can. 2. dist. 91. pertinet potius ad Capitula Hincmari, & regulam S. Benedicti.*
- [ *Can. 5. cau. 9. qu. 2. ex integris Concilii exemplaribus emendandus.*
- [ *Can. 35. de conf. dist. 5. idem est cum can. 7. dist. 44.*

Additur. [ *Can. 15. cau. 13. qu. 2. nomine Varenfis Concilii a Gratiano laudatus.*

**N**annetum Urbs ad Ligerim Episcopalis sub Turonensi Episcopatu sita est. In ea vulgo celebratum dicunt Concilium anno 890., tempore Formosi Papæ. Alii ab hac vulgari traditione recedunt, eandem Nannetensem Synodum referentes potius vel ad annum 656., vel ad annum 658. Alii inter utramque opinionem incerti duo hujus nominis Concilia celebrata fuisse dixerunt, alterum anno 890., alterum anno 656., vel 658. Res meo judicio valde obscura est, & quam nemo, nisi divinando, adsequi potest. Illud tamen certum est, duos Concilii Nannetensis canones, videlicet tertium, & undecimum relatos fuisse in librum 7. Capitularium Francorum, quamobrem visum est multis, tempora hujus Concilii definire antiquiora Benedicto Levita, qui circa annum 845. Collectionem Capitularium fecerat, uti diximus superius. Præterea certum est Flodoardum lib. 2. cap. 17. referre Concilium quoddam Nannetense, quasi anno circiter 660. celebratum. Sane si canones 20., quos hodie editos habemus, tamquam ejusdem Concilii Constitutiones perperderimus, non erit difficile illos agnoscere tanquam septimi Ecclesiæ sæculi disciplinæ plurimum conformes, ut propterea non repugnet illos fœculi septi-

ſeptimi Episcopis adtribuere. Conſicere autem juvat eandem Synodum Provinciam eſſe, cum in ea plura tradantur, quæ generatim ab Episcopis ſint ſervanda, quod ſane indicat plures in eodem Concilio Episcopos interſuiſſe.

In canone 11. hujus Concilii habetur canon 5. diſt. 24., ubi tamen animadvertendum eſt pro illis verbis *eligere debet Sacerdotes*, in vulgatis exemplaribus legi: *Con. 5. diſt. 24. Dirigere debet Sacerdotes.*

Canon 7. diſt. 44. eiſdem verbis nomine Concilii Nannetenſis etiam habetur in can. 35. de conſecr. diſt. 5. Verum Concilii Nannetenſis revera non eſt, quemadmodum nec canones 8., & 9. eadem diſt. 44. illorum canonum originem ego pandam, ſimulque cauſas aperiam, ex quibus a Collectoribus Nannetenſi Concilio tributi fuerint. De Gratiano, aut Palearum auctore nihil aliud dixerō, quam utrumque ſequutum eſſe anteriores Collectores, Ivonem, & Burchardum, qui primus eoſdem canones Nannetenſi Concilio adſcripſit. At Burchardus erravit ex eo, quod eadem fragmenta ex Collectione Reginonis excipiens, canonum inſcriptiones non ſuis intellexit. Habentur eadem capita apud Reginonem in lib. 1. de Eccleſiaſt. Diſcipl. cap. 213., 215., & 216. cum hac Epigraphe: *Unde ſupra*; quem autem in cap. 207. Regino memoraviſſet Concilium Nannetenſe, putavit Burchardus ad idem Concilium Nannetenſe cetera, quæ ſequebantur, referenda eſſe; falſo tamen: Nam verba Reginonis unde ſupra de Capitulis Hincmari Rhemenſis Episcopii erant intelligenda, ex quibus præcedentia capita Regino ipſe depromſerat. Porro apud Hincmarum Rhemenſem integra habemus illa omnia Capitula, quæ deſcripſit Gratianus in diſtis Canonibus 7., 8., & 9.. Quæ ut clariù deſignentur, dicam, apud Hincmarum in prima parte Capitulorum, quam Presbyteris ſux Parochiæ obſervandam tradidit anno 852. cap. 14., eadem legi verba, quæ apud Gratianum habentur in can. 7. diſt. 44., ſive canone 35. de conſecr. diſt. 5., poſt quæ paucis interjeſtis ſubjiciuntur verba canonis 8. diſt. 44., quorum omnium ut integra habeatur ſententia, verba eadem Hincmari deſcribam. *Ut nullus, ait ille, Presbyterorum ad anniverſariam diem, vel trigeſimamtertiam, (legunt alii ſeparatim: Trigeſimam, tertiam) vel ſeptimam alicujus deſuncti, aut quacumque vocatione ad Collectam Presbyteri convenierint, ſe inabriere præſumat, nec precari in amore Sanctorum, vel ipſius animæ bibere, aut alios ad bibendum cogere, vel ſe aliena preceatione ingurgitare, nec plaſus, aut riſus inconditos, & fabulas inanes ibi ferre, aut cantare præſumat, nec turpia joca cum urſo, vel tornatricibus ante ſe ſacere præſumat, nec larvas demonum, quas vulgo talamaſcas dicunt, ibi anteferre conſentias, quia hoc diabolicum eſt, & a ſacris Canonibus prohibitum; ſed cum honeſtate, & religione, prædeat, & ad tempus ad ſuam Eccleſiam redeat. Summopere etiam quiſque caveat, ſicut de ſtatu ſuo vult gaudere, ut non quacumque occaſione aut parem ſuum, aut alium quemlibet ad iram, & rixam, vel contentionem, quanto magis ad pugnam, vel ad eandem aliquo verbo irriter, ſeu provocet, nec provocatus ad hoc quiſque proſiliat, quia in talibus commotionibus, & potationibus, ſicut religioſi faciunt, ſemper ſe immiſcet diabolus. Quando autem convenierint Presbyteri ad aliquod convivium, Decanus, aut aliquis Prior illorum verſum ante menſam incipiat, & cibum benedicat. Et tunc ſecundum ſuum ordinem conſideant, alter alterius honorem portantes, & per viciffitudines cibum, & potum benedicant, & aliquis de illorum Clericis aliquid de ſancta lectione legat, & poſt reſedionem ſimiliter ſanctum hymnum dicant ad exemplum Domini, & Salvatoris, ac Diſcipulorum ejus, ſicut illum in cæna ſeciſſe legimus. Et ſic ſe continent.*

tineant omnes Presbyteri in omni loco, maxime in talibus, ne, sicut dicit Apostolus, visuperetur ministerium nostrum. Ita describendi erant Gratiani canones septimus, & octavus. Canon autem nonus habetur in capite sequenti, idest 15. apud Hincmarum eisdem omnino verbis. Quibus sane canonibus improbata est nonnullorum Clericorum intemperantia, cui ut plurimum duplex præberi solebat occasio. In primis occasio erat funerum, in quibus tanquam religiosus actibus Clerici jam tum interesse consueverant; atque in eis aliquando mentiebantur, agentes se pro defunctis orare, cum tamen immodice potius sese ingurgitarent cibis, & potibus, nonnullas etiam superstitiones intermiscebant, scilicet larvas assumebant urtorum, aliorumque animalium, quibus forte stigijs potestates repræsentarent, insuper & larvas dæmonum, quas *salamasas* appellabant; idque non solum die funeris, verum etiam die anniversario, trigesimo, septimo, & tercio. Inter ceteros trigesimali diei observatio valde tunc erat in usu, usque ad quem funera protraherantur, quemadmodum deducitur ex Capitulis Herardi Episcopi Turonensis anni 858., in quibus hæc leguntur cap. 58. *Ut exequia mortuorum cum lusu secreto, & cordis gemitu fiant, & Psalmos ignorantes Kyrie eleison ibi canant, & ut 30. diebus amici, & parentes pro eis agant.* Altera occasio Clericis præbebat ex eo, quod forent singulis mensuris Kalendis in unum convenire de rebus communibus acturi, & de Ecclesia universa, quo tempore apud singulos Parocos alternatim manentes, gravamen hospitii inferebant. Utrique autem abusui remedium adferre voluit Hincmarus apprimè noscens, quantum & ad commune omnium exemplum, & ad Clericorum ipsorum profectum prodesse valeat cibi, & potus continentia. Non omitam tamen hoc in loco animadvertere, cum his omnibus aliquo modo convenire posse sententiam Concilii Nannetensis, qualis habetur in can. 15. ibi: *De collegiis, vel confratris, quas consortia vocant, sicut verbis meminimus, & nunc scriptis expresse præcipimus, ut tantum fiat, quantum rellum ad auctoritatem, & utilitatem, atque ad salutem animæ pertinet. Ultra autem nemo nec Sacerdos, neque fidelis quicumque in Parochia nostra progredi audeat. Idest, ut in omni obsequio religionis, videlicet in oblatione, in luminaribus, in orationibus mutuis, in exequiis defunctorum, in elemosynariis, & ceteris pietatis officiis. Pastor autem, & confessiones, quas divina auctoritas vetat, ubi & gravedines, & indebitæ exaltationes, & turpes, ac inanes lætitie, & rixæ, sæpe etiam, sicut experti sumus, usque ad homicidia, & odia, & dissensiones accidere solent, adeo penitus interdicimus, ut qui contra hoc Decretum agere præsumserit, si Presbyter fuerit, vel quilibet Clericus, gradu privetur, si Laicus est, aut femina, ab Ecclesia usque ad satisfactionem separetur. Conveniunt autem talium confratrum, necesse si fuerit, ut simul conveniant, aut forte aliquis contra parem suum discordiam habuerit, quem reconciliari necesse sit, & sine conventu Presbyterorum, & ceterorum esse non possit, post peracta illa, quæ Dei sunt, & Christianæ Religionis conveniant, & post debitas admonitiones, si contigerit, ut veræ charitatis, & fraternæ, invicem consolationis omnes ad refedionem conveniant, sic talia fieri permittimus, ut servata modestia, & temperantia, & sobrietate, pacisque concordia, sicut decet fratres, in edificationem fraternitatis, & laudem, & gloriam Dei, & gratiarum actiones fiant. Et hoc omnino caveatur, quod Salvator ait: Videte, ne graventur corda vestra in crapula, & ebrietate. Qui voluerint, Eulogias a Presbyteris accipiant, & panem tantum frangentes, singulos accipiant biberes, & nihil amplius contingere præsumant; & sic unusquisque ad sua cum benedictione Domini redeat.*

Quod



Quod eveniſſe diximus in Canonibus nuper memoratis, ut ex minus ſolerti Reginonis lectione Concilio Nannetenſi tribuerentur, quæ potiùs ad Hincmarum Rhe-menſis Capitula pertinebant, idipſum evenit in can. 2. diſt. 91. Auſtor Palearum. Ivonem ſequutus eſt, & Burchardum, Burchardus vero referens eundem canonem, illum adſcripſit Nannetenſi Concilio, quod legerit illum apud Reginonem in cap. 208. lib. 1. de Eccleſ. Diſciplinis, putans ex eodem Concilio Nannetenſi deprom-tum, ex quo Regino caput præcedens laudaverat. Verum oportet potiùs illum inquirere inter Capitula Hincmari, apud quem legitur num. 9. his verbis: *Mane matutinali officio expleto penſum ſervitutis ſue canendo primam, tertiam, ſextam, le-namque perſolvat; ita tamen ut poſtea horis competentibus, juxta poſſibilitatem aut a-ſe, aut ab Eccleſiaſticis publice compleatur. Deinde peradis Miſſarum ſolemniis, & ſeſſis inſirmis viſitatis ad opus rurale, & quod ſibi competit, exeat jejunus, ut iterum neceſſitatibus peregrinorum hoſpitum, ſive diverſorum comitantium; inſirmorum quoque, atque deſundorum ſuccurrere poſſit, uſque ad ſtatutam horam pro qualitate temporis, & opportunitate, Hzc ad Presbyteros referuntur, de quibus in præcedentibus Capitu-lis Hincmarus egerat. Quæ autem apud Gratianum ſequuntur in verſ. *Propheta dicente*, potiùs habentur in Regula S. Benediſti cap. 16., & melius diſjuncto capite referenda fuerant ab eo, qui Gratianea fragmenta numeralibus notis diſtinxit; quem-admodum diſtinguuntur apud Ivonem in parte 6. cap. 181. & 182. Quicumque ver-ba hujusce canonis conſideraverit, facile dignoſcet, tunc temporis nõndum inſtituta fuiſſe Beneficia Eccleſiaſtica, qualia habemus in præſentia, Clericos autem adhuc in communione conſtituiſſe.*

Potiùs pertinet ad Concilium Nannetenſe canon 5. cau. 9. qu. 2., etenim in ca-  
none 2. illius Concilii ita legitur: *Ut nullus Presbyter alterius Parochianum (le- cau. 9.  
gunt alii: Plebejanum), niſi in itinere fuerit, vel placitum ibi habuerit, ad Miſſam qu. 2.  
recipiat.* Eadem etiam leguntur in Capitularibus Francorum lib. 1. cap. 147. in  
editione Pariſienſi anni 1677. Emendanda propterea erit Gratiani editio, in qua  
fit mentio de Diaconis, quorum præcipue non erat curam animarum gerere, &  
alienigenas ſuſcipere, vel rejicere. *Placiti* nomen idem ſignificabat, quod tribunal  
Judicis competentis; ſtatim ac enim quis ab Judice publico vocatus a ſua Eccle-  
ſia diſceſſiſſet, & veniſſet ad aliam, in qua ſitus erat Jdex, juſtam omnino cauſam  
habebat, ex qua in alienam Parochiam reciperetur.

Ex Amanuenſum, aut Typographorum oſcitantia factum arbitror, ut pro no-  
mine Concilii Nannetenſis adſcriptum fuerit nomen Concilii Varenſis in can. 15. cau. 15.  
13. qu. 2. Habetur iſte in cap. 6. Nannetenſis his verbis: *Præcipiendum ſecundum cano- cau. 15.  
num auctoritatem, ut de ſepulchris, & hominibus ſepeliendis nihil mulieris exigant, niſi qu. 2.  
forte qui ſepelitur, vivens juſſerit Eccleſiæ, in cujus atrio ſepelitur, de ſuis aliquid tri-  
buere, aut etiam poſt mortem illius, quibus commiſſum eſt ejus elemoſynam facere, de  
rebus illius aliquid dare ſponte voluerint. Tamen nullatenus a Presbyteris illis aliquid  
exigatur, ſive ab illis, qui locis, & vicis præſunt. Prohibendum etiam ſecundum ma-  
jorum inſtituta, ut in Eccleſia nullatenus ſepeliantur, ſed in atrio, aut in porticu, aut  
extra Eccleſiam. (Melius Harduinus legit: aut in porticu, aut in exedris Eccleſiæ.)  
Inſra Eccleſiam vero, aut prope Altare, ubi Corpus Domini, & Sanguis conſecitur,  
nullatenus habet licentiam ſepeliendi. Jam ſuperius hoc in libro memini me tradi-  
diſſe, vetuſtum fuiſſe morem, quo deſundorum cadavera non in Eccleſia quidem,  
ſed vel in atrio, ideſt in ſpatio vacuo, quod remanſit ex ſolo, in quo ædificata  
Eccle-*

Ecclesia fuit, vel in porticu, sive loco deambulationi apto, quemadmodum sunt claustra Ecclesiarum, & Monastriorum hodierna, vel exhedra tumulabantur. Tumulari autem in exhedris dicebantur, quorum cadavera intra muros Ecclesie recondabantur, quemadmodum nostra hac ætate quandoque etiam fieri videmus, præsertim ubi agitur de cadaveribus Virorum Illustrium, & de Ecclesia optime meritum, quorum cadaveribus insigi solent etiam simulacra, vel lapides ad honestissimas inscriptiones accommodari.

## C A P U T L I X.

### De Concilio Triburienfi.

Concilii Triburienfis canones, qui a Gratiano memorantur, in duplicem classem commode distribuendi sunt; vel enim in eorum numero habentur, quos exhibent vulgatæ Triburienfis Concilii editiones, vel in eisdem vulgatis editionibus desiderantur; Sunt autem sequentes.

Ex vulgata  
editione Con-  
cilii Tribu-  
rienfis.

- Can. 51. dist. 50. ex integris Concilii exemplaribus supplendus.
- Can. 4. cau. 2. qu. 5. ex integris Concilii exemplaribus emendandus.
- Can. 15. cau. 2. qu. 5. ex integris Concilii exemplaribus emendandus.
- Can. 6. cau. 13. qu. 2. ex integris Concilii exemplaribus supplendus.
- Can. 14. cau. 13. qu. 1. ex integris Concilii exemplaribus supplendus, atque emendandus.
- Can. 31. cau. 13. qu. 2. ex integris Concilii exemplaribus emendandus.
- Can. 16. cau. 16. qu. 1. idem est cum can. 6. cau. 13. qu. 2.
- Can. 36. cau. 16. qu. 7. ex integris Concilii exemplaribus supplendus.
- Can. 7. cau. 17. qu. 4. ad integros Concilii Codices exigendus.
- Can. 20. cau. 17. qu. 4. potius referendus ad Capitularia Francorum.
- Can. 26. cau. 17. qu. 4. potius referendus ad Capitularia Francorum.
- Can. 6. cau. 20. qu. 1. ad integra Concilii exemplaria exigendus.
- Can. 2. cau. 20. qu. 2. ad integra Concilii exemplaria exigendus.
- Can. 1. cau. 20. qu. 4. ex integris Concilii exemplaribus emendandus.
- Can. 11. cau. 27. qu. 1. referendus potius ad Decreta Siricii.
- Can. 12. cau. 27. qu. 1. referendus potius ad canones Chalcedonenses.

Can.

- Can. 13. cau. 27. qu. 1. ex integris Concilii exemplaribus sup-  
plendus.*  
*Can. 14. cau. 27. qu. 1. referendus potius ad Decreta Gelasii.*  
*Can. 31. cau. 27. qu. 2. ad integros Concilii Codices exigendus.*  
*Can. 32. cau. 27. qu. 2. ad integros Concilii Codices exigendus.*  
*Can. 7. cau. 30. qu. 3. consonat cum vulgatis Concilii exemplaribus.*  
*Can. 4. cau. 30. qu. 4. consonat cum vulgatis Concilii exemplaribus.*  
*Can. 4. cau. 31. qu. 1. ex integris Concilii exemplaribus supplendus.*  
*Can. 44. de conf. dist. 1. consonat cum vulgatis Concilii exemplaribus.*

- Can. 2. dist. 54. a Reginone Concilio Triburiensi adscriptus.*  
*Can. 105. cau. 1. qu. 1. a Reginone Concilio Triburiensi adscriptus.*  
*Can. 43. cau. 11. qu. 3. a Burchardo primum Concilio Triburiensi  
adscriptus.*  
*Can. 7. cau. 12. qu. 5. pertinet potius ad Novellas Justiniani Impe-  
ratoris.*  
*Can. 25. cau. 17. qu. 4. a Reginone Concilio Triburiensi adscriptus.*  
*Can. 15. cau. 18. qu. 2. consonat cum disciplina octavi seculi.*  
*Can. 4. cau. 23. qu. 8. a Burchardo primum Concilio Triburiensi  
adscriptus.*  
*Can. 7. cau. 29. qu. 2. a Burchardo primum Concilio Triburiensi ad-  
scriptus.*  
*Can. 5. cau. 31. qu. 1. referendus ad Concilium Meldense.*  
*Can. 24. cau. 32. qu. 7. referendus ad Concilium Vermeriense.*  
*Can. 6. cau. 34. qu. 1. referendus ad canonum Triburiensium sen-  
tentias.*  
*Can. 8. cau. 34. qu. 1. referendus ad canonum Triburiensium sen-  
tentias.*  
*Can. 9. cau. 34. qu. 1. referendus ad Concilium Compendiense.*  
*Can. 10. cau. 34. qu. 1. jungendus cum can. 6. cau. 34. qu. 1.*  
*Can. 12. de conf. dist. 1. { Simul jungendi, & ad Moguntinum.*  
*Can. 30. de conf. dist. 1. { Concilium referendi.*

Sequuntur alii

**A**nno Domini 895. in Regia Villa cognomento Triburia non longe a Mogun-  
tiaco super Rhenum celebratum fuit Concilium Nationale Germanorum, in  
quod non solum Archiepiscopi tres, Moguntinus, Agrippinensis, & Trevirensis, alique  
novemdecim numero Episcopi convenerunt, verum etiam alii numero multi Regni  
Proceres, & Abbates Monasteriorum, sub Arnulpho Rege, qui Viris Ecclesiasticis in  
unum congregandis maximam contulit potestatem, imo & ipsam auctoritatem Regi-  
am in exequendis canonibus, qui definiendi essent, sponddit, ut & fides, & disci-  
plina Ecclesiastica magis magisque firmaretur, atque iis capitibus, in quibus lapsa  
videbatur, restauraretur. Considerans enim idem Sapientissimus Rex (sunt verba prae-  
fationis ejusdem Concilii) profunde mentis intuitu abundantem in se Sancti Spiritus  
gratiam, quia quos repleverit ardentes in se, pariter & loquentes facit de se, anno In-  
carnationis Jesu Christi Domini Nostri 895., Regni vero sui 8., indictione 13., mense  
Majo, ejusdem S. Spiritus instinctu, & Primatum suorum consultu, venit in Villam  
Regi-

*Regiam, videlicet Triburiam in terra Francorum consistentem cum Episcopis infra conscriptis, Abbatibus, & omnibus Regni Principibus, nec non convenientibus Ecclesiasticorum, & Sæcularium innumeris turbis, quatenus insatigabili perseverantia Divina, & humana traherentur, atque emergentia mala comprimerentur, ut eo liberior Sancta Dei Ecclesia sui potiretur honore. Ex quibus verbis liquido adparet, quænam fuerit hujus Concilii ratio, & qualis auctoritas; etenim Concilii rationes optimæ sunt, incrementum videlicet fidei, & disciplinæ Ecclesiasticæ reformatio, auctoritas autem maxima ob utriusque potestatis sive Regiæ, sive Sacerdotalis concursum, atque ex conventu plurium Provinciarum. Vulgatæ Concilii hujus editiones exhibent canones 58, sed verosimilius est, multo plures fuisse ibidem constitutos, aut saltem multo plura Ecclesiasticæ disciplinæ capita discussa, & pertractata; cum vel ipsi contemporanei Scriptores multos ex Triburiensibus canonibus exhibeant, qui in vulgatis editionibus minime continentur. Inter hos memorandus est Regino Prumiensis Abbas, quem probabile est eidem Concilio interfuisse, aut saltem paullo post absolutum Concilium Triburiense scripsisse, & quidem prope Triburiam degentem: etenim Triburia non procul a Prumio, ubi Regino scribebat, sita erat; quamobrem Regino idem nonnisi maxima cum impudentia retulisset quasi ex Concilio Triburiensi, quod in illo minime fuerat constitutum; ipse tamen multo plura capita Triburiensia laudavit, quam in vulgatis Concilii Codicibus reperiantur. Huic gravissimæ conjecturæ robur addit, quod in vulgata Concilii hujus editione dicitur ante canonum 58. descriptionem, ibi: *& perallis Divinæ Majestati precibus inclinantes se coram pii Principis assistantibus Missis (Episcopi) gratificantes, & Magno Principi laudes persolventes dehinc recto ordine confederunt, & prævio Sancti Spiritu, quædam Capitula magis necessaria ex canonicis institutionibus subscripserunt. Quibus verbis sane intelligimus, non omnia, quæ in Concilio pertractata sunt, communi Episcoporum subscriptione fuisse confirmata, sed tantum quædam Capitula magis necessaria, ac proinde multa alia adhuc capita superesse, quibus Episcopi non subscripserunt, quæ quidem ea sunt, quæ apud Reginonem in libris de Ecclesiasticis Disciplinis bene multa continentur. Quamobrem istis fidem, si non integram, saltem plurimam, tamquam a contemporaneo Auctore descriptis, minime denegabimus. Et quoniam de Reginone contemporaneo Auctore sermonem habeo, non omitam, quod ipse ait de eodem Concilio in lib. 2. suorum Chronicorum. his verbis: *Anno Dominicæ Incarnationis 895. Synodus Magna celebrata est apud Triburiam contra plerosque seculares, qui auctoritatem Episcopalem Abbatibus Monasteriorum residentes plurima Decreta super statum Sanctæ Ecclesiæ scripto roboraverunt. Quicumque autem Triburiensis Concilii canones in medium proferantur, certissimum est, in illis plures sententias intextas fuisse ex Epistolis Decretalibus Isidori Mercatoris: Erat enim tunc maximo in pretio Collectio Isidoriana, & facile Episcopi in suis canonibus Synodicalis Isidorianas sententias inferere delectabantur.***

## De Canonibus Gratiani, qui extant in vulgata Concilii Triburiensis editione.

Jamdudum animadverterunt Correctores Romani, canonem 51. dist. 50. legi in canone 36. inter vulgatos Triburienses, sed copiosius; ex quo proinde necessarium est ejusdem fragmenti verba supplere. Si contingat duos fratres simul arborem succidere, sive in sylva, sive quocumque loco, & cadente arbore alter alteri, fuge, vel cave, dixerit, & ipse stans, sive fugiens subram ipsam arborem devenerit, & mortuus fuerit, superstes frater innocens de morte defuncti disjudicetur; quia non voluntate, non incuria illius, non denique consensu, nec ullo suo mortem incurris reatu, sed dum ambo insilirens operi necessario, incautus, & insperatus casu arboris depressus est, nemine prorsus adjuvare valente. Hanc eandem statuimus definitionem de ceteris similibus, sive cognatis, sive nulla proximitate conjunctis. Istam definitionem tenere Patres nostri Apostolici Viri; ideo eorum exempla sequentes per futura tempora inviolabilem eam custodimus, & preteritis nostris sequendam transmittimus, quia grave peccatum est, & nostro ministerio contrarium, innocentem opprimere, & securum crimine scienter criminofum habere. Quidam de sapientibus ait: Premis insontes debita sceleris noxia poena, iustisque tuis crimini.

Canon 4. cau. 2. qu. 5. paullo aliter legitur in canone 21. Triburiensi, ibi: Siquis Presbyter contra Laicum, vel Laicus contra Presbyterum aliquam habet querimoniam controversiam, Episcopo regente sine personarum acceptione finiat, & Laicus praesuramento, si necesse sit, constringatur; Presbyter vero vice praesuramenti per Sanctam Consecrationem interrogetur, quia Sacerdotes ex levi causa jurare non debent. Manus enim, per quam Corpus, & Sanguis Christi conficitur, juramento polluetur? Atque, cum Dominus in Evangelio Discipulis suis, quorum vicem nos indigni in Sancta gerimus Ecclesia, dicat: Nolite omnino jurare; sit autem sermo vester, est, est, non, non: Quod autem his abundantius est, a malo est. Non dixit, quod amplius est, malum est, sed a malo, id est a malo homine, de cuius incredulitate cogimur jurare. Ut enim quadam homilia B. Bedae Presbyteri legimus, si forte nos incautius jurasse contigerit, quod scilicet observatum pejore vergat in exitum, libere illud mutandum noverimus salubriori consilio.

Canon 15. cau. 2. qu. 5. referendus commodè erit ad canonem 22. ex vulgatis Triburiensibus, ubi tamen hæc leguntur, paullo aliter, quam apud Gratianum. habetur: Siquis fidelis libertate notabilis aliquo crimine, aut infamia deputatur, utatur jure, juramento se excusare. Si vero tanto, talique crimine publicatur, ut criminofus a Populo suspicetur, & propterea superjuret, aut confiteatur, & poeniteat, aut Episcopo, vel suo Abbati discutiente, per ignem cadenti ferro caute examinetur. Canonem hunc primus in suam Collectionem canonum retulit Regino Prumiensis, quem in ipso Triburiensi Concilio interfuisse verosimile admodum est; verum non eadem verba descripsit, sed hæc retenta sententia in lib. 2. cap. 302. Nobilis homo, vel ingenuus, si in Synodo accusatur, & negaverit, si eum fidelem esse sciunt, juramento se expuret: Si antea deprehensus fuerit in furto, atque perjurio, ad juramentum non admittatur. Sed, sicut qui ingenuus non est, ferventi aqua, & cadenti ferro se expuret. Burchardus Wormatiensis hæc eadem verba, qualia erant apud Reginum, def-

descripsit in lib. 16. cap. 19., imo etiam quidpiam ipse adiecit; pro illis enim, cum juramento se expuret, ita expressit: cum duodecim ingenuis se expuret, item, pro illis, atque perjurio ad juramentum, scripsit: aut perjurio, aut falso testimonio ad juramentum. Hinc facile agnoscitur, quia de causa canon Gratiani vel cum ipso Concilii canone, vel cum capite Reginonis minime consonet, Burchardo scilicet auctore, a quo Gratianus fragmentum excepit, propterea emendandum vel ex ipso Triburiensi canone, vel ex Reginone, qui germanam Concilii sententiam exposuisse præsuntur.

Can. 6. Canon 6. cau. 13. qu. 2. ita supplendus erit ex can. 15. Triburiensi. *Restat cau. 13. propter instantem, quæ tunc maxima occurrit, necessitatem, ubicumque facultas verum, qu. 2. & opportunitas temporum suppetat, sepulturam morientium apud Ecclesiam, ubi sedes est Episcopi, celebrari. Si autem hoc propter itineris longinquitatem, aut adjacentem alicujus inopportunitatis difficultatem impossibile videatur, expellet eum terra sepultura sue, quo Canonorum, aut Monachorum, sive Sanctimonialium Congregatio Sancta communiter debeat, ut eorum orationibus Judici suo commendatus occurrat, & remissionem delictorum, quam meritis non obtinet, illorum intercessionibus percipiat. Quod si & hoc ineptum, & difficile aestimetur, ubi decimam persolvebat vivens, sepeliatur mortuus.*

Can. 14. Canon 14. cau. 13. qu. 2. legitur in can. 16. Triburiensi, cujus hæc sunt verba: *Abhorrendus, & Christianis omnibus devitandus mos iniquus subrepsit, sepulturam mortuis debitam sub pretio vendere, & gratiam Dei venalem facere, cum hoc nusquam sub Evangelica gratia meminimus nos invenisse, vel legisse. In Ecclesiastico namque libro scriptum est; mortuo non prohibeas gratiam, sciens, quia omnes moriemur. Et item: Omnia, quæ de terra sunt, in terram convertuntur. Quid terra terram vendis? Memento quoniam terra es, & in terram ibis, & quoniam mors tibi futura est, appropiat, & non tardat. Recordare, quoniam non hominis est terra, sed ut Psalmista commemorat: Domini est terra, & qui habitant in ea. Si terram vendis, invasionem alienæ rei vus teneberis. Gratias accepisti a Deo, gratis da pro eo. Quare interditi sunt omnibus omnino Christianis, terram mortuis vendere, & debitam sepulturam denegare. Nisi forte proximi, & amici defuncti, propter nomen Domini, & redemptionem animæ viri, gratis aliquid donare velint. Ex his & supplendus erit Gratiani canon, atque emendandus.*

Can. 31. Canon. 31. cau. 13. qu. 2. ab auctore Palearum nullo adjecto auctoris nomine cau. 13. apud Gratianum laudatur; sed apud Gregorium IX. in cap. 2. de furtis Triburiensi Concilio inscribitur. Romani Correctores observaverunt nonnulla similia, legi in cap. 31. Triburiensi. Verba hujus canonis referam, ex quibus Gratiani fragmentum suppleatur, atque emendetur. Ajunt Triburientes Patres: *Statuimus, & judicamus; ut si quis post hæc Evangelica, & Apostolica, atque Prophetica verba, & definitionem pacatissimæ Synodi inventus fuerit furtum, aut rapinam exercere, & in ipso diabolico alio mortem mereatur incurrrere, nullus pro eo præsumat orare, aut elemosinam dare: & elemosyna pro eo data in memoriam Clericorum nec Pauperum veniat, sed execrabilis sordescat. B. Augustinus de talibus horribilem profert sententiam dicens: Nemo te post mortem tuam fideliter redimit, quia tu te redimere noluisse. Si autem ille fur, vel latro vulneratus elabatur, & expellatone mortis desperatus putatur, atque reconciliari se Mysteriis Sacrosanctis habitu corporis, & voluntate piæ mentis deprecatur, Deoque & Sacerdoti comitis vita, emendationem morum, & alium confitetur, communionis gratiam non negamus tribuendam. Hunc canonem ita descriptum primus aut*

aut corruptit, aut corrumpendi occasionem dedit Regino Prumiensis, apud quem ita legitur in cap. 94. lib. 2. Ex Concilio Triburiensi: *Fures, & Latrones, si in furando, & praedando occidantur, visum est pro eis non orandum; si comprehensi, aut vulnerati Presbytero, vel Diacono confessi fuerint, communionem eis non negamus.* Facile est in vetustis Reginonis Codicibus verba illa, quae hodie leguntur: *vel Diacono*, breviate fuisse hoc modo *De vel Dno*, quae significarent *Deo, vel Domino*, quemadmodum in Triburiensi Concilio legitur, at qui Codicem Reginonis, & breviate eos characteres non intellexit, facile potuit in illis verbis legere *Diacono*, praequam in ipso Concilio legatur, in quo nulla Diaconi mentio habetur. Atque erratum hoc sequutus est Burchardus, ex Burchardo Gratianus, & ex Gratiano etiam Collector Decretalium in dicto cap. 2. de furtis, in quo Interpretes non levem controversiam agitant, quasi ex eo deduci videatur, delictorum confessionem etiam Diacono, ac Presbytero fieri posse, quae sane difficultas penitus evanescit, si ad integram Concilii Triburiensis exemplaria eundem Triburiensem canonem exege-

rimus. Canon 16. cau. 16. qu. 1. testante eodem Gratiano idem est cum can. 6. cau. 19. qu. 2., cujus sententiam integram jam superius descripsi ex canone 15. Concilii Triburiensis. Can. 15. cau. 16. qu. 1.

In can. 36. cau. 16. qu. 7. referre volebat Gratianus canonem 32. Concilii Triburiensis, cujus tamen verba paulo aliter in vulgatis Concilii exemplaribus exprimuntur, ibi: *Quaecumque Ecclesia a compluribus coheredibus sit obfessa, concordantia, & unanimitate undique procuratur, ne propter aliquas disceptationes servitium Dei minuat, & cura populi irreligiose agatur: Si vero contingat pro ea comparticipes dissidere, & sub uno Presbytero nolle eam procurare, & propterea iurgia, & contentiones tam inter ipsos, quam inter Clericos incipiant frequentare, quia juxta Apostolum servos Dei non oportet litigare, Episcopus tollat inde reliquias, & sub magna cura honorifice collocet eas, atque ejusdem Ecclesiae claudat ostia, & sub sigillo consignet ea, ut Sacrum ministerium nullus celebret in ea, antequam concordia unanimitate unum omnes eligant Presbyterum, qui idoneus sit Sacrosanctum locum procurare, & Populo Dei utiliter praesse. Hanc autem habeant auctoritatem Episcopi, ut in nullis Ecclesiis nec constituantur Presbyteri, nec expellantur illis inconsultis, & non consentientibus. In Epistola B. Papae Clementis legitur: Attendendum summopere est omnibus Presbyteris, & reliquis Clericis, ut nihil absque Episcopi proprii licentia agant, non utique missas sine ejus jussu quisquam Presbyterorum in sua Parochia agat, Similiter & reliqui Populi, majores scilicet, & minores, per ejus licentiam, quicquid agendum est, agant. Animae vero eorum ei credita sunt; ideo omnia ejus consilio agere debent, & eo inconsulto nihil. Sic restitutus est Triburiensis canon, quem primo paucis perstrinxerat Regino in lib. 1. de Ecclesiasticis Disciplinis cap. 242., deinde Burchardus in lib. 3. cap. 40., ac post eos Gratianus in dicto canone 36., & tandem Gregorius IX. in cap. 2. de jurepatronatus. Quaedam his fere similia leguntur in legibus Longobardorum lib. 3. tit. 1. cap. 44., ibi: *De Ecclesiis, quae inter coheredes divise sunt, considerandum est, quatenus si secundum nostram providentiam, & ammonitiones Episcopi ipsi coheredes eas tenere voluerint, & honores faciant: Si autem hoc contradixerint, ut in Episcopi potestate maneat, utrum eas ita custodire permittat, aut reliquias exinde auferat, & ubi ad nostrum beneficium Ecclesiae pertinentes ita divise fuerint inventae, & ut describantur, & nobis enuncientur.* Can. 36. cau. 16. qu. 7.*

Tom. I.

T t t

Quæ

Can. 7.  
cau. 17.  
qu. 4.

Quæ refert Gratianus in can. 7. cau. 17. qu. 4. jam Regino eisdem verbis descriperat tamquam canonem Concilii Triburiensis in lib. 2. cap. 37., & ex Reginone describere non dubitarunt Burchardus, & Ivo. Verum ibidem non legitur integra, sed paucis perstricta Triburiensium canonum sententia. Eo enim pertinent Triburienses canones quartus, & sextus. Quartus ita exprimitur: *Siquis Presbyter (quod absit, quia Sacerdos altissimi Dei est) vulneratus, vel quibuscumque injuriis, & contumeliis debonestatus evaserit, & supervixerit, tota compositio persolvatur Presbytero. Si autem articulo mortis præventus obierit, pretium Weregelli (idest compositionis juxta usum loquendi Longobardorum) tripartita partiatur divisione, idest altari, cui ordinatus fuerat, pars una; Episcopo, in cujus Diocesi erat, altera; tertia parentibus, de quibus ortus fuerat. Si vero in atrio Ecclesiæ aliquid ex istis Presbytero factum fuerit, supradicto modo Presbytero, & pro Presbytero solvatur. Sed quia, ut Hilarius Papa omnibus Episcopis per diversas Provincias in Epistola sua scribit: injuria Sacerdotum, & Ecclesiarum sacrilegium est, sacrilegium in atrio factum altari, & Domino ejusdem loci persolvatur &c. Rursum in can. 6. hzc leguntur: *Siquis temerarius atrium Ecclesiæ evaginato gladio presumptuose intraverit, sacrilegium facit; & idcirco sacrilegium in atrio Domini factum sacrilegii more altari, & Domino persolvatur. Dominus dicit in Evangelio: Omnes, qui acceperint gladium, gladio peribunt &c.* Hzc jam clarius constituit Ludovicus Pius Imperator in suo Capitulari anni 819. cap. 1., non enim Triburienses Patres legem novam hac in re ipsi pronuntiaverunt, sed potius Imperatoris legi jam dictæ hujusmodi canonem conformarunt. Statuit Ludovicus: *Siquis aut ex levi causa, aut sine causa hominem in Ecclesia interfecerit, de vita componat. Si vero fors rixati fuerint, & unus alterum in Ecclesiam fugerit, & ibi se defendendo eum interfecerit, si facti hujus testes non habuerit, cum duodecim conjuratoribus legitimis per Sacramentum assermet, se defendendo eum interfecisse, & post hæc sexcentos solidos ad partem Ecclesiæ, quam illo homicidio polluerat, & insuper bannum nostrum solvere cogatur; is vero, qui interfectus est, absque compositione jaceat; ac deinde interfector secundum judicium canonicum congruam facinori, quod admisit, penitentiam accipiat. Si proprius servus hoc commiserit, judicio aque serventis examinetur, utrum hoc sponte, ac se defendendo fecisset. Et si manus ejus exusta fuerit, interficiatur; si autem non fuerit, Dominus ejus, juxta quod Virgilius illius est, ad Ecclesiam persolvatur, aut enim, si voluerit, eidem Ecclesiæ tradat. . . Si in atrio Ecclesiæ, cujus porta reliquiis Sanctorum consecrata est, hujusmodi homicidium perpetratum fuerit, simili modo emendetur, vel componatur. Si vero porta Ecclesiæ non est consecrata, eo modo componatur, quod in atrio committitur, sicut componi debet, quod in immunitate violata committitur.**

Can. 20.  
cau. 17.  
qu. 4.

Canon 20. cau. 17. qu. 4. emendandus erit ex canone 20. Triburiensi, in quo hæc leguntur: *Siquis irreverens timorem Domini postponens in servos ejus sævire præsumpserit, quos ipse præ ceteris peculiari singularitate sibi segregavit, & corone sue similitudinem tradente Apostolorum Principe gestare fecit, & servos suos dici, & esse, veluit, sortemque illorum se constituit, sicut de eis scriptum est, loquente ipso Domino: Ego hereditas eorum: Dominus hereditas mea est; siquis, ut diximas, ullum eorum, quocumque ordine consecratum, casis vulneribus, vel quibuscumque injuriis angustaveris, jubeat cum Dominus Episcopus per bannum a se impostum ante se venire, & advocet cognitorem, & adjutorem Comitum, & constringat protervum Episcopum auctoritate canonica: ut eidem Clerico, cui contra divinas, & humanas leges contumelias ingessit, justam*



justam, & debitam persolvat compositionem, & Cumite agente persolvat hactenus Regibus debitum. Si vero agente protervia venire contemserit, justitiæque consentire detestaverit, agantur super eum omnia, quæ superscripta sunt in secundo, & tertio Capitulo, nisi iterum veniat, & justitiæ concordet. Si canonem Gratianum cum hoc Triburiensi canone conferamus, agnosceremus statim unius sententiam a sententia alterius plurimum discrepare; etenim quod in Concilio Triburiensi de Clericis statutum est, qui ibidem speciales Dei servi appellantur, in fragmento Gratiano ita legitur, quasi de servis laicorum dominio subiectis editum fuerit. Verum ut rem hanc candide aperiam, ego arbitrarer, canonem Gratianum revera ad Triburiense Concilium non pertinere; non possum enim percipere tantam potuisse esse Collectoris audaciam, ut tam diversam sententiam Triburiensis canonis ipse reddiderit, præsertim quod noverim cum aliis, & alterius auctoris canonibus Gratianum canonem consonare. Referendus ille erit ad Capitularia Regum Francorum, in quibus lib. 5. cap. 337. editionis Parisiensis anni 1677. hæc leguntur: *Siquis homo contumax, vel superbus, timorem Dei, vel reverentiam Ecclesiarum non habuerit, & fugientem servum suum, vel quemlibet persecutus fuerit, vel de Ecclesia, vel de porticu ejus per vim abstraxerit, & Deo honorem non dederit, componat ad ipsam Ecclesiam pro neglecto suo solidos quingentos, & profredo ad flicum solidos ducentos; ipse vero publica penitentia juxta judicium Episcopi mulietur, ut sit honor Dei, & reverentia Sanctorum, & ut Ecclesia Dei semper inviolata permaneat.* Hæc sane verba eadem sunt cum illis, quæ retulit Gratianus, ut propterea dubitandum non sit, Gratiani canonem ad Capitularia Francorum, quam ad Triburiense Concilium, esse potius referendum. Verum qui occasione errandi dedit, primus fuit Burchardus, qui Capitularia Francorum ægre commemorabat, ac propterea in cap. 197. lib. 3. idem hoc caput inscripsit Concilio Mediomatrici, quem sequutus est Ivo in parte 3. cap. 114. Gratianus, qui ex Burchardo & Ivone fragmenta canonum decernebat, non solum eundem canonem Capitularibus Francorum, uti decebat, non adscripsit; imo neque fuit satis accuratus in referenda inscriptione Burchardi, sed confundens inscriptionem capitis 196., quod tribuebatur Concilio Triburiensi, cum inscriptione disti capitis 197., idem caput 197. Concilii Triburiensi per oscitantiam tribuit.

Can. 26. cau. 17. qu. 4. consonare videtur cum can. 4. Concilii Triburiensis, Can. 26. cau. 17- qu. 4 cujus verba integra superius retuli ad canonem 7. cau. 17. qu. 4. Verum non hic sistere debemus, cum accuratius possimus investigare ejusdem Gratiani canonis originem. Regino Prumiensis in lib. 2. de Eccles. Discipl. cap. 40. reulerat paucis sententiam disti canonis 4. Triburiensis; deinde in cap. 41. hæc subdidit: *Ex Capitularium lib. 2. cap. 49. Presbyteri interfessi compositio Episcopo, ad cujus Parochiam pertinent, solvatur, secundum Capitulare gloriosi Caroli genitoris nostri, ita videlicet, ut medietatem Wirigildi ejus Episcopus utilitatibus Ecclesie, cui præfuit, tribuat, & alteram medietatem in elemosyna ejus juste disperdat; qui nullus nobis ejus hæres proximior videtur, quam ille, qui ipsum Domino sociavit.* Referuntur hæc eadem in lib. 4. Capitularium Francorum cap. 15., & in lib. 5. cap. 186. Parisiensis editionis anni 1677. Vidit hoc Capitulare Burchardus, atque illud in suum Codicem relaturus noluit referre Capitularium nomine, a quo, uti sæpe monui, sibi abstinendum proposuerat, sed potius inscripsit nomine Concilii Triburiensis, ex quo Concilio apud Reginonem laudabantur præcedentia capita, videlicet 37. 38. 39., & 40. Ex Burchardo deceptus Ivo in parte 10. cap. 140. eundem

canonem tribuit Triburiensi Concilio, ex Ivone Gratianus, & tandem ex Gratiano ipso Collector Decretalium Gregorii IX. in cap. 2. de penis. Romani Correctores quidam adnotarunt ad illam vocem *Wirigildi*, ajentes: *antea legebatur Renaldus*. Profluxit id ex ignoratione Amanuensium linguæ Longobardorum, apud quos *Wirigildi* nomen frequentissimum est in ipsorum legibus, significatque poenalem criminis cujuslibet compositionem.

Canon 6. cau. 20. qu. 1., & canon 2. cau. 20. qu. 2. tum in appendice 2. Reginonis cap. 37. & 38., tum apud Burchardum cap. 97. & 98. lib. 8, tum apud Ivonem cap. 115. & 116. partis 7. simul junguntur, ac nomine Triburiensis Concilii laudantur; quamquam tamen in pluribus quidem conveniant, sed in pluribus dissonent a Concilii ejusdem Triburiensis sententiis, quæ leguntur tum in can. 24., ad quem referendus est dictus canon 2. cau. 20. qu. 2., tum in canone 27., ad quem referendus est dictus canon 6. cau. 20. qu. 1. Erunt igitur hoc in loco describenda ipsamet Triburiensis Concilii verba, ne a proposito recedat, quicumque Gratiani fragmenta sit interpretaturus. Canon 24. Triburiensis hic est. *Quæcumque virgo sub patrocinio ante annos duodecim non coacta, sed propria voluntate sacrum velamen sibi imposuerit, annumque, & diem nullo repente velata permanserit, ab eodem sancto habitu ulterius non recedat, sed sponsa vero Regi Christo immaculata agno ulterius incorrupta, & immaculata deserviat. Si vero idem Patrus post annum, & diem sanctum propositum corrumpere, & velatam studuerit repetere, atque Christo suam sponsam rapere secundum præstituta canonum præjudicamus, ut vires non obtineat, sed Christo Regi suam sponsam relinquat. In cap. 27. hæc habentur: *Statuimus, ut Clericus Ecclesiasticæ nutritus in Ecclesia coram populo vel legens, vel cantans, si postmodum relicto Clericali habitu a castris Dominicis, quibus adscriptus est, profugus, & apostata elaboratur, & ad sæculum egreditur, ab Episcopo canonice coerceatur, ut ad sinum Matris Ecclesiæ revertatur. Quod si in hac indisciplinatione perdurat, ut comam nutriat, constringatur, ut iterum detondeatur, & postea nec uxorem accipiat, nec sacrum ordinem attingat. Si vero huic hujus sancti Concilii reluxaverit definitioni, secundum præstitutam Chalcedonenfis Capituli constitutionem anathematizetur. Agnosco quidem in his Triburiensibus canonibus non omnino reperiri expressam Gratianeorum fragmentorum sententiam. Ea tamen sunt, quæ Regino complexus est in memorata appendice, & paucis perstrinxit, ut sacrorum canonum studiosis Clericis proponeret; ac propterea eadem sunt, quæ ad accomodam Gratiani interpretationem plurimum, & maxime conducunt, cum Gratianus de more suo sequatur Ivonem fuerit, Ivo Burchardum, & Burchardus Reginonem.**

Ex lectione Reginonis mendum profluxit in canonem 1. cau. 20. qu. 4., qui inscribitur nomine Concilii Triburiensis. Est is Triburiensis canon 26. his verbis in exemplaribus ejusdem Concilii expressus. *Siquis Monachus pro lucro anime, vel animarum a suo Monasterio exire, & in aliud proposuerit intrare, consentientibus Episcopo, Abbate, & Fratribus, consentimus, & concordamus, quia id fecisse multos sanctos legimus. Si vero fuga regularis discipline elapsus propositum sanctitatis calcaverit, omnimodis coercendus, & ab hominibus detestandus, atque omni onere est gravandus, ut saltem rubore verecundie confusus, & onere paupertatis officius redeat, quem relicta singularitatis professione inimicus tenebat. Si autem tam irreverens, & pertinax est, ut ad Monasterium redire, & propositum Monachi reluxaverit observare, impleantur super eum constituta, quæ de eo scripta sunt in sancto canone in Concilio Chalcedonenfi cap. 4., Pope Siricii*

Siricii 6., Leonis 26., quatenus retrusus ergastulo decoqui possit penitendinis igne purgatorio. Hæc de Monachis constituta Regino Prumiensis in sua Collectione lib. 2. cap. 180. cum de Sanctimonialibus ageret, non dubitavit, quasi de Sanctimonialibus dicta, ita proferre. *Sanctimonialis si pro lucro animæ suæ cum licentia Abbatis suæ ad aliud Monasterium pergere disposuerit, ibidemque commanere, decrevit Sancta Synodus concedi. Si vero fuga disciplinæ alium locum querit, redire cogatur. Quæ verba etiam ex Concilio Triburiensi laudavit, idest sententiæ Concilii Triburiensis, ubi de Monachis agebatur, valde similia. Legerat hæc apud Reginonem Burchardus, qui in lib. 8. suæ Collectionis cap. 22. aliquibus immutatis verbis eadem, quasi ex Concilio Triburiensi descripsit his verbis: *Virgines sacræ, si pro lucro animæ suæ propter distictiorem vitam ad aliud Monasterium pergere disposuerint, ibidemque commanere decreverint, Synodus concedit. Si vero fuga disciplinæ alium locum quaesierint, redire cogantur.* Sic etiam ex Burchardo descripsit Ivo in parte 7. Decreti cap. 42., & ex Ivone Gratianus in dicto can. 1. cau. 20. qu. 4., qui statim hæc subiicit: *Quod autem de virginibus sacris hoc capitulo statuitur, de Monachis etiam consequenter intelligitur, & de quolibet etiam Clerico.* Sane si Gratianus ad germanam Triburiensis canonis lectionem confugisset, frustra adnotavisset, ex eo, quod statutum legerat de Sanctimonialibus, argumentum desumi posse ad Monachos protrahendum; etenim in Concilio ipso de Monachis vere sermo institutus fuerat, licet Reginonis opera ad Sanctimoniales relatus. Hinc adparet diversa inter Gratianum, & Reginonem interpretationis æmulatio; etenim Regino curabat, ut canonem Triburiensem de Monachis expressum ad Sanctimoniales produceret; & Gratianus sollicitus fuit, ut canonem eundem Triburiensem, quem ex Reginonis editione de Sanctimonialibus expressum arbitrabatur, etiam de Monachis argumentatione quadam & similitudine intelligendum proponeret.*

Quatuor fragmenta in unam eandemque sententiam collineantia descripsit Gratianus nomine Concilii Triburiensis in cau. 27. qu. 1., videlicet canones 11., 12., 13. & 14. Videntur illa omnia pertinere ad canonem 23. Triburiensem, cujus hæc sunt verba: *Siquis sacra velamine consecratam in conjugium duxerit, & post dicatur. Deo propositum incesta scelerata, sacrilegaque miscuerit, ut in constitutis Gelasii Papæ cap. 20. legitur, protinus æquum est a sacra communione detrueri, & nisi per publicam, probatamque poenitentiam omnino non recipi; si tamen poenituerint, transeuntibus de sæculo viaticum non negetur.* In Chalcedonensi Concilio cap. 16. hoc perpetrantes excommunicantur: *Confrentibus auctoritate Episcopi misericordia largiatur.* In Epistola Papæ Siricii cap. 6. *Velatæ Deo consecratæ, si abjæto proposito sanctitatis, clanculum sacrilega contagione miscuerint, vel de illicitis complexibus publice, & libere filios procreaverint; has impudicas, detestabilesque personas a Monasteriorum cœtu, & Ecclesiarum Conventibus eliminandas esse, iudicatum est, quatenus retruse ergastulis tantum facinus continuè lamentatione desceant.* Unde verbo Domini, & canonica auctoritate in hac sancta Synodo præcipimus, ut omnino separentur, & iuramento colligentur, ulterius sub uno non cohabitare recto, nec familiari frui colloquio, excepto in Ecclesia, & in publico, aut pariter ullam habere communionem, unde suspicio illecebrosi desiderii, aut scandalum libidinosis facti jussu possit oriri. Si quæ etiam inter se dividenda sint, dividant, & uterque sua provideat. Itaque in hoc canone Triburienses Episcopi non suam tantum, sed & potissimum Gelasii, Siricii, & Chalcedonensis Concilii sententiam proposuerunt. Porro Sententia Gelasii inter ejusdem Papæ decreta apud Dionysium Exiguum, &

Can. 11.  
12-13-  
& 14.  
cau. 27  
qu. 1.

qui-

quidem numero 25., de quibus opportuniore in loco sermonem habeo. Exinde autem deprosum est canon 14. cau. 27. qu. 1. eisdem omnino verbis cum Gelasiano Decreto consonans, dummodo pro illis, *si digne pœnituerint*, legamus: *Si tamen pœnituerint*; ideo autem ex Concilio Triburiensi laudatus, quia dictus Concilii Triburiensis canon ad hoc idem Gelasii Decretum referebatur. Sententia Papæ Siricii, ad quam etiam Triburiensis canon refertur, habetur inter Decreta ejusdem Papæ his verbis: *Præterea Monachorum quosdam, atque Monachorum abjecto proposito sanctitatis in tantam potestatis demersos esse lasciviam, ut prius clanculo, velut sub Monasteriorum prætextu illicita, ac sacrilega se contagione miscuerint, postea vero in abruptum conscientie desperatione perducti, de illicitis complexibus libere filios procrearent, quod & publicæ leges, & Ecclesiastica jura condemnant. Has igitur impudicas, detestabilesque personas a Monasteriorum cœtu, Ecclesiarumque Conventibus eliminandas esse mandamus; quatenus retrusæ in suis ergastulis tantum facinus continua lamentatione deflentes, purificatorio possint pœnitundinis igne decoquere, ut eis vel ad mortem saltem solus misericordie intuitu per communionis gratiam possit indulgentia subvenire.* Cum hoc Siricii capite consonare videtur dictus canon 11. cau. 27. qu. 1., ideo etiam Concilio Triburiensi adscriptus, quod ad Siricii Decretum Triburiensis canon. refertur. Præterea canonem Chalcodonensis Concilii jam suo in loco palm exhibui, & ad eum refertur canon 12. cau. 27. qu. 1. eadem ratione, qua ceteri hujusmodi canones Triburiensi Concilio tributi. De canone 13. cau. 27. qu. 1. nihil hic specialiter subjiciendum arbitror; non enim aliud in eo contineri videtur, quam perstricta sententia dicti canonis Triburiensis, quem nuper integrum descripsi, ex quo propterea idem Gratiani fragmentum supplere juvabit.

Can. 31.

& 32.

can. 27.

qu. 2.

Concilii Triburiensis canones non esse omnino integre, fideliterque relatos Collectores jam satis liquet ex iis, quæ huc usque animadvertimus. Atque id etiam apparet in canonibus 31. & 32. cau. 27. qu. 2., qui laudantur quasi canones Triburiensis Concilii, cum tamen multo aliter in Triburiensibus ipsis canonibus habeatur. Canon igitur 31. cau. 27. qu. 2. pertinere videtur ad canonem 31. Triburiensem, cujus hæc sunt verba: *Siquis legitimam duxit uxorem, & impediente quacumque domestica infirmitate uxorum opus non valens implere cum illa, frater vero ejus, suadente diabolo, adamatus ab ipsa clanculum eam humiliaverit, & violatam reddiderit, omnimodo separentur, & a neutro ulterius eadem mulier contingatur. Igitur conjugium, quod erat legitimum, fraternæ commaculatione est pollutum, & quod erat licitum, illicitum est factum, & ut Hieronymus ait, mulier duorum fratrum non ascendat thorum; si autem ascendit, adulterium perpetrat. Quia vero humana fragilitas proclivis est ad labendum, aliquo modo muniatur ad standum. Idcirco Episcopus considerata mentis eorum imbecillitate post pœnitentiam suam institutione peraltam, si se continere non possint, legitimo consuetur matrimonio, ne, dum sperantur ad alta sublevari, corruant in cœnum.* Hæc verba primus paucis pertrinxit Regino Prumiensis in lib. 2. cap. 245. ibi: *Ex Concilio Triburiensi: Si duxerit vir uxorem, & concubere cum ea non valens, frater ejus clanculo eam vitaverit, & gravidam reddiderit, separentur. Considerata autem imbecillitate misericordia eis impertiatur ad conjugium, tantum in Domino.* Hinc posteriores canonum Collectores exemplo Reginonis aliis verbis sententiam Triburiensem descriperunt, quemadmodum in dicto can. 31. cau. 27. qu. 2. Sed & canon 32. cau. 27. qu. 2. referendus erit, ac supplendus ex can. 43. Triburiensi his verbis expresso. *Siquis cum qualibet fornicatus fuerit, & eo nesciente filius*

filius ejus, vel frater ejusdem rei infcius cum eadem se polluerit, & postquam se pollutum esse cognoverit, confessus fuerit, & hoc se nescire cum juramento confirmaverit, quia hoc pœnituit, & confessus fuit, post peractam congruam pœnitentiam legitimo utatur matrimonio, ne iterum mordente crudelissima libidinis bestia saucietur, & in voraginem fornicationis incidere videatur. Nam, ut Hieronymus ait, ferreas mentes domat libido. Mulier vero, quæ tantum nefas commiserat, ulterius pœniteat, atque continens, & in nupta permaneat. Verum licet cum hoc Triburiensi canone plurimum consonare videatur Gratiani fragmentum; ego tamen asseruerim, canonem Gratiani referendum potius esse ad canonem 10. Concilii Compendiensi; Concilii autem Triburiensis nomen adscriptum fuisse, ut indicaretur, non proprie canonem illum ad Triburiense Concilium pertinere, sed potius quendam in eodem Concilio similia legi. Porro in Concilio Compendiensi cap. 10. hæc leguntur: Si pater sponsam filii sui oppræsserit, & postea filius ipsam acceperit, pater ejus postea non habeat uxorem, & ipsa fœmina non habeat virum, quia non dixit, quod pater ejus cum ipsa mansisset, filius vero ejus, qui nesciens fecit, accipiat mulierem legitimam.

Qui omnino cum Codicibus Triburiensis Concilii consonat, is est can. 7. cau. 30. qu. 3., habetur enim eisdem omnino verbis in can. 48. ejusdem Concilii, quemadmodum etiam cum canone 47. Triburiensi consonat canon 4. cau. 30. qu. 4., ubi tamen pro illis verbis: nulla generatio secernit spiritalis, vulgata Concilii editio hæc habet: in id generatio secernit spiritalis.

Canon 4. cau. 31. qu. 1. legitur in can. 40. Concilii Triburiensis his verbis: Audivimus rem execrabilem, & Catholicis omnibus detestandam, quandam nefario fornicationis opere alicujus uxorem vivente eo commaculasse, & in argumentum iniquitatis juramento confirmasse. si ejus legitimum supervixissent ambo maritum, ut ille fornicator illam adulteram adulterio pollutam sibi associaret thoro, & legitimo matrimonio, si hoc jure dici matrimonium potest, per quod oriuntur, quæ Apostolus enumerat, mala, quæ sunt fornicatio, immunditia, luxuria &c., ad ultimum vero veneficia, & homicidia, quia pro tam illicito amore alii veneno, alii gladio, vel alii diversis sunt perempti maleficiis. Idcirco acutissimo sermo, ac totius generis artificio rescanda, per quæ celestia regna sunt occidenda, quoniam, ut illem Apostolus ait, qui talia agunt, regnum Dei non consequentur. Tale igitur connubium anathematizamus, & Christianis omnibus obsecramus. Non licet ergo, nec Christianæ Religioni oportet, ut ullus ea utatur in matrimonio, cum qua prius pollutus est adulterio. Agnoverunt jamdiu Romani Correctores, ex hoc Triburiensi canone Gratiani fragmentum originem habuisse, verum paulisper de eo subdubitarunt, quod apud Burchardum inscriptum invenerint ex capite 5. Triburiensi; quasi Burchardi fides etiam integerrima fuerit in ipsis numeralibus canonum notis, qui in aliis majoris momenti rebus nullam fidem servaverit.

Canon 44. de cons. dist. 1. legitur in cap. 18. ejusdem Concilii Triburiensis, Can. 44. de cons. dist. 1. & quidem eisdem verbis. Duo ibidem commemorantur Pontificum Maximorum Decreta, Zephirini, & Urbani I., fertur enim Zephirinus constituisse, ut patenis vitreis Sacerdotes in Sacra Oblatione uterentur, quemadmodum dicitur in Pontificali Damasi his verbis: Hic (idest Zephirinus) constituit, ut presentibus Clericis, & Laicis fidelibus sive Clericis, sive Levitis, sive Sacerdotibus ordinetur; & fecit constitutum de Ecclesia, ut patenas vitreas ministri ante Sacerdotes portarent, dum Episcopus Missam celebraret. Fertur præterea Urbanus I. Sacra Vasa argentea instituisse, quemadmodum ex eodem libro Pontificali deducitur, ibi: Hic (idest Urbanus) fecit

*fecit ministeria sacrata omnia argentea, & patenas argenteas vigintiquinque affposuit. Sane olim & vitrea, & argentea Sacra Vasa in usu fuisse nemo ignorat, qui vetustissima Ecclesiarum monumenta pervolverit. Sic legimus in Dialogis Gregorio Magno adscriptis lib. 1. cap. 7. S. Donatum Aretinæ Ecclesiæ in Gallia Episcopum & martyrem vitreum Calicem a Paganis fractum orando restaurasse. Item legimus apud Hieronymum Epist. 4. ad Rusticum: Nihil illo dirius, qui Corpus Domini canistro vimineo, Sanguinem portat in vitro. Legimus præterea apud S. Epiphanium in Panario hæresi 34. Marcum hæresiarcham, qui temporibus Apostolorum vivebat, Calice vitreo ita decepsisse affectus suos, ut vinum album in illum superfusum præstigiis, & magica arte quasi sanguineo colore tinctum exhiberet. Ceterum & illa ætate vasa argentea, atque etiam aurea non dedignabatur Ecclesia, ubi commodum fuisset; Hinc Gregorius Turonensis de gloria martyrum cap. 38. scribit tempore Diocletiani Imperatoris Vasa argentea a Christianis in Sacris Oblationibus adhibita fuisse, & S. Augustinus Epist. 165. ex actis Proconsularibus refert, Christianos tempore Diocletiani habuisse Calices aureos duos, sex autem argenteos.*

### De aliis Canonibus Triburiensi Concilio adscriptis.

Quæ hucusque Gratiani fragmenta retulimus, singula ad Triburiense Concilium anni 895. referri jure debere, aut posse existimavi. Superfunt alia, quæ nomine ejusdem Concilii apud Gratianum habentur, cum tamen in vulgatis Concilii exemplaribus, sive in vulgatis 58. Triburiensibus Canonibus non habeantur. Ex his est *Con. 2. in primis canon 2. dist. 54.* qui tamen legitur apud Regnonem in cap. 407. de Ecclesiasticis Disciplinis lib. 1. his verbis: *Ut nulli de servili conditione ad sacros Ordines promoveantur, nisi prius a Dominis propriis libertatem legitimam consequantur, cujus libertatis charta ante ordinationem in ambone publice legatur, & si nullus contraxerit, rite consecrabitur. Porro si de gradu cecideris, ejus sit conditionis, cujus fuerat ante gradum; & quidem Regino hæc Concilii Triburiensis nomine inscripsit; quamobrem cum Regino, vel Concilio eidem Triburiensi interfuerit, vel saltem tempore Concilii Triburiensis, & prope Triburiam vixerit, non erit hac in re, nisi temere ipsi deneganda fides, nisi forte quispiam dicere velit, Reginonem sententiam quidem Concilii, sed diversis verbis, (quemadmodum in aliis canonibus egit) retulisse; ac tunc hic idem Gratiani, & Reginonis canon referri facile posset ad canonem 29. Concilii Triburiensis ex iis, qui in vulgata Concilii editione habentur, ibi: *Secundum decreta Sanctorum Patrum præjudicamus, & nos id altius prosequemur, ut nullum servum Episcopus ordinare præsumat, antequam perfecta ditetur ingenuitate, quia non debet vilis persona fungi Sacerdotii dignitate. Leo Papa in Epistola sua cap. 1. Debet enim esse ab aliis securus, qui divine militie fuit aggregandus, ut a castris Dominicis, quibus nomen ejus adscribitur, nullis necessitatibus vinculis abstrahatur. Gregorius in decretis suis cap. 7. Multos ex Ecclesiastica familia novimus ad omnipotentis Dei servitium festinare, ut ab humana servitute liberi in Divino servitio valeant conversari. Si vero festinantes ad omnipotentis Dei servitium incaute retinemus, illi invenimur quædam negare, qui dedit omnia, unde necesse est, ut ab humana servitio liber recedat, qui divini obsequii districte subire appetit servitutem.* *Synod.**

*Synodus dixit: Præfinita Patrum statuta iniolabilem habeant firmitatem. Baluzius ad memoratum caput Reginonis in notis ita scribit: Caput istud non extat in vulgatis editionibus Concilii Triburiensis, extat autem etiam apud Burchardum, & in veteri Collectione canonum MS. in Bibliotheca Regia. Postrema porro illius pars, quæ mutila est apud Reginonem, sic supplenda est ex Burchardo, & veteri illa Collectione: Porro servus non canonice consecratus, postquam de gradu ceciderit, ejus sit conditio, cujus fuerat ante gradum. Ceterum, ut præfatus sum, me magis, quam Burchardi, movet Reginonis testimonium. Romani Correctores rectius adnotarunt, similia quædam contineri in lib. 1. Capitularium Francorum cap. 88. vers. & quandocumque. Habetur in cap. 6. Capitularis anni 816., ubi tamen observandum est, consuetudinem illam recitandi ex ambone chartam libertatis non in omni servorum genere obtinuisse, sed in servis ad familiam Ecclesiæ pertinentibus. Verba capitularis hæc sunt: Et quandocumque de familia Ecclesiæ utilis inventus aliquis ordinandus est, in ambone ipsa auctoritas coram populo legatur, & coram Sacerdotibus, vel fidelibus laicis ante cornu altaris, sicut in nostra auctoritate continetur, remota qualibet calliditate libertatem consequatur, & tunc demum ad gradus Ecclesiasticos promoveatur. Hinc vero admodum simile esse potest, Reginonem partem canonis ex hoc Capitulari, partem ex Concilio Triburiensi expressisse, & nomine Concilii Triburiensis laudasse, eodem deinde nomine illud ipsum fragmentum apud Burchardum, Ivonem, & Gratianum fuisse translatum.*

Apud Reginonem etiam legitur in lib. 1. cap. 127. canon 105. cau. 1. qu. 1. *C. 105. cau. 1. qu. 1.* his verbis: *Distum est in quibusdam locis pro perceptione chrismatis nummos dari solere, pro baptismo, & communione. Hoc Simoniacæ hæresis semen detestata est Sancta Synodus, & anathematizavit, & ut de cetero nec pro ordinatione, nec pro chrismate, vel baptismo, nec pro sepultura, vel communione quicquam exigatur, sed gratis dona Christi gratuita dispensentur.* Hoc fragmentum retulit Regino cum hac Epigraphe. *Ex eodem.* In capite autem præcedenti laudaverat Concilium Triburiense, cujus canones 15. & 16. paucis perstrinxerat. Burchardus in lib. 4. cap. 101. ex Reginone laudavit eundem canonem hoc modo: *Ex Concilio Triburiensi, cui interfuit Rex Arnulphus.* Similiter Ivo, quibus morem gessit Gratianus, cujus verba consonant cum exemplaribus Burchardi, & Ivonis; non tamen cum Codice Reginonis, quemadmodum constare potest conferentibus Gratiani fragmentum cum capite Reginonis nuper descripto. Ceterum, verosimile admodum est, Reginonem, qui primus hoc fragmentum edidit, voluisse describere potius sententiam, quam verba Concilii Triburiensis. Sententia autem habetur in can. 16. Triburiensi, quem superius integrum descripsi ad canonem 14. cau. 13. qu. 2. Ibi vero de sola sepultura fit mentio, statuiturque, nequis audeat pro sepultura aliquid accipere, quod Regino potiori ratione ad chrismatis dationem, ad baptismum, communionemque protraxit, quia forte, cum interfuisset Concilio Triburiensi, Sanctorum Antistitum sententias ita acceperat, ut generales viderentur, & ad omnia istiusmodi sacra, & religiosa officia pertinentes; quod ex eo etiam deducitur, quia Regino in hoc referendo fragmento sese Historicum magis, quam Collectorem gessisse videtur, ita scribendo: *Detestata est sancta Synodus, & anathematizavit . . . & statuit &c.*

Canon 43. cau. 11. qu. 3. mihi videtur ex variis Conciliorum veterum sententiis elucubratus, licet tamen non satis integre descriptis. Ibi Anathema dicitur iis primum, qui canonice ad Synodum vocati venire contempnunt; deinde illis, qui postquam

Iom. I.

U u u

quam

Cen. 45.  
Cen. 11.  
qu. 3.

quam venerint, Sacerdotalibus præceptis obtemperare detrahant; illis demum, qui ante finitam causæ suæ discussionem a Synodo abire præsumunt. Et quidem hæc omnia ad varios vetustos canones referri possent, & ex illis comprobari; non una tamen, eademque erit in omnibus excommunicationis species recipienda. Illis enim, qui ad Synodum vocati negligenter accedere, Episcopis excommunicationis poena indicitur, quæ tamen revera excommunicatio non est, sed tantum quidam excommunicationis gradus; Nam exempli causâ, quoties Episcopus ad Concilium Provinciale vocatus renuebat sine legitima excusatione intervenire, cogeatur intra Diocesis suæ communionem consistere, nec poterat rerum Provincialium curam habere, quousque veniam delicti in sequenti Synodo impetrasset. Atque eadem poena illis imminuebatur, qui ad Concilium quidem accesserant, nondum tamen absoluto negotio a Synodo recessissent. Id expressum habemus in Concilio Arelatensi II. can. 19. relato apud Gratianum in can. 12. dist. 18., conferendo cum can. 10. Concilii Carthaginensis 5., apud Gratianum in can. 10. dist. 18. At quotiescumque quis canonibus in Concilio semel editis, promulgatisque restitisset, is propriæ excommunicationis poenam subibat, quemadmodum habetur in Concilio Toletano III. anni 589. can. 22., ibi: *Qui Concilia omnium Episcoporum Orthodoxorum consensu Concilii Nicæno, Constantinopolitano Primo, Ephesino, & Chalcedonensi non recipit, Anathematis est.* Atque has omnes Conciliorum sententias simul uno coniectu iunxit auctor dicti canonis 43., generaliter asserens, excommunicatione puniri eos debere, tum qui latis Conciliorum canonibus adversantur, tum qui ad Concilia vocati venire recusant, tum qui a Concilio nondum absoluto sine causâ discedunt. Primus, ut video, hujus canonis editor fuit Burchardus in lib. 11. cap. 74.; qui cum in cap. præcedenti laudasset canonem 8. Concilii Triburiensis, cui interfuit Rex Arnulphus, subdit: *Quæsitum est in eadem Synodo, pro quibus causis quælibet hominem Episcopalis auctoritate vinculo anathematis ligari oporteat; atque unanimi eundorum sententia, decretum est, pro his tribus criminibus fieri debere; cum ad Synodum canonice iussus venire contemnit, aut postquam illuc venerit, Sacerdotalibus repositis obedire præceptis, aut ante finitam causæ suæ examinationem a Synodo profugus abire præsumit.* Hæc eadem verba retulit Ivo in cap. 122. parte 14. Decreti, & deinde paullisper mutata retulit Gratianus in dicto can. 43. Porro fuisse ipsamet Concilii verba hæc, quæ relata sunt, facile inficias iverim; etenim nullibi in Conciliis leguntur istiusmodi formulæ: *Quæsitum est in eadem Synodo &c.*, sed potius videntur historici cuiuspiam narrationem continere. Hinc suspicor, Burchardum potius referre voluisse sententias Triburiensium Episcoporum in Concilio ipso prolatas, non statuendo, sed differendo, antequam ad canones edendos deveniretur, de quibus tempore Burchardi recentia quædam esse poterant monumenta, cum Burchardus prope tempora Concilii Triburiensis vixerit, item in Provinciis non procul a Triburia distitis scripserit. Aut forte etiam dicemus, Burchardi mentem fuisse, ut veterum Conciliorum statuta referret, & paucis perstringeret, qualia nuper ex Concilio Arelatensi II., Carthaginensi V. describebam, inscriberetque Concilio Triburiensi, quia quædam similia apud Reginonem Concilii Triburiensis nomine relata legerat in lib. 2. cap. 296. ibi: *Ex Concilio Triburiensi cap. 8. Conquesti sunt quidam de quibusdam malefactoribus, quorum tam nimia improbitas est, ut admonitionem Sacerdotum non curent, bannum Episcoporum (id est convocationem, seu Synodum Episcoporum; etenim banus licet quandoque significet confiscationem, proscriptionem, aliquando etiam significat*



fiat editum, five publicam denunciationem, uti notat Sirmondus ad Capitularia Caroli Calvi) continent, ad Synodum terque, quaterque vocati venire desistant, ad extremum excommunicari pro nibilo ducant. De talibus etiam in Capitulari statutum est Regiæ cognitioni suaderi debere. Et devoto Regi Arnulpho cum Sancta Synodo placuit, ut quicumque post excommunicationem debitam sic Deum parvi aestimant, & Christianitatem, seculari potestate persequendos, & si interficiantur, jaceant absque compositione. Itaque, teste Reginone, quidam Triburiensi in Concilio proposita sunt de iis, qui Synodo obedire detestantur, communique tum Regis, tum Episcoporum suffragio definita. Ex quibus occasionem sumit Burchardus Concilio Triburiensi supra memoratam sententiam affingendi, quam clarius, & distinctius ex præcedentium Conciliorum canonibus exprimere poterat. Ceterum quæ cum Burchardi fragmento convenire possunt, ex canonibus Triburiensibus evulgatis habentur in canone 9., ubi præscribitur: Si Episcopus placitum (idest Concilium, five Sacra Comitia) canonice constitutum decreverit, populumque sibi creditum illo invitaverit, omnes currere debere, nullumque posse obicem ponere, scientes non illic se contentione solitudo decertare, sed pro fide Catholica invigilare.

Falso refertur Concilii Triburiensis nomine canon 7. cau. 12. qu. 5., qui potius ex Novellis Justiniani Constitutionibus referendus erat; etenim in Nov. 131. cap. 13. in fine hæc leguntur: *Siquis autem Episcopus, aut Clericus, aut cujuslibet Ecclesiastici gradus Minister, aut Ecclesiæ Diaconis moriantur sine testamentis, & legitimis successoribus, horum successio Ecclesiæ competat, in qua constituti fuerint.* His etiam similia leguntur in l. 20. cod. de Episc. & Clericis. Quomodo vero fieri poterit, cur hæc, aut his similia Concilio Triburiensi adscripta fuerint, sic mihi videor posse conjicere. Nempe apud Reginonem lib. 2. cap. 39. ex Concilio Triburiensi hæc habentur: *Perlatum est quoque ad Sanctam Synodum, quod quidam Laici improbe agant contra Presbyteros suos, ita ut de morientium Presbyterorum substantia partes sibi vindicent, sicuti de propriis servis. Interdicimus itaque, ne hoc ulterius fiat, sed sicuti liberi facti sunt, ad suscipiendum gradum, & agendum divinum officium, ita ab eis nihil exigatur præter Dei officium.* De peculiari vero Sacerdotum nihil sibi usurpent, sed de duobus partibus faciant Presbyteri, quod eis visum fuerit, tertiam secundum canonum jussa, quibus serviunt, relinquunt Ecclesiis. Forte ad hoc Reginonis fragmentum in margine quædam ad eandem rem maxime pertinens adjecta fuerat Novellæ Justinianæ sententia superius commemorata. Quod occasionem dedit Burchardo, non solum dictum Reginonis caput 39. in suam Collectionem referendi nomine Concilii Triburiensis, verum etiam sententiam Novellæ ex eodem Concilio Triburiensi laudandi in cap. 206., & 207. libri 2. Ex Burchardo deceptus Ivo eadem retulit in cap. 281., & 282. partis 6. sui decreti: ex Ivone demum Gratianus solum Novellæ fragmentum eo omisso, quod Regino ex Concilio Triburiensi laudaverat, retulit, illudque Concilio Triburiensi exemplo præcedentium Collectorum tribuere non dubitavit.

Canon 25. cau. 17. qu. 4. non solum apud Gratianum, Ivonem, & Burchardum, verum etiam apud Reginonem nomine Concilii Triburiensis laudatur in lib. 2. cap. 333. ibi: *Ex Concilio Triburiensi. Ut Presbyteri non vadant, nisi sola, vel parvo induti; & si in itinere Presbyteri spoliantur, vel vulnerantur, aut occiduntur non sola vestiti, simplici emendatione sua solvantur. Si autem cum sola, tripliciter.* Verosimile itaque est, canonem hunc in Concilio Triburiensi fuisse conditum, cum

ab eo Collectore laudetur, quem nihil falso adtribuere voluisse Concilio Triburiensi ex iis, quæ superius diximus, facile jam colligi potest. Ceterum circa tempora Concilii Triburiensis aliis ex monumentis perspicue scimus Presbyteros stola, aut orario ornatos incedere consuevisse. Id patet ex Concilio Moguntino anni 813. cap. 28. ibi: *Presbyteri sine intermissione utantur orariis propter differentiam Sacerdotii dignitatis*; & in Capitularibus Regum Francorum lib. 5. cap. 172. in editione Parisiensi anni 1677. ita cavetur, ut *Sacerdotes stolas portent propter signum castitatis, sicut decretum est*. Idem Regino jam laudatus initio suæ Collectionis in inquisitione num. 63. inquirendum voluit a suo Presbytero: *Si sine stola, vel orario in itinere incedat*.

Can. 15.  
can. 18.  
§ 2.

Quod ex Concilio Triburiensi legitur in can. 15. cau. 18. qu. 2. a Burchardo primum Wormatiensi eidem Concilio tributum est, quem deinde sequuti sunt Ivo, & Gratianus. Sane si auctoritati Burchardi fidere possemus, forte adduceret eo, ut arbitraret, illud fragmentum Concilio Triburiensi attribui posse. Verum cum, sæpissime expertus sum malam Burchardi fidem, potius arbitror, Burchardum eo in loco plurimum Conciliorum sententias pertrinxisse, nomineque Concilii Triburiensis eisdem edidisse; præsertim cum neque in vulgatis Concilii Triburiensis exemplaribus, neque apud Reginonem, qui Concilii Triburiensis tempore vivebat, tale quidpiam legamus. Præcipue vero exitimo, respexisse Burchardum ad Concilium, seu Capitulare Aquisgranensē II. anni 836. tit. de vita, & doctrina inferiorum ordinum cap. 1., ubi hæc habentur: *Ut Abbates Canonici gregibus sibi commissis instanter invigilent, & geminam eis portionem impendant, idest cibi, & verbi, quatenus absque murmurationis vitio Domino servire valeant: simul etiam, ut prædicti Abbates Ecclesiastica jura intemerata custodiant, videlicet ut cognoscant, cujus prænomine notentur in eo, quod Abbates vocati sunt, quod & intelligitur in typo Christi, nomen spiritualis Patris. Ideoque semetipsos nomini, quod accipiunt, conforment, ut subditis, & spiritalibus filiis exemplum præeundo, & informando religiose exhibeant. Ideoque non convenit ministerio ipsorum aliqua turpia, aut secularia, vel etiam inania quæque seclari, quæ contra religionem esse noscuntur, sed potius canonice, religiose, caste, sobrie, atque pie, & iuste vita eorum omnibus sibi commissis æternæ felicitatis ducatum præbeat, & in quantum ipsi Abbates, Abbatumque subiecti Episcopis propriis pro se, suisque omnibus rationem reddituros noverint, tanto eorum consilio, atque auctoritate modis omnibus mancipentur. Hinc forte Burchardus, qui Francorum Capitularia nolebat referre nomine proprio, aliis Conciliis illorum fragmenta attribuit, paullo aliter aliquando descripta. Revera autem hujusmodi canon consonat cum Ecclesiastica disciplina septimi, & octavi sæculi; tunc enim obtinebat, ut siquando quisquis Abbas negligens foret in regimine suo, is & auctoritate Episcopi, & ceterorum Abbatum consilio removeretur. Sæculo sexto solius Episcopi arbitrio Abbates de crimine suspecti removebantur, quemadmodum constat ex Concilio Epaonensi anni 517., ubi can. 19. hæc leguntur: *Abbas, si in culpa reperiatur, aut fraude, & innocentem se asserens ab Episcopo suo accipere noluerit successorem, ad Metropolitani judicium deducatur*. Primum, ut arbitror, in Concilio Turonensi II. anni 567. factum, ut non aliter Abbas ab officio dejiceretur ab Episcopo, nisi propinquorum Abbatum consilio, quippe in can. 7. ita habetur: *Ut Episcopus nec Abbatem, nec Archiepiscopum sine omnium suorum Compresbyterorum, & Abbatum consilio de loco suo presumat ejicere &c.* Huc etiam pertinere potest Decretum admodum simile Gratiano canon, quod legitur in can.*

can. 4. Concilii apud Celichyth anni 816. ibi: *Ut habeat unusquisque potestatem in sua propria Diocesi Abbatem, vel Abbatissam eligere, & hoc cum consensu, & consensu familie, & ab omnibus diligenter inquiratur, & investigetur. Castitas hujusmodi ab omnibus capitalibus delictis immunis habeatur; idest ut nec in occisione hominis, aut præcreandis filiis, vel etiam in graviore, & publico furto sit coinquinatus, sed intra Claustra Monasterii regulariter suam vitam duxerit. Prudens, & acutus in sermone, ne per ejus instantiam, & taciturnitatem grex ei commissus, & iterum aspiciat Episcopus, ut pro illius amore, vel competenti pecunia, aut ex propinquitate quis plus eligatur, quam decet. Hæc ullatenus sine consensu familie, nec familia sine concordia Episcopi, sed in unum conjunctis, & secundum ordinem per omnia increpare permittatur, & habeatur.*

.. Canonem 4. cau. 23. qu. 8. primus Concilio Triburiensi adscripsit Burchardus, can. 4.  
cau. 23.  
qu. 8. quem deinde de more suo sequuti sunt Ivo, & Gratianus. Nulla tamen præstanda fides est Burchardo, utpote qui inscriptiones canonum immutasse frequentissime deprehenditur, cum alias neque apud Reginonem, neque in vulgatis Concilii Triburiensis exemplaribus idem canon reperiatur. Ego suspicor, Burchardum jungere in hoc fragmento voluisse tria fragmenta Herardi Turonensis, qui in Capitulari suo hæc scribit cap. 50.: *Ut Presbyteri & Diaconi, si in bella cum armis processerint, ita deponantur, ut nec Laicam communionem habeant. In cap. 113. Ut Clerici in quacumque seditione arma detulerint post depositionem gravi poenitentia in carcere retrudantur; aliter si armis, sagis, vel sabelis usi fuerint, deponantur. In cap. 134. De his, qui sibi quacumque negligentia mortem inferunt, aut pro suis sceleribus puniuntur, nulla pro eis fiat oblatio, nec cum psalmis ad sepulturas ducantur. Hæc omnia Herardus ex Capitularibus Regum Francorum depromserat, quod occasionem præbere potuit Burchardo, ut & sententiam aliis verbis exprimeret, & inscriptionem fragmentorum immutaret, a nomine Francorum Capitularium abstinens de more suo, quemadmodum sæpe animadvertimus. Revera hujus canonis sententia maxime conveniebat temporibus Caroli Magni, cujus tempore Clerici quamplures armis tractandis dediti erant, atque alacriter belligerabant: Quare opus fuit suasionibus Episcoporum, ac præsertim Leonis Papæ III., ut Carolus Magnus lata lege prohiberet Episcopis, & Clericis, ne ad bella proficiscerentur, uti deducitur ex Capitulari anni 803., cujus fragmentum refertur in lib. 7. Capitularium cap. 142., quo etiam fragmento abuti potuit Burchardus in laudato capite referendo; ibi enim dicitur, neminem ex Clericis debere arma suscipere, & progredi ad bella, nisi forte duo, vel tres sint necessarij causa Sacramentorum militibus administrandorum; atque inter cetera absurda, quæ ex Clericorum militia emergebant, illud recensetur, quod plures ex Clericis ea occasione cæderentur, & quod Ecclesiarum bona facile exinde diriperentur. Postea ita concluditur: *Quod si quis fecerit tam nostris, quam & successorum nostrorum temporibus, pænis sacrilegij subiacet, & a Nobis, atque Successoribus nostris, nostrisque Judicibus, vel Comitibus sicut sacrilegus, & homicida, vel fur sacrilegus legaliter puniatur, & ab Episcopis nostris anathematizetur, ita ut mortuus etiam sepultura, & cunctis Dei Ecclesiæ precibus, & oblationibus careat, nec elemosinam suam quisquam recipiat. Quis in illis verbis non agnoscat dictum canonem Gratianum 4. cau. 23. qu. 8., licet paullo aliter a Burchardo de more suo descriptum? Quamquam vero plurimum adhuc interest sedulo in ejusdem canonis interpretationem incumbere, Tria potissimum in eo continentur: in primis, si Clericus**

ricus in bello, rixave moriatur, aut in gentiliū ludis, neque in oblatione ejus, neque ei in orationibus esse communicandum. Secundo statuitur, in manus judicis incidere debere. Postremo concluditur, eundem non esse sepultura privandum.

Quod spectat ad primum, nulla dubitatio est, non licere Clericis belligerare, rixas, seditionesve concitare, concitatasque fovere, quibus pacatus semper esse animus debet, imo, si fieri potest, quorum opera atque consilio homines potius hominibus infensi reconcilientur. Atque id jam satis, & perspicue probant laudata Francorum Capitularia, ut alia quamplurima omittam antiquissima monumenta, ex quibus laudare possem canonem 2. dist. 90. Etiam a ludis gentiliū celebrandis avertentur fideles indicta excommunicationis pœna, uti ex Concilio Aurelianensi II. anni 533. can. 20. facile demonstrari posset, & similibus bene multis.

Secunda canonis pars jubet seditiosos Clericos in manus incidere judicis. Arbitror Burchardum hoc in loco voluisse perstringere sententiam canonis 5. Antiocheni, in quo de seditioso Clerico hæc statuuntur: *Quod si Ecclesiam conturbare, & sollicitare perstiterit, tamquam seditiosus per potestates exterius opprimatur*; quæ verba foris idem Burchardus legerat in Capitularibus Regum Francorum lib. 5. cap. 26., & lib. 7. cap. 11.

De sepultura seditiosorum Clericorum forte dubitatio suboriri posset, cum videatur sepultura eorum negligenda esse juxta recentiorē disciplinam, qui excommunicati dicuntur, & quorum oblatio non recipitur. Verum oportet potius ad disciplinam illam respicere, quæ Burchardi ejusdem tempore obtinebat. Nondum enim ætate usus erat Ecclesiasticæ sepulturæ, cum vetitum esset mortuorum cadavera in Ecclesiâ sepelire, nisi forte eorum, quos insignis vitæ Sanctimoniam commendasset, eodem fere modo, quo apud nos separatis in locis, ejusque sacrationibus illorum cadavera reconduntur, qui nostra ætate insigni sanctitatis specimen præbuerunt. Ergo tunc sepulturæ ratio tanta non erat, ut facile denegari posset, cum ut plurimum extra Ecclesiam fieret, præsertim in atrio, aut in porticu. Quamquam vero duplex erat sepultura, alia, quæ sacris cantibus celebrabatur, alia omnino privata; & sine ullo sacro ritu, statisque publicis cæremoniis, ut siquid excommunicatus decederet, is quidem tumularetur, ita tamen, ut sine cantu, sacrisque ritibus sepulturam haberet. Deducitur id ex Concilio Bracarensi I. cap. 16. ibi: *Placuit, ut hi, qui sibi ipsis aut per venenum, aut per præcipitium, aut suspendium, vel quolibet modo inferunt mortem, nulla pro illis in oblatione commemoratio fiat, neque cum psalmis ad sepulturam eorum cadavera deducantur. Multi enim sibi hoc per ignorantiam usurparunt. Similiter & de his placuit fieri, qui pro sceleribus puniuntur.* Itaque, quod Burchardus restitit ex Concilio Triburiensi, ut mortui in seditione sepultura darentur, de ea intelligitur, quæ sine divina psalmodia, aliisque religiosis ritibus fieri solebat.

Can. 7.  
cau. 29.  
§ 2.

Canon 7. cau. 9. qu. 2. minime legitur in Concilio Triburiensi. Primus Burchardus omisissis verbis illis *questum est*, quemadmodum Romani Correctores observaverunt, attribuit Concilio Triburiensi. Verum cum ipsamet fragmenti verba ad instar narrationis cujusdam exarata sint, videntur non edita fuisse in eodem Concilio, sed potius a posteriore canonum Collectore composita. Illud sine certum est, media ætate, quum leges Longobardorum vigerent, in usu fuisse, eas, quæ servos habuissent maritos, in servitutem etiam redigi, uti patet ex lib. 2. legum Longobardorum tit. 12. num. 2. ibi: *Si aldia, aut libera in cosa aliena ad maritum intraveris,*

rit, & servum ad maritum tulerit, libertatem suam amittat. Quod idem etiam habetur in Capitulari Francico anni 819. ad interpretationem Legis Salicæ num. 3. editionis Capitularium Parisiensis anni 1677. tom. 1. pag. 608. Quæ tamen disciplina tum demum obtinebat, ubi sciens uxor sese servo viro copulasset, non vero ubi illa in liberum, uti credebatur, hominem confensisset. Atque isthæc sententia, potuit in Concilio Triburiensi ab Episcopis pronunciari, non ut in canonem referretur, sed potius dum alium canonem condituri essent, qui est trigessimus 8. inter editos ibi: *In decretis Papæ Leonis cap. 8. scriptum est: Non omnis mulier vivo juncta uxor est viri, quia nec omnis filius hæres est Patris. Nuptiarum autem fœdera inter ingenuos sunt legitima, & inter æquales. Itaque aliud concubina, aliud uxor, sicut aliud ancilla, aliud libera. Igitur si quis filiam suam viro habenti concubinam in matrimonium dederit, non ita accipiendum est, quasi eam conjugato dederit, nisi forte, illa mulier & ingenua sit facta, & dotata legitime, & in publicis nuptiis honestata videatur.* Unde paternam sequentes auctoritatem sub presentibus hujus sancti catalogo Concilii statuimus, & libere judicamus, ut quisquis liber libertam, hoc est ex ancilla per manumissionem, & regalem largitionem liberam factam legitime in matrimonium duxerit, ulterius habere debeat, tanquam unam ex nobili genere progenitam, excepta fornicationis causa; & quamdiu illa vivat, nullam aliam accipiat. Est igitur, ut ex Decretis Papæ Leonis prædiximus, ingenua facta, & dotata legitime, & in publicis honestata nuptiis, & propterea jam non est concubina, sed uxor legibus acquisita. Hæc eadem lex pro qualitate sexus sit feminis, & viris libertas. Videtur hæc ad eandem ferme materiem pertinere, ad quam pertinet dictus canon 7. apud Gratianum; ac propterea facile evenire potuit, ut Burchardus, qui Gratiano auctor extitit, ea retulerit, quæ in Concilio Triburiensi ante constitutionem canonis proponendo, vel differendo dicta fuissent. Quod si forte cuipiam non placeant hujusmodi conjecturæ, alium demonstrabo locum, ex quo forte Burchardus fragmentum ejusmodi elucubrare potuerit. Opera Jacobi Sirmondi prodierunt canones quidam incerti loci, qui deprompti sunt ex Codice MS. quodam Rhemeni, ubi postpositi fuerant canonibus Concilii Parisiensis V. anni 615, quos propterea canones idem Sirmondus editos suspicatur circa tempora ejusdem Parisiensis Concilii. (Habentur apud Labbeum in tomo 6. Venetæ editionis pag. 1393.) Porro in illis numero 14. hæc leguntur. *De ingenuis, qui se pro pecunia, aut alia re vendiderint, vel oppignoraverint, placuit, ut quandoquidem pretium, quantum ipsis datum est, invenire potuerint, absque dilatione ad statum suæ conditionis reddito pretio reformentur, nec amplius, quam pro eis datum est, requiratur. Et interim si vir ex ipsis uxorem ingenuam habuerit, aut mulier ingenuum habuerit maritum, filii, qui ex ipsis nati fuerint, in ingenuitate permaneant.* Ex his nemo non videt, eandem propemodum proferri sententiam, quæ habetur apud Gratianum in dicto canone 7. cau. 29. qu. 2., ut propterea liceat suspicari, Burchardum, qui primus eundem canonem nomine Concilii Triburiensis edidit, ex hoc forte Concilio incerti loci descripsisse, & aliis verbis recitasse, quod Burchardo non infrequens fuit.

Falso inscriptum fuit nomen Triburiensis Concilii ad canonem 5. cau. 31. qu. 1. *Can. 5. Romani* Corredtores observarunt apud Ivonem & Burchardum idem fragmentum. *cau. 31. Concilio Meldensi* esse tributum, in quo Concilio hæc leguntur cap. 69. *Is, qui qu. 1. vivente marito conjugem illius adulterasse accusatur, & eo in proximo defuncto eandem sumfisse dignoscitur, omnimodis publicæ penitentiae subigatur, de quo etiam post peniten-*

*nitentiam prefata, si expedierit, servabitur regula; nisi forte idem, aut mulier virum, qui mortuus fuerit, occidisse notentur, aut propinquitas, vel alia qualibet adia criminalis impediatur. Quod si probatum fuerit, sine ulla spe conjugii cum penitentia perpetuo maneant. Si autem negaverit, se eandem feminam vivente marito nequaquam adulterasse, & prefati homicidii nemo eorum reus extiterit, & probatis testibus neuter eorum convinci poterit, purgent legaliter famam suae opinionis, & sumto utantur conjugio, si alia, ut diximus, non praepedit ratio.* Hæc sane verba eadem videntur esse cum iis, quæ Gratianus describebat. Quænam vero ratio esse potuit Gratiano, ut hunc Meldenfis Concilii canonem Triburiensi potius Concilio tribueret, facile conjicio. Etenim Gratianus in canonibus describendis ut plurimum sequutus est Collectionem Ivonis. In Collectione autem Ivonis parte 8. cap. 201., ubi hoc ipsum caput ex Concilio Meldensi laudatur, atque describitur, ad marginem hæc adjecta sunt: *Ex Concilio Triburiensi cap. 51., quæ additio ab aliquo forte studioso facta occasionem dedit Gratiano, quæ Meldensem canonem Triburiensi Concilio addiceret, putanti marginalem lectionem meliorem esse, imo etiam emendandæ interioris lectionis causâ factam.* Atque id studiosus quispiam fecerat, ut indicaret, simile quidpiam legi in cap. 51. Concilii Triburiensis, ubi hæc habentur. *Illud vero communi decreto secundum canonum instituta definimus, & præjudicamus, ut si quis cum uxore alterius, vivente eo, fornicatus fuerit, moriente marito synodali judicio aditus ei claudatur illicitus, ne ulterius ei conjugatur matrimonio, quam prius polluit adulterio.* Nolumus enim, nec Christianæ religioni oportet, ut ullus ducat in conjugium, quam prius polluit per adulterium. Similia quædam leguntur in cap. 40. ejusdem Concilii.

Hoc autem in loco dissimulare non possum, ex prava hujus canonis interpretatione, vel scriptione a Gratiano disciplinam Ecclesiasticam veterem fuisse immutatam, aut saltem datam occasionem, ut ab aliis, qui nimium huic Collectori fiderent, immutaretur. Viguerat jam a diuturno tempore usque ad Gratianum, provida sacrorum canonum dispositio, ut qui uxorem alienam aliquando per adulterium polluisset, non posset ullo tempore, ne marito quidem vita functo, eandem uxorem habere, quemadmodum recte colligitur ex dicto canone 51. Triburiensi, necnon ex l. 11. §. 11., & l. 40. ff. ad leg. Jul. de adulter., item ex Novella 134. cap. 12., quibus etiam consonat S. Augustinus relatus in can. 2. cau. 31. qu. 1., dummodo particula negativa a Gratiani exemplaribus dematur juxta fidem optimorum exemplarium, quemadmodum in suo loco animadvertam. Gratianus primus fuit, qui hanc veterem jurisprudentiam antiquare studuit, docuitque tum demum non valere matrimonium inter adulteros, si vel adulterii tempore data fuerit fides futuri conjugii, vel in mortem conjugis moliti quispiam adulteri fuerint; quod tamen non ex recta interpretatione vetustorum canonum deduci poterat, sed ex simplicitate, vel imprudentia ipsius Collectoris. Præ oculis habuit Gratianus dictum caput Concilii Meldensis, ubi exceptio illa legitur: *nisi forte idem, aut mulier virum, qui mortuus fuerat, occidisse noverint*, ex quibus ratus est eo demum in casu adulteram adultero non posse matrimonio jungi, quo in mortem viri uterque conspirasse feratur. At alio pertinet canonis Meldensis sententia. In cap. 65. Concilii Meldensis decretum fuerat de raptoribus, ut ipsi publicæ penitentia addicerentur, post publicam vero penitentiam eisdem permitteretur, ut non cum raptâ, sed cum alia quacumque inire matrimonium possent can. 10. cau. 36. qu. 2.

*Idem*

Iidem Meldenſes Patres in diſto cap. 69. voluerunt, adulterum publicæ poenitentię ſubjici, de quo etiam præſata, ſi expedierit, ſervabitur regula, quæ verba ita interpretari debemus, ut præcedentibus congruant, ſcilicet canoni 63., videlicet, ut adulter poſt peractam publicam poenitentiam non cum adultera, ſed cum alia conjugium inire poſſit, hac adjeſta exceptione: *niſi forte idem, aut mulier virum, qui mortuus fuerat, occidiſſe noſentur*; hac enim in ſpecie non ſolum cum adultera, ſed etiam cum quavis alia inire conjugium adulter prohibebitur; neque novum eſt in jure Eccleſiaſtico ob enormia quædam ſcelera conjugia generari alicui prohiberi, quemadmodum ipſum Meldenſe Concilium in cap. 67. de raptoribus Sanctimonialium ita ſtatuit: *Uterque autem ſine ulla ſpe uxoriæ copulationis perenniter maneat*. Verum quid poſteriore tempore operata non eſt Gratianæ collectionis exiſtimatio? Gratiani interpretatio ſubjeſta ad canonem 3. cau. 32. qu. 1. apud Doctores etiam graviffimos adeo valuit, ut illi pronunciaverint, tum demum adulterorum conjugia a ſacris canonibus prohiberi, quum adulteri aut fidem de futuro matrimonio dederunt, aut in mortem conjugis conſpirarunt, quæ opinio tandem juſticienſium placitis confirmata eſt, atque adprobata.

Canon 24. cau. 32. qu. 7. falſo etiam laudatur nomine Concilii Triburienſis, Can. 24. cau. 32. qu. 7. cujus verba potius leguntur in Concilio Vermerienſi anni 752., atque ex eo Concilio reſertur apud Burchardum lib. 17. cap. 11. En verba canonis 10. Vermerienſis, qualia hodie habemus in editis exemplaribus. *Si filius cum noverca ſua, uxore patris ſui dormierit, nec ille, nec illa poſſunt ad Conjugium pervenire. Sed ille vir, ſi vult, poteſt aliam uxorem habere, ſed melius eſt abſtinere*. Et in canone 11. *Siquis cum filiaſtra ſua dormierit, ſimili ſententia ſtare poteſt, & cum ſore uxoris ſuæ ſimili modo ſtare poteſt*. Sane Burchardus, & Gratianus paulo aliter duos hoſce Vermerienſes canones retulerunt, ac brevius illorum ſententiam ita explicarunt, utliceret conjugii inſonti alium conjugem ſibi matrimonio jungere, quod tamen minus probarunt Vermerienſes Patres agentes: *Sed melius eſt abſtinere*, quam clauſulam, & Burchardus, & Gratianus penitus omiſerunt; atque id non miror præmiſiſſe Romanos Correſtores, quod illorum tempore nondum in lucem proditi fuiſſent Vermerienſes canones, quales hodie habemus. Itaque quotieſcumque quis cum noverca, filiaſtra, aut ſore uxoris concubuiſſet, conjux innocens tria peragere poterat: Et primum quidem perpetuæ continentię vacare; alterum conjugis rei ſocietatem evitare, & novas celebrare nuptias; poſtremum conjugis rei conjugio frui. Patres Vermerienſes primum faciendum laudarunt; potius vero, quam ad poſtremum res reduceretur, tamquam minus malum ſecundum permiferunt. Porro necesse eſt hoc in loco animadvertere, veterem fuiſſe Græcorum opinionem, aſſerentem matrimonia per adulterium conjugis, etiam quoad vinculum dirimi, donec aliter placuit Concilio Tridentino, quemadmodum tradit Cardinalis Pallavicinus in lib. 12. hiſtoriz cap. 4.; Quamobrem quouſque Viri Eccleſiaſtici Græcorum canonibus, & doctrinis imbuebantur, non ſatis aperte tradebant, poſt adulterium conjugis alterum conjugem innocentem a ſecundis nuptiis abſtinere debere, argumento canonis 8. Concilii Compendienſis, ſed id tanquam conſilium ſaluberrimum populo proponere, ac ſuadere ſtudebant.

Quispiam forte expedit hoc in loco rationem, qua motus fuerit Gratianus, ut laudatos Vermerienſes canones Triburienſi potius Concilio tribueret. Evenit, arbitror, hac in re, quod contigiffet adnotabam ad canonem 5. cau. 32. qu. 1. Laudatur

batur quidem apud Burchardum, sicut decebat, nomine Concilii Vermeriensis. Quidam studiosus ad marginem adnotaverat quadam non valde dissimilia legi in Concilio Triburiensi, aut saltem ad idem matrimonii dissolvendi propositum pertinentia. Gratianus de fragmentorum inscriptionibus parum sollicitus, omisso nomine Concilii Vermeriensis, arripuit potius marginale nomen Concilii Triburiensis, quod vel eo facilius accidere potuit, quod inscriptiones nominum apud Burchardum potius ad marginem appositæ haberentur, quemadmodum etiam hodie ad marginem adjectæ sunt in editis Burchardi codicibus. Quod porro simile habetur in Concilio Triburiensi, est in cap. 41. ibi: *Siquis legitimam duxerit uxorem, & impediende quæcumque domestica infirmitate uxorum opus non valens implere, cum illa; frater vero ejus suadente diabolo adamas ab ipsa, clanculum eam humilia-verit, & violatam reddiderit, omnimodo separentur, & a neutro ulterius eadem mulier contingatur. Igitur conjugium, quod erat legitimum, fraterna commaculatione est polluta, & quod erat licitum, illicitum est factum, & ut Hieronymus ait: Mulier duorum fratrum non ascendat thorum, si autem ascendit, adulterium perpetrabit. Quia vero humana fragilitas proclivis est ad labendum, aliquo modo muniatur ad standum. Idcirco Episcopus, considerata mentis eorum imbecillitate, post penitentiam sua institutione peractam, si se continere non possint, legitimo consoleatur matrimonio, ne, dum sperantur ad alta sublevari, corruant in cœnum.*

Can. 6. Canon 6. cau. 34. qu. 1. ex illis est, quos Regino Prumiensis, quem diximus  
cau. 34. forte in eodem Triburiensi Concilio præsentem adfuisse, ex eodem Concilio Tri-  
bu. 1. buriensi laudavit in lib. 2. cap. 206. Verum arbitror, Reginonem eo in loco non ipsa Triburiensis canonis verba, sed potius sententiam retulisse, quæ habetur in can. 43. Triburiensi ibi: *Siquis cum qualibet fornicatus fuerit, & eo nesciente filius ejus, vel frater ejusdem rei inscius cum eadem se polluerit, & postquam se pollutum esse cognoverit, confessus fuerit, & hoc se nescire cum juramento confirmaverit, quia hoc penituit, & confessus fuit, post peractam congruam penitentiam legitimo utatur matrimonio, ne iterum mordente crudelissima libidinis bestia saucietur, & in voraginem fornicationis incidere videatur. Nam, ut Hieronymus ait, ferreas mentes domat libido. Mulier vero, quæ tantum nefas commiserat, ulterius peniteat, atque continens, & innupta permaneat. Ex hoc generali canone Regino voluit sententiam aliis verbis exprimere singularem, proponendo sibi speciem peculiarem, quam ex hac deinde Triburiensi sententia definiret. Non omitam animadvertere, hunc eundem Gratiani canonem legi in Pœnitentiali Romano edito ab Antonio Augustino nomine etiam Triburiensis Concilii in tit. 3. cap. 5., ad quod Antonius Augustinus ita notat: *In Conciliis non inveni.* Huc referendus præterea est canon 10. cau. 34. qu. 1., qui apud Reginonem habetur in lib. 2. cap. 207. eisdem fere verbis, quemadmodum apud Gratianum, excepto postremo versiculo, in quo Regino ita scribit: *Cum fornicaria autem illa gravius agendum.* Ceterum adparet, ibidem Reginonem aliis verbis descripsisse sententiam eandem Triburiensis canonis 43. nuper memorati, unde deceptus Gratianus etiam ipse quasi Triburiensis Concilii verba recitavit. Atque hic rursum notare juvat in Pœnitentiali Romano edito ab Antonio Augustino, hunc eundem canonem legi in tit. 3. cap. 12., ubi tamen nullius Concilii inscriptio adjecta legitur, eisdemque verbis describitur canon, qualia leguntur apud Gratianum, non qualia apud Reginonem habentur.*

Rursum





Rursum etiam apud Reginonem in lib. 2. cap. 208. sequitur Concilio Triburiensi adscriptus canon 8. cau. 34. qu. 1. eisdem omnino verbis. At quis non videt, uti superius prænotabam, hisce in locis, distinctis facti speciebus Reginonem illustrare voluisse sententiam Triburiensem Episcoporum generatim expositam in dicto canone 43. ? Romani Correctores asserunt, simile quidpiam legi in can. 45. ex Triburiensibus. Etiam id verum est; ita enim ibidem legitur: *Simili modo secundum sanctos canones deſinimus, & iudicamus de eo, qui cum duobus fororibus fuerit pollutus, ut usque in exitum vite penitens, & continens permaneat. Soror autem, quæ posterior libidinis perforata aculeis, scienter se cum eodem commaculaverit, usque in finem vite penitens, & continens perduret. Si autem improvise contingit, condigna stringatur castigatione, & si velis, legitima conjungatur viri conjunctione.* Notant præterea Correctores Romani, simile quidpiam legi in canone 33. Concilii Wormatiensis anni 868. Ejus hæc sunt verba: *Siquis cum duobus fuerit fororibus fornicatus, aut cum his personis, de quibus sacra Scriptura prohibet, si dignam egerit penitentiam, & castitatis non valuerit continentiam sustinere, liceat ei legitimam in conjugio uxorem accipere. Similiter & mulier, quæ tali fuerit scelere lapsa, ut fornicationis non perducatur ad chaos, perſiciat. Sed hoc de laicis, viris, ac mulieribus solummodo statuimus.*

Can. 8.  
cau. 34.  
qu. 1.

Observant Romani Correctores ad canonem 9. cau. 34. qu. 1., illum legi in can. 63. Concilii Wormatiensis anno 868. celebrati. Sane dictus canon 63. fere consonat eum Gratiani fragmento; at nec ipse quidem dici potest primum exemplar, ad quod Gratiani canon sit referendus. Potius referendus erit ad Concilium, sive Capitulare Compendiense sub Pipino Rege habitum anno 757., in quo cap. 14. hæc leguntur: *Siquis cum matre, & filia in adulterio mansit, nesciente matre, quod cum filia sua mansisset, similiter & filia nescivis, quod cum matre sua esset, postea ille vir si acceperit mulierem, dimittat, usque in diem mortis suæ non habeat uxorem, & illa mulier, quam reliquerit, accipiat virum, & illa mater, & filia, cum quibus in adulterio mansit, ambobus nescientibus, quod cum matre, & filia mansisset, habeant viros. Nam si in notitiam illarum venerit hoc scelus, dimittant maritos, & agant penitentiam, & illarum mariti posteriores accipiant mulieres.* Hæc eadem verba translata inde sunt inter canones Concilii Wormatiensis, & in eadem Synodo recepta; quamobrem concludere jure possumus sententiam hanc in pluribus Conciliis admissam fuisse, sed primum in Compendiensibus Comitibus definitam. Sic originem Gratiani canonis inſpeximus. Causas nunc investigemus, ob quas Compendiensem canonem Triburiensi Concilio Gratianus adscripsit, & Burchardus cum Ivone Concilio Vermeriensi, imo & ipse Gratianus etiam Concilio Vermeriensi in can. 6. cau. 35. qu. 2. Facile est errata hujusmodi agnoscere ex Reginone, qui primus hoc fragmentum Collectioni canonum inseruit. Inſeruit, inquam, in lib. 2. de Ecclesiasticis Disciplinis cap. 219. hac adjecta inscriptione: *Ex eodem;* quam epigraphem pluribus præcedentibus capitibus adjecerat, videlicet cap. 218., 217., 216., 215., 214., 213. In cap. autem 212. laudaverat Regino caput 1. Concilii Vermeriensis, & caput 1. Concilii Compendiensis, quæ capita in unam, eandemque sententiam consonant; ac propterea sequentia capita, quæ cum hac Epigraphæ *Ex eodem* laudabantur, æque ad Compendiensem, atque ad Vermeriensem Concilium pertinere legentibus videbantur; hinc duo ex illis habentur in Concilio Vermeriensi, nempe cap. 213., & 214., alia habentur in Concilio Compendiensi, qualia

Can. 9.  
cau. 34.  
qu. 1.

X x x 2

qualia

qualia sunt cap. 216., & 217. Ergo apud illos, qui Reginonis collectionem sequebantur, ambigua erat inscriptio capitis 219., ac propterea Burchardo, Ivoni, & Gratiano in can. 6. cau. 35. qu. 2. visum potius est Vermeriense Concilium, quam Compendiense laudare. Sed præterea Gratianus descripturus canonem 9. cau. 34. qu. 1. in inscriptione dicti capitis 212. apud Reginonem non constitit, aut quod dubiam lectionem agnosceret, aut quod legendo idem caput excesserit, ac potius præ oculis habuerit antecedentia capita 211. 210., & alia, quæ ex Concilio Triburiensi apud Reginonem laudabantur, atque ideo occasionem hinc idem Gratianus arripuit tribuendi etiam Concilio Triburiensi dictum caput 219. Reginonis, five dictum canonem 9. cau. 34. qu. 1., nisi forte quispiam dicere velit, ideo Gratianum nominasse Concilium Triburiense, quod in eodem Concilio nonnullæ sententiæ essent illi canoni quoquo modo conformes, quemadmodum liquere potest ex canone 43., quem superius descripsi. Hic idem canon legitur etiam in Pœnitentiali Romano edito ab Antonio Augustino, nullo tamen præsignato nomine Auctoris.

Can. 12. & 30. de conf. dist. 1. leguntur, non in Triburiensi, sed potius in Moguntino Concilio anni 888. simul iuncti in cap. 9. his verbis. *Missarum solemnitas non ubique, sed in locis ab Episcopo consecratis, vel ubi permiserit, celebranda esse censuimus. Concedimus etiam, ut sicubi (quod nostris exigentibus culpis perplurimum est factum a Northmannis, seu alio qualicumque modo) Ecclesiæ fuerint incense, in Capellis Missas interim liceat celebrare, donec ipsæ Ecclesiæ restaurari queant. In itinere vero positis, si Ecclesia defuerit, sub divo, seu in tentoriis, si tabula Altaris consecrata, ceteraque Ministeria sacra ad id officium pertinentia adsunt, Missarum solemnitas celebrari permittimus.* Hæc primus Burchardus, post Burchardum Ivo, post Ivonem demum Gratianus ex Concilio Triburiensi laudarunt, forte quod apud Burchardum in uno, eodemque codice habiti fuerint descripti tum canones Moguntini, tum Triburienses, ut facile propterea Moguntini canones pro Triburiensibus usurparentur, & e converso. Atque hujus rei duplex esse potest conjectura. Primum, quod utrumque Concilium in finitimis locis fuerit celebratum, & forte ad utrumque convenientibus eisdem Episcopis Moguntinæ Provinciæ; Triburia enim prope Maguntiam sita dicitur. Secundo conjecturam præbet temporis propinquitas; siquidem Moguntina Synodus habita est anno 888., Triburiensis autem anno 895., ut proinde verosimile admodum sit, Triburienses canones Moguntinis continuæ serie adjectos ita, ut promiscue sumerentur, quemadmodum in aliorum Conciliorum canonibus, & collectionibus contigisse eruditi omnes apprime norunt.



## De Concilio Altheimensi.

Duo sunt hujus Concilii nomine relati Canones apud Gratianum:

- { Can. 1. cau. 18. qu. 1. pertinere videtur ad Concilium Altheimense II. anni 931.  
 { Can. 3. cau. 31. qu. 1. pertinere videtur ad Concilium Altheimense I. anni 916.

**A** Pud Althaim, seu, ut alii scribunt, Altheim Rhetiz pagum duo initio decimi seculi feruntur celebrata Concilia, alterum anno circiter 916., alterum anno circiter 931., quæ nonnulli omnino confundunt, contra quam Viris eruditissimis placuerit, inter quos est Pagius ad eosdem annos. Priori Concilio, scilicet habito circa annum 916., interfuisse dicitur Rex Corradus piissimus Princeps, item interfuisse Ortomenſis Episcopus tamquam Sedis Apostolicæ Delegatus, sive Johannis X. Pontificis Maximi Apocryfarius, præter Episcopos numero plures ad disciplinam ecclesiasticam reformandam. Alterum Concilium anni circiter 931. sub Henrico Germaniz Rege celebratum est, Episcopos convocantibus Hildiberto Moguntienſi Archiepiscopo, Roberto Archiepiscopo Trevirensi, & Unni Archiepiscopo Hameburgenſi. Hujus utriusque Concilii capita injuria temporum perierunt, paucis exceptis, quæ primum a Burchardo, dein ab Ivone, ac quædam etiam posterius apud Gratianum referuntur; imo ita apud hosce Collectores habentur, ut fere ignoremus, quæ unicuique Concilio sint peculiariter tribuenda. In editione Conciliorum Veneta 1730. ad annum 916. quædam Concilii prioris capita describuntur ex Burchardo, sed non universa. Inter ceteros omittitur canon 1. cau. 18. qu. 1., qui apud Ivonem, & Burchardum laudatur ex Concilio apud Altheim can. 36. Ego arbitrarer pertinere hunc canonem ad Concilium Altheimense posterius, sive anni circiter 931., etenim in præcedenti Concilio anni 916. non tot numero constituti sunt canones, ut trigessimus sextus numerari possit, quemadmodum Viri eruditi observaverunt; & quamquam Burchardus, & Ivo eundem canonem referant ad Concilium illud, in quo Rex Corradus interfuit, hoc tamen ex eo proficiscitur, quod, ut aiebam, utrumque Concilium plures minime distinxerint, & illorum capita omnino confuderint, eo potissimum tempore, quo omnia Ecclesiastica monumenta in obscuro mansisse notum est universis. De hujus canonis auctoritate ego nullatenus dubitandum censeo, vel sola innixus Burchardi fide, ac testimonio, qui paucis post idem Concilium annis floruit, quique ejusdem Concilii acta facile præ manibus habere integra poterat, cum in Regione scriberet a Rhætia minime distita. Unum apud Gratianum animadvertendum est, in illis verbis *vel habere visus fuerat*, quæ lectio consonat cum editis Burchardi exemplaribus, ita legi apud Ivonem: *vel habere jussus fuerat*, lectione sane non improbanda; etenim, ubi de Monachis agitur, siquæ ipsi possideant, præsumuntur Abbate jubente Monasterii nomine possidere. Porro si canonis sententiam consideremus, statuunt dicti Concilii Patres, quotiescumque contigerit Monachum in Episcopum consecrari, res acquisitas in Monasterio, eidem Monasterio cedere, eas vero, quæ ex agnatorum, amicorumque hereditatibus post adeptum Episcopatum obtineant

Can. 1.  
cau. 18.  
qu. 1.

obtentæ fuerint, ad Ecclesiam Episcopalem pertinere. Sunt hæc conformia vetustissimis disciplinæ Ecclesiasticæ institutis. Etenim quemadmodum Monachum decet omnia sua bona addicere Monasterio Nov. 76., & 123. cap. 38., ita Episcopum decet Ecclesiam, cui præsidet, hæredem habere, uti decretum est in l. 20. cod. de Episc. & Clericis, etiam si sermo fuerit de bonis minime intuitu Ecclesiæ acquisitis. Si enim Martyrum decedentium bona ex Principum piorum Constitutionibus olim ad Ecclesiam devolvebantur, ea ratione, ut refert Eusebius in lib. 2. de vita Constantini cap. 36., quod *defunctis utique molestum non erit, si cujus gratia nullum non discrimen subierunt, eam ipsis hæredem habere contingat*; pari causa Episcoporum bona universa Ecclesiæ concedi convenientissimum erat, pro qua illi enixe, dum viverent, universam operam, & labores suos omnes impenderant. Atque eo vel magis Altheimensis Concilii constitutio vim habere debuit eo tempore, quæ in Cathedralibus Ecclesiis rursus instaurari cæperat vita communis, quæ in desuetudinem propemodum abierat, veterem disciplinam restituenti Concilio Meldensi anni 845., quod deinde alia sequuta Concilia fuerunt; hinc qui Monachus ad Episcopatum promovebatur non tam conditionem monasticam immutare, quam de uno, ita dixerim, in aliud Monasterium transire videbatur. Quum vero jamdiu Imperatorum Constitutionibus definitum esset, Monachum de uno in aliud Monasterium transeuntem debere relinquere tempore translationis suæ bona, quæ possidere videtur, Monasterio derelicto, non autem bona, quæ postea fuisset adquisiturus, uti eruitur ex dicta Novella 123. cap. 42., hinc jure statutum est, ut Monachus ille, qui ad Episcopalem dignitatem promoveretur, debeat quidem apud Monasterium relinquere, quæ suæ translationis tempore possidere videbatur, cetera vero deinde ira adquirat, ut relinquat Ecclesiæ, quam administrandam, regendamque suscepit. Mutabatur ergo in hac parte non personæ conditio, sed hæredes. Vel enim Monachus, vel Episcopi qualitas efficiebat, ut qui Monachus, vel Episcopus esset, testari nuppiam posset; & alius erat hæres Episcopi ab hærede Monachi, cum Monacho Monasterium, Ecclesia Episcopo intestato succederet.

Can. 3.  
cau. 31.  
qu. 1.

Ad Concilium Altheimense l. anal 916. potius pertinet canon 3. cau. 31. qu. 1., ex capite 5. ejusdem Concilii tum a Burchardo, tum ab Ivone laudatus, cujus canonis sententia eo pertinet, ut quicumque se cum aliena uxore adulterio commaculasset, cum altera amplius jungi non valeret; & quidem id absolute, simpliciterque definitum adparet, quamquam Gratianus ad calcem ejusdem canonis adnotet, tum demum hæc esse intelligenda, vel si inter adulteros pactum de futuro matrimonio contrahendo intercesserit, vel si in mortem viri conspiratum fuerit. Hanc sine doctrinam, atque exceptiones primus Gratianus tradidit, quemadmodum superius animadvertebam ad canonem 5. cau. 31. qu. 1.

## CAPUT LXI.

555

### *De Concilio Erpfordienſi.*

Hujus Concilii nomine unicum fragmentum habemus apud Gratianum

{ *Can. 2. cau. 15. qu. 4. ad meliorem Codicum fidem exigendus.*

**E**rfordiz in Thuringia, & Provincia Moguntina, vulgo *Erfurt*, seu *Erfford* sub Pontifice Maximo Johanne XI. anno 932. celebratum est Concilium Provinciale convocante Ruitgero Treverensi Archiepiscopo, in quo quinque constituta Capitula sunt ad disciplinam Ecclesiasticam pertinentia, inter quæ num. 2. legitur canon 2. cau. 15. qu. 4., quem tamen Gratianus non integre retulit. Ea verba Concilii, ex quorum collatione facile unusquisque poterit de Gratiano catione judicare. *Placita secularia dominicis, vel aliis festis diebus, seu etiam in quibus legitima jejunia celebrantur secundum canonicam institutionem minime fieri volumus. Insuper quoque gloriosissimus Rex augmentum Christianæ Religionis concessit, ut nulla judicialia potestas licentiam habeat Christianos sua auctoritate ad placitum bannire septem diebus ante Natale Domini, & a Quinquagesima usque ad Octavas Paschæ, & septem diebus ante Nativitatem S. Johannis Baptiste (qui fuerint tunc temporis hi dies ante Nativitatem S. Johannis Baptiste, passim docent Interpretes ad cap. 4. de feriis), quatenus adeundi Ecclesiam, orationibusque vacandi liberius habeatur facultas.*

## CAPUT LXII.

### *De Concilio Salegunstadienſi.*

Canones Salegunstadienses apud Gratianum hi sunt:

{ *Can. 3. dist. 76. ad integros Concilii codices exigendus.*  
*Can. 24. cau. 2. qu. 5. paullo aliter legitur in integris Concilii exemplaribus.*  
*Can. 25. cau. 2. qu. 5. paullo aliter legitur in integris Concilii exemplaribus.*

**N**ON desunt, qui Salegunstadiense Concilium alio nomine Moguntinum appellaverunt. Scilicet Salegunstadium Oppidum erat in Diocesi Moguntina, ita nuncupatum a quodam Salegasto Sapiente, aut quemadmodum alii malunt, a Salicis Populis, & Salingis. In hoc Oppidum anno 1022. convenerunt sub Archiepiscopo Moguntino Aribone Episcopi quinque, inter quos aderat Burchardus Wormariensis Episcopus, qui tum apud omnes rerum ecclesiasticarum peritissimus audiebat, quique celebratissimam sacrorum canonum collectionem adornavit. Ibidem plura sacræ disciplinæ capita viginti canonibus constituta sunt, quorum secundum legimus apud Gratianum in can. 3. dist. 76., cujus verba omnino consonant cum *Can. 3. dist. 76.*

integris

integris ipsius Concilii exemplaribus, quoties a Gratiani editionibus ea demantur, quæ demenda esse dixerunt Romani Corredtores, licet ab ejusdem canonis sententia minime aliena.

Can. 24. cau. 2. qu. 5. habetur in capite 7. Saleguntadiensi, cujus hæc sunt verba paullo aliter apud Gratianum descripta. *Interrogatum est, si duo in adulterio inculpatis forent, & unus prosteretur, & alter negaret, quid inde agendum esset. Decretum est etiam a Sancto Concilio, ut ille, qui negaveris, probabili judicio se expurget, & qui professus fuerit, digne penitentiam agat.*

Can. 25. cau. 2. qu. 5. In canone 14. ejusdem Concilii hæc leguntur: *Statuit quoque Sancta Synodus, si duo de adulterio accusati fuerint, & ambo negaverint, & orant sibi concedi, ut alterum (putant quidam legendum esse alter) illorum utroque divino purget judicio, si unum in hoc deciderit, (putant quidam legendum esse: si unus in hoc deciderit) ut ambo rei habeantur. Hujus definitionis ratio in eo sita esse videtur, quod maxime deceat eos, qui sese alieno discrimini sponte, & libere commiserunt, eundem cum aliis fortis exitum nanciscantur.*

## C A P U T L X I I I.

### De Conciliis Urbani II. Pontificis Maximi.

Nonnulla sunt tempore Urbani II. Pontificis Maximi celebrata Concilia, quæ satius duxi uno singula capite completi, eo quod sæpius contigit, ut eorundem Conciliorum decreta apud Gratianum Urbano II. eidem tribui soleant.

Ex Concilio Melphitano in Apulia. { Can. 10. dist. 32. consonat cum vulgatis Concilii exemplaribus.  
Can. 12. dist. 32. consonat cum vulgatis Concilii exemplaribus.  
Can. 3. cau. 1. qu. 2. ex diversis fragmentis compositus.

Ex Concilio Trojano. { Can. 4. cau. 35. qu. 6. consonat cum vulgatis Concilii exemplaribus.

Ex Concilio Beneventano { Can. 4. dist. 60. falso a nonnullis adscriptus Urbano I. Pontifici.

Ex Concilio Placentino. { Can. 2. dist. 70. consonat cum aliis Urbani II. sententiis.  
Can. 4. dist. 76. consonat cum vulgatis Concilii exemplaribus.  
Can. 108. cau. 1. qu. 1. consonat cum can. 3., & 4. Placentino.  
Can. 5. cau. 1. qu. 3. fere consonat cum can. 1., & 2. Placentino.  
Can. 1. cau. 1. qu. 5. consonat cum can. 5. 6., & 7. Placentino.  
Can. 5. cau. 9. qu. 1. referendus ad canones 8. 9. 10. 11., & 12. Placentinos.

Additur

Additur nomine Concilii { *Can. 7. cau. 16. qu. 2. forte pertinet ad Concilium Placentinum. Faventini.*

Ex Concilio Claromontano, seu Arvernensi. { *Can. 1. dist. 60. consonat cum vulgatis Concilii exemplaribus.*  
*Can. 4. cau. 1. qu. 3. varius in diversis exemplaribus.*  
*Can. 46. cau. 12. qu. 2. varius in diversis exemplaribus.*  
*Can. 6. cau. 16. qu. 2. in parte referendus ad Concilium Nemausense.*

## De Concilio Melphitano in Apulia.

**I**N primis auctoritate Urbani II. celebratum est Concilium Melphitanum anno 1089., vel ut aliis lubet 1090., in Melphia scilicet Apuliz Civitate, ubi interfuerunt septuaginta Apulensium, Calabrorum, ac Brutiorum Episcopi una cum Rogerio Apuliz Duce, & Abbatibus duodecim, non tamen ipsemet Pontifex Maximus. Quæ ibidem ad stabiliendam disciplinam Ecclesiasticam fere collapsam occasione præsertim dirissimi schismatis edita sunt, sexdecim canonibus continentur, ex quibus numero duodecimus est canon 10. dist. 32., cujus hæc sunt verba: *Can. 10. dist. 32. Porro eos, qui in Subdiaconatu uxoris vacare voluerint, ab omni sacro ordine removemus, officio, atque beneficio Ecclesie carere decernimus. Quod si ab Episcopo communiti non se correxerint, Principibus licentiam indulgemus, ut eorum faminas mancipent servituti. Si vero Episcopi consenserint eorum pravitatibus, ipsi officii interdictione muldentur.* Numero autem tertius est canon 12. dist. 32. his verbis: *Can. 12. dist. 32. ad sacrum ordinem permittatur accedere, nisi aut virgo, aut probata sit castitatis, & qui usque ad Subdiaconatum unicam, & virginem uxorem habuerit.* Ex his porro canonibus liquet, incontinentiam Clericorum ea ætate valde detestabilem fuisse, ut opus propterea fuerit latis legibus, & Clericos, ubi non paruerint, & Episcopos, ubi neglexerint, castigari. Nomine sacri ordinis, de quo in hoc canone mentio fit, nondum intelligebatur Subdiaconatus, quemadmodum deduci facile potest ex can. 4. dist. 60., qui est ejusdem Urbani II. Verumtamen eadem fere continentiz lex & pro Subdiaconis erat constituta; nam in precedenti canone Melphitano, videlicet quarto, hæc leguntur: *Sacrorum statuta canonum renovantes præcipimus, ut a tempore Subdiaconatus nulli liceat carnale commercium exercere. Quod si deprehensus fuerit, ordinis sui periculum sustinebit.*

In eodem Concilio canone 6. hæc leguntur: *Nullus Abbas, nullus Ecclesiarum Præpositus, quæ juris sunt Ecclesiastici accipere sine Episcopi concessione presumat.* Ex in can. 7. *Nullus Abbas pretium exigere ab eis, qui ad conversionem veniunt, aliqua placiti occasione presumat.* Hæc indicant sæculo undecimo Ecclesie apud Monachos Simoniz vitium irrepisse, item Monachos eosdem Clericorum bona impune occupavisse, præsertim cum laici, qui Clericorum odio ecclesiastica bona aliquando diripuerant, potius Monachis concedere, quam Clericis restituere mallerent. Id describit ad rem Johannes Diaconus Romanæ Ecclesie Cancellarius in Epistola ad Abbatem Molisfensem, huic Melphitano Concilio in Venera Labbeana editione subjecta, ibi: *Omnes Ecclesiarum res in manu Episcoporum canonica decreta consueant. Sed præteritis temporibus Principibus secularibus licuit etiam Ecclesias Monasteriis*

Tom. I.

Y y

steris

ferius tradere. Hac vero licentia magis laxè Principes usi sunt, ut etiam Ecclesias Monachis venderent. Hoc Papa Gregorius VII. acriter prohibuit, propter quam prohibitionem Episcopi Monasteria acrius spoliare cœperunt. Unde idem moderatione hac uti voluit in Concilio antepenultimi anni sui, ut quæcumque res, vel Ecclesiæ ante ipsum Concilium a Principibus datæ Monasteriis fuerant, in eorum possessione persisterent. Post hæc secundo Pontificatus sui anno Dominus noster Urbanus Papa Concilium apud Melphitam Urbem Apuliæ celebravit. Sed quia Gregorii Papæ præcepta Henricianæ persecutionis urgente periculo minus celebrata fuerat, ipse quoque Dominus Urbanus Papa præcepit in eodem Concilio Melphitano, ut quæ usque ad illud Concilium per Principes data Monasteriis fuerant, firma, & integra permanerent; de cetero Abbates ab acquisitione hujusmodi abstinere. Hæc simul juncta, simulque observata nobis clare exhibent sententiam canonis 3. cau. 1. qu. 2., cujus priora verba plurimum consonant cum memoratis Concilii Melphitani canonibus sexto, & septimo. Cetera vero, quæ in dicto Gratiani canone subsequuntur, ex Gregorio Magno supplenda sunt, sive ex Concilio Romano, quod Gregorio Magno vulgo tribuitur. In eo hæc leguntur. Antiquam Patrum regulam sequens nihil unquam de ordinationibus accipiendum esse constituo, neque ex datione pallii, neque ex traditione chartarum, neque ex ea, quam nova per ambitionem simulatio invenit appellatione passelli. Quia enim ordinando Episcopo Pontifex manum imponit, evangelicam vero lectionem Minister legis, confirmationis autem ejus Epistolam Notarius scribit, sicut Pontifex non decet manum, quam imponit, vendere, ita Minister, vel Notarius non debet in ordinatione ejus vocem suam, vel calamus venumdare. Sed de hoc Romano Concilio, quod Gregorio Magno tribuitur, commodius differendum esse arbitratus sum in secunda hujus Operis Parte, ubi de Gregorio Magno, & ejus Operibus peculiariter agendum erit.

## De Concilio Trojano.

Aliud Urbani II. Concilium in Apulia celebratum memoratur in can. 4. cau. 35. qu. 6. Ignotum illud fuisse videtur Romanis Correctoribus; est autem Concilium Trojanum, ita a Troja Apulix Civitate appellatum, cujus meminit Petrus Diaconus in Chronico Cassinate lib. 1. cap. 7., ad quod Ivo Carnotensis ait convenisse Episcopos fere 75., Abbates vero 12. Vulgo referunt illud ad annum 1093., quamquam non desint, qui duo hujus nominis Concilia memorent, aliud anni 1093., aliud anni 1089., integra autem utriusque Concilii acta non adparent. Edidit unum Baluzius, & ex Baluzio auctor Collectionis Labbeæ Venetæ editionis ad annum 1093., cui duo tantummodo canones adscribuntur, quorum primus ita exprimitur. Secundo itaque die cum de quibusdam infra consanguinitatis lincæ copulatis altum fuisset, tandem consentientibus omnibus hoc super eis Capitulum promulgatum est. Episcopi quorum Diocesi sunt, eos usque in Pentecosten (legunt alii: usque in penitus) trina alvocatione conveniant. Tunc si duo viri, vel tres consanguinitatem jurejurando firmaverint, vel ipsimet forte confessi fuerint, conjugia dissolvantur. Si vero neutrum comigerit, Episcopi eos per baptismum Christi, per fidem Christi, per Christi Judicium in vera obedientia obtestentur, quatenus palam faciant, utrum se, sicut fama est, consanguineos recognoscant. Si negaverint, sibi ipsis relinquendi sunt, ita tamen, ut si aliud in conscientia habeant, se a liminibus Ecclesiæ, a Cor-

pore,



pore, & Sanguine Domini, a fidelium communione noverint segregatos, atque infames effluos, donec ab incestu facinore desinant. Si se iudicio Episcoporum segregaverint, si juvenes sunt, alia matrimonia contrahere non prohibeantur. Hæc sane omnia omnino consonant cum dicto canone 4. cau. 35. qu. 6.

## De Concilio Beneventano.

Veteres omnino latuit, canonem 4. dist. 60., qui nomine Urbani Papæ apud Gratianum refertur, ad Urbanum II. Pontificem pertinere. Innocentius III. in cap. 9. de etate, & qual. præfic., & in cap. 7. de servis non ordinandis ejusdem canonis meminit, ac si editus fuisset ab Urbano hujus nominis I. Romani Corredores incerti omnino fuisse videntur, retulerunt enim eundem canonem ad Concilium Beneventanum Victoris III., at in eadem Beneventana Synodo Victoris III., qualis habetur apud Leonem Ostiensem, nihil hujusmodi legitur. Hodie editi sunt canones quatuor, apud Labbeum ex veteri Romano MS., & apud Baluzium ex Codice quodam Ananienfi, seu Colbertino, Concilii Beneventani sub Urbano II. habiti anno 1090., in quo hæc leguntur can. 1. apud Labbeum. Nullus deinceps in Episcopum eligatur, nisi qui in sacris ordinibus religiose vivens inventus est. Sacros autem ordines dicimus Diaconatum, ac Presbyteratum. (Legit Baluzius: Diaconatus, atque Presbyteratus). Hos siquidem solos primitiva legitur Ecclesia habuisse: Super his solis præceptum habemus Apostoli. Subdiaconos vero, quia & ipsi Altaribus ministrant, opportunitate exigente concedimus, sed rarissime, si tamen spectata sint religionis, & scientiæ. Quod & ipsum sine Romani Pontificis, vel Metropolitanæ licentia non fiat. Legit Baluzius ex dicto Codice Colbertino: Quod ipsum non sine Romani Pontificis, vel Metropolitanæ licentia fieri permittimus. Ad istum canonem edendum ex eo forte permotus fuit Urbanus, quod videret non Subdiaconos tantum, sed & minores Clericos in Episcopalem dignitatem statim conscendere, non ex singulari merito, sed vel simoniacis concessionibus, vel ex indulgentia, ac sollicitudine illorum, qui ceteris dominari, aut pingues Ecclesiarum redditus sibi quoquo modo usurpare cupiebant.

## De Concilio Placentino.

Celebris est apud Collectores Conciliorum, & canonum Synodus Placentina, quam in Æmilia, sive, ut ajunt, in Lombardia Cispadana anno 1095. Urbanus II. celebravit ex Episcopis Italiz, Burgundiz, Franciz, Germaniz, Bajoariz, aliarumque Provinciarum, conflante tanta cum Laicorum, tum Clericorum copia, ut in apertum campum omnes convenire debuerint. In medium producta fuit Præxidis repudio rejectæ Imperatricis causa, item Simoniacorum, ac Clericorum incontinentium, alique similes ad disciplinam Ecclesiasticam pertinentes pluribus Canonibus definitæ. Vulgatæ Concilii hujus editiones quatuordecim canones exhibent; atque ab his abest Gratianus canon 2. dist. 70., quem tamen, ut notat Labbeus, exhibebat vetus MS. Codex Eminentissimi Francisci Barberini numero 15. his verbis: Sanctorum canonum statuta consona sentientes, decernimus, ut sine ritu

X y y 2

sola

falsa ordinatio irrita habeatur, & in qua quislibet titularus est, in ea perpetuo perseveret. Omnino autem in duabus aliquem titulari non liceat, sed unusquisque, in qua titularus est, in ea tantum Canonicus habeatur. Licet enim Episcopi dispositione unus diversis praeesse debeat Ecclesiis, canonicus, aut praebendarius, nisi unus tantum Ecclesiae, quae (forte ibidem ego arbitrarer esse legendum in qua) conscriptus est, esse non debeat. Siquae tamen Capellae sunt, quae suis redditibus Clericos sustinere non possint, earum cura, aut dispositio Praeposito majoris Ecclesiae, cui Capellae subditae esse videntur, imminet, & tam de possessionibus, quam & de Ecclesiasticis Capellarum officiis ipse provideat. Is, ut liquet, videtur esse Gratianus canon 2. dist. 70., dummodo MS. Barberino morem gerere omnino velimus. Ceterum cum in aliis ejusdem Concilii editionibus nihil tale habeatur, imo Bertholdus ejusdem temporis scriptor, qui omnium Placentinorum capitum sententias perstrinxit, nihil tale memoraverit, non est eidem Codici tanta fides praestanda, ut ex eo canonem ipsum tamquam certum, & prorsus indubium Placentini Concilii monumentum habere debeamus. Non erit tamen dubitandum ea, quae ibidem statuuntur, plurimum consonare cum sententiis aliorum Conciliorum Urbani II., videlicet Claramontani, in quo haec leguntur in can. 12., 13., & 14.: *Ut nulli Clericorum liceat deinceps in duabus Civitatibus duas praebendas obtinere, cum duos titulos non possit habere. Ut omnis Clericus ad eum titulum, ad quem primum ordinatus est, semper ordinetur. Ut nullus deinceps in una Ecclesia duos honores habeat.*

Can. 4.  
dist. 76.

Canon 4. dist. 76. est postremus, sive decimusquartus in vulgatis Placentini Concilii editionibus his verbis: *Statuimus etiam, ut jejunia quatuor temporum hoc ordine celebrentur. Primum jejunium in initio Quadragesimae; secundum in hebdomada Pentecostes; Tertium, & quartum in Septembri, & Decembri more solito fiant.* En originem hodiernae disciplinae, qua in Occidentali Ecclesia quatuor jejuniorum tempora celebrantur per hoc Occidentis fere universi Concilium constituta.

Can. 108.  
cau. 1.  
§ 11. 1.

Canon 108. cau. 1. qu. 1. referendus est ad canones 3. & 4. ejusdem Concilii Placentini. Postquam enim in can. 2. statutum fuisset promissiones pecuniarum, vel donationes intuitu sacrae ordinationis nullas unquam vires obtinere, ita subditur in can. 3. *Sicut tamen a Simoniacis non Simoniacae ordinati sunt, siquidem probare poterint, se, cum ordinarentur, eos nescisse Simoniacos, & tum (legunt alii: Si tunc tamen) pro Catholicis habebantur in Ecclesia, talium ordinationes misericorditer susinemus, si tamen laudabilis eos vita commendat.* Et in can. 4. *Qui vero scienter se a Simoniacis consecrari, imo execrari passi sunt, eorum consecrationem omnino irritam esse decernimus.*

Quod in canone 1. & 2. ejusdem Concilii legitur, habemus in can. 5. cau. 1.

Can. 5.  
cau. 1.  
§ 11. 3.

qu. 3., quem ante Romanam Correctionem Gratianus Gregorio Papae tribuerat. In canone enim 1. haec habentur: *Ea, quae a sanctis Patribus de Simoniacis statuta sunt, nos quoque iudicio eorum, & Apostolica auctoritate firmamus.* Et in can. 2. *Quidquid igitur in sacris Ordinibus, vel in Ecclesiasticis rebus vel data, vel promissa pecunia adpositum est, non irritum esse, & nullas unquam vires obtinere censuimus.* Ad hunc canonem repexisse videtur contemporaneus Auditor Bertholdus ita scribens de hoc ipso Concilio: *In hac quoque Synodo haeresis Simoniacorum penitus damnata est, ut quidquid in sacris ordinibus, & in Ecclesiasticis rebus data, vel promissa pecunia adpositum Simoniacae videretur, pro irritato haberetur, nullasque vires habuisse, & habere judicaretur.*

Can. 1.  
cau. 1.  
qu. 5.

In canone 1. cau. 1. qu. 5. complexus est Gratianus canones 5., 6., & 7. Placentinos. Canon 5. haec exhibet: *Quicumque sane cupiditate Parentum, cum adhuc parvuli essent,*

essent, Ecclesias, vel Ecclesiarum partes per pecunias adepti sunt, postquam eas omnino dimiserint, si canonice in eis vivere voluerint, pro misericordia ibidem eos esse censemus. Neque pro hoc fallo a sacris ordinibus removemus, si alias digni inventantur. In can. 6. Illi vero, qui per ipsos, cum majoris essent ætatis, nefanda cupiditate ducti eas emerunt, si in aliis Ecclesiis canonice vivere voluerint, servatis propriis ordinibus pro magna misericordia ibi eos ministrare permittimus. Quod si ad alias transferri fortasse non poterunt, & in eis canonice vivere promiserint, minoribus ordinibus contenti ad sacros ordines non accedant, salva tamen in omnibus Apostolica Sedis auctoritate. Et in can. 7. Siqui tamen ante emtionem catholice ordinati sunt, si ea, quæ emerunt, dimiserint, & vitam canonicam egerint, in suis gradibus permittantur. Nisi forte ejusmodi Ecclesia sit, ut ibi primum locum debeant obtinere. Primum enim, vel singularem, vel Præposituræ locum in emtis Ecclesiis eos habere non patimur.

Qui postea sequuntur canones, habentur apud Gratianum in can. 5. cau. 9. qu. 1., quem tamen cum can. 8., 9., 10., 11., & 12. semper conferre juvabit. Verba canonis 8. hæc sunt: Ordinationes, quæ a Guiberto hæresarcha factæ sunt, postquam ab Apostolicæ memoriæ Papa Gregorio, & a Romana Ecclesia est damnatus, irritas esse judicamus. In can. 9. Similiter etiam & eas, quæ a ceteris hæresarchis nominatim excommunicatis factæ sunt, & ab eis, qui Catholicorum adhuc viventium, Episcoporum Sedes invaserunt; nisi probare valuerint, se, cum ordinarentur, eos nefecisse damnatos. In can. 10. Qui vero ab Episcopis quondam quidem catholice ordinatis, sed in schismate a Romana Ecclesia separatis consecrati sunt, eos nimirum, cum ad Ecclesiæ unitatem redierint, servatis propriis ordinibus misericorditer suscipi jubemus, si vita, & scientia eos commendat. In can. 11. A modo vero quicumque a prædictis Schismaticis, sanctæque Romanæ Ecclesiæ adversariis se ordinari permiserit, nullatenus hac venia dignus habeatur. Et in can. 12. Quamvis autem misericordie intuitu, magnæque necessitate cogente, hanc in sacris ordinibus dispensationem constituerimus, nullum tamen præjudicium sacris Canonibus fieri volumus, sed obineant proprium robur. Et cessante necessitate, illud quoque cesset, quod factum est pro necessitate. Ubi enim multorum strages jacet, subrahendum est aliquid severitati, ut demus amplius claritati.

Can. 5.  
cau. 9.  
qu. 1.

## De Concilio Faventino.

Apud Collectores Conciliorum prorsus ignotum est Concilii Faventini nomen, quod memorat Gratianus in canone 7. cau. 16. qu. 2. hac Epigraphe: Item ex Concilio apud Faventiam habito. Quod autem ibidem habetur, ad Urbanum II. Pontificem Maximum ipse Gratianus retulisse videtur: Sic enim subjicit post dictum canonem 7. Ecce Urbanus Papa &c. Jamdiu itaque visum est eruditis, verba Gratianæ inscriptionis immutare, & loco illorum verborum apud Faventiam legere apud Placentiam. Sane in vulgatis Concilii Placentini editionibus hoc fragmentum minime legitur; parum tamen id refert, cum hodie omnes Conciliis ejusdem canones non extent amplius, sed deperierint, uti colligitur ex Bertholdo. Ceterum non desunt similes sententiæ, vel in aliis ipsis Urbani II. Conciliis, ex quibus deducatur canonem illum ad Urbani tempora, & sanctiones pertinere jure merito posse. In Concilio Melphitano superius memorato can. 6. hæc leguntur: Nullus

Abbas,

*Abbas, nullus Ecclesiarum Præpositus, quæ juris sunt Ecclesiastici, accipere sine Episcopi concessione præsumat. In Concilio Claromontano anni 1095. can. 7. hæc habentur: "Ut Altaria Congregationibus Canonicorum, vel Monachorum per personas data, mortuis personis libera redeant in manus Episcoporum, nisi fuerint illis per eorum scripta, vel privilegia confirmata. Sed & similia media ætate constituta in Ecclesiasticis conventibus fuerant. Sic in Capitulari Caroli Magni anni 822. can. 5. legitur: Abbatet autem, & Monachi omnimodis volumus, & præcipimus, ut Episcopi suis omni humilitate, & obedientia sint subiecti, sicut Canonica Constitutio mandat; & omnes Ecclesie, atque Basilicæ in Ecclesiastica defensione, & potestate permaneant. . . . Et Monachi ab Episcopo Provincie ipsius corripantur. Et in Concilio Moguntino anni 847. can. 14. Nullus Monachorum. . . Parochias Ecclesiarum accipere præsumat sine consensu Episcopi: De ipsis vero titulis, in quibus constituti fuerint, rationem Episcopo, vel ejus Vicario reddant, & convocati ad synodum veniant.*

## De Concilio Claromontano, seu Arvernico.

Inter Concilia Urbani II. celebratissimum præ reliquis est Concilium Claromontanum, sive Arvernicum anni 1095., in quo ipsemet Pontifex Maximus præfuit cum Cardinalibus quibusdam, item 13. Archiepiscopis, Episcopis 225., Abbatibus nonaginta, & amplius præter viros Religiosos, & honestissimos complures. Ibidem confirmata sunt Concilii Placentini Capitula, ac præsertim, quæ adversus Simoniacos edita fuerant, & incontinentiam Clericorum. In referendis Concilii hujus Canonibus varia fuit Collectorum industria; siquidem ex MSS. Codicibus, qui hodie supersunt, modo plures, modo pauciores canones numerantur; modo brevii, & compendio quodam perstricti, modo fusa oratione illustrati. Paucos ex istis Canonibus apud Gratianum habemus. Ex his est canon 1. dist. 60., qui in Canonibus Claromontanis a Baluzio editis legitur ordine secundus, consonatque cum verbis Gratiani, dummodo pro illis Gratiani verbis: *Nisi Presbyteri sint legamus: Nisi Presbyter sit.* Apud Labbeum aliter legitur numero 3., ibi: *"Ut nullus fiat Decanus in Ecclesia, nisi Presbyter, nullus Clericus teneat Archidiaconatum, nisi ipse dignitatis habeat gradum; ut nullus sit Archiepiscopus, quod alicubi dicitur Decanus, nisi sit Sacerdos ordinatus. Hæc tempore Urbani Papæ, & his similia definiti decebat, quod sine discrimine Ecclesiasticæ Dignitates indignis, aut incapacibus conferrentur a plurimis, habita tantummodo a conferentibus preli ratione.*

Can. 4. Sententia canonis 4. cau. 1. qu. 3. aliter legitur in diversis Claromontani hujus  
can. 1. Concilii exemplaribus. Apud Labbeum in cap. 7. his verbis: *"Ut altaria Congregationibus Canonicorum, vel Monachorum per personas data, mortuis personis libera redeant in manus Episcoporum, nisi fuerint illis per eorum scripta, vel privilegia confirmata. Magis consonat cum Gratiano editio Baluziana num. 3., ibi: Quæsum est etiam de Episcopis, qui altaria Monasteriis data frequenter redimi pecunia compellebant. Decretum itaque est: Quia quidam Simoniacæ pravitatis usus in Galliarum partibus jam diutius inolevit, ut Ecclesiæ, vel decimæ, quæ vulgari vocabulo apud eos altaria nuncupantur, Monasteriis datæ, sæpius ab Episcopis sub palliata avaritia vendantur, mortuis nimirum, seu mutatis Clericis, quos personas vocant. Nos auctore Deo venialitatem omnem tam ex rebus, quam ex ministeriis Ecclesiasticis propellentes,*

buc

hoc ulterius fieri auctoritate Apostolica prohibemus, sicut etiam prebendas omnes venundandas interdiximus. Porro quaecumque altaria, vel decimas ab annis triginta, & supra, hujusmodi redemptione possedisse Monasteria noscuntur, quiete deinceps, & sine molestia qualibet eis possidenda firmamus. Salvo utique Episcoporum censu annuo, quem ex eisdem Altaribus habere soliti sunt. Eadem propemodum verba leguntur in Concilio Nemaufensi sub Urbano II. etiam celebrato edito a Dacherio in tomo 4. Spicilegii. Exhibet hic canon depravatam illius temporis disciplinam de Altarium, & beneficiorum possessione. Clerici utpote incontinentiz Rei tanquam indigni a Laicis ex Ecclesia deiciebantur, ac redditibus spoliabantur. Laici sacris Canonibus pressi, cum retinere penes se Ecclesias nollent, Monachis dabant. Monachi rerum Ecclesiasticarum tunc temporis maxime cupidi res Ecclesiasticas haec acceptas Clericis restituere detestabant, variis pretextibus in semel capta rerum & jurium possessione consistentes. Antonius Dadinus Altaerra lib. 4. Dissertat. Juris Canonici cap. 8. scribit, clausulam, quae in hoc Claromontano canone legitur, salvo Episcoporum censu annuo &c. fuisse adjectam commento Episcoporum, qui peccandi titulum, & auctoritatem querebant. Ego vero non video heic talem, ac tantum peccandi titulum, cum ageretur de bonis, & juribus Episcopalibus, quae ex tolerantia, & mero pacis bono penes Monasteria relinquebantur, alias integra ad primam Episcoporum potestatem, quasi postliminio reversiona.

Canon 46. cau. 12. qu. 2. legitur eisdem verbis in canone 1. editionis Baluzianae Concilii Claromontani. Cossartius quaedam edidit hujus Concilii fragmenta ex veteri membrana Pithoei, inter quae num. 3. ita legitur: *Ut post obitum Sacerdotis quilibet nullus Laicus usurpet sibi bona illius, sed Ecclesiae, cujus dum fuit sponsus, obit, remaneant, ut in illius locum succedenti necessaria praebent. Nisi quod vivens pro anima sua distribuierit. Videtur haec velut compendiaria quaedam summa Gratiani, & Baluziani canonis. Vulgata Concilii Claromontani editio in can. 31. ita habet: Ne aliquis Clericus res Episcoporum, vel Clericorum vel in vita, vel post mortem eorum diripiat, vel in usus proprios conferat. Quod si quis fecerit, anathema sit, & dictum est ab omnibus fiat, fiat. In hac Codicum varietate, cum certo affirmare non possimus, qualis sit editio praefenda, prudens quilibet in ea parte constantissime adharebit, in qua videt inter se Codices minime dissonare.*

His Canonibus addendum arbitror canonem 6. cau. 16. qu. 2., cujus verba eadem fere leguntur in canone 4. Concilii Claromontani a Baluzio editi, ibi: *Sane quia Monachorum quidam Episcopis jus suum auferre contendunt, statuimus, ne in Parochialibus Ecclesiis, quas tenent, absque Presbyterorum consilio Presbyteros collocent, sed Episcopi Parochiae curam cum Abbatibus consensu Sacerdoti committant, ut ejusmodi Sacerdotes de plebis quidem cura Episcopo rationem reddant, Abbati vero rebus temporalibus ad Monasterium pertinentibus debitam subjectionem exhibeant, & sic sua cuicunque jura serventur. Quae eadem habentur in can. 1. Concilii Nemaufensis sub eodem Urbano II. celebrati anno 1096. Atque ex hoc eodem Nemaufensi Concilio can. 9. depromptus videtur versiculus in Parochialibus, his verbis legendus: Sacerdotes, quando regendis praecipiuntur Ecclesiis, de manu Episcopi curam animarum suscipiant, & in tota vita sua Deo deserviant, nisi canonico degraudentur judicio. Quod si ambitionis, vel cupiditatis causa ad aliam diuorem migraverint Ecclesiam, utramque amittant.*

Can. 46.  
cau. 12.  
qu. 2.

Can. 6.  
cau. 16.  
qu. 2.

## CAPUT LXIV.

## De Conciliis Callisti II.

Ad Concilia Callisti II. pertinent sequentes Canones.

- Can. 8. dist. 27. consonat cum sententiis tum Rhemenfis, tum Lateranensis Concilii.*
- Can. 2. dist. 60. paullo varius in diversis Codicibus, & Conciliis.*
- Can. 3. dist. 62. consonat cum vulgatis Lateranensis Concilii exemplaribus.*
- Can. 10. cau. 1. qu. 1. consonat cum sententiis tum Rhemenfis, tum Lateranensis Concilii.*
- Can. 14. cau. 10. qu. 1. paullo varius in diversis exemplaribus.*
- Can. 37. cau. 12. qu. 2. Urbano Pontifici per Gratianum adscriptus.*
- Can. 10. cau. 16. qu. 1. varius in diversis Concilii exemplaribus.*
- Can. 11. cau. 16. qu. 7. paullo varius in diversis Concilii exemplaribus.*
- Can. 25. cau. 16. qu. 7. consonat sententiis tum Rhemenfis, tum Lateranensis Concilii.*
- Can. 23. cau. 24. qu. 3. paullo varius in diversis Codicibus.*

**P**ervenimus tandem ad Gratiani tempora, quibus non est verosimile, aut Gratianum executuisse adeo, ut vera ab apocryphis non secerneret, aut adeo improbum fuisse, ut falsa posteritati obtruderet. Agimus de Conciliis Callisti II. Gratiani ejusdem ætate celebratis, quæ duo sunt ex illis, quorum fragmenta in suum Codicem idem Gratianus retulisse videtur, scilicet Rhemense prius in Gallia, Romano posterius, sive Lateranense. Rhemense Concilium, licet generale totius Ecclesiæ dici non possit, proxime tamen generalibus Conciliis accedit, non tantum ratione Pontificis Maximi, qui illud indixerat, sed etiam ratione illorum, qui eo convenerant. Illud indixerat jam Gelasius II., qui immatura morte præreptus, absolvendum Concilium reliquit a successore Callisto. Eo autem convenerunt in Basilicam S. Mariz Rhemenfis anno 1119. sub eodemmet Pontifice Maximo Præsidente Archiepiscopi numero quindécim, Episcopi plures, quam ducenti, atque alii permulti in dignitate Ecclesiastica constituti. Atque in eo discussa sunt plura disciplinæ Ecclesiasticæ capita ad vitam, honestatemque Clericorum, rerumque Ecclesiasticarum administrationem pertinentia. Hujus Concilii acta vulgata sunt in editione Labbeana Conciliorum ex Apographo Jacobi Sirmondi, atque his accesserunt adnotationes ex Ordere Vitali Hitor. Ecclesiast. lib. 12., & Hefione Scholastico, qui testatus est, se ejusdem Concilii gesta & vidiſſe, & audiviſſe, & fideliter retuliſſe. Edidit præterea Baluzius de concord. Sacerd. & imper. lib. 8. cap. 21. ex MS. Segueriano perverſutto, & fere illius ætatis. Alterum Concilium, quod est Lateranense, celebratum est anno 1123. ut quoquomodo miseranda illa diffidia componerentur, quæ res Impetii & Ecclesiarum quotidie turbabant; interea vero plura disciplinæ Ecclesiasticæ capita discussa sunt ibidem, ac definita. Acta hujus Concilii, sive canones tum in Labbeana Collectione descripti inveniuntur, tum etiam Baluzii opera in lucem prodierunt ex vetusto Codice MS. Monasterii Ananienſis; at tamen sive numerum

CANO-

canonum, five ordinem eorundem spectemus, Labbeanus codex a Baluziano non-nihil dissonat, quemadmodum commodius in subjectis capitibus animadvertam.

Ad canonem 8. dist. 27. Romani Correctores adnotaverunt, cum inventum fuisse *Can. 8. in codice Vaticanæ Bibliothecæ in fragmento cujusdam Concilii ab Urbano II. habiti* *dist. 27.* cap. 2. Non est tamen, cur facile Urbano II. hunc eundem canonem tribuamus, cum Gratianus expresse illum adscripserit Callisto II., cujus ætate vivebat; hodie præsertim cum integris Callisti Conciliorum editiones habere videamur, quæ Correctorum Romanorum tempora latuerunt. Hujus igitur canonis sententia referenda erit ad Concilia tum Rhemense, tum Lateranense superius memorata; etenim in Rhemensis can. 5. ita legitur: *Presbyteris, Diaconibus, & Subdiaconibus concubinarum, & uxorum contubernia prorsus interdicimus. Siqui autem hujusmodi reperti fuerint, Ecclesiasticis beneficiis priventur, & beneficiis. Sane si neque sic immunditiam suam correxerint, communione careant christiana.* Et in Concilio Lateranensi can. 3. *Presbyteris, Diaconibus, vel Subdiaconibus concubinarum, & uxorum contubernia penitus interdicimus, & aliarum mulierum cohabitationem, præter quas Synodus Nicæna per solas necessitudinum causas habitare permixt, videlicet matrem, sororem, amitam, vel materteram, aut alias hujusmodi, de quibus nulla valeat suspicio oriri.* Clarius autem eandem Gratiani sententiam legimus in canone 21. Concilii Lateranensis in editione Labbeana ibi: *Presbyteris, Diaconibus, Subdiaconibus, & Monachis concubinas habere, seu matrimonia contrahere penitus interdicimus; contralla quoque matrimonia ab hujusmodi personis disjungi, & personas ad penitentiam debere redigi, juxta sacrorum canonum definitiones judicamus.* Hæc eadem verba Callisti II. nomine referuntur in Penitentiali Romano edito ab Antonio Augustino tit. 8. cap. 8. Ceterum idem can. 21. desideratur in Concilio Lateranensi, quale editum diximus a Baluzio ex codice Anianensi; forte, ut arbitror, abrasus a Monachis, qui probrum sibi futurum esse putabant, si ex veteribus monumentis constitisset posteritati, opus fuisse, ut eisdem interdiceretur, aut matrimonia contrahere, aut concubinas habere, quasi sæculo 12. uxoribus, aut concubinis vacassent.

Antonius Augustinus dial. 4. lib. 2. de emendatione Gratiani ait, se vidisse tria *Can. 2. volumina collectionis canonum Anselmo Lucensi tributz, & ibidem legisse Gra-* *dist. 60.* tiani canonem 2. dist. 60. his verbis: *Nullus & in Præpositum, nullus in Archiepiscopum, nullus in Decanum, nullus in Presbyter, vel Diaconus.* Subdit autem se arbitrari legendum esse in *Archiepiscopum*, pro illis verbis: *in Archiepiscopum.* Romani Correctores in vulgatis Gratiani codicibus corruptam lectionem agnoverunt; ita enim in illis hæc quasi canonis epitome legebatur: *Nullus in Præpositum, vel Archiepiscopum, vel Archiepiscopum, vel Archidiaconum, nisi Presbyter, vel Diaconus ordinetur.* Deinde sequebatur canon his verbis: *Nullus in Præpositum, nullus in Archiepiscopum, nullus in Decanum, nisi Presbyter, vel Diaconus; nullus in Archidiaconum, nisi Diaconus ordinetur.* Minus aptam hujusmodi lectionem agnoverunt Romani Correctores, quam propterea ex vetustis Gratiani codicibus emendarunt. Ego vero arbitror, rem esse ad ipsa Lateranensis Concilii superius memorati exemplaria referendam; etenim canonem ipsum lego sive in canone 2. Lateranensi apud Labbeum his verbis: *Nullus in Præpositum, nullus in Archiepiscopum, nullus in Decanum, nisi Presbyter, nullus in Archidiaconum, nisi Diaconus ordinetur;* sive apud Baluzium in can. 6. ibi: *Nullus etiam in Præpositum, nullus in Archiepiscopum, nullus in Decanum, nisi Presbyter, vel Diaconus; nullus in Archidiaconum, nisi* *Diaconus*

*Diaconus ordinetur.* Hujusmodi constitutio pluries firmata est circa finem sæculi 11., & principium sæculi 12., video enim, in Concilio Claromontano anni 1095., quale Baluzius edidit ex vetusto Codice Anianensi, seu Colberino, in canone 2. ita legi: *Nullus Episcopus in Ecclesia sua, nisi Diaconus sit, Archidiaconum instituere, nec Archipresbyterum, aut Decanum, nisi Presbyter sit, ordinare presumat.* Extant quoque a Baluzio editi ex eodem Codice Anianensi canones Concilii Tolofani sub Callisto II. anno 1119. habiti, in quo can. 6. hæc habentur: *Nullus etiam in Prespositum, nullus in Archipresbyterum, nullus in Decanum, nisi Presbyter, nullus in Archidiaconum, nisi Diaconus ordinetur.* In hac Codicum varietate prudens quilibet illud probabit, quod omnium Codicum auctoritate firmum agnoscat; Interea vero observabit, sæculo undecimo, & duodecimo obviam itum fuisse gliscenti abutui, quo Ecclesiastica beneficia passim indignis, atque incapacibus conferebantur, ut plurimum interveniente pretio, aut alia abominabili causa.

De canone 3. dist. 62. altum silentium servant Correctores Romani; nec enim indicant, quo ex fonte decerptus ille fuerit. Hodie eundem facile reperiemus, sive in editione Labbeana can. 10. ibi: *Nullus in Episcopum, nisi canonice electum, ad consecrandam manum mittat; quod si presumpserit, & consecratus, & consecrator absque recuperationis spe deponatur;* sive in editione Baluziana can. 3. ibi: *Nullus in Episcopum, nisi canonice electus, consecratur. Quod si presumptum fuerit, & consecratus, & consecrator absque recuperationis spe deponatur.*

Ad canonem 10. cau. 1. qu. 1. generaliter tantummodo observaverunt Correctores Romani, Callistum II. plura *adversus simonias, & investituras Ecclesiarum, a Germanicis Imperatoribus usurpatas decrevisse*, sed ejusdem canonis originem minime indicaverunt. Referendus itaque erit ad Concilium Lateranense I. jam memoratum, in cujus canone 1. eadem omnino leguntur sive in Labbeana, sive in Baluziana editione. Similia etiam leguntur in can. 1. Concilii Rhemensis, de quo etiam superius nonnulla attigimus.

In eodem Lateranensi Concilio apud Labbeum can. 14., apud Baluzium can. 11. & 12. legitur can. 14. cau. 10. qu. 1. Ita Labbeus. *Sanctorum Patrum canonibus consona sentientes, oblationes de Sacratissimo, & Reverendissimo Altari B. Petri, & Salvatoris, S. Mariæ Rotundæ (addit Baluzius: & Sancti Nicolai Barenfis, Sancti Agidii) ac de aliis omnium Ecclesiarum Altaribus, sive Crucibus a Laicis auferri penitus interdiciamus, & sub anathematis distractione firmamus. Ecclesias a Laicis in castellari, aut in servitutem redigi, auctoritate Apostolica prohibemus.*

Huc pertinere videtur canon 37. cau. 12. qu. 2., qui legitur in postremo canone Concilii ejusdem Lateranensis apud Labbeum, his tamen verbis: *Alienationes, quæ specialiter per Ottonem, Guidonem, Hieremiam, seu forte Philippum, ubi ibi de possessionibus Ravennatis Exarchatus factæ sunt, damnamus; generaliter autem omnium per intrusionem, seu canonice electorum sub Episcopi nomine, aut Abbatis, quod secundum usum Ecclesiæ suæ consecrandus est, alienationes quocumque modo factas, nec non personarum ordinationes ab eisdem sine communi consensu Clericorum Ecclesiæ, sive per simoniam itidem factas, irritas judicamus. Illud etiam per omnia interdiciamus, ut nullus Clericus præbendam suam, seu aliquod Ecclesiasticum beneficium, aliquo modo alienare presumat; quod si presumptum olim fuit, vel aliquando fuerit, irritum erit, & canonice ultioni subiacebit.* In Codice Baluziano hic canon omnino desideratur. Gratianus autem Urbano Pontifici potius adscripsit. Quamobrem & de hujus canonis



nonis auctoritate commodius agam in secunda istius operis parte, ubi de Urbano ipso, & ejus capitibus differendum erit.

Canon 10. cau. 16. qu. 1. habetur in canone 17. Concilii Lateranensis eisdem. Can. 10. cau. 16.  
omnino verbis in editione Labbei. Multo aliter habet editio Baluziana in can. 16., cau. 16. qu. 1.  
ibi: Sanctorum etiam Patrum vestigiis inhaerentes generali decreto sancimus, ut Monachi propriis Episcopis cum omni humilitate subiecti existant, & eis, ut Magistris, & Ecclesie Dei Pastoribus, debitam obedientiam, & devotam in omnibus subjectionem exhibeant. Publicas Missarum solemnitates nusquam celebrent, a publicis etiam infirmorum visitationibus, inunctionibus, seu etiam penitentiis, quod ad illorum nullatenus officium pertinet, sese omnino abstineant. In Ecclesiis vero, quibus ministrare noscuntur, Presbyteros non nisi per manum sui Episcopi habeant, qui et de animarum cura suscepta respondeant. In hac Codicum varietate arbitrarer, Gratianam potius lectionem ceteris esse antefereendam, ubi praesertim Labbeanus Codex cum Gratiano congruit, cum agamus de canone edito Gratiani ejusdem temporibus, & quod non nisi cum maxima impudentia Gratianus ipse corrupisset.

Canon 11. cau. 16. qu. 7., qui nomen Callisti praefert, referendus est ad Concilium idem Lateranense can. 7. in Labbeana, & can. 4. in Baluziana editione. Can. 11. cau. 16. qu. 7.  
Et quidem sive Labbei, sive Baluzii Codex videtur cum fragmento Gratiani congruere, pro illis tamen Gratiani verbis animarum cura, & pecuniarum Ecclesiasticarum dispensatio legit Labbeus, & Baluzius: cura, & rerum Ecclesiasticarum dispensatio.

Romani Correctores ad canonem 25. cau. 16. qu. 7. ita adnotaverunt: Inter Can. 25. cau. 16. qu. 7.  
decreta Callisti, ex quo citatur, non est inventum. Habetur in decretis Paschalis II. MSS. cop. 3., sed non est mutatum nomen Callisti, quia Pontifices isti, qui istdem fere temporibus fuerunt, frequenter eadem decreta suorum antecessorum repetebant. Nondum Romanorum Correctorum aetate prodita fuerant, ut video, aut etiam Romanis Correctoribus fuerunt prorsus ignota acta nuper memorati Concilii Lateranensis sub Callisto; in quibus canone 8. apud Baluzium, canone 4. apud Labbeum haec leguntur. Praeterea juxta Beatissimi Stephani Papae sanctionem statimur, ut Laicis, quamvis Religiosi sint, nullam tamen de Ecclesiasticis rebus aliquid disponendi habeat facultatem, sed secundum Apostolorum canones omnium negotiorum Ecclesiasticorum curam Episcopus habeat, & ea velut Deo contemplante dispenset. Si quis ergo Principum, aut Laicorum aliorum dispensationem, vel donationem rerum, sive possessionum Ecclesiasticarum sibi vindicaverit, ut sacrilegus judicetur. Postrema haec verba eadem sunt cum Gratiani fragmento. Simile quidpiam constitutum est in Rhemeni Concilio etiam superius memorato, in quo ita constitutum legimus can. 2. Episcoporum, & Abbatum investituram per manum laicam fieri prohibemus. Quicumque igitur Laicorum deinceps investire praesumpserit, anathematis ultioni subiaceat. Porro qui investitus fuerit, honore, quo investitus est, absque ulla recuperationis spe omnimodis careat.

Canon 25. cau. 24. qu. 3. habetur in eodem Concilio Lateranensi can. 16. in Can. 25. cau. 24. qu. 3.  
editione Labbeana his verbis: Si quis Romipetas, & peregrinos Apostolorum limina, & aliorum Sanctorum Oratoria visitantes capere, seu rebus, quas ferunt, spoliare, & novis teloneorum, seu pedaticorum exactionibus molestare tentaverit, donec satisfecerit, communione abstineat Christiana. Paulo aliter Baluzius ex Codice Ananienfi can. 14., ibi: Romipetas, & peregrinos, seu mercatores, & peregrinos Apostolorum limina, & aliorum Sanctorum Oratoria visitantes capere, seu rebus, quas ferunt, spoliare, vel no-

vis teloneorum, seu pedagiūm exactionibus moleſtare tentaverint, donec ſatiſfecerint, communione careant cbriftiana.

## CAPUT ULTIMUM.

### De nonnullis canonibus, a Gratiano tributis vel Concilio Matienſi, vel cuidam Concilio Romano.

Quæcumque Concilia a Gratiano relata, nota ſunt Collectoribus Synodorum, quæque ſuis ordinate temporibus accommodari potuerunt, huc uſque expendimus. Nonnulla adhuc ſuperſunt fragmenta, quæ aut Concilio Matienſi, aut Concilio Romano apud Gratianum inſcribuntur. Huiusmodi ſunt.

Ex Concilio Matienſi. { *Can. 40. diſt. 50. referendus ad Concilium Wormatienſe.*  
*Can. 41. diſt. 50. referendus ad Pœnitentiale Romanum Antonii Auguſtini.*  
*Can. 2. cau. 4. qu. 2. pertinet ad Capitularia Caroli Magni.*

Ex Concilio Romano { *Can. 3. cau. 35. qu. 10. apocryphus, & in Lateranenſi Concilio reprobatuſ.*

*Can. 40. diſt. 50.* Canon 40. diſt. 50. nomine Concilii Matienſis a Gratiano relatuſ pertinet ad Concilium Wormatienſe anni 868., etenim ibi canone 27. hæc habentur: *Qui odii meditatione, vel propter avaritiam Paganum occiderit; quia non levi vitio committitur, ut homicidam convenit pœnitere: quandoquidem nec exteris gentibus, niſi oblatam pacem reſpuerint, bellum eſt populo antiquo penituſ inferre præceptum.* Conſonant hæc cum ſententia canonis Gratiani, quam tamen Gratianuſ ipſe, vel quicumque Gratiano auctoreſ extiterunt, paullo aliſet retulere, quam in Concilio ipſo habeatur. Inter cetera Gratianuſ definivit pœnitentiam quadraginta dierum in pane, & aqua. Juvat id peculiariter diſcutere, atque una inquirere in ſequentem canonem, videlicet 41. diſt. 50. Porro verba canonis 41. habentur in cap. 16. tit. 1. *Can. 41. diſt. 50.* Pœnitentiaſ Romani editi ab Antonio Auguſtino, cum hac epigraphe: *judicium canonum;* ubi tamen pro illiſ: *Presbyter duodecim annis pœniteat, tres ex hiſ pane, & aqua,* ita legitur: *Presbyter duodecim annis pœniteat; quatuor ex hiſ in pane, & aqua.* Quod itaque pertinet ad quadraginta dieſ pœnitentiæ, qui illi imminet, qui paganum occiderit ex odii meditatione, ut dicitur in can. 40. puto excerptum fuiſſe ex Pœnitentiaſi laudato a Reginone in lib. 2. de Eccleſiaſt. Diſcipl. cap. 51. hiſ verbis: *Si quiſ hominem in bello publico occiderit, quadraginta dieſ pœniteat.* At quod ſpectat

spectat ad disciplinam canonis 41. dist. 50. non video eam aut universalem fuisse, aut diu in Ecclesiis perseverasse. Nam Regino in cap. 46. lib. 2. refert Pœnitentiale Halitgarrii lib. 6. cap. 1., in quo & Sacerdotum, & Episcoporum homicidarum pœnitentia decem annis absolvitur, ibi: *Si quis Episcopus, aut aliquis ordinatus homicidium fecerit, decem annos pœniteat, tres ex his in pane, & aqua.* Mitior erat pœnitentia Clericorum inferiorum, quemadmodum ibidem legitur apud Reginonem in cap. 52. *Si Clericus homicidium fecerit, & proximum suum occiderit odii meditatione, exul septem annis pœniteat.* Similia quædam habentur in Concilio Moguntino anni 847. can. 14., ibi: *Qui Presbyterum occidit, duodecim annorum ei pœnitentia secundum statuta priorum imponatur.* Circa sæculum 7. in Gallia quicumque hominem Ecclesiasticum interfecisset, pecunia Ecclesiæ præstita redimebat: sic in Capitularibus Dagoberti Regis anni 630. apud Isaacum Lingonensem tit. 2. cap. 5. legitur: *Qui Subdiaconum occiderit, 300. solidos componat: qui Diaconum, 400. solidos, qui Presbyterum, 600., qui Episcopum, 900., qui Monachum, 400. solidos culpabilis iudicetur.* Atque hoc ipsum in legibus Longobardorum lib. 1. tit. 9. cap. 27. In excerpto Gregorii III. quædam habentur sub hoc titulo: *Judicia congrua pœnitentibus,* atque inter cetera cap. 3. ita statutum est. *Qui occiderit Episcopum, aut Presbyterum, aut Diaconum, Regi dimittendum est ad iudicandum. Qui occiderit minoris ordinis Clericum, in iudicio est Episcopi iudicandus, ut arma relinquat, & in Monasterio Deo serviat, vel septem annos cum luctu pœniteat.* De pœnitentia duodecim annorum peragenda ab eo, qui Presbyterum occidit, agitur in can. 24. cau. 17. qu. 4. Ex quibus omnibus liquido constat, non eandem apud omnes, aut diu hac in parte disciplinam viguisse in infligendis homicidiorum pœnis. Vulgaris tamen, atque ut plurimum definita pœnitentia septennio perdurabat ex Concilio Ancyrano, quemadmodum duodecim annorum pœnitentia illi præstítuebatur, qui presbyterum occidisset. Ceterum dictus Gratiani canon 41. paullo obscurus videtur; neque enim facile, quis divinare potest, utrum de Episcopis, Presbyteris, & Diaconis occidentibus, an de Episcopis, Presbyteris, vel Diaconis occisis sit intelligendus. Si verborum corticem intueamur, de interficientibus sermo haberi videtur; at de occisis oratio instituta, si eos canones perscrutemur, ex quibus auctor Pœnitentialis Romani hoc fragmentum composuit. Ego sane de interfectis intelligo, ut sententia Gratiani cum ipsis vetustis Conciliorum canonibus congruat; neque enim adeo verbis Collectoris, & proprietati formularum inhærendum puto, ubi aliter suadet veterum canonum sententia, ubi etiam fragmenti auctor de verborum proprietate servanda aliis in locis minus sollicitus fuisse dignoscitur.

Canon 2. cau. 4. qu. 2. ex illis est, quorum inscriptionem Burchardus Wormatiensis ex industria immutavit. Jam pluries monui, Burchardum abstinuissse a nominandis Francorum Regum Capitularibus, cum scriberet apud Germanos, quibus eadem Capitularia valde erant invisa; & quoties fragmenta Capitularium recitaret, alius auctoris nomine inscripssse. Itaque Burchardus relaturus caput 52. lib. 3. Capitularium, illud Maticensi Concilio adtribuit. Pertinet autem ad Capitulare 2. Caroli Magni anni 809., in quo ita statutum est canone 6. *Ut testes ad testimonium dicendum premio non conducantur, & ut nullus testimonium dicat, aut Sacramentum juret, nisi jesusus; & ut testes, priusquam jurent, separatim discutiuntur, quid dicere velint de illa re, unde testimonium reddere debent.* Hæc ipsa habentur in lib. 2. legum Longobardorum tit. 51. cap. 6., & ex Capitularibus Francorum descriptis Regino Prumiensis in lib. 2. de Ecclesiast. Discipl. cap. 336.

Tribus

Can. 2.  
cau. 4.  
qu. 2.

Can. 3.  
cau. 35.  
qu. 10.

Tribus in locis Romani Concilii meminit Gratianus, quia tamen demonstraret, quodnam specialiter ex Romanis Conciliis indicare voluerit; videlicet in can. 16. cau. 3. qu. 6., in can. 3. cau. 1. qu. 7., & in can. 3. cau. 35. qu. 10. Jam suo loco demonstratum est, canonem 16. cau. 3. qu. 6., & canonem 3. cau. 1. qu. 7. pertinere ad Capitula, quæ vulgo appellant nomine Hadriani Papæ. Dicendum superest de canone 3. cau. 35. qu. 10., cujus autographum in nullo ex Romanis Conciliis editis quisquam inveniet. Ego arbitror, Gratianum, aut quemvis alium, qui Gratiano auctor extiterit, voluisse referre se ad Concilium Romanum, quod vulgo dicitur celebratum sub Gregorio II. anno 721., ubi canone 9. hæc leguntur: *Si quis de propria cognatione, vel quam cognatus habuit, duxerit uxorem, anathema sit.* Ast hanc Romani Concilii sententiam sive Gratianus, sive quisquis alius corruperunt, & in aliam omnino sententiam detorserunt, imo etiam quomodo detortam adversus receptas Ecclesiastici juris regulas explicarunt. Etenim circa seculum undecimum tradi cæpit a quibusdam duplex primum, deinde triplex adfinitatis genus, antiquis Sacrorum canonum, necnon Romanarum legum Conditoribus prorsus ignotum. Primum genus illud esse dixerunt, quod in vera, & proprie dicta adfinitate consistit, ea videlicet, quam contrahit uxor cum marito consanguineis, vel maritus cum consanguineis uxoris. Alterum genus agnoverunt inter filios ab uxore ad secundas nuptias progrediente editos, & consanguineos primi mariti, vel inter filios mariti ad secundas nuptias progredientis, & consanguineos primæ uxoris. Tertium genus esse dixerunt inter filios susceptos a marito in secundo matrimonio, quoties in primo Matrimonio viduam alterius sibi junxerit, & consanguineos prioris mariti uxoris suæ. Porro quicumque hæc adfinitatis genera induxerunt scrupulosus, cum non invenirent capita ulla Ecclesiastici juris, sive in Conciliis edita, sive inter sententias Sanctorum Patrum, vel Pontificum, ipsimet capita ad rem suam probandam accommoda confinxerunt. Confinxerunt in primis rescriptum Gregorii Papæ ad Venerium Calaritanum, quod retulit Gratianus in can. 1. cau. 35. qu. 10., Confinxerunt duo Innocentii Papæ decreta, relata in canones 2., & 5. eadem causa & questione; Confinxerunt decreta Hygini Pontificis in can. 4. ibidem; Confinxerunt denique canonem Concilii Romani relatum in dicto canone 3., imo & in dicto canone 5. finxerunt, Innocentium Papam conficere illius Romanæ Synodi auctoritate motum jam de secundo affinitatis genere pronunciasse. Apocrypha hæc omnia sunt, quemadmodum suo in loco singillatim ostendam, quæ sæculo demum 11. in lucem prodire sunt, licet vetustissimis Pontificibus Maximis tribuantur. Sane si veterum disciplinam respiciamus, nullibi agnosceremus varia hujusmodi genera adfinitatis, cum passim apud veteres constet, consanguineos uxoris etiam proximos consanguineis mariti matrimonio jungi libere potuisse 9. 8. instit. de nuptiis, lib. 2. leg. Longobard. rit. 8. leg. 1., 4., & 12., Concilio Wormatiensi can. 78., Concilio Bituricensi anni 1031. can. 18., Turonensi anni 1060. can. 9., & Romano anni 1063. can. 9. Memoro hæc potissimum undecimi sæculi Concilia, ut constet, sæculo undecimo Ecclesiæ plura illa adfinitatis genera nondum fuisse recepta. Primum de illis sermonem instituit Anselmus Lucensis in sua collectione circa annum 1080., & ex Anselmo Lucensi non longe postea Gratianus in causa 35. sive quæst. 10. per totam, sive quæst. 2. post canonem 21., utentes apocryphis monumentis, quibus novam doctrinam probare conantur, aut confirmare. Licet vero magna fuerit sub finem sæculi 12.,

&c.

& initio sæculi 13. Gratiani existimatio, & Gratianæ doctrinæ, & recipi quoquo modo cœperit hæc de triplici adfinitatis genere disciplina, non tamen hæc eadem diu vigere potuit, cum & Pontificibus Maximis, & Sacris Antistitibus displiceret. Quamobrem in Concilio Lateranensi Innocentii III. anni 1215., improbata penitus fuit, ut constat ex cap. 8. de consanguinit. & adfinit. Licet autem ibidem Lateranenses Patres professi fuerint, se antiquas Ecclesiæ constitutiones, & vetera jura immutare, non tamen ideo id pronunciarunt, quod revera antiquis Ecclesiæ constitutionibus jam recepta fuissent tria illa adfinitatis genera, seu quod in animo habuissent discutere, utrum quæ nomine veterum Patrum fragmenta refererantur, revera eorundem Patrum opus existerent, sed contenti reprobare disciplinam, quin solertius in auctorum disciplinæ ejusdem personas inquirerent. Ceterum non omiserunt tradere, disciplinam ipsam, & difficultatem frequenter inducere, & aliquando periculum parere animarum. Unum adhuc observari posset in dicto canone 3. cau. 35. qu. 10., illius fragmenti auctorem parum apte fuisse loquutum ad novam doctrinam, cujus forte & ipse auctor extitit, confirmandam, etenim ea loquendi formula usus fuisse videtur, quæ facile quispiam contrariam sententiam voluntati auctoris affingat. Quid enim significant illa verba, quibus dicitur, sobolem ex secundo matrimonio susceptam nullo modo posse ad consortium cognationis viri prioris pertingere? Gratianus interpretatur, quasi soboles ex secundis nuptiis susceptæ non possint cognatis viri prioris matrimonio jungi, nomine consortii cognationis conjugium cum cognatis ineundum intelligens. Quis vero commodius aliter, & e contrario non interpretaretur, asserens sobolem secundi matrimonii nullum consortium habere cognationis cum cognatis mariti defuncti, atque ita cum illis libere posse matrimonio jungi? En quo tandem adducantur novæ doctrinæ minus integri Conditores, qui, dum veteribus Patribus sententias suas affingunt, eas affingunt, quæ possunt in utramque partem flecti facile interpretando. His ita expositis absolutam pro viribus exhibeo priorem hujus Operis Partem, quam si benigne susceperint studiosi Jurisprudentiæ Sacræ Cultores, futurum erit, ut labores meos in duabus aliis Partibus edendis gravissimos levet exinde profectura jæcunditas animi singularis.







